


Cohãcjã Yere
Yahuducuri Tju



New Testament in Piratapuyo (CO:pir:Piratapuyo)

Cohãcjã Yere Yahuducuri Tju

New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022
ad83cef1-6eb5-5233-a8f3-356e47bbda0d

Contents

San Mateo	1
San Marcos	52
San Lucas	83
San Juan	137
Hechos	175
Romanos	222
1 Corintios	245
2 Corintios	268
Gálatas	282
Efesios	290
Filipenses	298
Colosenses	303
1 Tesalonicenses	308
2 Tesalonicenses	312
1 Timoteo	315
2 Timoteo	321
Tito	325
Filemón	328
Hebreos	330
Santiago	348
1 San Pedro	354
2 San Pedro	360
1 San Juan	364
2 San Juan	369
3 San Juan	370
San Judas	371
Apocalipsis	373

San Mateo

Jesucristo Cohācǵū macano tiqiro acaye panopu cǵēna ijire (Lc 3.23-38)

¹ Jesucristo acayere panopu cǵēnare yahutja yahu. Tiquiro ñecano manano panopu cǵāno Davi wame tiriqiro ijie tiahye. Tiquiro ijiato pano tiquina ñecano manano iji turiariqiro Abrahā wame tiriqiro ijie tiahye.

² Abrahā Isaac pacuro ijiahye. Isaac Jacob pacuro ijiahye. Jacob Judā gāhu pacuro ijiahye.

³ Fare, Zara mehna tiquina pacuro Judā ijiahye. Tiquina pacoro Tamar wame tiriqiro ijiahye. Fare Esrom pacuro ijiahye. Esrom Aram pacuro ijiahye.

⁴ Aram Aminadab pacuro ijiahye. Aminadab Naasón pacuro ijiahye. Naasón Salmón pacuro ijiahye.

⁵ Salmón Booz pacuro ijiahye. Tiquiro pacoro Rahab ijiahye. Booz Obed pacuro ijiahye. Tiquiro pacoro Rut ijiahye. Obed Isai pacuro ijiahye.

⁶ Isai Davi pacuro ijiahye. Davi pehe Israe masa puhtoro ijiahye. Tiquiro Uria wame tiriqiro manano namonore tiqiro namo tiri bato Salomo wame tiriqirore pohna tiahye.

⁷ Salomo Roboam pacuro ijiahye. Roboam Abia pacuro ijiahye. Abia Asa pacuro ijiahye.

⁸ Asa Josafat pacuro ijiahye. Josafat Joram pacuro ijiahye. Joram Uzia pacuro ijiahye.

⁹ Uzia Jotam pacuro ijiahye. Jotam Acaz pacuro ijiahye. Acaz Ezequia pacuro ijiahye.

¹⁰ Ezequia Manase pacuro ijiahye. Manase Amón pacuro ijiahye. Amón Josia pacuro ijiahye.

¹¹ Josia Jeconia gāhu pacuro ijiahye. Tiquina ijiri pjere Israe yehpa cǵēnare Babilonia cǵēna pehe ñehe cāhye tiquina ya yehpapa.

¹² Sa ye Babilonia yehpapa tiquina esari bato, Jeconia Salatiere pohna tiahye. Salatiel Zorobabel pacuro ijiahye.

¹³ Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye.

¹⁴ Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye.

¹⁵ Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye.

¹⁶ Jacob José pacuro ijiahye. José María manano ijiahye. María pehe Jesu pacoro

ijiri. Jesu pehe masare yahuoatiqiro ijiro, Cristo tiquina ni pisuriqiro ijiri.

¹⁷ Sa yeye Abrahāre mari queo mahtagū tee Davire mari queo bato tigū ahriquina ijipihtiyequina tiquina panamena mehna ijije, catorce cururi waro ijiahye. Sa yeye mari pari turi Davire mari queo mahtagū tee Babiloniapu Israe masare tiquina neato pano mari queo bato tigū ijipihtiyequina tiquina panamena mehna ijije, catorce cururi waro pari turi ijiahye. Sa ye tuhasa Babiloniapu tiquina esari bato mari queo mahtagū tee Cristo tiqiro masa bajuagūpu mari queo bato tigū ijipihtiyequina tiquina panamena mehna ijije, catorce cururi waro ijiahye tja.

Jesucristo tiqiro masa bajarire yahuahye (Lc 2.1-7)

¹⁸ Sa ye ohō saha Jesucristo masa bajuari jiri. Tiquiro pacoro María pehe José mehna omoca duhteaticoro ijiahye. Sa yero ticoro omoca duhteato pano Espiritu Santo tutu-aye mehna coā nijinogāre ne buca cāhtarō masiahye ticoro basi.

¹⁹ Sa yero José ticorore omoca duhteatiqiro tire masino, poto ijiyere yeriqiro ijiro ticorore cohāno taro nimahye. Masa tiquina ihōno ticorore buoro ye dueraro, masa tiquina tuhoato pano yahuro marieno ticorore cohāno taro nimahye.

²⁰ Tire tiqiro tahoturi watoa Cohācǵū yaqiro angel pehe quehēnopu Josere bajuaro, ohō saha niahye:

—José, Davi manano panami iji turiagu, María mehna bue tiro marieno omoca duhteya. Ticoro Espiritu Santo yedohoro mehna coā nijinogāre ne buca cāhtaricoro ijire. Sa yegu bue tiro marieno omoca duhteya ticorore.

²¹ Ticoro pohna tirota. Tiquirota ticoro macanota tiqiro ya maca cǵēnare pecapu wahaboriquinare yahuoatiqiro ijirota. Tiquiro sa yahuoatiqiro ijigū ihñagū Jesu wame yeguta muhu tiqirogāre, niahye angel Josere.

²² Ahri ijipihtiye sa wahahye panopu cǵāno Cohācǵū yere yahu mahtariqiro tiqiro ni ojoariro sahata. Tire tiqirore Cohācǵū oja dutiahye. Ohō saha ni ojoahye Cohācǵū yere:

²³ Nuhmino, nijinogāre bocaro pohna tirota ticoro macanogāre. Sa yero Emanuel wame tirota tiqirogā, ni ojoahye Cohācǵū yere.

“Emanuel” nino “Cohācǵū mari mehnata ijire”, nino niaga.

²⁴ Cohācǵū yaqiro angel Josere tiqiro ni yahuri bato José pehe wahcā, angel dutiriro sahata María mehna omoca duhteahye.

²⁵ Tiquiro macanogãre ticoro pohna tiato pano José pehe ticoro mehna ijira tiahye. Ticoro pehe pohna tia wahahye. Sa yero tiquiro pehe macanogãre Jesu wame yeahye.

2

Asū mɔja taro cjēna Jesugãre ihñañe esahye

¹ Herode Judea yehpa cjēna pũthoro tiquiro ijiri pje ti yehparũ ijiri macarũ Belẽpũ Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masifequina asũ mɔja taro cjēna ahta, Jerusalẽpũ wihiahye.

² Sa wihie, masare to cjēnare sinituahye: —¿Judio masa pũthoro ijiatiquiro yojopare nohorũ masa bajuagari tiquiro? Asũ mɔja taropũ cjāna ijiaja. Sa yena ñahpicoha coã bajua wahã sagũ ihñana “Pũthoro masa bajuaro niaga”, ni masii usã. Sa tia bajuagũ ihñana, usã ihcãno mehna tiquirore ño peona ahtaũ ohõpũ, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugũ tũhoro Herode pehe bajua witi tũhotuahye. Sa yeye ijipihtiequina Jerusalẽ cjēna gũhũ tiquiro yero sahata bajua witi tũhotuahye tiquina gũhũ.

⁴ Sa yero Herode pehe ijipihtiequina pahia pũthoate, mari judio masare buheyequina gũhare tiquiro pijj masmecoa peho, tiquinare sinituahye tiquiro:

—¿Nohopũ masa bajuaboagari Cristo pehe, masã tũhotugũ? ni sinituahye tiquiro.

⁵ Ohõ saha ni yahuahye tiquirore:

—Belẽpũ, Judea yehparũ ijiri macarũ Cristo masa bajuarota. Ohõ saha ni ojoahye Cohãcjũ yere yahu mũhtariquiro:

⁶ Belẽpũ yeequinare Israe masare dutiatiquiro, tiquinare cohteatiquiro ahtarota. Sa yero apeye macari Judea yehparũ ijire macari yahũdoro ijire Belẽ pehe, ni ojoahye Cohãcjũ yere, ni yahuahye tiquina Herodere.

⁷ Tiquina sa ni yahuri bato Herode masa tũhoeropũ asũ mɔja taropũ ahtariquinare pijjoahye. Tiquiro caharũ tiquina esagũ ihñano, tiquinare sinituahye. Tiquiro sa sinitugũ tũhoye, tiquina ñahpicohare ihñari decore yahuahye tiquina.

⁸ Tiquina sa yahuri bato Herode pehe tiquinare Belẽpũ ohoro, ohõ saha ñahye tiquinare:

—Tiquirogãre quehnoano macaña. Tiquirogãre bocana yũhure tojoana yahu tojoaya. Yũhũ gũhũ tiquirogãre ño peou wahau tũñ niaja, ñahye tiquinare Herode.

⁹ Tiquiro sa nidi bato, tiquina wahahye. Tiquina sa wahagũ asũ mɔja taropũ tiquina ihñaria ñahpicoha pehe tiquina pano ahtũ

tãducuahye. Sa yero nijinogã tiquiro ijiri buri waro tojoa wahã sahye tia ñahpicoha.

¹⁰ Sa yeye ñahpicohare ihñañe, tutuaro bucueahye tiquina.

¹¹ Nijinogã tiquiro ijiri wũhũpũ esa, sajãa wahahye tiquina. Sa sajã saye, nijinogãre tiquiro pacoro mehna ijiriquireogãre ihñahye tiquina. Sa ihñañe tiquina dusepe curi mehna quehe sa, tiquirogãre ño peoahye. Ño peo tuhasa tiquina acarire pũoahye. Urure, bueyere, mirra wame tiye ehme sitiye gũhare ne wio, tire tiquirogãre wapa marieno ohoahye.

¹² Tire oho tuhasa carĩa wahahye tiquina. Tiquina sa carĩgũ quehẽnopũ Cohãcjũ yahuahye tiquinare: “Herode caharũ tojoeracãhña”, ni yahuahye Cohãcjũ tiquinare quehẽnopũre. Tiquiro sa ni yahuri bato, tiquina pehe wahcãhye. Tiquina sa wahcãri bato ape maharũ tiquina ya dihtarũ tojoaa wahahye.

José gũhũ Jesugãre Egiptopũ ne duhti cãa wahahye

¹³ Tiquina sa wahari bato Cohãcjũ yaquiro angel quehẽnopũ Josere bajuaro, ohõ saha ñahye:

—Wahcãña. Herode pehe nijinogãre wejẽno taro, macano nine yojopare. Sa ye nijinogãre tiquiro pacoro gũhare Egiptopũ amũñano ne duhti cãa wahaya. Topare yũhũ nidiro punota ijiya, tee yũhũ yahugũpũ, ni yahuahye angel Josere.

¹⁴ Tiquiro sa nigũ tũhoro, José pehe ñamita wahcã, nijinogãre, tiquiro pacoro gũhare Egiptopũ ne duhti cãa wahahye.

¹⁵ Egiptopũ esa, Herode catiro puno topare ijiahye tiquina. Sa yeahye panopũ cjãno Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere: “Egiptopũ ijiriquireore yũhũ macare pijjou”, ni ojoahye Cohãcjũ yere.

Herode macanagãre wejẽ dutiahye

¹⁶ Sa ye ñahpicohare buheyequina tiquina duhti yũhũ cãgũ tũhoro Herode pehe usua yũhũa wahahye. Sa usuaro, Belẽ cjēnare, ti macã duhtũ caha cjēna gũhare tiquina pohne amũagãre pũã cãhma cũoyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tũhoro tiquiro wejẽ duariquirogãre masa bajuari decore masino, “Ohõpe cãhmari cãore” nino, pũã cãhma cũoyequinagãre wejẽ bato ti dutiahye.

¹⁷ Panopũ cjãno Jeremia Cohãcjũ yere yahu mũhtariquiro tiquiro ni ojoariro sahata wahahye. Ohõ saha ni ojoahye tiquiro: ¹⁸ “Ramã wame tiropũ bisirota. Tutuaro bajua witiye mehna utiye bisirota.

Raquel panamena numia iji turiaye numiapu Israe masa namosānumia tiquna pohnene tutuaro utieta. Tiquna pohnene apequina wejēgā ihñañe, ne bujua witi duhusi”, ni ojoahye panopu.

¹⁹ Sa ye Herode tiqiro yariari bato Egiptopu ijiriqirore Josere Cohācjū yaqiro angel quehēnopu bajuahye. Sa bajuaro ohō saha niahye Josere:

²⁰ —Nijnogāre wejē duamediquna yariaa wahari. Sa yegu wahcāña. Tiqirogāre pacoro mehna Israe yehpapu ne tojoa wahaya mahu, ni yahuahye angel Josere:

²¹ Tiqiro sa nidi bato José wahcā, nijnogāre pacoro mehnata Israe yehpapu ne tojoa wahahye.

²² Sa yeperota Arquelao Herode macano pehe tiqiro pacoro comesariqiro ijigū tuhoro José pehe Judea yehpapu tojoa duaro cueahye. Sa yero pari turi tja quehēnopu tiqirore yahu nemoahye. Tiqirore pari turi Judea yehpapu iji dutierahye. Tiqiro sa ni yahuri bato, tiquna Galilea yehpapu wahaa wahahye.

²³ Ti yehpapare Nazare wame tiri macapu ijiahye tiquna. Sa yeahye tiquna Cohācjū yere yahu mūhtariquna tiquna ojoariro sahata. Ohō saha ni ojoahye: “‘Cristo Nazare cjānota ijire’, nieta masa”, ni ojoahye Cohācjū yere yahu mūhtariquna panopu cjēna.

3

*Ñu wame yeriqiro masare yahuahye
(Mr 1.1-8; Lc 3.1-9, 15-17; Jn 1.19-28)*

¹ Sa ye ti pjere Ñu Cohācjū yequinare wame yeriqiro ijiahye. Judea yehpapu masa marienopu tiqiro Cohācjū yere yahu dūcahye masare.

² Ohō saha ni yahuahye tiquinare:

—Musa ñañe yerire bujua witiya. Tire duhuaya. Ehmuse cjāno Cohācjū masa puhtoro tiqiro ijato mehenogā dūhsare, ni yahuahye tiqiro.

³ Panopu cjāno Isaia Cohācjū yere yahu mūhtariqiro Ñu tiqiro buheatire ohō saha ni ojoahye:

Masa marienopu yahuducu sañuducuriqiro ohō saha ni buherota tiqiro: “Mari puhtoro ahtato pano mahare mari quehnoyuro saha quehnoana ijyuya masa. Musa ñañe yerire bujua witiya”, ni sañuducurota, ni ojoahye Isaia Ñure.

⁴ Sa yero Ñu camello poari suhtirore sañariqiro, wahi qiro cahsero mehna tuā dihoriqiro ijiahye. Poreroare, nūcu cjē umi gāhare ihyaē tiahye.

⁵ Jerusalē cjēna, ijipihtiro Judea yehpapu ijyeyquina, Jordā wame tiri ma cahapu ijyeyquina gāhu tiqirore tuhoye ahtahye.

⁶ Wihu, tiqirore taho, tiquna ñañe yerire bujua witi, Cohācjūre tire yahu yuhduahye tiquna. Sa tiquna yahugū tuhoro Jordāpu Ñu tiquinare wame yeahye.

⁷ Sa yero peyeyquina fariseo masa, saduceo masa gāhu Ñure tiquna wame ye dutiye ahtagū ihñano tiqiro yahuahye tiquinare:

—Añaa yero saha ña yuhduana ijire masa. Musa ñañe yerire bujua witi duerana Cohācjū masa ñañe yeri buhiri tiqiro buhiri dahreato pano duhti masiedare masa.

⁸ Sa yena potota masa ñañene bujua witiya. Quehnoañene comesaya. Sa yena quehnoañe pehere yeya masa.

⁹ Ohō saha ni tuhotuercāhña: “Panopu cjāno Abrahā mari ñecu munano ijie tiahye. Sa yena tiqiro panamena iji turiana ijina mari Cohācjū yequina ijiaja”, ni, tuhotuercāhña masa. Musare nieta niaja. Abrahā panamena iji turiana ijimene masa. Musa sa ijiepegāta ti masa sa ijyey dūhseati ijierare. Cohācjū pehe ahri utā paca mehna Abrahā panamenare dojogū ye masine. Sa yero Abrahā panamena iji turiana masa ijyey ihyo waro ijire utā paca ti paca ihyo waro ijiro sahata.

¹⁰ Ohō saha ijire: Masa yucari yero saha ijire. Cohācjū pehe yucarire queatiare comeare cuoriqiro yero saha ijire. Sa yero ñañe dūca tiye cjāre quē cohā, ti nuhcori gāhare date surerota. Date sure tuhasa, pecapu uñanota tiqiro ti cjāre, nuhcori gāhare. Sata yerota masa gāhare tiqirore cahmeeñequinare.

¹¹ Yuhu bato yahu yuhduoro tutuariqiro ahtarota. Quehnoa yuhduariqiro ijire tiqiro. Tiqiro yero saha ijieraja yuhu pehe. Sa yegu tiqirore tuhotuga, “Ihyo ijigu ijiaja yuhu”, ni tuhotuaja yuhu. Yuhu pehe masa ñañe yerire bujua witi duti, musare wame yegu aco mehna yemi. Tiqiro pehe yuhu yuhduoro yerota. Espiritu Santore masa mehna iiducugū yerota tiqiro. Sa yero peca ñañene uñaa wero sahata tiqiro ahtariqiro pehe masa ñañe yerire cose werota.

¹² Yuhu bato ahtariqiro cahseri cohāriqiro yero saha ijire. Cahseri cohāriqiro tiqiro batiro mehna ijipihtiyey trigo cahserire puti were. Tiqiro sa puti weri bato trigo pehere tiqiro ihbori wuhapu ihborota. Sata yerota tiquna ñañene bujua witiyequinare yuhu bato ahtariqiro. Tiqiro puti weye cahseri pehere tiqiro uñanota. Ti peca uñari peca ne yatisi. Sata yerota tiqiro yuhu

bato ahtariquiro tiquina ñañene bujua witeyequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

¹³ Came Jesu Galilearpu ijiriquiro waha, Jordā wame tiri mapu buha sahye Ñure wame ye dutiro.

¹⁴ Coã warore Ñu wame ye dueramahye. –Yohou, muhu pehe yuhu yuhduoro tutuagu yuhu pehere muhu wame yegū quehnoaboaga. Muhare wame yebogu ijireraja yuhu, ni yuhtimahye Ñu Jesure.

¹⁵ Jesu pehe yuhtiahye tiqirore: –Yuhare wame yeya. Ohō saha yena, Cohācjū dutiro saha sohtoa tina niaja mari, niahye Jesu.

Tiqiro sa nigū tūhoro,

–Au, ni yuhtiahye Ñu.

¹⁶ Sa ni tuhasa, Jesure wame yeahye. Tiqiro wame ye tuhasagū Jesu diarpu ducuriquiro maja ducahye. Tiqiro maja ducagū, uhmuanorpu parī maahye. Cohācjū yaquiro Espiritu bujua yero saha tiqiro bui dijia tagū ihñahye.

¹⁷ Sa dijia tagū uhmuanorpu yahuducuye bisiahye:

–Ahriquiro yuhu macu yuhu cahñiquiro ijire. Tiqiro mehna tutuaro bucueja, niahye uhmuanorpu.

4

*Watño ñañene ye dutimahye Jesure
(Mr 1.12-13; Lc 4.1-13)*

¹ Sa ye Espiritu Santo pehe Jesure masa marienorpu neahye, torpu watño tiqirore ñañene ye dutiatio saha.

² Torpu esaro cuarenta decori waro ihyaro marieno ijahye Jesu. Sa yero ujua ahbahye.

³ Ujua tiqirore ahbagū ihñano watño pehe tiqiro caharpu esaro, ohō saha niahye:

–Muhu Cohācjū macu ijigu, ahria utāre ihyaye dojomehneña, nimahye tiqiro Jesure.

⁴ Jesu ohō saha ni yuhtiahye:

–Yeraja. Cohācjū yere tiquina ojoari pūpu ohō saha nine: “Masare ihyaye mehna di-hita catieraro cahmene. Ijipihtiye Cohācjū tiqiro ye yahuye mehna ijiro cahmene”, nine Cohācjū, ni yuhtiahye Jesu watñore.

⁵ Tiqiro sa ni yuhtiri bato watño pehe Jerusalēpu “Cohācjū ya maca” tiquina nidi macarpu Jesure neahye. Torpu esa, Cohācjū ya wuhu bui Jesure ne sahye tiqiro.

⁶ Ne sa tuhasa, tiqirore ohō saha nimahye:

–Cohācjū yere tiquina ojoari pū ohō saha nine:

“Cohācjū tiqiro yequina angelere muhare ihña ihbo dutirotā. Sa yeye tiquina pehe muhare ihña ihboeta ‘Utāpu

puha tu maari,’ niñe”, nine tiqiro ojoari pū.

Tiqiro sa nidi poto ijigū muhu Cohācjū macu ijigu yehparpu uhpu dijia ihñofña yuhare. Muhare tiquina yedohogū ihñofña yuhare, nimahye watño.

⁷ Jesu uhpu dijia ihñof dueraro ohō saha ni yuhtiahye:

–Cohācjū yere tiquina ojoari pū ohō saha nine: “Musa puhtoro Cohācjū tiqiro nidire ‘¿Poto ijijajari?’ ni masi duana Cohācjūre ye ihñof duti tuhueracāhña”, nine Cohācjū yere tiquina ojoari pū, niahye Jesu.

⁸ Tiqiro sa ni yuhtiri bato uhmua yuhduu canarpu Jesure ne mujahye watño tja. Tu buirpu ne mwa sa pje, ijipihtiye macarine ihñodoque dijioahye Jesure. Tiquina cuoye gūhare ihñohaye.

⁹ Sa ihñono Jesure ohō saha nimahye:

–Yuhare dusepe curi mehna quehe sa, ño peoya muhu. Muhu sa yegū ijipihtiye ahri macarine muhare ohoutja, ni yahumahye watño.

¹⁰ Tiqiro sa nigū Jesu ohō saha ni yuhtiahye:

–Satana, wahaya muhu. Ohō saha nine Cohācjū yere tiquina ojoari pū: “Muhu puhtoro Cohācjū dihitare ño peoya. Tiqiro ye dutiye dihitare yeya”, nine Cohācjū yere tiquina ojoari pū, niahye Jesu watñore.

¹¹ Tiqiro sa nigū tūhoro watño wahaa wahahye. Tiqiro wahari bato angele pehe wihī, Jesure yedohoye ihyayere ohoahye angele.

*Galilea yehparpu Jesu buhe ducahye
(Mr 1.14-15; Lc 4.14-15)*

¹² Sa ye Ñure peresuppu tiquina yegū tūhoro, wahaa wahahye Jesu. Waha, Galilea yehparpu esahye.

¹³ Torpu ijiri macarpu Nazarepu waha, yuhdu cā, Capernau wame tiri macarpu esahye. Galilea wame tiri ditara dūhtu caharpu ijiri Capernau. Ti maca Zebulón yehpa caharpu, Neftalí yehpa caharpu ijiri Capernau. Torpu esa, ijiahye Jesu.

¹⁴ Sata yeahye Jesu panorpu cjuño Cohācjū yere yahu muhtariquiro Isaia tiqiro ni ojoari sahatta. Ohō saha ni ojoahye:

¹⁵ Zebulón yehpa caharpu, Neftalí yehpa caharpu, ditararpu wahari maharpu, Jordā wame tiri ma ape sie pahrepu Galilea yehpa ijire. Ti yehpa judio masa ijieyequina ya yehpa ijire.

¹⁶ To cjuña Cohācjū yere quehnoano masiedare. Sa masiedapeta quehnoariquirore ihñañepu masieta. Tiquina pehe Cohācjūre ne masiedare. Sa yeye pecarpu waha-boriquina ijimahye. Sa yero ihcāquiro tiquinare Cohācjū yere masigū yerota, ni ojoahye Isaia.

¹⁷ Topu ijiro, Cohācjū yere yahu dūcahye Jesu:

—Musa ñañe yerire bujua witiya. Sa yena quehnoañene comesaya. Æhmuse cjāno Cohācjū ijipihitiyequina pūhoro tiquiro ijato mehenogā dūhsare, ni yahu dūcahye tiquiro.

Pititiaro wahi wejēñequinare tiquiro mehna cjēna ijatiquinare pijiahye Jesu (Mr 1.16-20; Lc 5.1-11)

¹⁸ Sa ye Galilea wame tiri ditara dūhtu caharu esaro, Simone, tiquiro bahuro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejēñequina ijiye, tiquina wēñecjare doque ñoñe niahye ditarapu.

¹⁹ —Yuhu mehna cjāna ijianaja ahtaya mūsa. Yuhu mehna mūsa ahtagū mūsa wahire ñehe cahmecoana mūsa ijiro saha, Cohācjū yequina ijatiquinare masare piji cahmecoana ijigū yeitja mū sare. Yuhu mehna mūsa ahtagū sa yeana jare cū tja mū sare, niahye tiquiro tiquinare.

²⁰ Tiquiro sa nigū tūhoyeta tiquina wēñecjare cū cā, tiquiro mehna wahahye.

²¹ Sa ye Jesu tiquina mehna yūhdū cā, Santiagore tiquiro bahuro Ñu gūhure boca sahye tja. Tiquina Zebedeo pohne ijiri. Tiquina yaria yucūsapu tiquina pacuro mehna tiquina wēñecjare quehnoñe niahye. Tiquina pūarore tiquiro pijioahye.

²² Tiquiro sa pijioagū tūhoye, tiquina pehe duita tiquina pacurore, yucūsa gūhure cū, Jesu mehna wahahye.

Peyequina masare buheahye Jesu (Lc 6.17-19)

²³ Sa ye ijipihitioru Galilea yehpare Jesu buhe tinidi. Judio masa mari buheye wūhūsepu quehnoañe buheyere, ūhmuse cjāno tiquiro pūhoro ijiye tiyere buheri. Tiquinare buhe, dohatiyequinare quehnoa wahagū yero, ijipihitiye dohatiye yehduori tiquiro.

²⁴ Tiquiro sa yegū tūhoye Siria yehpa cjēna ijipihitioru ti yehparu ijyequina tiqiore masi dūcari. Sa masiñe, sijoro saha ijiye dohatiye cūoyequinare, watāre cūoyequinare, ñama yariaye cūoyequinare, tini masiñequina gūhure ne sari. Sa yero ijipihitiyequina tiquinare yūhdūgū yeri Jesu.

²⁵ Tiquiro sa yegū ihñañe, Galilea yehpa cjēna, Decapoli cjēna, Jerusalē cjēna, Judea yehpa cjēna, Jordā ape sie pahrē cjēna peyequina masa tiquiro mehna wahari.

5

Слупу мѳја, топѳ буеахѳе Јесу масаре (Lc 6.20-23)

¹ Sa ye masa peyequina tiquiro caharu tiquina esagū ihñano Jesu slupu mūjaa

wahahye. Mūja sa, topu dujiahye. Topu dujigū tiquiro buheyequina tiquiro caharu esahye.

² Tiquina esagū ihñano ohō saha ni buhe dūcahye.

³ —Tiquina ñañene bujua witiyequina Cohācjūre cahmeñequina bucueyequina ijiye. Æhmuse cjāno tiquiro pūhoro ijirōpūre wahaeta tiquina. Æhmuse cjē tiquina ye ijiye.

⁴ 'Utiyequina gūhu bucueyequina ijiye. Tiquinare bucuegū yerota mari Pacu.

⁵ 'Apequinare yūhdūdūca dueyequina "Ihyo ijina ijiaja ūsā", ni tūhotmūsa bucueyequina ijiye. Cohācjū "Ohoutja", tiquinare tiquiro nidi yehpare cūoeta tiquina.

⁶ 'Cohācjū dutiro saha ye duayequina, quehnoañene ye duayequina bucueyequina ijiye. Cohācjū tiquiro yedohogū tiquina quehnoañene yeduceta.

⁷ 'Apequinare paja ihñañequina bucueyequina ijiye. Tiquina sa paja ihñagū Cohācjū tiquina gūhure paja ihñanota.

⁸ 'Tiquina ñañene cosenohriquina bucueyequina ijiye. Cohācjūre ihñāeta tiquina.

⁹ 'Apequinare cahmequedagū yequequina bucueyequina ijiye. Tiquinare "Yuhu pohna ijiye", ninota Cohācjū.

¹⁰ 'Cohācjū dutiyere tiquina yeri buhiri apequina ñano yere Cohācjū tiquiro duti iquinare. Tiquina sa ñano yegū bucueyequina ijiye tiquina pehe. Æhmuse cjāno tiquiro pūhoro ijirōpu tiquiro yere cūoeta tiquina.

¹¹ 'Yeere mūsa yeri buhiri apequina mū sare tiquina tuhtiepegūta bucuena ijiye mūsa. Mū sare tiquina ñano yepēgūta bucuena ijiye mūsa. Yeequina mūsa ijiri buhiri mū sare ijipihitiye ñañe tiquina quiti dojomehnepegūta tiquina ni mehoepēgūta bucuena ijiye mūsa.

¹² Cohācjū yere yahu mūhtariquinare mūsa pano ijiriquinare tiquinapūreta ñano ye mūhtahye. Tiquinare yeriro sahata mūsa gūhure apequina sa yegū bucueya. Quehnoano jeripohna tiya. Sa yero ūhmusepu mūsa esagū pajiro quehnoano yerota mū sare Cohācjū, ni yahuahye Jesu.

Moa yero saha, buhrioro yero saha ijiye Jesu yequina

(Mr 9.50; Lc 14.34-35)

¹³ Sa ye Jesu buhe nemoahye:

—Moa mehna wahi quiro dihire ti ñano wahaeragū yero sahata mūsa pehe yeequina pehe ijipihitiyequina apequinare ñañene tiquina ye dueragū yere. Sa ijieperota moa pehe ti ñañe wahagū pari turi quehnoañe ye masiedare. Ti moa ne quehnoaedare. Ti sa wahagū ti moare cohāno cahmene. Ti moare cohāri bato ti

bui masa cah̄ta cūre. Ne d̄hseati ijjerare ti moa tiq̄uro coh̄añe. (Ti d̄hseati ijjeraro saha ijjerac̄añña m̄sa. Coh̄ac̄j̄u ye pehere coh̄aedac̄añña,) ni yahuahye Jesu.

¹⁴ Sa ye tiq̄uro buhe nemoahye:

—Buhrioro marine ih̄ñaḡu yero sahata m̄sa pehe yeequina pehe ahri yehpa c̄j̄enare Coh̄ac̄j̄ure masiḡu yere. Canu bui ijiri macare n̄ono basioerare.

¹⁵ Sa ye sih̄ariare masa sih̄añe, sutu docapu moha dapo masiedare. Tiare sih̄ariare h̄m̄tanopu duhu peore ti wahu c̄j̄ena ijipitiyequina tiquina ih̄ñatiare.

¹⁶ Oh̄ sahata m̄sa ḡuh̄u buhrioro yero saha ijina, quehnoañene yeya. M̄sa sa yeḡu ih̄ñañe masa mari Pacu h̄m̄use c̄j̄enore ño peo, “Tutuagu, quehnoagu ijire”, nieta, ni yahuahye Jesu.

Coh̄ac̄j̄u tiq̄uro dutiyere tiq̄uro ojoari ḡah̄ure yahuahye Jesu

¹⁷ Sa ni tuhasa, tiquinare yahu nemoahye:

—Ahrire m̄sa masiḡu cahmeaja yuh̄u. Coh̄ac̄j̄u dutiyere Moiseru tiq̄uro cūrire, tiq̄uro yere yahu m̄h̄tañequina tiquina ojoari ḡah̄ure coh̄aḡu tagu niedu. Ti dutiyere m̄sare quehnoano yahu potou t̄uu ni. Ti dutiyere potou ijiḡu ih̄ñou ahtau. Ti dutiye nidiro sahata ye sohorti tii t̄uu ni.

¹⁸ Ijirota m̄sare niaja. Pihtiri deco pano ijiniḡu Coh̄ac̄j̄u dutiye Moiseru tiq̄uro cūrire ne mehenoḡa coh̄asi mari. Ahri yehpa, h̄m̄use ḡuh̄u ti ijiro puno tiq̄uro dutiye ḡuh̄u ijirota.

¹⁹ Sa yeye ti dutiyere ih̄qūequina yuh̄duacaye, apequinare sata ye dutiye, h̄m̄use c̄j̄eno tiq̄uro p̄htoro ijiroru cahac̄j̄ena yero saha ijeta. Ih̄c̄a dutiroḡa ijiepeḡata tiquina yuh̄duacaye, cahac̄j̄ena yero saha ijeta tiquina. Apequina ti dutiyere quehnoano yeye, apequinare tiquina yero saha ye dutiye, h̄m̄use c̄j̄eno tiq̄uro p̄htoro ijiroru p̄htoa yero saha ijeta tiquina pehe.

²⁰ M̄sare niita niaja yuh̄u. Judio masare buheyequina, fariseo masa ḡuh̄u Coh̄ac̄j̄u cahmeñene queoro yere. Tiquina yuh̄duoro Coh̄ac̄j̄u cahmeñene yeya m̄sa. M̄sa sa yerana, tiq̄uro p̄htoro ijiroru ne esasi m̄sa, ni yahuahye Jesu.

Usuayere yahuahye Jesu

(Lc 12.57-59)

²¹ Sa ni tuhasa, tiquinare yahu nemoahye:

—Panoru c̄j̄ena oh̄o saha ni tiquina yahurire t̄hori jimedi m̄sa: “Masare wej̄edac̄añña. Masare wej̄ediquoro tiquina buh̄iri dahreatiquoro ijire”, tiquina nidire t̄hori jimedi m̄sa.

²² Ahri tiquina yahuri yuh̄duo c̄j̄eno m̄sare ahri pehere yahu nemoutja.

Tiq̄uro acayaro mehna usuariquoro pehe tiquina buh̄iri dahreatiquoro ijire masnore wej̄ediquoro yero saha. Tiq̄uro acayuro tuhtiriquoro “Ne t̄hō masiñe mariegu ijire m̄h̄u”, nidiquoro buh̄iri dahre dutiyequina cahapu tiquina neatiquoro ijire. “T̄hō masiegu ijire m̄h̄u”, tiq̄uro acayuro sa nidiquoro pecapu wahaboaga tiq̄uro.

²³ M̄sa acayuro m̄sare tiq̄uro ih̄ña tuhtiḡu oh̄o saha yeya. Coh̄ac̄j̄u w̄h̄uru Coh̄ac̄j̄ure m̄sa ño peoato pano, tiq̄urore wahiquoro m̄sa ohoato pano oh̄o saha yeya.

²⁴ Coh̄ac̄j̄ure m̄sa ohoatire duhu cū, m̄sa acayuro cahapu waha, “Pari turi cahmequedac̄añña. To punota duhuuhna tire”, niña tiq̄urore. M̄sa sa nidi bato Coh̄ac̄j̄ure oh̄o, ño peona wahaya tiq̄uro ya w̄h̄uru.

²⁵ Apequiro m̄h̄ure yahus̄a duoro, p̄htoro masare beseriquoro cahapu m̄h̄ure tiq̄uro nea duaḡu, tiq̄uro mehna usuaro marieno ijia. Beseriquoro cahapu tiq̄uro neato pano tiq̄uro mehna quehnoano ijia. M̄h̄u sa yeḡu ih̄ñano tiq̄uro m̄h̄ure yahus̄aedaboaga. M̄h̄u sa quehnoano ijieraḡu ih̄ñano topure m̄sa esaḡu tiq̄uro pehe m̄h̄ure masare beseriquoro yahus̄anota. Tiq̄uro sa yahus̄aḡu, beseriquoro pehe peresu yeyequinapure m̄h̄ure ohorota. Sa yeye tiquina m̄h̄ure peresu yeeta.

²⁶ Ijirota niaja m̄h̄ure. Topu ijiniita m̄h̄u. Tee tiquina wapa ye dutirire m̄h̄u wapa ye pehoguru wijiagata m̄h̄u, ni yahuahye Jesu.

Apequiro namono mehna ñano yeyere yahuahye Jesu

²⁷ Oh̄o saha ni yahu nemoahye Jesu:

—Panoru c̄j̄enare oh̄o saha tiquina ni yahurire t̄hori jimedi m̄sa: “Apequiro namono mehna ñano yerac̄añña”, tiquina nidire t̄hori jimedi m̄sa.

²⁸ Ahri tiquina yahuri yuh̄duo c̄j̄eno m̄sare ahri pehere yahu nemoutja. Numinore ñehedaperota, ih̄c̄aqui t̄corore ñano tutuaro cahmeno, ñano wac̄u t̄hōturo, ñano ye tuhasari t̄coro mehna.

²⁹ Sa yegu m̄h̄u capea potou peheru ijiria mehna ñano yegu, tiare ore we ne m̄h̄u coh̄aboriro sahata ti ñañene duhuya. Tire duheragu pecapu wahagata. M̄h̄u capeare m̄h̄u coh̄aḡu tia capea dihita butire. M̄h̄u pehere pecapu m̄h̄u wahaḡu ña yuh̄duare. Sa yegu ti ñañene duhuya.

³⁰ Sa yegu m̄h̄u omoca potou pehe ijiri omoca mehna ñano yegu, ti omocare m̄h̄u d̄ate coh̄aboriro sahata ti ñañene duhuya. Tire duheragu pecapu wahagata. M̄h̄u omocare m̄h̄u coh̄aḡu ti omoca dihita butire. M̄h̄u pehe pecapu m̄h̄u wahaḡu ña

yahduare. Sa yegū ti ñañene duhuya, ni yahuahye Jesu.

Tiquiro namonore cohãñene, wame peoye gũhure yahuahye Jesu

(Mt 19.9; Mr 10.11-12; Lc 16.18)

³¹ Ohō saha ni yahu nemoahye Jesu:

—Panopũ ahri gũhure niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panopũ.

³² Ahri tiquina yahuri yahduo cjũno musare ahri pehere yahu nemoutja. Tiquiro namono apequiro mehna ñano yericooro ticoro ijierapegũta ticoro manũno ticorore cohãboaga. Ticoro sa cohãnohricoro apequiro mehna omoca duhtero, ñano yero niaga ticoro apequiro mehna ijiro. Ticoro manũno ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriqũro gũhũ ticoro mehna ñano yero nine, ni yahuahye Jesu.

³³ Ohō saha ni yahu nemoahye Jesu:

—Panopũ cjẽna ohō saha tiquina ni yahurire tuhori jimedi musa: “Musa nidiro sahata yeya. ‘Cohãcjũ mehna poto sa yeitja’ musa nidiro sahata yeya”, tiquina ni yahurire tuhori jimedi musa.

³⁴ Ahri tiquina yahuri yahduo cjũno musare ahri pehere yahu nemoutja. “Uhmuse mehna poto nii niaja”, ni uhmuse mehna wame peoeracãhña. Uhmuse pehe Cohãcjũ mari puhtoro tiquiro ijiro ijire. Ihyo ijiro ijierare. Sa ijigũ ihñana sa niedacãhña.

³⁵ Ahri yehpa mehna ne wame peoeracãhña. Ahri yehpa Cohãcjũ ya yehpa ijire. Sa ijigũ ihñana sa niedacãhña. Jerusalẽ mehna ne wame peoeracãhña. Tutuariquiro mari puhtoro ya maca ijire Jerusalẽ. Ihyo ijiri maca ijierare. Sa ijigũ ihñana sa niedacãhña ti wamene.

³⁶ “Yuhũ dapu mehna poto nii niaja”, ni wame peoeracãhña. Musa poari yehseye poari wahagũ ye masiedare musa. Sa ye masiena “Yuhũ dapu mehna poto nii niaja”, ni wame peoeracãhña.

³⁷ “Yenatja”, nina wame peoro marieno ohō saha dihita tire niducuya. “Yesi”, nina gũhũ wame peoro marieno niducuya. Musa wame peo nina, wafũno ñariquiro dutiro saha yena niaga, ni yahuahye Jesu.

Tiquina cahme ihña tuhtiyere yahuahye Jesu

(Lc 6.29-30)

³⁸ Ohō saha ni yahu nemoahye Jesu:

—Panopũ ohō saha tiquina ni yahurire tuhori jimedi musa. “Mũhure apequiro mũhũ capeare tiquiro quẽ tihãriro sahata mũhũ gũhũ tiquirore quẽ tihã cahmeña. Mũhũ upiriare tiquiro quẽ nuhariro saha

mũhũ gũhũ quẽ nuha cahmeña”, tiquina nidire tuhori ijimedi musa.

³⁹ Tiquina yahuri yahduo cjũno ahri pehere yahu nemoutja musare. Mũhure ñano yeriquirore sa ihña cãhña. Ihcã pehe mũhũ wahsupure tiquiro quẽgũ, ape sie gũhure quẽ dutiya tiquirore.

⁴⁰ Apequiro buhiri dahre dutiriquirore mũhure tiquiro yahusãgũ, dutiriquiro pehe mũhũ camisare mũhure yahusãriquirore oho dutiboaga. Tiquiro oho dutigã, tiquirore ohoya. Mũhũ bui cjã suhtiro gũhure oho nemoña tiquirore.

⁴¹ Apequiro surara apee borore ihcã kilómetro mũhure tiquiro nea basa dutigã, ape kilómetrore waha nemoña tja.

⁴² Mũhure sinidiquirore ohoya. Sa yegũ apequiro mũhure waso dutigã wasoya tiquirore, ni yahuahye Jesu.

Musare ihña tuhtiyequinare cahña
(Lc 6.27-28, 32-36)

⁴³ Ohō saha ni yahu nemoahye Jesu:

—Masa ohō saha nine: “Musa mehna cjẽnare cahña. Sa yena musare ihña tuhtiyequinare ihña tuhti cahmeña tja”, tiquina nidire tuhori jimedi musa.

⁴⁴ Tiquina yahuri yahduo cjũno ahri pehere yahu nemoutja musare: Musare ihña tuhtiyequinare cahña. Musare ñano yeyequinare tiquina ye ijiatire Cohãcjũre sini basaya.

⁴⁵ Musa sa yena mari Pacũ uhmuse cjãno pohna ijire musa. Cohãcjũ pehe ihcãno saha yere masare. Ñañequina gũhure quehnoañequina gũhure asũ asigũ yere tiquiro. Sa yero Cohãcjũ dutiyere yeyequina gũhure, yeyequina gũhure acoro ahtagũ yere tiquiro. Masare ihcãno saha tiquiro yeriro sahata musa gũhũ yeya.

⁴⁶ Musare cahñequina dihitarẽ musa cahigũ ti ne dahseati ijierare. Wapa ne cohteyequina gũhũ sata yere. Sa yena ijipihtiyequinare cahña.

⁴⁷ Musa acaye dihitarẽ musa quehnoano piti cagũ ti ne dahseati ijierare. Cohãcjũre masieñequina gũhũ sata yere. Sa yena ijipihtiyequinare quehnoano piti caya.

⁴⁸ Ñañẽ mariena ijiya musa. Mari Pacũ uhmuse cjãno tiquiro ñañẽ marieniquiro tiquiro ijiro sahata musa gũhũ ñañẽ mariena ijiya, ni yahuahye Jesu.

6

Quehnoañẽ yeyere yahuahye Jesu

¹ Pari turi tiquiro yahu nemoahye:

—Cohãcjũ ye ijiatire quehnoañene yena, tire masare “Ohō saha ijigũ ijiaja yuhũ”, ni ye ihñoadacãhña apequinare. Musa sa ni ye ihñori buhiri quehnoañene musa yeri dahseati ijierare. Sa yero Cohãcjũ uhmuse

cjāno quehnoañene masa yeri wapa musare ohosi.

² Sa yena pejecuoyequinare yedohona, tire masare ye ihñoedacāhña. Masa tiquina ihñenopu yedohoya tiquinare. Sata ihquēquina ye ihñore mahapu ijijequinare, judio masa mari buheye wuhusepu ijijequina gāhure. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagū sa ye ihñoñequina pehe bucue tuhasari. “Quehnoañequina ijire”, ni masa tiquina ño peogū bucue tuhasari tiquina. Sa yero Cohācjū pehe ne bucue nemogū yesi tiquinare.

³ Sa yena pejecuoyequinare yedohona, masa tiquina ihñenopu yedohoya tiquinare. Masa mehna cjēna mehna ijina tiquina ihñeno pejecuoyequinare yedohoya.

⁴ Masa tiquina ihñenopu masa yedo-hoepegāta Cohācjū pehe ihñare. Sa ihñano masa sa yeri wapa ohorota musare, ni yahuahye Jesu.

*Cohācjūre siniñene yahuahye Jesu
(Lc 11.2-4)*

⁵ Pari turi tiquiuro yahu nemoahye:

—Cohācjūre sinina, masa ihñono dihita quehnoano iji mehoñequina yero saha yeracāhña masa. Judio masa mari buheye wuhusepu ducu, mahapu gāhure ducu, Cohācjūre sini ihñore tiquina masare. Sa sini ihñone poto masa tiquina ño peoye mehna tiquina bucue tuhasari.

⁶ Cohācjūre sinigū tagu, mahu ya tucūpu biha saajāña. Biha saajā, mari Pacu ihñamehneniquirore siniña. Masa sa yegū masa marienopu masa sinipegāta mari Pacu musare tuhoroata. Sa tuhoro musare quehnoano yerota tiquiuro.

⁷ Sa yena Cohācjūre sinina, tuhotoro marieno masa sinidireta pari turi sini majare tojoeracāhña. Ohō sahata yere Cohācjūre masieñequina. “Peye tahari ihcāno saha usā sinigū Cohācjū usāre tuhoroata”, ni tuhutumene tiquina.

⁸ Tiquina yero saha yeracāhña masa. Masa siniati pano mari Pacu masa cahmeñene masi tuhasare.

⁹ Sa yena ohō saha ni siniña masa Cohācjūre:

Usā Pacu, ūhmuse cjū mahu quehnoagu sa ijiducure.

¹⁰ Yojoṛpūre ijipihtiyequina puhto ijiya. ūhmusepu mahu dutiro sahata tiquina yeriro sahata ahri yehpa cjēna gāhu yeahro.

¹¹ Sa yegu decoripe usā ihyatire ohoducuya usāre.

¹² Apequina usāre tiquina ñano yerire usā boaja. Sa yegu mahu gāhu usā ñano yerire boya.

¹³ Sa yegu usā ñañene ye duagū usā tutuaro cahmegū ihñagū tire usāre ye dutiegūta. Sa yegu usāre usā ñañene yeragū yeya.

Mahu usā puhto tutuagu sa ijiducugata. Ijipihtiyequina mahure sa ño peoducuahro, ni siniña Cohācjūre.

¹⁴ Apequina musare tiquina ñano yerire masa bogū ihñano, mari Pacu ūhmuse cjāno gāhu masa ñano yerire borota.

¹⁵ Sa boeperota apequina musare tiquina ñano yerire masa boeragū mari Pacu gāhu masa ñano yerire bosu, ni yahuahye Jesu.

Sijiyere buheahye Jesu

¹⁶ Sa yero tiquiuro tiquinare yahu nemoahye:

—Cohācjūre ño peona tana sijina bujua witiyequina yero saha ye ihñoedacāhña. Sata yere masa ihñono dihita quehnoano iji mehoñequina. Tiquina wuhdoa paca bujua witiyequina yero saha ijire. Tiquina sa ijijequina ijigū tiquina sijigū ihña masine masa. Ijirota musare niñiaja. Masa tiquinare ño peogū cahmene tiquina. Sa yeye tiquinare tiquina ño peogū ihñañe bucue tuhasari. Cohācjū pehe tiquiore tiquina ño peori wapa tiquinare bucuegū yesi. Sa yena tiquina yero saha ye ihñoedacāhña masa.

¹⁷ Masa sijina, masa poarire aco mehna wa peo wuhapo peoya. Sa yena masa wuhdoa pacare coseya.

¹⁸ Masa sa yegū masa sijigū ihña masisi masa. Cohācjū dihita masa sijiyere ihña masinota. Masa sehsharo masa ijigū tiquiuro masa mehna sa ijiducure. Sa ihñano tiquiuro musare quehnoano yerota tiquiore masa ño peori wapa, ni yahuahye Jesu.

*Ūhmuse cjēne cūo dutiahye Jesu
(Lc 12.33-34)*

¹⁹ Sa yero tiquiuro yahu nemoahye:

—Ahri yehpa cjēne ne cahmecoedacāhña. Ohō cjē ahbaa wahaboaga. Ti ahbaeragū yaqueriquirore neboaga tire. Tiquiuro yaqueragū mecasia tuaboaga. Sa yero ahri yehpa cjē butiario cuarīne. Sa yena ahri yehpa cjēne tutuaro cahmedacāhña.

²⁰ Ūhmuse cjē pehere cahmeña masa. Ūhmuse cjēne mecasia tua masiedare. Topu masa cūoye ne ahbaerare. Topure yaqueriquirore ne masiedare. Sa yena ūhmuse cjēne cahmeña masa.

²¹ Topu masa cūoye ijigū, ūhmuse cjēne Cohācjū yere tutuaro wacūre masa, ni yahuahye Jesu.

*Masa tiquina tuhotoro sahata yere
(Lc 11.34-36)*

²² Sa yero ohō saha ni yahu nemoahye tiquinare:

—Sihāria quehnoano buhriogū mari quehnoano ihña masino sahata quehnoañene tūhotuye mehna quehnoano ye masinata mūsa. Mūsa tūhoturo sahata yere mūsa. Quehnoañene tūhotuna quehnoano yere mūsa.

²³ Quehnoañene tūhotuerana ñañene yere mūsa. Mūsa ñañe dihitare mūsa tūhotuducugū ti ñañe pehe ña yūhdūye ijire, ni yahuahye Jesu.

Niñerure cahñequina, Cohācjū pehere cahñedare

(Lc 16.13)

²⁴ Sa yero tiquiuro yahu nemoahye tiquinare:

—Ihcāquiuro Cohācjū pehere wacūno, tutua yūhdūaro niñeru pehere wacūedare. Niñeru pehere tutua yūhdūaro wacūno Cohācjū pehere wacūedare. Niñeru dihitare cahmediquiro ijiro Cohācjūre bucuegū yerare. Cohācjū gūhure, niñeru gūhure pūarore cahme yūhdūacaro basioerare mūsare.

Cohācjū tiquiuro pohnene ihña ihbore
(Lc 12.22-31)

²⁵ 'Sa yegu ahrire mūsare nii niaja: Mūsa ihyayere, sihniñene, suhti gūhure pajiro būjua witi tūhotueracāhña. Mūsare bajumehnenno ihyayere ihyatina dihitare suhti sañatina dihitare Cohācjū yerari mūsare.

²⁶ Minicjua parire Cohācjū tiquiuro ihña ihboyere masiña mūsa. Tiquina weseri marieñequina ijire. Sa yeye ihyayere tiquina ihboye wūhuse tiquinare mariedare. Mari Pacu pehe tiquinare tiquina ihyatire ohore. Minicjua yūhdūoro mūsa pehere cahñe Cohācjū. Sa yero mūsa gūhure ihña ihborota tiquiuro.

²⁷ Pajiro mūsa tūhotuye mehna ti mūsare ihcā hora cati nemogū yerare. Sa yero mūsa pajiro tūhotuye dūhseati ijierare.

²⁸ 'Sa yena mūsa suhti sañatire pajiro būjua witi tūhotueracāhña. Nacu cjē cohorī ti cohojere tūhotuya. Ti cohorī ti basi suhtire yerare. Sa yerapeta ti cohorī quehnoañe suhti yero saha quehnoañe cohorī bajure.

²⁹ Salomo mūnano quehnoañe suhtire safariquiuro tiquiuro ijiepegūta ti cohorī pehe tiquiuro yūhdūoro quehnoa yūhdūaye cohorī waro ijire.

³⁰ Cohorire quehnoañe cohorī yere Cohācjū pehe. Ti cohorī pehe meheñe decorigā ijiducu ñai bora dijiaa wahare. Mehenogā iji, ape decorpu pecapu ūjua wahare. Sa ijiepegūta cohorire quehnoañe cohorī ijigū yere Cohācjū. Sa yero Cohācjū cohorire tiquiuro quehnoañe cohorī tiquiuro yeriro yūhdūoro mūsa gūhure quehnoano

yerota. Suhtire ohorota. Cohācjūre mehenogā wacū tutuare mūsa.

³¹ Sa yena mūsa ihyatire, mūsa sihniatire, mūsa suhti sañatire pajiro būjua witi tūhotueracāhña.

³² Cohācjūre cahmeñequina pehe tire sa macaducuyē nine. Mari Pacu ūhmuse cjūno ijipihtiye mūsa cahmeñene masine. Tiquiro sa masigū pajiro būjua witi tūhotueracāhña.

³³ Cohācjū mūsa puhtoro tiquiuro ijiatore cahme muhtaña mūsa. Ijipihtiye apee boro yūhdūoro tiquiore cahmeña mūsa. Quehnoañene tiquiuro ye dutiye gūhure cahmeña. Mūsa sa yeri bato Cohācjū pehe mūsa cahmeñe dūhsagū ohorota.

³⁴ Sa yena ñamiapure mūsa dūhse wahatore pajiro būjua witi tūhotueracāhña. Ñamiare mūsa ñano yūhdūgū Cohācjū yedohorota mūsare. Miare mūsa ñano yūhdūato iji tuhasare. Sa yena mia cjē dihitare tūhotuya. Ape deco cjēne pajiro būjua witi tūhotu nemoedacāhña. Cohācjū pehe mūsare yedohorota, ni yahuahye Jesu.

7

Apequinare "Ñañequina ijire", niedacāhña
(Lc 6.37-38, 41-42)

¹ Sa yero tiquiuro tiquinare yahu nemoahye:

—Apequinare "Ñañequina ijire", niedacāhña mūsa. Mūsa sa niedagū Cohācjū mūsare "Nana ijire", nisi.

² Apequinare "Quehnoano yerare", mūsa ni ihñano sahata Cohācjū pehe mūsa gūhure sata ni ihñanota.

³ Mari queoye mehna mari buhegū ohō saha yena ijire mūsa. Mūsa acayuro tiquiuro capeapu meheni pohcarogā sajāgū ti pohcarogāre quehnoano ihñare mūsa. Mūsa ya capea pehere pajiri pji ijiepegūta ti pjiñe ne ihñedare mūsa. Meheni pohcarogāre mūsa ihñano saha mūsa acayuro tiquiuro ñano yeye pehere quehnoano ihñare mūsa. Mūsa basi mūsa ñañene tutuaro yepenata tire masiedare mūsa, pajiri pjiñe mūsa ihñeno saha. ¿Dūhse ijiro boro sa ijijari mūsa?

⁴ Ohō saha nibona ijire mūsa: "Yūhu acayu, ñañene yei nine mūhu. Sa yegu tire duhuya", nibona ijire mūsa. Sa nibona ijiepenata pajiro ñañene yere mūsa. ¿Dūhsena mūsa ñañene yepenata tire masiedajari mūsa?

⁵ Masa tiquina ihñono dihitā quehnoano iji mehona ijire mūsa sa yena. Pajiri pjiñe mūsa capeapu ijiri pjiñe mūsa ne muhtaboriro sahata mūsa ñano yeye pehere duhu muhtaña. Mūsa sa yeri bato mūsa acayuro tiquiuro ñano yeyere duhugū ye masiboaga, meheni pohcarogāre mūsa neboriro sahata.

6 'Diayea yero saha ijiyequina, yesea yero saha ijiyequina gũhũ ñañequina Cohãcjũ yere quehnoa yũhdũyere tiquina ño peoerare. Tiquina pehere yahueracãhña. "Tiquina bujũpe, ñano niari", nina, yahueracãhña tiquinare, ni yahuahye Jesu.

*Cohãcjũre mari siniñene yahuahye Jesu
(Lc 11.9-13; 6.31)*

7 Sa yero tiquiuro tiquinare yahu nemoahye:

–Cohãcjũre siniña mũasa. Sinina mũasa ne-nata. Mũasa sinidire bocanata. Tiquiurore sa siniducuya mũasa. Mũasa sa yegũ tiquiuro mũasa ohorota.

8 Ijipihtiyequina Cohãcjũre siniñequina neeta. Sa yeye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiuro tiquinare ohorota.

9 'Mũasa pohna pãgãre mũasa tiquina sinigũ utã pehere ohoboagari mũasa tiquinare? Ne ohosi.

10 'Mũasa pohna wahire mũasa tiquina sinigũ aña pehere ohoboagari mũasa tiquinare? Ne ohosi.

11 Mũasa ñana ijiepenata mũasa pohnare quehnoañene ohoe tiri mũasa. Sa yero Cohãcjũ pehe mũasa yũhdũoro quehnoañene ohore mũasa tiquiuro pohnare tiquiurore sininare. Mũasa pohnare mũasa ohoriro yũhdũoro Cohãcjũ pehe tiquiuro pohnene ohore.

12 'Apequina mũasa tiquina quehnoano yegũ cahmene mũasa. Tiquinare mũasa quehnoano yegũ cahmeno sahata quehnoano yeya tiquina gũhũre. Tiquina quehnoano yerapegũta mũasa pehe tiquinare quehnoano yeya. Sata ye dutire Cohãcjũ dutiye Moiserẽ tiquiuro cũripũ, Cohãcjũ yere yahu mũhtariquina tiquina ojoari gũhũ, ni yahuahye Jesu.

Meheni sopecahagã quitire yahuahye Jesu

(Lc 13.24)

13 Sa yero tiquiuro yahu nemoahye tiquinare.

–Uhmũserũ Cohãcjũ caharũ waha duana tiquiuro yere yero cahmene mũasa. Sa yena tiquiuro yere sa ye macaedacãno cahmene. Meheni sopecahagãrũ mũasa sajã duagũ mijorĩne. Sata mijorĩne Cohãcjũ caharũ mũasa waha duagũ. Pecarũ masa tiquina wahagũ mijoedare. Pajiri sopecaharũ mari sajãgũ mijoedare. Ti sopecaharũ masa tiquina sajãboro saha pecarũ masa tiquina wahagũ mijoedare. Sa yeye peyequina masa topũ wahaye nine.

14 Cohãcjũ caharũ mũasa waha duagũ mijorĩne. Meheñequinagã masa topũ wahaeta. Topũ wahayequina ijipihtiye decori Cohãcjũ mehna ijiducuetã, ni yahuahye Jesu.

Yucũgu dũcare masina, tu padũ gũhũre masine mũasa

(Lc 6.43-44)

15 Sa yero tiquiuro yahu nemoahye tiquinare:

–Quehnoano yeya. "Cohãcjũ yere yahu mũhtana ijiaja", ni mehoñequinare tũhoeracãhña mũasa. Tiquina oveja yero saha usueyequina saha bajumene. Tiquina tũhotuyepũ ñañequina ijire tiquina.

16 Tiquina ñano yegũ ihñana, ñañequina tiquina ijigũ masinata mũasa. Tiquina quehnoano yegũ ihñana quehnoañequina tiquina ijigũ masinata mũasa. Pota bucũgu uñse tũhorine dũca tierare. Potagũ higuera pacare dũca tierare.

17 Quehnoadũ yucũgu quehnoañene dũca tire. Ñadũ pehe ñañene dũca tire.

18 Quehnoadũ yucũgu ñañene ne dũca tierare. Sa yero ñadũ quehnoañene dũca tierare.

19 Quehnoañene dũca tieye cjũre date cohãcã, pecarũ uñãnata. Sata yerota Cohãcjũ tiquiuro cahmeñene yerariquinare.

20 Sa yena "Cohãcjũ yere yahu mũhtana ijiaja", ni mehoñequinare ohõ saha masinata. Tiquina yerire ihñana, tiquina ni mehoñequina ijigũ masinata, ni yahuahye Jesu.

"Mũasa ne masiedaja", ninota Cohãcjũ peyequina masare

(Lc 13.25-27)

21 Sa yero tiquiuro yahu nemoahye tiquinare:

–Peyequina yũhũre "Pũhto" niñequina ijiepeta uhmũse cjãno Cohãcjũ tiquiuro pũhtoro ijiorũre wahasi tiquina. Yũhũ Pacũ uhmũse cjãno tiquiuro cahmeñene yeyequina dihita tiquiuro pũhtoro ijiorũre wahaeta.

22 Decori pihitigãrũre peyequina masa ohõ saha nieta yũhũre: "Pũhto, mũhũ yere usã buhei. Mũhũ wame mehna wãtiare cohãh. Sa yena mũhũ tutuaye mehna peye bajumehneñene yei usã", yũhũre niñequina ijijeta.

23 Ohõ saha yũhtiitja tiquinare: "Mũasa ne masiedaja. Ñañene yena ijire mũasa. Yũhũ caharũ ahtaeracãhña", niitja yũhũ tiquinare, ni yahuahye Jesu.

Pũa wũhũ yeyequina quitire yahuahye Jesu

(Mr 1.22; Lc 6.47-49)

24 Sa yero tiquiuro yahu nemoahye tiquinare:

–Sa ye ijipihtiyequina ahri yũhũ buherire tũhoriquina yũhũ dutiyere yeyequina, quehnoano tũho masiniquiuro wũhũ dahreriquiro yero saha ijire tiquina. Tiquiuro pehe uñcũãñe coperi sehe, wũhũre doco dũcahye.

²⁵ Ti wuhare peho tuhasari bato acoro tutuaro ahta, dia mini yuhdua waha, tutuaro wihnono weahye. Sa ti tutuaro wepegata ti wuhu ihcāno tiqiro docori wuhu ijiro ne waha sa queherahye.

²⁶ Sa yeje ijipihyequina yuhu buherire tuhoepeta yuhu dutiyere yerariquina, tuho masieniquiro wuhu dahreriquiro yero saha ijire. Tiquiro pehe ti wuhare padaro buigā doco, quehnoano ye dūcaerahye.

²⁷ Ti wuhare peho tuhasari bato, acoro tutuaro ahta, dia mini yuhdua waha, wihnono tutuaro weahye. Sa tutuaro wēno ti wuhu pehere wēdoque cū cāhye. Sa yero ti wuhu tutuaro bora sa quehea wahahye, ni yahuahye Jesu.

²⁸ Tiquiro sa ni buhegā tuhoeye, tuho maria wahahye masa.

²⁹ “Tiquiro potota puhtoro ijire. Sa yero quehnoano masi pehoriquiro ijiro marine buhere tiqiro. Mari judio masare buheyequina yero saha buherare”, ni tahotuahye tiquina.

8

Jesu cami bucu muna wihirore yuhdua wahagū yeahye

(Mr 1.40-45; Lc 5.12-16)

¹ Jesu cūhuru buhe dujiriquiro dijiaa wahahye. Tiquiro dijiaagū ihñāne masa peyequina tiqiro bato wahahye.

² Tiquiro sa wahagū ihcāquiro cami bucu muna wihiro tiqirore piti ca, dusepe curi mehna quehe sa, tiqirore siniahye.

—Puhto, muhu yuhare yuhduo duaga yuhduoya, niahye.

³ Tiquiro sa nigū tuho ro tiqiro omoca mehna Jesu tiqirore ña peohaye.

—Tire ye duaja. Muhare yuhdugū yeitja, niahye Jesu tiqirore.

Tiquiro sa nigūta cami bucu muna yatia wahahye.

⁴ Sa ni tuhasa Jesu tiqirore niahye tja:

—Yuhu muhare ohō saha yerire ne apequinare yahueracāhña. Muhu pagure quehnoari pagu waharire pahire ihñogu wahaya. Moiserere Cohācū tiqiro cūriro sahata pahire minicūare ohoya muhu yuhdurire masa ijipihyequina tiquina masino quehnoano, niahye Jesu.

Surara puhtoro tiqiro cahacjāno dohatigū Jesu yuhduoahye tiqirore

(Lc 7.1-10)

⁵ Sa ye Jesu Capernau wame tiri macaru tiqiro esagū cien surara puhtoro tiqiro caharu esa, tiqirore tutuaro ohō saha ni sinidi:

⁶ —Puhto, yuhu cahacjāno ne pagu tutueriquiro waha masiedaro tiqirore tutuaro purigū ya wuhuru cuñari tiqiro, nidi tiqiro Jesure.

⁷ Tiquiro sa nigū,

—Au, tiqiro dohatiyere yuhduogu wahaatja, nidi Jesu.

Tiquiro sa nigū ohō saha nidi surara puhtoro:

⁸⁻⁹ —Puhto, quehnoano. Wahaegata. Yuhu yuhduoro quehnoa yuhduagu ijire muhu. Ya wuhuru muhare sajā ta dutibogu ijieraja yuhu. Muhu masiñe mehna yuhduoya tiqirore. Muhu sa yegū yuhu cahacjāno quehnoa waharota. Yuhare yuhu bui ijiequina apequina puhtoa dutire. Yuhu gūhu surarare dutiaja. Ihcāquirore “Wahaya”, yuhu nigū tiqiro wahare. Apequirore “Ahtaya”, yuhu nigū tiqiro ahtare. Yuhu cahacjāno “Ahrere yeya”, yuhu nigū tire yere. Muhu gūhu dutigata ijire. Sa yero muhu dutiro sahata tiqiro dohatiriquiro yuhdurota, nidi tiqiro.

¹⁰ Tiquiro sa nigū tuho maria waharo, peyequina masa tiqiro mehna ijiequinare ohō saha nidi Jesu:

—Ijirota masare niita niaja. Ahriquiro surara puhtoro Israe masino ijieriquiro Cohācūre tutuaro wacū tutuare. Tiquiro cahacjāno yuhu yuhdugū yeatire masi tuhasare. Ne Israe masare ahriquiro yero saha ijiequinare ihñedaga yuhu.

¹¹ Masare niita niaja. Peyequina ahriquiro yero saha Cohācūre wacū tutuayequina ijipihiro cñena gūhu ahmuse cñano puhtoro tiqiro ijiropu esa, toru ijiequina mehna ihyeta. Abrahā, Isaac, Jacob mehna ihyeta tiquina.

¹² Masa apequina pehe Cohācū tiqiro puhtoro ijiropu wahaboriquina tiquina ijiepegūta ñanoru nahitianoru cohā cānota tiquinare. Toru tiqiro cohāriquina tutuaro uti, bujua witiye mehna bahque dihoeta, ni yahuri Jesu.

¹³ Tire sa ni tuhasa, surara puhtoro nidi.

—Tojoahya muhu ya wuhuru. Muhu cahacjāno yuhdurota. “Potota yuhdurota”, ni muhu tahoturiro sahata yuhdurota, nidi Jesu.

Sa nigūta tiqiro cahacjāno pehe quehnoa wahari.

Pedro mareonore dohatiricorore yuhduoahye Jesu

(Mr 1.29-31; Lc 4.38-39)

¹⁴ Sa ye Jesu Pedro ya wuhuru esa, Pedro mareono dohatigū ihñahye tiqiro. Ujuaye tigū cuñahye ticoro.

¹⁵ Ticoro sa ijigū ihñano ticoro omocare ña peohaye. Tiquiro sa ña peogūta ujuaye surua wahahye. Surugū tuhoturo ticoro pehe wahcādaca, tiquinare ihyayere peohaye.

Jesu peyequina dohatiequinare yuhduoahye

(Mr 1.32-34; Lc 4.40-41)

¹⁶ Sa ye ñamicahapũ peyequina watĩare cuoyequinare masa ne wihiahye Jesu cahapũ. Tiquina sa ne wihigũ ihñano ihcã tahata tiquiro waha dutigũ watĩa wahaa wahahye. Sa yero ijipihiteyquina dohatiyequina tiquina ne sariquinare yũhdũo pehoahye Jesu.

¹⁷ Sata yeahye tiquiro panopũ cjãno Cohãcjũ yere yahu mũhtariquiro Isaia tiquiro nidiro sahata. Ohõ saha ni ojoahye: “Mari dohatiyere yũhdũo cãnota tiquiro. Mari duti tiyere cohã cãnota”, ni ojoahye Isaia Jesure.

Ihquẽquina Jesu mehna waha duamahye (Lc 9.57-62)

¹⁸ Ape taha Jesu peyequina masa tiquiro cahapũ tiquina ijigũ ihñano, ohõ saha nidi.

—Ape sie pahrẽpũ isa pehãhna, nidi.

¹⁹ Sa usã pehãto pano mari judio masare buheriquiro Jesu cahapũ esa, ohõ saha nidi:

—Buhegũ, mũhũ mehna waha duaja noho mũhũ waharopũ, nidi.

²⁰ Jesu ohõ saha ni yãhtiri:

—Ihquẽquina nũcũ cjẽna wahiquina tiquina coperi cuore. Minicjua gũhũ tiquina suhti cuore. Yũhũ masũ Cohãcjũ ohorigũ pehe yũhũ carĩni wãhũ cuoeraja, ni yãhtiri Jesu.

²¹ Sa ye apequiro Jesu buheriquiro ohõ saha nidi:

—Pũhto, yũhũ pacũ tiquiro yariagũ yarĩgutja. Sa ya tuhasagũ pũrita mũhũ mehna wahagũtja, nidi tiquiro Jesure.

²² Jesu yãhtiri:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe yũhũ mehna cjũ ijiaacũ ahtaya, nidi tiquiro.

Jesu wihnonore yũsũ dutiahye (Mr 4.35-41; Lc 8.22-25)

²³ Sa ni tuhasa yucũsapũ sajãri. Sa yena usã tiquiro buhena gũhũ tiquiro mehna waha, sajãn.

²⁴ Ti ditarapũ usã pehãgũ waro wihnono tutuaro wẽdi. Sa yero pahcõri yucũsare quẽ mio cãmedi. Sa wihnono wẽpẽgũta Jesu pehe carĩno nidi.

²⁵ Sa wahagũ ihñana usã tiquirore wahcõu. Wahcõ ohõ saha nii:

—Pũhto, yũhdũoya. Mari minina tana niajã, nii usã.

²⁶ Usã sa nigũ Jesu yãhtiri:

—¿Dũhsena cue maca cãri mũsa? Yũhũre wacũ tutuerare mũsa, nidi Jesu usãre.

Sa ninota wahcãdũca sa, wihnonore pahcõri gũhũre “Yũsũahya”, nidi. Tiquiro sa nigũ wihnono yũhdũa wahari. Sa ye pahcõri gũhũ yũsũ dijiaa wahari.

²⁷ Tiquiro sa yegũ ihña acũana, ohõ saha nii usã:

—¿Yohou, dũhse ijiriquiro boro masũno ijiajari ahriquiro? Ahri wihnono, pahcõri gũhũ tiquiro dutigũ yũhdũũcaerare tiquirore, nii usã.

Watĩa cuoyequinare watĩare cohãhye Jesu (Mr 5.1-20; Lc 8.26-39)

²⁸ To bato pehã sa, Gadara cjẽna ya yehpapũ esau. Topũ usã esagũ pũaro mũma masa coperi cahapũ ijieyquina Jesure piti cari. Tiquina watĩare cuoyequina cuayequina ijiri. Sa yero topũ masa tiquina wahamehnenõ ijiri.

²⁹ Tiquirore piti ca, sañuducuri:

—¿Mũhũ Cohãcjũ macũ dũhse yegũ ahtajari mũhũ usã cahapũre? ¿Usãre Cohãcjũ tiquiro buhiri dahreati pje ijierapẽgũta usãre buhiri dahrei ahtau niajari mũhũ? ni sañuducuri tiquina.

³⁰ Tiquina cahapũ peyequina yesea maca ihyaye nidi.

³¹ Tiquinare ihñañe, watĩa ohõ saha nidi Jesure:

—Usãre cohãgũ sisequina cahapũ waha dutiya usãre. Tiquina mehna iji dutiya usãre, ni sinidi watĩa Jesure.

³² —Au, wahaya, nidi Jesu.

Tiquiro sa nigũ watĩa pũaro masa mehna ijiriquina waha, yesea cahapũ esari. Tiquina mehna tiquina ijigũta yesea pari, pari cjãpũ oma maa buha, ditarapũ bora ñojoa, mini yaria pihitia wahari.

³³ Tiquina sa wahagũ ihñañe yeseare ihña ihboyequina pehe cuea waha, oma maa cãa wahari. Macapũ esa, yesea tiquina minidire yahu site pehoahye. Watĩare cuoiquinare Jesu watĩare tiquinapũre ijiriquinare cohã wiori gũhũre yahu pehoahye tiquina.

³⁴ Sa tiquina yahu siteri bato ti maca cjẽna ijipihiteyquina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

Tini masieniquirore yũhdũoahye Jesu (Mr 2.1-12; Lc 5.17-26)

¹ Sa ye Jesu yucũsapũ sajã, ditarapũ pehã, tiquiro masari macapũ esahye.

² Topũ apequina tini masieniquirore tiquiro cuñari cahsero mehna yo wãa wihiahye Jesu cahapũ. “Jesu ahriquirore dohatiyere yũhdũgũ yerota”, ni tũhotuahye tiquina. Tiquina sa ni tũhotugũ masino dohatiriquirore ohõ saha niahye Jesu:

—Bucueya mũhũ. Mũhũ ñañe yeyere cohã tuhasau yũhũ, niahye tiquiro.

³ Tiquiro sa nigũ tũhoye ihquẽquina mari judio masare buheyequina ohõ saha ni tũhotumahye. “Ahriquiro ihyo ijiriquiro sa nino ‘Cohãcjũ ijiaja’, nino nine. Sa nino Cohãcjũre ñano nino nine”, ni tũhotumahye tiquina.

⁴ Tiquna sa ni tãhotugũ masino, ohõ saha niahye Jesu:

—¿Dũhsena sa ñano tãhotujari masa?

⁵ “Mũhũ ñaife yeyere cohã tuhasaja”, yũhũ nigũ “Ni mehogu ijire”, nine masa quehnoano masiedapenata. “Wahcãdũca, wahaya”, yũhũ nigũ tiqũiro tinigũ ihñana, yũhũ nidi poto ijigũ duita masa masinata.

⁶ Yũhũ masa Cohãcjũ ohorigũ ahri yehparũ masa tiquna ñaife yeyere cohã masiaja yũhũ. Masa tiquna ñaife yeyere cohãcjũre cũri Cohãcjũ yũhũre. Yũhũ sa cohãrire masa masiatore saha ohõ sahata ye ihñoutja masa ihñaire, niahye Jesu.

Sa ni tuhasa tini masieniqũirore ohõ saha niahye:

—Wahcãdũcaya. Mũhũ cuñari cahserore ne cãhña mũhũ ya wãhũpũ, niahye tiqũirore.

⁷ Tiqũiro sa nigũ tãhoro tini masieniqũirore wahcãdũca sa, tiqũiro ya wãhũpũ toja wahahye.

⁸ Sa wahagũ ihñañe masa cueahye. Sa ye Jesure Cohãcjũ tiqũiro tutuayere tiqũiro ohogũ ihñañe masa Cohãcjũre ño peo, quehnoano yahuducuahye.

Jesu Mateore pijahye
(Mr 2.13-17; Lc 5.27-32)

⁹ Tiquna sa yeri bato Jesu topũ ijiriqũiro ahta, yũhũre Mateore boca sari. Pãhtoa ye ijiatire masare wapa ne cohategũ ijimi. Sa yegu ti pjere yũhũ dahrari tucũpũ dujii. Topũ yũhũ dujigũ ihñano ohõ saha nidi yũhũre:

—Yũhũ mehna cjũ ijiajũ ahtaya, nidi Jesu yũhũre.

Tiqũiro sa nigũ tãhogu wahcãdũca tiqũiro mehna wahau.

¹⁰ Came ya wãhũpũ Jesu gãhũ ihyaye ahtari. Peyequina wapa ne cohteyequina, “Ñano yeyequina”, tiquna niñequina gãhũ usã mehna ihyari.

¹¹ Tiquna mehna usã ihyagũ ihñañe, fariseo masa usãre Jesu buhenare ohõ saha nidi:

—¿Dũhse yero masare buheriqũiro wapa ne cohteyequina mehna, ñano yeyequina mehna ihyajari? nidi tiquna usãre tiqũiro buhenare.

¹²⁻¹³ Tiquna sa nigũ tãhoro Jesu pehe queoye mehna buhero yũhtiri:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. Sa yegu ñañequina dihitarẽ tiquna ñañene yerire bũjũa witi duti, quehnoañe pehere comesagũ yei ahtaũ nii yũhũ. Tiquna basi “Quehnoana ijiaja usã”, ni tãhotuyeqũinare yedohogu ahtaerũ. Cohãcjũ tiqũiro nidire tiquna ojoarire masiña masa. “Wahiqũinare masa wejẽ, ujuũ mũoñe mehna yũhũre masa ño peogũ cahmedaja. Apeqũinare masa paja ihñagũ pehere

cahmeaja”, ni ojoahye. Ahri tiqũiro ojoari dũhse nidire masiña masa. Tire quehnoano buhe nemona wahaya, nidi Jesu fariseo masare.

Sijiyere sinituahye Ñũ buheyequina Jesure

(Mr 2.18-22; Lc 5.33-39)

¹⁴ Came Ñũ wame yeriqũiro buheyequina Jesu cahapũ esa, sinituri:

—Usã Ñũ buhena pehe peye tahari Cohãcjũre ño peona tana, sijiaja. Fariseo masa gãhũ sata sijire. ¿Dũhse yeye mũhũ buheyequina pehe sijierajari? nidi tiquna Jesure.

¹⁵ Jesu tiqũiro tãhotuye mehna queoye mehna buhero taro tiqũinare ohõ saha ni yũhtiri:

—Ohõ saha ijire ti: Omoca dũhteropũ tiquna pijoriqũina omoca dũhteriqũiro mehna ijiye, siji masiedare. Sata yũhũ buheyequina gãhũ yũhũ mehna ijiye, siji masiedare. Yũhũ omoca dũhteriqũiro yero saha ijiaja. Omoca dũhteriqũiro bose deco tiqũiro yegũ tiqũiro mehna cjẽna bũjũa witiye mehna ijierare. Sa yeye ihyeyequina ijierare. Yũhũ Pacũ Cohãcjũ yũhũre tiqũiro nedi bato pũritare yũhũ buheyequina mehna ijisi yũhũ. Sa yeye ti pjepũta yũhũ buheyequina gãhũ sijieta, ni yũhtiri Jesu.

¹⁶ Panopũ cjẽ buheye wahma buheye mehna tiquna buhe more duagũ ihñano ohõ saha ni nemori Jesu tiqũinare queoye mehna buhero.

—Ne wahma cahsero suhtiro cahsero mehna mũnãno suhtirore sere ohõno cahmedare. Sa yegũ wahma cahsero mari coseri bato mũnãno suhtirore weje cahmeco, paji yũhũaro tũhũgũ yere. (Ahri yero saha mũna buheyere wahma buheye mehna piti dahre buheraro cahmene.)

¹⁷ Sa yena ne uñse co bisiye core wahiqũiro cahsero ajuroro mũna ajuroro pose yeraro cahmene. Sa yegũ uñse co bisiye pahmuñepũ mũna ajuroro tãhrẽ cãhre. Sa tũhũgũ uñse co gãhũ, ajuro gãhũ cohãa wahare. Sa yena uñse co wahma core wahma ajurorpũ pose yero cahmene. Sa yegũ uñse co cohãeda, ajuro gãhũ cohãedare. (Sata wahma buheye mũna buheye mehna buhe moredaro cahmene,) ni yahuri Jesu tiqũinare.

Jairo maconore maso, dii mũna dohatiducurico gãhũre yũhũoahye Jesu

(Mr 5.21-43; Lc 8.40-56)

¹⁸ Tiqũiro sa ni yahuri watoa mari judio masa pũhtoa mehna cjũno Jesu cahapũ wihiri. Wihĩ, dũsepe curi mehna quehe sa, ohõ saha nidi.

—Yũhu maco mianogã yariaa wahari. Ticorore mũhu omocare duhu peogu ah-taya. Mũhu sa yegũ masanota, nidi tiquiro Jesure.

¹⁹ Tiquiro sa nigũ tũhoro Jesu wahcãduca tiquiro mehna wahari. Uãã tiquiro buhena gãhu wahau.

²⁰ Uãã mahapu wahaducugũ topu numino dii mũna dohatiducuricoro Jesu batopu ahta, tiquiro suhtiro sohtoare dahra tuhuahye. Doce cãmari waro decoripe dii mũna dohatiro niahye.

²¹ Ohõ saha ni tũhotuahye ticoro sa yero: “Ti suhtiroro dahra tuhugo, quehnoa wahagota”, ni tũhotuahye ticoro.

²² Ticoro sa yegũ masino Jesu majareduca, ticorore nidi.

—Maco, bucueya mũhu. Mũhu yũhũre wacũ tutuaye mehna quehnoago tojoare yojopũre, nidi tiquiro.

Tiquiro sa nigũta yũhũna wahari ticoro.

²³ Sa ye tuhasa Jesu puhtoro ya wũhũpu esari. Topu esa, ñehe quea utiyequinare weõgu mute pohoro saha ijidũre putiyequinare ihũari. Peyequina masa tiquina ñano bisigũ gãhũre tũhori tiquiro.

²⁴ Tiquina sa yegũ ihũano masare ohõ saha nidi:

—Wijjaya mũsa. Yarierare ticoro. Carĩno nine, nidi tiquinare.

Tiquiro sa nigũ tũhoye “Sa ni maca cãno nine ahriquiro”, niñe, masa bujũri tiquirore.

²⁵ Sa yero wũhu puhũapũre ijieyequina masare tiquiro wio pehori bato yar-aricoro cahapu esa, ticoro omocare ñeheahye. Tiquiro sa ñehẽgũ masa quehe sa, wahcãduca sahye ticoro.

²⁶ Tiquiro sa yerire tũhoye, to cjẽna masa ijipihtieyequina yahu siteri.

Pũaro caperi bajueyequinare ihũagũ yeahye Jesu

²⁷ Sa yero Jesu topu ijiriquiro wahagũ, pũaro caperi bajueyequina tiquirore pisu nũnu tãri:

—Davi panami iji turiagu, masare yũhũuoacjũ, usãre paja ihũaũa mũhu, ni saũducuri tiquina.

²⁸ Tiquina sa nigũta Jesu ape wũhũpu sajãri. Tiquiro sa sajãgũ masiñe caperi bajueyequina tiquiro cahapu sajãa wahari. Tiquina sa sajã sagũ ihũano tiquiro pehe sinituri tiquinare:

—¿“Marine ihũagũ yerota tiquiro”, ni tũhotuajari mũsa yũhũre? nidi tiquiro.

—Puhto, sata ni tũhotuaja usã, ni yũhtiri tiquina.

²⁹ Tiquina sa nigũta tiquina caperire ña peori. Ña peo ohõ saha nidi:

—Yũhũre “Sa yerota”, mũsa ni tũhoturiro sahata sa yeaja mũsare, nidi Jesu.

³⁰ Tiquiro sa nigũta tiquina caperi pehe quehnoa wahari. Sa ye Jesu ohõ saha nidi tiquinare:

—Ahri yũhu ohõ saha yerire apequinare ne yahueracãhũa, nidi.

³¹ Tiquiro sa niepegũta waha, topu ijieyequinare yahu siteri tiquina tiquiro sa yerire.

Yahuducueriquirore yahuducugũ yeahye Jesu

³² Ti wũhũre tiquina wijjagũ waro ihcãquiro yahuducueriquirore ne cãhtari masa. Watĩno tiquiro mehna ijiriquiro tiquirore yahuducueragũ yeahye.

³³ Tiquina ne sagũ ihũano watĩnore Jesu cohã wiori. Tiquiro sa cohãgũ watĩnore cãoriquiro pehe yahuducua wahari. Tiquiro sa yegũ ihũaũe ijipihtieyequina ihũa maria pihtia wahari.

—Ne, ahri yehpa Israe yehpapũre ohõ saha yeyere ihũedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watĩa puhtoro tutuaye mehna watĩare cohãre ahriquiro, ni yahuducuri tiquina.

Masare paja ihũahye Jesu

³⁵ Sa ye ijipihtieye macari topu ijieyequinare macarigãre, bujũye macari gãhũre buhe tinino wahari Jesu. Quehnoaũe buheyere judio masa mari buheye wũhũsepu buhero wahari tiquiro. Sa yero Cohãcjũ puhtoro tiquiro ijiatire yahuri. Ijipihtieye dohatieye gãhũre to cjẽnare yũhũuori tiquiro.

³⁶ Masa peyequina ñano yũhũueyequinare, pejecũoro wahayequinare tiquina ijigũ ihũano Jesu tiquinare paja ihũari. Tiquina oveja opana marieñequina yero saha tiquina ijigũ ihũano Jesu tutuaro paja ihũari tiquinare.

³⁷ Sa yero ohõ saha nidi tiquiro usãre tiquiro buhenare, queoye mehna buhero:

—Trigo peye bucsua tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoaũe buheyere tũhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero saha quehnoaũe buheyere buheatiquina gãhũ meheñequinagã ijire.

³⁸ Sa yena quehnoaũe buheyere buheatiquinare apequinare tiquiro ohoatire siniña Cohãcjũre, nidi Jesu.

10

Jesu doce waro beseahye tiquiro ohoatiquinare

(Mr 3.13-19; Lc 6.12-16)

¹ Came doce usãre tiquiro buhenare Jesu pijio, tutuayere ohori usãre. Watĩare usã

cohã masiatire ijiphiytiye dohatiyere usã cohã masiatire ohori usãre.

² Ohõ saha wame tii usã Jesu cürina: Simo ijiri. Tiquiroreta Pedro ni pisuri Jesu. Simo bahuro Andre gãhu ijiri. Santiago gãhu tiqiro bahuro Ñu mehna ijiri. Tiquina Santiago gãhu pacuro Zebedeo wame tiri.

³ Felipe, Bartolomé, Tomasu, yũhu Mateo ijii usã. Yũhu pehe puhtoia ye ijiatire masare wapa ne cohtegũ ijimi. Usã mehna Santiago ijiri. Tiquiro pehe Alfeo macuro ijiri. Sa yero Tadeo gãhu ijiri.

⁴ Simo celote ya curua cjãno ijimediquiro, Juda Iscariote gãhu ijiri. Juda pehe Jesure ihña tuhtiyequinare ihñaotiquiro ijiri.

Jesu tiqiro buheyequinare buhe dutiro ohoahye

(Mr 6.7-13; Lc 9.1-6)

⁵ Sa ye usãre doce tiqiro buhenare ohoro, "Ohõ saha yeya", ni yahuri usãre Jesu:

–Judio masa ijieyquina cahapũre wa-haeracãhña. Ne Samaria yehparũ ijie macaripũ gãhũre wa-haeracãhña.

⁶ Israe yehpa cjẽna cahapũ pehere wahaya. Cohãcjũre masieñequina ijire tiquina.

⁷ "Ehmuse cjãno puhtoro tiqiro ijati mehenogã duhsare", ni buheya tiquinare.

⁸ Sa yena cami bucũ muna wihare, apeye peye sijoro saha ijie dohatiyere caoyequina gãhũre yũhdugũ yeya. Yari-riquinare masoña. Watia masa mehna ijieyequinare cohãña tiquinare. Musare sa ohogũ niãa ahri tutuayere. Sa yena masa gãhu yũhu sa ohoriro sahata masare yũhdugũ yeya wapa neno marieno.

⁹ Masa wahana niñerure ne nedacãhña.

¹⁰ Ne masa ajurore, puaro camisare, pua pa dahpo suhtire, tuaye cju gãhũre nedacãhña. Masa sañaño dihitare sañaa wahaya. Apeye suhtire nedacãhña. Masa buhena waharopũ ijieyquina tiquina pehe musare pohe ijiatire ohoeta. Sata ohoro cahmene tiquinare.

¹¹ "Ti macaripũ esana, musare quehnoano piti catiquirore macaña. Sa yena ti wũhpũta tojoarĩña. Tee, coã wahanapũ wijiãya ti wũhũre.

¹² Sa yena wũhpũ sajãna, "¿Ijiajari masa?" niña ti wũhu cjẽnare. Musare quehnoano tiquina cahmegũ "Cohãcjũ mehna quehnoano ijiãya masa", niña tiquinare.

¹³ Musare tiquina cahmedagũ, masa sa niborire nedacãhña.

¹⁴ Sa yena musare tiquina cahmedagũ, tiquina tuho dueragũ ti wũhũre wijiãya. Wijiãna, dahpocãri cjẽ dihta esa wahãrire wejẽ site cũña masa tiquinare tiquina ye buhirire masigũ yena. Ti macã cjẽna musare cahmedagũ sata yeya tiquina gãhũre.

¹⁵ Ijirota musare niita niãa. Ahri deco pihitigũpũre Sodoma cjẽna, Gomorra cjẽna gãhũ tutuaro buhiri tiatiquinata ijire. Tiquina sa ijiepegãta tiquina yũhdũoro musare cahmeeñequina buhiri tiatiquina ijietã, ni yahuri Jesu.

Jesu yequinare apequina ñano yeatire yahuahye Jesu

¹⁶ Sa ni tuhasa ohõ saha ni nemori:

–Yũhũre tuhoya masa. Oveja yero saha ijinare musare ñañequina watoa ohogũ niãa. Tiquina ñañequina nucũ cjẽna yayia usuayequina yero saha ijire. Sa yena masa pehe apequina wahiquina wacũ masieñequina yero saha ijiãya. Sa ijina ijiepenata bujua yero saha ne usuena ijiãya masa.

¹⁷ Quehnoano yeya masa. Musare masa puhtoare ohoeta. Judio masa mari buheye wũhũsepũ quẽeta musare.

¹⁸ Sa yeye yeequina masa ijiri buhiri macari cjẽna puhtoia cahapũ tiquina bui ijieyequina puhtoia cahapũ gãhũre neañeta musare. Sa yena musare topũ tiquina neagũ puhtoare, judio masa ijieyequina gãhũre quehnoañe buheyere buhenata masa.

¹⁹⁻²⁰ Musare puhtoare tiquina ohogũ tiquinare masa niatire "Yohou, masied-aboaga", ni tuhoteracãhña. Musare tiquina sinitugũta masa niatire masinata. Sa masina tiquinare yahuna, masa tire masa esa tuhoro yahuducuna nisi. Cohãcjũ pehe mari Pacũ tiqiro yaquiro Espiritu mehna musare yahuducugũ yerota.

²¹ "Ti pjere tiquina wahmisũmũa tiquina bahanare wejẽ dutiye ohoeta puhtoare yeequina tiquina ijiri buhiri. Tiquina pacũsũmũa tiquina pohne wejẽ dutiye ohoeta puhtoare. Tiquina pohne pehe tiquina pacũsũmũare wejẽ dutiye ohoeta puhtoare.

²² Sa yeye yeequina masa ijiri buhiri ihña tuhtietã masa ijiphiytiyequina musare. Tiquina sa yepẽgũta ahri yehparũ masa catiro puno musare tiquina ñano yerire ihcãno sahana yũhũre duhuerana, yũhdũnata masa.

²³ Ihcã macarũ musare tiquina ñano yegũ ape macarũ duhti cãhña. Ijirota musare niita niãa. Israe yehparũ ijie macarine masa pehoato pano, yũhu masũ Cohãcjũ ohorigũ ahri yehparũ tojoa taũtja.

²⁴ "Ne ihcãquiro buheriquiro tiqirore yahuriquiro buipũ ijierare. Sa yero cahãcjãno gãhũ tiqiro puhtoro bui cjũno ijierare.

²⁵ Sa yero ohõ saha tuhũturo cahmene buheriquirore: "Yũhũre buheriquiro yero sahata ijigũtja", ni tuhũturo cahmene. Cahãcjãno gãhũre sata ni tuhũturo cahmene. "Yũhũ puhtoro yero sahata ijigũtja", ni

tuhoturo cahmene. “TiQUIIRO bui ijigutja. Sa yegu yuhu puhtoro tiQUIIRO ñano yuhdugiro sahata ñano yuhdusi yuhu pehe”, ni tuhoturaro cahmene. Yuhu pehe wuhu cjäno yero saha ijjaja. MASA pehe ti wuhuru dahrayequina yero saha ijire. Sa yeye masa yuhure “Beelzebú ijire”, ni yahusãñe, masa gähure yeequinare ñano ni yahuducueta tiQUINA, ni yahuri Jesu.

“¿Noa pehere cuegü quehnoajari?” ni yahuahye Jesu
(Lc 12.2-7)

26 Sa ni tuhasa ohõ saha ni nemori:

—Sa yena masare ñano yeequinare cueracãhña. Masa tiQUINA yahuerarire came apeQUINA masieta. Sa yeye tiQUINA ñuori gähure apeQUINA masieta.

27 Masare tuhørogã yuhu yahurire peyeQUINA masa watoa buhe turiaya masa.

28 Masunore wejẽñequina tiQUIIRO pagu dititare wejẽne. TiQUIIRO jeripohna yariere. Sa yena masare wejẽ duayeQUINARE cueracãhña. Cohãcju pehere cueya. TiQUIIRO masa pagurire, masa jeripohnari gähure pecapu cohã masine. Sa yena tiQUIIRO pehere cueya.

29 Puaro siripia wapa mariedare. TiQUINA sa wapa mariedapegãta ihcãquirogãre Cohãcju ne boerare. Cohãcju dutieragü ne yariere tiQUIIROgã.

30 Sa yero masa poarire ne ihcã poa da duhsaro marieno masi pehore Cohãcju. Sata masa ijije tiye gähure masi pehore Cohãcju. Sa masino masare ihña ihboducre.

31 Siripiare tiQUIIRO cahño yuhduoro, masa pehere cahñe Cohãcju. Sa yena pajiro tuhoturacãhña masa.

Jesure masa wacü tutuarire yahuya masare

(Lc 12.8-9)

32 IhcãQUIIRO “Jesu yaQUIIRO ijjaja”, masare tiQUIIRO ni yahugü yuhu gähü tiQUIIROre “YaQUIIRO ijire”, ni yahugutja yuhu Pacare uhmuse cjunore.

33 Sa ijiepegãta ihcãQUIIRO “Jesu yaQUIIRO ijieraja”, masare tiQUIIRO nigü yuhu gähü “YaQUIIRO ijierare tiQUIIRO”, ni yahugutja yuhu Pacare, ni yahuri Jesu.

Jesu masare tu wagü yere

(Lc 12.51-53; 14.26-27)

34 Sa ni tuhasa ohõ saha ni yahu nemori:

—¿Duhse ni tuhøtuajari masa yuhure? ¿“TiQUIIRO masare tiQUIIRO buheri bato apeQUINA tiQUINARE ihña tuhtisi”, ni, tuhøtuajari masa? Sa ijierare. Masare yuhu buheri bato ihquẽQUINA yeere tãhoeta. ApeQUINA pehe tiQUINARE ihña tuhtieta. Ihcãno saha ijisi masa.

35 Wacuna yuhu buheyere tiQUINA tuhori buhiri tiQUINA pohne tiQUINARE ihña tuhtieta. Wacuna numia gähü yuhu buheyere tiQUINA tuhori buhiri tiQUINA pohna numia tiQUINARE ihña tuhtieta. TiQUINA mareosãnumia yuhu buheyere tiQUINA tuhori buhiri tiQUINA macu namosãnumia tiQUINARE ihña tuhtieta.

36 Sa yeye masa tiQUINA acayere ihña tuhtiyequina ijietã.

37 Yuhure tiQUINA cahboriro yuhduoro tiQUINA pacusmua pehere cahñ yuhduucaye, yeeQUINA ijisi tiQUINA. Yuhure tiQUINA cahboriro yuhduoro tiQUINA pohne pehere cahñ yuhduucaye, yeeQUINA ijisi tiQUINA.

38 Sa yeye apeQUINA curusapu yariariro saha yeeQUINA tiQUINA ijiri buhiri ñano yuhdueta tiQUINA gähü. Sata ñano yuhdu dueyequina yeeQUINA ijisi tiQUINA.

39 Masa yuhure wacüno marieno tiQUINA esa tuharo yeye pecapu wahaeta tiQUINA. Sa yeye yeere sa yeducuye ijiphiye decori yuhu mehna ijietã tiQUINA, ni yahuri Jesu.

Mari wapatatire yahuahye Jesu

(Mr 9.41)

40 Sa ni tuhasa ohõ saha ni yahu nemori:

—Masare yeeQUINARE ihcãQUIIRO quehnoano cahmeno, yuhu gähure cahmeno nine tiQUIIRO. Sa yero tiQUIIRO yuhure quehnoano cahmediQUIIRO yuhure ohoriquiro gähure cahmeno nine.

41 Sa yero Cohãcju yere yahuriquiro wapatarota. TiQUIIROre quehnoano yerota Cohãcju. Sa yero tiQUIIRO yere yahuriquiro tiQUIIRO ijigü ihñano apeQUIIRO pehe yahuriquirore quehnoano cahmeno, yahuriquiro yero sahata wapatarota tiQUIIRO gähü. Sa ye apeQUIIRO quehnoano yeriquiro wapatarota. Sa yero quehnoano yeriquiro tiQUIIRO ijigü ihñano apeQUIIRO pehe tiQUIIROre quehnoano cahmeno, quehnoano yeriquiro yero saha wapatarota tiQUIIRO gähü.

42 YaQUIIROgã ihcãQUIIRO tiQUIIRO ijigü ihñañe duhse ijieyequina tiQUIIROgãre acore mehenogã tiQUINA sihøpegãta, potota tiQUINARE quehnoano yerota Cohãcju, ni yahuri Jesu.

11

Ñu wame yeriquiro tiQUIIRO buheyequinare Jesure sinitu dutiro ohoahye

(Lc 7.18-35)

1 Usãre tiQUIIRO buhenare tiQUIIRO sa ni yahuri bato to cahapu ijije macaripu buhero wahari tiQUIIRO.

2 Sa ye tiQUIIRO yerire Ñu peresupu ijiriquiro tãhoahye. Sa tãhooro Ñu tiQUIIRO buheyequinare Jesure sinitu dutiro ohoahye.

³Sa ye Jesu cahap̄ esa, sinituri tiquina Ñu buheyequina.

—¿Ñu “Yuh̄u bato apequiuro ahtarota”, tiquiuro nidiḡu ijiajari muh̄u? ¿Tiquiuro nidiḡu muh̄u ijieraḡu apequiurore cohtenatari us̄a? ni sinituri tiquina pehe Jesure.

⁴Tiquina sa niḡu tuhoro Jesu yuhtiri:
—Yojop̄are masa tuhore, masa ih̄nare Ñure yahuna wahaya:

⁵“Caperi bajueyequina ih̄nare. Tini masieñequina tinine. Cami buçna quehnoa wahare. Cahmono tuhoyequina tuhoa wahare. Yariariquina masaa wahare. Tiquina ijipih̄tiyequinare quehnoa wahaḡu yei yuh̄u. Sa yeḡu pejeçoyequinare quehnoañe buheyere yahuaja.

⁶Yuh̄are tuhoriquiuro “Poto ijire”, niniquiuro tiquiuro bucueriquiuro ijire’, nidi”, ni, Ñure yahuna wahaya, nidi Jesu.

⁷Ñu buheyequina tiquina wahari bato, Jesu pehe Ñu ijiye tiyere yahu d̄ucari peyequina masare:

—Masa marienop̄u taare wihnono wēdoqueo mujaḡu ih̄nana eserari masa.

⁸“Quehnoañe suhti tiriquiurore ih̄nana wahañna”, niedari masa masa marienop̄u wahana. Quehnoañe suhti tiyequina wapa bujuyere çoyequina puhto a ye wuh̄sepeñ ijire.

⁹Masa marienop̄u esana Coh̄c̄j̄u yere yahu muhtariquiurore ih̄nana esari masa. Ijirota ijire. Ñu Coh̄c̄j̄u yere yahu muhtariquiuro ijire. Apequina Coh̄c̄j̄u yere yahu muhtañequina yuh̄uoro ijiriquiuro ijire tiquiuro pehe.

¹⁰Panop̄u Coh̄c̄j̄u yere tiquina ojoari p̄p̄u Ñure oh̄o saha ni yahuahye: Mari Pac̄u tiquiuro mac̄nore oh̄o saha niyahye: “Muh̄u pano muhare yahuyuatiquiurore ohoḡu niaja”, niyahye, ni ojoahye panop̄are Ñure.

¹¹Musare ijirota niaja. Apequina ijipih̄tiyequina bui ijire Ñu wame yeriquiuro. Ahri decorip̄are tiquiuro sa ijiepeḡata uhm̄use çj̄ano puhtoro ijip̄are ijipih̄tiyequina doçap̄u ijiriquiuro p̄rita Ñu bui ijire.

¹²Ñu wame yeriquiuro tiquiuro buhe, wame ye d̄ucaḡu peyequina masa uhm̄use çj̄ano puhtoro ijip̄u tiquina tutuaye mehna, tiquina esa tuharo saj̄a duamedì.

¹³Coh̄c̄j̄u yere yahu muhtañequina tiquina ojoarire, Coh̄c̄j̄u Moiseri tiquiuro c̄urip̄u ḡuh̄are buhena Coh̄c̄j̄u tiquiuro puhtoro ijiatore masiaja mari. Ñu ḡuh̄u tireta yahuri.

¹⁴“Elia ahtarota”, panop̄u tiquina nidiquirota ijire Ñu pehe. Panop̄u çj̄ena tiquina nidire “Poto ijire”, ni duana Ñu tiquina sa nidiquiuro tiquiuro ijiḡu masinata masa.

¹⁵Quehnoano tuhoya masa ahrire.

¹⁶‘Yojop̄u çj̄ena masa yabequina yero saha ijiajari tiquina, masa tuhutoḡu? Tiquina macanaḡa yero saha ijire. Apequina tiquina cahmeno saha tiquina yeraḡu bucuere tiquinaḡa. Doeri çj̄e duarop̄u ape dujiye, oh̄o saha ni pisupere tiquinaḡa basi:

¹⁷“Masa basatire us̄a tire putiḡu? Us̄a tutuaro ñehe quea utipe, sañuducupemi. ¿Masa pehe d̄uh̄sena us̄a mehna utiperari?” niducuriquina yero sahata ijire yojop̄u çj̄ena ḡuh̄u. Yojop̄u çj̄ena tiquina cahmeno saha us̄a yeraḡu ih̄nane bucuere tiquina ḡuh̄u.

¹⁸Tiquina yero saha yena oh̄o saha yere masa yojop̄u çj̄ena. Ñu wame yeriquiuro Coh̄c̄j̄ure ño peoro taro sijiro, vinore sihniedari. Tiquiuro sa sihniedaḡu ih̄nana “Wat̄inore çoriquiuro ijire”, nimedì masa tiquiuro pehere.

¹⁹Yuh̄u masu Coh̄c̄j̄u ohorigu ijiḡu yuh̄u ih̄ya, sihniaja. Yuh̄u sa yeḡu ih̄nana oh̄o saha nine masa yuh̄u pehere: “Ih̄nane. Ahriquiuro pajiro ih̄yariquiuro, queheriquiuro ijire. Wapa ne cohteyequina, ñano yeyequina ḡuh̄u tiquina piti tiriquiuro ijire tiquiuro”, nine masa yuh̄are. Sa nina macanaḡa yero saha yahuducuna nine masa. Masa cahmeno saha us̄a yeraḡu bucuere masa. Sa masiedapenata us̄a ye ih̄nare ih̄nana, Coh̄c̄j̄u yere us̄a masiḡu masinata masa, nidi Jesu tiquinare.

*Tiquina ñañene bujua witieyequina ye macari çj̄enare tuhtiahye Jesu
(Lc 10.13-15)*

²⁰Apeye macari çj̄enare tuhtiri Jesu. Ti macarine apeye macari yuh̄uoro Coh̄c̄j̄u tutuaye mehna ye ih̄nõmedi tiquiuro. Tiquiuro sa ye ih̄nopeḡata tiquina ñañe yerire duhuerari tiquina. Sa yero oh̄o saha ni tuhtiri Jesu tiquinare.

²¹—Coraz̄in çj̄ena, masa ñano yuh̄danata. Betsaida çj̄ena, masa ḡuh̄u ñano yuh̄danata. Masa ye macarip̄are Coh̄c̄j̄u tutuaye mehna ye ih̄nõmi. Tiro wame tiri macare, Sidõ wame tiri maca ḡuh̄are tiquiuro tutuaye mehna yuh̄u ye ih̄noḡu ih̄nane panop̄u to çj̄ena pehe tiquina ñañene bujua witiboaga. Sa yeye quehnoañene comesaboaga. Masa dija suhtire saña, peca çj̄e nujuare tiquina bui dahra site peoboaga tiquina ñañene bujua witiyere ih̄noñe.

²²Musare niita niaja. Buhiri dahreati deco ijiḡu Coh̄c̄j̄u Tiro çj̄ena, Sidõ çj̄ena yuh̄uoro masa pehere masa ñari buhirire ña yuh̄uoro buhiri dahrerota.

²³Capernau çj̄ena, masa esa tuharo uhm̄usepeñ waha duamedì. Musare Coh̄c̄j̄u pecap̄u coh̄anota. Masa ya macap̄u Coh̄c̄j̄u tutuaye mehna ye ih̄nõmi. Masa yuh̄are tuhoerari. Sodoma wame tiri macare

Cohācǵū tutuaye mehna yūhū ye ihñogū ti maca pehe vojopure ijiboaga.

²⁴ Musare niita niaja. Buhiri dahrereri deco ijigū Cohācǵū Sodoma cǵēna yūhdūoro, mūsa pehere mūsa ñari buhiri ña yūhdūoro buhiri dahrerota, nidi Jesu ti macari cǵēnare.

—Yūhū *caharu sona taya, niahye Jesu*
(Lc 10.21-22)

²⁵ Ti pjere ohō saha nidi Jesu tiqairo Pacuro mehna yahuducuro:

—Yūhū Pacu, mūhū uhmuse cǵēna puhto, ahri yehra cǵēna puhto ijire. Ahri mūhū buheyere “Quehnoano masina ijaia usā”, niñequinare masigū yerare mūhū. Buhe pehoeyequina pehere mūhū yere masigū yere mūhū. Mūhū sa yegū, “Quehnoare”, niaja yūhū mūhare.

²⁶ Sata ijire. Tiquina pehere masigū cahmedi mūhū, nidi Jesu tiqairo Pacurore.

²⁷ Sa yero masare ohō saha ni yahu nemori:

—Yūhū Pacu ijiphtiyere yūhare ohori. Tiquiro dihita yūhare quehnoano masine. Sa yena usā dihita yūhū masi dutiyequina mehna yūhū Pacure masiaja usā.

²⁸ Mūsa ñaife apee boro nūcūne yero saha ijire. Nūcūne wūana mūsa tahrīno saha ñaifene wahyia wahare mūsa. Sa wahyirina ijina yūhare cahmeña mūsa. Mūsa sogū yeitja. Mūsa ñaife yeyere duhugū yeitja.

²⁹ Yūhū dutiyere yeya. Yeere quehnoano masiña. Yūhū paja ihñagū ijaia. Sa yegū yūhdūucaegū ijaia. Yūhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa.

³⁰ Yeere mūsa yegū mijoadare. Sa yero mūsa wūaye ti nūcūdarō sahata yūhū pehe mūsa mehenogā ye dutiaja, nidi Jesu.

12

Judio masa tiquina sori decore trigore pehehye Jesu buheyequina

(Mr 2.23-28; Lc 6.1-5)

¹ Mehenogā tiqairo sa ni buheri bato saurū ijigū usā Jesu mehna trigo wesepū esau. Usā tiqairo buhena uja ahbana, trigore pehe, ihyā tuhāsa, yūhdū cāa wāhān usā.

² Usā sa yegū ihñāne, fariseo masa Jesure ohō saha nidi:

—Tūhorīña usāre. ¿Dūhse ye mūhū buheyequina saurū mari sori deco ijiepegūta dahrajari? Marine dutiyere yūhdūucaye nine, nidi tiquina.

³⁻⁴ Jesu yahtiri. “Yūhū buheyequina yūhdūucaye niedare”, ni yahuro tarō ohō saha ni yahtiri:

—Davi tiqairo mehna cǵēna mehna uja ahbarō Cohācǵū wūhūpū sajā, Cohācǵū ye pāre ihyāhye. Ti pāre pahia dihita ihyāe tiahye. Cohācǵū dutiyere tiquina ojoari pū

apequinare ti pāre ihyā dutierare. ¿Davi gāhū tire tiquina yerire Cohācǵū ojoari pūpū buherari mūsa? (Ti pāre ihyāro Cohācǵūre yūhdūucaro niedahye. Miare ahri pjerire ihyāye yūhū buheyequina gāhū Cohācǵūre yūhdūucaye niedare.)

⁵ Sa ye Cohācǵū wūhūpū dahrayequina pahia ne soerare mari soye decorire. Sa soerapeta Cohācǵū dutiyere yūhdūucayequina ijierare. ¿Tire buherari mūsa Cohācǵū Moiserē tiqairo cūri pūpū?

⁶ Mūsa niita niaja. Cohācǵū wūhūre ño peona ti wūhūpū dahrayequina tiquina soeragū ihñāpenata “Quehnoanota”, nine mūsa. Ti wūhū yūhdūoro yūhū pehere ño peoro cahmene.

⁷ Cohācǵū yere tiquina ojoari pū ohō saha nine: “Wahiquinare wejē, uja mūoñe mehna yūhare mūsa ño peogū cahmedaja. Apequinare mūsa paja ihñagū pehere cahmeaja yūhū”, nine tiqairo yere tiquina ojoari pū. Tiquiro sa nidire mūsa quehnoano tūhona, yūhū buheyequinare tiquina buhiri mariedapegūta tiquinare tuhtieraboaga mūsa.

⁸ Yūhū masū Cohācǵū ohorigū ahri deco saurū decore masa tiquina yeatire yahugū ijigū puhto ijaia, nidi Jesu fariseo masare.

Omoca bahariqairo quti ijire

(Mr 3.1-6; Lc 6.6-11)

⁹ Tiquiro sa nidi bato waha, judio masa mari buheri wūhūpū esau usā Jesu mehna.

¹⁰ Topū omoca bahariqairo ijiri. Sa yeye fariseo masa pehe Jesure yahusāne tehe, tiqairore sinituri:

—Saurū decore mari sori decore masunore yūhdūo dutierare Cohācǵū. ¿Sata ijijari, mūhū tuhotugū? ni sinituri tiquina.

¹¹ Jesu yahtiri tiquinare:

—¿Mūsa yaqairo oveja saurū ijigū copepū tiqairo bora sajāgū tiqairore ne wioeraboagari mūsa? Ne wionata mūsa.

¹² Oveja yūhdūoro ijire masuno pehe Cohācǵū tiqairo ihñagū. Sa yero saurū ijigū quehnoañene mari yegū quehnoañene, ni yahtiri Jesu tiquinare.

¹³ Tiquiro sa nidi bato omoca bahariqairore ohō saha nidi:

—Mūhū omocare siō potoya, nidi tiqairo.

Tiquiro sa nigū omoca bahariqairo pehe siō poto, omoca quehnoa wahari ape omoca quehnoari omoca yero saha.

¹⁴ Sori decore tiqairo sa yegū ihñāne, fariseo masa waha, tiquina basi ohō saha niahye:

—¿Dūhse Jesure wejēnatari mari? niahye tiquina basi.

Cohācǵū yere yahu muhtariqairo panopu cǵāno Jesure yahuahye

¹⁵ Jesu tiquina sa nidire masino, wahaah wahari. Tiquiro sa wahagū peyequina

masa tiqirore nana tãri. Sa yero tiqiro pehe ijipihitiyequina tiquina mehna cjênare dohatiyequinare yuhdugã yeri.

¹⁶ Sa yero dohatiyequinare tiquinare tiqiro yuhduorire apequinare yahu site dutierari tiqiro.

¹⁷ Sa dohatiyequinare yuhdugã yero, Cohãcjũ yere yahu mahtariqiro Isaia panopũ tiqiro ni ojoariro sahata yero nidi Jesu. Ohõ saha ni ojoahye Isaia:

¹⁸ Ohõ saha nine Cohãcjũ: “Ahriqiro yuhũ cahacjãno ijire. Tiquiro yuhũ beseriquiro ijire. Tiquirore cahãja. Sa yegũ tiqiro mehna bucueaja. Yaquiro Espiriture tiqirore ohogutja. Sa yero yuhũ tutuaye mehna ijipihitiyequina masare yuhũ buheyere yahurota tiqiro.

¹⁹ Sa yahuro tiqiro ne purĩno mehna yahusi. Sa yero sañuducusi. Sa yero maca cjã mahapũ peyequina masa watoa tiqiro tuturo sañuducu yahusi.

²⁰ Wuhjũgũ nuhrino cuadu tiqiro nuhriedagũ yero saha masa gũhure quehnoano yerota tiqiro. Mehenogã wjãri pecare tiqiro yatigũ yeraro saha masa gũhure quehnoano yerota tiqiro. Sata yeducurota tiqiro watĩnore tiqiro yuhduducato pano.

²¹ Sa yeye peyequina masa tiqirore wacũ tutueta”, nine Cohãcjũ, ni ojoahye Isaia.

—*Jesu watĩno tutuayere cuore, ni yahusãhye masa*

(*Mr 3.20-30; Lc 11.14-23; 12.10*)

²² Ihcã deco watĩno cuoriquirore masa ne cãhtari Jesu cahapũ. Tiquiro pehe watĩnore cuoro yahuducu masiedari. Sa yero caperi ne bajuerari. Tiquina sa ne wihigũ ihãano, yuhdugã yeri Jesu tiqirore. Tiquiro sa yegũ watĩno cuoriquiro ihãa, yahuducuri.

²³ Tiquiro sa wahagũ ihããne, masa ihãa maria wahari.

—¿Ahriqiro Davi panamino iji turiariquiro masare yuhduoatiquiro ijiajari? nidi tiquina basi.

²⁴ Jesu watĩare tiqiro cohãrire tuhoye fariseo masa ohõ saha ni tuhutori:

—Beelzebũ watĩa puhtoro tiqiro tutuaye mehna watĩare cohãre Jesu, ni tuhutori tiquina.

²⁵ Tiquina sa ni tuhotugã masino, Jesu queoye mehna yahuri tiquinare, “Watĩno ye tutuaye mehna watĩare cohãgu niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna waha pihtia wahaobaaga. Ihcã maca cjẽna tiquina basi cahmequeñe ti maca cjẽna waha pihtia wahaobaaga. Ihcã wuhũ cjẽna gũhũ sata wahaobaaga.

²⁶ Sa yeye Beelzebũ watĩa puhtoro pehe watĩare cohãno, tiquina watĩa tiquina basi cahmequeñe niboaga. Sa ye tiquina gũhũ waha pihtia wahaobaaga.

²⁷ Ohõ saha ni yahusãre masa yuhure: “Tiquiro Beelzebũ yedohoye mehna watĩare cohãre”, ni yahusãre masa. Masa mehna cjẽna gũhũ watĩare cohãre. ¿Watĩno tiqiro tutuaye mehna watĩare cohãjari tiquina gũhũ, masa ihãagũ? Sa cohãdare. Tise masine masa. Yuhũ gũhũ watĩno tutuaye mehna watĩare cohãdaja.

²⁸ Sa yegũ yuhũ pehe watĩare cohãgu Cohãcjũ yaquiro Espiritu tutuaye mehna tiquinare cohãja. Yuhũ sa cohãgũ ihãana ohõ saha masiãna masa: Cohãcjũ masa bui puhtoro ahri yehpapure iji tuhasare yojopure.

²⁹ Ohõ sahata ijire queoye mehna mari buhegũ: Tutuariqiro ya wuhũpũ apequiro sajã sa yaque masiedare. Tutuariqirore duhteraro tiqiro ya wuhũpũ sajã sa yaque masiedare. Tutuariqirore tiqiro duhteri bato sajã sa yaque masine, ni yahuri Jesu.

(Sa ni yahuri, watĩnore tiqiro yuhduducarire yahuro. Watĩno tutuariquiro tiqiro ijiepegũta Jesu tiqirore yuhduducare watĩare cohãno.)

Sa ni tuhasa ohõ saha ni yahu nemori Jesu.

³⁰ —Ihcãqiro yuhure cahmedaro, yuhure ihãa tuhtiriquiro ijire. Ihcãqiro yuhure yedohoyero, yuhure wape tigũ yero nine.

³¹ Sa yegũ musare poto niita niaja yuhũ. Ijipihitiye ñañene masa tiquina yegũ, yahuducugũ gũhure Cohãcjũ bo masine. Sa boeperota Espiritu Santore tiquina ñano ni yahuducugũ ti pũritare ne bosì.

³² Yuhure masũ Cohãcjũ ohorigure yuhure tiquina ñano ni yahuducurire bo masine Cohãcjũ. Espiritu Santo pehere tiquina ñano ni yahuducurire ne bosì Cohãcjũ. Yojopure, deco pihtigũ gũhure tiquina sa nidire bosì tiqiro, ni buheri Jesu tiquinare.

Masa tiquina yahuducuyere tuhona tiquina ijiepe tiyere masiaja mari

(*Lc 6.43-45*)

³³ Sa yero queoye mehna buhero ohõ saha ni yahu nemori tiquinare:

—Quehnoadu yucũgũ quehnoañene dũca tire. Ñadu yucũgũ ñañene dũca tire. Yucũgũ dũcare masina “Tu dũcata ijire”, ni masiaja mari. Mari sa masino saha masa tiquina yahuducuyere tuhona tiquina ijiepe tiyere masiaja mari.

³⁴ Añaa yero saha ñana ijire masa. Masa ñana ijina, quehnoañene ni masiedare masa. Mari wacũñepũ mari tuhoturiro sahata mari dũseropũ wijiare.

³⁵ Quehnoariquiro quehnoañene tahoture. Sa yero quehnoañene yahuducure. Ñariquiro ñañene tahoture. Sa yero ñañene yahuducure.

³⁶ Quehnoano tahotu yahuducuna ijiya masa. Quehnoano yahuducuerana, buhiri dahreati deco ijigū masa sa ni maca cārire Cohācjüre yahu yuhduñata.

³⁷ Queoro masa yahuducurire masino “Quehnoana ijire”, ninota Cohācjū. Sa yero ñano masa yahuducurire masino “Ñana ijire”, ninota tiquiro, nidi Jesu tiquinare.

Masa ñañequina Jesure Cohācjū tutuaye mehna ye ihño dutiahye
(Mr 8.12; Lc 11.29-32)

³⁸ Tiquiro sa nidi bato mari judio masare buheyequina, fariseo masa gāhu tiquirore ohō saha nidi:

—Buhegu, Cohācjū ohorigu ijigu Cohācjū tutuaye mehna ye ihñoña usāre, nimedi tiquina.

³⁹ Jesu yahrtiri:

—Yojoṛu cjēna ñañequina, Cohācjüre cahmeñequina Cohācjū tutuaye mehna yahu ye ihñogū ihña duamene. Tiquina sa ihña duepegūta Cohācjū yere yahu muhtariquirore Jona panopu cjunore Cohācjū tiquiro tutuaye mehna tiquiro yeri dihitare ye ihñonota masare.

⁴⁰ Jona ihtia deco waro pajiriquiro wahi paa puhiaṛu ijiahye. Tiquiro sa wahariro sahata yahu gāhu masa Cohācjū ohorigu ihtia deco waro masa coperu ijigata.

⁴¹ Nínive cjēna pehe Jona Cohācjū yere tiquiro yahurire tahoye tiquina ñañe yerire bujua witiahye. Sa bujua witiyequina ijiye buhiri dahreati deco ijigū tiquina yojoṛu cjēnare tiquina ñañene bujua witiyequinare “Ñañequina ijire”, ni, yahusāeta. Jona tiquinare Cohācjū yere tiquiro yahugū tahoye quehnoañene cahmeahye tiquina pehe. Sa cahmeñe quehnoano yeye niahye yojoṛu cjēna yuhduoro. Sa yeye tiquina yojoṛu cjēnare yahusāeta. Musare niita niaja. Yojoṛu musare yahu buheye Jona tiquiro buheri yuhduoro ijire.

⁴² Sa ye buhiri dahreati deco ijigū puhtoro sur cjōno panopu cjōno ducu, yojoṛu cjēnare “Ñañequina ijire”, ni yahusānata ticoro gāhu. Ticoro Salomo panopu cjāno tiquiro masiñene taho duaro yoaropu ahri yehpa ape sieru ijiricoro Salomoro tūhoro ahtahye. Sa yero quehnoano yero niahye yojoṛu cjēna yuhduoro. Sa yero ticoro yahusānata yojoṛu cjēnare. Musare niita niaja. Yojoṛu musare yahu buheri Salomo tiquiro buheri yuhduoro ijire, nidi Jesu tiquinare.

Watño pari turi masunore tiquiro sajāri quitire yahuahye Jesu
(Lc 11.24-26)

⁴³ Sa yero pari turi Jesu tiquiro tahotuye mehna ohō saha ni quiti yahuri tiquinare:

—Watño masuno mehna ijiriquiro waha, aco marieni yehpapu tini, tiquiro ijiatore macamahye.

⁴⁴ Sa bocaeraro, ohō saha ni tahotuahye tiquiro. “Masuno yahu cohāriquiro mehnata pari turi ijigu wahañta”, ni tahotuahye tiquiro. Sa ni tahoturo tojoaa waha, tiquiro cohāriquiroreta bocahye. Sa tiquiro bocagū masuno pehe quehnoariquiro ijimahye.

⁴⁵ Sa yero watño apequina siete watiare tiquiro yuhduoro ñañequinare pijiro wahahye. Tiquiro sa pijigū tiquina ijipihtiyequina tiquiro mehna ijiahye. Masuno pehe to pano ihcāquiro watñore cuoro, ñariquiro ijimahye. Cameru pehere peyequina watiare cuoriquiro ijiro, to pano tiquiro ijiriro yuhduoro ña yuhduariquiro ijiahye. Yojoṛu cjēna Cohācjüre cuomediquina tiquirore cohāñe, tiquina gāhu ña yuhduayequina waro wahaeta, nidi Jesu tiquinare.

Jesu acaye tiquirore yahu duahye
(Mr 3.31-35; Lc 8.19-21)

⁴⁶ Masare tiquiro sa ni yahuducuri watoa tiquiro pacoro tiquiro bahana mehna sopecahapu ducu, tiquirore yahu duari.

⁴⁷ Sa yero ihcāquiro Jesure yahuri:

—Muhu paco muhu bahana mehna muhare yahu duaye sopecahapu ducuri, nidi.

⁴⁸ Tiquiro sa nigū tūhoro topu ijiyequinare ohō saha nidi Jesu tiquinare buhero taro:

—¿Noa ijajari yahu paco, yahu bahana gāhu, masa ihñagū? nidi.

⁴⁹ Sa nino, usāre tiquiro buhenare ñupuha, ohō saha nidi:

—Ahriquina ijire yahu paco, yahu bahana yero saha ijiyequina.

⁵⁰ Tiquina yahu Pacu uhmese cjāno tiquiro cahmeñene yere. Sa yeyequina yahu bahu, yahu baho, yahu paco yero saha ijire, nidi Jesu tiquinare.

13

Jesu oteriquiro quitire yahuahye
(Mr 4.1-9; Lc 8.4-8)

¹ Ti decota Jesu wuharu ijiriquiro wijiri. Wijia, ditarapu waha, ditara dūhta cahapu dujiri.

² Tiquiro sa dujigū ihñañe peyequina masa tiquiro cahapu cahmecoa wahpaa waha, bihsaro yeri Jesure. Sa bihsagū ihñano yucasapu sajā, tiapu dujiri tiquiro. Masa pehe paduṛopu ducuri.

³ Sa yero tiquiro peye queoye mehna yahuri tiquinare, buhero taro. Ohō saha nidi tiquiro:

—Oteriquiro otero wahahye.

⁴ Tiquiro sa otero wahagū apeye pjeri maha dāhtu cahapu bora quehe sahye. Topu bora quehe saye pjerire minicjua ahta, ihya cāhye.

⁵ Sa ye apeye pjeri utā paca watoa bora quehe sahye. Utā paca watoa dihta marieda cjūnopu duita pihnimahye.

⁶ Sa pihnieperota asū tutuaro asigū, nuhcori marieda, űaia wahahye.

⁷ Apeye pjeri taa watoa bora quehe sahye. Taa pehe dia yuhduu waha, oteye pehere wejēahye.

⁸ Apeye pjeri quehnoari yehpapu bora quehe sahye. Quehnoano pihni, dāca tiahye. Apeye cju cien pjeri, apeye cju sesenta pjeri, apeye cju treinta pjeri dāca tiahye.

⁹ Ahrire quehnoano tuhoya masa, nidi Jesu.

Jesu queoye mehna tiquiro buherire yahuahye

(Mr 4.10-12; Lc 8.9-10)

¹⁰ Tiquiro sa nidi bato usā tiquiro buhena tiquiro cahapu esa, sinituu usā tiquirore:

—¿Duhse yegu masare queoye mehna buheajari muhu? ni, sinituu usā.

¹¹ Jesu yahtiri:

—Uhmuse cjāno tiquiro pahtoro ijiyere panopu cjēna tiquina masiedarire masare yuhū buhenare masigū yere Cohācjū. Apequina pehere sa yerare tiquiro.

¹² Sa yero masiñequinare masi nemogū yerota tiquiro. Sa yeye tiquina pehe quehnoano masieta. Masieñequina pehe mehenogā tiquina masiepegāta tiquina pehere masiedagū yerota tiquiro.

¹³ Sa yegu queoye mehna buheaja. Ohō saha ijire. Yojoapu cjēna ihñāepeta, ihñedariquina yero saha tojoare. Sa yeye tuhoepeta masiedare. Tire tuhoeyequina yero saha ijire tiquina.

¹⁴ Sa ijiyequina ijiye Isaia panopu cjāno tiquiro ni ojariro sahata yere tiquina. Ohō saha ni ojoahye:

Ohō saha nine Cohācjū: “Cohācjū yere tuhonata masa. Sa tuhoopenata, ne masi masa.

¹⁵ Ahriquina masa dapu paca būtiyequina tojoare. Sa ye tiquina cahmo coperire bihare, ‘tuhōari’, niñe. Tiquina caperire ihmihāre, ‘ihñari’, niñe. Sa yeraye quehnoano ihñāne, masiboaga tiquina. Sa ye tuhoye, masiboaga tiquina. Tiquina wacūñepu quehnoano masiboaga. Sa masiñe yuhūre Cohācjūre cahmeboaga tiquina. Sa yuhūre cahmegū tiquina űañene cohā, tiquinare

pecapu wahaboriquinare yuhdugū yeboaga yuhū”, nine Cohācjū, ni ojoahye Isaia.

¹⁶ Musa pehe masa caperi mehna ihñana, masine. Musa cahmo mehna tuhona, masine. Sa yena bucuena ijire masa.

¹⁷ Musare niita niaja. Yojoapu masa ihñāñene masa tuhoyere panopu cjēna Cohācjū yequina tutuaro ihñā duamahye. Cohācjū yere yahu mahitariquina gūhu tire tutuaro ihñā duamahye. Sa ihñā duepeta ne ihñedahye. Yojoapu masa tuhoyere gūhure tutuaro tuho duamahye tiquina. Sa masi duepeta tire masiedahye, ni yahuri Jesu usāre tiquiro buhenare.

Jesu oteriquiro queoyere yahu pehoahye
(Mr 4.13-20; Lc 8.11-15)

¹⁸ Came Jesu usāre yahu nemori:

—Tuhoya masa. Oteriquiro queoyere masare yahutja. Yuhūre tuhona, quehnoano masiñe.

¹⁹ Oteye pjeri quehnoañe buheye yero saha ijire. Sa yeye maha dāhtu cahapu borari pjeri quehnoañe buheye yero saha ijire. Sa yeye masa quehnoañe buheyere tuhoepeta ne masiedare. Sa yero masa quehnoañe buheyere tiquina tuhogū ihñāno wafīno pehe ahta, ti buheyere quehnoañe buheyere masi dutierare masare. Minicjua ti pjerire tiquina dote nediro saha yere wafīno.

²⁰ Sa ye utā paca watoa borari pjeri quehnoañe buheye yero saha ijire. Sa yeye masa quehnoañe buheyere tuho, bucueye mehna duita tire tuho nene.

²¹ Sa tuho nepeta utā paca watoa ijiye cju nuhcori mariñe cju yero saha ahriquina masa gūhu tutuerare. Sa tutueraye űano yuhdaye, yeequina tiquina ijiri buhiri apequina tiquinare űano yegū ihñāne yee pehere duhu cāhre. Apequina tiquinare űano yegū tire ihcāno sahaeraye, yeere duhu cāhre.

²² Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tuhoepeta, ahri yehpa cjēne pajiro bujua witi tuhōtuye, niñeru pehere cahñe. Tiquina sa yegū ti pehe quehnoañe buheyere cahmotare. Sa cahmotagū masa quehnoañe pehere yerare.

²³ Sa ye quehnoari yehpapu borari pjeri quehnoañe buheye yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohācjū cahmeno sahata quehnoañene yere tiquina. Ihquēquina pajiro quehnoañene yere cien pjeri dāca tiro saha. Apequina doca cjūnogā quehnoañene yere sesenta pjeri dāca tiro saha. Apequina mehenogā quehnoañene yere treinta pjeri dāca tiro saha, ni yahuri Jesu usāre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Ūhmuse cjāno tiqiro pūhtoro ijiye ohō saha ijire. Wese upuro tiqiro wesepu quehnoañe pjerire tiqiro oteriro saha ijire ūhmuse cjāno tiqiro pūhtoro ijiye.

²⁵ Wese upuro ijipihitiyequina tiqiro mehna cjēna gāhu tiquina carīno watoa tiqirore ihña tuhtiriquiro ahtahye. Sa ahtaro trigore ti oteriropan taare oteahye. Ote tuhasa wahaa wahahye.

²⁶ Came trigo pihniyahye. Sa ye ti dūca tiro taro yegū waro diaa wahahye.

²⁷ Sa ye wese upurore dahra cohteyequina tiqiro cahapu esa, yahuahye: “¿Pūhto, quehnoañe pjeri dihitare mahu wesere mahu otepegūta, dahse ye taa gāhu diajari ti wesere?” nidi tiquina.

²⁸ “Yūhure ihña tuhtiriquiro ijiga ti taare oteriquiro”, niahye wese upuro. “¿Taare usā curegū cahmeajari mahu?” nimahye tiqirore dahra cohteyequina.

²⁹ “Taare cureracāhña, ‘Trigo pehere cureari’, nina.

³⁰ Trigo taa mehnata bācuarīahdo. Dūca nedi pje ijigū neñequinare ohō saha nitja: ‘Taare cure mahtaña. Tuhasa masa curerire ūjāña. Came trigore peheya. Pehe peho, tire yūhu ihbori wāhāpu cūña’, nītja tiquinare”, niahye wese upuro, nidi Jesu, queoye mehna yahuro.

Mostaza pje queoyere yahuahye Jesu (Mr 4.30-32; Lc 13.18-19)

³¹ Sa ye apeye queoye mehna usāre ohō saha ni buheri tja:

—Ūhmuse cjāno tiqiro pūhtoro ijiye mostaza pjegā yero saha ijire. Ti pjegā meheni pjegā waro ijire.

³² Ti pjegāre wesepu tiqiro oteri bato, quehnoano pihnine. Sa yero paji yuhduadu wahare. Sa wahagū minicjua pari ti dūpūripū suhti suhare, ni yahuri Jesu. (Sa nino ohō saha nino niahye. Mostaza pjegā pajidu tu bācuariro saha ūhmuse cjānore mari pūhtorore masiñequina meheñequinagā tiquina iji mahtaepēgūta camepu peyequina wahaeta.)

Pāre pugū yeye queoyere yahuahye Jesu (Lc 13.20-21)

³³ Sa ye apeye queoye mehna usāre ohō saha ni buheri tja:

—Ūhmuse cjāno tiqiro pūhtoro ijiye pāre pugū yeye yero saha ijire. Tire numino ihcā ajuro trigore aco mehna quehnoano tire dahra morene pā bācuarire. Ticoro sa yegū pāre pugū yeye pehe trigore quehnoano sehśaa wahare, nidi Jesu. (Sa nino ohō saha nino niahye. Pāre pugū yeye trigore ti sehśaa wahariro saha ūhmuse cjānore mari

pūhtorore peyequina masa ijipihitiro cjēna masieta.)

Queoye mehna Jesu tiqiro buherire yahuahye

(Mr 4.33-34)

³⁴ Ahri ijipihitiyere buhero, queoye mehna yahuri Jesu. Queoye marieno yahuerari tiqiro tiquinare.

³⁵ Sata yeri tiqiro Cohācjū yere yahu mahtariquiro ni ojoariro sahata. Ohō saha ni ojoahye panopu:

Queoye mehna yahutja. Cohācjū ahri yehpare tiqiro bajumehnedi bato ne masare tiqiro yahuerarire yahutja, ni ojoahye Cohācjū yere yahu mahtariquiro manano.

Trigo watoa taa diari queoyere yahu pehoahye

³⁶ Sa ye masare cohe ti, wāhāpu sajāa wahari Jesu. Sa yena usā tiqiro buhena tiqiro cahapu esa, sinituu usā:

—Trigo watoa taa diari queoyere yahu pehoya usāre, ni usā tiqirore.

³⁷ Jesu yūhtiri usāre:

—Wese upuro quehnoañe pjerire oteriquiro yero saha ijija yūhu. Yūhu masu Cohācjū ohorigu ijija.

³⁸ Wese pehe ahri yehpa yero saha ijire. Quehnoañe pjeri pihniñe ūhmuse cjāno pūhtoro ijirōpu ijiatiquina yero saha ijire. Taa pehe watīno yequina yero saha ijire.

³⁹ Wese upurore ihña tuhtiriquiro taare oteriquiro watīno yero saha ijire. Tire nedi pje pihitiro deco yero saha ijire. Sa ye trigore neñequina angele yero saha ijire.

⁴⁰ Taare tiquina cure ūjāariro saha pihitiro deco ijigū watīno yequinare pecapu cohāeta tiquinare.

⁴¹ Yūhu masu Cohācjū ohorigu yequina angelere ohogutja. Yūhu ohogū angele pehe ñañene ye dutiyequinare, ñañene yeyequinare yūhu pūhtoro ijirōpu neañeta.

⁴² Ne sa tuhasa pecapu cohāeta tiquinare. Topu tiquina tutuaro uti, bujua witiye mehna bahque dihoeta.

⁴³ Sa ye Cohācjū yequina tiquina Pacaro tiqiro pūhtoro ijirōpu ijieta. Topu ijiye, asū deco cjāno yero saha quehnoano buhrieta tiquina. Ahrire quehnoano tuhoya masa, ni yahuri Jesu.

Quehnoa yuhduyere tiqiro nūorire tiqiro bocari queoyere yahuahye

⁴⁴ Sa ye apeye queoye mehna yahuri tja:

—Ūhmuse cjāno tiqiro pūhtoro ijiye niñeru tiqiro nūori yero saha ijire. Masūno tire wesepu wacūeno mehna boca, pari turi tire nūo nemoahye. Sa bocaro tutuaro bucueahye tiqiro. Sa yero tiqiro bocarire neno taro, ti wesere dū duahye. Sa yero tiqiro yere dua peho, ti wesere dūahye, ni

yahuri Jesu. (Sa nino ohō saha nino niahye. Ɛhmuse cĵano tiqiro pũtoro ijiye tiqiro bocari yero saha ijire. Tiquiro bocarire tiqiro tutuaro cahmediro sahata Ɛhmuse cĵanore masa pũtorore tiquina masidi bato masa tutuaro cahmene tiqirore.)

Wapa bujuri pje queoyere yahuahye

⁴⁵ Sa ye apeye queoye mehna yahuri tja:

—Ɛhmuse cĵano tiqiro pũtoro ijiye wapa bujaye pjerire perla wame tiye pjerire dũriqiro yero saha ijire.

⁴⁶ Ti pjerire macano quehnoa yũduari pjere bocahye. Bocaro, ti pjere dú duaro, ijiptiye tiqiro yere dua pehoro wahahye. Sa dua tuhasa ti pjere wapa bujuri pjere dúahye, nidi Jesu. (Sa nino ohō saha nino niahye. Ti pjere perla pjere tiqiro cahmediro sahata Ɛhmuse cĵanore masa pũtorore quehnoano tiquina masidi bato masa tutuaro cahmene tiqirore.)

Wẽñanu queoyere yahuahye

⁴⁷ Sa ye apeye queoye mehna Jesu yahuri tja:

—Ɛhmuse cĵano tiqiro pũtoro ijiye wẽñanu tiquina doque ñodu yero saha ijire. Tũ wẽñanu mehna peyequina wahi sijoro saha ijiyequinare ñehene.

⁴⁸ Tũ wahpaa wahagũ wahi wejẽnequina pehe tũre padaropũ weje nũjũa, quehnoañequina wahire besere. Quehnoañequinare tiquina pũhasepũ bese sajãre. Ñañequina wahire cohãre.

⁴⁹ Pihitiri deco ijigũ ohō saha ijirota. Angele pehe masare beseeta. Ñañequinare ne wioeta quehnoañequina cahapũ ijiyequinare.

⁵⁰ Ne wio, tiquinare pecapũ cohãeta. Topũ tiquina uti, tutuaro bujũa witiye mehna upiri bahque dihoeta ñañequina pehe, ni yahuri Jesu.

Mũna buheyere, wahma buheye gũhure yahuahye

⁵¹ Tiquiro sa ni yahuri bato sinituri usãre:

—¿Ahri ijiptiye tũhoajari mũsa? ni sinituri tiqiro.

—Tũhoaja usã, ni yahtii usã.

⁵² Ɛsã sa nigũ tiqiro yahuri usãre:

—Judio masare buheyequina Ɛhmuse cĵano tiqiro pũtoro ijiye buheye, pũaro buheyere yahure. Mũna buheyere, wahma buheye gũhure yahure. Tiquina wũhũ upũro yero saha ijire. Tiquiro wũhũpũ ijiye quehnoañene ne wioro, wahmare, mũna gũhure ne wioro tiqiro, nidi Jesu usãre.

Jesu Nazarepũ wahahye

(Mr 6.1-6; Lc 4.16-30)

⁵³ Ti queoyere tiqiro buheri bato, wahũ usã tiqiro mehna.

⁵⁴ Waha, tiqiro masari macapũ esau. Topũ esa, judio masa mari buheye wũhasepũ buheri tiqiro. Tiquiro sa buhegũ tũhoye, tũho maria wahari tiquina.

—¿Ahriqiro nohopũ tũhoyari ahri buheyere? ¿Dũhsero quehnoano masi pehoajari tiqiro? Cohãcũ tutuaye mehna ye ihñore tiqiro basi.

⁵⁵ Ahriqiro taboa dahrariqiro macano ijire. Sa ye tiqiro pacoro María ijire. Sa ye Santiago, Josẽ, Simo, Juda, tiqiro bahana ijire.

⁵⁶ Yojoũre tiqiro bahana numia ahri macapũ ijire. Sa yero tiqiro mari yero saha ijiqiro ijire. ¿Sa ijipterota nohopũ tũhoyari tiqiro ahri buheyere? ni yahuducuri tiquina basi.

⁵⁷ Sa ye tiquina tiqirore cahmedari. Tiquina sa cahmedagũ ihñano ohō saha nidi Jesu tiquinare:

—Cohãcũ yere yahu mũhtariqirore apequina ño peore. Tiquina sa ño peoepẽgũta tiqiro ya maca cĵena, tiqiro acaye tiqirore ño peoerare. Sa yena yũhure ño peoerare mũsa ohõpũ yahu masarigũ ijigũ, nidi tiqiro tiquinare.

⁵⁸ Sa yero tiqirore tiquina wacũ tutueragũ ihñano, ti macapũ Cohãcũ tutuaye mehna peye tahari ye ihñoadari Jesu.

14

Ñu wame yeriqiro mũnano yariarire yahuahye

(Mr 6.14-29; Lc 9.7-9)

¹ Ti pjere Herode Galilea cĵano pũtoro Jesu yerire tũhooahye.

² Sa tũhooro ohō saha nimahye:

—Ñu wame yeriqiro ijiaga masatjiãno. Sa yero yojoũre tiqiro masari bato ahri tutuayerẽ cuore tiqiro bajumehneñene yero, nimahye Herode tiqiro cahacjẽnare. Jesure “Ñuta ijire”, ni tũhotumahye tiqiro Ñure tiquina wejẽdi bato.

³⁻⁵ Sa yero Ñure tiqiro wejẽ dutiatio pano Herode tiqiro bahũro Felipe namonore namo tiahye. Tiquiro sa yegũ ihñano Ñu wame yeriqiro Herode pehere ohō saha nie timahye:

—Mũhũ bahũ namonore namo tigũ Cohãcũ dutiyere yũhdũdcagũ nine mũhũ, nie timahye Ñu.

Tiquiro sa nidi buhiri Herode tiqiro wejẽ duamahye. “ Ñu Cohãcũ yere yahu mũhtariqiro ijire”, ni tũhoturi judio masa”, nino, tiquina pehere cueahye Herode. “Ñure yũhũ wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiqirore ñehẽ dũhte duti, peresu yeahye.

Tiquiro namono Herodia dutiro mehna sa yeahye Herode.

⁶ Sa ye Herode masa bajuari deco ijigū bose deco yeahye tiquiro. Topu Herodia macono bose deco wihyequina tiquina ihñonopu basa ihñoahye. Ticoro sa basa ihñogū ihñano Herode bucueahye. Sa bucuero ticorore niahye:

⁷ —Cohācjū mehna poto niita niaja. Yuhare muhu sinino punota ohogutja yahu muhare, niahye Herode pehe Herodia maconore.

⁸ Tiquiro sa nigū tuhoro Herodia ticoro maconore ticoro siniatire yahuahye ticorore. Ticoro sa yahugū ticoro macono pehe ohō saha ni siniahye Herodere.

—Ñu wame yeriquiro dapure date sure dutiya. Sa yegu waparo mehna tiquiro dapure ohoya yuhare, niahye ticoro.

⁹ Ticoro sa nigū tuhoro Herode tutuaro buja witiahye. Masa tiquina ihñonopu “Ohogutja muhare”, niahye tiquiro. Sa yero tiquiro bue tiro “Muhare ohoeraja”, ni masiedahye ticorore. Sa yero ticoro dutiriro sahata Herode pehe tiquiro cahacjēnare Ñure wejē dutiahye.

¹⁰ Sa yero Ñu dapure date sure dutiahye.

¹¹ Sa date sure tuhasa, waparo mehna tiquiro dapure ne cāhtahye tiquina. Herodia maconore tiquiro dapure tiquina ohogū, ticoro pehe ticoro pacorore yuhduoahye tja.

¹² Tiquina sa yeri bato Ñu buheyequina ahta, tiquiro pagure masa coperu nea cūahye. Sa cū tuhasa, tiquina tire Jesure yahuye wihiri.

*Cinco mil masare ihyaye ohoahye Jesu
(Mr 6.30-44; Lc 9.10-17; Jn 6.1-14)*

¹³ Tiquina sa ni yahugū tuhoro, Jesu usā mehna yucasapu sajā, masa marienopu siho wahari. Jesu topu wahagū tuhoye, masa tiquina ye macaripu ijiriquina ahta, mahapu tiquirore nunu tā cāa wahari.

¹⁴ Sa yero usā wahā sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjēna dohatiyequinare yuhdugū yeri.

¹⁵ Ñamicahapu usā tiquiro buhena tiquirore ohō saha nii:

—Ñamicahapu waharo nine. Ohō masa marienopu ijire. Sa yegu macaripu masare tiquina ihyatire dú dutiya tiquina pohe tiatire, nimi usā tiquirore.

¹⁶ Jesu yuhtiri usāre:

—Wahaeracāhdo tiquina. Mūsa basita ihyayere ohoya tiquinare, nidi usāre.

¹⁷ —Ihcā omope paca pā paca, wahi puaro to punota ijire usāre, ni yuhtii usā.

¹⁸ —Tire yuhare ne cāhtaya mūsa, nidi usāre.

¹⁹ Tiquiro sa nigū tuhona neau usā. Usā ne sari bato taa bui masare tiquiro duji dutiri. Tiquina dujigū ihcā omope paca pā pacare, puaro wahire ne, uhmūsepu ihña mūo, Cohācjūre “Quehnoare”, nidi. Sa ninota pā pacare nuhano, usāre tiquiro buhenare ohori. Tiquiro sa ohogū usā pehe tire masare itii.

²⁰ Sa ye ijipihyequina quehnoano ihya, yapi yuhduu wahari. Tiquina yapi wehoriji doce puhase waro ne cahmecoa, wahpo dapou usā tiquiro buhena.

²¹ Topu tire ihyariquina umua dihitare queogū cinco mil umua ijiri. Numia, macanagā gūhu ijiri.

*Jesu aco bui tiniahye
(Mr 6.45-52; Jn 6.16-21)*

²² Came usāre tiquiro buhenare Jesu ditara ape sie pahrepu pehāyu dutiri masare tiquiro cohe tiri watoa.

²³ Cohe ti tuhasa, cupupu mūja, Cohācjūre sinino wahahye. Ñamine topu tiquiro ihcāquirola ijiahye.

²⁴ Ti pjeta ditara decopu yucusa mehna pehāducuna nimi usā. Wihnono tutuaro ahta, pahcōri bujaye wahcā, yucasare quē sajāri.

²⁵ Sa wahagū bohrea mūja tato pano Jesu aco bui tini cāhtari usā cahapu.

²⁶ Usā cahapu tiquiro ahtagū ihñana cue nii usā. Sa cuena sañuducumi usā.

—Yariariquiro munano pagu ijire, ni sañuducumi usā.

²⁷ Usā sa cuegū ihñano Jesu ohō saha nidi: —Ne yuhare ihña cueracāhña. Yuhata ijiaja, nidi usāre.

²⁸ Tiquiro sa nigū tuhoro Pedro nidi tiquirore:

—Puhto, potota muhata ijigu, aco bui yuhare muhu cahapu ducu cā dutiya, nidi tiquiro.

²⁹ —Ahtaya, ni yuhtiri tiquiro pehe.

Tiquiro sa nigū Pedro yucasare dijia, aco bui Jesu cahapu ducu cāmedi.

³⁰ Wihnono tutuaro ahtagū ihñano cueri tiquiro. Sa cuero diha dijiaa wahamedi.

—Yuhare yedohoya puhto, ni sañuducuri tiquiro Jesure.

³¹ Tiquiro sa nigūta tiquiro omocare ñehe,

—Mehenogā wacū tutuare muhu yuhare. ¿Dahsegu yuhare wacū tutuerajari muhu? nidi tiquiro Pedrora.

³² Tiquiro sa nidi bato yucasapu sajāri tiquina. Tiquina sa sajāri bato wihnono yuhduu wahari.

³³ Sa yena usā tiquiro buhena yucasapu ijina Jesure ño peou.

—Potota muhu Cohācjū macuta ijire, nii usā tiquirore.

Genesare cjēna dohatiyequinare
yūhdūoahye Jesu
 (Mr 6.53-56)

³⁴ Sa yeri bato pehā, Genesare wame tiri yehparū esau.

³⁵ To cjēna Jesure ihña masidi. Sa masiñe tiquiō caharū ijiyequinare dohatiyequinare ne cāhta dutiri. Sa ye tiquiina dohatiyequinare tiquiō caharū ne cāhtari.

³⁶ —Mūhū suhtiro dāhtū caha dihitare usāre ñehe tuhu dutiya, ni sinidi tiquiina Jesure.

Sa ye tiquiō suhtirore ñehe tuhuriquinape topequinata quehnoa wahari.

15

Masa ñañequina wahagū yeyere yahuahye
Jesu

(Mr 7.1-23)

¹ Sa ye Jerusalē cjēna, fariseo masa, marine judio masare buheyequina mehna Jesu caharū wihiye, sinituri tiquiōre:

² —¿Dāhse ijiro boro mari acaye buccana mūnarū tiquiina dutirire yerajari mūhū buheyequina pehe? Tiquiina ihyato pano tiquiina dutiriro sahata omo coserare, nidi tiquiina Jesure.

³ Jesu yūhtiri tiquinare:

—¿Dāhse yena mari acaye panorū cjēna ye dutiye dihitare yena tana Cohācjū ye dutiye pehere yerajari mūsa pehe?

⁴ Ohō saha nine Cohācjū: “Mūsa pacūsmūare ño peoya”, nine. Sa yero “Ihcāquiō tiquiō pacūsmūare ñañene quiti dahreriquiō ijiro ti buhiri apequina tiquiina wejētiquiō ijirota”, nine Cohācjū.

⁵ Tiquiō sa niepegūta ohō saha ye dutire mūsa pehe tiquiina pacūsmūare yedoho dutierana: Tiquiina pacūsmūare ohoborire Cohācjū pehere oho dutire mūsa. Sa ni buhemene mūsa.

⁶ Sa buhena tiquiina pacūsmūare ño peogū yerare mūsa. Mūsa sa yena Cohācjū dutiyere yūhdūadacana nine mūsa, mari acaye panorū cjēna ye dutiye dihitare yena.

⁷ Masa tiquiina ihñono dihita quehnoano iji mehona ijire mūsa. Cohācjū yere yahu mūhtariquiō Isaia mūsa potota yahu ojoahye panorūre:

⁸ Ahrihūna masa yūhare quehnoano yahuducupeta yūhare ne ño peoerare.

⁹ Sa ye yūhare tiquiina ñu buheye ne dāhseati ijierare. “Cohācjū ye dutiye ijire ahri”, ni meho buhere tiquiina ye buheye pehere, ni ojoahye Isaia, nidi Jesu fariseo masare, mari judio masare buheyequina gūhare.

¹⁰ Sa ni tuhasa tiquiō caharū masare pi-jiō, ohō saha nidi:

¹¹ —Tūhoya mūsa. Yūhū niñene quehnoano masiña mūsa. Mūsa dūserire sañāñe pehe mūsa ihyaye pehe mūsa ñana ijigū yerare. Mūsa ñañe yahuducuye pehe mūsa dūseri wijiaye pehe mūsa ñana ijigū yere, nidi Jesu.

¹² Tiquiō sa ni buheri bato usā tiquiō buhena pehe tiquiōre yahu.

—Mūhū sa nigū tūhoye fariseo masa usuari, ni yahu usā tiquiōre.

¹³ Tire tuho, ohō saha ni yūhtiri usāre:

—Tiquiina fariseo masa taa yero saha ijire. Yūhū Pacū hūmūse cjēno ijiplihtiye oteyere tiquiō oterarire mūhcori mehnata cure, cohānota. Sata yerota tiquinare.

¹⁴ Tiquinare sa ihña cāhña mūsa. Tiquiina caperi bajueyequina tiquiina ihña masiedaro saha ne Cohācjū yere masiedare. Sa ye pecarū wahaeta. Sa masiedapeta apequina masieñequinare buhe duamedi. Sa ye caperi bajueyequina copere tiquiina boraboriro saha tiquiina buhenohriquina gūhū pecarū wahaeta, nidi Jesu.

¹⁵ Tiquiō sa nigū tuhoro Pedro nidi:

—Ahri quitiye masa tiquiina dūseri wijiaye quitiye yahu nemoña usāre tja, nidi tiquiō Jesure.

¹⁶ Jesu yūhtiri:

—¿Ne, yojorū tūhoerajari mūsa?

¹⁷ Masa ihyayere ihyagū tiquiina dūseripū sañāre. Sa ye tiquiina paarū sañā, yūhdūa wahare. Ihyo waro ijire. Mari ihyaye marine ñana wahagū yerare. ¿Ahrire masiedajari mūsa?

¹⁸ Masa dūseripū wijiaye, tiquiina yahuducuye pehe tiquiina tūhotuyepū ahtare. Tiquiina yahuducuye pehe ñañe ijiro, masare ñañequina ijigū yere.

¹⁹ Ñañe tūhotuye, masare wejēñe, apequiō namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quiti dahreye masa tūhotuyepū ahtare.

²⁰ Ti ñañe pehe masare ñañequina ijigū yere. Sa yepegūta buccana yee tiriro sahata masa omo coserapeta tiquiina ihyagū ti masare ñañequina ijigū yerare, nidi Jesu.

Judio masono ijericoro Jesure wacū tu-
tuhaye

(Mr 7.24-30)

²¹ Sa ni buhe tuhasa, usāre siho wahari tja. Tiro wame tiri maca caharū Sidō wame tiri maca caharū esau usā.

²² Hsā topū esagū Canaa yehpa cjōno topū ijericoro Jesu caharū esa, sañuducuri:

—Pūhto, Davi panami iji turiagu masare yūhdūoacjū, yūhare paja ihñañe mūhū. Yūhū maco watūnore cūoro, ña yūhdūaro yūhdūari ticoro, ni sañuducuri ticoro.

²³ Ticoro sa niepegūta Jesu yahtierari. Sa yegū ihñana usā tiquiuro buhena pehe tiquiore ohō saha nimi.

–Waha dutiya ticorore. Ñano cariboro bisiaga, nimi usā.

²⁴ Usā sa nigū tuhoro yahtiri ticorore:

–Israe masare Cohācjäre masieñequina dihitare yedoho dutiro ohori yuhū Pacu yahūre, nidi tiquiore.

²⁵ Tiquiuro sa niepegūta Jesu dahpocāri cahapū dusepe curi mehna quehe sari ticoro.

–Puhto, yedohoya yahūre, nidi ticoro.

²⁶ Jesu yahtiri ticorore.

–Ohō saha ijire ahri: Coā warore wuhū upuro pohne ye ihyayere diayeare oho mahtagū quehnoaedare. Israe masa yere ape yehpa cjenare yuhū oho mahtagū quehnoaedare, nidi Jesu ticorore queoye mehna yahuro.

²⁷ –Sata ijire puhto. Sa ijiepegūta diayea gāhū wuhū upuro mesa docapū tiquina ihya site boroyere ihya cohtere tiquina gāhū. Ape yehpa cjo yuhū ijiepegūta yuhū gūhure yedoho masine muhū, ni yahtiri ticoro.

²⁸ Ticoro sa nigū tiquiuro yahtiri:

–Numio, muhū yahūre tutuaro wacū tutuare. Muhū cahmeno sahata sa waharota, nidi Jesu ticorore.

Tiquiuro sa nigūta duita quehnoa wahari ticoro macono.

Peyequina dohatiyequinare yuhdugū yeahye Jesu

²⁹ Sa ni tuhasa usāre siho waha, Galilea wame tiri ditara dāhta cahapū siho esari tja. Esa, mehenugā canare muja, ta buipū dujiri.

³⁰ Topū tiquiuro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiuro cahapū ne wihiri masa. Ne wihi tuhasa Jesu dahpocāri cahapū duhu cūri tiquina. Tiquina sa duhu cūri bato quehnoa wahagū yeri Jesu tiquinare.

³¹ Tiquiuro sa yegū ihñañe masa ihña maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihña maria wahari tiquina. Sa ye ohō saha nidi:

–Israe masa usā puhto, Cohācjū tutuagu, quehnoagu ijire, ni ño peori tiquina Cohācjäre.

Cuatro mil masare ihyayere ohoahye Jesu

(Mr 8.1-10)

³² Tiquiuro sa yeri bato Jesu usāre tiquiuro buhenare ohō saha nidi:

–Ahriquina masa yuhū mehna ihtia deco waro iji tuhasare. Sa ye pohe

mariedare tiquinare. Pohe mariedagū ihñagū tiquinare paja ihñaja. “Tiquina ujua ahbayequina, mahapū borari”, nigū tiquinare ihyaye marieno tiquina ye wuhusepū waha duti dueraja. Sa yegū tiquinare pohe oho duaja, nidi tiquiore.

³³ Tiquiuro sa nigū usā tiquiuro buhena tiquiore sinituu:

–¿Duhse mari ohōre masa marienopure pāre boca ohoboagari mari? nii usā tiquiore.

³⁴ –¿Nohope paca pā pacare cūojari masa? nidi.

–Siete pā pacare, meheñequinagā wahire cūoaja, ni yahtii usā.

³⁵ Usā sa nigū tiquiuro masare yehpapū duji dutiri.

³⁶ Tuhasa siete pā pacare, wahigā gūhure ne, Cohācjäre “Quehnoare”, nidi. Sa ninota pā pacare nuha, usāre tiquiuro buhenare ohori. Sa yena usā pehe ti ihyayere masare itii.

³⁷ Sa ye masa tire ihya, yapi yuhdūa wahari. Tiquina yapi wehorire siete puhuse waro ne cahmecoa, wahpo dapou usā.

³⁸ Topū ihyariquinare umua dihitare queogū cuatro mil waro umua ijiri. Numia, macanagā gāhū ijiri.

³⁹ Tiquina sa ihya tuhasagū Jesu masare waha duti, yucsapū sajā, Magadán wame tiri yehpapū usāre siho esari.

16

Fariseo masa, saduceo masa gāhū Cohācjū tutuaye mehna ye ihñogū ihña duamahye

(Mr 8.11-13; Lc 12.54-56)

¹ Sa ye fariseo masa, saduceo masa mehna Jesu cahapū wihiri. Tiquiuro ñano yegū ihña duamedī tiquiore yahusā duaye. Sa ye tiquina tiquiore Cohācjū tutuaye mehna ye ihñō dutimedī tiquiuro masiedagū ihña duaye, “Cohācjū ohoriquiuro ijierare”, ni duaye.

² Tiquina sa ye dutigū Jesu yahtiri tiquinare:

–Ñamicahapū umuanano sohāgū ihñana “Quehnoari ñami ijirota”, nine masa.

³ Sa yena bohrearo umuanano sohāgū, ñicuri deco ijigū ihñana “Acoro ahtarota”, nine masa. Sa quehnoano masiepenata Cohācjū tutuaye mehna musare yuhū ye ihñogū ihñaeppenata ne tire quehnoano masiedare masa.

⁴ Yojopū cjenā ña yuhdūyequina Cohācjüre ño peo dueyequina Cohācjū tutuaye mehna ye ihñogū ihña duamene. Ye ihñosi yuhū. Cohācjū yere yahu mahtariquiuro Jona tiquiuro dahse waharire masi tuhasare masa. Ti dihitare ihñoutja musare, ni yahtiri Jesu.

Sa ni yahu tuhasa siho wahaa wahari tja.

Fariseo masa saduceo masa tiquina ñañe buheyere yahuahye Jesu

(Mr 8.14-21)

⁵ Ditarare usã pehãna, pãre bo cū cã, pehã tari jii usã.

⁶ Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugã yeyere ihñana quehnoano yeya. Cuarine ti, ni yahuri.

⁷ Tiqiro sa nigũ tuhona tũho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriqiro, nimi usã basi.

⁸ Usã sa nidire masino, usãre sinituri:

—¿Dũhsena musa pã borire wacũajari musa? Mehenogã waro yuhare wacũ tutuare musa.

⁹ ¿Yojoꝛũ masiedajari musa? ¿Cinco mil amũare ihcã omope pã pacare yuhũ nuha ohorire, numia gũhare yuhũ ohorire wacũedagari musa? ¿Nohope puhuse waro musa ne cahmecoa wahpo daporire wacũedagari musa?

¹⁰ ¿Sa yegu siete pã pacare nuha, cuatro mil amũare yuhũ ohorire, numia gũhare yuhũ ohorire wacũedagari musa? ¿Nohope puhuse waro musa ne cahmecoa wahpo daporire wacũedagari musa?

¹¹ ¿Sa yena pã pugã yeyere yuhũ yahugũ duhse yena quehnoano tuhoerajari musa? Sa nigũ pã warore nigũ niedaja. Fariseo masa, saduceo masa tiquina pã pugã yeyere ihñana quehnoano yeya. Cuarine ti, ni yahuri usãre tiqiro.

¹² Tiqiro sa ni yahugũpũ usã masii. “Pã pugã yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tuhoeracãhña”, nino nidi.

Jesu poto Cristo tiqiro ijyere Cohãcjũ ohoriqiro tiqiro ijyere yahuahye Pedro

(Mr 8.27-30; Lc 9.18-21)

¹³ Sa ye Jesu mehna wahana, Cesarea Filipo wame tiri maca cahapũ ijyere macaripũ esau usã. Sa yero macapũ sajã sari bato Jesu usãre tiqiro buhenare sinituri:

—¿Noa boro iijagari yuhũ, masa yuhure tiquina tuhotugũ? ni sinituri tiqiro.

¹⁴ —“Ñũ wame yeriqiro ijire”, nine mũhare. Apequina “Elia ijire”, nine. Apequina “Jeremia ijiboaga o apequiro Cohãcjũ yere yahu mũhtariquina mehna cjãno mũnano ijiboaga”, nine, ni yuhtii usã tiqirore.

¹⁵ —¿Musa pehe musa tuhotugũ noa boro iijagari yuhũ? ni, sinituri tiqiro.

¹⁶ Simo Pedro yuhtiri:

—Mũhũ Cristo Cohãcjũ ohorigũ ijire. Cohãcjũ catiriqiro waro macũ ijire mũhũ, ni yuhtiri Simo Pedro.

¹⁷ —Simo Ñũ macũ mũhũ bucuegũ ijire. Ohõ saha ni mũhũ yuhure yuhtiyẽ masa tiquina yahuri ijierare. Yuhũ Pacũ uhmũse cjãno pehe tire mũhare masigũ yeri.

¹⁸ Mũhare niita niaja. Mũhũ Pedro wame tigũ ijire. (Pedro nino utã nino nine.) Ahri utã paa bui tutuari wuhare yuhũ yeboriro saha yeequina pehere wacũ tutuayequina ijigũ yeitja yuhũ. Sa ye yeequina ne pecapũ wahasi.

¹⁹ Uhmũse cjãno mari puhtoro ijiro cjã sawire mũhare ohoutja. Sa yegu ahri yehpare mũhũ ye dutieragũ uhmũsepũ gũhare ye dutisi. Ahri yehpare mũhũ ye dutigũ uhmũsepũ gũhare ye dutiye ijietã, nidi Jesu.

²⁰ Tiqiro sa nidi bato usãre tiqiro buhenare ohõ saha nidi:

—Yuhure “Cristo ijire tiqiro”, ni yahu sitenedacãhña apequinare, ni, dutiri usãre.

Jesu tiqiro yaria masa wijiatire yahuahye

(Mr 8.31-9.1; Lc 9.22-27)

²¹ Ti pjeta Jesu usãre tiqiro buhenare quehnoano yahu peho dũcari:

—Jerusalẽpũ yuhure waharo cahmene yojoꝛpũre. Topũ judio masa mari bucuna, mari pahia puhtoa, marine judio masare buheyequina gũhũ yuhure ñano yeeta. Yuhure wejẽeta. Sata ñano yuhũdũro cahmene yuhure. Sa yegu ihtia deco wahaboro masa wijiajata, ni yahuri usãre tiqiro.

²² Tiqiro sa nigũ tuhoro Pedro pehe ape sie cjũnogã Jesure ne sadũca, tiqirore ohõ saha nidi:

—Puhto, mũhũ nino saha sa wahaeracãhdo. Mũhare tiquina wejẽdacãhdo, nimeidi tiqiro Jesure.

²³ Tiqiro sa nigũ tuhoro Jesu majaredũca, tiqirore ohõ saha nidi:

—Satana yero saha yahuducugũ nine mũhũ. Sa nidedacãhña. Mũhũ tuhotuye masa ye ijire. Cohãcjũ ye ijierare. Sa yegu yuhũ yeatire cahmota duare mũhũ, nidi Jesu Pedrore.

²⁴ Tiqiro sa nidi bato usãre yahuri:

—Ihcãqiro yaquiro iji duaro, tiqiro cahmeno ye duamedire duhu cãnota. Sa yero yaquiro tiqiro ijiri buhiri ñano yuhũdũperota yuhure duhũsi. Sa yero yeere yeducuriqiro ijirota.

²⁵ Masũno yuhure wacũno marieno tiqiro esa tuhuro tiqiro cahmeno sahata yero, pecapũ waharota. Sa yero yeere masũno sa yeducuriqiro ijipihitiye decori yuhũ mehna uhmũsepũ ijirota tiqiro.

²⁶ ¿Ihcãqiro masũno ahri yehpa cjẽne ijipihitiyere cuoriqiro Cohãcjũre cahmedaro

pecapu waharo, yabere wapatajari tiqiro? Sa ijiriquiro ne wapataerare. Pecapu tiqiro jeripohna wahagū ne dahse wapa ye wiro basioerare.

²⁷ Yuhu masu Cohācjū ohorigu yeequina angele mehna ahri yehparu tojoa tagu yuhu Pacu asi siteye mehna tojoa tagu ijipihtiyequina masare tiquina ñaŋe yeri buhiri buhiri dahreitja. Tiquina quehnoaŋe pehere yegū quehnoano yeitja tiquinare.

²⁸ Ijirota masare yahutja. Ihuēquina musa ohōpore ijina musa yariato pano yuhare yuhu puhto sajagū ihñanata, ni yahuri Jesu.

17

Jesu tiqiro pagure comesahye (Mr 9.2-13; Lc 9.28-36)

¹ Sa ye seis decori bato Jesu Pedrore, Santiagore tiqiro baharo Ñu gāhure ahmuanu canapu tiquina dihitarire piji mujari.

² Ahmuanopu tiquina esari bato tiquina ihñonopu tiqiro pagure comesahye. Tiquiro wuhdo aŋe deco cjanō yero saha asi siteahye. Sa yero tiqiro suhtiro buhriro yero saha yehsero wahahye.

³ Sa ye Jesu Moise manano, Elia manano mehna tiquina yahuducugū ihñahye tiquina ihtiaro buheyequina.

⁴ Sa yero Pedro Jesure nimahye:
—Puhto, mari ohōpu ijigū quehnoa duare. Muhu cahmegū ihtia wuhagū yeitja. Muhu ya wuhagū, Moise ya wuhagū, Elia ya wuhagū yeitja, nimahye tiqiro.

⁵ Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagū ehmeo watoapu yahuducuye bisiro ca tahye.

—Ahriqiro yuhu macu yuhu cahñiquiro ijire. Tiquiro mehna bucueaja. Tiquirore tuhoya, ni yahuducuro ca tahye.

⁶ Sa nigū tuhoye tiqiro buheyequina tuhō maria waha, yehparu doque quehe sahye.

⁷ Tiquina sa wahari bato Jesu tiquina cahapu esa, tiquinare buacarero, ohō saha niahye:

—Wahcāducaya musa. YojoPURE musa ihñarire, musa tuhori gāhure cueracāhña, niahye tiqiro tiquinare.

⁸ Tiquiro sa nigū tiquina ihñā wahcō, Jesu dihitarire ihñahye. Tiquina ihñariquina pehe mariedahye.

⁹ Sa ye canapu tiquina dijia tagū Jesu tiquinare tutuaro mehna niahye:

—Mianogāta yuhu sa waharire apequnare yahueracāhña. Yuhu masu Cohācjū ohorigu yuhu yaria masa wijjari batopu tire apequnare yahuya musa, niahye Jesu.

¹⁰ Tiquiro sa nidi bato Pedro gāhu tiqirore sinituahye:

—“Cristo masare yuhduoatiqiro tiqiro ahtato pano Eliare ahta mahtano cahmene”, nine marine judio masa buheyequina. ¿Dahse ijiro boro sa najari tiquina? ni sinituahye tiquina tiqirore.

¹¹ Jesu yuhtiahye:

—Potota ijire. Eliare ahta mahta dutiri Cohācjū, ijipihtiyere quehno mahtatiqirore.

¹² Ohō saha nigū masare nigū niaja. Elia wihi tuhasari. Tiquiro sa wihiepegāta tiquina tiqirore ne ihñā masiedari. Sa ye tiquina dahse ye duaro yeri jiri tiqirore. Sata yeeta yuhu gāhure. Yuhu masu Cohācjū ohorigu ijiaja. Tiquina sa yegū ñano yuhdugutja yuhu, niahye Jesu.

¹³ Tiquiro sa ni yahugū tiquina quehnoano tuhoahye. “Elia”, nino, Ñu wame yeriquirore nino niahye. Tire masiahye tiquina.

Jesu watñore cuoriquirore yuhduoahye (Mr 9.14-29; Lc 9.37-43)

¹⁴ Sa ye peyequina masa cahapu tiquina dijia tagū ihñano ihcāqiro amano Jesu cahapu esa, dusepe curi mehna quehe sari.

¹⁵ —Puhto, yuhu macure paja ihñañā. Tiquiro ñama yariayere dohatiriquiro ijire. Sa yero ña yuhduaro yuhdare. Peye tahari pecapu bora sa quehea mujare tiqiro. Ihuē tahari diapu bora ñojoa mujare.

¹⁶ Sa yegu mahu buheyequina cahapu tiqirore ne sami. Tiquina tiqirore yuhduo masiedari, nidi tiqiro Jesure.

¹⁷ Jesu yuhtiri:

—YojoPu cjana, ñana ijire musa. Yuhare ne wacū tutuerare. Yoa yuhduari pje masare buhemi yuhu. ¿Noho puno yoari pje yuhare musa cariboajari? Tiquirore ne cāhtaya yuhare, nidi Jesu.

¹⁸ Sa yero watñore tiqiro tuhtigāta watño pehe masano mehna ijiriquiro wahaa wahari. Sa wahari batogāta quehnoa wahari tiqiro.

¹⁹ Came usā tiqiro buhena usā sehsharo ijina Jesure sinituu:

—¿Dahsena usā pehe ahriqiro pehere watñore cohā masiedari, mahu tuhutugū? ni sinituu usā.

²⁰ Jesu yuhtiri:

—Yuhare mehenogā wacū tutuare musa. Poto masare yahugata niaja. Mostaza capegā mehēni pjegā ijire. Ti yero saha Cohācjūre mehenogā musa wacū tutuana ohō saha wahagū ye masinata musa. Ahdu canare “Sohōpu wahaya”, musa nigū, waharota. Cohācjūre sata wacū tutuana, ijipihtiyere ye masine musa. [

²¹ Sa ijiepegāta ahriqiro boro watñore musa cohā duana Cohācjūre tutuaro sinino cahmene masare. Sa ye duana sijiro

cahmene musare Cohācjüre sinina tana,] nidi Jesu usāre.

Pari turi Jesu tiqiuero yaria masa wiji-atire yahuahye

(Mr 9.30-32; Lc 9.43-45)

²² Sa ye Galilea yehparu usā tinigū, Jesu usāre yahuri:

—Yuhu masu Cohācjū ohorigu ijiaja. Masa yuhure ñehe, apequinapure yuhure ohoeta.

²³ Sa tiquina ohori bato yuhure wejēeta. Sa tiquina wejēgū ihtia deco wahaboro masa wijiagata, ni yahuri tiqiuero usāre.

Tiqiuero sa ni yahugū tutuaro bujua witi usā.

Cohācjū wuhu cjē wapare sinituahye apequina

²⁴ Sa yena Capernaupu sajā sagū, Cohācjū wuhu cjē ijiatire wapa ne cohteyequina Pedro cahapu esa, tiqiuero sinituahye.

—¿Musare buheriquero Cohācjū wuhu cjē wapa ijiatire wapa yeajari tiqiuero? ni sinituahye tiquina.

²⁵ —Wapa yere tiqiuero, ni yūhtiahye Pedro.

Tiqiuero sa nidi bato wuhupu tiqiuero sajāgū Jesu sinitu muhtahye Pedroro:

—¿Simo dahse ni tūhotuajari muhu? ¿Ahri yehpa cjēna puhto a yabequina pehere wapa neajari, muhu tūhotugū? ¿Tiquina mehna cjēnare wapa neajari? ¿O ape yehpa cjēna pehere wapa neajari, muhu tūhotugū? ni sinituahye tiqiuero Pedroro.

²⁶ —Ape yehpa cjēna pehere wapa nene, ni yūhtiahye Pedro.

Tiqiuero sa nigū Jesu yahuahye:

—Sa yero puhtoro tiqiuero ya yehpa cjēnare wapa nedari.

²⁷ Sa ijiepegūta wapa ne cohteyequinare usuagū ye dueraja mari. Sa yena wapa yenata. Ditarapu wahaya. Topu esa, yohyeri dare doque ñoña. Sa yegu wahi muhare ih-yariquirore weje nuoña. Tiqiuero duseropu niñeru cjoere bocagata muhu. Ti cjoere queoro wapa tiri cjoere ijirota. Yuhure, muhu gūhure Cohācjū wuhu cjēna tiquina wapa negū quehnoano queoro esa tuharota ti cjoere. Ti cjoere bocagu mari wapamonore wapa yegu wahaya, niahye Jesu Pedroro.

18

Jesu buhwequina tiquina mehna cjānore puhto sō duamahye

(Mr 9.33-37; Lc 9.46-48)

¹ Ti pjere usā tiqiuero buhena Jesu cahapu esa, sinituu tiqiuero:

—¿Uhmuse cjāno puhtoro ijirōpūre usā mehna cjāno noa wahaboagari puhtoro? ni sinituu usā.

² Usā sa nigū Jesu nijinogāre pijio, tiqiuogāre usā caha duhu docori. Duhu doco tuhasa, usāre nidi:

³ —Poto musare yahugūta. Ahriquina macanagā Cohācjüre tiquina puhtoro waro tūhoture. Sa yena musa gūhu tiquina yero saha tūhotuna, quehnoañene came-sana, uhmuse cjāno puhtoro ijirōpūre wahanata. Tiquina yero saha tūhotuerana puhtoro tiqiuero ijirōpūre wahasi musa.

⁴ Sa yero uhmuse cjāno puhtoro ijirōpūre sa tūhotu cāriquero ahriquero nijinogā yero saha tūhoturiquirota apequina bui puhtoro wahare.

⁵ Sa yena yeere yena tana ohō saha ijie-quinagāre cahmena, yuhu gūhure cahmene musa, ni yahuri Jesu.

Ñañene yegū cuarñe

(Mr 9.42-48; Lc 17.1-2)

⁶ Sa yero tiquinare yahu nemori:

—Ahriquirogā yero saha ijiriquiro yuhure wacū tutuariquirogāre yahuṭa musare. Apequero ahriquirogā yero saha ijiriquirore ñañene ye dutiro tiqiuero ña yuhduaro yuhdurota. Tiqiuero wamūare pajiria atāre duhte yo, pajiri mapu tiqiuero cohāgū ñano wahaboaga tiqiuero. Sa ijiepegūta ahriquirogā yero saha ijiriquirore ñañene ye dutiriquiro tiqiuero pehe pajiri mapu tiquina cohāriquiro yuhduoro ñano yuhdurota.

⁷ Masare ñañene yegū ye ye ijire. Tire ye ye ahri yehpa cjēna ñano yuhduare. Ñañene yeducure masa. Tiquina sa yegū tiquinare ñañene yegū yeyequina pehe ña yuhduaro yuhdueta.

⁸ Muhu omoca mehna ñano yegu ti omocare muhu date cohāboro saha ti ñañene duhuya. Tire duhueragu pecapu wahaguta. Topūre ne peca yatierare. Muhu omocare muhu cohāgū ti si dihita butiboaga. Sa yegu muhu pehe sa bajiri turu ijiepeguta came Cohācjū mehna ijiguta. Pua omoca mehna pecapu wahagu muhu sa wahagū ña yuhduaboaga. Sa yegu ti ñañene duhuya. Muhu dahpocā mehna ñano yegu ti dahpocā gūhure muhu date cohāboro saha ti ñañene duhuya. Tire duhueragu pecapu wahaguta. Topūre ne peca yatierare. Muhu dahpocāre muhu cohāgū ti si dihita butiboaga. Sa yegu sa bajiri turu ijiepeguta came Cohācjū mehna ijiguta. Pua dahpocā mehna pecapu wahagu muhu sa wahagū ña yuhduaboaga. Sa yegu ti ñañene duhuya.

⁹ Muhu capea mehna ñano yegu tiare ore we muhu cohāboro saha ti ñañene duhuya. Tire duhueragu pecapu wahaguta. Topūre ne peca yatierare. Tiare muhu cohāgū tia dihita butiboaga. Ihcā pehe capea mariedapeguta came Cohācjū mehna ijiguta. Pua capea mehna pecapu wahagu muhu sa wahagū ña yuhduaboaga. Sa yegu ti ñañene duhuya, ni yahuri Jesu.

Oveja butiriquiro queoyere yahuahye Jesu

(Lc 15.3-7)

¹⁰ Sa ni tuhasa ohō saha ni yahu nemori:

–Ne, ahriquinagāre macanagāre ihña tuhtieracāhña. Musare niita niaja yahu. Tiqinagā yeequina angele tiqinagāre cohteyequina ahmusepa ijieyequina pehe yahu Pacu cahapa sa ijiducure. [

¹¹ Yahu masu Cohācjā ohorigu ahri yehrapa pecapa wahaboriquinare yuhduogu tuu nii yahu,] ni yahuri Jesu.

¹² Sa ni tuhasa tiqiro tuhoye mehna ohō saha ni queoye mehna buheri usāre.

–Ovejare cohteriquiro cien ovejare cuoriquiro ihcāquiro oveja butia wahagū ohō saha yerota tiqinare cohteriquiro pehe. Apequina ovejare noventa y nueve ovejare tiqina ihyaropa duhu doco, butiriquirore macano waharota.

¹³ Ijirota nii niaja musare. Tiquirore bocaro bucueroa tiqiro. Apequina noventa y nueve dūhsayequina mehna bucuero tiqiro. Tiqinare tiqiro bucuero yuhduoro butiriquiro pehere bocaro tutuaro bucueroa.

¹⁴ Sata mari Pacu ahmuse cjāno ahriquina ihyo ijieyequina gūhure pecapa tiqina wahagū cahmedare, ni yahuri Jesu.

Muhu acayuro muhure ñano yegū ohō saha ye dutiahye Jesu

(Lc 17.3)

¹⁵ Sa ni tuhasa ohō saha ni yahu nemori:

–Muhu acayuro muhure ñano tiqiro yegū tiqiro mehna yahugu wahaya. Musa sehsharo tire yahuya. Muhu sa yegū tiqiro muhure tuhoboaga. Tiquiro tuhogū “Muhure ne pari turi ohō saha yesi yahu”, tiqiro nigū muhu acayurore pari turi piti tigu niaga muhu.

¹⁶ Muhure tiqiro tuho dueragū pūrita ihcāquiro mehna waha duagu o puaro mehna waha duagu tiqinare piti ti cā, pari turi tiqirore yahuna wahaya. Musa sa yena puana o ihtiana tiqirore musa yahusāgū, “Poto tjire”, ni masieta apequina.

¹⁷ Sa yena muhu mehna cjēna gūhure tiqiro tuho dueragū ijiphtieyequina Jesu yequina cahmecoahnequinare yahusāna wahaya. Sa yena Jesu yequina cahmecoahnequinare tiqiro tuho dueragū ihñana Cohācjāre ño peo dueriquiro tiqiro ijiro saha yeya tiqirore. Wapa ne cohteriquiro tiqiro ijiro saha yeya tiqirore.

¹⁸ Ijirota musare niita niaja. Ahri yehrapa musa Jesu yequina ñañene musa ye dutieragū ahmusepa gūhure ye dutisi. Ahri yehrapa musa quehnoañene ye dutigū ahmusepa gūhure ye dutiye ijirota.

¹⁹ Pari turi musare yahutja ahrire: Musa puana Cohācjāre sinigū, musa puana musa

sinidire ihcāno saha musa tuhoyegū yahu Pacu ahmuse cjāno tire yerota.

²⁰ Puaro o ihtiaro yeequina, yeere yeatiqina tiqina cahmecoagū yahu tiqina mehna ijiaja, ni yahuri Jesu.

Cahacjāno apequiro tiqiro wapamonore tiqiro bo duerari quitire yahuahye Jesu

²¹ Came Pedro Jesu cahapa esa, sinituri:

–¿Puhto, yahu acayuro muhu yaquiro peye tahari yuhure ñano tiqiro yegū ihñagu nohope tahari tire bogutari yahu? ¿Siete tahari bogutari yahu? ni sinituri Pedro.

²² Jesu yahtiri:

–Siete taharita muhure apequiro ñano yerire muhu bogū to wahaerare. Peye tahari muhure ñano tiqiro yegū gūhure boya.

²³ Ahmuse cjāno masa puhtoro tiqiro ijieyehri queoye yero saha ijire. Ijiphtieyequina masa puhtoro tiqiro cahacjānare tiqirore wapamonequinare wapa ye peho duti duamahye.

²⁴ Tiquina wapamorire tiqiro queo ducagū, tiqirore dahra cohteyequina pehe pajiro wapamoriqirore tiqiro cahapa ne cāhtahye. Wapamoriqiro paji yuhduoro wapamoahye tiqiro puhtoro.

²⁵ Sa yero tiqiro wapa ye masiedagū tiqiro puhtoro tiqirore, tiqiro namonore, tiqiro pohne cahacjāna sō, tiqinare apequinare dua dutimahye. Sa ye ijiphtieyehri queoye gūhure dua dutimahye, tiqiro wapamonore wapa ye peho dutiro.

²⁶ Tiquiro sa dua dutigū pajiro wapamoriqiro pehe dusepe curi mehna quehe sa, tiqiro puhtoro tutuaro siniahye: “Puhto, yuhure paja ihñagu cohteniña. Muhure wapa ye pehoutja”, niahye tiqiro puhtoro.

²⁷ Tiquiro sa nigū tuhoro, tiqirore paja ihñano tiqiro wapamonore sata bo cāhye.

²⁸ Tiquiro sa yeri bato wapamoriqiro pehe waha, apequiro cahacjānore tiqirore mehenogā wapamoriqirore boca sahye. Sa boca saro wamua ñeheahye tiqirore. “Yuhure muhu wapamonore wapa ye pehoya”, niahye tiqiro mehna cjānore tiqiro yero saha ijiriquirore cahacjānore.

²⁹ Tiquiro sa nigū apequiro cahacjāno pehe dusepe curi mehna quehe sa, tiqirore tutuaro sinimahye. “Yuhure paja ihñagu mehenogā cohteniña. Muhure wapa ye pehoutja”, niahye apequiro cahacjāno tiqirore.

³⁰ Tiquiro sa ni siniepegāta yahtierahye. Sa yero tiqiro apequiro cahacjānore peresu ye dutiahye. Tee tiqiro wapa ye pehogūpa wiro taro niahye tiqirore.

³¹ Pajiro wapamoriqiro mehenogā wamoriqirore tiqiro sa yegū ihña, usua, apequina cahacjēna pehe tiquina puhtorore yahusāne wahahye.

³² Tiquina sa ni yahusāgū tūhoro tiquina puhtoro tiquina yahusāriqirore pijio, ohō saha niahye: “Mūhu ña yāhdūagu ijire. Mūhu yūhare tutuaro sinigū mūhu wapamonore bo pehomi yūhu.

³³ Mūhare yūhu sa yepegāta mūhu pehe mūhare wapamoriqirore boerañohi. Mūhu wapamono pehere yūhu boriro sahata tiqiro mūhare wapamono gūhare mūhu bogū quehnoa yūhdūaboaga. ¿Dūhsegū tiqirore paja ihñedari mūhu, sa yegū?” niahye puhtoro tiqirore.

³⁴ Sa nino tutuaro usua, peresu yeahye tiqiro cahacjūnore. Tee tiqiro wapa ye pehogāpu wioro taro niahye, ni yahuri Jesu.

³⁵ Sa yero ohō saha ni ahri quitire yahu bato tiri:

–Sata yerota yūhu Рачū ūhmūse cjūno mūsare. Mūsa ijipihtina mūsa acaye mūsare tiquina ñano yerire quehnoano mūsa bo pehoeragū tiqiro mūsare buhiri dahrerota, nidi Jesu.

19

Tiqina namosānumiare cohāñene yahuahye Jesu

(Mr 10.1-12; Lc 16.18)

¹ Tire tiqiro sa ni yahuri bato tiqiro Galileapū ijiriqiro Judea yehpapū usāre siho wahari. Jordā wame tiri ma ape sie pahrēpū esau usā.

² Topū usā wahagū peyequina masa usāre nūnū tā cāri. Tiquina mehna cjēnare dohatiyequinare yūhdūgū yeri tiqiro.

³ Sa ye ihquēquina fariseo masa Jesure yahusā duaye, ñano tiqiro yahuducugū tūho duaye, tiqirore sinituri:

–¿Mari namosānumiare cohāgū quehnoaboagari? ¿Mari dutiye pehe sata ye dutiagari, mūhu tūhotugū? ni sinituri tiquina.

⁴ Jesu yūhtiri:

–¿Cohācjū yere tiquina ojoari pūpū ne ahrire buherari mūsa? Ohō saha ni ojoahye: “Coā waropūre ahri yehpare bajumehnediqiro ūmūno, numino gūhare yeahye”, ni ojoahye.

⁵ Sa yero ohō saha ni ojoa nemoahye: “Sa yero ūmūno tiqiro pacusūmūare cohā wijia, tiqiro namono mehna ijirota. Sa ye tiquina pūaro ijiepetā ihcā pagū yero saha ijire.

⁶ Sa ye tiquina pūaro yero saha ijierare. Ihcā pagū yero saha ijieye nine. Cohācjū tiqiro omoca dūhte dutiyequina ijire. Sa ye tiquinare cahme duheraro cahmene”, ni ojoahye, nidi Jesu tiquinare.

⁷ Tiqiro sa nigū fariseo masa sinituri tja:

–Mūhu ohō saha ni yahuepegāta ohō saha ni ojoahye Moise pehe: “Mūhu namonore cohā duagu papera pūre tire ojoaya. Sa ojoagu ti pūre mūhu namonore mūhu ohori bato ticorore cohā masine mūhu”, ni ojoahye Moise. ¿Mūhu nino saha ijiepegāta Moise pehe dūhsero ohō saha ni ojoayari? ni yūhtiri tiquina tiqirore.

⁸ Jesu yūhti cahmedi tiquinare:

–Cohācjūre mūsa ñecusūmūa panopū cjēna tiquina tūho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiqiro sa niepegāta coā waropūre ahri yehpare sa ijierari.

⁹ Mūsare niita niaja. Masūno tiqiro namono ticoro ñano yerapegāta ticorore cohāno, apecorore namo tiro, tiqiro apecoro mehna ñano yero nine. [Sa yero ahriqiro cohāricorore namo tiriqiro gūhu ticoro mehna ñano yeriqiro ijire,] nidi Jesu.

¹⁰ Tiquina sa nigū tūhona, usā tiqiro buhena pehe tiqirore ohō saha nii:

–Sata ūmūno tiqiro namono mehna tiquina cahme cohāedagū mari pehere mari namo tieragū quehnoaboaga, nii usā.

¹¹ Jesu yūhtiri:

–Ihquēquinareta namo ti dutierare Cohācjū. Tiqiro namo ti dutiriqina dihita namo tieta.

¹² ūmūare namo ti dutieraye ihquēgā ijire. Ihquēquina ūmūa numiare cahmeeñequina masa bajuare. Apequina ūmūa masa tiquina apēni tōho tiquina weriquina pehe namo ti masiedare. Apequina ūmūa ūhmūse cjūno tiquina puhtoro yere yedoho duaye, namo tierare. Sa ye ahriqina namo ti dueyequina sata tuhotu cāhñequina, sata tiquina sohtori tigū quehnoare, nidi Jesu usāre.

Macanagā ye ijiatire Cohācjūre sini basahye Jesu

(Mr 10.13-16; Lc 18.15-17)

¹³ Sa ye masa macanagāre Jesu cahapū ne wihiri. Sa ne wihie, tiquina Jesure tiqiro omocare tiquinagā bui ña peo duti duamedī. Sa ye tiquinagāre Cohācjūre sini basa duti duamedī Jesure. Tiquina sa yegū ihñana usā tiqiro buhena tiquinare tuh-timi.

¹⁴ ūsā sa tuhtigū ihñano, usāre Jesu ohō saha nidi:

–Macanagā yūhu cahapū ahtaahro. “Waharīsa”, niedacāhña tiquinagāre. Tiquinagā Cohācjūre tiquina puhtoro tūhoture. Sa ye tiqiro ūhmūse cjūno puhtoro ijioropū ahriquinagā yero saha tūhotuyequina ijire topūre, nidi Jesu usāre.

¹⁵ Sa ninota tiquiuro omocare tiquinagã bui ña peo tuhasa, wahaa wahari.

*Doeri cjê upuro Jesure sinituahye
(Mr 10.17-31; Lc 18.18-30)*

¹⁶ Tiquiuro sa yeri bato ihcãquiuro Jesu cahapũ wihi, sinituri tiquiurore:

—¿Ne quehnoagu buhegu, ijipihtiyere decori Cohãcjũ mehna iji duagu, quehnoañene ye duagu dahse yeboagari yũhu? nidi tiquiuro.

¹⁷ —¿Dahse ijiro boro yũhare quehnoañene sinitujari mũhu? Cohãcjũ dihita quehnoariquiuro ijire. Ijipihtiyere decori Cohãcjũ mehna iji duagu tiquiuro dutiyere yeya, nidi Jesu.

¹⁸ —¿Dise boro dutiyere pehere nigũ nijari? ni sinitu nemori tiquiuro.

Jesu yũhtiri:

—Masare wejêdacãhña. Wũana tier-acãhña. Yaqueracãhña. Ni mehoedacãhña.

¹⁹ Mũhu pacũsumũare ño peoya. Mũhu basi mũhu cahño saha mũhu cahapũ ijiriquiro gãhure cahña. Ahri dutiyere yero cahmene, nidi Jesu.

²⁰ —Ahri dutiyere ne yũhdũdũcaera tii yũhu. ¿Dahse ye nemoagari yũhu ijipihtiyere decori Cohãcjũ mehna iji duagu? nidi tiquiuro Jesure.

²¹ Tiquiuro sa nigũ tũhoro Jesu yahu nemori:

—Mũhu ñañe mariegu iji duagu mũhu ye ijipihtiyere duagu wahaya. Sa duagu ijipihtiyere mũhu wapatarì niñerure pe-jecũoyequinare ohoya. Mũhu sa yegũ pajiro mũhu ye ahmũserũ, Cohãcjũ cahapũ ijirota. Mũhu sa yeri bato yũhu mehna cjũ ijigu ahtaya, ni yahuri Jesu.

²² Tiquiuro sa nigũ tũhoro tutuaro bujua witiri. Tiquiuro doeri cjê upuro ijipihtiyere cuoriquiro ijiri. Sa yero Jesu yahugũ tũhoro tutuaro bujua witiri. Pejecũoyequinare oho dueraro wahaa wahari.

²³ Tiquiuro sa wahari bato Jesu usãre tiquiuro buhenare yahu nemori:

—Ijirota mũsare niita niaja. Doeri cjê upuro Cohãcjũ pũhtoro ijiropure tiquiurore waharo basioera cjũre.

²⁴ Mũsare yahu nemoutja: Camello pehe awia copepũ tiquiuro saja duagũ basioerare tiquiurore. Tiquiuro sa ijiro yũhdũoro doeri cjê upuro Cohãcjũre cahmedaro, Cohãcjũ pũhtoro ijiropure waharo basioerare, nidi tiquiuro.

²⁵ Tiquiuro sa nigũ tũhona usã tũho maria waha, usã basi ohõ saha nii:

—Aa, dahse tiquiuro nino sahata ijigũ, ne ihcãquiuro masũno Cohãcjũ cahapũ waha masiedaboaga, nii usã basi.

²⁶ Usã sa nigũ Jesu usãre ihñano, yahuri:

—Masa tiquina esa tuhoro tiquina quehnoano yeri mehna Cohãcjũ cahapũ waha masiedare. Cohãcjũ pehe masare

pecapũ wahaboriquinare yũhdũo masine. Tiquiuro ijipihtiyere quehnoano ye masi peho cãre, nidi tiquiuro usãre.

²⁷ Tiquiuro sa nigũ Pedro tiquiurore nidi:

—Tũhoriña. Usã pehe usã ye ijipihtiyere cũ cãũ mũhu mehna wahana tana. ¿Usã ohõ saha yena, dahse ijiyere wapatanatari usã? nidi tiquiuro.

²⁸ Tiquiuro sa nigũ tũhoro ohõ saha nidi Jesu:

—Mũsare niita niaja: Pihitiri deco bato ijipihtiyere wahma dihita comesaeta. Ti pjeppure yũhu masũ Cohãcjũ ohorigu yũhu pũhtoro yũhu dujiropũ asi siteropũ duji-itja yũhu. Topũ yũhu dujigũ masa gãhu doce dujiye pahataripũ pũhtoa tiquina dujiye pahataripũ dujinata. Sa yena Israe masare doce cururi cjẽnare besenata masa quehnoañequina gãhure, ñañequina gãhure.

²⁹ Sa ye yeere yena tana masa wũhũsere, masa bahanare, masa pacũsumũare, masa pohñare, masa weserire cũrina ijina, pajiro wapatanata. Sa yena ijipihtiyere decori Cohãcjũ mehna ijinata.

³⁰ Sa ijiepegãta yojopure peyequina pũhtoa ijiriquina ti pjeppure ihyo ijieyequina tojoaeta. Sa ye yojopure peyequina ihyo ijieyequina ijimediquina ti pjeppure pũhtoa comesaeta, ni yahuri Jesu usãre tiquiuro buhenare.

20

Èhse wesere dahrayequina queoyere yahuahye Jesu

¹ Sa ye Jesu pari turi queoye mehna yahu nemori tja:

—Èhmũse cjãno masa pũhtoro ijire. Wese upuro queoye mehna tiquiuro pũhtoro ijiyere yahutja masare. Tiquiuro wese upuro bohrea quehagũ tiquiuro ya wesere dahratiquinare pijiro wahahye.

² “Ihcã cje niñeru cje wapa yegutja ihcã decore”, niahye tiquinare. “Aa”, niahye dahratiquina. Tiquina sa nigũ wesepũ dahra dutiro ohoahye tiquiuro tiquinare.

³ Sa yero decopũ nueve ijigũ doeri cjê duaropũ wahahye tiquiuro. Topũ esaro, apeqũna dahraeyequinare ihñahye.

⁴ Sa ihñano tiquinare niahye: “Mũsa gãhu ya wesere dahrana wahaya. Quehnoano wapa yegutja”, niahye tiquiuro.

⁵ Sa ye tiquina wesepũ dahraye wahahye. Sa ye wese upuro coheri pje ijigũ, ñamicahapũ tres ijigũ gãhure dahra dutiahye.

⁶ Sa ye ñamicahapũ cinco ijigũ doeri cjê duaropũ tiquiuro wahahye tja. Topũ esa, apeqũna dahraeyequinare ihñano, tiquinare niahye: “¿Mũsa dahse yena nijari dahraer- apenata ohõpũre?” ni sinituahye tiquinare.

⁷ “Ne, usãre dahraye mariedare”, ni yũhtiahye tiquina. “Mũsa gãhu ya wesere dahrana wahaya”, niahye tiquinare. Sa

ye tiqiro nidiro sahata tiqiro ya wesere dahraye wahahye.

⁸ Sa ye ñamicahapu dahra duhuri pje ijigü wese upuro tiqiro dahrayequinare coheriquirore ohõ saha niahye: “Dahrayequinare pijiya. Tiquina wihigü tiquinare wapa yeya. Cameru yuhu dahra dutiriquinare wapa ye muhtaña. Tiquinare wapa ye tuhasa, apequina gühare wapa ye tuhasa, yuhu dahra duti muhtariquinare wapa ye bato tiya”, niahye tiqiro.

⁹ Sa yero cinco ijigü dahra ducayequinare ihcã cjoer niñeru cjoer wapa yeahye.

¹⁰ Tiquiro sa wapa yegü ihñañe, “Usãre paji cjünogã wapa yerota”, ni tuhotumahye tiqiro duti muhtariquina pehe. Tiquina gühare ihcãno saha wapa yeahye.

¹¹ Sa ye niñerure tiqiro wapa yegü tiquina puhtoro mehna usuaye, tiquina basi cahme niahye:

¹² “Ahriquina usã batopu tiqiro dahra dutiriquina pehe ihcã horata dahrari. Usã pehe ihcã deco quehnoano dahra nahña wahami. Ñano asü asiri usãre. Usã sa yoari pje dahraepegüta usã batopu dahra ducariquina gühare ihcãno saha wapa yeri tiqiro”, ni usuahye tiquina basi.

¹³ Ihcãquiro tiquina mehna cjãno tiqiro sa nigü tuhoro, wese upuro yahtiahye tiqirore: “Ne yuhu acayu, Ihcã cjoer niñeru cjoere wapa yegütja, nimi musare. Yuhu sa nigü yahtiri musa. Sa yegu yuhu nidiro sahata musare wapa yei yuhu. Queoro wapa yei musare. Ne yaqueru musare.

¹⁴ Sa yegu yuhu wapa yerire ne, muhu ya wuhapu tojoarisa. Ahriquirore came yuhu dahra dutiriquiro gühare musare yuhu wapa yeriro punota wapa yegütja.

¹⁵ Yee niñeru ijire ahri. Sa yegu yuhu cahmeno sahata ahri mehna wapa yegütja. ¿Apequinare bui cjünogã yuhu quehnoano wapa yegü ihña tuhtijari muhu?” niahye tiqiro wese upuro, ni yahuri ti queoyere Jesu.

¹⁶ Sa nino, yahu nemori tiqiro:

—Ahri queoye nidiro saha came cjã curua iji muhtari curua ijirota ahmusepu. Sa ye iji muhtari curua pehe tiquina cameru cjã curua tojoarota ahmusepu, ni yahuri Jesu.

*Pari turi Jesu tiqiro yaria masa wiji-
atire yahuahye*

(Mr 10.32-34; Lc 18.31-34)

¹⁷ Sa ye Jerusalëpu wahaducu, usãre doce tiqiro buhenare pijio tuhasa, ape sieru usãre usã sehsaro neari Jesu. Usã sehsaro usã ijigü usãre yahuri:

¹⁸ —Tuhoya yuhare. Yojoapu Jerusalëpu wahana niaja mari. Topu yuhare masare Cohãcju ohorigure ñehe, apequinapure yuhare ohoeta. Pahia puhtoare, judio

masare buhayequina gühare yuhare ohoeta. Sa ye yuhare wejê dutieta tiquina.

¹⁹ Sa wejê dutiye, judio masa ijieye-quinare yuhare ohoeta. Tiquina sa ohori bato tiquina pehe yuhare bujape, tana, curusapu quë bihaeta yuhare. Sa yegu yuhu yariari bato ihtia deco wahaboro masa wijiagutja, ni yahuri Jesu usãre.

*Santiago, Ñu mehna tiquina pacoro pehe
tiquinare sini basahye Jesure*

(Mr 10.35-45)

²⁰ Sa ye Zebedeo namono puaro ticoro pohne mehna Jesu cahapu esa, dusepe curi mehna quehe sahye tiqirore sinino taro.

²¹ —¿Duhse yuhu yegü cahmeajari muhu? niahye Jesu ticorore.

—Muhu puhto sajagu yuhu pohne dutiyequina sõña. Sa yegu muhu pu peheripu duji dutiya tiquinare, ni siniahye ticoro.

²² Jesu ohõ saha niahye:

—Musa ñano yuhduatire masiedapenata sa sinine musa. ¿Yojoapu yuhu ñano yuhduato saha musa gühu ñano yuhduna ihcãno sahaboagari musa? niahye Jesu ticoro pohnene.

—Ihcãno sahanata, ni yahtiahye Santiago, Ñu mehna.

²³ —Ijirota niita niaja musare. Yuhu ñano yuhduato saha ñano yuhdunata musa gühu. Sa ijiepegüta yuhu mehna dutiatiquinare, yuhu mehna dujiatiquinare bese masiedaja yuhu. Yuhu Pacu pehe quehno tuhasari tire. Sa ye tiqiro beseatiquina dihita yuhu poto pehe yuhu cü pehe pehe dujieta, niahye Jesu tiquinare.

²⁴ Sa yena usã apequina diez tiqiro buhena pehe Santiago, Ñu ahriquina puaro mehna usuau usã. Jesure tiquina pacoro ticoro sini basarire tuhona usuau tiquina mehna.

²⁵ Usã sa usuagü ihñano, Jesu usãre ijipihtina tiqiro buhenare piji cahmecoa, yahuri usãre:

—Cohãcjure masieñequina puhto pehe tiquina masare dutiye, usuaro mehna dutire.

²⁶ Musa pehe ne sa yesi musa basi. Musa mehna cjãno puhtoro iji duaro, ijipihtiyequina tiqiro mehna cjëna cahacjano ijiro cahmene tiqirore.

²⁷ Sa yero ijipihtiyequinare dutiriquiro iji duaro, apequina cahacjano ijiro cahmene tiqirore.

²⁸ Sata ijigü ijiaja yuhu gühu. Yuhu masu Cohãcju ohorigu ahri yehrapure masare yedohogu ahtau. Sa yegu peyequina masa ye buhirire yariagu ahtau nii. Sa yegu masare pecapu wahaboriquinare yuhduogu ahtau nii. Masare dutipegu tagu niedu, nidi Jesu usãre.

*P̄naro caperi bajueyequinare ihñagū
yeahye Jesu*

(Mr 10.46-52; Lc 18.35-43)

²⁹ Sa ye Jericóꝛꝛu ijjirina usā wahagū peye-
quina masa Jesure n̄n̄n̄ tāri.

³⁰ Sa ye Jesu tiqũiro yũhdugū p̄naro ca-
peri bajueyequina maha d̄h̄t̄u caharũ du-
jiyequina t̄hori. Sa t̄hoye, ohō saha ni
sañuducuri:

—P̄h̄to, Davi m̄n̄n̄ano panami iji turiagu,
masare yũhd̄uoac̄jũ, us̄are paja ihñaña, ni
sañuducuri.

³¹ Tiquina sa ni sañuducugū masa pehe
tiquinare tuhtiri.

—Dihta mariahña, nidi masa tiquinare.

Tiquina sa tuhtigū t̄hoye, to pano tiquina
sañuducuriro yũhd̄uoro sañuducu nemori tja.

—Us̄ā p̄h̄to, Davi m̄n̄n̄ano panami iji
turiagu, us̄are paja ihñaña, ni sañuducu
nemori.

³² Tiquina sa nigū t̄horo Jesu esad̄uca,
tiquinare pijio, sinituri:

—¿D̄h̄se yũh̄ yegū cahmeajari m̄sa? ni
sinituri.

³³ —P̄h̄to, us̄are ihñagū yeya, ni yũhtiri
tiquina.

³⁴ Tiquina sa nigū Jesu tiquinare paja
ihñari. Sa paja ihñano tiquina caperire ña
peori. Tiquiro sa ña peogūta tiquina pehe
ihñaa wahari. Sa ihñañe, tiquiore n̄n̄n̄ tā
c̄aa wahari.

21

Jerusalēꝛũ esahye Jesu

(Mr 11.1-11; Lc 19.28-40; Jn 12.12-19)

¹ Sa ye Jerusalēꝛũ esana tana Betfagē
wame tiri macarũ esa m̄ht̄au us̄ā Jesu
mehna. C̄ũn̄ Olivo wame tid̄ caharũ
Betfagē ijiri. Top̄ esaro, us̄ā tiquiore buhena
mehna c̄j̄n̄are p̄naro Jesu tiquiore pano oho
m̄ht̄ari.

² Ohō saha dutiri tiquinare:

—Si macarũ burroare nena wahaya.
Top̄ esana, d̄uita burroare ticoro mac̄nogā
mehna tiquina d̄h̄te docoricore bo-
canata. Tiquinare boca, yuta dare p̄a, ne
c̄ahta basaya yũh̄re.

³ M̄sa sa yegū ihñano, burroa up̄ro
“¿D̄h̄sena tana burroare p̄jari m̄sa?”
tiquiore nigū t̄hona ohō saha ni yũhtiya.
“Mari p̄h̄toro burroare cahmedi. Sa
yero mianogā wiarota tiquiore”, ni yũhtiya
tiquiore, ni duti ohori Jesu p̄naro tiquiore
buheyequinare.

⁴ Sa yeri Coh̄c̄jũ yere yahu m̄ht̄ariquiore
tiquiore ni ojoariro sahata. Ohō sahata ni
ojoahye panorũ:

⁵ Jerusalē c̄j̄n̄are ohō saha ni yahuya:

“Ihñaña m̄sa. M̄sa p̄h̄toro m̄sa ca-
harũ ahtare. Tiquiro quehnoano
masa quehnoariquiore ijire. Burro
mac̄nogā bui pesariquiore ahtarota”,

ni yahuya Jerusalē c̄j̄n̄are, ni ojoahye
panorũ.

⁶ Jesu tiquiore dutiriquina p̄naro ti macarũ
esa, tiquiore dutiriro sahata yeahye tiquina.

⁷ Burroare, ticoro mac̄nogā ḡh̄re ne
c̄ahta, tiquina bui sañañe suhtire tu we ne,
burrogā bui duhu peori tiquina. Tiquina
sa yeri bato Jesu tiquioregā bui m̄j̄a p̄jeri,
waharo taro.

⁸ M̄j̄a p̄je tuhasa, tiquioregā bui
Jerusalēꝛũ wahari. Tiquiro ahtagū ihñañe
masa peyequina tiquina bui c̄j̄e suhtire
tu we ne, seō cū m̄ht̄ari tiquiore wahari
mahare, Jesure ño peoye. Apequina pehe
p̄ri tiye d̄p̄r̄ire maharũ cū m̄ht̄ari
tiquiore ño peoye.

⁹ Sa ye tiquiore pano wahayequina, tiquiore
bato n̄n̄n̄ tāñequina mehna sañuducuri:

—Davi panamino iji turariquiore
marine yũhd̄uoatiquiore ño peouhna.
Ahriquiore Coh̄c̄jũ ohoriquiore quehnoano
ijiahro. Uhm̄se c̄j̄n̄ore “Tutuagu ijire”, ni
ñe peouhna, ni sañuducuri masa.

¹⁰ Sa ye Jerusalēꝛũ tiquina esagū to c̄j̄na
pehe ihñã maria wahari.

—¿Noa ijijari ahriquiore? ni cahme sini-
turi tiquina.

¹¹ Apequina masa yũhtiri:

—Ahriquiore Coh̄c̄jũ yere yahu
m̄ht̄ariquiore Nazare c̄j̄no Jesu wame
tiriquiore ijire, ni yahuri tiquina masare.

Coh̄c̄jũ w̄h̄rũ esahye Jesu

(Mr 11.15-19; Lc 19.45-48; Jn 2.13-22)

¹² Came Coh̄c̄jũ w̄h̄rũ esari Jesu. Ti
w̄h̄rũ esa, sañaa wahari. Ti w̄h̄rũ du-
ayequinare, dúyequina ḡh̄re coh̄a wiori
tiquiore. Sa yero niñeru comesayere mesarire
ne majare cū m̄j̄ari. Bujuaare duayequina
tiquina dujiye pahitari ḡh̄re sata yeri.

¹³ Sa yero tiquinare ohō saha nidi:

—Coh̄c̄jũ yere tiquina ojoari p̄rũ ohō
saha nine: “Ya w̄h̄rũ Coh̄c̄jũ mehna
yahuducuri w̄h̄rũ wame tirota”, nime-
ne tiquiore ojoari p̄rũ. M̄sa pehe ahri w̄h̄rũ
duana m̄sa basi cahme yaquere m̄sa, nidi
tiquiore tiquinare.

¹⁴ Tiquiro sa yeri bato caperi bajueye-
quina, tini masieñequina ḡh̄rũ Coh̄c̄jũ
w̄h̄rũ tiquiore caharũ wihiri. Tiquina sa
wihigū tiquinare yũhdugū yeri tiquiore.

¹⁵ Sa quehnoañene tiquiore yegū ihñañe,
pahia p̄h̄toa, marine judio masare buheye-
quina ḡh̄rũ usuari tiquiore mehna. Sa ye
macanagā Jesure “Davi panami iji turiagu,
masare yũhd̄uoac̄jũ, tutuagu ijire m̄h̄rũ”,
tiquina ni ñe peogū t̄hoye usuari pari turi
tiquina.

¹⁶ Sa usuaye ohō saha nidi Jesure:

—¿Tiquina sa nigū t̄h̄oerajari m̄h̄rũ? Sa
niedac̄h̄do, ni tuhtiri tiquina Jesure.

—Tiquina sa nigü tahoaja. ¿Cohäcjä ojoari püpa ahrire ne buherari masa?

Macanagäre Cohäcjäre quehnoano ño peogü yeri muha, nine Cohäcjä yere tiquina ojoari püpa, nidi Jesu.

¹⁷ Sa ni tuhasa tiquinare cohä cã, Betania wame tiri macapu esa, ti ñamine topu ijiri.

Jesu higuerağure yaria dutiahye
(Mr 11.12-14, 20-26)

¹⁸ Ape deco bohrearopu Jerusalëpu tojaro, uña ahbari Jesu.

¹⁹ Sa uña ahbaro, maha duhtu cahapu ijidu higuerağur wame tidare ihñano, tu ducare macano wahamedi. Duca mariedari tu pehe. Püri dihita ijiri. Tu sa ijigü ihñano Jesu tare ohö saha nidi:

—Ahdü ne pari turi duca tisi, nidi tiquiro.

Tiquiro sa nigata duita tu pehe ñaia wahari.

²⁰ Tu sa wahagü ihñana usã tiquiro buhena ihña maria wahau.

—¿Yohou, duhsero ahdü duita ñaia wahajari? ni sinituu usã.

²¹ Jesu yuhtiri:

—Ahrire wacüña masa. Cohäcjäre quehnoano wacü tutuaya. “Potota sa yerota tiquiro”, nina, ahdure yuhu yeriro sahata ye masinata masa gähu. Sa yena ahdure yuhu yaria dutiriro yuhduoro ye masinata masa. Ahdü canure “Duha ne, pajiri mapu cohädu ijiaho”, masa nigü duha cohädu ijirota.

²² Cohäcjäre masa wacü tutuagü, “Yuhu sinidiro sahata wahaerota”, masa ni wacügü masa sinidiro sahata wahaerota, nidi Jesu usäre.

Jesure dutiriquirore sinituahye apequina
(Mr 11.27-33; Lc 20.1-8)

²³ Sa ye Cohäcjä wuhuru tojoa sa, buheri tiquiro. Tiquiro sa buhegü pahia puhto, mari judio masa bucna mehna tiquiro cahapu wihi, sinituri:

—¿Duhsegu canu ñamicahare sa yeari muha? ¿Noa muhare tire sa ye dutiari? ni sinituri tiquina.

²⁴ Tiquina sa nigü Jesu yuhtiri:

—Masa pehere sinitu mahtagatja. Quehnoano yuhare masa queoro yuhtigü masare yahutja yuhu gähu.

²⁵ ¿Ñu masare tiquiro wame yegü noa boro pehe tiquirore wame ye dutiyari, masa tuhotugü? ¿O Cohäcjä dutierayari? ¿O masa pehe dutiyari, masa tuhotugü? ni sinituri Jesu tiquinare.

Tiquiro sa nigü tiquina pehe tiquina basi ohö saha nidi:

—¿Duhse ni yuhtinatari mari? “Cohäcjä Ñure dutie tiahye”, mari nigü, “¿Duhseña Ñu tiquiro dutiepegüta tuho duerari masa?” niboaga Jesu marine. Sa yena “Cohäcjä Ñure dutie tiahye”, ni yuhti masiedaja mari.

²⁶ Ahriquina masa pehe “Potota Ñu Cohäcjä yere yahu mahtariquiro ijiri”, ni tuhoturi tiquina. Sa ni tuhotuye “Ñu tiquiro wame yegü Cohäcjä pehe tiquirore dutierahye”, mari nigü tuho ye masa usueta mari mehna. Sa yena ti gähare yahu masiedaja mari, nidi tiquina basi.

²⁷ Tiquina sa nidi bato Jesure yuhtiri tiquina.

—Ñure wame ye dutiriquirore usã masiedaga, nidi tiquina.

Tiquina sa nigü tuhoru ohö saha nidi Jesu:

—Ti pje pürita yuhu gähu masa sinitu mahtarire yahueraja masare. Yuhu yerire dutiriquirore yahueraja masare, nidi tiquiro tiquinare.

Puaro pacuro queoyere yahuahye Jesu

²⁸ Tiquiro sa nidi bato Jesu queoye mehna buhe nemori tiquinare:

—¿Ne, duhse tuhotuajari masa ahri queoyere? Puaro pacuro ijiahye. Wahmino pehere ohö saha niahye tiquiro pacuro: “Macu, wesepu dahragu wahaya”, niahye.

²⁹ “Wahaeraja”, ni yuhtimahye tiquiro macano coã warore. Sa nieperota camepare wesepu waha duaro ijiahye tiquirore. Sa yero wahahye tiquiro.

³⁰ Sa yero tiquina pacuro tiquiro macano darsariquiro cahapu esa, tiquiro wahmino tiquiro dutiriro sahata wesepu waha dutimahye. “Au”, nimahye darsariquiro. Sa nieperota wahaerahye tiquiro.

³¹ ¿Diquiro pehe tiquiro pacuro dutiriro sahata yeari? ni sinituri Jesu.

—Tiquiro wahmino pehe yeahye, ni yuhtiri tiquina.

Tiquina sa nigü Jesu yahuri:

—Masare niita niaja. Wapa ne cohteyequina, amua mehna ñano yeducuye numia tiquina buipü waro masa pehe ña yuhduana ijire. Sa ye Cohäcjä puhtoro ijiropure masa esaborirore tiquina pehe masare esa mahtaboaga.

³² Ñu wame yeriquiro buhero masare “Quehnoano yeya”, ni yahamedi. Sa tiquiro yahugü darsariquiro pacurore tiquiro yuhtierariro sahata tiquirore tuhoerari masa. Sa yena tiquirore yuhtierari. Wapa ne cohteyequina pehe, amua mehna ñano yeducuye numia gähu tiquirore tuhori. Tiquina sa tuhogü ihñari masa. Masa sa ihñaepenata tiquirore ne tuho duerari. Sa yena tuhoerari masa, nidi Jesu pahia puhtoare, mari judio masa bucna gähare.

Ñañequina dahra cohteyequina queoyere yahuahye Jesu

(Mr 12.1-12; Lc 20.9-19)

³³ Sa ye Jesu pari turi queoye mehna ohö saha ni tiquinare buhe nemori:

—Apeye queoyere tuhoya musa. Dihta caoriquiro ijiahye. Tiquiro ya dihtarᵃ ᵃhse darire oteahye. Ote tuhasa, sahrᵃnᵃore ye tuhasa, ᵃhserᵃ tiquina cahta mᵃtoati copere sehe, ᵃhmᵃari wᵃhᵃgᵃ yeahye.

'Sa yero ti wesere apequinare ihcᵃ pehe pahrᵃ pahma cᵃahye. Sa yero ti wesere tiquinare ihᵃa ihbo duti, ape yehparᵃ wᵃhaa wahahye tiquiro.

³⁴ Sa ye ᵃhse ᵃidi pje ijigᵃ wese upᵃro tiquiro cahacjᵃnare wesere ihᵃa ihboyequina caharᵃ ohoahye. Wese cjᵃ tiquiro oteri dᵃcare tiquiro ya pahrᵃ cjᵃ dᵃcare ne dutiro ohomahye.

³⁵ Sa ye wesere ihᵃa ihboyequina pehe tiquiro cahacjᵃnare ᵃano yeahye. Ihcᵃquirore tutuaro quᵃ, apequirore wejᵃ, apequirore ᵃtᵃ mehna doqueahye.

³⁶ Came wese upᵃro pari turi tiquiro cahacjᵃnare tiquiro oho mᵃhtariquina yᵃhdᵃo cjᵃno ijiri curuare ohomahye tja. Sa ye wesere ihᵃa ihboyequina tiquina gᵃhare mᵃnanota yeahye tja.

³⁷ 'Sa yero tiquiro oho bato tiriquire tiquiro macᵃno ijiahye. 'Yᵃhᵃ macᵃ pehere ᵃo peota", nino tiquirore ohomahye.

³⁸ Tiquiro sa ni tuhotepegᵃta wesere ihᵃa ihboyequina tiquiro macᵃno ahtagᵃ ihᵃaᵃe, ohᵃ saha niahye: "Wese upᵃro macᵃno ijire ahriquire. Tiquirore wejᵃihna mari. Sa yero ahri wese mari ya wese tojoarota", nimahye tiquina basi.

³⁹ Sa niᵃeta tiquirore ᵃehe, wese dᵃhta caharᵃ ne cᵃ, wejᵃahye tiquina tiquirore.

⁴⁰ '¿Ne, wese upᵃro ahtarᵃ dᵃhse yerotari tiquiro wesere ihᵃa ihboyequinare? ni sinituri Jesu pahia pᵃhtoare, bᵃcᵃna gᵃhare.

⁴¹ Tiquiro sa nigᵃ tiquina yᵃhtiri:

—Tiquiro apequinare wesere ihᵃa ihboyequinare comesarota iji mᵃhtaᵃequinare ᵃa yᵃhdᵃayequinare wejᵃeno taro. Tiquirore queoro dᵃcare tu watiquina pehere ihᵃa ihbo dutirota, ni yᵃhtiri tiquina.

⁴² Tiquina sa nigᵃta Jesu yahu nemori tiquinare:

—¿Cohᵃcjᵃ yere tiquina ojoari pᵃpᵃ ahrire yᵃhare tiquiro ni ojoarire ne buherari musa?

Ahriquire Cristo ᵃtᵃ yero saha ijire. ᵃtᵃre wᵃhᵃ dahreyequina tiquina cohᵃno saha masa tiquirore cohᵃeta. Tiquina sa yepᵃgᵃta yojopᵃre wᵃhᵃ dahreyequina wᵃhare yeye tiquina cᵃ mᵃhtaria ᵃtᵃre tiquina cᵃno saha Cohᵃcjᵃ tiquirore pᵃhtoro sᵃri. Cohᵃcjᵃ pehe ahrire yerᵃ. Tiquiro sa yegᵃ ihᵃana, "Quehnoa yᵃhdᵃare", ni, tuhotuaja mari, ni ojoahye panopᵃ.

'¿Tire ne buherari musa?

⁴³ Musare niita niaja yᵃhᵃ. Cohᵃcjᵃ tiquiro pᵃhtoro ijire musa ijiato ijiboaga. Tiquiro

pᵃhtoro ijireore apequina pehere musa ijiboriore ohorota Cohᵃcjᵃ. Apequina masa pehe tiquiro dutiro sahata yeeta. [

⁴⁴ Ijipihtiyequina tia ᵃtᵃ bui doque queheyequinare mᵃta sitea wahaeta. Sa yero tia ᵃtᵃ pehe masᵃno bui bora pjero mᵃtaa wahagᵃ yerota tiquirore. Tiquiro pagᵃ mᵃnanore daye manarigᵃ wahagᵃ yerota. (Sata yᵃhare ᵃo peo dueyequina yᵃhᵃ buhiri dahreatiquina ᵃano yᵃhdᵃeta,)] nidi Jesu pahia pᵃhtoare, mari acaye judio masa bᵃcᵃna gᵃhare.

⁴⁵ Ti queoyere tiquiro nigᵃ tuhoye, "Sohᵃ tiquiro yahu mᵃhtari queoye, wesere ihᵃa ihboyequina queoye mehna marine nino niaga tiquiro", ni tuhutori tiquina.

⁴⁶ Sa ni tuhotuye, tiquirore ᵃehe duamed. Masa pehe Jesure ᵃo peo, "Cohᵃcjᵃ yere yahu mᵃhtariquire ijire tiquiro", niᵃequina ijie tiri tiquina. Tire masiᵃe, pahia pᵃhtoa, bᵃcᵃna mehna masare cueye, Jesure ᵃehedari.

22

Pajiri bose deco cjᵃ queoyere yahuahye Jesu

(Lc 14.15-24)

¹ Sa ye pari turi queoye mehna tiquinare buhe dᵃcari Jesu.

² —ᵃhmuse cjᵃno pᵃhtoro ijire ahri queoye yero saha ijire. Ihcᵃ yehpa cjᵃna pᵃhtoro ijiahye. Sa yero tiquiro macᵃno ya deco bose deco yeahye. Tiquiro omoca dᵃhteri bose deco ijiahye.

³ Sa yero pᵃhtoro tiquiro cahacjᵃnare bose decore ihᵃaᵃe ahtatiquinare piji dutiro ohomahye. Tiquina pehe ahta duerahye.

⁴ Sa yero apequinare piji dutiro ohomahye tja tiquiro cahacjᵃnare. "Yᵃhᵃ pijioriquinare ohᵃ saha ni yahuya. 'Mari ihyatire dahre tuhasari. Wecᵃare, wecᵃagᵃ dihi tiyequinagᵃ gᵃhare wejᵃ tuhasari. Sa yero ijipihtiro bose deco cjᵃ ijiatire quehno tuhasari. Sa yena bose deco cjᵃne ihyana ahtaya', ni yahuya tiquinare", ni ohomahye pᵃhtoro tiquiro cahacjᵃnare.

⁵ Tiquina sa yahuri bato tiquiro pijionhriquina sa tuhota cᵃhye. Bose decore ihᵃaᵃe wahaerahye. Ihcᵃquiro tiquiro ya wesepᵃ wahaa wahahye. Apequiro tiquiro dahrayere ihᵃano wahahye.

⁶ Apequina pehe tiquiro cahacjᵃnare ᵃehe, tiquinare ᵃano ye, wejᵃ cᵃhye.

⁷ Tiquina sa yegᵃ tuhoro, pᵃhtoro pehe usuahye. Usua, tiquina sa wejᵃedi buhiri buhiri dahre dutiro tiquiro surarare ohoahye. Sa ye surara tiquinare wejᵃ peho, tiquina ya macare ᵃjᵃa cᵃhye.

⁸ Tiquina sa yerᵃ bato, pᵃhtoro tiquiro cahacjᵃnare ohᵃ saha niahye: "Bose deco cjᵃ ijiatire quehno tuhasamedi. Sa ijipegᵃta

yahu pijio mahitariquina yahu bose decore ihñaboriquina ijierare. Ñañequina ijiri tiquina.

⁹ Sa yena macare ijiye maharipu dahse ijiyequina masa boca sayequinare bose decore ihñatiquinare pijiya”, niahye tiquiro cahacjēnare.

¹⁰ Tiquiro sa nigū tiquiro cahacjēna maharipu waha, ijipihtiyequinare tiquina boca sayequinare, ñañequina, quehnoañequina gūhare yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucūre masa wahpa yuhua wahahye.

¹¹ Topu tiquina dujigū puhtoro pehe ihcāquirore omoca dahteri deco cjā suhtirore sañeniquirore ihñahye.

¹² “¿Ne yahu acayu, dahse yegu omoca dahteri deco cjā suhtirore sañedapeguta sajà tari mahū?” ni sinituahye puhtoro.

Tiquiro sa sinitugū masano pehe yuhtierahye.

¹³ Tiquiro sa yuhtieragū ihñano tiquiro cahacjēnare ohō saha niahye: “Ahriquirore omocarine dahteya. Tiquiro dahpocāri gūhare dahteya. Dahte tuhasa ne wijia, sopечahapu cohāña tiquirore nahitianopu. Topu tiquiro tutuaro uti, bujua witiro mehna bahque dihorota”, niahye puhtoro, ni yahuri Jesu.

¹⁴ Tiquiro sa nidi bato ohō saha ni bato tiri tiquiro:

—Ahri queoye ijero saha Cohācjū peyequina masa tiquiro pijioriquina ijiepetameheñequinagā tiquiro mehna tojoaeta, ni yahu bato tiri Jesu.

Puhtoa ye wapare apequina sinituahye Jesure

(Mr 12.13-17; Lc 20.20-26)

¹⁵ Tiquiro sa nidi bato fariseo masa waha, tiquirore tiquina yahusāire tiquina basi yahuducuahye. Tiquiro ñano yuhtigū tuho duaye nimahye tiquirore yahusāne tehe.

¹⁶ Sa yahuducuye tiquina mehna cjēnare, Herode ya curua cjēna gūhare Jesure sinitu dutiye ohoahye. Tiquina pehe Jesu cahapu wihi, tiquirore meje cū sinitumedi:

—Buhegu, poto yahuducugu ni mehoñe mariegu mahū ijigū masiaja usā. Cohācjū yere queoro mahū yahugū gūhare usā masiaja. Sa yegu ihcāquiro puhtoro waro ijiepegūta tiquiro gūhare dōyaro marieno potota yahure mahū.

¹⁷ Sa yegu usāre yahuya. ¿Roma cjāno ijipihtiyequina puhtoro yere marine wapa yero cahmeajari, mahū tuhotugū? ¿Mari dutiye wapa ye dutiajari, mahū tuhotugū? ni sinitumedi tiquina Jesure.

¹⁸ Tiquina sa nigū tuhoro tiquirore tiquina ñano ye duayere masino ohō saha nidi:

—Masa ihñono dihita quehnoano iji mehona ijire masa. ¿Dahsena yahu ñano yahuducugū tuho duajari masa?

¹⁹ Yojopare niñeru cjoere puhtoare wapa yeati cjoere ne cāhtaya. Ti cjoere ihñahna, nidi tiquiro.

Tiquiro sa nigū tuhoye niñeru cjoere ne cāhtari tiquina.

²⁰ Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

²¹ —César, masa ijipihtiyequina puhtoro queoye, tiquiro wame gūhu wahñare, ni yuhtiri tiquina.

Tiquina sa nigū tuhoro Jesu yahuri:

—Ti pje pūrita masa ijipihtiyequina puhtoro yere tiquiro pehere ohoya. Cohācjū yere Cohācjū pehere ohoya, nidi Jesu.

²² Tiquiro sa nigū tuhoye, tuho maria waha, waha wahari.

Saduceo masa Cohācjū tiquiro masoñene sinituahye Jesure

(Mr 12.18-27; Lc 20.27-40)

²³ Sa ye ti decota ihquēquina saduceo masa Jesu cahapu wihiri. Saduceo masa pehe “Cohācjū yariariquinare masosi”, ni tuhotuyequina ijiri. Sa ye ohō saha nidi tiquina tiquirore:

²⁴ —Buhegu, ohō saha ni buheahye Moise: “Ihcāquiro wahmino namo tiriquiro pohna mariedaperota yariagū ihñano tiquiro baharore tiquiro wahmino namono ijiricorore nuano cahmene. Sa yero wahmino munano tiquiro pohna taboriro saha pohna tiro cahmene tiquiro baharore. Sa ye tiquiro pohne tiquiro wahmino munano pohne yero saha ijietā”, ni ojoahye Moise, nidi tiquina saduceo masa.

²⁵ Tire sa ni yahu tuhasa ahri queoyere yahu memori tiquina Jesure:

—Ihcāquiro masano ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahuro gūhu tiquiro wahmino namono ijiricorore nuohahye.

²⁶ Sa nuuari bato tiquiro wahmino yero sahata pohna mariedaperota yariaa wahahye tja. Sa yero ahriquiro bahuro tiquiro wahmino munano yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yariaa pihitia wahahye tiquina.

²⁷ Tiquina namono ijiricoro gūhu tiquina bato yariaa wahahye.

²⁸ ¿Cohācjū ijipihtiyequinare yariariquina munare tiquiro masogū diquiro boro namono pehe ijiboagari ticoro? Tiquina ijipihtiyequina ticorore namo tiriquina mana

ijiahye. ¿Sa yero diquiro namono pehe iji-boagari ticoro pototi? ni sinituri tiquina.

²⁹ Jesu yáhtiri tiquinare:

—Cohácjü yere tiquina ojoari püre, tiquiro masiñe gähure ne masiedare mäsä. Sa ye mäsä tuhötuye pehe ne potó ijierare.

³⁰ Yariariquina mäna tiquina masa mujari bato tiquina angele yero saha ijire. Namó marieñequina, manü marieñe numia ijire topäre.

³¹ Yariariquina mäna tiquina masa wi-jiato pehere müsare yahutja. ¿Cohácjü müsare tiquiro nidire ne buherari mäsä? Ohó saha niahye tiquiro.

³² “Yühu Abrahã, Isaac, Jacob tiquina puhto ijiaja”, nine Cohácjü”, ni ojoahye panopäre. Tiquina yariari bato “Tiquina puhto ijiaja”, ni yahuahye Cohácjü. Sa nieperota yariariquina mäna puhtoro ijier-are Cohácjü. “Tiquina puhto ijiaja”, tiquiro niñe mehna catieyquina tiquina ijigü masi-aja mari. Tiquiro catieyquina puhtoro ijire, ni yahuri Jesu tiquinare.

³³ Tiquiro sa ni buhegü tuhoye peyequina masa tuho maria wahari.

Quehnoa yuhduari dutirore yahuahye Jesu

(Mr 12.28-34)

³⁴ Sa ye saduceo masa Jesure tiquina yáhti masiedagü tuhoye, fariseo masa pehe tiquiro cahapü cahmecoari.

³⁵ Sa yero tiquina mehna cjáno marine judio masare buheriquiro pehe Jesu tiquiro ñano nigü tuho duaro meje cü sinitumedi tiquirore.

³⁶ —¿Buegu, Cohácjü ye dutiro quehnoa yuhduari dutiro noho pehe ijiajari, mahü tuhötugü? ni sinituri tiquiro.

³⁷ Jesu tiquirore yáhtiri:

—“Tutuaró mäsä jeripohna mehna, mäsä tutuaye mehna, quehnoano mäsä wacüñe mehna Cohácjüre cahña”, nine Cohácjü.

³⁸ Ahri dutirota ijire quehnoa yuhduari dutiro apeye dutiye yuhduoro.

³⁹ Ahri dutiro bato apero dutiro quehnoa yuhduare: “Mühu basí mühu cahño saha mühu cahapü ijieyquina gähure cahña”, nine Cohácjü.

⁴⁰ Ahri pua dutirota apeye dutiye gähure masi pehogü yere. Ahri pua dutirore yena, ijipihtiye apeye dutiyere ye pehona niaja mari. Cohácjü yere yahu mühtariquina panopü tiquina ojoari gähure yena niaja mari, ni yahuri Jesu.

Cristo Davi manano puhtoro ijire

(Mr 12.35-37; Lc 20.41-44)

⁴¹ Sa ye fariseo masa topü cahme-coañequina tiquina ijigü Jesu tiquinare sinituri:

⁴² —“Cristo Cohácjü tiquiro ohoatiquiro ijire”, nine mäsä. ¿Noa boro ijiajari

tiquiro ñecano manano panopü cjáno, mäsä tuhötugü? nidi tiquiro.

—Cristo Davi manano panamino iji turi-ariquiro ijirota, ni yáhtiri tiquina.

Jesu yahuri:

⁴³ —¿Cristo Davi manano panamino iji turiariquiro tiquiro ijigü dahse yero Davi pehe puhtoro tiyari Cristore? ¿Dahse yero sa puhtoro ti dutiyari Espiritu Santo tiquirore? Ohó saha niahye Davi:

⁴⁴ Cohácjü yühu puhtoro ohó saha nidi:

“Ohöpu yühu potó pehepü dujiya. Sa yegu mühare ihña tuhtieyquinare mühare yuhduaca basautja yühu”, nidi Cohácjü yühu puhtoro, ni ojoahye Davi.

⁴⁵ Sa ni ojoarota Davi puhtoro tiahye Cris-tore. ¿Davi Cristo ñecano iji turiariquiro ijiro dahse yero tiquiro puhtoro tiyari Cris-tore? Cristo Davi puhtoro ijire, ni yahuri Jesu.

⁴⁶ Tiquiro sa ni yahugü tiquina tiquirore ne yáhti masiedari. Sa ye to punota sinitu duhu cãri tiquina tiquirore. Sa ye cueye, pari turi sinituerari tiquirore.

23

Judio masare buheyequina, fariseo masa gähü tiquina ñano yeyere yahuahye Jesu

(Mr 12.38-40; Lc 11.37-54; 20.45-47)

¹ Sa ye peyequina masare, usã gähure Jesu yahuri tja.

² —Marine judio masare buheyequina fariseo masa gähü Cohácjü dutiye Moiserie tiquiro cürire yahueyquina ijire tiquina.

³ Tiquina sa yahueyquina ijigü müsare tiquina yahuriro sahata tire ye pehoya mäsä. Sa yepenata tiquinare ihña cüedacãhña mäsä. Tiquina buheriro sahata yerare tiquina.

⁴ Masare peye dutire tiquina. Sa dutiepetä tiquina dutiro saha masa yeragü ihñañe tiquinare yedohoerare.

⁵ Masa tiquina ihñono dihita quehnoano ye ihñomene tiquina. Cohácjü yere tiquina ojoari püre tiquina duhu säñe acarigãre, büju cjüñe acarigãre tiquina wuhdoä bui dahte yori, masare ihña dutiye. Tiquina omocari gähure dahte yori. Sa ye tiquina suhti tu pjeri da bui tiquina ohöri da ehäsa yuhduari da ijire. Cohácjüre tiquina ño peorire masa pehere ye ihñoñe nimene tiquina. Ti queoro ijierare tiquina sa ye ihñoñe.

⁶ Sa ye bosc decori ijigü puhtoa tiquina dujiyepü duji duare. Sa ye judio masa mari buheye wuhusepü gähure quehnoañe dujiye pahtari dihitaré cahmene tiquina.

⁷ Sa ye doeri cjë duaropü apequina puhtoare quehnoano ño peo tiquina sinono saha tiquina piti cagü cahmene tiquina.

Tiquinare “Buhegu”, masa tiquina ni pisugā cahmene.

⁸ ‘Apequina musare pisuye “Buhegu”, niedacāhdo. Musa ijipihtina ihcāno saha ijina nine. Sa yegu musare buhegu ihcāta ijiaja.

⁹ Sa yena ahri yehpa cjēnare “Mari pacu”, nina tiquinare ño peona niaga. Ne sa niedacāhña. Uhmuse cjūno dihita mari Pacu ijire. Tiquiro dihitaro ño peoro cahmene marine.

¹⁰ Sa yena masunore “Puhto”, niedacāhña. Musa puhto yuhu Cristo pehe ihcāta ijiaja.

¹¹ Cahacjāno yero saha musare yedohoriquiro tiquiro ijire masa puhtoro ijia-tiquiro.

¹² Ihcāquiro puhtoro iji duaro tiquirore ihyo ijiriquiro yero saha ijiro cahmene. Sa yero “Thyo ijigu ijiaja yuhu”, ni tuhoturiquiro pehe puhtoro ijirota, ni yahuri Jesu.

Judio masare buheyequina, fariseo masa mehna tiquina ni mehoñene yahuahye Jesu

¹³ Tiquiro sa nidi bato tiquinare yahu nemori:

—Musa judio masare buhena, fariseo masa gāhu ñano yuhdanata. Masa ihñono dihita quehnoano iji mehona ijire masa. Sijoro saha masa buhegu tuhoye masa pehe Cohācjū puhtoro ijiropare wahasi. Musa gāhu topare wahasi. Sa yena topare waha duayequinare cahmotare masa.

[
¹⁴ ‘Musa judio masare buhena, fariseo masa gāhu ñano yuhdanata. Masa ihñono dihita quehnoano iji mehona ijire masa. Wape wiha numia ye wāhusere tiquina cwoye gāhure ehmare masa tiquina numiare. Sa yena yoari pje masa ihñonopu Cohācjūre sini ihñomene masa masare. Musa sa yeri buhiri peyequina yuhduoro Cohācjū buhiri dahrerota musare.]

¹⁵ ‘Musa judio masare buhena, fariseo masa gāhu ñano yuhdanata. Masa ihñono dihita quehnoano iji mehona ijire masa. Pajiri mapu pehā, yoaro cjē yehparipu wahare masa, masa dutiyere yeatiquirore macana tana. Musa dutiyere yeatiquirore boca, tiquirore buhere. Musa sa yegū tiquiro pehe masa yuhduoro pecapu wahatiquiro ijirota.

¹⁶ ‘Musa ñano yuhdanata. Caperi bajueyequina tiquina ihña masieno saha masiena ijire masa. Sa ijiepenata apequinare buhemene masa. Ohō saha ni buhemene masa: “ ‘Cohācjū wāhu mehna yuhu nino sahata yeitja’, nidiquiro, tiquiro nidiro sahata yerapegūta quehnoanota”, ni buhemene masa. “ ‘Cohācjū ya wāhu cjē uru mehna yuhu nino sahata yeitja’, nidiquiro tiquiro pehere tiquiro nidiro

sahata ye sohtori tiro cahmene”, ni ti gāhure buhemene masa.

¹⁷ Caperi bajueyequina tiquina ihña masieno saha masiena ijire masa. Tāho masiena ijire. ¿Dise boro pehere ño peoro cahmeajari? Urure ño peoraro cahmene. Cohācjū pehe ti uru ti wāhupu ijigū quehnoañe ijigū yere tire. Sa yena ti wāhu pehere ño peoro cahmene musare. Sa ye masa buheye pehe queoro ijierare.

¹⁸ Ahri gāhure buhemene masa: “ ‘Cohācjū wāhu cjā altar mehna yuhu nino sahata yeitja’, nidiquiro tiquiro nidiro sahata yeragū quehnoanota”, ni buhemene masa. “ ‘Ti altar bui ijiye mehna Cohācjūre tiquina ohori mehna yuhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene masa.

¹⁹ Caperi bajueyequina tiquina ihña masieno saha masiena ijire masa. ¿Dise boro pehe ti waro ijiajari, masa tuhutugū? Cohācjūre masuno tiquiro ohori ti waro ijiera cjūre. Ti altar bui Cohācjūre tiquiro ohogū, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire.

²⁰ Sa yero “Cohācjū wāhu cjā altar mehna yuhu nino sahata yeitja”, ihcāquiro nino, ti altar bui cjē tiquiro ohori mehna sa nino niaga. Sa ye masa buheye pehe queoro ijierare.

²¹ Sa yero “Cohācjū wāhu mehna yuhu nino sahata yeitja”, ihcāquiro nino, potota Cohācjū mehnata sa ninota niaga. Cohācjū ti wāhu cjāno ijire.

²² Sa yero “Uhmuse mehna yuhu nino sahata yeitja”, ihcāquiro nino, Cohācjū ijiropu mehnata sa nino niaga. Sa yero Cohācjū mehnata sa nino niaga. Tiquiro pehe to cjūno ijire. Sa ye masa buheye pehe queoro ijierare.

²³ ‘Musa judio masare buhena, fariseo masa gāhu ñano yuhdanata. Masa ihñono dihita quehnoano iji mehona ijire masa. Moa yero saha ijiyere ihyayere ocagū yeyere cōna mehenogā ohomene masa. Cohācjūre ño peona tana pahiare ohomene masa. Mehenogā ohomene masa. Menta, anis, comino wame tiye ocagū yeyere ohomene masa. Sa ohoopenata quehnoañene yerare masa. Sa yena masare paja ihñedare masa. Sa yena Cohācjūre wacū tutuerare masa. Oteye ducare masa nedire mehenogā pahiare masa ohogū quehnoare. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre wacū tutuaya.

²⁴ Caperi bajueyequina tiquina ihña masieno saha masiena ijire masa. Ohō saha yere masa: Musa ye dutiyere ye dutina,

ihyo ijyegā warore dutiyere yere masa. Sa yepenata Cohācjū pototi tiquiro dutiye warore yerare masa.

²⁵ Masa judio masare buhena, fariseo masa gāhu ñano yuhdunata masa. Masa ihñono dihita quehnoano iji mehona ijire masa. Masa waparire, masa sihniñe wajarire bui masa cosero saha quehnoañene ye ihñore masa buigā warona. Sa yepenata Cohācjū yere queoro yerare masa. Apequina yere ehmana, masa basi dihita bujuyere ne duana ijire masa. Sa dihita tuhature masa.

²⁶ Caperi bajueyequina tiquina ihña masieno saha masiena ijire masa fariseo masa. Masa jeripohnarine comesaya masa. Quehnoañe pehere yeya. Masa sa yena masa tiquina ihñonopu quehnoana ijinata masa.

²⁷ Masa judio masare buhena, fariseo masa gāhu ñano yuhdunata. Masa ihñono dihita quehnoano iji mehona ijire masa. Masa cope, yehseye mehna tiquina wisōri cope yero saha ijire masa. Masa ti copere tiquina ihñagū quehnoari cope bajure. Sa bajuepegūta, puhiaru ahbariquirore, tiquiro cohārine, ñañene ihñedare tiquina.

²⁸ Sata masa gāhu masa ihñonopu quehnoañequina yero saha bajumene masa. Sa quehnoañequina yero saha bajuna masa ijepegūta masa tuhutyepu ñañe, ni mehoñe iji yuhduare ahbaye yero saha, ni yahuri Jesu.

Judio masare buheyequina, fariseo masa gāhure tiquiro buhiri dahreatire yahuahye Jesu

²⁹ Sa ni tuhasa ohō saha ni yahu nemori tiquinare:

—Masa judio masare buhena, fariseo masa gāhu ñano yuhdunata. Masa ihñono dihita quehnoano iji mehona ijire masa. Cohācjū yere yahu mahtañequina panopu cjēna tiquina masa coperire quehnoano quehnomene masa, tiquinare ño peoro saha yena. Sa yena quehnoano yeyequina muna tiquina queoyere masa yeri queoyere quehnoano quehnomene masa.

³⁰ Sa yena ohō saha niducumene masa: “Panopure usā ñecusumna iji turiayequina muna tiquina yeriro saha usā pehe yeraboaga. Ti pjeru ijiyequinare Cohācjū yere yahu mahtariquinare usā wejēdaboaga”, niducumene masa.

³¹ Sa nina masa ñecusumna iji turiayequina Cohācjū yere yahu mahtariquinare wejēdiquina muna tiquina yerire ihñona nine. Tiquinare wejēdiquina muna tiquina panamena iji turiana masa ijiye gāhure ihñona nine masa.

³² Masa ñecusumna iji turiayequina muna tiquina yeriro sahata ye sohtori ticūnahña.

³³ Añaa yero saha ña yuhduana ijire masa. Masa ñañe yerire bujua witi duerana Cohācjū masa ñañe buhirire pecapu masare tiquiro cohāto pano duhti masiedare masa.

³⁴ Sa yegu masare niita niaja. Cohācjū yere yahu mahtariquinare, apequina quehnoano masiñequinare, apequina masare buheatiquinare masa cahapu ohoutja. Yuhu sa ohogū masa pehe ihquēquina tiquinare wejēnata. Apequinare curusapu quē bihanata. Apequinare masa buheye wuhūsepū tananata. Sa yena macaripēpu tiquinare ñano yena, oma muna tñnata masa.

³⁵ Masa sa yena ijiptiyequina ñañe mariefñequinare masa wejēdi buhiri buhiri tinata. Abe mnanore Caī wejēdi buhiri ijiptitina masa gāhu buhiri tinata. Ijiptiyequina tiquiro bato ijiyequinare quehnoañequinare tiquina wejēdi buhiri gāhure buhiri tinata masa gāhu. Sa yena Cohācjū wuhu cahapu wahiquinare masa ohori altar cahapu Zacariare wejēahye masa. Tiquiro pehe Berequia macno ijjahye. Sa yena tiquiro gāhure masa wejēdi buhiri buhiri tinata masa.

³⁶ Ijirota masare yahugata niaja. Tiquina ijiptiyequinare tiquina wejēdi buhiri yojopu cjēna gāhu buhiri tieta, ni yahuri Jesu.

Jerusalē cjēnare tutuaro cahāhye Jesu (Lc 13.34-35)

³⁷ Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu mahtariquinare wejēdina ijire masa. Masa acaye panopu cjēna gāhu sata yeyequina muna ijjahye. Sa yena masa cahapu tiquiro ohoriquinare utā paca mehna doque wejēdina ijire masa. Canaca ticoro pohnene ticoro wāye dūpūri mehna ticoro moha cuñano saha peye tahari cahiducumi masare. Masare cahmemi. Masa pehe yuhure ne cahmedari.

³⁸ Yojopu masa ya maca cohōri maca ijirota.

³⁹ Ijirota masare niita niaja. Camerpu ahtañtja yuhu. Sa yuhu ahtagū ihñana masa yuhure “Cohācjū tutuaye mehna ahtariquiro quehnoahdo”, ninata. Yuhure masa tire niato pano yuhu tojoa tato pano pari turi yuhure ihñasi masa, nidi Jesu tiquinare.

24

—Cohācjū wuhu cohāri wuhu ijirota, ni-ahye Jesu

(Mr 13.1-2; Lc 21.5-6)

¹ Sa ye Cohācjū wuhuru ijiroquiro Jesu tiquiro wija wiñigū usā tiquiro buhena ti wuhure ti wuhu cahapu ijiye wuhuse gāhure ihñana,

—Quehnoa yuhduye wuhuse ijicjoare. Ihñaña muhu gūhū, nī ūsā tiquirore.

² Jesu yuhtiri:

—Ahri wuhusere yojopure ihñamene masa. Musare yahugata naja. Ahri wuhusere ijipihitiye masa ihñari, ahri wuhuse cjē utā paca gūhare cohā pehoeta. Ne ihcāria utā tojoasi, nidi tiquiro ūsāre.

*Pihtiri deco ijiatire yahuahye Jesu
(Mr 13.3-23; Lc 21.7-24; 17.22-24)*

³ Came Olivo wame tidu canapu esa, topu dujiri Jesu. Topu dujigū ūsā tiquiro buhena ūsā sehsaro tiquiro cahapu esa.

—Yahuya ūsāre. ¿Duhse ijigū sa waharotari muhu nidiro saha waharo? ¿Ahri yehparu muhu tojoa tati deco, pihtiatu deco panogā ijigū duhse ti waha ducagū ihñanatari ūsā? ni sinituu ūsā.

⁴ Jesu yuhtiri:

—Quehnoano yeya masa. Sa yena musare apequina tiquina ni mehoñene tūhoeracāhña.

⁵ Peyequina masa “Cristo ijiaja yuhu”, ni mehoñequina ahtaeta. Tiquina sa ni mehogū tūhoye peyequina masa Cohācjū yere duhueta.

⁶ Musa cahagāpu masa apequina tiquina cahme wejēgū tūhonata masa. Sa yena yoaropu gūhare tiquina cahme wejēgū tūhoonata masa. Sa tūhooopenata ne tire pajiro wacūedacāhña. Sa waharota. Tiquina sa yegū pihtiatu deco duhsarīnota.

⁷ Ti pjere ihcā yehpa cjēna ape yehpa cjēna mehna cahme wejēta. Sa ye ihcāquiro puhtoro yequina apequiro puhtoro yequina mehna cahme wejēta. Sa ye peyequina masa ūjua mehna yarieta. Sa yero peye yehparipu yehpa űuhminota.

⁸ Sa wahagū ahri yehpa cjēnare tiquina űano yuhdu nemoato duhsarota ti pjere. űano yuhdu nemoeta.

⁹ Ti pjere apequina musare űehe, űano ye dutiye ohoeta musare apequina puhtopure. Tiquina sa ohogū musare wejēta. Yeequina masa ijiri buhiri ijipihitiyequina musare ihña tuhtieta.

¹⁰ Ti pjere peyequina yeequina ijimediquina yuhare cohāeta. Sa ye tiquina mehna cjēnare tiquina ihña tuhtieta. Sa ye tiquina mehna cjēna tiquina ijiepegūta tiquinare űano yeatiquinare ohoeta tiquina.

¹¹ Ti pjere peyequina “Cohācjū yere yahu muhtana ijiaja”, ni mehoñequina ijieta. Sa ye peyequina masa tiquina ni mehoñene tūhoeta.

¹² Ti pjere űa yuhduaro yeeta masa. Sa ye tiquina mehna cjēnare cahī nemosi.

¹³ Sa yena masa tutuana ijina, ahri yehparu masa catinino puno ihcāno sahana, yuhduanata masa.

¹⁴ Sa yero ahri quehnoañe buheye ijipihitropu ahri yehpare tiquina yahuri buheye ijirota. Cohācjū puhtoro ijiyere yahuri buheye tiquina yahu siteri buheye ijirota, ijipihitiyequina ti buheyere tiquina masiato saha. Tiquina sa yahuri bato pihtiri deco ducarota.

¹⁵ ‘Cohācjū yere yahu muhtariquiro Daniel munano panopu cjāno űa yuhduariquirore Cohācjū yere űano yeriquirore yahue tiahye panopure. Ti pjere tiquiro űariquiro pehe Cohācjū ya wuhapu tiquiro ducugū ihñanata masa. Ahri yahu nidire quehnoano masiña masa.

¹⁶ Topu tiquiro ducugū ihñañe, Judea yehparu ijieyequina pehe canu cahapu oma duhtiahro.

¹⁷ Sojaro mehna oma duhtiahro. Ti pjere tiquina wuhuseri bui cjē paaripu ijieyequina wuhu puhapu ijiyere tiquina yere neñe wahaeracāhdo tiquina ūmñano waharo.

¹⁸ Sa ye ti pjere apequina weseripu ijieyequina tiquina bui cjē suhti wuhapu ijieye suhtire neñe wahaeracāhdo tiquina ūmñano waharo.

¹⁹ Ti pjere niji pacosānumia, tiquina pohnene apūoñe numia gūhu pejecuoro wahaeta.

²⁰ Sa yena Cohācjūre ohō saha ni siniña: “Pohecu ijigū judio masa ūsā soye decori ijigū gūhare ūsā oma duhtiatu deco ijieracāhdo”, ni siniña masa Cohācjūre.

²¹ Ti decorire masa űa yuhduaro wahaeta. Ahri yehpare tiquiro bajumehnedi bato masa űano yuhdue tiahye. Tiquina sa yuhdupegūta ijipihitiye ti puriñe yuhduoro pihtiri deco panogā űa yuhduaro yuhdueta masa. Sa űano tiquina yuhdari bato pari turi sata űano yuhdasi ahri yehparu.

²² Cohācjū ti decorire meheñe decorigā ijigū yerota. Tiquiro sa yeragū ne ihcāquiro masuno yuhdueraboga. Sa yero tiquiro beseriquina tiquina yuhduatire meheñe decorigā cūnota Cohācjū.

²³ Ti pjere apequina musare “Ihñaña. Ohōpu ijire Cristo”, tiquina nigū tiquinare tūhoeracāhña. “Topu ijire Cristo”, tiquina nigū tiquinare tūhoeracāhña.

²⁴ “Cristo ijiaja”, ni mehoñequina, “Cohācjū yere yahu muhtarina ijiaja”, ni mehoñequina ijieta ti pjere. Sa ye Cohācjū tiquiro beseriquinare ni mehoñe, tiquina bajumehneñene ye ihñoeta. Cohācjū yequinare Cohācjūre tiquina cohāgū ye duare tiquina ni mehoñequina.

²⁵ Ahri ijipihitiyere yahuyuaa musare ti sa wahato pano. Sa yena tūhoya masa.

²⁶ Apequina masa musare “Ihñaña. Masa marienopu ijire Cristo”, tiquina nigū topure ihñana wahaeracāhña. Sa yena “Ohōpu ahri tucūripu ijire tiquiro”, tiquina nigū tiquinare tūhoeracāhña.

²⁷ Yuhũ masũ Cohãcjũ ohorigũ wacũeno mehna tojoa taatja. Upo miadoqueoro uhmũsere asũ muja taropũ, asũ sajanopũ wacũeno mehna ti miadoqueoro saha wacũeno mehna tojoa taatja yuhũ.

²⁸ Masa tiquina ñaife yeducuriropũ topũ Cohãcjũ tiquina ñaife buhiri buhiri dahrerota tiquinare, ni yahuri Jesu.

Cristo ahri yehpapũ tiquiro tojoa tatire yahuahye tiquiro

(Mr 13.24-37; Lc 21.25-33; 17.26-30, 34-36)

²⁹ Sa ye tiquinare yahu nemori:

–Ti ñano yuhduye decori bato asũ deco cjãno, ñami cjãno gãhu buhrio duhueta. Tiquina sa wahagũ ñahpicoha paca uhmũsepũ ijiye paca bora dijia taeta. Sa ye uhmũse cjẽ yehpari, ñahpicoha gãhu ti sa wahaducurore comesaeta. Sa ye ñuhmieta.

³⁰ Ti pjeta yuhũ masũ Cohãcjũ ohorigũ uhmũsepũ yuhũ bajumehnenore yuhũ ihñogũ ihñaeta masa. Sa ye ijipihitiye cururi cjẽna utieta. Sa yegũ yuhũ tutuaye mehna, yuhũ asi siteye mehna uhmũano cjẽ ehmeo cururi bui ahri yehpapure yuhũ tojoa tagũ ihñaeta tiquina.

³¹ Corneta bisirota. Sa yegũ yeequina angelere ijipihitropũ ahri yehpapũ ohoutja yuhũ. Sa ye ijipihitropũ yeequina yuhũ berseriquinare tiquina neeta.

³² Yojopure higeragure tuhutuya mũa. Tu queoye mehna musare buheitja. Tu yucũgũ pũri tigũ ihñana, cũhma mehenogã duhsagũ masine mũa.

³³ Sata ahri ijipihitiye yuhũ nidire ti sa wahagũ ihñana, yuhũ tojoa tato mehenogã ti duhsagũ masinata mũa.

³⁴ Ijirota niita niaja musare. Ti pje cjẽna tiquina yariato pano ijipihitiye yuhũ nidiro sahata sa waharota. Uhmũse, ahri yehpa gãhu pihtia waharota.

³⁵ Yuhũ yahuducuye pehe ne comesasi. Ijipihitiye yuhũ nidiro sahata sa waha sotiro tirota.

³⁶ Ti decore yuhũ tojoa tati decore, ti hora gãhũre masiedaja yuhũ. Angele gãhu tire masiedare. Masa gãhu masiedare. Yuhũ Pacũ dihita tire masine.

³⁷ Noẽ tiquiro ijiri pje cjẽna tiquina ijiriro sahata ahri yehpapũ yuhũ tojoa tato panogãre sata ijietã masa.

³⁸ Yehpa miniato pano masa ihya, sihni, yeahye. Sa yeeye mũa, numia mehna omoca duhteahye. Noẽ gãhu yucũsapũ tiquina sajàto pano sa yee timahye masa.

³⁹ Duitã tutuaro acoro ahta, wacũeno mehna yehpa minia wahahye. Masa gãhu mini pihtia wahahye. Wacũeno mehna tiquina minidiro saha yuhũ masũ Cohãcjũ ohorigũ ahri yehpapure wacũeno mehna tojoa taatja.

⁴⁰ Ti pjere wesepũ puaro dahrayequina ijigũ ihcãquiro yuhũre cahmediquirore neitja. Sa yero yuhũre cahmeediquiro topũ tojoarota.

⁴¹ Ti pjere puaro numia ihcãnopũ tiquina trigore ña mutoñequina numia ijigũ ihcãcoro yuhũre cahmedicorore neitja. Sa yero yuhũre cahmedicoro topata tojoarota.

⁴² Quehnoano wacũ masi cohteya. Yuhũ mũa puhto, yuhũ tojoa tati decore ne masiedare mũa.

⁴³ Ahrire wacũña. Yaqueriquiro wuhũpũ tiquiro sajà yaqueato panore wuhũ upuro masino, ti ñami tiquiro cariedaboaga, yaqueriquirore cohtero. Sa yero yaqueriquirore tiquiro ya wuhũpũ sajà dutieraboaga. Yaqueriquiro tiquiro wacũeno mehna tiquiro ahtariro saha wacũeno mehna ahtaatja yuhũ.

⁴⁴ Sa yena yeere sa yeducuna yuhũre cohteya. Yuhũ masũ Cohãcjũ ohorigũ ahri yehpapũ tojoa tagũ wacũeno mehna ahtaatja, nidi Jesu.

Apequiro dahra cohteriquiro tiquiro puhtorore ño peo, apequiro ño peoerare

(Lc 12.41-48)

⁴⁵ Sa ye Jesu queoye mehna ohõ saha ni buhe nemori tja:

–Dahra puhteriquiro tiquiro puhtorore ño peoriquiro tuho masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro puhtoro pehe waharo taro. Sa tiquirore cũ tuhasa wahaa wahare puhtoro. Sa yero ihyari pje ijigũ dahra cohteriquiro apequinare ihyayere itire.

⁴⁶ Pe puhtoro tiquiro ya wuhũpũ tojoa wihire. Tiquiro tojoa wihigũ ihñano dahra cohteriquiro pehe tiquiro puhtoro dutiriro sahata ye pehoriquiro ijiro, bucueriquiro ijirota.

⁴⁷ Ijirota musare niita niaja. Tiquiro sa yegũ ihñano tiquiro puhtoro ijipihitiye tiquiro yere ihña ihboriquiro cũnota tiquirore.

⁴⁸ Sa yepegũta ñariquiro dahra cohteriquiro pehe “Yuhũ puhtoro bajuerare”, nino,

⁴⁹ apequina dahra cohteyequinare quẽpe, pajiro ihya, sihni, queheyequina mehna queherota.

⁵⁰ Came tiquiro puhtoro wacũeno mehna tojoa tarota. Ti deco, ti hora gãhũre ne masiedare dahra cohteriquiro.

⁵¹ Puhtoro pehe tojoa taro ñariquiro tiquiro ñano yerire tuhoro, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topure tiquiro tutuaro uti, bujua witiro mehna bahque dihoro, ni yahuri Jesu.

25

Pua omope nuhmia queoye mehna buheahye Jesu

¹ Sa ye Jesu pari turi queoye mehna ohō saha ni buhe nemori tja:

—Ūhmuse cĵano pūhtoro tiqiro ijiye ahri queoye yero saha ijire: Pua omope nuhmia ijiahye. Ihcā ñami tiquina sihōñe paca mehna omoca dūhteatiqirore piti caye wahahye.

² Tiquina mehna ihcā omope numia tūho masieñequina numia ijiahye. Apequina numia pehe ihcā omope numia tūho masieñequina numia ijiahye.

³ Tūho masieñequina numia pehe tiquina sihōñe pacare, pose tiye pacare nemahye. Apee pacare ūhse pose tiye pacare ti pihigū tiquina pioborire nedahye.

⁴ Tūho masieñequina numia pehe tiquina sihōñe paca ūhse pose tiye pacare neahye. Apee paca tiquina pioati paca gūhare neahye.

⁵ Sa ye omoca dūhteatiqiro tiqiro bajúeragū tiquina numiare wūjua purigū carĵa wahahye.

⁶ Sa yero ñami decopū sañuducugū tūhoahye. “Tūhoya. Omoca dūhteatiqiro ahtaro ca tare. Tiquirore piti cana ahtaya”, ni sañuducugū tūhoahye.

⁷ Tiquiro sa nigū tūhoye numia wahcā, tiquina ye sihōñe pacare quehnoahye.

⁸ Sa ye tūho masieñequina numia pehe apee numia tūho masieñequina numiare ohō saha niahye: “Ūsā sihōñe paca yatiro nine. Sa yena mehenogā mūsa ye ūhsere ohoya ūsāre”, ni sinimahye tiquina numia.

⁹ Tiquina sa siniepegūta tūho masieñequina numia ohō saha yūhtiahye: “Ūsā ye ūhse mari ijipihinare esa tuhaeraboaga. Sa yena ūhse cūoyequinare mūsa basi dūna wahaya”, ni yūhtiahye tūho masieñequina numia pehe.

¹⁰ Sa ye tūho masieñequina numia dúye wahahye. Tiquina sa wahari bato omoca dūhteatiqiro wihiahye. Tiquiro wihigū ihña tiquina yere quehno tuhasariquina numia tūho masieñequina numia tiqirore piti cahye. Piti ca bose deco omoca dūhteri decopū tiqiro mehna ihñañe wahahye. Sa ye bose decore tiquina yeri wūhūpū apeqina mehna numia tiquina sajāri bato, sopecahare biha cāhye.

¹¹ Camepū tūho masieñequina numia pehe wihimahye. “Pūhto, ūsāre pōohña”, nimahye tiquina numia.

¹² “Ijirota mū sare niita niaja. Mū sare masiedaja yūhū”, niahye tiqiro tiquina numiare.

¹³ Sa yena tūho masieñequina numia tiquina yere quehnoano quehno tuhasa, tiquina cohteriro saha quehnoana, ñañe

mariena iji, cohteya mūsa gūhū. Yūhū tojoa tati decore ti hora gūhare ne masiedare mūsa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohō saha ni buhe nemori tja:

—Ti pjere yūhū tojoa tati pje ahri queoye yero saha ijirota. Wūhū upūro ijiahye. Tiquiro ape siepū tinino waharo taro, tiqirore dahra cohteyequinare pijioahye. Sa yero tiquinare tiqiro yere cohte dutiahye.

¹⁵ Sa cohte dutiro tiquina ihbo masino puno tiquinare niñeru cjoerire ohoahye. Ihcāqirore ihcā omope cjoeri wapa bájuyē cjoerire uru cjoerire ohoahye. Apeqirore pua cjoē ohoahye. Apeqirore ihcā cjoē ohoahye. Tiquinare oho tuhasa, wahaa wahahye.

¹⁶ Sa ye ihcā omope cjoeri tiqiro ohoriquiro duita tiqiro wahari batota ti cjoeri mehna apee borore dúahye. Tiquiro dúrire apeqinare duahye. Tiquiro duari wapa pua omope cjoeri wapa yuhye tiqirore. Sa yero pua omope cjoeri cūoahye.

¹⁷ Sa yero pua cjoē tiqiro ohoriquiro duita tiqiro wahari batota ti cjoeri mehna apee borore dúahye. Tiquiro dúrire apeqinare duahye. Tiquiro duari wapa pititia cjoē wapa yeahye tiqirore. Sa yero pititia cjoē cūoahye.

¹⁸ Ihcā cjoere tiqiro ohoriquiro pehe cope sehe, ti cjoere yahye, ti copepū nūono.

¹⁹ Came yoari bato tiquina pūhtoro wihiahye. Sa wihiro tiqiro niñeru cjoeri mehna tiquina ñehe nemorire queoro ahtaro tiqirore dahra cohteyequinare pijioahye.

²⁰ Sa yero ihcā omope cjoeri tiqiro ohoriquiro pūhtoro cahapū esa, pua omope cjoeri wiahye tiqirore. “Ihcā omope cjoeri yūhare ohori mūhū. Ihñaña. Ti cjoeri mehna apeye cjoerire ñehe nemou”, niahye tiqirore.

²¹ “Quehnoano yeaya mūhū. Mūhū quehnoagu, yūhū dutiro saha yerigū ijire. Mehenogāre quehnoano yeaya mūhū. Sa yegū yojopūre mūhare pajiro mūhū dahratire cūtja. Sa yegū yūhū mehna bucueya mūhū”, niahye tiqiro pūhtoro.

²² Sa yero pua cjoere ñehediquiro pūhtoro cahapū esa, yahuahye tiqirore: “Pua cjoē yūhare ohori mūhū. Ihñaña. Ti cjoeri mehna apeye cjoeri pua cjoē ñehe nemou”, niahye tiqiro.

²³ “Quehnoano yeaya mūhū. Mūhū quehnoagu, yūhū dutiro saha yerigū ijire. Mehenogāre quehnoano yeaya mūhū. Sa yegū yojopūre pajiro mūhū dahratire

cūtja. Sa yegu yuhū mehna bucueya mahū”, niahye tiqairo puhtoro.

²⁴ Sa yero ihcā cjoere ñehediquiro puhtoro caharū esa, yahuahye tiqairore: “Puhto, mahū apequna pehere tutuaro dahra dutigū ijire. Sa tutuaro dahra dutigū ijigū mahū basi oterapegata ti ducare nene mahū.

²⁵ Mahū sa ijigū mahūre cuei. Sa cuegū cope sehe, ti copepū mahū niñeru cjoere nuou. Ihñaña. Ohōpū ijire mahū ya cjoer niñeru cjoer”, niahye tiqairo.

²⁶ “Mahū ñagu, cape bujagu ijire. Yuhū basi oterapegata ti ducare yuhū negū ijigū masine mahū.

²⁷ Yuhū sa ijigū ihñapegata yuhū niñeru cjoere niñeru ihbori wuhurū ihboboaya mahū. Mahū sa ihbogū tiquina ti cjoere wiayerū apee niñeru oho nemoboaya tiquina”, niahye puhtoro tiqairore.

²⁸ Sa nino apequna tiqairo dahra cohteyequinare dutiahye tiqairo: “Niñeru cjoere ehmaña tiqairore. Pūa omope cjoerire cuoriquiro pehere ohoya.

²⁹ Cuoyequinare oho nemoutja. Sa ye pajiro caoeta. Caoeyequina pehere mehenogū tiquina caoepēgata tire ehmañta.

³⁰ Ahriquiro dahra cohteriquiro dahseatiqairo ijierare. Nahitianopū ñanopū cohā cāhña tiqairore. Topū tiqairo tutuaro uti, bujā witiro mehna bahque dihorota”, niahye puhtoro, ni yahuri Jesu.

Buhiri dahreatire yahuahye Jesu

³¹ Sa ye Jesu yahu nemori:

—Yuhū masū Cohācǵū ohorigū ijipihtiyequina angele mehna puhto ijigū tagū, yuhū puhtoro dujiropū yuhū asi siteye mehna dujigutja.

³² Sa yuhū dujigū, ahri yehpa cǵēna ijipihtiyequina yuhū caharū cahmecoeta. Tiquina sa cahmecoari bato pūa curua tu wañtja tiquinare. Ovejare ihña ihboriquiro ovejare, cabra gūhure tiqairo tu wariro saha masare tu wa docoutja.

³³ Sa tu wagu oveja yero saha ijieyequinare quehnoañequinare yuhū poto pehe bese docoutja. Sa yegu cabra yero saha ijieyequinare ñañequinare yuhū cū pehe peherū bese docoutja.

³⁴ Yuhū sa yeri bato yuhū ijipihtiyequina puhto pehe yuhū poto peherū yuhū bese docoriquinare ohō saha ni yahutja: “Yuhū Pacū masare quehnoano yere. Ahri yehpare bajumehnenopū masā ye ijiatire tiqairo puhtoro ijiroro quehnoyu tuhasari Cohācǵū. Sa yena yojoṗare tiqairo quehnoriorṗare ijina ahtaya.

³⁵ Yuhū ūjua ahbagū masā pehe yuhūre ihyayere ohori. Yuhū aco wāogū yuhūre masā sihōri. Masā caharū yuhū tinigū yuhūre ihña masiedapenata yuhūre quehnoano piti cari masā.

³⁶ Suhti mariegū yuhū ijigū ihñana masā pehe yuhūre suhti sāari. Dohatigū yuhū ijigū masā yuhūre ihñana ahtari. Peresupū yuhū ijigū gūhure yuhūre ihñana ahtari masā”, nitja quehnoañequinare.

³⁷ Yuhū sa nigū tahoye tiquina yuhūre sinitueta: “¿Puhto, dahse ijigū mahū ūjua ahbagū mahūre ihyayere ohori usā? ¿Dahse ijigū mahū aco wāogū mahūre sihōri usā?

³⁸ ¿Dahse ijigū mahūre ihña masiedapenata mahūre quehnoano piti cari usā? ¿Dahse ijigū suhti mariegū mahū ijigū mahūre suhti sāari usā?

³⁹ ¿Dahse ijigū mahū dohatigū o peresupū mahū ijigū gūhure mahūre ihñana esari usā?” nieta yuhūre.

⁴⁰ Tiquina sa ni sinitugū tahogū yuhū puhto tiquinare yahutja. “Ijirota masare niita niaja. Ahriquina yeequina mehna cǵāno ihyo ijiriquiro tiqairo ijiepegāta, tiqairore masā sata yeri. Sa ijiriquirore sa yena, yuhūre yero saha yena nidi masā tiquinare”, ni yahutja.

⁴¹ ‘Quehnoañequinare yuhū sa ni yahuri bato yuhū cū pehe peherū ducyeyequinare yuhū ijipihtiyequina puhto ohō saha ni yahutja: “Cohācǵū tiqairo buhiri dahreatina ijire masā. Yuhū mehna tojoeracāhña. Pecarū wahaya masā. Ti peca ne yatierare. Wafino, tiqairo yequina angele gūhū tiquina ijiatire ti pecare yeri Cohācǵū.

⁴² Yuhū ūjua ahbagū masā pehe yuhūre ihyayere ohorari. Yuhū aco wāogū masā yuhūre sihōdari.

⁴³ Yuhūre masiedana masā yuhūre piti caerari. Sa ihña cāri. Suhti mariegū yuhū ijiepegāta, yuhūre suhti sāadari masā. Dohatigū yuhū ijigū peresupū yuhū ijigū gūhure sa ihña cāri masā yuhūre”, ni yahutja tiquinare ñañequinare.

⁴⁴ Yuhū sa nigū tahoye tiquina yuhūre sinitueta: “¿Puhto, mahū ūjua ahbagū, mahū aco wāogū, usā masiedigū mahū ijigū, suhti mariegū mahū ijigū, dohatigū mahū ijigū, peresupū mahū ijigū dahse ijigū usā pehe mahūre yedohoerari?” ni sinitueta yuhūre.

⁴⁵ Tiquina sa ni sinitugū yuhū tiquinare ohō saha ni yahutja: “Ijirota masare niita niaja. Ahriquina yeequina mehna cǵāno ihyo ijiriquirore masā ne yedohoerari. Sa ijiriquirore masā yedohoerana, yuhūreta sa yena nidi masā”, ni yahutja tiquinare.

⁴⁶ Sa yero tiquinare sa buhiri dahreducurota Cohācǵū. Ti buhiri dahreye ne pihitisi. Sa ye, quehnoañequina pehe ijipihtiyequina decori quehnoano ijietā, ni yahuri Jesu.

26

Pahia puhtoa, judio masā bucuna mehna Jesure wejē duahye
(Mr 14.1-2; Lc 22.1-2; Jn 11.45-53)

1 Ti ijipihtiyere tiqiro buheri bato Jesu usāre tiqiro buhenare yahuri:

2 —Pua deco bato pascua ijirota. Tire masa masine. Ti pjere yuhu masare Cohācjū ohorigure ñeheeta. Ñeheñe, yuhare curusapu wejēeta, nidi tiqiro usāre.

3 Sa ye pahia puhto, judio masa bucana gāhu cahmecoahye. Caifa pahia puhtoro ya wuhapu cahmecoahye tiquina.

4 Topu cahmecoa, tiquina ni mehoñe mehna Jesure ñehe tiquina wejēatire cahme yahuye niahye.

5 —Bose deco ijigū tiqirore ñehedacāhna, “Masa usuari”, nina, niahye tiquina basi.

Numino ehme sitiye uhse mehna Jesure pio peahye

(Mr 14.3-9; Jn 12.1-8)

6 Ti pjere Simo cami bucā mana wihiro ijimediqiro ya wuhapu ijiri Jesu. Tiqiro ijiri maca Betania wame tiri maca ijiri.

7 Ti wuhapu tiqiro ihyari watoa ihcācoro numino ehme sitiye ne cāhta, Jesu dapu bui pio peori. Ti ehme sitiye alabastro wame tiriapu pose tiri. Wapa bujeye co ijiri.

8 Ticoro sa pio peogū ihñana usā Jesu buhena usuau.

—¿Dahsero ahricoro ahri core wapa bujuyere sa ye sitejari?

9 Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecuoyequinare ohoboaya ahricoro, nii usā tiqiro buhena.

10 Usā sa ni usuagū ihñano, Jesu yahuri usāre:

—Sa niedacāhña ticorore. Yuhare quehnoano yero nine.

11 Pejecuoyequina pehe masa mehna sa ijiducuetā. Sa yena tiquina pehere masa oho masine. Yuhu pehe ahri yehpapure masa mehna sa ijiducusi.

12 Yuhare tiquina yato pano yuhu pagure quehnoyuro, ticoro yuhare pio peori.

13 Ijirota musare niita niaja. Ijipihtiro ahri yehpapu quehnoañe buherye tiquina yahuroru ahricoro yojopure ticoro yerire yahuetā. Tiquina sa yahugū tahoye ticorore masa peyequina wacūeta, ni yahuri Jesu usāre.

Juda Iscariote Jesure ihña tuhtiyequinare ihñoahe

(Mr 14.10-11; Lc 22.3-6)

14 Ti pjere ihcāqiro usā mehna cñano Juda Iscariote pahia puhto cahapu esahye.

15 Esa, tiquinare sinituahye.

—¿Jesure musare yuhu ihñogū noho puno wapa yenatari masa? ni sinituahye tiquinare.

Tiqiro sa nigū tiquina tiqirore treinta cjoeri plata cjoerire ohoahye.

16 Tiquina sa ohogū Juda pehe Jesure tiqiro ihñoati ñamine cohtero niahye.

Jesu tiqiro buheryequina mehna tiqiro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

17 Sa ye pugū yeye moremehneñe pāre tiquina ihyati deco bose deco iji ducari deco usā tiqiro buhena Jesu cahapu waha, sinituu tiqirore:

—¿Noho boropu bose deco ijigū mari ihyatire quehnoyu dutigū ohoutjari mahu usāre? nii tiqirore.

18 Usā sa nigū tiqiro yuhtiri:

—Jerusalēpu wahaya. Topu ijiriquirore ohō saha ni yahuya: “Marine buheriquiro tiqiro ñano yuhduati deco mehenogā dahsatiññohti. Pascua ijigū mahu ya wuhapu Jesu usāre tiqiro buhenare siho ihyati iññohti”, ni yahuya ti wahu uparore, ni ohori Jesu usāre.

19 Sa yena usāre tiqiro dutiriro sahata yena, pascua ijigū usā ihyatire quehnoy usā.

20 Sa ye ti ñamine usā mehna doce tiqiro buhena mehna ihyaro nidi Jesu.

21 Usā ihyari watoa tiqiro usāre yahuri:

—Ijirota musare niita niaja. Ihcāquiro masa mehna cñano yuhare ihña tuhtiyequinare ihñonota yuhare, ni yahuri tiqiro usāre.

22 Tiqiro sa nigū tahona tutuaro bujua witina, tiqirore sinitu ducan usā ijipihtina:

—¿Puhto, yuhata ijiajari mahare ihñoaclu? ni sinituu.

23 Usā sa ni sinitugū tiqiro yuhtiri:

—Yuhu ihyari papu yuhu mehna soha ih-yariquiro ijire yuhare ihña tuhtiyequinare ihñoaclu.

24 Panopu yuhare tiquina ojoariro sahata yuhu masu Cohācjū ohorigu yariagutja. Sa yero yuhare ihña tuhtiyequinare ihñoaclu ñano yuhduarota. Tiqiro pehe masa bajueraro quehnoa yuhduaboaya. Ñano yuhdueraboaya, nidi Jesu.

25 Tiqiro sa nigūta tiqirore ihñoaclu Juda sinituri:

—¿Buhegu, mahare ihñoaclu ijiajari yahu? ni sinituri tiqiro.

Jesu yuhtiri:

—Ehu. Mahata ijire, nidi.

26 Sa ni yahu tuhasa usā tiqiro buhena mehna ihyaro taro nidi. Sa yero Jesu pāre ne, Cohācjāre “Quehnoare”, nidi. Sa ni tuhasa tire nuha, usāre tiqiro buhenare itiri.

—Ahrire ne, ihyaya. Ahri yuhu pagu ijire, nidi tiqiro.

27 Sa ni tuhasa tiqiro sihndi pare ne, Cohācjāre “Quehnoare”, ni, usāre ohori.

—Masa ijipihtina ahrire sihniña.

28 Ahri yuhu dii ijire. Peyequina masa tiquina ñañe yerire cohāgū tagu yariutja. Sa yegu yuhu diire cohāutja. Cohācjū “Musare

yuhduoutja", tiqairo nidiro esagū yuhū yari-
aro mehna tiqairo nidiro sohtori tirota.

²⁹ Musare niita niaja. Yuhū Pacū tiqairo
puhtoro ijiorpu uhmsēpu mūsa mehna
wahma core ahse core sihniitja. Mari sa
sihniato pano ahri core sihni nemosi yuhū,
nidi Jesu usāre.

³⁰ Sa yena Cohācjū yere basa tuhasana
cūnēpu Olivo wame tidēpu wahau usā.

*Pedro Jesure tiqairo cohātire yahuahye
Jesu*

(Mr 14.26-31; Lc 22.31-34; Jn 13.36-38)

³¹ Topū usā esagū Jesu pehe usāre yahuri:
—Mia nāmi yuhure cohā cānata mūsa. Ohō
sahata nine Cohācjū tiqairo yere tiqaina
ojoari pūpu yuhure yahuro: "Ovejare ihña
ihboriqairo yero saha ijiriqairore yuhū
Cohācjū cohāgutja. Yuhū sa cohāgū tiqairo
yequina oveja yero saha ijieyequina duhti
site cāa wahaeta", nine Cohācjū tiqairo yere
tiqaina ojoari pūpu.

³² Sa yegū Cohācjū yuhure tiqairo masori
bato mūsa pano Galileapū wahayutja yuhū,
nidi tiqairo.

³³ Tiqairo sa nigū tuhoro ohō saha nimesi
Pedro:

—Yuhū mehna cjēna ijiphtieyequina
mūhare tiqaina cohāpegūta yuhū pehe
mūhare ne cohāsi, nimesi Pedro tiqairore.

³⁴ Jesu yuhtiri:

—Ijirota niita niaja mūhare. Mia nāmi
canaca tiqairo yahuato pano "Yuhū Jesure
masiedaga", niita mūhū. Ihtia taha sa niita
mūhū, nidi tiqairo Pedroro.

³⁵ Tiqairo sa niepegūta Pedro ohō saha ni
yuhtiri:

—Mūhū mehna yuhure tiqaina wejē
duepegūta "Jesure masiedaga", ne nisi yuhū,
ni yuhtimedi Pedro.

Sa yena usā gūhū arequina tiqairo
buhena Pedro tiqairo nidiro sahata nimi
usā Jesure.

*Getsemanī wame tiri wesepū Cohācjūre
siniyahye Jesu*

(Mr 14.32-42; Lc 22.39-46)

³⁶ Sa ye Getsemanī wame tiri wesepū Jesu
usā tiqairo buhena mehna waha, topū esa,
usāre nidi:

—Ohō dujiyuya. Mūsa ohō dujiri watoa
sohō cjūnogāpū Cohācjūre sinigū wahagū ni-
aja, nidi tiqairo usāre.

³⁷ Sa ni tuhasa, Pedroro, puaro Zebedeo
pohnene tiqaina ihtiarore piji cāri. Sa yero
tiqairo tutuaro bujūa witi, nāno jeripohna
tiahye.

³⁸ Sa bujūa witiro tiqairo mehna cjēnare
tiqairo piji cāriquinare ohō saha niahye:

—Tutuaro nāno jeripohna tiaja yuhū.
Yuhure tutuaro purīno saha tuhutugu niaja.
Sohō cjūnogā wahagū niaja. Ohōpū tojoaya.

Sa yena yuhū mehnata carīedacāhña mūsa
gūhū, niahye tiqairo tiquinare.

³⁹ Sa ni tuhasa mehenogā waha nemo,
yehpapū quehe sa, Cohācjūre niahye:

—Mai, yuhū nāno yuhduatire ye dueragu
yeracāhña. Yuhū sa niepegūta yuhū cah-
meno saha yeracāhña. Mūhū pehe masine.
Mūhū cahmeno saha yeya yuhure, ni sini-
ahye tiqairo Cohācjūre.

⁴⁰ Sa ni tuhasa, ihtiaro tiqairo buheye-
quina cahapū wihiro, carīnequinare ihñahye.
Tiqinare ihñano, Pedroro ohō saha niahye:

—¿Ihcā hora waro yuhū mehna carīegu iji
masiedajari mūhū?

⁴¹ Quehnoano yeya mūsa. Sa yena
Cohācjūre siniducuya mūsa, "Nāno yeari",
nina. Mūsa tuhutuye mehna quehnoañene
ye duamene mūsa. Mūsa sehsharo sa ye
duepenata tire ye masiedare mūsa, ni
yahuahye Jesu.

⁴² Sa ni yahu tuhasa, pari turi waha,
Cohācjūre siniyahye:

—Mai, yuhū nāno yuhduatire ye duagu
yeya yuhure. Mūhū cahmeno saha yeya, ni
siniyahye tiqairo.

⁴³ Ni, tiqairo buheyequina ihtiaro
buheyequina cahapū pari turi wihiahye tja.
Sa wihiro carīnequinareta ihñahye tja. Wujūa
purī yuhduahye tiquinare.

⁴⁴ Sa yero tiquinare cū cā, pari turi waha,
Cohācjūre siniyahye. To pano tiqairo nidiro
sahata niahye tja.

⁴⁵ Sa ni tuhasa tiqairo buheyequina ca-
hapū wihī, tiquinare ohō saha niahye:

—¿Yojopū pūritare carīnina nijari mūsa?
¿Sorīna nijari mūsa? niahye tiqairo.

Sa ni tuhasa, masa tiqaina ahtagū ihñano,
ohō saha niahye.

—Tuhoya. Mianogāta yuhū masure
Cohācjū ohorigure nānequinare ohoeta
yuhure.

⁴⁶ Wahcāña. Isa wahana. Ihñaña. Yuhure
ihña tuhtieyquinare ihñotiqairo ohōpū
ahtare, niahye tiqairo.

*Jesure ihña tuhtieyquina tiqairore peresu
yeahye*

(Mr 14.43-50; Lc 22.47-53; Jn 18.2-11)

⁴⁷ Tiqairo sa nino watoa usā mehna cjāno
ijimediquiro Juda pehe wihiri. Masa peye-
quina ahtari tiqairo mehna. Tiquina pahia
puhtoa, judio masa buccana gūhū tiqaina
ohoriquina ijiri. Nōseñe pīnine, yucū tiāri
gūhare cuori.

⁴⁸ Coā warore Jesure ihña tuhtieyquinare
ihñotiqairo masare ohō saha ni yahuyu
tuhasahye:

—Yuhū wahsupu ihmidiquirota ijirota
mūsa nēheatiquiro. Tiqairore yuhū ih-
midi bato nēheña tiqairore, niahye Juda
tiquinare.

⁴⁹ Sa ye wihiro Jesu cahapū duita wahari.

—¿Buhegu, ijiajari muhu? ni, tiqiurore wahsupu ihmidi.

⁵⁰ Tiquiro sa ihmigū Jesu ohō saha nidi:

—Yuhu acayu, ohōpūre muhu yei tū ahtarire yeya muhu, nidi tiqiuro.

Sa ye tiqiuna Jesure ñehedi.

⁵¹ Tiquina sa yegū ihñano Jesu mehna cñano tiqiuro ñoseni pñine tuā we ne, pahia puhtoro cahacjanore cahmonore dute pahrē cāri.

⁵² Tiquiro sa yegū ihñano Jesu tiqiurore yahuri.

—Muhu ñoseni pñine ihboya. Apequinare muhu ñosegū tiqiuna ñose cahmegū yariagata muhu.

⁵³ Yuhu Pacure yuhare yuhu yedoho dutigū tiqiuro pehe peyequina angelere doce cururire yuhu cahapu ohoboaya tiqiuro. ¿Tire masiedajari muhu?

⁵⁴ Sa yedohoboriqiuro tiqiuro ijiepegāta tiqiurore yuhare yedoho dutisi yuhu. Yuhu sa dutieragū Cohācjū yere tiqiuna ojoari pū ti nidiro sahata sa waharota, nidi tiqiuro.

⁵⁵ Sa ni tuhasa masare yahuri tiqiuro:

—¿Duhse ijiro boro masa ñoseñe pñini mehna, yucu tiāri mehna yaque bucurore yero saha masa yuhare ñehena ahtajari? Decoripe Cohācjū wuhapu masare yuhu buhe dujigū, masa yuhare ne ñehedari.

⁵⁶ Sa ijiepegāta ahri ijipihtye sa waharo nine Cohācjū yere yahu muhtariquina tiqiuna ni ojoariro sahata, nidi Jesu.

Tiqiurore tiqiuna sa ñehegū ihñano usā tiqiuro buhena tiqiurore cohā oma cāa wahan usā.

Judio masa puhtoa Jesure sinituahye

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Sa ye tiqiurore ñehediquina pahia puhtoro Caifa wame tiriqiuro ya wuhapu ne sahye tiqiurore. Ti wuhapata marine judio masare buheyequina, bucuna gūhu cahmeoahye.

⁵⁸ Topu Jesure tiqiuna neagū Pedro yoaropu tiquinare ihña nūnu tāhye. Sa nūnu tāno Caifa ya wuhare cahmotari sahrīnore esa, ti sahrīno puhia pu sajāa wahahye. Sajā sa, ti wuhare cohteyequina surara mehna dujiahye. Jesure tiqiuna duhse yegū ihñano taro niahye.

⁵⁹ Sa ye pahia puhtoa, apequina puhtoa mehna Jesure wejē duti duaye, ni mehoñe mehna tiqiurore tiqiuna ñano buhiri dahreatire wacū macamahye.

⁶⁰ Tiquina yahusātire wacū bocaerahye. Sa wacū bocaerapeta peyequina masa tiqiurore sa ni meho yahusā maca cāhye. Sa ye puaro tiqiuna bato wihyequina tiqiurore yahusāhye tja.

⁶¹ —Ahriqiuro ohō saha nidi: “Cohācjū wuhare cohā masiaja. Sa cohāgu ihtia

deco wahaboro ti wuhare pari turi yeitja”, tiqiuro nigū tuhōu usā, ni yahusā maca cāhye Jesure.

⁶² Tiquina sa nidi bato pahia puhtoro wahcādūca sa, Jesure sinituahye:

—¿Ahriquina muhare tiqiuna yahusāepegūta tiquinare yahti cahmedajari muhu? niahye puhtoro.

⁶³ Tiquiro sa nigū tuhoeperota Jesu sata tuhōtu cāhye. Tiquiro sa yahtieragū ihñano pahia puhtoro pari turi sinituahye tja:

—Cohācjū catiriquiro wame mehna poto niña muhu. Muhu sa niedagū tiqiuro muhare buhiri dahrerota. Yahuya usāre. ¿Cristo Cohācjū macata ijiajari muhu? ni sinituahye tja.

⁶⁴ Tiquiro sa nigūputa Jesu yahtiahye:

—Tiqiurota ijiaja. Masare poto yahugata niaja. Came yuhu masa Cohācjū ohorigu yuhu Pacu tutuariqiuro cahapu tiqiuro poto pehepu yuhu dujigū ihñanata masa. Sa yena umhuse cñe ehmeo cururi bui yuhu ahtagū gūhare ihñanata masa, ni yahtiahye Jesu.

⁶⁵ Tiquiro sa nigū tuhoro pahia puhtoro tiqiuro sañari suhtirore tuhre cāhye apequinare “Usua yuhduare”, ni ihña masi dutiro.

—Cohācjūre pajiro ñano yahuducuro nine ahriqiuro. Sa ye tiqiuro ñano yahuducuyere tuho tuhasaja mari. Sa ye topequinata yahusāhdo ahriqiurore. Ohōputa tiqiuro ñano yahuducugū tuhoaja mari basita.

⁶⁶ ¿Duhse yenatari mari yojoṗure ahriqiurore? ni sinituahye tiqiuro apequina puhtoare.

—Tiqiuro ñari buhiri wejē cāno cahmene tiqiurore, ni yahtiahye tiqiuna.

⁶⁷ Tiquina sa nidi bato tiqiuro wuhdoare sihco puti ohō, tiqiurore quēpeahye tiqiuna.

⁶⁸ Tiquirore quēpe tuhasa, ohō saha niahye tiqiurore:

—¿Noa pehe muhare quēajari? Cristo ijigu ihñedapegūta yahuya usāre, ni bujapeahye tiqiuna.

—*Tiqiurore masiedaga, niahye Pedro Jesure*

(Mr 14.66-72; Lc 22.56-62; Jn 18.15-18, 25-27)

⁶⁹ Sa ye ti wuhu cahapu ijiri paapu quehnoari paapu Pedro pehe dujiahye. Tiquiro sa dujigū ihñano pahia puhtoro cahacjōno tiqiuro cahapu esaro, ohō saha niahye:

—Muhu gūhu Jesu Galilea cñano mehna ijiri, niahye ticoro.

⁷⁰ Ticoro sa nigū tuhoro, Pedro ohō saha niahye:

—¿Duhse ni maca cōo niajari muhu? Muhu nidiqiurore ne masiedaga yuhu, niahye Pedro ticoro ijipihtyequina tiqiuna tuhōropu.

⁷¹ Tiquiro sa nidi bato ti paa cjã sahrĩno sopecaha caharũ wahahye Pedro. Topũ tiquiro ijigũ apecoro cahacjõno tiquirore ihñano, topũ ijiyequinare ohõ saha niahye:

—Jesu Nazare cjãno mehna ijiri ahriquiro, niahye ticoro Pedrore tja.

⁷² Ticoro sa nigũ tahoro Pedro yũhtiahye:

—Cohãcjũ mehna potõ nii niaja. Tiquiro mũhũ nidiquirore ne masiedaga yũhũ, ni yũhtiahye Pedro.

⁷³ Sa ye came cjũno topũ ducuyequina Pedro caharũ waha, tiquirore ohõ saha niahye tja:

—Poto tjire. Jesu yequina mehna cjũ ijire mũhũ gãhũ. Tiquina yero saha yahuducure mũhũ, niahye tiquina Pedrore.

⁷⁴ Tiquina sa nigũ Pedro yũhtiahye:

—Poto Cohãcjũ mehna nii niaja musare. Yũhũ potõ yũhũ niedagũ Cohãcjũ yũhũre buhiri dahreahro. Tiquirore musa nidiquirore ne masiedaga yũhũ, ni yũhtiahye tiquirore tiquinare.

Tiquiro sa nigũta canaca yahuahye.

⁷⁵ Tiquiro yahugũ tahoro Jesu tiquirore nidire wacũahye. “Canaca tiquiro yahuato pano ‘Jesure masiedaga’, niita mũhũ. Ihtia taha waro sa niita mũhũ”, Jesu tiquirore nidire wacũahye Pedro. Sa wacũno, ti sahrĩnore wijia, tutuaro utiahye.

27

Pilato caharũ Jesure neahye

(Mr 15.1; Lc 23.1-2; Jn 18.28-32)

¹ Sa ye bohrea quehagãrũ pahia pũhtõa mari judio masa bucũna gãhũ Jesure tiquina wejẽ dutiare cahme yahuducuahye.

² Tiquina sa yeri bato tiquirore dahye, Pilato caharũ nea, tiquirore ohoahye Pilatore. Pilato pehe ti yehpa cjẽna pũhtõro ijiri.

Juda Iscariote yariaa wahahye

³ Sa yero Jesure tiquina wejẽ dutigũ ihñano Juda pehe Jesure ihñõriquiro tiquirore tiquiro ihñõrire tutuaro wacũ bujua witiyahye. Sa bujua witiro treinta cjoeri tiquiro ñehedi niñeru cjoerire wiaro waharo, pahia caharũ, bucũna caharũ esa, ohõ saha niahye:

⁴ —Jesu musare yũhũ ihñõriquiro ñañe marieniquiro tiquiro ijiepegũta tiquina wejẽ dutiri tiquirore. Sa yegu musare tiquirore ihñõgu ñano yegu niaya yũhũ, ni yahuahye Juda tiquinare.

Tiquiro sa ni yahuri bato tiquina yũhtiahye:

—Sata yecũnahdo. Ʋsãre dahseati ijierare ti mũhũ sa niñe. Mũhũ dihita sa ni tũhtõture tire, ni yũhtiahye tiquina tiquirore.

⁵ Tiquina sa ni yũhtiri bato Cohãcjũ ya wũhũpũ Juda tiquiro ye niñeru cjoerire doque site cũahye. Doque site cũ, waha wahahye. Waha, yuta dare dahye ohõ, tiquiro

basi wamũare tu suha, uhpu cjũ sa, yariaa wahahye.

⁶ Sa ye pahia pũhtõa niñeru cjoerire ne, ohõ saha niahye:

—Ahri niñerure Cohãcjũ wũhũ cjã acaropũ niñeru ihbori acaropũ mari cũ masiedaja. Ahri niñeru mehnata masunore wejẽ dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

⁷ Tiquina sa nidi bato “Ohõ saha yeihna”, tiquina ni yahuri bato dihi suturire yeriquiro ya yehpare dũahye. Ti cjoeri mehna dũahye. Ape sie cjẽna tiquina wihi tiquina yariagũ tiquina yati yehpa ijiatore ti yehpare dũahye.

⁸ Sa ye ti yehpare “Dii yehpa”, wame yeri masa. Yojobũ gãhũre sata wame tire.

⁹ Ahri ijipihtiye sa wahahye Jeremia panopũ “Sa waharõta”, tiquiro ni ojoariro sahata. Tiquiro Cohãcjũ yere yahu mũhtariquiro ijiyahye. Ohõ saha ni ojoahye tiquiro: “Treinta niñeru cjoerire plata cjoerire ‘To punõta wapa yenata tiquirore usã ñehẽateire’, nieta Israe masa.

¹⁰ Sa ye ti cjoeri mehna dihi suturire yeriquiro ya yehpare dũeta tiquina. Ohõ sahata yũhũre ye dutiri Cohãcjũ”, ni ojoahye Jeremia panopũ.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohõri bato tiquiro pehe Jesure sinituahye:

—¿Potõta judio masa pũhtõta ijiajari mũhũ? ni sinituahye Jesure.

—Mũhũ nino sahata ijiaja, ni yũhtiahye Jesu.

¹² Sa ni yũhtieperõta, pahia pũhtõa, bucũna gãhũ tiquina tiquirore yahusãgũ yũhtierahye Jesu.

¹³ Tiquiro sa yũhtieragũ ihñano Pilato sinituahye:

—¿Ahri ijipihtiye mũhũre tiquina yahusãrire tuhoerajari mũhũ? ni sinituahye tiquiro Jesure.

¹⁴ Tiquiro sa ni sinituepegũta Jesu ne mehenõgũ yũhtierahye. Tiquiro sa yũhtieragũ ihñano Pilato ne dahse ni masiedahye.

Jesure wejẽ dutiahye

(Mr 15.6-20; Lc 23.13-25; Jn 18.38-19.16)

¹⁵ Cũhmaripe pascua ijigũ masa yaquiro ijiatiquirore ihcãquiro peresupũ ijiriquirore Pilato sa wio basaducue tiahye.

¹⁶ Ti pjere Barrabá wame tiriquiro peresupũ ijiahye. Tiquirore masiahye masa.

¹⁷ Sa yero tiquina cahmecoagũ Pilato pehe sinituahye tiquinare:

—¿Diquiro pehere musare wio basaboagari yũhũ? ¿O Barrabá pehere o Jesure Cristo tiquina nidiquirore wio basaboagari yũhũ? ni sinituahye tiquiro.

¹⁸ Jesure masa cahīgā ihñāñe judio masa mari pūhtoa tiqirore ihña tuhtiahye. Sa ihña tuhtiyē tiqirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

¹⁹ Sa ye Pilato masare ñāñe yeyequinare tiqiro beseri pahtapū dujigū tiqiro namono tiqirore quitī ohoahye: “Mia ñamine Jesure quehēgo, tutuaro ñano yūhdū. Sa yegu tiqirore ñāñe marieniqirore ne sijo ro saha yeracāhña mūhū”, ni yahudoqueoahye tiqiro namono Pilatore.

²⁰ Sa ye coā waropure pahia pūhtoa, būcūna gūhū masare ohō saha ni duti tuhasahye. “Barrabā pehere wio duti, Jesu pehere wejē dutiya”, ni dutiahye masare.

²¹ Sa yero Pilato masare sinituahye:

—¿Ahriquina pūarore diquiro pehere mū sare wio basaboagari yūhū? ni sinituahye.

—Barrabā pehere wio basaya ūsāre, ni yūhtiahye.

²² —¿Ahriquiro Jesu Cristo tiquina ni-diquiro pehere dūhse yeitari yūhū, masa sa ni sañuducugū? ni sinituahye tiqiro.

—Curusapū quē biha wejēña tiqirore, ni yūhtiahye masa ijiphtiyequina.

²³ —¿Yabe borore ñāñene yeari ahriquiro, mūsa sa nigū? niahye tiqiro.

Tiqiro sa nigū tūhoye tiquina tutuaro mehna sañuducuahye:

—Curusapū quē biha wejēña tiqirore, ni sañuducuahye masa tiqirore.

²⁴ Tiquina sa ni sañuducugū tūhoro, tiqirore tiquina tūho dueragū ihñano “Masa usua, cahmequeboaga”, nino, yūhtiro ohō saha yeahye Pilato. Masa tiquina ihñonopū tiqiro omo coseahye. Sa omo cosero ohō saha niahye.

—Ahriquirore wejēdi buhiri yee buhiri ijierare. Mūsa ye buhiri ijire, nino omo coseahye.

²⁵ Tiqiro sa nigū tūhoye ijiphtiyequina masa ohō saha niahye.

—Ahriquirore wejēdi buhiri ūsā, ūsā pohna gūhū ūsā ye buhiri ijiaho, niahye masa.

²⁶ Tiquina sa nigū tūhoro Pilato Barrabāre peresupū ijiriquirore wio dutiahye masa tiquina cahmeniqirore. Sa ye tuhasa Jesu pehere yuta dari mehna tana duti, tiqirore curusapū wejē dutiro ohoahye surarare.

²⁷ Tiqiro sa ohogū Pilato ya wūhūpū tiqiro yequina surara Jesure neñe esahye. Sa ye tiquina surara ijiphtiyequina Jesu cahapū cahmecoahye.

²⁸ Sa ye tiqiro suhtire tu we ne, pūhtoro ya suhtiro saha bajuri suhtirore tiqirore sāahye.

²⁹ Sa sāa tuhasa, pota behtore ye tuhasa, tiqiro dapu bui duhu peoahye. Sa duhu

peo tuhasa, yucūgure pota pehe dahra suhahye. Dahra suha tuhasa, dūsepe curi mehna quehe sa, būjūpeahye tiqirore.

—Quehnoano ahtaya. Judio masa pūhto, quehnoano ahtaya, ni būjūpeahye tiqirore.

³⁰ Sa nieta tiqirore sihco puti ohō, tiquina dahra suhadure tiqirore tūā we ne, tiqiro dapure quēahye tū mehnata.

³¹ Tiquina sa būjūperi bato tiquina sāari suhtirore tu we ne, tiqiro ye suhti pehere sāahye tja. Sāa tuhasa, curusapū wejēñe tehe, tiqirore ne wijiahye.

Tiqina Jesure curusapū quē biha, wejēahye

(Mr 15.21-32; Lc 23.26-43; Jn 19.17-27)

³² Tiqirore ne cā, Simo wame tiriqirore Cirene cjanore piti ca, tiqirore Jesu wūari curusare wūa cā dutiri.

³³ Wūa cā Gólgota wame tironū esari. “Gólgota”, nino “Dapu pehtoro”, nino nine.

³⁴ Sa ye vinore sūñe co mehna tiquina moreñe core Jesure ohomedi. Ti acore sihni tuhu, sihnedari tiqiro.

³⁵ Sa ye Jesu ye suhtire tiquina tu we nedī bato tiqirore curusapū quē bihari tiquina. Sa quē biha tuhasa, tiqiro ye suhtire “¿Noa yaro ijirorati ohō?” ni, cahme doqueperi, ni ojoahye panopū.

³⁶ Doquepe tuhasa tiqirore ihña dūjidu-curi tiquina.

³⁷ Tiqiro dapu bui curusapū ohō saha ni ojoari pjīne duhu ohōri tiquina tiqiro ñāñe buhirire yahu duaye. “AHRIQUIRO JESU JUDIO MASA PŪHTORO IJIRE”, ni ojoari tiquina ti pjīne.

³⁸ Came pūaro yaque būcūnare Jesu cahapū apeye curusaripū quē biha docori tiquina. Ihcāquiro tiqirore pota pehe, apeqiro tiqiro cū pehe pehe quē biha docori tiquina.

³⁹ Curusari cahapū yūhdū cāñequina Jesure ihña, tiquina dapu pacare yure, tiqirore ñano yahuducuri:

⁴⁰ —¿Cohācǰū wūhūre cohā, ihtia deco wāhaboro pari turi ti wūhūre dahreborigū ijijajari mūhū? Cohācǰū macū ijigū mūhū basi dijia taya. Sa yegu mūhū basi yedohoya, nidi masa.

⁴¹ Sata ni būjūperi tiqirore. Pahia pūhtoa gūhū, marine judio masare buhēyequina gūhū, būcūna gūhū tiqirore sa ni būjūperi.

⁴² —Tiqiro apeqinare yūhdūoriquiro ijiro tiqiro basi gūhū yūhdūoahro. “Israe masa pūhto ijijaja”, nimene tiqiro. Sa yena tiqiro basi dijia tagū ihñana tiqirore wacū tutuanata.

⁴³ Tiqiro pehe Cohācǰūre wacū tutuamene. Sa yero “Cohācǰū macū ijijaja”, nimene tiqiro. Tiqiro sa ijigū Cohācǰū

pehe tiqiurore yedohoahro, ni bujaperi tiqiuna.

⁴⁴ Yaque bucuna tiqiuro cahapu tiqiuna quē bihanohriqiuna sata tiqiurore bujape, ñano yahuducuri tiqiuna gūhu.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

⁴⁵ Sa ye coheri pje ijigū ihtia hora waro ijipihtiropu nahitiano ijiri.

⁴⁶ Sa yero ti pjere nahitia yuhdugū waro Jesu tutuaro sañuducuri:

—¿Elí, Elí lema sabactani? nidi tiqiuro. Sa nino ohō saha nino niahye: “¿Yuhu Pacu, yahu Pacu, dahsegu yuhare cohājari muhu?” nino nidi.

⁴⁷ Tiquiro sa nigū tuhoye ihquēqiuna topu ducuyequina ohō saha nimedi:

—Cohācjū yere yahu mahitariqiurore Eliare pijioro niboaga, nimedi tiqiuna.

⁴⁸ Sa yero ihcāqiuro tiqiuna mehna cjāno oma cā, aco ihmuni sahte mehna vino sūēñe core soha tuhasa, yucugū sohtoapu dūhte ohō, Jesu cahapu esa, tiqiurore sihōmedi.

⁴⁹ Tiquiro sa yegū ihñañe apeqiuna sihōriqiurore ohō saha nidi:

—Cohteniña. Elia ahriqiurore tiqiuro yuhdugū ihñañhna mari, nidi apeqiuna.

⁵⁰ Tiquina sa nidi bato pari turi sañuducu, Jesu pehe yariaa wahari.

⁵¹ Tiquiro yariagūta Cohācjū wuhu cjā suhtiro cahsero, topu tiqiuna cahmotari cahsero deco tuhnu maa dijia, cjū saa wahahye. Sa yero yehpa gūhu ñuhmudi. Sa ñuhmigū utā paca bujaye paca wahtia wahari.

⁵² Sa ye masa coperi parigū, peyeqiuna Cohācjū yeqiuna muna panopu yariariqiuna muna masa wijiahye.

⁵³ Masa wijia, Jesu masa wijari bato ti coperire cohā cā, quehnoari macapu Jerusalēpu wahari tiqiuna. Topu tiqiuna wahagū peyeqiuna masa ihñahye tiquinare.

⁵⁴ Sa ye ti ijipihtiyere ihñañe, yehpa ñuhmigū ihñañe, surara puhtoro tiqiuro yeqiuna surara mehna ihña maria wahari. Tiquina Jesure curusapu ijiriqiurore cohteyequina ijiri. Ihña maria waha, ohō saha nidi:

—Ijirota ijire. Ahriqiuro Cohācjū macanota ijimeya, nidi tiqiuna.

⁵⁵ Sa ye Galileapu Jesu mehna ahtariqiuna numia tiqiurore yedohoriqiuna numia yoaropu tiqiurore curusapu ijiriqiurore ihñaducuye nidi.

⁵⁶ Tiquina numia mehna María Magdalena ijiri. Apecoro María wame tiricoro gūhu ijiri. Ticoro pehe Santiago, José gūhu pacoro ijiri. Apecoro Zebedeo namono ijiri.

Jesu pagure masa copepu cūahye José

(Mr 15.42-47; Lc 23.50-56; Jn 19.38-42)

⁵⁷ Sa ye ñamicahapu José Arimatea cjāno doeri cjē upuro topu wihiahye. Tiquiro Jesu buheriquiro ijiri.

⁵⁸ Wihi, Pilato cahapu esa, Jesu pagure siniahye. Tiquiro sa sinigū tuhoro Jesu pagure tiqiurore oho dutiahye Pilato.

⁵⁹ Tiquiro sa dutiri bato José pehe tiqiuro pagure ne dijio, quehnoari suhtiro wete marieni suhtiro mehna tiqiuro pagure wahmeahye.

⁶⁰ Wahme tuhasa, José tiqiuro ya masa copepu cūahye Jesu pagure. Ti cope tiqiuna utāpu seheri cope wahma cope ijiri. Ti copepu ne sajā duhu cū tuhasa, pajiria utāre tu torē cāhye tia mehna bihoro taro. Biha tuhasa, wahaa wahahye.

⁶¹ Sa ye María Magdalena, apecoro María mehna ti copere ihña dujuducuahye.

Jesure tiqiuna cūri copere surara cohteahye

⁶² Sa ye ape deco, pascua ijiatire tiqiuna quehnoari deco bato, saurū ijigū pahia puhto, fariseo masa gūhu Pilato cahapu cahmecoahye.

⁶³ Cahmeco tuhasa ohō saha niahye tiqiuna Pilatore:

—Puhto, tiqiuro ni mehoriquiro Jesu catiro ohō saha niahye: “Ihtia deco wahaboro masa wijiajutja yuhu”, niahye tiqiuro.

⁶⁴ Tiquiro sa nidiquiro ijigū tiqiuro buheyeqiuna pehe tiqiuro pagure yaqueboaga. Sa yaqueye masare ohō saha niboaga: “Jesu masa wijari”, niboaga tiqiuna. Tiquiro Jesu pehe masare ni mehono nidi. Sa ijiepegūta tiqiuro buheyeqiuna pehe “Tiquiro masa wijari”, niñe, ni mehoñe nieta. Sa yero Jesu tiqiuro ni mehoriro yuhdoro tiqiuna ye ni mehoñe pehe ña yuhduarota. “Sa yaqueari”, nigū ihtia deco waro tiqiuro masa copere muhu yeqiuna surarare cohte dutiya, niahye tiqiuna Pilatore.

⁶⁵ Pilato yuhtiahye:

—Au. Ti copere cohteahro. Sa yena masa gūhu masa ye masino puno ti copere quehnoano cohteya, niahye tiqiuro tiquinare.

⁶⁶ Tiquiro sa nigū tiqiuna waha, ti copere biharia utā mehnaputa ñehogūputa wihtā ñeheahye masa tiqiuna sajāgū ihña masiñe tehe. Sa ye surarare ti copere cohte dutiahye.

28

Jesu masa wijiahye

(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurū pehe yuhdugū domingo ijigū ñami cjūnogā ijigū María Magdalena apecoro María mehna Jesu masa copere ihñañe wahahye.

² Sa yero duita yehpa tutuaro ñuhmiahye. Sa ñuhmigū mari pñhtoro tiqairo yaqairo angel ummasepū ijiriquiro dijia ta, masa copere biharia utāre tu torē cā, tia bui duji-ahye.

³ Ēpo miadoqueoro yero saha quehnoano asi siteahye tiqairo. Sa ye tiqairo suhti ehmeo curua yero saha quehnoano yehs-eye suhti ijiahye.

⁴ Tiqairo sa bajuagū ti copere cohteyequina surara cue yūhdūye, nanare yūhdūa waha, buigā warona yaria yūhdūa wahahye.

⁵ Sa yero angel pehe tiquina numiare ohō saha niahye:

—Yūhūre cueracāhña. Curusapū tiquina quē bihariquiro, Jesure mūsa macagū masi-aja yūhū.

⁶ Tiqairo yojopūre ohōre mariedare. Tiqairo nidiro sahata masa wijiaa wahari. Tiqairo pagūre tiquina cūrirore ihñana ahtaya.

⁷ Sa yena tiqairo buheyequina cahapū umñāno waha, ohō saha ni yahuna wahaya: “Jesu masa wijiarī. Sa yero mūsa pano Galileapū tiqairo wahayurota. Topū tiqairore ihñanata mūsa”, ni yahuna wahaya mūsa. Ahrita ijire mū sare yūhū yahuri quiti, niahye angel tiquina numiare.

⁸ Tiqairo sa nidi bato tiquina numia masa copere ijie numia sojaro mehna wijia, tiqairore cuepeta bucue yūhdūye mehna Jesu buheyequinare yahuye oma cāa wahahye.

⁹ Sa wahayequina numiare Jesu piti ca, ohō saha niahye:

—¿Quehnoano ijiajari mūsa? niahye tiqairo.

Tiqairo sa nidi bato, tiquina pehe tiqairo cahapū esa, dahpocārine ñehe, tiqairore ño peoahye.

¹⁰ —Cueracāhña mūsa. Yūhū bahanare “Galileapū wahaya”, ni yahuna wahaya. Topū yūhūre ihñāeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiqairo sa nidi bato numia wahari wato ihquēquina masa copere cohteriquina mehna cjēna surara, Jerusalēpū pahia pñhtoare ijipihtiyere yahu pehoye wahahye. Jesu tiqairo masa copere wijiarire yahu peho cāhye.

¹² Tiquina sa ni yahugū pahia pñhtoa, judio masa mari bñcūna mehna cahme-coahye. Cahmecoa, yahuducuahye. Sa yeye surarare ni meho dutiye niñerure wapa yeahye.

¹³ —Ohō saha niña mūsa masare: “Ñami usā carīdi bato tiqairo buheyequina pehe

masa copere wihi, tiqairo pagūre ne cāri jiri”, ni yahuya masare.

¹⁴ Mūsa sa ni yahugū Pilato pehe mūsa carī yūhdūarire tūhoboaga. Tiqairo sa tūhogū, “Mū sare tuhtiarī”, nina, mū sare yahu basanata usā tiqairore, niahye tiquina surarare.

¹⁵ Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiqairo masa copere wijiarire yahuducuri judio masa. Yojopū gūhūre sata nine tiquina.

Jesu tiqairo yere buhe dutiro ohoahye tiqairo buheyequinare

(Mr 16.14-18; Lc 24.36-49; Jn 20.19-23)

¹⁶ Sa ye usā Jesu buhena once buhena cñpū Galileapū ijidūpū Jesu tiqairo waha dutidūpū wahan usā.

¹⁷ Topū esa, Jesure ihñana, ño peou usā tiqairore. Sa ño peopenata, usā ihquēquina “Ahriquiro Cohācjū macāno ijieraboaga”, ni tūhotumi.

¹⁸ Usā sa ño peogū tiqairo pehe usā cahapū wihi, ohō saha nidi:

—Ahri yehrapūre, ummasepū gūhūre Cohācjū ijipihtiyequina bui tutuayere ohori yūhūre.

¹⁹ Tiqairo sa ohogū ohō saha dutiaja mū sare: Ijipihtiro cjēnare yeere buhena wahaya. Yeequina tiquina wahatire buhena wahaya. Sa yena mari Pacū wame mehna, yūhū wame mehna, Espiritu Santo wame mehna tiquinare wame yeya.

²⁰ Sa yena mū sare yūhū dutirire tiquina ye pehoatire buheya tiquinare mūsa. Sa yena ahrire yūhū niatire wacūña: Ijipihtiyē decori ahri yehpa ijiro puno mūsa mehna sa ijiducugūtja. Mūsa mehna yūhū sa ijiducuatire wacūña mūsa, ni yahuri usāre Jesu.

San Marcos

Ñu wame yeriquiro buhe dũcahye

(Mt 3.1-12; Lc 3.1-9, 15-17; Jn 1.19-28)

¹ Ahri pũpũ Jesucristo Cohãcjũ macũno tiquiro yerire quehnoañe buheyere yahu dũcaja.

² Cohãcjũ yere yahu mahtariquiro manano Isaia tiquiro ojoariro sahata yahuye ijire. Ohõ saha ni ojoahye tiquiro: Cohãcjũ tiquiro macũnore ohõ saha ni-ahye: “Mũhũ pano mũhare yahuyua-tiquirore ohoyugũ niaja.

³ Sa yero tiquiro masa marienopũ waharota. Tiquirore tũhoyequinare yahuro saũducurota: “Mari pũhtoro tiquiro ahtato pano mahare mari quehnoyuro saha quehnoana ijyuyua mũsa. Mũsa ñañe yerire bujua witiya,” niahye Cohãcjũ, ni ojoahye Isaia.

⁴ Ñu wame yeriquiro masa marienopũ buhee tiahye.

—Mũsa ñañe yerire bujua witiya. Yojobure quehnoañe pehere comesaya. Sa yena wame yenohrina ijiya. Mũsa sa comesagũ ihũano Cohãcjũ mũsa ñañe yerire borota, ni buhee tiahye tiquiro.

⁵ Sa yero ijipihyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihũaño Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

⁶ Sa yero Ñu camello poari suhtirore sañariquiro wahiquina cahsero mehna tũã dihoriquiro ijiahye. Poreroare, umiquina nũcũ cjẽna umine ihyae tiahye.

⁷ Sa yero ohõ saha ni buhee tiahye.

—Yũhũ bato yũhũ yũhdũoro tutuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegu tiquirore tahotugu, “Ihyo ijigũ ijiaja yũhũ”, ni tahotuaia yũhũ.

⁸ Mũsare wame yegũ aco mehna wame yei. Tiquiro pehe yũhũ yũhdũoro yerota. Espiritu Santore masa mehna ijiducugũ yerota, ni buhee tiahye Ñu.

Ñu Jesure wame yeahye

(Mt 3.13-17; Lc 3.21-22)

⁹ Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore.

¹⁰ Tiquiro wame ye tuhasagũ Jesu diapũ ijiriquiro maja sadũca aũmũanopũ ihũna mũoahye. Ʋhmũse parĩ maa wahahye. To parĩ maagũta Espiritu bujua yero saha Jesu bui dijia tahye.

¹¹ Sa yero aũmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye aũmũsepũ.

Satana ñañene ye dutimahye Jesure

(Mt 4.1-11; Lc 4.1-13)

¹² Ti pjere Jesure masa marienopũ Espiritu Santo neahye.

¹³ Topũre esaro cuarenta decori waro ijiahye. Watĩno pehe Jesu tiquiro ñañene yegũ ihũna duaro ñañene ye dutimahye tiquirore. Sa yero Jesu wahiquina nũcũ cjẽna mehna ijiahye. Topũ tiquiro ijigũ ihũñañe angele pehe tiquirore yedohoahye.

Jesu Galilea yehpapũ buhe dũcahye

(Mt 4.12-17; Lc 4.14-15)

¹⁴ Sa ye Ñure peresupũ tiquina biha dapori bato Jesu pehe Galilea yehpapũ quehnoañe buheyere Cohãcjũ pũhtoro ijyere yahuro wahahye.

¹⁵ Ohõ saha ni yahuahye:

—Yojobure ohõ saha ijire. Cohãcjũ tiquiro pũhtoro ijiaho mehenogã dũhsare. Mũsa ñañe yerire bujua witiya. Sa yena quehnoañene comesaya. Quehnoañe buheyere tũhoya mũsa, ni buhee tiahye Jesu.

Jesu pittiaro wahi yohyeyequinare

“Yũhũ mehna cjãna ijiana ahtaya”, niahye

(Mt 4.18-22; Lc 5.1-11)

¹⁶ Tire yahu tuhasaro Galilea wame tiri ditara dũhtũ cahapũ esaro, ihũñahye Simore, tiquiro bahũro Andre mehna. Tiquina wahi yohyeyequina ijiahye. Sa ye tiquina wẽñecjũre doque ñoñe niahye ti ditarapũ.

¹⁷—Yũhũ mehna cjãna ijiana ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiro saha Cohãcjũ yequina ijiatiquinare masare piji cahmecoana ijigũ yeitja mũsare. Yũhũ mehna mũsa ahtagũ sa yeanaiajare cũtja mũsare, ni-ahye Jesu.

¹⁸ Tiquiro sa nigũ tũhoye tiquina wẽñecjũre cũ cã, tiquiro mehna wahahye.

¹⁹ Sa ye tiquina mehenogã yũhdũ cã, Santiagore, tiquiro bahũro Ñu gũhare boca sahye tja. Tiquina pehe Zebedeo pohne ijiahye. Tiquina yaria yucũsarũ wẽñecjũre quehnoñe niahye.

²⁰ Sa yero tiquiro pijiogũ tiquina pehe tiquina pacũrore, tiquirore yedohoyequina mehna yucũsarũ cũ cã, Jesu mehna wahahye.

Watĩare cũoriquiro Jesure piti cahye

(Lc 4.31-37)

²¹ Sa ye tiquina Capernau wame tiri macapũ esahye. Sa yero saurũ ijigũ judio masa buheri wũhũpũ buhero esahye tiquiro.

²² Sa yero tiqairo quehnoano masi pehoriqairo buhero usã judio masare buheyequina yero saha ijierahye tiqairo. Tiqairo sa buhegũ ti maca cjẽna tãho maria wahahye.

²³ Ti pjere ti wãhũpũ ijiriquiro wãfiare cãoriqairo ijiahye. Sa yero ohõ saha niahye Jesure:

²⁴ —Mũhũ Jesu Nazare cjũ cariboeracãhã usãre. ¿Duhse yei tũũ niajari usãre? ¿Mũhũ usãre butigũ yei tũũ niajari? Cohãcjũ macũ quehnoagu mũhũ ijigũ yũhũ masiaja, ni saũducuahye tiqairo Jesure.

²⁵ Tiqairo sa nigũ tãhoro Jesu tuhtiahye wãfiare:

—Dihta mariahã. Duhuya tiqairore, niahye Jesu.

²⁶ Sa yeye wãfiã tiqairore yehpapũ doque quehe sa tunugũ yeye, tiqairo tutuaro saũducuri watoa duhuahye tiqairore.

²⁷ Sa ye ijiphtiyequina ti wãhũpũ dujiyequina acũã yũhdũã waha, ohõ saha niahye:

—Ahyou. ¿Ahri wahma buheye ijiajari? Tiqairo pãhtoro yero saha dutire wãfiare. Tiqairo dutigũ tiquina wãfiã pehe yũhdũdũcaerare tiqairore, ni yahuducuahye ti wãhũpũ dujiyequina tiquina basi.

²⁸ Sa ye meheñe decori batota duita ijiphtiyequina Galilea yehpa cjẽna tire tiqairo sa yerire tãhoahye.

Jesu Simo Pedro mareonore duti yũhdũgũ yeahye

(Mt 8.14-15; Lc 4.38-39)

²⁹ Sa ye Jesu gãhũ judio masa buheri wãhũpũ ijiriquina wijiaa wahahye. Tiquina sa wijari bato Jesu, Santiago, Ñũ, apequina tiquina mehna cjẽna gũhũre, Simo, tiqairo bahoro Andre mehna tiquina ya wãhũpũ siho sajã sahye.

³⁰ Ti pjere Simo mareono ujuaye dohatiricoro cuãno bui ticoro cuãgũ ihããñe yãhuahye Jesure.

³¹ Tiquina sa ni yahugũ tãhoro tiqairo pehe ticoro cahapũ esaro, ticoro omocare ñehe, ticorore weje wahcõ dapoahye. Tiqairo sa weje wahcõ dapogãta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiyequinare yũhdũoahye

(Mt 8.16-17; Lc 4.40-41)

³² Namicahapũ asũ sajãri bato masa peyequina dohatiyequinare, wãfiã cãoyequinare Jesu cahapũ ne sahye.

³³ Sa ye ijiphtiyequina ti maca cjẽna cah-mecoa dũca sahye ti wãhũ sopecahapũ.

³⁴ Sa yero Jesu peyequina dohatiyequinare, peyequina wãfiã cãoyequinare quehnoa wahagũ yeahye. Peyequina wãfiare cohãhye. Sa yero Jesure wãfiã

tiqairore masigũ ihããno Jesu pehe tiquinare yahuducu dutierahye.

Jesu buhe tinino wahahye

(Lc 4.42-44)

³⁵ Sa ye ñami cjũno wahcã, nahitia cjũgũ masa marienopũ Cohãcjũre sinino wahahye Jesu.

³⁶ Tiqairo sa wahagũ ihããñe Simo gãhũ tiqairore macañe esahye.

³⁷ Sa ye tiqairore piti caye, ohõ saha niahye:

—Masa ijiphtiyequina mũhũre macañe nidi, niahye tiquina.

³⁸ Tiquina sa nigũ tãhoro ohõ saha niahye Jesu:

—Ahri macarine buhegũ ahtaũ yũhũ. Sa yena apeye macari ohõ cahagã cjẽ macaripũ wahãhũna mari. Yũhũ ti macari gãhũre buheitja, niahye Jesu tiquinare.

³⁹ Sa yero ijiphtiyequina Galilea yehpare buhe tiniahye. Sa yero macaripe judio masa buheye wãhũsepeũ buhero, wãfiare masa mehna ijipyequinare cohã wioahye.

Jesu camĩ bucũ mũna wihirore yũhdũoahye

(Mt 8.1-4; Lc 5.12-16)

⁴⁰ Sa ye apeqairo dohatiriquiro camĩ bucũ mũna wihiro Jesure piti caro dusepe curi mehna quehe sa siniahye:

—Mũhũ yũhũre yũhdũo duagu yũhdũoã, niahye camĩ bucũ mũna wihiro.

⁴¹ Tiqairo sa nigũ tãhoro Jesu tiqairore paja ihããhye. Sa yero tiqairo omocare siõdoqueo tiqairore ñã peoahye. Sa ñã peoro ohõ saha niahye:

—Tire ye duaja. Quehnoagu ijiya mũhũ, niahye Jesu.

⁴² Tiqairo sa nigãta tiqairo camĩ ahbari yati maa wahahye. Quehnoa wahahye tiqairo.

⁴³ Tiqairo sa wahagũ ihããno Jesu tiqairore tutuaro mehna yãhuahye:

⁴⁴ —Apequinare ahrire yãhu siteracãhã. Sa yãhuerapegãta mũhũ pagure pahire ihããña. Cohãcjũ dutiye Moiserere tiqairo cãriro sahata yeya. Sa yegũ minicjũare ohoya pahire mũhũ quehnoagu mũhũ waharire masare mũhũ ihããñe, niahye Jesu. Sa ni tuhasa “Wahaya”, niahye tiqairore.

⁴⁵ Tiqairo sa yãhu dutierapegãta tiqairo waha, ijiphtiyequinare macari cjẽnare Jesu yerire yãhuahye. Tiqairo sa yãhuri bato Jesu masa peyequina ijiorũre waha masiedahye. Sa yero tiqairo meheñequinagã ijiorũre ijiahye. Topũ tiqairo ijigũ peye macari cjẽna tiqairo cahapũ esahye.

2

Jesu tini masieniquirore tinigũ yeahye

(Mt 9.1-8; Lc 5.17-26)

1 Meheñe decori bato Jesu Capernaum tojao wahahye. Wuhuru tiquiro ijigū masa tuhoahye.

2 Sa ye topu masa peyequina cahmeco, ti wuhure wahpa wijiaduca saa wahahye. Sa yero Jesu tiquinare quehnoañe buheyere yahuahye.

3 Sa ye apequna gūhu ahta, pititiaro umu tini masieniquirore ne wihahye.

4 Tiquina masa peyequina ijigū ihñañe Jesu cahapu sajā masiedahye. Sa ye tiquina wuhu buiru muji pahmare ne wedoqueo, Jesu bui waro meheni copegā dahre, tini masieniquirore tiquiro cuñari cahsero mehna duhu dijoahye Jesu caha waro. “Jesu ahriquiroro tiquiro dohatiyere yuhdugū yerota”, ni tuhotuahye tiquina.

5 Tiquina sa ni tuhotugū masino Jesu pehe dohatiriquiroro ohō saha ni yahuahye:

—Yuhu macu, muhu ñañe yerire cohā tuhasau, niahye Jesu tini masieniquirore.

6 Tiquiro sa nigū tuhoeye, usā acaye judio masare buheyequina topure dujiyequina tiquina basi ohō saha ni tuhotumahye:

7 “Ahriquiroro sa ni yahuducueracāhdo. Cohācjüre ñano yahuducuro nine tiquiro. Masuno mari yero saha ijiriquiro ijire tiquiro gūhu. Sa yero tiquiro ahriquiroro ñañe yerire cohā masiedare. Cohācjū dihita masa tiquina ñañe yerire cohā masine”, ni tuhotumahye tiquina.

8 Tiquina sa ni tuhotugū ihñano Jesu tiquina tuhotuyere masino ohō saha niahye:

—¿Duhse yena musa sa ni tuhotuajari?

9 “Muhu ñañe yerire cohā tuhasaja”, yuhu nigū, “Ni mehogu ijire”, yuhure nina nine musa masiedapenata. Tiquiro tini masieniquirore “Wahcādaca, wahaya”, yuhu nigū, tiquiro tinigū ihñano yuhu nidi potota ijigū duita masinata musa.

10 Yuhu masu Cohācjū ohorigu ahri yehapure masa tiquina ñañe yerire cohā masi-aja yuhu. Yuhu sa cohārire musa masiata saha ohō saha tiquiro wahagū yeitja, niahye Jesu judio masare buheyequinare.

Sa ni tuhasa tini masieniquirore ohō saha niahye:

11 —Muhure niita naja. Wahcādacaya. Muhu cuñari cahserore ne cāñña muhu ya wuhuru, niahye Jesu tiquirore.

12 Tiquiro sa nigūta tini masieniquiro wahcādaca sa, tiquiro cuñari cahserore ne, ijipihtyequina tiquina ihñono wijiaa wahahye. Tiquiro sa yegū ihñañe tiquina ijipihhtyequina ihñā acuaa wahahye. “Cohācjū tutuariquiroro ijire. Ne mari ohō saha yegūre ihñeda tii”, niahye tiquina basi.

Jesu Levire “Yuhu mehna cjū ijicaju ah-taya”, niahye
(Mt 9.9-13; Lc 5.27-32)

13 Sa ye pari turi Jesu ditara duhtu cahapu wahahye. Sa yero masa peyequina tiquiro cahapu tiquina cahmecoagū ihñano tiquiro buheahye tiquinare.

14 Sa ye tuhasa topu ijiriquiro waharo Levire Alfeo macunore tiquiro dahrari tucuru boca sahye. Apequna mehna puhto ye ijiatire wapa ne cohtyequina ijiahye Levī gūhu. Tiquirore boca saro ohō saha niahye:

—Yuhu mehna cjū ijicaju ahtaya mahu, niahye Jesu Levire.

Tiquiro sa nigū Levī pehe wahcādaca sa, Jesu mehna wahahye.

15 Jesu mehna wahayequina peyequina ijiahye. Sa yero Levī ya wuhuru mesa cahapu peyequina wapa ne cohtyequina mehna, “Ñano yeyequina”, tiquina niñequina mehna tiquiro buheyequina mehna dujiyahye Jesu.

16 Topu tiquina dujiri bato apequna usā judio masare buheyequina, fariseo masa mehna Jesu tiquiro ihyagū ihñahye tiquina. Sa ihñañe ohō saha niahye:

—¿Duhsero ñano yeyequina, wapa ne cohtyequina mehna ihyajari Jesu? ni sinituahye judio masare buheyequina Jesu buheyequinare.

17 Tiquina sa nigū tuhororo queoye mehna yuhtiahye Jesu:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. Sa yegu ñañequina dihitaro tiquina ñañe yerire bujua witi duti, quehnoañe pehere tiquinare comesagū yegu tagu nii yuhu. Tiquina basi “Quehnoana ijiaja usā”, ni tuhotuyequinare yedohogu tagu niedu yuhu, niahye tiquiro tiquinare.

Sijiyere Jesure sinituahye apequna
(Mt 9.14-17; Lc 5.33-39)

18 Ti pjere Ñu buheyequina, fariseo masa gūhu Cohācjüre ño peoye tehe, sijie tiahye. Sa ye masa Jesure sinituahye:

—Ñu buheyequina, fariseo masa buheyequina gūhu Cohācjüre ño peoye tehe sijie. ¿Duhse ye muhu buheyequina sijierajari? niahye tiquina Jesure.

19 Jesu tiquiro tuhotuye mehna queoye mehna buhero tiquinare ohō saha ni yuhtiahye:

—Ohō saha ijire ti: Omoca duhteriquiro bose deco ijigū tiquiro mehna cjēna bujua witiro mehna ijierare. Sa ye sijieyequina ijierare. Sata yuhu buheyequina gūhu yuhu mehna ijie, siji masiedare.

20 Yuhu Pacu Cohācjū yuhure tiquiro neari bato puritare pari turi yuhu buheyequina mehna ijisi yuhu. Sa ye ti pjeru yuhu buheyequina gūhu sijieta, niahye Jesu.

²¹ Panopu cjē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna manano suhtirore sere ohōno cahmedare. Sa yegū wahma cahsero mari coseri bato manano suhtirore weje cahmeco, paji yuhduaro tuhñagū yere. (Sata muna buheye wahma buheye mehna piti dahre buheraro cahmene.)

²² Sa yena ne uhse co bisiyē core wahiquire cahsero ajuropare muna ajuropare pose yeraro cahmene. Sa yegū uhse co bisiyē pahmuñepu muna ajurore tuhñu dijiaa wahare. Ti ajuro tuhñagū uhse co gāhu ajuro gāhu cohāa wahare. Sa yena uhse co wahma core wahma ajuropu pose yero cahmene. (Sata wahma buheye muna buheye mehna buhe moredaro cahmene,) ni buheahye Jesu tiquinare.

Saurú ijigū Jesu buheyequina trigo parorire peheahye
(Mt 12.1-8; Lc 6.1-5)

²³ Ape deco saurú ijigū Jesu gāhu trigo wesepe wahahye. Tiquiro buheyequina pehe trigo parorire pehe yuhdu cāhye.

²⁴ Tiquina sa yegū ihñañe ohō saha ni tuhtiahye fariseo masa Jesure:

—Tuhorñā usāre. ¿Duhse ye mūhu buheyequina saurú mari sori deco ijiepegūta dahrajari? Mari dutiyere yuhduducaye nine, niahye tiquina Jesure.

²⁵⁻²⁶ Tiquina sa nigū tuhoro Jesu tiquinare yuhtiahye. “Yuhū buheyequina yuhduducaye niedare”, nino taro ohō saha niahye:

—Davi manano tiquire mehna cjēna mehna ujua ahbaro, Cohācjū wuhupū saja, Cohācjū ye pāre ihyahye. Sa yero tiquire mehna cjēna gāhure ti pāre ohoahye. Ti pāre pahia dihita ihyae tiahye. Cohācjū dutiyē tiquina ojoari pū apequnare ti pāre ihya dutierare. Ti pjere Abiatar wame tiriquire pahia puhtoro ijiahye. ¿Davi gāhu tīre tiquina yerire Cohācjū yere tiquina ojoari pūre buherari masa? (Ti pāre ihyaro Cohācjūre yuhduducaro niedahye. Miare ahri pjerire ihyaye yuhū buheyequina gāhu Cohācjūre yuhduducaye niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurú decore tiquina sori deco cūno, masa ya deco cūno nidi dahra wahyariquinare so dutiro. Ti deco cahācjēna ijiatire cūno niedari masare.

²⁸ Sa yegu yuhū masū Cohācjū ohorigu ahri deco saurú decore masa tiquina yeatire yahugu ijigu puhto ijiaja, niahye Jesu tiquinare.

3

Omoca buhariquire quiti ijire
(Mt 12.9-14; Lc 6.6-11)

¹ Sa ye Jesu usā judio masa buheri wuhupū esaro, sajahye tja. Sa yero omoca buhariquire gāhu topū ijiahye. Sa ye ti wuhupū ijieyquina Jesu dihitare ihñadoque ohōahye.

² Saurú ijigū Jesu omoca buhariquire tiquire yuhduogū ihñā duahye tiquina. Tiquiro sa yegū ihñañe tiquire yehusā duahye. “Mari sori decore Jesu dahraro nine”, ni yahusā duahye tiquina.

³ Sa yero ohō saha niahye Jesu omoca buhariquire:

—Wahcādūca saya. Ohōpu ahtaya, niahye.

Sa ni tuhasa ti wuhupū ijieyquinare yahuahye:

⁴ —¿Saurú ijigū quehnoañene yegū quehnoadajari? ¿O ñañe yegū pehere quehnoajari, masa tuhutogū? Saurú ijigū masunore masogū quehnoarñe. Masunore wejēgū pehere quehnoadare, ni yahuahye Jesu tiquinare.

Tiquiro sa niepegūta tiquina pehe ne yuhtierahye.

⁵ Tiquina sa yuhtieragū ihñano Jesu tiquina mehna usuahye. Tiquina tuhō dueragū ihñano Jesu bujua witiyahye.

—Mūhu omocare siō potoya, niahye tiquire omoca buhariquire.

Tiquiro sa nigū tuhoro tiquire omocare siō potoahye. Tiquiro siō potogūta omoca quehnoa wahahye.

⁶ Sa omoca quehnoa wahagū ihñañe fariseo masa wijiaa wahahye. Wijia, Herode mehna cjēna mehna cahmeco, “¿Duhse ye Jesure wejēnatari mari?” niahye tiquina basi.

Masa peyequina ditara dahu cahapu iji-ahye

⁷⁻⁸ Sa ye Jesu tiquire buheyequina mehna ditara cahapu wahahye. Tiquina sa wahagū ihñañe Galilea cjēna masa peyequina tiquire bato esahye. Sa ye Judea yehpa cjēna, Jerusalē cjēna, Idumea yehpa cjēna, Jordā wame tiri ma ape sie pahre cjēna, Tiro wame tiri maca cjēna, to cahapu ijieyquina, Sidō wame tiri maca cjēna, to cahapu ijieyquina mehna masa peyequina ijiphtiyequina tiquire yerire tuhoye, tiquire cahapu esahye.

⁹ Sa ye masa peyequina ijiye, Jesu cahare bihsa duca sahye. Sa yero Jesu yucasare quehno pahsa dutiahye tiquire buheyequinare.

¹⁰ Peyequina dohatiyequinare tiquire yuhduogū ihñañe apequna dohatiyequina gāhu Jesure piha duaye, bihsa duca sahye.

¹¹ Sa ye wafāre cwoyequina pehe Jesure ihñāñe tiqiro cahapũ ðasepe curi mehna quehe sahye.

—Mũhũ Cohācjũ macũ ijire, ni sañuducuahye tiquina tiqirore.

¹² Sa yero tiquinare Cohācjũ macũno tiqiro ijyere tutuaro mehna apequinare yahu dutierahye Jesu.

Jesu tiqiro buheyequinare doce tiqiro ohoatiquinare bese docoahye

(Mt 10.1-4; Lc 6.12-16)

¹³ Sa ye Jesu cawũpũ mũja, tiqiro cahmeñequinare pijiahye. Tiqiro pijigũ tũhoye, tiqiro cahapũ esahye tiquina.

¹⁴ Sa yero doce amũare tiqiro mehna cjēnare, tiqiro ohoatiquinare, apeye macaripũre tiqiro yere buheatiquinare bese docoahye Jesu. Sa ye tiquina ya curua Jesu cūriquina wame tiahye.

¹⁵ Sa yero dohatyequinare yũhdũoatire, wafāre cohāti gāhũre cūahye tiquinare.

¹⁶⁻¹⁹ Ahriquina ijiahye doce amũa Jesu tiqiro bese docoriquina: Simo, Santiago Zebedeo macũno, Ñu Santiago bahũro, Andre, Felipe, Bartolomé, Mateo, Tomasu, Santiago Alfeo macũno, Tadeo, Simo celote ya curua cjāno ijimediquiro, Juda Iscariote, ahriquina ijiahye tiqiro bese docoriquina. Jesu Simore Pedro wame yeahye. Santiagore, Ñu mehna Boanerges wame yeahye. Boanerges “Уро cjēna”, nino nine. Juda Iscariote Jesure ihñā tuhtyequinare ihñoatiqiro ijiahye.

—*Jesu watĩno tutuayere cũore, ni yahusāhye masa*

(Mt 12.22-32; Lc 11.14-23; 12.10)

²⁰ Tiquinare bese doco tuhasa, dijia, Jesu tiqiro buheyequina mehna wũhũpũ sajāa wahahye. Sa ye topũ pari turi masa peyequina cahmecoañe, bihsaa wahahye. Tiquina sa bihsagũ ihñano Jesu ihya masiedahye. Sa ye tiqiro buheyequina gāhũ ihya masiedahye.

²¹ Sa ye apequina Jesu acaye tire tũhoye tiqiro cahapũ esaye, tiqirore ñehemahye. “Tiqiro tũho masieniquiro waharo nine”, nimahye tiquina.

²² Apequina ohō saha nimahye:

—Beelzebũ tiqirore sa wahagũ yero niga. Tiqiro wafāre cohāno, Beelzebũ watĩa pũhoro tutuaye mehna tiquinare cohāre, nimahye Jerusalēpũ ahtariquina usā judio masare buheyequina.

²³ Tiquina sa nigũ tũhoro Jesu pehe tiquinare piji, tiqiro tũhotuye mehna queoye mehna yahuahye tiquinare, “Watĩno ye tutuaye mehna wafāre cohāgu niedaja”, nino taro.

²⁴ —Watĩa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga.

²⁵ Sa ye ihcā wũhũ cjēna tiquina basi cahmequeñe ti wũhũ cjēna waha pihtia wahaboaga.

²⁶ Sa yero Satana watĩa pũhoro pehe wafāre cohāno tiquina basita cahmequeñe niboaga. Sa ye tiquina waha pihtia wahaboaga.

²⁷ ‘Ohō saha ijire mari queoye mehna buhegũ. Tutuariqiro ya wũhũpũ apeqiro sajā sa yaque masiedare. Tutuariqirore dũhteraro tiqiro ya wũhũpũ sajā sa yaque masiedare. Tutuariqirore tiqiro dũhteri bato sajā sa yaque masine, ni yahuahye Jesu.

(Ohō saha ni yahuahye watĩnore tiqiro yũhdũducarire yahuro. Watĩno tutuariqiro tiqiro ijiepegũta Jesu tiqirore yũhdũducare wafāre cohāno.)

²⁸ Sa ni tuhasa ohō saha ni yahu nemoahye Jesu:

—Poto niita niaja mũsare. Ijipihtiyē ñañe masa tiquina yegũ tiquina yahuducugũ gāhũre Cohācjũ bo masine.

²⁹ Sa boeperota Espiritu Santore tiquina ñano yahuducugũ ti pũritare ne bos. Tiquina sa nidi buhiri sa buhiri tiducuyequina ijjeta, niahye Jesu tiquinare.

³⁰ Jesu Espiritu Santo tiqiro tutuaye mehna wafāre tiqiro cohāpegũta “Tiqiro watĩno tutuaye mehna wafāre cohāno nine”, nimahye masa. Tiquina sa nigũ tũhoro ti quitire Espiritu Santo quitire yahuahye Jesu tiquinare.

Jesu acaye tiqirore pijiahye

(Mt 12.46-50; Lc 8.19-21)

³¹ Sa ye Jesu bahana tiqiro pacoro mehna wihiahye. Sa wihiyē sopecahapũ ijiahye. Apequinare piji dutiahye tiqirore.

³² Sa ye masa tiqiro cahapũ dujiyequina yahuahye tiqirore.

—Mũhũ paco, mũhũ bahana mehna sopecahapũ mũhũre pijiri, niahye.

³³ Tiquina sa nigũ tũhoro ohō saha niahye Jesu tiquinare buhero taro:

—¿Noa ijijari yũhũ paco, yũhũ bahana gāhũ, masa ihñagũ? niahye tiqiro tiquinare buhero.

³⁴ Sa nino tiqiro caha dujiyequinare ihñano ohō saha niahye:

—Ahriquina ijire yũhũ paco, yũhũ bahana yero saha ijieyequina. Cohācjũ cahmeñene yere ahriquina.

³⁵ Sa yeyequina yũhũ bahũ, yũhũ baho, yũhũ paco yero saha ijire, ni buheahye Jesu tiquinare.

4

Jesu oteriquiro quitire buheahye

(Mt 13.1-9; Lc 8.4-8)

¹ Sa ye pari turi ditara dũhtũ cahapũ Jesu buhe ðacahye. Sa ye topũre buhe ðacaro

masa peyequina tiqiro cahap̄u tiquina cahmecoagū ihñano Jesu pehe yucasap̄u buhe pahsahye. Sa ye masa pehe ditara dñht̄u cahap̄u ducuahye.

² Sa yero Jesu peye tiqiro tahotuye mehna piti dahre yahuahye tiquinare buhero.

³ —Ahri quitire tahoya masa, niahye tiqiro.

—Oteriqiro otero wahahye.

⁴ Tiquiro sa otegū apeye pjeri maha dñht̄u cahap̄u bora quehe sahye. Sa bora quehe saye pjerire minicj̄a ahta, ihya cāhye.

⁵ Sa ye apeye pjeri ut̄a pjeri watoa bora quehe sahye. Ut̄a pjeri watoa dihta marieda c̄j̄no ijiepegū duita pihnimahye.

⁶ Sa pihnidi ijieperota, asū tutuaro asigū nñchori marieda, ñaia wahahye.

⁷ Apeye pjeri taa watoa bora quehe sahye. Taa pehe dia yñd̄ua waha, oteri pehere wejē cāhye. Sa yero d̄uca mariedahye.

⁸ Apeye pjeri quehnoari dihtare bora quehe sahye. Quehnoano pihniñe ijero quehnoano d̄uca tiahye. Apeye c̄j̄u treinta pjeri, apeye c̄j̄u sesenta pjeri, apeye c̄j̄u cien pjeri d̄uca tiahye.

⁹ Ahrire quehnoano tahoya masa, niahye Jesu.

Jesu quti mehna tiqiro buherire yahuahye

(Mt 13.10-17; Lc 8.9-10)

¹⁰ Sa ye tiquina sehsaro ijieye doce buheye-quina, apequina Jesu mehna ijieyequina ti quitire masi duaye, Jesure sinituahye.

¹¹ Tiquina sa sinituri bato Jesu ohō saha ni yahuahye:

—Cohācj̄u masa pah̄toro tiqiro ijijere, panop̄u apequina tiquina masiedarire m̄sare masigū yere Cohācj̄u. Apequina pehere sa yerare tiqiro. Tiquinare quti mehnata buheitja.

¹² Sa ye tiquina ihñapeta ihñedariquina yero saha tojoare. Sa ye tahopeta masi. Tiquina masiñe quehnoañe pehere comesaboaya. Tiquina sa comesagū ihñano tiquina ñañe yerire boboaya Cohācj̄u. (Sa ijiepegūta tiquina pehe ne taho duerare,) niahye Jesu.

Jesu oteriqiro quitire yahu pehoahye

(Mt 13.18-23; Lc 8.11-15)

¹³ Tiquiro sa nidi bato ohō saha ni yahu nemoahye tiquinare:

—¿Ahri quitire tahoena nijari masa? ¿Masa ahri quitire tahoerana, dñhse apeye quitire tūhonatari masa? niahye Jesu tiquinare.

Sa ni tuhasa ohō saha ni yahu nemoahye tiquinare:

¹⁴ —Oteriqiro tiqiro oteri pjeri quehnoañe buheye yero saha ijire.

¹⁵ Sa yero maha dñht̄u caha bora quehe sari pjeri quehnoañe buheye yero saha ijire. Sa yero masa quehnoañe buheye tiquina tñhogū ihñano Satana pehe ahta, ti buheye quehnoañe buheye masi dutierare tiquinare, minicj̄a ti pjerire tiquina dote nediro saha yero.

¹⁶ Sa ye ut̄a pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheye taho, bucu-ye mehna duita tire taho ñehe maa wahare.

¹⁷ Sa taho ñehopeta ut̄a pjeri watoa ijieye c̄j̄u nñchori marieñe c̄j̄u yero saha ahriquina masa gñhu tutuerare. Sa tutueraye, ñano yñd̄aye, yeequina tiquina ijiri buhiri apequina tiquinare ñano yegū ihñañe yee pehere duhu cāhre. Apequina tiquinare ñano yegū tire ihcāno sahaeraye, yeere duhu cāhre.

¹⁸ Sa ye taa watoa bora quehe sari pjeri quehnoañe buheye yero saha ijire.

¹⁹ Sa ye masa quehnoañe buheye tñhopeta, ahri yehpa c̄j̄ene pajiro bñj̄ua witi tahotuye, niñeru pehere cahñe. Apee boro gñhure peye tutuaro cahmene. Tiquina sa ni tñhotugū ti pehe quehnoañe buheye cahmotare. Ti sa cahmotagū masa quehnoañe pehere yerare.

²⁰ Sa ye quehnoari yehrap̄u bora quehe sari pjeri quehnoañe buheye yero saha ijire. Sa ye masa quehnoañe buheye tñhoye tire cahmene. Sa masiñequina ijieye, Cohācj̄u tiqiro cahmeno sahata quehnoañene yere tiquina. Ihquēquina meheno quehnoañene yere treinta pjeri d̄uca tiro saha. Apequina bui c̄j̄no quehnoañene yere sesenta pjeri d̄uca tiro saha. Apequina pajiro quehnoañene yere cien pjeri d̄uca tiro saha, ni yahuahye Jesu tiquinare.

Jesu sihāria quitire buheahye

(Lc 8.16-18)

²¹ Sa ni tuhasa ohō saha ni nemoahye:

—Ne sihāriare dihi sutu docap̄u cūedare. Sa ye tiare cumuno docap̄u cūedare. Ūhmanop̄u duhu peore quehnoano buhrio dutiye.

²² Ijipiht̄iye tiquina masiedarire came masa masieta. Sihāria buhriogū mari ihñā masino saha panop̄are tiquina masiedarire masieta masa.

²³ Ahrire quehnoano tahoya masa.

²⁴ Mehenogā masi duana mehenogā masinata. Pajiro masi duana pajiro masinata. Sa yena masa tñhona quehnoano taho nñañña.

²⁵ Quehnoano taho nñnariqiro quehnoano masinota. Taho nñnariqiro, “Mehenogā tñhoaja”, tiqiro niepegūta ti pehe butia waharota, niahye Jesu tiquinare.

Jesu trigore oteriqiro quitire buheahye

26 Sa ni tuhasa ohō saha ni yahu nemoahye:

—Cohācjū masa puhtoro tiqiro ijiye trigore oteriqiro yero saha ijire.

27 Ote tuhasa bohrearo tiqiro oteri pihniñe ihñare tiqiro. “¿Dahse pihni wijia ta ducajari?” ni ihña masiedare oteriqiro tiqiro basi.

28 Ti oteri ti basi dūca tire. Pari pūgā wijia mahtare. Come pari paro wijia, bucuare.

29 Ti parori bucuare tuhasagū ihñano, pehere peheri pje ijigū. (Tiqiro ote, ti bucuarire tiqiro masiedaro saha Cohācjū yequina masa tiquina wahari gūhure yahu peho masiedare masa,) ni buheahye Jesu.

*Mostaza pje quitire yahuahye Jesu
(Mt 13.31-32; Lc 13.18-19)*

30 Sa ni tuhasa ohō saha ni buhe nemoahye queoye mehna buhero:

—¿Ne Cohācjū masa puhtoro tiqiro ijiye yabe boro yero saha ijiajari, masa tuhutugū? ¿Dise quiti mehna tire yahunatari?

31 Mostaza pjegā yero saha ijire Cohācjū puhtoro ijiye. Ti pjegā tiqiro otegāre mehni pjegā waro ijire.

32 Sa ijieperota ti pjegā quehnoano pihnine. Sa yero pajidu wahare. Sa ye tu dūpari bujaye dūpari bucuagū ihñañe minicjua ti dūparipū suhti suhare, niahye Jesu. (Sa nino ohō saha nino niahye. Mostaza pjegā pajidu tu bucuariro saha uhmuse cjānore mari puhtorore masiñequina meheñequinagā tiquina iji mahtaepēgūta camerare peyequina wahaeta.)

Quiti mehna tiqiro buherire yahuahye Jesu

(Mt 13.34-35)

33 Sa yero ti quiti tiqiro ni diro saha peye quitire tiquina tuho ñeheno puno quehnoañe buheyere buheahye tiquinare.

34 Quiti marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiqiro buheyequinare.

*Jesu wihnonore yusu dutiahye
(Mt 8.23-27; Lc 8.22-25)*

35 Sa ye ti decore ñamicahapū Jesu tiqiro buheyequinare ohō saha niahye:

—Isa, si pahrēpū pehāuhna, niahye tiquinare.

36 Tiqiro sa nigū tuhoye yucasapū sajā, masare yehapū ducyequinare tota cū, tiqiro buheyequina dihita Jesure ne pehā wahahye. Sa ye apeye yucasari mehna apequina tiquina bato pehāhye.

37 Tiquina sa pehāgū wihnono tutuaro wēahye. Sa wēno yucasare tutuaro pahcōri quē sajāhye. Mehenogā duhsamahye tiquina miniboriro.

38 Sa wahari watoa Jesu yucasa ohoturopū suhti puti buipū carño niahye. Sa ye tiquina tiqiore wahcōahye.

—¿Buhegu, mahū cuerajari? Mari minina tana niajū, niahye tiquina tiqiore.

39 Tiquina sa nigūta Jesu pehe wahcā, wihnonore,

—To punota wē duhuya, niahye.

Sa ninota pahcōri gūhure,

—Yusuhaya, niahye.

Tiqiro sa nigūta wihnono yuhdūa wahahye. Sa ye pahcōri gūhū yusu dijiaa wahahye.

40 —¿Dahse yena cue maca cāna niajari masa? ¿Masa yuhare wacū tutuerajari? niahye Jesu.

41 Sa wahagū ihñañe acua yuhdūa wahahye.

—¿Yohou, dahse ijiriqiro boro masūno ijiajari ahriqiro? Ahri wihnono, pahcōri gūhū tiqiro dutigū yuhdūucaerare tiqiore, niahye tiquina pehe.

5

*Watīare cuoriquiore yuhdūoahye Jesu
(Mt 8.28-34; Lc 8.26-39)*

1-2 Sa ye tiquina si pahrēpū Gerasa cjēna ya yehapū pehā sahye. Sa yero Jesu pehe yucasapū sañariqiro maja saducahye. Tiqiro sa maja saducari bato watīa cuoriquiuro masa coperi utā coperi watoapū ijiriqiro wijia ta, tiqiro cahapū ahtahye.

3 Watīa cuoriquiuro masa coperi watoa ijiriqiro ijiahye. Apequina pehe tiqiore come da pajiri da mehna ñehe dahte masiedahye.

4 Sa ye peye tahari masa tiqiore dahpocāri apōñe behtori mehna, come dari mehna dahtemahye. Tiqiro omocari gūhure dahtemahye. Sa yero tiqiro pehe come darire nuha, dahpocāri apōñe behtori gūhure nuha site majahye. Sa ye tutuariqiro tiqiro ijiro mehna masa pehe tiqiore ñehe masiedahye.

5 Nami ijigū, deco ijigū utā coperi watoapū canapū sa sañuducue tiahye tiqiro. Sa yero utā mehna tiqiro basi tiqiro pagure quēe tiahye.

6 Sa yero yoaropū Jesure ihñadoqueo tiqiro cahapū oma maa cāhta, dusepe curi mehna quehe sahye tiqiore ño peoro taro.

7-8 —Watīa duhuya tiqiore, niahye Jesu.

Tiqiro sa nigū tuhoro watīa cuoriquiuro ohō saha niahye:

—¿Jesu, Cohācjū tutuariqiro macu, yabere yegu tuu niajari mahū yuhare? Cohācjū tiqiro ihñonopū siniaja yuhū mahure. Yuhare ñano yeracāhña, ni sañuducuahye watīa cuoriquiuro Jesure.

9 —¿Dahse wame tiajari mahu? niahye Jesu tiqiurore.

—Usa peyequina ijiaja. Sa yena “Peyequina watia” wame tiaja.

10 Usa ahri dihtarpu ijinare ape siepu waha dutieracahna, niahye watia cuoriquiro.

11 Ti pjere yesea peyequina tiquina cahapu canu dahpotopu ihyaye niahye.

12 Topu tiquina ihyaducugu ihnafe, ohohaha ni siniahye watia:

—Sisequina yesea cahapu waha dutiye usare. Tiquina mehna iji dutiye usare, ni siniahye watia tiqiurore.

13 Tiquina sa nigu tuhoro tiquinare waha dutiahye Jesu. Tiqiuro sa waha dutigu watia masano mehna iji tiquina waha, yesea dos mil yesea cahapu esahye. Tiquina cahapu tiquina esari bato yesea pehe ijiptiyequina ditara dahpu cahapu oma buha, ti ditarapu bora nojoa, mini yaria pihtia wahahye.

14 Tiquina sa minigu ihnafe, yeseare cohteyequina pajiri macapu, daye macarigapu gahure tire yahuye waha, oma caa wahahye. Tiquina sa yahugu tuhoye masa pehe peyequina tiqiuro yerire ihnafe wahahye.

15 Sa ye Jesu cahapu wihiye, watia cuoriquiro tiqiuro suhti tiriqiuro, tuho masiniquiro tiqiuro dujigu ihnafe, ihna maria waha, cueahye.

16 Sa ye watia cuomediqiuro, yesea gahure tiquina sa wahirire ihnariquina apequinare yahu pehoahye.

17 Tiquina sa yahu pehogu tuhoye, Jesure tutuaro mehna ape siepu waha dutiahye.

18 Sa yero yucsapu Jesu tiqiuro sajagu ihnano, “Mahu mehna waha duaja”, ni tutuaro siniahye watiare cuomediqiuro Jesure.

19 Tiqiuro sa nigu Jesu tiqiurore yahuahye:

—Yuhu mehna wahaeracahna. Mahu ya wuhapu mahu caha ijiyequina cahapu yuhu mahu puhto mahu yuhu yerire yahugu wahaya. Mahure yuhu paja ihnarire yahugu wahaya tiquinare, niahye tiqiurore.

20 Tiqiuro sa nigu watia cuomediqiuro pehe Decapoli wame tiri macapu Jesu tiqiurore yuhdurire yahu ducahye. Tiqiuro sa ni yahugu tuhoye ijiptiyequina masa tuho maria wahahye.

Jairo maconore yuhduoro, dii mana wihoro dohatiducuricoro gahure yuhduoahye Jesu

(Mt 9.18-26; Lc 8.40-56)

21 Sa ye pari turi Jesu tiqiurore majare peha sagu masa peyequina tiqiuro cahapu ditara dahu cahapu cahmecoahye.

22 Sa yero usa judio masa buheri wuhure ihna ihboriquiro Jairo wame tiriqiuro

ahta, Jesure ihna, tiqiuro dahpocari cahapu dusepe curi mehna quehe saro, ohohaha niahye:

23 —Yuhu macoga yariaro nidi. Sa yegu ticorore mahu omoca mehna na peogu, yuhduogu ahtaya. Mahu sa yegu ticoro masanota, niahye tiqiuro Jesure.

24 Tiqiuro sa nigu Jesu gahu pehe tiqiuro mehna wahahye. Mahapu tiqiuro wahagu masa peyequina tiqiurore nahu ta ca bihsaro esaduca sahye.

25 Sa yero numino doce cahmari waro decoripe dii mana dohatiducuricoro topu ijiahye. To pano peyequina dutuara ticorore nano yuhdugu yeahye.

26 Sa yero dutuare ijiptiye ticoro niheru mehna wapa yemahye ticoro aco ye dutiro. Tiquina sa yepegata ticoro mananota ijiducu cahye. Sa yero ticoro tiquinare ihnari bato to pano ijiro yuhduoro nano wahahye.

27 Ticoro sa nano yuhdari bato Jesu yeyere tuhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore nehe tuhuahye.

28 “Yuhu tiqiuro suhtiro dihitare nehe tuhugu quehnoa wahagota”, ni tuhutuahye.

29 Sa yero ticoro sa nehe tuhuri bato ticoro dii mana dohatiyere yuhdugu ticoro pagure quehnoari pagu tuhutuahye.

30 Sa yero Jesu tiqiuro tutuaye mehna dohatiyere tiqiuro cohare masino, masa watoa majareduca sa ihnahe.

—¿Noa yuhu suhtirore nehe tuhujari? niahye tiqiuro.

31 Tiqiuro sa nigu tuhoye tiqiuro buheyequina ohohaha niahye:

—Bihsarine. Sa ye masa peyequina mahure pihare. “¿Noa yuhure nehe tuhujari?” nigu, dahse nigu sa najari mahu? niahye tiquina pehe tiqiurore.

32 Sa yero Jesu tiqiurore nehe tuhuricorore macahye.

33 Tiqiuro sa macano watoa ticoro pehe ticoro pagu quehnoa wahagu tuhuturo, cue nanare dusepe curi mehna quehe sahye tiqiuro caha tiqiurore no peoro.

34 Sa yero ticoro potota yahu pehoahye tiqiurore. Ticoro sa ni yahuri bato Jesu ticorore yahuahye:

—Maco, yuhure mahu wacu tutuaye mehna quehnoago tojoare yojopure. Bucueye mehna wahaya. Dohatiye mariego ijiya, niahye Jesu ticorore.

35 Tiqiuro sa ni yahuducuri bato judio masare buheri wuhure ihna ihboriquiro ya wahu ciena yahuye wihahye.

—Mahu maco yaria wahari. Sa yegu buheriquirore piji caheracahna, niahye tiquina.

³⁶ Tiquna sa niepegāta sa tūhotu cāhno, Jesu ti wūhare ihña ihboriquirore ohō saha ni yahuahye:

—Būjua witiēcāhña. Yūhare wacū tutuaya. Ti dihitare yeya, niahye ti wūhare ihña ihboriquirore.

³⁷ Sa ni tuhasa Santiago, tiqiro bahero Ñu, Pedro tiquna dihitare “Yūhu mehna ahtaya”, niahye Jesu.

³⁸ Sa yero judio masa buheri wūhare ihña ihboriquiro ya wūhuru esahye. Ti wūhuru masa peyequina ñano bisi ñehe quea utigū, tiquna sañuducugū tūhoahye Jesu.

³⁹ —Ñano ni, ñehe quea utiēcāhña masa. Ticorogā masa sa ni utigū yariere. Carño nine, niahye Jesu tiquinare.

⁴⁰ Tiquiro sa nigū tūhoye “Sa ni maca cāhno nine ahriqiro”, ni būjua hye tiquna pehe tiqirore.

Sa yero tiqiro tiquinare sopecahuru wio peho cāhye. Sa wio tuhasaro ticorogā pasasumare, tiqiro mehna cĵēna gūhare ticorogā cahuru neahye Jesu.

⁴¹ Sa yero Jesu ticoro omocare ñehe, “Talita cum”, niahye tiqiro. “Talita cum”, nino, “ ‘Mehenicorogā wahcāña’, niaja yūhu”, nino nine.

⁴² Tiquiro sa nigū ticorogā wahcādūca sa, tiniahye. Doce cūhmari cūricoro ijiahye ticoro. Ticorore tiqiro sa yegū ihñañe tiquna ihña maria wahahye.

⁴³ Sa yero Jesu tutuaro mehna tiqiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cĵēna Jesure cahmedahye
(Mt 13.53-58; Lc 4.16-30)

¹ Sa ye toru ijiriquiro Jesu waha, tiqiro buheyequina mehna tiqiro ya dihtaru tojoa sahye.

² Sa yero Jesu saurū ijigū judio masa buheri wūhuru buhe dūcahye. Tiquiro sa buhegū masa peyequina tiqirore tūhoye, acua wahahye.

—¿Ahriqiro nohoru tūhoyari ahri buheyere? ¿Dūhse yero quehnoano masi pehoajari ahriqiro? Cohācĵū tutuaye mehna ye ihñore ahriqiro masare.

³ Ahriqiro taboa dahrari masano María macano, Santiago, José, Juda, Simo tiquna wahminota ijimederō. Sa ye tiqiro bahana numia mari ya macaru ijimimedi. Sa yero tiqiro gūhu mari yero saha ijiriquiro ijire, niahye tiquna Jesure tūhoriquina.

Sa ye Jesure ihña tuhtiyē, tiqirore cahmedahye.

⁴ Tiquina sa cahmedagū ihñano ohō saha niahye Jesu:

—Cohācĵū yere yahu mūhtariqirore apequna ño peore. Tiquina sa ño

peoepēgāta tiqiro ya maca cĵēna, tiqiro acaye tiqiro ya wūhuru ijieyquinata ño peoerare tiqirore. Sa yena yūhare ño peoerare masa ohōre bucarigu yūhu ijigū, niahye Jesu tiquinare.

⁵ Sa yero ti macaru ijiriquiro Jesu Cohācĵū tutuaye mehna ye ihñō masiedahye. Sa ye ihñōedaperota ihquēquina dohatiyequina bui tiqiro omocare duhu peo, yūhdūoahye tiqiro.

⁶ Sa yero to cĵēna Jesure tiquna wacū tutueragū ihñano, “¿Dūhse ijire boro yūhare cahmedajari?” ni tūhotuahye tiqiro. Sa yero Jesu ti maca cahuru ijie macaruru buhero wahahye.

Jesu doce buheyequinare buhe dutiro ohoahye

(Mt 10.5-15; Lc 9.1-6)

⁷ Sa ye Jesu doce tiqiro buheyequinare pijio, pūeyequina dihita ohoahye tiquinare macaruru buhe dutiro. Sa yero tiqiro tutuayere ohoahye tiquinare wafiare tiquna cohātire.

⁸ Sa ohoro apee boro, ihyayere, ajurire, niñerure tiqiro ne cā dutierahye ajurire. Tiquina tuaye cĵū dihitare ne cā dutiahye tiquinare. Ihcānota suhtirore saña dutiahye tiquinare. Pūaro saña dutierahye.

⁹ Sa yero cūhta cūñe cahserire saña dutiahye tiquinare. Ihcā suhtirota saña dutiahye tiquinare. Pūaro saña dutierahye.

¹⁰ Sa yero ohō saha ni yahuahye tiquinare:

—Ijipihtiyē macaruru masare tiquna carño ohogū ti wūhuru tojoarña. Coā wahanaru wijiaya ti wūhare.

¹¹ Sa yena ape maca cĵēna masare tiquna cahmedagū tiquna tūho dueragū ti macare yūhdūana dahpocāri cĵē dihta esa wahārire wejē site cūñā masa tiquinare tiquna ye buhirire masigū yena, ni yahuahye Jesu tiquinare.

¹² Sa ye doce buheyequina masare tiquna ñañe yerire būjua witi dutiye, quehnoañe pehere ye dutiye, buheye wahahye.

¹³ Sa wahaye peyequina wafiare cohāñe, dohatiyequinare ūhse mehna wisōñe yūhdūgū yeahye.

Ñu wame yeriquirore apequna wejēahye
(Mt 14.1-12; Lc 9.7-9)

¹⁴ Sa ye Jesure masa peyequina masiahye. Sa yero tiqiro yerire pūtoro Herode tūhoahye. Sa tūhooro ohō saha ni tūhotumahye tiqiro: “Ñu wame yeriquiro yariariquiro pari turi bajuaro niaga. Sa bajuariqiro ijire tiqiro tutuaye mehna tūre yero niaga”, ni tūhotumahye Herode. “Jesu Ñuta ijire”, ni tūhotumahye.

¹⁵ Apequina pehe ohō saha ni tuhotumahye: “Elia ijire”, ni tuhotumahye. Apequina pehe “Cohācjū yere yahu muhtariquiro panopu cjēna yero saha ijire tiqiro”, ni tuhotumahye tiquina Jesure.

¹⁶ Tiquira sa ni tuhotuepegāta Herode pehe Jesu tiqiro yerire tuhoro ohō saha ni tuhotumahye. “Ńu yahu dapu date sure dutiriquiro bajuaro niaga”, ni tuhotumahye.

¹⁷⁻¹⁸ Ńure tiquina wejēato pano Herode tiqirore űehe duti, peresu ye dutiahye. Herode tiqiro bahuro Felipe namonore Herodia wame tiricorore ehma, namo tiahye.

—Mahu bahu namonore namo tigū Cohācjū dutiyere yuhduacagu nine mahu, ni yahuahye Ńu Herodere.

Tiquiro sa nidi buhiri Herode namono Herodia Ńure peresu tiquina yegū cahmeahye.

¹⁹ Sa yero ticoro pehe Ńure ihña tuhtiro, tiqirore wejē duti duamahye. Sa ye dueperota ticoro tiqirore wejē duti masiedahye.

²⁰ Herode Ńure cuero “Ńu quehnoañene yeriquiro, quehnoariquiro ijire”, ni tuhotuahye. Sa yero Herodere cariboro yeahye Ńu pehe tiqirore yahuro. Sa cariboepegāta tiqiro bucueye mehna tuhomahye Ńure.

²¹ Tiquiro sa bucueye mehna tuhoepegāta Herodia tiqirore ticoro wejē dutiati deco umu sahye. Ti pje Herode masa bajuari deco ijigū tiqiro bose deco dahreahye. Sa ye tiqiro yequina gobierno cjēna, surara puhtoa, Galilea cjēna puhtoa gāhu tiqiro ya bose decore ihñañe wihiahye.

²² Sa yero Herodia macono bose decore ihñano wihiro tiquina ihñonopu basa ihñoahye. Ticoro sa basa ihñogū ihñañe, Herode tiqiro pijioriquina gāhu bucueahye. Tiquina sa bucuegū ihñano ohō saha niahye Herode:

—Mahu cahmeñene siniña yuhare. Sa yegu ohogutja muhare mahu cahmeñene.

²³ Cohācjū mehna poto naja muhare. Mahu sinino puno yeere deco mehna ohogutja muhare, niahye tiqiro ticorore.

²⁴ Tiquiro sa nigū ticoro Herodia macono pehe ticoro pacoro cahapu waha, sinituahye:

—¿Yabere sinigotari yahu? ni sinituahye ticoro pacorore.

—Ńu wame yeriquiro dapure siniña, niahye ticoro pacoro pehe.

²⁵ Ticoro sa nigūta Herodia macono umñano puhtoro Herode cahapu waha, siniahye:

—Mianogāta Ńu wame yeriquiro dapure waparo mehna ohoya yuhare, niahye ticoro.

²⁶ Ticoro sa nigū tuhoro puhtoro Herode pehe tutuaro bujua witiahye. Masa tiquina ihñonopu “Ohogutja muhare”, niahye tiqiro. Sa yero bue tiro, tiqiro “Muhare ohoeraja”, ni masiedahye ticorore.

²⁷ Sa yero duita surarare peresupu ijiyequinare cohteriquirore Ńu dapure date sure ne cāhta dutiahye.

²⁸ Tiquiro sa dutigū tuhoro surara pehe waha, tiqiro dapure date sure, waparo mehna ne cāhtahye. Ne cāhta nuhminore Herodia maconore ohoahye. Sa yero ticoro tiqiro dapure űehe, ticoro pacorore oho yuhduahye.

²⁹ Sa ye Ńu buheyequina ijiriquina pehe tire tuhoye, topu esa, tiqiro pagare masa copepu ne cā, cūahye.

*Jesu cinco mil masare ihyaye ohoahye
(Mt 14.13-21; Lc 9.10-17; Jn 6.1-14)*

³⁰ Sa ye Jesu ohoriquina tiqiro cahapu tojoa saye, tiquina yerire, tiquina buherire yahuahye tiqirore.

³¹ Ti pjere masa peyequina sa majareducuye, tiquinare ne ihyaro ohoerahye. Sa yero ohō saha niahye Jesu tiquinare.

—Masa marienopu mari sehvaro sona wahañhna, niahye tiquinare.

³² Sa ye tiquina sehvaro yucusa mehna masa marienopu wahahye.

³³ Tiquina sa wahagū ihñañe masa peyequina tiquinare masiahye. Sa masiñe peye macari cjēna mahapu waha, Jesu tiqiro esatoru tiquina masa pehe oma cā esa muhtahye.

³⁴ Tiquina sa esagū Jesu tuha sa paha, yucasapu sañariquiro maja ducaro, tiqiro masa peyequina ijigū ihñañe. Oveja cohteriquiro marieñequina yero saha ijiahye masa, tiqiro ihñagū. Sa yero Jesu tiquinare paja ihñano, peye quehnoañe buheyere buheahye.

³⁵ Ńamicahapu doce buheyequina Jesu cahapu esa, ohō saha niahye:

—Ohō masa marienopu ijire. Ńamicaha waharo nine.

³⁶ Ohō cahagū ijiye wuhseripu, macaripu gāhure tiquina ihyatire dú dutiya masare tiquina pohe tiatire, niahye tiquina Jesure.

³⁷ —Ihyayere ohoya tiquinare, nimahye Jesu tiqiro buheyequinare.

Tiquiro sa nigū ohō saha ni yuhtiahye:

—¿Dos cientos niñeru cjoeri mehna tiquina ihyati pāre dúnatari usā? niahye tiquina Jesure.

³⁸ —¿Nohope paca pā ijiajari? Ihñana waha, niahye tiqiro.

Tiquiro sa nigū tiquina pehe ihyayere bocaye, ohō saha niahye:

—Ihcā omope paca pā paca, p̄aro wahi ijire, niahye tiquina pehe.

³⁹ Tiquina sa nigū tuhoro Jesu pehe pe cururi taa bui duji dutiahye masare.

⁴⁰ Tiquiro sa duji dutiri bato tiquina pe cururi dujiahye. Ihqū cururire cincuenta masa ijiahye. Apeye cururi pehere cien masa ijiahye.

⁴¹ Tiquina sa duji tuhasagū ihñano Jesu pehe ihcā omope paca pā pacare, p̄aro wahi mehna ne, uhm̄usep̄u ihña m̄uoahye. Sa ihña m̄uono Cohācjüre “Quehnoare”, nino niahye. Tiquiro sa nidi bato pā pacare nuha, tiquiro buheyequinare masare iti duti ohoahye. Sa yero p̄aro wahire iti dutiahye ijipihtiyequinare.

⁴² Sa ye ijipihtiyequina ihya, yapi yuhduwa wahaye.

⁴³ Tiquina ihya d̄uharire doce p̄uhuse waro p̄are, wahi ḡuhare ne cahmecoa wahpo dapoahye tiquina.

⁴⁴ Sa ye p̄are ihyariquina am̄ua dihitare tiquina queogū cinco mil am̄ua ijiahye.

Jesu aco bui tiniahye

(Mt 14.22-27; Jn 6.16-21)

⁴⁵ Ti p̄eta Jesu tiquiro buheyequinare yuc̄sap̄u sajā duti, ape sie pah̄r̄ep̄u Bet-saidap̄u tiquiro pano pehāyu dutiahye. Sa yero tiquina pehāri watoa Jesu pehe masare cohe tiahye.

⁴⁶ Cohe ti tuhasa c̄unap̄u Cohācjüre sinino wahaye.

⁴⁷ Came ñamip̄u yuc̄sa mehna ditarap̄u tiquina pehāducugū Jesu ihcāquirola tiquina pehā tarirorp̄u ijiahye.

⁴⁸ Sa yero tiquina ñano yuhduwajagū, tiquina pano wiñono wēgū ihñadoqueoahye tiquiro. Sa yero bohrea m̄aja tato pano tiquina cahap̄u esaro, aco bui tini cāa wahaye. Tiquinare tiquiro yuhduwacā duamahye.

⁴⁹ Tiquiro yuhduwacā duepegūta tiquirore aco bui ahtagū ihñañe, cue niahye. “Yari-ariquiro ijiboaga”, ni ihñamahye tiquina. Sa ni tuhutuye tiquina sañuducuahye.

⁵⁰ Ijipihtiyequina tiquirore ihñañe, ihña maria wahaye. Tiquiro sajāri batogāta ihñano Jesu tiquinare yahuahye:

—Wacū tutuaya m̄usa. Ne, yuhare cuer-acāhña. Yuhata ijiaja, niahye tiquinare.

⁵¹ Sa ni tuhasa tiquiro tiquina mehna yuc̄sap̄u sajāhye. Tiquiro sajāri batogāta wiñono yuhduwawahaye. Sa wahagū tiquina pehe acua yuhduwawahaye.

⁵² Tiquiro p̄are peye yerire wacūedahye tiquina. Tire quehnoano masiedahye.

Jesu Genesare c̄jēnare, dohatiyequinare yuhduwoahye

(Mt 14.34-36)

⁵³ Sa ye tiquina pehā sa, Genesare dihtap̄u pehā sa, tiare d̄ahte poho, d̄ahtu cahap̄u pahsahye.

⁵⁴ Sa ye yuc̄sap̄u ijiriquina tiquina majagūta masa pehe Jesure ihña masiahye.

⁵⁵ Sa ihña masiñe ijipihtiuro tiquina ya yehap̄u oma maja, dohatiyequinare tiquina cuñañe cahseri mehna yo cāhtahye. “Jesu top̄u ijiri”, masa nigū tuhoye top̄ure esahye tiquina.

⁵⁶ Sa ye ijipihtiye macari tiquiro esaye macarip̄u, buj̄uye macarip̄u, daye macarigāp̄u, meheñe wuh̄usegā ijiye cahap̄u ḡuhare masa dohatiyequinare Jesu cahap̄u nea cūahye. Sa top̄u maharip̄u tiquina cūnop̄u Jesure tiquiro suhtiro d̄ahtu cahare ñehe tuhu duaye, tutuaro siniahye tiquina:

—M̄uh̄u suhtiro d̄ahtu caha dihitare usāre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahagū yeyere yahuahye

Jesu

(Mt 15.1-20)

¹ Sa ye Jerusalēp̄u ahtariquina usā acaye judio masare buheyequina, fariseo masa ḡuh̄u Jesu cahap̄u cahmecoahye.

²⁻⁴ Fariseo masa ijipihtiyequina apequina judio masa mehna panop̄u c̄jēna tiquina dutiriro saha tiquina omocarine omo coserape ihyera tiahye. Sa ye doeri c̄jē duayequina cahap̄u esayequina tiquina ye wuh̄usep̄u wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panop̄u c̄jēna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohācjū sa cahmene”, niñe. Sa ye Jesu cahap̄u cahmecoañe Jesu buheyequina judio masa tiquina dutiriro saha tiquina omo coseragū ihñahye fariseo masa.

⁵ Sa ihña tuhasaye Jesure sinituahye:

—M̄uh̄u buheyequina ihyaye mari ñec̄sum̄na m̄na tiquina dutiriro sahata tiquina omocarine omo coserare. ¿D̄uh̄se yeye mari dutiyere yerajari? niahye tiquina Jesure.

⁶ Tiquina sa nigū tuhoro Jesu yahuahye tiquinare.

—Masa tiquina ihñono dihita quehnoano iji mehona ijire m̄usa. Cohācjū yere yahu mahtariquiro m̄n̄ano Isaia m̄usare panop̄ure potota yahue tiahye. Ohō saha niahye:

Ahriquina masa yuhare quehnoano yahuducuepeta yuhare ne ño peoer-are.

7 Sa ye yuhare tiquina ñu buheye dahseati ijierare. “Cohācjū ye dutiye ijire ahri”, ni meho buhere tiquina buheye, ni ojoahye Isaia.

8 Ti ijirota ijire. Panopu cjēna ye dutiye pehere yena tana Cohācjū ye dutiyere yerare mūsa.

9 Cohācjū ye dutiyere cohāna, mūsa acaye ye dutiye pehere yere mūsa.

10 Ohō saha yena Cohācjū ye pehere yuhduducana nine mūsa. Panopure ohō saha niahye Cohācjū tiquiro dutiyere Moiserere cūno: “Mūsa pacusumūare ño peoya. Ihcāquiro tiquiro pacusumūare ñano quti dahreriquiro ijiro ti buhiri tiquina wejēatiquiro ijirota”, niahye Cohācjū Moiserere tiquiro cūri dutiye.

11 Tiquiro sa niepegāta ohō saha ye dutire mūsa tiquina pacusumūare yedoho dutierana: Tiquina pacusumūare tiquina ohoborire Cohācjū pehere oho dutire mūsa. Sa ni buhemene mūsa.

12 Sa buhena tiquina pacusumūare ño peogū yerare mūsa tiquinare.

13 Sa yena Cohācjū dutiyere yuhduducana nine mūsa mari acaye panopu cjēna ye dutiye pehere yena. Apequinare mūsa ye buheye dihitare tuho dutire mūsa. Pe ye sa ijiyere yere mūsa, niahye Jesu tiquinare.

14 Sa ni tuhasaro apequinare pijioahye. Ohō saha niahye:

–Mūsa ijiphtina tuhoya yuhare. Yuhu niñene quehnoano masiña mūsa.

15 Mūsa dūserire sañāne pehe mūsa ihyaye pehe mū sare ñana ijigū yerare. Mūsa ñāne yahuducuye pehe mūsa dūseri wijiaye pehe mū sare ñana ijigū yere. [

16 Yuhare quehnoano tuhoya,] niahye Jesu.

17 Sa ni tuhasa Jesu masa cahapu ijiriquiro waha, wuhupu sañā wahahye. Sa sañā sagū ihñāne tiquiro buheyequina pehe tiquiro buherire sinituahye. Tiquina sa sinitugū tuhoro ohō saha niahye tiquiro:

18 –¿Ne tuho ñehedajari mūsa? Mūsa dūserire sañāne pehe mūsa ihyaye pehe mū sare ñana ijigū yerare.

19 Ti mūsa tuhotyepure sañāedare. Mūsa paapu sañā yuhdu wahare, niahye Jesu.

Sa nino “Ijiphtiyē ihyaye quehnoañe ijire”, nino niahye.

20 Ohō saha ni nemoahye:

–Mūsa ñāne yahuducuye pehe mūsa dūseri wijiaye pehe mū sare ñana ijigū yere.

21-22 Ñano tuhotyē, wūana tiye, numia mehna ñano yeducuye, umūa mehna ñano yeducuye, masare wejēne, yaqueye, apequiro yere tutuaro cahme yuhdaye, ñano yeye, ni mehoñe, peye ñāne yeducuye, apequiro yere coo ihñā tuhtiyē, ñano quti dahreye, “Apequinare yuhduducaja”,

ni tuhotyē, tuho masieñequina ijiyē, ti ijiphtiyē mū sare mūsa tuhotyepure ahtare.

23 Ijiphtiyē ahri ñāne mūsa tuhotyepure ahta, mū sare ñana ijigū yere, niahye Jesu.

Judio masono ijericoro Jesure wacū tuuahye

(Mt 15.21-28)

24 Sa yero Tiro wame tiri maca cahapu esaro, to cjā wuhupu sañā wahahye. Sa yero apequinare tiquiro ijiri wuhare yahu dutierahye. Sa yahu dutieraperota tiquinare tiquiro duhti masiedahye.

25 Ti pjereta numino ticoro macono wafino cuoricoro tiquiro cahapu ijiahye. Sa ye Jesu yerire ihñāne apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocāri cahapu dūsepe curi mehna quehe sahye tiquiro ño peoro.

26 Ticoro Siria yehpau ijiri yehpa Fenicia wame tiri yehpa cjōno ijiahye.

–Wafinore cohārīna yuhu macore, ni siniahye ticoro Jesure.

27 Ticoro sa sinigū tuhoro ohō saha niahye Jesu:

–Wahmanore wuhu upuro pohne ye ihyayere diayearē yuhu oho muhtagū to wahaerare. (Israe masa yere ape yehpa cjēnare yuhu oho muhtagū to wahaerare,) niahye Jesu ticorore queoye mehna yahuro.

28 –Sa jire puhto. Sa ijiepegāta diayea gūhu mesa doca tiquina pohne ihyā site dijioyere ihyā cohtere tiquina gūhu. (Ape yehpa cjō yuhu ijiepegāta yuhu gūhare yedoho masine mūhu,) ni yuhtiahye ticoro.

29 –Mūhu sa ni yuhtigū mūhu macore wafino duhu tuhasari. Ihñāgo wahaya, niahye Jesu ticorore.

30 Tiquiro sa nigū tuhoro waha, ticoro wuhupu esaro, ticoro maconore wafino marienioropure cuñanopu ijiricorore ihñāhaye.

Cahmono tuhoeriquirore, yahuducu masieniquirore yuhduwahye Jesu

31 Ti pjere Jesu Tiro wame tiri maca cahapu ijiriquiro waha, Sidō wame tiri macare esa yuhdu cā, Decapoli wame tiri macare esa yuhdu cā, Galilea wame tiri ditarapu esahye.

32 Sa ye cahmono tuhoeriquirore, yahuducu masieniquirore Jesu cahapu ne cāhtahye apequina.

–Mūhu omoca mehna ña peoya tiquirore, ni siniahye tiquina tiquirore.

33 Tiquina sa nigūta Jesu pehe tuhoeriquirore ne cā, masa marienopu siho esahye. Tiquina sehsaro ijiahye. Sa yero Jesu tiquiro omo piri mehna tuhoeriquirore cahmo coperire ohbe sōahye. Sa ye tuhasa, sihco puti, tiquiro ñehmenore ña peohye.

³⁴ Sa ye tuhasa ahmasepü ihña müo, jeri ne, ohõ saha niahye:

—Efata, niahye Jesu. “Efata”, nino “Põohña”, nino nine. Sa nino tiquirero tuho dutiro niahye. Sa yero yahuducu dutiro niahye.

³⁵ Tiquiro sa nigüta tiquiro pehe tuho boca, tiquiro ñehmeno cahbiro wahagü tuhuro quehnoano yahuducuahye.

³⁶ Sa yero Jesu tiquireno tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye.

³⁷ Sa ye masa tuho maria wahaye, ohõ saha niahye:

—Ijipihtiyere tiquiro quehnoano yere. Tuhoeyequinare quehnoano tuhogü yere. Yahuducu masieñequina gähure quehnoano yahuducugü yere Jesu, niahye masa.

8

Cuatro mil masare ihyayere ohoahye Jesu

(Mt 15.32-39)

¹ Ti pjere pari turi masa peyequina cahmecoari bato ihyaye marieñequina tiquina ijigü ihñano Jesu tiquiro buheyequinare pijioahye:

² —Ahriquina masa ihtia deco waro yahu mehna iji tuhasari. Sa ye tiquireno pohe mariedare. Tiquina pohe mariedagü ihñagu tiquireno paja ihñaja yahu.

³ Apequina tiquina mehna cjëna yoaropü ahtari. “Tiquinapü ujna ahbayequina mahapü borari”, nigü tiquireno ihyaye marieno tiquina ye wuhasepü waha duti dueraja. Sa yegü tiquireno pohe oho duaja, niahye Jesu tiquiro buheyequinare.

⁴ —¿Duhse ye mari ohõre masa marienopäre päre boca ohoboagari mari? niahye Jesu buheyequina tiquireno.

⁵ —¿Nohope paca pä pacare cuoajari müsa? ni sinituahye Jesu.

—Siete pä paca ijire, niahye tiquina.

⁶ Sa yero tiquiro masare yehpapü duji duti, siete pä pacare ne, Cohäcjüre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe päre masare itiahye.

⁷ Sa ye wahi gähure meheñequinagä cuoahye tiquina. Sa yero tiquireno Cohäcjüre “Quehnoare”, ni, wahi gähure iti dutiahye.

⁸ Tiquina iti tuhasagü tiquina ihyaye, yapi yuhüa wahahye. Tiquina ihya duharire siete puhuse waro ne cahmecoa wahpo dapoahye tiquina. Tiquina cuatro mil masa ijiahye.

⁹⁻¹⁰ Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucüsapü sajähye. Sajä tuhasa Dalmanuta wame tiri maca cahapü wahahye.

Fariseo masa Jesure Cohäcjü tutuaye mehna ye ihño dutiahye

(Mt 16.1-4; Lc 12.54-56)

¹¹ Sa ye fariseo masa wihi, Jesu mehna cahme duse tutuahye. Tiquina Jesure Cohäcjü tutuaye mehna ye ihño dutiye, tiquiro ye ihño masiedagü ihña duamahye.

¹² Tiquina sa dutigü tuhoro Jesu tutuaro bujua witi pihopüri, jeri sajädaro, ohõ saha niahye:

—¿Musa yojopü cjäna duhse yena müsa Cohäcjü tutuaye mehna ye ihñoñene ihña duajari? Potota niita niaja müsare. Yojopü cjänare müsare Cohäcjü tutuaye mehna ne ye ihñosi yuhü, niahye Jesu.

¹³ Sa ni tuhasa waha, pari turi yucüsapü sajä, ape sie pahrepü pehña wahahye.

Fariseo masa, Herode mehna cjëna gähure tiquina ñaie buheyere yahuahye Jesu

(Mt 16.5-12)

¹⁴ Sa wahaye, päre bo cü, yucüsapü ihcäriata päre cuoahye tiquina.

¹⁵ Sa yero Jesu cua pesaro mehna yahuahye tiquireno.

—Quehnoano yeya. Fariseo masa, Herode mehna cjëna gähü tiquina ye päre pugü yeyere ihñana quehnoano yeya. Cuarñe ti, ni yahuahye.

¹⁶ Tiquiro sa nigü tuhoye tiquiro buheyequina pehe tire tiquina basi yahuducuahye.

—Mari päre mari ne cähtaeragü ihñano sa niaga ahriquiri, nimahye tiquina.

¹⁷ Tiquina sa nidire masino tiquireno sinituahye Jesu:

—¿Duhse yena müsa pä borire wacüajari müsa? ¿Musa masiedajari? ¿Tuhoerajari? ¿Tuho duerajari müsa?

¹⁸ ¿Caperi tina ijiepenata ihñedajari müsa? ¿Sa yena cahmono tina ijiepenata tuhoerajari müsa? ¿Musa ahrire wacüedajari?

¹⁹ ¿Yuhü ihcä omope paca pä pacare nuha, cinco mil masare yuhü ohorige wacüedajari müsa? ¿Tiquina ihya duharire nohope puhüsere pä pacare müsa ne cahmecoa wahpo daporu puhüsere neari müsa? niahye Jesu tiquireno.

—Doce puhuse nei, niahye tiquina tiquireno.

²⁰ —¿Sa ye yuhü siete pä pacare cuatro mil masare yuhü ohori bato nohope puhüsere pä pacare müsa wahpo daporu puhüsere neari müsa? niahye Jesu.

—Siete puhuse nei, niahye tiquina tiquireno.

²¹ —¿Sa ihñäepenata quehnoano masiedajari müsa? niahye Jesu tiquireno.

Jesu caperi bajueriquirore ihñagū yeahye

²² Sa ye Betsaidaru tiquina esagū ihñañe, masa pehe caperi bajueriquirore ne cāhtahye.

—Tiquirore ña peoya, ni tutuaro siniahye tiquina Jesure.

²³ Sa yero Jesu caperi bajueriquiro omocare ñehe, ti maca dāhtu caharu tiquirore tuā cāhye. Topu ne sa, tiquiro caperire sihco puti, tiquiro omocari mehna tiquirore ña peohaye.

—¿Mūhu ihñagū bajuajari? ni sinituahye Jesu.

²⁴ Tiquiro sa nigū tiquiro pehe ihñano ohō saha niahye:

—Ūmuare ihñaja. Yūhu sa ihñaepegūta tiquina yucari tiniñe cju yero saha bajure, niahye caperi bajueriquiro.

²⁵ Tiquiro sa nigū tuhoro Jesu pehe tiquiro omocari mehna tiquiro caperire ña peohaye tja. Tiquiro sa ña peori bato caperi bajueriquiro tutuaro tiquiro ihñagū caperi quehnoano bajuahye. Sa yero ijiphtiyere quehnoano ihñahye tiquiro.

²⁶ Sa yero Jesu tiquirore tiquiro ya wūhuru ohoahye.

—Macaru pūritare wahaeracāhña, niahye Jesu tiquirore.

Jesu potota Cristo tiquiro ijiyere Cohācjū ohoriqūro tiquiro ijiyere yahuahye Pedro (Mt 16.13-20; Lc 9.18-21)

²⁷ Sa ye Jesu tiquiro buheyequina mehna Cesarea Filipino wame tiri maca caharu ijiiye macaripu waha nemoahye. Topu waharo Jesu sinituahye tiquiro buheyequinare:

—¿Noa boro ijiagari yūhu, masa yūhure tiquina tuhotugū? ni sinituahye tiquiro.

²⁸ Tiquiro sa sinitugū tuhoye yahtiahye tiquina:

—“Ñu wame yeriquiro ijire”, nine. Apequina “Elia ijire”, nine. Apequina “Cohācjū yere yahu muhtariquina mehna cjanō iji-boaga”, nine, ni yahtiahye tiquiro buheyequina tiquirore.

²⁹ Tiquiro sa nidi bato Jesu sinitu nemoahye:

—¿Musa pehe tuhotugū noa boro ijiagari yūhu? ni sinituahye tja.

—Mūhu Cristo Cohācjū ohorigu ijire, ni yahtiahye Pedro.

³⁰ Tiquiro sa nigū tuhoro Jesu ohō saha niahye:

—Yūhure “Cristo ijire tiquiro”, ni yahu site niedacāhña apequinapure, niahye tiquinare.

Jesu tiquiro yaria masa wijiatire yahuahye

(Mt 16.21-28; Lc 9.22-27)

³¹ Sa ye tiquiro buhe dūcahye tiquinare.

—Yūhu masu Cohācjū ohorigu ijijaja. Sa yegu tutuaro ñano yūhduguta. Sata waharo cahmene yūhure. Judio masa būsuna, pahia puhtoā, mari judio masare buheyequina yūhure cahmedaye, yūhure wejēeta. Tiquina sa wejēgū ihtia deco wahaboro masa wijiatutja, niahye Jesu tiquinare.

³² Sa nino ne tuho wisiagū yero marieno yahuro niahye tiquinare. Tiquiro sa nigū tuhoro Pedro pehe yoa cjunogā Jesure ne saduca, tiquirore sa ni dutierahye.

³³ Tiquiro sa ni dutieragū tuhoro Jesu tiquiro buheyequinare majare ihña, tuhtiahye Pedrore.

—Satana yero saha yahuducugu nine mūhu. Sa niedacāhña. Mūhu tuhotuye masa ye ijire. Cohācjū ye ijierare, niahye tiquiro Pedrore.

³⁴ Sa ni tuhasa masare tiquiro buheyequina mehna tiquiro caharu pijio ohō saha niahye:

—Ihcāquiro yaquiro iji duaro, tiquiro esa tuhoro ye duamedire duhu cānota. Sa yero yaquiro tiquiro ijiri buhiri ñano yūhdūperota yūhure duhusi. Sa yero yeere yeducuriquiro ijirota.

³⁵ Masano tiquiro esa tuhoro tiquiro cahmeno sahata yeriquiro pecaru waharota. Sa yero masano, yeere sa yeducuro, quehnoañe buheyere sa yeducuro, ijiphtiyere decori yūhu mehna ūhmusepu ijiducurota.

³⁶ ¿Ihcāquiro masano ahri yehpa cjene ijiphtiyere cūoriquiro pecaru waharo yabere wapatajari tiquiro? Sa ijiriquiro ne wapataerare.

³⁷ Pecaru tiquiro jeripohna wahagū ne dūhse wapa ye wioro basioeraga. Masano jeripohna ihyo waro ijierare.

³⁸ Yojo pure, ñañequina Cohācjūre cahmeeñequina tiquina esa tuhoro yeri deco ijiro nine. Ihquēquina yūhure, yūhu buheye gūhure bue tisāboaga. Tiquina sa yegū ihñagu yūhu masu Cohācjū ohorigu quehnoañequina angele mehna yūhu Pacu asi sitero mehna tojoa tagu yūhure bue tisāñequinare bue tisāgutja yūhu gūhu, ni yahuahye Jesu.

9

¹ Sa ni tuhasa ohō saha ni nemoahye Jesu:

—Potota niita nijaja musare. Ihquēquina musa ohōpure ijina musa yariato pano Cohācjū tiquiro puhtoro ijirōpure yūhu sa jāgū yūhure ihñanata, niahye Jesu tiquinare.

Jesu tiquiro pagure comesahye (Mt 17.1-13; Lc 9.28-36)

² Sa ye seis decori bato Jesu Pedrore, Santiagore, tiquiro bahuro Ñu gūhure ūhmanu cūhuru tiquina dihtare piji

majahye. Ʋmmanopu esari bato tiquina ihñonopu tiqiuro pagure comesaa wahahye.

³ Tiquiro suhtiro asi sitero yero saha yehsero wahahye. Ahri yehpa cjenā numia suhti coseyequina numia sa yehseye ye masiedare.

⁴ Sa ye Jesu Elia manano, Moise manano mehna tiquina yahuducugā ihñahye tiquina ihtiaro tiqiuro buheyequina.

⁵⁻⁶ Sa ye tiquina tutuaro cueahye. Sa cuero dahse ni masiedamehno ohō saha nimahye Pedro:

—Pah̄to, mari ohō ijigū quehnoa duare. Ihtia wuhugā yematja. Mūhu ya wuhugā, Moise ya wuhugā, Elia ya wuhugā yematja, nimahye tiqiuro Jesure.

⁷ Sa yero tiquina bui ehmeo curua cahmotahye. Sa cahmotagāta ehmeo watoapu nino ca tahye:

—Ahriqiuro yūhu macu yūhu cahñiqiuro ijire. Tahoya tiqiurore, nino ca tahye.

⁸ Sa nigūta Pedro gāhu ihñamahye. Jesu dihitare ihñahye. Tiquina ihñariquina pehe mariedahye.

⁹ Sa yero canapu tiquina dijia tagū Jesu tiquinare yahuahye:

—Mianogā yūhure sa waharire apequinare yahuercāhñā. Yūhu masu Cohācjū ohorigū yūhu yaria masa wijari bato tire apequinare yahuya mūsa, ni yahuahye tiqiuro.

¹⁰ Sa ye tiqiuro dutiriro sahata tiquina ihñarire yahuerahye apequinare. Sa ye tiquina basi ohō saha ni sinitu yahuducuahye:

—¿“Yūhu yaria masa wijari bato”, nino dahse nino niari tiqiuro? ni, yahuducuahye tiquina.

Sa ye Jesure ohō saha ni sinituahye:

¹¹ —“Cristo tiqiuro ahtato pano Eliare ahta mūhtano cahmene”, nine mari acaye judio masare buheyequina. ¿Dahse ijiro boro sa niagari tiquina? ni sinituahye tiquina tiqiurore.

¹²⁻¹³ Jesu yahtiahye:

—Ijirota ijire. Eliare ahta mūhta dutiri Cohācjū, ijiphtiyere quehno mūhtatiqiurore. Yūhu masu Cohācjū ohorigū peye tahari ñano yuhdugāta. Apequina yūhure cahmedaye, ñano yeeta. ¿Dahse ijiro boro tire sa ni ojoari, mūsa tahotugū? Sa yegu ahrire niitja masare: Elia wihi tuhasari. Tiquiro sa wihiepegūta tiquina cahmediro saha tiqiurore ñano yeahye. Sata ni ojoahye tiqiurore, niahye Jesu tiquinare.

Jesu coā wahmua cāhtariqiurore yuhduoahye

(Mt 17.14-21; Lc 9.37-43)

¹⁴ Sa ye dijia ta, apequina buheyequina cahapu esa, peyequina masare ihñahye.

Tiquiro buheyequina pehe judio masare buheyequina mehna cahme duse tutuaye niahye.

¹⁵ Sa ye Jesu gāhu tiquina dijia tagū ihñāñe, ijiphtiyequina masa acua waha, tiqiuro cahapu oma cāa wahahye. Tiquiro cahapu esaye,

—¿Ahtajari? niahye tiqiurore.

¹⁶ —Ahtaja, ni tuhasa,

—¿Dahse ni cahme duse tutuana niari mūsa tiquina mehna? ni sinituahye Jesu tiqiuro buheyequinare.

¹⁷ Tiquiro sa ni sinitugū tahoro, masa watoa ducuriquiro yahuahye tiqiurore:

—Buhegū, yūhu macure watīno cūoriqiurore mūhure ne cāhtami. Watīno pehe tiqiurore yahuducu dutierare.

¹⁸ Yūhu macure tiqiuro ñehegū yehpapu bora, bahque diho, būhaa wahae tiri tiqiuro. Sa waharo sahpo tua wahae tiri. Sa yegu mūhu buheyequinare watīnore cohā dutimi. Yūhu sa dutiepegūta tiquina cohā masiedari watīnore, ni yahuahye Jesure.

¹⁹ Tiquiro sa nigū tahoro Jesu ohō saha niahye tiquinare:

—Ne, yūhure wacū tutuerare mūsa. Yoari pje mū sare buhemaja yūhu. ¿Noho puno yoari pje yūhure mūsa cariboajari? Tiquirore ne cāhtaya yūhure, niahye Jesu.

²⁰ Tiquiro sa nigū tahoye watīno cūoriqiurore Jesu caha ne cāhtahye. Tiquina ne wihigū ihñano watīno pehe coā wahmua cāhtariqiurore yehpapu doque quehe sa, tunu nanaregū yeahye. Sa yero sahpo tuaa wahahye.

²¹ —¿Noho puno yoari pje watīnore cūoajari ahriqiuro? ni, sinituahye Jesu pehe tiqiuro pacurore.

—Nijinogā ijirōpata tiqiurore cūo ducari.

²² Sa yero watīno pehe tiqiurore pacapu, acopu cohā wejēmedi. Sa yegu mūhu ye masigu usāre paja ihñā, yedohoya, niahye tiqiuro pacuro Jesure.

²³ Tiquiro sa nigū tahoro ohō saha niahye Jesu:

—¿“Mūhu ye masiegu ijire”, niagari mūhu yūhure? Yūhure mūhu wacū tutuagū ihñano, Cohācjū ijiphtiyere ye peho masine, mūhure yedohoro, niahye Jesu.

²⁴ Tiquiro sa nigūta coā wahmua cāhtariqiurore pacuro ohō saha ni sañuducuahye:

—Mūhure wacū tutuaja. Yūhu wacū tutueragū ihñagu yūhure yedohoya mūhure yūhu wacū tutuato saha, niahye tiqiuro.

²⁵ Sa yero masa peyequina tiquina cahapu oma cāhta, tiquina cahmecoagū ihñano, Jesu watīnore ohō saha ni tuhtiahye:

—Mūhu yahuducu dutiegu, tūho dutiegu ahriqiuro mehna ijirigu wahaya. Sa wahagu tiqiurore pari turi cariboercāhñā, niahye Jesu.

²⁶ Tiqairo sa nigū tūhoro watīno sañuducu, coā wahmna cāhtariquirore yehparū doque quehe sa tunu nanaregū ye, wahahye. Tiqairo sa yegū coā wahmna cāhtariquiro yariariquiro yero saha wahahye.

²⁷ —Tiqairo yariaa wahare, nimahye masa peyequina.

Tiquina sa niepegūta Jesu pehe tiqairo omocare ñehe, tiquirore wahcōahye. Tiqairo sa wahcōgū wahcāhye tiqairo pehe.

²⁸ Came Jesu gūhū wāhūpū tiquina sa jā sagū tiqairo buheyequina tiquirore sinituahye:

—¿Dahse yena usā pehe watīnore cohā masiedayari, mūhū tuhōtugū? ni sinituahye tiquina.

²⁹ —Ahriquiro boro watīnore cohā duana Cohācǵiare tutuaro sinino cahmene mūsare, ni yahtiahye Jesu tiquinare.

Pari turi Jesu tiqairo yaria masa wiji-atire yahuahye

(Mt 17.22-23; Lc 9.43-45)

³⁰ Sa ye topū ijiriquina waha, Galilea yehparū esa, yūhdūa wahahye. Topū tiquina waharire apequina masigū cahmedahye Jesu tiqairo yequinare buhero taro.

³¹ Topū esaro tiqairo buheyequinare buheahye. Ohō saha ni buheahye:

—Yūhū masū Cohācǵū ohorigū ijiaja. Masa yūhūre ñehe, apequinapūre yūhūre ohoeta. Tiquina sa ohori bato yūhūre wejēeta. Tiquina sa wejōrigū ijiepegūta ihtia deco wahaboro masa wijiagutja, niahye tiquinare.

³² Tiqairo sa nigū tūhoye tiquina quehnoano tūho ñehedahye. Sa ye cueye, tiquirore tire sinitu nemoedahye.

Jesu buheyequina tiquina mehna cǵanore pūhto sō duaye nimahye

(Mt 18.1-5; Lc 9.46-48)

³³ Sa ye Capernaupū tiquina esari bato wūhūpū tiquina ijigū Jesu pehe sinituahye tiquinare.

—¿Mahapūre ahtana, dahse ni yahuducu cāhtana niari mūsa? ni, sinituahye tiquinare.

³⁴ Tiqairo sa sinitugū tiquina yahtierahye. Mahapūre ahtaye, cahme ohō saha ni yahuducu cāhtaye niahye:

—¿Mari mehna cǵanore diquiro pehere mari pūhoro sōnari mari? ni yahuducuye niahye mahapūre ahtaye.

³⁵ Sa ye tiquina sa nidire bue tiye Jesure yahtierahye. Tiquina sa yahtieragū ihñano Jesu nuju sa, tiqairo buheyequinare doce buheyequinare pijio ohō saha niahye:

—Musa pūhtoa iji duana ijipihtiyequina masa tiquina cahacǵāna ijiro cahmene mūsare. Sa yena ihyo ijina ijipihtiyequina docapū ijinata mūsa, niahye Jesu tiquinare.

³⁶ Sa nino ninjogāre tiquina watoa duhu docoahye. Duhu doco tuhasa tiquirogāre ne wūa, ohō saha ni yahuahye:

³⁷ —Yeere ye duana ahriquirogāre mūsa cahmena, yūhū gūhūre cahmene mūsa. Sa yena yūhūre cahmena, yūhūre ohorigūiro mari Pacū gūhūre cahmene mūsa, niahye Jesu tiquinare.

Marine ihñā tuhtiriquiro ijieraro, mari mehna cǵāno ijire

(Mt 10.42; Lc 9.49-50)

³⁸ Came Nū ohō saha niahye Jesure:

—Buhegu, mūhū wame mehna watīare cohāriquirore usā ihñāu. Mari mehna cǵāno tiqairo ijieragū ihñāna tire tiquirore ye dutierahiti usā, niahye tiquina.

³⁹ Tiquina sa nigū tūhoro Jesu tiquinare yahuahye:

—Sa niedacāhñā mūsa tiquirore. Ihcāquiro yūhū wame mehna Cohācǵū tutuaye mehna yero, came yūhūre ñāno ni yahuducu masiedare.

⁴⁰ Marine ihñā tuhtiriquiro ijieraro, tiqairo mari mehna cǵāno ijire.

⁴¹ Mūsare potota ni niaja. Yeequina mūsa ijigū ihñāne apequina mūsare tiquina yedohogū ihñāno Cohācǵū tiquinare quehnoano yerota. Acore mūsare tiquina mehenogā sihōgū tiquinare quehnoano yerota Cohācǵū tiquina sa yeri wapa, niahye Jesu tiquinare.

Ñañene yegū cuarīne

(Mt 18.6-9; Lc 17.1-2)

⁴² Sa yero Jesu yahu nemoahye:

—Ahriquirogā yero saha ijiriquirore yūhūre wacū tutua ducariquirore yahugutja mūsare. Apequiro ahriquirogā yero saha ijiriquirore ñañene ye dutiro tiqiro ña yūhdūaro yūhdūrota. Ihcāquirore tiqiro wamūpū pajiria atāre duhte yo, pajiri mapū tiquirore tiquina cohāgū ñāno wahaboaga tiqiro. Sa ijiepegūta ahriquirogā yero saha ijiriquirore ñañene ye dutiriquiro tiqiro pehe pajiri mapū tiquina cohāriquiro yūhdūoro ñāno yūhdūrota.

⁴³⁻⁴⁴ Mūhū omoca mehna ñāno yegū ti omocare mūhū dūte cohāboriro saha ti mūhū ñāno yeye pehere duhuya. Tire duhueragū pecapū wahagūta. Topure ne peca yatierare. Sa ye becoa ne yarierare. Mūhū omocare cohāgū ti si dihita butiboaga. Sa yegū mūhū pehe sa bajuri turu ijiepegūta came Cohācǵū mehna ijigūta. Pua omoca mehna pecapū wahagū mūhū sa wahagū ña yūhdūaboaga. Sa yegū ti mūhū ñāno yeye pehere duhuya.

⁴⁵⁻⁴⁶ Mūhū dahpocā mehna ñāno yegū ti dahpocā gūhūre mūhū dūte cohāboriro saha ti mūhū ñāno yeye pehere duhuya. Tire duhueragū pecapū wahagūta. Topure ne peca yatierare. Sa ye becoa ne yarierare. Mūhū dahpocāre mūhū cohāgū ti si dihita

butiboaga. Sa yegü sa bajuri turu ijiepegata came Cohäcjö mehna ijigata. Pua dahpocä mehna pecapu wahagu mühu sa wahagü ña yuhduaboaga. Sa yegü ti mühu ñano yeye pehere duhuya.

⁴⁷⁻⁴⁸ Mühu capea mehna ñano yegü tiare ore we mühu cohaboriro saha ti mühu ñano yeye pehere duhuya. Tire duhueragu pecapu wahagata. Topure ne peca yatierare. Sa ye becoa ne yarierare. Tiare mühu cohägü tia dihita butiboaga. Ihcä capea mariedapegata came Cohäcjö mehna ijigata. Pua capea mehna pecapu wahagu mühu sa wahagü ña yuhduaboaga. Sa yegü ti mühu ñano yeye pehere duhuya.

⁴⁹ Ahri yehparü ijina ñano yuhduanata musa. Pecapu mari üjügü marine purüno saha ñano yuhduanata musa.

⁵⁰ Moa quehnoano ocare. Moa ocaeragü ti moare ocagü yero basioerare. Moa ocaeraro ti moa ne quehnoaedare. Ti moare duhsero basioerare. Sa ijigü ihñano ti moare cohäno cahmene. Moa quehnoano ti ocaro saha musa gähu masa quehnoana ijia. Sa yena apequina mehna quehnoano mehna ijia, ni yahuahye Jesu tiquinare.

10

Tiquina namosänumiare cohähene yahuahye Jesu
(Mt 19.1-12; Lc 16.18)

¹ Sa ye tiqiro topu ijiriqiro waha, Judea yehpa cahapu esa, Jordä wame tiri ma ape sie pahrepu esahye. Topu tiqiro esagü ihñañe masa peyequina tiqiro cahapu cahmecoahye tja. Tiquina sa cahmecoagü ihñano to pano tiqiro buheriro sahata pari turi buheahye tja.

² Tiquiro sa buheri watoa fariseo masa wihiahye. Jesure ñano tiqiro yahuducugü taho duamahye tiquina. Sa taho duaye tiquina Jesure sinituahye.

—¿Mari namosänumiare cohägü quehnoaboagari? ¿Mari dutiye pehe sata ye dutiajari, mühu tshotugü? ni sinituahye tiquina.

³ —¿Duhse ye dutiajari to Moise musare tiqiro curi? ni yuhtiahye Jesu.

⁴ —“Päpera püre masa cohähene yahuyere ojoana musa namosänumiare cohä masine”, niahye Moise, ni yuhtiahye fariseo masa pehe.

⁵ Tiquina sa nigü tuthoro ohö saha ni yahuahye Jesu:

—Cohäcjö dutiyere musa ye dueragü ihñano sa ni ojoahye Moise.

⁶ Tiquiro sa ni ojoari ijiepegata ahri yehpare bajumehnediqiro amüno, numino gähure yeahye.

⁷ Sa yero amüno tiqiro pacusumüare cohä wijia, tiqiro namono mehna ijirota.

⁸ Sa ye tiquina puaro ijiepeta ihcä pagu yero saha ijire. Sa ye tiquina puaro yero saha ijierare. Ihcä pagu yero saha ijiepe nine.

⁹ Cohäcjö tiqiro omoca dahte dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰ Sa ni tuhasa tiqiro buheyequina mehna wuhuru sajäa wahahye. Wuhuru sajä sa, tiquina namosänumiare cohähene tiqiro buheyequina sinituahye tja tiqirore.

¹¹ Tiquina sa sinitugü tiqiro yuhtiahye:

—Tiqiro namonore cohäriqiro apcorore namo tiro, apcorore mehna ñano yeriqiro ijire. Sa yero tiqiro cohäricorore ñano wahagü yero nine.

¹² Sa yero numino pehe ticoro manonore cohäno, apeqirore manu tiro, tiqiro mehna ñano yericoore ijire, niahye Jesu tiquinare.

Macanagä ye ijiatire Cohäcjöre sini basahye Jesu

(Mt 19.13-15; Lc 18.15-17)

¹³ Sa ye macanagäre Jesure ña peo dutiye tehe tiquinagäre Jesu cahapu ne cähtaye niahye. Tiquina sa yegü ihñañe tiqiro buheyequina pehe tiquinagäre ne cähtayequinare tuhtiahye.

¹⁴ Tiquina sa tuhtigü ihñano Jesu usuaro, ohö saha niahye tiquinare:

—Macanagä yuhu cahapu ahtaahro. “Waharisa”, niedacähña tiquinagäre. Tiquinagä Cohäcjöre tiquina puhtoro tshoture. Sa ye Cohäcjö tiqiro puhtoro ijirupare ahriquinagä yero saha tshotuyequina ijire topure.

¹⁵ Ijirota niita niaja musare. Ahriquinagä Cohäcjöre tiquina cahmeno saha musa pehe cahmedana, tiqiro cahapu wahasi musa. Musa wahaeragü musa puhtoro ijisi tiqiro, niahye Jesu.

¹⁶ Sa ni tuhasa Jesu macanagäre ne wua, tiquinagäre ña peoro ohö saha niahye:

—Ahriquinagä quehnoañequina wahaahro, ni sini basahye Cohäcjöre.

Doeri cjä upuro Jesure sinituahye

(Mt 19.16-30; Lc 18.18-30)

¹⁷ Sa ye Jesu mahapu tiqiro wahaducugü apeqiro pehe oma cä, tiqiro dahpocäri cahapu dusepe curi mehna quehe sahye tiqirore ño peoro.

—¿Ne, quehnoagu buhegu, yuhu ijipihtiyere decori Cohäcjö mehna iji duagu duhse yegutari yuhu? niahye tiqiro Jesure.

¹⁸ Tiquiro sa nigü Jesu yuhtiahye:

—¿Duhse ijiro boro yahure “Quehnoagu”, ni pisujari mühu? Cohäcjö dihita quehnoariqiro ijire.

¹⁹ Ahri Cohäcjö dutiyere masine mühu: Masare wejädacähña. Wüana tieracähña.

Yaqueracãhña. Ni mehoedacãhña. Apequina yere ni meho nedacãhña. Mûsa pacusumûare ño peoya. Ahri dutiyere yero cahmene masare, ni yahuahye Jesu tiquireore.

²⁰ –Buhegu, tire ijipihtiyere coã wahmua câhtagu ijigaputa yuhducaera tii yuhu, niahye tiquireo Jesure.

²¹ Tiquireo sa nigû tuhoro Jesu pehe tiquireore ihñadoque ohô, cahñahye. Sa yero ohô saha niahye:

–Mehenogã dũhsare mũhure mũhu ye pehoato. Ijipihtiyere mũhu yere duagu wahaya. Sa yegu ijipihtiyere mũhu wapatarî niñerure pejesuoyequinare ohoya. Mũhu sa yegû pajiro mũhu ye umũseru, Cohãcjû caharu ijirota. Mũhu sa yeri bato yuhu mehna cjû ijiajcu ahtaya, niahye Jesu tiquireore.

²² Tiquireo sa nigû tuhoro tiquireo pehe peye doeri cjê cœoriquiro ijiro tire pejesuoyequinare oho dueraro, bujua witi, coera, wahaah wahahye.

²³ Tiquireo sa bujua witiwû ihñano Jesu majareduca sa, tiquireo buheyequinare ihñadoque ohô, ohô saha niahye:

–Doeri cjê cœoyequina Cohãcjû puhtoro ijirupure tiquireare waharo basioera cjûre, niahye tiquireare.

²⁴ Tiquireo sa nigû tuhoye tiquina pehe tiquireore tuho maria wahahye. Sa ni tuhasa Jesu pari turi yahuahye tiquireare:

–Yuhu acaye, ijipihtiyequina doeri cjê opana Cohãcjûre wacũno marieno Cohãcjû puhtoro ijiroru tiquireare waharo basioerare.

²⁵ Camello pehe awia copepu tiquireo sajã duagû basioerare. Tiquireo sa ijiro yuhduoro doeri cjê cœoriquirore Cohãcjûre wacũno marieno Cohãcjû puhtoro tiquireo ijirupure tiquireore waharo basioerare, ni yahuahye tiquireare.

²⁶ Tiquireo sa nigû tuhoye to pano tiquina tuho mariariro yuhduoro tuho maria waha, tiquina basi ohô saha niahye:

–Yohou, tiquireo nino sahata potota ijigû ne ihcãquiro masunore yuhdueraboaga Cohãcjû, niahye tiquina basi.

²⁷ Tiquina sa nigû tuhoro Jesu tiquireare ihñadoque ohô, ohô saha niahye:

–Masa tiquina esa tuhoro quehnoano yeri mehna Cohãcjû caharu waha masiedare. Cohãcjû pehe masare pecaru wahaboriquinare yuhduo masine. Tiquireo ijipihtiyere quehnoano ye masi peho câhre, niahye Jesu tiquireare.

²⁸ Tiquireo sa nigû Pedro tiquireore ohô saha niahye:

–Tuhorõña. Usã pehe ijipihtiyere usã yere cû câu mũhu mehna wahana tana, niahye tiquireo Jesure.

²⁹ Tiquireo sa nigûta Jesu ohô saha niahye:

–Ijirota niita niaja musare. Quehnoañe buheyere, yeere yena tana yuhure ño peona tana musa wuhusere, musa bahanare, musa pacusumûare, musa pohñare, musa weserire cûrina ijina, pajiro wapatanata musa yojopure.

³⁰ Sa yena musa wuhusere, musa bahanare, musa pacosãnumiare, musa pohñare, weserire, to pano musa cœoriro yuhduoro yojopure peye cœonata musa. Sa ye arequina musare ñano yeeta. Sa yena camerure ape tjuropu ijipihtiyere decori Cohãcjû mehna ijinata.

³¹ Yojopure peyequina puhtoa ijiriquina ti pjepure ihyo ijieyequina tojoaeta. Sa ye yojopure peyequina ihyo ijieyequina ijiriquina ti pjepure puhtoa comesaeta tja, ni yahuahye Jesu tiquireare.

Pari turi Jesu tiquireo yaria masa wiji-atire yahuahye

(Mt 20.17-19; Lc 18.31-34)

³² Sa ye tiquina maharu maja, Jerusalêpu mûjañe niahye. Jesu tiquina panogã umu tãhye. Sa tiquireo umu tãgû ihñañe tiquireo buheyequina ihña maria wahahye. Sa ye tiquina bato nunu târiquina pehe cuero mehna nunu tãhye. Sa yero Jesu tiquireo buheyequinare tiquina sehsharo neahye tja. Sa yero masa tiquireore dahse yeatire Jesu yahu dũcahye tiquireare.

³³ –Tuhoya yuhure. Yojopure Jerusalêpu wahana niaja mari. Toru masa yuhu masure Cohãcjû ohorigure ñehe, apeqinapure yuhure ohoeta. Pahia puhtoare, mari acaye judio masare buheyequina gũhure yuhure ohoeta. Sa ye yuhure wejê dutieta tiquina. Sa wejê dutiye judio masa ijieyequina pehere yuhure ohoeta.

³⁴ Tiquina sa ohori bato tiquina pehe yuhure bujure, sihco puti ohô, tana, wejêeta. Sa yegu yuhu yariari bato ihtia deco wahaboro masa wijiagutja, ni yahuahye Jesu tiquireare.

Santiago, Ñu mehna Jesure siniahye
(Mt 20.20-28)

³⁵ Sa ye Santiago, Ñu mehna Jesu caharu esaye, siniahye tiquireore. Tiquina Zebedeo pohne ijiahye. Sa ye ohô saha ni siniahye:

–Buhegu, usã sinino saha usãre yeya mũhu, niahye tiquina Jesure.

³⁶ –¿Dahse yuhu yegû cahmeajari musa? niahye Jesu tiquireare.

³⁷ –Ijipihtiyequina puhtoro ijigu usãre mũhu mehna duji dutiya. Ihcãquiro mũhu poto pehe, apeqiro mũhu cû pehe pehe duji dutiya usãre, mũhu mehna puhtoa usã ijiaato saha, niahye tiquina Jesure.

³⁸ Tiquina sa nigû tuhoro ohô saha ni yahuahye Jesu tiquireare:

–Musa ñano yuhduatore masiedapenata sa sinine yuhure. ¿Yojopure yuhu ñano

yuhduato saha m̄sa ḡuh̄u ñano yuhduna ihcāno sahaboagari? ni sinituahye tiquinare.

³⁹ Tiquiro sa sinituḡu tuhoye tiquina yuhtiahye:

—Ihcāno sahanata, ni yuhtiahye tiquina.

Tiquina sa niḡu Jesu oh̄o saha ni yahuahye:

—Yuh̄u ñano yuhduato saha ñano yuhdunata m̄sa ḡuh̄u.

⁴⁰ M̄sa sa yuhduanaja m̄sa ijiepeḡuta, yuh̄u mehna dutiatiquinare, yuh̄u mehna dujiatiquinare bese masiedaja yuh̄u. Ahrire yuh̄u Pac̄u pehe quehno tuhasari. Sa ye tiquiro beseatiquina dihita yuh̄u poto pehe yuh̄u c̄u pehe pehe dujeta, niahye Jesu tiquinare.

⁴¹ Sa ye arequina p̄na omopequina buheyequina Santiago, Ñu ahriquina p̄naro mehna usuahye tiquina sa sinidire tuhoye.

⁴² Tiquina sa usuaḡu ihñano Jesu tiquiro buheyequinare pijio oh̄o saha niahye:

—Coh̄c̄j̄are masieñequina p̄h̄toa pehe tiquina masare dutiye, usuaro mehna dutire.

⁴³ M̄sa pehe ne sa yesi m̄sa basi. M̄sa mehna c̄j̄ano p̄h̄toro iji duaro, ijiphiyequina tiquiro mehna c̄j̄ena cahac̄j̄ano ijiro cahmene tiquirore.

⁴⁴ Sa yero ijiphiyequinare dutiriquiro iji duaro, arequina cahac̄j̄ano ijiro cahmene tiquirore.

⁴⁵ Sata ijiḡu ijiaja yuh̄u ḡuh̄u. Yuh̄u mas̄u Coh̄c̄j̄u ohorigu ijiepeḡuta ahri yehp̄ru masare yedohoḡu ahtau. Sa yeḡu peyequina masa ye buhirire yariagu ahtagu ni. Sa yeḡu peyequina masare pecap̄u wahaboriquinare yuhduogu ahtagu ni. Masare dutip̄eḡu ahtagu niedu, niahye Jesu tiquinare.

Bartimeore, caperi bajueriquirore ihñaḡu yeahye Jesu

(Mt 20.29-34; Lc 18.35-43)

⁴⁶ Sa ye tiquina Jeric̄op̄u esahye. Sa yero Jesu tiquiro buheyequina, masa peyequina mehna ti macap̄u ijieyequina tiquina wahaḡu Bartimeo pehe maha d̄h̄tu cahap̄u dujiahye. Tiquiro Timeo mac̄no caperi bajueriquiro ijiro, decoripe masare niñerure siniducuriquiro ijiahye.

⁴⁷ Sa yero top̄u Jesu Nazare c̄j̄ano tiquiro cahap̄u ahtaḡu tuhoro Bartimeo oh̄o saha ni sañuducuahye:

—Jesu, Davi m̄n̄ano panami iji turiagu, masare yuhduoac̄j̄u, paja ihñaña yuh̄are, ni sañuducuahye Jesure.

⁴⁸ Tiquiro sa niḡu tuhoye masa peyequina Bartimeore “Dihta mariañña”, ni tuhtiahye tiquina tiquirore. Tiquina sa tuhtiḡu tuhoro Bartimeo to pano tiquiro sañuducurico yuhduo c̄j̄uno sañuducu nemoahye tja:

—Jesu, Davi m̄n̄ano panami iji turiagu, masare yuhduoac̄j̄u, paja ihñaña yuh̄are, ni sañuducuahye tiquiro.

⁴⁹ Tiquiro sa ni sañuducuḡu tuhoro Jesu pehe esad̄uca, “Pijiohya tiquirore”, niahye. Tiquiro sa niḡu tiquina pehe caperi bajueriquirore pijio c̄ahye:

—Bucueya. Wahc̄aducaya. Tiquiro mah̄are pijiore, niahye tiquina Bartimeore.

⁵⁰ Tiquina sa niḡu tuhoro tiquiro bui c̄j̄a suhtirore tu we c̄u, uhpu yuhdu c̄a, Jesu cahap̄u esad̄ucahye.

⁵¹ Sa yero Jesu sinituahye tiquirore.

—¿D̄h̄se yuh̄u yeḡu cahmeajari mah̄u? niahye Jesu tiquirore.

—Yuh̄u p̄h̄to, yuh̄are ihñaḡu yeya, niahye caperi bajueriquiro.

⁵² —Wahaya. M̄h̄u yuh̄are wac̄u tutuagu quehnoa wahare, niahye Jesu tiquirore.

Tiquiro sa niḡuta caperi bajueriquiro ihñaa wahahye. Sa quehnoa waharo Jesu mehna mahap̄u wahaa wahahye.

11

Jerusal̄ep̄u esahye Jesu

(Mt 21.1-11; Lc 19.28-40; Jn 12.12-19)

¹ Sa ye Jerusal̄ep̄u tiquina esato panoḡa Betfaḡe wame tiri maca cahap̄u, Betania wame tiri maca cahap̄u ijid̄ap̄u, Olivo wame tid̄u c̄anap̄u esa muhtahye. Top̄u esaro p̄n̄arore tiquiro buheyequina mehna c̄j̄enare Jesu ohoro oh̄o saha niahye:

² —Si macap̄u wahaya. Top̄u esana duita burroḡare tiquina d̄h̄te docoriquiroḡare bocanata. Apequina pesamehnediquiroḡa ijiaja. Tiquiroḡare bocana, yuta dare p̄a, ne c̄ah̄ta basaya yuh̄are.

³ M̄sa sa yeḡu ihñano burroḡa up̄uro “¿D̄h̄sena burroḡare p̄jari?” tiquiro niḡu tuhona, oh̄o saha ni yuhtia tiquirore: “Mari p̄h̄toro burroḡare cahmedoqueo nidi. Sa yero mianoḡata wiarota tiquiro”, ni yahuya tiquirore, ni yahu duti ohoahye tiquiro buheyequinare p̄n̄arore.

⁴ Tiquiro sa niḡu waha, w̄h̄u cahap̄u ijiri mahap̄u sopecaha cahap̄u burroḡare tiquina d̄h̄te docoriquiroḡare bocahye.

⁵ Sa ye tiquiroḡare yuta dare tiquina p̄aḡu ihñaña top̄u ducueyehna sinituahye tiquinare:

—¿D̄h̄se yena tana m̄sa yuta dare p̄jari burroḡare? ni sinituahye tiquina.

⁶ Tiquina sa niḡu tuhoye, tiquina pehe Jesu tiquiro nidiro sahata yahuahye top̄u ducueyehna. Tiquina sa yahuḡu tuhoye top̄u ducueyehna pehe “Neahña”, niahye tiquinare.

⁷ Sa ye tiquina burroḡare Jesu cahap̄u ne sahye. Tiquina ne sari bato tiquiroḡa bui tiquina suhtire duhu peo tuhasaḡu ihñano,

Jesu pehe tiquirogā bui mąja pjeahye, waharo taro.

⁸ Sa ye masa peyequina tiquina bui sañañe suhtire tu we ne, maharų seō cū mąhtahye, Jesure ño peoye. Apequina pehe pūri tiye dąpırire weseripų tiquina ne cąhtari dąpırire maharų cūahye.

⁹ Sa ye tiquirō pano wahayequina, tiquirō bato ahtayequina mehna ohō saha ni sañuducuahye:

—Ahriquirōre ño peouhna. Ahriquirō Cohācjų tiquirō ohoriquiro quehnoano ijiahro.

¹⁰ Mari ñecu iji turiariquiro Davi munano pąhtoro tiquirō ijiriro saha ahtariquiro quehnoano ijiahro. Өmmuse cјunore “Tutuagų ijire”, ni ño peouhna, ni sañuducuahye tiquina.

¹¹ Sa yero Jesu Jerusalęrų esaro Cohācjų ya wąhųrų sajā saro, ti wąhųrų ijijere ijipihtiyere ihña peho cąhye. Ihña tuhasa “Ñamicaharų ijire. Deco cјunota wahauhna”, nino, Jesu tiquirō buheyequina doce buheyequina mehna Betaniarų wahahye.

Jesu higuerağure yaria dutiahye

(Mt 21.18-19)

¹² Sa ye ape deco tiquina Betaniarų ijiriquina wahaa wahahye. Sa yero Jesu pehe uña ahbaa waha, yoaropų higuera wame tidare quehnoano pūri tidare ihñano tu ducare macano wahamahye.

¹³ Ducca mariedahye. Ducca tiri pje ijieraro pūri dihita ijiahye.

¹⁴ Sa yero ducca mariedagų ihñano ohō saha niahye:

—Ahdų ducare masa ne pari turi ihyeracąhdo. Ne ducca tieracąhdo, niahye Jesu.

Tiquirō sa nigų tiquirō buheyequina pehe tuhoahye.

Jesu Cohācjų wąhųre Cohācjų mehna yahuducuri wąhųre dutiahye

(Mt 21.12-17; Lc 19.45-48; Jn 2.13-22)

¹⁵ Tiquirō sa yeri bato tiquina Jerusalęrų esahye. Topų esaro, Jesu Cohācjų ya wąhųrų sajā saro apee boro duayequinare, dųyequina gąhure cohā wioahye. Sa yero niñeru comesaye mesarire yo wahcō, ne majare cū mąjahye. Bujuaare duayequina tiquina dujiye pahtari gąhure sata yeahye.

¹⁶ Sa yero apee borore ne sajā dutierahye masare.

¹⁷ Sa yero Jesu ohō saha ni buheahye tiquinare:

—Ohō saha nine Cohācjų yere tiquina ojoari pū: “Ya wąhų Cohācjų mehna yahuducuri wąhų wame tirota. Sa yero ijipihtiro cјena ya wąhų ijirota”, ni ojoahye Cohācjų yere tiquina ojoari pū. Ti pū sa niepegųta masa pehe ahri wąhųrų duna, masa basi cahme yaquere masa, ni buheahye tiquinare.

¹⁸ Tiquirō sa ni buheğų ijipihtiyequina masa pehe tuho maria wahahye. Sa ye pahia pąhtoa, usā judio masa buheyequina mehna tiquirōre cue niahye. Sa ye tiquina tiquirōre wejęatire wacų macamahye.

¹⁹ Tiquina sa yegų ñamicaharų Jesu tiquirō buheyequina mehna ti macarų ijiriquina wahaa wahahye.

Higuerağų ñaia wahahye

(Mt 21.20-22)

²⁰ Sa ye bohrearo maharų maja taye, higuerağure ihñahye. Tu nuhcoripų ñai ducca, ñaia wahahye tu.

²¹ Ture ihñano Pedro pehe wacų, ohō saha niahye:

—Buheğų, ihñaña. Higuerağų mąhų yaria dutidu yaria wahaya, niahye Pedro.

²² Tiquirō sa nigųta Jesu yahuahye tiquinare:

—Cohācjųre wacų tutuaya masa.

²³ Jjirota niita niaja masare. Ahdų canure pajiri marų masa cohā dutigų masa nidiro saha sa waharota. Cohācjųre quehnoano masa wacų tutuagų “Yųhų sinidiro saha waharota”, masa ni tuhotugų masa nidiro saha waharota.

²⁴ Sa yegų ahrire yahugųtja masare. Cohācjų mehna yahuducuna, tiquirōre sinina, “Yųhų sinidiro saha ohorota yąhure”, ni tuhotuya. Masa sa yegų ihñano Cohācjų masa siniñene ohorota.

²⁵ Sa yena Cohācjų mehna masa yahuducuatō pano masare apequina tiquina ñano yegų masa usarire duhuya. Masa sa yegų ihñano mari Pacų ahmuse cјano masa ñañe yeri pehere tiquirō gąhų usua duhurōta. [

²⁶ Masare ñano yeriquinare masa usua duhueragų mari Pacų gąhų ahmuse cјano masa ñañe yeri pehere usarō ne duhusi tiquirō gąhų,] niahye Jesu.

Pahia pąhtoa, judio masare buheyequina, bucuna mehna Jesu mehna cahme duse tini wiahye

(Mt 21.23-27; Lc 20.1-8)

²⁷ Tiquirō sa nidi bato tiquina Jerusalęrų wahahye tja. Sa ye Jesu Cohācjų wąhųrų tiquirō tinigų ihñañe pahia pąhtoa, usā judio masare buheyequina, bucuna gąhų tiquirō caharų esaye, tiquirōre sinituahye:

²⁸ —;Duhseğų canure sa yeari mąhų? ;Noa mąhure tire sa ye dutiari? ni sinituahye tiquina Jesure.

²⁹ Tiquina sa nigų Jesu yahtiahye:

—Masa pehere sinitu mahtagųtja. Quehnoano yąhure masa yahtigų masare yahugųtja yųhų gąhų.

³⁰ ;Nu masare tiquirō wame yegų noa boro pehe tiquirōre wame ye dutiyari, masa tuhotugų? ;O Cohācjų dutierayari? ;O masa pehe tiquirōre dutiyari, masa tuhotugų? ni sinituahye tiquinare.

³¹ Tiquiro sa nigū tiquina pehe tiquina basi ohō saha niahye:

—¿Duhse ni yahtinatari mari? “Cohācjū Ñure dutiri jiri”, mari nigū, “¿Duhse Cohācjū Ñure tiquiro dutiepegāta tiquirore tūho duerari mūsa?” niboaga Jesu marine.

³² Sa yero “Ñu tiquiro wame yegū Cohācjū pehe tiquirore dutierari jiri”, mari nigū masa pehe usueta mari mehna, niahye tiquina basi.

“Potota Ñu Cohācjū yere yahu mahtariquiro ijire”, ni tūhotue tiahye masa pehe. Sa ye pahia pūhtoā, usā judio masare buheyequina, bucāna mehna tiquinare cue niahye.

³³ Sa ye tiquina Jesure ohō saha ni yahtiahye:

—Ñure wame ye dutiriquirore usā masiedaga, niahye tiquina Jesure.

—Ti pje pūrita yuhū gūhū ahrire yuhū yerire dutiriquirore yahueraja masare, niahye Jesu tiquinare.

12

Ñañequina dahra cohteyequina quitire yahuahye Jesu

(Mt 21.33-46; Lc 20.9-19)

¹ Sa ye Jesu tiquiro tūhotuye mehna ohō saha ni queoye mehna buhe dūchahye tiquinare.

—Wese upūro uhse darire oteahye. Ote tuhasa, sahrīnore doco, uhserē tiquina cahta mūtoati copere sehe, uhmūari wūhūgā dahreahye tiquiro. Sa yero ti wesere apequinare ihcā pehe pahma cūno, ti wesere cohte dutiahye. Cohte duti tuhasa ape sierū wahaā wahahye tiquiro.

² Came uhse ñidi pje ijigū wese upūro tiquiro cahacjūnore wese cjē tiquiro ya pahma cjē dūcare ne dutiro ohomahye.

³ Sa ye wesere cohteyequina pehe tiquiro cahacjūnore ñehe, quēahye tiquirore. Sa ye tuhasa tiquiro cahacjūnore uhse tōhorine ohoerapeta toja dutiahye tiquirore.

⁴ Sa yero wese upūro apequiro tiquiro cahacjūnore ohomahye tja. Sa ye cohteyequina pehe tiquiro dapure camī dahre, ñano yeahye tiquina tiquirore.

⁵ Sa yero apequiro pehere tiquiro ohogū cohteyequina tiquirore wejēahye. Peyequina apequina gūhūre sa dihita ye mūjahye. Apequina pehere quē, apequina pehere wejēahye tiquina.

⁶ Sa yero wese upūro macāno dihita dahsahye. Tiquiro cahñiquiro ijiahye. Sa yero tiquiro macāno ohoahye, “Yuhū macū pehere ño peota”, nino.

⁷ Tiquiro sa ni tūhotuepegāta cohteyequina tiquina basi ohō saha ni yahuducuahye: “Wese upūro macāno ijire ahriquiro. Tiquirore wejēihna mari. Sa yero

ahri wese mari ya wese tojoarota”, nimahye tiquina basi.

⁸ Sa ñiñe tiquirore ñehe, wejē, wese dūhtū cahapū ne cā, cohā cāhye tiquina tiquirore.

⁹ ¿Ne wese upūro ahtaro dahse yerotari tiquiro wesere cohteyequinare, mūsa tūhotugū? Ohō saha yerota tiquinare: Tiquiro tiquinare wejēno, apequina pehere wesere cohte dutirota.

¹⁰⁻¹¹ ¿Cohācjū yere tiquina ojoari pūre ahrire buherari mūsa? Ohō saha ni ojoahye:

Ahriquiro Cristo utā yero saha ijire. Utāre wūhūre dahreyequina tiquina cohāno saha masa tiquirore cohāeta. Tiquina sa cohāepegāta yojopure wūhūre dahreyequina wūhūre yeye, tiquina cū mahtaria utāre tiquina cūno saha Cohācjū tiquirore pūhtoro sōri. Cohācjū pehe ahrire yeri. Tiquiro sa yegū ihñana, “Quehnoa yūhdūare”, ni tūhotuaja mari, ni ojoahye panopure.

¿Tire ne buherari mūsa? niahye Jesu tiquinare.

¹² Tiquiro sa nigū tūhoye pahia pūhtoā, usā acaye judio masare buheyequina, bucāna mehna ohō saha ni tūhotuahye: “Jesu wesere cohteyequina quitī mehna marine tuhtiro nine”, ni tūhotuahye. Sa ni tūhotuye Jesure ñehe duamahye. Sa ñehe duepeta masare cue niahye. Sa cueye tiquirore cohā cāā wahahye.

Fariseo masa, Herode ya curua cjēna mehna gobierno cjē wapare sinituahye Jesure

(Mt 22.15-22; Lc 20.20-26)

¹³ Waha, tiquina fariseo masare, Herode ya curua cjēna gūhūre Jesure sinitu dutiye ohoahye tja. Jesu ñano tiquiro yahtigū ye duamahye tiquina, tiquirore yahusāñe tehe.

¹⁴ Sa ye Jesu cahapū esaye, tiquirore niji sio sinitumahye:

—Buhegū, poto yahuducugū, ni mehoñe mariegū mūhū ijigū masiaja usā. Cohācjū yere queoro mūhū yahugū gūhūre masiaja usā. Sa yegū ihcāquiro pūhtoro waro ijiepegāta tiquiro gūhūre dōyaro marieno potota yahure mūhū. Sa yegū usāre yahuya. ¿Roma cjāno ijipihtiyequina pūhtoro yere marine wapa yero cahmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinituahye tiquina Jesure.

¹⁵ Tiquina sa sinitugū tūhoro tiquina ñano ye duayere masino Jesu ohō saha ni sinituahye tiquinare:

—¿Duhse yena yuhū ñano yahuducugū tūho duajari mūsa? Yojopure ñiñeru cjoere

ne cāhtaya. Ti cjoere ihñauhna, niahye Jesu tiquinare.

¹⁶ Tiquiro sa nigū tūhoye tiquina pehe ihcā cjoer ne cāhtahye. Tiquina ne wihigā Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihyequina puhtoro queoye, tiquiro wame gāhu wahñare, ni yahtiahye tiquina.

¹⁷ Tiquina sa nigū Jesu yuahyehye tiquinare:

—Ti pje pūrita masa ijipihyequina puhtoro yere tiquiro pehere ohoya. Cohācjū yere Cohācjū pehere ohoya, ni yuahyehye Jesu.

Tiquiro sa nigū tūhoye tūho maria wahyehye.

Cohācjū tiquiro masoatire yuahyehye Jesu saduceo masare

(Mt 22.23-33; Lc 20.27-40)

¹⁸ Sa ye ihquēquina saduceo masa Jesu cahapū wihiahye. Saduceo masa pehe “Cohācjū yariariquinare masosi”, ni tūhotuyequina ijiahye.

¹⁹ Sa ye tiquina ohō saha niahye tiquirore: —Buhegu, ohō saha ni buheahye Moise: “Ihcāquiro wahmino namo tiriquiro pohna mariedaperota yariagū ihñano tiquiro bahurore tiquiro wahmino namono ijiricorore nuoano cahmene. Sa yero wahmino mūnano tiquiro pohna tiboro saha pohna tiro cahmene tiquiro bahurore. Sa ye tiquiro pohne tiquiro wahmino mūnano pohne yero saha ijietā”, ni ojoahye Moise, niahye tiquina Jesure.

²⁰ Tire ni tuhasa, ahri quitireta yahu nemoahye Jesure:

—Ihcāquiro masūno ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye.

²¹ Sa yero apequiro tiquiro bahurore gāhu tiquiro wahmino namono ijiricorore suomahye. Tiquiro sa nuoari bato tiquiro wahmino yero saha pohna mariedaperota yariaa wahahye tja. Sa yero ahriquiro bahurore tiquiro wahmino mūnano yero saha pohna mariedaperota yariaa wahahye.

²² Sa dihita wahahye ihcāquiro pohne waro. Ne pohna mariedapeta yariaa pihitia wahahye tiquina. Tiquina namono ijiricoro gāhu tiquina batota yariaa wahahye.

²³ ¿Ne, Cohācjū ijipihyequinare yariariquina mūnare tiquiro masogū diquiro namono pehe ijiritari ticoro? Tiquina ijipihyequina ticorore namo tiriquina mūna ijiahye. ¿Sa yero diquiro namono pehe ijiboagari ticoro pototi? ni sinituahye tiquina.

²⁴ Jesu yahtiahye tiquinare:

—Cohācjū yere tiquina ojoari pūre, tiquiro masiñe gāhure ne masiedare mūsa. Sa yero mūsa tūhotuyehye pehe ne poto ijierare.

²⁵ Yariariquina mūna tiquina masa mūjari bato angele yero saha ijire. Namō marieñequina, manū marieñe numia ijire topare.

²⁶ Yariariquina mūna tiquina masa wiji-ato pehere masare yahugutja: Tire Moise quehnoano yahu pehoahye. Mehenagā ujāri quitire ohō saha ni yuahyehye tiquiro: “Yūhū Abrahā, Isaac, Jacob tiquina puhto tjiāja’, ni yahuri Cohācjū yuhñare”, ni ojoahye Moise tiquiro ojoari pūre.

²⁷ Tiquina yariari bato “Tiquina puhto tjiāja”, ni yuahyehye Cohācjū. Sa nieperota yariariquina mūna puhtoro ijierare Cohācjū. “Tiquina puhto tjiāja”, tiquiro niñe mehna catiyequina tiquina ijigū masiaja mari. Tiquiro catiyequina puhtoro ijire. Sa yena “Yariariquina masasi”, ni tūhotuna potota tūhotuerare mūsa, niahye Jesu tiquinare.

Quehnoa yuhñuro dutirore yuahyehye Jesu

(Mt 22.34-40)

²⁸ Sa ye ihcāquiro usā acaye judio masare buheyequina mehna cjanō tiquina cahapū wihi, tiquina cahme yahuducugū tūhoahye. Jesu quehnoano yahtiyere tūhoro sinituahyehye tiquirore.

—¿Cohācjū ye dutiro quehnoa yuhñuari dutiro noho pehe ijijari, mūhū tūhotugū? ni sinituahyehye tiquiro Jesure.

²⁹ Jesu tiquirore yuahyehye:

—Ahri dutiro ijire apeye dutiye bui quehnoa yuhñuari dutiro: “Israe masa, tūhoya. Cohācjū mūsa puhtoro yūhū ihcūta ijijaja.

³⁰ Tutuaro mūsa jeripohnari mehna, quehnoano mūsa wacūñe mehna, mūsa tutuaye mehna yuhñare cahñā”, nine Cohācjū.

³¹ Ahri dutiro bato apero dutiro quehnoano ijire. “Mūhū basi mūhū cahñno saha mūhū cahapū ijieyequina gāhure cahññā”, nine Cohācjū. Ahri puaro dutirota ijipihye apeye dutiye yuhñurore ijire, ni yuahyehye Jesu tiquirore.

³² Tiquiro sa nigū judio masare buheriquiro ohō saha niahye:

—Sa tjire. Buhegu, potota nine mūhū. Cohācjū ihcāquirota ijire. Apequiro tiquiro yero saha ijiriquiro mariedare. Mūhū niñe potota ijire.

³³ Cohācjūre tutuaro mari jeripohnari mehna, mari wacūñe mehna, mari tutuaye mehna tiquirore cahñno cahmene marine. Yūhū caha ijieyequinare yūhū basi yūhū cahñno saha tiquina gāhure cahñno cahmene yuhñare. Wahiquinare

wejë ujāa m̄no mari ohori mehna mari ño peogū quehnoarimene. Ahri yuhduoro Cohācjāre, masa gūhare mari cahīñe quehnoa yuhduare. Mūhu sa niñe ijirota ijire, niahye judio masare buheriquiro Jesure.

³⁴ Tiqiro sa quehnoano yuhtigū tūhoro Jesu yahuahye tiqirore:

—Mehenogā dūhsare mūhare Cohācjāre mūhu quehnoano masiato, niahye tiqirore.

Tiqiro sa nigū tūhoye apequina cueye, ne sinituerahye Jesure.

Cristo Davi m̄nano p̄horo ijire

(Mt 22.41-46; Lc 20.41-44)

³⁵ Sa ye Cohācjū wūhūpū buhero ohō saha niahye Jesu:

—“Cristo Davi m̄nano panamino iji turiariquiro ijire”, ni buhere mari acaye judio masare buheyequina. ¿Dūhse niñe sa ni buhejari tiquina?

³⁶ Davi tiqiro basi Espiritu Santo tiqiro dutiriro sahata ohō saha ni yahuahye:

Cohācjū yūhu p̄horo ohō saha nidi: “Ohōpū yūhu poto pehe dujiya. Sa yegū mūhare ihña tuhtiyequinare mūhare yuhduca basagutja yūhu”, nidi Cohācjū yūhu p̄horo, ni ojoahye Davi m̄nano.

³⁷ Sa ni ojoaro Davi m̄nano p̄horo tiahye Cristore. ¿Davi m̄nano Cristo ñecano m̄nano iji turiariquiro ijieperota dūhsero Davi pehe p̄horo tiyari Cristore? Cristo Davi m̄nano p̄horo ijire, ni yahuahye Jesu.

Tiqiro sa ni buhegū peyequina masa bucueye mehna tuhoahye tiqirore.

Jesu judio masare buheyequina tiquina ñāñene yahuahye

(Mt 23.1-36; Lc 11.37-54; 20.45-47)

³⁸ Sa yero tiqiro buhe nemono ohō saha niahye:

—Mari acaye judio masare buheyequina tiquina ñāñe yeyere quehnoano ihñaña. Sa yena tiquina yero saha yeracāñña. Tiquina yoaye suhti saña, masa tiquina ihñonopū majare, doeri cje dūaropū apequina p̄htoare quehnoano ño peo tiquina sinino saha tiquina piti ca sinigū cahmene tiquina.

³⁹ Sa ye mari judio masa buheye wūhusepū quehnoañe dujiye dihitarē duji duare. Sa ye bose deco ijigū topū gūhare quehnoañe dujiye dihitarē cahmene tiquina.

⁴⁰ Tiquina wape wiha numia ye wūhusere tiquina cūoye gūhare ehmare ti numiare. Sa ye tiquina masa ihñonopū yoari pje Cohācjāre siniducumene masare ihña dutiye. Tiquina sa yeri buhiri apequina bui cjūno tiquinare Cohācjū pajiro buhiri dahrerota, niahye Jesu tiquinare.

Wape wihoro ticoro ohorire yahuahye Jesu

(Lc 21.1-4)

⁴¹ Sa yero Jesu Cohācjū wūhu cje niñeru tiquina sāri acaro cahapū dujiahye. Topū masa tiquina niñeru duhu sīgū ihña dujiro niahye. Sa ye niñeru opana ti acaropū pajiro duhu sāhye.

⁴² Sa yero wape wihoro pejecuoricoro ti acaropū ahta, pūa cjoegā duhu sāhye. Pūa cjoē ihcā centavo pose ijire.

⁴³ Ti cjoeri ticoro duhu sīgū ihñano tiqiro buheyequinare pijioahye:

—Ijirota niita niaja m̄sare. Ahricoro wape wihoro pejecuoricoro pehe niñeru ihbori acaropū duhu sāno apequina ijipihitiyequina tiquina ohori yuhduoro ohori ticoro pehe.

⁴⁴ Apequina doeri cje opana pajiro tiquina ohopegūta tiquina ye pajiro dūhsare. Ahricoro pehe pejecuoricoro ijieperota ijipihitiye ticoro ihyatire dūborigāre oho pehori, niahye Jesu.

13

—Cohācjū wūhu cohāri wūhu ijirota, niahye Jesu

(Mt 24.1-2; Lc 21.5-6)

¹ Sa ye Cohācjū wūhūpūre tiquina wijiagū ihcāqiro buheyequina mehna cjūno ohō saha niahye:

—Buhegū, ihñaña. Ahri wūhuse quehnoañe utā paca mehna tiquina yeri wūhuse quehnoa yuhduaye wūhuse ijicjoare, niahye tiqiro.

² Tiqiro sa nigū Jesu yahuahye tiquinare:

—Ahri ijipihitiye mari ihñari wūhuse, ahri wūhuse cje utā paca gūhare cohā pehoeta. Ne ihcāria utā tojoasi, niahye Jesu tiquinare.

Decori p̄htiatire yahuahye Jesu

(Mt 24.3-28; Lc 21.7-24; 17.22-24)

³ Sa ye Jesu Olivo wame tidū cūpū Cohācjū wūhu potopū ijidūpū esahye. Tu buipū dujiahye. Topū Pedro, Santiago, Ñu, Andre mehna tiquina sehvaro ijiye, tiquina tiqirore sinituahye:

⁴ —Yahuya usāre. ¿Dūhse ijigū sa waharotari mūhu niديو saha waharo? ¿Deco p̄htiatō panogā ijigū dūhse ti waha dūcagū ihñanatarī usā? ni sinituahye tiquina Jesure.

⁵ Jesu yuhtiahye:

—Quehnoano yeya masa. Sa yena apequina tiquina ni mehoñene tuhoeracāñña masa.

⁶ Peyequina masa “Cristo ijiaja yūhu”, ni mehoñequina ahtaeta. Tiquina sa ni mehogū tūhoye peyequina masa Cohācjū yere duhueta.

⁷ M̄sa cahagā masa apequina tiquina cahme wejēgū tūhonata m̄sa. Sa yena yoaropū gūhare tiquina cahme wejēgū

tuhoonata musa. Sa tuhoopenata ne tire pajiro tuhotueracáhña. Sa waharota. Tiquina sa yegū pihtiati deco dūhsarīnota.

⁸ Ti pjere ihcā yehpa cjēna ape yehpa cjēna mehna cahme wejēeta. Sa ye ihcāquiro puhtoro yequina apequiro puhtoro yequina mehna cahme wejēeta. Sa yero ijipihtiri yehpa űuhminota. Sa ye peyequina masa űjua mehna yarieta. Sa wahagū ahri yehpa cjēnare tiquina űano yuhdu nemoato dūhsarīnota. űano yuhdurīeta.

⁹ Sa wahagū ihñana masa basi quehnoano yeya. Apequina musare ñehe, űano ye dutiye ohoeta apequina puhtoapare. Sa ye judio masa mari buheye wuhsepu musare quēeta. Tiquina sa yegū bujaye macari cjēna puhtoa, tiquina bui puhtoa gāhu musare buhiri dahreye tehe sinitueta musare. Yeequina masa ijiri buhirire apequina musare yahusāeta. Sa yena yeere yahunata masa tiquinare.

¹⁰ Sa ye pihtiati deco pano quehnoañe buheye ijipihtiye yehpari cjēnare buheripu ijirota.

¹¹ Sa yena musare buhiri dahre dutiye, buhiri dahre dutiatiquiro cahapu tiquina neagū tiquireo musa niatire “Yahu masiedaboaga”, ni tuhotueracáhña masa. Ti pjere masa niatire musare Espíritu Santo yahurota. Tiquiro sa yahurire yahuya masa. Masa esa tuhoro yahuducusi masa. Espíritu Santo musare yahuducu basarota.

¹² Ti pjere tiquina wahmisumua tiquina bahanare wejē dutiye ohoeta puhtoare, yeequina tiquina ijiri buhiri. Tiquina pacusumua tiquina pohnene wejē dutiye ohoeta puhtoare. Tiquina pohne pehe tiquina pacusumūare wejē dutiye ohoeta puhtoare.

¹³ Sa ye yeequina masa ijiri buhiri musare masa ijipihtiyequina ihña tuhtieta. Tiquina sa yepēgūta ahri yehpapū masa catiro puno musare tiquina űano yerire ihcāno sahana yuhare duhuerana, yuhdunata masa.

¹⁴ Sa yena űa yuhduriquireo Cohācjū yere űano yeriquireo ihñanata masa. Cohācjū ya wuhapu tiquiro ducugū ihñanata. Topū tiquireo ijieraro cahmene. Topū tiquiro ducugū ihñañe Judea yehpapū ijieyehpa cūhu cjūpu duhti oma mūjaa wahaahro. Ahri yuhū nidire quehnoano masiña masa.

¹⁵ Sojaro mehna oma duhtiahro. Ti pjere tiquina wuhase bui cjē paaripu ijieyehpa wuhū puhiaipu ijiyere tiquina yere neñe wahaeracāhdo tiquina waha madoqueoato saha.

¹⁶ Sa ye ti pjere apequina tiquina wesaripu ijieyehpa tiquina bui cjē suhtire wuhapu ijieyehpa suhtire neñe wahaeracāhdo tiquina waha madoqueoato saha.

¹⁷ Ti pjere niji pacosānumia, tiquina pohnene apūoñe numia gāhu pejecuro wahaeta.

¹⁸ Sa yena ohō saha ni siniña Cohācjūre: “Pohecu ijigū sa wahaeracāhdo”, ni siniña tiquireo.

¹⁹ Ti decorire masa űa yuhduaro wahaeta. Ahri yehpare tiquireo bajumehnedi bato masa űano yuhduē tiahye. Ti sa ijiepegūta ijipihtiye ti puriñe yuhduoro pihtiati deco ijigūre űa yuhduaro masa yuhdueta. Sa űano tiquina yuhdari bato pari turi sa űa yuhduaro yuhdusi ahri yehpapū.

²⁰ Sa yero Cohācjū ti decorire meheñe decorigā ijigū yerota. Tiquiro sa yeragū ne ihcāquiro masano yuhdueraboaga. Sa yero tiquireo beseriquina tiquina yuhduatire meheñe decorigā cūnota Cohācjū.

²¹ Ti pjere apequina musare “Ihñaña. Ahriquireo ijire Cristo”, tiquina nigū tiquinare tuhoeracáhña. “Topū ijire Cristo”, tiquina nigū gūhare tuhoeracáhña.

²² “Cristo iijaja”, ni mehoñequina, “Cohācjū yere yahu muhtana iijaja”, ni mehoñequina ijietā ti pjereta. Sa ye Cohācjū beseriquinare ni mehoñe, tiquina tutuaye mehna ye ihñoeta. Cohācjū yequinare Cohācjūre tiquina cohā duagū ye duare tiquina mehoñequina.

²³ Ahrire yahuyauja musare sa wahato pano. Sa yena quehnoano yeya masa, ni yahuahye Jesu.

Jesu ahri dihtapare tiquireo tojoa tatire yahuahye

(Mt 24.29-35, 42-44; Lc 21.25-36)

²⁴ Sa ni tuhasa ohō saha ni yahuahye Jesu:

–Ti decori ijigū tiquina űano yuhdari bato asū deco cjāno, űami cjāno gāhu buhrio duhu cāeta.

²⁵ Tiquina sa wahagūta űahpicoha paca űhmusepu ijieyehpa bora dijiaa wahaeta. Sa ye űhmuse cjē yehpari, űahpicoha gāhu ti sa wahaducurore comesaeta. Sa ye űuhmieta.

²⁶ Ti pjeta yuhū masū Cohācjū ohorigū ahtagutja. Sa ye űhmusepu yuhū tutuaye mehna yuhū asi siteye mehna űhmuse cjē ehmeo cururi buipu ahri yehpapare yuhū tojoa tagū ihñañeta masa.

²⁷ Sa yegu yeequina angelere ijipihtiropū ahri yehpapū ohogutja. Sa ye ijipihtiropū yeequina yuhū beseriquinare tiquina neeta.

²⁸ Yojobure higuergure tuhotuya masa. Tu quti mehna musare queoye mehna buhegutja. Tu yucugū pūri tigū ihñana cūhma mehenogā dūhsagū masine masa.

²⁹ Sata ahri ijipihtiye yuhū nidi sa wahagū ihñana, yuhū tojoa tato mehenogā dūhsagū masinata masa.

³⁰ Ijirota niita niaja musare. Ti pje cĵena tiĵuina yariato panore ijipihitiye yuĥu ni-di-ro saĥata sa waha-rota.

³¹ Ŭmuse, ahri yehpa gūĥu pihtia wa-harota. Yuĥu yahuducuye pehe ne came-sasi. Ijipihitiye yuĥu ni-di-ro saĥata sa waha-sohtori tiarota.

³² Ti decore yuĥu tojoa tati decore, ti hora gūĥure masiedaja yuĥu. Angele gūĥu tire masiedare. Masa gūĥu ne masiedare. Yuĥu Pacu dihita tire masine.

³³ Mŭsa gūĥu ti decore masiedare. Sa yena queĥnoano yeya. Queĥnoano co-hteya. Cohĵure siniĥa mŭsa.

³⁴ Ohō saĥa cohteya mŭsa. Ahri quiti mehna musare queoye mehna buheġtja. Wuĥu upro yoropu tiġuiri tinino saĥa ijire ahri. Tiġuiri wahato pano tiġuiri cahacĵenare wuĥure cohte dutiahye. Tiquinape tiġuina dahrayere cūahye. Sa yero wuĥure cohteriqui-rore tiġuiri tojoa tatore cohte dutiahye.

³⁵ Sa yena mŭsa gūĥu queĥnoano wacū masi cohteya. Wuĥu upro tiġuiri tojoa tatore tiġuina masiedari-ro saĥa yuĥu mŭsa puĥto tojoa tati decore masiedare mŭsa gūĥu. ņamicapru, ņami deco, canaca tiġuiri yahuri pje ijigū bohrearopu ahtaboaga.

³⁶ Yuĥu sa wacūeno mehna yuĥu wihiatore masina, yeere sa yeducuya. Sa yena wuĥure queĥnoano cohteya.

³⁷ Sa yegu musare yuĥu nino saĥata ijip-ihtiyequinare sa niaja: Queĥnoano wacū masi cohteya, niahye Jesu tiquinare.

14

Pahia puĥtoa, judio masare buheyequina mehna Jesure wejĵ duaĥye
(Mt 26.1-5; Lc 22.1-2; Jn 11.45-53)

¹ Sa ye ti pjere pasua wame tiri bose deco pano pugū yeye moremehneĥe pāre tiġuina ihyati deco pano, pu deco dūsarīahye. Ti pjere pahia puĥtoa, usā acaye judio masare buheyequina mehna Jesure tiġuina ni mehoĥe mehna tiġuina ņeĥe wejĵatire cahme yahuducuye niahye.

² –Bose deco ijigū tiqui-rore ņehedacūĥna “Masa usuari”, nina, niahye tiġuina basi.

Numino ehme sitiye ŭhse mehna Jesure pio peoahye

(Mt 26.6-13; Jn 12.1-8)

³ Sa ye Jesu gūĥu Betaniaru, Simo cami bucu myna wihiro ijimediquiro ya wuĥuru ijiahye. Sa yero tiġuina ihyari watoa numino pehe alabastru mehna yeriare ehme sitiye nardo wame tiye ŭhsere pose tiriare ne wiĥiahye. Ti ŭĥe pehe wapa buĵaye ijiahye. Sa yero ticoro tiare pohadoqueo, Jesu dapu bui pio peoahye.

⁴ Ticoro sa yegū ihĥaĥe apequina usuua wahahye.

–ĴDūhse yero ahricoro ahri ehme sitiye co wapa buĵayere sa ye siteajari?

⁵ Tire ticoro duaboaya. Tire duaro tres cientos niĥeru cjoerire wapataboaya. Sa yero ti niĥerure peĵecuoeyequinare ohoboaya ticoro, ni cohteahye apequina pehe ticoro sa yegū ihĥaĥe.

Sa ye tiġuina ticorore tuhtiahye.

⁶ Tiquina sa nigū tuĥoro Jesu tiquinare yahuahye:

–Sa niedacāĥna ticorore. Yuĥure ticoro queĥnoano yero nine.

⁷ Peĵecuoeyequina pehe mŭsa mehna sa ijiducuetā. Sa yena mŭsa cahmedi pje tiquinare oho masine. Yuĥu pehe ahri yehpare mŭsa mehna sa ijiducusi.

⁸ Ticoro cuoro puno mehna ticoro wuĥure sa yeri. Yuĥure tiġuina yato pano yuĥu pagure queĥnoyuro, ehme siti-yere pio p-ori ticoro.

⁹ Sa yegu potota niita niaja musare. Ijip-ihtiro ahri yehparu queĥnoaĥe buheyere tiġuina yahuatoru ahricoro yoĵopare ticoro yerire yahueta. Tiquina sa yahugū tuĥoye ticorore masa peyequina wacūeta, ni yahuahye Jesu.

Juda Iscariote Jesure ihĥa tuhtiyequinare tiġuiri ihĥoatire yahuahye pahia puĥtoare
(Mt 26.14-16; Lc 22.3-6)

¹⁰ Ti pjereta Juda Iscariote doce buheye-quina mehna cĵano Jesure tiġuiri ihĥoatire yahuro wahahye tiqui-rore ihĥa tuhtiyequinare, pahia puĥtoare.

¹¹ Sa ye pahia puĥtoa tire tuĥoye bu-cueahye.

–Mūĥare niĥerure ohonatja, niahye tiġuina Judare.

Sa yero Jesure ihĥa tuhtiyequinare tiġuiri ihĥoatire wacū macahye.

Jesu tiġuiri buheyequina mehna tiġuina ihya bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Pugū yeye moremehneĥe pāre tiġuina ihyati bose deco iji ducari deco, ovejare pas-cua deco ijigū ihyatiqirore tiġuina wejĵati deco ijiahye. Ti pjere tiġuiri buheyequina pehe sinituahye Jesure:

–ĴNoho boropu bose deco ijigū mari ihyatire queĥnoyu dutigu ohoutjari mūĥu ŭsāre? niahye tiqui-rore.

¹³ Tiquina sa nigūta Jesu pehe puaro tiġuiri buheyequina mehna cĵenare ohoahye.

–Jerusalĵeru wahaya. Topu mŭsa esagū aco suture wariqiro musare piti carota. Tiġuiri piti cagū tiġuiri mehna wahaya.

¹⁴ Sa wahana tiġuiri siho saĵari wuĥuru esana wuĥu uparore ohō saĥa ni yahuya: “ĴNohoru yuĥu buheyequina mehna pasua

cjê ihyayere ihyanatari?’ nidi buheriquiro”, niña wuhũ upũrore.

¹⁵ Mũsa sa nigũ tũhoro uhmũano cjã tũcũre pajiri tũcũre mari cahmeñe mehna tiqũina quehñori tũcũre ihñonota wuhũ upũro. Topũ mari ihyatire dahreya mũsa, niahye Jesu tiqũinare.

¹⁶ Tiquiro sa nigũ tũhoye tiqũina tiqũiro buheyeqũina ti macapũ wahahye. Topũ esagũ tiqũinare tiqũiro nidiro sahata wahahye. Sa ye tiqũina pascua cjê ihyayere dahreahye.

¹⁷ Sa ye nahitia cãhtagũ Jesu doce tiqũiro buheyeqũina mehna topure esahye.

¹⁸ Sa yero tiqũina mehna mesapũ ihyaro Jesu tiqũinare yahuahye:

—Poto niita niaja mũsare. Ihcãquiro mũsa mehna cjãno yuhũ mehna ihyariquirota yuhũre ihña tuhtiyeqũinare ihñonota, ni yahuahye Jesu tiqũinare.

¹⁹ Tiquiro sa nigũ tũhoye tiqũina pehe bujũa witiyahye.

—¿Yuhũta ijijari mũhũre ihñoaçũ? ni sinitu pihtiahye tiqũina Jesure.

²⁰ —Mũsa mehna cjãnota ijire tiqũiro. Yuhũ ihyari papũ yuhũ mehna soha ihyariquirota ijire yuhũre ihña tuhtiyeqũinare ihñoaquiro.

²¹ Panopũ yuhũre tiqũina yahu ojoariro sahata yuhũ masũ Cohãcjũ ohorigũ yariagũta. Sa yero yuhũre ihña tuhtiyeqũinare ihñoriqũiro pejecũoro yuhũurota. Tiquiro pehe masa bajueragũ, quehnoa yuhũaboya. Ñano yuhũeraboya, niahye Jesu tiqũinare.

²² Sa ni yahu tuhasaro tiqũiro buheyeqũina mehna ihyaro taro niahye. Sa yero Jesu pãre ne, Cohãcjũre “Quehnoare”, niahye. Sa ninota tiare nuha, itiahye tiqũinare.

—Ahrire ne ihyaya. Ahri yuhũ pagũ ijire, niahye tiqũiro tiqũinare.

²³ Sa ni tuhasa tiqũiro sihnini pare ne, Cohãcjũre “Quehnoare”, ni tuhasa, ohoahye tiqũinare. Tiquiro oho tuhasagũ tiqũina ijipihtiyeqũina tire sihniahye.

²⁴ —Ahri yuhũ dii ijire. Peyeqũina masa tiqũina ñañe yerire cohãgũ tagũ yariagũta. Sa yegu yuhũ diire cohãgutja. Mari Pacũ “Mũsare yuhũogũta”, tiqũiro nidiro esagũ yuhũ yariaro mehna tiqũiro nidiro sohtori tirota.

²⁵ Poto niita niaja mũsare. Cohãcjũ tiqũiro puhtoro ijipopũ wahma core uhse core yuhũ sihniato pano, ahri dihtapũre uhse core pari turi sihnisi yuhũ, niahye Jesu tiqũinare.

Pedro Jesure tiqũiro cohãtire yahuahye Jesu
(Mt 26.30-35; Lc 22.31-34; Jn 13.36-38)

²⁶ Sa ye tiqũina ihcã taha Cohãcjũ ye basayere basa tuhasa, cãhũpũ Olivo wame tidũpũ wahaa wahahye.

²⁷ Topũ siho esaro Jesu tiqũinare yahuahye:

—Yojopũre mũsa ijipihtina yuhũre cohãnata. Ohõ sahata nine Cohãcjũ yere tiqũina ojoari pũpũ yuhũre yahuro: “Ovejare ihña ihboriquiro yero saha ijiriquirore Cohãcjũ cohãnota. Sa tiqũiro cohãgũ tiqũiro yeqũina oveja yero saha ijiyeqũina duhti site cãa wahaeta”, nine Cohãcjũ yere tiqũina ojoari pũpũ.

²⁸ Sa yegu Cohãcjũ yuhũre tiqũiro masori bato mũsa pano Galileapũ wahayugũtja yuhũ, niahye Jesu tiqũinare.

²⁹ Tiquiro sa nigũ Pedro ohõ saha niahye:

—Yuhũ mehna cjẽna ijipihtiyeqũina tiqũina cohã cãepẽgãta yuhũ pehe mũhũre ne cohãsi, nimahye Pedro tiqũirore.

³⁰ Jesu yuhtiahye:

—Potota niita niaja mũhũre. Mia ñamita canaca pũa taha tiqũiro yuhatu pano “Yuhũ Jesure masiedaja”, niguta mũhũ. Ihtia taha sa niguta mũhũ, niahye Jesu Pedrorre.

³¹ Tiquiro sa niepẽgãta Pedro ohõ saha ni tutuaro bisiro yuhtiahye:

—Mũhũ mehna yuhũre tiqũina wejẽ duepẽgãta “Jesure masiedaja”, ne nisi yuhũ, ni yuhtimahye tiqũiro Jesure.

Pedro sa nigũ tũhoye tiqũiro mehna cjẽna gũhũ sa dihita ni yuhtiahye.

Getsemaní wame tiri wesepũ Jesu Cohãcjũre siniahye
(Mt 26.36-46; Lc 22.39-46)

³² Sa ye tiqũina Getsemaní wame tiri wesepũ wahahye. Topũ esaro ohõ saha niahye Jesu:

—Yuhũ Cohãcjũre yuhũ sinino watoa ohõ dujiyuya, niahye tiqũiro buheyeqũinare.

³³ Sa ni tuhasa Pedrorre, Santiagore, Ñure tiqũinare ihtiarore piji cãhye. Tiquinare sa piji cãno, pajiro tũhotu dũcahye tiqũiro. Sa yero ñano jeripohna tiahye.

³⁴ Sa bujũa witiro tiqũiro mehna cjẽnare tiqũiro piji cãriqũinare ohõ saha niahye:

—Yuhũ ñano jeripohna tiaja. Yuhũre tutuaro purĩno saha tũhotugũ niaja. Ohõ tojoaya. Sa yena yuhũ mehnata carĩedacãhña mũsa gũhũ, niahye Jesu tiqũinare.

³⁵⁻³⁶ Sa ni tuhasa tiqũiro topũ mehenogã waha nemo, yehpapũ quehe saro, Cohãcjũre niahye:

—Mai, mũhũ ijipihtiyere ye masine. Sa yegu yuhũ ñano yuhũuatire ye dueragũ yeracãhña. Yuhũ sa niepẽgãta yuhũ cahmeno saha yeracãhña. Mũhũ pehe masine. Mũhũ cahmeno saha yeya yuhũre, ni siniahye tiqũiro Cohãcjũre.

³⁷ Sa ni tuhasa, ihtiaro tiqiuro buheye-quina cahapũ wihiro, carĩnequinare ihñahye. Tiquinare ihñano Pedrore niahye:

—¿Simo, carĩgu niajari mũhu? ¿Ihcã hora waro yũhu ihcãno mehna carĩegu jii masiedajari mũhu?

³⁸ Quehnoano yeya mũsa. Sa yena Cohãcjũre siniducuya mũsa, “Ñano yeari”, nina. Mũsa tũhotuye mehna quehnoañene ye duamene mũsa. Mũsa sehsharo sa ye duepenata tire ye masiedare mũsa, niahye Jesu Pedrore.

³⁹ Sa ni yahu tuhasa pari turi waha, Cohãcjũre siniyahye. To pano tiqiuro sinidiro sahata siniyahye tja.

⁴⁰ Sa sini tuhasaro pari turi tiquina cahapũ wihiahye tja. Sa wihiro carĩnequinare ihñahye tja. Wũjua quehe yũhũyahye tiquina. Sa ye tiquina Jesure dũhse ni masiedahye.

⁴¹ Sa yero pari turi Cohãcjũre tiqiuro sinidi bato tiquina cahapũ wihĩ, tiquinare niahye:

—¿Yojoꝛũ pũritare carĩnina niajari mũsa? ¿Sorĩna niajari mũsa? To punota mũũ saro taro nine. Mianogãta yũhare Cohãcjũ ohorigũre ñañequinare tiquina ohoati pje mũũ saro nine.

⁴² Wahcãña. Isa wahana. Ihñãña. Yũhare ihñã tuhtiyequinare ihñoatiqiuro ohõ ahatare, niahye Jesu tiquinare.

Jesure ihñã tuhtiyequina tiqiurore peresu yeahye

(Mt 26.47-56; Lc 22.47-53; Jn 18.2-11)

⁴³ Tiquiro sa nino watoata Juda, doce buheyequina mehna cjãno ijimediquiro wihiahye. Sa ye masa peyequina ñoseñe pĩĩni, yucu tiãri cuoyequina tiqiuro mehna wihiahye. Pahia pũhtoa, judio masare buheyequina, bũcũna, tiquina ohoriquina masa pehe ijiahye.

⁴⁴ Coã warore Jesure ihñã tuhtiyequinare ihñoatiqiuro masare ohõ saha ni yahu queo tuhasahye.

—Wahsupure yũhu ihmidiquiro tiqiurota ijurota mũsa ñeheatiquiro. Tiquirorẽ yũhu ihmidĩ bato ñeheña tiqiurore. Sa yena quehnoano ñeheña tiqiurore “Duhtiarĩ”, nina, ni yahu tuhasahye Juda pehe.

⁴⁵ Sa yero wihirota Jesu cahapũ duita waha madoqueohye.

—Buhegu, ninota wahsupure ihmiahye tiqiurore.

⁴⁶ Tiquiro sa yegũ ihñãñe tiquina Jesure ñeheahye.

⁴⁷ Tiquina sa yegũ ihñano to cahapũ ducuyequina mehna cjãno tiqiuro ñosenĩ pĩĩne tuã we nedoqueo, pahia pũhthora cahacjãnore tiqiuro cahmonore date pahrẽ cãhye.

⁴⁸ Sa yero Jesu ohõ saha niahye:

—¿Dũhse ijuro boro mũsa ñoseñe pĩĩni mehna, yucu tiãri mehna ahtana, yaqueriquirore yero saha yũhare ñehena ahtajari?

⁴⁹ Decoripe Cohãcjũ wũhũpũ musare yũhu buhe dujigũ, mũsa yũhare ne ñehedari. Sa ijiepegũta ahri ijipihtiye sa waharo niaga Cohãcjũ yere tiquina ni ojoariro sahata, niahye Jesu masare.

⁵⁰ Sa ye Jesu buheyequina tiqiurore cohã cã, ijipihtiyequina oma site cãa wahahye.

⁵¹ Sa yero wahmũno suhti mariediquiro ihcãno coma cjũno dihita comariqiuro Jesu bato nũũ tãmahye. Tiquiro sa nũũ tãgũ ihñãñe tiqiurore ñehemahye.

⁵² Tiquirore tiquina ñehe duagũ ihñano tiqiuro coma cjũnore cohã cã, suhti mariediquiro oma cãa wahahye.

Pũhtoa cahapũ neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Sa ye pahia pũhthora cahapũ Jesure ne cãhye. Sa ye ijipihtiyequina pahia pũhtoa, bũcũna, usã acaye judio masare buheyequina gũhu cahmecoahye.

⁵⁴ Sa yero Pedro pehe Jesu bato yooropũ nũũ tãhye. Sa nũũ tãno pahia pũhtoa ya wũhu cahapũ esahye. Sa yero tiqiuro ti wũhare cohteyequina surara mehna peca dũhtũ cahapũ sohna dujiahye.

⁵⁵ Pahia pũhtoa, ijipihtiyequina apequina pũhtoa gũhu Jesure wejẽ duti duaye, ni mehoñe mehna tiqiurore tiquina ñano buhiri dahreatore wacũ macañe nimahye. Tiquina yahusãtire wacũ bocaerahye.

⁵⁶ Sa wacũ bocaerapeta peyequina masa tiqiurore sa yahusã maca cãhye. Tiquina yahusãñe poto ijierahye. Apequiro sijoro saha ni, apequiro sijoro saha niahye.

⁵⁷ Sa ye apequina topũ esaye, Jesure yahusãhye.

⁵⁸ —Ahriqiuro ohõ saha nidi: “Yũhu ahri wũhare Cohãcjũ wũhare masa tiquina dahrerĩ wũhare cohãgũtja. Sa cohãgu ihtia deco wahaboro ti wũhare pari turi yegũtja. Ti wũhu masa tiquina dahrerĩ wũhu ijisi”, tiqiuro nigũ usã tãhou, niahye ni meho yahusãñequina.

⁵⁹ Tiquina sa ni yahusãepẽgũta tiquina yahusãñe gũhu poto ijierahye. Apequiro sijoro saha ni, apequiro sijoro saha niahye.

⁶⁰ Tiquina sa nigũ tãhoro pahia pũhthora tiquina watoa ducuriqiuro wahcãdũca sa, Jesure sinituahye:

—¿Ahriquina mũhare tiquina yahusãepẽgũta tiquinare yũhti cahmedajari mũhu? ¿Mũhare tiquina yahusãrĩre dũhse ni yũhti cahmeajari mũhu? niahye tiqiuro Jesure.

⁶¹ Tiquiro sa nigũ tãhooperota Jesu sata tũhotu cãhye. Tiquiro sa yũhtieragũ ihñano pahia pũhthora tiqiurore sinituahye tja:

—¿Cristota ijiajari mahu? ¿Quehnoariquiro Cohācjū macu warota ijiajari mahu? niahye tiquiro Jesure.

⁶²—Tiquiro tjiaja. Sa yena yahure masare Cohācjū ohorigure yahu Pacu tutuariquiro pota peheru yahu dujigū ihñanata masa. Sa yena ahmuse cjē ehmeo cururi watoa yahu ahtagū gāhure ihñanata masa, niahye Jesu tiquirore.

⁶³⁻⁶⁴Tiquiro sa nigūta pahia puhtoro pehe tiquiro sañari suhtirore tiquiro basi tahrē cāhye, apeqinane “Usua yuhduare”, ni ihña masi dutiro.

—Cohācjūre ñano yahuducuro nine ahriquiro. Sa yena tiquiro ñano yahuducuyere tuho tuhasaja mari. Sa ye topequinata yahusāhdo ahriquirore. ¿Sa yena dahse yenatari mari yojopare ahriquirore? niahye pahia puhtoro apeqina puhtoare.

—Tiquiro ñari buhiri wejēno cahmene tiquirore, ni yuhtiahye apeqina puhtoa.

⁶⁵Sa ye tiquina mehna cjēna Jesure sihco puti, tiquiro caperire duhte biha, tiquirore quēpeahye. Quēpe tuhasa ohō saha nieahye:

—¿Noa pehe mahure quēari? Ihñadepguta yahuya usāre, ni bujūpeahye tiquina.

Sa ye puhtoro yequina surara pehe Jesure quēpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

⁶⁶Sa yero wahu caha ijiri paapu quehnoari paapu Pedro ijigū pahia puhtoro cahacjōno wihiahye.

⁶⁷Pedro tiquiro sohmagū ihñano ticoro tiquiro dihitarē ihñaducuahe.

—Nazare cjāno mehna, Jesu mehna mahu gāhu ijiri, niahye ticoro Pedrore.

⁶⁸Ticoro sa nigū tuhoro tiquiro ohō saha niahye:

—¿Dahse ni macago niajari mahu? Mahu nidiquirore ne masiedaja yahu, niahye Pedro ticorore.

Tiquiro sa nidi bato Pedro sahrīno sopecaha cahapu wahahye. Sa yero topu tiquiro ducugū canaca yahuahye.

⁶⁹Topu tiquiro ijigū ihñano cahacjōno pehe ticoro cahapu ducuyequinare yahuahye tja:

—Ahriquiro gāhu Jesu buheyequina mehna cjāno ijire, niahye ticoro.

⁷⁰Ticoro sa nigū tuhoro Pedro pari turi ohō saha niahye tja:

—Tiquirore masiedaja yahu, niahye tja.

Sa yero came cjūnoru topu ducuriquina Pedrore ohō saha niahye:

—Ijirota ijire. Mahu Galilea cjū ijire. Sa yegu tiquina mehna cjāta ijire mahu, niahye tiquina tiquirore.

⁷¹Tiquina sa nigū tuhoro tiquiro yuhtiahye:

—Potota Cohācjū mehna niaja musare. Potota yahu niedagū Cohācjū yahure buhiri dahreahro. Tiquirore masa nidiquirore ne masiedaga yahu, ni yuhtiahye Pedro tiquinare.

⁷²Tiquiro sa nigūta canaca yahuahye tja. Tiquiro sa yahugū tuhoro Jesu tiquirore nidire wacūahye Pedro: “Canaca puha taha tiquiro yahuato pano mahu yahure ‘Jesure masiedaga’, nigūta mahu. Itia taha sa nigūta mahu”, Jesu tiquiro nidire wacūahye Pedro pehe. Tiquiro sa nidire wacūno, tutuaro utiahye Pedro.

15

Pilato Jesure sinituahye

(Mt 27.1-2, 11-14; Lc 23.1-5; Jn 18.28-38)

¹Sa ye bohrearopu pahia puhtoa, bucuna, usā judio masare buheyequina, ijipihtiyequina apeqina puhtoa mehna cahmeco, yahuducuahe tiquina yeatire masife tehe. Tiquina basi yahuducu tuhasa, Jesure duhte, ne cā, Pilatore ohoahye tiquirore.

²Tiquina ne sagū ihñano Pilato tiquirore sinituahye:

—¿Potota judio masa puhtota ijiajari mahu? niahye tiquiro Jesure.

—Mahu nino sahata ijiaja, ni yuhtiahye Jesu.

³Sa ye pahia puhtoa peye yahusāhye tiquirore.

⁴Tiquina sa ni yahusāgū tuhoro Pilato tiquirore sinituahye tja:

—Ahriquina mahure peye yahusāñe nine. ¿Tiquina sa yahusāpegegūta yuhtierajari mahu? niahye tiquiro.

⁵Tiquiro sa niepegūta Jesu ne pari turi yuhti nemoedahye. Sa yero Pilato ne dahse ni masiedahye.

Jesure wejē dutiahye

(Mt 27.15-31; Lc 23.13-25; Jn 18.38-19.16)

⁶Cuhmaripe pascuaripe masa yaquiro ijitiquirore ihcāquiro peresupu ijiriquirore tiquina cahmediquirore Pilato wio basaducue tiahye.

⁷Ti pjere Barrabá wame tiriquiro peresupu ijahye. Tiquiro puhtoare cohā duayequina, masare wejēñequina mehna cjāno ijahye.

⁸Sa ye masa peyequina Pilato cahapu esaye, tiquirore siniahye:

—Cuhmaripe usāre mahu yeducuriro sahata yeya usāre. Ihcāquiro peresupu ijiriquirore usāre wio basaya, niahye tiquina.

⁹Tiquina sa nigūta Pilato tiquinare sinituahye:

—¿Masa yaquiro ijiatiquirore masa judio masa puhtore wio basaboagari yahu? ni sinituahye masare Jesure wio duaro.

¹⁰ Jesure masa tiquina cahigū ihñañe pahia puhtoa gūhu tiquirore ihña tuhtiahye. Sa ihña tuhtiyete tiquirore ohoahye Pilatorare. Sa yero masa tiquina cahidi buhiri tiquina ihña tuhtirire masino Pilato Jesure wio duamahye.

¹¹ Tiquiro sa wio duepegāta pahia puhtoa Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare.

¹² Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquiro judio masa puhtoro masa nidiquiro pehere dahse yegatari yahu, masa sa nigū? ni sinituahye tiquiro.

¹³ —Curusapu quē biha wejēña tiquirore, ni sañuducuahye masa.

¹⁴ —¿Yabe borore ñañene yeari ahriquiro, masa sa ni sañuducugū? ni sinituahye tiquinare.

Tiquiro sa nigū tahoye tiquina sañuducua nemoahye tja:

—Curusapu quē biha wejēña tiquirore, ni sañuducuahye tiquina.

¹⁵ Tiquina sa ni sañuducugū tahoro Pilato pehe masare bucuegū ye duaro Barrabá pehere peresupu ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapu quē biha wejē dutiro ohoahye surarare.

¹⁶ Sa ye surara Pilato ya wuhapu pretorio wame tiri wuhapu tiquirore ne sahye. Ne sa tuhasa tiquina apequina surarare tiquina mehna cjēnare cahmecoañe tehe pijioahye.

¹⁷ Sa ye tiquina puhtoro ya suhtiro yero saha bajuri suhtirore Jesure sāa, pota behore dahre, ti behore tiquiro dapu bui duhu peoahye.

¹⁸ Sa ye tuhasa ohō saha ni bujapeahye tiquina tiquirore:

—Quehnoano ahtaya. Judio masa puhto, quehnoano ahtaya, ni bujapeahye.

¹⁹ Sa nieta yucugū mehna tiquiro dapure quē, tiquirore sihco puti wisō, cua pesaro yeyequina yero saha tiquirore quehe sa, ño peoro saha yeahye. Tiquirore ñano yeyeniahye. Sa ye bujapeyeh niahye.

²⁰ Sa yepe tuhasa tiquina sāari suhtirore tu we nedoqueo, tiquiro ye suhti pehere tiquirore sāa, tiquirore curusapu quē biha wejēñe wahaye, nea wahahye tiquina.

Tiquina Jesure curusapu quē biha wejēahye

(Mt 27.32-44; Lc 23.26-43; Jn 19.17-27)

²¹ Sa ye topu wahariquiro, Simo Cirene cjāno ihquē wuhase ijirōpu esariquiro, tiquina cahapu wihigū ihñañe surara pehe

tiquirore Jesu ya curusare waa cā dutiahye. Alejandro, Rufo pacuro ijiahye Simo pehe.

²² Waha, Gólgota wame tiropu esahye. Gólgota nino “Dapu pehtoro”, nino nine.

²³ Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiro.

²⁴ Sa ye curusapu Jesure quē bihahye tiquina. Quē biha tuhasa tiquiro suhti ijirire “¿Noa yaro ijirotari ohō?” ni cahme doquepeahye tiquina.

²⁵ Jesure curusapu tiquina quē bihagū ihtia hora duhsahye coheri pje esato.

²⁶ Sa ye curusapu ohō saha ni ojoari pjine duhu ohōahye tiquina tiquiro ñañe buhirire yahu duaye. “AHRIQUIRO JUDIO MASA PUHTORO IJIRE”, ni ojoahye tiquina ti pjine.

²⁷ Sa ye puaro yaque bucuna Jesu caha apeye curusaripu tiquina quē biha ohōriquina ijiahye tiquina. Ihcāquiro pota pehe, apequiro cū pehe pehe quē biha ohōahye tiquina gāhure. |

²⁸ Tiquina sa yegū panopu Cohācjū yere tiquina yahu ojoariro sahata wahoro niahye. Ohō saha ni ojoahye: “‘Dutihere yuhducayequina mehna cjāno ijire’, ni, tahoturi masa tiquirore”, ni ojoahye panopu. |

²⁹ Sa ye curusari cahapu yuhdu cāñequina Jesure ihña, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohācjū wuhare cohā, ihtia decio wahaboro pari turi ti wuhare dahreacjū ijiajari mahū?

³⁰ Mahū basi dijahya. Sa yegu mahū basi yedohoya. Sa yegu yuhdu witigata mahū, ni bujapeahye tiquina.

³¹ Tiquina yero sahata pahia puhtoa gūhu usā judio masare buheyequina gūhu tiquirore sa ni bujapeahye. Sa ni bujapeyeh ohō saha niahye tiquina basi:

—Tiquiro apequinare yuhduoriquiro ijieperota tiquiro basi yuhduo masiedare.

³² “Israe masa puhto, Cristo ijiaja”, nimedi tiquiro. Sa yena tiquiro basi dijia tagū ihñana tiquirore wacū tutuanata, ni bujapeahye tiquina.

Sa ye yaque bucuna tiquiro caha tiquina quē biha ohōriquina gūhu sata ñano ni bujapeahye tiquirore tja.

Jesuyariaa wahahye

(Mt 27.45-56; Lc 23.44-49; Jn 19.28-30; He 6.19-20; 10.19-20)

³³ Sa ye coheri pje ijigū ihtia hora waro ijipihitropu nahitiaa wahahye.

³⁴ Sa yero nahitia yuhdugū waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohō saha nino niahye. “¿Yuhū Pacu, yuhū Pacu, dūhsegū yuhūre cohājari mūhū?” nino niahye.

³⁵ Tiquiro sa nigū tūhoye ihquēquina topū ducuriquina ohō saha nimahye:

—Cohācjū yere yahu mūhtariquirore Elia mūnanore pijioro niboaga, nimahye tiquina.

³⁶ Sa yero ihcāquiro tiquina mehna cjāno oma cā, aco ihmini suhtere vino sūēñe core tiquiro sohari suhtere ne cā, yucūgū sohōapū duhte ohō, Jesure sihōmahye. Sa sihōno ohō saha nimahye:

—Cohteniña. Elia mūnāno ahriquirore tiquiro yuhduogū ihñarihna mari, nimahye tiquiro apequinare.

³⁷ Tiquiro sa nidi bato Jesu pehe tutuaro sañuducu, yariaa wahahye.

³⁸ Tiquiro yariagū Cohācjū wūhū cjā suhtiro cahsero tore tiquina cahmotari cahsero deco mehna bui pehe tūhū dijia ta, tūhū maa cjū saa wahahye.

³⁹ Tiquiro sa yariagū ihñano surara puhtoro Jesu caha ducuriquiro ohō saha niahye:

—Ijirota ijire. Ahriquiro Cohācjū macnota ijire, niahye tiquiro.

⁴⁰ Sa ye yoaropū ducuye numia Jesure ihñaducuye niahye. Tiquina numia mehna María Magdalena ijiahye. Apecoro María wame tiricoro gūhū ijiahye. Ticoro pehe José, tiquiro bahūro Santiago, tiquina pacoro ijiahye. Apecoro Salomé ijiahye.

⁴¹ Tiquina numia Jesu yere quehnoano tūhoyequina numia ijye, Galilea yehrapū tiquiro ijigū tiquirore yedohoe tiahye. Tiquina numia mehna peyequina apequina numia gūhū Jerusalēpū Jesu mehna ahtariquina numia ijiahye.

Jesu pagūre masa copepū cūahye
(Mt 27.57-61; Lc 23.50-56; Jn 19.38-42)

⁴²⁻⁴³ Sa ye ti deco tiquiro yariari deco saurū pano judio masa usā sori deco pano ijiri deco ijiahye. Sa yero pascua cjē ijiatire tiquina quehnoyuri deco ijiahye. Ti ñamita José Arimatea cjāno cuero marieno Pilato cahapū esahye Jesu pagūre sinino esaro. José judio masa usā puhtoa mehna cjāno, puhtoa tiquina cua pesaro ihñariquiro waro ijiahye. Sa yero Cohācjū masa bui tiquiro puhtoro sajātoore cohtero niahye.

⁴⁴ Sa yero José Pilatore tiquiro sini tuhasagū tūhoro tūho maria wahahye Pilato pehe. “¿Jesu yaria tuhasayari?” ni tuhoturo, tūho maria wahahye. Sa yero surara puhtoro pijio ohō saha niahye tiquirore:

—¿Jesu yariaa wahari? ni, sinituahye tiquirore.

⁴⁵ Tiquiro sa nigū surara puhtoro yuhtiahye:

—Yariaa wahari, niahye.

Tiquiro sa nigū Pilato Jesu pagūre oho dutiahye Joséré.

⁴⁶ Tiquiro sa oho dutiri bato José quehnoari suhtirore dūahye. Dú tuhasa, Jesu pagūre ne dijio, suhtiro mehna wahme, masa copepū utāpū tiquina seheri copepū tiquiro pagūre cūahye. Cū tuhasa, ti cope caha ijiria utāre pajiria utāre tu torē cā, ti copere bihahye.

⁴⁷ Sa ye María Magdalena, María José pacoro Jesure tiquina cūirirore ihñahye.

16

Jesu masa wijiahye

(Mt 28.1-10; Lc 24.1-12; Jn 20.1-10)

¹ Sa ye saurū yuhdugū María Magdalena, María Santiago pacoro, Salomé mehna wisōñe co ehme sityere dūahye tiquiro pagūre wisōñe tehe.

² Sa ye domingo bohrea queharo Jesure tiquina cūiri copepū wahahye tiquina.

³ Wahaducuye, ohō saha niahye:

—¿Ti copere biharia utāre noa marine pōo basarotari na? niahye tiquina basi.

⁴ Ti copepū esaye, ti copere biharia utāre pajiria utāre tiquina pōo cūriare ihñahye tiquina.

⁵ Sa ihñañe ti copepū sajā sahye. Sa sajā saye, wahmūnore poto pehe dujiriquirore yehseye suhti tiriquirore ihña, acūaa wahahye.

⁶ Tiquina sa acūagū ohō saha niahye tiquiro:

—Yuhūre ihña acūeracāhña. Jesu Nazare cjāno tiquina quē biha wejēdiquiro masa macariquiro masa wijia tuhasari. Ohōre mariedare. Tiquirore tiquina cūirirore ihñañe.

⁷ “Tiquiro masa pano Galileapū waharota”, ni yahuna wahaya tiquiro buheyequinare, Pedro gūhūre. Topū tiquiro nidiro sahata masa tiquirore ihñanata, ni yahuahye wahmūno tiquinare.

⁸ Tiquiro sa nigū tūhoye tiquina cueye, nanare, masa cope cahapū ijiriquina oma cā wahahye. Sa cueye apequinare yahuerahye.

Jesu María Magdalenare bajuahye
(Jn 20.11-18)

[

⁹ Sa ye domingo ijigū Jesu tiquiro masa wijiri bato María Magdalenare bajua mūhtahye. Ticoro siete wafiare cuomedicoro ijimahye. Sa yero Jesu tiquiro yariato pano wafiare tiquiro cohānohricoro ijiahye. Sa yero ticoro pehere bajua mūhtahye tiquiro masa wijiri bato.

¹⁰ Sa ye Jesu mehna cjēna tiquiro yariagū ihñañe tutuaro bujua witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare.

11 “Cristo catiri. Ihñau”, ticoro ni yahuepegāta taho duerahye.

Jesu tiquiro buheyequinare bajuahye
(Lc 24.13-35)

12 Came p̄aro tiquina mehna cjēna w̄ah̄se marienop̄a tiquina tiniḡa Jesu sijoro saha bajuriquiro tiquinare bajuahye.

13 Tiquiro sa bajuaḡa ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegāta tiquina pehe taho duerahye.

Jesu tiquiro yere buhe dutiro ohoahye
tiquiro buheyequinare
(Mt 28.16-20; Lc 24.36-49; Jn 20.19-23)

14 Came doce tiquiro buheyequinare mesa cahap̄a tiquina dujiḡa tiquinare bajuahye tiquiro. Sa yero tiquirore ihñariquinare tiquina yahuḡa taho dueyequinare masino Jesu tiquinare tuhtiahye. Tiquirore tiquina quehnoano wacū tutuerari buhirire tuhtiahye tiquinare.

15 Sa tuhti tuhasaro tiquinare ohō saha niahye:

—Ahri yehpa ijiphtirop̄a quehnoañe buheyere ijiphtiequina masare buhena wahaya.

16 Ȳah̄re wacū tutuayequinare tiquina wame yenohriquinare pecap̄a waha-boriquinare ȳah̄d̄orota Coh̄c̄j̄a. Sa ye ȳah̄re wacū tutuayequina Coh̄c̄j̄a tiquiro buhiri dahreatiquina pecap̄a wahatiquina ijjeta.

17 Sa ye ȳah̄re wacū tutuayequina ȳah̄u tutuaye mehna ohō saha yeeta: Ȳah̄u tutuaye mehna, ȳah̄u wame mehna wat̄are coh̄aeta. Sa ye wahma yahuducuyere yahuducueta.

18 Sa ye añaaare tiquina ñeheḡa, ijiphtieye nima dahse ijiye nimare tiquina sihñiḡa, tiquinare ne pur̄isi. Sa ye dohatiyequina bui tiquina omocarine tiquina ña peoḡa dohatiyequina pehe quehnoa wahaeta, niahye Jesu tiquiro buheyequinare.

Jesu uhm̄sep̄a m̄jaa wahahye
(Lc 24.50-53)

19 Sa ni yahu tuhasa mari p̄ah̄toro Jesu uhm̄sep̄a m̄jaa wahahye. Top̄a esaro Coh̄c̄j̄a poto pehe dujahye tiquiro mehna p̄ah̄toro ijjiro.

20 Sa ye Jesu buheyequina ijiphtirop̄a quehnoañe buheyere buheye wahaa wahahye. Tiquina sa buheḡa mari p̄ah̄toro tiquinare yedohoahye. Tiquiro tutuaye mehna ye ihñō, masiḡa yeahye tiquinare, masare tiquiro ye buheyere taho dutiro. To punota ijire.]

San Lucas

1-2 Puhito Teófilo, ahrire mahu buheatire mahure ojoa ohogu niaja. Jesu usa mehna ijinino tiqiuro yerire apequina ojoa dca tuhasari jiri. Coa waropare Jesure ihñariquina, tiqiuro yere buheriquina tiquina ni yahuriro sahata apequina tire ojoa dca tuhasari jiri.

³ Sa yegu ahri ijiptiyere quehnoano masi peho duagu buhei. Sa yegu yuhu gahu tire quehnoano ojoa duaja mahu buheatire yegu.

⁴ Jesu yere yahuyequina mahure buhe tuhasari. Tire quehnoano mahu masi nemoatire ahri pure mahure ojoa ohogu niaja.

Nu wame yeatiqiuro tiqiuro masa bajuatire angelyahuahye

⁵ Jesu masa bajuatopano, Herode Judea yehpa cñena puhtoro tiqiuro ijigü Zacaria wame tiriqiuro pehe pahi ijiahye. Sa yero Zacaria tiqiuro ya curua cñena pehe pahia curua Abia manano ya curua cñena ijiahye. Zacaria namono gahu pahi Aaron manano panameono iji turiaicoropu ijiahye. Ticoro pehe Elisabe wame tiricoro ijiahye.

⁶ Tiquina puaro Cohäcju dutiyere quehnoano ye pehoyequina tiquina ijigü ihñano, “Decoripe quehnoañene yere”, ni ihñahye Cohäcju tiquinare.

⁷ Elisabe ne pohna marienicoro ijiahye. Ticoro Zacaria mehna sata muhñu cähye pohna mariedape.

⁸ Pahia dahrayere dahraye tehe, decoripe tiquina comesae tiahye. “Zacaria ya curua cñena ijire”, tiquina nidi bato tiqiuro pahia decoripe tiquina yeducuriro saha Cohäcju ya wahu pu dahraro taro niahye Zacaria.

⁹ Pahia sa yeducuriro saha tiquina “¿Noare ijirotari ujua mtoatiqiuro?” niñe, doquepeye mehna bueyere ehme sitiyyere ujua mtoatiqiurore beseahye. Cohäcjure ño peori altarpu tiquina beseriquiro Zacaria ehme sitiyyere ujua mtoatiqiuro ijiahye. Sa yero tiqiuro Cohäcju wahu pu sajaa wahahye ujua mtoono waharo.

¹⁰ Wahu pu ijiro ehme sitiyyere tiqiuro ujua mtoono watoa ijiptiyequina masa pehe sopecahapu Cohäcjure sinie tiahye.

¹¹ Ti pñere Cohäcju yaquiro angel Cohäcjure ño peori altar pototo pehe bajudaca sahye Zacariare.

¹² Tiquiro sa bajuagu ihñano Zacaria tiqiurore ihña maria, cuea wahahye.

¹³ Sa tiqiuro cuegu ihñano angel tiqiurore yahuahye:

—Zacaria, cueracñña. Cohäcju mahu sinidire tuhori. Sa yena masa pohna tinata.

Masa macu masa bajuarota. Tiquiro bajuagu Nu wame yeya tiqiurogäre.

¹⁴⁻¹⁷ “Tiquiro quehnoariqiuro, tutu-ariqiuro ijire”, ni, ihñanota Cohäcju mahu macure. Tiquiro masa bajuari bato vinore, sihboriore sihnisi. Sa yero tiqiuro masa bajuari bato Espiritu Santo nidiro sahata yeriquiro ijirota tiqiuro. Sa yero peyequina mahu acaye Israe masare Cohäcju mari puhtorore quehnoano cahmegü yerota mahu macu. Sa yero tiqiuro Cohäcju yere buhero Elia manano Cohäcju yere yahu mhtariqiuro tiqiuro buheriro sahata Espiritu Santo yedohoro mehna Cohäcju tutuaye mehna mahu macu gahu buherota. Sa buhero tiquina pacusama tiquina pohne mehna quehnoano cahme cahigü yerota. Sa yero dutiyere yuhducariquinare quehnoano tiquina ño peoye mehna yuhtigü yerota. Sa buhero mari puhtoro Cohäcju yequina ijiatire yerota tiqiuro. Sa yegu tiqiuro masa bajuari bato mahu bucueguta. Peyequina apequina gahu bucueeta, niahye angel Zacariare.

¹⁸ Tiquiro sa nigü tuhoro Zacaria pehe sinituahye angelre:

—Usa bucuna ijiaja. ¿Sa yegu mahu nidi pototo ijigü dahse masigutari yuhu? niahye tiqiuro.

¹⁹ Tiquiro sa nigü angel pehe tiqiurore yahuahye:

—Yuhu Gabriel wame tigü ijiaja. Cohäcju cahacju tiqiuro cahapu ducugu ijiaja yuhu. Cohäcju ahri quehnoañe quitire yahu dutiro, mahu cahapu yuhare ohori.

²⁰ Yuhu yahuriro sahata potota waharota. Yuhu sa niepeguta yuhare mahu pototo tuhoerari. Sa yegu yojopure mahu yahuducuegu wahaguta. Mahu macu tiqiuro bajuari bato yahuducuguta tja, niahye angel Zacariare.

²¹ Sopecahapu ijiyequina masa Zacariare cohteye niahye. “¿Dahse ijiro boro tiqiuro Cohäcju wahu pu ijiro, sojaro wijia taerajari?” ni, cohteye niahye masa tiqiurore.

²² Sa yero ti wahu pu ijiiriqiuro wijia wihi, tiquina mehna yahuducu masiedahye. Tiquiro sa yahuducu masiedagu ihñañe “Tiquiro Cohäcju wahu pu bajuanoño niaya”, ni, tuhotaahye tiquina. Sa yero yahuducu masiedaro tiqiuro omocari mehna masare yahuducuahye.

²³ Cohäcju wahu pu tiqiuro dahraye pihtigü, tojoaa wahahye tiqiuro ya wahu pu.

²⁴ Tiquiro sa wahari bato tiqiuro namono Elisabe coa ninjore cno cñtaro niahye. Sa yero ticoro ihcä omope asuri waro masa cahapu wahaerahye.

²⁵ Ohö saha niahye ticoro: “Yojopure yuhare Cohäcju yedohori. Yuhu pohna mariego ijigo tutuaro buoro tuhottu

yuhũ. Cohãcjũ yedohoro mehna nijinogãre bocagota", ni tuhota uahye ticoro.

Jesu tiqiro masa bajuatire yahuahye angel

²⁶⁻²⁷ Elisabe seis asũri ticoro niji pacoro ticoro ijiri bato Cohãcjũ pehe angel Gabriel wame tiriqirore nuhmino cahapũ ohoahye. Ticoro Nazarepũ Galilea yehpapũ ijiri macapũ ijiahye. María wame tiricoro ijiahye. José wame tiriqirore ijiahye ticoro mehna omoca duhteatiqiro. Tiquiro panopũ cjũno Davi mũnano panamĩno iji turiaiqiro ijiahye.

²⁸ Sa yero María cahapũ esaro, angel yahuahye:

—¿Ne, ijajari mũhũ, María? Cohãcjũ mũhũ mehna ijiro nine. Sa yero mũhũre quehnoano yero nine. [Ijipihtiyẽ numia apeqũna numia yũhdũoro quehnoano yere mũhũre,] niahye angel ticorore.

²⁹ Tiquiro sa nigũ tuhoro, ticoro tutuaro wacũ tuhota uahye. Angel tiquiro yahurire tuhoturo "¿Duhse nino yũhũre sa niagari?" ni wacũahye ticoro.

³⁰ Ticoro sa ni wacũgũ ihũano angel yahuahye ticorore:

—María, Cohãcjũ mũhũre tutuaro cahĩne. Sa yego mũhũre yũhũ yahuatire tuho acueracãhũa.

³¹ Quehnoano tuhoya. Nijinore bocagota mũhũ. Sa yero mũhũ macũ masa bajuarota. Tiquirore Jesu wame yegota mũhũ.

³²⁻³³ Tiquiro tutua yũhdũariqiro ijirota. Sa ye tiquirore "Cohãcjũ ahmũse cjũno macano ijire", nieta masa. Sa yero mũhũ macũ ñecũno iji turiaiqiro mũnanopũ Davi mũnano Israe masa tiqũna puhtoro tiquiro ijiriro sahata mũhũ macũ gũhũre cũnota Cohãcjũ. Sa yero ijipihtiyẽ decori tiquiro Israe masare dutirota. Sa yero tiquiro puhtoro ijiye pehe ne pihĩsi, niahye angel.

³⁴ Tiquiro sa nigũ María pehe sinituahye:

—¿Duhse yũhũ manũ mariedapegota pohna tiboagari yũhũ? niahye ticoro.

³⁵ Ticoro sa nigũ angel pehe yahuahye:

—Espĩtu Santo mũhũre pohna tigũ yerota. Sa yero Cohãcjũ tiquiro tutuaye ehmeo curua yero saha ahtarota mũhũre. Sa ye "Cohãcjũ macano ijire", nieta masa mũhũ macũre ñaĩe yerariqirore.

³⁶⁻³⁷ Cohãcjũ ijipihtiyere ye masine. Sa yero mũhũ acayoro Elisabe bucũoro ijieperota nijinogãre bocari ticoro gũhũ. Ticoro pohna tirota umãnogãre. Masa ticorore "Pohna marienicooro ijire", tiqũna nidi-coro, yojopare seis asũri waro wahare nijino ticoro bocari bato, niahye angel Mariare.

³⁸ Tiquiro sa nigũ María yũhtiahye:

—Yũhũre tuhoya. Mari puhtoro tiquiro cahacjõ ijiaja yũhũ. Mũhũ nidiro saha yũhũre sa wahaahro, niahye ticoro.

Ticoro sa nidi bato angel wahaah wahahye.

María Elisabere ihũano wahahye

³⁹ Tiquiro sa nidi bato María canũ cjũ ijiri yehpapũ Judea yehpapũ ijiri macapũ sojaro mehna wahaah wahahye.

⁴⁰ Тору esaro, Zacaria ya wũhũpũ sajãno, "¿Ne, ijajari?" niahye ticoro Elisabere.

⁴¹ Ticoro sa nigũ Elisabe tuhogũta, ticoro macano pehe niji suhtĩropũ ijiriquiro ñuhmiahye. Elisabe Espĩtu Santo dutiriro sahata ye pehoricoro ijiro, tiquiro tutuayere cuoricoro ijiahye.

⁴² Sa yero tutuaro bucueye mehna ticoro tutuaro yahuducuahye.

—Ijipihtiyequina numia yũhdũoro mũhũre quehnoano yeri Cohãcjũ. Mũhũ macũ gũhũre quehnoano yeri Cohãcjũ.

⁴³ Cuehĩ, yũhũ puhtoro pacoro yũhũ cahapũ ahtagũ quehnoano yeri yũhũre Cohãcjũ.

⁴⁴ Mũhũ yũhũre "¿Ne, ijajari?" mũhũ nigũ yũhũ macũ pehe niji suhtĩropũ ijiriquiro bucueye mehna ñuhmiahtĩ yũhũre.

⁴⁵ Cohãcjũ tiquiro nidiro sahata yerota. Sa yego tiquiro yahurire tuhorigo ijigo bucuego ijire mũhũ, niahye Elisabe.

⁴⁶ Ticoro sa nigũ María yũhtiahye:

"Cohãcjũ quehnoariqiro, tutuariqiro ijire", niaja. Yũhũ quehnoano jeripohna tiaja.

⁴⁷ Cohãcjũ yũhũre pecapũ wahaborigore yedohoriquiro ijire. Sa yero yojopare yũhũre quehnoano bucueye mehna ijigũ yere.

⁴⁸⁻⁴⁹ Yũhũre tiquiro cahacjõre wacũri jiri. Cohãcjũ tutua yũhdũariqiro quehnoañe dihĩtare yũhũre yedohori. Sa ye yojopare "Ticorore Cohãcjũ quehnoano yeri", ijipihtiyequina masa sa ni, yahuducueta yũhũre. Cohãcjũ ñaĩe marieniquiro ijire.

⁵⁰ Ijipihtiyẽ decori ijipihtiyequina tiquirore ño peoyequinare tiquiro paja ihũariqiro ijire.

⁵¹ Cohãcjũ tiquiro tutuaye mehna yeahye. "Apeqũnare masi yũhdũducaja", niñequinare yũhdũducahye tiquiro.

⁵² Puhtoare cohãhye tiquiro. Sa yero cahacjẽna pehere puhto a yero saha cũahye tiqũnare.

⁵³ Ujua ahbayequinare tiquiro quehnoañe ihayere ohoahye. Sa yero peye doeri cjẽ cuoyequinare doeri cjẽ cuoeragũ yeahye tiquiro.

⁵⁴⁻⁵⁵ Mari ñecũsumũna iji turiayequina mũnare tiquiro yahu cũriro sahata ye pehoahye Cohãcjũ. "Pecapũ wahaboriquinare yũhdũoutja", tiquiro ni yahu cũriro sahata ye pehoahye. Sa yero tiquiro cahacjẽnare

Israe masare tiqiro yedohoahye. Abrahā mnanore mari ñecusumaa mnanare ijipihitiyequina tiqiro acaye tiqiro bato ijiiyequina gāhure Cohācǵū ijipihtiye decori sa paja ihñaducuriqiro ijie tiahye. Tiqinare tiqiro yahu cūrire boerahye Cohācǵū, niahye María.

⁵⁶ Ihtia asū waro Elisabe mehna ijiahye. To puno ticoro ijiri bato ticoro ya macapū tojoaa wahahye María.

Ñu masa bajuahye

⁵⁷ Elisabe ticoro nihi wahcō, pohna tiahye. Ticoro macano masa bajuahye.

⁵⁸ Sa yero Cohācǵū ticorore tiqiro sa yegū ticoro ya maca cǵēna ticoro acaye gāha ticoro mehna bucueahye.

⁵⁹ Ocho decori tiqiro masa bajuari bato, tiqiro pacusumaa tiqirogāre cuhnucunū sohtoaherogāre yuhre ne dutiye tee niahye. Sa yeye tiquina mehna cǵēna tiquina cahapū esahye tiquina yuhre negū ihñañe tehe. Tiquina mehna cǵēna Zacaria tiqiro pacuro wamene tiqirogāre wame ye duamahye.

⁶⁰ Tiquina sa wame ye duepegāta tiqiro pacoro ohō saha niahye:

—Tiqiro pacuro wamene wame yeraja. Ñu wame yenatja tiqirogāre, niahye ticoro.

⁶¹ —Mūhu acaye ne ihcāqiro Ñu wame tiriqiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

—¿Mūhu waro dahse wame ye duajari mūhu macure? ni, sinituahye tiqirore.

⁶³ Tiquina sa nigū tiqiro pehe ojoari pǵine sini, ñehe, ojoahye: “Yūhu macū Ñu wame tirota”, ni, ojoahye Zacaria. Tiqiro sa ni ojoagū tiquina pehe tuho maria wahahye.

⁶⁴ Tiqiro sa ni ojoari bato tiqirore yahuducugū yeahye Cohācǵū. Sa yero tiqiro yahuducua wahahye.

—Cohācǵū tutuariqiro, quehnoariqiro ijire, niahye tiqiro.

⁶⁵ Tiqiro sa ni yahuducugū tuho ye to cǵēna tuho maria wahahye. Sa ye ahri ijipihitiyere Judea yehpa cǵēnare canū cǵū watoa ijiiyequinare masa yahu siteahye. Sa ye masa to cǵēna quehnoano masi pihtia wahahye.

⁶⁶ Ijipihtiyequina tire tuho ye wacūahye. “Cohācǵū tutuayere ahriqirogā cuore. Sa yero ihyo ijiriqiro ijisi tiqirogā”, ni, tuhotuahye masa.

Zacaria Cohācǵūre ño peoahye

⁶⁷ Sa yero tiqiro pacuro Zacaria Espiritu Santo dutihiro saha ye pehoriqiro ijiro tiqiro tutuayere cuoriqiro ijiro Cohācǵū yere yahuahye:

⁶⁸ Cohācǵūre ño peouhna mari. Mari Israe masa tiqiro yequina ijiaja mari. Sa yero mari cahapū wihiro, marine yedohoro quehnoano yuhdugū yerota.

⁶⁹ Sa yero Cohācǵū tutuariqirore marine pecapū wahaborinare quehnoano yuhdugū yeatiqirore ohori jiri. Marine quehnoano yuhdūoatiqiro tiqiro acayuro mnanano Davi ijire. Davi mnanano pehe marine yuhdūoatiqiro cahacǵāno ijire.

⁷⁰ Panopū tiqiro yere yahu mūhtariquinare Cohācǵū ohō saha ni ahriye yahu dutiahye.

⁷¹ Marine ihñā tuhtiyequina marine ñano tiquina ye duagū ihñāno “Mūsare yedohoutja”, ni, cūahye Cohācǵū marine.

⁷² Mari ñecusumaa mnanare “Mūsare paja ihñagū, yedohoutja. Mūsare yūhu yahu cūrire wacūta”, niahye Cohācǵū mari ñecusumaa iji turiayequina mnanare. Ti pǵepure tiqiro nidiro saha marine yojopure yere.

⁷³⁻⁷⁵ Ohō saha ni cūahye Cohācǵū panopure Abrahāre: “Mūhu acaye camerū ijiiyequinare ihñā tuhtiyequina tiquina ijigū cohāntja. Sa yegū mūhu acayere yedohoutja. Sa ye tiquina cuero marieno yūhu dutiyere ye masieta. Sa yegū tiquina ñañene yūhu cohāgū, tiquina yūhu ihñonopū ijipihtiye decori quehnoañequina ijiducuetā”, ni, yahu cūahye panopū Cohācǵū mari acayuro mnanore Abrahāre, niahye Zacaria.

Sa ni tuhasa tiqiro macanore ohō saha niahye:

⁷⁶⁻⁷⁷ Macū, mūhure ohō saha nieta masa: “Cohācǵū tutua yuhdūariqiro tiqiro yere yahu mūhtariqiro ijire”, nieta mūhure. Sa yegū mūhu mari pūhtoro Cristo pano wahayugūta mūhu. Sa wahagu ohō saha ni yahugūta mūhu. “Cohācǵū musa ñañene cohāno, pecapū wahaborinare yuhdūorota mūsare”, ni, yahugūta mūhu. Sa ni yahugū mari pūhtoro tiqiro ahtatire yahuyugū nigūta mūhu.

⁷⁸ Cohācǵū pehe marine tutuaro paja ihñariqiro marine quehnoano yeriqiro ijiro, tiqiro marine pecapū wahaborinare yuhdūo duare. Marine yuhdūoro ahtaro Cristo mari cahapū ahtarota.

⁷⁹ Ijipihtiyequina marine pecapū wahaborinare yuhdūo duare tiqiro. Sa yero Cohācǵūre masiena mari ijigū ihñāno marine masigū ye duare tiqiro. Sa yero mari quehnoano ihcāno mehna mari ijiatire yahurota marine, niahye Zacaria.

⁸⁰ Sa yero Zacaria macano quehnoano pagū tiriqiro masahye. Sa yero Cohācǵūre tutuaro ño peoahye. Sa yero yoari pje masa marienopū ijie tiahye. Israe masare buhe dūcaro topūta ijie tiahye.

2

*Jesu masa bajuahye
(Mt 1.18-25)*

¹ Ti pjere ijipihitiye yehpari cjēna puhtoro Augusto ijie tiahye. Sa yero ijipihitiye-quinare queo dutiahye.

² Ahriquina masare tiquina coã queo ducagū Siria yehpa cjēna puhtoro Cirenio wame tiriqiro ijiahye.

³ Sa ye ijipihitiyequina tiquina ñecusumua panopu cjēna ye macaripu tiquina wamene oja ohoñe wahahye.

⁴ José gāhu Nazarepu Galilea yehparu ijiri macapu ijiriquina waha, Judea yehparu Belē wame tiri macapu esahye. Puhtoro Davi munano panopu cjāno tiqiro masa bajuariro ijiahye Belē. José Davi munano panamino iji turiariquiro ijiro Belēpu tiqiro wamene oja ohō dutiro wahahye.

⁵ Sa yero María tiqiro omoca duhteaticoro mehna topu tiqiro wamene oja ohō dutiro esahye. Ticoro pehere meheñe decorigā duhsahye nijino bajuato.

⁶ Sa yero Belēpu esaro ticoro niji wahcōahye.

⁷ Topure masa tiquina carīni wahu ne esa tuhaerahye tiquinare. Sa yero ticoro pohna ti tuhasa, tiqirogāre suhtiro mehna coma, wecua tiquina ihyari cohropu, taa bui tiqirogāre duhu peohaye. Tiquirogā ticoro coã macu ti muhtariquirogā ijiahye.

Angele ovejare ihña ihboyequinare bajuahye

⁸ Ti ñamine oveja tiquina ijipropu ovejare ihña ihboyequina tiquina yequina ovejare ihña ihboye niahye.

⁹ Sa yero Cohācjū ohoriquiro angel tiquinare bajuahye. Tiquiro sa bajuagū Cohācjū asi siteye tiquinare buhrioahye. Tiquiro sa asi sitegū ihñañe, ovejare ihña ihboyequina cuea wahahye.

¹⁰ Tiquina sa wahagū angel tiquinare yahuahye:

—Quehnoañe quitire masare yahugu ahtaja. Ijipihitiyequinare masare bucuegū yerota ahri quitī. Sa yena yuhare cueracāñña musa.

¹¹ Mía ñamine puhtoro Davi munano ya macapu masare pecapu wahaborinare yuhduoatiquiro, Cristo Cohācjū ohoriquiro mari puhtoro masa bajua tuhasari.

¹² Sa yero suhtiro mehna comariquirogā wecua ihyari cohro bui tiquina duhu peoriquirogā musa ihñatiquirogā tiqiro ijirota, ni yahuahye angel tiquinare.

¹³ Tiquiro sa nigāta peyequina umhuse cjēna iji muhtariquiro angel mehna Cohācjūre ño peohaye. Ohō saha ni ño peohaye tiquina:

¹⁴ Cohācjūre umhuse cjānore ño peouhna. Sa ye Cohācjū tiqiro cahñequina cuero

marieno cahmequeno marieno quehnoano ijiahiro, ni, ño peohaye angele pari.

¹⁵ Sa ni tuhasa umhusepu tiquina mujari bato ovejare ihña ihboyequina pehe tiquina basi cahme yahuducuaahye:

—Ahrire Cohācjū marine tiqiro yahurire Belēpu isa ihñauhna, niahye tiquina basi.

¹⁶ Sa niñe sojaro mehna waha wahahye. Tiquina Mariare, Josere boca sa, nijinogāre wecua ihyari cohropu tiquina duhu peoriquirogāre ihñahye tiquina.

¹⁷ Ovejare ihña ihboyequina tiqirogāre ihña tuhasa nijinogāre angel tiqiro yahurire yahuahye apequnare.

¹⁸ Tiquina sa ni yahugū ijipihitiyequina tiquinare tuho maria wahahye.

¹⁹ Ahri ijipihitiyere María wacū tuhotuahye.

²⁰ Sa yeye ovejare ihña ihboyequina pehe angel tiqiro yahuriro saha ijigū ihñañe, “Cohācjū tutuariquiro ijire”, ni bucueahye. Sa ni bucueye tojoaa wahahye.

Cohācjū wuhupu Jesu pacusumua tiqirogāre neahye

²¹ Ihcā semana bato nijinogā tiqiro cuhnucunū sohtoa cahserogāre yahre ne tuhasa tiqirogāre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiqirogāre”, ni yahu tuhasahye. Sa yeye tiqirogāre Jesu wame yeahye.

²²⁻²⁴ Cohācjū dutiye Moise tiqiro yahuriro saha yeye tehe, José, María mehna Jerusalēpu wahahye. Topu wahaye María ticoro pohna tiri bato pagu quehnoaricoro ticoro tojoarire ihñono taro. Cohācjū dutiro sahata tiquina minicjūare ohoye wahahye Cohācjūre ño peoye. Ohō saha dutiahye Cohācjū: “Bujuaare puaro ohoya yuhare. O tiquina mariedagū apequna boro minicjūare ohoya yuhare ño peona”, ni dutiahye Cohācjū. Tiquiro dutiriro sahata yeahye tiquina ticoro pagu quehnoari pagu ticoro waharire ihñoñe taye.

Topu wahaye tiquina Jesugāre neahye. Tiquirogāre Cohācjūre “Ahriqirogā muhu yaquiro ijiatiquirogā ijire”, ni ihñoñe wahahye. Ohō saha yeahye Cohācjū yere tiquina ojarō pūpu tiqiro ye dutiriro sahata. “Ijipihitiyequina musa pohna coã bajua muhtañequinagāre Cohācjūre ihñoña. ‘Ahriqirogā muhu yaquirogā ijiatiquiro ijire’, ni ihñoña”, ni dutiahye Cohācjū. Sa ye tiqiro dutiriro sahata yeahye tiquina, Jerusalēpu ijire.

²⁵ Ti macapu Simeo wame tiriqiro ijiahye. Tiquiro quehnoariquiro, Cohācjūre ño peoriquiro ijiro, Israe masare Cohācjū yedohatire cohteriquiro ijiahye. Sa yero

Simeo Espiritu Santo tiqiro nidiro saha yeriqiro ijiahye.

²⁶ Sa yero tiqiro yariato pano Cohācjū tiqiro ohoatiqirore Cristore tiqiro ihñatire yahuahye Espiritu Santo tiqirore Simeore.

²⁷ Sa yero Espiritu Santo tiqirore dutigū Cohācjū wuhupū sajāa wahahye. Tiqiro sajā sari bato Jesu pacusumua tiquina macunogāre ne sajāhye. Cohācjū tiqiro dutiriro sahata yeye niahye.

²⁸ Simeo pehe tiqirogāre wua ne, Cohācjūre ño peo, “Quehnoare”, ni, tiqiro mehna yahuducuahye.

Ohō saha niahye tiqiro Cohācjūre:

²⁹⁻³² Yojopū pūritare pūhto, mūhū nidiro sahata masare pecapū wahaboriqinare yuhduoatiqirore ohoi jiri mūhū. Tiqiro judio masa ijieyequinare buhero mūhare quehnoano masigū yerota tiquinare. Masare yuhduoatiqiro Israe masunore mūhū cūahye. Ūsā acayūrore Israe masunore mūhū cūgū ijipihtieyquina masiñe, “Israe masare quehnoano yere Cohācjū”, nieta masa. Ahriqirogā ūsāre yuhduoatiqiro ijire. Sa yegū ahriqirogāre ihña tuhasagū, yojopūre quehnoano bucegū yariñtja, niahye Simeo.

³³ Simeo tiqirogāre tiqiro sa nigū tiqirogā pacusumua pehe tūho maria wahahye.

³⁴ Sa yero Simeo tiquinare “Quehnoano ijija msa”, nino tiqiro María Jesu pacorore yahuahye:

—Cohācjū ahriqirogāre beseahye. Sa beseriqirogā tiqiro ijiepegūta judio masa peyequina tiqirore yuhduoaceta. Sa ye tiquina pecapū wahaeta. Sa yero judio masare peyequina tiqiro yuhduoatiqiro gūhare Cohācjū beseri tiqirogāre. Tiqiro Cohācjū yere yahuriqiro tiqiro ijiepegūta masa peyequina tiqirore ñano ni yahuduceta.

³⁵ Tiquina sa yegū apequina tiquina ñano wacūñene masieta. Sa yego mūhū tutuaro purino yero saha bājua witigota, niahye Simeo Mariare.

³⁶ Topū Cohācjū yere yahu mūhtaricoro Ana wame tiricoro ijiahye. Ticoro Fanuel macono ijiro, Aser manano ya curua cōño ijiahye. Bucōro waro ijiahye. Ticoro nuhmino ijiro manū tiahye. Sa yero site cūhari waro ticoro manūno mehna ijiahye. To puno tiqiro ijiri bato ticoro manūno yariaa wahahye.

³⁷ Sa yero ochenta y cuatro cūhari waro wape wihoro ijie tiahye ticoro. Sa yero ticoro deco gūhare ñami gūhare Cohācjū yere

yero taro siji, Cohācjū mehna yahuducū, Cohācjū wūhare ne wijiaera tiahye.

³⁸ Simeo tiqiro yahuducuri watoa ticoro tiquina cahapū wihiro, bucuero, Cohācjūre “Quehnoare”, niahye. Sa yero Jerusalē cjenare pecapū wahaboriqinare yuhduoatiqirore cohteyequinare ticoro Jesugāre yahuahye peyequina masare.

José, María, Jesu mehna Nazarepū tojoaa wahahye tja

³⁹ Cohācjū dutiriro sahata ye tuhasaye, tiquina ya macapū Nazarepū tojoaa wahahye. Galilea yehpapū ijiahye ti maca Nazare.

⁴⁰ Sa yero Jesu quehnoano masa, tutuariqiro wahahye. Sa yero tiqiro quehnoano tūho masiniqiro ijiahye. Sa yero tiqirore Cohācjū quehnoano yeahye.

Jesu coā wahmua dūcaro, Cohācjū ya wuhupū judio masare buheyequina mehna yahuducuro niahye

⁴¹ Cūharipe Jesu pacusumua Jerusalēpū pascua decorire bose decorire ihñañe wahaetiahye.

⁴² Jesu doce cūhari tiqiro cūgū tiquina yeducuriro sahata tiquina ijipihtieyquina Jerusalēpū wahahye.

⁴³ Sa yeye bose decorire ihña tuhasa tiquina ya macapū tojoaa wahahye tja. Tiquina sa tojoepēgūta Jesu pehe Jerusalēpū tojoa cāhye. Tiqiro pacusumua tiqiro tojoa queherire masiedahye.

⁴⁴ “Tiqiro mari mehna cjenā mehna ijia”, ni tūhotumahye tiquina. Sa ye tiquina ihcā deco waro Jesu marieno wahamahye. Sa ye tiquina Jesure tiquina acaye watoa macamahye.

⁴⁵ Ne bocaerahye. Sa ye tiquina Jerusalēpū tiqirore macañe wahahye.

⁴⁶ Ihtia deco bato Cohācjū wuhupū tiqirore boca sahye. Sa yero Jesu judio masare buheyequinare tūho, tiquinare sinitorio niahye. Sa ye cahme yahuducuye niahye.

⁴⁷ Tiquina ijipihtieyquina Jesure tūhoye quehnoano masiniqirogā tiqiro ijigū ihñañe, tiquina tūho maria wahahye.

⁴⁸ Tiqiro pacusumua gūhū Jesure ihñañe, ihña maria wahahye. Sa yero tiqiro pacoro tiqirore ohō saha niahye:

—¿Macū, dūhsegū sa yejari mūhū ūsāre? Mūhū pacusumua ohō saha ni tūhotuu ūsā. “Tiqiro butia wahaga”, ni macaja ūsā mūhare, niahye ticoro macunore.

⁴⁹ Ticoro sa nigū tiqiro pacusumūhare yahuahye:

—¿Dūhsena yūhare macajari msa? Yūhū Pacū yūhare tiqiro dutiriro saha yegū nija. ¿Tire masiedajari msa? niahye tiqiro.

⁵⁰ Tiqiro sa niepegūta tiquina tūho ñehedahye.

⁵¹ Sa yero Jesu Nazarepũ tojoaa waha, tiqiro pacũsmuare ne yũhdũcaerahye. Ahri ijipitiye tiqiro yerire María quehnoano wacũahye.

⁵² Sa yero Jesu bucua, quehnoano tuho masiniqiro wahahye. Sa ye Cohãcũ, masa gãũhũ “Quehnoariqiro ijire”, ni ihũahye tiqirore.

3

Ñu wame yeriquiro masare Cohãcũ yere yahuahye

(Mt 3.1-12; Mr 1.1-8; Jn 1.19-28)

¹ Ti pjere tiquina pũthoro Tiberio wame tiriqiro pũthoro ijiri bato quince cãmari wahahye. Sa yero Poncio Pilato wame tiriqiro Judea yehpa cjẽna pũthoro ijiahye. Sa yero Herode wame tiriqiro Galilea yehpa cjẽna pũthoro ijiahye. Tiquiro bahũro Felipe Iturea yehpa cjẽna, Traconite yehpa cjẽna gãũhũ tiquina pũthoro ijiahye. Sa yero Lisania wame tiriqiro Abilinia yehpa cjẽna pũthoro ijiahye.

² Sa ye Anãs, Caifa mehna ijipitiyequina pahia pũtho ijiahye. Ahriquina ijipitiyequina tiquina ijiri pjere Ñu Zacaria macano masa marienopũ ijiriquirore Cohãcũ pehe tiqirore tiqiro yere yahu dutiahye.

³ Sa yero Jordã wame tiri ma dũhtũ capũ ijiri yehparũ ijipitiropũ Ñu buhero wahahye.

—Musa ñaũe yeyere bujua witiya. Yo-jopũre quehnoaũe pehere comesaya. Sa yena wame yenhõrina ijia. Musa sa comesagũ ihũano Cohãcũ masa ñaũe yerire borota, ni, buhee tiahye tiqiro.

⁴ Isaia mũnano panopũ cjãno Cohãcũ yere yahu mũhtariqiro ojoariro sahata ahriqiro yo-jopũre yero niahye. Ohõ saha ni ojoahye Isaia Ñu tiqiro buheatiere:

Masa marienopũ yahuducu saũuduciquiro ohõ saha ni buherota: “Mari pũthoro ahtato pano mahare mari quehnoyuro saha quehnoana ijyuya masa. Masa ñaũe yerire bujua witiya.

⁵ Pe wũhtari, pe buhuari gãũhũre quehnoari paa mari yeriro saha, pari yawi ijie maharine potoye mahari mari yeriro saha, ñaũe maharine quehnoaũe maharine mari yeriro saha, wetere masa coseriro saha masa ñaũe yeyere duhuya.

⁶ Masa sa yegũ Cohãcũ musare pecapũ wahaborinare tiqiro yũhdũogũ ihũaeta ijipitiiri yehpa cjẽna”, ninota tiqiro saũuducu yahuriquiro pehe, ni ojoahye Isaia mũnano panopũre.

⁷ Masa peyequina Ñu capũ wihye tiqiro tiquinare wame yegũ cahmeahye tiquina. Sa yero tiqiro tiquinare yahuahye:

—Añaa pari yero saha ña yũhdũna, cue duhti duana ijire musa. Musa ñaũe yerire bujua witi duerana Cohãcũ masa ñaũe buhirire tiqiro buhiri dahreato pano duhti masiedare masa.

⁸ Sa yena potota masa ñaũene bujua witina ijina, quehnoaũene comesana ijina, quehnoaũe pehere yeya masa. Ohõ saha ni tuhotueracãhũ. “Panopũ cjãno Abrahã mari ñecũ mũnano ijie tiahye. Sa yena tiqiro panamena ijina mari Cohãcũ yequina ijiaja”, ni tuhotueracãhũ masa. Musare niita niaja. Abrahã panamena ijituriana ijimene masa. Musa sa ijiepegũta ti masa sa ijie duhseati ijierare. Cohãcũ pehe ahri utã paca mehna Abrahã acayere dahre masine. Sa ye Abrahã acaye masa ijie ihyo waro ijire utã paca ihyo waro ti ijiro saha.

⁹ Ohõ saha ijire: Masa yucũri yero saha ijire. Cohãcũ pehe yucũrire quẽatiare comeare cõriqiro yero saha ijire. Sa yero ñaũe dũca tiye cjũre dũte cohã, ti nũhcori gãũhũre dũte sure peho cãnota. Dũte sure tuhassa, pecapũ ujuãnota tiqiro ti cjũre, nũhcori gãũhũre. Sata yerota masa gãũhũre tiqirore cahmeẽnequinare, niahye Ñu masare.

¹⁰ Tiquiro sa nigũ tuhoye masa pehe tiqirore sinituahye:

—¿Dũhse yenatari usã? niahye tiquina Ñure.

¹¹ —Pũa suhtiro cõriqiro suhti mariediquirore ihcãno ohoya. Sa yena masa ihyaye cõna apequina gãũhũre ohoya, niahye Ñu.

¹² Meheñequinagã pũtho ya ijiatire wapa ne cohteyequina wame yenhõriquina iji duahye tiquina gãũhũ. Sa yeye Ñu capũ wihye, tiqirore sinituahye:

—¿Buhegu, usã pehe dũhse yenatari usã? niahye tiquina tiqirore.

¹³ —Musa pũtho tiquina dutiro punota masare wapa neña. Ni meho wapa ne nemoedacãhũ, ni yahuahye Ñu tiquinare.

¹⁴ Apequina surara tiqirore sinituahye tja:

—¿Usã pehe dũhse yenatari? niahye tiquina tiqirore tja.

—Masa yere niñerure ehmedacãhũ. Sa yena tiquina ye niñerure ni meho nedacãhũ. Musare tiquina wapa yero punota bucueya, ni, yahuahye Ñu.

¹⁵ Masa Cristore Cohãcũ tiqiro ohoatiquirore cohteye niahye. Sa yeye ohõ saha ni tuhotu dacahye tiquina Ñure. “Ahriqiro Ñu pehe Cristo ijiboaga”, ni tuhotumahye tiquina.

¹⁶ Tiquina sa nigũ tuhoro Ñu ijipitiyequinare yahuahye:

—Yũhũ bato yũhũ yũhdũoro tutuariqiro ahtarota. Quehnoa yũhdũariqiro ijire

tiqairo. Tiqairo yero saha ijieraja yuhũ pehe. Sa yegu tiqairore tuhutu, "Itho ijigu ijiaja", ni tuhutuaja yuhũ. Yuhũ pehe masare wame yegu aco mehna wame yemi. Tiqairo pehe yuhũ yuhũuro yerota. Espiritu Santore masa mehna ijiducugũ yerota. Sa yero pecaru ñañene tiqairo ujãa wero saha tiqairo ahtariqairo pehe musa ñano yeyere cose werota.

¹⁷ Yuhũ bato ahtariqairo trigo cahseri cohãriqairo yero saha ijire. Ti cahserire cohãriqairo tiqairo batiro mehna ijiphtiye trigo pjeri cahserire puti were. Sa ye tuhasa trigo pehere tiqairo ihbori wuhũpũ cũnota. Sata yerota tiquina ñañene bujua witiyequinare yuhũ bato ahtariqairo. Tiqairo puti weri cahseri pehere ujãanota. Ti peca tiqairo ujãari peca ne yatisi. Sata yerota tiqairo yuhũ bato ahtariqairo tiquina ñañene bujua witiyequinare, ni yahuahye Ñu.

¹⁸ Peye tiqairo sa ni yahuye mehna masare quehnoañe buheyere yahuahye Ñu.

¹⁹ Sa yero pãhtoro Herode pehe tiqairo baharo Felipe namonore tiqairo namo tiri buhiri, pajiro ñañene tiqairo yeri buhiri gũhare Ñu tiqairore yahumahye.

²⁰ Tiqairo sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

²¹ Ñure tiquina peresu yeato pano apequina masare Ñu pehe wame yero niyahye. Tiquinare wame yero Jesu gũhare wame yeahye. Sa yero Jesu diarũ ducuriquiro Cohãcãre tiqairo sinino watoa uhmuse pari maa wahahye.

²² Sa pari maari bato Espiritu Santo bujua yero saha bajuriquiro Jesu buipũ dijia tahye. Tiqairo ahtagũ uhmusepũ yahuducuro ca tahye:

—Mũhũ yuhũ macũ yuhũ cahĩgu ijire. Mũhũ mehna tutuaro bucueaja, nino ca tahye uhmusepũ.

*Jesu acaye panopũ cãna ijiahye
(Mt 1.1-17)*

²³ Jesu buhe dũcari cãhmare treinta cãhmari cũoahye tiqairo. "Tiqairo José macuno ijire", ni, tuhutumahye masa. José pehe Elí macuno ijiahye.

²⁴ Elí Matat macuno ijiahye. Matat Levi macuno ijiahye. Levi Melqui macuno ijiahye. Melqui Jana macuno ijiahye. Jana José macuno ijiahye.

²⁵ José Matatía macuno ijiahye. Matatía Amós macuno ijiahye. Amós Nahúm macuno ijiahye. Nahúm Esli macuno ijiahye. Esli Nagai macuno ijiahye.

²⁶ Nagai Maat macuno ijiahye. Maat Matatía macuno ijiahye. Matatía Semei macuno ijiahye. Semei Josec macuno ijiahye. Josec Judá macuno ijiahye.

²⁷ Judá Joanán macuno ijiahye. Joanán Resa macuno ijiahye. Resa Zorobabel macuno ijiahye. Zorobabel Salatiel macuno ijiahye. Salatiel Neri macuno ijiahye.

²⁸ Neri Melqui macuno ijiahye. Melqui Adi macuno ijiahye. Adi Cosam macuno ijiahye. Cosam Elmadam macuno ijiahye. Elmadam Er macuno ijiahye.

²⁹ Er Josué macuno ijiahye. Josué Eliezer macuno ijiahye. Eliezer Jorim macuno ijiahye. Jorim Matat macuno ijiahye.

³⁰ Matat Levi macuno ijiahye. Levi Simeo macuno ijiahye. Simeo Judá macuno ijiahye. Judá José macuno ijiahye. José Jonam macuno ijiahye. Jonam Eliaquim macuno ijiahye.

³¹ Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye.

³² Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye.

³³ Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye.

³⁴ Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye.

³⁵ Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye.

³⁶ Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye.

³⁷ Lamec Matusalé macuno ijiahye. Matusalé Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye.

³⁸ Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcã yeriquiro ijiahye.

4

*Watĩno ñañene ye dutimahye Jesure
(Mt 4.1-11; Mr 1.12-13)*

¹ Jesu Espiritu Santo dutiriro saha ye pehoriqairo ijero, Jordã wame tiri ma caharu ijiriquiro tojoa wahahye. Tiqairo sa tojoa

wahagū Espiritu Santo pehe tiqiurore masa marienopu neahye.

² Topu esaro cuarenta decori ijiahye. Sa yero watino pehe Jesure ñañene yegū cahmemahye. Sa yero ñañene ye dutimahye tiqiurore. Ti decorire ne Jesu ihyerahye. Sa yero ti decori pihtigū waro tiqiuro ujua ahbahye.

³ Tiquiro sa ujua ahbagū ihñano watino ohō saha nimahye Jesure:

—Muhu Cohācjū macu ijigu, ahria utāre ihyaye dojomehneña, nimahye Jesure.

⁴ Jesu ohō saha ni yahtiahye:

—Yeraja. Cohācjū yere tiquina ojoari pūpu ohō saha nine: “Masare ihyaye mehna dihita catieraro cahmene. Ijipihtiye Cohācjū ye yahuye mehna ijiro cahmene”, nine Cohācjū, ni yahtiahye Jesu watinore.

⁵ Tiquiro sa nidi bato watino pehe tiqiurore canu ahmuanu buipru ne maja saro, duita ijipihtiye macarine ihño dijioahye Jesure.

⁶ Sa ihñono Jesure yahuahye:

—Ijipihtiye ahri macari yuhare tiqiuro ohori ijire. Sa yegu yuhu cahmediquirore oho masajaja. Sa yegu ahri macarine, ahri macari cjenare dutiati gahare, tiquina cuoye mehna mähare ohoutja.

⁷ Yuhare mahu ño peogū ahri macari ijipihtiye macarine mähare ohoutja, niahye watino Jesure.

⁸ Jesu ohō saha ni yahtiahye tiqiurore:

—Muhare ño peeraja. Ohō saha nine Cohācjū yere tiquina ojoari pū: “Muhu puhtoro Cohācjū dihitaro ño peoya. Tiquiro ye dutiye dihitaro yeya”, ni ojoahye Cohācjū yere, niahye Jesu watinore.

⁹⁻¹¹ Tiquiro sa nidi bato Jerusalēpu watino pehe tiqiurore ne cā, Cohācjū wahu buipru ne sahye. Ne sa tuhasa tiqiurore ohō saha nimahye:

—Cohācjū yere tiquina ojoari pū ohō saha nine: “Cohācjū tiqiurorequina angelere mähare ihña ihbo dutirotro. Sa yeye tiquina pehe mähare ihña ihboeta, ‘Muharu utāru puhari’, niñe”, ni ojoahye Cohācjū yere tiquina ojoari pūpu. Tiquiro sa nidi potu ijigū mahu Cohācjū macu ijigu, yehrapu uhpu dijia ihñoña yuhare. Muhare tiquina yedohogū ihñoña yuhare, nimahye watino Jesure.

¹² Jesu uhpu dijia ihño dueraro ohō saha ni yahtiahye tiqiurore:

—Cohācjū yere tiquina ojoari pū ohō saha nine: “Musa puhtoro Cohācjū tiqiurore nidire ‘¿Poto ijiajari?’ ni masi duana, Cohācjūre ye ihño duti tuhueracahña”, nine Cohācjū yere tiquina ojoari pūpu, niahye Jesu watinore.

¹³ Sa yero watino ijipihtiye ñañene Jesure ye dutimahye. Sa duti tuhasaro mehenogū duhu cāria hye.

Galilea yehrapu Jesu buhe ducahye (Mt 4.12-17; Mr 1.14-15)

¹⁴ Came Jesu Galileapu tojoaa wahahye. Sa yero tiqiuro Espiritu Santo tutuayeh mehna yeahye. Topu ijipihtiropu masa tiqiurore quiti tiahye.

¹⁵ Judio masa buheye wahu sepu Jesu gahu buhee tiahye. Sa ye ijipihtiyequina masa tiqiurore quehnoano yahuducuahye.

Nazare cjēna Jesure ne cahmedahye (Mt 13.53-58; Mr 6.1-6)

¹⁶⁻¹⁷ Came Nazarepu Jesu tiqiuro masariporota esahye. Topu esa, saurū ijigū tiqiuro sa yeducuriro saha judio masa tiquina buheri wahu ru saja sahye. Topu tiqiuro Cohācjū yere tiquina ojoari pūre buhero taro topu ducuahye. Tiquiro sa ducugū ihñañe to cjēna pehe Cohācjū yere yahu mähariqiuro Isaia manano tiqiuro ojoari pūre tiqiurore ohoahye. Ti pūpu Jesu ahri yahuyere bocaro buheahye:

¹⁸ Cohācjū yaqiuro Espiritu yuhu mehna ijiro, yuhare dutiri. Tiquiro pejesuoyequinare quehnoañe buheyere yahu dutiro ohori yuhare. Sa yero peresupu ijieyequina gahare tiquinare tiqiuro yuhduoatire yahu dutiro ohori yuhare. Caperi bahueyequina tiquina quehnoano ihñatire ohori yuhare. Sa yero masa ñano tiquina yenhriquinare wioacjare yuhare ohori.

¹⁹ Mari puhtoro Cohācjū tiqiuro yequinare pecaru wahaboriquinare tiqiuro yuhduoatire yuhare yahu dutiro ohori, ni buheahye Jesu.

²⁰ Sa ni buhe tuhasa Jesu ti pūre quehnoari tunu torē, wahu cjanore wia tuhasa, nuju sahye. Tiquiro nuju sagū ihñañe topu ijieyequina ijipihtiyequina tiqiuro dihitaro ihñahye.

²¹ Tiquina sa yegū tiqiuro tiquinare yahu ducahye:

—Ahri mianogāta yahu buhero saha Cohācjū tiqiuro nidiro sahata waharo nine, niahye Jesu.

²² Tiquiro sa nigū tuhoye “Ahriqiuro quehnoariqiuro ijire”, ni tuhutuahye tiquina. Sa yeye tiquina tiqiuro quehnoano yahuducugū tuhoye, tuho maria wahahye. Sa yeye ohō saha niahye tiquina basi:

—¿Yohnah, José macano ijierajari ahriqiuro? niahye tiquina basi.

²³ Tiquina sa nigū masino Jesu yahuahye tiquinare:

—Yuhu buheyere tuho duerana, ohō saha ni tuhutore masa yuhare: “Duturu dohatiro tiqiuro basi aco ti masine duturu waro tiqiuro ijiyere ihñono. Muhu gahu duturu tiqiuro ye ihñono saha mahu ni diro saha ijigu Cohācjū tutuayeh mehna ye

ihñoña usäre. Capernaure Cohäcjä tutu-
aye mehna ye ihñoñtohti muhu. Usä gähäre
sa ye ihñoña, muhu buheyere 'Poto tjire', usä
niato saha", ni duare masa yahure.

²⁴ Ahrire yahutja masare. Cohäcjä yere
yahu muhtariquirore tiquiro ya maca cjëna
ño peerare. Sa yena yahure ño peerare
masa ohöru yahu masarigu ijigü.

²⁵ Sata ijiahye panopure. Panoru Elia
tiquiro ijiri pjere ihtia cähma ape cähma
deco waro ne acoro ahtaerahye. Sa yero
ijiphihtiroputa ne ihyaye mariedahye.

²⁶ Ti pjere peyequina wape wiha numia
Israe yehparu tiquina ijiepegäta Cohäcjä
Elia mananore tiquinare yedoho dutiro
ohoerahye. Tiquiro ya macare sa ye du-
tieraperota ape yehparu Sidö caharu ijiri
macaru Sarepta wame tiri maca cjöno wape
wihorore yedoho dutiro Elia mananore
ohoahye Cohäcjä.

²⁷ Came Cohäcjä yere yahu muhtariquiro
Eliseo manano tiquiro ijiri pjere Israe
yehparu peyequina cami bacu mana
wiha tiquina ijiepegäta ihcäquiro Israe
masanore ne quehnoa wahagü yerahye
Eliseo manano. Tiquiro ya yehpa cjënare
yeraperota Naamán wame tiriquiro Siria
yehpa cjëno dihitaré quehnoa wahagü
yeahye tiquiro. Sa yero Israe masare
yedohoeraro, Israe masa ijieyequina
pehere yedohoahye Cohäcjä, niahye Jesu
tiquinare.

²⁸ Tiquiro sa nigü tuhoye ijiphihtiequina ti
wuhuru ijieyequina usua yuhdua wahahye.

²⁹ Sa yeye tiquina wahcädaca, Jesure ne
wija, ti maca daktu caharu ijiri canaru
tiquirore tudoque dijio duamahye.

³⁰ Tiquina sa ye duepegäta Jesu tiquina
watoata wahaa wahahye.

*Watñore caoriquiro Jesure piti cahye
(Mr 1.21-28)*

³¹ Came Jesu Galilea yehparu ijiri macaru
Capernaú wame tiri macaru esa, sauru ijigü
masare bueahye.

³² Quehnoano masi pehoriquiro tiquiro
buhegü tuhoye masa tuho maria wahahye.

³³ Ti wuhuru watñore caoriquiro ijiahye.
Tutuario sañuducuahye:

³⁴ —Muhu Jesu Nazare cjü usäre cariboer-
acähña muhu. ¿Duhse yegu tagu nijari
usäre? ¿Muhu usäre butigü yegu tagu nijari?
Cohäcjä macu, quehnoagu muhu ijigü yahu
masajä, ni sañuducuahye Jesure.

³⁵ Tiquiro sa nigü tuhoró Jesu tuhtiahye
watñore:

—Dihta mariahña. Duhya tiquirore, ni-
ahye Jesu.

Tiquiro sa nidi bato masanore watño
pehe yehparu doque quehe sa tunugü
yeahye. Tiquiro sa yeri bato tiquiro pehe
quehnoa wahahye.

³⁶ Topu ijieyequina ijiphihtiequina tiquiro
sa wahagü ihñañe, ihña maria wahahye. Sa
ye tiquina basi ohö saha ni yahuducuahye:

—¿Yabe boro buheye ijiajari ahri sa wa-
hagü yeye? Yohnah. Tutuaro mehna
puhtoro yero saha ahriquiro watñare du-
tire. Sa yeye tiquiro dutiro sahata tiquina
masare duhure, ni yahuducuahye tiquina
basi.

³⁷ Tiquiro sa yegü ihñañe ti yehparu ijipi-
htiropu masa Jesure quiti dahreahye.

*Jesu Simo Pedro mareonore dutire
yuhduoahye*

(Mt 8.14-15; Mr 1.29-31)

³⁸ Judio masa tiquina buheri wuhure wi-
jia, Simo ya wuhuru sajä sahye Jesu. Topu
Simo mareono dohatiro niahye. Tutuaro
ujuaye tiahye. Sa ye tiquina ticoro dohatigü
yahuahye Jesure.

³⁹ Tiquina yahuri bato tiquiro ticoro ca-
haru esa, ujuayere suru dutiahye. Tiquiro
sa suru dutiri bato ticorore ujuaye surua
waha, duita quehnoa wahahye. Ticoro sa
waharo wahcä nuju sa, ticorota tiquinare
ihyayere peoahye.

*Peyequina dohatieyquinare yuhduoahye
Jesu*

(Mt 8.16-17; Mr 1.32-34)

⁴⁰ Asü sajari bato ijiphihtiequina masa
tiquiro caharu ijieyequina dohatieyquinare
Jesu caharu ne sahye. Dohatieyquina peye-
quina sijoro saha ijiye dohatiyere caoahye.
Sa yero Jesu tiquiro omocari mehna tiquina
bui ña peo, ijiphihtieyquinare tiquina do-
hatiyere quehnoano yuhduoahye.

⁴¹ Watña gähäre Jesu duhu dutigü tiquina
duhuye sañuducuahye:

—Muhu potota Cohäcjä macu ijire, niahye
tiquina Jesure.

Jesu Cohäcjä ohoriquiro tiquiro Cristo
ijigü watña masiahye. Sa yero Jesu tiquinare
yahuducu dutierahye, “ ‘Cristo ijire’, ni
yahu siteari”, nino.

*Galilea yehparu bueahye Jesu
(Mr 1.35-39)*

⁴² Bohrea maja tagü Jesu ti macaru
ijiriquiro waha, masa marienoru esahye.
Tiquiro sa esari bato masa tiquirore maca
cä, boca saye, ohö saha niahye:

—Usä ya macaru tojoaya usä mehna. Ape
sie wahaegata, nimahye tiquina Jesure.

⁴³ Tiquina sa niepegäta tiquiro pehe ohö
saha ni yuhtiahye:

—Cohäcjä tiquiro puhtoro ijiyere
quehnoañe buheyere apeye macaripu
gähäre buhe duaja yuhu. Cohäcjä
yahure ohori tire yahuacjäre, niahye Jesu
tiquinare.

⁴⁴ Sa yero Judea yehparu ijiye wuhasepu, judio masa tiquina buheye wuhasepu tiquiro buhe tiniahye.

5

Jesu tiquiro buheyequinare peyequina wahi wejēgū yeahye

(Mt 4.18-22; Mr 1.16-20)

¹ Ape deco Jesu Genesare wame tiri ditara dautu cahapu esahye. Topu tiquiro ijigū ihñañe peyequina masa Cohācjū yere tuho duaye tiquirore nūnu tā sahye. Quehnoano wahpa dūca saa wahahye masa pari.

² Pua yucsa paduroru pahsaye yucsarire Jesu ihñahye. Ti yucsari cjēna yohyeyequina maja saduca, tiquina wēñecjure coseye niahye.

³ Sa yero Jesu Simo yariapu sajāhye. Sajā tuhasa tia yuc sare dia dautu cahapu cuñariare weje buho dutiahye. Sa yero yucsapu duji, masare buheahye.

⁴ Buhe tuhasa, Jesu Simore ohō saha niahye:

–Deco cjūnogā tu wioya. Sa yena muhu mehna cjēna mehna masa wēñecjure doque ñoña wahi ñeheanaja, niahye Jesu.

⁵ Tiquiro sa nigū tūhoro Simo Jesure yahtiahye:

–Puhto, wahi wejē bohreami usā mia ñamine. Bohrepenata ne ihcāquirogā wejēdahti usā. Sa wejēdapenata muhu dutiro saha doque ño tūhunata, ni yahtiahye Simo.

⁶ Sa ni tuhasa tiquina doque ñoahye. Sa tiquina doque ñogū tiquina wēñecjure peyequina wahi sajāhye. Peyequina tiquina sajāgū wēñecju tuhna wahamahye.

⁷ Sa wahagū ihñañe aperia cjēnare tiquina mehna cjēnare pjiioahye.

–Masa gūhu yedohona ahtaya usāre, ni pjiioahye Simo gūhu.

Tiquina sa yedohori bato pūaria yucsa quehnoano miniparo bocahye wahire.

⁸ Simo Pedro sa wahi peyequina tiquina sajāgū ihñano, Jesu cahapu dusepe curi mehna quehe sa, tiquirore niahye:

–Yuhu puhto, muhu mehna ijbogu ijieraja yuhu. Ñagu ijiaja yuhu. Sa yegu yuhare duhuya, niahye Simo Jesure.

⁹ Tiquiro, ijipihtiyequina tiquiro mehna cjēna gūhu peyequina wahi sajāgū ihñañe, ihña maria wahahye tiquina gūhu.

¹⁰ Pūaro Simo mehna cjēna Zebedeo pohne Santiago, tiquiro baharo Ñu mehna, tiquina gūhu ihña maria wahahye. Tiquina sa ihña mariagū ihñano Jesu Pedroro yahuahye:

–Ihña mariedacāhña. Yojoपुरe muhu wahire ñehe cahmecoagu muhu ijiro saha Cohācjū yequina ijiatiquinare pji cahmecoagu ijigūta muhu, niahye Jesu Simore.

¹¹ Tiquiro sa nidi bato tiquina yucsarire ditara dautu cahapu weje mo cū cā, tiquina ye ijipihtiyere topūta cū cā, Jesu mehna wahaa wahahye.

Jesu cami bucu muna wihirore cami yatigū yeahye

(Mt 8.1-4; Mr 1.40-45)

¹² Jesu ape macapu tiquiro ijigū cami bucu muna wihiro tiquirore piti cahye. Sa piti caro tiquiro Jesure ihña, dusepe curi mehna quehe sa, tutuaro siniahye:

–Puhto, muhu yuhare yuhduo duagu yuhduoya, ni siniahye.

¹³ Tiquiro sa nidi bato Jesu tiquirore ña peoro ohō saha niahye:

–Tire ye duaja. Yojoपुरe quehnoagu ijiya muhu, niahye.

Tiquiro sa nigūta tiquiro cami ahbari yatia wahahye.

¹⁴ Sa yero Jesu tiquirore dutiahye:

–Ahri yuhu ohō saha yerire apequinare yahueracāhña. Pahi cahapu wahaya yojoपुरe. Sa yegu muhu pagure quehnoari pagu waharire ihñañe tiquirore. Cohācjū dutiye Moiserre tiquiro cūri nidiro saha yeya. Sa yegu pahire pūaro minicjare ohoya muhu cami yuhdurire ijipihtiyequinare ihñogū tuhū, niahye cami bucu muna cuomediquirore.

¹⁵ “Yahueracāhña”, tiquiro sa niepegūta ijipihtioru masa Jesure quitu dahre nemoahye. Tiquina sa quitu dahregū tuhoye masa peyequina tiquiro cahapu esahye. Dohatiyequina yuhdu duaye, tiquina gūhu tiquiro cahapu esahye.

¹⁶ Tiquina sa esaepēgūta Jesu masa marienoru Cohācjūre sinino wahaa wahahye.

Jesu tini masieniquirore yuhduoahye

(Mt 9.1-8; Mr 2.1-12)

¹⁷ Ape deco Jesu buhegū fariseo masa, judio masare buheyequina gūhu topu dujiahye. Tiquina peye macari Galileapu ijiye macari cjēna, Judeapu ijiye macari cjēna, Jerusalē cjēna ijiahye. Sa yero Jesu Cohācjū tutuaye mehna dohatiyequinare yuhduoahye.

¹⁸ Meheñequinagā amua tini masieniquirore tiquiro cuñari cahsero mehna yo wua wihiahye. Sa yeye tiquirore Jesu cahapu cū duaye, wuhuru yo sajā duamahye tiquina tiquirore.

¹⁹ Sa sajā duepeta masa peyequina ijigū tiquina tiquirore yo sajā masiedahye. Sa yeye tiquirore wuhu buipū yo mūjahye. Yo mūja sa, mehenogā pōo we, ti coperu tini masieniquirore tiquiro cuñari cahsero mehna duhu dijoahye Jesu cahapu ijiyequina watoa.

²⁰ “Jesu ahriquirore tiquiro dohatiye yuhdugū yerota”, ni tūhotuahye tiquina.

Tiquina sa ni tahotugū masino Cohācjāre tiquina wacū tutuayere masino, Jesu tini masieniquirore ohō saha ni yahuahye:

—Yuhū acayū, mūhū ñañe yeyere yuhū cohā tuhasaū, niahye Jesu tiqūirore.

²¹ Tiquiro sa nigū tuhoye fariseo masa, judio masare buheyequina gāhū tiquina basi ohō saha ni tahotumahye: “Ahriquiro sa ni yahuducueracāhdo. Masano mari yero saha ijiro, tiquiro ñañe yeyere cohā masiedare. Cohācjū dihita masa tiquina ñañe yeyere cohā masine”, ni, tahotumahye tiquina.

²² Jesu tiquina tahotuyere masino, ohō saha niahye:

—¿Duhse yena sa ni tahotuajari masa?

²³ “Mūhū ñañe yeyere yuhū cohā tuhasaja”, yuhū nigū, “Ni mehogu ijire”, yuhūre nine masa quehnoano masiedapenata. “Wahcādūca wahaya”, yuhū nigū tiquiro tinigū ihñana yuhū nidi potō ijiḡū duita masinata.

²⁴ Yuhū masū Cohācjū ohorigū ahri yehpapū ñañe yeyere cohā masiaja yuhū. Masa tiquina ñañe yeyere cohācjāre cūri Cohācjū yuhūre. Yuhū sa cohārire masa masiato saha ohō saha ye ihñoutja masa ihñatire, niahye Jesu.

Sa ni tuhasa tini masieniquirore ohō saha niahye:

—Mūhūre niita niaja. Wahcādūcaya. Mūhū cuñari cahserore ne cāhña mūhū ya wūhūpū, niahye tiqūirore.

²⁵ Tiquiro sa nigū tuhōrota ijiptiyequina tiquina ihñonopū wahcādūca, tiquiro cuñari cahserore ne, tiquiro ya wūhūpū tojoa wahahye. Sa waharo tiquiro Cohācjāre ño peoro, bucueye mehna quehnoano yahuducuahye.

²⁶ Tiquiro sa yegū ihñañe masa pehe ijiptiyequina ihñā maria wahahye. Tiquina ihñā maria waha, Cohācjāre ño peoye, bucueye mehna quehnoano yahuducuahye:

—Miare sijoro saha ijiyere ihñānū mari, niahye tiquina.

Jesu Levīre pijiahye
(Mt 9.9-13; Mr 2.13-17)

²⁷ Sa ye tuhasa waha, Levī wame tiriquirore tiquiro dahrari tucūpū ijiptiyequina boca sahye Jesu. Levī pehe puhtoā ye ijiptire masare wapa ne cohteriquiro ijiyahye. Sa boca saro tiquirore ohō saha niahye:

—Yuhū mehna cjū ijiacjū ahtaya, niahye tiquiro Levīre.

²⁸ Tiquiro sa nigū Levī pehe ijiptiye tiquiro dahrayere duhu cā, Jesu mehna waha wahahye.

²⁹ Came Levī ya wūhūpū Jesu ya bose deco yeye niahye. Topū peyequina wapa ne cohteyequina, apequina Levī gāhū mehna dujiahye.

³⁰ Tiquina mehna Jesu gāhū dujigū ihñañe meheñequinagā fariseo masa, judio masare buheyequina mehna usua, Jesu buheyequinare sinituahye.

—¿Duhseña ñāno yeyequina, wapa ne cohteyequina mehna ihyajari masa? ni tuhtiahye tiquina.

³¹ Tiquina sa nigū tuhōro Jesu yuhtiahye tiquinare. Ohō saha ni queoye mehna buheahye:

—Dohatyequina duturure macaedare. Dohatyequina dihita duturure macare. Ñañequina dohatyequina yero saha ijire.

³² Sa yegū ñañequina dihitarē tiquina ñañene bujua witi dutigū, quehnoañe pehere comesagū yegū tūū nūi yuhū. Tiquina basi “Quehnoana ijaia usā”, ni tahotuyequinare yedohogu ahtaerū yuhū, niahye Jesu.

Sijiyere Jesure sinituahye apequina
(Mt 9.14-17; Mr 2.18-22)

³³ Sa yeye meheñequinagā masa Jesure ohō saha ni sinituahye:

—Ñū buheyequina peye tahari Cohācjāre ño peoye tehe, sijire. Sa yeye, tiquina peye tahari Cohācjāre sinine. Fariseo buheyequina gāhū tiquina yero saha yere. Tiquina sa yepegūta mūhū buheyequina pehe ihya, sihnine. Sa ye Cohācjāre ño peoye tehe, sijierare. ¿Duhse yeye sa yerajari tiquina? niahye tiquina Jesure.

³⁴ Tiquina sa nigū Jesu tiquiro tahotuyē mehna quiti dahre buhero taro tiquinare ohō saha ni yuhtiahye:

—Ohō saha ijire ti: Omoca dūhteropū tiquina pijioriquina omoca dūhteriquiro mehna ijiye, siji masiedare. Sata yuhū buheyequina gāhū yuhū mehna ijiye, siji masiedare. Yuhū omoca dūhteriquiro yero saha ijaia. Omoca dūhteriquiro bose deco tiquiro yegū tiquiro mehna cjēna ihyeyequina ijiere.

³⁵ Yuhū Pacū Cohācjū yuhūre tiquiro nedi bato pūritare yuhū buheyequina mehna ijisi yuhū. Sa yeye ti pjepta yuhū buheyequina gāhū sijieta, niahye Jesu.

³⁶ Panopū cjē buheye wahma buheye mehna tiquina buhe more duagū ihñāno ohō saha ni nemoahye Jesu tiquinare queoye mehna buhero.

—Ne wahma suhtirore meheni cahserogā tūhrē ne, mūna suhtirore sere ohōno cahmedare. Mari sa sere ohōna wahma cahserore tūhrē cohāna niaja. Sa yero wahma cahsero mūna suhtiro mehna ihcāno saha bajuerare.

³⁷ Sa yena ne uhse co bisiye core wahiquiro cahsero ajuropūre mūna ajuropūre pose yero cahmedare. Sa yegū uhse co bisiye pahmuñerū mūna ajurore tūhrē cāhre. Sa tūhñgū uhse co gāhū, ajuro gāhū cohāa wahare.

³⁸ Sa yena uhse co wahma core wahma ajurorɔ pose yero cahmene. (Sata wahma buheye muna buheye mehna buhe moredaro cahmene.)

³⁹ Muna core masa tiquina sihnidi bato, wahma core cahmedare tiquina. Ohō saha nine masa. “Muna co wahma co bui cjunogā quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina

(Mt 12.1-8; Mr 2.23-28)

¹ Ape deco saurú ijigū Jesu gūhu trigo weserɔ esahye. Topɔ esa, tiquiro buheyequina pehe trigo parorire pehe, ti pjerire sahqūē site diji, ti pjerire ihya cā wahaa wahahye tiquina.

² Tiquina sa yegū ihñañe meheñequinagā fariseo masa tiquinare sinituahye:

—¿Duhse yena masa saurú mari sori deco ijiepegūta Cohācjū tiquiro dutierari decore dahrajari masa? niahye fariseo masa.

Tiquina sa nigū tuhoro Jesu tiquinare yuhtiahye “Yūhu buheyequina yūhduducaye niedare”, nino taro:

³⁻⁴ —Davi manano tiquiro mehna cjēna mehna ujna ahbaro, Cohācjū wuhurɔ sajā, Cohācjū ye pāre ihyahye. Sa ihyaro tiquiro mehna cjēna gūhure ti pāre ihya dutiro ohoahye. Ti pāre pahia dihita ihyae tiahye. Cohācjū dutiye ti pāre apequinare ihya dutierare. ¿Davi manano tire tiquiro yerire buherari masa? (Ti pāre ihyaro Cohācjūre yūhduducaro niedahye. Miare ahri pjerire ihyaye yūhu buheyequina gūhu Cohācjūre yūhduducaye niedare.)

⁵ Yūhu masa Cohācjū ohorigu ahri deco saurú decore masa tiquina yeatire yahugū ijigū puhto ijiaja, niahye Jesu.

Omoca buhariquiro quitu

(Mt 12.9-14; Mr 3.1-6)

⁶ Ape deco saurú ijigū Jesu judio masa tiquina buheri wuhurɔ sajā saro, buheahye masare. Topɔ omoca potō pehe buhariquiro ijiahye.

⁷ Meheñequinagā judio masare buheyequina, fariseo masa gūhu Jesure yahusā duamahye. “Saurú decore masanore dohatiyere yūhdudoboaga Jesu”, ni, ihña nunu yahusā duamahye tiquina Jesure.

⁸ Jesu tiquina tuhotyere masino, omoca buhariquirore ohō saha niahye:

—Wahcāducaya. Ohōpɔ ahtaya, niahye tiquiro.

Tiquiro sa nidi bato omoca buhariquiro pehe wahcādūca, topɔ ducuahye.

⁹ Sa yero Jesu tiquinare sinituahye.

—Masare sinitutja: ¿Saurú ijigū yabere ye dutajari Cohācjū dutiye? ¿Quehnoañene

yegū quehnoaedajari? ¿Ñañene yegū pehere quehnoaboagari, masa tuhōtugū? Saurú ijigū masanore masogū quehnoañene. Saurú ijigū masanore wejēgū pehere quehnoaedare. Ñañene, niahye Jesu tiquinare.

¹⁰ Sa nino Jesu tiquinare ijipihtiyequinare ihñadoqueo, omoca buhariquirore ohō saha niahye tja:

—Mūhu omocare siō potoya, niahye tiquiro.

Tiquiro sa nigūta omoca buhariquiro pehe siō potogūta, omoca quehnoa wahahye.

¹¹ Tiquiro sa yegū ihñañe tiquina tiquiro mehna tutuaro usuahye.

—¿Duhse yenatari mari ahriquirore? niahye tiquina basi.

Jesu tiquiro buheyequinare docere tiquiro ohoatiquinare bese docoahye

(Mt 10.1-4; Mr 3.13-19)

¹² Ti decorire Jesu cunurɔ Cohācjūre sinino mūjaa wahahye. Topɔ ijiro, ñamine Cohācjū mehna yahuducu bohreahye.

¹³ Bohrearopɔ tiquiro buheyequinare tiquiro caharɔ pijioahye. Pijio tuhasa, tiquina mehna cjēnare doce waro tiquiro ohoatiquinare bese docoahye. Sa ye tiquiro cūriquina wame tiahye.

¹⁴⁻¹⁵ Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo baharo Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macuno ijiahye. Sa ye Simo celote ya curua cjāno ijimediquiro,

¹⁶ Juda Santiago baharo, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñootiquiro ijiahye.

Jesu peyequina masare buheahye

(Mt 4.23-25)

¹⁷ Sa ye Jesu tiquiro buheyequina mehna cunɔ buipɔ ijiriquina dijia taye, peyequina apequina tiquiro buheyequina mehna dijia wihiduca, quehnoari paarɔ ducuahye tiquina. Ijipihtiropɔ Judea yehparɔ ijiye macari cjēna, Jerusalē cjēna, Tiro wame tiri maca cjēna, Sidō wame tiri maca cjēna pajiri ma dūhtɔ caharɔ ijiye macari cjēna masa peyequina tiquiro caharɔ wihiahye.

¹⁸ Tiquina Jesu buheyere tuhoye tehe, tiquina dohatiyere cohāgū cahmeahye. Watia cuoyequina gūhu tiquiro caharɔ wihī, quehnoa wahahye.

¹⁹ Jesu tiquiro tutuaye mehna yūhdugū yeahye tiquinare. Sa ye tiquina ijipihtiyequina tiquirore dahra tuhuye ahtahye.

Jesu bucueye, bujua witiye gũhure buheahye

(Mt 5.1-12)

²⁰ Came Jesu tiqiro buheyequinare ihña, yahuahye:

—Musa pejesuona, (musa ñañene bujua witiña), Cohãcjũ tiqiro puhtoro ijiropũ wahanata musa. Sa yena musa bucuenata.

²¹ Yojoꝛũ musa ujua ahbana, yapina ijinata. Sa yena bucuenata.

Yojoꝛũ utina ijina, came musa bujũnata. Sa yena musa bucuenata.

²² Yũhu masũ Cohãcjũ ohorigũ iijaja. Sa yena yeere yena musa ijiri buhiri apequina musare tiquina ihña tuhtiepegũta bucuena ijire musa. Musare tiquina cohãpegũta bucuenata. Musare tiquina ñano yahuducuepegũta “Ñana ijire”, musare tiquina niepegũta musa pehe bucuenata.

²³ Musare tiquina sa yegũ ihñano uhmũserũ musa esagũ pajiro quehnoano yerota Cohãcjũ musare. Sa yena tutuaro bucuena ijiya. Quehnoano jeripohna tina ijiya. Musare ihña tuhtiequina tiquina acaye panopũ cjẽna sata ñano yeahye Cohãcjũ yere yahu muhtariquina gũhure.

²⁴ Sa yena musa yojoꝛũ peye cuona ahri yehrapũ musa quehnoano iji cã tuhasari. Sa yena ñano yuhdũna ijinata musa.

²⁵ Yojoꝛũ yapina musa ujua ahbanata. Musa sa ijiirina ñano yuhdũnata.

Yojoꝛũ musa bujarina ijina camerũ utinata. Sa yena ñano yuhdũnata.

²⁶ “Cohãcjũ yere yahu muhtana iijaja”, ni mehoñequinare “Quehnoañequina ijire”, nimahye peyequina panopũ cjẽna. Sa nimeidiquina tiquina acaye yojoꝛũ cjẽna gũhu sata “Quehnoañequina ijire”, niboaga ihquẽquina musa mehna cjẽnare. Tiquina sa ninohrina musa ijina ñano yuhdũnata musa gũhu, ni buheahye Jesu.

Musare ihña tuhtiequina tiquina ijepegũta tiquina gũhure cahña

(Mt 5.38-48; 7.12)

²⁷ Sa yero ohõ saha ni buhe nemoahye Jesu:

—Yũhure tuho duanare, musareta niũ niaja. Musare ihña tuhtiequina tiquina ijepegũta tiquina gũhure cahña. Musare ihña tuhtiequinare quehnoano yeya.

²⁸ Musare “Ñano yuhduahro”, niñequina tiquina ijepegũta quehnoa dutiya tiquinare. Musare ñano yeyequina tiquina ijepegũta “Tiquina gũhu quehnoano ijahro”, ni sini basaya Cohãcjũre.

²⁹ Ihcãqui musa wahsupure tiqiro quẽgũ, ape sie gũhure quẽ dutiya tiqirore. Musa bui cjã suhtirore tiqiro ehmagũ musa camisa gũhure sa oho cãhña tiqirore.

³⁰ Musare sinidiquirore tiqiro sinino punota ohoya tiqirore. Musa yere tiqiro negũ tiqirore sinitueracãhña pari turi tire.

³¹ Apequina musare tiquina quehnoano yegũ cahmene musa. Tiquinare musa quehnoano yegũ cahmeno saha quehnoano yeya tiquina gũhure. Tiquina quehnoano yerapegũta musa pehe tiquinare quehnoano yeya.

³² Musare cahñequina dihitare musa cahĩgũ ti ne dahseati ijierare apequina pehere musa cahĩdagũ. Ñañequina gũhu sata yere.

³³ Sa yena musare quehnoano yeyequina dihitare musa quehnoano yegũ ti gũhu ne dahseati ijierare apequina pehere musa quehnoano yeragũ. Tire ñañequina gũhu yere.

³⁴ Sa yero “Yũhure wiaya tire”, musa niñequina dihitare musa wasogũ ne ti dahseati ijierare. Ñañequina gũhu apequinare “Yũhure wiaya tire”, tiquina niñequinare wasore.

³⁵ Sa yena musa pehe musare ihña tuhtiequina gũhure cahña. Sa yena tiquinare quehnoano yeya. Apeqirore wasona “Yũhure ne wiasi ahriqiro”, ni tuhotuenata tiqirore wasoya. Cohãcjũ pehe tiqirore “Quehnoare”, nieñequina gũhure, ñañequina gũhure quehnoano yere. Tiqiro yero saha yeya musa gũhu. Musa sa yegũ Cohãcjũ tutuaro quehnoano yerota musare. Sa yena Cohãcjũ tutua yuhduariquiro uhmũse cjãno pohna ijinata.

³⁶ Mari Pacũ uhmũse cjãno tiqiro paja ihñariro saha musa gũhu masare paja ihñaña, ni yahuahye Jesu.

Apequina gũhure “Ñañequina ijire”, niedacãhña

(Mt 7.1-5)

³⁷ Sa yero tiquinare yahu nemoahye:

—Apequinare “Ñañequina ijire”, niedacãhña musa. Musa sa niedagũ Cohãcjũ musa gũhure “Ñana ijire”, nisi. Apequina musare tiquina ñano yerire tiquina ñano nidi gũhure boya musa. Musa sa bogũ ihñano Cohãcjũ musa gũhure musa ñañe yerire borota.

³⁸ Apee borore cuona apequinare ohoya. Musa sa ohogũ Cohãcjũ gũhu musare ohorota. Sa ohoro quehnoano queoro musare pajiro ohorota. Quehnoano wahpa yuhduro ohorota. Apequinare musa ohoriro punota Cohãcjũ gũhu musa gũhure ohorota, niahye Jesu tiquinare.

³⁹ Sa ni tuhasa Jesu quiti mehna buhero ohõ saha ni yahu nemoahye:

—Caperi bajueyequina sehsharo tiquina basi quehnoano tuã cã masiedare. Sa tuã cãñe, tiquina puaropũ bora maa sajàa wahaeta copẽũ. (Sata Cohãcjũ yere

masieñequina apequinare buhe masiedare. Sa ye tiquina ijipihtiequina pecarū wahaeta.)

⁴⁰ Buheyequina tiquinare buheriquirore masi yuhdudcaerare. Sa ijiepetā ijipihtiequina buheyequina tiquina quehnoano buhe pehori bato tiquinare buheriquiro yero saha ijietā, niahye Jesu.

⁴¹ Sa ni tuhasa apeye quti mehna yahu nemoahye:

—Mari queoye mehna buhegū ohō saha yena ijire mūsa: Mūsa acayaro tiquiro capearū meheni pohcarogā tiquirore bora saǰagū ti pohcarogāre quehnoano ihñare mūsa. Mūsa ya capearū pajiri pji ijiepegūta ti pjiñe ne ihñedare mūsa. Meheni pohcarogāre mūsa ihñano saha mūsa acayaro tiquiro ñano yeye pehere quehnoano ihñare mūsa. Mūsa basi mūsa ñañene tutuaro yepenata tire masiedare mūsa pajiri pjiñe mūsa ihñedaro sahata. ¿Duhse yena sa yeajari mūsa?

⁴² Ohō saha nina yero saha ijire mūsa: “Yūhu acayū, ñañene yegū nine mūhu. Sa yegū tire duhuaya”, nina yero saha ijire mūsa. Sa nina ijiepenata pajiro ñañene yere mūsa pehe. ¿Duhse yena mūsa ñañene yepenata tire masiedajari mūsa? Masa ihñono dihita quehnoano iji mehona ijire mūsa sa yena. Pajiri pjiñe mūsa capearū ijiri pjiñe mūsa ne mahtaboriro saha mūsa ñano yeye pehere duhu mahtaña. Mūsa sa yeri bato mūsa acayaro tiquiro ñano yeyere duhugū ye masiboaga meheni pohcarogāre mūsa neboriro saha, ni buheahye Jesu.

Masa yahuducuyere tuhona tiquina ijie tyere masiaja mari

(Mt 7.17-20; 12.34-35)

⁴³ Sa yero queoye mehna buhero ohō saha ni yahu nemoahye tiquinare:

—Quehnoadū yuscūgū ñañene dūca tierare. Sa yero ñadū quehnoañene dūca tierare.

⁴⁴ Yūcū dūcare masina tūre masine mūsa. Potagū higuera pacare dūca tierare. Sa yero pota bñcūgū uhse tōhorine dūca tierare.

⁴⁵ Sata ijire masa gūhu. Quehnoariquiro tiquiro tuhōtuyepū quehnoañe ijire. Sa yero tiquiro quehnoañene yere quehnoadū quehnoañene dūca tiro saha. Ñariquiro tiquiro tuhōtuyepū ñañe ijire. Sa yero tiquiro ñañene yere ñadū ñañene dūca tiro saha. Mari tuhōtuyepū marine ti ijiro saha yahuducuaja mari, ni yahuahye Jesu.

Pna wūhu yeyequina quitire yahuahye Jesu

(Mt 7.24-27)

⁴⁶ Sa yero tiquinare yahu nemoahye:

—Mūsa yūhūre “Pūhto”, nine. Sa niepenata yūhu dutiye pehere yerare mūsa. ¿Duhse ijiro boro sa yerajari?

⁴⁷ Ijipihtiequina yūhūre cahmeñequina yūhu yahuyere tuhore. Sa yeye yūhu dutiye yūhdudcaerare. Ohō sahata ijire yūhūre yūhdudcaeyequina:

⁴⁸ Wūhu dahreriquiro yero saha ijire tiquina. Tiquiro uhcūañe coperire sehe, wūhūre doco dūcare. Ti wūhu quehnoano tiquiro yeri wūhu ijiro dia minigū tutuaro aco tutuepegūta ti wūhu quehnoano tojoare.

⁴⁹ Sa yeye yūhu dutiye tuhōpetā yūhdudcaeyequina pehe wūhūre quehnoano yerariquiro yero saha ijire. Ti wūhūre buigā doco, quehnoano ye dūcaerare. Tiquiro sa yeri wūhu ijiro dia minigū aco tutuagū duita ti wūhu cohō bñrūa wahare. Sa yero ti wūhu tutuaro bora quehea wahare, niahye Jesu.

7

Surara pūhtoro cahacjānore tiquiro dohatigū Jesu yūhdūoahye tiquirore

(Mt 8.5-13)

¹ Ti quitire masare yahu tuhasa Jesu gūhu Capernaupū esahye.

² Topū ijiriquiro cien surara pūhtoro tiquiro cahacjānore tutuaro cahīahye. Tiquiro cahacjāno pehe tutuaro dohatiro, yariaropū niahye.

³ Sa yero Jesu yeyere tuhoro, judio masa bñcūnare Jesu caharū ohoahye pūhtoro pehe.

—Dohatiriquire yūhdūogū ahtaya, ni, yahu dutiro bñcūnare ohoahye pūhtoro.

⁴ Tiquina Jesu caharū esa, ohō saha ni tutuaro mehna yahuahye tiquirore:

—Surara pūhtoro usāre ohori. Tiquiro cahacjānore dohatiriquire yūhdūgū cahmedi tiquiro. Tiquiro pūhtoro pehe quehnoariquiro ijire. Tiquiro sa ijigū yedohoya tiquirore.

⁵ Mari ya maca cñēnare tiquiro cahīne. Sa yero tiquiro usā buheri wūhūre tiquina yeri wapare wapa yere, niahye bñcūna Jesure.

⁶ Tiquina sa ni yahugū tuhoro Jesu pehe tiquina mehna wahahye. Surara pūhtoro ya wūhu cahagāpū tiquiro esagū pūhtoro pehe tiquiro mehna cñēnare Jesure ohō saha ni yahu dutiro ohoahye:

—Pūhto, quehnoanota. Ahtaeracāhña. Quehnoagū ijieraja yūhu. Ya wūhūpū mūhūre saǰā ta dutibogū ijieraja yūhu.

⁷ Sa yegū mūhu caharū wahaeraja. Yūhu sa ijiepegūta mūhu masiñe mehna yūhdū dutiya mūhu tiquirore. Mūhu sa yegū yūhu cahacjāno quehnoanota.

⁸ Yūhūre yūhu bui ijieyequina apequina pūhtoā dutire. Sa yegū yūhu gūhu surarare dutiaja. Ihcāquirore “Wahaya”, yūhu nigū tiquiro wahare. Apequirore “Ahtaya”, yūhu nigū tiquiro ahtare. Yūhu cahacjānore “Ahrire yeya”, yūhu nigū tire tiquiro yere.

Muħu gāħu dutigata ijire. Sa yero muħu dutiro saħa tiqiro dohatiriquiro yuħdurota, ni yahu dutiahye surara puħtoro.

⁹ Tiqiro sa nigū tuħo maria waharo, peyequina masa tiqiro mehna ijiyequinare majareduca sa, yahuahye:

–Musare niita niaja. Tiqiro surara puħtoro Israe masuno ijieriquiro Cohācjüre tutuaro wacū tutuare. Tiqiro cahacjanore yuħu yuħdugū yeatire masi tuhasare. Israe masare ne ahriquiro yero saħa ijiyequinare ihñeda tira yuħu, niahye Jesu.

¹⁰ Tiqiro sa nidi bato surara puħtoro Jesu cahapu tiqiro ohoriquina tiquina puħtoro ya wuħapu tojoaa wahahye. Tojoa sa dohatiriquiro yuħduriquiropure ihñahye tiquina.

Jesu wape wihoro macunore masoahye

¹¹ Came cjūnogā Nai wame tiri macapu Jesu tiqiro buheyequina mehna peyequina masa mehna wahahye.

¹² Ti macare sajāri sopecaha cahapu tiqiro esagū yariariquirore masa ne wijia taye niahye. Yariariquiro pacoro wape wihoro ijiahye. Ihcāquirota ijiriquiro yariahye. Sa ye to cjēna masa peyequina ticoro mehna wahahye.

¹³ Tiquina sa wahagū ihñano Jesu ticorore paja ihñahye.

–Utieracāhña, niahye Jesu ticorore.

¹⁴ Sa nino yariariquiro tiqiro masa putire ña peoahye. Tiqiro sa ña peogū ihñañe ti putire wuayequina pehe esaducahye.

–Macu, yuħu muħure ohō saħa niaja. Wahcā nujuña, niahye Jesu.

¹⁵ Tiqiro sa nidi bato yariariquiro munano wahcā nuju, yahuducuahye. Sa yero Jesu tiqirore tiqiro pacorore wiahye.

¹⁶ Tiqiro sa yegū ihñañe tiquina ijipihyequina cuea wahahye. Sa yeye tiquina Cohācjüre ño peo, ohō saħa niahye:

–Cohācjū yere yahu muħtariquiro masi yuħduariquiro yojopu pūritare mari watoa ijire, niahye tiquina.

–Cohācjū marine tiqiro yequinare yedohoro wihi tuhasare, niahye apequina.

¹⁷ Sa yeye ijipihyequina Judea yehpa cjēnare ti yehpa duħta cahapu ijiye macari cjēnare Jesu yerire masa yahu site pehoahye.

Ñu wame yeriquiro tiqiro buheyequinare Jesure sinitu dutiahye

(Mt 11.2-19)

¹⁸ Sa ye Jesu yerire ihñañe Ñure yahuahye tiqiro buheyequina. Sa tiquina yahugū tuħoro puħtoro tiqiro cahapu pijio,

¹⁹ Jesure sinitu dutiro ohoahye Ñu. Ohō saħa ni sinitu dutiahye:

–¿Ñu “Yuħu bato apequiro ahtarota”, tiqiro nidigata ijajari muħu? ¿Tiqiro nidigū muħu ijieragū apequirore cohtenatari usā? ni sinitu dutiahye Ñu puħoro tiqiro buheyequinare.

²⁰ Sa ye tiquina Jesu cahapu esa, sinituhye tiqirore:

–Ñu wame yeriquiro muħure sinitu dutiro ohori usāre. ¿Ñu “Yuħu bato apequiro ahtarota”, tiqiro nidigata ijajari muħu? ¿Tiqiro nidigū muħu ijieragū apequirore cohtenatari usā? ni sinituhye tiquina Jesure.

²¹ Ti pjeta peyequina dohatieyquinare, wafia cuoyequinare, caperi bajueyequinare yuħdugū yehye Jesu.

²² Sa yero Ñu ohoriquinare Jesu yuħtiahye:

–Yojopure masa ihñarire masa tuħorire Ñure yahuna wahaya: Ohō saħa niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tuħoerariquina tuħoa wahare. Yariariquina masaa wahare. Tiquina ijipihyequinare quehnoa wahagū yei yuħu. Sa yegu pejecuoyequinare quehnoañe buheyer yahuaja.

²³ Yuħure tuħoriquiro ‘Poto ijire’, nidiquiro tiqiro bucueriquiro ijire’, Ñure ni yahuna wahaya, niahye Jesu.

²⁴ Ñu buheyequina tiquina wahari bato Jesu pehe Ñu tiqiro ijiye tiyere yahu ducahye peyequina masare:

–Masa marienopu esana, taare wihnono wēdoqueo mujagū ihñana eserari masa.

²⁵ “Quehnoañe suhti sañariquirore ihñana wahauhna”, niedari masa masa marienopu wahana. Quehnoañe suhti sañañequina wapa bujayer cuoyequina puħtoa ye wuħusepu ijire. Masa marienopu ijierare.

²⁶ Masa marienopu esana Cohācjū yere yahu muħtariquirore ihñana esari masa. Ijirota ijire. Ñu Cohācjū yere yahu muħtariquiro ijire. Apequina Cohācjū yere yahu muħtariquina yuħduoro ijiriquiro ijire tiqiro pehe.

²⁷ Panopu Cohācjū yere tiquina ojoari puħu Ñure ohō saħa ni yahuahye:

Mari Pacu tiqiro macunore ohō saħa niahye: “Muħu pano muħure yahuyuatiquirore ohogutja. Muħu wihiatore quehnoyurota tiqiro”, niahye Cohācjū, ni ojoahye panopure Ñure.

²⁸ Musare poto niita niaja. Apequina masa ijipihyequina bui ijire Ñu. Ahri decoripure tiqiro sa ijiepegāta Cohācjū tiqiro puħtoro ijiropure ijipihyequina docapu ijiriquiro pūrita Ñu bui ijire, niahye Jesu masare.

²⁹ Tiqiro sa nigū tuħoye ijipihyequina masa, wapa ne cohteyequina mehna Ñu

tiqiro wame yenhriquina ijiye ohō saha ni tūhotuahye Cohācjüre. “Cohācjü poto yeriquiro ijire”, ni tūhotuahye tiquina.

³⁰ Fariseo masa pehe, judio masare buheyequina gūhu Ñu wame yenhriquina iji duerahye. Sa ye tiquinare Cohācjü yequina tiqiro ye duagū cahmedahye tiquina.

³¹ Sa yero Jesu pari turi yahuahye:

—¿Yojoꝛu cǵēna masa disequina yero saha ijajari tiquina, mūsa tūhotugū?

³² Tiquina macanagā yero saha ijire. Apequina tiquina cahmeno saha yeragū bucuere tiquinagā. Doeri cǵē duaropu apepe dujiye, ohō saha ni pisuducure tiquinagā basi: “Mūsa basatire usā putipemi. ¿Dūhsena mūsa basaerari usā putipegū? Usā tutuaro ñehe quea utipe, sañuducumi. ¿Mūsa pehe dūhsena usā mehna utiperari?” niducuyequina yero sahata ijire yojoꝛu cǵēna gūhu. Yojoꝛu cǵēna tiquina cahmeno saha usā yeragū ihñāñe bucuere tiquina gūhu.

³³ Ñu wame yeriquiro Cohācjüre ño peoro taro sijiro, vinore sihniedare. Tiqiro sa sihniedagū ihñāna, “Watñore cūore. Sa yero tūho masieniquiro ijire”, nimesi mūsa tiqirore.

³⁴ Yūhu masu Cohācjü ohorigu ijigu, yūhu ihya sihniaja. Yūhu sa yegū ihñāna ohō saha nine mūsa yūhu pehere. “Ihñāña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gūhu tiquina mehna piti tiriqiro ijire tiqiro”, nine mūsa yūhure. Sa nina macanagā yero saha yahuducuna ijire mūsa. Mūsa cahmeno saha usā yeragū bucuere mūsa.

³⁵ Sa masiedapenata usā ye ihñorire ihñāna, Cohācjü yere usā masigū masinata mūsa, ni yahuahye Jesu.

Simo wame tiriqiro fariseo masuno ya wūhuru ijahye Jesu

³⁶ Fariseo masuno tiqiro ya wūhuru ihya dutiro pijahye Jesure. Tiqiro sa pijigū Jesu tiqiro ya wūhuru esa, tiquina ihyari mesa caharu nuju sahye.

³⁷⁻³⁸ Ti macapure ñañe yericoro ijiahye. Jesu fariseo masuno ya wūhuru tiqiro dujigū ticoro tūhoahye. Sa tūhoro alabastro mehna yeriare ehme sitiye pose tiriare ne cāhta, Jesu behero pehepu wihiduca, uti-ahye. Sa utiro, Jesu dahpocārine ticoro yahco co mehna weo, ticoro poari mehna wūoahye. Tiqiro dahpocāri wūagū ihñāno ticoro tiqiro dahpocārine ihmi, ehme sitiye mehna pio peoahye.

³⁹ Ticoro sa yegū ihñāno fariseo masuno Jesure pijiriqiro tiqiro basi ohō saha ni tūhotumahye: “Ahricoro tiqirore ñehe tuhuricoro ñañe yericoro ijire. Ahriquiro

Jesu Cohācjü yere yahu mūhtariquiro ijiro tire masiboaga”, ni, tūhotumahye.

⁴⁰ Tiqiro sa ni tūhotuyere masino Jesu yahuahye tiqirore:

—Simo, yojoꝛu pūritare mūhure yahu duaja, niahye Simo.

—¿Buhegu, yūhure dūhse ni yahu duajari mūhu? niahye Simo.

⁴¹ Tiqiro sa nigū Jesu ohō saha ni queoye mehna buhe yahuahye:

—Pūhtorore pūaro wapamoñequina ijahye. Ihcāquiro wapamoriqiro quinientos niñeru cjoerire wapamoahye. Apequiro pehe cincuenta niñeru cjoerire wapamoahye.

⁴² Sa ye tire tiquina wapa ye masiedagū ihñāno tiqiro tiquina wapamoñene wapa ye dutierahye. ¿Yojoꝛu pūritare diquiro pehe wapamoriqiro tiqiro pūhtorore cahī yūhdūrotari? ni sinituahye Jesu.

⁴³ Simo yūhtiahye:

—Ōbah, pajiro wapamoriqiro mehenogā wapamoriqiro yūhdūoro tiqiro pūhtorore cahīboaga, niahye Simo.

—Poto yūhtiri mūhu yūhure, niahye Jesu.

⁴⁴ Sa ni tuhasa tiqirore pio peoricore majare ihñā, Jesu Simore yahu nemoahye:

—Ahricorore ihñāña mūhu. Mūhu ya wūhuru yūhu sajā wihiri bato yūhu dahpocārine coseati acore yūhure ohoerari mūhu. Ahricoro pehe ticoro yahco co mehna yūhu dahpocārine weo, ticoro poari mehna wūori yūhure.

⁴⁵ Mūhu pehe yūhure piti ca ihmiedari. Ahricoro pehe ohōru yūhu dujiro puno yūhu dahpocārine ihmidi.

⁴⁶ Mūhu pehe yūhu dapure ūhse mehna pio peorari. Ticoro pehe yūhu dahpocārine ehme sitiye mehna pio peori.

⁴⁷ Sa nigū mūhureta yahugūta niaja. Ahricoro ticoro ñañe yeye pe yūhdūaye ijire. Sa ijieperota ticoro tutuaro cahīne yūhure. Sa yegū ticoro ñañene bou. Sa yeye tiquina ñañene mehenogā yūhu bonohriquina mehenogā cahīne yūhure, niahye Jesu Simore.

⁴⁸ Sa ni tuhasa tiqiro ticorore yahuahye:

—Yojoꝛu pūritare mūhu ñañe yeyere bou, niahye Jesu.

⁴⁹ Tiqiro sa nigū tūhoye Jesu mehna dujiyequina tiquina basi ohō saha ni yahuducuahye:

—Ahriquiro potota ñañe yeyere boriqiro ijire. ¿Dūhse ijiriqiro boro ijajari ahriquiro ñañene boriqiro? niahye tiquina basi.

⁵⁰ Sa yero Jesu numinore ohō saha ni yahuahye:

—Yūhure mūhu wacū tutuagū mūhure pecapu wahaborigore yūhdūoaja. Cuero marieno mūhu ya wūhuru tojoa wahaya, niahye Jesu ticorore.

8

Numia Jesure yedohoahe

¹ Came bujaye macaripũ, daye macarigãrũ gãhũre esa, Cohãcjũ tiqiro puhtoro ijyere quehnoãne buheyere yahuahe Jesu. Doce tiqiro buheyequina pehe tiqiro mehna ijiahe.

² Sa ye numia gãhũ watia cuomediquina numia, dohatimediquina numia Jesu quehnoa wahagũ tiqiro yeriquina numia tiqiro mehna tiniahe. “Maria”, tiquina nidicorore “Magdalena”, ni pisue tiahe ticorore. Ticorore sietewatiare Jesu cohãhe to pano. Sa yero ticoro gãhũ Jesu mehna tiniahe.

³ Chuzawame tiriqiro Herodere yedohomediqiro namono Juana gãhũ Jesu mehna tiniahe. Susana wame tiricoro gãhũ apequina numia mehna peyequina tiquina cuoye mehna Jesu gãhũre yedohoahe.

Jesu oteriquiro quitire yahuahe

(Mt 13.1-9; Mr 4.1-9)

⁴ Sa ye peye macari cjẽna Jesu caharũ cahmecoahye. Tiquina sa cahmecoari bato Jesu tiqiro tuhutuye mehna queoye mehna tiquinare yahuahe buhero taro:

⁵ —Oteriquiro otero wahahye. Tiqiro sa otegũ apeye pjeri maha duhtũ caharũ bora quehe sahe. Sa yeye ti pjerire masa cahũa diho cãhãhe. Sa ye minicjũa pari pehe ti pjerire ihyahye.

⁶ Sa ye apeye pjeri utã paca watoa bora quehe sahe. Topũ yehparũ aco mariedãhe. Sa ye ti pjeri pihni wahcãdũca ñaia wahahye.

⁷ Apeye pjeri taa watoa bora quehe sahe. Taa pehe ti oteye mehna pihniahe. Taa pehe dia yãhdũa waha, oteyere wejãhe.

⁸ Apeye pjeri quehnoari yehparũ bora quehe sahe. Quehnoano pihni, dũca tiahe. Sa ye peye dũca tiahe, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tuhoya m̄sa, niahye tiqiro.

Jesu queoye mehna tiqiro buherire yahuahe

(Mt 13.10-17; Mr 4.10-12)

⁹ Came tiqiro buheyequina ti queoyere masi duaye, Jesure sinituahye:

—¿Ahri queoye mehna duhse ni yahuga nijari m̄hũ? ni, sinituahye tiquina.

¹⁰ Tiquina sa nigũ Jesu yãhtiahe:

—Cohãcjũ masa puhtoro tiqiro ijyere panopũ apequina tiquina masiedarire m̄sare masigũ yerota Cohãcjũ. Apequina pehere sa yerare tiqiro. Tiquinare queoye mehnata buheitja. Yũhũ sa yegũ tiquina

yũhũ buheyere tuhõepeta masisi, niahye Jesu tiqiro buheyequinare.

Jesu oteriquiro quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohõ saha ni yahure ahri quit: Oteye pjeri quehnoãne buheyere yero saha ijire.

¹² Sa ye maha duhtũ caharũ borari pjeri pehe quehnoãne buheyere yero saha ijire. Sa yero masa quehnoãne buheyere tiquina tuhõgũ ihũano watino pehe ahta, ti buheyere masi dutierare masare. Minicjũa ti pjerire tiquina dote nediro saha yero. Tiqiro sa yeragũ tiquina Cohãcjũre wacũ tutuaboa. Tiquina sa wacũ tutuagũ ihũano Cohãcjũ pehe tiquinare pecarũ wahaboriquinare yãhdũaboa.

¹³ Utã pjeri watoa borari pjeri quehnoãne buheyere yero saha ijire. Sa ye masa quehnoãne buheyere tuhõ, bucuyere mehna tire tuhõ nene. Sa tuhõ nepeta utã watoa ijyere cjũ nuhcori marieñe cjũ yero saha ahriquina masa gãhũ tutuerare. Sa tutueraye yeequina tiquina ijiri buhiri apequina tiquinare ñano yegũ ihũãñe yee pehere duhu cãhre.

¹⁴ Sa ye taa watoa borari pjeri quehnoãne buheyere yero saha ijire. Sa ye masa quehnoãne buheyere tuhõepeta, ahri yehpa cjẽne pajiro bujũa witi tuhutu, niñeru pehere cahĩ, ahri yehpa cjẽne bucuerere tiquina. Sa yeye ti pehe quehnoãne buheyere cahmotagũ, masa pehe quehnoãne pehere yerare.

¹⁵ Sa ye quehnoari yehparũ borari pjeri quehnoãne buheyere yero saha ijire. Sa yeye masa quehnoãne buheyere tuhõye, quehnoano mehna ti buheyere yãhdũducaerare. Sa ye yucũgũ dũca tiro saha quehnoãne buheyere tuhõyequina pehe Cohãcjũ tiqiro cahmeno saha quehnoãne yere, niahye Jesu.

Jesu sihãria quitire buheahye

(Mr 4.21-25)

¹⁶ Sa ni tuhasa apeye queoye mehna buheahye tiqiro:

—Ne sihãriare dihi sutu docarũ cũedare masa. Sa ye tiare cumuno docarũ cũedare. Æhmũanopũ tiare duhu peore wãhũrũ sajã tayequina tiquina quehnoano ihũa sajã tato saha.

¹⁷ Ijipihtiye tiquina masiedarire came masa masieta. Sihãria buhriogũ mari ihũa masino saha panopũ tiquina masiedarire masieta masa.

¹⁸ Sa yena m̄sa tuhõna quehnoano tuhõ nuñũña. Quehnoano tuhõ nuñũriqiro, quehnoano masinota. Tuhõ nuñũediqiro “Mehenogã tuhõaja”, tiqiro niepegũta ti pehere boaa waharota, niahye Jesu.

Jesu acaye tiqirore pijiahye
(Mt 12.46-50; Mr 3.31-35)

¹⁹ Came Jesu bahana tiquina pacoro mehna tiqiro caharᵐ wahaye nimahye. Masa peyequina ijigū tiqiro caharᵐ eserahye.

²⁰ Sa yero ihcāqiro Jesure yahuahye:

—Muhᵐ paco muhᵐ bahana mehna sopec-aharᵐ ducuri. Muhᵐre ihñañe taye niñoti, niahye tiqiro Jesure.

²¹ Tiqiro sa nigū Jesu ohō saha ni yahuahye ijiphtiyequinare:

—Cohācjā buheyere tuhoyequina, tire yuhduducaeyequina tiquinata yuhᵐ paco yuhᵐ bahana yero saha ijire, niahye Jesu tiquinare.

Jesu wihnonore yusᵐ dutiahye
(Mt 8.23-27; Mr 4.35-41)

²² Ape deco Jesu tiqiro buheyequina mehna yucᵐsarᵐ sajahye.

—Isa, pehāhna, ni, tiquina ijiphtiyequina tia mehna ditararᵐ pehāa wahahye.

²³ Sa pehāno carīa wahahye Jesu. Tiquina sa pehāducuroᵐ tutuaro wihnono wēahye. Wihnono wēgū bujaye pahcōri wahcā, tiquinare mio cāmahye. Sa waharo miono cua yuhduahye tiquinare.

²⁴ Sa wahagū ihñañe, acuaa waha, Jesu caharᵐ waha, tiqirore wahcōahye.

—Buhegᵐ, mari yariana tana niajā, niahye tiquina.

Tiqiro sa nigū Jesu pehe wahcā, wihnonore,

—To punota wē duhuya, niahye.

Sa nino pahcōri gūhure,

—Yusᵐa wahaya, niahye.

Tiqiro sa nigūta wihnono yuhduā wahahye. Sa ye pahcōri gūhᵐ yusᵐ dijiaa wahahye.

²⁵ Sa wahari bato Jesu tiquinare ohō saha niahye:

—¿Musa yuhᵐre wacū tutuerajari? niahye tiqiro.

Tiqiro sa nigū tiquina pehe cue, acuaa waha, tiquina basi ohō saha ni yahuducuahye:

—¿Yohou, dahse ijiriquiro boro masᵐno ijajari ahriquiro? Ahri wihnono, pahcōri gūhᵐ tiqiro dutigū yuhduducaerare tiqirore, niahye tiquina basi.

Watīa cuoriqirore yuhduoahye Jesu
(Mt 8.28-34; Mr 5.1-20)

²⁶ Sa ye tiquina ape sie pahrēᵐ Gerasa cjēna ya yehparᵐ pehā sahye. Ti yehpa Galilea yehpa poto ijiahye.

²⁷ Topᵐ Jesu tiqiro maja saducagū waro to cjāno watīa cuoriqiro tiqiro caharᵐ ah-tahye. Tiqiro yoari pje suhti marieniquiro ijiro, tiqiro ya wuhᵐure ne ijierahye. Sa yero masa coperi utāᵐ tiquina seheri coperi caharᵐ ijie tiahye tiqiro.

²⁸⁻²⁹ Sa ye peye tahari watīa tiqirore ñeheahye. Sa yero tiqiro peresupᵐ ijigū tiqiro omocarine, dahpocārine come dari mehna dahteriquiro ijieperota, ti darire tuā sure mujahye. Sa ye watīa pehe tiqirore masa marienopᵐ ne cā mujae tiahye. Sa yero tiqiro Jesure ihñaadoqueo, tutuaro sañuducu, Jesu caharᵐ dusepe curi mehna quehe sahye. Tiqiro sa yegū ihñaano Jesu pehe tiqirore dutiahye:

—Ahriquiro mehna ijieracāhña. Wahaya watīa, niahye.

Tiqiro sa nigū tuhoro watīa cuoriqiro tutuaro sañuducu, sinituahye Jesure:

—¿Jesu, uhᵐuse cjū Cohācjā macᵐ yabere yei tuᵐ niajari muhᵐ yuhᵐre? Yuhᵐre ñano yeracāhña, niahye watīa cuoriqiro.

³⁰ Tiqiro sa nigū Jesu pehe sinituahye tiqirore:

—¿Duhse wame tiajari muhᵐ? niahye.

Peyequina watīa tiqiro mehna ijiahye. Sa yero ohō saha niahye tiquinare cuoriqiro.

—Watīa peyequina wame tiaja usā, ni, yuhᵐtiyahye watīa cuoriqiro.

³¹ —Uhcāri copereᵐ usāre waha dutier-acāhña, ni, tutuaro siniyahye watīa pehe.

³² Ti pjere topᵐ cᵐnᵐ dahpotopᵐ yesea peyequina ihyaye niahye. Tiquina topᵐ ihyagū ihñañe watīa ohō saha ni siniyahye Jesure:

—Sisequina yesea caharᵐ waha dutiya usāre. Tiquina mehna iji dutiya usāre, ni, siniyahye watīa.

Tiquina sa nigū tuhoro Jesu tiquinare yesea caharᵐ waha dutiahye.

³³ Tiqiro sa waha dutiri bato watīa pehe masᵐno mehna ijimediquina waha, yesea caharᵐ esahye. Tiquina caharᵐ tiquina esari bato yesea pehe pari cjūrᵐ oma maa buhaa waha, ditararᵐ bora ñojoa mini yaria phtia wahahye.

³⁴ Yeseare cohteyequina yesea tiquina sa minigū ihñañe, cue, oma cāa wahahye. Sa oma cā macarᵐ esa, ti maca cjēnare, ihquē wuhᵐse ijiro cjēna gūhure tiquina ihñarire yahu siteahye.

³⁵ Tiquina sa yahu siteri bato masa ihñañe wahahye. Sa ye Jesu caharᵐ esa, watīa cuomediqirore suhti sañariquiro tūho masiniquiro tiqiro dujigū ihñahye tiquina. Tiquina ijiphtiyere ihñañe, tiquina cue niahye.

³⁶ Watīa cuomediqiro tiqiro quehnoa waharire ihñañequina apequinare tiquina ihñarire yahuahye.

³⁷ Ti pjeta Gerasa yehpa cjēna peyequina Jesure tutuaro cueye, tiqirore waha dutiahye. Tiquina sa waha dutigū Jesu yucᵐsarᵐ sajä, waharo taro niahye.

³⁸ Watīa cuomediqiro Jesu wahato pano tutuaro sinimahye tiqirore:

—Mahu mehna waha duaja, ni sinimahye.

³⁹ Tiqairo sa niguta Jesu tiqirore yuhtiahye:

—Mahu ya macapu wahaya. Sa wahagu Cohacjü mahure tiqairo yerire yahuya apequinare, niahye Jesu.

Tiqairo sa nidi bato waha, tiqairo ya macapu esaro, masuno pehe Jesu tiqirore yerire ijiphtiyequina tiqairo ya maca cjenare yuahahye.

Jairo maconore yuhduoro, dii mana wihoro dohatiducuricoro gühure yuhduoahye Jesu

(Mt 9.18-26; Mr 5.21-43)

⁴⁰ Ape sie pahrëpu Jesu pari turi tiqairo pehä sagü ihñañe masa peyequina tiqirore cohte, bucueye mehna piti cahye tiqirore.

⁴¹⁻⁴² Topu judio masa buheri wahu coteriquiro Jairo wame tiriqairo Jesu cahapu esa, tiqairo dahpocari cahapu dusepe curi mehna quehe sahye tiqirore ño peoro. Tiqairo macono yariaro niahye. Ticoro ihcäcorota ijiricoro doce cahmari caoricoro ijiyahye. Sa yero tiqairo ya wuhapu Jesure piji cähye. “Au”, ni, tiqairo mehna wahahye Jesu gähu.

Mahapu tiquina sa wahagü pe yuhduayequina masa ijiye, wahpa yuhduahye.

⁴³ Sa yero apecoro numino doce cahmari waro dii mana dohatiducuricoro topu ijiyahye. To pano duturuare ijiphtiyete ticoro ye niñeru mehna wapa yemahye ticoro aco ye dutiro. Tiquina sa aco yepegüta mananota ijiducu cähye ticoro.

⁴⁴ Sa yero ticoro Jesu behero pehepu ahta, tiqairo suhtiro sohtoare ticoro ñehe tuhugüta ticoro dohatiyete pihitia wahahye.

⁴⁵ Ticoro sa ñehe tuhugü tahoturo Jesu sinituahye.

—¿Noa yuhu suhtirore ñehe tuhuajari? niahye tiqairo.

Ijiphtiyequina “Ñehe tuhuera”, niahye. Sa ye Pedro gähu ohö saha niahye:

—Buhegu, bihsarine. Sa yeye masa peyequina mahure ñehe tühure. ¿Dühsegu sa ni sinituajari mahu? niahye tiquina Jesure.

⁴⁶ Tiquina sa nigü Jesu yuhtiahye:

—Mianogäta yuhu yuhdagü yei ihcäcorore. Sa yegu yuhure ticoro ñehe tuhugü masiaja, niahye tiqairo.

⁴⁷ Tiqairo sa nigü tahoro ticoro duhti masiedaro, nanarericoro Jesu cahapu dusepe curi mehna quehe sahye tiqirore ño peoro. Sa ye ijiphtiyequina masa tiquina tuhoro pu ticoro dohatiyete, Jesure ticoro ñehe tühure, ticoro quehnoa waharire yuahahye ticoro.

⁴⁸ Ticoro yahu tuhasagü Jesu ticoro yuahahye:

—Maco, yuhure mahu wacü tutuaye mehna quehnoago tojoare yojopare. Bucueye mehna wahaya, niahye ticoro.

⁴⁹ Tiqairo sa nini watoa Jairo ya wuhapu ijiriquiro yahuro wihiahye:

—Mahu macogä yariaa wahari. Sa yegu buheriquirore piji cähtaeracähña, niahye tiqairo.

⁵⁰ Tiqairo sa nigü tahoro, Jairore ohö saha ni yuahahye Jesu:

—Bujua witi tahotueracähña. Yuhure wacü tutuaya. Ti dihitaré yeya. Mahu sa yegü ticorogä masaa waharota, niahye Jesu.

⁵¹ Sa ni tuhasa tiqairo ya wuhapu esa, Pedro, Ñu, Santiago, dohatiricoro pacusumua topequinata ne sajähye. Apequina pehere Jesu sajä dutierahye.

⁵² Topu ijiphtiyequina masa tiquina ñehe quea utiri watoa sajä sahye Jesu.

—Utieracähña. Ticorogä yariarare. Carño nine, niahye tiqairo.

⁵³ Tiqairo sa nigü tahoye tiquina pehe ticoro yariaricoro jigü masiñe, Jesure bujahye. “Sa ni maca cäno nine”, ni bujahye.

⁵⁴ Sa yero Jesu ticorogä omocare ñehe, pisaahye:

—Mehenicorogä wahcäña, niahye.

⁵⁵ Tiqairo sa nigüta yariaricoro masaa waha, wahcaduca sahye ticorogä. Ticoro wahcaducari bato Jesu ticoro ihyayere oho dutiahye.

⁵⁶ Ticoro sa masagü ihñañe ticoro pacusumua ihña maria wahahye. Sa yero Jesu tire apequinare yahu dutierahye.

9

Jesu doce tiqairo buheyequinare buhe dutiro ohoahye

(Mt 10.5-15; Mr 6.7-13)

¹ Sa ye Jesu docere tiqairo buheyequinare pijo, tiqairo tutuayere ohoahye tiquinare. Watäre tiquina cohätire, dohatiyequinare yuhdagü yeati gühure tiqairo tutuayere ohoahye tiquinare.

² Sa ye tuhasa tiquinare Cohacjü tiqairo puhtoro ijiyere buhe dutiro, dohatiyequinare yuhduo dutiro ohoahye tiquinare.

³ Ohö saha ni dutiahye Jesu tiquinare:

—Musa wahana apee borore nedacähña. Tua dure, ajurore, ihyayere, niñerure nedacähña. Musa sañano dihitaré saña cähña. Apeye suhtire nedacähña.

⁴ Ijiphtiyete macaripu musare tiquina carño ohogü ti wuhaputa ijiniña. Coä wahanapu wijiaya ti wuhure.

⁵ Apeye macari cjäna musare tiquina cahmedagü ihñana ti macarine yuhdu cäa wahaya. Sa wahana musa dahpocari cjä dihta esa waharire wejé site cüña musa

tiqinare tiquina ye buhirire masigū yena, niahye Jesu.

⁶ Tiquiro sa nidi bato tiquiro buheyequina pehe waha, ijipihitiye macaripū quehnoañe buheyere yahu tiniyahye. Sa ye dohatiyequinare yuhduoe tiahye.

Jesu tiquiro yerire Herode tuhoahye
(Mt 14.1-12; Mr 6.14-29)

⁷ Sa ye Herode Galilea yehpa cjēna puhtoro Jesu yerire tuhoahye. “¿Noa boro ijijari tiquiro Jesu?” nieperota ne masiedahye. Ihuēquina ohō saha nimahye Jesure. “Ñu wame yeriquire mūnano masa mūjahye. Sa yero ‘Jesu’, tiquina nidiquiro tiquirota ijire”, nimahye ihquēquina. Tiquina sa nigū tuhoro Herode Jesure dahse ni masiedahye.

⁸ Sa ye apequina “Tiquiro Elia mūnano yojorū bajuario nine”, nimahye. Apequina pehe “Cohācjū yere yahu mūhtariquina panorū cjēna mehna cjāno yojorū masa bajuario nine”, nimahye Jesure.

⁹ Tiquina sa ni yahuducuepegāta ohō saha ni tuhutuahye Herode: “Ñu dapure date sure duti tuhasau yahu. ¿Yojorūre ijiriquire masa tiquina yahuriquire noa boro ijiboagari tiquiro pehe?” ni, tuhuturo tiquiro Jesure ihña duamahye.

Jesu cinco mil masare ihyayere ohoahye
(Mt 14.13-21; Mr 6.30-44; Jn 6.1-14)

¹⁰ Sa ye Jesu tiquiro ohoriquina tiquiro caharū tojoa sa, tiquina yerire yahuahye Jesure. Tiquina yahu tuhasagū Jesu tiquina dihitare Betsaida wame tiri macarū siho wahahye.

¹¹ Tiquina waharire masiñe, masa peyequina tiqinare nūnū tā cāa wahahye. Jesure tiquina amū sagū ihñano piti cahye Jesu tiqinare. Sa yero tiquiro Cohācjū puhtoro ijiyere tiqinare yahu, dohatiyequinare yuhdagū yeahye.

¹² Ñamicaharū doce tiquiro buheyequina tiquiro caharū esa, Jesure yahuahye:

—Ohō masa marienorū ijire. Ohō majano cjē wuhusepū ahriquina masare ohoya. Carīato, tiquina ihyati gūhare maca dutiye tiqinare, niahye tiquina Jesure.

¹³⁻¹⁴ Tiquina sa nigū Jesu yūhtiahye tiqinare:

—Sa niedacāhña. Ihyayere ohoya tiqinare, niahye.

Tiquiro sa nigū tuhoye tiquina yūhtiahye:
—Ihcā omope paca pā paca, pūaro wahi to punota cūoaja mari. ¿Ahriquina peyequina masa tiquina ihyatire dūboagari usā? niahye tiquiro buheyequina.

Peyequina masa tiquina ijigū ihñañe sa niahye tiquiro buheyequina. Topūre cinco mil amūa ijiahye. Sa yero Jesu yahuahye tiquiro buheyequinare:

—Cincuenta masare ihcā curua duji dutiya. Apeye cururi gūhare topequinata duji dutiya, niahye Jesu tiquiro buheyequinare.

¹⁵ Tiquiro sa nigū buheyequina tiquiro dutiro sahata ye, ijipihitiyequina masare duji dutiahye.

¹⁶ Duji duti tuhasa Jesu ihcā omope paca pā pacare pūaro wahire ne, uhmūanorū ihña mūoahye. Sa ihña mūono Cohācjūre “Quehnoare”, niahye. Tiquiro sa nidi bato pā pacare nuha, tiquiro buheyequinare masare iti dutiro ohoahye.

¹⁷ Sa ye tiquina ijipihitiyequina masa ihya, yapi yuhduā wahahye. Tiquina yapi wehorire doce pūhuse ne cahmecoā wahpo dapoahye tiquiro buheyequina.

Jesu potota Cristo tiquiro ijiyere Cohācjū ohoriquiro tiquiro ijiyere yahuahye Pedro
(Mt 16.13-19; Mr 8.27-29)

¹⁸ Ihcā deco Jesu ihcāquirota ijiro, Cohācjūre sinino niahye. Tiquiro sinini watoa tiquiro buheyequina tiquiro caharū esahye. Sa yero Jesu sinituahye tiqinare:

—¿Noa boro ijijari yahu, masa yūhare tiquina tuhutugū? ni sinituahye.

Tiquiro sa sinitugū tuhoye tiquiro buheyequina yūhtiahye:

¹⁹ —“Ñu wame yeriquire ijire”, nine mūhare. Apequina “Elia ijire”, nine. Apequina “Cohācjū yere yahu mūhtariquina mehna cjāno panorū cjāno masa bajuario nine yojorūre”, nine, ni yūhtiahye tiquiro buheyequina pehe tiquirore.

²⁰ Tiquina sa nidi bato Jesu tiqinare sinituahye tja:

—¿Masa pehe mūsa tuhutugū, noa boro ijijari yahu? ni, sinituahye tja.

—Mūhu Cristo Cohācjū ohorigū ijire, ni yūhtiahye Pedro.

Jesu tiquiro yaria masa wijiatire yahuahye

(Mt 16.20-28; Mr 8.30-9.1)

²¹ Sa ye Pedro “Cristo ijire mūhu”, tiquiro nidire apequinare Jesu yahu site dutierahye tiquiro buheyequinare.

²² Sa ni yahu site dutiera tuhasa ohō saha ni nemoahye:

—Yūhu masū Cohācjū ohorigū tutuaro ñano yuhduāta. Sata yuhduro cahmene yūhare. Sa ye mari judio masare buheyequina, bucūna, pahia puhtoā mehna yūhare cahmeda, yūhare wejēta. Tiquina wejēdi bato ihtia deco wahaboro masa wijiatitja, niahye Jesu tiqinare.

²³ Came ijipihitiyequinare ohō saha ni yahuahye Jesu:

—Ihcāquiro yaquiro iji duaro, tiquiro cahmeno ye duamedire duhu cānota. Sa yero yaquiro tiquiro ijiri buhiri ñano yuhduerperota yūhare duhusi. Sa yero yeere yeducuriquire ijirota.

²⁴ Masano yuhare wacūno marieno tiqiro esa tuharo tiqiro cahmeno saha yero, pecarū waharota. Sa yero yeere sa yeducuriqiro ijipihitiye decori yuhū mehna ūhmusepū ijiducurota.

²⁵ ꞑIhcāqiro masano ahri yehpa cĵene ijip-ihtiyere cuoriquiro Cohācĵure cahmedaro pecarū waharo, yabere wapatajari tiqiro? Sa ijiriqiro ne wapataerare.

²⁶ Iŋquēquina yuhare, yuhū buheye gāhare bue tisāboaga. Tiquina sa yegū ihñagū yuhū gāhū yuhare sa yeyequinare bue tisāgatja. Yuhū masū Cohācĵū ohorigū quehnoañequina angele mehna usā asi siteropū, yuhū Pacū tiqiro asi siteropū tojoa tagū tiquinare bue tisāgata.

²⁷ Poto niita niaja mūsare. Yojoṗare ihquēquina masa ohōṗare ijyeyquina masa yariato pano Cohācĵū ijipihitiyequina bui pūhtoro tiqiro iji ducagū ihñanata masa, niahye Jesu tiquinare.

Jesu tiqiro pagure comesahye
(Mt 17.1-8; Mr 9.2-8)

²⁸ Sa ye ocho decori tire tiqiro yahuri bato Jesu Pedrore, Ñure, Santiagore tiquina dihitare pijiahye. Sa ye waha, Cohācĵure siniñe waha, cūnṗū mūjaa wahahye tiquina.

²⁹ Cohācĵure tiqiro sinini watoa Jesu ya wūhdoa comesahye. Sa yero tiqiro suhtiro asi siteri suhtiro quehnoano yehseri suhtiro wahahye.

³⁰ Tiquiro sa wahari watoa ṗaro mūna tiqiro mehna yahuducuye niahye. Yahuducuyequina pehe Elia mūnāno, Moise mūnāno gāhū ijiahye.

³¹ Tiquina ūhmuse cĵē asi siteye mehna bajahye. Jesu camegāta Jerusalēṗū tiqiro yariatire tiquina Jesu mehna yahuducuye niahye.

³² Pedro gāhare wūjaa purī yūhduahye. Sa carĵepeta acua, wahcā wihi, Jesu tiqiro asi siteyere ihñañe, ṗaro tiqiro mehna ducuyequina gāhare ihñahye.

³³ Moise mūnāno gāhū tiquina wahato panogā Pedro Jesure ohō saha nimahye:

—Pūhto, mari ohōre ijigū quehnoa duare. Ihtia wāhūgā yematja. Mūhū ya wāhūgā, Moise ya wāhūgā, Elia ya wāhūgā yematja, nimahye Pedro.

Sa nieperota tiqiro nidire ne masiedahye.

³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotagū ihñañe tiquina cuea wahahye.

³⁵ Sa yero ehmeo puhiarū yahuducuye bisiro ca tahye:

—Ahriqiro yuhū macū, yuhū beseriquiro ijire. Quehnoano tūhoya tiqirore, nino ca tahye ehmeo curua puhiarū.

³⁶ Tiquiro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcāquirore yahuerahye.

Jesu watīno cuoriquirogāre yūhduahye
(Mt 17.14-21; Mr 9.14-29)

³⁷ Ape deco tiquina cūnṗū tiquina dijia tagū peyequina masa Jesure piti cahye.

³⁸ Sa yero tiquina mehna cĵāno Jesure pisuahye:

—Buhegū, mūhare tutuaro ahrire sini duaja yuhū. Yuhū macū ihcāquirota ijire. Sa yegū tiqirore ihñā basaya mūhū.

³⁹ Watīno tiqirore ñehe, sañuducu tunu nanaregū ye, saho tua wahagū yee tire. Sa yero watīno yuhū macare ñano yūhdugū ye, ne duhu duerare.

⁴⁰ Mūhū buheyequinare watīnore cohā dutigū tutuaro sinimi. Yuhū sa sinipegāta tiquina tiqirore cohā masiedari, niahye tiqiro Jesure.

⁴¹ Tiquiro sa nigū Jesu pehe ohō saha niahye tiqiro buheyequinare:

—Yojoṗū cĵēna masa ñana ijire. ꞑYuhare ne wacū tutuerabutijari? Yoabutiari pje mūsare buhemi yuhū. ꞑNoho puno yoari pje yuhare masa cariboboagari? ni tuhtiahye Jesu.

Sa ni tuhasa watīa cuoriquiro pacurore ohō saha niahye:

—Mūhū macare ne cāhtaya, niahye.

⁴² Tiquiro sa nidi bato tiqiro macano Jesu caharū tiqiro ahtari watoa watīno pehe tiqirore yehṗarū doque quehe sa, tunu nanaregū yeahye. Tiquiro sa yegū Jesu watīnore waha dutiahye. Tiquiro sa dutigū watīnore cuoriquirogā yūhduā wahahye. Sa yero Jesu pehe tiqirogāre wiahye tiqiro pacurore.

⁴³ Ijipihitiyequina masa Cohācĵū tutuaye mehna tiqiro quehnoa wahagū ihñañe, ihña maria wahahye.

*Pari turi Jesu tiqiro yaria masa wiji-
atire yahuahye*

(Mt 17.22-23; Mr 9.30-32)

Masa Jesu tiqiro yerire tiquina ihñā, ihñā maria wahagū Jesu pehe tiqiro buheyequinare ohō saha ni yahuahye:

⁴⁴ —Mianogāta yuhū yahuatire boer-acāhña masa. Yuhare Cohācĵū tiqiro ohorigure apequiro yuhare ñehe dutiro ohorota masare, niahye Jesu.

⁴⁵ Tiquiro sa niepegāta tiquina pehe tiqiro yahuyere quehnoano tūhoerahye. Tiquiro yahurire tiquinare masino basioerahye. Ti pjeta Cohācĵū tiquinare tire tūho dutiero niahye. Sa ye tiquina cueye, tire tiqirore sinituerahye.

Jesu buheyequina tiquina mehna cjānore puhto sō duamahye

(Mt 18.1-5; Mr 9.33-37)

⁴⁶ Came Jesu buheyequina cahme sehña soye niahye:

—¿Mari mehna cjāno diquiro pehe puhtoro sajānotari? niñe niahye tiquina basi.

⁴⁷ Tiquina sa nigū Jesu pehe tiquina tuhotuyere masino, nijinogāre tiquiro caharū ducu duti, tiquiro buheyequinare yahuahye:

⁴⁸ —Yeere yena tana ahriquiogāre cahmena, yuhū gūhure cahmene musa. Sa yena yuhūre cahmena, yuhūre ohoriquiro gūhure cahmene musa. Musa mehna cjāno musa cahacjāno ijiro tiquiro gūhū puhtoro ijirota, niahye Jesu.

Marine ihña tuhtiriquiro ijieraro, mari mehna cjāno ijire

(Mr 9.38-40)

⁴⁹ Came Ņu Jesure ohō saha ni yahuahye: —Buhegū, muhū wame mehna watīare cohāriquiore usā ihñau. Mari mehna cjāno tiquiro ijieragū ihñana tire tiquiore ye dutierū usā, niahye Ņu Jesure.

⁵⁰ Tiquiro sa nigū Jesu Ņure apequina buheyequina gūhure ohō saha ni yahuahye: —Sa niedacāhña musa tiquiore. Marine ihña tuhtiriquiro ijieraro, tiquiro mari mehna cjāno ijire, niahye Jesu tiquiro buheyequinare.

Jesu Santiagore, Ņu gūhure tuhtiahye

⁵¹ Ti piere Jesu ahmusepū tiquiro wahato panogā, “Jerusalēpū wahaūtja”, niahye tiquiro. Sa nino topū waharo niahye.

⁵² Sa ye Jesu tiquiro pano ohoriquina waha, Samaria yehpa cjā macarū esa, topū Jesu tiquiro ijiatire quehno duamahye.

⁵³ Jesu Jerusalēpū waharo taro niahye. Topū wahatiquiro tiquiro ijigū tuhoye, to cjēna tiquiore cahmedahye.

⁵⁴ Tire tuhoye Santiago, Ņu mehna yahuahye Jesure:

—Puhto, muhū cahmegū ahmuse cjā peca mehna tiquinare wejē dutinata, nimahye tiquina tiquiro.

⁵⁵ Tiquina sa nigū Jesu majare ihña, tuhtiahye tiquina puarore.

⁵⁶ Sa tuhti tuhasa, ape macarū Jesu gūhū wahaah wahaahye.

Apequina Jesu mehna wahamahye

(Mt 8.19-22)

⁵⁷ Ti maharū tiquina wahagū, ihcāquiro Jesure yahuahye:

—Muhū mehna waha duaja noho muhū waharopū, niahye tiquiro.

⁵⁸ Tiquiro sa ni tuhasagū Jesu yuhtiahye: —Ihquēquina nūcu cjēna wahiquina tiquina coperi cūore. Minicjūa gūhū tiquina

suhti cūore. Yuhū masū Cohācjū ohorigū pehe yuhū carīni wuhū cūoeraja, niahye Jesu.

⁵⁹ Came apequiore Jesu pijiahye:

—Yuhū mehna cjū ijiajū ahtaya, niahye.

Tiquiro sa nigū yuhtiahye Jesure:

—Puhto, yuhū pacū tiquiro yariagū yariūtja. Sa ya tuhasagū pūrta muhū mehna wahagūtja, niahye tiquiro.

⁶⁰ Tiquiro sa nigū Jesu yahuahye:

—Yuhūre cahmeñequina yariariquina yero saha ijire. Tiquina pehe yariariquinare yaahro. Sa yegū muhū pehe Cohācjū tiquiro puhtoro ijiyere quehnoañe buheyere buhegū ahtaya, niahye Jesu tiquiore.

⁶¹ Sa yero apequiro Jesure ohō saha niahye:

—Puhto, muhū mehna wahaūtja. Muhū mehna yuhū wahato pano yuhū acayere cohe tini wahaūtja, niahye tiquiro Jesure.

⁶² Tiquiro sa nigū Jesu yahuahye tiquiore:

—Dahrariquiro dahra dueraro tiquiro duhseatiquiro ijierare. Tiquiro yero sahata ijiriquiro ohō saha ijire: “Cohācjū yere ye duaja”, nieperota tire yerare. Tiquiro Cohācjū yaquiro ijiboriquiro ijierare, niahye Jesu.

10

Jesu setenta y dos buheyequinare buhe dutiro ohoahye

¹ Came Jesu apequina buheyequinare setenta y dos buheyequinare bese, macaripū tiquiro wahato pano ohoyuahye. Ti macarine pueyequina dihita ohoyuahye tiquiro.

² Sa ohoyuro ohō saha ni yahuahye tiquinare queoye mehna buhero:

—Trigo peye ti bucuā tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire. Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero sahata quehnoañe buheyere buheatiquina gūhū meheñequinagā ijire. Sa yena quehnoañe buheyere buheatiquinare apequinare tiquiro ohoatire siniña Cohācjūre musa.

³ Wahaya musa. Musare yuhū ohogū musa oveja pohne yayia watoa tiquina ijiro sahata musa gūhū ñañequina usuayequina watoa ijinata.

⁴ Niñeru ajurore, paji cjūri ajuro gūhure, dahpo suhtire nedacāhña. Musa maharū tinina apequinare boca sa yahuducueracāhña. Poto wahaya.

⁵ Ijipihtiye m̄sa saǵãñe w̄h̄usep̄u saǵãna, “Ahri w̄h̄u cǵena quehnoano ijiahero”, ni m̄htaña.

⁶ Ti w̄h̄u cǵena quehnoano mehna ijiyequina cahmeñequeo marieñequina tiquina ijigũ, tire niña tiquinare. Quehnoano mehna tiquina ijieragũ ihñana ti w̄h̄u cǵenare sa niedacãhña.

⁷ Ihcã w̄h̄up̄u saǵã saducana tiquina quehnoañequina ijigũ ti w̄h̄up̄uta tojoaya. Topu tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña m̄sa gũh̄u. Sa yena ihcã w̄h̄up̄uta m̄sa esari w̄h̄up̄uta ijina, ti maca cǵe w̄h̄usep̄u carĩ tinedacãhña.

⁸ Macar̄e m̄sa esana to cǵena pehe m̄sare tiquina cahmeñequina ijigũ ti ihyayere tiquina duhu peorire ihyaya.

⁹ To cǵena dohatiyequinare yuhduoya. Sa yena ohõ saha niña to cǵenare: “Cohãcǵũ yojop̄are mari puhtoro tiquiroy ijiati mehenogã dahsare”, niña tiquinare.

¹⁰ Ape macar̄u m̄sa esagũ tiquina pehe m̄sare cahmedaboaga. Tiquina cahmedagũ ihñana ti maca decop̄u waha, ohõ saha niña tiquinare.

¹¹ “Ahri maca cǵe dihtare dahpocãri cǵe dihtare wejẽ site cohãna niaja usãre m̄sa cahmedari buhiri ihñona. Sa yena ahrire wacũña. Cohãcǵũ mari puhtoro yojop̄are tiquiroy ijiati mehenogã dahsare”, niña tiquinare.

¹² M̄sare poto niita niaja. Sodoma cǵena ña yuhduayequina ijiahye. Tiquina sa ijipegũta pihtiati deco ijigũ Cohãcǵũ tiquiroy buhiri dahreati deco ijigũ Sodoma cǵena yuhduoro m̄sare cahmeñequina pehere buhiri dahrerota, niahye Jesu.

Apeye macari cǵena Cohãcǵũre yuhduacayequina ijire
(Mt 11.20-24)

¹³ Came Jesu ohõ saha niahye macari cǵenare:

—Corazín cǵana, m̄sa ñano yuhduñata. Betsaida cǵana, m̄sa gũh̄u ñano yuhduñata. M̄sa ye macarip̄are Cohãcǵũ tutuaye mehna ye ihñomi. Tiro wame tiri macare, Sidõ wame tiri maca gũh̄ure tiquiroy tutuaye mehna yuh̄u ye ihñogũ ihñañe panop̄u to cǵena pehe tiquina ñañene bujua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cǵe nujuare tiquina bui dahra site peoboaga tiquina ñañene bujua witiyere ihñoñe.

¹⁴ Cohãcǵũ tiquiroy buhiri dahreati deco ijigũ Tiro cǵena, Sidõ cǵena yuhduoro m̄sa pehere m̄sa ñari buhiri m̄sare tutuaro buhiri dahrerota tiquiroy.

¹⁵ Capernau cǵana, m̄sa esa tuharo uhm̄usep̄u waha duamene. M̄sa sa waha duepegũta m̄sa ñari buhiri m̄sare Cohãcǵũ pecar̄u cohãnota, niahye Jesu.

¹⁶ Sa ni tuhasa Jesu tiquiroy buheyequinare yahuahye:

—Musare tuhoyequina yuh̄u gũh̄ure tuhore. M̄sare cahmeñequina, yuh̄u gũh̄ure cahmedare. Sa yeye yuh̄ure cahmeñequina, tiquina yuh̄ure ohoriyero gũh̄ure cahmedare, niahye Jesu tiquinare.

Setenta y dos buheyequina tojoa wihi-ahye

¹⁷ Came setenta y dos buheyequina bucu-eyeye mehna tojoa wihiyahye:

—Puhto, m̄h̄u wame mehna m̄h̄u tutuaye mehna watiare usã dutigũ tiquina pehe usãre yuhducaerare, niahye tiquina Jesure.

¹⁸ Tiquina sa nigũ Jesu yuh̄tiahye tiquinare:

—Uhm̄usep̄u mia sitedoque dijioro sahata, watĩno tiquiroy bora dija tagũ ihñan.

¹⁹ Quehnoano tuhoya. M̄sare yuh̄u tutuayere ohou yuh̄u. Sa yegũ añaa parire, cutipa parire, watĩnore marine ihñã tuhtiriquiroy m̄sa yuhducatire ohou yuh̄u. Sa ye tiquina m̄sare ñano ye masiedare.

²⁰ Yuh̄u sa ohoepegũta watĩa m̄sare tiquina yuhducaeragũ ihñana ti dihitare bucueraçãhña. Ahri pehere bucuera. Uhm̄usep̄u Cohãcǵũ yequina tiquina wamene tiquiroy ojoa ohõri tjupe m̄sa wamene tiquiroy ojoa ohõgũ ihñana, ti pehere bucuera m̄sa, niahye Jesu tiquinare.

Jesu bucuerahye

(Mt 11.25-27; 13.16-17)

²¹ Ti pjere Espĩritu Santo Jesure tutuaro bucueregũ yeahye. Sa yero Jesu ohõ saha niahye:

—Mai, m̄h̄u uhm̄usep̄u gũh̄ure yehpap̄u gũh̄ure puhto ijire. Masi yuhducaeyequinare m̄h̄u yahuerarire ihyo ijiyequina pehere yahuri m̄h̄u. M̄h̄u sa yegũ ihñagu “Quehnoa yuhduare”, niaja. Sata ijire mai. M̄h̄u ye duariro sahata, m̄h̄u cahmediro sahata tiquinare m̄h̄u yere yahuri m̄h̄u, niahye Jesu.

Sa ni tuhasa apequinare ohõ saha niahye:

²² —Yuh̄u Pacu ijiipihtiye yuh̄ure ohori. Yuh̄u Pacu dihitã yuh̄ure masine. Yuh̄u gũh̄u tiquiroy masiaja. Yuh̄u beseriquina gũh̄u tiquiroy masine, yuh̄u masi dutiyequina ijiye. Topequinata yuh̄u Pacare masiaja usã, niahye Jesu.

²³ Tiquiroy sa nidi bato tiquina sehsaro ijigũ Jesu tiquiroy buheyequinare ohõ saha niahye:

—Ahri ijiphiyere m̄sa ih̄na bucuena ijire.

²⁴ Ijirota ijire. Peyequina Coh̄c̄j̄ yere yahu m̄h̄tariquina, ih̄quē yehpari c̄j̄na puhto ḡh̄u yojop̄ m̄sa ih̄n̄aire ih̄n̄a duamahye tiquina ḡh̄u. Sa ye m̄sa tuhori ḡh̄ure taho duamahye, niahye Jesu.

Quehnoariquiro Samaria c̄j̄ano quitire yahuahye Jesu

²⁵ Ti pjeta judio masare buheriquiro Jesu cahap̄ wihi, Jesure tiquiro ñano yahuducuḡ ye duamahye:

—¿Buhegu, yuh̄u ijiphiyere decori Coh̄c̄j̄ mehna iji duaḡu d̄h̄se yeboagari yuh̄u? ni, sinituahye tiquiro Jesure.

²⁶ Tiquiro sa niḡu Jesu yuh̄tiahye tiquirore:

—¿D̄h̄se ni yahuajari Coh̄c̄j̄ yere tiquina ojoari p̄p̄u? ¿Coh̄c̄j̄ tiquiro ni ojoarire d̄h̄se ni t̄hotuajari m̄h̄u? niahye Jesu tiquirore.

²⁷ Jesu sa niḡu tiquiro yuh̄tiahye:

—Oh̄o saha niahye Coh̄c̄j̄: “Tutuario m̄sa jeripohnari mehna, quehnoano m̄sa tutuaye mehna, m̄sa wac̄ñe mehna Coh̄c̄j̄ure cah̄ñ̄a. Sa ye m̄h̄u basi m̄h̄u cah̄ñ̄o saha m̄h̄u cahap̄ ijiyequina ḡh̄ure cah̄ñ̄a”, niahye tiquiro Jesure.

²⁸ Tiquiro sa niḡu Jesu yuh̄tiahye:

—Potota nine m̄h̄u. Tire yeya. Sa yeḡu ijiphiyere decori Coh̄c̄j̄ mehna ijigata m̄h̄u, niahye tiquirore.

²⁹ “Ahriquiro Coh̄c̄j̄ dutiyere ye pehoriquiro ijire”, masa tiquirore tiquina ni ih̄n̄aḡu cahmeahye judio masare buheriquiro. Sa cahmeno tiquiro Jesure oh̄o saha ni sinituahye:

—¿Noa boro ijiboagari yuh̄ure m̄h̄u cah̄i dutiriquiro? niahye tiquiro.

³⁰ Tiquiro sa niḡu Jesu oh̄o saha ni queoye mehna piti dahre buheahye:

—Ihc̄a deco Jerusal̄p̄ ahtariquiro Jeric̄op̄ wahariquirore mahap̄ tiquiro tiniḡu yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuario qūeahye. Sa tutuario qūe, tiquiro yariaro taro yeḡu duhuahye tiquina tiquirore.

³¹ Ti pjeta pahi ti mahap̄ ahtahye. Sa ahtaro tiquina qūediquirore ih̄n̄aeperota maha ape sie d̄h̄t̄u cahap̄ yuh̄d̄u c̄a wahahye.

³² Sa ye Coh̄c̄j̄ wuh̄p̄u dahrariquiro ḡh̄u pejec̄oriquiro cahap̄ esa, tiquirore ih̄n̄a, maha ape siep̄ yuh̄d̄u c̄a wahahye.

³³ Sa ye Samaria c̄j̄ano pehe top̄ waha, yoa c̄j̄nop̄ pejec̄oriquirore ih̄n̄a, tiquirore paja ih̄n̄ahye.

³⁴ Sa yero tiquiro pejec̄oriquiro cahap̄ esa, uh̄se, vino mehna moredire tiquiro camine pio peoahye. Pio peo tuhasa suhtiro

cahsero mehna d̄h̄teahye tiquiro camine. Tuhasa, pejec̄oriquirore tiquiro yaquiro burro bui duhu peo, car̄ñi wuh̄p̄u ne c̄ahye tiquirore. Top̄ ijiro, Samaria c̄j̄ano quehnoano ih̄n̄a ih̄boahye tiquirore.

³⁵ Ape deco tiquiro car̄ñi wuh̄u up̄ore p̄a c̄joe niñeru c̄joeire oho, oh̄o saha niahye: “Ahriquirore ih̄n̄a ih̄boya. Ahri esa tuhaeraḡu pari turi tojoa taḡu wapa ye pehoutja”, niahye Samaria c̄j̄ano wuh̄u up̄ore, niahye Jesu.

³⁶ Sa ni tuhasa judio masare buheriquirore sinituahye Jesu:

—¿Ahriquina ihtiaro am̄a diquiro pehe iji-ajari pejec̄oriquirore cah̄idiquiro? niahye Jesu.

³⁷ Tiquiro sa niḡu t̄horo buheriquiro pehe Jesure yuh̄tiahye:

—Pejec̄oriquirore yedohoriquiro ijiaga tiquirore cah̄idiquiro, niahye tiquiro Jesure.

—Wahaya. M̄h̄u ḡh̄u masare sata yei wahaya, niahye Jesu buheriquirore.

Marta, María ḡh̄u cahap̄u tiniahye Jesu

³⁸ Sa ye Jesu tiquiro buheyequina mehna tiquina wahaḡu, ape macap̄u tiquina tiniḡu, Marta wame tricoro tiquinare ticoro ya wuh̄p̄u saj̄a ta dutiahye.

³⁹ Ticoro bahoro María tiquiro dahpoc̄ari cahap̄u duji, tiquiro buheyere t̄hoahye.

⁴⁰ Ticoro sa yeḡu ih̄n̄ano Marta ticoro dahraye peye ijiḡu usuahye. Sa yero ticoro Jesure yahuahye:

—¿Puhto, yuh̄u ih̄c̄ota dahraḡu yuh̄ure yuh̄u baho ticoro yedohoeraḡu m̄h̄ure quehnoajari, m̄h̄u ih̄n̄aḡu? Ticorore yuh̄ure yedoho dutiya, niahye Marta Jesure.

⁴¹ Ticoro sa niḡu Jesu yuh̄tiahye:

—Marta, dahraye peye c̄oḡo pajiro t̄hoture m̄h̄u.

⁴² Coh̄c̄j̄ tiquiro yere t̄ho dutire. María quehnoañene yero taro, tire cahmene. Sa yeḡu yuh̄ure ticoro t̄hoḡu “Yedohogo wahaya”, niedaja ticorore, niahye Jesu Martare.

11

Jesu Coh̄c̄j̄are siniñene buheahye

(Mt 6.9-15; 7.7-11)

¹ Ihc̄a deco Jesu Coh̄c̄j̄are sinino niahye. Tiquiro sini tuhasaḡu, ihc̄aquiuro tiquiro buheyequina mehna c̄j̄ano tiquirore oh̄o saha niahye:

—Puhto, Ñu tiquiro buheyequinare tiquiro buheriro sahata Coh̄c̄j̄are siniñene us̄a ḡh̄ure buheya m̄h̄u, niahye tiquiro Jesure.

² Tiquiro sa niḡu t̄horo Jesu tiquinare yahuahye:

—Ohō saha Cohācjüre siniña: “Ŭsā Pacu, ũhmuse cjū mūhu quehnoagu sa ijiducure. Yojoṛure ijipihtiyequina pūhto ijija.

³ Sa yegu decorige usā ihyatire ohoducuya usāre.

⁴ Apequina usāre tiquina ñañe yerire usā boaja. Sa yegu mūhu gūhu usā ñañe yerire boya. Sa yegu usā ñañene ye duagu usā tutaro cahmegū ihñagu tire usāre ye dutiegata”, ni siniña Cohācjüre, niahye Jesu tiquinare.

⁵ Came Jesu quitu mehna tiquiro buheyequinare ohō saha ni buheahye:

—Ihcāquiro ñami decorige tiquiro acayaro ya wūhuru waha, tiquirore siniyahye: “Yūhu acayu, ihtiarua pā pacare ohoya yūhure.

⁶ Apequiro yūhu acayaro tinino ahtariquiro mianogāta ya wūhuru wihiri. Sa yegu tiquirore yūhu nuati mariedare”, niahye tiquiro acayurore.

⁷ Tiquiro sa nigū tiquiro acayaro wūhu puhiaru ijiriquiro yūhtiahye: “Yūhure cariboeracāñña. Sopecaha bihariro ijire. Yūhu, yūhu pohna mehna carina niaja. Wahcāno pjeraga yūhure mūhure ihyayere ohoborigu”, niahye tiquiro acayaro.

⁸ ¿Dūhse waharotari sinidiquirore? Poto niaja musare. Tiquiro acayaro ijieperota, ihyaye ohoborigu wahcā duerahye. Tiquiro wahcā duerapegāta ihyaye sinidiquiro pehe bue tiro marieno tiquiro yoari pje siniducugū ijipihtiyē tiquiro sinidiro sahata ohorota.

⁹ Sa yegu ahrire musare ni yahugu niaja: Cohācjüre siniña. Sa sinina musa neata. Musa sinidire bocanata. Tiquirore sa siniducuya. Musa sa yegū tiquiro ohorota.

¹⁰ Ijipihtiyequina Cohācjüre siniñequina neeta. Sa ye tiquina sinidire bocaeta. Sa yero ijipihtiyequina Cohācjüre sa siniducyequinare tiquiro tiquinare ohorota.

¹¹ ¿Musa pohna musare wahire tiquina sinigū añare ohoboagari musa tiquinare?

¹² ¿Musa pohna canaca dūere tiquina sinigū cutipare ohoboagari musa tiquinare? Ne ohosi.

¹³ Musa ñana ijiepenata musa pohnare quehnoañene ohoe tiri musa. Sa yero Cohācjū pehe musa ohori yūhduoro quehnoañene ohore musare. Tiquiro mari Pacu ũhmuse cjāno Espiritu Santore ohorota tiquirore siniñequinare, niahye Jesu tiquiro buheyequinare.

—Jesu watīno tutuayere core, ni yahusāhye masa
(Mt 12.22-30; Mr 3.20-27)

¹⁴ Ti pjere Jesu watīnore cohāno niahye. Watīno pehe yahuducu masiedagū yeahye masunore. Sa yero watīno masunore tiquiro duhuri bato masuno pehe yahuducu

ducahye. Tiquiro yahuducugū tūhoye masa peyequina tūho maria wahahye.

¹⁵ Tiquina sa tūho mariepegāta apequina pehe ohō saha niahye:

—Ahriquiro Jesu watīare tiquiro cohāgū Beelzebū wame tiriquiro watīa puhtoro pehe tiquirore yedohore, niahye apequina.

¹⁶ Apequina “¿Jesu Cohācjū tiquiro ohoriquiro ijiajari?” ni masi duaye tiquirore Cohācjū tutuaye mehna ye ihñō dutimahye.

¹⁷ Tiquina sa dutigū tūhoro “Watīno tutuaye mehna watīare cohāre”, ni, tiquina tūhotuyere masino, tiquinare ohō saha ni yahuahye Jesu, “Watīno ye tutuaye mehna watīare cohāgu niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna yaria pihtia wahaboaga. Sa ye ihcā wūhu cjēna tiquina basi cahmequeñe, ti wūhu cjēna waha pihtia wahaboaga.

¹⁸ Sa ye, watīno yequina watīa tiquina basi cahmequeñe, tiquina watīa gūhu waha pihtia wahaboaga. Ihcā curua iji masiedaboaga. Musa yūhure ohō saha nine. “Tiquiro watīno tutuaye mehna watīare cohāre”, musa yūhure nina niaga.

¹⁹ ¿Yūhure musa nidi poto ijigū musa mehna cjēna watīare cohāñe watīno tutuaye mehnata cohājari tiquina gūhu, musa ihñagū? Musa mehna cjēna watīare cohāñe, watīno tutuaye mehna cohāñe niedare. Ahrire masina watīno tiquiro tutuaye mehna watīare yūhu cohāedagū masinata musa.

²⁰ Sa yegu yūhu pehe watīare cohāgu Cohācjū tutuaye mehna cohāja. Ahrire masina, Cohācjū tiquiro puhtoro iji ducayere masinata musa.

²¹ Tutuariquiro tiquiro ye wamoā mehna tiquiro ya wūhure tiquiro ihña ihbogū tiquiro yere apequina yaque masiedare.

²² Tiquiro sa ihña ihboepēgāta apequiro tutua yūhdūriquiro tiquiro mehna cahmeque, tiquirore yūhdūduca, tiquiro ye wamoare ehma cā, tiquiro yere ehma cāhre. Ohō sahata ye yūhdūducaro cahmene watīare.

²³ Ihcāquiro yūhure cahmedaro, yūhure ihña tuhtiriquiro ijire. Ihcāquiro yūhure yedohoeraro yūhure ñano yero nine, ni buheahye Jesu.

Watīno pari turi masunore tiquiro sajāri quitire yahuahye Jesu
(Mt 12.43-45)

²⁴ Sa yero tiquiro tūhotuyē mehna ohō saha ni queoye mehna buheahye tiquinare:

—Watīno masuno mehna ijiriquiro waha, tiquiro aco marieni yehparu tinino, tiquiro ijiatore macamahye. Bocaeraro, ohō saha ni tūhotuahye: “Masuno yūhu duhuriquiro

mehna pari turi ijigū wahautja”, ni, tuhotuahye tiqiro.

²⁵ Sa nino tiqiro tojoa waha, masunore bocahye. Sa tiqiro bocagū masuno pehe quehnoariquiro ijimahye.

²⁶ Sa yero watino apequina siete wafiare tiqiro yuhduoro ñaŋequinare pijiro wahahye. Tiquiro sa pijigū tiquina ijipihtiyequina watia masuno mehna ijiahye. Sa yero masuno pehe to pano ihcāquiro watinore cuoro, ñariquiro ijimahye. Cameru pehere peyequina wafiare cuoriqiro ijiro, to pano tiqiro ijiriro yuhduoro ña yuhduariquiro ijiahye, niahye Jesu.

Jesu bucuyere yahuahye

²⁷ Tire tiqiro sa nigū masa watoa ijiricoro numino Jesure yahuahye:

–Muhare pohna tiricoro, muhare apūoricoro bucuericoro ijire, niahye Jesure.

²⁸ Ticoro sa ni tuhasagū tuhoro Jesu ticorore yuhtiahye:

–Cohācjū yahuducuyere tuhoeyequina tiqiro dutiyere yeyequina tiqunata ijiga bucueyequina, niahye Jesu ticorore.

Masa ñaŋequina Jesure Cohācjū tutuaye mehna ye ihño dutiahye

(Mt 12.38-42; Mr 8.12)

²⁹ Sa ye peyequina masa Jesu caharu tiquina wihigū, tiqiro tiquinare yahu nemoahye:

–Yojoṛu cjēna ñaŋequina ijire. Yuhare poto nigū yuhu ijiyere tiquina masi duaye, Cohācjū tutuaye mehna yuhu ye ihnogū ihña duamene. Tiquina sa ihña duepegūta Jona panoru cjāno Cohācjū tutuaye mehna tiqiro yeri dihitare ihñonota Cohācjū tiquinare.

³⁰ Jona Cohācjū yere yahu mahtariquiro ijiro, tiqiro Nīnive wame tiri maca cjēnare Cohācjū yere tiqiro masigū yeriro sahata yuhu masu Cohācjū ohorigū masigū yeaja yojoṛu cjēnare.

³¹ Buhiri dahreati deco ijigū puhtoro sur cjōno panoru cjōno ducu, yojoṛu cjēnare “Ñana ijire masa”, ni, yahusāeta ticoro. Ticoro Salomo panoru cjāno tiqiro masiñene tuho duaro yoaroru ahri yehpa ape sierpū ijiricoro Salomore tuhoro ahtahye. Sa yero quehnoano yero niahye yojoṛu cjēna yuhduoro. Sa yero ticoro yahusāeta yojoṛu cjēnare. Sa nigū masare poto niita niaja. Yojoṛu masare yuhu buheye Salomo tiqiro buheri yuhduoro ijire.

³² Buhiri dahreati deco ijigū Nīnive wame tiri maca cjēna gāhu ducu, yojoṛu cjēnare “Ñana ijire masa”, ni yahusāeta tiquina. Jona tiquinare Cohācjū yere tiqiro yahugū tuho, tiquina ñañene bujua witi, quehnoañene cahmeahye tiquina pehe. Sa cahmeñe quehnoano yeye niahye yojoṛu

cjēna yuhduoro. Sa ye tiquina gāhu yojoṛu cjēnare “Ñana ijire masa”, ni yahusāeta. Masare poto niita niaja. Yojoṛu masare yuhu buheye Jona tiqiro buheri yuhduoro ijire, ni yahuahye Jesu.

Masa tiquina tuhoturo sahata yere

(Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

–Masa sihāriare sihāñe nuodare. Tiare sihāñe dihi sutu docaru duhu dapoerare. Tiare ahmuseṛu duhu peore wuharu saḡa tayequina tiquina quehnoano ihña saḡa tatore yeye.

³⁴ Sihāria quehnoano buhriogū mari quehnoano ihña masino sahata quehnoañene tuhotuye mehna quehnoano ye masinata masa. Masa tuhoturo sahata yere masa. Quehnoañene tuhotuna quehnoano yere masa. Quehnoañene tuhotuerana ñañe pehere yere masa.

³⁵ Sa yena quehnoano yeya. Masa tuhotuyepu ñañene wacūedacāhña. Ñañene ne cahmedacāhña.

³⁶ Tuhasa masa tuhotuyepu quehnoañe ijigū, ñañe ne mariedagū quehnoañe dihitare tuhotunata, ni buheahye Jesu.

Fariseo masare, judio masare buheyequina gāhure Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiqiro buhe tuhasagū ihña, fariseo masuno tiqirore tiqiro ya wuharu ihya dutiro pijiahye. Sa yero Jesu tiqiro ya wuharu saḡa sa, tiquina ihyaroru tiquina mehna nuju sahye.

³⁸ Tiquiro sa nuju sagū fariseo masuno pehe Jesure ihña nanyo judio masa tiquina omo coseducuro sahata tiqiro omo coseragū ihñano ohō saha ni tuhotuahye: “Yohou. ¿Ahriquiro duhsero omo coserajari usā yero saha?” ni tuhotuahye.

³⁹ Tiquiro sa ni tuhotugū masino Jesu tiqirore yahuahye:

–Masa fariseo masa sihniñe parire, wapari gāhure bui pehe dihitare masa cosero sahata quehnoañene ye ihñore masa buigā warona. Sa yepenata Cohācjū yere queoro yerare. Apequina yere ehma mujare masa. Sa yena ñañe dihitare tuhoture masa.

⁴⁰ Tuho masiedare masa. Cohācjū masa pagurire yeriqiro masa tuho masiñe gāhure yeahye. ¿Tire masiedajari masa?

⁴¹ Sa yena masa yere pejesuoyequinare ohoya masa. Masa sa yena quehnoañene tuhotuna ijinata.

⁴² Masa fariseo masa ñano yuhduata. Moa yero saha ijiyere ihyayero ocagū yeyere cuona mehenogā ohomene masa. Cohācjūre ño peona tana pahiare ohomene masa. Sa ohopenata quehnoañene yerare masa. Sa yena masare paja ihñedare masa.

Sa yena Cohãcjüre ño peoerare musa. Oteye ðacagãre musa nedire mehenogã Cohãcjüre musa ohogũ quehnoarĩne. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohãcjüre ño peoya musa.

⁴³ Musa fariseo masa ñano yahũdnata. Buheri wũhũpũ ijina, quehnoañe dujiye dihitare duji duare musa. Doeri cje ðuaropũ apeqũna puhtoare quehnoano ño peo tiqũna sinino saha musare piti cagũ cahmene musa.

⁴⁴ Ñano yahũdnata musa. Masa cope nũori cope yero saha ijire musa. Ti cope cahagã masa ijiiye, puhĩapũ cjãno ahbarĩquĩrore ihñedare tiqũna. (Sata masa musa cahagã ijiiye, musa tuhũtuyepũre ñañe ijiiyere masiedare tiqũna,) ñahye Jesu tiqũnare.

⁴⁵ Tiquiro sa nigũ tuhoro judio masare buheyequĩna mehna cjãno Jesure yahuahye:

—Buhegu, tire nigũ usã gũhũre ñano nii niaga mũhũ, ñahye tiquiro Jesure.

⁴⁶ Tiquiro sa nigũ Jesu yũhtiahye:

—Ijirota ijire. Judio masare buhena musa gũhũ ñano yahũdnata. Musa apeqũnare tiqũna ye masiedarire ye dutire musa tiqũnare. Sa ye dutiepenata musa pehe tiqũnare ne mehenogã yedohoerare ti dutiyere tiqũna yeati pehere.

⁴⁷ Sa yena musa ñano yahũdnata. Cohãcjũ yere yahu mũhtariquĩna panopũ cjẽna tiqũna masa coperire quehnoano quehnomene musa tiqũnare ño peoro saha yena. Musa sa yepegũta panopũ cjẽna musa acaye pehe tiqũnare wejẽahye.

⁴⁸ Musa acaye panopũ cjẽna pehe Cohãcjũ yere yahu mũhtariquĩnare tiqũna wejẽdiro sahata musa gũhũ yeoaga. Sa yena yojopũre ti masa coperire quehnomene musa. Sa quehnona musa acaye tiqũnare tiqũna wejẽdire wacũre musa. Sa tiqũna wejõrire wacũna “Quehnoa cãhre”, ni wacũre musa.

⁴⁹ Cohãcjũ tiquiro masiñe mehna ohõ saha ni yahuahye: “Yeere yahu mũhtariquĩna gũhũre yũhũ buhe duti cũriquĩna gũhũre ohoutja tiqũnare. Sa yeye tiqũna yũhũ ohoriquĩnare apeqũnare wejẽ, apeqũnare ñano yeeta”, ñahye Cohãcjũ.

⁵⁰⁻⁵¹ Ahri yehpare Cohãcjũ tiquiro bajumehnedi bato Caĩ pehe Aberẽ wejẽahye. Sa ye Cohãcjũ yere yahu mũhtariquĩnare Abe bato ijiiyequĩna gũhũre ñañequĩna wejẽahye. Came Zacariare Cohãcjũ wũhũpũ Cohãcjüre ño peori altar cahapũ musa acaye wejẽahye. Ijipihtiyequĩna tiqũnare tiqũna wejẽdi buhiri yojopũ cjẽnare Cohãcjũ buhiri dahrerota. Sata ijire. Musare nigũta niaja. Ijipihtiyequĩna tiqũnare tiqũna wejẽdi

buhirire yojopũ cjẽnare Cohãcjũ buhiri dahrerota.

⁵² Musa judio masare buhena, musa ñano yahũdnata. Cohãcjũ masiñene tiqũna ojoari pũrine cãoepenata apeqũnare yahuerare musa. Musa basi Cohãcjũ yere tuhøerare. Sa yena apeqũna tiquiro yere tiqũna tuhø duepegũta tire musa tiqũnare tuhø dutierare, ñahye Jesu tiqũnare.

⁵³⁻⁵⁴ Tiquiro sa nigũ tuhoye judio masare buheyequĩna, fariseo masa gũhũ tiquiro mehna usua, tiquirore ñano yahũducahye. Sa ye Jesu tiquiro ñano yũhtigũ tuhø duaye, tiqũna peye ni meho cũ sinũmahye tiquirore, tiquirore yahusã duaye.

12

Tiqũna ni mehoducurire Jesu yahuahye (Mt 16.6; 10.26-27; Mr 8.15)

¹ Sa ye Jesu cahapũ masa peyequĩna cahmecoa, wahpa yahũduahye. Topũ Jesu tiquiro buheyequĩnare ohõ saha ni yahu ðacahye:

—Quehnoano wacũ masiña musa. Fariseo masa tiqũna ye pãre pugũ yeyere ihñana quehnoano wacũ masiña. Tiquina ni mehoducurire nigũ niaja “Pãre pugũ yeye”, nigũ.

² Ijipihtiyere apeqũna tiqũna masiedarire came masieta.

³ Sa yero ñamĩpũre tiqũna não yahũducure buhrioropũ bajugũ yero sahata Cohãcjũ yahurota. Bihari tucũpũ apeqũrore cahmonõ caha tiqũna nidire masa peyequĩna watoa yahurota Cohãcjũ, ni yahuahye Jesu.

Masa tiqũna cueatiquirore yahuahye Jesu (Mt 10.28-31)

⁴ Sa yero Jesu yahu nemoahye tiqũnare:

—Poto niita niaja musare. Masare wejẽñequĩna wejẽ tuhãsa pari turi tiqũna wejõriquĩna mũnare ñano ye nemo masiedare. Sa yena musare wejẽ duayequĩnare cueracãhña.

⁵ Yojopũre musa cueatiquirore musa ño peoatiquirore yahutja. Cohãcjũ pehere cue, ño peoya. Tiquiro musa yariari bato pecapũ cohã masine musare. Sata ijire. Poto nigũ niaja. Cohãcjũ pehere cue, ño peoya.

⁶ Ihcã omopequĩna siripia wapa mariedare. Sa wapa mariedapegũta ihcãquirogãre Cohãcjũ ne boerare.

⁷ Sa yero musa poarire ne ihcã poa da ðãhsaro marieno masi pehere Cohãcjũ. Sata musa ijiiye tiye gũhũre masi pehere Cohãcjũ. Sa masino musare ihña ihbøducure. Siripia yahũduoro Cohãcjũ cahñe musa pehere. Sa yena tiquirore ño peona, cueracãhña musa, ñahye Jesu.

Jesuyequĩna musa ijiiyere yahuya masare (Mt 10.32-33; 12.32; 10.19-20)

⁸ Sa ye Jesu yahu nemoahye:

—Musare niita niaja. Ihcãquiro “Jesu yaquiro ijiaja”, masare tiquiro nigũ ihñagu, yuhũ masũ Cohãcũ ohorigũ “Tiquiro yaquiro ijire”, ni yahutja Cohãcũ yequina angelere.

⁹ Ihcãquiro “Jesu yaquiro ijieraja”, masare tiquiro nigũ, yuhũ gãhũ “Tiquiro yaquiro ijierare”, ni, yahutja Cohãcũ yequina angelere.

¹⁰ Ihcãquiro yuhũre ñano tiquiro ni yahuducugũ ti ñañene Cohãcũ bo masine. Sa boeperota ihcãquiro Espiritu Santo pehere tiquiro ñano ni yahuducugũ ti ñañene ne Cohãcũ bosi.

¹¹ ‘Mari judio masa buheri wũhũpũ pũthoã cahapũ apequina musare ne sajã “Ñañequina ijire”, ni yahusãeta. Tiquina sa yahusãgũ masa yahuducuatire “Acuehi, masiedaboaga”, ni tũhotueracãhña.

¹² Tiquina musare yahusãgãta Espiritu Santo masa yahuducuatire yahurota, ni-ahye Jesu.

Doeri cãẽ upũro quitire yahuahye Jesu

¹³ Sa ye masa mehna cãno Jesure ohõ saha ni yahuahye:

—Buhegu, usã pacũ tiquiro yariari bato tiquiro ye usãre tojoare. Sa yegu yuhũ wahmine tire yuhũ gãhũre queoro tu wa dutiya, niahye tiquiro Jesure.

¹⁴ Tiquiro sa nigũ Jesu yũhtiahye:

—Ne ti borore tu wabogu ijieraja yuhũ, niahye Jesu tiquirore.

¹⁵ Sa ni tuhãsa Jesu ijipihtiyequinare yahuahye:

—Quehnoano yeya masa. Doeri cãene, apee boro gãhũre cahĩedacãhña. Peye cãoepenata ti mehnata bucueducueraja mari, niahye Jesu.

¹⁶ Sa ni tuhãsa Jesu quti mehna yahuahye tiquinare:

—Doeri cãẽ upũro quehnoari yehpare cãoahye. Sa ye ti yehparũ tiquiro otegũ quehnoano dũca tiahye.

¹⁷ Sa yero tiquiro basi ohõ saha ni tũhotumahye: “Dũca ihboye wũhũse ne esa tuhaerare.

¹⁸ Yojoapũre ohõ saha yeitja: Yojoapũ yuhũ ihboye wũhũsere cohã cã, mãna wũhũse yũhdũoro wahma wũhũse yeitja. Ti wũhũseparũ yuhũ oteye dũcare, ijipihtiyere yeere ihboutja.

¹⁹ Yũhũ sa yeri bato, ohõ saha ni, tũhotutja yuhũ basi: ‘Yũhũ peye apee boro cãogũ ijiaja. Quehnoano soutja. Sa yegu ihya, sihni, bucueitja’, ni tũhotutja yuhũ basi”, ni tũhotumahye tiquiro.

²⁰ Tiquiro sa ni tũhotugũ Cohãcũ tiquirore yahuahye: “Mũhũ ne tũho masiegu ijire. Mĩa ñamita mũhũ yariagata. Mũhũ sa

wahagũ mũhũ ye, mũhũ cahĩdi butia waharota”, niahye Cohãcũ tiquirore, niahye Jesu masare.

²¹ Tire nino, masare ohõ saha ni yahuahye Jesu:

—Sata wahaeta doeri cãẽ opana Cohãcũre wacũeñequina. Sa yero peye doeri cãene, niñerure tiquiro ye ijiahi dihitare ihboriquiro Cohãcũre wacũedaro, tiquiro pejecũoriquiro yero saha ijirota, Cohãcũ tiquiro ihñagũ. Sa yero Cohãcũ tiquirore ihña bucuere, niahye Jesu.

Cohãcũ tiquiro pohne ihña ihbore (Mt 6.25-34)

²² Sa ye Jesu tiquiro buheyequinare ohõ saha ni yahuahye:

—Ahrire musare nigũ niaja: Masa ihyatire, masa suhti sañatire, pajiro bũjua witi tũhotueracãhña.

²³ Cohãcũ musare bajumehnenno, ihyatiquina dihitare yerari musare. Sa yero suhti sañatiquina dihitare yerari musare tiquiro.

²⁴ Minicjũa parire Cohãcũ tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wũhũse tiquinare mariedare. Tiquina sa ijigũ ihñano tiquinare Cohãcũ tiquina ihyatire ohore. Minicjũa yũhdũoro masa pehere cahĩne Cohãcũ.

²⁵ Pajiro masa tũhotuye mehna ti musare ihcã hora cati nemogũ yerare. Sa yero masa pajiro tũhotuye dũhseati ijierare.

²⁶ Sa ye pajiro masa tũhotuye mehna ne mehenogã ye masiedare masa. ¿Sa yena pajiro masa tũhotuye ti dũhseati ijierapegũta dũhse yena masa ihyatire, masa sihniatire, masa sañatire pajiro bũjua witi tũhotuajari?

²⁷ Nũcũ cãẽ cohõre tũhotuya. Ti cohõri ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohõri. Salomo mũnãno quehnoañe suhtire sañariquiro tiquiro ijiepegũta ti cohõri pehe tiquiro yũhdũoro quehnoa yũhdũaye cohõri waro ijire.

²⁸ Cohõre quehnoañe cohõri yere Cohãcũ pehe. Tiquiro sa yepegũta cohõri pehe meheñe decorigã ijiducume ñai bora dijiaa wahare. Mehenogã iji, ape deco pecarũ uãja wahare. Ti sa ijiepegũta cohõre quehnoañe cohõri ijigũ yere Cohãcũ. Sa yero Cohãcũ cohõre tiquiro quehnoañe cohõri tiquiro yeriro yũhdũoro masa gãhũre quehnoano yerota. Suhtire ohõrota. Mehenogã Cohãcũre wacũ tutuare masa.

²⁹ Sa yena masa ihyatire, masa sihniatire pajiro bũjua witi tũhotueracãhña.

³⁰ Cohãcũre cahmeeñequina pehe ahri yehpa cãena pehe tire sa macaducuye nine.

Mari Pacu umhuse cjäno ijipihtiye mäsa cahmeñene masine. Tiquiro sa masigü pajiro bujua witi tuhotueracähña.

³¹ “Cohäcjä yuhu puhtoro ijire”, ni tuhotu, tiquireore cahmeña mäsa. Mäsa sa yeri bato Cohäcjä pehe mäsa cahmeñe dahsagü ohorota, ni yahu nemoahye Jesu.

Uhmusepu mari peye cno masiaja
(Mt 6.19-21)

³² Sa yero tiquireore yahu nemoahye:

—Yuhu cahña, meheñequinagä ijiepenata, cueracähña mäsa. Cohäcjä tiquireore puhtoro ijipore tiquireore mehna mäsa ijigü cahmene tiquireore.

³³ Sa yena mäsa yere dua pehoya. Tire dua, ti niñerure ne, pejecuoyequinare ohoya. Sata mäsa yegü umhuse cjä mäsa wapataye ne pihtisi. Uhmusepu mäsa ye ijiro ne pihtierare. Torpare mäsa yere nea masiedare yaqueriquiro. Sa ye mecasia gähü tire tua masiedare.

³⁴ Uhmusepu mäsa ye ijigü umhuse cjä dihitare tuhotunata mäsa, niahye Jesu.

Jesu tiquireore tojoa tatire cohte dutiahye tiquireore yequinare

³⁵⁻³⁶ Sa ni tuhasa tiquireore yahu nemoahye:

—Mäsa yere quehnoyu tuhasariquina yero saha yeere sa yeducuna ijina yuhare cohteya. Dahra cohteyequina tiquireore puhtoro omoca dahteri bosc decoru tiquireore wahagü tiquireore tojoa tatire tiquireore cohtere. Tiquireore sa cohteriro saha yuhu tojoa tatire cohteya mäsa gähü. Puhtoro tiquireore wuhupu wihi, sopechare tiquireore dotegü tuhoye tiquireore duita pöo söre tiquireore.

³⁷ Dahra cohteyequina tiquireore puhtoro wihigü tiquireore cahmeno sahata yeducuyequina ijieye, bucuyequina ijietä. Tiquireore sa yegü ihñano puhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiquireore tiquireore ihyayere peorota.

³⁸ Tiquiro wihiri pje ñami decoru, o bohreagupu ijiepegüta dahra cohteyequina pehe tiquireore wihiri pjere tiquireore quehnoano cohteyequina ijieye, bucuyequina ijietä tiquireore.

³⁹ Ahrire wacüña. Yaqueriquiro wuhupu tiquireore wihiato pano ti wuhu cjäno masiedare. Wuhu cjäno yaqueriquiro tiquireore wihiatore masino, yaqueriquirore sajä ta dutieraboaga. Sa yero wacüeno mehna ahtare yaqueriquiro.

⁴⁰ Sa yena mäsa gähü cohteya. Yuhu masu Cohäcjä ohorigu wacüeno mehna ahtaütja. Sa yena yeere sa yeducuna ijina cohteya mäsa, niahye Jesu tiquireore.

Apequiro dahra cohteriquiro tiquireore puhtoro tiquireore ño peogü, apequiro pehe ño peoerahye

(Mt 24.45-51)

⁴¹ Tiquiro sa nigü Pedro pehe sinituahye Jesure:

—¿Ahri quitire yahugu usäre nigü nijari? ¿O ijipihtiyequinare sa nigü nijari? niahye Pedro.

⁴² Tiquiro sa nigü Jesu tiquireore tuhotuye mehna ohö saha ni queoye mehna buheahye tiquireore:

—Dahra cohteriquiro tiquireore puhtoro ño peoriquiro tuho masiniquiro ohö sahata ijire. Puhtoro tinio waharo, dahra cohteriquirore tiquireore ya wuhare cüre. Tiquiro cühohriquiru pehe dutiriquiro ijirota. Sa yero tiquireore ihyari pje ijigü apequina dahra cohteyequinare ihyayere itire.

⁴³ Came puhtoro tiquireore wihigü dahra cohteriquiro pehe tiquireore puhtoro tiquireore dutiro sahata ye pehoriquiro ijiro, tiquireore bucueriquiro ijirota.

⁴⁴ Poto nigüta nijaja masare. Tiquiro sa yegü tiquireore puhtoro ijipihtiye tiquireore yere ihña ihboriquiro cünota tiquireore.

⁴⁵ Apequiro dahra cohteriquiro pehe “Yuhu puhtoro yoari pje bajuerare”, niboaga. Sa nino apequina dahra cohteyequinare umware, numia gähare quë mja, pajiro ihya, sihni, queheboaga.

⁴⁶ Tiquiro sa yeri bato wacüeno mehna tiquireore puhtoro wihirota. Sa wihiro tiquireore ñano buhiri dahrerota. Sa yero Cohäcjäre yuhdaducayequinare tiquireore cohänopu tiquireore cohänota.

⁴⁷ Sa yero dahra cohteriquiro tiquireore puhtoro cahmeñene masiniquiro ijieperota tire tiquireore yeragü, tiquireore quehnoano dahraeragü tiquireore puhtoro pehe tiquireore yuta da mehna tananota.

⁴⁸ Apequiro pehe dahra cohteriquiro tiquireore puhtoro cahmeñene masieniquiro ijiro quehnoano yeragü ihñano tiquireore puhtoro pehe derogä tiquireore tananota. Cohäcjä pajiro masare ohoro pajiro tiquireore apequinare oho dutirota. Sa yero tiquireore cahmeñene masigü yere masare. Quehnoano tiquireore masigü yenhriquinare quehnoano yuhti dutire tiquireore, niahye Jesu.

Jesu masare cahme tu wagü yere
(Mt 10.34-36)

⁴⁹ Sa ni tuhasa Jesu tiquireore yahuahye tja:

—Peca üjua weriro sahata yuhu ahri yehpapure masa tiquireore ñañe yeyere cose wegü ahtagü ni. Yojoju pürta peca üjua wero saha ñañe marieñequina masa tiquireore ijigü tutuaro cahmeaja yuhu.

⁵⁰ Yuhū ñano yuhduŋtja. Yuhū sa ñano yuhduŋtjire cohtegū, ñano jeripohna tiaja yuhū.

⁵¹ ¿Duhse ni tuhotuajari masa yuhure? ¿“Tiquiro masare tiquiro buheri bato apequina tiquina basi ihña tuhtisi”, ni tuhotuajari masa yuhure? Sa ijierare. Masare yuhū buheri bato ihquēquina yeere tuhoeta. Apequina pehe tiquinare ihña tuhtieti. Ihcāno saha ijisi masa. Musare niguta niaja. Masa yuhū buheyere tuhoeye, pua curua cahme tu waeta.

⁵² Yojoṗare ihcā wuhū cjēna ihcā omopequina masa yuhū buheyere tuhoeye, pua curua tiquina basi cahme tu waeta. Ihcā curua ihtiaro, ape curua p̄aro ijieti.

⁵³ Tiquiro pacaro tiquiro macanore ihña tuhtirota yaquiro tiquiro ijiri buhiri. Tiquiro macano gāhū tiquiro pacarore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gāhū ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macu namonore ihña tuhtirota yacoro ticoro ijiri buhiri. Sa yero apecoro macu namono gāhū ticoro mareonore ihña tuhtirota yacoro ticoro ijiri buhiri. Sa waharota, yuhū buheyere tiquina tuhogū, niahye Jesu.

Quehnoari deco ijiatire, ñari deco ijiatire masa tiquina masiñene yahuahye Jesu
(Mt 16.1-4; Mr 8.11-13)

⁵⁴ Sa ye Jesu masare ohō saha ni yahuahye tja:

—Ahrie peheṗu acoro cururire ihñana, duita “Acoro ahtarota”, nine masa. Masa sa nidi bato acoro ahtar.

⁵⁵ Sa yena surpu wihnono ahtagū “Asiri deco ijirota”, nine masa ahri yehpapu ijina. Masa sa nidi bato cuhmari deco ijire.

⁵⁶ Masa masa ihñonopu quehnoano iji mehoducuna ijire. Masa ahri yehpare uhmuse gāhure ihñana, quehnoari deco ijiatire, ñari deco ijiatu gāhure masine masa. ¿Sa yena yojoṗu cje decorire masiepenata duhsena ahri yehpa cjāna yojoṗare masa duhse wahatire masiedajari masa? niahye Jesu.

Musare ihña tuhtiriquiro mehna masa cahmequedire cahmeque duhuya
(Mt 5.25-26)

⁵⁷ Sa ni tuhasa ohō saha ni yahu nemoahye:

—¿Masa poto yeatire yojoṗu masiedajari masa?

⁵⁸ Apequiro muhare yahusāno waharo buhiri dahre dutiri wuhupū waha dutiboaga. Topu wahana “Pari turi muhare sa yesi”, nigū cahmeque duhuya. Muhū sa duhueragū tiquiro buhiri dahre dutiriquiro

cahapu neaboaga muhare. Sa yero buhiri dahre dutiriquiro pehe muhare surarare tiquiro ohogū, muhare surara peresu yeeta.

⁵⁹ Muhare nigū niaja. Topu ijiniita muhū. Tee tiquina wapa ye dutirire muhū wapa ye pehogupū wijiaguta muhū, niahye Jesu.

13

Musa ñañe yerire bujua witi, quehnoañe pehere comesaya

¹ Ti pjere meheñequinagā masa Jesure ohō saha ni yahue tiahye:

—Galilea cjēna wahiquirore wejē ujua m̄uo Cohācjäre tiquina ño peori watoa Pilato pehe tiquinare wejēahye. Tiquiro sa wejēgū wahiquiro dii mehna masa dii moreahye, ni, yahuahye tiquina Jesure.

² Tiquina yahu tuhasagū Jesu yuhantiahye:

—¿Galilea cjēna Pilato tiquiro wejēgū wejōriquina munare duhse ni tuhotuajari masa? ¿Tiquina sa yariage apequina Galilea cjēna yuhduoro ñañequina tiquina ijiri buhiri sa yeyari Cohācjā tiquinare, masa tuhotugū?

³ Ijierare. Musare niita niaja. Masa pehe masa ñañene bujua witierana, quehnoañe pehere comesaerana, masa gāhū yariana pecapu wahanata.

⁴ Sa ye sohō ijiriquina diez y ocho masa Siloé wame tiri wuhū uhmuari wuhū tiquina bui wihnoa dijiaro, tiquinare wejē pehoahye. ¿Sa waha yariaye, apequina Jerusalē cjēna yuhduoro ñañequina ijiyari tiquina, masa tuhotugū?

⁵ Ijierare. Musare niita niaja. Masa ñañene bujua witierana quehnoañe pehere comesaerana, masa gāhū yarianata. Sa yena pecapu wahanata, niahye Jesu tiquinare.

Higueragu dūca mariedu quitire yahuahye Jesu

⁶ Sa ni tuhasa apeye queoye mehna piti dahre yahuahye tiquinare:

—Wese uparo tiquiro wesepu higueragure cuoahye. Sa yero tiquiro tu ducare macano wahamahye. Bocaerahye.

⁷ Bocaeraro tiquiro wese dahrariquirore yahuahye. “Tuhoaya yuhure. Ihtia cuhma waro higueragu ducare macamaja. Dūca mariedare. Tu dūca mariedagū ture quē cohā cāhña. Tu ya wesepu ijigū apedure otero basioerare. Apeṗu tu ihyaborire ihyaboaga tu dūca marieda pehe”, niahye wese uparo tiquirore dahra cohteriquirore.

⁸ Tiquiro sa nigū tuhooro dahra cohteriquiro ohō saha niahye: “Puhto, ahdu ihcā cuhma waro ducuriahdo. Tu nuhcoripū yuhū sehegūta. Tuhasa, wahiquiro cuhta mehna ti copere yaṗta.

⁹ Yuhū sa yeri bato tu ape cuhma dūca tiro dūca tiboaga. Tu dūca mariedagū muhū quē

cohã dutigũta”, niahye dahra cohteriquiro wese upũrore, ni, yahuahye Jesu.

Saurũ deco ijigũ Jesu dohatiricorore yũhdũoahye

¹⁰ Ti pjere saurũ deco ijigũ Jesu judio masa buheri wũhũ buhero niahye.

¹¹ Topũ watĩno cuoricoro ijiahye. Watĩno pehe diez y ocho cahmari waro dohatigũ yeahye ticorore. Sa yero pari tjũ ducuricoro ijiro, poto ducu masiedahye.

¹² Ticoro sa ijigũ ihũano Jesu ticorore ihũa, pisuahye:

—Numio, mũhũ dohatiye pihitia wahare, ni, pisuahye Jesu.

¹³ Tiquiro pisuri bato ticorore tiquiro ña peogũ duita ticoro quehnoano poto dũca sahye. Sa waharo “Cohãcjũ tutuagu, quehnoagu ijire mũhũ”, ni ño peoahye ticoro.

¹⁴ Jesu ticorore saurũ deco ijigũ tiquiro yũhdũogũ ihũano judio masa buheri wũhũ cohteriquiro pehe tiquiro mehna usuahye. Sa usuaro tiquiro masare ohõ saha niahye:

—Seis decori ijire mari dahrye decori. Sa yena masa dohatiyequinare yũhdũo duana, ti decorire tire yeya. Saurũ mari sori decore tire yeracãhũa, niahye ti wũhũre cohteriquiro.

¹⁵ Tiquiro sa nigũ Jesu ohõ saha ni yũhtiahye:

—Masa ihũono dihita quehnoana iji mehona ijire masa. Masa wẽcare, burro gũhũre cũona saurũ decore tiquina dũhteri dare pã, tiquinare ne buha, sihni dutiboaga.

¹⁶ Yojobũ ahricorore Abrahã mũnano acayorore watĩno diez y ocho cahmari waro ticorore dohatigũ yere. ¿Saurũ deco ijigũ ticorore yũhdũo dutierajari masa? niahye Jesu.

¹⁷ Tiquiro sa nigũ tũhoye, tiquina bũoro wahahye. Sa ye apequina pehe ijipihitiyequina Jesu yerire ihũa, bucueahye.

Mostaza pje queoyere yahuahye Jesu
(Mt 13.31-32; Mr 4.30-32)

¹⁸ Sa ye Jesu queoye mehna buheahye masare:

—¿Ne Cohãcjũ masa pũhtoro tiquiro ijiye yabe boro yero saha ijijari? Ahri quti mehna tire tiquiro pũhtoro ijiyere yahutja yũhũ.

¹⁹ Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã pihnine. Sa ye tũ bũcũagũ minicjũa pari ti dũpũgĩpũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tũ bũcũariro saha mũmũse cãnore mari pũhtorore masiũequina meheũequinagã tiquina iji mũhtaepẽgũta camepũ tiquina peyequina wahaeta.)

Pã pugũ yeye queoyere yahuahye Jesu
(Mt 13.33)

²⁰ Sa yero pari turi Jesu queoye mehna buheahye:

—¿Ne Cohãcjũ masa pũhtoro tiquiro ijiye yabe boro yero saha ijijari?

²¹ Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcũatire. Ticoro sa yegũ pãre pugũ yeye pehe trigore quehnoano sehũa wahare, niahye Jesu. (Sa nino ohõ saha nino niahye. Pãre pugũ yeye trigore ti sehũa wahariro saha mũmũse cãnore mari pũhtorore peyequina masa ijipihitiro cjẽna masieta.)

Meheni sopecahagã quitire yahuahye Jesu

(Mt 7.13-14, 21-23)

²² Sa ye Jesu bũjũye macaripũ, daye macarigãpũ gũhũre buhe cã, Jerusalẽpũ esaro taro niahye.

²³ Tiquiro sa wahari watoa masũno Jesure ohõ saha ni sinituahye:

—¿Pũhto, meheũequinagã masare pecapũ wahaboriquinare yũhdũorotari Cohãcjũ? niahye tiquiro Jesure.

Tiquiro sa nigũ Jesu queoye mehna buhero ohõ saha ni yahuahye:

²⁴ —Peyequina masa Cohãcjũ cahapũ waha duaye, sajã duamene. Meheni sopecahagãre masa sajã duagũ mijorĩne. Sata Cohãcjũ cahapũ masa waha duagũ mijorĩne. Masa sa sajã duepeta sajã masiedare. Sa yena masa pehe meheni sopecahagãre masa tutuaro sajã duaboro sahata Cohãcjũ pehere tutuaro masiũa.

²⁵ Ohõ saha yerota Cohãcjũ peyequina masare. Tiquiro wũhũ upũro yero saha ijire. Wũhũ upũro wahcã, sopecahagãre biharota. Tiquiro sa yegũ sopecahagãpũ ducuna, dote-nata. Dotena ohõ saha ninata. “Pũhto, sope pahmare pũohũa”, masa nigũ wũhũ upũro pehe yũhtirota. “Mũsare, masa ahtariro gũhũre ne masiedaja yũhũ”, ni yũhtirota.

²⁶ Tiquiro sa nigũ masa yũhtinata. “Mũhũ mehna usã ihya, sihni. Usã ya macapũ buheri mũhũ”, ninata masa.

²⁷ Masa sa nigũ tiquiro pehe yũhtirota. “Mũsare, masa ahtariro gũhũre ne masiedaja. Ijipihitina masa ñãũe yerina yũhũ cahapũ ahtaeracãhũa”, ninota wũhũ upũro.

²⁸ Sa ye Abrahãre, Isaare, Jacore, ijipihitiyequina Cohãcjũ yere yahu mũhtariquinare Cohãcjũ tiquiro pũhtoro ijirore tiquina ijigũ ihũana, masa pehe sopecahapũ cohõrina ijina tutuaro utinata. Sa yena masa tutuaro bũjũa witina, bahque dihonata.

²⁹ Ti pjere ijipihtiuro cjēna Cohācjū tiqũiro pũthoro ijĩropũre esa, tiqũiro mehna ihya dujieta.

³⁰ Yojoũre ihyo ijĩyequina ijĩriquina ti pjere pũthoa ijieta. Sa yeye yojoũre pũthoa ijĩriquina ti pjere ihyo ijĩyequina ijieta, niahye Jesu.

*Jerusalē cjēnare tutuaro cahĩahye Jesu
(Mt 23.37-39)*

³¹ Ti pjere meheñequinagā fariseo masa Jesu cahapũ esa, tiqũirore yahuahye:

—Herode mũhare wejē duare. Sa yegũ ape sierũ wahaya mũhu, niahye tiqũirore.

³² Tĩquina sa nigũ Jesu pehe yũhtĩahye:
—Herode ni mehoñe peyariqũiro ijire tiqũiro. Ohõ saha ni yahuya tiqũirore: “Jesu watĩare cohāno nine. Sa yero dohatiye-quinare yũhũoro nine. Tire miare, ñamia gũhare yerota. Sa yero ñamia bohrearo dahra bato tirota”, ni yahuya Herodere.

³³ Sa yegũ miare waha, ñamia gũhare waha, ñamia bohrearo gũhare waha, Jerusalēpũ esautja. Cohācjū yere yahu mũhtagure yũhare wejēeta masa. Cohācjū yere yahu mũhtariquinare tiquina wejēgũ Jerusalēpũ ijĩro cahmene tiquinare. Sa yegũ yahu gũhare Jerusalēpũ ijĩro cahmene.

³⁴ ‘Ahyou, Jerusalē cjēna, masa Cohācjū yere yahu mũhtariquinare wejē, masa cahapũ tiqũiro ohoriquinare utā paca mehna doque wejēdi masa. Canaca ticoro pohnene waye dũpũri mehna ticoro moha cuñano saha peye tahari mũsare cahĩducumi. Mũsare cahmemi. Mũsa pehe yũhare ne cahmedari.

³⁵ Yojoũre mũsa ya maca cohõri maca ijĩrota. Ijĩrota niita niaja mũsare. Cohācjū mari pũthoro tiqũiro tutuaye mehna ahtaũtja yũhu. Yũhu ahtaũtja mũsa yũhare “Cohācjū tutuaye mehna ahtariqũiro quehnoahdo”, ninata. Yũhare mũsa tire niato pano pari turi yũhare ihñasi masa, niahye Jesu.

14

Dohatiriqũirore yũhũoahye Jesu

¹ Ape deco saurũ ijĩgũ fariseo masa pũthoa mehna cjāno ya wũhũpũ Jesu ihyaro wahahye. Ti wũhũpũ ijĩyequina tiqũirore ihña nũnũahye.

² Sa yero omoca, ñecu gũhu ipinohriqũiro tiqũiro cahapũ esahye.

³ Sa yero Jesu judio masare buheye-quinare, fariseo masa gũhare sinituahye:

—¿Saurũ ijĩgũ dohatiriqũirore yũhũo dutajari Cohācjū yere tiquina ojoari pũpũ? niahye Jesu.

⁴ Tĩqũiro sa ni sinituepegũta tiquina yũhtierahye. Tĩquina yũhtieragũ ihñano Jesu dohatiriqũirore yũhũo, “Wahaya”, niahye tiqũirore.

⁵ Sa ye tuhasaro, tiquinare sinituahye tja:

—¿Ihcāqũiro mũsa mehna cjāno tiqũiro macano saurũ deco mari sori deco ijĩgũ aco ijĩri copepũ tiqũiro bora sajāgũ ne wioer-aboagari, mũsa tũhotugũ? ¿Tĩqũiro yaqũiro wecu gũhare ne wioeraboagari, mũsa sa nina? Ne wioboaga tiqũiro, niahye Jesu.

⁶ Tĩqũiro sa niepegũta tiquina tiqũiro sinitũire yũhti masiedahye tja.

Omoca dũhteri bose deco ijĩgũ pijĩoriquinare yahuahye Jesu

⁷ Fariseo masano ya wũhũpũ ijĩro ti wũhu cjāno tiqũiro pijĩoriquina quehnoañe dujiyere tiquina besegũ ihñahye Jesu. Sa ihña tuhasa ohõ saha ni yahuahye ijĩpihtiyequinare:

⁸ —Omoca dũhteri bose deco mũsare tiqũiro pijĩogũ, quehnoañe dujiyere bese dujieracāhña. Mũsa yũhũoro cua pesayequinare pijĩoboaga ahri wũhu upũro.

⁹ Tĩqũiro sa yegũ masa quehnoañe dujiyepũ dujiğũ “Ahriquina cua pesayequina pehere mũsa dujiyere ohoya”, nioboaga wũhu upũro mũsare. Tĩqũiro sa nigũ mũsa pehe bũoro wahana, ñañe dujiyepũ dujĩboaga.

¹⁰ Sa yena wũhu upũro mũsare tiqũiro pijĩogũ, ñañe dujiyepũ duji mũhtaña. Mũsa sa yegũ wũhu upũro mũsare “Quehnoañe dujiyere pehere dujina ahtaya”, ninota mũsare tiqũiro. Mũsa sa wahagũ apeqũina tiqũiro pijĩoriquina pehe mũsare ño peoye mehna ihñañeta.

¹¹ Ihcāqũiro tiqũiro basi “Pũhtota ijĩaja”, ni tũhoturiqũiro cahacjāno ijĩrota. Sa yero apeqũiro “Cahacjā ijĩaja”, ni, tũhoturiqũiro, apeqũinare yũhũduca dueriqũiro tiqũiro pehe pũthoro ijĩrota, niahye Jesu tiquinare.

¹² Sa ni tuhasa Jesu wũhu upũrore yahuahye:

—Mũhu bose deco dahregũ mũhu cahapũ ijĩyequinare, mũhu bahanare, mũhu acayere, doeri cjē opanare pijĩoeracāhña. Mũhu tiquinare pijĩogũ mũhu gũhare tiquina gũhu piji cahmeeta. Sa piji cahmeñe mũhare tiquina wapamonore wapa yeeta.

¹³ Mũhu bose deco dahregũ pejecũoyequinare, tini masieñequinare, pari yuri wahayequinare, caperi bajueye-quinare pijĩohya.

¹⁴ Mũhu sa yegũ ihñano Cohācjū mũhare quehnoano yerota. Tĩquina pehe mũhare tiquina wapamonore wapa ye masiedare. Sa yero quehnoañequina yariariquina tiquina masa mũjari pje ijĩgũ Cohācjū pehe quehnoano mũhu yeri wapa mũhare quehnoano yerota, niahye Jesu wũhu upũrore.

*Pajiri bose deco queoyere yahuahye Jesu
(Mt 22.1-10)*

¹⁵ Tiqairo sa nigū tãhoro apequiro ihyari mesa caharũ dujiriquiro, Jesure yahuahye:

—Cohãcjũ tiqairo pũhtoro ijiorũ tiqairo ihyari mesa caharũ dujiyequina tutuaro bucueyequina ijietã, niahye tiqairo Jesure.

¹⁶ Tiqairo sa nigū Jesu ahri queoyere yahuahye tiquiore:

—Pajiri bose deco dahreriquiro peyequina masare pijioahye.

¹⁷ Tiqairo pijiori bato bose deco tiqairo cahacjãnore tiqairo pijioriquinare yahu dutiro ohoahye. “Isa, ijiphtiyere bose deco cjẽ ijiatire quehno tuhasari. Sa yero m̄sare pijiori”, ni, yahu dutiahye tiqairo cahacjãnore.

¹⁸ Tiqairo cahacjãno tiqairo sa ni yahuepegũta, tiqairo pijionohriquina pehe “Waha masiedaja”, niahye tiquina. Tiqairo pijio mahtanohriquiro ohõ saha ni yahuahye tiqairo cahacjãnore. “Mianogãta yehpare dũu. Sa yegu ti yehpare ihñaga wahagu niaja. Sa yero waharo basioeraga. Ño peo cjũña m̄hũ yuhũre. Yuhũre basioerare”, niahye tiqairo pijio mahtanohriquiro pehe tiqairo cahacjãnore.

¹⁹ Apequiro pehe ohõ saha niahye: “Wecũare p̄a omoca pihtiyequinare mianogãta dũu. Buhe tuhugũ wahaũ tũ niaja ti weje cãtore. Sa yegu wecũare ‘¿Quehnoano dahrajari?’ ni ihñage wahagu tũ niaja. Sa yegu wahasi. Yuhũre basioerare”, niahye tiqairo gũhũ.

²⁰ Apequiro pehe ohõ saha niahye: “Yuhũ mianogãta omoca duh̄tei. Sa yero bose decorũ waharo basioeraga yuhũre”, niahye tiqairo cahacjãnore.

²¹ Tiqairo sa nigū cahacjãno pehe tojoa waha, tiqairo pũhtoror̄pe tiquina nidire yahu peho cãhye. Tiqairo sa ni yahugũ tiqairo pũhtoro tutuaro usua, ohõ saha niahye tiqairo cahacjãnore. “Wuhũse watoa cjẽ maharipũ wahaya. Pejesc̄oyequinare macarĩsa. Sa yegu pejec̄oyequinare, tini masieñequinare, caperi bajueyequinare, pari yuri wahayequinare am̄ñano ne cãhtaya tiquinare”, niahye pũhtoro.

²² Came cjũnogã tiqairo cahacjãno yahuahye tiqairo pũhtorore: “Pũhto, m̄hũ dutiriro sahata yei. Yuhũ sa yepegũta apeqũna gũhũ esa tuhaeta”, niahye tiqairo cahacjãno.

²³ Tiqairo sa nigū pũhtoro tiquiore dutiahye: “Ihquẽ wuhũse ijiorũ wahaya. Topũ bujũye maharipũ, daye maharigãpũ gũhũre masare ya wuhũpũ ahta dutiya, ya wuhũpũ tiquina wahpagũ.

²⁴ Poto niita niaja m̄hũre. Ahriquina yuhũ pijio mahtamediquina yuhũ ihyayere ne mehenogã ihyasi”, niahye pũhtoro, ni yahuahye Jesu.

Jesu mehna wahagũ mijorĩne
(Mt 10.37-38)

²⁵ Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

²⁶ —Ihcãquiro yuhũ buheriquiro iji duaro apeqũna yuhũdũoro yuhũ pehere cahĩno cahmene. Tiqairo pacorore, tiqairo pacorore, tiqairo namonore, tiqairo pohnene, tiqairo bahanare, tiqairo pagũ gũhũre tiqairo cahĩno yuhũdũoro yuhũ pehere cahĩno cahmene.

²⁷ Ihcãquiro yuhũ buheriquiro iji duaro yeere sa yeducuriquiro ijirota. Sa yero yaquiro tiqairo ijiri buhiri ñano yuhũdũeperota yuhũre ne duhusi.

²⁸ Ahrire masiyuro cahmene m̄sare. Ohõ saha ijire ti: Wuhũ dahreriquiro tiqairo ahm̄uari wuhũre yeato pano wuhũ wapa tiatire queo mahtare. Sa yero, ti wuhũre tiqairo pehoatire masine tiqairo.

²⁹ Wapa tiyere queoeraro ti wuhũre yero pehoeraboa. Sa ye tiquiore ihñãñequina bujũpeboa.

³⁰ “Ahriquiro ti wuhũre yero, tutuerare”, ni, bujũpeboa.

³¹ Pũhtoro apequiro pũhtoro yeequina mehna tiquina cahmequeato pano, tiqairo yequina surarare tiqairo cahme wejẽ dutiato pano, tiqairo yequina surarare queorota. “¿Yuhũ diez mil surara mehna apeqũro veinte mil surara cãoriquiro mehna cahme wejẽgũ tutueraboagarĩ yuhũ?” ni, tãhturo queorota tiqairo.

³² Sa queoro, tiqairo tutueratire masinota. Sa masino apequiro pũhtoro tiqairo yequina surara mehna cahme wejẽno ahtariquiro yororũ tiqairo ijigãta, tutueriquiro pehe “Cahme wejẽdacãhna”, ni dutiro ohoboaga dahra cohteriquiro.

³³ Sa yena yuhũ buhena iji duana, m̄sa yeatire m̄sare masino cahmene. M̄sa ye duaye pehere duhu duerana, yuhũ buhena iji masiedare, ni yahuahye Jesu.

Moa ocayere yahuahye Jesu
(Mt 5.13; Mr 9.50)

³⁴ Sa yero tiquinare yahu nemoahye:

—Moa quehnoano ocare. Ti ocaeragũ ocaye yero basioerare.

³⁵ Moa ocaeraro ti moa ne quehnoaedare. Ti moare dũhsero basioerare. Ti sa ijigũ ti moare cohãno cahmene. Ne dũhseati ijierare ti moa. (Ti dũhseati ijieraro saha ijieracãhña m̄sa. Cohãcjũ ye pehere cohãedacãhña.) Ahrire quehnoano tuhoya m̄sa, niahye Jesu.

15

Oveja butiriquiro queoyere yahuahye Jesu
(Mt 18.10-14)

¹ Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure tuhoye ahtahye.

² Tiquina sa yegū ihñañe fariseo masa, judio masare buheyequina gūhū Jesure ihñā tuhtiye, ohō saha niahye tiquina basi:

—Ahriquiuro ñañequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducugū Jesu tiquiuro tuhotuye mehna ohō saha ni, queoye mehna buheahye tiquinare:

⁴ —¿Cien oveja caoriquiuro ihcāquiuro oveja butigū ihñāno dahse yerotari tiquiuro? Ohō saha yerota. Tiquiro noventa y nueve ovejare tiquina ihyariropū cū, butiriquiurore macano waharota. Ovejare bocaropū duhurota.

⁵ Tiquirore bocaro bucuero. Sa yero tiquiuro butiriquiurore waa peo, tiquiuro ya wūhūpū ne tojoaa waharota.

⁶ Ne tojoa sa, tiquiuro caharū ijiyequinare, tiquiuro acayere piji cahmecoanota. “Yaquiuro oveja butiriquiurore boca tuhasa. Sa yena yūhū mehna bucueya”, ninota tiquiuro tiquinare.

⁷ Poto niita niaja musare. Noventa y nueve oveja peyequina tiquina ijiro sahata, peyequina masa ohō saha ni tuhature: “Ñano yeraja. Sa yegu yūhū ñañene bujūa witiśi. Quehnoañe pehere comesasi yūhū”, ni, tuhature peyequina masa. Tiquina sa ni tuhaturgū ihñañe hñmuse cjēna Cohācjū caharū ijiyequina bucuere. Apequiuro pehere bucuere. Butiriquiuro oveja ihcāquiurota butiriro sahata tiquiuro upūro tiquiurore bocariro sahata ihcāquiuro ñariquiuro tiquiuro ñañene bujūa witiġū, quehnoañe pehere comesagū ihñañe, Cohācjū caharū ijiyequina tutuaro bucuere, niahye Jesu.

Niñeru cjoē butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

—¿Pua omope cjoeri niñeru cjoeri caoricoro ihcā cjoē butigū dahse yerotari ticoro? Ohō saha yerota ticoro. Sihāriare sihā, wūhūre coha, quehnoano maca pehorota. Ti cjoere bocaropū duhurota.

⁹ Ti cjoere boca tuhasa, ticoro caharū ijiyequinare, ticoro mehna cjēnare piji cahmecoanota. “Niñeru cjoē yūhūre butiri cjoere boca. Sa yena yūhū mehna bucueya”, ninota ticoro.

¹⁰ Potota niita niaja musare. Sata ihcāquiuro ñariquiuro tiquiuro ñañene bujūa witiġū quehnoañe pehere comesagū Cohācjū yequina angele pehe tutuaro bucueta, niahye Jesu.

Tiquiro macano butiri queoyere yahuahye Jesu

¹¹ Sa ni yahu tuhasa Jesu queoye mehna yahu nemoahye tja:

—Bucaro pohne puaro amua ijiahye.

¹² Dahsariquiuro pehe ohō saha niahye tiquiuro pacarore: “Mai, mūhū yariari bato mūhū ohoaire yūhūre ohoya”, niahye tiquiuro pacarore. Tiquiro sa nigū tiquina pacaro puaropureta tiquiuro pohne itiahye tiquiuro caorire.

¹³ Meheñe decorigā bato dahsariquiuro tiquiuro yere ijipihtiye ne, yoropū ape yehparū wahaa wahahye. Topū esaro tuho masieniquiuro yero saha ye, tiquiuro niñerure, tiquiuro yere ye site peho cāhye.

¹⁴ Tiquiro ye site pehori bato ti yehparure ne ihyaye mariedi pje iji ducahye. Sa yero tiquiuro ujūa ahbahye.

¹⁵ Sa yero ti yehpa cjē dahrayere macahye. Tiquiro bocagū tiquiuro puhtoro yesea cohteriquiuro sōahye tiquiurore.

¹⁶ Sa yero tiquiuro yesaere nu, tiquina ihyayere ihya duamahye. Tiquiro sa ihya duepegāta ti ihyayere to cjēna ohoerahye tiquiurore.

¹⁷ Sa ye tiquiuro topū wacūahye. “Yūhū pacare dahra cohteyequina pehe bujūye ihyayere ihyare. Tiquina ihya dahari gūhū bujūye dahsare. Tiquina sa quehnoano yūhdari watoa yūhū pehe ohōpū ijigū, ujūa ahbagū niaga.

¹⁸ Yojoyure yūhū pacū caharū tojoagutja. Yūhū pacū caharū esagū ohō saha niitja tiquiurore: ‘Mai, Cohācjūre ñano yei. Mūhū gūhūre ñano yei.

¹⁹ Ñagu ijiaja yūhū. Mūhū macū yero saha ijibogu ijieraja yūhū. Mūhūre dahra cohteriquiuro yero saha yeya yūhūre’, niitja yūhū pacare”, ni tuhaturahye tiquiuro.

²⁰ Sa ni tuhaturota wahcādaca, tiquiuro pacaro caharū tojoaa wahahye. Topū tiquiuro esariquiuro tojoa tagū tiquiuro pacaro pehe yoroputa tiquiuro macanore ihñahye.

Tiquiro sa wihigū ihñāno macanore paja ihñahye. Paja ihñāno tiquiuro caharū oma cā, tiquiurore quē suhsu maa, tiquiuro wahsupure ihmiahye pacaro tiquiuro macanore.

²¹ “Mai, Cohācjūre ñano yei. Mūhū gūhūre ñano yei. Ñagu ijiaja yūhū. Mūhū macū yero saha ijibogu ijieraja yūhū”, niahye tiquiuro pacarore.

²² Tiquiro sa nigū tuhoro pacaro pehe dahra cohteyequinare pijiahye. “Sojaro mehna, quehnoa yūhdari suhtirore ne cāhtaya. Sa yena yūhū macare sāañā. Sāa tuhasa, tiquiuro omoca sañari behitore sāa, dahpo suhti gūhūre sāañā.

²³ Sāa tuhasa, dihi tiriquiurogāre wecūgāre wejēña. Bose deco yeihna mari.

²⁴ Ahriquiuro yahu macu yariariquiuro yero saha wahariquiuro ijire. Sa wahaepere-ota yojopure catire tiquiuro. Tiquiuro butimediquiurore pari turi bocañ. Sa yena bose deco yeihna mari, niahye tiquiuro pacuro. Tiquiuro sa nidi bato bose deco dahre dacahye tiquina.

²⁵ "Ti pjere tiquiuro wahmino pehe wesepeñ ijahye. Wesepeñ ijiriquiuro cohe tojoa taro wahu cahapu esaro, tiquina basayere tuhoahye tiquiuro.

²⁶ Tuhooro, ihcãquiuro dahra coheriquiurore pijio, tiquiurore sinituahye tiquiuro: "¿Dahse ijiro boro basaye niari?" niahye tiquiuro dahra coheriquiurore.

²⁷ "Mahu bahu coheri. Tiquiuro quehnoariquiuro, catiriquiuro tiquiuro cohegã mahu pacu dihi tiriquiurogãre wecugãre wejẽ dutiri", ni yuhtiahye dahra coheriquiuro.

²⁸ Tiquiuro sa ni yahugã tiquiuro wahmino pehe tutuaro usuaro, wuhapu sajãedahye. Tiquiuro sajãedagũ ihñano tiquiuro pacuro sopecahapu wijia ta, "Sajã taya", ni, pijimahye tiquiuro macanore.

²⁹ Tiquiuro sa pijigũ macano yuhtiahye. "Tuhoaya mai. Yoari pje mahure dahra coheriquiuro yero saha mahure yedohomi. Sa yegu mahu dutiyere ne ihcã taha yuhducaera. Yuhu mahure dahra cohtepegãta yuhure ne ohoerari mahu. Ne ihcãquiuro wahiquiurogãre ne ohoerari mahu yuhure yuhu piti tiyequina mehna yuhu bose deco dahreatire.

³⁰ Sa yero ahriquiuro mahu macu pehe ñaÑequina numia mehna mahu yere ye site pehoñohiti. Tire ye site peho tuhasa, wuhapu tiquiuro tojoa wihigũ dihi tiriquiurogãre wecugãre wejẽ dutiñohiti mahu tiquiuro ihyatiquiurore", niahye tiquiuro wahmino pehe pacurore.

³¹ "Macu, yuhu mehna ijipihtiye decori mahu ijigã ijipihtiye yuhu cõoye mahu ye ijire.

³² Mahu bahu pehe yariariquiuro yero saha wahari marine. Sa ye yojopure tiquiuro catiriquiuro ijire. Tiquiuro butiriquiuro yero saha ijiri. Tiquiuro sa wahari bato yojopure tiquiurore bocañ. Sa yero tiquiuro tojoa wihigũ mari bose deco ye bucuegã quehnoare", niahye tiquiuro macanore, niahye Jesu tiquinare.

16

Niñeru coheriquiuro tuho masiniquiuro quitire Jesu yahuahye

¹ Sa ye ahri quitire tiquiuro buheyequinare yahuahye Jesu:

—Doeri cje upuro ye niñerure coheriquiuro niñerure quehnoano tiquiuro ihboeragã ihñano apequiuro pehe yahusãhye doeri cje

upurore. "Mahu ye niñerure ye sitero nine", ni yahusãhye tiquiurore.

² Tiquiuro yahusã tuhasari bato niñeru coheriquiurore pijioahye. Sa yero tiquiuro wihigũ ihñano, tiquiurore puhtoro yahuahye. "Yee niñerure mahu ye siterire apequiuro yuhure yahuri. Sa yegu yeere cohtegu iji nemosi mahu. Sa yegu yeere mahu yerire yahu peho ojoaya. Mahure cohãgu niaja", niahye puhtoro tiquiurore.

³ Tiquiuro sa nidi bato ohõ saha ni tuhotuahye coheriquiuro tiquiuro basi: "Yuhu puhtoro yuhure cohãno taro niaga. Yuhu tutueraja. Sa yegu tutuaro dahra masiedaja. Sa yegu apequinare yuhu niñerure sinigũ buoro yuhduboaga yuhu. ¿Sa yegu dahse yeitari yuhu?"

⁴ Yojopu puritare yuhu yeatire masiaja yuhu. Ohõ saha yuhu yegũ yuhu dahraye mariedagũ yuhu puhtorore wapamõequina yuhure cahãeta. Sa ye tiquina ye wuhasepeñ sajã dutieta yuhure", ni tuhotuahye tiquiuro.

⁵ Sa ni tuhoturo tiquiuro ijipihtiyequina tiquiuro puhtorore wapamõequinare pijioahye. Pijio tuhasa, cohteahye. Wihi muhtariquiurore ohõ saha ni sinituahye tiquiuro. "¿Yuhu puhtorore noho puno wapamõajari mahu?" niahye tiquiuro.

⁶ Tiquiuro sa nigũ wapamoriquiuro pehe yuhtiahye. "Cien tambores uhsero olivo dca mehna tiquina yeri uhsero wapamõaja tiquiurore", ni, yuhtiahye. Tiquiuro sa ni yahugũ coheriquiuro pehe ohõ saha ni yahuahye. "Ohõpu ijire mahu wapamonore ojoa ohõri pũ. Dujiya. Sa yegu mahu wapamonore deco mehna ne, deco mehna ojoa quehnoña", niahye coheriquiuro wapamoriquiurore.

⁷ Sa ni tuhasa apequiuro wapamoriquiurore sinituahye tiquiuro. "¿Mahu waro, noho puno wapamõajari?" niahye tja. "Cien ajuri trigo pjeri ajurire wapamõaja yuhu", niahye wapamoriquiuro niñerure coheriquiurore. "Ohõpu ijire mahu wapamonore ojoa ohõri pũ. Mahu wapamonore ochenta ojoa quehnoña", niahye coheriquiuro.

⁸ Tiquiuro sa quehnoano ni meho mih-nigũ ihñano "Ahriquiuro ni mehoriquiuro quehnoano masidiquiuro ijiaga", ni tuhotuahye tiquiuro puhtoro niñerure coheriquiurore. Ahri deco cjeña, Cohãcjãre cahmeeñequina tiquina yere quehnorire tiquina niñeru ihborire Cohãcjã yequina yuhduoro masiaga tiquina, niahye Jesu.

⁹ Sa ni tuhasa Jesu yahu nemoahye:

—Sa yegu musare niita niaja. Mõsa cõoyere, pejecõoyequinare musa ohogũ, tiquina pehe musare cahãeta. Mõsa sa yegũ musa cõoye pihtiari bato musa uhmusepeñ esagũ musare cahãeta topare.

¹⁰ Itho ijiequina ye dahrayere potu yena, puhtora ye dahraye gãhure potu

yenata. Ihyo ijiyequina ye dahrayere queoro yerana, puhto a ye dahraye gāhure queoro yesi masa.

¹¹ Sa yena ahri yehparu masa cuoye mehna masa quehnoano yerana Cohācjū musare tiqiro ye buheye gāhure quehnoano yesi masa. Sa yero ti buheyere cūsi tiqiro.

¹² Sa yena apequiro yere masa quehnoano ye basaeragū ihñano masa ye ijiatire ohosi musare.

¹³ Ihcāquiro Cohācjū pehere wacūno, tutua yuhduaro niñeru pehere wacūedare. Niñeru pehere tutua yuhduaro wacūno Cohācjū pehere wacūedare. Niñeru dihitare cahmediquiro ijiro Cohācjūre bucuegū yerare. Cohācjū gāhure, niñeru gāhure puarore cahme yuhduarocar basioerare musare. Niñerure cahme yuhduariquiro Cohācjūre quehnoano ño peo masiedare, niahye Jesu.

¹⁴ Tiquiro sa nigū tuhoye fariseo masa pehe tiqirore bujapeahye. Tiquina pehe niñerure cahñahye. Sa ye bujapeahye.

¹⁵ Tiquina bujapegū tuhoro Jesu tiquinare yahuahye:

—Masa tiquina ihñonore masa quehnoano yemene. Masa sa yegū “Quehnoañequina, poto yeyequina ijire”, nimene masa musare. Cohācjū pehe masa tuhutyere masine. Masa “Quehnoa yuhduare”, tiquina nidire Cohācjū pehe sijoro saha ni tuhature. Tire ihña yabire, niahye Jesu.

Cohācjū dutiyere, tiqiro puhtoro ijiyere yahuahye Jesu

¹⁶ Sa ni tuhasa ohō saha ni nemoahye Jesu:

—Ñu wame yeriquiro tiqiro ijiato pano Moiserere tiqiro cūri dutiye mehna Cohācjū marine dutiri. Cohācjū yere yahu muhtariquina tiquina ojaroi mehna gāhu marine dutiri. Yojoṗu pehere Ñu tiqiro buhe ducari bato quehnoañe buheyere, Cohācjū tiqiro puhtoro ijiye gāhure masi ducare masa. Sa masiñe masa tiquina esa tuhoro tiquina tutuaye mehna Cohācjū tiqiro puhtoro ijirore sañā duamene.

¹⁷ Moiserere tiqiro cūri dutiyepu Cohācjū nidiro sahata ye pehorota tiqiro. Uhmuse gāhu ahri yehpa gāhu pihtia wahaepēgūta Cohācjū nidiro sahata ye pehorota, niahye Jesu.

*Namonore cohāñene yahuahye Jesu
(Mt 19.1-12; Mr 10.1-12)*

¹⁸ Sa ni tuhasa ohō saha ni nemoahye Jesu:

—Masano tiqiro namonore cohāno, apecoro mehna omoca duhtero, ticoro mehna ñano yero nine. Apequiro tiqiro cohāricoro mehna omoca duhtero, tiqiro

gāhu ticoro mehna ñano yero nine, niahye Jesu.

Doeri cjē upuro, pejecuoriquiro queoyere yahuahye Jesu

¹⁹ Sa ye cuoye mehna yahuahye Jesu:

—Ti pjeṗare doeri cjē upuro ijie tiahye. Tiquiro suhti pehe wapa buja yuhduahye. Sa yero decoripe quehnoañe dihitare ih-yaro, peye cuoahye tiqiro.

²⁰ Sa yero ti pjere apequiro pejecuoriquiro, Lázaro wame tiriqiro ijie tiahye. Tiquiro pagu peye cami tiriqiro ijiyahye. Sa ye apequina pehe tiqirore doeri cjē upuro ya wahu cjā sahrino cahapu ne sae tiahye.

²¹ Sa yero pejecuoriquiro pehe doeri cjē upuro tiqiro ihyari mesa docapu yehparu dujiro tiqiro ihya site dijioyere ihyae timahye. “Tiquiro ihya site dijiorire ihyagu yapigata yahu”, ni, tuhotue timahye tiqiro. Sa ye diayea tiqiro camine nehneñe ahtae tiahye.

²² Sa yero pejecuoriquiro tiqiro yariaa wahagū, Abrahā cahapu paraíso wame tiroṗu angele tiqirore ne mujahye. Sa yero doeri cjē upuro gāhu tiqiro batogāta yariaa wahahye. Tiquiro yariagū tiqirore yahye.

²³ Sa yero doeri cjē upurore tutuaro peca ujāahye. Sa yero pecapu ijiro ahmusepu ijiiriquirore Abrahāre ihñahye. Lázaro gāhure ihñahye.

²⁴ Ihña tuhasa, tiqiro Abrahāre pisuahye. “Yuhu acayu Abrahā, paja ihñaña yuhure. Pecapu yuhu ñano yuhduṗu niaja. Yuhu sa wahagū Lázarore yuhure ohoya. Sa yero acore tiqiro omo piriapu soha, yuhu ñehmenore aco mehna nehono ahtaahro. Tire yusnoahro tiqiro”, niahye doeri cjē upuro.

²⁵ Tiquiro sa nigū Abrahā tiqirore yahuahye: “Yuhu acayu, catigupu mahu ijiptiyere quehnoañene cuori. Lázaro pehe decoripe ñano yuhduari. Yojoṗu pehere mahu ñano yuhduṗu tiqiro pehe ohōṗare bucueye mehna ijiro nine.

²⁶ Sa ye mari watoa uhcuāri cope ijire. Sa ye ohōre ijiyequina toṗure waha masiedare. Sa ye toṗu ijiyequina ohōṗare ahta du-ayequina ahta masiedare”, niahye Abrahā doeri cjē upurore.

²⁷ Tiquiro sa nigū doeri cjē upuro ohō saha ni nemoahye: “Yuhu acayu, tutuaro siniaja muhure. Lázarore yuhu pacu ya wuhupu ohoya.

²⁸ Yuhu ihcā omopequina bahana ti. Lázaro tiquinare yahuahro. Tiquina ohōre ñano yuhduṗore ahtaeracāhdo”, niahye tiqiro.

²⁹ Sa nigū Abrahā pehe yuhñahye: “Cohācjū dutiyere Moise marine cūrire, Cohācjū yere yahu muhtariquina tiquina

ojoarire caore mahu bahana. Sa ye mahu bahana tireta tahoahro”, niahye Abrahā.

³⁰ Tiquiro sa nigū doeri cje upuro pehe yahtiahye: “Yuhu acayu Abrahā, tire caoepeta quehnoano tahosi. Lázaro yariariquiro masa bajua, tiquina cahapu esagū ihñañe tiquina pehe ñañene bujua witi, quehnoañe pehere comesaeta. Sa ye quehnoañene yeeta yuhu bahana pehe”, niahye doeri cje upuro manano.

³¹ Tiquiro sa nigū Abrahā pehe yahuahye: “Mahu bahana Moise cūri pū tiquiro yahuyere, Cohācjū yere yahu mahtariquina mana tiquina yahuyere tuho dueyequina ijire. Sa ye Lázaro yariariquiro manano masa bajuepegūta tiquina Cohācjūre tuho duasi”, niahye Abrahā, ni, yahuahye Jesu.

17

Ñañene yegū cuarīne

(Mt 18.6-7, 21-22; Mr 9.42)

¹ Sa ye Jesu yahuahye tiquiro buheyequinare:

—Masare ñañe yegū yeye peye ijire. Sa yeye masa ñañene yere. Ti sa ijiepegūta masanore ñañene yegū yeriquiro pehe ña yuhduaro yuhdurota.

² Masanore tiquiro wamuparu pajiria utāre duhte yo, pajiri mapu tiquirore cohāgū ñano wahaboaga tiquiro. Apequiro pehe ahriquinagā mehna cjanogāre ñañene yegū yero pajiri mapu tiquina cohāriquiro yuhduoro ñano yuhdurota. Tiquirore tutuaro buhri dahrero cahmene.

³ Quehnoano yeya masa. Musa acayuro ñano tiquiro yegū ihñana “Yeracāhña”, niña tiquirore. Sa yena tiquiro ñañene bujua witi, quehnoañene comesagū masa pehe tiquiro ñañe yeyere boya.

⁴ Sa yero masa acayuro ihcā decota siete tahari musare ñano tiquiro yegū musare tiquiro bo dutigū boya. “Pari turi mähure ñano yesi”, siete tahari tiquiro nigū tope taharita tiquiro ñano yerire boya, niahye Jesu.

Cohācjūre wacū tutuayere yahuahye Jesu

⁵ Sa ye Jesu buheyequina tiquirore ohō saha niahye:

—Cohācjūre usāre quehnoano wacū tutua nemogū yeya, niahye tiquina Jesure.

⁶ Tiquina sa nigū Jesu yahtiahye:

—Mostaza capegā meheni pjegā ijire. Ti yero saha Cohācjūre mehenogā wacū tutuana, ohō saha wahagū ye masinata masa: Ahdu yucugure ohō saha ni masine: “Mahu yucugu mahu basi duhtu cā, pajiri mapu bora ñojoaña”, ni masine masa. Masa sa nigū tu yucugu pehe masa dutiro sahata waharota, niahye Jesu.

Dahra cohteriquiro tiquiro dahrayere yahuahye Jesu

⁷ Came ahri quitire yahuahye Jesu:

—Musare dahra cohteriquiro ijiro wesepu tanare. Sa yero ovejare ihña ihbore. ¿Dahra cohteriquiro tiquiro tojoa wihigū duhse ni-boagari masa tiquirore? ¿“Sojaro mehna ahtaya. Mahu ihyaye ohōru ijire”, niboagari masa?

⁸ Sa niedare masa. Tiquirore ohō saha nine masa: “Yuhu ihyayere doha quehnoña. Sa yegu yuhu ihya sihnigū yahure cohteya. Yuhu bato mahu gāhu ihya sihnña”, nine masa dahra cohteriquirore.

⁹ Dahra cohteriquiro masa dutiyere tiquiro yegū tiquirore “Quehnoare”, niedare masa. Tiquiro dahraye dihitare yero niaga tiquiro.

¹⁰ Musa gāhu tiquiro yero saha ijire. Cohācjū dutiriro sahata ye pehona ohō saha ni, tuhotuya masa. “Usā gāhu dahra cohtena dihita ijiaja. Ihyo ijina ijiaja usā. Usā dahraye dihitare yei usā”, ni, tuhotuya masa, niahye Jesu tiquiro buheyequinare.

Pna omopequina cami bucū mana wihare yuhduoahye Jesu

¹¹ Ape deco Jerusalēpu Jesu waharo niahye. Topu waharo Samaria yehpa, Galilea yehpa, ti pna yehpa watoa yuhdu cāhye.

¹²⁻¹³ Ape macapu wahari mahapu tiquiro tinigū pna omopequina cami bucū mana wihā pehe tiquirore piti cahye. Sa ye yoa cjunoru ducuye pisuahye:

—Jesu, puhto, usāre paja ihñaña, niahye tiquina.

¹⁴ Sa nigū tiquinare ihña, yahuahye Jesu:

—Pahire masa pagurire quehnoañe paguri masa waharire ihñona wahaya, niahye tiquinare.

Sa nidi bato tiquina wahari watoa quehnoa wahahye.

¹⁵ Sa yero ihcāquiro tiquina mehna cjäno quehnoano tiquiro pagu wahagū ihñano, Jesu cahapu majare tojoa tahye. Sa tojoa taro tutuaro mehna Cohācjūre ño peohye. “Cohācjū tutuariquiro, quehnoariquiro ijire”, ni, ño peohye tiquiro.

¹⁶ Sa nino tiquiro Jesu dahpocāri caha dusepe curi mehna quehe sa, “Quehnoare”, niahye tiquiro. Samaria cjäno ijiahye.

¹⁷ Tiquiro sa yeri bato Jesu ohō saha ni sinituahye:

—Pna omopequina ijiri masa quehnoa wahariquina. ¿Apequina nueve dahsayequina pehe nohopu ijiagari tiquina?

¹⁸ Ahriquiro ape yehpa cjäno dihita Cohācjūre “Quehnoare”, nino taro tojoa tari. ¿Duhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dusepe curi mehna quehe sariquirore.

—Wahcāducaya. Wahaya. Mũhũ Cohācjüre wacũ tutuagu, yũhdare mũhũ, niahye Jesu tiqirore.

Cohācjũ tiqiro puhtoro ijiatire yahuahye Jesu

(Mt 24.23-28, 36-41)

²⁰ Ti pjere meheñequinagã fariseo masa Jesure sinituahye:

—¿Dahse ijigũ Cohācjũ puhtoro iji ducarotari? niahye tiquina.

Tiquina sa nigũ Jesu yuhtiahye:

—Cohācjũ tiqiro puhtoro iji ducagã masa ihña masiedare.

²¹ “Cohācjũ puhtoro ijiye ohõrũ ijire”, ni masiedare. “Sohõrũ ijire”, ni masiedare. Cohācjũ tiqiro puhtoro ijiye masa tiquina tãhotuyerũ ijire, niahye Jesu fariseo masare.

²² Sa ni tuhasa Jesu tiqiro buheyequinare ohõ saha ni yahuahye:

—Came yũhũ masũ Cohācjũ ohorigũ ahri yehparũ yũhũ tojoa tatire tutuaro cahmenata musa. Mehenogã yũhũre ihña duepenata yũhũre ihñasi musa. Mũsa yũhũre sa ihña duepegãta ti pjere ahtasi yũhũ.

²³ Apequina musare ohõ saha nieta. “Tiqirore ihñaña. Cristo ijire. Ahriquirõre ihñaña. Cristo ijire”, nieta musare. Tiquina sa niepegãta tiquinare tuhoeracãhña.

²⁴ Ὅπο μιὰδοϋεορο wacũeno mehna ti mia sitedoqeoro sahata yũhũ gũhũ masũ Cohācjũ ohorigũ wacũeno mehna tojoa tautja.

²⁵ Ahrire yũhũ yeato pano yũhũ tutuaro ñano yũhduta. Sa ye yojorũ cjẽna yũhũre cahmesi.

²⁶ Noé tiqiro ijiri pje cjẽna tiquina ijiriro sahata yũhũ masũ Cohācjũ ohorigũ yũhũ tojoa tagũ sata ijietã masa.

²⁷ Noé tiqiro ijiri pjere ijipihtiyequina masa sa ihyaducue tiahye. Ἐμνα, numia mehna omoca dũhtee tiahye. Noé pajiria yucasarũ tiqiro sajãto pano Cohācjũ tiquinare tiqiro mioato pano ti ijipihtiyere masa yeducue tiahye. Sata ijirota yũhũ tojoa tagũ gũhũre.

²⁸ Lote tiqiro ijiri pje cjẽna tiquina ijiriro sahata yũhũ tojoa tagũ ijietã masa. Lote tiqiro ijie tiri pjere masa ihya, sihni, dú, dua, weserire ote, wũhũse yeahye.

²⁹ Tiquina sa yeri watoa Sodoma wame tiri macarũ ijiriquiro Lote tiqiro wahari deco ãhmũse cjã peca, peca asiye paca utã pjeri gũhũ acoro ahtarõ saha tiquina bui bora pje, tiquinare wejẽ pehoe tiahye.

³⁰ Yũhũ masũ Cohācjũ ohorigũ wacũeno mehna yũhũ tojoa tagũ tiquina yero sahata yeyequina ijietã masa ti pjere.

³¹ Ti pjere ihcãquiro tiqiro ya wũhũ bui cjã paarũ quehnoari paarũ ijiriquiro wũhũ

puhiarũ tiqiro ye ijigũ tire neno wahaeracãhõ tiqiro sojaro mehna wahato saha. Sa yero weserũ ijiriquiro gũhũ ti pjere tiqiro ya wũhũrũ piheracãhõ tiqiro sojaro mehna wahato saha.

³² Lote namono ticoro waharire wacũña musa.

³³ Masũno yũhũre wacũno marieno tiqiro esa tuharõ tiqiro cahmeno saha yero, pecarũ waharota. Sa yero yeere sa yeducuriquiro ijipihtiyere decori yũhũ mehna ãhmũserũ ijirota.

³⁴ Ti ñamine puaro ihcã cuñanorũ carñequinare ihcãquiro yũhũre cahmeniquirore neitja. Sa yero yũhũre cahmedariquiro torũ tojoarota.

³⁵ Ti pjere puaro numia ihcãnorũ tiquina trigore tu mutoñe numiare ihcãcoro yũhũre cahmenicorore neitja. Sa yero yũhũre cahmedaricoro torũta tojoarota.

³⁶ [Sa ye weserũ puaro dahrayequina tiquina ijigũ ihcãquirota neitja. Ihcãquiro torũ tojoarota,] niahye Jesu.

³⁷ Sa nigũ tiqiro buheyequina pehe sinituahye tiqirore.

—¿Nohorũ sa waharotari? ni sinituahye tiquina.

Tiquina sa nigũ Jesu yuhtiahye:

—Masa tiquina ñano yeducuriorũ, torũ Cohācjũ buhiri dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohācjüre siniñene yahuro ohõ saha niahye:

—Musa Cohācjüre sinina, cohteya tiqiro yuhtiatire. Yoari pje cohtepenata bujua witierracãhña. Tiqirore sinina duhueracãhña, niahye Jesu.

² Tiquiro sa nidire buhero taro ahri queoye mehna yahuahye tiquinare:

—Ape macarũ tiquina buhiri dahre dutiriquiro ijiahye. Tiquiro Cohācjüre ño peoerahye. Sa yero masa gũhũre ño peoerahye.

³ Sa yero wape wihoro gũhũ torũ ijiahye. Ticoro tiqiro caharũ sa majareno ohõ saha niahye: “Yũhũre ihña tuhtiriquirore buhiri dahre dutiya mũhũ. Yũhũre ni cahmota basaya”, ni siniducahye ticoro tiqirore.

⁴ Ticoro sa nigũ peye tahari tiqiro “Yesi yũhũ”, nimahye ticorore. Tiquiro sa niepegãta ticoro peye tahari sa siniducuro tiqirore ni cariboro ye cãmahye. Ticoro caribogã, ohõ saha niahye tiqiro basi. “Yũhũ Cohācjüre, masa gũhũre ño peoeraja.

⁵ Yũhũ sa ño peoegu yũhũ ijiepegãta ahricoro pehe yũhũre caribo ye cãmaga. Yũhũre sa cariboro yũhũre caributigũ yerota ticoro. Sa ni yahusãducugũ ticorore

ihña tuhtiriquire buhiri dahre dutiitja”, niahye buhiri dahre dutiriquire, niahye Jesu.

⁶ Sa nino Jesu tiquinare yahu nemoahye:

–Sa niahye ñariquire buhiri dahre dutiriquire. Tiquiro nidire wacũña masa.

⁷ Tiquiro yuhduoro Cohãcjũ pehe tiquire yequina tiquire beseriquinare ñamipũ, decopũ tiquire sinidiquinare yuhtiro, yedohorota.

⁸ Musare niita niaja. Cohãcjũre tiquina sinidiro sahata duita tiquinare yedohorota. ¿Tiquiro sa yuhtiriquire ijiepegãta yuhũ masũ Cohãcjũ ohorigũ ahri yehapũ tojoa tagũ Cohãcjũre wacũ tutuayequinare bocaboagari yuhũ? niahye Jesu.

Puaro masa Cohãcjũre tiquina siniñe quitire yahuahye Jesu

⁹ Sa ye apeye quitĩ mehna ohõ saha ni yahuahye Jesu: “Ûsã pehe quehnoana ijiaja. Apequina pehe ñano yequina ijire”, ni, tuhotuquequinar ahri quitire yahuahye:

¹⁰ –Cohãcjũ ya wuhũpũ puaro amũa Cohãcjũre siniñe wahahye. Ihcãquiro fariseo masũno ijiahye. Apequiro wapa ne cohteriquiro ijiahye.

¹¹ Sa yero fariseo masũno pehe ducu, ohõ saha ni yahuahye Cohãcjũre: “Yuhũ yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja. Ahriquire wapa ne cohteriquiro yero saha ñagũ ijieraja. Sa yegũ mũhũre ‘Quehnoare’, niaja Cohãcjũ.

¹² Yuhũ semanaripe pũa decore mũhũ yere yegũ sijiaja. Sa yegũ pũa omope cjoeri niñeru cjoerire wapatagũ ihcã cjoere mũhũre ohoaja”, niahye fariseo masũno Cohãcjũre.

¹³ Sa yero wapa ne cohteriquiro pehe yoaropũ muhri yo ducu, tiquire ñañene bujũa witi, amũsepare ihñedahye. Tiquiro ñañene bujũa witi tiquire ijiro tiquire cutiquire quẽ ohõ, siniahye Cohãcjũre: “Cohãcjũ, yuhũ ñagũ ijiaja. Sa yegũ mũhũ paja ihñaña yuhũre”, niahye tiquire Cohãcjũre.

¹⁴ Musare niita niaja. Ahriquire wapa ne cohteriquiro pehere tiquire ya wuhũpũ tojoagũ Cohãcjũ pehe “Mũhũ ñañene cohã tuhasaũ”, niahye tiquire. Apequiro fariseo masũnore “Mũhũ ñañene cohãũ”, niedahye Cohãcjũ. “Yuhũ quehnoaga ijiaja”, nidiquiro Cohãcjũ ihñagũ ñariquire ijire. “Yuhũ ñagũ ijiaja. Sa yegũ yee ñañene bujũa witi aja”, nidiquiro Cohãcjũ quehnoariquire ijigũ yerota tiquire, niahye Jesu.

Macanagãre tiquina ye ijatire Cohãcjũre sini basahye Jesu
(Mt 19.13-15; Mr 10.13-16)

¹⁵ Sa ye masa tiquina pohne macanagãre Jesure ña peo dutiye tehe, tiquire cahapũ ne wiahahye. Tiquina sa yegũ ihñañe Jesu buhayequina tiquinagãre ne wihyequinare tuhtiahye.

¹⁶ Tiquina sa tuhtigũ ihñano Jesu macanagãre pijioahye tiquire cahapũ. Pijio tuhasa ohõ saha niahye tiquire buhayequinare:

–Macanagã yuhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tuhoture. Sa ye Cohãcjũ pũhtoro ijirõpũre ahriquinagã yero sahata tuhotuquequina ijire topare.

¹⁷ Potota niita niaja musare. Ahriquinagã Cohãcjũre tiquina cahmeno saha musa pehe cahmedana, tiquire cahapũ wahasi musa. Musa wahaeragũ musa pũhtoro ijisi tiquire, niahye Jesu.

Doeri cjẽ upũro Jesure sinituahye
(Mt 19.16-30; Mr 10.17-31)

¹⁸ Tiquiro sa nidi bato judio masa pũhtoa mehna cjãno Jesure sinituahye:

–¿Ne, quehnoaga, buhegu, ijipihtiyere decori Cohãcjũ mehna iji duagu, duhse yeboagari yuhũ? niahye tiquire.

¹⁹ Tiquiro sa nigũ Jesu yuhtiahye:

–¿Duhse ijiro boro yuhũre “Quehnoaga”, ni pisujari mũhũ? Cohãcjũ dihita quehnoariquire ijire.

²⁰ Ahri Cohãcjũ dutiyere masine mũhũ. “Wuana tieracãhña. Masare wejẽdacãhña. Yaqueracãhña. Ni mehoedacãhña. Musa pacũsmũare ño peoya”, ni, sa ye dutire Cohãcjũ. Sa yegũ tire yeya mũhũ, niahye Jesu.

²¹ Tiquiro sa nigũ Jesure yuhtiahye:

–Tire ijipihtiyere yuhũ coã wahmũa cãhtagũ ijigũputa yuhduũcaerahti, niahye tiquire.

²² Tiquiro sa nigũ tuhoro, Jesu tiquire ohõ saha ni yahuahye:

–Mehenogã duhsare mũhũre mũhũ ye pehoati. Ijipihtiyere mũhũ yere duagu wahaya. Sa yegũ ijipihtiyere mũhũ wapatari niñerure pejesoyequinare ohoya. Mũhũ sa yegũ peye mũhũ ye amũsepare, Cohãcjũ cahapũ ijirota. Sa ye tuhasagũ yuhũ mehna cjũ ijiajũ ahtaya, niahye Jesu tiquire.

²³ Tiquiro sa nigũ tuhoro tiquire pehe peye doeri cjẽ suoriquiro ijiro tire pejesoyequinare oho dueraro, tutuaro bujũa witi, wahaa wahahye.

²⁴ Tiquiro sa bujũa witi gũ ihñano Jesu ohõ saha ni yahuahye apequinare:

–Doeri cjẽ opana Cohãcjũ tiquire pũhtoro ijirõpũre tiquinare waharo basioera cjũre.

²⁵ Camello pehe awia copere tiquire sajã duagũ basioerare tiquire. Tiquiro sa ijiro yuhduoro doeri cjẽ upũro Cohãcjũre

cahmedaro, Cohācjū tiquiuro puhtoro ijiropure waharo basioerare, niahye Jesu.

²⁶ Tiquiuro sa nigū tiquiore tuhoyequina ohō saha niahye:

–Aa, duhse tiquiuro nino saha poto ijigū, ne ihcāqiro masno Cohācjū cahapu waha masiedaboaga, niahye tiquina basi.

²⁷ Tiquina sa nigū Jesu yuhtiahye:

–Masa tiquina esa tuharo quehnoano yeri mehna Cohācjū cahapu waha masiedare. Cohācjū pehe masare pecapu wahaboriquinare yuhduo masine. Tiquiuro ijiptiyere quehnoano ye masi peho cāre, niahye Jesu tiquinare.

²⁸ Tiquiuro sa nigū Pedro tiquiore ohō saha niahye:

–Tuhoriña. Usā pehe ijiptiye usā yere cū cāu mehna mehna wahana, niahye tiquiuro Jesure.

²⁹ Tiquiuro sa nigū Jesu ohō saha niahye:

–Potota musare niita nijaja. Musa Cohācjū yere yena tana masa wuhusere, masa pacusumare, masa bahanare, masa namosānumiare, masa pohmare cūrina ijina pajiro wapatanata masa yojopure.

³⁰ Musa cūri yuhduoro wapatanata. Sa yena masa yariari bato ijiptiye decori Cohācjū mehna ijinata masa, niahye Jesu tiquinare.

*Pari turi Jesu tiquiuro yaria masa wiji-
atire yahuahye*

(Mt 20.17-19; Mr 10.32-34)

³¹ Sa ye Jesu doce tiquiuro buheyequinare neahye. Sa neano tiquinare yahuahye:

–Tuhoya yuhare. Yojoपुरe mari Jerusalēpu wahana nijaja. Topu yuhare masare Cohācjū ohorigure Cohācjū yere yahu muhtariquina panoru tiquina yahuriro sahata sa yeeta yuhare.

³² Topu masa yuhare ñehēñe, judio masa ijieyequinare ohoeta yuhare. Yuhare tiquina ohori bato tiquina yuhare bujere, ñano ni, yuhare sihco puti ohōeta.

³³ Sa ye yuta dari mehna tana tuhasa wejēeta yuhare. Sa yegu ihtia deco wahaboro masa wijiaguta yuhū, niahye Jesu tiquinare.

³⁴ Tiquiuro sa ni yahurire quehnoano masiedahye tiquiuro buheyequina. Cohācjū tire tiquinare quehnoano masigū yerani-ahye.

*Caperi bajueriquiore ihñagū yeahye Jesu
(Mt 20.29-34; Mr 10.46-52)*

³⁵ Sa ye Jesu gūhu Jericō wame tiri maca cahagāpu esahye. Topu caperi bajueriquiro maha duhtu caha duji, niñeru sinino niahye.

³⁶ Sa yero masa peyequina tiquiuro caha yuhduagū tuhoro sinituahye tiquinare:

–¿Duhse ijiro boro masa peyequina yuhduajari? ni sinituahye tiquiuro.

³⁷ –Jesu Nazare cjāno waharo nine, ni, yahuahye apequina tiquiore.

³⁸ Tiquina sa ni yahugū tuhoro tiquiuro sañuducuahye:

–Jesu, Davi munano panami iji turiagu, masare yuhduoacju, yuhare paja ihñaña, ni sañuducuahye Jesure.

³⁹ Tiquiuro sa nigū tiquiuro caha ihñaducuyequina pehe, “Dihta mariañña”, ni tuhtiahye tiquiore. Tiquina sa ni tuhtiepegāta to pano tiquiuro sañuducuriro yuhduoro sañuducu nemoahye tja:

–Davi munano panami iji turiagu, masare yuhduoacju, yuhare paja ihñaña, ni sañuducuahye tiquiuro.

⁴⁰ Tiquiuro sa ni sañuducugū tuhoro, Jesu pehe esaduca, “Pijioya tiquiore”, niahye. Tiquiuro sa nigū tiquina pehe caperi bajueriquiore piji cāhye. Tiquina sa piji cāgū Jesu cahapu esagū Jesu pehe tiquiore sinituahye:

⁴¹ –¿Duhse yuhu yegū cahmeajari muhu? niahye Jesu.

–Yuhu puhto, yuhare ihñagū yeya, ni yuhtiahye caperi bajueriquiro.

⁴² –Ihñaña. Yuhare wacū tutuagu, quehnoa wahare muhu, niahye Jesu tiquiore.

⁴³ Tiquiuro sa nigūta caperi bajueriquiro ihñaa wahahye. Sa quehnoa waharo, tiquiuro Jesu mehna wahahye. “Cohācjū tutuariquiuro ijire”, niahye tiquiuro. Sa ye masa peyequina caperi bajueriquiro ihñagū ihñañe “Cohācjū quehnoariquiuro, tutuariquiuro ijire”, niahye tiquina gūhu.

19

Zaqueo Jesure piti cahye

¹ Sa ye Jesu Jericōpu esa, ti macapu yuhdu cāno taro niahye.

² Doeri cjē upuro Zaqueo wame tiriquiuro wapa ne cohteyequina puhtoro topu ijiyahye.

³ Sa yero tiquiuro Jesure “¿Diquiro boro ijiagari?” ni ihña masino taro Jesure ihña duamahye. Sa tiquiuro ihña duepegāta ahmuediquirogā ijigū masa peyequina tiquiurogare cahmotahye.

⁴ Sa yero tiquiuro masare oma yuhdu cā, sicōmoro wame tidu yucagupu mujahye Jesure ihñano taro. Came cjūnogā tu cahapu Jesu yuhduaro taro niahye. Sa yero Zaqueo tūpu cohtero niahye.

⁵ Tiquiuro sa cohte pesari watoa Jesu pehe tu dahpotopu esaduca, Zaqueore ihña muo, tiquiore pisuahye:

–Zaqueo yojoपुरe muhu ya wuhupu tojoagutja. Sa yegu sojaro mehna dijia taya, niahye Jesu.

⁶ Tiquiuro sa nigū Zaqueo pehe sojaro mehna dijia ta, tutuaro bucueye mehna tiquiuro ya wuhupu waha dutiahye Jesure.

⁷ Tiquiro sa piti cagū ihñañe, ijipihtiye-quina masa tiquina basi ohō saha ni yahuducuahye:

—Ahriquiro Jesu ñariquiro ya wuhupū tinino waha duare, ni, yahuducuahye ijipihtiyequina tiquina basi.

⁸ Zaqueo pehe piti ca tuhasa topū ducuro, Jesure yahuahye:

—Puhto, tūhoya yūhare. Ijipihtiye yeere deco mehna pejesoyequinare ohoutja. Sa yegu yūhū apequirore cien niñeru cjoerire ni meho ehmarigū ijigū, cuatro cientos niñeru cjoerire wapa ye bui peoutja tiquirore, ni ahye Zaqueo Jesure.

⁹ Tiquiro sa nigū Jesu pehe yahuahye tiquirore:

—Miare mūhare mūhū ya wuhupū ijieyequina gūhare pecapū wahaboriquinare Cohācjū yūhūo tuhasare. Mūhū gūhū Abrahā mūnano acayū ijire.

¹⁰ Yūhū masū Cohācjū ohorigū pecapū wahaboriquinare macagū ahtagū nii. Topū wahaboriquinare quehnoano yūhūogū ahtagū nii, niahye Jesu Zaqueo.

Niñeru cjoeri uru cjoeri quitire yahuahye Jesu
(Mt 25.14-30)

¹¹ Sa ye tiquirore tūhoyequinare Jesu apeye queoye mehna yahuahye. Mehenogā dūhsahye Jerusalēpū tiquiro esato. Sa ye tiquirore tūhoyequina ohō saha ni tūhotuahye: “Cohācjū puhtoro yojopūre iji dūcaro taro nine”, ni, tūhotuahye tiquina.

¹² Tiquina sa ni tūhotugū Jesu yahuahye tiquinare:

—Ihcāquiro puhtoro macūno puhtoro sajātiquiro yogaropū ape yehrapū waharo taro niahye. Topūre esagū ihñano tiquina tiquirore puhtoro sōñe tee niahye. Came tiquiro ya wuhupū tojoa wihiro taro niahye.

¹³ Coā warore tiquiro wahato panore puhtoro pūa omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa bujūye cjoeri uru cjoerire ohoahye. Oho tuhasa, yahuahye tiquinare: “Yūhū mariedagū ahri niñeru mehna musa wapata nemoatire macaña”, niahye tiquiro dahra cohteyequinare.

¹⁴ Sa ye tiquiro ya maca cjēnata tiquirore cahmedahye. Sa cahmedaye, apequinare tiquirore puhtorore yahu dutiye ohoahye. “Mūhū usā puhto ijigū cahmedaja usā”, niahye tiquina yahu dutiriquina pehe.

¹⁵ Sa tiquina cahmedapēgāta came tiquina puhtoro sajāhye tiquiro. Puhtoro sajā tuhasa tiquiro ya wuhupū tojoa tahye.

‘Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye.

¹⁶ Tiquiro pijiori bato, wihī muhtariquiro tiquirore yahuahye: “Puhto, mūhū niñeru cjoere, yūhare mūhū ohori cjoere mehna pūa omope cjoeri wapata nemou yūhū”, niahye dahra cohteriquiro puhtorore.

¹⁷ “Quehnoano yeaya mūhū. Mūhū quehnoagū dahra cohtegū ijire. Mūhū mehenogā mehna yūhū dutiriho sahata ye pehogū ijigū yojopū pūa omope macari cjēna tiquina puhtoro ijiajū wahagata mūhū”, niahye puhtoro dahra cohteriquirore.

¹⁸ Tiquiro bato wihiriquiro tiquiro mehna cjēno ohō saha niahye: “Puhto, mūhū ya cjoere niñeru cjoere yūhare mūhū ohori cjoere mehna ihcā omope cjoeri wapata nemou yūhū gūhū”, ni yahuahye tiquiro puhtorore.

¹⁹ “Ihcā omope macari cjēna puhto ijiajū wahagata mūhū”, niahye puhtoro tiquirore.

²⁰ Tiquiro sa nidi bato apequiro dahra cohteriquiro wihī, yahuahye: “Puhto, mūhū niñeru cjoere ohō ijire. Suhtiro cahsero mehna coma, ti cjoere ihbou.

²¹ Mūhū tutuaro dahra dutigū ijire. Sa tutuaro dahra dutigū ijigū mūhū basi oterapegata ti dūcare nene mūhū. Sa yegu mūhare cue nii”, niahye tiquiro puhtorore “Ti cjoere mehna wapataerū yūhū”, ni yahuro.

²² Tiquiro sa nigū tiquiro puhtoro ohō saha niahye: “Mūhū sa nigū ñagu ijire mūhū. Yūhare mūhū sa nidi buhiri mūhare buhiri dahregutja yūhū. Yūhū mūhare tutuaro dahra dutigū yūhū ijigū masine mūhū. Apequina yere yūhū negū yūhū oterarigū ijiepegata dūcare negū yūhū ijigū masine mūhū.

²³ Yūhū sa ijigū ihñapegata ya cjoere niñeru ihbori wuhupū cūedahya mūhū. Tire tiquina wasori wapa wapata nemoboaya mūhū. ¿Dūhsegu sa yerari mūhū? Tire mūhū yegū tojoa wihigū wapata nemoboaya yūhū”, niahye tiquina puhtoro.

²⁴ Sa ni tuhasa tiquiro cahapū ducuyequinare dutiahye: “Niñeru cjoere ehmaña tiquirore. Pūa omope cjoerire caoriquirore ohoya”, niahye puhtoro.

²⁵ Tiquiro sa nigū tiquina pehe yahuahye tiquirore: “Puhto, pūa omope cjoeri caoriquiro peye cūo tuhasare”, niahye tiquina.

²⁶ Tiquina sa nigū puhtoro yūhtiahye: “Musare niita niaja. Ijipihtiyequina cūoyequinare oho nemoutja. Cūoeriquiro pehere mehenogā tiquiro cūoepēgāta tire ehmagutja.

²⁷ Yojopū pūritare yūhare ihñā tuhtiyequinare yūhare tiquina puhtoro iji dutieriquinare yūhū cahapū ne cāhtaya. Sa yena yūhū ihñonopū wejēña tiquinare”, niahye puhtoro dahra cohteyequinare, ni, buheahye Jesu.

*Jerusalēru esahye Jesu**(Mt 21.1-11; Mr 11.1-11; Jn 12.12-19)*

²⁸ Sa ni tuhasa Jesu apequina pano Jerusalēru wahahye.

²⁹ Tiquiro Betfagé wame tiri maca caharu Betania wame tiri maca caharu esa, canu Olivo wame tidu caharu esa muhtahye. Jerusalēru tiquiro esato mehenogā duhsatjiāhye. Sa yero pūaro tiquiro buheyequinare Jesu ohoro ohō saha niahye:

³⁰ —Si macaru burrogāre nena wahaya. Topu esana, burrogāre tiquina duhte docoriqurogāre boca sanata. Apequina pesamehnediquirogā ijiaga. Tiquirogāre bocana, yuta dare pā, ne cāhta basaya yuhare.

³¹ Musa sa yegū ihñano, burrogā upuro “¿Duhse na burrogāre pājari?” tiquiro nigū tūhona ohō saha ni yūhtiya tiquirore: “Mari pūhoro burrogāre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare pūarore.

³² Tiquiro sa nigū tiquina pūaro pehe tiquiro nidiropu esahye. Tiquina sa esagū ijiptiye Jesu tiquiro nidiro sahata ijiyahye.

³³ Sa ye tiquirogāre tiquina pāgū ihñāne tiquirogā opana tiquinare sinituahye:

—¿Duhse yena tana masa yuta dare pājari burrogāre? ni, sinituahye tiquina.

³⁴ —Mari pūhoro burrogāre cahmedoqueo nidi, ni yūhtiahye tiquina.

³⁵ Sa ni yahu tuhasa tiquirogāre Jesu caharu ne sahye. Ne sa tuhasa tiquina bui cje suhtire tiquirogā bui seō peo, tiquirogā buiru Jesu mija pjegū yedohoahye tiquina.

³⁶ Jesu tiquirogā bui pesagū tiquiro wahato pano masa tiquina bui cje suhtire tu we ne, maharu seō cū muhtahye Jesure ño peoye.

³⁷ Sa ye tiquina Jerusalē cahagāru esa, Olivo wame tiduru dija tari maharu esahye. Topu Jesu buhegū tūhoyequina peyequina ijiptiye Cohācju tutuaye mehna tiquiro ye ihñorire, tiquiro quehnoāne yerire tiquina ihñarire wacūne, Cohācjure “Quehnoagu, tutuagu ijire”, ni sañuducuahye. Sa ye tutuaro sañuducu, Cohācjure ño peoye, ohō saha niahye:

³⁸ —Ahriquiro Cohācju tiquiro ohoriquirore, mari pūhoro Cohācju quehnoano yeahro. Uhmuse cjēna quehnoano ijahro. Cohācju tiquiro tutu-
ariquiro ijjigū ijiptiyequina masiahdo, ni ño peoahye tiquina.

³⁹ Tiquina sa nigū tūhoye fariseo masa mehefequinagā tiquina watoa ijiyequina Jesure yahuahye:

—Buhegu, mahu buheyequinare dihta maria dutiya, niahye tiquina.

⁴⁰ —Masare niita naja. Tiquina sañuducueragū utā paca pari pehe sañuducuboaga, niahye Jesu fariseo masare.

⁴¹ Sa ni tuhasa Jesu Jerusalē cahagāru esa, ti macare ihñano, utiahye.

⁴² Ohō saha niahye tiquiro:

—Jerusalē cjāna yojopu pūritare musare pecaru wahaborinare Cohācju tiquiro yuhduoatire masa masigū quehnoa yuhduaboaga. Sa ijipegūta yojopure masa tire ne tūho duerare. Sa yero Cohācju tire musare masi dutiare.

⁴³ Musare ihña tuhtiyequina masa ijiri macare cahmota sotoa peho quēheeta. Sa ye, musare tiquina wijia dutisi.

⁴⁴ Ti pjeta tiquina masa ya macare cohā pehoeta. Masa gūhure wejēeta. Musare ihña tuhtiyequina quehnoano cohā pehoeta masa ya macare. Cohācju pecaru wahaborinare musare tiquiro yuhduoatire masa masi duerari. Masa masi duerari buhiri musare ihña tuhtiyequinare Cohācju musare cohā dutirota, niahye Jesu Jerusalē cjēnare.

*Cohācju wuhuru Jesu esahye**(Mt 21.12-17; Mr 11.15-19; Jn 2.13-22)*

⁴⁵ Sa ye Jerusalēru esaro, Jesu Cohācju wuhuru sajāa wahahye. Sa yero apee boro duayequinare ti wuhuru ijiyequinare boca saro, tiquinare cohā wio cāhye. Ohō saha niahye tiquinare:

⁴⁶ —Cohācju yere tiquina ojoari pūru ohō saha nine: “Ya wahu Cohācju mehna yahuducuri wahu wame tirota”, niahye tiquiro yere tiquina ojoari pūru. Tiquiro sa niepegūta masa pehe ahri wuhuru duana, masa basi cahme yaquere masa, niahye Jesu.

⁴⁷ Sa ye decoripe Cohācju wuhuru Jesu buheahye. Sa ye pahia pūhota, judio masare buheyequina, masa pūhota gūhu tiquirore tiquina wejēatire wacū macahye.

⁴⁸ Masa ijiptiyequina tiquirore sa tūhoducuye, tiquiro buheyere quehnoano tūho nūnūnequina ijiyahye. Tiquina sa quehnoano tūho nūnūgū Jesure wejē duayequina pehe tiquirore tiquina wejēatire bocaerahye.

20

*Pahia pūhota, judio masare buheye-
quina, бсчнa gūhu Jesu mehna cahme
tuhtiyeh niahye*

(Mt 21.23-27; Mr 11.27-33)

¹ Ape deco Cohācju wuhuru Jesu masare quehnoāne buheyere buhero niahye. Tiquiro sa buhegū pahia pūhota, judio masare buheyequina, бсчнa mehna tiquiro caharu wihiye, sinituahye:

² —Yahuya usāre. ¿Duhsegu canure sa yeari mahu? ¿Noa mūhare tire sa ye dutiari? niahye tiquina Jesure.

³ Tiquina sa nigū Jesu yūhtiahye tiquinare:

—Musa pehere sinitu mahtagutja. Yahuya yuhure.

⁴¿Ñu masare tiquiro wame yegū noa boro pehe tiquirore wame ye dutiyari, musa tuhotugū? ¿O Cohācjū dutierayari? ¿O masa pehe dutiyari, musa tuhotugū? ni sinituahye Jesu tiquinare.

⁵Tiquiro sa nigū tiquina pehe tiquina basi ohō saha niahye:

—¿Duhse ni yuhtinatari mari? “Cohācjū Ñure dutie tiahye”, mari nigū, “¿Duhse Ñure Cohācjū dutiepegūta tiquirore tuhotuerari musa?” niboaga Jesu marine. Sa yena “Cohācjū Ñure dutie tiahye”, ni yuhti masiedaja mari.

⁶Ahriquina masa pehe “Potota Ñu Cohācjū yere yahu mahtariquiro ijire”, ni tuhoture tiquina. Sa ni tuhotuye “Ñu tiquiro wame yegū Cohācjū tiquirore dutierahye”, mari nigū tuhoye marine masa utā paca mehna doqueeta. Sa yena ti gūhare yuhti masiedaja mari, ni yahuducuahye tiquina basi.

⁷Sa ni yahuducu tuhasa tiquina Jesure yuhtiahye:

—Ñure wame ye dutiriquirere usā masiedaja, niahye tiquina.

⁸Tiquina sa nigū Jesu yuhtiahye:

—Ti pje pūrita yuhū gūhū musa sinitu mahtarire yahueraja musare. Ahrire yuhū yerire dutiriquirere yahueraja musare, niahye tiquinare.

Ñañequina dahra cohteyequina queoyere yahuahye Jesu

(Mt 21.33-44; Mr 12.1-11)

⁹Sa ye Jesu tiquiro tuhotuye mehna queoye mehna ohō saha ni buhe dūcahye masare:

—Wese upūro uhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpapū waha, yoari pje bajuerahye.

¹⁰Sa yero uhse ñidi pje ijigū wese upūro tiquiro cahacjūnore wesere ihña ihboyequina cahapū ohoahye. Wese cjē oterī dūcare tiquiro ya pahrē cjēne ne dutiro ohomahye. Sa ye ihña ihboyequina pehe tiquiro cahacjūnore piti ca quēahye tiquirore. Sa ye tiquina tiquirore dūcare ohoerapeta tojoa dutiahye.

¹¹Sa yero wese upūro apequiro tiquiro cahacjūnore ti wese cjē oterī dūcare ne dutiro ohomahye tja. Sa ye wesere ihña ihboyequina tiquiro gūhare quē, ñano yeahye tiquirore. Sa ye tuhasa tiquirore ti dūcare ohoerapeta tojoa dutiahye tja.

¹²Tiquina sa yeri bato wese upūro apequiro cahacjūnore ohomahye tja. Sa ye wesere ihña ihboyequina pehe tiquiro gūhare camī dahre, ti wese dūhtū cahapū cohā cāhye tiquirore.

¹³Tiquina sa yeri bato wese upūro ohō saha ni tuhotumahye: “¿Duhse yegutari yuhū? Ohō saha yegutja. Yuhū macare yuhū cahīniquirere ohogutja. Ijirota ijire. Tiquina tiquirore ño peoeta”, ni tuhotumahye wese upūro pehe.

¹⁴Sa ye tiquiro macūnore tiquiro ohoriquirere esagū ihñañe ihña ihboyequina pehe tiquina basi ohō saha ni, yahuducuahye. “Ahriquiro wese upūro macūno ijire. Tiquirore wejēihna. Sa yero ahri wese mari ya wese tojoarota”, nimahye tiquina basi.

¹⁵Sa ni tuhasa wese upūro macūnore wese dūhtū cahapū nea, wejē cāhye tiquirore. ¿Tiquina sa yegū ihñano dūhse yerotari wese upūro wesere ihña ihboyequinare? niahye Jesu.

¹⁶—Ti wesere ihña ihboyequinare wejēno taro, apequinare wesere ihña ihbo dutirota, ni yuhtiahye Jesu tiquiro basi.

Tiquiro sa nigū tuhoye masa pehe ohō saha niahye:

—Marine sa wahaeracāhdo, niahye tiquina.

¹⁷Tiquina sa nigū Jesu pehe tiquinare sinituahye:

—¿Cohācjū yere tiquina ojoari pūre ohō saha ni yahuducuyē, dūhse nino nijari, musa tuhotugū?

Ahriquiro Cristo utā yero saha ijire. Utāre wuhū dahreyequina tiquina cohāno saha masa tiquirere cohāeta. Tiquina sa yepēgūta yojopare wuhū dahreyequina wuhare yeye tiquina cū mahtaria utāre tiquina cūno saha Cohācjū tiquirore puhtoro sōri, ni ojoahye.

¹⁸Ijipihtiyequina tia utā bui doque queheyequinare mūta sitea wahaeta. Sa yero tia utā masūno bui bora pjero, mūtaa wahagū yerota tiquirore. Tiquiro pagū mūnanore daye manarigā wahagū yerota, niahye Jesu. (Sa nino tiquirore cahmedariquina, tiquiro buhiri dahrea-tiquina tiquina ñano yuhduatire yahuro niahye.)

Pūhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

¹⁹Tiquiro sa nigū tuhoye judio masare buheyequina, pahia puhtoa gūhū, “Jesu wesere ihña ihboyequina queoye mehna marine tuhtiro nine”, ni, tuhotuahye tiquina.

Sa ni tūhotuye tiquna Jesure ñehe duamahye. Sa ñehe duepeta tiquna masare cue niahye.

²⁰ Sa cueye, Jesure tiquna ñeheatu pje cohteahye tiquna. Sa ye “Poto ijiyequina yero saha ye meho ijiya masa”, niahye tiquna apequinare. Tiquiro ñano ni yūhtigū ye duaye nimahye tiquirore yahusā duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugū tūhoye ti yehpa cñena puhtorore peresu ye dutiye tee nimahye.

²¹ Sa ye tiquna Jesure ni meje cū sinitu ye nimahye:

—Buhegu, poto yahuducugu, ni mehoñe mariegu muhu ijigū usā masiaja. Sa yegu ihcāquiro puhtoro waro tiquiro ijiepegūta tiquiro gūhare dōyaro marieno potota yahure muhu. Mūhu Cohācjū yere poto muhu buhegū gūhare usā masiaja.

²² Yahuya usāre. ¿Ne, Roma cñanore ijipihtiequina puhtorore gobierno cñene marine wapa yero cahmeajari, muhu tūhotugū? ¿Mari dutiye wapa ye dutiajari, muhu tūhotugū? ni sinituahye tiquna Jesure.

²³ Tiquina sa nigū tūhoro Jesu tiquna ñano ye duayero masino, tiquinare yūhtiahye:

²⁴ —Yojopare niñeru cjoere puhtoare wapa yeati cjoere ne cāhtaya. Ti cjoere ihñahna, niahye.

Ti cjoere tiquna ne wihigū ihñano ohō saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiequina puhtoro queoye, tiquiro wame gūhu wahñare, ni yūhtiahye tiquna.

²⁵ Tiquina sa nigū Jesu yahuahye:

—Ti pje pūrita masa ijipihtiequina puhtoro yere tiquiro pehere ohoya. Cohācjū yere Cohācjū pehere ohoya, niahye Jesu tiquinare.

²⁶ Sa ye masa tiquna ihñonopu Jesure ñano ni yahuducugū ye masiedahye tiquna. Sa ye Jesu yūhtiyere tūhoye, tiquna tūho maria wahahye. Sa tūho maria waha, dihta maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Mr 12.18-27)

²⁷ Sa ye meheñequinagā saduceo masa Jesu cahapu wihiahye. “Cohācjū yariariquinare masosi”, ni tūhotuyequina ijiahye saduceo masa. Sa ye tiquna ohō saha niahye tiquirore:

²⁸ —Buhegu, ohō saha ni buheahye Moise: “Ihcāquiro tiquiro wahmino namo tiriquire pohna mariedaperota tiquiro yariagū ihñano tiquiro baharore tiquiro wahmino

namono ijiricorore nūoano cahmene. Sa yero tiquiro wahmino mūnano tiquiro pohna tūboriro sahta pohna tiro cahmene tiquiro baharore. Sa ye tiquiro pohne tiquiro wahmino mūnano pohne yero saha ijiahye”, ni, ojoahye Moise, niahye tiquna.

²⁹ Tire ni tuhasa ahri quitire tja yahu nemoahye Jesure:

—Ihcāquiro masino ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye.

³⁰ Sa yero apequiro tiquiro baharo gūhu tiquiro wahmino namono ijiricorore nūoahye. Tiquiro sa nūoari bato tiquiro wahmino yero sahta pohna mariedaperota tiquiro gūhu yariaa wahahye.

³¹ Sa yero ahriquire baharo gūhu tiquiro wahmino mūnano yero sahta pohna mariedaperota yariaa wahahye. Sa dihta wahahye ihcāquiro pohne waro. Ne pohna mariedapeta yariaa pihtia wahahye.

³² Tiquina namono ijiricoro gūhu tiquna batota yariaa wahahye.

³³ ¿Ne, Cohācjū ijipihtiequinare yariariquina mūnare tiquiro masogū diquire namono pehe ijiboagari ticoro pototi? Tiquina ijipihtiequina ticorore namo tiriquina mūna ijiahye. ¿Sa yero diquire namono pehe ijiritari? ni sinituahye tiquna.

³⁴ Tiquina sa nigū Jesu yūhtiahye:

—Yojopu cñena omoca dūhtere.

³⁵ Tiquina sa dūhtepegūta apequina pehe topu cñena pehe sa ijierare. Apequina amūare, numia gūhare poto yeyequinare Cohācjū quehnoañequina ijigū yerota. Tiquina yariari bato masa mūjaeta. Sa ye tiquna topu omoca dūhterare.

³⁶ Sa ye tiquna angele yero sahta ne yariasi. Tiquina Cohācjū masoriquina ijiye, Cohācjū pohne ijire.

³⁷ Yojopare yariariquina mūna tiquna masa wijiatu pehere masare yahutja. Tire Moise quehnoano yahu pehoahye. Tiquiro mehenagā wjari quitire ohō saha ni yahuahye: “Abrahā, Isaac, Jacob tiquna puhtoro ijire Cohācjū”, ni ojoahye Moise.

³⁸ Tiquina yariari bato “Tiquina puhto ijiaja”, ni yahuahye Cohācjū. Sa nieperota yariariquina mūna puhtoro ijierare Cohācjū. “Tiquina puhto ijiaja”, tiquiro niñe mehna catiyequina tiquna ijigū masiaja mari. Tiquiro catiyequina puhtoro ijire. Ijipihtiequina masa catire, Cohācjū ihñagū, niahye Jesu tiquinare.

³⁹ Tiquiro sa nigū meheñequinagā judio masare buheyequina ohō saha niahye:

—Buhegu, muhu quehnoano yūhtiri, niahye tiquna Jesure.

⁴⁰ Sa ye pari turi Jesure sinitu duerahye tiquna.

*Cristo pehe Davi manano puhtoro ijire
(Mt 22.41-46; Mr 12.35-37)*

⁴¹ Came Jesu ohō saha ni yahu nemoahye tiquinare:

–“Cristo Davi manano panamino iji turariquiro ijirota”, ni buhere apequina. ¿Dahse ye tiquina sa ni buheajari?

⁴² Davi manano tiquiro basi Salmopu tiquiro ojoari pūpu ohō saha ni, ojoahye:

Cohācjū yahu puhtorore ohō saha nidi: “Ohōpu yahu poto peheru dujiya.

⁴³ Sa yegu mahure ihña tuhtiyequinare mahure yuhdudaca basatja yahu”, nidi Cohācjū yahu puhtorore, ni, ojoahye Davi manano.

⁴⁴ Sa ni ojoaro Davi manano Cristore “Yahu puhtoro”, ni pisuahye. Davi manano Cristo ñecno iji turariquiro ijieperota Cristore “Yahu puhtoro”, ni pisuahye. ¿Davi manano Cristo ñecno iji turariquiro ijieperota dahse ijiro boro tiquiro “Yahu puhtoro”, ni pisuyari Cristore? Cristo pehe Davi manano puhtoro ijire, ni yahuahye Jesu.

Judio masare buheyequina tiquina ñañe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tahori watoa Jesu pehe tiquiro buheyequinare ohō saha ni yahuahye:

⁴⁶ –Mari judio masare buheyequina tiquina ñañe yeyere ihñana quehnoano wacū masiña. Sa yena tiquina yero saha yeracāhña. Tiquina yoaye suhti saña, masa tiquina ihñonopu tini, doeri cje duaropu apequina puhtoare quehnoano ño peo tiquina sinino saha tiquina piti ca sinigū cahmene tiquina. Sa ye tiquina mari judio masa buheye wuhsepu quehnoañe dujiye dihitare duji duare. Sa ye bose deco ijigū topu gūhare quehnoañe dujiye dihitare cahmene.

⁴⁷ Tiquina wape wiha numia ye wuhusere tiquina cuoye gūhare ehmare ti numiare. Sa ye tiquina masa ihñonopu yoari pje Cohācjūre siniducumene masare ihña du-tiye. Tiquina sa yegū apequina bui cjūno tiquinare Cohācjū buhiri dahrerota, niahye Jesu tiquinare.

21

Wape wihoro Cohācjū wuhupu ticoro ohorire yahuahye Jesu
(Mr 12.41-44)

¹ Sa ni yahu tuhasa Cohācjū wahu cje niñeru tiquina sari acarore niñeru opana tiquina ye niñerure duhu sīgū ihña dujiro niahye Jesu.

² Sa ihñano wape wihoro pejecuoricoro puā cjoegāre ticoro duhu sīgū gūhare ihñahye.

³ Tire ihña tuhasa ohō saha ni yahuahye:

–Potota niita niaja musare. Ahricoro wape wihoro pejecuoricoro pehe niñeru sari acaropu duhu sāno apequina ijipihtiye-quina ohori yuhduoro ohori ticoro pehe.

⁴ Apequina niñeru opana pajiro tiquina ohoepēgūta tiquina ye pajiro duhsare. Ahricoro pehe pejecuoricoro ijieperota ijipihtiye ticoro ihyatire ticoro dūborigāre oho pehori, niahye Jesu.

–Cohācjū wahu cohōri wahu ijirota, niahye Jesu

(Mt 24.1-2; Mr 13.1-2)

⁵ Sa ye apequina Cohācjū wuhure ohō saha niahye:

–Quehnoañe utā paca mehna yeri wahu, quehnoa yuhduari wahu ijicjoare. Masa Cohācjū ya wahu ijiatire tiquina ohori gūhu ti wuhupare quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

⁶ –Ahri ijipihtiye mari ihñari wuhusere, ahri utā paca gūhare cohā pehoeta. Ne ihcāria utā tojoasi, niahye Jesu tiquinare.

Pihtiati deco ijiatire yahuahye Jesu

(Mt 24.3-28; Mr 13.3-23)

⁷ Tiquiro sa nigū tahoye tiquina pehe sinituahye tiquirore:

–¿Buhegu, dahse ijigū mahū nidiro saha sa waharotari? ¿Pihtiati deco panogā ijigū dahse ti waha ducagū ihñanatarari usā? ni sinituahye tiquina Jesure.

⁸ Jesu yuhtiahye tiquinare:

–Quehnoano yeya musa. Sa yena musare apequina tiquina ni mehoñene tuhoeracāhña. Peyequina masa “Cristo ijiaja yahu”, ni mehoñequina ahtaeta. Sa niñe, “Yojoipare pihtiati deco ijia to mehenogā duhsare”, nieta. Tiquina sa nigū tuhoeracāhña.

⁹ Sa ye apequina “Cahme wejēñe nine”, musare nieta. “Yojoipare puhtoare masa cohāñe nine”, nieta. Musa tire tuhona cueracāhña. Pihtiati deco pano ohō saha waha muhtanota. Sa wahagū pihtiati deco wahato duhsarīnota, niahye Jesu.

¹⁰ Sa ni tuhasa ohō saha ni yahu nemoahye:

–Ihcā yehpa cjēna ape yehpa cjēna mehna cahme wejēeta.

¹¹ Sa yero tutuaro yehpa ñuhmi, masa peyequina wjua mehna yaria, ijipihtiro cjēna dohatieta. Sa ye uhmuse cjē cua pesaye bajuagū ihñañe, masa ihña maria wahāeta.

¹² ‘Ahri ijipihtiye sa wahato pano, apequina musare ñehe, ñano yeeta. Sa ye mari judio masa buheye wuhsepu tiquina musare yahusā, peresu yeeta musare. Tiquina sa yegū peye yehpari cjēna puhtoā cahapu, peye macari cjēna puhtoā cahapu

dacunata m̄sa tiquina yahusānohrina. Yeequina m̄sa ijiri buhiri sa yeeta.

¹³ Tiquina sa yahusāgū m̄sa pehe quehnoañe buheyere tiquinare yahunata.

¹⁴ Ti pjere m̄sare tiquina yahusāgū p̄htoro m̄sa yuhtiatire “Yahu masied-aboaga”, ni tuhotueracāhña m̄sa.

¹⁵ Yahu m̄sare yahu basautja. M̄sare sa yedohogu tuho masiñene, quehnoañe yahuducuye gūhure m̄sare yahugū yeitja. M̄sa sa yegū m̄sare ihña tuhtiyequina pehe m̄sa yahuducuyere tuho, “Ti potō ijerare”, ni, yuhti masisi.

¹⁶ Ti pjere m̄sa pacusumua, m̄sa bahana, m̄sa acaye, m̄sa mehna c̄jēna gūhu m̄sare ihña tuhtiyequinare ohoeta m̄sare, yeequina m̄sa ijiri buhiri. Tiquina sa yegū m̄sare ihña tuhtiyequina m̄sa mehna c̄jēnare apequinare wejēeta.

¹⁷ Sa ye yeequina m̄sa ijigū ihñañe, ijipitiyequina m̄sare ihña tuhtietā.

¹⁸ M̄sare sa ihña tuhtiepeta ne mehenogā m̄sare ñano yesi.

¹⁹ Sa yena m̄sa wacū tutuana ijiya. M̄sa sa yena, Cohācjū mehna sa ijiducunata.

²⁰ Sa ye peyequina surara Jerusalēp̄u tiquina cahmota sotoa peho cāgū ihñana, Jerusalēne tiquina cohāto mehenogā d̄hsagū masinata m̄sa.

²¹ Ti sa wahagū ihñañe Judea yehparū ijieyequina c̄n̄u c̄j̄ cahap̄u oma duhtiahro. Sa ye Jerusalēp̄u ijieyequina wahaahro. Sa ye weserip̄u ijieyequina Jerusalēp̄u tojoeracāhdo sojaro mehna tiquina wahato pehe.

²² Ti decorip̄u buhiri dahreye decorip̄u ijipitiye Cohācjū tiquiō ojoari pū tiquiō nidiro sahata sa waharota.

²³ Ijipitirop̄u ahri yehparū ñano yuhdueta. Ti sa wahagū, nijl wahcōñe numia, tiquina pohnene apūñe numia gūhu pejecuoro wahaeta.

²⁴ Apequina ahri maca c̄jēna mehna cahne wejēeta. Sa ye apequina ahri maca c̄jēnare ijipitiye yehparip̄u ne cā, peresu yeeta. Sa ye judio masa ijieyequina Jerusalēne ñano ye, tiquinare yuhducaeta. Judio masa ijieyequina ya deco p̄htigap̄u Jerusalē c̄jēnare ñano ye duhueta, ni yahuahye Jesu.

Jesu ahri yehparū tiquiō tojoa tatire yahuahye

(Mt 24.29-35, 42-44; Mr 13.24-37)

²⁵ Sa yero tiquinare yahu nemoahye:

—Ti pjere asū deco c̄jāno, ñami c̄jāno, ñahpicoha gūhu sijoro saha ijieyequina wahaeta. Ijipitiyequina ahri yehpa c̄jēna “Acuehi, yarianata”, ni tuhotuyequina pajiri ma c̄jē pahcōri cua yuhduaro ti pahcōri bisi cāhtagū tuhoye tutuaro cueeta.

²⁶ Ti pjere um̄use c̄jē yehpari, ñahpicoha gūhu ti sa wahaducurore comesaeta. Sa

ye ñuhmieta. Ti sa wahagū ihñañe, masa pehe ahri yehpa pihtiatire cohteye, tutuaro cueeta.

²⁷ Ti pjeta yuh̄u mas̄u Cohācjū ohorigū Cohācjū tutuaye mehna tiquiō asi siteye mehna ehmeo curua buip̄u yuh̄u ahtagū ihñañe masa.

²⁸ Ahri sa waha d̄cagū ihñana, wacū tutuana ijiya. Sa yena um̄usep̄u ihñañe. Ti pjere Cohācjū m̄sare pecap̄u waha-borinare tiquiō yuhduoato mehenogā d̄hsarota, niahye Jesu.

²⁹ Sa ni tuhasa ahri queoye mehna buheahye Jesu:

—Higueragure, apeye c̄j̄ gūhure tuhotuya m̄sa.

³⁰ Tu yucugū pūri tigū ihñana, c̄h̄ma mehenogā d̄hsagū masine m̄sa.

³¹ Sata ahri ijipitiye yuh̄u nidiro ti sa wahagū ihñana, Cohācjū tiquiō p̄htoro ijiasi pje mehenogā d̄hsagū masinata m̄sa.

³² M̄sare potō niita niaja. Ti pje c̄jēna tiquina yariato pano ijipitiye yuh̄u nidiro sahata sa waharota.

³³ Um̄use, ahri yehpa gūhu pihtia waharota. Yuh̄u yahuducuye pehe ne comesasi. Ijipitiye yuh̄u nidiro sahata sa waha sohtori tirota.

³⁴ Yuh̄u tojoa tati decore ne masiedare m̄sa. Sa yena quehnoano yeya. Bose decorire queheye decorire yeducueracāhña. Sa yena queheracāhña. Ahri yehpa c̄jēne pajiro tuhotueracāhña. M̄sa yuh̄u nidiro sahata yena, wacūno mehna ahri yehparū yuh̄u ahtagū m̄sa ne ac̄masi.

³⁵ Wahiquirore yuri da wacūno mehna ti da tuā suhoro saha wacūno mehna ahtautja yuh̄u. Ijipitiyequina ahri yehpa c̄jēna tiquina masiedi watōa ti deco wacūno mehna sa waharota.

³⁶ Quehnoano wacū masi cohteya. Sa yena Cohācjūre ahri sa siniducuya: “Ahri pihtiatī decore sa wahagū yuh̄ure yedohoya. Tutuayere ohoya yuh̄ure ahri quehnoano yuh̄u yuhduatire. Sa yegū Cristore m̄hu ohoriquirore cuero marieno yuh̄ure piti cagū yeya”, ni, siniña Cohācjūre, niahye Jesu.

³⁷ Sa ye ti decorire Cohācjū wuh̄up̄u Jesu buhee tiahye. Ñaminipe buhe tuhasaro Olivo wame tid̄u c̄n̄up̄u waha, top̄u iji bohreaye tiahye.

³⁸ Bohreayepe tahari ijipitiyequina masa Cohācjū wuh̄up̄u tiquiōre tuhoye wahae tiahye.

22

Pahia p̄htoa, judio masare buheyequina mehna wejē duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Sa ye ti pjere pugā yeye moremehneñe pāre tiquina ihyati bose deco mehenogā dahsahye. Ti bose deco pascua wame tiahye.

² Sa ye pahia pūhtoa, judio masare buheyequina mehna Jesure wejē duaye, tiquina wejēatire wacū macahye. Jesure wejē duepeta, masa pehere cueahye, “Usuari”, niñe.

³ Sa ye watīno Juda Iscariotere ñano tiquiro ye dutīgū Juda pehe yūhtiahye tiquirore. Juda doce buheyequina mehna cĵano ijmahye.

⁴ Sa yero tiquiro pahia puhtoare, Cohācĵū wūhū cĵēna surara puhtoa mehna gūhūre yahuro wahahye. Tiquina cahapū esa, tiquinare Jesure tiquiro ihñoatire yahuahye tiquinare.

⁵ Tiquiro sa nigū tūhoye, tiquina bucue, “Mūhūre niñerure wapa yenatĵa”, niahye tiquina Judare.

⁶ Tiquina sa nigū Juda “Aū, tiquirore mūsare ihñoutĵa”, ni, masa tiquina ihñeno watoa Jesure ihñā tuhtieyquinare tiquiro ihñoati ñamine cohtero niahye.

Jesu buheyequina mehna tiquiro ihya bato tiati deco iĵiahye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pugā yeye moremehneñe pāre ihyati bose deco iĵi ducari deco iĵiahye. Sa yero pascua cĵē iĵiatire ovejare tiquina ihyatiquinare tiquina wejēdi deco iĵiahye.

⁸ Ti pĵeta Pedrore, Ņū gūhūre Jesu yahuahye:

—Bose decopū mari ihyatire quehnona wahaya, niahye Jesu tiquinare.

⁹ —ĵNoho boropū mari ihyatire quehnoyu dutīgū ohoajari mūhū usāre? ni sinituahye tiquina tiquirore.

¹⁰ Tiquina sa nigū Jesu yūhtiahye:

—Jerusalēpū mūsa esagū aco sutu wariĵiuro mūsare piti carota. Tiquiro piti cagū tiquiro mehna wahaya.

¹¹ Sa wahana tiquiro siho sajāri wūhūpū esana wūhū upūrore ohō saha ni yahuya. “ĵNohopū yūhū buheyequina mehna pascua cĵē ihyayere ihyanatari?” nidi buheriĵiuro”, niñā wūhū upūrore.

¹² Mūsa sa nigū tūhoro ahtūano cĵā tūcūre pajiri tūcūre mari cahmeñe mehna tiquina quehñori tūcūre ihñonota wūhū upūro. Topū mari ihyatire dahreya mūsa, niahye Jesu tiquinare.

¹³ Tiquiro sa nigū tiquina ti macapū wahahye. Topū tiquina esagū tiquinare tiquiro niĵiuro sahata wahahye. Sa ye tiquina pascua cĵē ihyatire dahreahye.

¹⁴ Ihyari pĵe iĵigū Jesu doce tiquiro buheyequina mehna ihya duĵiahye.

¹⁵⁻¹⁶ Topū ihyaropū duĵiuro Jesu tiquinare yahuahye:

—Mūsare niita niaja. Ahri pascua bose decore mari dahreaja Cohācĵū tiquiro yequinare tiquiro yūhdūotire wacūna. Came Cohācĵū tiquiro puhtoro iĵiropū tiquiro yequinare yūhdūo tuhasarota. Tiquiro sa yūhdūoato pano ahri deco cĵēne pari turi ihyasi yūhū. Sa yegū yojopūre yūhū ñano yūhdūoato pano ahri pascua cĵē ihyayere mūsa mehna tutuaro ihya duahti yūhū, niahye Jesu.

¹⁷⁻¹⁸ Sa ninota Jesu sihnidi pare ne, Cohācĵūre “Quehnoare”, ni sini, tiquinare yahuahye:

—Mūsare niita niaja. Cohācĵū iĵipihtieyquina puhtoro tiquiro iĵiata pano ahri vinore ne pari turi sihnisi yūhū. Sa yena ahri vinore ne, mūsa basi iti sihniñā, niahye Jesu.

¹⁹ Sa ni tuhasa pāre ne, Cohācĵūre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yūhū pagū iĵire. Yūhū pagū yūhūre ihñā tuhtieyquinare tiquina ohori pagū iĵiata mūsare yūhū yūhdūoati. Sa yena yūhūre mūsa wacūatire ahrire ihyaya, niahye Jesu.

²⁰ Sa ihya tuhasa sata tiquiro tiquinare sihnidi pa gūhūre ohoahye. Sa ohoro, tiquinare yahuahye:

—Mūsa ñañe yeyere cohāgū tagū yariĵtĵa. Sa yegū yūhū diire cohāĵtĵa. Cohācĵū “Mūsare yūhdūoutĵa”, tiquiro niĵiuro esa tuhagū yūhū yariaro mehna tiquiro niĵiuro sohtori tirota.

²¹ Yojopūre tūhoya mūsa. Yūhūre ihñā tuhtieyquinare yūhūre ihñoatiquiro yojopūre yūhū mehna ohō dujire.

²² Cohācĵū tiquiro dutiriro sahata yūhū masū Cohācĵū ohorigū yariĵtĵa. Tiquiro sa yaria dutiepegūta yūhūre ihñā tuhtieyquinare ihñoatiquiro pūrita ña yūhdūaro yūhdūrota, niahye Jesu tiquinare.

²³ Tiquiro sa nigū tiquina pehe tiquina basi ohō saha ni sinituahye:

—ĵJesure ihñā tuhtieyquinare ihñoatiquiro mari mehna cĵāno diquiro boro iĵiagari? ni, yahuducuahye tiquina basi.

—ĵMari mehna cĵāno diquiro pehe iĵiagari puhtoro? ni yahuducuahye Jesu buheyequina tiquina basi

²⁴ Came Jesu buheyequina ohō saha ni yahuducuahye:

—ĵMari mehna cĵāno diquiro pehe iĵiagari puhtoro? ni yahuducuahye tiquina basi.

²⁵ Tiquina sa ni yahuducugū tūhoro Jesu tiquinare yahuahye:

—Cohācjäre cahmeeñequina puhto pehe tiquina masare dutiye, puño mehna dutire. Sa ye puhtoare “Tiquina masare yedohyequina ijire”, nimene apequina masa tiquinare.

²⁶ MUSA pehe sa yesi MUSA basi. MUSA mehna cjāno MUSA wahmi pehere tiquiro bahuro yero saha ijiro cahmene. MUSA mehna cjāno puhtoro iji duaro cahacjāno yero saha ijiro cahmene tiquirore.

²⁷ ¿Diquiro ijjajari puhtoro? ¿Ihya dujiri quiro pehe puhtoro ijjajari? ¿O ihyayere itiri quiro pehe puhtoro ijjajari? Ihya dujiri quiro ijjajaga puhtoro. Tiquiro sa ijjiepegāta yuhu pehe cahacjāno yero saha masare yedohogu ahtau.

²⁸ ‘Masa yuhure tiquina ñano yeppegāta masa pehe yuhure duherare.

²⁹ Sa yegu yuhu Pacu yuhure tiquiro puhtoro sōriro sahata masa gāhure puhto sōgutja yuhu.

³⁰ Yuhu puhto yuhu ijjā yuhu ihyari mesapu masa gāhu ihya, sihninata. Sa yena masa puhto dujiyere dujinata. MUSA topu dujina Israe masare doce cururi cjēnare besenata masa ñañequinare, quehnoañequinare, niahye Jesu tiquiro buheyequinare.

Pedro Jesure tiquiro cohātire yahuahye Jesu

(Mt 26.31-35; Mr 14.27-31; Jn 13.36-38)

³¹ Sa ni tuhasa Pedrore Jesu ohō saha ni yahuahye:

—Simo Pedro yuhure tahoya. Masare ijjiphtinare watino yuhure cohāgū ye duare. Trigo wese cjāno trigore tiquiro wejē site cohāriro sahata masare ijjiphtinare watino ñano ye duare. Sa ye duaro, Cohācjäre sinidi.

³² Tiquiro sa sinigū ihñagū yuhu pehe Cohācjäre sini basau muhare. Yuhure muhu wacū tutua duhueratire sini basau muhare. Sa yegu muhu yuhu mehna cjū pari turi ijjigu yeequinare yedohoya muhu, yuhure tiquina wacū tutua nemoati, niahye Jesu Pedrore.

³³ Tiquiro sa nigū Pedro yuhtiahye:

—Puhto, yuhure tiquina peresu yeppegāta, yuhure tiquina wejē duepegāta muhu mehna cjū ijjitja, niahye Pedro.

³⁴ Jesu yuhtiahye:

—Pedro, muhare niita niaja. Mía ñami canaca tiquiro yahuato pano “Jesure masiedaja”, niguta muhu apequinare. Ihtia taha sa niguta muhu, niahye Jesu Pedrore.

Jesure tiquina ñano ye ducato mehenogā dūhsahye

³⁵ Sa ni tuhasa Jesu tiquiro buheyequinare yahuahye:

—¿Sohō ijiri pje niñeru ajuro mariena, pajiri ajuro mariena, dahpo suhti mariena

masare yuhu ohogū apee boro dūhsari masare? ni sinituahye Jesu.

—Ne usāre yabe dūhsaerari, ni yuhtiahye tiquina.

³⁶ —Ti pjere masare dūhsaerapegāta yojopu pehere niñeru ajurore cūona tire neña. Pajiri ajurore cūona gāhu neña. Sa yena masare ñoseni pjī mariedagū masa suhtire duana ti pjīne dūya.

³⁷ Ahrire masare nii niaja. Cohācjū yere tiquina ojoari pūpu tiquina nidiro sahata yuhure sa waharo cahmene. Ohō saha niahye ti pūpu: “Tiquiro dutiyere yuhdūducayequina mehna cjāno ijire’, nieta masa”, ni, ojoahye, niahye Jesu.

³⁸ —Ihñaña puhto. Pua pjī ñoseñe pjīnine cūoaja usā, niahye tiquiro buheyequina.

—To punota ijire, ni yuhtiahye Jesu.

Getsemani wame tiri wesepu Jesu Cohācjäre siniahye

(Mt 26.36-46; Mr 14.32-42)

³⁹ Sa ye Jesu tiquiro sa yeducuro sahata Olivo wame tidu cūnpu wahahye. Tiquiro sa wahagū tiquiro buheyequina tiquiro mehna wahahye.

⁴⁰ Topu esaro tiquiro tiquinare yahuahye:

—Cohācjäre siniña masa ñano yeratire, niahye Jesu tiquinare.

⁴¹ Sa ni tuhasa tiquiro dihita mehenogā waha nemo, dūsepe curi mehna quehe sa, Cohācjäre siniahye:

⁴² —Mai, yuhu ñano yuhduatire ye dueragu yeracāhña. Yuhu sa niepegāta yuhu cahmeñe pehere yeracāhña. Muhu pehe masine. Muhu cahmeno saha yeya yuhure, ni siniahye Jesu Cohācjäre.

⁴³ Tiquiro sa sinigū uhmūsepu ahtariquiro angel Jesure bajua, yedohoahye tiquirore.

⁴⁴ Sa yero Jesu ñano jeripohna ti, tutuaro mehna Cohācjäre siniahye. Sa yero tiquiro asi ti cuhsaye dii pjeri yero saha tiquirore wija, yehpapu bora quehe sahye.

⁴⁵ Cohācjäre sini bato ti, wahcāuca sa, tiquiro buheyequina cahapu wihiahye. Tiquiro wihigū tiquiro buheyequina tutuaro bujua witiyequina ijiye, carñe niahye.

⁴⁶ Sa yero Jesu tiquinare ohō saha ni yahuahye:

—¿Dūhsena carīajari masa? Wahcāña.

Cohācjäre siniña masa, “Ñano yeari”, nina, niahye Jesu tiquinare.

Jesure ihña tuhtiyequina tiquirore peresu yeahye

(Mt 26.47-56; Mr 14.43-50; Jn 18.2-11)

⁴⁷ Tiquiro sa ni yahuducuri watoa masa peyequina wihiahye. Juda doce buheyequina mehna cjāno ijimediquiro masare uhmū tā cāhtariquiro ijjiahye. Sa yero tiquiro Jesu cahapu wihi, wahsupu ihmiahye tiquirore.

48 Tiqairo sa ihmigã Jesu tiqairore sinituahye:

—¿Juda, yũhũ masũre Cohãcjũ ohorigure yũhũre ihña tuhtiyequinare ihñogũ yũhũre wahsupu ihmĩñe mehna sa yeajari mũhũ? niahye Jesu.

49 Tiqairo sa nidi bato Jesu buheyequina masa Jesure tiquina ñeheatire masiñe, tiqairore sinituahye:

—¿Puhto, usã ñoseñe pñini mehna tiquina mehna cahmequema? niahye tiquina.

50 Tiquina sa nidi bato ihcãquiro Jesu buheyequina mehna cjãno pehe pahia puhtoro cahacjãnore tiqairo ñoseni pñi mehna tiqairo cahmonore poto pehe ijiri cahmonore date pahrẽ cãhye.

51 Tiqairo sa yegũ ihñano Jesu tiqairore ohõ saha niahye:

—Sa yeracãhña, niahye.

Ni, cahacjãno cahmono ijiriroputũ ña ohõahye. Tiqairo ña ohõgũta cahmono munano sahata ijiahye tja.

52 Sa ye tuhasa pahia puhtoare Cohãcjũ wũhũ cjẽna surara puhtoare, bacuna gãhũre tiqairore ñeheñe ahtariquinare Jesu sinituahye:

—¿Duhse ijiro boro musa ñoseñe pñini, yucũ tiãri mehna yaqueriquirore tiquina yeriro saha musa yũhũre ñehena ahtajari?

53 Decoripe Cohãcjũ wũhũputũ musa mehna yũhũ ijigũ, musa yũhũre ñehedari. Sa ijiepegũta yojopũre musa ya deco yũhũre musa ñano yeati deco ijire. Yojopũ watĩno tiqairo ñano yeati deco gãhũ ijire, niahye Jesu.

—*Tiqairore masiedaja, niahye Pedro Jesure*

(Mt 26.57-58, 69-75; Mr 14.53-54, 66-72; Jn 18.12-18, 25-27)

54 Tiquina Jesure ñehe tuhasa pahia puhtoro ya wũhũputũ neahye tiquina tiqairore. Tiquina topũ neagũ Pedro yoropũ tiquinare ihña nunũ tãhye.

55 Puhtoro ya wũhũputũ esa, topũ wũhũ cahapũ ijiri paapũ, quehnoari paa decopũ peca wijiãhye apequina. Tiquina wijiãgũ ihñano Pedro peca cahapũ dujiyequina mehna dujiahye.

56 Tiqairo dujiri bato ihcãcoro cahacjõno tiqairore quehnoano ihña, apequinare ohõ saha ni yahuahye:

—Ahriquiro gãhũ tiqairo mehna ijiri, niahye ticoro.

57 Ticoro sa nigũ tũhoro Pedro yuhtiahye:

—Numio, tiqairore ne masiedaja yũhũ, nimahye tiqairo.

58 Came cjũnogã apeqairo Pedroro ihña, ohõ saha ni yahuahye:

—Mũhũ gãhũ tiquina mehna cjũ ijire, niahye tiqairo.

—Ne ijieraja, nimahye Pedro.

59 Ihcã hora bato apeqairo apequinare ohõ saha ni yahuahye:

—Ijirota ijire. Ahriquiro Galilea cjãno ijire. Sa yero potota Jesu mehna ijiri ahriquiro gãhũ, niahye tiqairo apequinare.

60 Tiqairo sa nigũ Pedro yuhtiahye:

—Ne, mũhũ nidiqairore masiedaja yũhũ, ni yuhtiahye Pedro.

Tiqairo sa ni yahuducuri watoa canaca yahuahye.

61 Tiqairo yahugũta Jesu wũhũ cahapũ ijiriquiro Pedroro majare ihñadoqueoahye. Tiqairo sa yegũ Pedro pehe Jesu tiqairo nidi wacũahye. “Mia ñami canaca tiqairo yahuato pano, ‘Yũhũ Jesure masiedaja’, nigũta mũhũ. Ihtia taha sa nigũta mũhũ”, Jesu tiqairo nidire wacũahye Pedro.

62 Sa wacũno Pedro topũ wija ta, tutuaro utiahye.

Jesure bujũpe, quẽahye tiquina

(Mt 26.67-68; Mr 14.65)

63 Sa ye Jesure cohteyequina surara tiqairore bujũpe, quẽpeahye.

64 Sa quẽpeye, tiqairo caperire dũhte cahmota, tiqairore sinituahye:

—¿Diquiro mũhũre quẽari? Ihñedapegũta yahuya usãre, ni sinitupeahye tiquina.

65 Sa ye peye ñano ni yahuducuahye tiquina tiqairore.

Jesure puhto sinituahye

(Mt 26.59-66; Mr 14.55-64; Jn 18.19-24)

66 Bohrearopũ judio masa bacuna, pahia puhto, judio masare buheyequina gãhũ cahmecoahye. Tiquina sa cahmecoanopũ apeqaina tiquina cahapũ Jesure ne cãhtahye.

67 —Yahuya usãre. ¿Cristota ijiajari mũhũ? ni sinituahye tiquina Jesure.

Tiqaina sa nigũ Jesu yuhtiahye:

—Musare yũhũ yahugũ, yũhũre tũhosi musa.

68 Musare yũhũ sinitugũ yũhũre yuhtisi musa. Sa yena yũhũre wiosi musa.

69 Musa wioerapegũta came cjũnogã ijipihitiye decori yũhũ masũ Cohãcjũ ohorigũ Cohãcjũ tutuariquiro tiqairo poto peheputũ dujigtja, niahye Jesu.

70 Tiqairo sa nigũ tiquina ijipihitiyequina sinituahye tja pari turi:

—¿Sa nigũ Cohãcjũ macũta ijiajari mũhũ? niahye tiquina.

—Musa nino sahata ijiaja, ni yuhtiahye Jesu tiquinare.

71 Tiqairo sa nigũ tiquina ohõ saha ni yahuducuahye tiquina basi:

—Ahriquiro Cohãcjũre pajiro tiqairo ñano yahuducugũ mari basi tũhou. Sa ye topequinata yahusãahdo ahriquirore, niahye tiquina basi.

23

*Pilato Jesure sinituahye**(Mt 27.1-2, 11-14; Mr 15.1-5; Jn 18.28-38)*

¹ Sa ni tuhasa tiquina ijipihitiyequina wahcãduca, Jesure Pilato cahapũ neahye.

² Ne esa, Jesure yahusã dũcahye:

—Ahriquiroy mari ya yehpa cãenare tiquiroy ñano ye dutigũ usã tuhou. Mari puhtoro ahriquiroy wapa ye dutierare. Sa yero tiquiroy “Puhto ijiaja. Cristo masare yãhũoacjũ ijiaja yũhũ”, ni yahuducure tiquiroy basi, ni yahusãhye tiquina Jesure.

³ Tiquina sa ni yahusãri bato Pilato Jesure sinituahye:

—¿Judio masa puhtota ijiajari mũhũ? niahye tiquiroy Jesure.

—Mũhũ nino sahata ijiaja, ni yãhtiahye Jesu.

⁴ Tiquiroy sa nigũ Pilato pahia puhtoare, masa gãhũre yahuahye:

—Ahriquiroy buhiri mariedare, niahye tiquiroy.

⁵ Tiquiroy sa niepegũta tiquina tutuaro yahusã nemoahye:

—Tiquiroy buheye mehna masare cahmequegũ yere. Galilea yehpapũ tiquiroy tire ye dũcari. Sa ye dũca tuhasa ijipihitiroy Judea yehpapũ tire tiquiroy yere. Sa yero yojopũ ohõpũ gãhũre tire yero taro nine, ni, yahusãhye tiquina.

Herode Jesure sinituahye

⁶ Tiquina sa ni yahusãgũ tuhoro Pilato pehe sinituahye:

—¿Ahriquiroy Galilea cãano ijiajari? niahye tiquiroy.

⁷ —To cãanota ijire, ni yãhtiahye apeqũna.

Tiquina sa ni yãhtigũ tuhoro Pilato pehe Jesu tiquiroy ijiri yehpare masino puhtoro Herode ya yehpa cãano Jesu tiquiroy ijigã masiahye. Tire masino Jesure Herode cahapũ ohoahye. Ti pjere Herode Jerusalẽpũ ijiahye.

⁸ To pano Herode Jesure tuho tuhasahye. Tiquiroy sa tuhori bato yoyari bato tiquiroye ihña duahye. Jesu Cohãcã tutuaye mehna tiquiroy ye ihñogũ ihña duamahye tiquiroy. Sa yero tiquiroy Jesure ihñano, bucueahye.

⁹ Sa yero peye tahari sinituahye Jesure. Tiquiroy sa sinituepegũta Jesu ne yãhtierahye tiquiroye.

¹⁰ Pahia puhto, judio masare buheyequina gãhũ Herode cahapũ esa, tutuaro Jesure yahusãhye.

¹¹ Tiquina yahusãri bato, Herode tiquiroy yequina surara mehna bũjũpe, Jesure ñano yeahye. Sa bũjũpeye, quehnoari suhtirore puhtoro tiquiroy sañari suhtiro yero saha bajuri suhtirore sãahye tiquina Jesure. Sa bũjũpe tuhasa, tiquiroye Pilato cahapũ ohoahye tja.

¹² Ti decore Herode, Pilato mehna quehnoano tiquina basi cahme yeyequina iji dũcahye. To panore tiquina basi cahme ihña tuhtieyequina ijinimahye.

*Masa Jesure wejẽ dutiahye**(Mt 27.15-26; Mr 15.6-15; Jn 18.39-19.16)*

¹³ Sa ye Pilato pahia puhtoare, apeqũna puhtoare, masa gãhũre tiquiroy pijiogũ, cahmecoahye.

¹⁴ Tiquina cahmecoa pihitigũ ihñano ohõ saha niahye Pilato tiquinare:

—Ahriquiroy yãhũre ne cãntana, “Tiquiroy masare ñano ye dutiri”, nimesi masa yũhũre. Yojopũ masa ihñonopũ ahriquiroye quehnoano sinitu pehou tja. Yũhũ sa sinituri bato masa tiquiroye sa yahusãducugũ tiquiroye ñaãe buhiri ne mariedare, yũhũ ihñagũ.

¹⁵ Herode gãhũ tiquiroye “Ne, ñaãe buhiri mariedare”, nidi. Sa nino ahriquiroye pari turi usãre oho majare tojore tja. Sa yena ahriquiroye tiquiroy ñaãe buhiri mariedagũ tiquiroye masa wejẽ duti masiedare.

¹⁶ Sa yegũ tiquiroye yuta dari mehna tana dutiitja yũhũ. Sa tiquina tanari bato tiquiroye wioutja, nimahye Pilato masare.

[Cũhmaripe pascua bose decorire masa yaquiroy ijiatiquiroye ihcãquiroy peresupũ ijiriquiroye Pilato wio basaducue tiahye.]

¹⁸ Sa ye Pilato “Jesure wioutja”, tiquiroy nigũ tuhoye ijipihitiyequina masa ohõ saha ni sañuducuahye:

—Tiquiroye Jesure wejẽña. Barrabã pehere usãre wio basaya, ni sañuducuahye masa.

¹⁹ To pano Barrabã pehere Jerusalẽpũ puhtoare tiquiroy cohã dutiri buhiri, masare tiquiroy cahmeque dutiri buhiri, tiquiroy wejẽdi buhiri, peresu yeahye tiquiroye. Sa ye camepũre tiquiroye masa wio dutiye niahye.

²⁰ Pilato Jesu pehere wio duamahye. Sa yero tiquiroy masare sinituahye tja.

²¹ Tiquiroy sa wio duepegũta tiquina tiquiroye niahye tja:

—Curusapũ quẽ biha wejẽña tiquiroye. Wejẽña tiquiroye, ni sañuducuahye tiquina.

²² Tiquina sa nigũ Pilato ihtia taha waro ohõ saha nimahye tiquinare:

—¿Yabere ñano yeri tiquiroy masa sa ni sañuducugũ? Ne tiquiroye ñaãe buhiri mariedare. Sa yegũ tiquiroye wejẽ duti masiedaja. Tiquiroye yuta dari mehna tana dutiitja. To punota ye dutiitja. Sa yegũ wioutja tiquiroye, nimahye Pilato.

²³ Tiquiroy sa niepegũta tiquina tutuaro mehna sañuducu nemo, Jesure curusapũ wejẽ dutiahye. Tiquina sa ni sañuducugũ tuhoro tiquina cahmediro sahata Pilato yeahye.

24 Sa yero tiquna sinidiro sahata Pilato Jesure wejē dutiahye.

25 Sa dutiro tiquro peresupū ijiriquirore masare cahmeqegū yeriquirore, masare wejēdiqurore masa tiquna sinidiro sahata Pilato Barrabá pehere wioahye. Sa yero Pilato Jesure curusapū wejē dutiahye.

Tiquna Jesure curusapū quē biha wejēahye

(Mt 27.32-44; Mr 15.21-32; Jn 19.17-27)

26 Sa ye tiquna Jesure wejēñe wahaye, neahye. Ti pje tiquna sa yeri watoa Simo wame tiriquro Cirene cjāno ihquē wuhūse ijirorū esariquro tojoa taro ni-ahye. Jerusalēpū tiquro wihigū ihñañe Jesure neañequina tiqurore piti ca, ñehe, curusare tiqurore wua cā dutiahye Jesu bato pehe.

27 Sa ye masa peyequina Jesure ihña nūnū tāhye. Sa ye masa watoa ijijequina numia tiqurore tiquna sa yegū ihñañe tutuaro uti-ahye.

28 Tiquna utigū tūhoro, tiquna numiare Jesu majare ihña, ohō saha niahye:

—Jerusalē cjāna numia, yūhare utier-acāñña. Musa ye ijiatire, musa pohna ye ijiasi gūhare utiya.

29 Apeye decori ijigū ña yūhduaro yūhdunata musa. Ti pjere masa ohō saha nieta. “Pohna mariena numia, pohna tienā numia, apūoedari numia yojorū mari ijigū quehnoa yūhdūaboaga”, nieta numia.

30 Ti pjere canūre ohō saha ni yahuducuenta masa. “Mūhū canū usā buipū bora dijia taya. Īsāre nūoña”, nieta masa cueye.

31 Masa yūhare buhiri mariegure ohō saha tiquna yegū, ñañe buhiri caoyequina pehe ña yūhduaro wahaeta, niahye Jesu.

32 Apequina pūaro dutiyere yūhduducayequina tiquna ijigū tiquna gūhare Jesu mehna tiquna wejēatiqunare neahye tiquna.

33 Tiqunare nea, “Dapu pehtoro”, wame tiropū esa, curusapū Jesure quē biha ohōahye. Sa ye pūaro yūhduducayequina gūhare apequirore tiqurore pota pehe, apequirore tiqurore cū pehe pehe quē biha ohōahye.

34 Tiquna sa yegū Jesu ohō saha niahye:

—Mai, ahriquina yūhare wejēatiquna yojorū tiquna ñano yerire boya tiqunare. Tiquna dūhse yerire masiedare tiquna. Sa yegū tiquna ñano yerire boya, niahye Jesu.

Sa ye Jesu suhtire cahme itiyē, tiquna doquepeahye. Tiquro suhtire “¿Noa yaro ijiro-tari ohō?” ni cahme doquepeahye tiquna.

35 Sa ye masa topū ducuyequina tiquna ihñaducuri watoa judio masa pūhtoa Jesure bujūpeahye:

—Tiquro apequina masare yariaboriqunare yūhdūoñhti. Sa yero tiquro Cristo Cohācjū beseriquiro ijiro,

yojorū yariaboriquiro ijiro, tiquro basi yūhdūoahro, ni, bujūpeahye tiquna.

36 Surara gūhū tiqurore bujūpeahye. Jesu cahapū esa, tiquna tiqurore ñañe co vinore ohomahye.

37 Tire yeye ohō saha niahye tiquna:

—Mūhū judio masa tiquna pūhto ijigū mūhū basi yūhdūaya. Sa yegū yūhdūa witiguta mūhū, ni, bujūpeahye tiquna.

38 Sa ye tiquro bui ohō saha ni ojoa ohōahye. “AHRIQUIRO JUDIO MASA PŪHTORO IJIRE”, ni, ojoa ohōahye.

39 Apequiro tiquro mehna tiquna quē biha ohōriquro yūhduducariquro pehe ñano yahuducuyahye Jesure:

—¿Mūhū Cristo masare yūhdūoacjū ijier-ajari? Mūhū basi, usā gūhūre yedohoya, niahye tiquro Jesure.

40 Tiquro sa nigū tūhoro apequiro yūhduducariquro Jesu pota peherū tiquna quē biha ohōriquro pehe tiqurore ohō saha niahye:

—Mari gūhūre pota ijije mehna buhiri dahrere tiquna. ¿Dūhsegū Cohācjūre ne ño peerajari mūhū?

41 Marine ñañe buhiri ye, pota yeye nine tiquna. Ñañene mari yeri buhiri marine buhiri dahrere tiquna. Ahriquro pehe ñañene yerare, niahye tiquro apequiro yūhduducariqurore.

42 Sa nino, tiquro Jesure ohō saha niahye:

—Jesu, mūhū pūhto ijigū tojoa tagū, yūhare wacūña, niahye tiquro Jesure.

43 —Mūhūre ahrire nii niaja. Miare paraíso wame tiropū mūhū yūhū mehna ijita, niahye Jesu tiqurore.

Jesu yariaa wahahye

(Mt 27.45-56; Mr 15.33-41; Jn 19.28-30; Lc 6.19-20; 10.19-20)

44 Sa ye coheri pje ijigū asū asi duhuahye. Sa yero ijiphtiro ti dihtapure ihtia hora waro quehnoano nahitiahye.

45 Nahitiri watoa, Cohācjū mūhū cjā suhtiro cahsero, tiquna tore cahmotari cahsero decopū ti cahsero ihmūseperū tūhū dūca, tūhū yojoa saa wahahye.

46 Sa yero Jesu tutuaro sañuducuyahye:

—Mai, yūhū jeripohnare mūhare wiaja mūhū ihña ihboatire, ni, sañuducuyahye Jesu. Sa ni tuhasa yariaa wahahye.

47 Tiquro sa yariagū ihñano, surara pūhtoro pehe “Cohācjū tutuariquro ijire”, nino, “Ahriquro Jesu manano potota quehnoariquro ijimeya”, niahye surara pūhtoro.

48 Sa ye tiquna wejēgū ihñañe ahtariquina Jesu tiquro yariagū ihñañe, tiquna ye wūhūseperū tojoaa wahahye. Tojoaa waha, tiquna ñañe yerire bujūa witiye mehna tiquna cutiro bui quē ohōahye.

49 Ijipihtiyequina Jesu yequina tiqiro mehna cjēna Galileapᵃ tiqiro mehna ahtariquina numia gāhᵃ Jesure yoaropᵃ ihñaducuahye.

Jesu pagure masa coperᵃ cūahye
(Mt 27.57-61; Mr 15.42-47; Jn 19.38-42)

50-51 Ti pjere José wame tiriqiro topᵃ ijiahye. Judea yehpa cjā maca Arimatea wame tiri maca cjāno ijiahye. Sa yero tiqiro quehnoariqiro, poto yeriqiro ijiro, Cohācjā pūhtoro iji ducature cohteriqiro ijiahye. Sa yero tiqiro judio masa pūhtoa mehna cjāno ijleperota Jesure tiquina wejē dutigū cahmedamahye tiqiro.

52 Sa yero Pilato cahapᵃ esa, Jesu pagure siniahye.

53 Sini tuhasa, Jesu pagure ne diji, quehnoari suhtiro mehna tiqiro pagure wahmeahye. Sa wahme tuhasa, masa coperᵃ utāpᵃ tiquina seheri coperᵃ cūahye tiqiro pagure. Ti copere ne apequina yariariquinare cūedariahye.

54 Ti deco saurū deco ijiate tiquina quehnoyuri deco ijiahye. Saurū tiquina sori deco ijiate mehenogā duhsahye.

55 Sa ye Galileapᵃ Jesu mehna ahtariquina numia masa coperᵃ José mehna wahahye. Masa coperᵃ esa, ti copere ihñā, Jesu pagure tiquina cūrire ihñahye.

56 Came tiquina ye wāhusepᵃ tojoa waha, ehme sitiye co, wisōñe mehna quehnoahye tiquina. Sa ye saurū ijigū Cohācjā dutiye Moiserē tiqiro cūri dutiye nino sahata tiquina soahye.

24

Jesu masa wijiahye
(Mt 28.1-10; Mr 16.1-8; Jn 20.1-10)

1 Domingo ijigū bohrearopᵃ tiquina numia ehme sitiye tiquina quehnorire Jesu masa coperᵃ ne cāmahye.

2 Ti coperᵃ esa, ti copere bihariare utāre tiquina pōo duhu cūria utāre ihñahye.

3 Sa ihñāñe tiquina ti coperᵃ sajāa wahahye. Jesu pagure bocaerahye tiquina.

4 Tiqiro pagure bocaera, “¿Duhse wahayari?” ni tūhotuahye tiquina. Tiquina sa ni tūhotu yahuducuri watoa pūaro umāa asi siteye suhti sañāñequina tiquina cahapᵃ ducuahye.

5 Topᵃ tiquina ducugū ihñā, numia cueye, dusepe curi mehna quehe sahye. Sa ye umāa pehe tiquinare yahuahye:

—¿Duhseña yariariqiro ijire Jesure macajari mūsa? Yojoᵃpᵃre tiqiro catiriqiro ijire.

6 Tiqiro ohōre mariedare. Masa wijia tuhasari. ¿Sohō ijiri pjere tiqiro Galileapᵃ

mūsa mehna ijiro mū sare tiqiro nidire wacūajari mūsa?

7 “Yūhure Cohācjū ohorigure apequiro ohorota ñāñequinare. Tiqiro ohori bato yūhure curusapᵃ quē biha wejēeta tiquina. Sa yegᵃ yūhᵃ yariari bato ihtia deco wahaboro masa wijiaᵃtja yūhᵃ”, nidi mū sare. ¿Tiqiro sa nidire wacūajari mūsa? niahye umāa pehe.

8 Tiquina sa nigū tūhoye, numia pehe tiqiro nidire wacūahye.

9 Tiquina sa nidi bato tiquina tojoa waha, once buheyequinare apequina gāhure tire yahu pehoahye.

10 Tiquina numia pehe María Magdalena, Juana, María Santiago pacoro ijiahye. Tiquina numia apequina numia gāhᵃ ijiahye Jesu buheyequinare yahuri numia.

11 Tiquina sa ni yahuepegūta Jesu buheyequina pehe “Poto niñe niedaga. Ni mehoñe niaga ahriquina numia”, ni tūhotumahye. Sa ye tiquina numiare tūho duerahye.

12 Tiquina sa nigū tūhoro, Pedro pehe masa coperᵃ oma cā, ihñāno wahahye. Ti coperᵃ esa, tiqiro muhri ihñā sōahye. Jesure tiquina wahmedi suhtiro dihitare ihñahye. “¿Duhse wahayari?” ni, tūhotu, tiqiro ya wāhᵃpᵃ tojoa wahahye.

Emau wame tiri maca cjā mahapᵃ Jesu bajuahye

(Mr 16.12-13)

13 Ti decota pūaro Jesu buheyequina mehna cjēna Emau wame tiri macapᵃ wahaye niahye. Jerusalē once kilómetro yoaro ijire Emaupᵃ esato.

14 Emaupᵃ waha, ijipihtiye Jerusalēpᵃ ti pjere Jesu tiqiro sa waharire tiqirore tiquina ñano yerire yahuducu cāñe niahye.

15 Tiquina sa ni yahuducuri watoa Jesu pehe tiquina cahapᵃ esa, tiquina mehna wahahye.

16 Sa ye tiqirore ihñāepeta tiquina tiqirore ihñā masiedahye.

17 —¿Duhse ni yahuducu cāna niajari mūsa? ni, sinituahye Jesu.

Tiqiro sa nigū tiquina bujāa witiyequina esaducyahye.

18 Cleofa wame tiriqiro pehe Jesure yūhtiahye:

—¿Yojoᵃpᵃre Jerusalēpᵃ tiquina yerire mūhᵃ dihita masiedajari? ni sinituahye tiqiro.

19 —¿Duhse wahari Jerusalēpᵃre? niahye Jesu.

Tiqiro sa nigū Cleofa yūhtiahye:

—Jesure Nazare cjānore tiquina yerire nina niaja. Tiqiro Cohācjū yere yahu mūhtariqiro ijimedi. Sa ye tiqiro yahuducurire tūhoye, tiqiro yeri gāhure ihñāñe, “Tutuariqiro ijire”, ni, tūhotumedi masa. Cohācjū gāhᵃ sata ni tūhotuaga.

²⁰ Mari pahia puhtoa, apequina puhtoa mehna tiqiurore wejē dutiye, apequinare ohori. Tiquina sa ohogū apequina pehe tiqiurore curusapū quē biha wejēdi.

²¹ “Roma cjenare cohātiqiuro Israe masa puhtoro ijatiqiuro ijire”, ni, tuhotumi usā tiqiurore. Mía mehna ihtia deco wahare tiqiuro yariari bato.

²² Meheñequinagā numia usā mehna cjena numia usāre acuagū yeri. Bohreoropū Jesu tiqiuro masa copepū tiquina numia esa,

²³ tiqiuro pagure bocaerañohiti. Tiquiro pagure bocaeraye, tiquina tojoa wihi yahuri. “Usāre angele bajuari. Jesu catiñohiti”, ni yahuri usāre numia pehe.

²⁴ Tiquina sa nigū apequina usā mehna cjena ti copepū esa, numia tiquina nidiro sahata ihñañohiti. Tiquina gūhū Jesure ihñedañohiti, niahye tiqiuro Jesure.

²⁵ Tiquiro sa nidi bato Jesu yahuahye tiquinare:

—Masa ne tuho masiedare. ¿Cohācjū yere yahu mūhtariquina māna tiquina nidire quehnoano tuhoerari mūsa?

²⁶ Cristore tiqiuro puhtoro ijato pano uhmūsepu tiqiuro mājato pano tiqiurore ñano yuhdaro cahmedī. ¿Tire masiedajari mūsa? niahye Jesu tiquinare.

²⁷ Sa nino Cohācjū Cristore tiqiuro ni yahu tiquina ojoarire Jesu yahu peho cāhye tiquinare. Moise mūnano tiqiuro ojoarire Jesu yahu dūcahye. Sa yero ijipihtiye-quina Cohācjū yere yahu mūhtariquina Cristore tiquina ojoari gūhure yahu peho cāhye tiqiuro.

²⁸ Tiquina wahari macapū tiquina esaye taye yegū, Jesu pehe tiquinare yuhdū cā wahamahye.

²⁹ Tiquiro sa yepegūta tiquina tiqiurore waha dutierahye:

—Usā mehna tojoaya. Ñamicahapū ijire. Nahinopū nine, niahye tiquina tiqiurore.

Sa yero Jesu tiquina mehna wūhupū sajāa wahahye.

³⁰ Wūhupū sajā sa, tiqiuro tiquina mehna ihyari mesapū nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye.

³¹ Tiquiro sa yegū ihñañe tiquina Jesure ihñā masiahye. Tiquina ihñā masi dūcagūta tiqiuro buti maa wahahye.

³² Tiquiro sa buti maa wahagū ihñañe tiquina basi ohō saha ni yahuducuahye:

—Mahapū tiqiuro marine tiqiuro yahuducuri watoa Cohācjū tiqiuro ojoarire tiqiuro yahuri watoa mari jeripohnari mehna quehnoano bucueye mehna tuhotuu mari, niahye tiquina basi.

³³ Sa ni tuhasa tiquina duita Jerusalēpū majare tojoa wahahye tja. Topū esa, once buheyequinare apequina mehna cahme-coañequinare bocaahye.

³⁴ Tiquina esagū, once buheyequina ohō saha niahye:

—Potota mari puhtoro masa wijiñahiti. Simo Pedro tiqiurore ihñañohiti, niahye once buheyequina.

³⁵ Tiquina sa nigū puaro Emau cjena mahapū Jesure tiquina ihñārire yahuahye:

—Jesu pāre tiqiuro nuhagū usā ihñā masii tiqiurore, ni, yahu pehoahye tiquina apequinare.

*Jesu tiqiuro buheyequinare bajuahye
(Mt 28.16-20; Mr 16.14-18; Jn 20.19-23)*

³⁶ Tiquina sa ni yahuri watoa tiquina cahapū iji tuhasahye Jesu pehe.

—¿Ijijari mūsa? niahye tiqiuro tiquinare.

³⁷ Tiquiro sa nigū tuhoje tiquina “Mari yariariqiuro mūnanore ihñāna niaja”, ni tuhotuye, tutuaro cueahye.

³⁸ Tiquina sa cuegū ihñāno tiqiuro tiquinare yahuahye:

—¿Dūhsena cueajari mūsa? ¿Dūhsena “Ahri poto ijierare”, niajari mūsa?

³⁹ Yūhū omocarine, yūhū dahpocāri gūhure ihñāña. Mūsa yūhure ihñāna, ihñā masinata. Yūhure ñehe tuhuya. Ñehe tuhuna masinata mūsa. Yariariqiuro mūnanopū pagū mariedare. Yūhū pehe pagū tiaja, niahye Jesu.

⁴⁰ Sa nino tiqiuro omocari gūhure, tiqiuro dahpocāri gūhure ihñāohye tiquinare.

⁴¹ Tiquiro sa ihñāopegūta tiquina tutuaro bucue, ihñā maria waha, “Ahri poto ijieraga”, ni tuhoturiñahye. Tiquina sa tuhotugū masino Jesu tiquinare sinituahye:

—¿Ohōpū ihyaye ijijari? niahye tiqiuro.

⁴² Tiquiro sa nigū tuhoje wahi dohariqiurore ohoahye tiqiurore.

⁴³ Tire ne, tiquina ihñānopū Jesu ihyahye.

⁴⁴ Ithya tuhasa, Jesu yahuahye tiquinare:

—Sohō ijiri pje mūsa mehna ijigū mūsare yūhū yuhuriro sahata yojoapū yūhū sa wahau. Cohācjū dutiye Moise marine tiqiuro cūri tiqiuro sa ni ojoariro sahata yūhure sa wahari. Cohācjū yere yahu mūhtariquina, Salmō ojoari pūre ojoayequina gūhū panopū yūhure tiquina ni yahuriro sahata yojoapure yūhure sa wahari. Sa wahacjūta ijii yūhū, niahye Jesu.

⁴⁵ Sa ni tuhasa Cohācjū yere tiquina yahu ojoarire tiqiuro buheyequinare masigū yeahye Jesu:

⁴⁶ —Cohācjū yere tiquina ojoari ohō saha nine: “Cristore ñano yuhdūro cahmene. Sa yero ihtia deco wahaboro tiqiuro yariari bato tiqiuro masa wijiarota.

⁴⁷ Tiquiro masa wijiari bato ijipihtiye yehparipū tiqiuro yequina Cristo yere yahueta. Masa tiquina ñañene tiquina bujūa witiatire, quehnoañene tiquina comesatire Cohācjū tiquina ñañene tiqiuro cohātire yahueta tiqiuro yequina. Sa yahuye taye,

Jerusalēpū yahu dācaeta”, niahye Cohācjū yere tiquina ojoari pūrū, niahye Jesu.

⁴⁸ Sa ni tuhasa ohō saha ni yahu nemoahye:

—Musa pehe ahri ijipihtiyere ihñarina ijire. Sa yena apequinare yahunata.

⁴⁹ “Espíritu Santore musare ohoutja”, Cohācjū tiquiro nidiquirore yñhū pehe musare ohoutja. Tiquiro uhmase cjē tutuayere ohoatiquiro ijire. Sa yena Jerusalēpū tiquiro wihiatire cohteya musa, niahye Jesu tiquiro buheyequinare.

*Jesu uhmasepū mājaa wahahye
(Mr 16.19-20)*

⁵⁰ Sa ni tuhasa Jesu tiquinare Jerusalēpū ijiyequinare Betania cahapū neahye. Topū esa, Jesu tiquiro omocarine ne mūo, “Quehnoano ijīya”, niahye tiquinare.

⁵¹ Sa ni tuhasa, tiquinare cū, uhmasepū mājaa wahahye.

⁵² Tiquiro mājari bato tiquina tiquirore ño peo, Jerusalēpū tutuaro bucueye mehna tojoaa wahahye.

⁵³ Topū iji, decoripe tiquina Cohācjū wñhūpū Cohācjū mehna yahuducu, “Quehnoare”, ni ño peohaye tiquina tiquirore. To punota ijire.

San Juan

Cohācjū ye yahuducuyere yahuriqiro masanota iji ducahye

¹ Duitapata ahri yehpa to ijiato panopata Cohācjū ye yahuducuyere yahuriqiro Cristo masare yuhduoatiqiro duita iji tuhasae tiahye. Tiquiro Cohācjū mehna ijiahye. Sa yero tiquiro Cohācjūta iji cāhno niahye.

² Duitapata coā waropare Cristo Cohācjū mehna ijiahye.

³ Sa yero coā waropare ne mariedarire bajumehneahye. Ahri yehpare, uhmūse, ijipihitiyere, masa gūhure bajumehne dutiahye Cohācjū tiquirore. Sa yero ahrire bajumehne pehoahye tiquiro. Ahrire yoppare mari ihñañene, mari ihñedari gūhure tiquiro bajumehnedagū ne mariedaboya.

⁴ Cristo catiyere ohoriquiro ijiro nine. Buhrioro marine to quehnoano ihña masigū yero saha mari Pacure quehnoano masigū yere. Sa yero mari Pacure masigū yere masare.

⁵ Ahri yehpa cjēna ñañene wacū, tiquina tutaro cahmeñe nahitiano yero saha ijiye nine. Buhrioro quehnoano marine to ihña masigū yero saha Cohācjū ye yahuducuyere yahuriqiro masare masigū yere. Sa yero nahitiano buhrioro to yuhducaero sahata Cristore ne ñañe yuhducaerare.

⁶⁻⁷ Cohācjū Ñu wame tiriqiro pehere ohoahye, Cristo buhrioro yero saha ijiriquirore masare yahu mahta dutiro. Tiquiro ohogū Ñu pehe masare yahuro ahtari tiquiro yahuriqirore Cristore ijipihitiyequina tiquina wacū tutuatire.

⁸ Ñu pehe Cristo ijierari. Sa ijieraro tiquiro Cristo pehere masare yahu mahtano ahtari.

⁹ Cristo buhrioro yero saha ijiriquiro ijipihitiyequina masare Cohācjūre masigū yea-tiquiro pehe ahri yehpapu ahtari jiri. Ijirota ijire ahri. Tiquiro buhrioro yero saha ijiriquiro warota ijire.

¹⁰ Sa yero Cristo ahri yehpapu ijiro jimedi. Ahri yehpare bajumehnediquiro ijiahye. Tiquiro sa ijiepegūta tiquiro ya yehpa cjēna tiquirore ne masiedari.

¹¹ Tiquiro ya yehpapu masa bajuari jimedi. Tiquiro ya yehpapu tiquiro masa bajuariqiro ijiepegūta tiquiro ya yehpa cjēna pehe ne tiquirore cahmedari jiri.

¹² Tiquina sa cahmedapegūta apequina pehere ijipihitiyequina tiquirore cahmeñequina pehere tiquinare Cohācjū tiquiro pohne ijigū yeri jiri. Tiquirore wacū tutuayequina pūrita potota tiquiro pohne warota ijire.

¹³ Tiquina Cohācjū pohmeta ijiye nine. Sa ye masa tiquina masa bajuariro saha ijierare, Cohācjū pohne tiquina wahagū.

¹⁴ Sa yero Cristo masano tiquiro iji ducari bato mari mehmeta ijire tiquiro. Tiquiro sa ijigū ihñana masare cahñiquiro, potota yahuriqiro tiquiro ijigū usā masii. Tiquiro dihita Cohācjū macano ijiro tutuariqiro quehnoariqiro ijiri. Tiquiro sa ijiriquiro ijigū usā masii.

¹⁵ Ñu Cristore yahu mahtano ohō saha ni sañuducuri masare yahuro:

–Siquiro ahtare yuhū ohō saha ni yahuriqiro: “Tiquiro yuhū bato ahtariqiro ijire. Sa ijieperota tiquiro yuhū yuhduoro tutuariqiro ijire. Tiquiro yuhū masa bajuato panopu iji tuhasahye. Sa yero tiquiro yuhū yuhduoro tutuariqiro ijire”, masare yuhū ni yahuriqiro ahriqirota ijire, nidi Ñu Jesure masare yahuro.

¹⁶ Tiquiro Cristo pehe quehnoano tutaro masare cahñiquiro ijiro marine ijipihitinare quehnoano yeducuri.

¹⁷ Cohācjū dutiyere Moise pehe cū mahtahye marine. Jesucristo pehe Cohācjū masare tiquiro cahñēne buhero ahtari. Cohācjū tiquiro potota yahuducuyere gūhure buhero ahtari.

¹⁸ Masa ne Cohācjūre ihñedare. Tiquirore mari ihñedapegūta tiquiro macano ihcāqirota ijiriquiro tiquiro Pacuro mehna sa ijiducure. Sa yero tiquiro Pacurore marine masigū yeri.

Apequina Ñu wame yeriquirore sinitu-ahye

(Mt 3.3, 11-12; Mr 1.2-3, 7-8; Lc 3.4-6, 15-17)

¹⁹ Usā acaye judio masa puhtoia Jerusalēpu ijieyequinare pahiare, Cohācjū wuhapu dahrayequina gūhure Ñu cahapu ohori jiri. “¿Noa boro ijijari mahū?” ni sinitu dutiye ohori jiri tiquinare. Tiquina sa sinitugū ohō saha ni yahuri Ñu pehe.

²⁰ Yeero boro marieno yahuri. Potota yahuri:

–Yuhū Cristo Cohācjū masare yuhduo dutiro tiquiro ohorigu ijieraja, nidi tiquiro.

²¹ Tiquiro sa nigū tiquina pehe tiquirore pari turi sinituri tja:

–¿Mahū Cristo ijieragu Elia pehe ijijari mahū? nidi tiquina.

–Ijieraja yuhū, nidi tiquiro.

–¿Usā cohterigu Cohācjū yere yahu mahtacju pehe ijijari mahū? nidi tiquina.

–Tiquiro ijieraja yuhū, nidi Ñu pehe.

²² Tiquiro sa nigū tiquina tiquirore pari turi sinituri tja:

–Usāre sinitu dutiriquinare usā yahuro quehnoano poto usāre yahu madoqueohya. ¿Noa boro pehe ijijari mahū? ¿Mahū basita

dahse ijigü ijiajari mähü? “Sa ijigü ijiaja yähü”, ni yahuya usäre, nidi tiquina Nüre.

²³ Tiquina sa nigü ohö saha ni yuhtiri tiquiro:

—Masa marienopü ohö saha ni sañuducugü ijiaja yähü, Cohäcjö yere yahu muhtariquiro Isaia manano tiquiro ni yahuriro sahata: “Mari puhtoro tiquiro ahtato pano mahare mari quehnoyuro saha quehnoana ijyuya mäsä”, ni masare yahu sañuducugü ijiaja yähü, nidi Nü tiquinare.

²⁴ Nüre sinituyequina fariseo masa tiquina ohoriquina ijiri.

²⁵ Sa ye tiquina Nüre sinituri tja:

—¿Mähü Cristo, Elia, Cohäcjö yere yahu muhtagü usä cohterigü ijierapeguta dahsegü masare wame yeajari mähü? nidi tiquina.

²⁶ Tiquina sa nigü tuhoro yuhtiri tiquiro:

—Yähü aco mehna masare wame yeaja. Apequiro pehe mäsa masieniquiro pehe mäsa watoa iji tuhasare.

²⁷ Tiquiro pehe yähü bato ahtariquiro yähü yuhduoro tutuariquiro ijire. Quehnoa yuhduariquiro ijire. Tiquiro yero saha ijier-aja yähü pehe. Sa yegü tiquirore tuhutugü, “Ihyo ijigü ijiaja yähü”, ni tuhotuaja yähü, nidi Nü tiquinare.

²⁸ Sa ni yahuducuri tiquina, Betaniapü Jordä wame tiri ma ape sie pahrëpü, Nü masare tiquiro wame yeriropü.

Jesu Cohäcjö ohoriquiro tiquiro yaquiro cordero yero saha ijiriquiro ijire

²⁹ Ape decopü Jesu Nü cahagä cjüno tiquiro ahtagü Nü tiquirore ihñano ohö saha nidi:

—Ihñaña. Ahriquiro Cohäcjö ohoriquiro tiquiro yaquiro cordero yero saha ijiriquiro ijire. Corderore mari wejëdïro sahata masa ahriquiro gühäre wejëta. Sa yariaro ahri yehpä cjenare tiquina ñañe yerire cohänota tiquiro.

³⁰ Ahriquirotä ijire yähü ohö saha nidiquiro: “Yähü bato ahtariquiro yähü yuhduoro tutuariquiro ijire. Yähü masa bajuato pano tiquiro iji tuhasahye. Sa yero tiquiro yähü yuhduoro tutuare”, yähü nidiquiro ahriquirotä ijire.

³¹ Yähü pehe ahriquirore masiedahti. Sa masiedapeguta aco mehna wame yei ahtaü ni yähü acaye Israe masa ahriquirore tiquina masiatore, nidi Nü.

³² Sa ni tuhasa Nü yahu nemori:

—Espiritu Santo uhmüsepü bujua yero saha Cristo bui dijia ta, tiquiro bui wi-
hiducagü ihñan.

³³ Cohäcjö yuhäre tiquiro yahueragü tiquirore ne masiedaboaga yähü. Tiquiro yuhäre müsare aco mehna wame ye dutiro ohoriquiro Cohäcjö pehe ohö saha ni yahu muhta tuhasari yuhäre: “Espiritu Santo dijia

ta tiquiro bui wihiducanohriquiro tiquirotä ijiröta. Tiquiro pehe Espiritu Santore masa mehna ijiducugü yeröta”, nidi Cohäcjö yuhäre.

³⁴ Yojopü püritare tiquirore ihña tuhasau yähü. Sa ihñagü “Potöta Cohäcjö macno ijire”, ni yähü müsare, ni yahuri Nü usäre.

Jesu buheyequina tiquiro piji muhtariquina ijire

³⁵⁻³⁶ Ape decopü Nü mehna usä puana tiquiro buhena usä ducugü, Jesu usä cahapü yuhdu cäno nidi. Tiquiro sa yuhdu cägü Nü tiquirore ihñano, pari turi ohö saha nidi usäre:

—Ihñaña. Ahriquiro Cohäcjö yaquiro cordero yero saha ijiriquiro ijire, nidi Nü.

³⁷ Tiquiro sa nigü usä puana tiquiro buhena pehe tire tuhona Jesure nünü täu.

³⁸ Usä sa nünü tägü ihñano Jesu usäre majare ihña, sinituri:

—¿Yabere macana niajari mäsa? nidi tiquiro.

Tiquiro sa nigü usä gähü sinituu tiquirore:

—¿Buhegü, nohopü ijiajari mähü? ni usä tiquirore.

³⁹ —Yähü mehna ahtatjiäna ihñana taya, nidi Jesu usäre.

Tiquiro sa nigü usä pehe tiquiro ijiropü ihñana wahan. Ti pjere ñamicahapü cuatros hora ijiri. Sa yena ti decore tiquiro mehna tojoau usä.

⁴⁰ Usä puana Nüre tuhörina, Jesure nünü tärina yähü piti Andre mehna ijii. Andre pehe Simo baharo ijiri.

⁴¹ Sa yero duita tiquiro wahminore Simore maca, boca, tiquirore ohö saha ni yahuahye:

—Mesiare Cohäcjö marine yuhduo dutiro tiquiro ohoriquirore usä bocau, niahye Andre Simore. Mesia usä ye mehna nina, Cristo nina niaja.

⁴² Sa ni tuhasa tiquiro Simore Jesu cahapü neari. Tiquiro cahapü esagü ihñano Jesu pehe Simore ohö saha nidi:

—Mähü Simo wame tigu, Nü macu ijire. Yojopüre mühäre Cefa wame yeitja, nidi Jesu Simore. Cefa usä ye mehna nina, Pedro nina niaja.

Felipere, Natanae gühäre pijiahye Jesu

⁴³ Ape decopü Jesu Galilea yehpapü waha duari. Sa yero tiquiro wahato pano Felipere piti ca ohö saha nidi:

—Yähü mehna cjö ijiajari ahtaya, nidi Jesu.

⁴⁴ Felipe pehe Betsaida cjüno ijiri. Tiquiro Andre, Pedro mehna ihcä maca cjëna ijiri tiquina.

⁴⁵ Sa yero Felipe Natanaene maca, tiquirore bocaro ohö saha ni yahuri:

—Cohäcjö dutiyere Moise tiquiro ojoari pürü tiquiro yahuriquirore apeqüna

Cohācjū yere yahu mūhtariquina gūhū tiquina yahuriquirore usā bocan. Jesu Nazare cjāno, José macanota ijire, nidi tiquiro Natanaene.

⁴⁶—Nazarepūre ne ihcāquiro quehnoariquiro mariedare, nidi Natanae.

—Ihñagu taya mūhū, nidi Felipe.

⁴⁷ Sa ye Jesu cahapū tiquiro esagū ihñano Jesu pehe ohō saha nidi Natanaene:

—Ahriquiro yojopū ahtariquiro potota quehnoariquiro judio masano warota ijire. Tiquirore mehoñe ne mariedare, nidi Jesu Natanae pehere.

⁴⁸ Tiquiro sa nigū tuhoro Natanae pehe tiquirore sinituri:

—¿Duhsegu yūhūre quehnoano masiajari mūhū? nidi.

—Felipe mūhūre tiquiro pijiato pano, higueraḡu docapū mūhū ijigū ihñau yūhū mūhūre, nidi Jesu.

⁴⁹ Tiquiro sa nigū Natanae pehe ohō saha nidi tja:

—Buheḡu, potota mūhū Cohācjū macū ijire. Mūhū Israe masa usā pūhto ijiacjū ijire, nidi Natanae.

⁵⁰ Tiquiro sa nigū tuhoro ohō saha ni yūhtiri Jesu:

—Higueraḡu docapū yūhū mūhūre ihñarire masigū yūhūre “Cohācjū macū ijire”, ni wacū tutuare mūhū. ¿Tita mūhūre sa masigū yea-jari? Ahri mūhūre yūhū ihñari yūhūoro Cohācjū tutuaye mehna ye ihñogutja yūhū mūhūre. Yūhū sa ye ihñogū ihñaguta mūhū, nidi Jesu Natanae.

⁵¹ Sa ninota ohō saha ni yahu nemori:

—Potota mūhūre niita niaja. Yūhū masū Cohācjū ohoriguta ijiaja. Uhmusepū parī maagū Cohācjū tiquiro yequina angele yūhū bui tiquina dijia tagū, tiquina mājagū gūhūre ihñaguta mūhū, nidi Jesu tiquirore.

2

Caná wame tiri macapū tiquina omoca dūhteropū Jesu wahahye

¹ Ihtia deco bato Canáḡu Galilea yehparū ijiri macapū omoca dūhteri bose deco ijiri. Sa yero Jesu pacoro ti wūhūpū ijiri.

² Jesu mehna usāre tiquiro buhena gūhūre omoca dūhteropū pijiori tiquina.

³ Ti bose deco cjē vino pihtigū Jesu pacoro tiquirore yahuri:

—Yojopūre vino pihitia wahari, nidi ticoro Jesure.

⁴ Ticoro sa nigū tuhoro Jesu ohō saha nidi:

—¿Iño, dūhsego tago tire yūhūre yahua-jari mūhū? Masa yūhūre tiquina masiato dūhsarīne, nidi Jesu tiquiro pacorore.

⁵ Tiquiro sa nidi bato tiquiro pacoro pehe tiquina cahacjēnare dutiri:

—Yūhū macū tiquiro dutiro sahata yeya, nidi ticoro.

⁶ Ti pjeḡure usā acaye judio masa Cohācjū yere yeye tehe masare tiquina pagūre sa coseducu dutie tiri. Sa ye ti wūhūpūre seis suturi utā mehna tiquina yeri suturi aco pose tiye suturi ijiri. Ti suturi Cohācjū yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari.

⁷ Sa yero tiquina cahacjēnare dutiri Jesu:

—Ahri suturire acore pio sā nemoña. Quehnoano wahpo dapoya, nidi Jesu.

Tiquiro sa nigū tiquina pehe quehnoano wahpo dapo peho cāhri ti suturire.

⁸ Tiquina sa yeri bato Jesu tiquinare dutiri tja:

—Yojopūre ti acore wa ne, wūhū cjānore ohoya, nidi.

Tiquiro sa nigū tuhoye ti acore wa ne, wūhū cjānore ohori.

⁹ Tiquina sa ohogū tiquiro pehe ti acore vino wahagū yeri acore sihni tuhuri. Ti acore tiquiro dūhse yerire masiedari tiquiro. Tiquiro sa masiedapeḡuta tiquiro cahacjēna ti acore wayequina pehe masidi. Wūhū cjāno sa masiedaro omoca dūhteriquirore pijio, ohō saha ni yahuri:

¹⁰ —Apequina masa quehnoañe vinore sihō mūhtare. Masa tiquina quehnoano sihndi batopū ña cjūñe core sihōri tiquina. Mūhū pehe quehnoañe core ihbo, came cjūno ti core sihōri usāre, nidi wūhū cjāno omoca dūhteriquirore.

¹¹ Canáḡu Galileapū ijiri macapū Jesu acore vino tiquiro wahagū yero, topū Cohācjū tutuaye mehna coā ye dūcari. Sa yero apequinare tiquiro tutuayere ihñori Jesu. Tiquiro sa ihñori bato usā tiquiro buhena tiquirore wacū tutuau.

¹² Came Jesu tiquiro pacorore, tiquiro bahanare, usāre tiquiro buhena gūhūre Capernaupū siho esari. Topū esana, meheñe decorigā tojoarīi usā.

Jesu Cohācjū wūhūpūre esahye

(Mt 21.12-13; Mr 11.15-18; Lc 19.45-46)

¹³ Pascua ijigū judio masa usā bose deco ijiato mehenogā dūhsatjāri. Sa yero Jesu Jerusalēpū esari.

¹⁴ Topū esaro tiquiro Cohācjū wūhūpū sajā saro, wecūare, ovejare, bujuaare du-ayequinare boca sari. Sa yero niñerure comesayequina mesaripū dujigū tiquina gūhūre boca sari.

¹⁵ Sa boca saro yuta dari mehna tanari da ye, tiquinare ijipihtiequinare sopecahapū tana nūnū wiori. Oveja, wecūa gūhū tana nūnū wio cāri tiquiro. Sa yero niñeru comesayequina ye mesarire ne majaredoqueo, doque cū cāri. Ti niñeru cjoeri gūhūre doque site cāri.

¹⁶ Sa ye tuhasa bujuaare duayequinare ohō saha nidi:

—Musa bujuaare ne wijiaya. Yuhū Pacu ya wuhare apee boro duari wuhū yeracāhña, nidi Jesu tiquinare.

¹⁷ Tiqairo sa yegū ihñana usā tiqairo buhena pehe Cohācǵū yere tiquina ojoari pūpū tiqairo nidire wacū: “Cohācǵū, mahu ya wuhare tutuaro cahñaja. Sa cahñu ti wuhare ñano tiquina yegū ihñagu tutuaro bujua witiaya yuhū’, ni ojoahye Cohācǵū yere tiquina ojoari pūpū”, ni wacū usā Jesu buhena.

¹⁸ Jesu tiqairo sa yeri bato usā acaye judio masa puhto tiqairore sinituri:

—¿Duhsegu mahu ahriquinare Cohācǵū wuhapure ijiyequinare cohā wioari? Cohācǵū muhare tire ye dutiriquiro tiqairo ijigū Cohācǵū tutuaye mehna ye ihñofa mahu usā ihñatire, nidi tiquina Jesure.

¹⁹ Tiquina sa nigū Jesu yahrtiri:

—Ahri wuhare masa cohāgū ihtia deco wababoro tuhasautja yuhū, nidi Jesu tiquinare.

²⁰ —Ihtia deco ahri wuhare yesi mahu. Cuarenta y seis cahmari waro tiquina yeri wuhū ijire ahri wuhū, nidi tiquina pehe Jesure.

²¹ Tiqairo sa nigū tiquina tiqairore quehnoano tahoerari. Jesu “Ahri wuhare”, nino tiqairo pagure nino nidi jimedi.

²² Sa ye tiqairo yariari bato, tiqairo masa wijiari bato usā tiqairo buhena pehe tiqairo nidire wacūna, Cohācǵū yere tiquina ojoari pūre Jesu tiqairo yahuri gāhure “Ti ijirota ijire”, ni wacū usā.

Ijiphtiyequina tiquina wacūñene Jesu masine

²³ Pascua bose deco ijigū Jesu Jerusalēpū ijiri. Topū tiqairo ijigū masa peyequina Cohācǵū tutuaye mehna tiqairo ye ihñogū ihñañe tiqairore wacū tutuari.

²⁴ Tiquina sa wacū tutuepegūta Jesu masa tiquina wacūñene quehnoano masino, “Yuhare sa wacū tutuaducuenta”, ni tahotuerahye.

²⁵ Masa tiquina tahotuyere quehnoano masidi tiqairo. Sa masino masa tiquina tahotuyere apeqinane ne sinituerari.

3

Jesu Nicodemore yahuahye

¹ Ti macare Nicodemo wame tiriqairo, judio masa puhto mehna cǵano ijiri. Tiqairo fariseo masa ya curua cǵano ijiri.

² Sa yero ihcā ñami tiqairo Jesu cahapū ahta, tiqairo mehna yahuducuahye:

—Buhegu, mahu Cohācǵū buhe dutiro tiqairo ohorigu mahu ijigū usā masiaja. Cohācǵū muhare tiqairo yedohoeragū mahu pehe tiqairo tutuaye mehna ne ye ihñoedaboaga. Mahu peye tahari Cohācǵū tutuaye mehna ye ihñore, niahye Nicodemo Jesure.

³ Tiqairo sa nigū Jesu pehe yahuahye:

—Ijirota muhare niita niaja. Wahma masa bajuariqairo yero saha pari turi masa bajuariqairo dihita Cohācǵū yaqairo iji masine, niahye Jesu.

⁴ —Yohnah. ¿Bucuro pehe duhse ye pari turi masa bajuaboari tiqairo? Tiqairo pacoro niji suhtiropū majare sajā, pari turi baja masiedaboaga tiqairo, niahye Nicodemo.

Tiqairo sa nigū Jesu yahrtiahye:

⁵ —Ijirota niita niaja muhare. Wahma masa bajuariqairo yero saha aco mehna, Espiritu Santo tiqairo tutuaye mehna pari turi masa bajuariqairo dihita Cohācǵū yaqairo iji masine.

⁶ Numia niji pacosānumia ijiye, macanagāre masa bajuagū yere. Espiritu Santo pehe masare Cohācǵū pohne ijigū yere.

⁷ “Wahma masa bajuariqairo yero saha pari turi masa bajuariqairo dihita Cohācǵū yaqairo iji masine”, yuhū nigū, taho wisier-acāhña.

⁸ Espiritu Santo masare Cohācǵū pohne tiqairo yegū ti wihnono yero saha ijire. Wihnono to ahtariropū ahtare. To ahtaro ca tagū mari tahoaja. Sa tahoopenata to ahtarirore, to wahirirore ne masiedaja. Sata yere Espiritu Santo masare Cohācǵū pohne yero, niahye Jesu Nicodemore.

⁹ —Mahu niñene quehnoano masiedaga, niahye Nicodemo.

¹⁰ Tiqairo sa nigū tahoero ohō saha niahye Jesu:

—¿Mahu judio masare buhegu ijepeguta, duhsegu yuhū niñene tahoerajari?

¹¹ Ijirota niita niaja muhare. Usā masidire usā ihñarire usā yahuaaja. Usā sa yahuepegūta ne masa acaye judio masa ne taho duerare.

¹² Ahri yehpa cǵē mehna masa tiquina masa bajuari mehna masare queoye mehna yuhū buhe maharire “Ijirota ijire”, niedare masa. Sa niedana queoye mehna buhero marieno Cohācǵū yere yuhū yahugū gūhare “Ijirota ijire”, nisi masa.

¹³ Ne ihcāqairo ahmūsepū Cohācǵū cahapū wahariqairo ne pari turi tojoa tasi. Yuhū masū Cohācǵū ohorigu yuhū dihita ahmūsepū ijirigu ahri yehpapū ahtau. Sa yegū yuhū dihita Cohācǵū yere masare yahu masiaja.

¹⁴ Panopre masa marienopū Moise manano bronze wame tiri come mehna tiquina yeriquirore añare yucagū tiquina docodapū duhu yoahye. Yucagupū tiquina duhu yoriro sahata yuhare masare Cohācǵū ohorigare tiqairore tiquina yeriro sahata yuhū gūhare duhu yoeta.

¹⁵ Yuhare tiquina sa yeri bato ijiphtiyequina yuhare wacū tutuayequina ijiphtiye

decori Cohācjū mehna ijiducueta, niahye Jesu.

Cohācjū ijipihitiyequinare cahīne

¹⁶ Sa ni tuhasa ohō saha ni nemoahye:

—Cohācjū ijipihitiyequina ahri yehpa cjenare tutuaro cahīne. Sa yero yuhare tiqiuro macare ihcāta ijigare Cohācjū ohori ijipihitiyequina yuhare wacū tutuayequina pecarū tiquina “Wahaeracāhdo”, nino. Sa ye ijipihitiye decori Cohācjū mehna ijietā tiquina.

¹⁷ Cohācjū yuhare tiqiuro macare masare buhiri dahre dutiro ohoerari yuhare ahri yehparare. Sa yero masare pecarū waha-boriquinare yuhdwoacjare yuhare ohori.

¹⁸ Yuhare Cohācjū macare wacū tutuayequinare ne buhiri dahresi Cohācjū. Yuhare wacū tutuayequina pūritare Cohācjū buhiri dahre duti tuhasari. Masa yuhare Cohācjū macare ihcāta ijigare tiquina wacū tutuerari buhiri, buhiri dahrerota tiquinare.

¹⁹ Yuhā, Cohācjū macarū ahri yehparū ahtagū buhrioro quehnoano marine to ihñā masigū yero sahata Cohācjū yere quehnoano masigū yeaja. Yuhā sa masigū yegū ihñāne yuhare wacū tutuayequina yuhare cahmedare. Tiquina ñāne yeye pehere quehnoano cahmene. Tiquina sa cahmedī buhiri tiquinare buhiri dahrerota.

²⁰ Ijipihitiyequina ñāne yeyequina tiquina ñāne yeyere duhu duerare. Sa ye buhrioro to bajumehnenno sahata tiquina ñāne yerire “Bajumehnerari”, niñe, yuhare cahmedari tiquina.

²¹ Quehnoañene yeyequina pehe yuhare, yuhā buheye gūhare cahmene. Cohācjū yere tiquina yeyere yuhā quehnoano bajoro dahregū bue tierare tiquina. Sa ye yuhare buhrioro yero saha ijigare cahmene, ni yahuahye Jesu.

Pari turi Ñu wame yeriquiro Jesure yahuahye

²² Came Jesu usāre tiqiuro buhenare Judea yehparū siho wahari. Topū esaro to cjenā mehna meheñe decorigā toja, wame yeri tiquinare.

²³ Ñu gūhū masare wame yero niahye Enón wame tiri macarū. Enón Salim wame tiri macarū ijiri. Topū dia ijiri. Sa yero Ñu topū wame yero niahye masare.

²⁴ Tiquina peresu yeato pano Enóru wame yero niahye Ñu.

²⁵ Ti pjere Ñu buheyequina mehna cjenā meheñequinagā judio masno mehna wame yeyere yahuducuye niahye.

²⁶ Sa ye tiquina Ñu caharū esa, tiqiurore yahuahye:

—Buhegu, Jordā si pahrēru muhū mehna ijiriquiro “Tiquirota ijiaga”, muhū nidiqiuro

pehe yojopre masare wame yero nine. Tiquiro sa yegū ijipihitiyequina tiqiuro caharū dihita wahare, niahye tiquina Ñure.

²⁷ Tiquina sa nigū tuhoro Ñu yahtiahye:

—Tiquiro tutuariqiuro ijigū Cohācjū pehe tiqiurore sa ijigū yere.

²⁸ “Cristo ijieraja”, yuhā nigū masa tuhori. Sa ijierapeguta tiqiuro pano ohonoho muhtarigū ijiaga yuhā.

²⁹ Cristo mehna masa tiquina wahagū ihñagu tutuaro bucueaja. Ohō saha ijire ti: Omoca duhtericoro ticoro manano mehna ijiro wahare. Omoca duhtegū cohteriquiro pehe duhteatiqiuro namo tigū ihñano tiqiuro yahuducugū tuhoro tutuaro bucuere. Sa yega yuhā omoca duhtegū cohteriquiro tiqiuro bucueriro saha Cristo mehna masa tiquina wahagū ihñagu tutuaro bucueaja.

³⁰ Cristo pehere wacū tutuaro cahmene masare. Yuhā pehere wacū tutueraro cahmene masare, ni yahtiahye Ñu.

Cohācjū macano ummusepu ahtariqiuro ijire

³¹ Sa ni tuhasaro ohō saha ni nemoahye Ñu:

—Ummusepu ahtariqiuro ijipihitiyequina yuhdwooro tutuariqiuro ijire. Ahri yehparū masarina ijina ahri yehpa cjenā ijiaga mari. Sa yena ahri yehpa cjenē yahuducuaaja mari. Ummusepu ahtariqiuro pehe ijipihitiyequina yuhdwooro tutuariqiuro ijire.

³² Tiquiro ihñarire, tiqiuro tuhore tiqiuro yahure. Tiquiro sa yahuepegūta tiqiuro yahuyere masa pehe ne tūho duerare.

³³ Ummusepu ahtariqiuro tiqiuro yahuyere masa tuhoye, “Cohācjū potota nidiqiuro ijire”, niñe nine tiquina.

³⁴ Ahriqiuro Cristore Cohācjū ohoriqiurore Espiritu Santo ye tutuayere oho pehore Cohācjū. Sa yero tiqiuro Cohācjū ye yahuducuyere yahure.

³⁵ Cohācjū tiqiuro macanore tutuaro cahīne. Sa yero ijipihitiyequina pūtoro iji dutiri tiqiuro macanore. Ijipihitiye uporo iji dutire tiqiurore.

³⁶ Cohācjū macanore wacū tutuayequina pehe ijipihitiye decori Cohācjū mehna ijietā. Tiquiro macanore yuhduducayequina pehe Cohācjū caharū wahasi. Sa ye ijipihitiye decori ummusepu ijisi. Sa yero Cohācjū tiquinare tutuaro buhiri dahrerota, niahye Ñu.

4

Jesu Samaria cjenō mehna yahuducuro niahye

¹ Jesu Ñu yuhduoro peyequina buheye-quinare tiqiro cʉogü, Ñu yuhduoro masare tiqiro wame yegü fariseo masa tuhoahye.

² Tiquina sa tuhoepogüta Jesu pehe tiqiro basi masare wame yerari. Usä tiqiro buhena pehe masare wame yei.

³ Fariseo masa tiquina sa masigü tuhoro Jesu pehe Judea yehparü ijiriquiro Galilea yehparü usäre siho tojoaa wahari.

⁴ Topü wahana Samaria yehpare esa yuhdu cāna tana nii usä.

⁵ Sa yuhdu cāna Samaria yehparü ijiri macarü Sicar wame tiri macarü esau. Ti maca caharü panorü cjāno Jacob manano tiqiro macno José mananore tiqiro ohori yehpa ijiri.

⁶ Topü Jacob manano tiqiro sihnidi cope ijiri. Sa yero Jesu pehe yorarü ahtariquiro ijiri, tiqiro wahyia yuhduaro ti cope duhtü caharü nuju sari. Ti pje tiqiro nuju sari pje coheri pje waro ijiri.

⁷⁻⁸ Usä tiqiro buhena pehe macarü ihyayere usä düna wahari bato ihcāquirota tiqiro torü tojoa nuju sari. Sa yero Samaria cjōno ti copere aco waro wihigü Jesu ticorore acore siniahye:

—Acore ohoya yuhare, niahye.

⁹ —Muhü judio masa ijire. Yuhü pehe Samaria cjō ijiaja. ¿Duhsegu yuhare acore siniajari muhü? niahye ticoro Jesure.

Judio masa Samaria cjēnare ihña tuhtiyequina ijire. Sa yero ticoro sa niahye.

¹⁰ Ticoro sa nidi bato Jesu ticorore yahuahye:

—Muhare Cohäcjü tiqiro yedoho duayere masigo, muhare acore sinigare masigo, muhü yuhü pehere siniboaya. Muhü sa sinigü apeye aco pehere ohoboaya yuhü. Ti aco pehe catigü yere, niahye Jesu ticorore.

¹¹ Tiquiro sa nigü tuhoro ticoro yuhtiahye tiquireore:

—Ne muhare sutu mariedare. Sa yero ahri cope uhcāñine. ¿Sa yegu ahri catigü yeye acore nohorü wa neboagari muhü?

¹² Mari ñecu manano Jacob panorü cjāno ahri copere marine cüe tiahye. Tiquiro, tiqiro pohne, nuñequina gühü ahri acore sihnie tiahye. ¿“Apeye acore ohoboaya yuhü”, muhü nigü, Jacob yuhduoro tutuagu ijiajari muhü, sa ni tuhotugu? niahye ticoro.

¹³ Ticoro sa nigü Jesu yuhtiahye:

—Ijiphtiyequina ahri acore sihninequina, pari turi aco waoeta.

¹⁴ Yee aco pehere sihninequina ne pari turi aco waoeta. Sa ye, yee acore sihninequina Cohäcjü mehna sa ijiducueti. Ma pohterü aco to sa wijiaducuro sahata yee aco ne phtisi, niahye Jesu.

¹⁵ Tiquiro sa nigü tuhoro numino pehe ohö saha niahye:

—Ti acore ohoya yuhare pari turi yuhü aco wnoeraro quehnoano. Sa yego pari turi ne ohöpre aco wasi yuhü, niahye ticoro.

¹⁶ Ticoro sa nigü Jesu ticorore yahuahye:

—Ti pje pürita muhü mananore pijigo wahaya. Piji tuhasa ohöpre ahtaya tiqiro mehna, niahye Jesu ticorore.

¹⁷⁻¹⁸ —Manü mariego ijiaja yuhü, niahye ticoro.

—Ijirota nimene muhü. Ihcā omope tahari manü ti tuhasamedi muhü. Sa yero yojopure muhü mehna ijiriquiro muhü manano ijierare. Sa ye “Manü mariego ijiaja”, nigo potota nimene muhü, niahye Jesu ticorore.

¹⁹ Tiquiro sa nigü tuhoro ohö saha niahye ticoro:

—Äa, Cohäcjü yere yahu muhtagu ijire muhü, yuhü tuhotugü.

²⁰ Usä ñecusumna iji turiayequina mana ahdu cunrü Cohäcjüre ño peoe tiahye. Sa yena masa pehe judio masa “Jerusalēru Cohäcjüre ño peoro cahmene masore”, nie tiri masa judio masa, niahye ticoro.

Ticoro sa nigü Jesu yuhtiahye:

²¹ —Numio, yuhü pehere tuhorñña. Camerü ahdu cunrü, Jerusalēru gühare mari Pacure ño peosi masa.

²² Musa pehe masa ño peoriquirore masiedare. Masare yuhduoatiqiro judio masnota ijire. Sa yena usä judio masa pehe usä ño peoriquirore masiaja.

²³ Yojopure, camerü gühare Cohäcjüre potota ño peoyequina tiquina quehnoano tuhotuye mehna tiquireore ño peoeta. Sa mari ño peogü cahmene Cohäcjü.

²⁴ Cohäcjüre, pagü marieniquiro tiqiro ijigü masa tiquireore ihñedare. Sa ye tiquireore ño peoye, tiquina quehnoano tuhotuye mehna tiquireore quehnoano potota ño peoro cahmene masare, niahye Jesu.

²⁵ Tiquiro sa nigüta ticoro yuhtiahye:

—Mesia, “Cristo” tiquina nidiquiro pehe masare yuhduoatiqiro tiqiro ahtatire masiaja yuhü. Tiquiro ahtaro marine ijiphtiyere buhe peho cānota, niahye ticoro.

²⁶ —Yuhata ijiaja Cristo, niahye Jesu ticorore.

²⁷ Tiquiro sa nigü waro wihii usä. Sa yena usä tiqiro buhena pehe Jesu numino mehna tiqiro yahuducugü ihñana, ihña maria wahau. Sa ihña mariepenata, “¿Duhse cahmeajari muhü? ¿Duhse niari muhü ticorore?” ni sinituerü tiquireore.

²⁸ Sa yero numino ticoro ya suture duhu dapo cā, macarü wahaa wahari. Topü esaro masare yahuro, ohö saha niahye:

²⁹ —Yuhü yerire yahu pehoriquirore ihñana ahtaya masa. Tiquiro potota Cristo ijiboaga, ape taha yero, niahye ticoro.

³⁰ Ticoro sa nigü tuhoye ti maca cjēna pehe Jesure ihñañe ahtari.

³¹ Ti pjere usã Jesu buhena pehe tiqiurore tutuaro ihya dutimi:

—Buhegu, ihyaya, nimi usã.

³² —Sijoro ijiye ihyayere cõoaja yuhu. Tire musa masiedare, nidi tiqiuro.

³³ Tiquiro sa nigã tãhona usã basi ohõ saha ni yahuducuu:

—¿Apequina tiqiurore ihyaye oho tuhasa-yari? nii usã basi.

Usã sa nigã Jesu yahuri:

³⁴ —Masa pehe ihya coare. Yuhare ohoriqiuro tiqiuro cahmeñe pehere ye coaja yuhu pehe.

³⁵ “Pititia asũ duhsare mari dũca duha neato”, wese uparo tiqiuro nidiro saha musa pehe ni tãhotueracãhña. “Cohãcjũ yere usã yahuato duhsarĩne”, ni tãhotueracãhña. Ijirota niita niaja musare. Yojoapu pũritare masare ihñaña. Ducare neni pje to ijiro sahata, yojoapu pũrita masa yuhu buheyere tiquina tãhoati pje ijiro nine.

³⁶ Oteye ducare neñequinare tiquina wapa yeriro sahata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yuhu. Tiquina sa buhegã tãhoye yuhu buheyere tãhoyequina yeequina pehe Cohãcjũ mehna ijiphtiyẽ decori ijiducuetã. Sa ye tiquinare buhe mãhtañequina, came yeequina wahagũ yeequina gãhu ihcãno saha bucueducuetã.

³⁷ “Ihcãquiuro ote mãhtariqiuro ijire. Apequiuro pehe ducare neniqiuro ijire”, nie tiahyẽ panopũ. Ti ijirota ijire. Tiquina sa nidiro sahata ihquẽquina yeere yahu mãhtañequina ijire. Apequina pehe yeere buheye, yeequina wahagũ yere.

³⁸ Wese uparo yequina dahra cohteyequina oterariquina tiquina ijiepegũ tiqiuro oteye ducare tiquinare ne dutiro ohore. Sa masare buhe mãhtaedarina musa ijiepegũta yeequina wahatiquinare buhe dutigũ ohoaja musare. Apequina pehe tiquinare buhe mãhta tuhasari. Tiquina buheriquinapare pari turi buhe nemona, yeequina wahagũ yenata musa pehe. Sa ye buhe mãhtañequina pehe tiquina yedohoro mehna apequinare yeequina wahagũ yenata musa, nidi Jesu.

³⁹ Ti pjere Samaria cõõno “Yuhu yerire tiqiuro yahu pehori”, ticoro sa nigã tãhoye Samaria cõõna peyequina Jesure cahmeahye.

⁴⁰ Sa ye Samaria cõõna Jesu cahapu esaye, “Usã mehna tojoarĩña”, nidi tiqiurore. Tiquina sa nigũ usã gãhu tiqiuro mehna pua deco tojoarĩ.

⁴¹ Apequina gãhu peyequina Jesure tãhoye, cahmedi tiqiurore.

⁴² Ohõ saha nidi masa numinore:

—Coã waropare mũhu yahurire tãhona, Jesure cahmeĩ. Yojoapu pũritare tiqiuro

yahuducuyere tãhona tiqiurore cahmeaja. Sa yena tiqiuro pehere tãhona ahri yehpa cõõnare pecapu wahaboriquinare yãhdõriqiuro potota tiqiuro ijigũ yojoapu usã masiaja, nidi masa Samaria cõõnore.

Pũhoro macõnore dohatiriquiurore yãhdõoahye Jesu

⁴³ Pua deco bato Jesu usãre Galilea yehapu siho wahari.

⁴⁴ Coã waropare ohõ saha nie tiri tiqiuro: “Cohãcjũ yere yahu mãhtariqiurore tiqiuro ya yehpa cõõna tiqiurore ño peerare. Sa ye yuhare ño peerare ohõ cõõna ohõpu yuhu bucsarigu ijigũ”, nie tiri Jesu.

⁴⁵ Sa ye Galileapu tiqiuro esagũ to cõõna tiqiurore quehnoano piti cari. To pano Jerusalẽpu bõse deco Jesu tiqiuro yerire ihñariquina ijiri tiquina.

⁴⁶ Sa ye Canãpu Galileapu ijiri macapu acore tiqiuro ãhse co bajumehnedi macapu wahaũ usã tiqiuro mehna. Canã cahapu ijiri macapu Capernau wame tiri macapu pũhoro macõno dohatiro niahye.

⁴⁷ Sa yero Jesu Judeapu ijiriqiuro tiqiuro Galileapu esagũ pũhoro tãhoahye. Tire tãhoro Jesu cahapu wihiri:

—Yuhu macu yariaro nidi. Sa ye tiqiurore yãhdõõgu ahtaya, ni tutuaro mehna pijiri tiqiurore.

⁴⁸ Tiquiro sa nigũ tãhoro Jesu yũhtiri:

—Cohãcjũ tutuaye mehna yuhu yegũ ihñedana, ne yuhare wacũ tutuerare musa, nidi Jesu tiqiurore.

⁴⁹ Tiquiro sa nigũ pũhoro pehe ohõ saha nidi:

—Pũhto, yuhu macu tiqiuro yariato pano ahtaya, nidi tiqiuro Jesure.

⁵⁰ —Tojoahya. Mũhu macu catiaga, nidi Jesu.

Tiquiro sa nigũ tãhoro, “Tiquiro nidiro sahata catirotã yuhu macu”, nino, pũhoro tojoaa wahari.

⁵¹ Sa tojoaducuriqiurore tiqiuro cahãcjẽna tiqiurore piti ca, yahuahye:

—Mũhu macu catiri, ni yahuahye tiquina tiqiurore.

⁵² —¿Noho asũ ijigũ yãhdõari yuhu macu? ni sinituahye tiqiuro cahãcjẽnare.

—Canure coheri pje batogã ujuaye sururi tiqiurore, niahye tiquina.

⁵³ Tiquina sa nigũ tãhoro ohõ saha ni tãhotuahye tiqiuro: “Jesu yuhare tiqiuro sa ni yahuri pjeta ujuaye suruaya”, ni tãhotuahye pũhoro pehe. “Poto ninota ni-aya yuhare”, nino, tiqiuro ijiphtiyequina tiqiuro acaye mehna Jesure wacũ tutuahye.

⁵⁴ Jesu Judea yehapu ijiriqiuro Galilea yehapu tiqiuro esari bato pũhoro macõnore tiqiuro yãhdõõre mari queogũ pua taha Cohãcjũ tutuaye mehna ye ihõ tuhasari Jesu.

5

Tini masieniquiروه yuhduoahye Jesu

¹ Came judio masa Cohăcjure usă űo peori bose deco ijigă Jesu Jerusalêpu esari tja.

² Topu oveja wame tiri sopecaha cahapu cuhsari cope ijiri. Usă judio masa ye mehna niűe Betzata wame tiri cope ijiri. Ti cope cahapu ihcă omope tihamehnefe tucuri ijiri.

³ Ti tucuripu peyequina dohatieyquina cuűari. Caperi bajueyequina, pari yuri wahayequina, tini masieűequina tiquina ti cope cahapu ijiri. [Topu ijiye aco űuhmi maanore cohtey nidi.

⁴ Topu buharo ti cope cje acore ihquē tahari űuhmigă ye mahajhe angel. Ti cope cje aco űuhmidi bato űa mio mahariquiro pehe dahse ijiyere dohatiyere caoriquiro quehnoa wahahye.]

⁵ Sa yero tore treinta y ocho cahmari waro dohatiriquiro ijiri.

⁶ Topu tiquiro cuűagă ihűano tiquiro sa yoari pje dohatiriquiro ijigă masidi Jesu tiquirore. Sa masino tiquirore sinituri:

—¿Pagu dohatiyeh mariegu iji duajari mahu? nidi Jesu.

⁷ Tiquiro sa nigăta dohatiriquiro yahuri:

—Ti aco űuhmigă yahure aco ijiri copepu neaboriquiro mariedare. Ti copepu yuhu űa mio duepegăta apequina pehe yuhu pano sa űa mio mahdaducure, nidi tiquiro Jesure.

⁸ —Wahcădăcaya. Măhu cuűari cahserore ne căhűa, nidi Jesu tiquirore.

⁹ Tiquiro sa nigăta dohatiriquiro pehe tiquiro cuűari cahserore ne, tini ducari. Ti deco saurű judio masa usă sori deco ijiri.

¹⁰ Ti decore Jesu sa yegă ihűaűe judio masa usă păhtoa pehe dohatimediquirore ohō saha ni yahuahye:

—Miare saurű deco mari sori deco ijiepegăta măhu cuűari cahserore neare măhu. Sa yegu mari dutiyere yuhduăcagu nine măhu, niahye tiquina tiquirore.

¹¹ —Yahure yuhu dohatiyere cohăriquiro pehe ohō saha nidi yahure: “Măhu cuűari cahserore ne căhűa”, nidi tiquiro yahure, ni yahuhahye dohatimediquiro.

¹² —¿Tire măhure sa nidiquiro pehe noa boro ijiri tiquiro? ni sinituahye tiquina.

¹³ Topu masa peyequina tiquina ijigă ihűano Jesu pehe waha tuhasari. Sa yero dohatimediquiro pehe tiquirore yuhduoriquiro wamene masiedahye.

¹⁴ Came Cohăcjură wahăpu Jesu tiquirore piti ca yahuri:

—Tăhorűa măhu yahure. Yojoűare quehnoano pagu tire măhu. űaűene ye nemoădacăhűa. Pari turi űaűene ye nemoă măhu dohatiriro yuhduoro wahagăta măhu, nidi Jesu tiquirore.

¹⁵ Tiquiro sa nidi bato dohatimediquiro pehe usă judio masa păhtoa tiquirore

sinituriquina cahapu esaro yahuahye tiquinare:

—Jesu wame tiriquiro yahure yuhduăgă yeri, ni yahuahye tiquiro.

¹⁶ Sa ye saurű ijigă dohatiriquirore tiquiro dohatiyere Jesu cohăgă masieűe, judio masa usă păhtoa pehe tiquirore űano ye ducari.

¹⁷ Sa űano tiquirore tiquina ye duagă masino Jesu pehe yahuri tiquinare:

—Yuhu Pacu yojoűare dăhrarűo nine. Yuhu găhu dăhrarűi niaja, ni yahuri tiquirore űano ye duayequinare.

¹⁸ Tiquiro sa nigă judio masa usă păhtoa pehe tiquiro mehna tutuaro usuaye, to pano tiquina nidiro yuhduoro tiquirore wejê duari. Saurű decore tiquina sori decore ihcăquiro dohatiriquirore tiquiro yuhduogă ihűaűe tiquina usuari. Sa usuaye tiquiro Cohăcjure “Yuhu Pacu”, nigă tăhoye, tiquina pehe to pano tiquina nidiro yuhduoro usua nemoahye tja. “ ‘Yuhu Pacu’, nino Jesu tiquiro basi ‘Cohăcjură mehna ihcăno saha ijiaja’, ni wacăga tiquiro”, ni tăhoturi judio masa usă păhtoa.

Jesu Cohăcjură ohoriquiro ijire

¹⁹ Sa ye Jesu tiquinare yahuari:

—Ijirota niita niaja măsare. Yuhu Cohăcjură macu, yuhu esa tuharo yeraja. Yuhu Pacu tiquiro yerire ihűagă, tire yeaja.

²⁰ Yuhu Pacu yahure tiquiro macure căhűe. Sa yero tiquiro yerire yahure ihűo pehore. Ahri yojoűu tiquiro tutuaye mehna yuhu yeri yuhduoro tiquiro apeyere ye dutirota yahure. Tiquiro sa ye dutigă tiquiro tutuaye mehna ye ihűoutja yuhu. Sa yena ihűa maria wahanata masa.

²¹ Yuhu Pacu yariariquinare tiquiro masoriro sahata yuhu găhu yuhu căhmeűequinare masoutja.

²²⁻²³ Ne yuhu Pacu pehe masa tiquina űaűe buhirire buhiri dăhreriquiro ijierare. Yuhu pehere tire tiquina űaűe buhirire buhiri dăhreactjere curi yuhu Pacu. Ijipihtiyequina masa tiquirore tiquina űo peoriro sahata yuhu găhure tiquina űo peotire buhiri dăhreactjere curi yahure. Yahure tiquiro macure űo peorana yuhu Pacu găhure űo peoerare masa. Tiquiro ijire yahure ohoriquiro, nidi Jesu.

²⁴ Sa ni tuhasa ohō saha ni yahu nemori:

—Ijirota niita niaja măsare. Yuhu yahuducuyere tăhoyequina, yahure ohoriquirore wacă tutuayequina ijipihtiye decori ahmăseűe sa ijiducuetă. Sa yegu tiquinare buhiri dăhresi yuhu. Sa ye tiquina pecapu wahaboriquina yuhdueta.

²⁵ Ijirota niita niaja măsare. Pecapu wahatiquina yahure Cohăcjură macure tiquina tăhoati pje yojoűu ijire. Cămepu găhure yahure tiquina tăhoeta tja. Sa tăhoye tăho

nanañequina pehe Cohācjū mehna sa ijiducuetā.

²⁶ Cohācjū yūhu Pacu pehe sa ijiducugū yeriquiro ijire. Sa yero yūhare tiquiro macare sa ijiducugū yecjū iji dutiri tiquiro yūhare.

²⁷ Sa yegu yūhu masu Cohācjū tiquiro ohorigu yūhu ijigū tiquiro masare buhiri dahreacjare cūri yūhare.

²⁸ Ahrire tuhona, tuho mariedacāhña masa. Ape decopure ijiphtiyequina yariariquina masa coperipu ijiyequina yūhu yahuducugū tuhoeta.

²⁹ Sa tuhoye, quehnoañene yeriquina ijiphtiyē decori Cohācjū mehna ijiatiquina masa mjaeta. Ñañene yeriquina pehe ñañene tiquina yeri buhiri pecapu wahaeta, ni yahuri Jesu.

³⁰ Sa ni tuhasa ohō saha ni yahu nemori:

—Yūhu esa tuharo ne yeraja. Ne yūhu basi yūhu cahmeno ye dueraja. Yūhare ohoriquiro tiquiro dutiriro sahata ye duaja. Sa yegu tiquiro nidiro sahata buhiri dahreaja. Sa yegu yūhu masare buhiri dahregu queoro yeaja.

³¹ “Yūhu tutuagu ijiaja”, yūhu ni yahugū “Mūhu yahuye ne potō ijierare”, ni masiboaga masa.

³² Apequiro ijire yūhare yahuriquiro. Tiquiro Ñu pehe masare yahure yūhare. Masare yūhare tiquiro yahuri ijirota ijire. Tire yūhu quehnoano masiaja.

³³ Masa apequina pehere Ñupure yūhare sinitu dutina ohori. Sa yero potota yahure tiquiro masare.

³⁴ “Cohācjū macano ijire ahriquiro”, yūhare ni yahuatiquinare macaedaja. Sa macaedapegūta Ñu masano tiquiro ijiepegūta yūhare “Cohācjū macano ijire”, tiquiro ni yahurire yahugu niaja. Masa yūhare wacū tutuatire, masa pecapu wahaborina masa yūhduatire yūhare Ñu tiquiro yahurire yahugu niaja.

³⁵ Sihāria meheñe decorigā ihña masigū yero sahata Ñu masare buhe mahtano mehenogā tiquiro catiro puno masare masigū yeri. Tiquiro sa buhegū tuhona meheñe decorigā bucueri masa.

³⁶ Yūhu ijiye tiyere tiquiro sa buhepegūta Cohācjū pehe yūhu ijiyere quehnoano yahure. Tiquiro sa yahugū Ñu yūhu ijiyere tiquiro yahuye yūhduoro ijire Cohācjū ye yahuye. Sa yegu Cohācjū tiquiro tutuaye mehna yūhare tiquiro ye dutirire yojopu yei niaja. Ahrire yūhu yegū ihñana potota Cohācjū ohorigu yūhu ijiyere masine masa.

³⁷ Sa yero yūhu Pacu yūhare ohoriquiro tiquiro basi “Tiquiro yūhu ohoriquiro ijire”, ni yahure masare. Tiquiro sa ni yahuepegūta tiquiro yahuducuyere ne

tūhoerari masa. Sa yena masa tiquirore ne masiedari.

³⁸ Yūhare Cohācjū ohorigure masa ne tuho duerari. Sa yena masa Cohācjū yere ne cahmedari.

³⁹ Cohācjū yere tiquina ojoari pūre masa buhena, “Mari ahri pūre buhena ijiphtiyē decori Cohācjū mehna sa ijiducunata”, nine masa. Ti pūta yūhare yahure.

⁴⁰ Ti pū yūhare ti yahuepegūta masa pehe yūhare cahmedare. Ijiphtiyē decori Cohācjū mehna masa sa ijiducuatire yūhare sini duerare masa, ni yahuri Jesu.

⁴¹ Sa ni tuhasa ohō saha ni nemori:

—Yūhare masa ño peoeragū ihñagu usueraja yūhu pehe.

⁴² Masa pehe Cohācjūre masa cahñedagū masiaja yūhu.

⁴³ Cohācjū yūhu Pacu tiquiro yūhare dutiriro sahata yūhu ahtaepēgūta masa yūhare cahmedari. Apequiro pehere Cohācjū ohoriquiro tiquiro ijiepegūta tiquiro pehere cahmenata masa.

⁴⁴ Apequina masa masare tiquina ño peogū cahmene masa. Cohācjū masa mehna tiquiro bucuegū cahmedare masa. Tiquiro dihita Cohācjū waro ijire. Sa cahmedana yūhu gūhare tuhoerare masa. Yūhare wacū tutuerare.

⁴⁵ Masare yūhu Pacure ne yahusāsi yūhu. Tire masiña masa. Moise tiquiro ojoari pū pehe masare yahusānota. “Ti pū cje dutiyere mari ye pehona, Cohācjū cahapu wahanata”, masa nidi pū pehe masare yahusānota.

⁴⁶ Moise tiquiro ojoari pūpu yūhu pehere yahuahye. Sa yena ti pūre “Ijirota ijire”, nina, yūhu yahuye gūhare “Ijirota ijire”, niboaya masa.

⁴⁷ Moise tiquiro ojoari pūre “Ijirota ijire”, niedana, yūhu yahuducuye gūhare “Ijirota ijire”, nisi masa, nidi Jesu tiquinare.

6

Cinco mil masare ihyayere ohoahye Jesu (Mt 14.13-21; Mr 6.30-44; Lc 9.10-17)

¹ Sa tiquiro buheri bato Galilea wame tiri ditara ape sie pahrēpu usā Jesu mehna pehāa wahañ. Ti ditara pajiri ditara Tiberia wame tiri.

² To pano Galilea yehpapu Jesu dohatiyequinare tiquina dohatiyere tiquiro cohāgū masa ihñae tiri. Tiquina sa ihñari bato Jesu pehāgū ihñañe masa peyequina tiquirore nana tā cāri.

³ Topu esana usā tiquiro buhena pehe tiquiro mehna canapu mja sa, tu buipū dujii.

⁴ Ti deco pascua wame tiri bose deco ijimoto judio masa usā ya bose deco mehenogā dahsari.

⁵⁻⁶ Topu dujiro, Jesu peyequina masa tiqairo cahapu tiquina ahtagu ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatire nohopu dúnatari mari? nidi Felipere.

Jesu tiqairo basi tiqairo yeatire masieperota Felipere sinituri, “¿Dahse yahtirota?” nino.

⁷ Tiquiro sa sinitugū tuhoro Felipe yahtiri: —Doscientos niñeru cjoeri pose ihyayere mari duepegūta masare dayegā ihyayere mari itiepegūta ne esa tuhasi, nidi Felipe Jesure.

⁸ Usā mehna cjāno Andre, Simo Pedro bahuro pehe Jesure yahuri:

⁹ —Ihcā omope pā pacare, puaro wahire nijino ohō cūore. To punogāta tiqairo cūorepegūta masa pehe peyequina waro ijire. Sa yero ahri mehenogā ihyaye ne esa tuhasi, nidi Andre.

¹⁰ —Masare duji dutiya mūsa, nidi Jesu usāre tiqairo buhenare.

Topu taa dayegā ijiro ijiri. Usā duji dutigū masa nuju sa pihtiari taa buiru. Umua dihitare mari queogū cinco mil ijiri.

¹¹ Tiquina sa nuju sagū ihñano Jesu pehe pāre ne, Cohācjūre “Quehnoare” nidi. Sa ni tuhasarota usāre tiqairo buhenare iti dutiri. Tiquiro sa dutigū usā pehe dujiyequinare iti cāu. Puaro wahi gūhare iti cāu. Ijiphtiyequinare quehnoano tiquina esa tuharo ihyayere tiquinare itii.

¹² Sa ye masa pehe yapia wahari. Tiquina sa yapigū ihñano Jesu usāre nidi:

—Tiquina ihya dūhareire quehnoano ne peho cāhña. Sa yena tiquina ihya dūhareire ne bosī, nidi.

¹³ Tiquiro sa nigū usā pehe ihcā omope pā paca dūhsarire usā ne cahmecoagū doce puhuse waro wijiari.

¹⁴ Sa ye masa ti bajumehnenore Jesu tiqairo yegū ihñañe, ohō saha nidi:

—Ijirota ijire. Ahriqiro Cohācjū yere yahu mūhtariqiro ahri yehpapu ahtariqiro mari cohteriqirota ijire, nidi tiquina.

¹⁵ Tiquina Jesure tiquina puhtoro ijia-tiqairo ñehe sō duamedī. Jesu tire masino pari turi ihcāqirota cūñapu waha wahari.

Jesu aco bui tiniahye

(Mt 14.22-27; Mr 6.45-52)

¹⁶ Namicahapu usā tiqairo buhena ditarapu buhau.

¹⁷ Topure buha sa, yucasapu sajā, Caperna wame tiri macapu pehāu. Usā pehāri pje ñamiru ijiri. Sa yero Jesu usā cahapu ahtaeranidi.

¹⁸ Wihnono tutuaro wēgū, pajiri ma pahcōri wahcāri.

¹⁹ Ihcā omope kilómetro esaboro waro usā esagū waro Jesu usā cahapu wihiri. Aco

bui tiqairo ahtagū ihñau usā. Sa usā cahapu tiqairo ahtagū ihñana usā cuei.

²⁰ Sa usā cuegū ihñano tiqairo usāre yahuri:

—Ne yūhare ihña cueracāhña. Yūhuta iji-aja, nidi Jesu.

²¹ Tiquiro sa nigū tuhona usā bucueye mehna tiqairore piti ca sajā dutii. Tiquiro sajāri batogāta usā wahari yehpapure pehā sa tuhasau.

Masa pehe Jesure macahye

²² Ti ñamine masa topu tojoariquina pehe ihcāriata usā pehātiare ihñahye. Tia mehna usā pehāgū ihñari tiquina. Jesu usā mehna tiqairo wahaeragū gūhare ihñari tiquina. Sa ye ape decore tiqairore cohteye nimahye.

²³ Tiberia wame tiri macapu ahtaye, Jesu Cohācjūre “Quehnoare”, tiqairo niđiro cahagā cjūnopu, masare tiqairo ihyaye itiriwo caha cjūnopu wahā sahye tiquina yucasā mehna.

²⁴ Sa ye ape deco usā Jesu mehna ijirore usā mariedagū ihñañe, masa yucasapu sajā, Capernaupu usāre nunu tā pehā sari. Jesure maca saye nidi tiquina.

Jesu catiyere oho, ihyaye yero saha ijiriquiro ijire

²⁵ Ditarapu pehā, Jesure boca saye, masa sinituri tiqairore:

—¿Buhegu, dahse ijigū ahtari mūhu ohōpūre? ni sinituri tiquina.

²⁶ Tiquina sa sinitugū Jesu tiquinare yahuri:

—Ijirota niita niaja mū sare. Bajumehnedire yūhu yepegūta yūhu pehere wacū tutuerare mūsa. Yūhare wacū tutuerapenata yūhare macare mūsa. Yūhu mehna bujūye ihyana, mūsa yapirina yūhare maca cāhtari tja.

²⁷ Ihyaye ne sa ijiducuerare. Camerpu pih-tia wahare. Sa yena tire wacūducueracāhña. Apeye ihyaye sijoro saha ijie ihyaye pehere macañā mūsa. Ti ihyayere bocana ijiphtiye decori Cohācjū mehna ijinata. Sa ye ti ihyaye pūrita ne pihtierare. Ti ihyayere yūhu masu Cohācjū ohorigu mū sare ohoutja. Cohācjū yūhu Pacu yūhare tire ohō dutiriqiro ijire. Cohācjū tiqairo ohorigu yūhu ijyere ihño tuhasari mū sare, nidi Jesu.

²⁸ Tiquiro sa nigū tiquina sinituri tiqairore:

—¿Cohācjū tiqairo ye dutyere yena tana dahse yenatari usā? ni sinituri tiquina.

²⁹ —Ahrire Cohācjū mū sare ye dutire: “Yūhu ohorigurore wacū tutuaya”, nino mū sare ye dutire Cohācjū, nidi Jesu.

³⁰ Tiquiro sa nigū tuhoye tiquina ohō saha nidi tja:

—Cohācjū ohorigu ijigu tiqairo tutuaye mehna ye ihñoña usāre mūhare usā

quehnoano wacū tutuatire. ¿Yabe borore yeitjari mahu?

³¹ Mari ñecusumaa manapu panopu cjeña masa marienopu maná wame tiye pacare ihaye tiahye. Cohācjū yere tiquina ojoari pūpu ohō saha ni yahuahye: “Tiquiro tiquinare ahmuse cjē ihyayere ohoe tiahye tiquina ihyatire”, ni ojoahye Cohācjū yere tiquina ojoari pūpu. ¿Tiquiro sa yeriro sahata yeitjari mahu gūhu? nidi tiquina.

³² Tiquina sa nigū Jesu yahuri tiquinare: —Ijirota niaja musare. Moise ahmuse cjē ihyayere ohoerari musare. Yuhu Pacu pehe ahmuse cjē ihyaye potota ijiyere musare ohoriqairo ijire.

³³ Cohācjū ye ihyaye ahmusepu dijia taye, ijiptihiri yehpa cjenare catiyere oho masine, nidi Jesu tiquinare.

³⁴ —Puhto, decorepe ti ihyayere ohoya usāre, nidi tiquina.

³⁵ Tiquina sa nigū tuhoro Jesu yahuri tiquinare:

—Yuhu pehe catiyere oho, ihyaye yero saha ijigū ijiaja. Mari ye ihyayere mari ihyari batota duita uña ahbaa wahaja mari tja. Sihniñe gūhure mari sihniñi batota aco woa wahaja tja. Sa ijipegūta yuhare cahmediquiro, yuhare wacū tutuariquiro uña ahbaerariquiro yero saha tiquiro bucueye tiquirore pihitisi.

³⁶ Musa pehe yuhare ihñaepenata yuhare wacū tutueranine. Tireta musare yahue timi yuhu.

³⁷ Ijiptihiyequina yeequina ijatiquinare yuhare yuhu Pacu tiquiro cūriquina pehe yuhare cahmeeta. Sa ye yuhare cahmeñequinare ne cohāsi yuhu.

³⁸ Ahmusepu ahtagu yuhu cahmeno yei ahtagu niedu yuhu. Yuhare ohoriquiro tiquiro cahmediro sahata yei ahtagu ni yuhu.

³⁹ Ahrita ijire yuhare ohoriquiro tiquiro cahmeñe waro: Ijiptihiyequina yeequina yuhare tiquiro ohoriquinare yuhu boeragū cahmene yuhare ohoriquiro pihitiri deco ijigū tiquina masa mejatire.

⁴⁰ Ijiptihiyequina yuhare Cohācjū macare ihñañequina, yuhare wacū tutuayequina ijiptihiyequina deco tiquiro mehna tiquina ijigū cahmene yuhu Pacu. Sa yegu pihitiri decopu tiquinare masoutja, nidi Jesu.

⁴¹ “Yuhu ahmusepu ahtaye ihyaye yero saha ijigū ijiaja”, tiquiro nigū tuhoye judio masa usā puhto pehe tiquiro mehna usua, tiquina basi Jesure ñano ni yahuducuri.

⁴² —¿Ahriquiro Jesu José macano ijierajari? Tiquiro pacuro, pacoro gūhure mari masija. Sa yero mari yero saha pagu tiriquirota ijire. ¿Sa ijiuperota dūhsero “Ahmusepu ahtau”, niajari tiquiro? ni usuari tiquina.

Tiquina sa nigū tuhoro Jesu yahuri tiquinare:

⁴³ —Musa yuhare ñano ni yahuducueracāhña.

⁴⁴ Yuhu Pacu yuhare ohoriquiro pehe masare yuhu pehere cahmegū yere. Tiquiro sa yeragū masa pehe yeequina iji masied- aboaya. Pihitiri deco ijigū yeequinare masoutja yuhu.

⁴⁵ Cohācjū yere yahu mūhtariquina pehe ohō saha ni ojoahye: “Cohācjū tiquinare buherota”, ni ojoahye Cohācjū yere yahu mūhtariquinapu. Ijiptihiyequina yuhu Pacu ye buheyere tuhoyequina, tiquirore yuhtiyequina yuhare cahmene. Sa yeye yeequina ijire.

⁴⁶ Yuhu Pacu ne ihcāquiro masano ihñedare. Yuhu Cohācjū ohorigu dihita yuhu Pacu ihñau.

⁴⁷ Ijirota niaja musare. Yuhare wacū tutuariquiro ijiptihiyequina deco yuhu Pacu mehna sa ijiducurota.

⁴⁸ Yuhu catiyere oho, ihyaye yero saha ijigū ijiaja.

⁴⁹ Musa ñecusumaa muna iji turiayequina masa marienopu manāre ihyae tiahye. Sa tire ihyaepeta yariaa wahae tiahye.

⁵⁰ Ahmusepu ahtari ihyayere yuhu niñe ihyayere masano ihyaro, ne pecapu wahasi.

⁵¹ Yuhu ahmusepu ahtari ihyaye catiyere oho, ihyaye yero saha ijigū ijiaja yuhu. Ahri ihyayere ihyariquiro ijiptihiyequina deco yuhu Pacu mehna sa ijiducurota. Ahri ihyaye catigū yere. Ahri ihyaye yero saha ijiye yuhu pagata ijire. Ijiptihiri yehpa cjeña Cohācjū mehna tiquina sa ijiducuatire yuhu pagare ohogutja. Sa ohogu yariagutja, nidi Jesu.

⁵² Tiquiro sa nigū tuhoye usā acaye judio masa pehe tire ohō saha ni yahuducuri tiquina basi:

—¿Ahriquiro dūhse ye tiquiro pagare ihyatre ohorotari? nidi tiquina basi.

⁵³ Tiquina sa nigū tuhoro Jesu yahuri:

—Ijirota niaja musare. Yuhu masu Cohācjū ohorigu ijiaja. Yuhu pagare ihyeriquiro, yuhu diire sihniñequiro ahmusepu wahasi.

⁵⁴ Sa yuhu pagare ihyariquirore, yuhu diire sihniñequirore pihitiri deco ijigū masoutja. Sa yero ahmusepu sa ijiducurota tiquiro.

⁵⁵ Yuhu pagu potota ihyaye waro yero saha ijire. Yuhu dii potota sihniñe yero saha ijire.

⁵⁶ Yuhu pagare ihyariquiro yuhu diire sihniñequiro yuhu mehna bucueye mehna ijiducurota. Sa yegu yuhu gūhu tiquiro mehna bucueye mehna ijiducuaja.

⁵⁷ Yuhu Pacu yuhare ohoriquiro sa ijiducure. Sa ijiducuro, yuhu gūhure sa ijiducugū yere. Sa yeye yuhare sa ijiducugare masa ihyaye, Cohācjū mehna ahmusepu sa ijiducueti tiquina gūhu.

⁵⁸ Ahri tjire ahmusepu ahtari ihyaye. Mari ñecusumaa muna iji turiayequina tiquina

ihyari yero saha ijierare ahri ihyaye. Tiquina pehe ti ihyayer ihyaepeta yaria pihitia wahae tiahye. Ahri ihyaye pehere ihyariquiroyo ahmusep̄ sa ijiducurota, nidi Jesu.

⁵⁹ Capernaup̄ judio masa usā buheri wāhup̄ Jesu buhero, sata ni yahuri.

Jesu ye buheyere tuhona ahmusep̄ sa ijiducunata mari

⁶⁰ Peyequina Jesure cahmeñequina tiquiroyo sa ni buheyere tuhoye, ohō saha ni yahuducuri:

—Ahri buheye tutuaro mijore. Sa yena mari tuhō duera cjuaja, ni yahuducuri tiquina basi.

⁶¹ Tiquina sa nigū Jesu pehe tiquina yahuducurire masidi. Sa masino tiquiroyo sinituri tiquinare:

—¿Ahri buheyere tuhona usuajari masa?

⁶² ¿Yuhū masū Cohācjū ohorigū ahmusep̄ yuhū tojoaa wahagū ihñana dūhse ni tuhotonatari masa? ¿To gūhure usuanatari masa?

⁶³ Masūno tiquiroyo jeripohnare suorō catire. Tiquiroyo pagū pehe tiquiroyo catigū yerare. Masūno tiquiroyo jeripohna tiquiroyo catigū yero saha yuhū buheye pehe masare Cohācjū mehna sa ijiducugū yere.

⁶⁴ Apequina masa mehna cjēna ne yuhūre wacū tutuerare, nidi Jesu.

Coā warop̄are Jesu tiquiroyo wacū tutueyequinare masidi. Sa yero tiquiroyo ihñā tuhtiequinare ihñōatiquiroyo gūhure masi tuhasari. Sa tiquiroyo wacū tutueyequinare masino “Apequina masa mehna cjēna yuhūre wacū tutuerare”, nidi Jesu.

⁶⁵ Sa ni tuhasa ohō saha ni nemori:

—Ohō saha ni yahumi masare: “Yuhū Pacu masare yuhū pehere cahmegū yere. Tiquiroyo sa yeragū masa pehe yeequina iji masied-aboaya”, masare nie timi, nidi Jesu.

⁶⁶ Tiquiroyo sa ni buhegū tuhoye peyequina Jesure cahmemediquina tiquiroyo cohā, tiquiroyo mehna pari turi wahaerari.

⁶⁷ Tiquina sa yegū ihñano Jesu usāre doce tiquiroyo buhenare sinituri:

—¿Masa gūhū yuhūre cohānatjari? ni sinituri usāre.

⁶⁸ Tiquiroyo sa nigū Simo Pedro yuhtiri tiquiroyo:

—Pūhto, usāre apequiroyo buheriquiroyo mariedere. Mūhū ye buheyere tuhona Cohācjū mehna sa ijiducunata usā. Mūhū ye buheye dihita tire yahure usāre.

⁶⁹ Sa yena usā mūhūre wacū tutuaja. Sa yena mūhū quehnoagu, Cohācjū macū tiquiroyo ohorigū mūhū ijigū usā masiaja. Sa yena mūhūre cohāsi usā, nidi Simo Pedro Jesure.

⁷⁰ Tiquiroyo sa nigū tuhoro Jesu yahuri usāre:

—Yuhū pehe masare doce besei. Sa ijiepegūta ihcāquiroyo masa mehna cjāno watīno yaquiroyo ijiatiquiroyo ijire, nidi usāre tiquiroyo buhenare.

⁷¹ Sa nino Judare Simo Iscariote macanore nino nidi. Juda pehe doce usā mehna cjāno Jesure ihñā tuhtiequinare ihñōatiquiroyo ijiri.

7

Jesu acaye tiquiroyo “Cohācjū macūno ijire”, ni, ne masiedahye

¹ Came Jesu Galilea yehpapū tinno wahari. Judea yehpapū judio masa tiquiroyo wejē duari. Tiquina sa wejē duagū masino tiquiroyo ti yehpapū wahaerari.

² Judio masa daye wūhusegā usā yeati bose deco mehenogā dūhsatjāri.

³ Sa ye Jesu bahana tiquiroyo yahuri:

—Judeapū wahaya. Topū mūhū yequinare mūhū bajumehneñene ihñogū wahaya mūhū.

⁴ Masare mūhū bajumehneñene ihñō duagu ne nūosi mūhū. Ye ihñōno cahmene. Potota ahri bajumehneñene ye masigū ijigū tire masare ihñōña, nimesi tiquina.

⁵ Tiquiroyo bahana ijiepetā Jesure “Cohācjū macūno ijire”, niedari. Sa yeye sa nidi tiquina tiquiroyo.

⁶ Tiquina sa nidi bato Jesu yahuri tiquinare:

—Masa yuhūre tiquina quehnoano masiati pje dūhsarīne. Masa ihñā duana bose deco ijigū waha masine.

⁷ Ahri yehpa cjēna masa pehere ihñā tuhtierare. Tiquina ñañe yerire yuhū yahugū tiquina yuhū pehere ihñā tuhtire.

⁸ Bose deco ijigū wahaya masa sehsharo. Yuhū pehere yuhū wahati pje dūhsarīne. Sa yegū yuhū pehe bose decore mianogāre ihñān wahaarīsi, nidi Jesu tiquinare.

⁹ Sa nino tiquiroyo Galileapū tojoari.

Jesu daye wūhusegā tiquina yeri bose deco ijigū wahahye

¹⁰ Bose decopū Jesu bahana tiquina wahari bato Jesu gūhū tiquina bato wahari. Sa waharo masa tiquina ihñeno watoa wahari.

¹¹ Bose deco ijieyequina judio masa usā pūhto tiquiroyo macari:

—¿Nohopū ijiagari tiquiroyo? ni sinituahye tiquina.

¹² Sa ye masa gūhū Jesure peyequina yahu wajahye. Apequina “Tiquiroyo quehnoariquiroyo ijire”, niahye. Apequina “Tiquiroyo ñariquiroyo ijire. Masare mehoriquiroyo ijire”, ni yahu wajahye tiquina.

¹³ Sa niepetā judio masa usā pūhtoare cūeye masa tiquina ihñenopū Jesure yahu wajahye.

¹⁴ Bose decori deco mehna dūhsagū Cohācjū wūhūpū Jesu sa jā saro, buheri.

¹⁵ Tiqiro sa buhegū usā acaye judio masa tuho maria waha, ohō saha nidi:

—¿Ahriqiro buheropū buhemehnediqiro ijieperota dūhsero quehnoano masi pehoajari? nidi tiquina basi tiqirore.

¹⁶ Tiquina sa nigū Jesu yahuri tiquinare:

—Yūhū buheri yee yahuducuye ijierare. Yūhūre ohoriqiro ye yahuducuye pehe ijire ahri buheye.

¹⁷ Cohācjū cahmeñene ye duayequina yūhū buheye pehere Cohācjū ye yahuducuye ti ijigū masieta. Yūhū esa tuharo yūhū buheragū gūhūre masieta tiquina.

¹⁸ Ihcāqiro tiqiro esa tuharo tiqiro masiñe mehna buhero “Yūhū dihitare ño peoya”, nino nine tiqiro. Sa ijiepegūta yūhūre ohoriqiro pehere mūsa ño peogū cahmeaja yūhū pehe. Yūhū sa nigū tuhona “Potota ni yahuducure tiqiro. Ne mehoedare”, ni masinata mūsa.

¹⁹ Cohācjū dutiyere Moise manano pehe cūahye masare. Tiqiro sa cūepēgūta mūsa ijipihitina ti dutiye pehere ne yūhtierari. ¿Dūhsena yūhūre wejē duajari mūsa? nidi Jesu usā acaye judio masare.

²⁰ —Tuho masiedare mūhū. Wafñore cūore mūhū. Mūhūre wejē duayequina mariedare, ni yūhtiri tiquina Jesure.

Tiquina sa nigū Jesu yūhtiri:

²¹ —Mari judio masa mari sori deco saurū ijigū ihcā tahata Cohācjū tutuaye mehna dohatiriquiro tiqiro dohatiyere yūhū cohāgū mūsa ihña maria wahari.

²² Mari ñecusumūa mūna panopū cjēna pehe tiquina pagure cūhñucunū sohtoa cahserogāre yūhūre neñequina tiquina yeriro sahata Moise yūhūre ne dutiahye. Potota Moise pehe ti dutirore cūedahye. Mari ñecusumūa mūna iji turiaquina pehe tire cū, yahu turiahye. Tiqiro sa dutigū saurū sori deco ijiepegūta masanore tiqiro cūhñucunū sohtoa cahserogāre yūhūre nene mūsa.

²³ Saurū ijigū masanore tiqiro cūhñucunū sohtoa cahserogāre yūhūre nene mūsa, Moise dutiyere yena tana. ¿Mūsa gūhū saurū decore tire yepenata ti decopū dohatiriquirore yūhū yūhūdogū dūhsena yūhū mehna usuajari mūsa?

²⁴ Yūhū yerire mūsa quehnoano masiedapenata, yūhūre ñano tuhotueracāhña. Mūsa quehnoano masidi bato yūhūre mūsa tuhotugū potota ijirota. Yūhū yerire masina, queoro masiña mūsa, nidi Jesu.

Jesu coā waropū tiqiro ahtarirore yahuahye

²⁵ Tiqiro sa ni yahuri bato meheñequinagū Jerusalē cjēna tiqirore ohō saha ni yahu wajari:

—¿Ahriqiro judio masa pūhtoa tiquina wejē duariquiro ijierajari?

²⁶ Sa yero tiqirore tiquina wejē duepegūta ijipihitiquina ihñono masare buhero nine tiqiro. Sa ye tiqirore wejē duayequina ijiepetata sa ihña cāre. ¿“Tiqiro potota Cristo ijire”, ni, tuhotuagari pūhtoa pehe?

²⁷ Sa ijiepegūta ahriqiro Jesu tiqiro ahtarirore mari masiaja. Cristo pehe masare yūhūoatiqiro tiqiro ahtagū tiqiro ahtariro pehere masimehnedare. Sa yero masare yūhūoatiqiro Cristo waro ijierare Jesu, ni yahu wajari tiquina Jerusalē cjēna.

²⁸ Tiquina sa niñene masino, Jesu ohō saha ni tutuaro sañuducu buheri Cohācjū wūhūpū:

—Yūhūre ohō saha ni tuhoture mūsa: “Tiqirore masiaja. Sa yena tiqiro ahtariro gūhūre masiaja”, ni tuhotumene mūsa. Mūsa sa ni tuhotuepenata yūhūre ohoriqirore ne masiedare mūsa. Yūhūre ohoriqirore poto niniquiro, poto yeriquiro ijire. Tiqirore ne masiedare mūsa.

²⁹ Tiqirota yūhūre ohori. Sa yegu tiqiro cahapūta ahtau. Sa yegu yūhū pehe tiqirore masiaja, nidi Jesu judio masare.

³⁰ Tiqiro sa nigū tuhoye tiqirore ñehe duamedī. Tiquina sa ñehe duepegūta Jesu tiqiro ñano yūhūuati pje dūhsarīdi. Sa ye tiquina tiqirore ñehe masiedari.

³¹ Apequina masa pehe peyequina tiqirore wacū tutuaye, ohō saha nidi:

—“Cristo peye tahari Cohācjū tutuaye mehna ye ihñonota”, panopū tiquina ni yahu muhtariro sahata ahriqiro Jesu pehe peye tahari Cohācjū tutuaye mehna ye ihñore. Ijipihitiquina apequina yūhūooro Cohācjū tutuaye mehna ye ihñore tiqiro. Sa yero Cristo Cohācjū ohoriqirota ijire ahriqiro Jesu, nidi Jesure wacū tutua dūcayequina.

Fariseo masa Jesure peresu ye dutiahye

³² Masa Jesure tiquina sa ni yahuducugū tuhoahye fariseo masa. Sa ye tiquina, pahia pūhtoa mehna Jesure ñehe dutiye ohoahye surarare, Cohācjū wūhūre cohteyequinare.

³³ Sa yero Jesu judio masare ohō saha nidi:

—Meheñe decorigā mūsa mehna ijiniitja. Sa yegu mehenogā bato yūhūre ohoriqiro cahapū wahautja.

³⁴ Yūhū ijiatore mūsa waha masiedare. Sa yena yūhūre macapenata ne bocasi mūsa, nidi Jesu judio masare.

³⁵ Tiqiro sa nigū tuhoye tiquina basi ohō saha ni yahuducuri:

—¿Ahriqiro sa nino nohopū waharotari, mūsa tuhotugū? ¿Griego masa cahapū judio masa waha siteriquina tiquina

ijije macaripũ griego masapũre buhero wahaboagari ahriquiuro?

³⁶ ¿“Yũhu ijiatore masa waha masiedare. Sa yena masa yũhũre macaepenata ne bocasi”, tiquiuro nigũ dahse nino boro ahriquiuro sa nijari? ni yahuducuri judio masa tiquina basi.

Catigũ yeye mĩrine yahuahye Jesu

³⁷ Bose deco bato tiri deco ti deco waro ijiro nidi. Ti decore Jesu topũ ducuro, tutuaro mehna sañuducu yahuri:

—Aco wũoyequina acore tiquina tutuaro cahmeno saha ijipihitiye decori Cohãcjũ mehna masa ijiatire tutuaro cahmena yahure siniña. Masa sa sinigũ tiquiuro yequina musare iji dutiitja.

³⁸ Yũhũre wacũ tutuayequinare ohõ saha ni ojoahye Cohãcjũ yere tiquina ojoari pũpũ: “Mĩri pohteripũ catigũ yeye aco sa wijiaducuro sahata catigũ yeriquiuro tiquina mehna sa ijiaducurota”, ni ojoahye Cohãcjũ yere tiquina ojoari pũpũ, ni yahuri Jesu judio masare.

³⁹ Sa catigũ yeriquiurore wame peo yahuro “Yũhũre wacũ tutuayequina Espĩritu Santore cœoeta”, nino nidi Jesu. Tiquiuro uhmũsepũ tiquiuro mĩjaedarĩgũ Espĩritu Santo pehe wihieraniahye.

Judio masa tu wahye pũa curua

⁴⁰ Jesu tiquiuro sa nigũ tũhoye, masa peyequina ohõ saha ni yahuducuri:

—Ahriquiuro potota Cohãcjũ yere yahu mũhtariquiuro mari cohteriquiuro ijire, nidi masa.

⁴¹ Ohõ saha nidi apequina gũhu:

—Ahriquiuro Cristo marine yũhdũoatiquiuro ijire, nidi.

Apequina pehe ohõ saha nidi:

—Cristo ahtarõ, Galilea yehpa cjãno ijisi tiquiuro. Ahriquiuro Jesu pehe to cjãnota ijire.

⁴² Cristo Davi mũnãno panamino ape tjuro cjãno ijiatiquiuro ijirota. Sa yero Davi ya maca ijiriropũ Belẽpũ Cristo masa bajuarota. Ohõ saha ni yahure Cohãcjũ yere tiquina ojoari pũpũ. Ahriquiuro Jesu pehe Belẽpũ masa bajuerahye. Sa yero tiquiuro Cohãcjũ ohoriquiuro Cristo waro ijierare, nidi tiquina.

⁴³ Sa ye Jesure tũhomediquina pũa curua tu wari tiquina basi.

⁴⁴ Meheñequinagã masa pehe Jesure ñehe duamedĩ. Sa ñehe duepeta tiquiurore ñehedari.

Judio masa pũtoã Jesure ne wacũ tutuerahye

⁴⁵ Sa ye surara pahia pũtoã cahapũ fariseo masa cahapũ tojoã wahahye. Tiquina tojoã sagũ ihñãñe tiquina surarare sinituahye:

—¿Dũhsena Jesure ñehedari masa? ni sinituahye tiquina pehe.

⁴⁶ —Tiquiuro quehnoã yũhdũaro yahuducuriquiuro ijiri. Apequina tiquiuro yero saha yahuducuyequina ne mariedare, ni yũhtiahye surara tiquinare.

⁴⁷ Tiquina sa nigũ fariseo masa pehe ohõ saha ni yahuahye:

—¿Musare tiquiuro mehogũ “Potota nino niagã”, nijari masa gũhu?

⁴⁸ Mari pũtoã Jesure wacũ tutueyequina ijije ne tiquiurore cahmedare. Usã gũhu sa ijina tiquiurore cahmedaja.

⁴⁹ Ahriquina masa pehe Cohãcjũ dutiyere Moiserẽ tiquiuro cũrĩre masiedare. (Sa masieñequina ijije Jesure wacũ tutuayequina ijije, tiquiurore cahmene.) Tiquina sa cahmedi buhiri tiquinare mari Pacũ buhiri dahrerota, niahye fariseo masa.

⁵⁰ Fariseo masuno Nicodemo Jesure yahuducuro esariquiuro topũ ijiyahye tiquina mehna. Tiquina sa nigũ tũhoro ohõ saha niahye tiquiuro tiquinare:

⁵¹ —Jesu ñãno yerire masiedaja mari. Sa masiedana marine tiquiuro yahuatõ pano tiquiurore buhiri dahre masiedaja mari. Sa masiedapenata tiquiurore buhiri dahrena, mari ye dutiyere yũhdũducana nijã mari, niahye Nicodemo tiquinare.

⁵² Tiquiuro sa nigũ tũhoye ohõ saha ni yũhtiahye tiquina:

—¿Mũhu gũhu tiquiuro yero saha Galilea cjãta ijiajari? Cohãcjũ yere tiquina ojoari pũre buhe pehoya. Sa buhegũ “Cohãcjũ yere yahu mũhtariquina ne ihcãquiuro mariedare Galileare”, ni buhe masiita mũhu. (Sa yero sa ni maca cãno nine Jesu,) ni yũhtiahye tiquina Nicodemo.

[

⁵³ Tiquina sa nidi bato tiquina ye wũhũsepũ tojoã wahahye.

8

Emũno mehna ñãno yerikorore judio masa pũtoã wacũeno mehna esa pjeahye

¹ Jesu canapũ Olivo wame tidapũ wahari.

² Sa yero bohrearo Cohãcjũ wũhũpũ tiquiuro esari tja. Tiquiuro esagũ ihñãñe masa peyequina tiquiuro cahapũ cahmecoari. Tiquina sa cahmecoagũ ihñãno tiquiuro pehe duijtĩãno tiquinare buhe ñucari.

³ Tiquiuro sa buheri watoã usã acaye judio masa buheyequina, fariseo masa mehna ti wũhũpũ numinore ne cãhtari. Ticoro emũno mehna ñãno yegũ waro wacũeno mehna esa pjeahye tiquina ticorore. Sa esa pjeje ticorore Cohãcjũ wũhũpũ ne sajãri tiquina. Ne sajã sa tuhasa ijipihitiyequina ihñãno ticorore duhu docoye ohõ saha nidi:

⁴ —Buhegu, ahricoro umano mehna ñano ticoro yegū waro wacūeno mehna ticorore esa pjei.

⁵ Cohācjū dutiyere Moise mananopu marine tiquiro cūri ohō saha nine: “Umāno mehna ñano yericorore utā paca mehna doque wejēña”, niahye Cohācjū dutiye. ĶMuhū waro dūhse ni tūhotuajari ahrire? ni sinituri tiquina Jesure.

⁶ Jesu ñano nigū tūho duaye nimesi tiquina tiquirore yahusāñe tehe. Tiquina sa sinituepegāta Jesu muhri quehe, yehpapu tiquiro omo piria mehna ojoari.

⁷ Sa tiquina ni sinituducugū Jesu pehe wahcā nuju sa, tiquinare yahuri:

—Musa mehna cjāno ñano yerariquiro ticorore utā mehna doque māhtaahdo, nidi Jesu.

⁸ Sa ni tuhasa pari turi muhri quehe, yehpapu ojoari tja.

⁹ Tire tūhoye tiquina ñañe yerire wacūñe, tiquina wahmisūma pehe wijia muhtari. Tiquina bato tiriquina mehna cjēna gūhū wijia pihtia wahari. Sa yero numino topu ducuricoro Jesu mehna tojoari.

¹⁰ Sa yero Jesu wahcā nuju sa ticorore sinituri:

—ĶNohopu wahajari tiquina? ĶMuhūre buhiri dahre duamediquina mariedajari yojopare? nidi ticorore.

¹¹ —Mariedare puhto, ni yuhtiri ticoro.

—Yuhū gūhū buhiri dahreraja mūhare. Wahaya. Sa yego ñañene ye nemoedacāhña, nidi Jesu ticorore.]

Buhrioro marine ihña masigū yero saha Jesu ahri yehpa cjēnare mari Pacure masigū yere

¹² Pari turi Jesu ti wūhūpu ijiyequinare yahuri:

—Buhrioro marine to ihña masigū yero sahata yuhū ahri yehpa cjēnare Cohācjūre masigū yeaja. Yuhūre wacū tutuariquiro ijiptiye decori Cohācjū mehna sa ijiducurota. Sa yero tiquiro quehnoañene wacūnota. Sa yero tiquiro ñañene wacū duerare, ni yahuri Jesu.

¹³ Tiquiro sa nigū tiquirore fariseo masa ohō saha nidi:

—Muhū basi mūhū ijiye tiyere sa ni yahuducugū nine. Sa ye mūhū ohō saha ni mūhū esa tuharo mūhū ni yahuducu maca quehe ne dūhseati ijierare, nidi tiquina Jesure.

Tiquina sa nigū Jesu yuhtiri:

¹⁴ —Yuhū ahtarirore masiaja yuhū. Yuhū wahato gūhūre masiaja yuhū. Mūsa ne tire masiedare. Mūsa ohō saha niepegāta yuhū ijiye tiyere mū sare yuhū yahuri poto tjire.

¹⁵ Mūsa esa tuharo mūsa ihñari dihitare masine mūsa. Sa yena quehnoano masiedare mūsa. Sa masiedapenata yuhūre

ñano ni yahuducure mūsa. Yuhū pehe yuhū esa tuharo masare ne sa niedaja.

¹⁶ Sa yegu masa tiquina ijiye tiyere ihña masigū yuhū esa tuharo ihña masiedaja. Yuhū pūrita yuhūre ohoriquiro mehna ihña masiaja. Sa yegu masa tiquina ijiye tiyere yuhū ihña masiñe poto tjire.

¹⁷ Mū sare dutiye tiquina ojoari pū ohō saha ni yahure. “Pūaro masa ihcāno saha tiquina yahugū ohō saha tiquina yahuyere poto tjire”, ni yahu ojoari jiri.

¹⁸ Yuhūre yahuriquiro mehna usā puana tjiaja. Yuhū ijiye tiyere yahuaja yuhū. Sa yero yuhū Pacu gūhū yahure yuhū pehere. Tiquiro tjire yuhūre ohoriquiro, nidi Jesu.

¹⁹ —ĶNohopu ijiagari mūhū pacu? ni sinituri tiquina.

—Yuhūre mūsa masiedare. Yuhū Pacu gūhūre masiedare mūsa. Yuhūre masina, yuhū Pacu gūhūre masiboaga mūsa, ni yuhtiri Jesu tiquinare.

²⁰ Jesu tiquinare buhero sa ni yahuducuri Cohācjū wūhūpu tiquina niñero sāñe acari cahapu. Tiquiro ñano yuhūati pje ijieranidi. Sa ye tiquina mehna tiquiro ijipegāta tiquina tiquirore ñehedari.

—Yuhū wahatopure mūsa pehe waha masisi, niahye Jesu

²¹ Pari turi Jesu tiquinare yahuri tja:

—Yuhū ahtariropu wahantja. Yuhū wahari bato mūsa yuhūre macanata. Sa yena mūsa ñañe buhiri tiye mehna yarianata. Yuhū wahatopure mūsa pehe waha masisi, ni yahuri Jesu.

²² —“Yuhū wahatopure mūsa pehe waha masisi”, tiquiro nigū tūhoye, “ĶAhriquiro tiquiro basi wejē yariarotari, sa nino?” nidi usā acaye judio masa tiquina basi.

²³ Tiquina basi sa nigū Jesu yahuri tiquinare:

—Mūsa pehe ahri yehpa cjāna ijire. Yuhū pehe ūhmūse cjū ijiaja. Ahri yehpapu bājuarina ijire mūsa pehe. ūhmūsepu ahtarigu ijiaja yuhū pehe.

²⁴ Mūsa yuhū ijiye tiyere yuhū nidire “Poto ijierare”, nina, mūsa ñañe buhiri tiye mehna yarianata mūsa. Sa yegu “Mūsa ñañe buhiri tiye mehna yarianata mūsa”, nimi mū sare, nidi Jesu tiquinare.

²⁵ —ĶNoa boro ijiajari mūhū? ni sinituri tiquina.

—Coā waropure yuhū niducuriro sahata ijiaja yuhū.

²⁶ Mū sare yuhū yahuati pajiro dūhsarīne. Sa yero mūsa ñano yeri buhirire mū sare yuhū yahuati pajiro dūhsarīne. Sa yegu yuhūre ohoriquiro tiquiro yahurire ahri yehpa cjēnare yahuaja. Tiquiro yahuri poto tjire, nidi Jesu tiquinare.

²⁷ “Yuhare ohoriquiro”, tiquiro nigū tuhoye, “Mari Pacu ijijaga”, ni tuhotuenerari tiquina.

²⁸ Tiquina sa ni tuhotueneragū ihñano Jesu yahuri tiquinare.

—Yuhare masare Cohācjū ohorigure masa yuca teō mehna wahcō doconata. Masa sa yena, “Tiquiro Cohācjū ohoriquiro tjire”, ni masinata masa yuhare. Sa yena yahu esa tuhoro yahu yerarigū ijigū masinata masa. Sa yena yahu Pacu yuhare tiquiro buheri dihitare yahurigū yahu ijigū gāhare masinata masa.

²⁹ Sa yero yuhare ohoriquiro pehe yahu mehna ijire. Tiquiro cahmeñene ijipihtiyey decori yeducuaja. Sa yero yuhare tiquiro ne cohāedare, nidi Jesu.

³⁰ Tiquiro sa nigū tuhoye, tiquirore masa peyequina wacū tutuari.

Cohācjū pohmene, ñañe yeyequina gāhare yahuahye Jesu

³¹ Sa ye apequina judio masa Jesure wacū tutuari. Sa yero Jesu tiquinare yahuri:

—Yuhū dutiyere ye pehona, potota yahu buhena ijire masa.

³² Sa yena poto masinata masa. Poto ijiyere masina, ñañe yeyere duhu masinata. Sa yena cahacjēna yero saha iji nemosi masa, nidi Jesu tiquinare.

³³ Tiquiro sa nigū tuhoye ohō saha ni yuhtiri tiquina:

—Usā pehe panopu cjāno Abrahā mūnano panamena iji turiana ijijaja. Sa yena ne apequina tiquina cahacjēna ijieraja usā. ¿Sa yegu “Cahacjēna yero saha iji nemosi”, nigū, dahse ijiro boro usāre sa niajari mahu? ni sinituri tiquina Jesure.

³⁴ Tiquina sa nigū tuhoro ohō saha nidi tiquiro:

—Ijirota niaja masare. Ijipihtiyequina ñañene yeyequina pehe tiquina ñañene ye duhu masiedare. Sa yero ñañe pehe tiquina puhtoro yero saha ijire. Sa ijiyequina ijie cahacjēna yero saha ijire tiquina.

³⁵ Cahacjāno pehe tiquiro puhtoro ya curua cjāno ijipihtiyey decori ijiducuerare. Ti wahu cjāno macano pehe ijipihtiyey decori potota ti curua cjāno ijire tiquiro. (Yahu pehe Cohācjū macu ijijaja. Sa yegu dutigū ijijaja. Masa ñañe yeyere duhu dutitja.)

³⁶ Sa yena yahu Cohācjū macu ñañene yahu duhugū yenhurina ijina potota ñañene duhurina ijire masa.

³⁷ Abrahā mūnano panamena iji turiana masa ijigū masiaja. Sa ijiepenata yahu yahuyey pehere tuho duerare masa. Sa yena yuhare wejē duare masa.

³⁸ Yuhū Pacu yuhare tiquiro masigū yerire yahuaja masare. Yuhū sa yahupegūta masa pacu watino masare tiquiro dutiyere yere masa gāhu, nidi Jesu tiquinare.

³⁹ —Abrahā mūnano panopu cjāno usā ñecu mūnano ijie tiahye. Sa yero watino usā pacu ijierare, ni yuhtiri tiquina.

Tiquina sa nigū Jesu yuhtiri:

—Abrahā panamena iji turiana ijina, tiquiro yeriro sahata yeboaga masa.

⁴⁰ Cohācjū yuhare poto tiquiro yahuyere masare yahu yahuepegūta yuhare wejē duare masa. Abrahā mūnano pehe ne sa yera tiahye.

⁴¹ Masa pacu tiquiro yeriro sahata yere masa, nidi Jesu tiquinare.

Tiquiro sa nigū tiquina yuhtiri:

—Omoca duhtemehnequina pohna ijieraja usā. Ihcāquirota ijire usā Pacu. Tiquirota ijire Cohācjū, nidi tiquina.

⁴² Tiquina sa nigū Jesu yuhtiri:

—Cohācjū mehna cjū ijigū, ohōpūre ahtau. Sa yena Cohācjū masa Pacu tiquiro ijigū yuhare cahiboya masa. Yuhū esa tuhoro ahtaeru yuhū pūrita. Cohācjū tiquiro ohogū ahtau ohōpūre.

⁴³ ¿Dahsena yahu yahuducuyere tuhoerajari masa? Yuhū yahuyere tuho duerare masa. Sa yena tuhoerare masa.

⁴⁴ Masa pacu pehe watino ijire. Sa yena watino cahmeñe pehere ye duare masa. Ahri yehpa coā waropu to iji ducagapū, yojopū gāhare tiquiro masare wejēdiquiro ijire. Tiquirore poto yahuducuyey mariedare. Sa yero tiquiro ne poto yahuducuerare. Tiquiro coā waropure ni meho muhta ducariquiro ijie tiahye. Sa yero tiquiro sa ni mehoducuriquiro ijiro, ni mehoñene yahure.

⁴⁵ Yuhū pehe masare poto yahuaja. Sa yuhū yahuepegūta yuhare tuhoerare masa.

⁴⁶ “Mahu ñano yegu ijire”, yuhare ni masiedare masa. ¿Poto masare yuhū yahuepegūta dahsena tuhoerajari masa?

⁴⁷ Cohācjū pohne pehe tiquiro yahuducuyere tuhore. Tiquiro pohne ijierana, tiquiro yahuducuyere tuho duerare masa, nidi Jesu tiquinare.

Abrahā tiquiro ijimoto pano Cristo pehe iji tuhasae tiahye

⁴⁸ Tiquiro sa nigū tuhoye judio masa tiquirore ohō saha nidi:

—“Mahu Samaria cjū ijire. Sa yegu watinore cuore mahu”, usā nidi poto tjire, nidi tiquina Jesure.

⁴⁹ Tiquina sa nigū tuhoro ohō saha ni yuhtiri Jesu:

—Watinore cuoeraja yuhū. Yuhū Pacure ño peoaja. Masa pehe yuhare ño peoerare.

⁵⁰ Yuhare masa tiquina ño peogū cahmedaja yuhū. Yuhū Pacu pehe yuhare ño peogū cahmene masare. Tiquiro pūrita yuhū ijie tiyere quehnoano ihña masino, sata ño peo dutire. Sa yero yuhare tiquina

cahmedari buhiri, buhiri dahreatiquiro ijjirota tiqiuero.

⁵¹ Ijjirota niaja masare. Yuhū dutiyere yeriquiro ijjiptiye decori Cohācjū mehna sa ijjiducurota, nidi Jesu.

⁵² Tiquiro sa nigū tuhoye ohō saha nidi tiquina:

—Yojopu pūritare wafinore cuogu muhu ijigū usā quehnoano masiaja. Abrahā manano yariaa wahahye. Cohācjū yere yahu mahtariquina gūhu yaria pihtia wahahye. ¿Sa yegu “Yuhū dutiyere yeriquiro ijjiptiye decori Cohācjū mehna sa ijjiducurota”, nigū dahse nigū sa niajari muhu?

⁵³ ¿Usā ñecu manano Abrahā yuhduoro tutuajari muhu? Tiquiro, Cohācjū yere yahu mahtariquina gūhu yariaa wahahye. ¿Muhu pehe noa boro ijjajari muhu, sa ni yahuducugu? Muhu sa nibogu ijjerare, nidi tiquina.

⁵⁴ Tiquina sa nigū tuhoro Jesu yahu nemori:

—Yuhū basi “Tutuagu ijiaja yuhū”, yuhū nigū, tutuagu ijjeraboaga yuhū. Yuhū Pacu pehe “Tiquiro tutuariquiro ijire”, nine yuhure. “Usā Pacu”, musa nidiquiro pehe yuhū Pacu tjire.

⁵⁵ Musa pehe yuhū Pacure ne masiedare. Yuhū pehe tiquirore masiaja. “Tiquirore masiedaja”, nigū musa yero saha ni mehoñe peyagu ijiboaga yuhū. Potota tiquirore masiaja. Sa yegu tiquiro dutiyere yeaja.

⁵⁶ Ahri yehpapu yuhū ahtatore mari ñecu Abrahā manano masie tiahye. Sa masino tiquiro bucuete tiahye, nidi Jesu.

Tiquiro sa nigū tiquina yahtiri:

⁵⁷ —Cincuenta cahmari cuoeraga muhu. Abrahā manano panopu cjäno ijiri. ¿Yojopure tiquiro mananore muhu dahse masiboagari? nidi judio masa Jesure.

⁵⁸ —Ijjirota niaja masare. Abrahā tiquiro ijjato pano yuhū pehe iji mahta tuhasae tii, nidi Jesu tiquinare.

⁵⁹ Tiquiro sa nigū tuhoye tiquina pehe utā pacare ne, tiquirore doque duamedii. Tiquina sa doque duepegāta Jesu pehe Cohācjū wuhupū ijiriquiro duhti wijiaa wahari.

9

Caperi bajueriquirore ihñagū yeahye Jesu

¹ Sa yena Jesu usā tiquiro buhena mehna mahapu wahana, apequirore caperi bajueriquirore boca san. Tiquiro wahma masa bajuaroputa caperi bajueriquirore ijie tiahye.

² Usā gūhu tiquirore ihñana, sinituu Jesure:

—¿Buhegu, ahriquiro dahsero caperi bajueriquirore masa bajuayari? ¿Ñañene yeyari tiquiro sa waharo? ¿O tiquiro pacasumua

pehe ñañene yeyari tiquiro sa wahagū? ni sinituu usā pehe Jesure.

³ Usā sa nigū tuhoro ohō saha ni yahtiri tiquiro:

—Ahriquiro ñañene yeri buhiri caperi bajueriquirore wahaerari. Tiquiro pacasumua gūhu ñañene tiquina yeri buhiri caperi bajueriquirore wahaerari. Cohācjū tiquirore caperi bajueragū yeri tiquirore ihñagū yero taro, masare tiquiro ihñoaatre.

⁴ Yuhure ohoriquiro tiquiro cūrire yojopure yero cahmene marine. Namipu mari dahra masieno sahata cemperu yuhure ohoriquiro tiquiro cūrire ye masiedaja mari.

⁵ Ahri yehpapu buhrioro marine to ihña masigū yero saha ijigū ahri yehpa cjenare Cohācjū yere masigū yeaja yuhū, nidi Jesu.

⁶ Sa ni tuhasarota yehpapu sihco puti cūri. Tiquiro sa sihco puti cūrire dihta mehna dahra more, caperi bajueriquirore tiquiro caperire wisōri.

⁷ Sa wisōno ohō saha nidi Jesu:

—Siloé wame tiri copepu cuhsari copepu muhu caperire cosegu wahaya, nidi Jesu.

Siloé usā ye mehna niñe “Ohorí cope”, niñe nidi.

Jesu tiquiro caperire cose dutiriquiro pehe waha, cose, caperi ihñariquirope tojoa wihiri.

⁸ Tiquiro tojoa wihigū tiquiro cahapu ijieyquina tiquirore ihñari. To pano niñeru sinimediquiro tiquiro ijigū ihñariquina tiquirore ohō saha nidi tiquina basi:

—¿Ahriquiro sohō ijiriquiro niñeru sinidiquiro ijjerajari? nidi tiquina.

⁹ —Tiquirota ijire, nidi apequina pehe.

—Tiquiro ijjerare. Tiquiro saha bajueriquirore ijire, nidi apequina pehe.

Tiquina sa nigū tuhoro caperi bajueramediquirore pehe ohō saha nidi:

—Tiquiro tjiaja yuhū, nidi tiquinare.

¹⁰ Tiquiro sa nigū masa tiquirore sinituri.

—¿Caperi bajuegu ijirigu dahse waha ihñari muhu? ni sinituri tiquina tiquirore.

¹¹ —Jesu wame tiriquiro sihco co mehna dihta mehna dahra more, yuhū caperire wisōri. Yuhure wisō tuhasa “Siloé wame tiri copepu muhu caperire cosegu wahaya”, tiquiro nigū cosegu esau yuhū. Yuhū sa coseri bato yuhū caperi quehnoano bajuri yuhure, ni, yahuri tiquiro masare.

¹² —¿Muhure sa yeriquiro nohopū ijjagari tiquiro? nidi tiquina.

—Ōbah. Noho ijiro ijjaga, nidi tiquiro.

Caperi bajueramediquirore fariseo masa sinituahye

¹³ Sa ni yahuducu tuhasa tiquina caperi bajueramediquirore fariseo masa cahapu neari.

14 Ti deco Jesu dihtare sihco co mehna dahra more caperi bajuerameditirore tiqiro ihñagū yeri deco saurū deco ijiri. Ti deco usā sori deco ijiri.

15 Sa ye fariseo masa pehe tiqirore sinituahye tja.

—¿Dahse ye mūhū ihñari? ni sinituahye tiqina.

—Dihta mehna yūhū caperire wisōri. Sa yegū yūhū caperire yūhū coseri bato ihñā dūcān yūhū, ni yahuahye tiqiro tiquinare.

16 —Tiqiro saurū decore mari sori decore mari dahra dutieri decore dahraya. Sa yero tiqiro Cohācjū yaqiro ijierare, niahye apequina fariseo masa pehe.

Apequina pehe ohō saha niahye:

—Ñañene yeriquiro ohō saha yūhdūo masiedare. Sa yero tiqiro quehnoariqiro ijiboaga, niahye apequina.

Sa ye tiqina pūa curua tu wahye tiqina basi.

17 Sa ye pari turi tiqina caperi bajuerameditirore sinituahye tja.

—¿Mūhūre caperire quehnoano yeriquirore mūhū waro dahse ni tūhotuajari Jesure? niahye tiqina tiqirore.

—Tiqiro potota Cohācjū yere yahu mūhtariqiro ijire, niahye caperi bajuerameditirore.

18 Coā waropare judio masa ohō saha ni tūhotumahye. “Ahriqiro caperi bajuerameditirore ijierare”, ni tūhotumahye tiqina. Sa ni tūhotuye caperi bajuerameditirore pacūsumāre pijioahye tiqina.

19 Pijio, tiqiro pacūsumāre sinituahye fariseo masa pūtoa.

—¿Ahriqiro potota mūsa macū ijiajari? ¿Duita tiqiro caperi bajuerameditirore masa bajuari? ¿Potota caperi bajuerameditirore ijieperota dahsero ihñajari yojopare? ni sinituahye tiqina tiqiro pacūsumāre.

20 —Ahriqiro usā macūta ijire. Sa yero duita caperi bajuerameditirore masa bajue tiri tiqiro.

21 Tire masiepenata tiqiro ihñarire, tiqirore ihñagū yeriquiro gūhūre masiedaja usā. Usā macūre sinituya. Bucāro ijire tiqiro. Tiqiro basi yahu masine, niahye tiqiro pacūsumā.

22 Judio masa usā pūtoa coā waropare ohō saha nie tiahye.

—“Jesuta Cristo Cohācjū ohoriqiro ijire”, niñequinare mari buheye wūhūsepu sajā dutisi usā, nie tiahye judio masa pūtoa.

Tiqina sa nigū tūhoye caperi bajuerameditirore pacūsumā judio masa pūtoare cue niahye.

23 Sa cueye, “Bucāro ijire tiqiro. Tiqirore sinituya”, niahye tiqina judio masa pūtoare.

24 Came judio masa pūtoa pari turi pijioahye caperi bajuerameditirore tja. Pijio ohō saha niahye tiqirore:

—Cohācjū mehna poto yahuya mūhū. Jesure ni mehoriqiro tiqiro ñañe yeriquiro ijigū usā masiaja. Sa yegū poto yahuya usāre, niahye judio masa caperi bajuerameditirore.

25 Tiqina sa nigū tūhoro ohō saha ni yūhtiahye tiqiro:

—Jesure tiqiro ñañe yeriquiro ijigū masiedaja yūhū. Ihcānota masiaja yūhū. Panopare caperi bajuegū ijie tii yūhū. Yojopare ihñaja yūhū. Ti dihtare masiaja yūhū, ni yūhtiahye caperi bajuerameditirore tiquinare.

26 —¿Dahse yeri mūhūre tiqiro? ¿Mūhū caperi ihñatire dahse yeri tiqiro mūhūre? ni sinituahye tiqina.

27 —Tireta mūsare yahu tuhasami yūhū. Yūhū sa niepegūta mūsa ne tūho duerare yūhūre. ¿Dahse ye duana pari turi yūhū yahugū tūho duajari mūsa? ¿Mūsa gūhū tiqiro buhena iji duajari? niahye tiqiro tiquinare.

28 Tiqiro sa nigū tūhoye tiqina tuhtiahye tiqirore:

—Mūhū Jesu buherigū ijire. Usā pehe Moise buhena ijiaja.

29 Potota Cohācjū Moiserre yahuducue tiahye. Jesu tiqiro ahtarirre usā masiedaja, niahye tiqina caperi bajuerameditirore.

30 Tiqina sa nigū yūhtiahye tiqiro:

—¿Tiqiro ahtarirre mūsa masiedagū yūhūre ihñagū yeriquiro ijiro, Cohācjū ohoriqiro ijieraboagari tiqiro?

31 Cohācjū ñañe yeyequinare tiqina siniñene tūhoerare. Ti pūritare mari masiaja. Tiquinare tūhoeraperota Cohācjūre ño peoriqirore, tiqiro dutyere yeriquirore tiqiro siniñene tūhore Cohācjū.

32 Coā waropare ahri yehpa iji dūcagūpare ne coā masa bajaropū caperi bajuerameditirore ne ihcāqiro ihñagū yeriquiro marieda tiahye.

33 Sa yero Jesu Cohācjū ohoriqiro ijierare yūhūre ihñagū yeraboaya tiqiro, niahye tiqiro tiquinare.

34 —Mūhū duita ñagu ijie tiahye. ¿Sa ijiepegūta usāre buhe duajari mūhū? niahye judio masa pūtoa tiqirore.

Sa ni tuhasayeta tiqina tiqirore cohā wio cāhye.

Jesu yere cahmeeñequina caperi bajueyequina tiqina ihñā masieno saha mari Pacūre masiedare

35 Sa yero caperi bajuerameditirore tiqina cohā wiorire Jesu tūhori. Sa tūhoro caperi bajuerameditirore boca saro tiqirore sinituri:

—¿Masunore Cohãcjũ ohoriquiروه wacũ tutuajari mũhũ? nidi Jesu.

³⁶—¿Pahto, noa ijiajari tiquiرو? Tiquiروه masigũ wacũ tutuagũtja tiquiروه, nidi caperi bajueramediquiرو Jesure.

³⁷—Tiquiروه ihña tuhasari mũhũ. Yojoپure mũhũ mehna yahuducugũ tiquiروta ijiaja yũhũ, nidi Jesu caperi bajueramediquiروه.

³⁸—Pahto, mũhure wacũ tutuaja, nidi caperi bajueramediquiرو.

Sa nino tiquiرو Jesu caha dusepe curi mehna quehe sa, tiquiروه ño peori.

³⁹ Tiquiرو sa ño peogũ ihñano ohõ saha nidi Jesu:

—Quehnoañequina, ñañequina gũhũ tiquina yerire masigũ yei ahtaũ ahri yehpapore. Caperi bajueyequina tiquina ihña masieno saha tiquina yero saha ijieyequina yũhũ Pacure masiedare. Sa masieñequinare yũhũ Pacure masigũ yei ahtaũ yũhũ. “Usã quehnoano masiaja”, ni tuhutumediquina quehnoano tiquina masiedarire masigũ yei ahtaũ yũhũ, nidi Jesu.

⁴⁰ Tiquiرو sa nigũ tuhoye meheñequinagã fariseo masa tiquiروه ohõ saha nidi:

—¿“Caperi bajueyequina tiquina ihña masieno saha quehnoano masiedare msa gũhũ”, ni niajari mũhũ usãre? nidi fariseo masa Jesure.

⁴¹ Tiquina sa nigũ ohõ saha nidi Jesu:

—Caperi bajueyequina tiquina ihña masieno saha poto msa quehnoano masiedagũ, mũsare buhiri mariedaboaya. “Usã quehnoano masina ijiaja”, msa nidi buhiri, buhiri tina ijinine msa yojoپare, nidi Jesu tiquinare.

10

Ovejare coheriquiرو quitire yahuahye Jesu

¹ Came queoye mehna buhero ohõ saha nidi Jesu:

—Ijirota niaja mũsare. Ovejare coheri sahrĩno sopecaha sajàedariquiرو, sopecaha marienopũ sajàriquiرو pehe yaque buçuro ijire.

² Sopecaha sajàriquiرو pehe ovejare coheriquiرو ijire.

³ Sopecahare coheriquiرو sopecahare põore ovejare coheriquiرو sajàtore. Ovejare coheriquiرو yahuducugũ tuho cãhtare tiquiرو nuñequina oveja pari. Tiquinare pijjiro tiquina wame mehna pisuducure tiquiرو. Sa yero tiquinare sahrĩnopũ ijiriquire piji wiodocore sopecaharu.

⁴ Tiquiرو yequinare ijiptiyequinare piji wio tiquinare sa uhmũ tãducure. Oveja pehe tiquiرو yahuducuyere tuho masiñe tiquiرو bato mũhũ tãre.

⁵ Apequiروه tiquina ihña masieniquiروه mũhũ tãedare tiquina. Sa ye apequina tiquina yahuducuyere tuhoye, cue oma sitea wahare, nidi Jesu tiquinare.

⁶ Ahri queoyere tiquiرو sa yahuepegũta tiquiرو yahuyere masiedari tiquina.

Jesu ovejare quehnoano coheriquiرو yero saha tiquiرو yequinare quehnoano cohere

⁷ Pari turi Jesu tiquinare yahuri tja:

—Ijirota niaja mũsare. Ovejare coheri sahrĩno sopecaha yero saha ijiaja yũhũ.

⁸ Ijiptiyequina yũhũ pano ahtayequina ni mehoñene buheyequina yaqueyequina yero saha ijire. Tiquina sa ijiepegũta oveja yero saha ijieyequina yeequina pehe apequinare ne tuho cãedare.

⁹ Yũhũ ovejare coheri sahrĩno sopecaha yero saha ijiaja. Sopecaha sajàñequina yero saha ijire yũhure wacũ tutuayequina. Sa yegũ tiquinare pecaru wahaboriquire yahduoutja. Ovejare cahmotari sahrĩno tiquinare cahmotariro sahata yũhũ yahduoyequinare cahmotatja. Sa ye tiquina cahmeñe caoeta tiquina, nidi Jesu.

¹⁰ Sa ni tuhasa ohõ saha ni nemori:

—Mũsare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijieyequine, yeequina ijiptiye decori Cohãcjũ mehna ijiatiquinare yegũ ahtaũ yũhũ. Sa yegũ yeequina decoripe tiquina bucueaire ahtaũ yũhũ.

¹¹ Ovejare quehnoano coheriquiرو yero saha ijiaja yũhũ. Ovejare quehnoano coheriquiرو yariatiquiرو ijeperota tiquiرو yequina ovejare cohere, “Sijoro wahari”, nino. Yeequina Cohãcjũ mehna tiquina sa ijiducuatire yegũ yariatja yũhũ.

¹² Tiquiرو upuro cahacjũno pehe oveja upuro ijierare. Sa yeye oveja tiquiرو yequina ijierare. Sa yero yairo ovejare tiquiرو ihyarõ ahtagũ ihñano tiquiرو cahacjũno pehe ovejare cohã doco cã, oma cãa wahare. Tiquiرو sa cohã docori bato, yairo ovejare tiquiرو ñehegũ ihñañe oveja pari oma site cãa wahare.

¹³ Tiquiرو cahacjũno pehe tiquiرو wapataye dihitarẽ cahmene. Sa yero tiquiرو ovejare quehnoano cohte coerare, nidi Jesu.

¹⁴ Sa ni tuhasa ohõ saha ni nemori:

—Ovejare quehnoano coheriquiرو yero saha ijiaja yũhũ. Sa yegũ yeequinare masiaja yũhũ. Sa yeye yeequina pehe yũhure masine.

¹⁵ Sata yũhũ Pacũ gũhũ yũhure masine. Sa yegũ yũhũ gũhũ yũhũ Pacure masiaja. Oveja yero saha ijieyequina yeequina Cohãcjũ mehna tiquina sa ijiducuatire yariatja yũhũ.

¹⁶ Apequina oveja ape sahrîno cĵena yero saha ijyequina apequina masa gâhu yeequina ijjeta. Tiquina gâhure neagutja. Sa ye yahu yahuducugâ taho cĵeta tiquina gâhu. Sa ye yeequina ijpihtiequina ihcâ curuata ijjeta. Sa yegu yâhu dihita yeequinare cohteitja, nidi Jesu.

¹⁷ Sa ni tuhasa ohô saha ni nemori:

—Yeequina Cohâcĵu mehna tiquina sa ijiducuatire yariutja yâhu. Yâhu yariari bato masa mujagutja. Sa yeacĵu yâhu ijigû yâhu Pacu yuhare cahîne.

¹⁸ Yâhu wejê dutieragû yuhare wejê masiedaboaya tiquina. Yâhu cahmeno sahata yuhare wejêeta. Sa yegu yeequina Cohâcĵu mehna tiquina sa ijiducuatire yariutja. Yaria masiaja yâhu. Sa yegu masa mûja masiaja. Yâhu Pacu yuhare tireta ye dutiri, nidi Jesu.

¹⁹ Tiquiro sa nigû tahoje judio masa pua curua tu wari. Apequina sijoro tãhotu, apequina gâhu sijoro tãhoturi.

²⁰ —Tiquiro watîno cuore. Sa yero taho masiedare. ¿Dahsena tiquirore pari turi tãhoajari mûsa? nidi apequina peyequina judio masa.

²¹ Apequina pehe ohô saha nidi:

—Watîno cuoriquiro ijiro sa ni yahuducueraboaya. Caperi bajueriquirore ihñagû ye masiedare watînore cuoriquiro. Sa yero watînore cuoerare Jesu, nidi apequina judio masa.

Judio masa Jesure cahmedahye

²² Ape deco usâ acaye judio masa Jerusalêpu bose deco yeye nidi pari turi. Cohâcĵu wâhure panopu Cohâcĵure tiquina ohorire tiquina wacuatî deco ijiri. Ti pjere pohecu ijiri.

²³ Ti decore Salomo wame tiri tucûpu Cohâcĵu wâhuru ijiri tucûpu Jesu ihña tinino nidi.

²⁴ Ti tucûpu tiquiro ijigû ihñañe usâ acaye judio masa tiquiro cahapu cahmeoca, tiquirore sinituri.

—Yoabutiari pje usâre quehnoano yahueraga mûhu. Poto usâre quehnoano yahu madoqueohya mûhu. ¿Cohâcĵu ohorigu Cristota ijajari mûhu? nidi tiquina Jesure.

²⁵ Tiquina sa nigû tãhoro ohô saha ni yãhtiri Jesu:

—Musare yahu tuhasamajagu. Yâhu sa yahuepegûta yuhare tãho duerare mûsa. Yâhu Pacu yuhare tiquiro dutiriro sahata tiquiro tutuaye mehna ye ihñoaja. Sa yegu yâhu Cristo ijyereta musare ihñogu niaja.

²⁶ Yâhu sa ihñoepêgûta yuhare tãho duerare mûsa. Mûsa pehe yeequina ijjerare. Sa yena apequiro yequina oveja yero saha ijina, yâhu pehere tãhoerare mûsa.

²⁷ Ovejare cohteriquirore tiquiro yequina tiquina tãhoro saha yuhare yeequina

tãhore. Sa yegu tiquinare masiaja yâhu. Sa ye tiquina yâhu mehna wahare.

²⁸ Sa yegu ijipihtie decori Cohâcĵu mehna ijigû yeja tiquinare. Sa ye tiquina pecapu wahasi. Sa yegu yeequinare yâhu cohtegû apequina pehe ne yuhare ehma masiedare yeequinare.

²⁹ Yâhu Pacu yuhare yeequinare ohoriquiro ijipihtiequina yãhdworo tutuariquiro ijire. Sa ye yâhu Pacu pehe yeequinare tiquiro cohtegû apequina pehe tiquiro gâhure ne ehma masiedare tiquinare.

³⁰ Yâhu, yâhu Pacu mehna ihcâta ijiaja, nidi Jesu judio masare.

³¹ Tiquiro sa nigû tãhoje judio masa pehe tiquirore tiquina doque wejêati utã pacare pari turi nemedi tja.

³² Tiquina sa yegû ihñano Jesu sinituri tiquinare:

—Yâhu Pacu tutuaye mehna peye tahari ye ihñomi musare. ¿Dise boro pehere yâhu yeri buhiri yuhare utã paca mehna doque wejê duajari mûsa? ni sinituri Jesu.

³³ Tiquiro sa nigû tãhoje ohô saha nidi tiquina:

—Cohâcĵu tutuaye mehna mûhu ye ihñori buhiri mûhure utã mehna doque wejê dueraja usâ. Cohâcĵure mûhu ñano yahuducuri buhiri mûhure utã paca mehna doque wejê duaja usâ. Masu ijiepeguta “Cohâcĵu ijiaja yâhu”, mûhu niñe buhiri mehna mûhure utã paca mehna doque wejê duaja usâ, ni yãhtiri tiquina.

³⁴ Tiquina sa ni yãhtigû tãhoro Jesu tiquinare yahuri:

—Mûsa gâhure “Cohâmana”, ni pisuri Cohâcĵu. Sata ni ojoahye tiquiro dutiyere tiquina ojoari pûpu.

³⁵ Cohâcĵu yere tiquina ojoari pû potota ijigû mari masiaja. “Ni mehoñe ijire”, ti pûre ni masiedaja mari. Sa yero tiquiro yere tãhojequinare potota tiquiro “Cohâmana”, ni pisure.

³⁶ Cohâcĵu yuhare besetjiãno, ahri yehpapure ohori. Sa yegu yâhu “Cohâcĵu macu ijiaja”, yâhu nidi buhiri “Cohâcĵure ñano yahuducuro nine Jesu”, nine mûsa yuhare. ¿Dahsena yuhare sa nijari mûsa?

³⁷ Yâhu Pacu tiquiro cahmediro sahata tiquiro tutuaye mehna yâhu ye ihñoedagû pûritare yâhu buherire “Poto tjire” niedaboaga mûsa.

³⁸ Yâhu Pacu tiquiro tutuaye mehna yâhu ye ihñoepêgûta yâhu pehere tãho duerare mûsa. Sa tãho duerapenata tiquiro tutuaye mehna yâhu ye ihñogû ihñano yâhu yerire “Poto tjire”, niña mûsa. Mûsa sa nina, yâhu Pacu mehna usâ ihcâno saha ijigû masinata mûsa. Sa yena tãhonata mûsa, nidi Jesu tiquinare.

³⁹ Tiquiro sa nigū tiquina pari turi tiquirore ñehe duamedí. Tiquina sa ñehe duagū ihñano tiquiro duhti wijiáa wahari.

⁴⁰ Sa wijiariquiropata Ñu masare tiquiro wame ye mahtariropu Jordá asū muja taro pehepu pari turi Jesu wahari tja. Topu esaro tojoa cāri tiquiro.

⁴¹ Sa ye masa peyequina tiquirore ihñañe esari. Ohō saha nidi tiquina basi:

—Ñu pehe Cohācjū tutuaye mehna ye ihñoadari. Sa ye ihñoadapegūta ijipihtiyé Jesure tiquiro yahuri pehe queorota ijire, nidi masa tiquina basi.

⁴² Sa ye topure masa peyequina wacū tua ducari Jesure.

11

Lázaro wame tiriquire yariaa wahahye

¹ Sa ye Betania wame tiri maca cjāno Lázaro wame tiriquire dohatiro niahye. Ti macapu tiquiro wahmiosānumia gūhu María, Marta mehna ijiri.

² María pehe Jesure ehme sitiye pio wisōaticoro, ticoro poari mehna tiquirore tu coseaticoro ijire. Ticoro baharo Lázaro pehe dohatiro niahye.

³ Sa ye tiquina numia apequinare Jesure yahu dutiye ohoahye.

—Puhto, muhu cahīniquire dohatiro nine, ni yahu dutiye ohoahye Lázaro wahmiosānumia.

⁴ Ti quitire tuhoro ohō saha nidi Jesu:

—YojoPURE Lázaro tiquiro dohatiyé tiquiro yariati ijierare. Cohācjū tutuayere masare ihñoadire yojoPURE tiquiro dohatire. Sa ye yuhu tutuagu yuhu ijigū gūhure masa ihñaeata, nidi Jesu.

⁵ Jesu Martare, ticoro bahoro gūhure, Lázaro gūhure tutuaro cahīdi.

⁶ Sa nino Lázaro tiquiro dohatigū tuhoeperota topu Jesu puá deco tojoari.

⁷ Puá deco bato Jesu ohō saha nidi usāre tiquiro buhenare:

—Pari turi Judea yehpapu tojoa wahaahna tja, nidi usāre.

⁸ —Buhegu, canaagāta judio masa muhure utā paca mehna doque wejé duamedí. ¿Duhsegū pari turi tojoaa waha duajari muhu? nii usā pehe.

⁹ Usā sa nigū tuhoro tiquirore tiquina wejé masiedarīne yahuro, queoye mehna buhero ohō saha nidi usāre:

—Pajiro tuhoturacāhña. Ihcā decore doce horari waro ijire. Asū deco cjāno ijigū quehnoano ihñaja mari. Sa yena decore tinina, ne puha boraeraja mari.

¹⁰ Nahitianopu tiniñequina puha boraa wahare. Asū deco cjāno mariedagū quehnoano ihñedare tiquina, nidi Jesu. (Sa nino ohō saha nino niahye: “YojoPURE yuhu

Pacu yere yuhu yahu pehoato duhsarīne. Sa ye yuhure wejé masiedarīne”, nino niahye.)

¹¹ Sa nino usāre yahu nemori tja:

—Mari mehna cjāno Lázaro, carīno niaga. Tiquiro sa carīpegūta yuhu tiquirore wahcōgu wahautja, nidi usāre.

¹² —Puhto, Lázaro carīniquire ijiro, yuhdurōta, nii usā.

¹³ Usā sa niepegūta Jesu “Carīno niaga”, nino “Yariaa wahare”, nino nidi jimedí. Tiquiro sa nigū tuhona “Lázaro soro niaga”, ni tuhotumi usā pehe.

¹⁴ Usā sa ni tuhotugū masino Jesu potō yahuri usāre:

—Lázaro yariaa wahaga.

¹⁵ Yuhu marieno tiquiro yariagū quehnoarīne. Sa yena masa yuhure wacū tutua nemonata. Isa mari ihñana wahaahna tiquiro cahapu, nidi Jesu.

¹⁶ Tomasu sūhduariquire tiquina ni pisuriquire ohō saha nidi usāre:

—Mari gūhu Jesu mehna wahaahna. Tiquirore wejēñe, mari gūhure wejēahdo, nidi Tomasu.

Jesu sa ijiducugū yeriquiro masare masoriquire ijire

¹⁷ Sa ye topure usā esari bato to cjēna ohō saha ni yahuri Jesure:

—Pititia deco wahare Lázaro munanore masa coperu tiquina cūri bato, ni yahuri tiquirore.

¹⁸ Betania pehe Jerusalē cahapu ihtia kilómetro yoaro ijiri.

¹⁹ Sa ye usā acaye judio masa peyequina Martare, María gūhure ñehe quea utiye ah-tahye Lázaro yariari bato.

²⁰ Sa yero Jesu mehna usā esana tana yegū tuhoro Marta pehe usāre piti caro ahtari jiri. Ticoro sa piti caro wahagū María pehe tiquina ya wuhupu tojoahye.

²¹ Sa piti caro Marta ohō saha nidi Jesure:

—Puhto, yuhu bahu tiquiro yariato pano muhu ohōpu ijigū tiquiro yariaraboaya.

²² YojoPURE gūhure Cohācjūre muhu sini basagū tiquiro muhu sinino sahata yerota, nidi Marta Jesure.

²³ —Muhu bahu masa wijiarota, nidi Jesu ticorore.

²⁴ —Ahri yehpa pihtiatí deco tiquiro masa wijiatore masiája yuhu, nidi ticoro.

²⁵ Ticoro sa nigū Jesu yahuri tja:

—Yuhu masa wijiagū yegu tjiája. Yuhure wacū tutu-ariquire yarieperota sa ijiducurota.

²⁶ Sa ye ijipihtiyequina Cohācjū mehna ijiducuyequina yuhure wacū tutuayequina ne pecapu wahasi. ¿Ahrire masiájari muhu? nidi Jesu ticorore.

²⁷ —Pũhto, masiaja yũhu. Cristo Cohãcjũ macũ, “Ahri yehparũ ahtarota”, tiquina nidi-gũ mũhũ ijigũ masiaja yũhu, nidi Marta Jesure.

Lázaro masa cope cahapũ esaro Jesu uti-ahye

²⁸ Marta sa ni tuhasa ticoro bahoro Mariare pijiro wahari.

—Marine buheriquiro mari ya macapũre wihiri. Mũhũre pijire, derogã ni yahuahye Mariare.

²⁹ Ticoro sa nigũ tũhoro María sojaro mehna wahcãdũca, usã cahapũ ahtahye Jesure ihũano taro.

³⁰ Tiquina ya macapũ esera nii usã. Marta ticoro piti carĩropũ ijiniĩ usã.

³¹ Judio masa ti wũhũpũ Mariare ñehe quea utiye niahye. Sa ye ticoro wahagũ ihũãñe, tiquina ticorore nũnũ tã cãhye. “Ticoro bahoro mũnanore tiquina cũri copepũ utiro waharo nine ticoro”, ni tũhotumahye tiquina. Sa ni tũhotuye ticorore nũnũ tã cãhye.

³² Sa yero María usã cahapũ wihiro, Jesure ihũã, tiquiro dahpocãri cahapũ dũsepe curi mehna quehe sari.

—Pũhto, yũhu bahũ tiquiro yariato pano mũhũ ohõpũ ijigũ tiquiro yariaraboaya, nidi ticoro Jesure.

³³ Sa yero judio masa ticoro mehna ahtariquina gãhũ tiquina utigũ ihũano Jesu pehe tutuaro bũjua witi ñano jeripohna tiri.

³⁴ —¿Lázaro mũnanore nohopũ cohãri masa? ni sinituri Jesu.

—Ihũãũ taya, ni piji cãri tiquina.

³⁵ Tiquina sa nigũ tũhoro Jesu utiri.

³⁶ —Lázaro mũnanore Jesu tutuaro cahĩmeyari, nidi judio masa tiquina basi.

³⁷ Apequina pehe ohõ saha nidi:

—Caperi bajueriquirore ihũagũ yeriquiro ijire ahriquiro Jesu. ¿Sa yero Lázaro tiquiro yariato pano tiquirore yũhdũoeraboayari? nidi tiquina.

Lázaro masa wijiahye

³⁸ Sa yero Jesu pari turi tutuaro bũjua witi. Sa yena usã ijipihtina Lázaro masa copepũ esau. Ûtãpũ tiquina seheri cope ijiri. Sa yero tiquiro pagure tiquina siõ sãa cũri cope ijiri. Sa yero ti cope pajiria utã mehna tiquina bihari cope ijiri.

³⁹ —Ûtã bihariare neña, nidi Jesu.

Tiquiro sa nigũ tũhoro Marta yariariquiro mũnãno wahmionõ ohõ saha nidi:

—Pũhto, yojopũ pititia deco waha tuhasare tiquiro yariari bato. Sa yero tiquiro pagũ ijiriro aĩ yũhdũaga, nidi Jesure.

⁴⁰ —“Yũhũre wacũ tutuago Cohãcjũ tutu-ayere ihũãgota”, mũhũre nimigũ, nidi Jesu Martare.

⁴¹ Tiquiro sa nidi bato tiquina utã bihari-are ne wiori. Tiquina sa nedi bato Jesu pehe aũmũsepũ ihũã mũno, Cohãcjũre ohõ saha nidi:

—Mai, yũhũre mũhũ tuho tuhasari. Tire mũhũ yegũ masigũ bucueaja mũhũre.

⁴² Yũhũre mũhũ decoripe tũhoducure. Tire masiaja. Sa masiepeguta yũhu mũhũ ohorigũ yũhu ijigũ ohõre ducuyequina tiquina masiatire mũhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacãrore.

⁴³ Sa ni tuhasa Jesu tutuaro saũducuri:

—Lázaro ahtaya, ni saũducuri tiquiro.

⁴⁴ Tiquiro sa nigũ yariariquiro mũnanõ omocarine tiquiro dahpocãri gãhũre suhti cahseri mehna tiquina dũhtemediquiro, tiquiro dapure suhti mehna tiquina wahmemediquiro, masa copepũ wijia tari.

—Tiquina dũhterire pãña tiquirore, nidi Jesu.

Judio masa pũhtoa pehe Jesure ñehe duamahye

(Mt 26.1-5; Mr 14.1-2; Lc 22.1-2)

⁴⁵ Tiquiro sa masogũ ihũãñe peyequina judio masa mehna cjẽna María mehna ahtariquina Jesure wacũ tutua, cahmedi.

⁴⁶ Apequina tiquina mehna cjẽna pehe fariseo masa cahapũ esaye, Jesu yerire yahuahye tiquinare.

⁴⁷⁻⁴⁸ Sa ye pahia pũhtoa, fariseo masa pũhtoa gãhũ cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuaye mehna ye ihũore. Tiquiro sa ye ihũogũ “Tire yeracãhã”, mari niedagũ ijipihtiequina masa tiquirore cahmeñe, tiquiro mehna wahaboaga. Sa ye Roma cjẽna pũhtoa Cohãcjũ wũhũre cohã dutiye ohoeta tiquina yequina surarare. Mari ya dihta gãhũre ehmaeta tiquina. (Mari ya dihta cjẽna Jesure tiquina pũhtoro cũgũ ihũãñe Roma cjẽna pũhtoa “Marine cohãñe nine”, ni usua ñano yeeta marine.) ¿Sa yena dũhse yenatari yojopũre? ni yahuducuahye tiquina basi.

⁴⁹ Tiquina sa niepegãta apequiro Caifa wame tiriquiro ti cahmare pahia pũhtoro ijiro, tiquinare yahuahye:

—Musa pehe ne masiedare.

⁵⁰ Judio masa ijipihtina mari ye ijiatire ihcãquiro masũno tiquiro yariagũ quehnoare. Tiquiro yariaragũ marine ijipihtina judio masare cohã peho cãboaga. Tire masa masiedare, niahye Caifa tiquinare.

⁵¹ Sa nino tiquiro esa tuharo sa nino niedahye. Pahia pũhtoro tiquiro ijigũ judio masa ye ijiatire Jesu yariatire mari Pacũ pehe Caifare sa ni yahu dutiahye.

⁵² Jesu yariaro judio masa dihitate yũhdũoro taro niedare. Sa yariaro ijipihtiequina Cohãcjũ pohne ahri

yehpapu iji siteyequina gühare ihcā curuata ijigū yeaire yariatiquiro ijiri Jesu.

⁵³ Sa ye ti decota tiquina “¿Jesure dahse ye wejēnatar mari?” ni yahuducuye, tiqiurore wejēne tee niahye.

⁵⁴ Tiquina sa wejē duagū masino Jesu peyequina judio masa watoa pari turi tinino wahaerari. Sa yero masa marieno cahagā Efraī wame tiri macapu usāre siho wahari. Usāre ti maca siho tojoarīdi Jesu.

⁵⁵ Ti pjere pascua bose decori usā judio masa usā bose decori ijiato mehenogā dahsatjāiri. Sa ye bose deco panogā masa peyequina apeye macari cjēna Jerusalēpu cahmecoari. Pascua cjēne tiquina ihyato pano Cohācjū yere yeye tehe, tiquina cahmomohnore cohoro saha tiquina ñañene cosee tee nidi.

⁵⁶ Sa ye tiquina Jesure macañe niahye. Sa ye Cohācjū wuhuru ijiyequina ohō saha ni yahuducuahye:

—¿Bose decore ihñano ahtaeraboari Jesu, masa tahotugū? niahye tiquina basi.

⁵⁷ Sa ye pahia puhtoa, fariseo masa gūhu ohō saha ni yahu dutiahye masare:

—Jesu wihigū ihñana, yahuya usāre. Tiquirore ñehena tana niaja, niahye puhtoa masare.

12

María Jesu dahpocārine ehme sitiye mehna pio peohye

(Mt 26.6-13; Mr 14.3-9)

¹ Jesu, usā tiqiuro buhena mehna Betaniaru usā esari bato pascua deco esato seis decori waro dahsarīdi. Lázaro Jesu masoriqiuro ti maca cjāno ijiri.

² Usā esari bato Jesu gūhu usā ihyatire dahreri apequina. Sa ye Lázaro, Jesu, usā mehna mesa cahapu nuju sau. Usā sa nuju sari bato Marta ihyayere peori usāre.

³ Sa yero María ehme sitiye uhsero nardo wame tiye cohoi uhsero kilo deco mehna ne cāhta Jesu dahpocārine pio peori. Ti uhse wapa ti yuhduari. Pio peo tuhasa ticoro poari mehna wōri. Ticoro sa pio peori bato ti wahu quehnoano ehme siti sehsaa wahari.

⁴ Usā mehna cjāno, Jesure ihña tuhtiyequinare ihñoatiqiuro Juda Iscariote pehe ohō saha nidi:

⁵ —¿Dahse yero ahricoro sa ye sitejari? Tire ticoro duaboaya. Tire duaro tres cientos niñerure cjerire wapataboaya. Sa yero ticoro ti niñerure pejecuoyequinare ohoboaya, nidi tiqiuro.

⁶ Juda pehe pejecuoyequinare yedoho duerari. Tiquiro usā niñerure ihbo basariqiuro ijieperota yaqueriqiuro ijiri. Sa yero tiqiuro usā niñerure ihquē tahari ne mujari. Sa yero “Ti niñerure neitja”, nino, sa nidi Mariare tiqiuro.

⁷ Tiquiro sa nigū tūhoro ohō saha nidi Jesu:

—Sa niedacāhña tiorore. Ticoro ehme sitiye yuhare ticoro daharire yuhare pio peori, yuhare tiquina yato pano yahu pagure quehnoyuro. Pejecuoyequina pehe masa mehna sa ijiducuenta. Sa yena tiquinare oho masine masa.

⁸ Yuhu pehe ahri yehpapure masa mehna sa ijiducusi, nidi Jesu.

Pahia puhtoa Lázaro wejē duahye

⁹ Sa ye Jesu Betaniaru tiqiuro ijigū tūhoye, usā acaye judio masa peyequina tiqiurore ihñañe ahtari. Tiquiro dihitare ihñañe ahtaye niedari. Lázaro yariamediquirore Jesu masoriqiurore tiqiuro gūhure ihñañe ahtaye nidi.

¹⁰ Tiquina ihñañe esarire masiñe, pahia puhtoa Lázaro gūhure wejē duari.

¹¹ Lázaro yariamediquiro Jesu masoriqiuro ijigū ihñañe peyequina masa Jesure wacū tutuari. Tiquiro sa masogū ihñañe peyequina judio masa tiquina pahia ye buheye pehere duhu cāri. Tiquina sa duhgū ihñañe pahia puhtoa pehe usua yuhdaye Lázaro wejē duari.

Jerusalēpu esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegū peyequina masa Jerusalēpu ihñañe wahari jiri. Ape deco Jerusalēpu Jesu ahtaire masa tūhori.

¹³ Sa ye iqui pohnarine ne cā, tiqiurore piti caye wahari. Sa piti caye ohō saha ni sañuducuri tiquina:

—Ahriqiurore ño peouhna. Ahriqiuro Cohācjū ohoriqiuro quehnoano ijahro. Ahriqiuro judio masa mari puhtoro tjire, ni sañuducuri tiquina.

¹⁴ Jesu burrogā tiqiuro bocariqiurogā bui pesari. “Ohō sahata yerota”, ni ojoahye Cohācjū yere tiquina ojoari pūpu:

¹⁵ Jerusalēp wame tiri maca cjāna, cueracāhña masa. Ihñañe. Masa puhtoro burrogā bui pesa cāhtare, ni yahuahye Cohācjū yere tiquina ojoari pūpu.

¹⁶ “Tiquina sa ni ojoari Jesure nino niga”, ni, usā tiqiuro buhena quehnoano masiedarī. Sa masiedapenata uhmusepu Jesu mujari bato usā ti ojoaire wacū boca tūho masii. Ohō saha ni tahotuu: “Cohācjū yere tiquina ojoari pū pehe Jesure yahuro nimeya. Sa ye Cohācjū yere tiquina ojoari pū nidiro sahata yeri masa Jesure”, ni tahotu, masii usā.

¹⁷ Lázaro masa copepu ijiriqiurore Jesu pisu masogū ihñariquina pehe yahuri masare.

¹⁸ Sa ye Lázaro Jesu masorire tūhori bato masa peyequina Jesure ihñañe ahtari.

¹⁹ Tiquina sa ahtagā ihñañe fariseo masa tiquina basi ohō saha niahaye:

—Ijipihtiyequina Jesu yequina dihita wahaye nine yojopare. Sa yena mari dahse ye masiedaga tiquinare, niahaye fariseo masa tiquina basi.

Meheñequinagā griego masa Jesure maca cāhtahye

²⁰ Sa ye bose deco Cohācjüre ño peoye ahtayequina mehna cjēna meheñequinagā griego masa ijiri.

²¹ Sa ye tiquina Felipe cahapū wihiahaye. Felipe pehe Betsaida wame tiri maca Galilea yehpapū ijiri maca cjāno ijiri. Sa ye tiqiuro cahapū wihiriquina ohō saha niahaye tiqiurore:

—Jesure ihña duaga usā, niahaye tiquina.

²² Tiquina sa nigū tuhoro Felipe Andrepure tire yahuro wahahaye. Sa ye tiquina puaro Jesure yahuri.

²³ Tiquina sa ni yahuri bato Jesu tiquinare yahuri:

—Yuhū masū Cohācjū ohorigū ijiaja. Yuhūre ijipihtiyequina tiquina ño peoati pje yojopare ijirota nine. Yojopare yuhū yariati pje ijirota nine.

²⁴ Potota masare yahugū niaja. Oteri pjere yehpapū mari yaeragū, ti pjere mari oteragū ihcā pjeta tojoarota. Sa yero ti pjere mari yari bato pihni, dūca tirota. (Sata yuhū yariari bato yuhūre tiquina yari bato peyequina masare Cohācjū mehna sa ijiducuatiquina ijigū yeitja yuhū.)

²⁵ Ahri yehpapū masa ijiyere pajiro tuhutuboaga masa. Sa tuhutuna Cohācjüre wacūedana, pecarpū wahanata masa. Ahri yehpapū masa ijiyere sa tuhutu cāna, Cohācjū mehna sa ijiducunata.

²⁶ Yeere ye duana yuhū buheyere quehnoano tuhoya masa. Masa sa yena masa gāhū yuhū ijioropū ijinata. Yeere yeriqiurore yuhū Pacū pehe ño peorota, nidi Jesu.

Jesu tiqiuro yariatore yahuahye

²⁷ Sa ni tuhasa ohō saha ni nemori:

—Yojopare yuhū ñano jeripohna tiaja. ¿Yuhū Pacure dahse nigutari yuhū? ¿“Mai, yuhū ñano yuhduatire yeracāhña yuhūre”, niboagari yuhū? Tire niedaja yuhū. Ñano yuhduacjata ahri yehpapū ahtau. Sa yero yuhū ñano yuhduati pje yojopare ijirota nine, ni yahuri usāre tiqiuro buhenare.

²⁸ Sa yero ohō saha nidi tiqiuro Pacurore:

—Mai, mūhū tutuagū ijiyere yojopare ihñōña masare, nidi Jesu tiqiuro Pacurore.

Tiqiuro sa nigū hñmusepū yahuducuro ca tari:

—Tutuagū yuhū ijiyere masare ihñō tuhasau. Yojopare sa yegu pari turi ihñoutja masare, nino ca tari.

²⁹ Tiquiro sa nigū tuhoye torū ducuyequina masa peyequina ohō saha nidi:

—Ūpo ijiaja sa bisiro, nidi masa.

—Angel Jesure yahuro nidi, nidi apequina masa.

³⁰ Ohō saha nidi Jesu pehe:

—Ūhmusepū sa bisiro yuhūre taho dutiro niedari. Masa pehere taho dutiro sa bisiro ca tari.

³¹ Yojopare ahri yehpa cjēna tiquina ñañe yeri buhirire buhiri dahrerota tiquinare. Ahri yehpa cjēna puhtoro watinore cohānota Cohācjū.

³² Sa yegu yuhūre curusapū tiquina wahcō docogū peyequina masare yeequina ijia-tiquinare yeitja yuhū, nidi Jesu.

³³ Sa nino curusapū tiqiuro yariatore yahuro nidi Jesu masare.

³⁴ Tiquiro sa nigū tuhoye masa pehe tiqiurore ohō saha nidi:

—Cohācjū yere tiquina ojoari pūpū ohō saha nine: “Cristo ijipihtiye decori ijirota”, ni ojoahye. ¿Tiquiro sa ni ojoagū mūhūre masare Cohācjū ohorigure dahse yeye curusapū wahcō docoetari masa mūhūre? ¿Masuno Cohācjū ohoriqiuro noa ijiajari tiqiuro? ni sinituri tiquina.

³⁵ Tiquina sa nigū ohō saha ni yuhtiri Jesu:

—Buhrioro mehna mari ihña masigū yero saha masare Cohācjū yere quehnoano masigū yeaja yuhū. Came cjūnogā masa mehna ijisi yuhū. Masare yuhū buhegū yojopare tuhoya masa “Ñañe yeari”, nina, Cohācjū mehna masa sa ijiducuatire. Yuhū buheyere tuhoyequina nahitiano tiniñequina yero saha tiquina wahatore masiedare.

³⁶ Sa yegu buhrioro yero saha ijigū ijiaja yuhū. Sa yegu masare buhegū Cohācjū yere quehnoano masigū yeaja masare. Yojopare yuhū wahato pano yuhūre wacū tutuaya. Sa wacū tutuana yeequina ijinata masa, nidi Jesu.

Sa ni yahu tuhasa duhti cāa wahari.

Judio masa Jesure cahmedahye

³⁷ Peye tahari Cohācjū tutuaye mehna tiquinare Jesu tiqiuro ye ihñoepegūta peyequina judio masa tiqiurore ne taho duerari.

³⁸ Cohācjū yere tiquina ojoari pūpū Isaia mūnano tiqiuro ojoariro sahata yeye nidi tiquina. Ohō saha ni ojoahye Isaia mūnano: Cohācjū, mūhū buheyere usā yahugū masa ne taho duerare. Mūhū tutuayere tiquinare mūhū ye ihñoepegūta, tire “Poto ijierare”, nidi tiquina, ni ojoahye Isaia mūnano.

³⁹ Tiquina sa taho dueragū ihñano Cohācjū tiquinare masiedagū yeri. Ti gāhūre Isaia mūnano ohō saha ni ojoahye:

⁴⁰ Caperi bajueyequina yero saha ijigū yee tiahye Cohācjū tiquinare. Sa yero

tiqairo yere masiedagū yee tiahye tiqinane. Sa ye tiqairo tutuayere ihñāepeta tiqina ihñāirire masiedare. Sa ye tiqairo buheyere tūhoepeta tire masiedare tiqina. Cohācjā ye buheyere masiñe tiqina ñañe yerire cohā dutiboaya. Sa yero tiqinane yuhduoboaya tiqairo, ni ojoahye Isaia manano Cohācjū yere tiqina ojoari pūpū.

⁴¹ Sa ni ojoaro Isaia Cristo tutuayere masino tiqairo nidiro sahata Cristore yahu ojoahye.

⁴² Apequina Jesure tiqina cahmedapegūta judio masa usā puhtoā mehna cjēna peyequina Jesure wacū tutua, cahmedi. Sa cahmepeta tiqina fariseo masare cueye apeqinane “Jesu yequina wahau usā”, ni yahu duerari. Tire tiqina yahugū tūhoye Jesure tiqina cahmedi buhiri judio masa usā buheri wuhupū tiqinane sa jā dutieraboaga fariseo masa pehe.

⁴³ Cohācjāre bucuegū ye duepeta ti yuhduoro fariseo masa pehere bucuegū ye duari Jesure cahme ducayequina. Sa ye tiqina “Jesu yequina wahau”, ni apeqinane yahu duerari.

Jesu yahuyere tiqina tūho duerari buhiri masa buhiri tieta

⁴⁴ Sa ye Jesu tutuaro sañuducu, yahuri:

–Yuhūre wacū tutuariqairo yuhū dihitarē wacū tutuerare. Yuhūre ohoriqairo gūhūre wacū tutuare tiqairo.

⁴⁵ Sa ye yuhūre masiñequina yuhūre ohoriqairo gūhūre masine.

⁴⁶ Buhirio mehna mari ihñā masigū yero saha ahri yehparū Cohācjū yere masigū yei ahtau nii yuhū. Sa yegu Cohācjū yere masare masigū yeaja. Ihcāqairo nahitiano wahariqairo yero saha ñañene yeducure. Yuhūre wacū tutuariqairo tiqairo yero saha yesi. Yuhūre wacū tutuariqairo potota tūhorota.

⁴⁷ Apequina yuhū yahuyere tūhoepeta yuhū nidiro saha yerare. Tiqina sa yerapegūta tiqina yerari buhirire buhiri dahresi yuhū pehe tiqinane. Ahri yehparūre buhiri dahregū ahtagū niedū yuhū. Ahri yehpa cjēnare pecapū waha-boriquinare yuhduoacjū ahtagū nii yuhū.

⁴⁸ Yuhūre cahmeeñequina, yuhū yahuyere gūhūre cahmeeñequina buhiri dahrenohatiqina ijieti. Tiqina yuhū yahuyere tiqina tūhoerari buhiri ahri yehpa pihtiri deco ijigūpū buhiri tieta.

⁴⁹ Yuhū esa tuhuro yeraja. Yuhū Pacū yuhūre ohoriqairo pehe yuhūre yahu dutiri. Sa yero yuhū yahuyere pehe tiqairo ye yahuducuyere ijire.

⁵⁰ Tiqairo ye yahuducuyere tūhona Cohācjū mehna sa ijiducunata mūsa. Sa

yegu yuhū Pacū tiqairo yahu dutiriro sahata yahuaja mū sare, nidi Jesu.

13

Jesu buheyequina dahpocārine coseahye tiqairo

¹ Sa ye pascua deco bose deco panogā ahri yehpare tiqairo cohā cātoire tiqairo Pacūro cahapū tiqairo wahatore masidi Jesu. Sa yero ahri yehpa cjēnare tiqairo yequinare tiqairo tutuaro cahādi tiqina mehna tiqairo ijiro puno. Sa cahiducure tiqairo yequinare.

² Ti ñamine Jesu usā tiqairo buhena mehna usā ihyagū Juda Iscariotere Simo macanore Jesure ihñā tuhtiyequinare ihñā duti tuhasari jiri watino pehe.

³ Sa yero mari Pacū Cohācjū Jesure ijipihtiyequina bui tiqairo puhtoro sōrire masidi Jesu. Sa yero Cohācjū cahapū tiqairo ahtarire came uhmūsepu tiqairo mūjati gūhūre masidi.

⁴ Sa masino wahcādūca, tiqairo suhtiro bui cjānore tu we ne, tore cū tuhasa, suhtiro cahsero mehna tiqairo pari yūjū dahteri.

⁵ Dūhte tuhasa, waparopū acore pio sāa, usā tiqairo buhena dahpocārine cose ducari. Usāre cose tuhasa tiqairo dahteri cahsero mehna wūori usā dahpocārine.

⁶ Apequina buheyequinare cose cā, Simo Pedropure esari. Tiqairo dahpocārine tiqairo coseato pano Pedro pehe tiqairore ohō saha nidi:

–ĶPuhto, yuhū dahpocārine cosegū tūū ni-ajari mūhū? nidi Pedro Jesure.

⁷ –Mianogā mūhūre yuhū yeatire masiedare mūhū. Sa masiedapegūta camerū masiita mūhū, nidi Jesu tiqairore.

⁸ –Yuhū dahpocārine ne cosesi mūhū, nidi Pedro.

–Mūhūre yuhū coseragū yaqairo ijisi mūhū, nidi Jesu.

⁹ –Puhto, yuhū dahpocāri dihitarē coser-acāhñā. Yuhū dahpocārine, yuhū omocarine, yuhū dapu gūhūre coseya, nidi Pedro.

¹⁰ Tiqairo sa nigū Jesu queoye mehna buhero ohō saha nidi:

–Ihcāqairo masūno cuhsaro tiqairo pagure quehnoano tu cose pehore. Sa yero pari turi tiqairore tu cosero cahmedare. Tiqairo dahpocāri dihitarē tu cosero cahmene. Ijipihtina mūsa ñañe yerire cose-rina mūsa ijiepegūta ihcāqairo mūsa mehna cjāno tiqairo ñañene cosemehnediqairo ijire, nidi Jesu.

¹¹ Jesu tiqairore ihñā tuhtiyequinare ihñāoatiqairore masidi: Sa masino “Ihcāqairo mūsa mehna cjāno tiqairo ñañene cose-mehnediqairo ijire”, nidi.

¹² Usã dahpocârine cose tuhasa, tiqiro suhtirore saña tuhasa, nuju sari tiqiro dujiriroputa.

—¿Mianogã musare yuhu yerire masiajari musa?

¹³ Musa yuhare “Buhegu”, ni pisuna, “Puhto”, ni pisuna poto ninata nine musa yuhare. Musare buhegu, musa puhto potota ijaja yuhu.

¹⁴ Sa yena yuhu musare buhegu, musa puhto ijiepeguta musa dahpocârine yuhu cosegũ ihñana musa gũhu musa mehna cjẽna dahpocârine coseya.

¹⁵ Mianogã musa yeatire musare ihñou. Musa mehna cjẽnare musa yedohoatire ihñou. Musare yuhu yeriro sahata musa gũhu yeya.

¹⁶ Ijirota niaja musare. Musa yuhu cahcjẽna yero saha ijina yuhu bui ijierare. Musare buhe duti yuhu ohorina ijire musa. Sa yena yuhu bui ijierare musa. Sa yegu “Yuhu yeriro sahata yeya”, nii musare.

¹⁷ Ahrire masina, yuhu dutiyere yena, bucuena ijinata musa.

¹⁸ Musare ijipihinare sa niedaja. Yuhu beseriquinare masiaja yuhu. Cohãcjũ tiqiro yere tiquina ojoari pũru tiqiro ni ojoari sahata wahaota. “Yuhu mehna ihyariquirota yuhare wejẽ duari”, ni ojoahye Cohãcjũ yere tiquina ojoari pũru.

¹⁹ Tiqiro sa yeato pano ahrire yahuyugu niaja musare. Yuhare tiqiro sa yeri bato, “Jesuta Cristo Cohãcjũ ohoriquirota ijire”, musa niatire ahrire musare yahuyugu niaja yuhu.

²⁰ Ijirota musare niaja. Yuhu ohoriquinare cahmediquiro yuhu gũhare cahmene tiqiro. Sa yero yuhare cahmediquiro yuhare ohoriquiro gũhare cahmene tiqiro, nidi Jesu usãre tiqiro buhenare.

Juda Jesure ihña tuhtiyequinare tiqiro ihñoatore yahuahye Jesu

(Mt 26.20-25; Mr 14.17-21; Lc 22.21-23)

²¹ Sa ni yahu tuhasa Jesu tutuaro bujua witi. Sa bujua witiro yahuri tiqiro usãre.

—Ijirota musare niaja. Ihcãquiro musa mehna cjẽno yuhare ihña tuhtiyequinare yuhare ihñonota, nidi Jesu.

²² Tiqiro sa nigũ tuhona Jesure ihñoatiquirore masiedana, usã basi cahme ihñau.

²³ Jesu buheyequina mehna cjũ yuhu, Jesu cahidigu ijii. Sa yegu tiqiro caharu pari paha dujii.

²⁴ Sa yero Simo Pedro yuhare tiqiro omoca mehna sinituri:

—¿Jesure ihñoatiquiro noa pehere nino niajari Jesu? Yahuya usãre, nino, tiqiro omoca mehna sinituri Pedro.

²⁵ Tiqiro sa nigũ yuhu pehe Jesu caharu dujirigu sinituu tiqirore:

—¿Puhto, noare nigũ niajari mũhu? nii yuhu.

²⁶ —Ahria pãre dahra waha ne, yuhu ña mio yuhu ohoatiquiro pehe tiqirota ijire yuhare ihñoatiquiro, nidi Jesu.

Sa ni tuhasa pãre tiqiro dahra waha nedirore ña mio tuhasa tire Simo Iscariote macnore Judare ohori.

²⁷ Sa yero pãre tiqiro ñehedi bato watĩno pehe Judare ñano ye dutiri jiri. Sa yero Jesu tiqirore ohõ saha nidi:

—Mũhu yeatore sojaro mehna ye madoqueohya mũhu, nidi Jesu Judare.

²⁸ Tiqiro sa nigũ tuhona usã mesaru dujina, Jesu Judare tiqiro nidire quehnoano masieda.

²⁹ Ihquẽquina ohõ saha ni tuhutumi: “Juda usã niñerure ihboriquiro ijire. Sa yero bose deco usã ihyatore dú dutiro ohori Jesu Judare. O pejecooyequinare niñerure oho dutiro niboaga Jesu”, ni tuhutumi usã ihquẽquina.

³⁰ Sa yero Juda ti pãre ñehe tuhasa, wijiaa wahari. Tiqiro wijiaro pje ñami ijiri.

Wahma dutirore yahuahye Jesu

³¹ Tiqiro wijiaro bato ohõ saha nidi Jesu:

—Yojoru pũritare yuhu masu Cohãcjũ ohorigu yuhu tutuagu yuhu ijie tyere ihñonota Cohãcjũ masare. Sa yegu Cohãcjũ tiqiro tutuariquiro ijire ihñoutja yuhu pehe.

³² Sa yegu Cohãcjũ tiqiro tutuayere yuhu ihñogũ tiqiro pehe yuhu tutuaye gũhare yojoru pũritare ihño madoqueorota.

³³ Yuhu pohna yuhare tuhoya. Meheñe decorigã musa mehna injinigtja. Yuhu wahari bato yuhare macanata musa. Sa yegu mari acaye judio masare yuhu nidiro sahata musa gũhare niaja. “Yuhu wahatore musa pehe waha masiedare”, tiquinare yuhu nidiro sahata musa gũhare yahuaia.

³⁴ Wahma dutirore musare yahugõtja. Musa mehna cjẽnare cahĩña musa. Musare yuhu cahidiro sahata, musa mehna cjẽnare cahĩña.

³⁵ Sa yena musa mehna cjẽnare musa cahigũ ihñañe, yeequina musa ijire masieta apequina, nidi Jesu usãre.

“Jesure masiedaja”, Pedro tiqiro niatire yahuahye Jesu

(Mt 26.31-35; Mr 14.27-31; Lc 22.31-34)

³⁶ Tiqiro sa nigũ Simo Pedro Jesure sinituri:

—¿Puhto, nohoru wahaatjari mũhu? nidi Pedro.

—Yuhu wahatore yojopare yuhu mehna waha masiedare mũhu. Yojopare waha masiedapeguta came yuhu caharu wahaata mũhu, nidi Jesu Pedore.

³⁷ —¿Puh̄to, duh̄segu yojop̄ure m̄hu mehna waha masiedaboari yuh̄u? Yuh̄ure tiquina wejē duepegāta m̄hure ne duhusi yuh̄u, nidi Pedro Jesure.

³⁸ —¿Yuh̄ure ne duheragutari m̄hu? Poto m̄hure yahutja. Canaca tiqiro yahuato pano “Jesure masiedaja”, niita m̄hu apequinare. Ihtia taha sa niita m̄hu, nidi Jesu Pedrorre.

14

Jesu Coh̄c̄j̄ cahap̄u wahari maha yero saha ijire

¹ Came Jesu us̄are oh̄o saha ni yahuri:

—Ne bujua witi, pajiwo wac̄uedac̄h̄na. Coh̄c̄j̄ure wac̄u tutuaya. Sa yena yuh̄u ḡhure wac̄u tutuaya.

² Yuh̄u Pacu tiqiro ijirop̄ure peye wah̄use ijire. M̄sa ijiatore quehnoyuḡu wahagutja. Ti ijirota ijire. Sa yegu m̄sare tire yahuaja.

³ Sa yegu m̄sa ijiatore quehno tuhasa, tojoa tautja yuh̄u. Sa yegu yuh̄u cahap̄u m̄sa ijiatire m̄sare negu ahtautja yuh̄u.

⁴ Sa yena yuh̄u wahati mahare masine m̄sa, nidi Jesu us̄are tiqiro buhenare.

⁵ —Puh̄to, m̄hu wahatore masiedaja us̄a. ¿Sa yena duh̄se ye m̄hu wahati mahare masinatari us̄a? ni sinituri Tomasu Jesure.

⁶ Tiquiro sa ni sinituḡu Jesu yuhtiri:

—Coh̄c̄j̄u cahap̄u wahaḡu yegu ijiita niaja yuh̄u. Sa yegu poto ijiyere yahuḡu ijiita niaja yuh̄u. Sa yegu uhm̄separe catiducuḡu yegu ijiita niaja yuh̄u. Sa ye yeequina dihita yuh̄u Pacu cahap̄u wahaeta.

⁷ Yuh̄ure masina, yuh̄u Pacu ḡhure masiboya m̄sa. Yojop̄ure tiqirore ih̄nari m̄sa. Sa yena tiqirore masi tuhasare m̄sa, nidi Jesu us̄are.

⁸ Tiquiro sa niḡu Felipe oh̄o saha nidi:

—Puh̄to, mari Pacure ih̄ñoña us̄are. To punota ih̄ña duaja us̄a, nidi tiqiro.

⁹ Tiquiro sa niḡu Jesu yahuri:

—¿Felipe, yoari pje yuh̄u mehna ijiepegata, m̄hu masiedajari yuh̄ure? Yuh̄ure ih̄nariquiro yuh̄u Pacu ḡhure ih̄ña tuhasari. ¿Sa yegu “Mari Pacure ih̄ñoña us̄are”, niḡu duh̄segu sa nijajari m̄hu yuh̄ure?

¹⁰ Yuh̄u, yuh̄u Pacu mehna puana ijiepenata ih̄c̄ata ijiaja. ¿Tire “Poto ijierare”, niimeje nijajari m̄hu? M̄sare yahuḡu yuh̄u esa tuharo yahuḡu niedaja. Yuh̄u Pacure yahu basagu niaja. Sa yero tiqiro yuh̄u mehna ijiriquiro tiqiro tutuaye mehna ye ih̄ñore.

¹¹ Yuh̄u, yuh̄u Pacu mehna puana ijiepenata ih̄c̄ata ijiaja. Tire “Ijirota ijire”, ni wac̄uñna m̄sa. Tire “Ijirota ijire”, niedana, Coh̄c̄j̄u tutuaye mehna yuh̄u ye ih̄ñore wac̄uñna, yuh̄u Pacu mehna yuh̄u ih̄c̄ata ijiyere “Ijirota ijire”, ni wac̄uñna m̄sa.

¹² Ijirota m̄sare niaja. Yuh̄ure wac̄u tutuariquiro yuh̄u yeriro sahata yerota. Sa yero tiqiro pehe yuh̄u yuh̄uro yerota. Yuh̄u Pacu cahap̄u tojoa wahañ tuñ niaja yojop̄ure. Sa yero yuh̄ure wac̄u tutuariquiro yuh̄u yuh̄uro Coh̄c̄j̄u tutuaye mehna ye ih̄ñonota.

¹³ Sa yegu yuh̄ure wac̄u tutuayequina tiquina sinino punota yeitja. Sa yegu yuh̄u Pacu tiqiro tutuariquiro ijiyere ih̄ñoutja.

¹⁴ Yuh̄ure wac̄u tutuana m̄sa ijiḡu m̄sa sinino punota yeitja, nidi Jesu.

—Esp̄ritu Santore m̄sare ohoutja, ni yahuahye Jesu

¹⁵ Sa ni tuhasa oh̄o saha ni nemori:

—Yuh̄ure m̄sa cah̄na, yuh̄u dutiyere quehnoano ye pehonata.

¹⁶ Yuh̄u Pacure sinitja. Yuh̄u sa siniḡu yuh̄u Pacu pehe apeqirore m̄sare yedoatiquirore m̄sare ohorota. Sa yero tiqiro m̄sare yedoatiquiro pehe ijipitiye decori m̄sa mehna ijirota.

¹⁷ Tiquiro poto yahuriquiro Esp̄ritu Santota ijire. Ahri yehpa c̄j̄ena pehe Esp̄ritu Santore masiedare. Sa ye tiqirore c̄uo masiedare. Tiquirota m̄sa mehna ijirota. Sa yena m̄sa pehe tiqirore c̄uonata. Sa yena tiqirore masine m̄sa.

¹⁸ M̄sare coh̄asi yuh̄u. M̄sa mehna ijiḡu tagu, tojoa tautja yuh̄u.

¹⁹ Sa ijiepegata mehenoḡa duhsare yuh̄u wahato. Yuh̄u wahari bato ahri yehpa c̄j̄ena yuh̄ure wac̄u tutuayequina yuh̄ure pari turi ih̄ñasi. M̄sa pehe yuh̄ure ih̄ñanata. Yuh̄u catigu ijiḡu m̄sa ḡhu ijipitiye decori Coh̄c̄j̄u mehna catinata.

²⁰ Ti deco yuh̄u tojoa tati deco yuh̄u Pacu mehna ih̄c̄ata us̄a ijiḡu masinata m̄sa. Sa yegu yuh̄u mehna c̄j̄ana m̄sa ijiḡu m̄sa mehna c̄j̄u yuh̄u ijiḡu ḡhure masinata m̄sa.

²¹ Yuh̄u dutiyere yeriquiro yuh̄ure cah̄niquirota ijire. Sa yero yuh̄ure cah̄niquirore yuh̄u Pacu pehe cah̄nota. Sa yegu yuh̄u ḡhu tiqirore cah̄itja. Sa ye yuh̄ure quehnoano masiḡu yeitja tiqirore, nidi Jesu us̄are tiqiro buhenare.

²² Us̄a mehna c̄j̄ano apeqiro Juda wame tiriquiro ijiri. Juda Iscariote Jesure ih̄ña tuhtiyeqinane ih̄ñoatiquiro ijierari tiqiro. Apeqiro Juda ijiri. Sa yero tiqiro Jesure sinituri:

—¿Puh̄to, duh̄se yeitjari m̄hu us̄are sa niḡu? ¿Ahri yehpa c̄j̄enare m̄hure masiḡu yeragu, yabere yeitari m̄hu us̄a dihitare m̄hure masiḡu yegu? ni sinituri Juda.

²³ Tiquiro sa niḡu tuharo Jesu tiqirore yahuri:

—Yuh̄ure cah̄nequina, yuh̄u dutiyere quehnoano yeye nine. Tiquina sa yeḡu yuh̄u Pacu pehe tiquinare cah̄nota. Sa yena tiquina mehna ijina ahtanatja us̄a.

²⁴ Yuhare cahñeniquiro yuhu dutiyere yerare. Sa ye yuhu yahuye musa tuhori pehe yee yahuye ijierare. Yuhare ohoriquiro ye yahuye pehe ijire. Tiquiro yuhu Pacu ta ijire.

²⁵ Musa mehna ijinigu ahrire musare yahugu niaja.

²⁶ Came yuhu sinigū yuhu Pacu Espiritu Santore ohorota musare. Sa yero Espiritu Santo pehe musare yedohoatiquiro ijero, musare buhe pehorota tiquiro. Sa yero musare yuhu yahurire musare wacūgū yerota tiquiro.

²⁷ Musare quehnoano ijigū yeitja yuhu. Yuhu quehnoano ijiro sahata quehnoano ijigū yeitja yuhu musare. Ahri yehpa cǵena tiquina ni mehoriro sahata yesi yuhu musare. Yuhu pūrita potota quehnoano ijigū yeitja musare. Bujua witi pajiro wacūedacāhña musa. Sa yena cueracāhña musa.

²⁸ “Yuhu wahautja. Sa yegu musa mehna ijigu tagu tojoa tautja”, musare yuhu sa ni yahugū tuho tuhasari musa. Tire tuhona, bucueboaya musa. Yuhare musa pota cahña, bucueboaya musa. Yuhu Pacu pehe yuhu yuhduoro tutuare. Sa yena tiquiro caharu yuhu wahatore musa masidi bato yuhare cahña, bucueboaya musa.

²⁹ Musa yuhare wacū tutuare yuhu wahatore yahuyugu niaja musare.

³⁰ Ahri yehpa cǵena puhtoro wafino puhtoro ijero taro nine yojopare. Tiquiro sa ijero tagu yuhu musa mehna yuhu yahuducu bato tiati pje mehenogā dahsare. Tiquiro pehe yuhare yuhduca masiedare.

³¹ Sa yegu yuhare yuhu Pacu tiquiro dutiro sahata yeaja yuhu. Sata yeaja yuhu, yuhu Pacure yuhu cahñene ahri yehpa cǵena tiquina masiatire. Wahcāducaya. Isa wahana, nidi Jesu usāre tiquiro buhenare.

15

Jesu uhse da yero saha ijiriquiro ijire

¹ Came queoye mehna buhero usāre ohō saha nidi Jesu:

—Yuhu potota uhse da yero saha ijigu iji-aja. Yuhu Pacu pehe uhse dare ihña ihboriquiro yero saha ijire.

² Yeequina uhse da dūpuri yero saha ijiequina yuhu mehna cǵenata ijire. Uhse da dūpuri dūca marieñe dūpuri ihña ihboriquiro tiquiro pehe cohāriro saha yuhu Pacu tiquiro cahmeñene yerariquinare cohāre. Dūca tiye dūpuri ihña ihboriquiro tiquiro quehnoriro saha yuhu Pacu tiquiro cahmeñene yeequinare yedohorota tiquiro, “Yuhu cahmeñene ye nemoahdo”, nino.

³ Yeere tuhona, “Ijirota ijire”, nidi musa. Sa yero yuhu Pacu musa ñaie yerire cohā tuhasari.

⁴ Yuhu mehna cǵana ijija musa. Sa yegu musa mehna ijiitja. Uhse da dūpuri uhse da mehna wahñae daye dūpuri ijieye, ti dūpuri pehe dūca mariedare. Sata yuhu mehna cǵana ijierana, yuhu Pacu cahmeñene ye masiedare musa.

⁵ Yuhu uhse da yero saha ijigu iji-aja. Musa pehe ti da dūpuri yero saha ijina ijire. Yuhu mehna cǵano mehna yuhu ijigū dūca tiye dūpuri yero saha tiquiro yuhu Pacu cahmeñene yere. Yuhu mehna cǵana ijierana yuhu Pacu cahmeñene ye masiedare musa.

⁶ Ñaie dūpuri tiquiro cohāboriro saha yuhu mehna cǵena ijieyequinare yuhu Pacu cohānota. Ti dūpuri ñai dijiaa wahagū uhse dare ihña ihboriquiro ti dūpuri ne cahmeñe pecaru ujā cohānota. Sata yerota Cohācǵu yuhu mehna cǵena ijieyequinare.

⁷ Yuhu mehna cǵana ijina, yuhu buheyere boeraboaga musa. Sa boerana, musa cahmeno punota siniña. Sa yegu musa sinino punota ye basautja.

⁸ Yuhu Pacu cahmeñene yena musa ijigū ihñaie “Jesu yequina ijire ahriquina”, ni masieta musa. Sa ye musare ihñaie yuhu Pacure ño peota.

⁹ Yuhu Pacu yuhare tiquiro cahidiro sahata musare yuhu gūhu cahie tii. Yuhu cahña ijiducuya musa.

¹⁰ Yuhu cahñequina ijiducuyequina yuhu dutiyere yere. Yuhu Pacu ye dutiyere yeaja yuhu. Sa yegu tiquiro cahñogu ijiducuya yuhu. Sata musa gūhu yuhu dutiyere yena yuhu cahña ijiducunata musa.

¹¹ Ahrire musare yahuu yuhu mehna musa quehnoano bucueatire. Sa yena tutuaro bucuenata musa.

¹² Ohō saha dutiaja musare: Musare yuhu cahidiro sahata musa mehna cǵena gūhure cahña.

¹³ Ihcāquiro masano tiquiro mehna cǵano ye buhiri yariaro tiquiro mehna cǵanore tutuaro cahñe, apeqina tiquina cahidiro yuhduoro.

¹⁴ Sa yena yuhu dutiyere yena yuhu mehna cǵana ijire musa.

¹⁵ Potota yuhu mehna cǵana waro ijire musa. Musa sa ijigū ijiphtiye yuhu yerire yahuaja musare. Cahacjano tiquiro puhtoro yerire masiedare tiquiro. Sa yegu “Yuhu cahacjano ihyo ijina ijire musa”, musare niedaja. Yuhu Pacu yuhare tiquiro yahurire musare yahu pehou. Sa yahugu “Yuhu mehna cǵana ijire musa”, musare niaja yojopare.

¹⁶ Musa pehe yuhare ne beserari. Yuhu pehe musare besei yuhu Pacu cahmeñene musa yeatire. Musa sa yegū musa yeeye ne ihyo waro ijisi. Ahri deco yoaro punota sa ijiducuatī ijire musa yeeye. Musa sa yegū yuhare musa wacū tutuagū yuhu

Pacure masa sinino punota tiquiuro musare ohorota.

¹⁷ Ahrire musare dutiaja yuhu: Masa mehna cjênare cahña masa, ni yahuri Jesu.

Jesure tiquiuro yequina gähure ahri yehpa cjêna ihña tuhtire

¹⁸ Sa yero tiquiuro yahu nemori:

—Ahri yehpa cjêna musare tiquina ihña tuhtigü ihñana ahrire wacüña masa: Musare tiquina ihña tuhtiatu pano yuhu pehere ihña tuhti mahtari tiquina.

¹⁹ Cohäcjüre cahmedana masa ijigü, ahri yehpa cjêna tiquina cahme cahdiro sahata masa gähure cahboaya tiquina. Ahri yehpa cjêna masa ijigü musare besei. Sa yena yojopure ahri yehpa cjêna waro ijierare masa. Masa sa ijieragü ihñañe ahri yehpa cjêna musare ihña tuhtire.

²⁰ “Yeequina ijina masa yuhu bui ijierare”, musare yuhu nidire wacüña masa. Sa yena yuhu docapu ijina yuhu ñano yuhdäriro sahata ñano yuhdänata masa gähü. Yuhure ñano yeriquinata masa gähure ñano yeeta. Yuhu buhegü yahtiriquinata masa buhegü gähure yahtietu tiquina.

²¹ Ahri yehpa cjêna yuhure ohoriquire masiedare. Sa ye yuhure wacü tutuana masa ijigü ihñañe tiquina ñano yeeta musare.

²² “Tiquinare yuhu buhegu ahtaeragü yuhure tiquina cahmedari buhiri, buhiri mariedaboaya. Yojopure tiquinare yuhu buheri bato “Ñañe buhiri mariedare usäre”, ni masiedare tiquina.

²³ Yuhure ihña tuhtiriquiro yuhu Pacu gähure ihña tuhtire.

²⁴ Cohäcjü tiquiuro tutuaye mehna apeqüna tiquina ne yerarire ye ihñou. Sa ye tiquinare tire yuhu ye ihñoadagü tiquinare ñañe buhiri mariedaboaya. Cohäcjü tutuaye mehna yuhu ye ihñorire tiquina ihñari bato yuhure yuhu Pacu gähure ihña tuhtire tiquina.

²⁵ Sa ihña tuhtiyere Cohäcjü yere tiquina ojoari püpu duitaputa tiquiuro ni ojoariro sahata yeye nidi tiquina. Ohö saha ni ojoahye: “Tiquinare yuhu ñano yerapegüta yuhure ihña tuhtire tiquina”, ni ojoahye duitaputa Cohäcjü yere tiquina ojoari püpu.

²⁶ Yuhu batopu musare yedohoatiquire, yuhu Pacu mehna ijiriquiro musare yuhu ohoatiquire Espiritu Santota ijire. Tiquiuro potota yahuriquiro ijire. Sa yero tiquiuro ahtarot, yuhu ijire tiyere yahurota musare.

²⁷ Masare yuhu buhe dacagüputa masa gähü decoripe yuhu mehna ijiducuri. Sa yena masa gähü yuhu ijire tiyere yahunata apeqüinare, ni yahuri Jesu.

16

¹ Sa ni tuhasa usäre ohö saha ni yahu nemori:

—Came yuhu buheyere yuhu gähure masa cohädatire ahrire ijiphtiyere yahuu musare.

² Judio masa mari buheye wuhäsepü masa sajä duagü musare sajä dutisi yeequina masa ijiri buhiri. Sa ye ape tahapu musare wejê, “Cohäcjü cahmeñene yena niaja”, ni tuhotuetamaga apeqüna.

³ Sa ye yuhu Pacure, yuhu gähure tiquina masiedare. Sa masiedaye musare ñano yeeta tiquina.

⁴ Sa yena musare ñano tiquina yegü ihñana “Tiquina ohö saha yeato panota Jesu yahu tuhasari usäre”, ni wacünata masa. Masa sa ni wacütire yojopure ahrire yahu mahtagu niaja musare, ni yahuri Jesu.

Espiritu Santo tiquiuro yeatire yahuahye Jesu

Sa ni tuhasa ohö saha ni yahu nemori:

—Coä waropure masa mehna ijigü ahrire musare yahueru.

⁵ Yojopü pehere yuhure ohoriquire cahapu wahautja. “¿Nohopü wahautjari mahu?” yuhure ni, ihcäquire borota ne sinituerari masa.

⁶ Sa sinituerapenata yuhu wahatire musare yuhu yahu mujagü masa ñano jeripohna tire.

⁷ Musare ijirota yahuguta niaja. Yuhu wahari bato musare quehnoanota. Yuhu uhmäsepü wahaeragü musare yedohoatiquire pehe ahtaeraboaya. Wahagu musare tiquire oho dijioutja yuhu.

⁸ Yuhu sa oho dijiogü tiquiuro ahtarota. Sa wihiro ahri yehpa cjêna ñañe yeequina tiquina ijiyere tiquinare masigü yerota tiquiuro. Sa yero quehnoano ijire tiye gähure buherota tiquiuro masare. Sa yero Cohäcjü masare tiquiuro buhiri dahreato gähure yahurota masare yedohoatiquire pehe.

⁹ Yuhure wacü tutueyequina ijire ahri yehpa cjêna. Sa yero yedohoatiquire pehe masa ñañe yeequina tiquina ijire tiyere tiquinare masigü yerota.

¹⁰ Yuhu Pacu cahapu wahautja. Yuhu sa wahari bato masa yuhure ihñasi. Sa yero quehnoano ijire tiye gähure buherota yedohoatiquire pehe.

¹¹ Ahri yehpa cjêna puhtorore watinore Cohäcjü buhiri dahre duti tuhasari. Sa yero Cohäcjü masare tiquiuro buhiri dahreati gähure yahurota yedohoatiquire pehe.

¹² Pajiro ijire musare yuhu yahuati. Yuhu sa yahu nemo duepegüta tire yuhu yahugü yojopü masinisi masa. Sa yena yojopure quehnoano tuhosi masa.

¹³ Yuhu sa yahu nemoedagü Espiritu Santo pehe musare yahu nemono ahtarota.

Tiquiro esa tuharo musare yahusi. Tiquirore yuhū Pacu yahu dutirire tiquiro yahurota musare. Sa yero musare poto yahu pehorota. Sa yero “Cameru ohō saha waharota”, ni yahurota tiquiro musare.

¹⁴ Sa yero yeere musare tiquiro yahurota. Sa yahuro yuhūre ño peogū yerota masare.

¹⁵ Ijipihtiye yuhū Pacu ye, yee gūhū ijire. Sa yegu “Espíritu Santo pehe yeere yahurota musare”, nii musare, ni yahuri Jesu.

—*Вѣѣна витина иѣепената came bucuenata musa, ni yahuahye Jesu*

¹⁶ Sa ni tuhasa ohō saha ni yahu nemori:

—Mehenogā bato musa yuhūre ihñasi. Sa yena mehenogā bato musa yuhūre ihñanata tja, nidi Jesu usāre tiquiro buhenare.

¹⁷ Tiquiro sa nigū tuhona, usā pehe meheñequinagā ohō saha ni yahuducuu usā basi:

—¿“Mehenogā bato musa yuhūre ihñasi. Sa yena mehenogā bato musa yuhūre ihñanata tja”, nino duhse nino sa niajari marine? ¿Sa yero “Yuhū Pacu caharu wahautja”, nino duhse ijero boro marine sa niagari tiquiro?

¹⁸ ¿“Mehenogā bato”, nino duhse nino sa niajari ahrikiro? Tiquiro ni yahurire quehnoano masiedaja mari, ni yahuducuu usā basi.

¹⁹ Usā sa ni yahuducugū Jesu tiquirore usā sinitu duarire masino, usāre yahuri:

—¿“Mehenogā bato musa yuhūre ihñasi. Sa yena mehenogā bato yuhūre ihñanata tja”, yuhū nidire sinitu duajari musa? ¿Tire yuhū nidire masiedajari musa?

²⁰ Ijirota musare nigu niaja. Yuhū yariagū ihñana musa utinata. Sa yena tutuaro bujua witinata. Sa ye yuhūre ño peoeyequina pehe bucueeta. Musa pehe bujua witiina ijiepenata, came bucuenata musa.

²¹ Ohō saha ijire ti: Numino niji wahcōno, ticoro ñano yuhduato pano ijire. Sa yero ticoro tutuaro bujua witiire. Sa bujua witiiperota ticoro pohna tiri bato ticorore puridire wacūedare ticoro. Nijinogā ahri yehparu tiquiro masa bajuagū ticoro bucuere. Sa yero ticorore puridire wacūedare.

²² Sata musa yojoPURE bujua witinata. Came musare ihñautja. Sa yena musa tutuaro bucuenata. Musa sa bucuegū apequna musare bujua witiigū ye masisi.

²³ Ti deco musa yuhūre ihñari deco yuhūre sinitusi musa. Masi tuhasarinapu ijinata. Ijirota musare nigu niaja. Yuhūre musa wacū tutuagū ihñano yuhū Pacure musa sinitihene tiquiro musare ohorota.

²⁴ Ahri deco pano yuhū tutuaye mehna Cohācjüre siniedaridi musa. Yuhūre wacū tutuatjāna Cohācjüre sinitia. Musa sa sinigū musa sinidire musare ohorota, musa quehnoano bucuere, nidi Jesu usāre.

Ñañequinare Jesu pehe yuhūducuhye

²⁵ Sa ni tuhasa ohō saha ni nemori:

—Queoye mehna musare yahue tii. Sa yahuepegūta came musare queoye mehna yahusi yuhū. Sa yahueragu yuhū Pacu pehere quehnoano poto yahutja musare.

²⁶ Ti deco musare yuhū Pacure sini basasi yuhū. Yuhūre wacū tutuana, musa basi tiquirore sininata.

²⁷ Musa yuhūre cahīne. Sa yena yuhū Pacu caharu yuhū ahtarigu ijigū “Ijirota ijire”, nine musa. Sa nina musa ijigū ihñano yuhūre cahīna musa ijigū ihñano yuhū Pacu pehe musare cahīne. Tiquiro sa cahīgū tiquirore musa sininata.

²⁸ Yuhū Pacu caharu ijirigu ahri yehparure ahtau yuhū. Sa yegu yojoPURE ahri yehparu ijirigu yuhū Pacu caharu wahautja, nidi Jesu.

²⁹ Tiquiro sa nigū usā tiquiro buhena ohō saha nii:

—YojoPURE pūrita queoye marieno yahuducugū quehnoano bajuro yahugū nine mūhū usāre.

³⁰ Mūhū quehnoano masi pehogū mūhū ijigū yojoPURE pūritare usā masiaja. Sa ye apequna mūhūre buhe masiedare. Tire yojoPURE usā quehnoano masiaja. Usā quehnoano masina, Cohācjū caharu ahtarigu mūhū ijigū “Ijirota ijire”, niaja usā, nii usā Jesure.

³¹ Usā sa nigū Jesu yahrtiri usāre:

—¿YojoPURE “Ijirota ijire”, niajari musa?

³² Came cūno ijipihtina musa wuhūsepu waha sitena, yuhūre cohānata musa. Musa sa cohāpepegūta yuhū Pacu pehe yuhū mehna ijire. Sa yegu yuhū ihcūta ijieraja.

³³ Ahrire musare yahu mūhtau, yuhūre musa wacū tutuaye mehna musa quehnoano ijiatore. Cohācjüre cahmeñequina caharu musa ijigū ñano yeeta musare tiquina. Tiquina sa yepegūta bucuera musa. Ahri yehpa cĵena tiquina ñañe yerire yuhūducugū ijiaja yuhū. Sa yena yuhūre wacū tutuana bucuera musa, nidi Jesu usāre tiquiro buhenare.

17

Jesu tiquiro buheyequinare Cohācjüre sini basahye

¹ Sa ni yahu tuhasa Jesu uhmuanoru ihñana mao, Cohācjüre ohō saha ni yahuducuri:

—Mai, yojoPURE mūhū yahu queoriro sahata yuhūre ñano tiquina yeati pje esarota nine. Yuhūre mūhū macure masare ño peogū yeya. Mūhū sa yegu mūhūre masare ño peogū yeitja yuhū gūhū.

² Ijipihtiyequina puhto yuhūre cūri mūhū. Sa yegu yuhūre mūhū ohoriguinare mūhū mehna sa ijiducugū yeitja yuhū. Sa yegu mūhūre masare ño peogū yeitja yuhū.

³ Mũhũ dihita Cohãcjũ waro ijire. Yũhũ Jesucristo mũhũ ohorigũ ijiaja. Sa ye ijipihitiyequina mũhũre masiñequina, yũhũ gãhũre masiñequina uhmũsepu mari mehna sa iiducuetã, nidi Jesu.

⁴ Sa ninota ohõ saha ni nemori mari Pacure:

—Ahri yehpapure mũhũ ye dutirire ye peho tuhasaũ yũhũ. Sa yegũ mũhũre masare ño peogũ yei yũhũ.

⁵ Ahri yehpa ijiaito pano mũhũ mehna yũhũ ijigũ ijipihitiyequina yũhũre tiquina ño peo mũhtariro sahata yojopure yũhũre tiquina ño peogũ yeya tja.

⁶ Ahri yehpapũ ijieyequinare yũhũre mũhũ ohoriquinare mũhũre masigũ yei. Mũhũ ohoriquina mũhũ yequina ijire. Sa yegũ tiquinare ohori mũhũ yũhũre. Sa ye mũhũ dutiyere yeri tiquina.

⁷⁻⁸ Yũhũre mũhũ yahurire tiquinare buhei. Yũhũ sa buhegũ tuhoye yũhũ buheyere cahmedi tiquina. Sa ye potota mũhũ cahapũ ahtarigũ yũhũ ijigũ masine tiquina. Sa ye mũhũ ohorigũ yũhũ ijigũ “Ijirota ijire”, ni tahoture tiquina. Sa ye ijipihitiye yee mũhũ ye ti ijigũ masine tiquina.

⁹ Tiquinare mũhũre sini basagũ niaja. Apequina pehere sini basagũ niedaja yũhũ. Yũhũre mũhũ ohoriquina mũhũ yequina ijire. Sa yegũ tiquinare sini basagũ niaja mũhũre.

¹⁰ Tiquina ijipihitiyequina mũhũ yequina ijire. Sa ye mũhũ yequina pehe yeequina ijire. Yũhũre wacũ tutuaye yũhũ tutuagũ ijiyere masigũ yere tiquina masare.

¹¹ Yojopure ahri yehpapure tojoasi yũhũ. Mũhũ cahapũ wahaũ tũũ niaja. Yũhũ sa wahaapegũta yojopure yũhũre mũhũ ohoriquina ahri yehpare tojoare. Mai, mũhũ quehnoagũ ijire. Yũhũre mũhũ ohoriquinare mũhũ tutuaye mehna ihña ihbo basaya. Mũhũ sa ihña ihbogũ mari ihcũta mari ijiro saha tiquina gãhũ ihcã curuata ijiahiro.

¹² Tiquina mehna ijigũ mũhũ tutuaye mehna tiquinare quehnoano ihña ihbou. Ihcãquiro pũrita pecapũ wahaota mũhũ yere tiquina ojoari pũpũ yahuriro sahata.

¹³ Yojopure mũhũ cahapũ wahaũ tũũ niaja. Sa yegũ ahri yehpapũ ahri ijipihitiyere yeequinare yahuaja yũhũ mehna tiquina quehnoano bucueatire.

¹⁴ Mũhũ yere yahuu tiquinare. Tiquina gãhũ yũhũ yero sahata ahri yehpapũ iji dojoatiquina ijierare. Sa ye ahri yehpa cjẽna pehe tiquinare ihña tuhtire.

¹⁵ “Ahri yehpapũ ijieyequinare, yeequinare neahña”, niedaja. Yũhũ sa niedapegũta tiquinare quehnoano ihña ihboya. “Wafĩno ñañene tiquinare ye

dutiari”, nigu, quehnoano ihña ihboya tiquinare.

¹⁶ Ahri yehpa cjã ijieraja. Tiquina gãhũ yũhũ yero sahata ahri yehpapũ iji dojoatiquina ijierare.

¹⁷ Yeequinare mũhũ buheye mehna quehnoañequina yeya tiquinare. Mũhũ yahuye pehe ijirota ijire.

¹⁸ Ahri yehpapure yũhũre mũhũ ohoriro sahata yũhũ pehe yeequina gãhũre mũhũ yere buhe dutigũ ohou.

¹⁹ Mũhũ cahmeñene yegũ tagũ yariacjũ ijigũ yũhũ pagure ohoaja. Sa yeaja yũhũ, yeequina gãhũ mũhũ cahmeñene poto tiquina quehnoano yeatire.

²⁰⁻²¹ “Yeequina yojopure ijieyequina dihitare yedohoya”, ni sini basaeraja yũhũ. Yeequina apequina gãhũre yeere tiquina buheri bato tiquina gãhũ yũhũre wacũ tutuata. Tiquina gãhũre yedohoya, yeequina ijipihitiyequina ihcã curua tiquina ijiro quehnoano. Yũhũ mũhũ mehna mari puana ijiepenata ihcũta ijiaja. Ihcũta mari ijiro sahata tiquina gãhũ mari mehna ihcã curuata ijiahiro. Ihcã curuata ijiahiro, mũhũ ohorigũ yũhũ ijiyere ijipihitiyequina masa “Ijirota ijire”, tiquina niatire.

²² Yũhũre mũhũ tutuaye ohorire yeequinare ohou. Ti tutuayerẽ caoye, ihcũta mari ijiro sahata tiquina gãhũ ihcã curuata ijiaja.

²³ Yũhũ tiquina mehna ijiaja. Sa yegũ mũhũ yũhũ mehna ijire. Mari sa ijigũ yeequina potota ihcã curuata quehnoano ijietã. Ihcã curuata tiquina ijigũ ihñañe mũhũ ohorigũ yũhũ ijiyere ahri yehpa cjẽna masieta. Sa ye yũhũre mũhũ cahĩdĩro sahata yeequina gãhũre mũhũ cahĩñene masieta masa.

²⁴ Mai, ahri yehpa iji ducato pano yũhũre cahĩe tiri mũhũ. Sa cahĩgũ yũhũ tutuagũ ijiyere ihñori mũhũ. Sa yegũ yũhũre mũhũ ohoriquinare yũhũ mehna tiquina ijigũ cahmeaja, yũhũ tutuagũ ijiyere tiquina masiatire.

²⁵ Mai, mũhũ quehnoagũ ijire. Ahri yehpa cjẽna ñañequina mũhũre masiedare. Yũhũ pehe mũhũre masiaja. Sa ye mũhũ ohorigũ yũhũ ijigũ masine yeequina.

²⁶ Tiquinare mũhũre masigũ yei. Came gãhũre mũhũre tiquinare masigũ yeitja, yũhũre mũhũ cahĩdĩro sahata apequinare tiquina cahĩatire. Sa yegũ yeequina mehna ijigutja, nidi Jesu mari Pacure.

18

Jesure peresu yeahye

(Mt 26.47-56; Mr 14.43-50; Lc 22.47-53)

¹ Tiquire sa nidi bato Jesu, usã gãhũ tiquire buhena Cedrõ wame tiri mare pehã, olivo wame tiye cjũ wesepũ esaũ.

² Peye tahari ti wesepu Jesu mehna cah-mecoeae tii. Sa yero Juda Jesure ihña tuhtiyequinare ihñoatiqiro ti wesere masidi.

³ Sa masino pu curua surarare umu tā cāhtari ti wesepu Jesure ihñono taro. Ihcā curua surara waro ijiri. Ape curua surara Cohācjū wuhare cohteyequina ijiri. Tiquina pahia puhto, fariseo masa tiquina ohoriquina ijiri surara, Cohācjū wuhare cohteyequina mehna. Sa ahtaye sihāñe pacare, sihāñe cju gūhure sihā cāhtari. Tiquina wamoa gūhure ne cāhtari tiquina.

⁴ Ti wesepu tiquina wihiri bato Jesu tiqiro ñano yuhduatire masino, tiquinare piti ca, sinituri:

—¿Noare macana niajari msa? nidi Jesu.

⁵ —Jesu Nazare cjanore macaja usā, ni yuhtiri tiquina.

—Tiqiro tjaja yuhu, nidi Jesu.

Juda pehe Jesure ñehe dutiro ihñoriqiro tiquina mehna ijiri.

⁶ Sa ye “Tiqiro tjaja yuhu”, Jesu nigūta tiquina pehe tuho maria waha, du siti maa, yehpau bora quehe sari.

⁷ Tiquina sa wahagū ihñano pari turi sinituri tiquinare Jesu:

—¿Noare macana niajari msa? nidi.

—Jesu Nazare cjanore macana niaja usā, ni yuhtiri tiquina tja.

⁸ —“Yuhu tjaja”, ni tuhasamigu yuhu msare. Sa yena yuhare ñehena ahriquinare yuhu mehna cjenare peresu yeracāhña msa, nidi Jesu.

⁹ Sa usāre cahño ne ihcāquirore butigū yerari. Sa yero to pano Cohācjūre tiqiro ni doro sahata yero nidi tiqiro. “Yuhare mahu ohoriquinare ne ihcāquiro boeru”, tiqiro ni doro sahata yero nidi Jesu.

¹⁰ Sa ye Simo Pedro ñoseni pñine curo, ti pñine tuā we nedoqueo, pahia puhtoro cahacjano Malco wame tiriqiro cahmonore date pahrē cāri. Poto pehe cja cahmonore date pahrē cāri.

¹¹ Tiqiro sa date pahrēgū ihñano Jesu tiqirore ohō saha nidi:

—Mahu ñoseni pñine ihboya. Yuhu Pacu yuhare tiqiro ñano yuhdu dutiriro sahata ñano yuhdu tja yuhu, nidi Jesu Pedroro.

Pahia puhtoro cahapu Jesure neahye tiquina

(Mt 26.57-58; Mr 14.53-54; Lc 22.54)

¹² Tiqiro sa ni tuhasagūta surara, tiquina puhtoro mehna, Cohācjū wuhare cohteyequina surara gahu Jesure ñehe, tiqirore duhteri.

¹³ Duhte tuhasa Anás cahapu nea muhtari tiquina. Anás pehe Caifa mareino ijiri. Caifa pehe ti cahmare pahia puhtoro ijiri.

¹⁴ “Judio masa ye ijjatire ihcāquiro masuno yariagū quehnoanota”, nidiqiro boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

¹⁵ Sa yena yuhu Simo Pedro mehna Jesure yoa cjunoru ihña nahu tāu. Caifa ya wuhapu neañe nidi Jesure. Yuhu pehe pahia puhtoro tiqiro ihña masinohgu ijigu Jesu bato puhtoro ya wahu ijiri sahrñoru sajā wahu.

¹⁶ Yuhu sa sajāgū Pedro pehe sahrño sopecahapu tojoaduca sari. Sa yegu majare wijia ta, sopecahare cohtericore sinituu. Yuhu sa sinitu tuhasagū ticoro Pedroro sajā ta dutiri. Ticoro sajā ta dutiri bato yuhu Pedroro ne sajā wahu.

¹⁷ Yuhu sa ne sajāgū ihñano sopecahare cohtericoro pehe Pedroro sinituri:

—¿Jesu buheyequina mehna cju ijierajari mahu? nidi ticoro Pedroro.

—Ijieraja yuhu, ni yuhtiri Pedro pehe.

¹⁸ Usā esato pano to cjenā puhtoa cahacjēna, surara mehna tiquina sohmati pecare wijia tuhasari jiri. Yusaridi. Sa ye tiquina ti peca duhtu caha ducuye, sohmañe nidi. Tiquina sa sohmagū ihñano Pedro gahu ahta, sohmani.

Pahia puhtoro Jesure sinituahye

(Mt 26.59-66; Mr 14.55-64; Lc 22.66-71)

¹⁹ Sa ye pahia puhtoro Jesu buherire, usā tiqiro buhena gūhure sinituahye Jesure.

²⁰ Tiqiro sa sinitugū Jesu pehe yuhtiahye tiqirore:

—Ijipihtiyequinare buhegu tiquina ihñono ducuu. Sa buhegu judio masa mari buheye wuhasepu Cohācjū wuhapu gūhure sa buheducuu yuhu. Duhtitijāgu buheru yuhu.

²¹ ¿Duhsegu yuhare sinituajari mahu? Sinitu duagu yuhu buheyequinare sinituya. Yuhu buherire tiquina masine, ni yuhtiahye Jesu.

²² Tiqiro sa nigū tuhoro toru ducuriqiro surara pehe tiqiro omoca mehna Jesure quēahye.

—Sa niedacāhña pahia puhtoro, niahye surara pehe Jesure.

²³ Tiqiro sa nigūta Jesu ohō saha niahye:

—Ñano yuhu ni yahuducurire yahuya yuhare. ¿Poto msare yuhu yahuepegūta, duhsegu tagu yuhare quēajari mahu? niahye Jesu surarare.

²⁴ Came Anás Jesure tiquina duhteriqirore Caifa pahia puhtoro cahapu ohoahye.

—Jesure masiedaja, pari turi niahye Pedro

(Mt 26.71-75; Mr 14.69-72; Lc 22.58-62)

²⁵ Sa ye Simo Pedro peca duhtu cahapu ducuro, sohmano nidi. Tiqiro sa sohmaducugū ihñañe to cjenā tiqirore sinituri:

—¿Mahu gahu Jesu buheyequina mehna cju mahu ijierajari? nidi tiquina Pedroro.

—Ijieraja yuhu, ni yuhtiri Pedro.

²⁶ Sa yero pahia puhtoro cahacjēna mehna cĵano Pedro tiqiro cahmono dute pahrēdiqiro acayaro pehe Pedrore sinituri:

—Ĵesure tiqina ñehedi wesepu yuhu ijigā mahu gāhu tiqiro mehna ijieracoachte? ni sinituri tiqiro Pedrore.

²⁷ —Yuhu tiqiro mehna ijieru, nidi Pedro. Tiqiro sa nigēta canaca yahuri.

Jesure Pilato sinituahye

(Mt 27.1-2, 11-14; Mr 15.1-5; Lc 23.1-5)

²⁸ Nami cĵano ijigā Caifa ya wuhapu ijiriquina Jesure ne wijia, Roma cĵēna puhtoro Pilato ya wuhapu nea wahari tiqina. Sa wahaepeta tiqiro ya wuhapu sajāedari. Pascua deco ijigā tiqina ihya-tiqina ijiye, ohō saha nidi: “Judio masano ijierare Pilato. Tiqiro sa ijiriquiro ijigā tiqiro ya wuhare sajāna, mari dutiyere yuhduducana niboaga. Sa yena mari sajāgā marine bose deco cĵē ihyayere ihya dutieraboaga”, nidi. Sa niñe puhtoro Pilato ya wuhare sajāedari Jesure neariquina pehe.

²⁹ Tiqina sa sajāedagū ihñano Pilato tiqina cahapu wuhu sopecahapu esaducaro, tiquinare sinituri:

—Ĵyabe buhirire ahriquirore yahusā duajari masa? nidi Pilato tiquinare.

³⁰ —Ahriquiro quehnoariquiro ijigā mūhare usā ohoeraboaya. Nariquiro ijire tiqiro, ni yahtiri tiqina.

³¹ Tiqina sa nigā Pilato ohō saha nidi:

—Masa basita tiquirore neañā. Sa yena masa ye dutiye ti nidiro sahata tiquirore buhiri dahreya, nidi Pilato tiquinare.

—Masa ye dutiye pehe usāre masunore wejē dutierare, nidi tiqina Pilatore.

Sa niñe Jesure wejē dutiye tee nidi.

³² Tiqina sa wejē dutigū Jesu pehe curusapu tiqiro yariare to pano tiqiro yahuriro sahata wahari.

³³ Tiqina sa nidi bato, Pilato pehe wuhapu majare sajā, Jesure pijioahye. Pijio tuhasa, tiquirore sinituahye:

—Ĵudio masa tiqina puhto tjajari mahu? ni sinituahye Pilato.

³⁴ —Ĵmahu esa tuharota sa ni sinituajari mahu yuhare? Ĵo apequina pehe yuhare tiqina yahusāri bato tire sinituajari mahu? niahye Jesu Pilatore.

³⁵ —Judio masu ijieraja yuhu. Mahu ya yehpa cĵēna, pahia puhtoa gāhu mūhare ohoi usāre. Ĵyabere ñano yeari mahu tiqina sa buhiri dahre duagū? niahye Pilato.

³⁶ —Ahri yehpa cĵū puhto ijieraja yuhu. Ahri yehpa cĵū puhto yuhu ijigā, yuhu buhayequina yuhare yedohoboaya. Judio masare ñehē dutieraboaya. Yuhu puhto ijiye ahri yehpa cĵē ijierare, niahye Jesu Pilatore.

³⁷ —Ĵsa yegu puhto ijajari mahu sa nigu? niahye Pilato.

—Mahu nino sahata puhto ijiaja. Masa tiqina puhto ijigu tagu masa bajuu yuhu. Sa yegu ahri yehpapu ahtau tiqina puhto ijii tūhu, poto ijiyere yahugu tūhu. Ijiphiyequina poto ijiyere tūho duayequina, yuhu yahuyere tūhore, niahye Jesu.

³⁸ —Ĵyabe boro ijajari poto ijiye? niahye Pilato.

Judio masa Jesure wejē dutiahye

(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare toja tiquinare yahuri:

—Ahriquiro Jesure ne buhiri mariedare.

³⁹ Cahmaripe pascua ijigā ihcāquiro peresu ijiriquirore masa wio dutiducure. Ĵsa yegu ahriquiro Jesureta masa puhtoro ijatiquiro masare wio basagari yuhu? nidi Pilato judio masare.

⁴⁰ Tiqiro sa nigā tūhoye judio masa ohō saha ni sañuducuri:

—Tiquirore wioeracāhña. Barrabā pehere usāre wio basaya, ni sañuducuri judio masa Pilatore.

Barrabā pehe yaque bucuro ijiri.

19

¹ Tiqina sa ni sañuducuri bato Pilato Jesure tana dutiahye. Sa ye tiqiro yequina surara pehe tiquirore tanahye.

² Tana tuhasa tiqina pota behto ye tuhasa, Jesu dapu buipu duhu peoahye. Duhu peo tuhasa, puhtoa ye suhti borore tiquirore sāa tuhasa, tiqiro cahapu esa dūca, ohō saha ni bujapeahye tiqina:

³ —Quehnoano ahtaya. Judio masa puhto, quehnoano ahtaya, ni bujape, Jesu wuhdoare quē mujahye.

⁴ Sa yero Pilato pari turi judio masa cahapu waha, tiquinare yahuri:

—Tūhoya masa. Ahriquiro ne buhiri mariediquiro ijire. Sa yegu tire masa masi-atire masa cahapu tiquirore ne cāhtau, nidi Pilato.

⁵ Tiqiro sa ni tuhasagū Jesu pota behto pesariquiro, puhtoa ye suhti borore sañariquiro wuhapu ijiriquiro wijia tari. Tiqiro sa wijia tagū Pilato tiquinare ohō saha nidi:

—Ihñañā. Ahriquiro ijire tiqiro, nidi Pilato.

⁶ Tiqiro sa ni tuhasagū tūhoye, pahia puhtoa, surara gāhu Jesure ihñañe, sañuducuri:

—Curusapu quē biha wejēña tiquirore. Curusapu quē biha wejēña tiquirore, ni sañuducuri tiqina.

—Tiquiro ne buhiri mariedare. Sa yena masa basita tiquirore neañā. Sa yena masata tiquirore curusapu quē biha wejēña, nidi Pilato tiquinare.

⁷ –Tiquiro basi “Cohācjū macu ijiaja”, nie tiri. Tire tiquiro sa nigū usā dutiye pehe tiquirore wejē dutire, nidi tiquina Pilatore.

⁸ Tiquina sa nigū tūhoro cue yūhduā wahari Pilato pehe.

⁹ Sa yero pari turi wūhūpūre majare sajā, Jesure sinituahye tja:

–¿Noho cjā ijiajari mūhu? ni sinituahye tiquiro Jesure.

Tiquiro sa ni sinituepegāta Jesu tiquirore yūhtierahye.

¹⁰ Tiquiro sa yūhtieragū ihñano Pilato tiquirore sinitu nemoahye:

–¿Yūhūre yūhtierajari mūhu? Yūhū mūhūre peresupū ijirigūre wio masiaja. Sa yegū mūhūre curusapū gūhūre quē biha wejē duti masiaja yūhū. ¿Tire masiedajari mūhu? niahye Pilato Jesure.

¹¹ –Cohācjū mūhūre tiquiro dutieragū yūhūre ñano ye dutieraboaya mūhu. Yūhūre ihña tuhtieyegūnare ihñoriquiro pehe mūhu yūhdūoro ñano buhiri tire, niahye Jesu Pilatore.

¹² Tiquiro sa nigū tūhoro Pilato pehe tiquirore wio duamahye. Tiquiro sa wio duepegāta pari turi judio masa sañuducuri:

–Jesu “Puhto ijiaja”, nino mari ijipihtina puhtorore Roma cjānore ihña tuhtiriquiro ijire tiquiro. Sa yegū tiquirore wioyū mūhū gūhū mari puhtorore ihña tuhtigū ijiaja mūhū, ni sañuducuri judio masa Pilatore.

¹³ Tiquina sa nigū tūhoro Jesure wūhūpū ijiriquirore ne wijia ta, buhiri dahre dutiro taro tiquiro dujiri pahtapū nuju sari Pilato. Tiquiro buhiri dahre dutiri paa utā mehna tiquina yeri paa judio masa ye mehna Gabata wame tiri.

¹⁴ Ti deco pascua bose deco usā ihyatire usā quehnori deco ijiri. Ti pjere coheri pje waro ijiri. Nuju sa tuhasa Pilato masare ohō saha ni yahuri:

–Ahriquiro tjire masa puhtoro, nidi tiquiro.

¹⁵ Tiquiro sa nigū tūhoye judio masa sañuducuri:

–Yariahro tiquiro. Yariahro tiquiro. Curusapū quē biha wejēña tiquirore, ni sañuducuri tiquina.

–¿Musa puhtoro tiquiro ijiepegāta tiquirore curusapū quē biha wejē dutiajari masa? nidi Pilato.

Tiquiro sa nigū ohō saha ni yūhtiri pahia puhtoa:

–Mari ijipihtina puhtoro Roma cjānota tiquiro usā puhtoro ijire. Apequiro puhtoro usāre mariedare, ni yūhtiri pahia puhtoa.

¹⁶ Tiquina sa ni yahuducuri bato Pilato Jesure curusapū quē biha wejē dutiro, tiquirore ohori tiquinare.

*Jesure quē biha wejēahye tiquina
(Mt 17.32-44; Mr 15.21-32; Lc 23.26-43)*

Sa ye tiquina Jesure ne wijjari.

¹⁷ Tiquina ne wijjagū Jesu pehe tiquiro ya curusare tiquiro basi waa ne, dapu pehtoro wame tiorpū esari. Usā judio masa ye mehna Gōlgota wame tiri.

¹⁸ Topū esayo tiquina Jesure quē biha ohōri. Sa ye apequina puarore ihcāquiro tiquiro poto pehe, apequiro tiquiro cū pehe pehe quē biha ohōri tiquina. Sa yero Jesu tiquina deco curusapū wahñari.

¹⁹ Tiquina quē biha tuhasagū Pilato taboa pjīne oja duti, Jesure tiquina quē biha ohōri curusapū quē biha ohō dutiri jiri ti pjīne. Ohō saha ni oja dutiri jiri tiquiro: “AHRIQUIRO JESU NAZARE CJĀNO, JUDIO MASA PUHTORO IJIRE”, ni oja dutiri jiri Pilato ti pjīne.

²⁰ Ti pjīne ojaoro judio masa ye mehna, Roma cjēna ye mehna, griego masa ye mehna ojaori jiri apequiro. Sa yero Jesure curusapū tiquina quē biha ohōriro maca cahagā ijiri. To cahagā ijieyegūna peyequina judio masa Pilato oja dutirire ihña, buheri.

²¹ Sa buhe tuhasa judio masa usā pahia puhtoa ohō saha nidi Pilatore:

–“Ahriquiro judio masa puhtoro ijire”, ni oja dutieracāhña. Usā puhtoro ijierare ahriquiro. Sa yegū ohō saha ni oja quehno dutiya mūhū. “Ahriquiro ‘Judio masa puhto ijiaja’, ni ihcāquirota tiquiro basita sa ni tūhoturiquiro ijiri”, ni oja quehno dutiya, nidi pahia puhtoa.

²² –Yūhū oja duti mūhtaroro sahata ijjirota, nidi Pilato tiquinare.

²³ Jesure tiquina quē bihari bato pititiaro surara pehe Jesu suhtire tiquina basi itiri. Tiquina sa iti duepegāta ihcā suhtiro yoari suhtiro dohori marieni suhtiro ijiri. Ti suhtiro suhari suhtiro ijiri.

²⁴ Ti suhtiro sa ijigū ohō saha nidi tiquina basi:

–Ahri suhtirore tūhrēdacūhna. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohācjū yere tiquina ojaori pūpū tiquina ni ojaoro sahata yeye nidi tiquina. “Yūhū suhtire tiquina basi itiri. Sa ye yūhū suhtire neatiquinare masi duaye, doqueperi tiquina”, ni ojaohye Cohācjū yere tiquina ojaori pūpū. Tiquiro sa ni ojaoro sahata sa yeye nidi tiquina.

²⁵ Surara tiquina sa yegū, Jesu pacoro, Jesu mūono, María Cleofa namono, María Magdalena mehna Jesu curusa cahagā ihñaducuri tiquina.

²⁶ Sa yero tiquiro pacoro yūhū tiquiro cahñogū gūhū tiquiro cahapū usā ducugū ihñano tiquiro pacorore yahuri Jesu:

–Yojopūre ahriquiro mūhū macu ijire, nidi Jesu tiquiro pacorore.

²⁷ Sa ni tuhasa, yūhūre ohō saha ni yahuri tiquiro:

—Yojopare ahricoro maha paco ijire, nidi Jesu yahare.

Tiquiro sa nidi bato Jesu pacorore ya wahapu iji dutii.

Jesu yaria wahahye

(Mt 27.45-56; Mr 15.33-41; Lc 23.44-49)

²⁸ Tiquiro sa ni yahuri bato ohō saha ni tahotu, masiahye Jesu: “Ijipihtiye Cohācjā yahare dahra dutiro tiquiro cūre ye pehou”, ni tahotu, masiahye Jesu. Sa masino Cohācjā yere tiquina ojoari pūpu tiquiro ni yahuriro sahata ohō saha nidi Jesu:

—Aco wnoaga yahu, nidi Jesu.

²⁹ Sa yero topu vino saēne co pose tiri sutu dujiri. Sa yero topu ijiriquiro aco ihmini sahtere saēne co mehna tiquina sohari sahtere yucugū hisopo wame tidu sohotaapu dahate ohōri. Sa yero Jesu duseropu siō ohōri.

³⁰ Ti core Jesu ihmi tuhasa ohō saha nidi:

—To punota ijiaga, ninota tiquiro dapure muhri yo, yariaa wahari.

Surara Jesu pati pahma batogā ñoseahye ñosenū mehna

³¹ Ti deco pascua bose deco pano ijiri. Bose deco cjēne usā ihyatire quehnoari deco ijiri. Sa ye ape deco saurū ijigū tiquina bose deco ijigū curusaripu yariariquinare cū duerari. Ti deco Cohācjāre tiquina ño peori bose deco ijiri. Sa ye ti decopu tiquina quē biha ohōriquinare curusaripu tiquina wahñagū cahmedari tiquina. Sa ye tiquina quē biha ohōriquinare tiquina ñecu cohārine quē nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina pagurire ne dijio madoqueoye tee nidi.

³² Tiquina sa dutigū surara pehe curusari cahapu esa, ihcāquiro yaqueriquiro ñecu cohārine quē nuhari. Apequiro gahure sata yeri tiquina.

³³ Sa ye Jesu ñecu cohārine quē nuhae tee yemehe, tiquiro yariariquiro ijigū ihñañe, quē nuhaedari.

³⁴ Sa quē nuhaedaye ihcāquiro surara tiquiro pati pahma batogā ñosenū mehna ñosedi. Tiquiro sa ñosegū duita tiquiro dii, aco mehna wijjari.

³⁵ Ti sa wahagū ihñāu yahu. Yahu ahri pūre ojoarigu musare poto yahuaja. Poto yahu yahuye ijigū masiaja yahu. Musare yahuaja musa gūhu Jesure musa wacū tutuato saha.

³⁶ Cohācjā yere tiquina ojoari pū ti nidiro sahata sa wahari: “Tiquiro cohārine ne ihcā cohāre quē nuhaedari”, tiquiro ni ojoariro sahata Jesu ñecu cohārine ne ihcā cohāre quē nuhaedari.

³⁷ Sa yero ape pūpu Cohācjā yere tiquina ojoari pūpu ohō saha nine. “Tiquirore tiquina ñosediquirore ihñāeta tiquina”, ni ojahye Cohācjā yere tiquina ojoari pūpu.

Jesu pagure masa copepu cūahye

(Mt 27.57-61; Mr 15.42-47; Lc 23.50-56)

³⁸ Tiquiro yariari bato José Arimatea cjāno Jesu pagure ne dijioro taro, Pilatore siniahye. José pehe apequina judio masare cuero, Jesure wacū tutuariquiro tiquiro ijiyere yahu duerahye. Sa yero tiquiro pagure sinidi bato Pilato pehe Jesu pagure nea dutiahye. Tiquiro nea dutigū José curusa cahapu esa, Jesu pagure nea wahahye.

³⁹ Nicodemo gūhu José mehna wahahye. Tiquiro yucugū cjē ehme sitiye, mirra wame tiye ehme sitiye yucugū cjē mehna dahra moredire ne cāhye. Jesu pagure tiquina cohāto pano tiquina quehnoati iji-ahye ti ehme sitiye. Tiquiro ne cāhtari treinta kilo nuchahye. Nicodemo sohō ijiri pje Jesu mehna tiquiro coā yahuducuri pje ñamipū Jesu cahapu esariquiro ijiyahye.

⁴⁰ Sa ye tiquina pñaro Jesu pagure ne, judio masa yariariquinare usā cohāducuro sahata tiquiro pagure ehme sitiye mehna suhti mehna wahmeahye.

⁴¹ Curusapu Jesure tiquina wejēdoro cahapu wese ijiri. Ti wesepu masa cope utāpu wahma tiquina seheri cope ijiri. Ti copere ne ihcāquiro yariariquirore cohāedaridi.

⁴² Pascua bose deco judio masa bose deco usā ihyatire quehnoari deco ijiri. Sa ijiri deco ijigū ti cope cahagā tiquiro curusa ijigū, topu cūahye tiquina Jesu pagure.

20

Jesu masa wijjahye

(Mt 28.1-10; Mr 16.1-8; Lc 24.1-12)

¹ Domingo ñami cjūnogā ijigū, bohreato panogā María Magdalena Jesu masa copepu esahye. Topu esaro ti copere tiquina tu biharia utāre yoa cjūnopu tiquina pōo cūria utāre ihñahye ticoro.

² Sa ijigū ihñano, usā cahapu oma tojoa tari ticoro. Simo Pedro mehna yahu usā pñana ijii. Wihi ohō saha ni yahuri usāre ticoro:

—Mari puhtoro pagure ne cāri jiri. Nohopu ne cā cūcoayaye mari masiedaja, nidi ticoro usāre.

³ Ticoro sa nigū tahona, Pedro mehna masa copepu ihñana wahau usā.

⁴ Sa ihñana wahana usā pñana oma cāu. Sa oma cāna, yahu Pedrore oma yahu cāgu masa copepu esa muhtau.

⁵ Topu esagu muhri ihña sōu ti copepore. Muhri ihña sōgu tiquirore tiquina wahmedi suhtiro dihitaro ihñau. Sa ye ti copere sajāedu.

⁶ Yahu sa ihñari batopu Simo Pedro yahu batopu wihiri. Wihi masa copepu sajā, tiquiro pagure tiquina wahmedi suhtirore ihñari tiquiro.

⁷ Sa yero Jesu dapure tiquina wahmedi cahsero gūhare ihñari tja. Ti cahsero sijoro cuñano tiquiuro torēdi cahsero ijiri.

⁸ Sa yegu yuhū gūhū masa copepū esa muhtarigū ti copepū sajāu. Jesu sa mariedagū ihñarū “Potota Jesu masa wijiahya”, ni tuhutu yuhū.

⁹ Ti copepū usā wahato pano Cohācjū yere tiquina ojoari pūpū Cristo tiquiuro yariatire yahurire, tiquiuro masa wijiatire yahuri gūhare usā quehnoano masiedarīmi. Ti copepe yuhū ihñari bato, “Ijirota Jesu masa wijiahya”, ni, tuhutu yuhū.

¹⁰ Sa ihña tuhasa usā ye wuhusepū tojoaa wahau.

*Jesu María Magdalenare bajuahye
(Mr 16.9-11)*

¹¹ Sa ye masa copepū María majare tojoa ta, ti cope sopecaparū wihi, ducuro, utiro niahye. Sa utieparota ticoro muhri ihña sōahye masa copepū.

¹² Sa ihña sōno pūaro angelere, yehseye suhti sañānequinare Jesu tiquiuro cuñamedirōpū tiquina dujigū ihñahye ticoro. Ihcāquiuro tiquiuro dapu timedirōpū dujiahye. Apequiuro tiquiuro dahpocāri timedirōpū dujiahye.

¹³ Tiquinare ticoro ihñagū tiquina pehe ticorore sinituahye:

—¿Numio, dūhse yego utiajari mūhū? niahye tiquina.

—Yuhū puhtorore pagure ne cāri jiri. Sa yego tiquiuro pagure tiquina cūrire masiedaga yuhū, niahye ticoro.

¹⁴ Sa ni tuhasa, majaredūcameno Jesure torū ducuriquiore ihñahye ticoro. Sa ihñaeperota Jesure masiedahye ticoro.

¹⁵ —¿Numio, dūhse yego utiajari mūhū? ¿Noare macago niajari? niahye Jesu ticorore.

“Ahriquiuro ahri wesere cohteriquiro ijire”, ni tuhutumahye ticoro Jesure. Sa ni tuhuturo, ohō saha niahye ticoro:

—Mūhū tiquiuro pagure nedigu ijigu mūhū cūriore yahuya yuhure. Mūhū yahuri bato tiquiuro pagure negotja, niahye ticoro tiquiore.

¹⁶ Ticoro sa nidi bato Jesu ohō saha niahye:

—María, niahye.

Tiquiro sa ni pisugū tuhoro majare ihñadoqueo ticoro hebreo ye mehna ohō saha niahye:

—Rabuni, niahye ticoro Jesure. “Rabuni”, nino, “Buhegū”, nino niahye.

¹⁷ —Yuhū Pacū cahapū mūjaedarīaja yuhū. Yuhū sa mūjaedarīgū yuhure ñehedacāhña. Sa yego apequina yeequina cahapū wahaya. Tiquina cahapū esago ohō saha ni yahuya tiquinare: “Yuhū Pacū cahapū wahau tūn niaja. Mūsa Pacū gūhū ijire

tiquiuro. Yaquiuro Cohācjū cahapū wahau tūn niaja. Mūsa yaquiuro Cohācjū gūhū ijire tiquiuro’, nidi Jesu”, ni yahuya tiquinare, niahye Jesu Mariare.

¹⁸ Tiquiro sa nidi bato María Magdalenare usā Jesu buhena cahapū wihi, yahuri usāre:

—Mari puhtorore ihñau yuhū, ni, Jesu tiquiuro yahu dutirire yahuri usāre ticoro.

*Jesu tiquiuro buheyequinare bajuahye
(Mt 28.16-20; Mr 16.14-18; Lc 24.36-49)*

¹⁹ Ti deco domingo ñamicahapū usā Jesu buhena usā acaye judio masare cuena, wuhupū biha sajā, dujii usā. Sa usā dujigū Jesu usā watoapū bajuadūca saro ohō saha nidi:

—¿Ne, ijiajari mūsa? Quehnoano ijiajari mūsa, nidi.

²⁰ Sa ni tuhasa, tiquiuro omocarine, tiquiuro pati pahma bato gūhare usāre ihñori. Sa yena usā tiquiore usā puhtorore ihñana bucuei.

²¹ Pari turi Jesu usāre ohō saha nidi:

—Quehnoano ijiajari mūsa. Yuhū Pacū yuhure tiquiuro ohoriro sahata, mūsa gūhare yee buhevere buheanare ohoaja, nidi Jesu usāre.

²² Sa ni tuhasa tiquiuro usāre puti peori. Sa puti peoro Espiritu Santore usā ñehateire ihñono nidi usāre. Ihño tuhasa ohō saha nidi:

—Yojopū Espiritu Santore ñehaña mūsa, mūsa mehna ijiatiquiore.

²³ Apequina tiquina ñañe yerire mūsa bogū, sata ijleta. Sa ye apequina tiquina ñañe yerire mūsa boeragū ti bori ijisi, nidi Jesu usāre tiquiuro buhenare.

Jesure masa wijariquiore Tomasu ihñahye

²⁴ Jesu usā watoapū tiquiuro bajuagū Tomasu suhduariquiuro tiquina ni pisuriquiuro usā mehna mariedari.

²⁵ Tiquiro sa mariedagū usā mehna cjēna tiquiore yahumedi.

—Mari puhtorore usā ihñau, ni yahumi usā Tomasure.

Usā sa ni yahuepegūta ohō saha nidi Tomasu:

—Tiquiro omocarine tiquina quē bihari coperire ihñedagu, ti coperire yuhū omo piria mehna ohbe tuhueragu “Ijirota masa wijiahya”, nisi yuhū. Sa yegu tiquiuro pati pahma bato ijiri copepe yuhū omoca mehna siō sōedagu, “Ijirota masa wijiahya”, nisi yuhū tiquiore, nidi Tomasu.

²⁶ Ocho decori bato pari turi usā tiquiuro buhena usā wuhupū ijii. Ti pjere Tomasu usā mehna ijiri. Ti wuhū bihari wuhū ijiri. Bihari wuhū ijiepegūta Jesu wuhupū sajā taro, usā watoapū bajuadūca saro ohō saha nidi:

—¿Ne, ijiajari mūsa? Quehnoano ijiajari mūsa, nidi.

²⁷ Sa ni tuhasa, tiqiro Tomasure yahuri:
—Ihñaña yuhũ omocarine. Sa ye mũhũ omo piria mehna yuhũ omocarine tiquina quẽ bihari coperire ohbe tuhuya. Sa yegu mũhũ omoca mehna yuhũ pati pahma bato ijiri coperire siõ sõ tuhuya. “Poto ijierare”, niedacãhña. “Ijirota ijire”, niña mũhũ, nidi Jesu Tomasure.

²⁸ Tiqiro sa nidi bato Tomasu yũhtiri:
—Mũhũ yuhũ puhto ijire. Yaquiõ Cohãcjũ ijire mũhũ, nidi Tomasu Jesure.

²⁹ —Yuhũre mũhũ ihñari bato yuhũre wacũ tutuare mũhũ. Apequina pehe yuhũre ihñedapeta yuhũre wacũ tutuata. Sa ye tiquina mũhũ yuhũro bucueta, nidi Jesu Tomasure.

Jesure mari masiatire ahri pũre ojoahye
Ñu

³⁰ Sa yero peye apeye gãhũre Cohãcjũ tuuaye mehna ye ihñori Jesu usã mehna ijiro. Tire tiqiro yerire ahri pũpũ ojoa pehoeradu yuhũ.

³¹ Sa ojoa pehoerapeguta ahri pũpũ yuhũ yahurire ojoa “Jesuta Cristo Cohãcjũ ohoriqiro ijire. Tiqiro potota Cohãcjũ macũno ijire”, mũsa ni masiatire. Sa yena mũsa tiqirore wacũ tutuana Cohãcjũ mehna mũsa sa ijuducuatire ojoa ahri pũre.

21

Jesu siete tiqiro buheyequinare bajuahye

¹ Came Tiberia wame tiri ditara dũhtũ cahapũ usãre tiqiro buhenare Jesu pari turi bajuari tja. Usãre bajuaro ohõ saha yeri tiqiro.

² Simo Pedro, Tomasu sũhdũariqiro tiquina niniqiro, Natanae Galilea yehparũ ijiri maca, Canã wame tiri maca cjũno, apequina puaro buheyequina, Zebedeo pohna puana usã ohõpequinata cahmecoau.

³ Sa usã cahmecoari bato Simo Pedro usãre ohõ saha nidi:

—Wahi wejẽgu wahau niaja, nidi tiqiro.

—Usã gãhũ mũhũ mehna wahanatja, nii usã tiqirore.

Sa ni tuhasa buhaa wahau. Sa yena yucusa mehna wahau. Ti ñamine usã quehnoano wahi wejẽ bohreepenata ne ihcãqiro wahi wejẽdadũ.

⁴ Bohrea parĩ quehagũ Jesu padũropũ ducugũ tiqirore ihñami usã. Sa ihñaeppenata tiqirore ihñã masiedũ usã.

⁵ Sa yero tiqiro pehe usãre sinituri:

—¿Ne wahi wejẽajari mũsa? nidi Jesu.

—Ne wejẽdabutiaga usã, ni yũhtii usã.

⁶ —Yucusa poto pehe pahrẽ pehe doque ñoña. Tie pehe doque ñona wahi wejẽnata mũsa, nidi usãre.

Tiqiro sa nigũ tuhona usã tiqiro ni-dirota doque ñou. Usã doque ño tuhasagũta

peyequina wahi sajãri. Peyequina wahi sajãgũ wẽñanũre yucusapũ weje sãana cũedadũ usã.

⁷ Sa yegu yuhũ Jesu cahñogu Pedrore yahuu:

—Mari puhtorota ijire siqiro padũropũ ducuriqiro, nii yuhũ Pedrore.

Yuhũ sa nigũ tuhorõ Jesuta tiqiro ijigũ masino, Simo Pedro tiqiro suhtirore sañari. Wahi wejẽno tarõ tiqiro suhtirore tu weriqiro ijinidi. Tiqiro suhtirore saña tuhasa, diapũ uhpu ñojoaa wahari.

⁸ Sa yena usã apequina buhena yucusapũ ijina, cien metro yoaro diapũre pahsau usã. Sa yena wẽñanũre wahi peyequina sajãdũre yucusa mehna weje nujuau usã.

⁹ Dũhtũ cahapũ usã wahã sagũ, topũ peca niti dihita asi cuñari peca ijiri. Ti peca bui tiqiro puhõ cũriqirore wahire ihñau usã. Pã gãhũre ihñau usã.

¹⁰ Sa usã ihñagũ ihñano Jesu usãre ohõ saha nidi:

—Mianogã mũsa wejẽdiquinare meheñequinagã ne cãhtaya, nidi usãre.

¹¹ Tiqiro sa nigũ Simo Pedro pehe Jesu mehna ijiqiro yucusapũ sajã, wẽñanũre, bujuequina wahi ciento cincuenta y tres wahi sajãdũre weje majari. Peyequina wahi sajãepeta wẽñanũre tuhredari.

¹² —Ihyana ahtaya, nidi Jesu usãre.

“¿Noa boro ijiajari mũhũ?” ni sinituerũ usã tiqirore. Usã puhtoro tiqiro ijigũ masii usã.

¹³ Sa yero Jesu peca cahapũ esaro, pãre ne, usãre itiri. Wahi gãhũre itiri.

¹⁴ Sa yero Jesu tiqiro masa wijiari bato padũropũ bajuaro ihtia taha usãre tiqiro buhenare bajuaro nidi.

Jesu Simo Pedro mehna yahuducuahye

¹⁵ Usã ihyari bato Jesu Simo Pedrore sinituri:

—¿Simo Ñu macũ, ahriquinare mũhũ cahũno yuhũro yuhũre cahĩajari mũhũ? nidi Jesu Simo Pedrore.

—Puhto, mũhũre cahĩaja yuhũ. Mũhũre yuhũ cahĩgũ masine mũhũ, ni yũhtiri Simo Pedro.

¹⁶ —Sa yegu ovejagãre tiquina nuno saha yeequinare buheya mũhũ, nidi Jesu.

Sa ni tuhasa pari turi tiqiro Simo Pedrore sinituri:

—¿Simo Ñu macũ, yuhũre cahĩajari mũhũ? nidi Jesu.

—Puhto, mũhũre cahĩaja yuhũ. Mũhũre yuhũ cahĩgũ masine mũhũ, ni yũhtiri Simo Pedro.

—Ovejare cohteriqiro ovejare tiqiro quehnoano cohtero saha, yeequinare quehnoano buhe cohteya, nidi Jesu Pedrore.

17 Sa ni tuhasa pari turi Simo Pedrore sinituri:

—¿Simo Ñu macu, yuhure cahijari mahu? nidi Jesu tja.

Itia taha sa ni tiqiro sinitugū tūhoro Simo Pedro tutuaro bujua witiri:

—Puhto, mahu masi pehore. Muhure yahu cahigū masine mahu, ni yuhtiri Simo Pedro.

—Ovejare tiquina nuno saha yeequinare buheya mahu.

18 Ijirota muhure niaja. Muhu wahmu ijigu mahu suhtire saña, mahu cahmediropu tinie tiahye mahu. Sa yerigu mahu ijiepegūta came mahu bācu ijigū, mahu omocarine mahu siðoðueogū apeqiro muhure suhtiro sāanota. Sa yero mahu waha dueropu muhure neanota, nidi Jesu Simo Pedrore.

19 Sa nino Simo Pedrore dahse waha tiqiro yariatire yahuro nidi. Cameru bācuro tiqiro wahagū sa yeye taye niahye apeqina tiqirore. Cohācjū yere Pedro yeri buhiri apeqina tiqirore wejēne taye niahye. Sa yero Pedro yariatire yahuro nidi Jesu. Sa ni yahu tuhasa, ohō saha ni nemori Pedrore:

—Poto yahu buheriro sahata yeya mahu, nidi Jesu Pedrore.

Jesu tiqiro cahiniqiro buheriqiro ahri pūre ojoariqiro ijire

20 Tiqiro sa nigūta Pedro pehe majare ihñadoqueo, yuhure Ñure Jesu tiqiro cahñogu buherigure tiquinare yahu nahu tīgū ihñano Pedro Jesure sinituri. Yahu pehe Pedro ihñarigu to pano ohō saha nidigu ijii. “¿Puhto, muhure ihña tuhtieyquinare ihñoatiqiro pehe noa boro ijiagari tiqiro?” ni Jesure siniturigu ijii yahu. Ti pjere Jesu tiqiro pari paha ihya dujii yahu. Sa yero yuhure ihñano Pedro Jesure sinituri:

21 —¿Puhto, ahriqiro pehe dahse waha rotari? ni sinituri.

22 —Tire muhure yahueraja. Ahri yehpapa yahu tojoa tato pano ahriqirore ijiducugū yahu yeatire masiedare mahu. Sa yegu muhure yahueraja. Poto yahu buheriro sahata yeya mahu, nidi Jesu Pedrore.

23 Tire tiqiro yahurire ijipihtiequina Jesu yequina tiquina basi yahu sitemedi. Tire yahu siteye ohō saha nimesi tiquina pehe: “Jesu tiqiro cahiniqiro buheriqiro yariasi”, ni yahu sitemedi yuhure Jesu yequina tiquina basi. Tiquina sa niepegūta “Tiqiro yariasi”, nino niedari jimesi Jesu. “Ahri yehpapa yahu tojoa tato pano ahriqirore ijiducugū yahu yeatire masiedare mahu. Sa yegu muhure yahueraja”, nidi Jesu Pedrore.

24 Jesu buherigu ahrire yahurigu, ahri pūre ojoarigu ijiaja yahu. Sa yena ahri yahu yahuye poto ijigū masiaja mari.

25 Peye apeye gāhure Jesu yeri. Tiqiro yerire mari oja pehogū ti pūri ojoari pūri peye waro wahaboaga. Sa ye ti pūrine mari ihbogū esa tuhaeraboaga ahri yehpa. Wahpaa wahaboaga, yahu tūhotugū. To puno tjire.

Jesu buhe dutiro tiqiro cūriquina tiquina yerire yahuri pū ijire

—*Espíritu Santo ahtarota, niahye ahri pūre ojoariquiro*

¹⁻² Teófilo, ahri quitire mahare ojoagu niaja. To pano yuhū ojoa mahitari pūre Jesu yerire, tiqiro buheyere mahare yahu tuhasaa. Tee ahmusepu tiqiro mujarire yuhū yahu bato tii. Jesu tiqiro mujato pano Espiritu Santo tutuaye mehna dutiahye tiqiro bese cūriquinare.

³ Sa ye Jesu curusapu tiqiro yariari bato ihquē tahari pagu tiriqiro bajuahye tiqiro cūriquinare. Cuarenta decori bato bajua bato tiahye. Sa yero tiqiro basi catiriqiro ijyere ihñoahe tiquinare. Sa bajua mari Pacu tiqiro puhtoro ijyere quehnoañe buheyere yahuahye tiquinare.

⁴ Jesu tiqiro cūriquina mehna ijinino tiquinare ohō saha ni yahuahye:

—Jerusalēpata ijinina yojopure. “Espiritu Santore musare ohogutja”, yahu Pacu tiqiro nidiqirore cohteniña. Tire tiqiro nidire musare yahuu yuhū.

⁵ Ñu musare wame yero aco mehna wame yemedi. Yuhū pehe ti yuhduoro yeitja musare. Mehenogā bato Espiritu Santore musa mehna ijdugū yeitja musare, niahye Jesu.

Jesu ahmusepu mujaa wahahye

⁶ Sa ye ape taha canapu Olivo wame tidapu Jesu tiquinare tiqiro bajuagu ihñañe tiquina sinituahye tiqirore:

—¿Puhto, Israe yehpare tiquina ehmar yehpare dahse ijigū usāre pari turi cūgtjari mahu? ¿Dahse ijigū mari acaye warore puhtoro sōgtjari mahu? niahye tiqiro yequina.

⁷ Tiquina sa nigū tuhoro Jesu ohō saha niahye:

—Mari Pacu dihita ti decore musa ya yehpare musa quehnoano ijatire cū masine. Ti decore musare masino basioerare.

⁸ Sa masiedapenata musare Espiritu Santo tiqiro wihigū Cohācjū ye tutuayere caonata musa. Tiqiro ye tutuayere musa caona Jerusalē cjēnare, ijipihtyequina Judea yehpa cjēnare, Samaria yehpa cjēnare, sa ye ijipihtyē yehpari cjēnare quehnoañe buheyere buhenata musa. Yuhū yariarire, yuhū masa mujarire tiquinare buhenata musa, ni yahuahye Jesu tiquinare.

⁹ Sa ni yahu tuhasa, Jesu ahmusepu mujaa wahahye. Tiquina tiqirore ihña nūnu tā mōgūta ehmeo curua puhia pu sajā, buti mujaa wahahye.

¹⁰ Sa ye tiquina Jesu mujariquirore tiquina ihña muori watoa puaro angele yehseye suhti sañañequina Jesu tiqiro cūriquina watoa bajua dca sahye.

¹¹ Sa ye tiquinare ohō saha niahye:

—¿Musa Galilea cjāna, dahse ijiro boro ihña mōducuna nijari musa? Ahriqiro Jesu ahmusepu mujariquiro, tiqiro mujariro saha ahtarota, ni yahuahye angele.

Jesu cūriquina Juda mananore comesa-tiqirore beseahye

¹² Sa ye Jesu yequina canapu Olivo wame tidapu ijiriquina dijia ta, Jerusalēpu tojoa sahye. Tu canapure ihcā kilómetro yuhduo cjūno yoaro ijiahye Jerusalē duhtu cahapure.

¹³ Tojoa sa, ahmanapu tiquina ijiri tucūpu mujaa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macano ijiahye. Simo pehe celote wame tiri curua cjūno ijimediquiro ijiahye. Juda pehe Santiago acayuro ijiahye.

¹⁴ Peye tahari ahriquina ijipihtyequina, numia mehna, Maria Jesu pacoro mehna, Jesu bahana mehna quehnoano cahmeoa, tutuaro mehna mari Pacure sinie tiahye.

¹⁵ Sa ye ti decorire masa peyequina cahmeoahe. Ciento veinte ijyē ijiboaya. Sa yero Pedro pehe tiqiro mehna cjēna Cristo yequina watoa ducu, yahuahye tiquinare:

¹⁶ —Yuhū acaye, Cohācjū panapu tiqiro nidiro sahata waharo nidi. Tire Espiritu Santo Davire yahu dutiahye Juda mananore. Juda manano Jesure ñeheatiquinare ihñoriqiro ijiri.

¹⁷ Sa yeatiqiro ijeperota mari mehna Jesu yere yeriqiro ijimedi. Sa yero usā mehna cjānota ijimedi, niahye Pedro.

¹⁸ Jesure ihño dutiye tiquina wapa yerire Juda manano pehe wiari bato tiqiro basita wejē yariaa wahahye. Sa yero bora waha, tiqiro cahta misi da tuhna waha, yariaa wahahye. Tiqiro wiari mehna apequna mehenogā yehpare dūahye.

¹⁹ Ijipihtyequina Jerusalē cjēna masi pihti cāri jiri Juda manano tiqiro ñano yerire. Sa masiñe tiqiro ye niñeru mehna tiquina dūri yehpare Acēldama wame yeri jiri tiquina ye yahuducuyē mehna. Acēldama niñe, “Dii yehpa”, niñe nine.

²⁰ Came ohō saha ni nemoahye Pedro:

—Panapu tiquina ojoariro sahata sa wahari Juda manano. Salmo tiqiro ojoari pūpu ohō saha ni ojoahye: Tiqiro wuhū cohōri wuhū ijiahye. Sa ye apequna ti wuhūre ijieracāhdo, ni, ojoahye.

Ohō gūhūre ohō saha ni ojoahye:

Apequiro tiquiro dahrayere comesariquiro ijjirota, ni, ojoahye Salmopu.

²¹⁻²² Sa yena mari ihcāquiro beseihna. Ņu wame yeriquiro mnanano masare tiquiro buheri watoa ihquēquina Jesu yequina mari mehna wahari. Tiquina mehna cjanore ihcāquiro bese neno cahmene mari mehna cjanō ijiatiquirore. Jesu mehna mari ijigā mari mehna sa ijiducuriquirore besero cahmene. Sa mari beseri bato Jesu tiquiro masa mujarire mari mehna buherota, ni yahuahye Pedro tiquiro acayere Cristo yequinare.

²³ Tiquiro sa nigā tuhoye pwarore bese bocahye tiquina. Ihcāquiro José Justo wame tiriquirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquirore beseahye.

²⁴⁻²⁵ Tiquinare bese boca tuhasa, tiquina mari Pacare ohō saha ni siniyahye:

—Muhu usā puhto, ijiphiyequina masa tiquina tuhotyere masine. Ahriquina puaro usā beseriquina ijire. Juda mnanore comesatiquirore diquiro mahu cahmeniquirore beseya. Jesure cohātjiano Juda mnanano pehe pecapu wahahye. Tiquirore comesariquiro Jesu tiquiro cūriquiro ijjirota. Sa yero usā mehna quehnoañe buheyere buherota, niahye tiquina mari Pacare.

²⁶ Sa niñeta Juda mnanore comesatiquirore beseje tehe utā paca mehna doque cū mujahye “Noa pehe sajānotari”, niñe. Matia tiquiro quehnoano wijiagā, tiquiro pehe Jesu cūriquina once cūriquina mehna cjanō tojoahye.

2

Espíritu Santo Jesu yequina mehna iji ducahye

¹ Sa ye Pentecoste wame tiri deco ijigā tiquina ijiphiyequina ihcā wuhapu cahme-coahye.

² Ti pjereta wihnono tutuaro wēno saha ahmuanopu bisiro ca tahye. Sa bisiro ca tagū tuhoahye ijiphiyequina ti wuhapu ijiriquina.

³ Sa ye peca pohna yero saha ijiye tiquina ijiphiyequina dapu paca bui bajuahye. Ti peca pohnarigā ñehmeno yero saha bajuahye.

⁴ Sa yero Espiritu Santo wihiahye tiquinare tiquiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuahye.

⁵ Ti decorire Jerusalēpu peyequina judio masa ijiahye. Mari Pacare ño peoyequina ijiahye. Tiquina macaripe cjēna ijiahye.

⁶ Sa ye ahmusepu bisigā tuhoye Jesu buheyequina cahapu peyequina cahme-coahye. Masape ye yahuducuyere Jesu buheyequina tiquina yahuducugū tuhoahye. Sa tiquina yahuducugū tuhoye, tiquina tuho maria wahahye.

⁷⁻⁸ —Ahyou, ¿Dahse yeye ahriquina Galilea cjēna ijiepetā quehnoano mari yere yahuducujari? Tiquina mari masa bajuariropu ahtariquina yero sahta yahuducuye ca tare, niahye tiquina pehe.

⁹⁻¹⁰ —Ijiphiyequina mari yere yojopure yahuducuye nine: Partia cjāna, Media cjāna, Elā cjāna, Mesopotamia cjāna, Judea cjāna, Capadocia cjāna, Ponto cjāna, Asia cjāna, Frigia cjāna, Panfilia cjāna, Egipto cjāna, Libiapu ijiye macaripu Cirene cahapu ijina, Romapu ahtarina ijiaja mari. Ihquēquina judio masa ijiaja mari. Apequina mari judio masa ijiena, judio masa ye buheyere buhenapu ijiaja mari.

¹¹ Creta cjēna gāhu, Arabia cjēna gāhu ijire mari mehna. Sa yena ahriquina mari yere tiquina yahuducugū tuhoaja mari. Tiquina mari ye mehna Cohācjū tutuaye mehna tiquiro yerire yahuye nine, ni yahuducuahye masa tiquina basi.

¹² Sa niñeta tiquina tuho acuaa waha, tiquina ihñarire tiquina tuhore quehnoano masiedahye.

—¿Ahri dahse ijiro boro ahriquina apequina ye mehna Cohācjū yere sa quehnoano yahuducujari, masa tuhogū? ni cahme sinituahye tiquina basi.

¹³ Tiquina sa ni tuhoyepegāta apequina tiquina mehna cjēna bujapeahye:

—¿Dahse ahriquina sihbiori sihni, queheye niajari? ni bujapeahye apequina tiquina basi.

Pedro masare yahuahye

¹⁴ Sa yero Pedro once Jesu cūriquina mehna ducu, masare yahuahye:

—Masa Judea yehpa cjāna, ijiphiytina Jerusalēpu ijina, ahrire masiña masa. Yuhu yahugū tuhoya masa.

¹⁵ Masa tuhotyere poto ijierare. Yojoputa nueve hora ijire. Sa ye ahriquina queherare.

¹⁶ Ahriquina Cohācjū panopu tiquiro ni-diro sahta yeye nine. Ti pjepare Joere Cohācjū yere yahu muhtariquirore, ahrire yahu dutiahye Cohācjū pehe:

¹⁷ Iji bato tiye decori ijigā ohō saha ijjirota: Yaquiro Espiriture masare ijiphiyequinare ohogutja. Sa ye masa pohnapu yeere yahueta. Sa ye masa mehna cjēna wahma pjia bajumehneñene ihñaeata. Sa ye masa mehna cjēna bucuna quehēnopu quehēeta.

¹⁸ Sa yegu yuhū cahacjēnare, yuhū cahacjēna numia gāhure yaquero Espiriture ohogutja. Sa ye tiquina yahueta yeere.

¹⁹ Sa yegu yuhū tutuaye mehna bajumehnefene ye ihñogutja ahmuanopu. Yehparu gāhure yuhū bajumehnefene ihñogutja: Diire, pecare, peca ohmeore ihñogutja.

²⁰ Sa yero asū deco cjāno nahitiaa waharota. Nami cjāno dii yero saha sohāriquiromo comesarota. Ohō saha waharota Cristo masa puhtoro tiquiromo ahtati deco, yuhū nidi deco pano. Ti decopu ihña maria wahaeta masa. Sa yero ihyo ijiri deco ijisi. Ti deco quehnoari deco ijirota.

²¹ Sa yero ohō saha ijirota. Ijipihtieyequina masa Cristore tiquina ñañene cohā duti siniñequinare tiquiromo tiquinare pecapu waboriquinare yuhduorota, nine Cohācjū, ni ojoahye Joel.

²² Musa Israe masa yuhū yahugū tuhoya: Jesu Nazare cjāno pehe Cohācjū ohoriquiromo ijiri. Jesure tiquiromo ohorire masa tiquina masiato saha tiquiromo tutuaye mehna ye ihñori musare. Musa tire masine.

²³ Jesure ohori musare apequiromo. Panopu Cohācjū “Sa waharota”, tiquiromo nidiromo sahata sa yeri apequiromo. Sa yena masa Jesure curusapu wejē dutiri masa ñañequinare.

²⁴ Cohācjū pehe Jesure yariariquiromo munanore masori. Pari turi ne yariasi tiquiromo. Tiquiromo yaria dojoerare. Sa catiducuatiquiromo ijire.

²⁵ Ohō saha niahye Davi panopu cjāno Cristo tiquiromo niboriro sahata:

Yuhū puhto, yuhū mehna ijire mahū. Ijipihtieyede cori Cohācjū yuhū puhto yuhū saha mahū ijigū ihñae tii yuhū cuerato saha.

²⁶⁻²⁷ Mūhū Cohācjū yuhū jeripohnare yariayequina tiquina ijirorare ne cohāsi. Yuhūre ñanopu yuhū jeripohnare cohāsi mahū. Yuhū mahū hacacjū mahūre ño peogu ijiaja. Yuhū pagure ahba dutisi mahū. Sa yegu tutuaro bucueaja. Bucueye mehna yahuducuaaja. Sa yegu mahūre Cohācjūre quehnoano wacū tutuagu ijigu cuero marieno quehnoano iji cjā.

²⁸ Yuhūre pari turi catigū yeguta mahū. Yuhū mehna mahū ijigū tutuaro bucueaja, ni, ojoahye Davi munano Cristo tiquiromo niboriro sahata.

²⁹ Acaye, ohō saha quehnoano yahugutja musare Davire mari acayuro, panopu cjānore. Tiquiromo yariaa wahahye. Sa yero tiquiromo tiquina yari cope yojopare ijire. Sa yero “Yuhū pagure ahba dutisi mahū”, ni ojoaro tiquiromo basi wame peo yahuro niedahye.

³⁰⁻³¹ Panopu Cohācjū Davi munanore ohō saha niahye: “Poto niita najā. Mūhū panamena iji turiayequina mehna cjāno

māhū yero saha ahri yehpa cjēna puhtoro ijirota”, niahye Cohācjū Davire. Davi Cohācjū yere yahu māhtariquiromo ijiahye. Sa yero Cristore Cohācjū tiquiromo puhtoro sōatire masino, Cristo tiquiromo masa mujatire yahu māhta tuhasahye Davi pehe. Ohō saha niahye: “Tiquiromo yariayequina ijirorare iji dojoasi. Tiquiromo pagu topu ahbasi”, niahye Davi.

³² Ahriquiromo Jesure Cohācjū masori. Ūsā ijipihtina ihñau.

³³ Cristo mari Pacu poto pehepu ijire dutiriquiromo ijiro. Sa yero tiquiromo Pacuro “Espiritu Santore yehparu ohogutja”, niahye tiquiromo. Sa yero Cristo pehe ahriquinare Espiritu Santore ohori. Yojopare Espiritu tiquiromo yeyere masa ihñana nine. Sa yena masa tahore.

³⁴ Davi munano pehe Jesu tiquiromo mujarimo sahata ahmusepu mjaedahye. Sa yero tiquiromo basi ohō saha niahye:

Cohācjū nidi yuhū puhtorore: “Yuhū poto pehepu dujiya mahū.

³⁵ Mūhūre ihña tuhtieyequinare mahūre yuhduca basautja yuhū”, nidi Cohācjū yuhū puhtorore, niahye Davi munano.

³⁶ Sa yena ijipihtina Israe masa ahrire quehnoano masiña masa: Ahriquiromo Jesure masa curusapu wejēdiquiromo masa puhtoro sōri Cohācjū pehe. Tiquiromo musare yuhduoatiquiromo Cristore cūri Cohācjū, ni yahuahye masare Pedro.

³⁷ Tiquiromo sa nigū tahoye tutuaro bujua witiye, cueye masa pehe Pedro gāhure sini-tuahye:

—¿Ūsā acaye, dahse yenatari usā? ni sini-tuahye tiquina.

³⁸ Tiquina sa ni sinitugū yuhtiahye Pedro gāhū:

—Musa ñañe yeyere bujua witina ijiya. Quehnoañe pehere comesaya. Sa yena Jesu wame mehna wame yenhrina ijiya masa ijipihtina. Musa sa yegū masa ñañene borota Cohācjū. Musa sa yegū Espiritu Santo masa mehna ijirota. Cohācjū yaquiromo Espiritu Santore sa ohō cānota musare.

³⁹ Musare, masa pohnare, masa panamena iji turiayequinare, yooropu cjēnare, ijipihtieyequina Cohācjū mari puhtoro tiquiromo beseriquinare, “Potota yuhduogutja musare”, ni, cūahye Cohācjū, niahye Pedro.

⁴⁰ Sa ni tuhasa peye yahu nemoahye tiquiromo. Sa yero tutuaro mehna yahuahye tiquinare:

—Ahri yehpa cjēnare tiquina ñano yeri buhirire buhiri dahrerota Cohācjū. Sa yena masa pehe Cohācjū yequina ijiya. Musa sa ijigū tiquiromo musare buhiri dahresi, niahye Pedro masare.

⁴¹ Tiquiromo sa nigū tahoye peyequina tiquiromo yahuducuyere quehnoano tahohaye. Sa yero tiquinare tiquiromo wame

yeahye. Sa ye Cohācjū yequina mehna cjēna tres mil masa waha nemoahye.

⁴² Sa ye tiquina masa Cristo cūriquina mehna decoripe ijie tiahye. Sa ye tiquina ti buheyere decoripe tūhoe tiahye. Tiquina ihyayere cahme iti, Cohācjūre sini, Cristo cūriquina mehna quehnoano ijie tiahye.

Jesu yequina coā iji ducayequina tiquina ijiye tiyere yahuahye

⁴³ Sa ye Cohācjū tutuaye mehna ye ihñeahye Jesu cūriquina. Tiquina sa yegū ihñāñe masa ijipihityequina ihñā maria wahae tiahye.

⁴⁴ Sa ye ijipihityequina Jesure wacū tutuayequina cahmecoā, quehnoano ijie tiahye. Sa ye tiquina yere cahme itie tiahye.

⁴⁵ Tiquina yere dua, ijipihityequinare apee boro marieñequinare tiquinape ohoe tiahye tiquina.

⁴⁶ Sa ye decoripe tiquina Cohācjū wūhūpū cahmecoae tiahye. Ijipihityequina tiquina ye wūhūserū bucueye mehna cahmecoā, ihyae tiahye.

⁴⁷ Tiquina sa cahmecoā, “Cohācjū quehnoariquiro ijire”, ni ño peoe tiahye. Sa ye apequina masa tiquinare cahme yūhdāe tiahye. Sa yero decoripe Cohācjū apequinare tiquiro yequina wahagū yee tiahye.

3

Tini masieniquirore yūhdūoahye mari Pacū

¹ Namicahapū tres ijigū Cohācjū mehna yahuducuri pje ijigū Pedro, Ņu mehna Cohācjū wūhūpū wahaye niahye.

² Decoripe ti wūhū cjā sopecaha quehnoari sopecaha wame tiri sopecahapū apequina ihcāquiro masūnore ne cāhta, duhu dapoe tiahye. Tiquiro masūno pehe wahma masa bajaropūta tini masiedāhye. Sa yero tiquiro ti sopecaha caha niñerure sini dujie tiahye ti wūhūpū sajāñequinare.

³ Sa ye Pedro, Ņu mehna ti wūhūpū tiquina esadūcagū tini masieniquiro pehe tiquinare ihñā, niñerure siniahye.

⁴ Sa ye Pedro gūhū tiquirore ihñā, Pedro pehe ohō saha niahye:

–Ūsāre ihñāñā mūhū, niahye Pedro tiquirore.

⁵ Tiquiro sa nigū tuhoro “Ahriquina mehenogā yūhūre niñerure ohoeta”, ni tuhoturo ihñadoque ohō, tūhoahye tiquinare.

⁶ Tiquiro sa ni tuhotuepegūta Pedro tiquirore ohō saha ni yahuahye:

–Niñerure cuoeraja yūhū. Cuoerapeita, ahrire yeitja mūhūre. Jesucristo Nazare cjāno tiquiro tutuaye mehna tiniña mūhū, niahye Pedro tini masieniquirore.

⁷ Sa ninota tiquiro omocare potō pehe cjā omocare ñehe, tiquirore weje wahcō do-coahye. Ti pjeta tini masieniquirore tiquiro ñecari tutuāa wahahye.

⁸ Tiquiro sa wahari bato tiquiro wahcādūca sa, waha dūcahye. Sa yero tiquiro waha, uhpu maa, “Cohācjū quehnoariquiro ijire”, ni bucueahye. Sa bucuro tiquina mehna Cohācjū wūhūpū sajā wahahye.

⁹ Tiquiro sa tinigū “Cohācjū quehnoariquiro ijire”, tiquiro nigū masa ijipihityequina tiquirore ihñāhye.

¹⁰ Sa ye masa tiquirore ihñā masiahye. Tiquiro Cohācjū wūhū cjā sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigū ihñāñe, ihñā maria wahahye.

Cohācjū wūhūpū Pedro masare buheahye

¹¹ Sa ye tini masieniquiro Pedro gūhūre tiquiro ñeheni watoa, masa ijipihityequina ihñā maria waha, quehnoari paapū Salomo wame tiri paapū oma cā, cahmecoahye.

¹² Tiquina sa cahmecoari bato Pedro pehe yahuahye tiquinare:

–¿Musa Israe masa, dūhse yena ahriquirore ihñā mariajari? ¿Dūhse yena usāre masa ihñā nūnūajari? Ūsā pehe usā ye tutuaye mehna Cohācjūre usā wacū tutuaye mehna usā esa tuhoro ahriquirore tinigū yerū usā.

¹³ Abrahā, Isaac, Jacob mari ñecusūmūa panopū cjēna Cohācjūre ño peoe tiahye. Tiquiro Cohācjū pehe tiquiro cahacjūnore Jesure tutuariquiro, quehnoariquiro tiquiro ijigū musare ihñoe tiri. Musa Jesure tiquirore ihñā tuhtyequinare ohori. Sa yena Pilato tiquirore peresu wio duepegūta masa pehe tiquirore wio gū cahmedari. Pilatore Jesure ohori masa.

¹⁴ Pilato tiquirore wio duamedī. Tiquiro sa wio duepegūta masa Jesure quehnoariquirore, quehnoano yeriquirore cahmedana, apequirore masa wejēdiquiro pehere wio dutiri masa.

¹⁵ Sa yena Jesure marine catigū yeriquirore wejēdi masa, usā acaye judio masa. Tiquiro yariagū Cohācjū tiquirore masori. Tire usā ihñāu.

¹⁶ Sa yena usā tiquirore wacū tutuana ijijaja. Ūsā sa wacū tutuagū ihñāno ahriquirore masa yojopū ihñariquirore masa ihñā masiniquirore Jesu pehe tiquiro tutuaye mehna tinigū yeri.

¹⁷ Yūhū acaye, mari pūhtoa mehna Jesure quehnoano masiedapenata tiquirore wejēdi masa. Tire masiaja yūhū.

¹⁸ Sa ye panopū cjēna Cohācjū yere yahu mūhtariquina Cohācjū tiquinare tiquiro yahu dutiriro sahata yahuahye tiquina. “Cristo ñāno yūhdarota”, ni yahuahye

tiquina. Tiquina sa ni yahuriro sahata sa wahari yojopure.

¹⁹ Sa yena yojopure masa ñaÑe yerire bujua witina ijiya. Quehnoañe pehere comesaya. Cristore wacü tutuaya. Sa yero masa ñaÑe yerire borota Cohäcjü. Sa yero masare bucueye decori cünota tiquiro. Sa yena quehnoano jeri sajánata.

²⁰ Sa yero Cohäcjü Cristore tiquiro beseriquirore masare ohorota. Cristo Jesuta ijire.

²¹ Cohäcjü caharu iji nine Jesu. Panopu Cohäcjü tiquiro yere yahu muhtariquinare yahuyu dutiahye. Masare ahri yehpa gähure tiquiro yeatire yahuyu dutiahye. Sa yero tiquiro yahuriro sahata yojopure ijipihitiyere quehnono nine. Quehno tuhasaro pari turi Cristore ahri yehpapu ohorota.

²² Moise tire yahuro ohö saha niahye: “Mari mehna cjanore mari acayurore Cohäcjü yere yahu muhtariquirore Cohäcjü mari puhtoro ohorota masare. Yuhare tiquiro ohoriro saha ohorota tiquiro gähure. Sa yena masare tiquiro yahugü tuho pihti cãñã masa.

²³ Ohö saha ijirota. Ijipihitiyequina tiquirore tuhoerariquinare, tiquiro dutiyere yerariquinare tiquiro cohãnota. Cohäcjü yequina mehna cjenã ijisi tiquina”, niahye Moise.

²⁴ Ijipihitiyequina Cohäcjü yere yahu muhtariquinape Samuel, tiquiro bato ijieyquina gähü ahri decorire yahuahye.

²⁵ Mari ñecusumare panopu cjenare yahuahye Cohäcjü. Mari gähure sa ni yahuro niahye. Abrahãre tiquiro nidiro sahata mari gähure ni yahuro niahye. Ohö saha ni yahuahye Cohäcjü Abrahãre: “Ijipihitiri yehpa cjenare quehnoano yeitja. Ohö saha tire yeitja: Cameru iji nuñu tãriquiro muñu acayuro pehe masare quehnoano ye basarota yuhare”, niahye Cohäcjü Abrahãre.

²⁶ Sa yero Cohäcjü tiquiro macanore mari caharu oho muhtari mari ñaÑe yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

4

Pedro, Ñu mehna puhtoare yahuducahaye

¹⁻³ Masa mehna tiquiro yahuducuri watoa pahia, Cohäcjü wuhare cohteyequina surara puhtoro, saduceo masa gähü tiquinare tuhoahye. Ohö saha ni buheahye Pedro Ñu mehna masare:

—Jesu tiquiro yariari bato masa mujaa wahari. Tiquiro sa masagü ihñana mari gähü came mari tiquiro yequina mari masa

mujatire masiaja mari, ni yahuahye Pedro gähü.

Tiquina sa nigü tuhoye puhtoa pehe tiquina mehna usuahye. Sa usuaye nahi quehagü ihñãÑe tiquina Pedrorre, apequina Jesu cüriquina gähure ñeÑe, peresu yeahye.

⁴ Puhtoa tiquina sa cahmedapegüta peyequina Cohäcjü yere tuhoyequina pehe “Ijirota ijire”, ni tuhotuahye. Sa ye Jesu yequina peyequina sajãÑe. Tiquinare unua sehsarore mari queogü Jesure wacü tutuayequina cinco mil masa ijiahye.

⁵ Sa ye ape decoru ti maca cjenã puhtoa, bucuna, judio masa buheyequina mehna Jerusalãru cahmedoahye.

⁶ Sa yero pahia puhtoro, Anãs wame tiriquiro toru ijiahye. Tiquiro acaye gähü ijiahye. Caifa, Ñu, Alejandro, apequina mehna Anãs acaye gähü ijiahye.

⁷ Sa ye tiquina Pedro gähure tiquina cahmedoqueogü, surara pehe puhtoa watoapu tiquinare ne wihi docoahye. Tiquina sa yeri bato puhtoa sinituahye Pedro gähure:

—¿Noa ye tutuaye mehna masa tiquirore tinigü yeari? ¿Noa ijijari masare tire ye dutiriquiro? ni, sinituahye tiquina.

⁸ Tiquina sa nigü tuhoro Espiritu Santo tutuaye mehna yahuahye Pedro tiquinare:

⁹ —¿Musa puhtoa, masa bucuna, usã tini masieniquirore quehnoa wahagü usã yerire sinituna nijari masa?

¹⁰ Ahrire masiña masa ijipihitina, Israe masa. Ahrire Jesucristo sa yeri. Jesu Nazare cjenã, masa curusapu wejëdiquiro, Cohäcjü tiquiro masoriquiro pehe ahriquiro tini masieniquirore quehnoa wahagü yeri. Sa yena ahriquirore yojopure masa ihñonopu tiquiro tinigü ihñare masa. Ohö saha nine Cohäcjü yere tiquina ojoari puru Cristore yahuro:

¹¹ “Ahriquiro utã yero saha ijiriquiro ijire. Utãre wahu dahreatiquina tiquina cohãno saha masa tiquirore cohãri. Tiquina sa yepegüta yojopure wahu dahreriquina wuhare yeye tiquina cü muhtari utãre tiquina cüno saha Cohäcjü tiquirore puhtoro söri. Tiquiro Cristo pehe mariedagü Cohäcjü yequina wahaeraboaya masa. Tiquiro sa ihyo ijiriquiro ijierapegüta masa mari puhtoa mehna tiquirore cahmedari. Masa sa cahmedapegüta Cohäcjü pehe tiquirore mari puhtoro söri”, ni ojoahye panopure.

¹² Ne, apequiro masare pecapu waha-boriquinare yuhduoriquiro ne mariedare. Ahri yehpãÑe Jesu dihita masare yuhduoriquiro ijire. Ne apequina tiquiro yero saha ijieyquina ne mariedare, ni yahuahye Pedro tiquinare.

¹³ Tiquiro sa ni yahuri bato Pedro, Ñu mehna buhemehneñequina tiquina ijigü

ihñañe, cuero marieno tiquina buhegü ihñañe, puhto, bucuna, judio masa buheyequina mehna tuho maria wahahye. Sa ye Jesu yero saha tiquina buhegü ihñañe, ohö saha masiahye tiquina: “Pedro, Ñu gähü potota Jesu mehna cjëna ijire ahriquina”, ni, masiahye tiquina.

¹⁴ Sa yero tini masieniquiro ijimediquire Pedro gähü mehna ijahye. Tiquire quehnoariquire ijigü ihñañe puhto, bucuna, judio masa buheyequina mehna. Sa ye tiquina Pedro gähüre “Ñano yeye nine”, ni yahusä masiedahye.

¹⁵ Sa yahusä masiedahye, puhto tiquina cahmecoari tucüpu ijieyequina Pedro gähüre wijia dutiahye.

¹⁶ Tiquina wijiari bato tiquina basi ohö saha ni yahuducuahye:

—¿Ahriquinare duhse yenatari mari? ni, yahuducuahye tiquina.

Ohö saha ni yahuducu nemoahye:

—Pedro, Ñu mehna Cohäcä tutuaye mehna tini masieniquirore tinigü yeri jiri. Sa ye Jerusalë cjëna ijiphiyequina tiquina sa yerire masidi. Sa yena mari pehe “Sa yerari tiquina”, ni masiedaja mari.

¹⁷ Sa yena Jesu tiquire buherire apequinare buhe dutieracähna tiquinare, “Apequina ti buheyere cahmeari”, nina, ni yahuducuahye tiquina basi.

¹⁸ Sa ni yahuducu tuhasa Pedro gähüre pijio, ohö saha niahye:

—Jesu tiquire buherire ne buheracähña apequinare. Tire ne yahuducueracähña, nimahye tiquinare.

¹⁹ Tiquina sa nigü tuhoye Pedro, Ñu mehna ohö saha niahye tiquinare:

—Musa ohö saha nigü musare yuhtina, Cohäcä pehere yuhduhcana niboaga usä. ¿Noa pehere usä yuhtigü cahmeajari musa? ¿Musa pehere usä yuhtigü cahmeajari musa? ¿O Cohäcä pehere usä yuhtigü cahmedajari musa?

²⁰ Usä pehere usä ihñarire, usä tuhörirre usäre nuono basioerare, ni yuhtiahye Pedro, Ñu mehna.

²¹ Tiquina sa nigü tuhoye puhto pehe pari turi dutimahye tiquinare tja:

—Jesu tiquire buherire musa buheri buhiri ñano yuhduhcana musa, nimahye puhto tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquire yuhdugü ihñañe, “Cohäcä potota quehnoariquire ijire”, ni-ahye masa. Tiquina sa nigü tuhoye puhto pehe Pedro gähüre buhiri dahre masieda, tiquinare wioahye.

²² Tini masieniquiro, tiquina yuhduoriquire cuarenta cahmari cuoriquire ijahye.

Jesu yequina tiquina cueratire siniahye Cohäcäre

²³ Sa ye Pedro, Ñu mehna tiquina mehna cjëna cahapu esa, pahia puhto, bucuna tiquinare tiquina nidire yahuahye.

²⁴ Tiquina sa nigü tuhoye tiquina ijiphiyequina mari Pacure Cohäcäre siniahye:

—Usä puhto, mähü ahmüsere, yehpare, märi gähüre yerigu, ijiphiyequina catiyequinare yerigu ijire mähü.

²⁵ Mähü yaquire Espiritu Santo usä ñecu manano Davire mähü cahacjanore ahrire yahu dutiahye mähü nidiro sahata:

¿Duhse ye Israe masa ijieyequina usuajari? Tuho masieñequina ijire masa.

²⁶ Peye yehpari cjëna puhto cahmeco, mari puhtoro Cohäcäre, tiquire puhtoro söriquire Cristo gähüre ihña tuhti, ñano ye duare tiquinare, ni yahu dutiahye mähü Davire panopure.

²⁷ Sa tjire. Ahri macapu Herode, Pontio Pilato, judio masa ijieyequina, judio masa mehna mähü beseriquirore Jesure quehnoariquire mähü cahacjanore wejë duaye, cahmecoari.

²⁸ Ti pje mähü cahmediro sahata “Sa waharota”, mähü nidiro sahata yeri tiquina. Mähü masiñe mehna sa ni yahuahye mähü.

²⁹ Sa yegu usä puhto, tiquina usäre “Musa buheri buhiri ñano yuhduhcana”, tiquina nidire wacuña mähü. Usäre yuhduoya. Sa yegu usäre mähü cahacjanore cuero marieno mähü buheyere yahu dutiya usäre.

³⁰ Mähü tutuaye mehna dohatieyequinare yuhduoya. Sa yegu mähü buheyere cuero marieno yahu dutiya usäre. Sa yegu Jesu quehnoariquire mähü cahacjano tiquire tutuaye mehna ye ihño dutiya usäre. Sa yegu dohatieyequinare usä yuhdu dutigü tiquire tutuaye mehna yedohoya usäre, ni siniahye tiquina mari Pacure.

³¹ Tiquina sa ni sinidi bato, tiquina cahmecoari wähü ñuhmia wahahye. Sa ñuhmigüta Espiritu Santo tiquire tutuaye mehna wacu tutuayequina wahagü yeahye tiquinare. Sa wahaye, Espiritu Santo tiquire dutiriro sahata yeye, cuero marieno Cohäcä yere yahuahye tiquina.

Jesu yequina tiquina yere itie tiahye

³²⁻³³ Sa ye Cohäcä tiquire tutuaye mehna tiquina Jesu cüriquina ohö saha ni yahue tiahye masare: “Jesu tiquire masarire usä ihñau”, ni, yahue tiahye tiquina masare. Sa yero tiquinare ijiphiyequinare Cohäcä quehnoano yedohoducue tiahye. Sa ye Jesure wacu tutuayequina peyequina ijieye, tiquina ihcäno saha tuhötuyequina ijie tiahye. Sa ye tiquina yere, tiquina doeri cjëne “Yee dihita ijire”, ne nieda tiahye. Tiquina ijiphiyequina tiquina yere apee

boro marieñequinare tiquina mehna cjēnare itie tiahye.

³⁴ Sa ye tiquina mehna cjēna pejesuoyequina marieda tiahye. Tiquina mehna cjēna dihta cwoyequina, wahuse cwoyequina tiquina yere duae tiahye.

³⁵ Sa duaye tiquina wapatarire ne cāhta, Jesu cūriquinare ohoē tiahye. Sa ye tiquina pehe tire tiquina mehna cjēnare itie tiahye. Ijipihtiyequina cwoyequinare itie tiahye.

³⁶ Ti pjere ihcāquiro tiquina mehna cjāno José wame tiriquire ijahye. Jesu cūriquina Josere Bernabé wame yeahye. Tiquire wame Bernabé “Masare bucueriquiro ijire”, nine griego ye mehna. Tiquire Leví ya curua cjāno Chipre nucso cjāno ijahye.

³⁷ Sa yero tiquire wese cwoiriquiro ijiro tire duahye. Sa yero tiquire wapatarire Jesu cūriquinare ohoahye tiquire apequinare iti dutiro.

5

Anania tiquire namono Safira mehna ni mehoahye

¹ Apequina gāhu Bernabé yero saha yemahye. Tiquina Anania wame tiriquire, tiquire namono Safira wame tircoro ijahye. Tiquina ya wesere duahye tiquire.

² Sa dueperota tiquire wapatarire tiquire basi neahye. Tiquire namono gāhu tiquire sa yerire masiahye. Sa yero tiquina wapatarire tiquina dūharire ne cāhta, Jesu cūriquinare ohoahye Anania pehe. Sa ohoro “Oho pehogu niaja”, nimahye tiquire.

³ Tiquire sa yegū ihñano Pedro tiquire o yahuahye:

—Anania, watino mahure ni meho dutiri jiri Espiritu Santore. Sa yegu mahū ya yehpare dua, mahū wapatarire mahū basi nedi jiri.

⁴ Mahū duato pano mahū ya wese ijiri. Sa yero mahū duari bato mahū ye wapata ijiri. ¿Sa yegu dūhse ijiro boro sa ni mehoari mahū? Mahū usā dihitaré ni mehoedari. Cohācjū gūhare ni mehoari mahū, niahye Pedro tiquire.

⁵ Tiquire sa nigū tūhorota, Anania pehe doque quehe sa, yariaa wahahye. Sa ye ijipihtiyequina tiquire sa wahagū masiñe, tutuaro cueahye.

⁶ Tiquire yariari bato wahma pjia ahta, tiquire pagare suhtiro cahsero mehna wahme, sopecahapū ne wijia, yahye tiquire.

⁷ Sa ye ihtia hora bato Anania munano namono, tiquire yariarire masiedaro Pedro cahapū sajahye.

⁸ Sa yero Pedro ticorore ohō saha niahye: —¿Musa ya wesere duatjiāna noho puno wapatarī mūsa? niahye tiquire.

Sa yero ticoro manano munano tiquire nidiro punota, “To punota wapataw usā”, ni yahumahye ticoro.

⁹ Sa yero Pedro yahuahye ticorore:

—¿Dūhse yena musa ihcāno saha Cohācjū yaquiro Espiriture ni meho duajari? Tūhoya yojopure. Mahū manano munanore yariquina ahtare. Mahū gūhare mahū pagare neñe taye nine, niahye Pedro.

¹⁰ Tiquire sa ni yahugāta ticoro doque quehe sa yariaa wahahye. Sa ye wahma pjia ti wahure sa jā wihī, ticoro pagare ne wijiaa wahahye. Ne wijia ticorore ne cāa wahahye. Ne cā, ticoro manano munano pari paha yahye.

¹¹ Sa ye Jesu yequina ijipihtiyequina apequina tire tūhoye cue yūhdūahye.

Jesu cūriquina Cohācjū tutuaye mehna ye ihñeahye

¹² Sa ye masa watoapū Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūpū quehnoari tucūpū cahmecoae tiahye.

¹³ Sa ye apequina tiquinare cueye, tiquina cahapū wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa.

¹⁴ Sa ye amua, numia peyequina Jesure wacū tutua dūcahye.

¹⁵ Sa ye tiquina dohatiyequinare ne cāhta, coma cjūne mehna pū ta, duhu cūe tiahye mahapū tiquinare. Sa ye Pedro tiquinare tiquire ña peogū cahmeahye tiquinare ne cāhtariquina pehe dohatiyequina tiquina yūhdūgū cahmeñe. Tiquinare tiquire ña peoeragū Pedro tiquina bui watidoque peogū cahmeahye tiquina. Ti dihitaré cahmeahye tiquina yūhdūato saha.

¹⁶ Sa ye Jerusalé caha ijije macari cjēna gāhu dohatiyequinare, watīa mehna ijieyequina gūhare ne cāhtaē tiahye. Ijipihtiyequina tiquina pagari quehnoa wahahye.

Jesu cūriquinare apequina ñano yee tiahye

¹⁷ Tiquina sa yegū ihñañe pahia pūhtoro, tiquire mehna cjēna mehna Pedro gūhare ihñā tuhtiahye. Pahia pūhtoro mehna cjēna saduceo masa ijahye.

¹⁸ Sa ye tiquina usua yūhdūa, Jesu cūriquinare ñehe, peresu yeahye.

¹⁹ Sa yero ñamipū Cohācjū yaquiro angel pōahye tiquinare peresupū dujiyequinare. Sa ye tiquinare wijia ta dutiro yahuahye angel:

²⁰ —Cohācjū wūhupū wahaya. Ti wūhupū ijina Cohācjū tiquire masorire ahri quehnoañe buheyere yahuya masare, niahye angel tiquinare.

²¹ Tiquire sa nigū tūhoye, ñami cjūno Cohācjū wūhupū sa jā, masare buheahye tiquina. Ti decota pahia pūhtoro, tiquire

mehna cjēna, Israe masa p̄h̄toa mehna cahmecoa, Jesu cūriquinare peresup̄ ijiyequinare ne cāhta dutimahye surara p̄h̄toare.

²² Sa niepegūta surara p̄h̄toa peresu tiquina yeri w̄h̄p̄u waha, ih̄ñahye. Tiquinare bocaerahye. Bocaera, tojoaa wahahye. Tojoa sa yahuahye tiquina p̄h̄toare:

²³ —Peresup̄ ijiye sope pahmari bihari pahmari dih̄ta ijiri. Sa ye ti pahmari cahap̄u tiquina peresu yeriquinare cohteyequina ducuri. Sa ih̄ñaa us̄ā. Us̄ā sa ih̄ñaepegūta p̄o s̄āa, us̄ā ih̄ñaḡu, tiquina peresu yeriquina mariedari, ni yahuahye tiquina.

²⁴ Tiquina sa nigū t̄ahoye, surara Coh̄c̄j̄ w̄h̄re cohteyequina p̄h̄toro, pah̄a p̄h̄toa mehna tire t̄aho, t̄aho maria wahahye. “¿D̄ahse waha sohtori tirotari ahri, tiquina sa yeye?” ni, t̄ahotuahye tiquina.

²⁵ Sa yero tiquina cahap̄u apequiro ahta, tiquinare yahuahye:

—Musa peresu yeriquina Coh̄c̄j̄ w̄h̄p̄u ijiri. Ih̄ñana wahaya. Ti w̄h̄p̄u masare buheye nidi tiquina, ni yahuahye.

²⁶ Tiquiro sa nigū t̄ahoro, surara p̄h̄toro tiquiro yequina surara mehna waha, Jesu cūriquinare pari turi ñehe cāhtahye t̄ja. Sa ñehepeta tiquinare surara tuhtierahye. Sa ye tiquinare quēboriquina ijiepetā, masare cueye quēdahye tiquinare. “Ahriquinare mari quēḡu apequina masa pehe ut̄a paca mehna doqueeta marine”, ni, t̄ahotuahye tiquina surara pehe.

²⁷ Sa ye tiquinare ne cāhta, p̄h̄toa caha duhu docoahye tiquina. Tiquina sa ne wihi duhu docoḡu pah̄a p̄h̄toro tiquinare tuhtiahye:

²⁸ —Musare us̄ā tutuaro dutimi. “Jesu yere buheracāh̄ña, nimi us̄ā musare. Us̄ā sa niepegūta musa pehe ijiptiyequina Jerusalē c̄j̄nare buheri musa. Jesu tiquiro yariari buhiri, us̄āre buhiri tigū ye duana niaga musa, niahye p̄h̄toro pehe.

²⁹ Tiquiro sa nigū t̄ahoro Pedro pehe apequina Jesu cūriquina mehna ȳht̄iahye:

—Coh̄c̄j̄ dutiri pehere ye mahtanāt̄ja. Sa yena came Coh̄c̄j̄ cahmegū masa tiquina dutiyere yenāt̄ja.

³⁰ Coh̄c̄j̄, mari acaye panop̄u c̄j̄na p̄h̄toro Jesure masori jiri. Tiquirota ijire musa curusap̄u quē biha wejēdiquiro.

³¹ Jesure “Quehnoaga ijire”, ni, tiquiro potō pehe duji dutiri Jesure tiquiro Pac̄uro pehe. Sa yero Jesu masa p̄h̄toro, masare masoriquiro ijiro, Israe masare tiquina ñañe yerire buj̄ua witiyequina iji dutiro, tiquina ñañene coh̄a duare Jesu.

³² Sa yena us̄ā pehe Jesu tiquiro yerire ih̄ñarina ijina tire yahuaja us̄ā. Esp̄ritu

Santo tire ih̄ñariquiro ijiro yahure tiquiro ḡāhu. Tiquirore Esp̄ritu Santore Coh̄c̄j̄ ohori. Ijiptiyequina Coh̄c̄j̄ dutiyere yeyequinare tiquiro Esp̄ritu Santore ohori, ni yahuahye tiquinare.

³³ Tiquiro sa nigū t̄ahoye p̄h̄toa pehe usua ȳh̄duahye. Sa ye tiquina Jesu cūriquinare wejē duamahye.

³⁴ Sa wejē duepegūta Gamalie, fariseo masano top̄u ijiriquiro tiquinare “Wej̄ari”, nino tiquinare yahuro taro niahye. Tiquiro p̄h̄toa mehna c̄j̄ano, dutiyere buheriquiro ijiḡu, masa tiquirore ño peoet̄iahye. Tiquiro Jesu cūriquinare mehenoḡu cohte dutiro ape siep̄u tiquinare ne cā dutiahye surarare. Tiquina sa ne cāri bato tiquiro yahuahye masare:

³⁵ —Musa Israe masa, ahriquinare musa yeatire quehnoano t̄ahotuya “Musap̄u wej̄ari”, nina.

³⁶ Wacūña Teuda mananore. Tiquiro basi “Masare ȳh̄duacaḡu ijiaja yahu”, nidi masare. Sa ye masa peyequina cuatro cientos masa tiquiro mehna c̄j̄na tojoari. Sa ye apequina pehe tiquirore wej̄edi jiri. Tiquiro buheyere buheriquina pehe waha sitea wahari jiri. Sa ye tiquina mana yojop̄u mariedare.

³⁷ Came masare tiquina queori p̄je ijiḡu Galilea c̄j̄ano Juda wame tiriquiro manano masare tiquiro buhiḡu tiquiro mehna masa peyequina tojoari. Tiquiro ḡāhu yariaa wahari jiri. Sa ye tiquiro yequina ijiptiyequina waha sitea wahari jiri.

³⁸ Sa nigū musare yojop̄u ahrire yahuḡu niaja. Sa ih̄ña cāh̄ña ahriquinare Jesu yere yahuequinare. Sa ye ahri buheye, ahriquina ye buheye Coh̄c̄j̄ ye buheye ijieraro, pihtia waharota Teuda ḡāhu tiquina ye buheye ti p̄ht̄irirō sahata.

³⁹ Sa ijiepegūta ahri Coh̄c̄j̄ ye buheye ijiro, ne pihtisi. Ahri buheye Coh̄c̄j̄ ye ijiḡu ne ahrire butiḡu ye masiedare musa. Musa ahrire butiḡu ye duana Coh̄c̄j̄ mehna cahmequena niboaga musa, niahye Gamalie tiquinare.

⁴⁰ Tiquiro sa ni yahuḡu t̄ahoye, “Ijirota ijire”, ni t̄ahotuahye masa. Sa ye tiquina Jesu cūriquinare pijio, tiquina wihiḡu ih̄ñañe, tiquinare tanahye. “Jesu yere buheracāh̄ña musa”, ni tuhasa, tiquinare waha dutiahye.

⁴¹ Tiquina sa waha dutiḡu t̄ahoye tiquina p̄h̄toa cahap̄u ijiriquina wahaah wahahye. Jesu yere tiquina yeri buhiri ñano ȳh̄duye tutuaro bucueahye Jesu cūriquina.

⁴² Sa ye decoripe Coh̄c̄j̄ w̄h̄p̄u, tiquina ye w̄h̄sep̄u Cristo Jesu ye buheyere yahue t̄iahye tiquina.

6

Siete yedohoyequinare beseahye Jesu

yequina

¹ Ti decorire Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñañe, judio masare tuhtiahye.

² Sa ye doce Jesu cūriquina, peyequina Jesu buheyequinare tiquina cahapū pijio, ohō saha ni yahuahye:

—Usā Cohācjū yere buhena ijiaja. Ihyayere itiborina ijieraja usā.

³ Musa usā acaye, siete amuare, “Quehnoañequina”, apequna tiquina niñequinare, quehnoano tuho masiñequinare, Espiritu Santo cwoyequinare macañā. Tiquinare ihyayere iti dutiāya masa.

⁴ Sa yena usā pehe decoripe Cohācjūre sini, Cohācjū yere buhenatja, niahye tiquina Jesu cūriquina.

⁵ Tiquina sa nigū tuhoye, “Au, sata yeihna”, niahye tiquina ijipihtiequina Jesu yequina. Sa ye Estebāre Cristore wacū tutuariquirore, Espiritu Santo tutuayere pajiro cwoiriquirore beseahye tiquina. Apequna gūhare beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masano ijieriquiro Antioquā cjāno judio masa ye buheyere cahmeno, tiquina mehna sajāmediquiro ijiahye.

⁶ Tiquina beseriquinare Jesu cūriquina cahapū ne wihiahye apequna Jesu yequina pehe. Tiquina sa ne wihigū ihñañe tiquina Cohācjūre sini basaye, tiquina beseriquina bui omocarine duhu peohaye.

⁷ Sa ye ti yehpa cjēna Cohācjū yere masi pihiti cjūñe niahye. Sa ye Jerusalēpū ijiiyequina Jesu buheyequina peyequina wahahye. Sa ye pahia gūhū peyequina Jesu yequina wahahye.

Apequna Estebāre ñeheahye

⁸ Sa yero Estebā Cohācjū tutuayere cwoiriquiro ijiahye. Tiquiro Cohācjū quehnoano yenhriquiro ijiahye. Sa yero tiquiro Cohācjū tutuayere mehna ye ihñoahye masa tiquina ihñoano.

⁹ Tiquiro sa yepēgāta judio masa tiquina buheri wūhū cjēna tiquirore ihña tuhtiahye. Sa ye tiquiro mehna cahme duse tini wiaye niahye. Cahācjēna ijirire yūhdu witiriquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina.

¹⁰ Sa ye Estebā quehnoano masiniquiro Espiritu Santore pajiro cwoiriquiro tiquiro yahuducugū tuhoye tiquina “Mūhū nidi potō ijierare”, tiquirore ni ihño masiedahye.

¹¹ Sa tuho dueraye tiquina apequinare ni meho dutiye, wapa yeahye tiquinare. Tiquina sa ni meho dutigū ohō saha ni yahusāmahye tiquina:

—Ahriquiro Cohācjūre tiquiro ñano yahuducugū, Moiser tiquiro ñano yahuducugū gūhare usā tuhoye, ni yahusāmahye ni mehoñequina pehe apequinare.

¹² Tiquina sa nigū tuhoye masa, judio masa buheyequina, bucsna gūhū tiquiro mehna usuahye. Sa ye tiquina Estebāre ñehe, tiquina puhtoā cahapū neahye tiquirore.

¹³⁻¹⁴ Sa ye tiquina apequinare ni meho dutiahye:

—Ahriquiro decoripe Cohācjū wūhare, tiquiro dutiye gūhare ñano yahuducuriquiro ijire. Tuhoye usā tiquirore tiquiro ohō saha nigū: “Jesu Nazare cjāno Cohācjū wūhare cohānota. Sa yero tiquiro Moise dutiyere marine yahurire comesarota Jesu”, nidi Estebā usā tuhogū, ni meho yahusāmahye tiquina.

¹⁵ Sa ye ijipihtiequina topū dujiyequina Estebāre quehnoano ihñadoque ohō, tiquiro wūhdoare ihñahye tiquina. Angel yero saha bajuahye tiquiro wūhdoā.

7*Estebā Jesu yere yahuahye*

¹ Sa ye pahia puhtoro sinituahye Estebāre. —¿Ahriquina niñe potota ijiajari? ni, sinituahye tiquiro Estebāre.

² Tiquiro sa nigū tuhoye, Estebā pehe tiquinare ohō saha ni yahuahye:

—Yūhū acaye, bucsna, usā pacusumua tuhoye. Abrahā mari ñescū mūnāno panopū cjāno Mesopotamiapū tiquiro ijigū, Harāpū tiquiro ijiato pano, Cohācjū tutuariquiro asi siteriquiro pehe tiquirore Abrahāre bajuahye.

³ Sa bajuaro Cohācjū yahuahye tiquirore. “Mūhū ya yehpare mūhū acaye mehna ijieracāñā. Sa yegū aye yehparū wahaya. Mūhū sa wahagū mūhare ti yehpare ihñogutja yūhū”, niahye Cohācjū Abrahāre.

⁴ Tiquiro sa nigū tuhoye, Abrahā gūhū Caldea yehpa cjēna ya yehparū ijiriquina wahahye. Sa yero Harāpū esahye. Topū esa, ijiahye. Sa yero tiquiro pacuro yariari bato ahri yehpa yojopū masa ijiri yehparū Cohācjū ahta dutiahye Abrahāre.

⁵ Cohācjū Abrahā tiquiro ijiri yehpare quehnoano waro cūedarīahye tiquirore. Ne mehenogū cūedarīahye. Sa yero Abrahā pohna marieniquiro ijiepegāta Cohācjū pehe tiquirore ohō saha ni yahuahye. “Mūhare, mūhū panamena aye tjuro cjēnapure ahri yehpare ohogutja”, niahye Cohācjū Abrahāre.

⁶ Sa ninota ohō saha ni yahu nemoahye Cohācjū. “Muhū panamena ape tjuro cjēna ape yehparū wahaye, torū apequina caharū ijiye, tiquina cahacjēna ijietā tiquina. Sa ye cuatro cientos cahmari waro to cjēna ñano yeeta muhū panamena iji turiayequinare.

⁷ Sa yegū to cjēnare tiquina sa yeri buhiri buhiri dahregutja yuhū. Yuhū sa yeri bato muhū panamena iji turiayequina ahri yehparū wihietā tja. Sa ye ahri yehparū yuhū cahacjēna ijietā tiquina”, niahye Cohācjū Abrahāre.

⁸ Sa nino Cohācjū “Yuhū nidiro sahata yegutja”, nino Abrahā tiquiro wacūatire ohō saha cūahye tiquirore. Cuhnucunū sohtoa cahserogāre yuhre ne dutiahye tiquirore, tiquiro ni yahuripure wacū dutiro. Sa ye Abrahā Isaare pohna tiahye. Ocho decori bato cuhnucunū sohtoa cahserogāre yuhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjēna ijiatiquina ijiahye.

⁹ Sa ye tiquina mari ñecusumūa mūna panorū cjēna Josere cooye ihña tuhtiyē, tiquirore dua cāhye Egiptorū wahayequinare. Sa yero Josere Cohācjū yedohoahye.

¹⁰ Tiquiro ñano yuhdugū ihñano Cohācjū tiquirore yedohoahye. Tiquiro sa yedohogū Josē pehe quehnoano tuho masiniquiro wahahye. Sa yero faraō Egipto cjāno puhtoro pehe Josere cahmeahye. Tiquirore cahmegū yeahye Cohācjū pehe. Tiquiro sa yegū faraō pehe Josere puhtoro sōahye tiquiro yequina masare dutiatiquirore. Tiquiro faraō ya wuhū gūhare puhtoro ijiahye.

¹¹ Sa ye ti pjere Egiptorū, Canaarū ne acoro ahtaerahye. Sa ye ñano yuhduahye to cjēna. Sa ye mari ñecusumūa mūna panorū cjēna ihyayere bocaerahye.

¹² Sa bocaeraro Egiptorū trigo ijigū tuhoro, Jacob tiquiro pohnene mari ñecusumūa mūnare torū coā ohoro niahye.

¹³ Came Egiptorū tiquina esagū Josē tiquiro wahmisumūare yahuahye. “Musa bahuta ijaja yuhū”, niahye tiquinare. Sa yero Josē acayere coā ihñano niahye puhtoro faraō.

¹⁴ Came Josē tiquiro wahmisumūare tiquiro pacuro Jacore piji dutiro ohoahye. Tiquiro acaye setenta y cinco masa ijiahye.

¹⁵ Tiquiro macno pijogū tuhoro Jacob wahahye Egiptorū tiquiro macno caharū. Tiquiro macno caharū ijiro, came yariaa wahahye. Sa ye mari ñecusumūa mūna gūhū torū yaria pihitia wahahye.

¹⁶ Sa ye Siquē wame tiropū tiquina pagurire nea, masa coperire sehe tuhasa cohāhye tiquina pagurire. Abrahā tiquiro dūri yehpa ijiahye ti yehpa. Panorū Abrahā

ti yehpare Hamor pohnene dúahye niñero mehna.

¹⁷ Sa yero Cohācjū Abrahāre “Ahri yehpare ohogutja muhare”, niahye. Ti yehpare “Ohogutja”, tiquiro nidi pje umū sagū tiquiro acaye Israe masa peyequina masa wahahye.

¹⁸ Egiptorū tiquina ijinigū, apequiro puhtoro sajāhye. Sa yero tiquiro puhtoro pehe Josere masiedahye.

¹⁹ Tiquiro mari acayere ñano ye dua, tiquina pohnene wejē dua, cohā dutiahye tiquinare. Sa yero mari ñecusumūa mūna iji turiayequinare ñano yeahye puhtoro faraō pehe.

²⁰ Tiquiro sa yeri watoa Moise manano pehe masa bajuahye. Tiquiro quehnoariquiro, Cohācjū tiquiro quehnoano ihña coariquiro ijiahye. Sa ye ihtia asū waro quehnoano ihboahye tiquirogāre tiquiro pacusumūa.

²¹ Sa yero Moiserē tiquina nuo nemoedagū faraō macono tiquirogāre ihña boca, ne maja, ticoro macanore yero saha caoahye tiquirogāre.

²² Sa ye Egipto cjēna quehnoano masiñequina yere buheahye Moiserē. Sa yero cuero marieno yahuducuriquiro puhtoro yero saha yeriquiro ijiahye Moise.

²³ Sa ijieperota tiquiro cuarenta cahmari cuoro tiquiro acayere Israe masare ihña duaro tiquina caharū tinino wahahye.

²⁴ Sa tinino esaro Egipto cjāno Moise acayurore tiquiro ñano yegū Moise ihñahye. Sa ihñano tiquiro acayurore yedohoahye Moise. Tiquiro acayurore yedohoro, Egipto cjāno pehere wejēahye tiquiro.

²⁵ Sa yero Moise ohō saha ni tuhotumahye. “Yuhū acaye tiquina acayurore yuhū yedohogū ihñahē ‘Cohācjū marine quehnoano yedohogū ye dutiro ohori ahriquirore’, ni tuhotueta yuhū acaye”, ni tuhotumahye Moise. Tiquiro sa ni tuhotuepegāta tiquina pehe ne sa ni tuhotuerahye.

²⁶ Ape decorū Moise tiquiro acayere puaro tiquina basi cahmequeñequinare ihñahye. Sa yero tiquiro tiquinare yahumahye. “¿Musa basi ijiepenata cahmequeajari musa?” nimahye Moise tiquinare.

²⁷ Tiquiro sa nigū tuhoro ihcāquiro tiquiro acayurore ñano yeriquiro Moiserē tudoqueoahye. “Muhū usā puhto ijierare. Usāre dutigū ijierare mūha.

²⁸ ¿Canure Egipto cjānore muhū wejēdiro sahata yuhare wejē duagu niajari muhū?” niahye tiquiro Moiserē.

²⁹ Tiquiro sa nigū tuho maria waha, Moise oma duhti cāa wahahye. Madiā yehparū wahaa wahahye. Torūre numino boca puaro pohna tiahye.

30 'Sa ye Moise cuarenta cahmari waro topu tiqiuro ijiri bato Sinai wame tidu canu caha masa marienopu tiqiuro ijigu angel tiqiurore bajuahye. Angel pehe yucugu mehenaga ujuri peca pohnapu bajuahye.

31 Tu sa ujugu ihfano Moise ihfa maria wahahye. Ti pecare cahaga quehnoano tiqiuro ihfano wahaga waro Cohacju tiqiurore yahuahye.

32 "Cohacju ijiaja yahu. Mahu nescusmua Abrahã, Isaac, Jacob tiquina no peorigu ijiaja", niahye Cohacju Moiserere. Tiquiro sa nigu tuhoro Moise pehe nanarea wahahye. Ne ihfa wahcedahye.

33 Sa yero Cohacju yahuahye tiqiurore. "Mianogata yahu caharu ducugu nine mahu. Sa yegu cua pesaro mehna mahu dahpo sahtire tu weya.

34 Yeequina masa Egiptopu tiquina fiano yuhdugu ihfan. Tiquina utiyere tahuu. Sa yegu tiquinare yedohogu ahtau. Tiquina sa wahagu ihfagu wahaya mahu gahu. Egiptopu mahare ohogutja tiquinare yedoho dutigu", niahye Cohacju Moiserere.

35 'Tiquina pehe mari acaye Israe masa Moiserere cahmedahye. "Mahu usa puhto ijierare. Mahu usare dutigu ijierare", Moiserere sa nife cahmedaye niahye tiquina. Tiquina sa cahmedapeguta Cohacju tiqiurore Egiptopu ohoahye, mari acayere Israe masare yedohoatiqiurore, puhtoro ijatiqiurore. Angel tiqiurore yucuguru bajuariqiuro pehe oho basahye tiqiurore.

36 Moise mari acayere Israe masare Egiptopu ijiyequinare wioahye. Sa yero Egiptopu ahriqiuro Moise Cohacju tutuaye mehna ye ihfo dacahye. Sa yero pajiri ma sohãri mapu sa yeahye tja. Cameru masa marienopu gahare cuarenta cahmari waro Cohacju tutuaye mehna ye ihfoahye tiqiuro.

37 Ahriqiuro Moise pehe mari acayere Israe masare yahuahye. "Yuhu yero saha ijiriqiurore Cohacju yere yahu muhtariqiurore Cohacju ohorota. Sa yero tiqiuro masa mehna cjana masa acayuro ijirota", niahye Moise tiquinare.

38 Moise masa marienopu mari acaye Israe masa mehna ijiahye. Sa yero Sinai wame tidu canuru tiqiurore yahuriqiuro angel mehna ijiahye. Sa yero mari nescusmua panopu cjena mehna ijiahye tiqiuro. Cohacju tiqiuro dutiyere curi qiuro ijiahye Moise.

39-40 'Sa ye ti dutiyere canuru Moiserere tiqiuro curi watoa mari nescusmua panopu cjena Egiptopu tojoaa duahye, Moiserere yuhducayere. Tiquina tiqiurore cahmedahye. Sa cahmedaye, tiquina Moise bahuro Aarore ohõ saha niahye: "Cohãmana queoyere ye ya mari yequina ijatiquinare. Sa ye tiquina mahu yeriquina marine dutiye mari waha duari maharu marine

neaeta. ¿Tiquiro Egiptopu ijiyequinare marine ne cãhtariqiuro Moise dahse wahayari tiqiuro? Masiedaja usa", niahye tiquina.

41 Sa ye ti decorire tiquina wecu queoyere uru mehna yeahye. Sa ye tuhasa, tiquina wahiquinare wejẽ, tiquina yeriqiuro caharu ne cãhta, no peoahye tiqiurore. Sa ye tiquina yeriqiuro wecure ihfa, bucue, bosc deco yeahye.

42 Cohacju wecure tiquina no peogu ihfano tiquinare cohã cãa wahamahye. "Yuhare cohã, nahpicoha pehere no peocunahdo", nino cohã cãa wahamahye. Cohacju yere yahu muhtariquina sa ni, ojoahye. Masa yuhare fia yuhduaro yeri. Israe masa masa marienopu cuarenta cahmari waro ijina, wahiquinare masa wejẽnequinare masa ujãnequinare ohona, yuhare masa no peoboriro sahata yemedi masa. Sa yepenata yuhu pehere masa no peoarari.

43 Sa yena masa Molo wame triqiurore no peona ijina, tiqiurore no peori wuhare curi masa. Nahpicoha apequro cohacju Reja wame tiria queoyere masa yeriare masa no peori tja. Ti queoyere masa yeriquinare masa no peori. Masa sa yeri buhiri masare Babilonia ape sie pahrupu cohãgutja yahu, ni, yahu ojoahye Cohacju yere yahu muhtariquina.

44 'Sa ye masa marienopu Cohacju masa mehna tiqiuro ijiri wuhare wahiquina cahseri wuhare cuoahye mari nescusmua panopu cjena. Ti wahu Cohacju masa mehna tiqiuro yahuducuri wahu ijiahye. Ti wuhuru Cohacju dutiye tiqiuro ojoari pjini utã pjini ijiahye. Ti wuhare Cohacju tiqiuro yahuriro sahata Moiserere tiqiuro ihfioriro sahata dahre dutiahye Cohacju Moiserere.

45 Sa ye mari nescusmua panopu cjena Josue mehna ti wuhare wahiquina cahseri mehna tiquina yeri wuhare ne cãhtahye ahri yehparu mari ijiri yehparu. Tiquinare mari acaye Israe masare Cohacju tiqiuro curi yehpare ahri yehpare tiquina wihãto pano ahri yehparu iji muhtariquina Canaa cjena manare Cohacju cohã cãhye. Ti pjere Cohacjure no peori wuhare wahiquina cahseri wuhare cuoahye mari nescusmua. Tee Davi manano tiqiuro ijiguru cuo bato tiahye ti wuhare.

46 Sa yero Davi manano Cohacjure bucuegu yeahye. Sa yero Cohacju ya wahu ijiatire Davi pehe ye duaro, sinimahye Cohacjure.

47 Tiquiro sa siniepeguta Salomo pehe Cohacju ya wuhare yeahye.

48 Tiquiro sa yereguta Cohacju pehe masa tiquina yeri wuhare ijierare. Ohõ saha niahye Cohacju yere yahu muhtariqiuro.

49 'Uhmuse yahu dujiro ijire. Topu dujigu dutiaja yahu. Sa yero yehpa pehe

yuhũ dahpocārĩne duhu peoro yero saha ijire. Yuhũ tutua yuhũdũgũ ijijaja. Ya wuhũ ijiatore ye masiedare musa. Cohācjũ yuhũ ijigũ yuhũ ijiasi wuhũre musa ye masiedare.

⁵⁰ Yuhũ basi ahri yehpore ijipihtiro yei yuhũ”, niahye Cohācjũ, ni ojoahye Cohācjũ yere yahu m̃htariquiro.

⁵¹ Musa ne yuhti duena ijire. Cohācjũ yere tũhoepenata, tiquirore yuhti duerare. Espĩritu Santore yuhũdũdũca yuhũdũare musa. Musa ñecũsumũa tiquina yeriro sahata yere musa.

⁵² Musa ñecũsumũa ijipihtiyequina Cohācjũ yere yahu m̃htariquinare ñano yeahye. Tiquina Cohācjũ yere yahu m̃htariquina pehe “Came quehnoariquiro Cohācjũ yere yahu m̃htariquiro ahtarota”, tiquina ni yahuyequina ijigũ tũhoye musa ñecũsumũa mũna sa ni yahuriquinare wejẽe tiahye. Sa yena “Quehnoariquiro”, tiquina nidiquirore musa gũhũ yojopure tiquiro ya curua cjãna ijiepenata tiquirore wejẽdi.

⁵³ Cohācjũ dutiyere angele pehe yahumahye musare. Sa yena musa ti dutiyere cõmahye. Sa yena ti dutiyere yuhũdũdũcari musa, niahye Estebã.

Tiquina Estebãre utã paca mehna doque wejẽahye

⁵⁴ Tiquiro sa nigũ tũhoye tiquina pehe tutuaro usuahye. Sa tutuaro usuaye, cuayequina wahahye.

⁵⁵ Tiquina sa usuepegãta tiquiro Espĩritu Santo dutiriro sahata ye pehoriquiro ijiro, tiquiro tutuayere quehnoano cõriquiro ijiro, uhmũserũ ihũadoque mũo, Cohācjũ asi siteyere ihũahye Estebã. Jesu Cohācjũ potõ peherũ ducugũ ihũahye tiquiro.

⁵⁶ Sa ihũano ohõ saha niahye: —Uhmũserũ mehenogã parĩ we maagũ Jesu Cohācjũ ohoriquiro Cohācjũ potõ peherũ tiquiro ducugũ ihũaja yuhũ, niahye Estebã.

⁵⁷ Tiquiro sa nigũ tũhoye tiquina tutuaro saũuducu, tiquina cahmo cõperire biha cã, ihcãno mehna tiquiro caharũ oma maa cã, tiquirore ñeheahye.

⁵⁸ Ñehe tuhasa, tiquirore ne cã, ti maca duhtũ caharũ cohãhye tiquirore. Sa ye utã paca mehna doque wejẽahye tiquirore. Tiquina sa wejẽato pano tiquirore yahusãriquina tiquirore utã paca mehna doqueatiquina tiquina suhtire tu we, wahmũnore Saulo wame tiriquirore tiquina suhtire cõo basa dutiahye.

⁵⁹ Sa yero Estebãre tiquina wejẽato pano ohõ saha niahye tiquiro:

—Jesu yuhũ pũhto, yuhũ jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

⁶⁰ Sa yero tiquiro dũsepe curi mehna quehe sa, ohõ saha niahye:

—Pũhto Jesu, ahriquina yojopũ ñano yuhũre tiquina yeyere tiquinare buhiri dahreracãhña mũhũ, niahye Estebã.

Sa nidi bato tiquiro yariaa wahahye.

8

¹ Sa yero Estebã tiquiro yariagũ ihũano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalẽrũ ijieyequinare ñano ye dũcahye apequina pehe. Tiquina sa ye dũcagũ Jesu yequina Judea yehparũ, Samaria yehparũ, yoaropũ duhti site cãa wahahye. Jesu cõriquina dihita wahaerahye.

² Sa ye apequina Cohācjũre ño peoyequina Estebãre ya, tutuaro utiahye tiquina.

³ Sa yero Saulo pehe Jesu yequinare ña yuhũdũaro yee timahye. Tiquiro tiquina ye wuhũserũ sajã, umũare, numiare ñehe, peresurũ biha docoe tiahye.

Samariarũ Jesu yere buheahye Felipe

⁴ Sa yeye yoaropũ waha siteriquina Jesu yere buheahye.

⁵ Sa yero Felipe Samaria wame tiri macarũ esa, Cristo yere buheahye ti maca cjẽnare.

⁶ Tiquiro sa buhegũ ti maca cjẽna quehnoano tũhoe tiahye. Sa ye Cohācjũ tutuaye mehna tiquiro ye ihũogũ ihũahye tiquina. Sa ihũañe tiquirore quehnoano tũhoe tiahye.

⁷ Peyequina watĩare cõoyequina tiquiro caharũ tiquina wihigũ ihũano watĩa pehere waha dutie tiahye tiquiro. Watĩa pehe tutuaro saũuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye.

⁸ Tiquiro sa yegũ ihũañe ti maca cjẽna peyequina masa bucueahye.

⁹ Tĩ pjere Simo wame tiriquiro ti maca cjãno yairo ijiahye. Sa yero yayia tiquina yerire ye ihũoe tiahye Samaria cjẽnare. Tiquiro sa ye ihũogũ ihũañe, ti maca cjẽna ihũa maria waha, tiquirore cua pesaro ihũaie tiahye.

—Yuhũ masi pehogũ ijijaja, nimahye Simo pehe tiquinare.

¹⁰ Tiquiro sa yegũ ihũañe masa pehe ohõ saha niẽ timahye:

—Ahriquiro Cohācjũ ye tutuayere cõriquiro ijire. Cohācjũ yero saha tutuariquiro ijire, nie timahye tiquirore masa, pũhto mehna.

Tiquina ijipihtiyequina quehnoano tũhoahye tiquirore.

¹¹ Tiquiro yayia tiquina yeye mehna yoari pje ye ihũoe tiahye tiquinare. Tiquiro sa

ye ihñogū ihñañe tiquina ihña maria wahae tiahye. Sa ye tiquina tiqiurore ño peoe tiahye.

¹² Tiquina sa ño peoepegūta Felipe pehe Cohācjū tiqiuro pūhtoro ijyere, Jesucristo yere quehnoañe buheyere yahuahye. Tiqiuro sa yahugū tiquina tiqiurore quehnoano tuhoahye. Tiquina sa quehnoano tahogū ihñano amua, numia gūhare wame yeahye Felipe.

¹³ Sa yero Simo gūhu Felipere quehnoano tuhoe tiahye. Sa yero tiqiuro gūhare wame yeahye. Tiqiuro sa wame yeri bato Felipe mehna tojoe tiahye tiqiuro. Felipe pehe Cohācjū tutuaye mehna tiqiuro ye ihñogū ihñano, dohatiyequinare tiqiuro yahduogū ihñano Simo ihña maria wahahye.

¹⁴ Sa ye Samaria cjēna Cohācjū yere tiquina tutuaro cahmegū Jesu cūriquina Jerusalēpu ijyequina tuhoahye tiquinare. Sa tiquina cahmegū tuhooye Pedroro, Ņu gūhare ohoahye Samariapu.

¹⁵ Topu esaye Pedro gūhu Cohācjūre sini-ahye. “Ahriquina Samaria cjēna mūhare ño peoyequina mūhu yaquiuro Espiritu Santore cūoahro”, ni, sini basahye tiquina Cohācjūre.

¹⁶ Tiquina Samaria cjēna Jesucristo wame mehna wame yequina ijiahye. Ti dihitare masiahye tiquina. Sa ye Espiritu Santore cūoera tiahye ti pjere tiquina.

¹⁷ Sa ye Pedro, Ņu mehna Samaria cjēnare tiquina omocarine tiquina bui duhu pēori bato Espiritu Santore cūo dūcae tiahye tiquina.

¹⁸ Sa yero Pedro gūhu tiquina omocari mehna tiquina duhu peogū ihñahye Simo. Espiritu Santore tiquina ñehēgū gūhare ihñahye tiqiuro. Sa ihñariquiuro ijiro, ti tutuayere cahmeno, niñeru mehna wapa ye duamahye. Ohō saha nimahye Simo:

¹⁹ —Yūhu gūhare ohoya ahri tutuayere. Yūhu gūhu yūhu omocari mehna masa bui duhu peo yegu tūu niaja Espiritu Santore tiquina ñehēato saha. Sa yegu ahri yūhu yeati wapare wapa ye duaja, nimahye Simo tiquinare.

²⁰⁻²¹ Tiqiuro sa nigū tuhoro Pedro ohō saha niahye:

—Mūhu niñeru mehna Cohācjū ye tutuayere mūhu dú duari buhiri mūhu niñeru mehnata pecapu wahaya mūhu. Cohācjū mūhu tuhotuyere masine. Mūhu ñagu ijinine. Sa yegu ahrire usā yeyere ye masiedare mūhu. Ahrire yebogu ijierare mūhu.

²²⁻²³ Tutuaro ihña coore mūhu. Sa yegu ñañe yeyere ne duhu masiedare mūhu. Sa yegu ahrire mūhu ñañe yerire bujua witiya mūhu. Cohācjūre mūhu ñañe tuhotuyere bo dutigu siniña mūhu. Mūhu sa yegū ihñano

tiqiuro mūhu ñañene borota, niahye Pedro tiqiurore.

²⁴ Tiqiuro sa nigū tuhoro Simo yūhtiahye tiqiurore.

—Yūhare sini basaya mūsa Cohācjūre mūhu nidiro saha yūhu wahaeragū. Ti buhiri pecapu waha dueraja yūhu, niahye Simo tiqiurore.

²⁵ Came Pedro Ņu mehna Cohācjū yere yahuahye. “Jesu tiqiuro masa mujagū ihñau usā”, ni, Samaria yehpapu ijyere macari cjēnare quehnoañe buheyere buheahye. Tiquinare Cohācjū yere buhe tuhasa Jerusalēpu tojoa wahahye.

Felipe Etiopía yehpa cjānore buheahye

²⁶ Sa ye Cohācjū tiqiuro yaquiuro angel Felipere yahuahye:

—Yojoyare sur pehepu wahaya. Jerusalē caha ijiri mahapu Gazapu wahari mahapu wahaya, ni yahuahye angel Felipere.

Ti maha masa marienopu ijire.

²⁷ Tiqiuro sa nigū tuhoro tiqiuro pehe ti mahapu wahahye. Came ti mahapu ihcāquiuro masūnore piti caro taro niahye. Tiqiuro piti catiqiuro ijiahye Etiopía yehpa cjāno pūhtoro. Sa yero Candace wame tiri-coro Etiopía cjōno pūhtoro yere, niñerure ijipihtiyere ihña ihboriquiro ijiahye. Sa yero tiqiuro Jerusalēpu mari Pacure ño pēoro waha tuhasahye.

²⁸ Tiqiuro ya macapu tunuria mehna tojoa taro tiapu wahaeperota buhero niahye. Cohācjū yere yahu mūhtariqiuro Isaia tiqiuro ojoari pūre buhero niahye.

²⁹ Sa yero Espiritu Santo pehe Felipere ohō saha ni yahuahye:

—Siquiro tunuriapu wahariquiuro cahapu wahaya, niahye Espiritu Santo tiqiurore.

³⁰ Tiqiuro sa nigū tuhoro Felipe pehe tunuria cahapu oma cā, Isaia ojoarire Etiopía cjāno buhegū tuhoahye. Sa tuhoro Felipe sinituahye tiqiurore:

—¿Mūhu buheyere tuho masiajari mūhu? niahye tiqiuro.

³¹ Tiqiuro sa nigū tuhoro Etiopía cjāno ohō saha ni yūhtiahye:

—Apequiuro yūhare yahu yahduoti-qiuro mariedadū quehnoano masiedaga yūhu. Ohō yūhare yahu dūjigu ahtaya yūhu pari paha, ni yūhtiahye tiqiuro Felipere.

—Au, ni, nuju sahye tiqiuro caha.

³² Sa ye Cohācjū yere Etiopía cjānore tiqiuro buheri pū ohō saha niahye:

Ovejare tiquina ñehē wejēdiro saha tiqiuro gūhare ñehē wejēta masa. Sa yero ovejagāre tiqiuro poarire tiquina segū tiqiuro dihta marieno saha tiqiuro masūno gūhu dihta marieno ijirota.

³³ Tiqiurore tiquina bujūpeeta. Sa ye tiqiuro ñano yerapegūta tiquina pehe ñano

yeeta tiqirore. Tiquiro ahri yehparu ijigū tiqina tiqirore wejēeta. Sa yero tiqiro pohna marieniquiro yariaa waharota, ni ojoahye ti pūpare.

³⁴ Ti pū sa ni yahugū ihñano, Etiopía cjāno sinituahye:

—Yahuya yahure. ¿Ohō saha Isaia tiqiro nidiquiro noa boro ijiajari ahrikiro? ¿Isaia tiqiro basi yahuro niagari? ¿O apequiore yahuro niagari? ni, sinituahye Etiopía cjāno.

³⁵ Tiquiro sa ni sinitugū tūhoro Felipe pehe ti pūre ihña, Jesu yere yahuahye Etiopía cjānore.

³⁶ Sa ye tiqina tia mehna waha, mágāpu esahye.

—Ihñaña, ohō mágā ijire. Ahri mágāpu yahure wame yeya, niahye Etiopía cjāno.

[
³⁷ —Jesure mahu quehnoano wacū tuuagū ihñagu mahure wame yeitja, niahye Felipe tiqirore.

—Jesure wacū tutuaja yahu. Tiquiro Cristo Cohācjū macano ijire. Tire quehnoano masiaja yahu, niahye Etiopía cjāno.]

³⁸ Sa ninota tunuria ohoturiqiore yasno dutiahye. Tia yasū quehe sari bato wijiahye tiqina. Wijia, ti mágāpu esa, űumudaca sahye tiqina. Topu űumudaca sa, Felipe pehe tiqirore wame yeahye.

³⁹ Wame ye tuhasa tiqina majadaca sagū Cohācjū yaquiore Espiritu Felipere nea wahahye. Tiquiro sa wahari bato Etiopía cjāno quehnoano bucueriquiro tiqiro ya yehparu tojoaa wahahye. Tiquiro sa yeri bato tigū ne pari turi Felipere ihña nemoedahye.

⁴⁰ Sa ye tuhasa Azotopu esahye Felipe pehe. Sa yero peye macarine quehnoañe buheyer buheahye masare. Cesarepu buhe bato tiahye.

9

Saulo Jesucristore ihñano tiqirore wacū tutua dūcahye

(Hch 22.6-16; 26.12-18)

¹ Ti pjere Saulo Jesu yequinare ihña tuhtiriqiro, “Tiqinare wejēgutja”, nino, tiqiro pahia puhtoro cahapu wahahye.

² Topu esaro tiqiro ojoari pūrine siniahye pahia puhtorore. Ohō saha niahye:

—Damasco cjē wuhasepu judio masa mari buheye wuhasepu Jesu yequinare amuare, numiare boca saga, tiqinare ñehe duhte, Jerusalēpu ne cāhtagutja. Ti wuhasepu ijiequinare yahu ñeheatire papera pūre ohoya, ni siniahye Saulo pahia puhtorore.

³ Ti pūre ne tuhasa, waha, Damasco cahagā tiqiro esagū waro ahmanopu asi sitedoque dijioahye tiqirore.

⁴ Sa asi sitedoque dijiogūta tiqiro yehparu bora quehe saro, yahuducugū tūhoahye:

—¿Saulo, dūhsegu mahū yahure ñano yeajari? nino ca tahye.

⁵ —¿Puhto, noa boro ijiajari mahū? niahye Saulo pehe.

—Yuhu Jesu, mahū ñano yenohrigū ijiaja. [Mahū yahu mehna usuagu yahure yuhtieragu, mahū basita ñano yahdare, niahye Jesu Saulore.

⁶ Tiquiro sa nigū Saulo cue nanare, ohō saha ni sinituahye:

—¿Puhto, dūhse yahu yegū cahmeajari mahū? niahye Saulo.

Tiquiro sa nigū ohō saha niahye Jesu:]

—Wahcādaca yahu. Si macapu wahaya. Ti macapu mahū esagū ti maca cjāno mahū yeatire yahurota mahure, niahye Jesu Saulore.

⁷ Tiquiro sa nigū Saulo mehna cjēna pehe tiqiro yahuducuye dihitaro tūhoahye. Jesu pehere ihñedahye. Tiquiro sa wahagū ihñañe, cueye, tiqina yahuducu masiedahye.

⁸ Sa yero Saulo yehparu cuñariqiore wahcādaca, tiqiro ihñagū tiqiro caperi bajuerahye. Sa ye tiqina tiqiro omocare ñehe, Damascopu tuā cāa wahahye tiqirore.

⁹ Sa yero tiqiro ihtia deco waro ne ihñeda, ihyera, ne sihnedahye.

¹⁰ Sa ye Jesu buheriquiro Anania wame tiriqiore Damascopu ijiahye. Sa yero Jesu bajuahye Ananiare. Sa bajuaro pisuahye tiqirore:

—¿Anania, ijiajari mahū? niahye Jesu.

—Ijiaja, ni, yuhtiahye Anania tiqirore.

¹¹ Tiquiro sa nigū Jesu yahuahye tiqirore:

—Poto wame tiri mahapu wahaya. Topu wahagu Juda ya wuhapu Tarso cjānore Saulo wame tiriqiore macaña. Tiquiro Cohācjāre sinino niaga.

¹² Sa yero quehēno saha tiqiro ihñarire ihñano niaga topure. Ohō saha ijyere ihñano niaga tiqiro: Mahū omocare tiqiro bui duhu peo, tiqiro caperi quehnoa wahagū ihñano niaga tiqirore bajarire, niahye Jesu Ananiare.

¹³ Tiquiro sa nigū tūhoro Anania ohō saha niahye:

—Puhto, tiqiro mahū yequinare quehnoañequinare Jerusalē cjēnare ñano yeñohi. Peyequina masa yahure sa ni yahuri.

¹⁴ Sa yero ohōre tiqiro ijipihtiequina mahure cahmeñequinare peresu yero taro niñohi. Pahia puhtoa tiqirore sa ye dutiñohi, niahye Anania Jesure.

¹⁵ Tiquiro sa nigū Jesu pehe yahuahye tiqirore:

—Tiquiro Saulo pehe yahu beseriquiro ijire. Tiquiro yee buheyere peye macari cjenare, Israe masa ijieyequinare, tiquina puhtoare, Israe masa gahure buherota. Sa yegu wahaya mahu.

¹⁶ Sa yero peye tahari yeere tiquiro yeri buhiri tiquiro nãno yahuurota. Tire tiquirore masigã yegutja, niahye Jesu Ananiare.

¹⁷ Tiquiro sa nidi bato Anania pehe waha, esa, Saulo tiquiro ijiri wahu pu sajãhye. Sajã sa, tiquiro omocare Saulo bui duhu peo, yahuahye tiquirore.

—Yuhu acayu Saulo, mari puhtoro Jesu pehe maharu mahure bajuariquiro yuhure oho, mahu caperire ihã dutiro, Espiritu Santore mahure cao dutiro, tiquiro dutiriro sahata mahure ye dutiro, ni yahuahye Anania Saulore.

¹⁸ Tiquiro sa nigãta tiquiro caperire wahi natari saha bajuyere tiquiro caperire pahna dijiagã ihãhye Saulo. Tiquiro sa ihã tuhasari bato wahcãduca sagã apequiro pehe wame yeahye tiquirore.

¹⁹ Sa yero tiquiro ihyari bato pagu tutu-ariquiro wahahye.

Saulo Damascoru Jesu yere buhe ducahye

Sa ye meheñe decorigã Damasco cjenã Jesu yequina mehna ijiahye Saulo.

²⁰ Sa yero ti pjereta tiquiro judio masa buheye wuhusepu Jesu yere buheahye masare. Jesu Cohãcjã macano tiquiro ijiyere yahuahye Saulo.

²¹ Tiquiro sa yahugã ihãñe ijipih-htiequina tiquirore tuhoyequina acuaa wahahye.

—Ahriquiro Cohãcjã yequinare Jesure cahmeñequinare ñano yee tiriquiro ijire. Sa yero tiquiro tiquinare ñehe, duhte, pahia puhtoare oho duari jimedi. Sa ye duaro ohõpore ahtari jimedi tiquiro, niahye masa tiquirore tuhoyequina.

²² Tiquina sa ni tuhotepegãta Saulo cuero marieno tutuaro mehna buhe ducahye. Judio masare Damasco cjenare quehnoano yahuahye. “Ahriquiro Jesu potota Cristo marine yahuuoriquiro ijire”, tiquiro ni yahugã tiquina pehe tiquirore “Ni mehono nine ahriquiro”, ni masiedahye tiquirore.

²³ Sa ye peye decori bato judio masa tiquirore wejẽ duaye, tiquina basi yahudu-uaahye.

²⁴ Sa yero Saulo tiquina wejẽ duagã masi-ahye tiquiro basi. Sa ye ti maca cje sopec-aharire decopure, ñamipu gahure cohtee tiahye tiquirore wejẽ duaye.

²⁵ Tiquina sa wejẽ duagã ihãñe ñamipu Saulo buheyequina tiquirore puhuro pajiri

puhndupu ne sãa, ti maca cjã sahrino behero peheru duhu dijoahye tiquirore.

Saulo Jerusalẽpu ijiahye

²⁶ Sa ye Saulo Jerusalẽpu esaro, topu Jesu yequina mehna tiquiro iji duamahye. Tiquiro sa iji duepegãta tiquina tiquirore “Jesu buheriquiro ijierare ahriquiro”, niñe, tiquirore cue niahye.

²⁷ Tiquina sa cuepegãta Bernabẽ pehe tiquirore ne cahye Jesu cūriquina caharu. Sa yero Saulo maharu Jesure tiquiro ihñarire, Jesu mehna tiquiro yahuducurire, Damas-coru cuero marieno Jesu yere tiquiro buhe ducarire yahuahye Bernabẽ pehe.

²⁸ Tiquiro sa ni yahuri bato Saulo tiquina mehna sajãno, Jerusalẽpu tiquina mehna ijie tiahye.

²⁹ Sa yero tiquiro cuero marieno Jesu yere buhee tiahye. Sa yero tiquiro ju-dio masare Jesu yere yahu yuhnducaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yuhnducari buhiri tiquina tiquirore wejẽ duamahye.

³⁰ Tiquina sa wejẽ duagã ihãñe, Saulo mehna cjenã Jesu yequina pehe tiquirore Cesarearu ne duhti cãa wahahye. Topu tiquirore siho ijiducume Tarsoru ohoahye tiquirore.

³¹ Sa ye ijipihthorpu, Judea yehparu, Galilea yehparu, Samaria yehparu Cohãcjã yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohãcjãre cua pesaro ihãhye. Espiritu Santo tiquinare tiquiro yedohogã tiquina pehe masa peyequina wahahye.

Pedro Eneare quehnoa wahagã yeahye

³² Sa ye Pedro ijipihthie macaripu wa-haro, Jesu yequina Lida maca cjenã caharu gahure esahye tiquiro.

³³ Topu esaro Enea wame tiriquirore boca sahye. Enea tini masieniquiro ijiro, ocho cahmari waro cuñari cahsero mehna cuñae tiahye tiquiro.

³⁴ Sa yero Pedro pehe tiquirore ohõ saha niahye:

—Enea, Jesucristo mahure quehnoa wa-hagã yere. Wahcãducaya. Mahu eõ tu cuñari cahserore quehnoña, niahye Pedro tiquirore.

Tiquiro sa nigãta tiquiro wahcãduca wa-haa wahahye.

³⁵ Sa ye ijipihthiequina Lida cjenã, Saronã cjenã tiquirore ihãñe, tiquina ñañe yerire duhu, Jesure wacũ tutuahye.

Dorca wame tiricorore masoahye Pedro Jesu tutuaye mehna

³⁶ Sa ye Jope wame tiri macaru Jesure ño peoricoro Tabita wame tiricoro ijiahye.

Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoeh tiahye pejecuoyequinare.

³⁷ Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ahmmano cǵā tucūpū cūahye ticorore.

³⁸ Lida wame tiri maca Jope cahagāpū ijiri. Sa ye Jesu buheyequina Jope cǵēna Pedro Lidapū tiquiro ijigū tūhoahye. Sa tūhoeh, pūaro ohoahye Pedro cahapū. Tiquiro cahapū esahye, Pedrorore yahuahye tiquina.

—Sojaro mehna usā ijirōpū wahaya, ni yahuahye tiquina.

³⁹ Tiquina sa nigū tūhoro tiquina mehna wahaah wahahye tiquiro. Topū tiquirōre tiquina ne sari bato ahmmano cǵā tucūpū ne mājaa wahahye tiquirōre. Sa ye ijipihitiyequina wape wiha numia tiquiro cahapū esadūca, utiahye. Tabita tiquina mehna ijininōpū peye suhtire yee tiahye. Sa ye tiquina ticoro yeri suhti ijirire ihñōahye Pedrorore.

⁴⁰ Tiquina sa ihñōepēgūta Pedro tiquinare ti tucūpū ijieyequinare wijia dutiahye. Tiquina wijiarī bato tiquiro dasepe curi mehna quehe sa, Cohācǵure ticorore sini basahye. Sa yero ticoro pagure majare ihñahye.

—Tabita wahcāñā, niahye tiquiro.

Tiquiro sa nigūta ticoro pehe ihñā wahcō, Pedrorore ihñā, wahcā nuju sahye.

⁴¹ Ticoro wahcā nuju sagū ihñā, tiquiro ticoro omocare ñehē, tūā wahcō docoahye ticorore. Sa yero tiquiro to cǵēnare Jesu yequinare, wape wiha numiare pijio, ticorore catiricorore wiahye tiquinare.

⁴² Tiquiro sa yeri bato ijipihitiyequina Jope cǵēna tire masiñe peyequina masa Jesure wacū tutua dūcahye.

⁴³ Came Jōpēpū Simo wahiquina cahserire quehnoriquiro mehna peye decori Pedro tiquiro mehna ijiahye.

10

Pedro Cornelio Jesu yere yahu dūcahye

¹ Ti pjere Cesareapū Cornelio wame tiriquiro ijiahye. Tiquiro cien surara pūhoro ijiahye. Tiquina surara pehe tiquina ya curua Italiano wame tiahye.

² Cornelio tiquiro ya wūhū cǵēna mehna mari Pacure ño peoyequina, cua pesaro ihñañequina ijie tiahye. Sa yero tiquiro judio masa pejecuoyequinare yedohoro, peye ohoahye. Sa yero decoripe tiquiro mari Pacure sinie tiahye.

³ Sa ye ñamicahapū tres hora ijigū Cohācǵū yaquiro angel tiquirōre bajuahye. Sa bajuaro Cornelio cahapū saǵāhye.

—Cornelio, niahye angel tiquirōre.

⁴ Sa yero Cornelio tiquirōre ihñā cuero ohō saha niahye:

—ǵPūhto, yabere cahmeajari? niahye tiquiro.

—Pejecuoyequinare mūhū ohorire, mari Pacure mūhū sinidire tiquiro wacūno niaga.

⁵ Sa yegū Jōpēpū mūhū cahacǵēnare ohoya. Topū Simo Pedro wame tiriquiro ijire. Tiquirōre ne cāhta dutiya mūhū cahacǵēnare.

⁶ Tiquiro apequiro Simo wahiquina cahseri quehnoriquiro cahapū, pajiri ma dūhtū cahapū ijiri wūhūpū ijire, niahye angel Cornelio.

⁷ Angel sa ni tuhasa, wijiaa wahahye. Tiquiro sa wijiarī bato Cornelio pūaro tiquirōre yedohoyequinare ihcāquiro surara mehna cǵānōre pijiahye. Surara pehe mari Pacure ño peoriquiro ijiro, decoripe Cornelio yedohoe tiahye.

⁸ Sa yero Cornelio tiquinare yahu peho, Jōpēpū ohoahye tiquinare.

⁹ Sa ye ape deco Jōpēpū tiquina wahari watoa coheri pje ijigū Pedro pehe wūhū buipū Cohācǵure sinino wahahye.

¹⁰ Sa yero tiquiro aǵua ahbagū ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagū ihñahye.

¹¹ Hmmanōpū parī maagū, pajiri cahsero ti cahsero sohtōripū dūhteri cahsero dijia tagū ihñahye.

¹² Ti cahsero puhapū peyequina wahiquina nūcu cǵēna, yehparū būa tiniñequina, minicǵa parī ijiahye.

¹³ Tire tiquiro ihñari bato, Pedro yahuducugū tūhoahye.

—Pedro, wahcādūcaya. Ahriquinare wejē ihyaya, ni yahuducugū tūhoahye tiquiro.

¹⁴ Tiquiro sa niepēgūta Pedro ohō saha niahye:

—Pūhto, ne tiquinare ihyeraja yūhū. Ñañequinare, Cohācǵū tiquiro ihya dutierariquinare ne ihyera tii yūhū, niahye Pedro.

¹⁵ Sa yero Pedro pari turi yahuducugū tūhoahye:

—Cohācǵū “Quehnoañequina ijire”, tiquiro nidiquinare “Ñañequina ijire”, niedacāñā mūhū tiquinare, ni yahuducugū tūhoahye Pedro.

¹⁶ Sa ye ihtia taha tiquina sa ni yahuducuri bato ti cahsero ahmmanōpū mājaa wahahye tja.

¹⁷ Sa yero Pedro tutuaro wacū “ǵDūhse ni yahu duaro najari sa bajuaro?” ni tūhotuahye tiquiro basi. Tiquiro sa tūhoturi watoa Cornelio ohoriquina pehe Pedro ijiri wūhūpū esahye. “ǵSimo ya wūhū nohorū ijiajari?” ni, tiquina sinituri bato ti wūhūpū esahye tiquina.

¹⁸ Sa ye tiquina sinitu madoqueoahye. “¿Simo Pedro wame tiriquiro ahri wuhare ijjajari?” ni sinituahye tiquina.

¹⁹ Sa yero Pedro tiquiro tãhoturi watoa Espiritu Santo tiquirore yahuahye:

—Ihñaña. Ihtiaro mma mũhare macañe nine.

²⁰ Wahcãducaya. Dijiahya. Tiquina mehna wahaya. Yabiro marieno wahaya quehnoano mehna. Yũhu pehe tiquinare ohõrũre ahtagũ yei, niahye Espiritu Santo Pedrore.

²¹ Tiquiro sa nigũ tuhoro Pedro tiquina cahapũ dijiaa wahahye.

—Ihñaña. Ohõrũ ijjaja yũhu masa maca cãhtarigu. ¿Dũhse yena tana nijari masa yũhu cahapũre? niahye Pedro tiquinare.

²² Tiquiro sa nigũta tiquina pehe ohõ saha niahye:

—Cornelio cien surara pũtoro, quehnoañene yeriquiro, mari Pacũre cua pesaro ihñariquiro, ijipihitiyequina judio masa “Quehnoariquiro”, tiquina nidiquiro mũhare piji dutiro ohori usãre. Cohãcjũ quehnoariquiro yaquiro angel Corneliore mũhare piji dutiñohti. Ohõ saha niñohti: “Pedrore mũhu ya wũhũrũ ne cãhta dutiya mũhu cahacjẽnare. Sa ye tiquiro mũhare yahurota”, ni piji dutiñohti angel Corneliore, ni yahuahye Cornelio Pedrore tiquiro piji dutiriquina pehe.

²³ Tiquina sa nigũ Pedro pehe tiquinare sajã ta duti, ihyaye oho, tiquiro ijiri wũhũrũ carĩ dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apeqũna Cristo yequina Jope cjẽna Pedrore piti ti cãhye.

²⁴ Ape deco tiquina Cesareapũ esahye. Sa yero Cornelio pehe tiquiro acayere, tiquiro mehna cjẽna gãhũre piji cahmeco, Pedrore cohteahye.

²⁵ Sa yero Pedro Cornelio ya wũhu cahapũ tiquiro ahtagũ ihñano Cornelio pehe tiquirore piti ca wĩja, tiquiro dahpocãri cahapũ quehe sahye.

²⁶ Sa yepegũta Pedro tiquirore ne wahcõ doco ohõ saha niahye:

—Ducuya mũhu. Yũhu gãhu mũhu yero saha ijigũ ijjaja. Cohãcjũ ijieraja yũhu, niahye Pedro tiquirore.

²⁷ Tiquiro sa ni tuhasari bato Cornelio tiquirore ne sajãa wahahye tiquiro ya wũhũrũ. Topũ sajã saro masa pari ti wũhũrũ cahmeco, tiquirore cohteyequinare ihñahye Pedro.

²⁸ Sa yero Pedro tiquinare yahuahye:

—Judio masũ ijiepegũta ape curua cjẽna mehna ijigũ usã dutiyere yũhdũducagũ nijaja yũhu. Tire quehnoano masine masa. Sa ijiepegũta ape curua cjẽnare “Ñañequina ijire”, yũhare ni dutierari Cohãcjũ. Sa ni yahuri yũhare tiquiro.

²⁹ Tiquiro sa nigũ tuhogũ ohõrũre masa cahapũre ahtaũ. Masa yũhare pijiojũ “Ne wahæraja”, niedu yũhu. “¿Dũhse ijiro boro yũhu ohõrũ ahtagũ cahmeari masa?” niahye tiquinare Pedro.

³⁰ Tiquiro sa nigũ tuhoro Cornelio pehe ohõ saha niahye:

—Tres hora ijigũ waro mari Pacũ yaquiro angel yũhare bajuari. Pititia deco wahare yũhare tiquiro bajuari bato. Ti decota mari Pacũre yũhu sinini watoa angel así siteri suhtiro sañariquiro yũhu cahapũ ducuri.

³¹ Sa yero tiquiro yũhare ohõ saha nidi: “Cornelio, mũhu mari Pacũre mũhu sinigũ tiquiro tuhori. Sa yero pejecũoyequinare tiquina cahmeñene mũhu ohogũ ihñano mari Pacũ wacũno mũhare yedohorota.

³² Sa yegũ Joperpũ mũhu cahacjẽnare ohoja, Simore, Pedro wame tiriquirore mũhu cahapũ tiquina ne cãhtagũ. Tiquiro apeqũro Simo wahiquina cahseri quehnoariquiro ya wũhũrũ pajiri ma dũhtũ cahapũ ijiri wũhũrũ ijire tiquiro”, ni yahuri yũhare tiquiro.

³³ Tiquiro sa nigũ tuhogũ yũhu cahacjẽnare mũhare ne cãhta dutigu ohou yũhu. Sa yegũ quehnoano yegũ ahtari jiri mũhu usã cahapũre. Sa yena usã ijipihitiya ohõre mari Pacũ tiquiro ihñonopũ ijina nijaja usã. Ijipihitiyere mari Pacũ mũhare tiquiro yahu dutirire tuho duana, cohteĩ usã, niahye Cornelio Pedrore.

Pedro Jesu yere yahuahye

³⁴ Tiquiro sa nigũ tuhoro, Pedro ohõ saha ni yahuahye:

—Yojopũ masiaja. Ijirota ijire. Cohãcjũ ihcãno saha quehnoano yere marine.

³⁵ Sa yero ijipihitiye macari cjẽna Cohãcjũre cua pesaro tiquina ihñagũ, quehnoañene tiquina yegũ Cohãcjũ pehe tiquina mehna bucuere.

³⁶ Cohãcjũ usã judio masa cahapũ Jesu cristore ohori. Masare Cohãcjũ mehna quehnoano iji dutiro Jesu pehe quehnoañe buheyere yahuri. Ti buheyere masa masine. Jesucristo pehe ijipihitiyequina masa pũtoro ijire.

³⁷ Ñu wame yeriquiro ohõ saha ni yahuri: “Masa ñañene bujua witiya. Sa yena wame yenohrina ijija”, ni, yahuri Ñu. Masare tiquiro sa ni yahuri bato Galileapũ quehnoañe buheyere Jesu pehe yahu ducari. Came Judea yehpapũ ti buheyere yahu pehori.

³⁸ Ahriquiro Jesu Nazare cjãnore Cohãcjũ pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watiare cõoyequinare ñano yũhdũyequinare ijipihitiyequinare

quehnoa wahagü yeri. Mari Pacu Jesu mehna ijiri.

³⁹ Judea yehparu, Jerusaleru gähure ijipihiyete tiqiro yerire usä ihñan. Came tiquina curusaru wejedi tiqirore.

⁴⁰ Sa yero ihtia deco wahaboro Cohäcju tiqirore masori jiri. Sa yero Jesure apequinare bajuagü yeri jiri mari Pacu.

⁴¹ Ti pjere Jesure ijipihiyequina ihñedari. Meheñequinagäre bajuari tiqiro. Mari Pacu tiqiro cahmenare, Jesure ihñatinare panoru usäre mari Pacu beseahye. Usä pehe Jesu tiqiro masari bato tiqiro mehna ihya, sihni.

⁴² Sa yero usäre tiqiro dutiri. "Masare yahuya. Yuhu Jesu ijipihiyequina catiyequinare, yariariquina gähure buhiri dahreacju yühure ijigü yeri mari Pacu. Sa yena tire masare yahuya", ni dutiri Jesu usäre.

⁴³ Ijipihiyequina Jesure tiquina wacü tutuagü ihñano Cohäcju tiquina ñañene borota. Tire ijipihiyequina Cohäcju yere yahu mñhtariquina panoru cjëna yahuyuahye, ni yahuahye Pedro.

Judio masa ijieyequina Espiritu Santore cno dcahaye

⁴⁴ Ti ijipihiyete tiqiro sa ni yahuri watoaru, ijipihiyequina tire tuhoyequina mehna Espiritu Santo iji dcahaye.

⁴⁵⁻⁴⁶ Sa ye judio masa ijieyequina tuhohemeñe yahuducuye mehna bucueye mehna yahuducu dcahaye. Ti yahuducuye mehna Cohäcjäre "Tutuagu, quehnoagu ijire", niñe niahye. Tiquina sa nigü tühohaye Pedro acaye judio masa Jesu yequina. Sa ye Espiritu Santo judio masa ijieyequina mehna tiqiro iji dcaagü ihñañe judio masa pehe ihña maria wahahye. Sa yero Pedro ohö saha ni yahuahye judio masare:

⁴⁷ —Mari yero sahata Espiritu Santore cuore ahriquina gäh. ¿Tiquina sa ijigü ihñana ahriquinare wame yeraboagari mari? niahye Pedro tiquinare.

⁴⁸ Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato "Usä mehna meheñe decorigä tojoarña", niahye tiquina Pedro gähure.

11

Pedro Jerusalë cjëmare Jesu yequinare yahuahye

¹ Sa ye judio masa ijieyequina gäh Cohäcju yere tiquina quehnoano cahmegü Jesu cüriquina pehe tiquina acaye Judearu ijieyequina mehna tuhooahye.

² Sa ye Pedro Jerusaleru tiqiro tojoa sagü ihñañe judio masa Jesu yequina meheñequinagä tiqirore ohö saha niahye:

³ —¿Judio masa ijieyequinare dahse ijiro boro ihñagü esari mñhu? ¿Dähse ijiro boro tiquina mehna ihyari mñhu? ni, tuhtiahye Pedroro tiquina.

⁴ Tiquina sa nigü tuhoro Pedro tiqiro yerire yahu peho cähye tiquinare.

⁵ Ohö saha ni yahuahye:

—Yuhu Joperu ijigu Cohäcjäre sinigu nii. Sa yero yühure ohö saha bajuari. Pajiri cahsero ti cahsero sohtoripu dahteri cahsero hñmanoru yuhu caharu dijia tagü ihñan.

⁶ Sa yegu ti cahserore quehnoano ihñan, "¿Yabe boro ti cahseropäre ijaarari?" nigu. Sa yegu ihñan ti cahseropäre ijieyequinare: Wahiquinare ncu cjëmare, yehparu bua tiniñequinare, minicju parire ihñan.

⁷ Sa yegu yühure tiqiro yahuducuyere tuhohu. "Pedro, wahcädacaya. Wejë ihyaya ahriquinare", nino ca tari yühure.

⁸ Tiqiro sa nigü tuhogu ohö saha nii yuhu. "Puhto, ne tiquinare ihyeraja yuhu. Ñañequinare, Cohäcju tiqiro ihya dutieyequinare ne ihyera tü yuhu", nii yuhu.

⁹ Yuhu sa niepegüta hñmanoru pari turi yühure yahuducuro ca tari tja. "Cohäcju 'Quehnoañequina ijire', tiqiro nidiquinare 'Ñañequina ijire', niedacähña mñhu", nino ca tari yühure.

¹⁰ Sa yero ihtia taha usä sa ni yahuducuri bato ti cahsero hñmanoru mñjaa wahari tja.

¹¹ Yuhu sa ihñari watoa ihtiaro amña usä ijiri wñhuru esari jiri. Tiquina Cesarea cjäno ohoriquina ijiri.

¹² Sa yero Espiritu Santo pehe yühure tiquina mehna waha dutiro " 'Tiquina ñañequina ijire', niedacähña tiquinare", ni yahuri yühure tiqiro. Sa ye ahriquina seis yuhu acaye mehna Cesarea cjäno ya wñhuru sajäu usä.

¹³ Sa yero tiqiro usäre ohö saha ni yahuri. "Angel yuhu wñhuru ducugü ihñan yuhu. Ohö saha ni yahuri yühure: 'Joperu Simore Pedro wame tiriquirene ne cähta dutiya.

¹⁴ Tiqiro mñhure mñhu acaye mehna musare ijipihiyequina pecaru wahaborinare masa yuhduatire yahurota, nidi angel yühure", ni, yahuri Cesarea cjäno yühure.

¹⁵ Sa ye yuhu yahuducuri watoa Espiritu Santo pehe tiquina mehna iji ducari, marine tiqiro ye mñhtariro sahata.

¹⁶ Sa yegu Jesu tiqiro yahurire wacü yuhu. Ohö saha ni yahuri tiqiro: "Ñu musare wame yero aco mehna wame yemedi. Yuhu pehe tiqiro yahduoro yeitja musare. Came Espiritu Santore masa mehna iiducugü yeitja", ni yahuri.

¹⁷ Sa yero Jesucristo mari puhtorore mari wacü tutuagü ihñano Cohäcju yaquiro Espiritu Santore ohori marine. Sa yero Cohäcju marine Espiritu Santore tiqiro

ohoriro sahata judio masa ijieyequina gūhare tiqiro ohori. Cohācjū tiqiro sa yegū ihñagu tiqirore yuhduca masiedaja yuhū, niahye Pedro tiquinare, judio masare Jesu yequinare.

¹⁸ Tiquiro sa nigū tuhoye, tiquina tiqirore ne ni nemoedahye. Tiquirore tuhti masiedahye. Sa ye tiquina,

—Cohācjū quehnoariqiro, tutuariqiro ijire, niahye.

Ohō saha ni nemoahye:

—Judio masa ijieyequina gūhū tiquina ñañene bujūa witiyequina ijiye, Cohācjū yequina ijieta. Sa tiqiro yequina ijiye, tiquina gūhū ijipihitiye decori tiqiro mehna ijieta, ni nemoahye tiquina.

Antioquíaru apequina Jesu yequina iji-ahye

¹⁹ Sa ye Estebāre tiquina wejēdi bato masa Jesu yequinare ñano yeahye. Tiquina sa yegū ihñañe Jesu yequina duhti sitea wahahye. Sa ye tiquina Feniciaru, Chiprepu, Antioquíaru waha, judio masa dihitare Cohācjū yere yahue timahye tiquina.

²⁰ Tiquina sa yepegata apequina pehe Jesu yequina mehna cjēna Chipre cjēna, Cirene cjēna, Antioquíaru esa, judio masa ijieyequinare Jesu yere buheahye Cohācjū tiquinare tiqiro yuhduoatire.

²¹ Sa yero mari puhtoro tiquinare yedo-hoahye. Sa ye masa peyequina Jesure wacū tutuaye, quehnoañe pehere comesahye.

²² Sa ye “Antioquia cjēnaru Jesure cahmeaga”, ni tuhooahye Jerusalē cjēna Jesu yequina. Tiquina sa tuhoori bato Jerusalē cjēna Bernabé wame tiriqirore Antioquíaru ohoahye.

²³ Sa yero tiqiro Antioquíaru esaro, Cohācjū yedohoye mehna judio masa ijieyequina tiqiro yequina tiquina wahagū ihñano, tutuaro bucueahye. Sa yero tiqiro to cjēnare ohō saha ni yahuahye:

—Jesure sa wacū tutuaducuya. Tiquiro yere ne duhuercāhña, ni yahuahye tiqiro ijipihitiyequina tiquinare.

²⁴ Bernabé quehnoariqiro ijiro, Espiritu Santore pajiro cuoriqiro ijiro, tiqiro dutiriro sahata yeriqiro ijiro, Jesure quehnoano wacū tutuahye tiqiro. Sa ye tiqiro buheri bato masa peyequina wacū tutuahye Jesure.

²⁵ Came tiqiro Tarso wame tiri macaru Saulore macano wahahye.

²⁶ Topu tiqirore boca sahye. Tiquiro boca sari bato Antioquíaru ne cāhye Saulore. Topu tiquina esari bato ihcā cahma waro tiquina Cohācjū yequina mehna cahmeoca, peyequina masare buhee tiahye tiquina. Sa ye Antioquíaru Cristo yequina Cristiano wame ti dūcahye.

²⁷ Ti pjere Cohācjū yere yahu muhtariquina Jerusalēpu ijiriquina waha, Antioquíaru esahye.

²⁸ Sa yero tiquina mehna cjūno Agabo wame tiriqiro Jesu yequina watoaru ducuro, Espiritu Santo tutuaye mehna yahuahye tiquinare. “Ijipihitiri yehpapare tutuaro ujūa waharota”, ni yahuahye tiqiro. Ti pjere ihyaye mariedi pje ijigū ijipihitiyequina puhtoro Claudio ijiahye.

²⁹ Sa ye Cristo buheyequina, ijipihitiye-quina tiquina cuoro puno tiquina acayere oho duaye, tiquina basi cahme yahudu-cuahye. “Judea yehpa cjēna Jesu yequinare niñerure ohouhna”, niahye tiquina basi.

³⁰ Tiquina sa nidi bato Bernabé, Saulo mehna ti niñerure ne cā basahye. Topu esaye Judea yehpa cjēnare Jesu yequina puhtoare wiahye ti niñerure.

12

Pedrore peresu yeahye

¹ Ti pjere puhtoro Herode ihquēquinare Jesu yequinare ñano ye dūcae tiahye.

² Sa yero tiqiro Ņu wahminore Santiago pehere ñoseni pjī mehna tiqiro wejē dutigū apequina pehe tiqirore wejēahye.

³ Santiagore tiqiro wejēgū judio masa bucueahye. Tiquina bucueyerere Herode masino, “Sa dihita cahmeneñe pāre tiquina ihy-ati bose deco pascua ijiahye.

⁴ Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiqirore. Pititiaro surara cohteahye tiqirore. Came pititiaro tiquina comesayequina tiqirore cohte mujae tiahye. Sata yeahye tiquina diez y seis surara. Herode pehe pascua bato Pedrore peresupu ijiriqirore masa ihñonopu duhu doco duamahye tiqirore wejē dutiro taro.

⁵ Sa yero Pedro peresupu ijiahye. Topu tiqiro ijigū Jesu yequina pehe Cohācjūre tutuaro sini basae tiahye tiqirore.

Peresupu ijiriqirore Pedrore Cohācjū wioahye

⁶ Sa ye ñamine Pedro come dari puā da mehna tiquina duhteriquiro puaro surara watoaru carīno niahye. Sa ye surara sopec-aharu cohteducue tiahye tiqirore. Sa yero ti deco bohrearo Herode Pedrore judio masa ihñonopu duhu doco duamahye tiqirore wejē dutiro taro.

⁷ Sa yero Cohācjū yaqiro angel pehe Pedro caharu tiqiro ducugū peresupu tiqiro ijiri tucū buhrio pihitia wahahye. Sa yero angel Pedro caharu ducuro Pedro pati pahmaru ohbe careahye.

—Sojaro mehna wahcãña, niahye tiqiuro Pedrore.

Tiqiuro sa nigãta tiqiuro omocarine tiqiuna dãhteri dari come dari suru site dijiaa wahahye.

⁸ Sa yero angel tiqiurore yahuahye:

—Weje dihoya mũhũ weje dihori dare. Mũhũ dahpo suhti gãhũre sañaña, niahye tiqiuro.

Tiqiuro sa nigũ Pedro pehe tiqiuro nidiro saha yeahye.

—Mũhũ bui cã suhtirore sañaña. Yũhũ mehna wahaya, niahye angel.

⁹ Tiqiuro sa nigũ ti tucũpũ ijiriqiqiuro wijia, angel bato wahaa wahahye tiqiuro. Sa wahaeperota ohõ saha ni tãhotumahye tiqiuro. “¿Ahri poto ijieragari? ¿Quehẽgu niagari yũhũ?” ni, tãhotumahye tiqiuro.

¹⁰ Sa ye tiqiuna tiqiuro ijiri tucũ sopecahapũ ducuyequina surarare yũhdũ cã, apeqũna yoa cãũno ducuyequina gãhũre yũhdũ cã, pajiri sopecahapũ esahye. Ti sope pahma macapũ wahari mahare cahmotari pahma ijiahye. Ti sope pahma esa tuhoro parĩgũ tiqiuna wijiaa wahahye. Wijiaa waha, tiqiuna mahapũ wahaa wahahye. Mehenogã tiqiuna waha nemogã angel pehe wahaa wahahye. Sa yero Pedro ihcãquirotã tojoahye.

¹¹ Sa tiqiurore angel tiqiuro wahari bato tiqiuro yerire Pedro masiahye. Ohõ saha ni tãhotuahye tiqiuro. “Angel Cohãcãũ ohoriquoro peresupũ yũhũ ijigũ yũhũre wioro wihiri. Yojoopũ tire masiaja tiqiuro sa yerire. Judio masa pehe yũhũre tiqiuna ye duarire Cohãcãũ pehe tiquinare ye dutierari. Sa yero yũhũre, Herode tiqiuro peresu yerigũre wioro”, ni, tãhotuahye Pedro.

¹² Tiqiuro sa ni tãhoturi bato María Ñũ pacoro ya wãhũpũ esahye Pedro. Ñũ pehe Marco wame tiriquoro ijiri. Ti wãhũpũ masa peyequina cahmecoã, Cohãcãũre siniñe niahye.

¹³ Sa yero Pedro sope pahmare doteahye. Rode wame tiricoro cahacãõno tiqiuro dotegũ tãhoro ihñãno esahye ticoro.

¹⁴ Sa yero Pedro ticorore tiqiuro pisugũ tãhoro tiqiuro yahuducuyere tũho masi, tutuaro bucue, sopecahare põedahye. Sa bucuemeno tiqiurore põoboricoro boaa wahahye. Pedro topũ tiqiuro ducugãta ticoro majaredũca oma sajãa wahahye.

—Pedro sopecahapũ wihiri, ni, yahuro sajãhye.

¹⁵ Sa ye tiqiuna wãhũpũ ijিয়েquina ticoro sa nigũ tãhoye,

—Sa nicõo niaga mũhũ. Sa ni macacõo nine mũhũ, niahye tiqiuna ticorore.

—Poto tjire. Poto nigota niaja, niahye ticoro.

Ticoro sa nigũ tãhoye,

—Tiqiuro ijieraga. Tiqiuro jeripohna wihiro niaga, niahye tiqiuna pehe.

¹⁶ Tiqiuna sa nini watoã Pedro sope pahmare sata doteducuro niahye. Tiqiuro sa yegũ tãhoye, tiqiuna sopecahare põo, tiqiurore ihñã, ihñã maria wahahye.

¹⁷ Sa yero Pedro tiqiuro omoca mehna “Dihta mariahñã”, nino, Cohãcãũ peresupũ tiqiurore wiorire yahuahye tiquinare.

—Ahrire yahuya Santiagore, apeqũna Jesu yequina gãhũre, niahye tiqiuro.

Sa ni yahu tuhãsa tiqiuro ape sie pahrẽpũ yũhdũ cãã wahahye.

¹⁸ Sa ye bohrea quehãgũ surara Pedro tiqiuro dũhse ye wijlarire ne masiedahye. Sa masiedaye acũãã wahahye.

¹⁹ Sa yero Herode Pedrore macã dutimahye. Sa yero tiqiuro surarare peresu cohteriquinare tiqiuro sinituri bato tiquinare wejẽ dutiahye Herode pehe. Sa yero Herode Judeapũ ijiriqiqiuro waha, Cesareapũ ijiro wahahye.

Herode yariaã wahahye

²⁰ Sa yero Tiro wame tiri macã cãẽna mehna, Sidõ cãẽna mehna Herode pehe usuahye. Tiqiuro sa usuagũ ihñãñe ti macari cãẽna pehe Herode tiqiuna mehna tiqiuro usuarire quehnoñe waha, tiqiuro mehna yahuducuyere wahahye. Sa ye tiqiuro cahacãũnore Blasto wame tiriquirore piti tiahye tiqiuna. Sa ye tiqiuna Blasto yedohoro mehna Herode cahapũ esahye. Tiqiuro cahapũ esa, ohõ saha niahye:

—Mari quehnoano ijiihna. Mari basi ihñã tuhtieracãhna, ni siniahye tiqiuna Herodere.

Tiqiuna ya yehpa cãẽna Herode ya yehpapũ ihyayere bocaẽ tiahye. Sa ye Herode tiquinare ihñã tuhtigũ cahmedahye tiqiuna.

²¹ Sa yero Herode tiqiuro queori decopũ, pahoro tiqiuro sañañe suhti quehnoañe suhtire sañahye tiqiuro. Sa yero tiqiuro dujiropũ dujtĩãno, masare yahuducu ihñãohye.

²² Tiqiuro sa yahuducu ihñõgũ tãhoye masa pehe sañuducuahye:

—Ahriqiuro yahuducuriqiuro masũno ijierare. Cohãcãũ ijire, ni sañuducumahye tiqiuna Herodere.

²³ Tiqiuna sa nigãta Cohãcãũ yaqiuro angel Herodere dohatiyere ohoahye. “Cohãcãũ ijieraja yũhũ”, ne niedahye Herode. Tiqiuro sa niedari buhiri angel tiqiurore dohatigũ yeahye. Tiqiuro sa dohatigũ tiqiurore becoã iha wejẽ cãhye.

²⁴ Sa ye Jesu yequina peyequina masare Jesu ye buheyere beheẽ tiahye.

²⁵ Sa ye Bernabẽ, Saulo mehna buhe peho, Jerusalẽpũ ijিয়েquina Antioquiapũ tojoãã wahahye. Sa ye Ñũ Marco wame tiriquirore tiqiuna ne cãhye tiqiuna mehna.

13

Jesu yequina Bernabére Saulo mehna Cohãcã yere buhe dutiye ohoahye

¹ Ti pjere Antioquiapũ Cohãcã yequina mehna cãna, Cohãcã yere yahu mũhtariquina ijiahye. Masare buheyeyquinata ijiahye tiquina gãhu. Bernabé, Simo Negro wame tiriqũiro, Ludio Cirene cãno, Manae, Saulo mehna tiquina ijiahye. Manae pehe pũhtoro Herode mũnano mehna tiquina pũaro ihcãno mehna bucuariquina ijimahye.

² Sa ye tiquina Cohãcãre tiquina ño peori watoa, tiquina sijiri watoa, Espĩritu Santo pehe yahuahye tiquinare.

—Bernabére, Saulo mehna cũña yuhũ cahmeno saha yeatiquinare. Tire yeatiquinare bese cũgũ naja tiquinare, niahye Espĩritu Santo.

³ Tiquiro sa nigũ tiquina pehe siji Cohãcãre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

Chiprepũ Jesu cũriquina buheahye

⁴ Sa ye tiquina Saulo, Bernabé mehna Espĩritu Santo tiquiro ohoriquina ijieye, Seleuciapũ esa, ti macare yũhdũ cã, Chipre wame tiri nũcũpũ esahye tiquina.

⁵ Sa ye Salamina wame tiri petamahapũ esahye. Ti macapũ judio masa buhye wũhũserũ, Cohãcã yere yahu dũcahye tiquina. Sa yero Ñu Marco gãhu tiquina mehna waha, tiquinare yedohoahye.

⁶ Sa ye tiquina ti nũcũo sohtoapũ maja, ti nũcũo torepũ ijiri macapũ Pafo wame tiri macapũ esaye, yairore boca sahye tiquina. Tiquiro judio masũno, Barjesu wame tiriqũiro ijiahye. Barjesu griego ye mehna niñe Elima tiquina ni pisuriqũiro ijiahye. “Cohãcã yere yahu mũhtagũ ijiaja yuhũ”, ni, masare ni mehoducuriqũiro ijiahye tiquiro.

⁷ Sa yero tiquiro Sergio Paulo wame tiriqũiro mehna cãno ijiahye. Sergio Paulo pehe ti nũcũo cãna pũhtoro masi pehoriquiro ijiahye. Sa yero Cohãcã yere tũho duaro tiquinare Bernabé, Saulo mehna pijioahye tiquiro.

⁸ Tiquiro sa pijiopegũta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogũ cahmesãedahye yairo pehe. Sa yero yairo pehe Sergio Paulore Cohãcã yere cohã dutiro nimahye.

⁹⁻¹⁰ Tiquiro sa cohã dutiepegũta Saulo, Pablo tiquina nidiquiro Espĩritu Santore cãoriqũiro ijiri, yairore quehnoano ihña diho cũ tiquirore yahuahye:

—Mũhu ni mehoñe peyagũ, ñagu, watĩno tiquiro dutiyere yegũ, quehnoañene ihña

yabigu ijire mũhu. ¿Dũhse yegũ Cohãcã yere “Ni mehoñe ijire”, sa niducujari mũhu?

¹¹ Mũhu sa nigũ Cohãcã caperi bajueragũ yerota mũhure. Sa yegũ meheñe decorigã mũhu ihñasi, niahye Pablo.

Tiquiro sa nigũta yairo pehe bueri yero saha ijiyere ihña mũhtano, nahitiano dihitare ihñahye. Sa yero tiquirore tũãtiqũirore macahye tiquiro.

¹² Tiquiro sa wahagũ ihñano, Sergio Paulo pehe Jesu yere “Ijirota ijire”, ni masiahye. Mari pũhtoro yere tiquiro tũho, tũho maria waha, Jesure wacũ tutua dũcahye.

Pablo Bernabé mehna Antioquiapũ Písidia yehpãũ ijiri macapũ ijiahye

¹³ Sa ye Pablo gãhu Paforũ ijiriquina yucũsa mehna waha, Pergepũ esahye. Perge Panfilia yehpãũ ijire. Topũ esa, Ñu Marco tiquinare cohã cã, Jerusalẽpũ wahaa wahahye.

¹⁴ Sa ye tiquina Pergepũ ijiriquina waha, Antioquiapũ esahye. Antioquiã Písidia yehpãũ ijire. Topũ esaye, saurũ deco ijigũ tiquina judio masa buheri wũhũpũ sajã sa, topũ dujiahye.

¹⁵ Sa ye ti wũhũre cohteyequina Cohãcã dutiyere, Moiserũ marine tiquiro cũrire, Cohãcã yere yahu mũhtariquina tiquina ojoarize tiquina buheri bato tiquina pijiahye Pablo gãhure.

—¿Eũsã acaye, masare mũsa yahu duaye ijiajari? Tire yahu duana yahuya mianogãta, niahye ti wũhũre cohteyequina.

¹⁶ Tiquina sa nigũ tũhoro, Pablo wahcãdũca sa, “Yahuducueracãhña”, nino tiquiro omoca mehna quẽ dijioahye. Tiquina dihta mariagũ ihñano, tiquiro ohõ saha niahye:

—Israe masa, Israe masa ijiena gãhu mari Pacure ño peona, tũhoya mũsa.

¹⁷ Mari ñecũsumũna mũna ranopũ cãna Cohãcãre ño peoe tiahye. Tiquina mũnare Cohãcã besee tiahye. Sa ye mari ñecũsumũna mũna yoari pje Egiptopũ ijie tiahye ape yehpa cãna ijiepetã. Topũ tiquina ijigũ Cohãcã quehnoano yee tiahye tiquinare. Sa ye peyequina masaputiahye tiquina. Ohõ saha yeahye tiquinare. Tiquinare Egiptopũ ijiriquinare tiquiro tutuaye mehna wioahye Cohãcã.

¹⁸ Tiquiro sa wiori bato tiquina cuarenta cãhmari waro masa marienopũ tinie tiahye. Topũ tiquirore tiquina yũhdũdũcagũ Cohãcã sata tũhotu cãhye.

¹⁹ Sa yero Canaa wame tiri yehpãre siete cururi cãñare cohã tuhasa, Cohãcã ti yehpare ohoahye Israe masa pehere.

²⁰ Ti ijipihiyere tiquina yegũ cuatrocientos cincuenta cãhmari waro yũhdũahye. Camepũ masare dutiatiquinare cũahye Cohãcã Israe masare. Cohãcã tiquiro

cūriquina Samuel tiqiro ijigāpū iji bato tie tiahye. Samuel pehe Cohācjū yere yahu māhtariqiro ijie tiahye.

²¹ Came Israe masa pehe tiquina puhtoro ijiatiqirore macae tiahye. Sa ye Cohācjūre sinie tiahye. Tiquina sa sinigū ihñano Cohācjū Saulore cūahye tiquinare. Saulo Cis macano ijiro, Benjami ya curua cjāno ijiahye. Sa yero cuarenta cūhmari waro tiquina puhtoro ijiatiqiro cūahye Cohācjū tiqirore.

²² Sa yero Cohācjū Saulore tiqiro cohāri bato Davire cūahye tiqiro. Ohō saha ni-ahye Cohācjū Davire: “Davi Isai macanore bocaŋ yahu. Tiqiro mehna bucueaja yahu. Tiqiro yahu cahmeñene yerota”, niahye Cohācjū.

²³ ‘Ahriqiro Davi panamino iji turi-ariqiro ijire Jesu. Cohācjū Jesure cūri jiri Israe masare yūhdūoatiqiro. “Masare quehnoano yeitja”, niahye Cohācjū. Tiqiro nidiro sahata yeri tiqiro.

²⁴ Tiqiro sa yeato pano Jesu wihiato pano ņu ohō saha ni buheri jiri: “Musa ñañene bujua witiya. Quehnoañe pehere comesaya. Sa yena wame yenohrina ijia”, ni buheri jiri ņu ijipihityequina Israe masare.

²⁵ Sa yero ņu tiqiro buhe bato tiato pano, tiqiro yariato pano ohō saha ni yahue tiri jiri: “¿Noa boro ijiajari yahu, masa tuhutugū? Cristo ijieraja yahu. Apegu ijiaja. Yahu sa ijiepegū tuhoya yuhare. Yahu bato yahu yūhdūoro tutuariqiro ahtarota. Tiqiro quehnoa yūhdūariqiro ijire. Tiqiro yero saha ijieraja yahu”, ni yahuahye ņu masare.

²⁶ Yahu acaye, Abrahā panamena iji turiana, Israe masa ijiena gūhu ijipihitina mari Pacure ño peona, marine ahri tiqiro yūhdūoatire yahuri buheyere ohori jiri mari Pacu.

²⁷ Jerusalē cjēna tiquina puhtoa mehna saurū decori ijigū Cohācjū yere yahu māhtariquina tiquina ojoarire buhepeta quehnoano masiedari jiri. Sa masiedaye, Jesu tiquinare yūhdūoatiqiro tiqiro ijigū gūhare masiedari jiri. Tiquina sa masiedapeta Jesure wejē dutiahye. Sa yeye Cohācjū yere yahu māhtariquina tiquina ojoariro sahata yeye niahye.

²⁸ Tiqirore tiquina wejēato pano tiquina Jesure yahasāmahye. Sa ye tiqiro ñañene yerapegūta tiquina Pilatore Jesure wejē dutie tee, siniahye.

²⁹ Sa ye panopū tiquina ojoariro sahata Jesure ye tuhasa, tiqirore curusapū ijiriqirore ne dijio, masa copepū utāre tiquina seheri copepū cūahye tiqirore.

³⁰ Sa ijiepegūta tiqiro yariari bato Cohācjū masori jiri tiqirore.

³¹ Sa ye Galileapū ahtariquina Jerusalēpū tiqiro mehna esariquina peye decori tiqirore yaria masa bajuariqirore ihñae tiahye. Sa ye yojopūre tiqirore tiquina ihñarire masare yahuri tiquina.

³²⁻³³ ‘Sa yena quehnoañe buheyere yahuaja usā musare. Cohācjū mari ñecusūmūare “Masare quehnoano yeitja”, panopū tiqiro nidiro sahata yojopūre marine tiquina acayere yeri. Tire tiqiro yahurire ohō saha yeri tiqiro. Cohācjū Jesure masori jiri. Sa yena Jesure tiqiro masorire yahuaja musare. Pūaro Salmopū panopū tiquina ojoariro sahata sa wahari jiri. “ ‘Mūhu yahu macu ijire. Miare mūhare bajuagū yei’, nine Cohācjū tiqiro macanore”, ni ojoahye panopūre.

³⁴ Sa yero Cohācjū Jesure tiqiro masoatire pari turi tiqiro yarietire yahuyuro ohō saha ni, yahu ojoahye Salmore ojoariqiro. “ ‘Davire yahu paja ihñariro sahata tiqirore yahu nidiro sahata potota quehnoano yegutja mūhu gūhare’, nidi Cohācjū”, ni ojoahye.

³⁵ Sa yero ape Salmo gūhare ohō saha ni, yahuahye: “Cohācjū mūhu cahacjāno quehnoariqiro tiqiro pagure ahba dutierare mūhu”, ni, ojoahye.

³⁶ Sa yero Davi Cohācjū tiqiro cahmediro sahata tiqiro ijiri pje cjēnare yedohoahye. Came tiqiro yariaa wahahye. Tiqiro yariari bato tiqiro pacusūmūare tiquina yeriro sahata yahye tiqiro gūhare. Sa yero tiqiro ahbaa wahahye.

³⁷ Tiqiro sa ahbaepēgūta ahriqiro, Cohācjū tiqiro masoriqiro pehe ne ahbaerari.

³⁸ Sa yena masa yahu acaye ahrire masiña: Cohācjū masa ñañene tiqiro cohātire musare yahuaja usā. Jesu pehe ñañene cohātiquiro ijire.

³⁹ Sa yero tiqirore wacū tutuayequinare tiqiro tiquina ñañe yerire borota. Moisere Cohācjū cūri dutiyere masa yeri mehna Cohācjū cahapū wahasi masa. Sa yero dutiyere yeye mehna yūhdū duayequinare tiquina ñañene cohāsi Cohācjū.

⁴⁰ Sa yena quehnoano yeya. Masa quehnoano yeragū Cohācjū yere yahu māhtariquina tiquina ojoariro sahata musare wahaboaga. Ohō saha ni ojoahye:

⁴¹ Tuhoya masa. ņano ni bujūpena, yuhare ihña tuhtina ijire masa. Yahu ohō saha yegū cueya masa. Sa yena butia wahaya. Masa ijiye decorire Cohācjū tutuaye mehna musare ye ihñogutja. Yahu sa ye ihñogū ihñāepenata “Ijirota ijire”, nisi masa. Apeqiro tire musare tiqiro quehnoano yahuepegūta “Ijirota ijire”, nisi masa, ni ojoahye

Cohācjū yere yahu muhtariquiro, ni yahuahye Pablo tiquinare.

⁴² Tiqiro sa ni yahuri bato judio masa buheri wāhūpū tiquina wijari bato masa tiqirore tūhoriquina pehe tiquinare sini-ahye:

—Ape semanapū saurū ijigū usāre ahrire buheya tja, nī siniahye tiquina Pablo gāhūre.

⁴³ Sa ye ti wāhūpū ijiriquina wijia, judio masa peyequina, judio masa ijieyequina gāhū Pablo gāhū mehna wahahye. Judio masa ijieyequina judio masa yere buheye-quina ijiahye. Tiquina sa wahagū Pablo, Bernabé mehna quehnoano yahuahye tiquinare. “Cohācjū māsare cahīne. Sa yena tiqirore ño peoducuya”, ni buheahye tiquina.

⁴⁴ Sa ye ape semanare saurū ijigū ijipihtieyehina Jesu yere tūho duayequina cahmecoahye.

⁴⁵ Sa yepegūta judio masa pehe peyequina masare Jesu yere tūho duayequinare ihñāne, ihña tuhtiahye. Sa ihña tuhtieyehina siyoro ni yahuducu, Pablore ñano quitī dojemehneahye. “Māsare tiqiro buheye poto ijierare”, niahye tiquina.

⁴⁶ Tiquina sa nigū tūhoye, Pablo, Bernabé mehna tiquinare quitī dojemehnediquinare cuero marieno yahuahye:

—Cohācjū tiqiro dutiriro sahata māsare buhe muhtami usā. Usā sa buhepegūta mūsa pehe tire cahmeda tuhasari. Ijipihtieyehina decori Cohācjū mehna ijiye gāhūre cahmeda tuhasari mūsa. Sa yena usā pehe judio masa ijieyequina pehere buhe dūcanatja.

⁴⁷ Sata dutiahye mari pūhtoro usāre:

“Mūsa judio masa ijieyequinare buhena tiquinare Cohācjū yere quehnoano masigū yenata mūsa. Sa yegū mūsa yoaropū ijieyequinare mūsa buhegū tūhoyequinare tiquina pehere pecapū wahaboriquinare yūhdūogutja yūhū”, ni yahuahye usāre Cohācjū, ni yahuahye Pablo, Bernabé mehna.

⁴⁸ Tiquina sa nigū tūhoye judio masa ijieyequina pehe buceahye. “Cohācjū ye pehe quehnoāne ijire”, niahye tiquina. Sa ye Cohācjū tiqiro cahmeñequina ijipihtieyehina decori tiqiro mehna tiquina ijiatire tiqiro oho duariquina Jesure wacū tutua dūcahye.

⁴⁹ Sa ye mari pūhtoro Cristo yere ti yehpapure yahu pehoahye.

⁵⁰ Tiquina sa yahugū ihñāne judio masa coerahye. Topū mari Pacure ño peoye numia, quehnoāne numia ijiahye. Sa ye judio masa Pablo gāhūre ñano ni yahu wajahe. Tiquina sa ni yahu wajaḡū tūhoye ti numia Pablo mehna, Bernabé mehna gāhūre usahye. Sa ye ti maca cjēna pūhtoā gāhū

tiquina mehna usuahye. Sa usuaye to cjēna ñano yeahye Pablo gāhūre. Tiquina sa yeri bato Pablo gāhūre tiquina ya yehpapū ijiyequinare cohā wioahye.

⁵¹ Tiquina sa yegū ihñāne Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñāne buhirire ihñōñe. Sa ye tuhasa tiquina Iconiopū wahaa wahahye.

⁵² Sa ye tiquina Jesu yequina pajiro buceye, Espiritu Santo pajiro cooye, tiqiro dutiro sahata yeyequina ijiahye.

14

Pablo, Bernabé mehna Iconiopū ijiahye

¹ Sa ye Pablo, Bernabé mehna judio masa buheri wāhūpū sajā, Jesu yere yahuahye. Sa ye judio masa peyequina Jesure wacū tutua dūcahye. Sa ye judio masa ijieyequina gāhū Jesure wacū tutua dūcahye.

² Sa ijiepegūta judio masa Jesure cahmedariquina gāhū tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano tūhotuahye Jesu yequinare.

³ Tiquina sa tūhotugū ihñāne Jesu yequina Pablo, Bernabé mehna topū yoari pje ijiye, cuero marieno mari pūhtoro yere quehnoano buheahye. Cohācjū masare tiqiro cahñene buheahye. Tiquina sa buheri watoa Cohācjū tutuaye mehna ye ihñōahye, “Ahri buheye ijirota ijire”, niñe.

⁴ Sa ijiepegūta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina gāhū tojoahye. Tiquina pūa curua tojoahye.

⁵ Sa ye judio masa ijieyequina, judio masa, tiquina pūhtoā mehna Jesu cūriquinare ñano yemahye. Utā paca mehna doque wejē duamahye tiquinare.

⁶ Tiquina sa ye duarire masiñe, Pablo, Bernabé mehna Licaonia yehpapū duhti cāa wahahye. Ti yehpapū ijiri maca Litra wame tiri macare yūhdū cā, Derberpū esahye.

⁷ Topū esaye, quehnoāne buheyere buheahye tiquina.

Listrapū Pablore utā paca mehna doqueahye

⁸ Sa ye Listrapū tini masieniquiro ijiahye. Tiqiro wahma masa bajaropūta tini masieniquiro ijiahye.

⁹⁻¹⁰ Sa yero tiqiro Pablo buhegū tūhoahye. Tiqiro tūhori watoa Pablo pehe tiqiro dihitare ihñāne.

—Ahriquiro Jesure wacū tutuare. Sa yero tiqiro quehnoariquiro waha duare, ni tūhotuahye Pablo.

Sa ni tūhoturo tutuaro mehna ohō saha niahye Pablo tiqirore:

—Wahcāducaya, niahye Pablo tiqirore.

Tiqiro sa nigū tūhorōta tini masieniqiro pehe uhpudca sa, wahaa wahahye.

¹¹ Pablo sa yegū ihñāñe masa sañuducuahye. Tiqina Licaonia ye mehna sañuducuahye.

—Cohāmana, masa saha bajuyequina ahmusepa ijyeyequina mari cahapu dijia tari jiri, ni sañuducuahye tiqina.

¹² Sa ye tiqina Bernabé “Zeus”, ni, pisuahye. Sa ye Pablo buhe muhtariqiro puhtoro yero saha tiqiro ijigū ihñāñe “Hermes”, ni, pisuahye tiqina tiqirore.

¹³ Sa yero Zeure ño peoyequina ya wūhu ti maca dūhtū cahapu ijiahye. Sa yero Zeus yequina tiqina yaqiro pahi pehe wecūare, cohorī mehna macapu sajā tari sopecaha cahapu ne cāhtahye. Zeure ño peo duaro wecūare oho duamahye. Sa yero tiqiro wecūare ūjāa mūoñe mehna Pablōre, Bernabé ño peo duamahye tiqiro, masa mehna.

¹⁴ Tiqina sa yegū ihñāñe Pablo, Bernabé mehna tiqina basi tiqina ye suhtire tūhrēdoqueohye tiqina bujūa witiyere masare ihñōñe tehe. Tūhrēdoqueo tuhasa masa watoa oma cā, sañuducuahye tiqina:

¹⁵ —Musa ohō saha yeracāhñā. Ūsā gūhu masa yero sahata masa ijaia. Musa ohō saha yeye ne dūhseati ijjerare. Sa yena musare buhena ahtaū masa ohō saha yeyere duhu dutina tana. Ahriquina cohāmanare masa yeriqinare ñāñequinare cohāñā. Sa yena Cohācjāre catiriqiro pehere ño peoya. Cohācjū pehe ahmūse, yehpare, pajiri mare ijiphtiyere yeriqiro ijire.

¹⁶ Sa yero tiqiro panopū ijiphtiyere macari cjēna tiqina yerire sa ihñā cāhye.

¹⁷ Sa yeperota tiqiro ijyeyere iyere ihñōre masare. Tiqiro masare quehnoañene ye, acoro ahtagū ye, dūca tigū ye, masare ihyayere ohoducure. Tiqiro sa ohogū masa bucuere. Sata tiqiro ijyeyere iyere ihñōre masare, niahye Pablo, Bernabé mehna.

¹⁸ Tiqina sa nigū tūhoepeta masa wecūare wejē ūjāa mūo, tiqinare ño peo duamahye. Sata tiqina ño peo duagū ihñāñe tiqinare sa ye dutierahye Pablo gūhu. Tiqina sa yeyere duhu duerapeta duhuahye.

¹⁹ Sa ye apequina judio masa Antioquia cjēna, Iconio cjēna gūhu Listrapū esahye. Topū esaye, Pablōre ñano yahuducuahye judio masa. Tiqina sa ni yahuducugū tūhoye, masa tiqiro mehna usuahye. Sa usuaye utā paca mehna doqueahye tiqirore. Ūtā paca mehna tiqirore doque tuhasa “Ahriqiro

yariaa wahare”, niñe, ti maca dūhtū cahapu tiqirore weje sa cū cā, wahaa wahahye.

²⁰ Tiqina sa yeri bato Jesu yequina Pablōre ihñāñe esahye. Tiqiro cahapu tiqina cahmecoadauca sagū waro Pablo wahcāducaya, tiqina mehna macapu tojoaa wahahye. Sa ye ape decorū tiqiro Bernabé mehna Derberū wahahye.

²¹ Sa ye topū tiqina quehnoañe buheyere peyeyequina masare yahuahye. Sa ye peyeyequina Jesu yequina tiqina wahari bato, Pablo gūhu Listrapū esa, ti macare yūhdū cā, Iconiopū esa, ti macare yūhdū cā, Antioquiapū Pisia yehpapū ijiri macapu esa, ti macapu tojoahye.

²² Ti macaripū esaye to cjēna Jesu yequinare quehnoañe buheyere yahuye, tiqinare quehnoano jeripohna tigū yeahye. Sa Jesure wacū tutuaducū dūtiye ohō saha ni yahuahye tiqinare:

—Cohācjū ijirōpūre mari waha duana, tutuaro marine ñano yūhdūro cahmene, ni yahuahye Pablo gūhu.

²³ Sa ye macaripū cjēnare Jesu yequinare tiqina puhtoā ijiatire cūahye Pablo, Bernabé mehna. Sa ye tiqina sijiri bato Cohācjāre siniahye:

—Puhto, ahriquina mūhu yequinare ihñā ihboya, ni sini basahye tiqina Cohācjāre, tiqina wacū tutuariqirore.

Pablo Bernabé mehna Antioquiapū tiqina iji muhtari macapu tojoaa wahahye

²⁴ Tiqina sa yeri bato tiqina Pisia yehpapū ijiriquina wahaa wahahye Panfilia yehpapū.

²⁵ Sa ye Pergepūre tiqina buhe tuhasa, Atalia wame tiri macapu wahaa wahahye.

²⁶ Sa ye ti macapu esa, Antioquiapū tojoaye, yucusa mehna wahaa wahahye. Ti macapūta panopū tiqina ijinigū Jesu yequina Cohācjū yere buhe dūtiye Pablo gūhure ohoahye. Sa ohoye, ohō saha niahye:

—Cohācjū mūhu cahñe mehna ahriquinare ihñā ihboya, ni ohoahye tiqina.

Sa ye tiqina buhe dūtirire buhe pehoahye Pablo, Bernabé mehna.

²⁷ Sa ye tiqina Antioquiapū tiqina tojoa sari bato Jesu yequina mehna cahme-coa, Cohācjū tutuaye mehna tiqina yerire yahu pehoahye tiqina. Judio masa ijyeyequina gūhu Cohācjū yequina tiqina waharire yahuahye tiqina.

²⁸ Sa ye Pablo gūhu topūre Jesu yequina mehna yoari pje ije tiyahye.

15

Jerusalēpū Jesu yequina cahmecoahye

1 Sa ye Judea yehpa cjēna meheñequinagā Antioquiapū esaye, Jesu yequinare ohō saha ni buhe dācahye tiquina:

—Cohācjū dutiyere Moisere cūno ohō saha ni cūahye. Ijipihtiyequina tiquina cuhnucunū sohtoa cahserogāre tiquina yahre neatire yahu cūahye Moisere. Māsa tire yeragū Cohācjū māsare yahduosi, ni buheahye tiquina to cjēnare.

2 Sa ni buheye Judea yehpa cjēna pehe cahme dāse tini wiahye Pablo, Bernabé mehna. Tiquina sa cahme dāse tini wiari bato Jesu yequina pehe Pablore, Bernabére apequna to cjēna gāhure Jerusalēpū ohoahye. Judea yehpa cjēna tiquina buherire Jesu cūriquinare, Jesu yequina pūhtoa gāhure sinitu dutiye ohoahye Pablo gāhure.

3 Sa ye Jesu yequina tiquinare ohogū waha, Fenicia yehpare esa, yahdu cā, Samaria yehpapū esahye. Ti macaripū esaye, judio masa ijieyequina Cohācjū yere tiquina cahme dācarire yahuahye tiquina to cjēnare. Tiquina sa yahugū tūhoye to cjēna Jesu yequina tutuaro bucueahye.

4 Sa ye tiquina Jerusalēpū esagū ihñāñe to cjēna Jesu yequina tiqiuro cūriquina, tiqiuro yequina pūhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohācjū tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gāhure yahuahye tiquinare.

5 Sa ijiepegūta topū fariseo masa Jesu yequina meheñequinagā ijiahye. Sa ye tiquina topure wahcādūca, ohō saha ni yahuahye:

—Tiquinare judio masa ijieyequinare tiquina cuhnucunū sohtoa cahserogāre yahre neno cahmene. “Cohācjū Moisere tiqiuro dutirire yeya māsa gūhū”, nino cahmene tiquinare, niahye tiquina fariseo masa gūhū.

6 Tiquina sa nigū tūhoye Jesu cūriquina, Jesu yequina pūhtoa mehna tiquina sa ni-dire quehnoñe tehe, cahmecoahye.

7 Sa ye peye tiquina yahuducuri bato Pedro wahcādūca yahuahye tiquinare:

—Yūhū acaye, panopū yahure māsa mehna ijirigāre Cohācjū ohō saha ye dutiro yahure cūri. Tiqiuro yahure quehnoañe buheyere judio masa ijieyequinare yahu dutiro cūri. Tiquinare Jesure wacū tutua dutiro yahure tiquinare buhe dutiri.

8 Sa yero Cohācjū masa tūhotuyere masine. Sa yero tiqiuro judio masa ijieyequinare tiqiuro yequina tiqiuro yerire ihñono taro Espiritu Santore ohori tiquinare, marine tiqiuro yeriro sahata.

9 Sa ohoro tiqiuro marine tiquina gāhure ihcāno saha quehnoano yeri. Tiquirore

tiquina wacū tutuagū tiquina ñañene bori tiqiuro.

10 Mari pehe Cohācjū Moisere tiqiuro cūri dutiyere ye peho masiedaja. Sa ye mari ñecāsumā māna gūhū ti dutiyere ye peho masiedahye. ¿Sa mari ye masiedapegūta dūhse yena Jesu yequinare judio masa ijieyequinare tire ye duti duajari māsa? Sa ye dutina Cohācjū tiquinare tiqiuro yerire “Queoro wahaerare”, nina niaga māsa.

11 Māsa sa niepegūta ohō saha usā tūhotuaja. Yojoipure judio masa ijieyequina yero sahata mari gāhure mari pūhtoro Jesu cahñe mehna Cohācjū yahduorota, niahye Pedro tiquinare.

12 Tiqiuro sa nigū tūhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohācjū tutuaye mehna tiquina ye ihñorire yahuahye tiquinare.

13 Sa tiquina yahu tuhasari bato Santiago yahuahye.

—Acaye, tūhoya yahure.

14 Cohācjū judio masa ijieyequinare tiqiuro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe.

15 Panopū cjēna Cohācjū yere yahu mūhtariquina tiquina yahuriro sahata sa wahari judio masa ijieyequinare. Ohō saha ni mari Pacū yere ojoahye tiquina:

16 Panopū Davi mānāno ya curua cjēna tiquina pūhtoa tiquina ijiri pihtia wahari. Came tojoa tautja yūhū. Sa yegū pari turi Davi ya curua cjānore pūhtoro sūtja.

17 Yūhū sa yeri bato ijipihtiyequina apequna judio masa ijieyequina yahure tiquina pūhtore cahmeeta tiquina. “Ye-quina ijija”, yūhū ni pisuriquina pehe yahure cahmeeta.

18 Sata nine mari pūhtoro. Panopū tiqiuro ahire masare yahue tiri jiri, ni ojoahye Cohācjū yere yahu mūhtariquina.

19 ‘Sa yegū ohō saha tūhotuaja yūhū. Judio masa ijieyequinare Cohācjū yere wahma cahme dācayequinare peye ye dutieracāhna mari.

20 Sa dutierapenata tiquinare ojoa ohouhna mari. Ohō saha ni, ojoa ohouhna. “Ñañe ihyayere, ‘Cohācjū ijire’, tiquina nimeidi queoyere ño peo tiquina duhu peori ihyayere ihyeracāhña. Sa yena wāna tieracāhña. Sa yena wāma tiquina ñehe wejēdiquinare wahiquinare ihyeracāhña. Diire sihñiedacāhña”, ni yahu ojoa ohouhna.

21 Yoari pje judio masa buheye wūhūsepū saurū ijigū Cohācjū Moisere tiqiuro cūri dutiyere buhee tiri masa. Sa ye ijipihtiye macaripū Moise tiqiuro yahuyere buhee tiri. Sa yena yūhū nidiro sahata judio

masa ijieyequinare Jesu yequinare oja ohoahna, judio masa pehe tiquina mehna "Usuari", nina, niahye Santiago.

Judio masa ijieyequinare Jesu yequina puhto a oja ohoahye

²² Ti pjere Jesu cūriquina, Jesu yequina puhto ijipihitiyequina Jesu yequina mehna puaro tiquina mehna cjenare beseahye tiquina ohoatiquinare. Antioquiap̄ Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba puaro wame wame tiahye. Tiquina acaye Jesu yequina tiquinare ño peohaye.

²³ Tiquinare tiquina beseri bato Jesu yequina ojoari pūre ohoahye tiquina mehna. Ohō saha ni ojoahye tiquina:

–Jesu cūrina, tiquiro yequina puhto, masa acaye Jesu yequina mehna usā quehnoa dutiaja musare. Ijipihitina judio masa ijienare Antioquiap̄, Siriap̄, Ciliciap̄ ijinare musare Jesu yequinare quehnoa dutiaja usā.

²⁴ Usā mehna cjenā masa cahap̄ esaye, musare peye dūtiyere ye dūtiñohti. Sa ye musare cariboñohti. Tiquina sa dūtiepegūta usā pehe tiquinare tire buhe dutina ohoeru.

²⁵⁻²⁶ Sa yena usā ijipihitina ihcāno mehna masa cahap̄ ohoatiquinare usā besei. Mari cahīnequinare Pablo, Bernabé mehna Cristo Jesu mari puhto yere cuero marieno tiquina buhegū peye tahari apequina tiquinare wejēmahye. Tiquina sa wejē duagū mehenogā mehna yuhduahye tiquina. Tiquina mehna usā beseriquinare yojopure ohoaja.

²⁷ Sa yena Judare, Sila mehna masa cahap̄ ohoaja. Usā ojoarire tiquina pehe musare yahueta.

²⁸ Espiritu Santo wacūno sahata usā gāhu tuhotaaja. Ohō saha ijire ti: Apeye dūtiyepure cūdaja musare. Ahri dūtiye ditihare cūnatja musare:

²⁹ Ñahe ihyayere, "Cohācjū ijire", tiquina nimeidi queoyere ño peo tiquina duhu peori ihyayere ihyeracāhña. Diire sihnedacāhña. Wama tiquina ñehe wejēdiquinare wahiquinare ihyeracāhña. Sa yena wana tieracāhña. Ahri yahu ye dutiarire yerana quehnoañene yena ninata masa. To puno tjire musare usā yahu duaye, ni oja ohoahye Jesu yequina Jerusalēp̄ ijieyequina.

³⁰ Ti pūre oja tuhasa, ohoahye Antioquiap̄ wahayequinare. Tiquina ohori bato waha, Antioquiap̄ esahye. Top̄ tiquina esari bato peyequina masare cahmecoa duti, tiquina ojoari pūre wiahye tiquinare.

³¹ Ti pūre tiquina buheri bato quehnoañene tiquina yahugū tahoye, quehnoano bucueahye.

³² Sa ye Juda, Sila mehna Cohācjū yere yahu mūhtariquina ijieye, yoari pje Jesu yequinare Cohācjū yere yahuahye. Tiquina sa yahugū tahoye, Jesu yequina pehe bucue, quehnoano jeripohna tiahye.

³³ Sa ye Juda, Sila mehna top̄ meheñe decorigā tiquina ijiri bato tiquina tojoa tagū to cjenare tiquina cohe tigū, "Quehnoano wahaya masa", niahye Antioquiā cjenā. Sa ye Juda gāhure ohoriquinare quehnoa dutioahye. Tiquina sa nidi bato Juda pehe tojoa wahahye.

³⁴ Sa ijiepegūta Sila pehe top̄ta tojoa cāhye Antioquiap̄ta.

³⁵ Sa ye Pablo, Bernabé gāhu meheñe decorigā tojoariāhye ti macap̄. Sa ye tiquina apequina peyequina mehna Jesu yere buheahye.

Pari turi Pablo quehnoañe buheyere buhe tinno wahahye

³⁶ Sa ye meheñe decorigā bato Pablo, Bernabé mehna yahuducuahye:

–Ijipihitiyequinare mari buhe ducariquinare ihñana wahañna tja, niahye Pablo gāhu tiquina basi.

³⁷ Sa yero Bernabé pehe Ñure tiquina mehna nea duamahye. Ñu Marco puaro wame wame tiquiro ijiahye.

³⁸ To pano tiquiro tiquina mehna Panfiliap̄ esaro tiquina mehna tojoerahye. Tiquina yerire ihcāno sahaeraro, tojoa wahahye. Tiquiro ihcāno sahaeragū ihñano Pablo pari turi tiquirore nea duerahye.

³⁹ Tiquiro nea dueragū ihñano Bernabé Pablo mehna puaro tiquina basi cahme yahuducu cahme tu wahye. Bernabé pehe Chipre wame tiri nyc̄op̄ Marco mehna pehā wahahye.

⁴⁰ Pablo pehe Sila mehna piti ti cā, wahahye. Sa ye tiquina buheye wahato pano Jesu yequina tiquinare ohoye, "Cohācjū musare quehnoano ihña ihboahro", niahye. Tiquina sa nidi bato Pablo, Sila mehna waha wahahye.

⁴¹ Sa wahaye, Siria yehpap̄, Cilicia yehpap̄ gāhure esaye, top̄ Jesu yequinare quehnoano jeripohna ti bucuegū yeahye tiquinare.

16

Timoteo Pablo mehna wahahye

¹ Tiquina sa yeri bato Pablo gāhu Derberp̄, Līstrap̄ esaye, Timoteore boca sahye. Timoteo Jesu yaquiro ijiri, judio masono macano ijiahye tiquiro. Tiquiro pacoro gāhu Jesu yacorota ijiahye. Tiquiro pacoro pehe griego masano ijiahye.

² Sa ye Līstra cjenā, Iconio cjenā Jesu yequina ohō saha niahye Timoteore: "Timoteo masa quehnoariquiro ijire", ni yahue tiahye.

³ Sa yero Pablo Timoteore nea duahye. Sa ijiepegāta ti yehpa cjēna judio masa pehe Timoteo pacaro griego masano tiqairo ijigā masiahye. Sa yero Pablo judio masare “Usuari”, nino, Timoteo cuhnucuna sohtoa cahserogāre yahre neahye. Judio masa dutiye nidiro sahata yeahye.

⁴ Tiquiro sa yeri bato tiquina esari macari cjēnare tiquina dutiyere ojoari pū cjēne yahuahye. Ti pū Jesu cūriquina, tiqairo yequina pahtoa mehna Jerusalēpū ijiye-quina tiquina ojoari pū ijiahye. Sa ye ti dutiyere quehnoano yahuahye to cjēnare Jesu yequinare.

⁵ Tiquina sa yahugū tuhoye Jesu yequina pehe Jesure wacū tutua nemoahye. Sa ye Jesu yequina decoripe peyequina wahaducuahye.

Pablo quehēnopū Macedonia cjānore ihñahye

⁶⁻⁷ Sa yero Asia yehpapū pehere quehnoañe buheyere buhe dutierahye Espiritu Santo tiquinare. Sa ye tiquina Frigia yehpare yuhdua, Galacia yehpare yuhdua, Misia yehpa duhtu cahapū esahye. Bitinia yehpa pehe waha duamahye. Tiquina waha duepegāta Espiritu Santo pehe tiquinare topare waha dutierahye.

⁸ Tiquiro sa nidi bato tiquina pehe Misia yehpare yuhdua, Troapū wihiri.

⁹ Topū tiqairo wihiri bato ohō saha quehēahye Pablo. Macedonia yehpa cjāno tiqairo caha ducugū ihñahye tiqairo. “Usāre Macedonia yehpa cjānare yedohogū ahtaya”, ni, pijiahye tiqairo Pablōre.

¹⁰ Tiquiro quehēdi bato wahcā, usā yere quehno tuhasa, Macedoniapū waha waha usā. “Cohācjū ti yehpapure quehnoañe buheyere buhe dutiro nine marine”, ni tuhottu usā.

Pablo, Sila mehna Filipopū ijiahye

¹¹ Sa yena usā Troapū ijina yucusa mehna Samotracia wame tiri nucapū pehā sau usā. Sa yena ape deco Neapolipū waha usā.

¹² Ti macare yuhdu cāna Filipopū Roma cjēna ya macapū esau usā. Ti maca Macedonia yehpapū ijiri maca ijiri. Iho ijiri maca ijierari. Topare meheñe decorigā usā ijii.

¹³ Sa yena saurū ijigū usā ti maca duhtu cahapū, dia duhtu cahapū esau. Topū Cohācjū mehna tiquina yahuducuro ijiri. Topū dujina topū cahmecoañe numia mehna yahuducuu usā.

¹⁴ Ihcācoro usāre tuhoricoro Tiatira cjōno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacare ño peoricoro ijiri. Sa yero Pablo yahuyere quehnoano tuhogū yeri Cohācjū ticorore.

¹⁵ Sa ye ticorore, ticoro ya wahu cjēna mehna wame yeri Pablo. Tiquiro sa wame yeri bato ohō saha nidi ticoro:

–“Jesu yacoro tjire mahu gūhu”, nine masa yuhare. Sa yena ya wuhapū sajā tarīña masa. Yahu mehna tojoarīña, nidi ticoro usāre.

Ticoro sa nigū tuhona ticoro ya wuhapū tojoarī usā.

¹⁶ Ape deco Cohācjū mehna tiquina yahuducuropū usā wahagū watīnore cuoricoro piti cari usāre. Ticoro apequina cahacjōno ijiri. Sa yero ticoro masare “Ohō saha waharota masare”, ni, yahuyuricoro ijiri. Sa yahuro pajiro wapata basari ticoro pahtoare.

¹⁷ Sa yero Pablo mehna usā wahagū, usāre nana tā, sañuducuri ticoro:

–Ahriquina Cohācjū tutua yuhduariquiro yedohoriquina ijire. Mari yariari bato Cohācjū marine tiqairo quehnoano yuhduoatire yahure tiquina, ni sañuducuri ticoro.

¹⁸ Peye decori sa ni cariboducuri Pablōre. Sa yero pari turi ticoro sa ni sañuducugū tuhoro Pablo majare ihña, ohō saha nidi watīnore:

–Jesucristo tutuaye mehna dutiaja mahare. Ticorore duhuya. Waharīsa mahu, nidi Pablo.

Tiquiro sa nigūta watīno pehe waha wahari.

¹⁹ Tiquina sa yeri bato ticoro pahtoa pehe niñeru ticoro wapataericoro wahagū ihñañe, tiquina Pablōre, Sila mehna ñehedi. Ñhe tuhasa, tiquinare neari ti maca decopū pahtoa cahapū.

²⁰ Sa ne cā, buhiri dahre dutiyequina cahapū cūri tiquinare.

–Ahriquina judio masa mari ya maca cjēnare cariboye nine.

²¹ Tiquina mari dutiyere cohā dutiye, apeye buheyere buheye nine. Mari ye dutiyere yuhduacagū ye duaye nine. Mari Roma cjāna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro pahtoa buhiri dahre dutiyequinare.

²² Tiquina sa nigū tuhoye masa peyequina Pablo gūhu mehna usua yuhdua wahahye. Sa ye buhiri dahre dutiyequina pehe Pablo gūhu suhtire tiquina tuhre cohāri bato daye cjugā mehna tana dutiri tiquinare.

²³ Tutuaro tana tuhasa peresu yeri tiquinare. Tiquina sa peresu yeri bato peresu ijiequinare cohteriquore quehnoano ihña ihbo dutiahye tiquina.

²⁴ Tiquina sa dutiri bato tiquinare cohteriquiro pehe ti wahu puhia cjā tucūpū tiquinare cū, taboa mehna tiquina dahpocārine biha cūahye.

²⁵ Ñami deco Pablo, Sila mehna Cohãcjure sini, tiquire basa peohaye. Tiquina sa basagũ tũhoahye apequna peresupũ ijiequina.

²⁶ Tiquina sa ni basagũta ti wũhũ tutuaro ñuhmiahye. Sa ñuhmigũ ihcãno mehna ijipihitiye sope pahmari parĩa wahahye. Sa ye peresupũ ijiequinare tiquina dũhteri dari come dari suru site dijiaa wahahye.

²⁷ Sa wahagũ ihñano ti wũhũre cohteriquiro pehe “Peresu ijiequina duhti tuhasari jiri”, ni tũhotumahye. Sa ni tũhoturo tiquire ñoseni pñine nedoqueo tiquire basi ñosemahye.

²⁸ Tiquiro sa yegũ ihñano Pablo tiquireore tutuaro sañuducu ohõ saha niahye:

—Mũhũ basi ñano yeracãhña. Ijipihtina ohõre ijiaja usã, niahye tiquire tiquinare cohteriquirore.

²⁹ Tiquiro sa nigũ tũhorõ tiquinare cohteriquiro pehe sihã duti, tiquina caharũ oma cã, Pablo, Sila tiquina dahpocãri caharũ nanare doque quehe sahye tiquire.

³⁰ Sa yero tiquire tiquinare ti tucũrũ ijiequinare ne wijia, sinituahye:

—¿Dũhse yeagari yũhũ Cohãcju yaquiro iji duagũ? ni, sinituahye tiquire.

³¹ —Jesucristore wacũ tutuaya mũhũ. Mũhũ acaye gũhũ tiquireore wacũ tutuahro. Mũsa sa yegũ mũsare pecarũ wahaborinare Cohãcju yũhũorota, ni, yahuahye tiquina.

³²⁻³³ Tiquina sa nidi hora ñami deco batogã ijiahye. Tiquina sa nidi bato tiquinare cohteriquiro ya wũhũrũ neahye tiquinare. Tiquiro ya wũhũrũ ne sa, tiquina camine coseahye tiquire. Tiquiro sa cose tuhasari bato tiquire cohteriquiro acaye mehna ijigũ Cohãcju yere bueahye Pablo gũhũ. Tiquina buheri bato wame yehaye tiquinare.

³⁴ Tiquina wame ye tuhasari bato tiquinare cohteriquiro Pablo gũhũre ihyaye peohaye. Sa ye tiquire acaye mehna quehnoañe buheyere tiquina tũhori bato tutuaro buceahye, Cohãcjure masi dũcaye.

³⁵ Bohrea parĩ cãhtağũ ihñañe pũhtoa pehe surarare peresu yeri wũhũrũ ohoahye Pablo gũhũre wio dutiye.

³⁶ Tiquina sa wio dutiri bato ti wũhũre cohteriquiro Pablo gũhũre yahuahye:

—Pũhtoa mũsare wio dutiri. Sa yena cuero marieno wijiaa, niahye tiquire Pablo gũhũre.

³⁷ Tiquina sa wio duepegũta Pablo yahuahye surarare:

—Usã ñano yerũ. Sa yena usã ne buhiri mariedaja. Ihyo warota tiquina pũhtoa pehe masa ihñonopũ yucũri mehna tanari usãre, usã Roma cjãna usã ijiepegũta. Tana tuhasa peresu yeri usãre. Sa ye yojopũ masa tiquina ihñeno wio duare usãre, usãre ñano tiquina yerire “Bũoro yũhũari”, niñe.

Pũhtoa tiquina basita wioye ahtaahro usãre, niahye Pablo surarare.

³⁸ Tiquiro sa nigũ tũhoye surara pehe pũhtoare yahuye wahahye. Tiquina sa ni yahuri bato Pablo, Sila mehna Roma cjãna tiquina ijigũ masiñe pũhtoa pehe cue niahye.

³⁹ Sa ye tiquina Pablo gũhũ caharũ esa, ohõ saha niahye:

—Ñano yeahti usã mũsare. Ne pari turi sa yesi, niahye pũhtoa Pablo gũhũre.

Sa ni tuhasa pũhtoa tiquinare peresupũ ijiequinare wio, tiquinare ape siepũ waha dutiahye.

⁴⁰ Tiquina sa nidi bato Pablo, Sila mehna peresupũ ijiriquina wijia, Lidia wame tiri-coro ya wũhũrũ wahahye. Ti wũhũrũ tiquina esari bato Jesu yequinare piti cahye. Sa ye tiquina Jesu yequinare quehnoano buhaye, quehnoano jeripohna tigũ yehaye tiquinare. Tiquina sa yeri bato Pablo, Sila mehna wahaa wahahye.

17

Tesalónica cjãna usuahye Jesu yequina mehna

¹ Sa ye tiquina Anfipolipũ esa, yũhũdũaye, Apoloniapũ esa, yũhũdũaye, Tesalõnicapũ esahye tiquina. Topũ judio masa buheri wũhũ ijiahye.

² Semanaripe tiquire yeriro sahata Pablo buheri wũhũrũ wahae tiahye. Topũ esa, ihtia semana waro saurũ decorire tiquire panopũ cjẽ tiquina ojoarire Cohãcju yere masare buhe, tire tiquina basi cahme yahuducue tiahye Pablo.

³ Sa yero tiquire Cohãcju yere yahuahye: —Judio masa, mũsa pũhtoro mũsa cohteriquiro Cristo ahtahye ñano yũhũatiquiro. Sa yero tiquire yariaa wahahye masa mũjano taro. Sa yero ahriquire Jesu, yũhũ yahuriquire, tiquire Cristo warota ijire marine yũhũoatiquire. Tiquirota ijire mũsa cohteriquiro. Ohõ sahata nine Cohãcju yere tiquina ojoari pũ, ni yahuahye Pablo.

⁴ Tiquiro sa nigũ tũhoye meheñequinagã topũ ijiequina “Potota ijire”, niahye. Sa ye tiquina Pablo gũhũ mehna wahahye. Sa ye apequna gũhũ griego masa peyequina mari Pacũre ño peoyequina pehe Pablõre tũhoye, tiquina mehna cjãna numia gũhũ peyequina pũhtoa numia gũhũ tiquireore tũhoye Jesu yequina tojoahye. Sa ye Pablo gũhũ mehna wahahye.

⁵ Sa ijiepegũta apequna judio masa pehe tiquina sa wahagũ ihñañe, ihña coahye. Sa ye tiquina ñañequina dahraeyequinare peyequinare piji cahmecoa ohõ saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuy

ijipihtiyequina ti maca cjēnare usuagū yeahye Pablo gūhū mehna. Sa ye judio masa Jasō ya wūhūpū sajā, Pablo gūhūre macamahye, tiquinare masapūre ohoye tehe.

⁶ Sa macaepeta tiquinare bocaerahye. Sa ye Jasōre, apequina Jesu yequina gūhūre ņehe, weje wijiaa wahahye tiquinare. Pūhtoā cahapū ne sa, ohō saha ni yahusāhye tiquina.

—Pablo gūhū masare ijipihtiropūre caribo yūhduare. Sa ye yojoipūre tiquina mari ya macare wihi tuhasari.

⁷ Sa yero ahriquirō Jasō tiquinare tiqiuro ya wūhūpū sajā ta dutiri. Tiquina ijipihtiyequina mari pūhtoro Roma cjāno tiqiuro dutiyere yūhdūducare. “Apequiuro mūsa pūhtoro ijire. Jesu tiqiurota ijire”, niñe, mari pūhtoro dutiyere yūhdūducare tiquina, ni yahusāhye judio masa pehe pūhtoare.

⁸ Tiquina sa ni yahusāgū tūhoye, ijipih-tiyequina masa, pūhtoā gūhū usua, tutuaro sañuducuahye.

⁹ Tiquina sa sañuducuepegāta pūhtoā Jasōre, tiqiuro mehna cjēna gūhūre, niñerure waspa ye duti, wiōahye.

Pablo Sila mehna Bereapū esahye

¹⁰ Ti pjeta ņamirū Pablo gūhūre Jesu yequina nūo ohoahye Bereapū. Topū esa tiquina judio masa buheri wūhūpū sajāa wahahye.

¹¹ Berea cjēna pehe Tesalónica cjēna yūhduoro Jesu yere quehnoano tūhoyequina ijiahye. Sa ye tiquina Jesu yere tūhori bato “¿Potota ijijari?” ni masi duaye, decoripe tiqiuro yere tiquina ojoari pūre sa buheducue tiahye tiquina.

¹² Sa ye tiquina peyequina Jesure wacū tutuayequina ijiahye. Griego masa gūhū, amna, pūhtoā numia mehna Jesure wacū tutuayequina ijiahye.

¹³ Sa ijiepegāta Pablo Bereapū Cohācjū yere tiqiuro buhegū gūhūre tūhoye, Tesalónica cjēna judio masa topū esahye. Topū esahye, Berea cjēnare quiti do-jomehneñe, Pablo gūhū mehna usuagū yeahye tiquina.

¹⁴ Tiquina sa yegū ihñañe Jesu yequina Pablōre sojaro mehna pajiri ma dūhtū cahapū ohoahye. Tiquina sa ohoepēgāta Sila, Timoteo mehna Bereapū tojoahye.

¹⁵ Sa ye apequina Pablōre Atenapū ne cā soahye. Tiqiurore so tuhasa, majare tojoaa wahahye Bereapū tja.

—Sojaro mehna waha, piti tina wahaya Pablōre, ni yahuahye Silare, Timoteo gūhūre.

Sa ni yahu dutiahye Pablo tiquinare.

Pablo Atenapū ijiahye

¹⁶ Sa yero Pablo Atenapū cohtero niahye Sila, Timoteo gūhūre. Sa yero Atena cjēna “Cohācjū ijire”, tiquina niñe queoyere peye tiquina cūogū ihñāno Pablo tutuaro būjua witiyahye tiquina mehna.

¹⁷ Sa būjua witiuro judio masa buheri wūhūpū judio masa mehna yahuducuahye. Sa yero tja judio masa ijieyequina gūhūre yahuducuahye tiqiuro. Tiquina ihquēquina mari Pacūre ño peoyequina ijiahye. Sa yero Pablo ti maca decopū decoripe tiqiuro cahapū sa tini majare sajāñequina mehna yahuducuahye.

¹⁸ Apequina Epicūreo yere buheyequina, Estoico yere buheyequina gūhū Pablo mehna yahuducuahye.

—¿Ahriquiuro yahuducue peyariquiuro dūhse ni yahuducuro nijari tiqiuro? niahye tiquina.

Pablo Jesu yere, tiqiuro masa mūjarire tiqiuro yahugū tūhoye ohō saha ni tūhotumahye masa. “Tiqiuro apequina cohāmanare yahuro niaga”, ni, tūhotumahye tiquina.

¹⁹ Tiquina tūhori bato Areópago wame tiropū Pablōre nea wahahye.

—Ahri buheye, wahma buheyere yojoipū mūhū yahurire masi duaja usā.

²⁰ Mūhū buheye sijoro saha ijire. Sa yena usā tire masi duaja, niahye tiquina Pablōre.

²¹ Ijipihtiyequina Atena cjēna decoripe wahma buheyere yahuducuducu duahye. Sa ye tire tūho duahye. Ape yehpa cjēna gūhū Atenapū ijieye, sata ye duahye. Sa ye Pablo yahuyere tūho duahye tiquina.

²² Sa yero Pablo Areópago wame tiropū wahcādūca, ohō saha ni yahuahye:

—Atena cjēna, peyequina mūsa cohāmanare mūsa tutuaro ño peona mūsa ijigū masiaja yūhū.

²³ Ahri maca mūsa ya macare cohāmanare mūsa ño peorire ihñā tinii yūhū. Sa ihñā tinigu yūhū ihcā cuhtupū, cohāmanare ño peona mūsa ohoyere mūsa cūnopū ahriire buhei. “Cohācjū, mari masimehnediquiro ya cuhtu ijire”, ni, ojoari jiri mūsa tire mūsa cūnopū. Mūsa tiqiurore masiedapenata tiqiurore ño peori jiri mūsa. Tiqiuroreta mūsa masiediquirore yahugu niaja yūhū mūsaare.

²⁴ Cohācjū ijipihitiri yehpare, ijipihitiyere bajumehnediquiro ijire. Tiqiuro ahmūserere, yehpapure, pūhtoro ijiro, tiqiuro masa tiquina yeri wūhūpū ijierare.

²⁵ Sa yero tiqiuro mari ijiyere, mari jeri neñe gūhūre, ijipihitiye marine apee borore ohoriquiro ijiro, mari yedohoyere cahmedare. Tiqiuro pejecūriquiuro ijierare.

²⁶ Tiqiuro ihcāquiuro amūnore ye dūcahye. Tiqiuro mehnata ijipihitiri yehpa cjēnare masare yeahye. Sa yero ijipihitiri yehpapūre

marine cūahye tiqairo. “Ohō puno yoari pje ohōp̄re catieta”, nino queo cūahye marine.

²⁷ “Tiquina yūh̄re macañe, bocaeta”, ni tūhotuahye Cohācjū. Sa yero Cohācjū yoarop̄ ijierare. Mari mehnata ijire. Ohō saha ni ojoahye.

²⁸ “Marine ijigū yere tiqairo. Sa yero masa mehna sa ijiducure tiqairo”, ni ojoahye. M̄sa mehna cjēna panop̄ cjēna basayere quehnoano ojoayequina tiquina ojoariro sahata nii niaja. “Mari gūh̄ Cohācjū pohna ijiaja”, ni ojoahye tiquina.

²⁹ Sa yena tiqairo pohna ijina ohō saha ni tuhotueracāh̄na m̄sa. Queoyere, uru, plata, utā mehna m̄sa esa tuhuro m̄sa yeriquinare “Cohāmana ijire”, ni tuhotueracāh̄na m̄sa.

³⁰ Panop̄ masa tiquina masieñequina ijinigū tiquina ñañene yepegūta Cohācjū sa ih̄na cāh̄riahye. Sa yeperota yojop̄re ijipih̄tiri yehpa cjēnare tiquina ñañene bujua witi dutire Cohācjū.

³¹ Came Cohācjū tiqairo queori decop̄ ijipih̄tiri yehpa cjēnare queoro beserota quehnoañequinare, ñañequinare. Tiquiro bese duti cūriquiro Jesu pehe beserota. Jesure yariariquirore masoahye tiqairo. Sa masono “Ahriquiro yūh̄ cūriquiro ijire”, ni, ih̄ono niahye Cohācjū masare, ni yahuahye Pablo Atena cjēnare.

³² Tiquiro sa nigū masa majarire tiqairo yahuducugū tūhoye apequina tiqairore bujup̄eahye. Sa ye apequina pehe ohō saha niahye:

—Pari turi ahrire m̄h̄n̄ yahugū usā tūho duaja, niahye tiquina Pabl̄ore.

³³ Tiquina sa nidi bato Pablo wahaahye.

³⁴ Sa ye meheñequinagā tiqairo mehna ijire, Jesure wacū tutua d̄cah̄ye. Dionisio Areópago cjūno pūh̄toa mehna cjūno Jesure wacū tutua d̄cah̄ye. Damari wame tiricoro gūh̄, apequina mehna Jesure wacū tutua d̄cah̄ye.

18

Pablo Corintop̄ ijiahye

¹ Sa ye, Pablo Atenap̄ ijiriquiro waha, Corinto wame tiri macap̄ esahye.

² Top̄ esaro, judio masano Aquila wame tiriqairore boca sahye tiqairo. Ijipih̄tiyequina pūh̄toro Claudio wame tiriqairo judio masare Romap̄ ijieyquinare tiqairo cohāgū, Aquila pehe tiqairo namono Priscila mehna waha, Corintop̄ esahye. Aquila pehe Ponto wame tiri yehpap̄ masa bajuariquiro ijiahye. Sa ye tiquina Corintop̄ tiquina ijigū, Pablo tiquina cahap̄ esahye.

³ Aquila gūh̄ carpa cahseri wūh̄sere yeyequina ijiahye. Pablo gūh̄ carpa cahseri wūh̄sere yeriquirota ijiahye. Sa yero tiqairo tiquina mehna dahra, top̄tojoahye.

⁴ Sa yero Pablo saurū ijigū semanaripe judio masa tiquina buheri wūh̄p̄ judio masare, judio masa ijieyequina gūh̄re Cohācjū yere yahuahye. Tiquiro sa ni yahugū tūhoye, “Ijirota ijire”, niahye tiquina ih̄quēquina.

⁵ Sa ye Sila, Timoteo mehna Macedoniap̄ ijiriquina, Pablo cahap̄ esahye. Top̄ tiquina esari bato Pablo pehe ijipih̄tiye decori judio masare quehnoano buhee tiahye:

—Jesu, Cristo marine yūh̄uatiqairo mari coheriquiro ijire, ni yahue tiahye tiqairo.

⁶ Tiquiro sa ni buhepegūta, judio masa pehe tiqairore tūho duerahye. Sa ye tiquina ñano ni quiti dojomehneahye tiqairore. Tiquina sa yegū Pablo tiquinare tiqairo tuhtiboriro sahata, tiqairo suhtirore dihta wahāhire wejē site cūahye.

—M̄sa ye buhiri pecap̄ wahanata. Cohācjū tiqairo dutiriro sahata masare buhemi yūh̄. Sa buhepegūta m̄sa yūh̄re tūho duerari. Yojop̄re judio masa ijieyequina pehere buhegū wahaatja, niahye Pablo judio masare.

⁷ Tiquiro sa nidi bato tiqairo top̄ ijiriquiro waha, Ticio Justo wame tiriqairo ya wūh̄p̄ esahye. Justo Cohācjūre ño peoriquiro ijiahye. Tiquiro ya wūh̄ pehe judio masa buheri wūh̄ cahap̄ ijiahye.

⁸ Sa ye Crispo wame tiriqairo buheri wūh̄re coheriquiro, tiqairo namono, tiqairo pohne gūh̄ Jesure wacū tutuayequina ijiahye. Sa ye apequina Corinto cjēna peyequina Cohācjū yere tūhoye, Jesure wacū tutuahye. Tiquina sa wacū tutuayequina ijigū tiquinare wame yeahye.

⁹⁻¹⁰ Ih̄cā ñami Cohācjū queh̄nop̄ yahuahye Pabl̄ore. Tiquirore ohō saha niahye:

—M̄h̄n̄ mehna ijiaja. Ahri macare yequina peyequina ijire. Sa ye apequina masa m̄h̄re ñano ye masiedare. Sa yegū cueracāh̄na m̄h̄n̄. Sa cueragu yeere tutuaro yahuya. Sa tuhotueracāh̄na, ni yahuahye Cohācjū Pabl̄ore.

¹¹ Sa ye ih̄cā cūhma quehnoano, ape cūhma deco waro to cjēnare Cohācjū yere buhe, ijie tiahye Pablo.

¹² Tiquiro sa ijiri watoa Galīō wame tiriqairo Acaya yehpa cjēna pūh̄toro tiqairo ijigū judio masa ijipih̄tiyequina ih̄cāno mehna Pabl̄ore yahusāñe taye, tiqairore buhiri dahre dutiyequina cahap̄ neahye tiquina.

¹³ —Ahriquiro masare Cohācjūre ño peo dutiro ahri yehpa cjē dutiye pehere cohā

dutiro nine, ni yahusāhye judio masa buhiri dahre dutiyequinare.

¹⁴ Tiqúina sa ni yahusāgū tūhoro Pablo pehe tiqúinare yahu duamahye. Sa yahu duepegāta Galīō pehe judio masare yahuahye:

—Ahriquiroy usā Roma cĵāna ye dutiyere yūhduducariquiroy tiquiroy ijigā masare yūhtiboaya yūhu.

¹⁵ Sa yena masa judio masa ye dutiye pehere ahriquiroy yūhduducariquiroy ijigā masa basi quehnoña. Ahrire masa mehna masino pjerare yūhure, ni yahuahye tiquiroy judio masare.

¹⁶ Sa ninota tiqúinare judio masa yahusāne ahtamediqúinare tiquiroy ya tucūpū ijiriquinare cohā wioahye tiquiroy.

¹⁷ Tiquiroy sa cohā wiori bato ijipihtiyequina ti wūhūpū ijiriquina Sostenene judio masa buheri wūhūre cohteriquiroyre Jesu yaquiroyre űehe, buhiri dahre dutiyequina cahapū queāhye tiquiroyre. Tiqúina sa quegū ihñāno Galīō sa ihña cāhye.

Pablo Antioquiapū tojoa wahahye

¹⁸ Sa yero Pablo Corintopū yoari pje ijiriquiroy “Wahān niāja”, ni cohe tiahye tiquiroy Jesu yequinare. Tiquiroy sa nidi bato tiquiroy Priscila, Aquila mehna Siria yehpāpū ijiri macapū pehāa wahahye. Cencrea wame tiri petamahapū tiqúina esari bato Pablo Cohācĵure “Ohō saha mūhure ye basautja”, tiquiroy nidire ye tuhasariquiropū ijiahye. Sa yero sa yeriquina judio masa tiqúina yeducuriro sahata tiquiroy poarire wūha peho dutiahye.

¹⁹ Sa yero tiqúina Efeso wame tiri macapū pehā sa, Priscilare, Aquila gūhure cūahye Pablo. Tiqúinare topū cū, judio masa tiqúina buheri wūhūpū wahahye. Ti wūhūpū esa, Cohācĵū yere yahuahye. Sa yahuro judio masa mehna yahuducuahe.

²⁰ Tiquiroy sa yahuducuri bato tiquiroyre tiqúina mehna tojoa dutimahye. Tiqúina sa dutiepegāta ohō saha niahye Pablo:

—Tojoeraja masa mehna, niahye Pablo tiqúinare.

²¹ Sa ninota,

—Wahagū niāja. Cohācĵū cahmegū pari turi tojoa taboaga, niahye tiqúinare Pablo.

Sa ni tuhasa Efesopū ijiriquiroy pehāa wahahye tiquiroy.

²² Sa yero Cesareapū pehā sa, yūhdū cā, Jerusalēpū esahye. Topū esa, to cĵēna Jesu yequinare “ĴNe ijajari masa?” ni, tiqúinare ihña yūhdūa Antioquiapū esahye.

²³ Topū meheñe decorigā ijiahye. Topū ijiriquiroy yūhdūahye. Galacia yehpāpū ijije macaripū, Frigia yehpāpū ijije macaripū pari turi esa, ti macari cĵēnare Jesu yequinare buhero, bucuegū yeahye.

Apolo wame tiriquiroy Efesopū buheahye

²⁴ Ti pĵere, judio masano Apolo wame tiriquiroy, Alejandria cĵāno Efesopū esahye. Tiquiroy quehnoano yahu mihnidiquiroy ijiahye. Sa yero tiquiroy Cohācĵū ojoarire quehnoano masiahye.

²⁵ Apequiroy tiquiroyre Cohācĵū yere yahu tuhasae tiahye. Sa yero tiquiroy űū wame yeriquiroy ye buheye dihitare masiahye. Sa ijieperota tiquiroy tutuaro bucueye mehna Cohācĵū yere quehnoano buheahye.

²⁶ Sa yero judio masa tiqúina buheri wūhūpū tiquiroy cuero marieno tiqúinare buhe dūcahye. Tiquiroy sa buhegū tiqúina tūhori bato Priscila, Aquila mehna tiquiroyre tiqúina mehna neahye. Cohācĵū yere tiquiroy quehnoano poto yahu pehoeragū ihñāne quehnoano poto yahu pehoahye tiqúina tiquiroyre.

²⁷⁻²⁸ Sa ye tiquiroy Apolo pehe Acaya yehpāpū tiquiroy waha duagū Jesu yeqúina tiquiroyre “Quehnoano wahaya”, ni, ojoari pūrine ohoahye tiquiroyre. Ti pūri Acayapū ijieyequina Jesu yequinare Apolore quehnoano piti ca dutiye pūri ijiahye. Sa yero Apolo topū esaro, to cĵēnare Jesure wacū tutuayequinare Cohācĵū cahñe mehna quehnoano yedohoahye. Judio masare ti macapū ijieyequinare ohō saha ni yahuahye:

—Cohācĵū ohoriquiroy masa cohteriquiroy ijire Jesu. Cristo waro ijire tiquiroy, ni yahuahye judio masare apequina masa tiqúina ihñonopū.

Cohācĵū yere tiqúina ojoari mehna tiquiroy quehnoano queoro yahugū tūhoye tiqúina “Poto ijierare”, ni masiedahye. Sa yero Cohācĵū cahñe mehna tiquiroyre wacū tutuayequinare quehnoano yedohoahye Apolo.

19

Pablo Efesopū wahahye

¹ Corintopū Apolo tiquiroy ijiri watoa, Pablo pehe cūpū cĵūpū mĵja yūhdūa, Efesopū esahye. Topū esaro ihquēquina Jesu yequinare bocahye.

² Tiqúinare boca saro tiquiroy tiqúinare sinituahye:

—ĴMasa Jesure wacū tutuari bato masa pehe Espiritu Santore cūo dūcari? ni, sinituahye Pablo.

Tiquiroy sa nigū tūhoye tiquiroyre ohō saha ni yahuahye tiqúina:

—“Espiritu Santo ijire”, ni yahuerari usāre, ni yahuahye tiqúina.

³ Tiqúina sa ni yahuri bato Pablo tiqúinare sinituahye tja:

—ĴNoa ye buheyere masa tūhori bato wame yeri masare? niahye tiquiroy tja.

—űū ye buheyere usā tūhori bato wame yeri usāre, ni yahuahye tiqúina.

⁴ Tiquina sa nigā tūhoro ohō saha niahye Pablo:

—Masa tiquina ñañe yerire tiquina duhugū ihñano wame yeahye Ñu. Sa yero tiquiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gūhare yahu nemoahye Ñu. “Yuhū bato ahtariquiro pehere wacū tutuaya masa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

⁵ Tiquiro sa nigā tiquina tūhori bato, Jesu wame mehna wame yeahye tiquinare.

⁶ Sa yero Pablo tiquina ihquēquina bui tiquiro omoca duhu peogū, Espiritu Santo pehe wihiahye tiquinapare. Tiquiro sa wihiri bato tiquina pehe tūhomehneñe yahuducuye mehna yahuducu, Cohācjū yere yahuahye.

⁷ Tiquina ijipihtiyequina doce amua ijiye ijiboaga.

⁸ Came Pablo judio masa tiquina buheri wūhupū sajā, ihtia asū waro decoripe cuero marieno Cohācjū puhtoro tiquiro ijiyere yahuducuahye tiquina mehna. Tiquirore tiquina sa tūhori bato “Ahri ijirota ijire”, niahye tiquina.

⁹ Sa niepegāta apequina pehe tūho duer-ahye. Sa ye tiquina masa tūhoro quehnoañe buheyere ñano niahye. Tiquina sa nigā tūhoro Pablo pehe Jesu yequinare piji wijia, ape siepū wahahye. Waha, Tirano wame tiri wūhū buheri wūhupū decoripe masare Cohācjū yere yahuahye tiquiro.

¹⁰ Pua cahma waro buhee tiahye tiquinare. Tiquiro sa buhegū ijipihtiye-quina Asia yehpa cjēna judio masa, judio masa ijieyequina mehna mari puhtoro Jesu yere tūhoahye.

¹¹ Sa yero Cohācjū tutuaye mehna Pablo peye tahari ye ihñoahye.

¹² Suhti cahseri Pablo tiquiro pagure pihari cahserire, tiquiro pihari suhti gūhare ne cā, dohatiyequinare ohoahye. Ti suhtire ohogū tire ñehēñe tiquina dohatiye yūhdūa wahahye. Sa ye wafīa tiquina mehna ijiriquina waha wahahye ti suhtire tiquina ñehedi bato.

¹³ Sa ijigū apequina judio masa, sa tiniducueyequina, wafīare cohāñequina judio masa yayia ijiahye. Sa ye Pablo tiquiro yeriro sahata Jesu tutuaye mehna wafīare cohā duamahye. Sa ye wafīare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja masare. Wahaya. Ahriquiro mehna pari turi ijieracāhña, nimahye tiquina wafīare ohoye.

¹⁴ Esceva wame tiriquiro siete tiquiro pohne pehe sata yemahye. Esceva pehe judio masano pahia puhtoro ijiahye.

¹⁵ Tiquiro pohne watīnore tiquina waha dutiri bato, watīno pehe ohō saha niahye tiquinare:

—Jesure masiaja. Pablo gūhare masiaja. Musa pehere masiedaja, niahye watīno tiquinare.

¹⁶ Tiquiro sa nigāta watīnore cūoriquiro pehe tutuaro tiquinare ñehē maa wahahye. Sa yero tiquinare ña yūhdūaro yeahye. Tiquiro sa yeri bato suhti marieñequina, camī tiyequina oma wijiaa wahahye tiquina ti wūhure.

¹⁷ Tiquina sa yeri bato ijipihtiyequina Efeso cjēna, judio masa, judio masa ijieyequina mehna tire tūhoye, cue yūhdūahye tiquina. Sa ye mari puhtoro Jesu yere bujupero marieno yahuducuahye masa pehe.

¹⁸ Sa ye masa peyequina Jesure wacū tutuayequina tiquina ñano yerire yahuye ah-tahye.

¹⁹ Tiquina mehna cjēna peyequina yayia masare ujuayequina yero saha yeyequina ijiahye. Sa ye tiquina ojoari pūrīne yayia tiquina yerire yahuye pūrīne topū ne cāhta, masa ihñonopū ti pūrīne ujāa cohā cāhye tiquina. Ti pūrī wapa tirire tiquina queogū, ijipihtiye pūrī cincuenta mil cjoeri niñeru cjoeri wapa timahye ti pūrī.

²⁰ Sa ye Cohācjū yere cahmeñequina peye-quina wahahye. Cohācjū tutuaye mehna tiquiro yequina wahahye.

²¹ Tiquina sa wahari bato Pablo ohō saha ni tūhotuahye: “Macedonia yehpapū esa mahta, ti yehpare yūhdūa, Acaya yehpare esautja. Ti yehpare yūhū esari bato Jerusalēpū wahautja. Ti macare yūhū esari bato Romapū wahautja”, ni tūhotuahye Pablo.

²² Pūaro tiquirore yedohoyequinare tiquiro pano oho mahtahye Macedonia yehpapū. Timoteo, Erasto gūhū ijiahye tiquina. Sa yero Pablo pehe ihcāquirotā tojoa nūnū tārīahye Asia yehpapū.

Efesopū masa usua, sañuducuahye

²³ Ti pjere Efesopū Jesu yere apequina cahmedaye, Pablo gūhare tuhtiahye.

²⁴ Plata mehna dahrariquiro Demetrio wame tiriquiro plata mehna cohācjōno Artemisa wame tiricoro ya wūhū queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina.

²⁵ Sa yero Demetrio apequina plata mehna dahrayequinare piji cahmecoa yahuahye tiquinare.

—Tūhoya masa. Ahri dahraye mehna pajiro mari wapatarire masine masa.

²⁶ Ahriquiro Pablo yerire tiquiro buheri gūhare masine masa. Ohō saha ni buhere tiquiro. “Cohāmana queoye masa tiquina

yeyequina catiyequina ijierare”, ni yahue tiri tiquiro. Tiquiro sa nigū tūhoye peyequina Efeso cĵēna, ijipihtiropū apequina Asia yehpa cĵēna gūhū ti buheyere “Ijirota ijire”, nie tiri.

²⁷ Sa niñe mari dahrayere masa ñano yahuducuboaga. Sa ye mari yacoro cohācĵōno Artemisa ya wūhure masa cohāboaga. Sa yero ticoro ijipihtiyequina Asia yehpa cĵēna, ijipihtiri yehpa cĵēna tiquina ño peoricoro ticoro ijiepegūta ticoro tutuaye butiarota. Sa ye masa ticorore masiedaboaga, niahye Demetrio tiquinare.

²⁸ Tiquiro sa nigū tūhoye tiquina pehe tutuaro usua, sañuducuahye:

—Artemisa Efeso cĵāna mari yacoro cohācĵōno tutuaricoro ijire, ni, sañuducuahye tiquina.

²⁹ Sa ye Efeso cĵēna ijipihtiyequina sañuducu yūhdūa, tūho masiñe pihtia wahahye. Sa wahaye, Gayore, Aristarco gūhure ñehe, masa tiquina cahmecoanopū tiquinare weje cāhye. Gayo, Aristarco mehna Macedonia cĵēna ijiye, Pablo mehna tiniñequina ijie tiahye.

³⁰ Sa ye Pablo masa cahapū tiquiro waha duagū, Jesu yequina pehe tiquirore waha dutierahye.

³¹ Sa ye apequina ti yehpa cĵēna pūhtoā, Pablo mehna cĵēna ijiye, tiquina cahacĵēnare yahu dutiahye Pablōre:

—Masa tiquina cahmecoanopū wahaeracāhña, ni yahu duti ohoahye pūhtoā tiquina cahacĵēnare Pablōpūre.

³² Sa ye topū cahmecoañequina mehna cĵēna pehe peyequina “¿Dūhsena tana mari cahmecoana niajari?” ni, masiedahye. Sa ye tiquina sañuducu nemoahye. Ahrie pehepū ijiyequina sijoro ni, sañuducuahye. Apequina gūhū sijoro ni sañuducuahye.

³³ Sa ye judio masa pehe Alejandro wame tiriqirore masare yahu dutimahye. Sa yero Alejandro “Dihta mariahña”, nino tiquiro omoca mehna quē dijioahye. “Ahriquina usāre judio masare tuhtiye nine”, ni tūhoturo judio masare cahmota duaro, yahuducumahye.

³⁴ Tiquiro sa niepegūta judio masano tiquiro ijigū ihñañe masa ijipihtiyequina ihcāno mehna pūa hora waro sañuducuahye:

—Artemisa, Efeso cĵāna mari yacoro cohācĵōno tutuaricoro ijire, ni, sañuducuahye tiquina.

³⁵ Tiquina sa ni sañuducugū ihñano, Efeso cĵēna pūhtoare yedohoriquiro masare, “Dihta mariahña”, ni, yahuahye tiquinare.

—Masa Efeso cĵāna tūhoya. Efeso cĵāna mari yacoro tutuaricoro cohācĵōno Artemisa ya wūhū cohtena mari ijigū ijipihtiri yehpa cĵēna masine. Sa ye ūhmusepū bora dijia tari queoyere cohtena mari ijigū gūhure masine masa.

³⁶ Sa ye apequina “Ahri pote ijierare”, ni masiedare. Sa yena yuueracāhña masa. Quehnoano tūhotuya masa.

³⁷ Ahriquina masa ñehe tariquina mari cohācĵōnore ñano ni yahuducuerari. Sa ye tiquina cohāmana wūhūsepepe saĵā, yaquerari. Sa yena quehnoano yeya masa.

³⁸ Sa ye Demetrio, plata mehna dahrayequina mehna ahriquinare masa ñehediquinare yahusā duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusā masine.

³⁹ Pari turi cahmecoana quehnoano mehna cahmecoaña. Yoĵopūre masa yeriro saha yeracāhña.

⁴⁰ Miare masa ihyo waro usua, sañuducurire mari pūhtoā tūhoye, “Marine cohāñe niaga”, ni tūhotueta tiquina. Sa yena masa sa ni sañuducurire tiquinare quehnoano pote yahu masiedaja mari, niahye pūhtoare yedohoriquiro masare.

⁴¹ Sa ni yahu tuhasa, “To puno tjire. Wahaya”, niahye tiquiro masare.

20

Macedonia yehpapū gūhure, Grecia yehpapū gūhure Pablo esahye

¹ Ti sa wahari bato, Pablo pehe Jesu yequinare piĵi cahmecoā yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapū wahaa wahahye.

² Topū esa, buhe, to cĵēna Jesu yequinare bucuegū yeahye tiquiro. Tiquinare buhe tuhasa, Grecia yehpapū esahye tiquiro.

³ Topū tiquiro ihtia asū waro ijiahye. Topū ijiro Siria yehpapū pehāa waha duamahye. Tiquiro sa waha duepegūta judio masa duhti qeayahye, tiquirore ñehe duaye. Sa yero Pablo ape mahapū, Macedoniapū wahari mahapū wahahye.

⁴ Sa waharo Asiapūta esahye. Topū Berea cĵāno Pirro macūno Sópater wame tiriqirore pehe Pablōre piti ti cāhye. Sa ye Tesalónica cĵēna Aristarco, Segundo gūhū tiquirore piti ti cāhye. Sa ye Asia cĵēna Tíquico, Trófino gūhū Asiapū tiquirore piti ti cāhye. Derbe cĵāno Gayo wame tiriqirore Timoteo gūhū tiquiro mehna wahahye.

⁵ Tiquiro mehna cĵēna tiquiro pano waha, Troa wame tiri macapū tiquirore cohteri jiri.

⁶ Tiquina sa cohtegū pugū yeye moremehneñe pāre tiquina ihyari bōse deco bato usā pehe Filipopū iĵirina yucusa mehna waha, ihcā omope decori pehā, Troapū usā esaa. Siete decori waro ijii topūre.

Troapū Pablo tinino wahahye

⁷ Domingo ijigū Jesu yequina cahmecoā, pāre duhu peori Santa cena yeye tehe.

Tiquina sa yeato pano Pablo tiquinare buheri. Sa yero Pablo ape decopu waha-tiquiro ijiro yoari pje tiquiro buheri. Nami decopu buhe duhuro taro nimesi.

⁸ Sa yena umuano cjā tucūpu peye paca sihāne paca ijiri tucūpu cahmecoau usā.

⁹ Pablöre tiquiro tuhori watoa wahmuno Eutico wame tiriquire meheni sopecahagā buipū mūja pje dūjiri. Sa yero Pablo tiquinare yoari pje tiquiro buhe nemogū wahmūnöre wūjūa ahtari. Sa yero tiquiro carī maa, ihtia casario buipū dūjiriquire majare maa dijiaa wahari. Tiquiro bora dijiri bato tiquina tiquire yariariquire pure tu wahcō daporī.

¹⁰ Tiquina sa yegū ihñano Pablo dijia, wahmūnöre quē suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacāhña. Yariare ahrīquire. Catire, nidi Pablo pehe.

¹¹⁻¹² Tiquiro sa nigū wahmuno yari-amediquiro masaa wahari. Tiquiro sa masagū ihñāne tiquina bucue yuhduari. Sa bucuēye umuano cjā tucūpu mūja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāpu tiquinare buhe duhuri. Tiquiro buhe tuhasagū wahaa wahaa usā.

Pablo Troapu ijiriquire waha, Miletopū esahye

¹³ Pablo pano yucusa mehna Asōpu usā pehe esa mahta. Pablo pehe mahapu waha duari. Pablo tiquiro nidiro sahata Asōpu tiquire usā piti cau.

¹⁴ Tiquirore usā piti cagū, usā mehna tiquiro sajāri yucasapu. Tia mehna waha, Mitilenepu usā esau.

¹⁵ Topure esa yuhduu, ape decopu Quōre yuhduu usā. Ape decopu Samopū esau usā. Ape deco pehere Miletopū esau usā.

¹⁶ Pablo Pentecoste deco ijigū, Jerusalēpu esa duari. Sa yero Asia yehapu yoari pje iji duerari. Sa yero Efesore poto yuhduu, Miletopū wahā sau usā.

Pablo Efeso cjēnare Jesu yequina pūhtoare yahuahye

¹⁷ Sa yero Pablo Miletopū ijiro, Efeso cjēnare Jesu yequina pūhtoare pijiori tiquiro.

¹⁸ Sa tiquiro pijiori bato tiquina Pablo cahapu wihiri. Tiquina wihigū ihñano tiquinare Pablo yahuri:

—Asiapū coā wihigū mūsa mehna yuhū yerire masine mūsa.

¹⁹ Mūsa mehna ijigū ne sijoro nino marieno Jesu, mari pūhtoro yere yee tii yuhū. Sa yegū mū sare paja ihñān. “Mū sare yuhducaja”, niedu yuhū. Judio masa yuhūre tiquina ñano yepēgūta Cohācjū yere yee tii yuhū.

²⁰ Sa yegū mūsa quehnoano wahatire cahmēgū mū sare yahu peho cān yuhū. Masa tiquina ihñonopū mūsa wuhūsepu gūhūre buhei yuhū.

²¹ Sa yegū judio masare, judio masa ijieyequina gūhūre ihcāno mehna buhei yuhū. “Mūsa ñāñene bujūa witina, Cohācjū ye pehere comesaya. Sa yena Jesu mari pūhtoro wacū tutuaya”, ni yahū yuhū.

²² Sa yegū Espiritu Santo tiquiro dutiriro sahata yojopure Jerusalēpu waha niaja. Yuhū topū wahagū yuhū dūhse wahatire masiedaja yuhū.

²³ Ohō saha nidi Espiritu Santo yuhūre: “Jerusalēpu mūhū ñano yuhdata. Sa ye mūhūre peresu yeeta”, nidi Espiritu Santo yuhūre. Yojopure yuhū macaripe yuhū esagū sa ni yahuri yuhūre. Jerusalēpu wahagū Espiritu Santo tiquiro yahuri dihitare masi-aja.

²⁴ Tiquiro sa yahuepegūta quehnoañe buheyere, Cohācjū tiquiro cahñe buheyere yahuacjū ijiaja. Jesu mari pūhtoro tiquiro ye dutirire ye peho duaja. Ahrire yerigū ijigū, yuhū yariatire cueraja yuhū.

²⁵ ‘Sa yegū mūsa mehna ijigū Cohācjū tiquiro pūhtoro ijiyere yahue tii yuhū mū sare. Ne mū sare pari turi ihñasi yuhū. Ahrire masiaja yuhū.

²⁶⁻²⁷ Sa masigū miare ahrire yahuaja mū sare. Ijipihtye Cohācjū yere yahū yuhū mū sare. Sa yero ijipihtyequina mūsa mehna cjēna Cohācjū yere cahmēnequina tiquina ijigū yee buhiri ijierare.

²⁸⁻²⁹ Mūsa basi quehnoano yeya. Sa yena Jesu yequinare Espiritu Santo mū sare ihbo dutigū, tiquiro ihbo dutiriquinare quehnoano ihboya. Ovejare ihboye-quina ovejare tiquina ihboro saha Jesu yequina gūhūre ihboya mūsa. Cohācjū macūno tiquiro yariaro tiquiro dii cohāno mehna Cohācjū tiquinare tiquiro yequina ijiatiquinare yeri. Yuhū ohōre wahari bato apeqūna ñānequina pehe yaquiro ovejare tiquina wejēno saha Jesu yere mūsa yeborire dojemneeta. Sa yena Jesu yequinare quehnoano ihboya.

³⁰ Camēpure apeqūna mūsa mehna cjēna pehe Jesu yequinare ni meho, apeye buheyere tuho dutieta. Tiquina sa dutigū tiquina tuhoeta.

³¹ Sa yena quehnoano yeya mūsa. Decoripe, ñaminipe paja ihñāne mehna buhei yuhū mū sare. Ihtia cūma waro quehnoano buhei yuhū mū sare ijipihtinare. Tire quehnoano wacūña mūsa.

³² ‘Yojopure yuhū wahari bato Cohācjū mū sare ihña ihborota. Tiquiro cahñe buheyere buhena quehnoano ijinata mūsa. Cohācjū tiquiro buhēye mehna mū sare tiquiro yequinare quehnoano yedoho masine. Sa yero tiquiro yequina dihitare

tiqairo ye duariro sahata musa pūritare quehnoano yerota.

³³ Musa niñeru cuoyere, musa suhti cuoyere gāhure “Yuhare ohoya”, niedu.

³⁴ Yuhu basi dahra wapatau ye ijiatire. Sa yegu yuhu cahmeñene, yuhu mehna cjēna tiquina cahmeñe gāhure yuhu dahra wapatarari mehna nei. Yuhu sa yerire masine musa.

³⁵ Mari ohō saha tutuaro dahrana apee boro cuoyequinare yedohoro cahmene marine. Ahrire musare ye ihñou yuhu. Jesu mari puhtoro tiqairo nidire wacūña musa. “Tiqairo ohogū ñehediquiro yuhduoro ohoriquiro pehe bucuere”, nidi jiri Jesu tiqairo basi, ni yahuri Pablo Jesu yequina puhtoare.

³⁶ Sa nidi bato Pablo tiquina mehna dusepe curi mehna quehe sa, Cohācjüre sinidi.

³⁷ Tiqairo sa sinidi bato tiquina ijipihitiyequina Pablöre que suhsu, wahsupure ihmi, utiri.

³⁸ “Musare pari turi ihñasi yuhu”, to pano tiqairo nigū tuhoye tutuaro bujua witi tiquina. Sa ye tiqairore tu nūnu tā buhari petamaharu. Topu usāre ihña nūnu tāri usā wahagū.

21

Pablo Jerusalēru pari turi wahahye

¹ Jesu yequinare “Wahana niaja”, ni, yucusa mehna, Cos wame tiri nūcuoru potō waha, pehā sau usā. Ape decoru Roda wame tiri nūcuoru pehā sa, yuhdua, Pátara wame tiri macaru esau usā.

² Pátararu ijina, Feniciaru wahatiare yucusare bocau usā. Sa yena tia mehna wahan usā.

³ Sa wahana Chipre wame tiri nūcuore potō ihña yuhduu usā. Cū pehe pehe ijiri ti nūcuo. Ti nūcuore yuhdua, Siria wame tiri yehparu esau usā. Sa yena yucusa cjē doeri cjēne yucusa cjāno Tiro wame tiri macaru tiqairo dure mogū topu pahsarī.

⁴ Topu Jesu yequinare ihñana, siete decori waro tojoarī usā ti macaru. Sa ye to cjēna Jesu yequinare Espiritu Santo tiqairo yahuriro sahata tiquina Pablöre Jerusalēru waha dutieramedi.

⁵ Tiquina sa niepegūta ti macare siete decori usā ijiri bato, wahan usā. Usā wahato panogā ijipihitiyequina Jesu yequina, tiquina namosānumia mehna, tiquina pohne mehna, maca duhtu caharu usāre ihña tojoari. Sa yena ijipihitina usā paduoropu esa, dusepe curi mehna quehe sa, Cohācjüre sinii.

⁶ Usā sa sinidi bato, “Wahana niaja”, ni, tiquinare quē suhsu bato ti wahan usā. Usā

wahagū ihña nūnu tā, tiquina pehe majaa wahari tiquina ye wuhūsepu.

⁷ Tiro wame tiri macare maja yuhduu usā. Sa yena Tolemaidaru wahā sau usā. Toputa pajiri mare waha bato tii usā. Ti macaru esa, Jesu yequinare “¿Usā acaye, ijiajari?” ni, ihcā deco usā tiquina mehna ijini.

⁸ Sa yena ape decoru tja Pablo mehna maharu wahan usā Cesarea wame tiri macaru wahana. Topu esa, quehnoañe buheyere yahuriquiro Felipe wame tiriqairo ya wuhūru esau. Sa yena tiqairo mehna tojoau usā. Felipe Jesu yequina tiquina siete besenohriquina mehna cjāno ijiri.

⁹ Sa yero tiqairo pititiaro numia pacaro ijiri. Tiquina numia pehe Cohācjū yere yahuye numia ijiri. Nuhmia ijiri.

¹⁰⁻¹¹ Topu usā meheñe decorigā usā ijiri bato, Agabo wame tiriqairo Cohācjū yere yahu mahtariqairo Judearu ijiriquiro usāre ihñano wihiri. Sa yero tiqairo Pablo ya dare jeri turi dare ne, tiqairo dahpocārine, tiqairo omocarine duhtero, queo yahuri:

—Ohō saha nidi Espiritu Santo. “Ahri dare cuoriquiro Jerusalēru tiqairo esagū, judio masa sa duhteeta tiqairore. Duhte tuhasa, judio masa ijieyequinare ohoeta tiquina tiqairore”, nidi Espiritu Santo, ni yahuri Agabo.

¹² Tiqairo sa nigū tuhona, usā Cesarea cjēna mehna Pablöre tutuaro cahii usā. Tiqairore Jerusalēru waha dutierami.

¹³ Usā sa nigū Pablo pehe yahtiri:

—¿Duhse ni utina niajari musa? Yuhu pehere bujua witiqū yeaga musa. Tiquina yuhare peresu tiquina yegū quehnoanota. Yuhu Jerusalēru Jesu mari puhtoro yere yuhu yeri buhiri yuhu yariagū quehnoanota, nidi Pablo usāre.

¹⁴ “Wahaeraja”, tiqairo nigū tuho duana nimi usā. Tiqairo “Wahautja”, tiqairo nigū, sa tuhotu cāhu usā. Ohō saha nii:

—Mari puhtoro tiqairo cahmeno sahata yeahro, nii usā.

¹⁵ Tire yahu bato ti, usā yere quehno, wahan wahan usā Jerusalēru wahana.

¹⁶ Topu usā wahagū meheñequinagā Cesarea cjēna Jesu yequina pehe usā mehna wahari. Sa yena tiquina mehna cjāno Chipre cjāno Mnasō wame tiriqairo ya wuhūru esau usā. Tiqairo yoari pje Jesu buheriquiro ijiri. Sa yero tiqairo ya wuhū usā ijia ti wuhū ijiri. Sa yena Jerusalēru esau usā.

Pablo Santiagore ihñano wahahye

¹⁷ Jerusalēru usā esagū, to cjēna Jesu yequina pehe “¿Wihiajari?” ni, bucuere mehna piti cari usāre.

¹⁸ Ape decopu Pablo usā mehna Santi-agore ihñano esari. Usā topu esagū topu ijipihtiyequina Jesu yequina puhtoā ijiri.

¹⁹ Sa yero Pablo tiquinare tiquiro omoca ñehedi bato judío masa ijieye-quinare tiquiro buherire yahu pehori Jesu yequinare. Cohācjū tiquiro yedohoye mehna tiquiro yerire yahu pehori.

²⁰ Tiquiro sa ni yahugū tahoye, “Cohācjū quehnoagu, tutuagu ijire mahu”, ni ño pe-ori tiquina pehe Cohācjūre. Sa ni tuhasa tiquina Pablōre ohō saha ni yahuri:

—Usā acayu, yojopure peyequina judio masa Jesure wacū tutuayequina ijire. Tire masine mahu. Sa ye tiquina ohō saha ni tuhature: “Cohācjū dutiyere, Moisereta marine tiquiro cūrire marine ye pehoro cahmene”, niñe nine.

²¹ Ohō saha ni nemore tiquina. “Ape siepu ijieyequinare judio masa ijieyequina watoapu ijieyequinare judio masare Cohācjū Moiserē tiquiro cūrire cohā dutiahye Pablo”, nimesi ohō cjēna judio masa mahure. “Pablo judio masa pohnene cuhnucunu sohtoā cahserogāre yahre ne dutierare”, nimesi mahure tiquina. “Judio masa tiquina yee tiyere Pablo duhu dutire”, ni ahri gāhure ni yahu wajare mahure.

²² Sa ye mahu ohōre wihigū tahoye tiquina cahmeoeta mahure tuhtiyē tehe. Sa yegū ohō saha yero cahmene mahure.

²³ Mahure usā dutiro sahata yeya. Yojopure ohōre pititiaro unua Cohācjūre wacūñequina “Ohō saha yematja”, niñequina ijire.

²⁴ Tiquina mehna wahaya. Sa ye Cohācjū Moiserē tiquiro dutiriro sahata tiquina basi Cohācjū yere yee tehe tiquina ñano yeyere coseye nine. Mahu gāhu sata yeya. Sa yegu tiquina sa yeati wapare wapa yeya mahu pehe. Mahu sa wapa yeri bato tiquina poarire waha peho duti masine tiquina. Mahu sa yegū ihñañe masa mahure tiquina niñe ni mehori ijigū masieta ijipihtiyequina. Cohācjū Moiserē tiquiro cūri dutiyere yegu mahu ijigū masieta tiquina.

²⁵ Sa yena judio masa ijieyequina Jesu yequina pehere usā ojoari pūre oho tuhasa. Ohō saha ni, ojoau usā. “Cohācjū ijire”, tiquina niñe queoyere ño peo tiquina duhu peori ihyayere, diire, wamā tiquina ñehe wejēdiquinare wahiquinare ihyeracāhña masa. Sa yena wana tieracāhña”, ni, yahu ojoau usā ojoari pūre, nidi tiquina Pablōre.

Cohācjū wuhupu judio masa Pablōre ñehēahye

²⁶ Tiquina sa ni yahuducuri bato ape deco Pablo pehe pititiaro unua mehna tiquina basi Cohācjū yere yeye tehe tiquina ñano yerire coseye tehe, Cohācjū wuhupu

sajāa wahahye. Ti wuhupu sajā saro, tiquinare yahuahye Pablo: “Ohōpe decori dahsare masa coseato”, ni yahuahye tiquiro pititiarore. Sa ye tiquina cose bato tiri decopu tiquinapequina Cohācjūre wahiquinare tiquina ohoati deco ijiri.

²⁷ Sa ye tiquina cose pehoboriro mehenogā dahsagū waro Cohācjū wuhupu Pablo tiquiro ijigū Asia yehpa cjēna judio masa pehe ihñahye tiquirore. Sa ihñañe Pablōre quiti dojomehne, apequinare tiquiro mehna usuagū yeahye tiquina. Sa usua, judio masa Pablōre ñehe, sañuducuahye:

²⁸ —Masa usā acaye, Israe masa usāre yedohona ahtaya. Ahriquiro ijire. Ahriquiro Cohācjū Moiserē tiquiro cūri dutiyere, ahri wuhū gāhure cohā duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohācjū wuhupure judio masa ijieyequinare ne sajāri. Sa yero ahri wuhure ñañe mariedi wuhure tiquiro dojomehnedi, ni, sañuducuahye judio masa Asia yehpa cjēna to cjēnare.

²⁹ To pano Jerusalēpu Pablo Trófimo mehna tiquiro ijigū judio masa ihñae tiahye. Trófimo Efeso cjāno judio masano ijieriquiro ijiri. Tiquiro sa ijigū masiñe ohō saha ni tuhotaahye tiquina: “Pablo Trófimore Cohācjū wuhure ne sajāno niaga”, ni tuhotaahye judio masa.

³⁰ Masare sa ni yahu tiquina sañuducuri bato ti maca cjēna peyequina tutuaro usuahye. Peyequina oma cāhta, Cohācjū wuhupu ijiriquirore Pablōre ñehe weje wijiaa wahahye. Sa ye ti wuhū sopecaharire bihahye tiquina.

³¹ Sa ye tiquina tiquirore wejēñe tee nimahye. Tiquina sa yegū ihñañe “Ijipihtiyequina Jerusalē cjēna usua, sañuducuyē nidi”, ni, apequina pehe yahuyē wahahye surara puhtorore.

³² Tiquina sa nigū tahoro puhtoro pehe tiquiro yequina surarare, tiquina dutieyequina gāhure cahmeoadoqueo, tiquina mehna Pablōre wejē duayequina cahapu oma cā esahye. Surara tiquina esagū ihñañe Pablōre quēmediquina quē duhu cāhye.

³³ Sa yero surara puhtoro Pablo cahapu esa, puā da come dari mehna tiquirore dahte dutiahye. Tiquina dahte tuhasagū ihñano, puhtoro Pablōre sinituahye:

—¿Noa boro ijijari ahriquiro? ¿Yabe buhiri tiquirore sa yeajari masa? ni, sinituahye tiquiro tiquinare.

³⁴ Tiquiro sa sinitugū tahoye masa pehe “Ohō saha yeri tiquiro”, ni, apequina gāhu sijoro saha ni sañuducu, yahuahye surara puhtorore. Sa ni tiquina sañuducugū surara puhtoro quehnoano tuhoerahye. Sa yero

tiqiro surara ya wñhñrñ Pablöre nea duti-
ahye.

³⁵ Ti wñhñrñ esa, Pablo mñjari escar-
erapñ tiqiro mñjano taro yegñ masa pehe
tiqirore quē duaye nimahye. Tiquina sa
yegñ surara pehe tiqirore ne wña mñjaa
wahahye.

³⁶ Masa tiqinane peyequina nñññ tñ,
sañuducu nñññ tñhye.

–Tiqirore wejē cñhña, ni, sañuducuahye
tiquina Pablöre.

*Pablo “Ne masare ñano yeraja yñhñ”, ni,
yahuahye*

³⁷ Sa ye ti wñhñrñ tiquina peresu yeato
pano, Pablo pehe pñhtorore siniahye:

–Yñhñ mñhñ mehna yahuducu duaga, ni
siniahye Pablo.

–¿Mñhñ griego masa yere yahuducua-
jari?

³⁸ ¿Sohñ ijirigu, Egipto cñj ijierajari mñhñ?
Tiqiro masare tiquina pñhtoare cohñ du-
tiriqiro, cuatro mil masa wejēñequina pe-
here masa marienorñ neari jiri. ¿Tiqiro
ijierajari mñhñ? niahye surara pñhtoro
Pablöre.

³⁹ Tiquiro sa nigñ tuhoro Pablo yñhtiahye:

–Tiquiro ijieraja yñhñ. Judio masa ijiaja.
Tarsorñ Cilicia yehparñ ijiri macarñ masa
bajunñ yñhñ. Ihyo ijiri maca cñj ijieraja yñhñ.
Yñhñ ahriquina masa mehna yahuducu du-
aga yñhñ, niahye Pablo tiqirore.

⁴⁰ Tiquiro sa nigñ tuhoro pñhtoro pehe
tiqirore yahuducu dutiahye masa mehna.
Sa yero Pablo mñjari escarerapñ ducuro
tiqiro omocari mehna “Dihta mariañña”,
niahye masare. Tiquiro sa yegñ ihññañe,
dihta mari pihña wahahye. Tiquina di-
hta mariaññgñ ihññano, Pablo judio masa ye
mehna yahuahye tiqinane.

22

¹ –Yñhñ acaye, yñhñ yerire yahutja
mñsare. Yñhñ yahugñ tuhoya mñsa, niahye
Pablo.

² Tiquiro sa nigñ Pablo judio masa ye
mehna tiqiro yahuducugñ tuhoye masa
pehe dihta mari dojoa wahahye. Sa yero
Pablo tiqinane yahuahye:

³ –Yñhñ judio masñta ijiaja. Tarso wame
tiri macarñ, Cilicia yehparñ ijiri macarñ
masa bajunñ yñhñ. Sa ijiepeguta ahri maca
Jerusalēpñta bñscñññ yñhñ. Sa yero yñhñ
Gamalie wame tiriqiro buhee tiri. Sa yegñ
yñhñ mari ñecñsñmñña mñña panorñ cñña
dutiye quehnoano buhei. Yojoñpñre mari
Pacñre mñsa yero sahata yñhñ gñññ ño peoe
timi.

⁴ Sa yegñ Jesu yequinare ñano yee tii
yñhñ. Ihñquēquina tiqinane wejēe tii yñhñ.
Ūmñare, numia gñññre ñehe, peresu yee tii
yñhñ.

⁵ Pahia pñhtoro, judio masa bñscñña
mehna tiquina ojoaye pñrine Jesu
yequinare ñehe dutiye pñrine yñhñre ojoa
basari. Mari acayere Damasco cññare ti
pñrine ihññogu tñññ nimi Jesu yequinare ñehei
tñhñ. Tiquinare ñehe, ne cñhta peresu yei
tñññ nimi. Jerusalēpññ tiqinane ne cñhta
duami buhiri dahrei tñhñ. Ohñ saha yñhñ
nigñ pahia pñhtoro, judio masa bñscñña gñññ
quehnoano masine, ni yahuahye Pablo.

*Pablo Jesu yaqiro tiqiro waha dñcarire
yahuahye
(Hch 9.1-19; 26.12-18)*

⁶ Sa ni tuhasa ohñ saha ni yahu
nemoahye:

–Sa yero coheri pje ijigñ Damascorñ yñhñ
esa quehñgñ waro ñmññanorñ asi sitedoque
dijiori yñhñre.

⁷ Sa wahagñ yñhñ yehparñ bora quehe saa
waharñ yñhñ. Yñhñ bora quehe sari bato
yahuducuro ca tari yñhñre. “¿Saulo, ñhñsegu
yñhñre ñano yeajari?” nino ca tari yñhñre.

⁸ “¿Pñhto, noa boro ijiajari mñhñ?” ni,
sinituu yñhñ. “Yñhñ Jesu Nazare cñj, mñhñ
ñano yenhñrigñ ijiaja yñhñ”, ni, yñhtiri
yñhñre tiqiro.

⁹ Yñhñ sa wahagñ yñhñ mehna cñña
buhñrñore ihññari. Sa ihññaepeta yñhñ mehna
tiqiro yahuducugñ tuhñerari tiquina.

¹⁰ “¿Pñhto, ñhñse yegutari yñhñ?” ni sini-
tuu Jesure. “Wahcñdñcaya. Damascorñ
wahaya. Torñ mñhñ wahagñ, mñhñre ijip-
ihñte yñhñ ye dutiñre apeqiro yahurota
mñhñre”, nidi tiqiro yñhñre.

¹¹ Tutuaro tiqiro asi sitedoqueogñ, yñhñ
caperi opoa waharñ yñhñ. Sa ye, yñhñ
mehna cñña yñhñ omocare ñehe, Damas-
corñ tññ cñri yñhñre.

¹² Torñ Anania wame tiriqiro,
Cohñcñre ño peoriqiro marine Cohñcñj
dutiye ye pehoriqiro ijiri. To cñña judio
masa ijipihñteyquina tiquina ño peoriqiro
ijiri.

¹³ Sa yero tiqiro yñhñ caharñ wihñdñca
yñhñre yahuri. “Yñhñ acayñ Saulo, ihññaña
pari turi tja”, nidi tiqiro. Tiquiro sa nidi
bato pari turi ihññññ yñhñ. Sa yegñ tiqirore
ihññññ yñhñ.

¹⁴ Yñhñ sa ihññagñ tiqiro Anania yñhñre
yahuri. “Mari Pacñ tiqiro cahmeñene
quehnoano masiacñre panorñ bese
tuhasahye mñhñre. Sa yero ‘Yñhñ macñ
quehnoarñqirore ihñña, tuhñrota’, ni
yahuahye mñhñre mari Pacñ panorñ.
Tiquiro ijire mari ñecñsñmñña mñña tiquina
ño peoriqiro.

¹⁵ Sa yegñ mñhñ ihññarñre, mñhñ tuhñrñre
yahugñta mñhñ ijipihñteyquinane.

¹⁶ Sa yena yojoñpñre yoari pje ijieracñhña.
Wahcñdñcaya. Sa yegñ wame yenhñrigñ
ijiaja. Jesure mñhñ sinigñ mñhñ ñañene

cohānota”, nidi yahure tiqiuro, niahye Pablo tiqiurore wejē duariquinare.

Pablo judio masa ijieyequinare tiqiuro buherire yahuahye

17 Sa ni tuhasa Pablo yahu nemoahye:

–Sa ye tuhasa yahu Jerusalēru tojoa ta, Cohācjū wuhuru Cohācjüre sinigu esau.

18 Yahu toru ijigū Jesu yahure bajue tiri. Sa bajuaro yahure yahuri. “Jerusalē cjēna yeere mahu yahugū taho duerare. Sa yegu amañano ape sieru wahaya”, nidi Jesu yahure.

19 Tiqiuro sa nigū tuhogu yahuu tiqiurore: “Pahō, mahu yequinare judio masa buheye wuhusepu ijieyequinare yahu nehe, quēdire masine Jerusalē cjēna.

20 Sa yegu mahure yahuriqiurore Estebā pehere tiquina wejēgū ihñagu ‘Quehnoano yeye wejēne’, nimi. Tiqiurore tiquina wejēgū tiquina suhtire cuo basau yahu. Ti gahure masine ahri maca cjēna. Sa ye yahu yahugū tuhoboaga yahure”, ni yahuu yahu Jesure.

21 Yahu sa nigū tuhoro Jesu yahure yahuri: “Yoaropu judio masa ijieyequinare buheacjüre ohoutja mahure. Sa yegu wahaya mahu”, nidi yahure yahu pahōtoro, niahye Pablo masare.

Surara pahōtoro Pablo mehna yahuducahye

22 Tiqiuro yahu mūhtari dihitare quehnoano tuhomahye masa. Sa tuhōepeta judio masa ijieyequina caharu Jesu Pablōre tiqiuro ohōatire tiqiuro yahugū tuhoye tiquina sañuducu dūcahye tja:

–Ahriqiuro yojopu pūritare yariacūnahdo, ni sañuducuahye tiquina.

23 Sa ye tiquina sañuducu nemo, usuaye mehna tiquina suhtire wahba siteduca, dihta mehna doque mūoahye.

24 Surara pahōtoro surara ya wuhuru Pablōre ne sajā dutiahye tiqiuro yequina surarare. Sa yero surara pahōtoro “¿Dahse ijiro boro Pablo mehna usua ñano sañuducuyē niajari masa?” ni sinitu duamahye. Pablōre tire sinituro taro, yuta dari mehna tana dutimahye tiqiurore.

25 Sa tana dutiepegāta tiqiurore tiquina dūhteri bato, tiqiuro caharu ijiriquiurore surarare yahuahye Pablo:

–Yahu Roma cjū ijiaja. Sa yena “Ñano yeriqiuro ijire ahriqiuro”, yahure ni masiedare masa. Sa yena yuta dari mehna yahure tana masiedare masa, niahye Pablo tiqiurore.

26 Tiqiuro sa nigū tuhoro surara tiqiuro pahōtorore yahuro wahahye:

–Ahriqiuro Roma cjāno ijire. Sa yegu quehnoano yeya tiqiurore, ni yahuahye tiqiuro pahōtorore.

27 Tiqiuro sa nidi bato surara pahōtoro pehe Pablōre sinituro wahahye:

–¿Potota mahu Roma cjū ijiajari? Yahuya yahure tire, niahye tiqiuro.

–To cjūta ijiaja yahu, ni yahtiahye Pablo.

28 Tiqiuro sa nigū tuhoro pahōtoro pehe tiqiurore yahuahye:

–Yahu Roma cjū iji duagu niñeru pajiro wapa yei, niahye tiqiuro.

–Yahu Roma cjū macaru masa baju. Sa yegu Roma cjū ijiaja yahu pehe, niahye Pablo.

29 Tiqiuro sa nigū tuhoye tiqiurore tanaboriquina wahaa wahahye. Sa yero Pablo Roma cjāno tiqiuro ijigū masino, tiqiurore come dari mehna tiquina dūhterire wacūno, cue niahye pahōtoro pehe.

Pablo judio masa pahōtorore yahuahye

30 Sa yero surara pahōtoro judio masa Pablōre tiquina yahūsārire quehnoano masi duahye. Sa masi duaro ape decoru come darire tiqiurore pā dutiri bato, pahia pahōtoare, judio masa bucuna mehna cahmecoa dutiahye surara pahōtoro. Tiqiuro sa cahmecoa dutiri bato tiqiuro toru Pablōre ne cā, tiquina ihñono duhu docoahye tiqiurore.

23

1 Sa yero Pablo judio masa bucunare ihña piti ca ducu, yahuahye:

–Yahu acaye, Cohācjū tiqiuro ihñonopu ijipihtiye decori quehnoano yeducuaja yahu, niahye Pablo.

2 Tiqiuro sa nigū tuhoro ijipihtiyequina pahia bui ijiriquiuro Anania pehe Pablo dūserore quē dutiahye.

3 Tiqiuro caharu ducuyequinare quē dutiahye. Tiqiurore tiquina quēdi bato Pablo Ananiare tuhtiahye:

–Masa ihñono dihita quehnoano iji mehogu ijire mahu. “Cohācjū dutiyere yūhdūdcagu nine”, yahure niepegāta yahure quē dutire mahu. Sa quē dutigu mahu pehe dutiyere yūhdūdcagu niaga, niahye Pablo tiqiurore.

4 Tiqiuro sa nigū tuhoye Pablo caharu ducuyequina ohō saha niahye tiqiurore:

–Cohācjū tiqiuro beseriquiuro pahia pahōtorore ñano yahuducueracāhña mahu, niahye tiquina Pablōre.

5 Tiquina sa nigū tuhoro Pablo ni nemoahye tja:

–Yahu acaye, tiqiuro pahia pahōtoro ijiyere masiedu yahu. Sa yegu sa ni maca cāhti yahu. Cohācjū yere tiquina ojoari ohō saha ni yahure tiqiurore: “Mahu ya maca cjēna pahōtorore ñano ni, yahuducueracāhña”, ni ojoahye, niahye Pablo tiquinare “Boya”, nino.

⁶ Sa ye topu pua curua cjēna ijiahye. Ihcā curua saduceo masa ijiahye. Ape curua pehe fariseo masa ijiahye. Pua curua tiquina ijigū masino, Pablo judio masa bucunare tutuaro sañuducu yahuahye:

—Yuhu acaye, yuhu fariseo masu ijiaja. Fariseo masano macuta ijiaja yuhu gāhu. “Yariariquina masa mūjaeta”, yuhu sa nidi buhiri yuhare nāno ye duare masa, niahye Pablo.

⁷ Tiquiro sa nigū tūhoye fariseo masa, saduceo masa tiquina basi cahme tuhtiahye. Sa ye tiquina basi pua curua tu wahye.

⁸ Saduceo masa ohō saha niñequina ijiahye: “Yariariquina masa mūjasi. Espiritua, angele gāhu ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mūjaeta”, tiquiro nigū tiquina basi cahme tuhtiahye.

⁹ Sa cahme tuhtiyē, tutuaro sañuducuahye. Sa ye fariseo masa mehna cjēna judio masa buhēyequina wahcāduca, tuhti, yahuahye:

—Ahriquiro Pablo nāno yerari. Sa yero espíritu o angel, poto tiquiro mehna yahuducuriquiro ijiboaga, niahye tiquina.

¹⁰ Tiquina sa nidi bato tiquina ijipihtiyequina cahme tuhti, tutuaro usuahye. Pablore tiquina wejē duagū ihñano cuesāhye surara puhtoro pehe. Sa yero Pablore tiquiro ya wāhupū ne cā dutiro, tiquiro masa watoapū surarare ohoahye.

¹¹ Ape nāmi Jesu mari puhtoro Pablo cahapū ducuro, yahuahye tiquirore:

—Cueracāhña. Yojoḡpūre ohōre Jerusalēpū yee buhēyere yahuri mūhu. Sa yegū Romapū gāhure ohō sahata yei wahaya, niahye mari puhtoro Jesu Pablore.

Judio masa Pablore wejē duamahye

¹²⁻¹³ Ape decopū nāmi cjūno ijigū judio masa cahmecoahye.

—Ohō saha yeihna. Pablore wejēihna. Tiquirore mari wejēato pano sih-niedacāhna. Ihyeracāhna. Tiquirore wejēdana ūjua mehna yariuhna. Sa yero Cohācjū mari pehere wejēahdo, niahye tiquina.

Tiquina cuarenta bui cjūno judio masa ijiahye.

¹⁴ Tiquina sa nidi bato tiquina pahia puhtoare, bucuna gāhure yahuye wahahye:

—Pablore usā wejēato pano ihyayere usā ihyeraja.

¹⁵ Sa yena masa, bucuna mehna ohō saha ni pijioya. “Pablore pari turi sinitu duaja”, niñā surara puhtoro. Masa sa nidi bato surara puhtoro ne cāhta dutiya Pablore. Sa yena Pablo ohō cahagā tiquiro wihigū waro tiquirore wejēnatja usā, niahye tiquina pahia puhtoare.

¹⁶ Sa ye Pablo pacjāno tiquina sa ni yahuducugū tūhoahye. Tiquina sa nigū tūhoro waha, surara ya wāhupū Pablore yahuro sajahye.

¹⁷ Tiquiro sa yahuri bato Pablo pehe ihcāquiro surarare pijio yahuahye tiquirore:

—Ahriquiro wahmānore puhtoro cahapū neahña. Ahriquiro mūhu puhtoro yahu duaro nine, niahye Pablo.

¹⁸ Tiquiro sa nigū tūhoro surara pehe Pablo pacjānore tiquiro puhtoro cahapū ne sa, yahuahye:

—Peresupū ijiriquiro Pablo pehe yuhare pijio, ahriquiro wahmānore mūhu cahapū ne cā dutiri. Ahriquiro mūhure yahuro taro niñohi, niahye surara tiquiro puhtoro.

¹⁹ Tiquiro sa nigū tūhoro puhtoro pehe wahmāno omocare ñehe tuā cā, masa marienopū tiquirore sinituahye:

—¿Duhse nigū tū niari mūhu yuhare? niahye tiquiro Pablo pacjānore.

²⁰ Tiquiro sa sinitugū tūhoro ohō saha ni yahuahye:

—Judio masa ihcāno mehna “Ohō saha yeihna”, ni, nāmiapū judio masa bucuna cahapū mūhure Pablore nea dutieta. “Bucuna Pablore pari turi sinitu duare”, ni mehoeta.

²¹ Sa niepegūta cuarenta bui cjūno masa tiquirore wejē duayequina duhti, cohte duare. Tiquina tiquirore wejēato pano ihyayere ihyasi. Sa ye sihnisi. “Tiquirore mari wejēdagū Cohācjū marine wejēahdo”, nidi tiquina basi. Sa ye yojoḡpūre mūhure Pablore ne cāhta dutiye tiquina pehe duhti, cohte tuhasari, Pablore wejētehe. Sa yegū tiquina yahuye wihigū tiquinare yuhtieracāhña mūhu, ni yahuahye wahmāno surara puhtoro.

²² Tiquiro sa nigū tūhoro surara puhtoro ohō saha niahye:

—Yuhare mūhu yahurire apequinare yahueracāhña, ni yahuahye wahmānore.

Sa ni tuhasa wahmānore “Waharīsa”, niahye tiquiro.

Pablore puhtoro Feli wame tiquiro cahapū ohoahye

²³ Sa yero surara puhtoro pūaro tiquiro yequina cien surara puhtoare pijī cā, tiquinare dutiahye:

—Dos cientos surarare, setenta caballoa bui pesayequinare, dos cientos doqueye cjū cūoyequina mehna Cesareapū waha-tiquinare tiquina yere quehno dutina wahaya. Sa yena masa mia nāmi nueve ijigū masa wahatore cohteya.

²⁴ Sa yena Pablore caballoare tiquiro pesatiquinare quehno basaya. Puhtoro Feli cahapū, Cesareapū, quehnoano soya tiquirore, niahye surara puhtoro.

²⁵ Sa ni tuhasa papera ojoahye. Ohō saha ni ojoahye tiquiro:

²⁶ “Yuhū Claudio Lisia mūhare tutuagu pūhto Felire quehnoa dutiaja.

²⁷ Judio masa ahriquiuro Pablōre ñehe, wejēmedi. Sa yegu Roma cĵāno tiquiuro ijigū masigu, yequina surara mehna tiquiore yedohou esau.

²⁸ Sa yegu tiquiore tiquina yahusārire masi duagu judio masa bucuna cahapu ne sau tiquiore.

²⁹ Sa yegu tiquiuro judio masa ye dutiye dihitare tiquiuro yūhduducagū mari ye dutiyere tiquiuro yūhduducāeragū ihñagu, tiquiore peresupu cū duera. Yabe buhiri yariaro mariedare tiquiore.

³⁰ Sa yero judio masa tiquiore wejē dua, tiquina buca quehegū ihñano apequiuro yahuri yūhare. Tiquiuro sa yahuri bato Pablōre yojopure mūhu cahapu ohogu niaja. Sa yegu tiquiore yahusāriquinare tiquiore ñañe yerire mūhare yahu duti tuhasau yūhu”, ni, ojoahye surara pūhtoro.

³¹ Sa ye surara tiquina pūhtoro tiquiuro dutiriro sahata yeahye. Ti ñamine Antipatri wame tiri macapu Pablōre ne sahye.

³² Ape decoru apequina surara caballoa bui pesaeriquina ti macapu toja tahye tiquina ya macapu. Apequina surara caballoa bui pesaeyequina dihita tiquiore ne yūhdū cāhye.

³³ Tee Cesareapu ne sahye Pablōre. Sa ye surara pūhtoro tiquiuro ohori pūre pūhtoro Felire wiahye. Sa ye Pablōre ne sahye pūhtoro cahapu.

³⁴ Tiquina sa wiari bato pūhtoro ti pūre tiquiuro ihñari bato apequinare sinituahye:

—¿Di yehpa cĵāno ijiajari ahriquiuro Pablo? ni sinituahye tiquiuro.

—Cilicia yehpa cĵāno ijire, ni yahuahye tiquiore.

³⁵ Tiquinare sinitu tuhasa, Feli Pablōre yahuahye:

—Mūhare yahusāriquina ohōre tiquina wihigū mūhu yahugū tūhoutja, niahye Feli Pablōre.

Tiquiro sa nidi bato Herode ya wūhupu tiquiore cūahye. Sa yero tiquiuro yequina surarare Pablōre cohte dutiahye pūhtoro.

24

Pablo “Ñano yeru yūhu”, ni yahuahye Felire

¹ Ihcā omope decori bato, Anania pahia pūhtoro, apequina judio masa bucuna, dutiyere mihnidiquiro Tertulo wame tiriquiuro mehna Cesareapu esahye. Sa ye tiquina Pablōre yahusā duaye pūhtoro Feli cahapu esahye.

² Sa yero Pablōre topure tiquina ne sari bato Tertulo tiquiore yahusā dūcahye. Sa yahusā dūcaro ohō saha ni yahusāhye Felire:

—Mūhu quehnoano masigu, usā pūhto mūhu quehnoano dutigū usā ahri yehpa cĵāna quehnoano iji cĵā usā cahmequeno marieno. Mūhu dutiye mehna quehnoañe pehere comesaro nine ahri yehpa.

³ Sa yena usā quehnoano iji cĵāna bucueaja. Sa yena mūhu mehna quehnoano bucueaja.

⁴ Yojopure mehenogā mūhare cariboutja yūhu. Mehenogā mūhu mehna yahuducu duaja. Usāre tūhodoqueorīna mūhu.

⁵ Ahriquiuro usāre caribo yūhdūare. Ijipihtiye yehpari cĵenare judio masare tiquina usua sañuducugū yere ahriquiuro. Sa yero masa tiquina basi cahme tuhtigū yere ahriquiuro. “Pūhtoare cohāhna”, niñequina mehna cĵāno ijire ahriquiuro. Sa yero nazareno wame tiri curua pūhtoro ijire.

⁶ Sa yero Cohācĵū wūhare ñano tiquiuro ye duagū ihñana usā ñehei ahriquiore. [Usā ñehedi bato usā ye dutiyere tiquiuro yūhduducariquiuro ijigū tiquiore buhiri dahre duami usā.

⁷ Usā sa ye duepegāta surara pūhtoro Lisia wame tiriquiuro tiquiore usāre tutuaro mehna ehma cāri.

⁸ Came tiquiore yahusāriquinare mūhu cahapu waha dutiri Lisia. Tiquiro sa nigū tūhona ahtau usā.] Mūhu pūrita ahriquiore sinitugu, ijipihtiyere tiquiuro ye buhirere masiguta mūhu, niahye Tertulo Felire.

⁹ Tiquiro sa nidi bato apequina judio masa “Tertulo tiquiuro nidiro sahata potō ijire”, niahye tiquina gāhu.

¹⁰ Tiquina sa ni yahusāri bato pūhtoro Feli Pablōre yahu dutiahye. Ohō saha ni yahuahye Pablo:

—Peye cūhmari ahri yehpa cĵenare mūhu dutirire masiaja yūhu. Sa yegu yūhu yerire mūhare yahugu bucueaja.

¹¹ Doce decorita wahare Jerusalēpu Cohācĵāre yūhu ño peori bato. Mūhu ahri potō ijigū masi duagu apequinare sinituya.

¹² Judio masa yūhare Cohācĵū wūhupure boca tiquina ñehegū masare ni sañuducugū niedu. Sa yegu “Mūsa pūhtoare cohāña”, nigū niedu. Sa yegu judio masa buheye wūhūserē, tiquina ya maca gūhare ne ñano yera tii.

¹³ Sa ye yūhare yahusāriquina pehe tiquina yahusārire “Ohō saha yeri ahriquiuro”, ni, yahu masiedare mūhare.

¹⁴ Yojopu ñecusumua tiquina ño peoriquiore mari Pasure ño peoaja yūhu gāhu. Sa yegu tiquiuro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegāta Cohācĵū dutiye, Moisepure tiquiuro cūrire ti gūhare ño peoaja yūhu. Sa yegu Cohācĵū yere yahu

mæhtariquina tiquina ojoari gâhure ño peoja yûhu.

¹⁵ Ahriquina apequina judio masa tiquina tahoturo sahata Cohâcjû ijip-ihitiyequina masare yariariquinare quehnoañequina, ñañequina mehna tiquina masa mæjagû yerota. Yûhu gâhu sata ni tahotuaja.

¹⁶ Sa yegu buhiri mariedaja yûhu. Cohâcjû tire masine. Sa ye masa gâhu tire masine. Sa ye potota yahuaaja yûhu mæhure. Sa yegu quehnoano tahotuaja.

¹⁷⁻¹⁸ Peye cahmarine ape siepû tinidigû ijigû Jerusalêne tojoa wihi, yûhu acayere judio masa pejecuoyequinare niñerure ohogu tæu nii yûhu. Tojoa wihi Cohâcjûre ño peogu tæu, tiquiuro ya wæhupû sajâmi. Sa yegu Cohâcjû tiquiuro cose dutiriuro sahata yûhu basi yûhu ñañene coseri bato wahiquiurore oho duami tiquiurore ño peogu tæhu. Topû yûhu ijigû ahriquina judio masa yûhure bocari. Tiquina bocagû apequina yûhu mehna mariedari. Usua, sañuducuyequina mariedari.

¹⁹ Sa ye apequina judio masa Asia yehpa cjêna topû ijiri. Tiquina yûhu ñano yegû ihñariquina ijije, yahusâne ahtaahro.

²⁰ Ahriquina ohõpûre ijieyequina pehe judio masa bæcæna mehna yûhu ijigû ihñariquina yûhu ñano yerire masiñe, tiquina gâhu yahusâahdo.

²¹ Ihcânogâ pûritare yûhure tiquina yahusâ masine: Ti pje tiquina mehna ijigû ohõ saha ni tutuaro sañuducuu yûhu. “Yariariquina masa mæjaeta”, yûhu nidi buhiri, buhiri dahrere masa”, nii tiquinare, ni yahuahye Pablo Felire.

²² Tiquiuro sa ni yahuri bato Feli ohõ saha ni yahuahye Pablora:

—Yojopû to puno tjire. Surara pæhtoro Lisia tiquiuro wihiri bato mæhure yûhu yeatore masiitja yûhu, niahye Feli Pablora.

Feli pehe Jesu yequina tiquina yerire quehnoano masi pehoriquiuro ijiahye.

²³ Sa ni tuhasa, Pablora cohteriquiuro surarare Feli quehnoano ihña nænû dutiahye “Peresupû ijiriquiuro duhtiari”, nino. Sa ijieperota mehenogâ ohori tiquiuro tinatora. Pablo mehna cjênare tiquiurore peresupû ijiriquiurore yedoho dutiuro sa dutiahye Feli.

²⁴ Meheñe decorigâ bato Feli, tiquiuro namono Drusila wame tiricoro mehna ahta, Pablora pijiahye. Feli namono pehe judio masono ijiahye. Pablora tiquina pijiri bato, Jesucristore tiquiuro wacû tutuayere Pablo pehe yahuahye tiquinare.

²⁵ Sa yahuro quehnoañene, quehnoano wacû masiñene, ñañene cahmedare, pihtiri deco ijigû Cohâcjû masare tiquiuro buhiri dahreatore yahuahye Pablo. Tiquiuro

sa ni yahugû tæhoro Feli cuero, Pablora yahuahye:

—Yojopûre waharîsa. Came yûhure dahrare mariedagû mæhure pijiiitja tja, niahye Pablora.

²⁶ Sa nino Pablo tiquiuro niñeru ohogû cah-memahye Feli. Sa yero tiquiuro niñerure cahmeno, peye tahari Pablora piji, tiquiuro mehna yahuducue timahye Feli. Niñerure tiquiuro wapa yegû Pablora wioboaga, ape taha yero.

²⁷ Pûa cahma bato Porcio Festo wame tiriquiuro Feli comesariquiuro ijiahye. Sa ijiepegûta Feli pehe pæhtoro ijiro, judio masare bucuægû ye duahye. Sa yero tiquiuro Pablora peresupû iji dutiniahye.

25

Pablo Festore tiquiuro yerire yahuahye

¹ Sa ye Festo ti yehpapû ihtia deco tiquiuro ijiri bato, Cesareapû ijiriquiuro waha, Jerusalêpû esahye.

² Topû tiquiuro ijigû pahia pæhtoa, judio masa pæhtoa mehna Pablora tiquina yahusâre yahuahye Festore.

³ Pablo mahapû wahagû tiquiurore bæca quehe, wejê duaye nimahye tiquina. Sa ye tiquina Festore tutuaro sinimahye:

—Pablora Jerusalêpû ohoya, ni, sinimahye tiquina Festore.

⁴ Tiquina sa nigû tæhoro, Festo yahuahye tiquinare:

—Yojopûre Pablo Cesareapû peresu ijire. Yojopûre yûhu topû wahaû tæata niaja.

⁵ Pablo tiquiuro ñano yeriquiuro ijigû, masa pæhtoa Cesareapû yûhu mehna waha, tiquiurore yahusâahdo, niahye Festo.

⁶ Sa yero Festo ocho o diez decori tiquina mehna tiquiuro ijiri bato Cesareapû tojoaa wahahye. Ape decopû tiquiuro buhiri dahre dutiri wæhupû dujiro, Pablora ne câhta dutiahye.

⁷ Sa ye Pablo Festo cahapû tiquiuro wi-higû, judio masa Jerusalêpû ahtariquina pehe Pablo cahapû ducu, tiquiurore tutuaro mehna yahusâ bæcahye. Sa yahusâepeta “Ahriquiuro tiquiuro ñano yegû ihñau”, ni, masiedahye.

⁸ Tiquina sa ni yahusâri bato Pablo tiquiuro yerire yahuahye:

—Judio masa tiquina dutiyere, Cohâcjû wæhu cjê dutiyere, Roma cjânoro pæhtoro tiquiuro dutiyere yahududæcaerû, niahye Pablo.

⁹ Festo pehe judio masare bucuægû ye duaro, Pablora sinituahye:

—¿Jerusalêpû waha duajari mæhu? Mæhu yerire yûhure topû yahuta mæhu, niahye Festo Pablora.

¹⁰ Tiquiuro sa nigû tæhoro Pablo yahuahye:

—Ijipihtiyequina p̄htoro tiqiro y w̄h̄p̄ buhiri dahre dutiri w̄h̄p̄ ijiaja yojop̄are. Ahri w̄h̄ borop̄ ȳh̄ yerire t̄hoya. Judio masare ȳh̄ ñano yerarire quehnoano masine m̄h̄.

¹¹ Dutiyere ȳhd̄cariḡu ijiḡu “Ȳh̄re wej̄edac̄h̄ña”, niedaboaya ȳh̄. Sa yeḡu ahriquina yahus̄ari pehe ni mehoñe ijiḡu ȳh̄re yahus̄ariquinare ȳh̄re oho masiedare m̄h̄. Ȳh̄ yerire ijipihtiyequina p̄htoro Césare yahu duaja, niahye Pablo.

¹² Tiquiro sa niḡu t̄horo Festo pehe quehnoano masi yahuequinare sinitu tuhasa, yahuahye Pablöre:

—M̄h̄ ijipihtiyequina p̄htoro m̄h̄ yerire m̄h̄ yahu duaḡu tiqiro cahap̄u ohonatja m̄h̄re, niahye Festo Pablöre.

Festo p̄htoro Agripare Pablo tiqiro ijie tiyere yahuahye

¹³ Camep̄u p̄htoro Agripa, Berenice wame tiricoro mehna Cesarep̄u Festore ih̄ñañe esahye.

—¿Ne, ijiajari m̄h̄? niahye tiquina Festore piti caye.

¹⁴ Top̄u peye decori tiquina ijiri bato Festo yahuahye Agripare Pablo tiqiro ijie tiyere:

—Oh̄re Feli tiqiro peresu yeriquiro ijire.

¹⁵ Sa ye Jerusal̄ep̄u ȳh̄ wahaḡu judio masa tiquina pahia p̄htoa, tiquina buc̄ana mehna ahriquiore yahus̄ari. “Tiquiro ye buhirire wej̄ña tiquiore”, ni, sinidi tiquina ȳh̄re.

¹⁶ Tiquina sa ni siniḡu t̄hoḡu ȳh̄ tiquinare oh̄ saha ni yahuu. “Roma cj̄ena pehe peresu tiquina yeriquinare masare ohoerare. Sa yeḡu tiquiore ohoeraja m̄sare. Us̄a ñehediquirore tiquiore yahus̄ariquinare tiqiro ih̄ñato pano tiquiore buhiri dahre masiedaja us̄a. Tiquiro basi tiqiro yerire tiqiro yahuereḡu tiquiore buhiri dahre masiedaja us̄a”, nii tiquinare.

¹⁷ Sa yeḡu oh̄re tiquina wihiḡu ih̄ñagu yoari pje yeru ȳh̄. Sa yeḡu ape decoru buhiri dahre dutiri w̄h̄p̄ dujiḡu, tiquina yahus̄ariquiore pijii.

¹⁸ Sa ye ti w̄h̄p̄ tiqiro wihiḡu ih̄ñañe tiquiore ih̄ña tuhtiyequina wahc̄ad̄cari. Tiquina sa wahc̄ad̄caḡu ih̄ñagu “Ña ȳhd̄aro ni yahus̄eta”, ni, t̄hotumi ȳh̄ tiquinare. Tiquirore yahus̄a duepeta yahus̄a masiedari tiquina.

¹⁹ Sa ye ahriquiore Coh̄cj̄a yere tiqiro yahuri buhiri judio masa tiquiore tuhtiri. Jesu wame tiriquiro tiqiro yaria masa m̄jarire tiqiro yahuri buhiri yahus̄ari ahriquiore. Ahri dihitarre yahus̄ari.

²⁰ Tire masiedaḡu tiquiore quehnoano sinituu. “¿Jerusal̄ep̄u waha duajari m̄h̄

ȳh̄ mehna? Top̄u yahuya m̄h̄ yerire ȳh̄re”, nimi tiquiore.

²¹ Ȳh̄ sa niepeḡata tiqiro waha duerari. “Ȳh̄ yerire ijipihtiyequina p̄htoro yahu duaja”, nidi tiqiro ȳh̄re. Tiquiro sa nidi bato oh̄p̄ata tiquiore cohte dutii, ijipihtiyequina p̄htoro cahap̄u tiquiore ȳh̄ ohoato pano, niahye Festo Agripare.

²² —Ȳh̄ basi t̄ho duaja tiquiore, niahye Agripa Festore.

—Ñamiap̄u tiquiore t̄hoya m̄h̄, ni yahuahye Festo.

²³ Ape decoru Agripa, Berenice mehna tiquina buhiri dahre dutiri w̄h̄p̄ esa, “P̄htoa ijiaja us̄a”, niñe cua pesaro ye ih̄ñoahye tiquina, surara p̄htoa, ti maca cj̄ena p̄htoa mehna. Sata ye saj̄ahye ti w̄h̄p̄u. Tiquina saj̄a sari bato Pablöre pijiahye Festo.

²⁴ Sa yero Festo oh̄ saha ni yahuahye:

—P̄hto Agripa, m̄sa ijipih̄tina ahri w̄h̄re cahmecoana, t̄hoya. Oh̄re ahriquiore peyequina judio masa tiquina yahus̄ariquiore ijire. Jerusal̄ep̄u, Cesarep̄u ḡh̄re tiquina tiquiore yahus̄ari. “Tiquirore wej̄ña”, sa niducuye nine tiquina.

²⁵ Tiquina sa niepeḡata oh̄ saha t̄hotuaja ȳh̄. Ahriquiore ne ñano yeriquiro ijierare. ¿Yabe buhiri wej̄boagari mari tiquiore? Sa yeḡu ijipihtiyequina p̄htoro César Augustore ahriquiore yerire tiqiro yahu duaḡu ijipihtiyequina p̄htoro cahap̄u ohogatja tiquiore.

²⁶⁻²⁷ Sa yeḡu ahriquiore yerire t̄ho, quehnoano masiedar̄aja ȳh̄. Sa masiedaḡu mari p̄htoro yahu ojoa masiedaja. Sa yeḡu masare tiqiro yahuḡu t̄ho dutiḡu niaja yojop̄are. P̄hto Agripa, yojop̄u p̄ritare ahriquiore ijire m̄h̄ sinituatiquiro. M̄h̄ sinitu tuhasa, mari masidi bato ahriquiore tiquina yahus̄arire quehnoano yahu ojoatja. Ahriquiore ñano yerire ȳh̄ masiedap̄eḡata mari p̄htoro cahap̄u tiquiore ȳh̄ ohoḡu quehnoaedare. Sa yeḡu yojop̄are tiquina yahus̄arire quehnoano masi duaḡu niaja, niahye Festo tiquinare.

26

Pablo Agripare tiqiro yerire yahuahye

¹ Tiquiro sa nidi bato Agripa Pablöre yahuahye:

—M̄h̄ basita yahuya, niahye tiqiro Pablöre.

Tiquiro sa nidi bato Pablo pehe, “Dihta mariah̄ña”, nino tiqiro omocarine sīo m̄o, tiqiro yerire yahuahye:

² —P̄hto Agripa, ȳh̄re judio masa tiquina yahus̄arire, ȳh̄ yerire m̄h̄re

yahugũ, yojopure quehnoano jeripohna tiaja.

³ Mũhũ judio masa usã yee tiyere, usã buheye gũhare mũhũ quehnoano masigũ pũritare bucueaja yũhũ. Sa yegũ mũhũ yũhare quehnoano tuhoya, ni dũcahye Pablo.

Pablo Jesu yaquiro tiquiro ijiato pano tiquiro ijie tirire yahuahye

⁴ Sa ni tuhasaro ohõ saha ni nemoahye tiquiro:

–Wahmũ yũhũ ijie tirire ijipihtiyequina judio masa masine. Ijipihtiye decori yũhũ masa bajuari bato yũhũ ya dihtapure, Jerusalẽpũ gũhare yũhũ ijirire masine tiquina.

⁵ Coã waropure fariseo masũ ijimi. Sa yegũ fariseo masa tiquina dutiyere, tiquina yeye borore ye pehogũ yũhũ ijigũ tiquina masine. Tiquina mũhare yahu duaye, tire yahu masine tiquina.

⁶ Ahri buhirita yũhare yahusã mũjare. Usã ñecusũmũa iji turiayequinare “Yari-ariquinare masoutja”, Cohãcjũ tiquiro ni cũrre “Poto tjire”, yũhũ nidi buhiri ahriquina yũhare yahusã mũjare.

⁷ Yũhũ acaye judio masa ijipihtiyequina doce cururi cjẽna Cohãcjũ masare tiquiro masoatire bucue, cohteducure. Sa ye Cohãcjũre ño peoducure. Sa cohteducuyequina ijie usã yero saha yere tiquina. Pũhto Agripa, sa ihcãno saha yena usã ijiepegũta tiquina pehe tiquiro masoatire yũhũ cohteri buhiri yũhare yahusã mũjare judio masa.

⁸ ¿Mũsa judio masa pehe dũhse yena Cohãcjũ tiquiro masorire tiquina yahugũ tũho duerajari mũsa, judio masa? ni yahuahye Pablo.

Pablo Jesu yequinare tiquiro ñano yee tirire yahuahye Agripare

⁹ Sa ni tuhasa ohõ saha ni yahu nemoahye:

–Jesure Nazare cjũnore ihñedarĩgũ, ñaãe dihtare ye duami tiquiro yequinare.

¹⁰ Sa yegũ Jerusalẽpũ sa yee timi yũhũ. Pahia pũhto yũhare tiquina dutiri bato peyequina Jesu yequinare peresu yee tii. Sa yegũ pũhto tiquinare wejẽ dutigũ, wejẽ dutii yũhũ gũhũ.

¹¹ Peye tahari ijipihtiye judio masa buheye wũhũsepũ Jesu yequinare ñano ye dutie tira. Sa yegũ Jesu yequina Jesure tiquina cohãgũ ye duagũ nimi. Tiquina mehna tutuaro usuũ yũhũ. Sa yegũ apeye macaripũ gũhare tiquinare ñano yegũ esae tii yũhũ, ni yahuahye Pablo.

Pablo Jesu yaquiro tiquiro waharire yahuahye

(Hch 9.1-19; 22.6-16)

¹² Sa ni tuhasa ohõ saha ni yahu nemoahye:

–Damascopũ Jesu yequinare ñano ye duagũ esami. Tiquinare ñano yũhũ ye duagũ ihñaãe pahia pũhto yũhare waha dutiri.

¹³ Ohõ saha ijiri pũhto Agripa: Coheri pje ijigũ waro mahapũ yũhũ wahagũ uhmũano cjẽ asi siteye, asũ deco cjãno yũhdũoro, yũhare yũhũ mehna wahayequina gũhare asi siteri.

¹⁴ Usã ijipihtina yehpapũ bora quehe sa, judio masa ye mehna yũhare tiquiro yahuducugũ tuhõ. “¿Saulo, dũhse yegũ mũhũ yũhare ñano yeajari? Mũhũ yũhũ mehna usuagũ yũhare yũhtieragũ, mũhũ basi ñano yũhdũre”, nidi yũhare.

¹⁵ “¿Pũhto, noa boro ijiajari mũhũ?” ni, sinituu yũhũ. “Yũhũ Jesu, mũhũ ñano yehõhriũ ijiaja.

¹⁶ Wahcãducaya mũhũ. Mũhare yũhũ cahacjũ ijiajũ yegũ tagũ, yojopũ bajuaja yũhũ. Miare yũhare mũhũ ihñarire, came mũhare yũhũ ihñõati gũhare apequinare yahugũta mũhũ.

¹⁷ Judio masare, judio masa ijieyequina gũhare mũhare buhe dutiga ohogũtja. Tiquina cahapũ mũhũ ijigũ, mũhare tiquina ihña tuhtigũ mũhare yedohogũtja.

¹⁸ Yeere tiquinare masigũ yeya mũhũ. Sa yegũ tiquinare ñaãene duhgũ yeya. Quehnoãne pehere comesagũ yeya tiquinare. Watĩnore cahmedagũ yeya mũhũ. Sa yegũ Cohãcjũ ye pehere yegũ yeya mũhũ tiquinare. Mũhũ sa yegũ tiquina yũhare wacũ tutuæta. Tiquina sa wacũ tutuagũ ihñagũ tiquina ñaãe yerire boutja. Sa ye tiquina Cohãcjũ tiquiro beseriquina mehna cjẽna ijietã. Tiquiro ohoatire cõoatiquina ijietã tiquina”, nidi Jesu yũhare, ni yahuahye Pablo.

Pablo tiquiro yerire tiquiro dahrayere yahuahye

¹⁹ Sa ni tuhasa ohõ saha ni yahu nemoahye:

–Pũhto Agripa, uhmũano cjẽ yũhũ tuhoyere yũhdũducæra.

²⁰ Damascopũ buhe mũhtaũ. Came Jerusalẽpũ buhei tja. Came Judea yehpapũ, judio masa ijieyequina cahapũ gũhare masare tiquina ñaãe yerire bujũa witi dutii, Cohãcjũ yere cahme dutigũ. “Quehnoãne masa yegũ ihñaãe ñaãene mũsa bujũa witiire apequina masieta”, nigũ, tiquinare quehnoãne ye dutigũ buhei.

²¹ Cohãcjũ ya wũhapũ yũhũ ijigũ yũhũ sa ni yahuri buhiri judio masa yũhare ñehe, wejẽ duamedi.

²² Tiquina sa yepegũta decoripe Cohãcjũ tiquiro yedohoro mehna sa buheducuaja. Sa yegũ yojopure mũsa ijipihtina pũhtoare, ihyo ijina gũhare tiquiro yere yahugũ

niaja. Panorᵐ cĵēna Cohācĵū yere yahu m̄htariquina, Moise mehna tiquina yahuyuriro sahata yahuaja yᵐhū gūhū. Ohō saha ni yahuyuahye tiquina.

²³ “Cristo Cohācĵū ohoriquiro pehe ñano yᵐhd̄urota. Sa yero yariaro masa m̄ĵa m̄htariquiro waharota tiquiro. Sa yero masare tiquiro yᵐhd̄uoatire judio masare, judio masa ijleyequina gūhūre masigā yerota”, ni yahuyū oĵoae tiahye panorᵐ cĵēna. Yᵐhū gūhū tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagū ye duamahye

²⁴ Tiquiro sa ni yahuri bato Festo tiquirore tutuaro sañuducu yahuducuahye: —Pablo, m̄hū t̄ho masiegū ijire. M̄hū peye buhegū cohto tia wahare, ni sañuducuahye tiquiro Pablore.

²⁵ Tiquiro sa nigā t̄horo Pablo yᵐhtiahye Festore:

—P̄hto, t̄ho masiegū ijieraja yᵐhū. Yᵐhū yahuyē ijirota ijire. Sa yegū yᵐhū ahrire cua pesaro mehna quehnoano niaja.

²⁶ P̄htoro Agripa pehe ahri yᵐhū yahurire quehnoano masine. Sa yegū yᵐhū tiquirore cuero marieno yahuaja. Ahri yahuyere ijipihtiyequina masa masine. Sa yegū ijipihtiyē ahrire yᵐhū nidire p̄htoro Agripa tiquiro masigā masiaja yᵐhū, niahye Pablo Festore.

Sa ni tuhasa ohō saha niahye Agripare:

²⁷ —P̄hto Agripa, Cohācĵū yere yahu m̄htariquina tiquina yahue tirire t̄hore m̄hū. Tiquina yahue tirire m̄hū t̄hogū masiaja yᵐhū, niahye Pablo Agripare.

²⁸ —ĴAhrire yᵐhūre yahugū mehenogā m̄hū yahuyē mehna Jesu yaquiro yᵐhū wahagū ye duagu niajari m̄hū? niahye Agripa Pablore.

Tiquiro sa nigā Pablo yᵐhtiahye:

²⁹ —Mehenogā yahuducugū o yoari pje yahuducugū m̄sa ijipihtinare “Yᵐhū ijiro sahata Jesu yequina iĵahro”, ni sini basaja Cohācĵūre. Sa siniepeguta yᵐhū yero saha peresupᵐ m̄sa ijigū cahmedaja yᵐhū, niahye Pablo Agripare.

³⁰⁻³¹ Tiquiro sa nidi bato Agripa, Festo, Berenice ijipihtiyequina apequina mehna wahcāduca, wijia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ĴSa yena mari yabe buhiri tiquirore wejēboagari? ni, yahuducuahye tiquina basi.

³² —Ahriquiro “Ijipihtiyequina p̄htorore César pehere yᵐhū yerire yahu duaja”, tiquiro niedagū mari wioboaya tiquirore peresupᵐ ijiriquire, niahye Agripa Festore.

27

Pablo tiquirore tiquina yahusārire Romapᵐ yahuro wahahye

¹ Pablöre Italiapᵐ yucusa mehna ohoye tehe, tiquirore apequina mehna tiquina peresu yeriquina mehna Julio wame tiriquire mehna cūri tiquina. Julio cien surara p̄htoro ijiro, tiquiro ya curua “Augusto yequina surara”, wame tiri.

² Sa yena Adramitio wame tiro cĵāria yucusapᵐ saĵāu usā. Tia Asiapᵐ wahatia ijiri. Saĵā tuhasa, tia mehna wahau. Aristarco Tesalónica wame tiri maca cĵāno usā mehna wahari. Tesalónica Macedonia yehpapᵐ ijire.

³ Ape decopᵐ usā Sidōpᵐ esau. Topᵐ esaro Julio Pablöre quehnoano yeri. Sa yero Pablöre tiquiro mehna cĵēna cahapᵐ ihñano waha dutiri. Sa yero Pablo mehna cĵēna tiquirore tiquiro cahmeñene tiquina ohogū “Quehnoanota”, nidi Julio.

⁴ Yucusa mehna usā pehāgū tutuaro wiñono usāre ape siepᵐ wēdoque pehōri. Sa yena Chipe wame tiri n̄c̄uo cahmotaropᵐ poto pehepᵐ wahau usā.

⁵ Tee Ciliciare yᵐhd̄ua, Panfilia gūhūre yᵐhd̄ua, Mira wame tiri macapᵐ Licia yehpapᵐ ijiri macapᵐ pehā sau.

⁶ Topᵐ esana, Alejandriapᵐ ahtariare, Italiapᵐ wahatiare yucusare bocaᵐ. Sa yero usāre tiapᵐ waha dutiri surara p̄htoro.

⁷ Peyē decori dero dero waha, “Wape c̄uo yᵐhd̄uare”, ni, waha, Gnido wame tiri maca potopᵐ esau usā. Topᵐ esa yᵐhd̄ua, wiñono tutuaro wēgū, usā waha duariporᵐ usāre wē ohōedari. Sa yena usā cū pehe pehepᵐ majare pehā wahau. Sa yena Creta wame tiri n̄c̄uo cahmotari pahrē pehe usā pehā waha, Salmón wame tiri ñoare yᵐhd̄ua wahau usā.

⁸ Topᵐ yᵐhd̄u, ti n̄c̄uo d̄htu cahapᵐ waha, “Wape c̄uo yᵐhd̄uare”, ni, waha, Quehnoari petamaha wame tiropᵐ wahā sau. Petamaha Lasea wame tiri maca cahapᵐ ijiri.

⁹ Topᵐ yoari pje usā ijiri bato, usā wahato pehe cua yᵐhd̄uari. Sa yero tiquina sijiri deco bose deco yᵐhd̄ari bato, Pablo tiquinare yahuri:

¹⁰ —T̄hoya m̄sa. Sijiri deco bose deco bato mari wahagū marine minino cua yᵐhd̄uare. Ahria yucusa, yucusa cĵē, m̄sa doeri cĵē gūhū mari mehna cĵēna gūhū mari butiboaga mari wahana, nidi Pablo.

¹¹ Tiquiro sa niepegūta surara p̄htoro yucusa up̄orore t̄horo, ohoturiquiro gūhūre t̄horo, Pablo yahuyē pehere t̄ho duerari waha duaro.

¹² Tiquina pahsari petamaha quehnoari petamaha pohecū ijigū tiquina pahsari petamaha ijierari. Sa ijiri petamaha ijigū

yucusa cjēna peyequina waha dua, Fenicepū yojoa duamedī. Fenice Creta wame tiri nūcso cjā petamaha ijiro, wihnono ahtaro pehe, asū sajāno pehe cū pehe pehepū, poto pehepū gāhure ihñadoqueo, wihnono ahtagā quehnoano cahmotari maca ijiri. Sa ijiri petamaha ijigū masiñe tiquina topū ihcā pohesū iji duamedī.

Pajiri mapū wihnono, acoro mehna pajiro wē cāhtahye

¹³ Sa ye sur pehe derogā wihnono ahta dūcari. “Miare quehnoari deco mari wahati deco ijire”, ni tuhotumahye tiquina. Sa wihnono wēgū yucusa mehna waha dūca, Creta nūcso duhtū cahagā yojoaū asā.

¹⁴ Sa yojoaepēgūta came cjūno wihnono noreste wame tiri wihnono tutuaro wēdi.

¹⁵ Sa yero yucasare wihnono tutuaro wahā wihiri. Wihnono ahtaro pehere waha masiedana, majare paha, wihnono wēonopū wahau asā.

¹⁶ Cauda wame tiri nūcogā cahapū sur pehepū waha, ti nūcogā asāre mehenogā cahmotari. “Marine wape cūo yuhduare”, nina tore pajiria yucusa cjāria meheniagā yucasagāre quehnoano weje peo duhteī asā.

¹⁷ Tiagāre yucasapū asā weje peo duhteri bato pajiria yucasapū pajiri da mehna tiquina wahme ñehe peori. Sirte wame tiri padurore “Tia yucusa doque wahā sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucusa dihitare wihnono wēdoqueori.

¹⁸ Wihnono, acoro mehna tutuaro ahtari. Ape deco gāhure wihnono mananota ahtagā ihñañe tiquina doeri cjēne diapū duredoque ño tuhasa, pehāa wahau asā.

¹⁹ Ape deco yucusa cjēne diapū cohāri tiquina basi.

²⁰ Peye decori ñicuñe decori ijigū, asū deco cjūno ñahpicoha paca gāhu ne bajuerari. Sa yero tutuaro wihnono wēdi. Sa yena “Minia wahaja mari. Sa yena yariaa wahanata”, ni tuhotumi asā.

²¹ Sa ye tiquina yoari pje tiquina sijiri bato Pablo tiquina poto ducu, yahuri tiquinare:

–To pano musare yuhū yahugū tuhoerari musa. “Cretapū ijinina mari wahagū cuariaga”, yuhū nigū tuhoerari musa. Yuhūre tuhona, ahria cjē ijipihtiyere boeraboaya musa.

²² Sa niepegūta yojopū musare yahuaja. Cueracāhña. Ijipihtina mari yuhdunata. Ahria yucusa dihita marine wahtia waharota.

²³ Mía ñamine Cohācjū yaquiro angel yuhūre bajuari. Cohācjū yaquiro ijiaja yuhū. Sa yegu tiquirore ño peoaja yuhū. Angel pehe yuhū cahapū ahtaro, yahuri.

²⁴ “Pablo, cueracāhña. Ijipihtiequina puhtore mehū yere mehūre yahuro

cahmene. Cohācjū quehnoariquiro ijire. Sa yero tiquirore mehū sinidiro sahata yojopure mehū mehna cjēna gāhure yedohorota”, nidi yuhure angel.

²⁵ Sa yena cueracāhña musa. Angel yuhure tiquiro nidiro sahata waharota. Cohācjūre wacū tutuaja yuhū. Sa yegu tiquiro yahuri sahata “Ijirota ijire”, ni tuhotuaja yuhū.

²⁶ Yuhū sa niepegūta marine nūcsoyū wihnono wēdoque ohōnota, ni yahuri Pablo tiquinare.

²⁷ Ihcā ñami pūa semana bato pajiri ma Adria wame tiri mapū wihnono usāre tutuaro wēdi. Ti pjere ñami decopū yucusa cjēna amua pehe “Duhtū cahapū ijiaja mari”, ni tuhoturi tiquina.

²⁸ Sa ni tuhotuye nūcūria comea yuta da mehna duhte, duhudoque dijio, queori. Treinta y seis metro waro uhcūāri. Mehenogā waha, queori tja. Ti pjere veintisiete metro waro uhcūāri.

²⁹ Sa ye utā pacare “Doque wahā sari”, niñe yucusa ohoturopū pititia pjine duhte pohoye pjine duhudoque dijiori diapū. Sa ye “Sojaro mehna bohreahro”, ni, tutuaro sinidi tiquina.

³⁰ Yucusa cjēna amua pehe duhtimedī. Tiquina meheniagāre yucusa cjāriare diapū weje boro poho, yucusa ehquēapū duhte pohoye pjine tiquina dijiori sahata yeri tiquina meheniagāre “Marine ihñari”, niñe.

³¹ Tiquina sa yepegūta Pablo surara puhtore, tiquiro yequina surara mehna yahuri:

–Ahriquina amua meheniagā yucusa mehna tiquina wahagū musa ijipihtina yarianata, nidi Pablo.

³² Tiquiro sa nigū tuhoye surara pehe meheniagāre duhteye darire yuhre sure, tiare cohāri.

³³ Bohreato panogā Pablo tiquinare tutuaro ihya dutiri:

–Pūa semana waro musa duhse wahatire masi duana, cohtena, ne ihyerari musa.

³⁴ Sa yena yojopure ihyana taya. Tutuaro musare ihya dutiaga. Musa cati duana ihyaya. Ijipihtina musa yuhdunata, nidi Pablo tiquinare.

³⁵ Tiquiro sa nidi bato Pablo pāre ne, ijipihtiequina tiquina ihñonopū Cohācjūre “Quehnoare”, ni duhu peo, tire ihya dacari tiquiro.

³⁶ Tiquiro sa ihyagū ihñañe tiquina cuero marieno waha, ijipihtiequina tiquina gāhū ihyari.

³⁷ Usā ijipihtina doscientos setenta y seis masa yucasapū ijii asā.

³⁸ Tiquina ijipihtiequina yapia waha “Ahria yucusa nūca niaga”, ni, peye trigo ihyayere diapū cohāri.

Yucusa paduroꝝ doque quehe sahye

³⁹ Bohreagū yucusa cjēna ꝯꝯꝯ ꝯꝯꝯ ihñañe, “Ohō saha wame tiri ꝯꝯꝯ ijire ahri ꝯꝯꝯ”, ni, ihña masiedari. Sa masiedapeta tiquina pari tucūꝝ paduro ijigū ihñañe, “Mari ti tucūꝝ wahana, torꝯe doque pje saboaga paduroꝝ”, nidi tiquina.

⁴⁰ Sa niñe duhte pohoye pñjine duhtey darire yuhre sure dijioahye. Ohoturi pji duhtey dari gūhare yuhre sure cāri tiquina. Tiquina sa yeri bato yucusa ehquēa cjā suhtirore wahcō docori, poto wihnono wēdoqueogū cahmeñe.

⁴¹ Sa yepegāta yucusa ehquēa pehe ape paduroꝝ quehe sa, nuñua masiedari. Sa yero ohoturore tutuaro pahcōri quē ohōꝝ tia ohoturo wahtia wahari.

⁴² Tia sa wahagū ihñañe ohō saha nidi surara:

—Ahria minigū mari peresu yeriquina duhtu caharu ba nuñua duhtieta. Sa yena tiquinare wejē pehouhna, nidi surara.

⁴³ Sa niepegāta surara puhtoro pehe Pablore wejē dueraro, ijipihitiyequina peresu ijieyequinare wejē duerari. Sa yero ijipihitiyequina ba masiñequinare surara puhtoro poto duhtu caharu ba nuñua dutiri.

⁴⁴ Sa ye ayequina yucusa cjē pñjini wahti siteri pñjini mehna bora ñojoa, ti pñjini bui pesa ba nuñuari. Usā sa yena usā ijipihitina duhtu caharu wahā sau.

28

Pablo Malta wame tiri ꝯꝯꝯꝯ ijiahye

¹ Sa ye ti ꝯꝯꝯꝯ usā ijipihitina majadaca sana, ti ꝯꝯꝯꝯ wamene masii. Malta wame tiri ꝯꝯꝯꝯ ijiri.

² Ti ꝯꝯꝯꝯ cjēna masa usāre quehnoano yeri. Sa yena usā acoro weri bato yusua yuhduari usāre. Sa ye to cjēna pehe peca wijia tuhasa, usāre sohna dutiri.

³ Pablo pecare ne cāhta, tu tiāri. Tiquiro tu tiāri bato ti peca puhiaru sañariquiro aña tutuaro asigū wijia taro, Pablo omocarꝯ bahque wahā sari yaha wero marieno.

⁴ Tiquiro bahque wahā sagū ihñañe ti ꝯꝯꝯꝯ cjēna tiquina basi ohō saha ni yahuducuri:

—Ahriquiro masa wejēdiquiro ijiboaga. Sa yero tutuaricoro buhiri dahrericoꝝ ꝯꝯꝯꝯ cjōno tiquirore buhiri dahrero, cati dutierare. Tiquiro pajiri marꝯ minino yuhdu tuhassari jimedi. Yojoꝝꝯ ticoro pehe tiquirore cati dutierare, nimesi tiquina basi.

⁵ Sa niepegāta Pablo añare pecaru wejē sitedoqueori. Tiquirore aña puriedari.

⁶ “Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore puriedari. Yoari pje bato tiquirore ipieragū

ihñañe, tiquirore puriedagū ihñañe, sijoro tuhoturi tiquina. “Ahriquiro cohāmana mehna cjāno ijiboaga” nimesi tiquina.

⁷ Tiquina ba wahā sariro cahagāꝝ Pablo wame tiriquiro ye weseri ijiri. Tiquiro ti ꝯꝯꝯꝯ cjāno puhtoro ijiri. Sa yena usāre tiquiro quehnoano yegū ihtia deco waro tiquiro ya wuharu ijini usā.

⁸ Pablo pacaro yojoa mehna, ujuaye dohatiriquiro ijiri. Sa yero tiquiro cuñanoru cuñari. Sa yero Pablo dohatiriquiro ya tucūꝝ sajā, Cohācjäre sini, tiquiro omocarine tiquiro bui duhu peo, quehnoa wahagū yeri tiquina.

⁹ Tiquiro quehnoa wahagū ihñañe ijipihitiyequina ayequina ti ꝯꝯꝯꝯ cjēna dohatiyequinare Pablo caharu ne cāhtari. Tiquina sa ne cāhtagū ihñano Pablo quehnoa wahagū yeri tiquina gūhare.

¹⁰ Came tiquina peyequina usāre wapa marieno ohoꝝ. Usā wahato panogā ijipihitiye usā cahmeñene, usā wahana ihyatire yucusaru dure sāri tiquina.

Pablo Romaru esahye

¹¹ Ihtia asū ti ꝯꝯꝯꝯꝯ usā ijiri bato yucusa mehna wahau usā. Tia yucusa ehquēaru puaro cohāmana Cástor, Pólux wame tiyequina tiquina queoye ducuri. Alejandriaru ahtaria ijiri tia. Pohecꝯ ijiro puno ti ꝯꝯꝯꝯꝯ tia yucusa pahsari.

¹² Waha, Siracusa wame tiri macaru esana, ihtia deco waro ti macare ijii usā.

¹³ Ti macare wijia, waha, Regio wame tiri macaru usā esau. Ape decoru surꝯ wihnono ahta, usāre wēdoqueori. Pua deco bato Puteoli wame tiri macaru esau.

¹⁴ Torꝯ Jesu yequina meheñequinagā usāre piti cari.

—Ihcā semana waro usā mehna tojoaya, nidi tiquina usāre.

Tiquina sa nigū tuhona ihcā semana waro tiquina mehna tojoarñi. Came maharu maja, Romaru esau usā.

¹⁵ To cjēna Jesu yequina pehe Romaru usā esatire tuhoye, Apio wame tiropꝯ doeri cjēne duaropꝯ usāre piti cari. Ayequina Jesu yequina ihtia wuhu wame tiropꝯ usāre piti cari. Tiquina sa piti cagū ihñano Pablo bucueye mehna Cohācjäre “Quehnoare”, ni, quehnoano jeri sāa wahari.

¹⁶ Romaru usā esari bato peresu tiquina yeriquinare to cjanore peresu cohteyequina puhtoroꝝ yahuri. Sa yahuepegāta Pablo pehere ihcāquirota cūri to cjēna puhtoa. Sa yero tiquirore ihcāquiro surara cohteri.

Pablo Romaru buheahye

¹⁷ Ihtia deco bato Pablo judio masa puhtoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Yuhu acaye, mari acayere, mari ñecusumua panopu cjēna tiquina yee tirire, marine tiquina buheri gāhure yuhdudacaera tii yahu. Yuhu yuhdudacaerapegāta Jerusalēpu yuhare ñehedi apequna judio masa. Tiquina sa yeri bato Roma cjēnare yuhare peresu ye dutiri tiquina.

¹⁸ Tiquina sa yegū Roma cjēna yuhare sinitu, yuhu ñano yerarigu yuhu ijigū yuhare “Buhiri tiriquire ijire”, ni masiedari. “¿Ne yabe buhiri wejēboagari mari tiquire?” nidi yuhare tiquina. Sa ye yuhare sinituyequina pehe yuhare wio duemeri.

¹⁹ Judio masa pehe yuhare wio dutierari. Sa yegu yuhu acayere judio masare yuhare tiquina yerire yahu duerapegāta “Ijipihitipequina puhtorore yuhu yerire poto yahu duaja yuhu”, ni sinii yuhu. Judio masa yuhare tiquina wio dueragū ihñagu “Romapu yahuro cahmene yuhare”, nii yuhu.

²⁰ Sa yegu masare ahrire yahu duagu pijii. Cristo marine yuhduatiquire judio masa tiquina coheriquire yere yuhu yahuri buhiri yuhu peresupu ijiaja. Sa yegu tire masare yahugu tuhū pijii, nidi Pablo judio masa puhtoare.

²¹ Tiquire sa nigū tuhoye tiquina pehe tiquire yahuri:

—Judio masa muhare quiti yahuyē pūrine usāre ne ohoerari. Sa ye topu ahtariquina gāhu usā acaye usāre muhu sa waharire yahuera tiri. Tiquina “Tiquire ñano yeriquire ijire” ni muhare yahuerari.

²² Tiquina sa yahuerapegāta muhu ya curuare ijipihitiporu masa ñano tiquina yahuducugū usā masiaja. Sa masina muhu buheyere muhu yahugū taho duaja usā, nidi tiquina tiquire.

²³ Sa ni tuhasa, “Ape decopu ijiihna”, nidi tiquina. Ape decopu Pablo mehna cahmecoa muhtariquina yuhduoro masa peyequina tiquire ijioru wihiri. Nami cjūnogā Cohācjū tiquire puhtoro ijiyere quehnoañe buheyere tiquire buhe dāca, tee ñamipu buhe duhuri. Cohācjū dutiyere Moisepare tiquire cūrire, Cohācjū yere yahu muhtariquina tiquina ojoari gāhure buheri. Sa buhero, tiquinare Jesure masigū ye duaro nimedi Pablo.

²⁴ Ihquēquina tiquire buherire cahmedi. Sa cahmepegāta apequna pehe taho duerari.

²⁵ Sa ye tiquina basi puha curua tu wa, wahaye tee nidi. Tiquina wahato pano Pablo Isaia tiquire yahuducurire yahuri. Ohō saha nidi tiquinare:

—Isaia Cohācjū yere yahu muhtariquire tiquire yahuri ijirota ijire. Mari ñecusumua muna iji turiayequinare yahuro taro

Espiritu Santo Isaiare ohō saha ni yahu ojoa dutiahye:

²⁶⁻²⁷ Ahrire ahriquinare yahugu wahaya: “Dapu paca butina ijire masa. Sa yena yeere taho duerare masa. Cahmo coperi susueyequina yero saha taho duerare masa. Sa yena yeere tahoopenata tuhosi masa. Masa sa ijierana quehnoano tuhoboaya masa. Sa yena quehnoañe pehere comesaboaya masa. Sa yegu masare pecapu wahaborinare yuhduoboaya yuhu”, nidi Cohācjū, ni ojoahye Isaia, nidi Pablo tiquinare.

²⁸ Tiquire sa nidi bato Pablo yahu nemori:

—Ahrire masiña masa. Cohācjū ye buheyere masare tiquire quehnoano yuhduoyere judio masa ijieyequinare buhenatja usā. Tiquina pehe tahoeta, nidi Pablo judio masare.

²⁹ Tiquire sa nigū tuhoye judio masa tire tiquina basi tutuaro cahme dāse tini wia, wijiari.

³⁰ Puha cahma waro Pablo apequna wāsori wuhapu, tiquire ijie wapa wapa yeati wuhapu ijiri. Topu ijiro, ijipihitipequina ti wuhapu wihieyequinare bucueye mehna piti cari tiquire.

³¹ Sa yero tiquire cuero marieno Cohācjū puhtoro ijiyere, mari puhtoro Jesucristo ye gāhure buhee tiri. Tiquire sa buhegū ne apequna tiquire “Buheracāhña”, nieda tiri.

Romanos

Pablo Roma cĵenare Jesu yequinare oĵoa ohoahye

¹ Yuhũ Pablo musare Roma cĵanare oĵoa ohoaja. Yuhũ Cohãcĵũ cahacĵũ ijiaja. Sa yero quehnoañe buheyere buhe dutiro yuhũre cũri tiqũiro.

² Ti buheyere quehnoañe buheyere panopũ Cohãcĵũ “Yahugũ tũũ niaja”, nie tiahye. Tiqũiro sa ni yahuriro sahata tiqũiro yere yahu mahtariquinare panopũ cĵenare tiqũiro yahuatire tiqũiro ya pũpũ oĵoa dutiahye.

³ Ti buheyeta tiqũiro macũnore yahuye ijire. Tiqũiro masũno waro ijiro taro Davi munano panamino iji turiariqũiro ijiahye tiqũiro.

⁴ Jesucristo mari puhtoro Cohãcĵũ macũno ñaÑe marieniqũiro tiqũiro ijiyere ohõ saha ihũoahye Cohãcĵũ. Tiqũiro yariari bato Cohãcĵũ tutuaye mehna tiqũirore masa wi-jiagũ yeahye. Sa yero Jesucristo potota Cohãcĵũ macũno tiqũiro ijiyere ihũoahye Cohãcĵũ masare.

⁵ Tiqũirota usãre paja ihũano usãre tiqũiro yere buhe dutiro ohori ijipihtiyequina Jesucristore wacũ tutua tiquina ño peoatire.

⁶ Sa yero masa gũhũre Jesucristo yequina iĵianare beseahye tiqũiro.

⁷ Musare, Cohãcĵũ cahĩnare, Roma cĵanare, tiqũiro yequina iĵianare yeri musare tiqũiro. Musare ijipihĩnare ahri pũre oĵoa ohoaja. Sa yegu Cohãcĵũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiaja masa.

Pablo Romapũre ihũano waha duaro nimahye

⁸ Ahrire yahu mahtautja musare: Ijipihĩye macari cĵena Jesucristore masa wacũ tutuarire masa yahuri yuhũre. Tiquina sa ni yahugũ tuhogu “Quehnoare”, niaja Cohãcĵũre. Jesucristo yedohoro mehna sa ni sini basaja. Cohãcĵũre sini basagũ musare sa sini basaducuaaja.

⁹ Yuhũre tiqũiro dutigũ tiqũiro macũno ye buheyere quehnoañe buheyere tutuaro buhegũ tiqũiro cahacĵũta ijiaja yuhũ. Sa yero musare Cohãcĵũre yuhũ sa sini basaducugũ tiqũiro masine.

¹⁰ Sa sini basagũ Cohãcĵũ cahmegũ yojopũ pũritare masa cahapũ yuhũ ihũan wahatore siniaja. Yoari pje musare ihũa duagu yuhũ wahatire cohteĩ ye cãmaja yuhũ.

¹¹ Cohãcĵũ yere musare buhe duaja Jesure masa wacũ tutua nemoatire. Sa yegu musare tutuaro ihũa duaja yuhũ.

¹² Jesure wacũ tutuaja mari. Sa yegu musare ihũa duaja Jesure mari wacũ tutuaye mehna pũa peheri mari cahme bucuegũ yeatore.

¹³ Yuhũ acaye, ahrire masa masigũ cahmeaja. Quehnoañe buheyere yuhũ buheri bato apequina masa acaye judio masa ijieyequina Jesure wacũ tutuari. Sa yegu peye tahari masa cahapũ waha duami apequina Jesure tiquina wacũ tutuariro sahata masa mehna cĵena gũhũ tiquina wacũ tutuatire. Sa waha duepegũta waha masiedũ yuhũ.

¹⁴ Ijipihtiyequinare quehnoañe buheyere buhero ijiro nine yuhũre. Pecasãre, pohteri cĵẽ gũhũre, masiñequinare, masieñequina gũhũre buheacĵũ iĵiita niaja yuhũ.

¹⁵ Sa buheacĵũ ijigu musare Roma cĵanare quehnoañe buheyere tutuaro buhe duaja.

Quehnoañe buheyere masa tuhoye Jesure wacũ tutua dũcare

¹⁶ Quehnoañe buheyere tuhoye Jesure wacũ tutua dũcare masa. Sa yero ijipihĩyequinare Jesure wacũ tutuayequinare Cohãcĵũ tutuaye mehna pecapũ waha-boriquinare yuhũdũore. Tiquina sa yuhũdugũ masigũ ti buheyere quehnoañe buheyere buhegũ buoro yuhũdũeraja. Ti buheyere judio masa pehere buhe mahtari jiri Jesu gũhũ. Tiquina buheri bato judio masa ijieyequina gũhũre usã buhei.

¹⁷ Ti buhoye ohõ saha ni yahure: Jesure wacũ tutuayequinare “Quehnoañequina ijire”, ni, ihũare Cohãcĵũ. Tiqũirore wacũ tutua dũcayequinare sata ni ihũare Cohãcĵũ. Tiqũiro sa ni ihũari bato tiqũirore wacũ tutuaducure tiquina. Ahri panopũ tiquina ni oĵoariro sahata ijire: “ ‘Quehnoañequina ijire’, tiqũiro ni ihũañequina Cohãcĵũre wacũ tutuayequinata ijire. Sa wacũ tutuaye, ijipihĩye decori Cohãcĵũ mehna sa iĵiducuetã”, ni, oĵoahye.

Masa tiquina ñaÑe yeri buhirire yahuahye Pablo

¹⁸ Cohãcĵũ uhmũsepũ ijiriqũirore masa tiquina yuhũdũdũcarire, tiquina ñaÑe yeri gũhũre ihũano, tiquina sa yeri buhiri usuare. Tiqũiro sa usarire masigũ yere tiquinare. Masa tiquina ñaÑe yeye mehna apequinare quehnoañe buheyere tuhøeragũ yere tiquina pehe.

¹⁹ Tiqũiro basi tiqũiro ijieye tiyere masigũ yeahye Cohãcĵũ. Tiqũiro sa yegũ Cohãcĵũre masigũ mijoedare masare.

²⁰ Cohãcĵũ uhmũse cĵano tiqũiro ijiyere, tutuariqũiro tiqũiro ijieye gũhũre mari ihũedapegũta tiqũiro basi tiqũiro ijiyere marine masigũ yere tiqũiro. Ahri yehpare tiqũiro bajumehnedi bato ijipihĩye tiqũiro bajumehnedire ihũañe “Cohãcĵũ tiqũiro yeri ijire ahri”, niÑe, Cohãcĵũ tiqũiro ijieye

tiyere masine masa. Sa ye masa Cohăcĵăre masiepetă sa ņăñene yeducuye, buhiri tire. “Muhare masiedu. Sa yegu ņăñene yel”, ni masisi Cohăcĵăre.

²¹ Sa ye Cohăcĵă tiqiro ijiye tiyere masiepetă tiqina tiqirore ño peoare. Sa ye tiqinare tiqiro quehnoano yepegăta tiqina pehe “Quehnoare”, niedare tiqirore. Sa tuho masieñequina ijiye, ņăñe dihitare tuhoture tiqina.

²² “Tuho masina ijaja”, niepetă tuho masieñequina wahare tiqina.

²³ Sa wahaye Cohăcĵăre sa ijiducuriqirore tiqina ño peoare. Sa ño peoraye, “Cohăcĵă ijire”, tiqina niñe queoye pehere ño peore. Mari masa yarianaja dihită ijaja. Mari sa ijina mari ijiepegăta Cohăcĵăre ño peoyequina pehe masa queoyere yere tiqina. Tiqina sa yeri bato ti queoye pehere ño peore tiqina. Sa ye tja minicĵua queoyere, pinoa queoyere, wahiĵina queoye găhure “Cohăcĵă ijire”, ni ño peo macă căhre tiqina.

²⁴ Tiqina sa yegă ihñano “Tiqina esa tuharo ņăñene yecŭnahdo”, nino Cohăcĵă cohă cări tiqinare. Tiquiro sa cohări bato tiqina ņă yuhduaro cahme yeducure tiqina basi.

²⁵ Sa ye Cohăcĵă ye pehere cahmedaye, ni mehoñe pehere quehnoano tuhore tiqina. Cohăcĵă ye pehere ni mehoñe yero saha ijigă yere tiqina. Potota Cohăcĵă warore ijipihtiyere yeriqirore ño peoducuro cahmene. Sata ijiaĵro. Tiqina pehe tiqirore ño peoare. Sa tiqirore ño peoraye, Cohăcĵă yeri pehere ño peore tiqina. Sata ijiaĵro.

²⁶ Tiqina sa yeducugă ihñano “Tiqina esa tuharo ņăñene yecŭnahdo”, nino Cohăcĵă cohă cări tiqinare. Sa ye tiqina mehna cĵăna numă mană tiyequina numă yero saha ijierare. Sa ye tiqina numă, numă sehşaro ñano yere tiqina paguri mehna.

²⁷ Tiqina yero saha ijieyequina ŭmua găhu tiqina esa tuharo ņă yuhduaro yere tiqina paguri mehna. Sa ye tiqina basita ñano yeri buhiri tiqina paguri pehe ñano yuhdare.

²⁸ Sa Cohăcĵăre tiqina cahmedari buhiri, Cohăcĵă tiqinare cohări. Tiquiro sa cohăgă tiqina pehe ñano wacŭducu, ñano yeducure.

²⁹ Sa ye tiqina tutuaro ñano yeducure. ņăñene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiqina cŭogŭ ihña cooducuyequina, masare wejăñequina, cahme duse tini wiayequina, ni mehoñequina, masare ihña tuhtiyequina, ņăñe quti dahreyequina,

³⁰ apequina tiqina yerapegăta ñano ni yahu wajayequina, Cohăcĵăre ihña tuhtiyequina, apequinare purŭno yăhtiyequina, “Ŭşă pehe masi yăhdădăcăja”, ni tuhotuyequina, apequinare sa ni yahuyequina, apeye ņăñene ye dăcayequina, tiqina pacăşumăare yăhtiyequina,

³¹ tuho masieñequina, tiqina nino saĵata yeeyequina, masare ne cahăñequina, tiqina basi cahme pihopŭri duhuyequina, ne paja ihñăñequina ijire tiqina.

³² Sa ñano yeducuyequinare Cohăcĵă pecapŭ cohănota. Tiquiro sa cohătire masiepetă tiqina ti ņăñene sa yeducure. Sa ye apequina tiqinare ihña cŭ tiqina yero saĵa ñano tiqina yegă ihñăñe, “Ŭşă yero saĵa yere”, ni bucuere.

2

Masare buhiri dahre dutiro tire mehono marieno potota yerota Cohăcĵă

¹ “Tiqina ņă yăhdăyeyequina ijire”, ni yahu wăjaeracăhña apequinare. Musa găhu tiqina yero saĵa yere. “ņăñene yeraja. Sa yena ņăñe buhiri mariedaga”, ni masiedare masa. Sa yena ijina tiqinare yahu wajana ijina, masa basi buhiri dahre dutina niaga.

² Sa yena ņăñe yena ijiepenata masa yahu wajagă masa găhure Cohăcĵă buhiri dahrerota. Potota queoro tiqiro buhiri dahregŭ masiaĵa mari.

³ Apequinare “Buhiri tieta”, ni yahu wajana masa ijigă masa găhure buhiri dahrerota. Sa yena “Ŭşăre buhiri dahresi”, ni tuhotuboaga masa. Ijierare. Musa găhure buhiri dahrerota tiqiro.

⁴ Musa ñano yepegăta Cohăcĵă masare paja ihñano duita buhiri dahrerare. Sa yena “Cohăcĵă yăhu mehna usuasi”, ni tuhotuboaga masa. Ijierare. Cohăcĵă masare paja ihñano, duita buhiri dahrerare masa ņăñene buĵua witigă ihña duaro, tiqirore masa yăhtigă cahmeno.

⁵ Sa buhiri dahre dueraperota masa Cohăcĵăre yăhti dueragă, masa ņăñe yerire buĵua witiĵeragă, buhiri dahrerota masare. Buhiri dahriĵe deco pano masare tiqiro buhiri dahreboriro yăhdăoro ti deco waropăre ñano masare buhiri dahrerota Cohăcĵă. Ni mehono marieno buhiri dahrerota.

⁶ Sa yero ijipihtiyequinare tiqina ñano yeri buhiri buhiri dahrerota Cohăcĵă. Sa yero quehnoañene tiqina yeri wapa quehnoano yerota masare.

⁷ Ihquăquina quehnoañene yeducuyequina ijire. Tiqina quehnoañene ye duayequina, Cohăcĵăre quehnoano bucuĵe ye duayequina, ijipihtiyē decori Cohăcĵă mehna iĵi duayequina ijire. Tiqina

pūritare decoripe tiqairo mehna ijigū yerota Cohācjū.

⁸ Apequina pehe tiquina yero saha ijierare. Tiquina esa tuharo yeyequina ijire. Cohācjū yere cahmedare. Tiquina mehna Cohācjū tutuaro usuarota.

⁹ Ijipihtiequina űano yeriquina űano yahdueta. Judio masare sata waha muhtanota. Sa ye judio masa ijieyequina gūhare sata waharota.

¹⁰ Ijipihtiequina quehnoañene yeyequina pehere Cohācjū “Quehnoare”, ninota. Sa ye masa tiquinare űo peoeta. Sa yero tiquinare quehnoano ijigū yerota Cohācjū. Judio masare sata waha muhtanota. Sa ye judio masa ijieyequina gūhare sata waharota.

¹¹ Cohācjū mari yerire ihñano queoro besere ijipihtinare, űana, quehnoana gūhare.

¹² Apequina Cohācjū Moisere tiqairo dutirire masieñequina tiquina ijiepegūta űañene tiquina yegū, buhiri dahrerota Cohācjū tiquina gūhare. Sa yero ti dutiyere cuoyequina űañene tiquina yegū ti dutiyere tiquina yahduđucari buhiri buhiri dahrerota Cohācjū.

¹³ Cohācjū dutiyere tuhoepeta yuhtieyequinare “Quehnoañequina ijire ahriquina”, niedare Cohācjū. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohācjū.

¹⁴ Judio masa ijieyequina Cohācjū Moisere tiqairo cūri dutiye cuoerapeta, tiquina esa tuharo quehnoañene yeye, Cohācjū dutiyere yeye nine. Sa ye Moisere tiqairo dutiyere ojoari pūre cuoerapeta tiquina tuhotuyepu tiqairo ye dutiyere cuore.

¹⁵ Sa ye tiqairo ye dutiyere tiquina tuhotuyepu potota cuore tiquina. Sa cuoye űañene yeye, duita tiquina űañe yerire masine tiquina. Sa yero űañene yeriquiro “¿Duhse ijiro boro űañene yeri yuhū?” ni tuhoture tiqairo. Sa yero quehnoañene tiqairo basi yeri gūhare masine tiqairo.

¹⁶ Sa ye Cohācjū Jesucristore tiqairo ohoati decopu masa tiquina yahu duerarire Jesucristo masi pehoro, tiqairo tiquinare beserota quehnoañequina, űañequina gūhare. Sata tiquina yerire masidiquiro ijiro, beserota tiqairo quehnoañe buhaye ti nino sahata. Ti buheyeta ijire masare yahu buheri.

Cohācjū Moisere tiqairo dutirire yahuahye Pablo

¹⁷ Musa pehe judio masa ijina, Cohācjū Moisere tiqairo dutiyere űo peona ijina, “Cohācjū yequina ijiaja”, ni tuhotumene masa.

¹⁸ Sa yena Cohācjū dutiyere masina ijina, tiqairo cahmeñene masine masa. Sa masina

ijina, “Quehnoañene usā yeatiere bese masi-aja usā”, ni tuhotumene masa.

¹⁹ Sa ni tuhotuna ohō saha ni tuhotu nemore masa: “Apequinare ne masieñequinare quehnoano masigū yeaja usā. Tiquinare usā buheragū ne Cohācjūre masiedaboaga tiquina. Sa ye űañene duheraboaga”, ni tuhotumene masa.

²⁰ Sa yena “Tuho masieñequinare quehnoañene ye dutina, macanagā gūhare buhena ijiaja usā”, ni tuhotumene masa. Sa yena “Cohācjū dutiyere cuona, pota ijiyere masi pehoaja usā”, ni tuhotumene masa.

²¹ ¿Sa yena apequinare buhena ijiepenata, duhse yena masa pehe masa buheriro saha yerajari? ¿Apequinare yaque dutierapenata duhsena masa pehe yaqueajari?

²² ¿Apequiro namono mehna űano ye dutierapenata duhsena masa pehe apequiro namono mehna űano yeajari? “Cohācjū ijire”, tiquina niñe queoyere ihñā yabina ijire masa. Sa ihñā yabina ijina Cohācjū waro pehere űo peona ijimene masa. ¿Sa űo peona ijiepenata duhsena tiqairore quehnoano űo peoerajari masa?

²³ “Cohācjū Moisere tiqairo dutiyere cuoaja usā”, nina ijiepenata ti dutiyere yuhduđucare masa. Sa yuhduđucana Cohācjūre űo peoeragū yena niaga masa apequinare.

²⁴ Sata nine Cohācjū yere tiquina ojoari pūpu: “Cohācjū dutiyere masa yuhduđucari buhiri judio masa ijieyequina pehere Cohācjūre tiquina űano yahuducugū yere masa judio masa”, ni ojoahye Cohācjū yere tiquina ojoari pūpu.

²⁵ “Cohācjū yequina ijiaja”, ni tuhoture ihquēquina judio masa cuhnucunū sohtoa cahserogāre yuhre nenohriquina. Cohācjū yere tiquina yegū judio masa tiquina ijigū quehnoañene. Tiquiro yere tiquina yeragū judio masa tiquina ijieye tiye duhseati ijierare. Yuhre nenohriquina tiquina ijieye tiye gūhū duhseati ijierare.

²⁶ Sa yero judio masa ijieyequina cuhnucunū sohtoa cahserogāre yuhre nemehneñequina tiquina ijiepegūta, Cohācjū dutiyere tiquina yegū ihñano “Yequina masata ijire”, ni ihñare Cohācjū tiquinare. Judio masa pehere tiqairo sa ni ihñaboriro sahata judio masa ijieyequina pehere sa ni ihñare.

²⁷ Peyequina judio masa Cohācjū Moisere tiqairo dutiyere cuoepeta tire yerere tiquina. Sa ye apequina judio masa ijieyequina pehe cuhnucunū sohtoa cahserogāre yuhremehneñequina ijiepeta tiqairo dutiyere yere. Sa yeyequina ijieye judio masa tiquina űano yerire masigū yeye nine.

²⁸ Yojopure judio masuno waro tiqairo ijiyere yahutja masare. Tiquiro cuhnucunū

sohtoa cahserogäre yuhre nenohriquiuro ijieperota Cohäcüre ño peeraro, potota judio masano waro ijierare.

²⁹ Cohäcüre yaquiuro Espiritu Santore caoriquiro tiquiore yuhtiriquiuro tiquiuro tjire judio masano waro. Sa yero tiquiuro cuhnucuna sohtoa cahserogäre tiquiuro yuhre ne cohäriro sahata tiquiuro ñaife yerire duhere tiquiuro. Tiquiro esa tuharo dutiyere yeriquiro ijieraperota Espiritu Santo yedohoye mehna tiquiuro ñaife yerire duhere. Sa ijiriquiore “Quehnoariquiuro ijire”, ni ihñare Cohäcüre pehe. Masa pehe tiquiore tiquina sa niedapegüta, sa nine Cohäcüre pehe.

3

¹ ¿Yahu sa nigü judio masa ijiye tiye ihyo waro ijiajari, masa tuhutugü? Ne ihyo waro ijiro niedare. ¿Cohäcüre judio masare tiquiuro dutiriro sahata tiquina pagarire cuhnucuna sohtoa cahserogäre tiquina yuhre ne cohäife ihyo waro ijiajari, masa tuhutugü? Ne ihyo waro ijiro niedare.

² Judio masa tiquina ijiye tiye ihyo waro ijierare. Cohäcüre yere tiquina ojoari püre judio masare cü mahtahye. Sa ye judio masa tiquina ijigü quehnoaríne tiquinare.

³ Sa ye ihquëquina judio masa Cohäcüre tiquina tuhoerapegüta tiquiuro nidi ijirota ijire. Sa yero tiquiuro ni cüriro sahata yerota tiquiuro.

⁴ Sata ijire. Ijipihtiyequina masa ni mehoñequina tiquina ijiepegüta Cohäcüre pehe ne ni mehoedare. Panopu tiquiuro yere yahu mahtariquiuro tiquiuro ni ojoariro sahata ne ni mehoedare Cohäcüre.

Poto nigü ijire mahu Cohäcüre. Sa ye mahure masa ne “Queoro yahuducuerare”, ni yahusä masiedare, ni ojoahye panopure.

⁵ Ohö saha ni tuhutuboaga masa: “Mari ñañene yena Cohäcüre quehnoañene tiquiuro yeriquiro ijigü masigü yeaja. Sa yero ñañene mari yegü quehnoaríne. ¿Ti sa quehnoañe ijiepegüta dahsero tiquiuro mari ñañene yeri buhirire buhiri dahre maca cjäri?” ni tuhutuboaga masa. Masa tiquina tuhutoboriro saha nigü niaja yahu.

⁶ Sa ijierare. Mari ñañene yeri pehe quehnoañe ijigü Cohäcüre mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohäcüre pehe ne ni mehoedare. Sa yena masa tiquina ni mehögü ihñana Cohäcüre pehe ne ni mehoeniquiro tiquiuro ijigü quehnoano ihña masiaja mari. Sa ye masa ni mehoñe, Cohäcüre tiquiuro ni mehoeniquiro tiquiuro ijiyere ihñoñe niboaga tiquina. Sata ni tuhutumene ihquëquina. Sa ni tuhutuye ohö saha ni tuhutu nemomene tiquina: “Usä ni mehoñe mehna Cohäcüre tiquiuro

ni mehoeniquiro ijiyere ihñona niaja. Sa ihñona quehnoano yena niaja. Sa ye usä ni mehoñe quehnoaríne. ¿Usä ni mehoñe quehnoañe ijiepegüta dahse ijiro boro usä ni mehori buhirire usäre buhiri dahre maca cäboari Cohäcüre?” ni tuhutumene ihquëquina masa.

⁸ Sa ye ohö saha ni mehore ihquëquina usäre: “Ñano yena Cohäcüre tiquiuro quehnoariquiuro ijigü ihñona niaga. Sa yena ñano yeihna”, nidi Pablo gühu”, ni meho yahusäre usäre ihquëquina. Tiquina sa nidi buhiri tiquinare Cohäcüre buhiri dahrerota. Sata yero cahmene tiquinare.

Ijiphtina buhiri tina ijiaja mari

⁹ ¿Sa ye dahse ni tuhutuajari masa? ¿Mari judio masa apequina yuhduoro quehnoano ijiajari mari? Ijieraja mari. Judio masa, judio masa ijiena gühu ijiphtina buhiri tina ijiaja mari. Sata ijire ijipihtiyequinare yahu buheriro sahata.

¹⁰ Panopu tiquiuro ni ojoariro sahata ijire ti: Ohö saha ni ojoahye:

Ne ihcäquiuro masano quehnoariquiuro mariedare.

¹¹ Ijipihtiyequina masa tuho dueyequina dihita ijire. Sa ye ijipihtiyequina masa ne Cohäcüre wacü peerare.

¹² Sa ye tiquina Cohäcüre yere cohäife, ijipihtiyequina ñañene yeyequina wahari. Ne ihcäquiuro quehnoañene yeriquiro mariedare.

¹³ Tiquina duseri masa coperi tiquina pöo docoro yero saha ijire. Tiquina yahuducugü, masa coperi wü wijiario saha ni mehoñe dihita tiquina duserire wijiare. Sa yahuducuye aña dusero tiquiuro nima puríne wijiario saha puríno tiquina yahuducuye wijiare tiquina duserire.

¹⁴ Sa ye tiquina apequinare ñano yahuducuyequina puríno yahuducuyequina ijire.

¹⁵ Sa ye usua ñañequina duita masare wejñequina ijire.

¹⁶ Sa ye ñano tiquina waharopu tiquina masare naho ye, ñano yuhdugü yere tiquinare.

¹⁷ Sa ye apequina masa mehna tiquina quehnoano ijierare.

¹⁸ Sa ye Cohäcüre ne ño peerare, ni ojoahye panopure.

¹⁹⁻²⁰ Cohäcüre Moiseri tiquiuro dutiyere marine judio masare ojoahye tiquiuro dutiyere ijiphtina mari ye pehoatire. Ti dutiyere caoepeta, tire yeraye, “Ñañe buhiri mariedare usäre”, ni masiedare masa. Sa ye tiquina ijiphtiro cjäna Cohäcüre tiquiuro buhiri dahrenohatiquina tiquina ijigü, masieta tiquina basi. Sa ye ñañequina tiquina ijiyere masiñe, “Quehnoano ijiaja usä”, ni masiedare Cohäcüre. Cohäcüre tiquiuro ye dutiye pehere ne masa yerare. Sa

ye tiquina ñañequina ijyere tiqiuro dutiye pehe masigū yere tiquinare. Sa masiñe ohō saha ni masiedare tiquina: “Cohācjū dutiyere ye pehou. Sa yero Cohācjū usāre ‘Quehnoañequina ijire’, ni ihñare”, ne ni masiedare masa.

Cohācjūre quehnoano mari wacū tutuana tiqiuro yequina wahaja mari

²¹ Sa ye Cohācjū Moisere tiqiuro dutiye, tiqiuro yere yahu mahtariquina tiquina ojoari gūhū Cohācjū masare tiquina ñañe yerire tiqiuro borire yahuahye. Tiquiro dutiye sa yahuepegūta yojopūta Moisere tiqiuro dutiri marieno masare tiquina ñañe yerire tiqiuro borire yahure marine Cohācjū.

²² Ijiphtiyequina Jesucristore wacū tutuayequinare, tiqiurore tuhoyequinare “Quehnoañequina ijire”, ni ihñare Cohācjū. Cohācjū ijiphtiyequinare ihcāno saha yeriquiro ijire.

²³ Mari ijiphtina ñañene yerina ijiaja. Sa yena Cohācjū tiqiuro cahmediro sahata ne yera.

²⁴ Mari sa yerapegūta mari Pacū marine tiqiuro paja ihñagū mari ñañe yerire Jesucristo pehe bore. Tiquiro sa bogū “Quehnoana ijire”, ni ihñare Cohācjū marine Jesure wacū tutuanare. Mari esa tuhoro ye dutiro marieno Jesu yedohoro mehna mari ñañe yerire bore.

²⁵ Panopū cjēna tiquina ñañe yerire ihñano Cohācjū duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tuhotu cāno niedahye. Came tiqiuro Jesucristore ohori jiri mari ñañe buhiri yariatiquirore tiqiuro diire cohātiquirore. Jesucristore mari wacū tutuagū Cohācjū pehe mari ñañe yerire borota. Sa yero tiqiuro nidiro sahata yeriquiro tiqiuro ijyere masigū yero niahye.

²⁶ Sa yero yojopāre tiqiuro nidiro saha yeriquiro tiqiuro ijyere masa tiquina masigū cahmene tiqiuro. Sa yero Jesure wacū tutuayequinare quehnoañequina tiqiuro yerire tiquina masigū cahmene Cohācjū. Tiquiro sa yerire tiquina masiatire tiqiuro macanore mari ñañe buhirire yariatiquirore ohori jiri.

²⁷ ¿Yojopūre “Quehnoana ijiaja mari”, ni masiagari mari, masa tuhotogū? Tire ne ni masiedaja mari. ¿Dahsena tire ni masiedagari mari? ¿Cohācjū tiqiuro dutiyere yena, “Quehnoana ijiaja”, ni masiboari mari? Ijierare. Ti gūhūre ni masiedaja mari. Mari sa ni masiedapegūta Jesure mari wacū tutuagū “Quehnoana ijire”, ni ihñanota marine Cohācjū.

²⁸ Ohō saha masiaja mari: Jesure mari wacū tutuagū ihñano marine ihña coare

Cohācjū. Sa yero marine “Quehnoana ijire”, ni ihñare tiqiuro. Tiquiro ye dutiyere mari yeri wapa sa ni ihñedare. Tiquirore mari wacū tutuagū sa ni ihñare.

²⁹ Cohācjū judio masa pahtoro dihita ijierare. Judio masa ijyeyequina pahtoro gūhū ijire tiqiuro.

³⁰ Sa yero Cohācjū ihcāquiota ijiro, ijiphtiyequina pahtoro ijire. Sa ijiriquiro ijiro judio masa Jesure tiquina wacū tutuagū tiquinare “Quehnoañequina ijire”, ni ihñanota. Sa yero judio masa ijyeyequina gūhū Jesure tiquina wacū tutuagū tiquina gūhūre “Quehnoañequina ijire”, ni ihñanota Cohācjū.

³¹ ¿Sa yena Jesure wacū tutuana Cohācjū Moisere tiqiuro dutiyere cohāna niboari mari? Cohāedaja mari tire. Jesure wacū tutuana, Cohācjū dutiyere yena niaja mari.

4

Abrahā Cohācjūre tiqiuro wacū tutuarire yahuahye Pablo

¹ Mari ñecu mūnano iji mahtariquiropure Abrahā mūnanore Cohācjū ohō saha yeahye:

² Abrahā quehnoano tiqiuro yepēgūta “Quehnoariqiuro ijire”, ni ihñedarīahye Cohācjū tiqiurore. Sa yero quehnoano yeperota ñariqiuro ijinino “Yūhū pūrita quehnoagū ijiaja”, ni masiedahye Abrahā, Cohācjū ihñagū.

³ Cohācjū yere tiquina ojoari pū ohō saha nine: “Abrahā Cohācjū tiqiuro nidire quehnoano tuhogū, Cohācjūre tiqiuro wacū tutuagū Cohācjū tiqiurore ‘Potota quehnoariqiuro ijire’, ni, ihñahye”, ni ojoahye tiqiuro yere tiquina ojoari pūpū.

⁴ Pahtoro dahrayequinare wapa yero, ihyo waro tiqiuro paja ihñañe mehna wapa yero niedare. Tiquina dahrari wapa tiquinare wapa yero nine.

⁵ Cohācjūre wacū tutuayequina pehere dahrayequinare tiqiuro wapa yero saha yerare Cohācjū. Cohācjūre wacū tutuariquirore “Quehnoariqiuro ijire”, ni ihñare Cohācjū. Tiquiro sa ni ihñagū ti quehnoañe tiqiuro yeri wapa ijierare. Cohācjū pehe tiqiurore cahmeñequinare quehnoañequina wahagū yere. Sa yero masūno Cohācjūre tiqiuro wacū tutuagū ihñano “Quehnoariqiuro ijire”, ni ihñare Cohācjū tiqiurore.

⁶ Sata niahye panopū cjāno Davi mūnano. Masūno quehnoano tiqiuro yepēgūta Cohācjū pehe ihña coeranine. Cohācjūre tiqiuro wacū tutuagū ihñano Cohācjū ihña coare. Sa yero tiqiurore “Quehnoariqiuro ijire”, ni ihñare. Tiquiro sa ni ihñanohriqiuro masūno pehe tiqiuro bucuyere yahuahye Davi mūnano. Ohō saha niahye:

⁷ Tiquina ñahe yerire tiqiuro bonohriquina pehe tutuaro bucuere.

⁸ “Quehnoañequina ijire. Tiquina ñahe yerire wacūsi yuhu”, Cohācjū sa nihriquina tutuaro bucuere, niahye Davi manano.

⁹ ¿Judio masa tiquina cuhnucunū sohtoa cahserogāre yuhre nenohriquina dihitare tiquina ñahe yerire boyari Cohācjū? Ijierare. Judio masa ijieyequina yuhre nemehneñequina gūhare tiquina ñahe yerire bore tiqiuro. Pari turi Abrahāre wacūña masa. Tiquiro Cohācjūre wacū tutuagū ihñano “Quehnoariqiuro ijire”, ni ihñahye Cohācjū.

¹⁰ ¿Duhse ijigū sa yeari Abrahā, masa tuhutugū? Tiquiro cuhnucunū sohtoa cahserogāre tiqiuro yuhre neato panopata tiqiurore “Quehnoariqiuro ijire”, ni ihñahye Cohācjū. Sa yero yuhre nenohno, tiqiuro ñahe yerire bo tuhasanohriqiuro yuhre nenohahye.

¹¹ Sa yero duita Cohācjūre wacū tutua mahyahye Abrahā. Tiquiro sa wacū tutuagū ihñano “Quehnoariqiuro ijire”, ni ihñahye Cohācjū tiqiurore. Sa tiqiuro wacū tutuayere, Cohācjū yaquiro tiqiuro ijiyere tiqiuro ihñoatore Cohācjū tiqiurore cuhnucunū sohtoa cahserogāre yuhre ne dutiahye. Sa yero Abrahā tiqiuro yuhreato pano Cohācjū pehe “Quehnoariqiuro ijire”, ni ihñano tuhasahye tiqiurore. Tiquiro yuhre neato pano tiqiuro sa ihñariro saha ijipihtiyequina Cohācjūre wacū tutuayequinare judio masa ijieyequina yuhremehneñequinare “Quehnoañequina ijire”, ni ihñare Cohācjū. Tiquiro sa ni ihñañequina tiquina ijigū Abrahā tiquina ñecuno manano waro ijiriro saha wahare.

¹² Tiquina yero sahata judio masa, yuhrenohriquina Cohācjūre tiquina wacū tutuagū tiquina ñecuno manano poto ijie tiahye Abrahā. Tiquiro yuhreato pano Cohācjūre wacū tutuayehye. Sa ye tiqiuro yero saha wacū tutuayequina judio masa Abrahā panamena iji turiayequina ijire.

Cohācjū Abrahāre tiqiuro ni cūrire “Poto tjire”, niahye Abrahā

¹³ Panopū ohō saha niahye Cohācjū Abrahāre. “Ahri yehpare mahure, mahū panamena iji turiayequinarū gūhare ohoutja”, ni, cūahye Cohācjū Abrahāre. Ti dutiyere tiqiuro quehnoano yeri wapa sa niedahye Cohācjū tiqiurore. Abrahā Cohācjūre tiqiuro wacū tutuari wapa pehere sa niahye Cohācjū tiqiurore, “Quehnoariqiuro ijire”, tiqiurore tiqiuro ni ihñari bato.

¹⁴ “Cohācjū Moisere tiqiuro cūri dutiye dihitare yero cahmene”, nine judio masa. Sa niñequina Cohācjūre wacū tutuaro marieno

ahri yehpa ijipihtiurore ne duare. Wacū tutuaro marieno tiquina negū mari pehe Cohācjūre mari wacū tutuayehye dūhseati ijieraboaya. Sa yero Cohācjū marine tiqiuro ni cūri dūhseati ijieraboaya.

¹⁵ Moisere tiqiuro cūri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yuhduducari buhiri masare buhiri dahrerota Cohācjū. Sa ye ti dutiye mariedagū ti dutiyere yuhduducaro gūhu mariedaboaya.

¹⁶ Sa ye Cohācjūre wacū tutuayequina dihitata tiqiuro ohoatire neeta. Abrahā Cohācjūre wacū tutuayehye. Sa yero ijipihtiyequina tiqiuro yero saha Cohācjūre wacū tutuayequina tiquina ñecuno poto yero saha tojoare Abrahā. Sa yero “Ahrirre musare ohoutja”, Cohācjū nino ijipihtiyequinare tiqiurore wacū tutuayequinare nino niahye. Sa ye Cohācjū Moisere tiqiuro dutirire yeyequina Cohācjūre wacū tutuayequina Cohācjū ohoatire neeta. Tiquina dihitata nesi. Ijipihtiyequina Abrahā yero saha Cohācjūre wacū tutuayequina gūhu tiquinare tiqiuro ohoatire neeta.

¹⁷ Tire Abrahāre tiqiuro nidiro sahata ojoahye panopure: “ ‘Peye macari cjēna tiquina ñecuno ijiajare cūi mahure’, ni cūahye Cohācjū Abrahāre”, ni ojoahye panopū. Sa yero tiqiuro Cohācjūre wacū tutuayehye. Sa ye tiqiuro yero saha mari wacū tutuagū mari ñecū ijigū yehye Cohācjū tiqiurore. Cohācjū pehe yariariquinare masoriqiuro, ijipihtiyequinare bajumehnediuro ijire. Sa yero ijipihtiye, yojopure mariedagū gūhare bajumehneatiqiuro ijire.

¹⁸ “Peye macari cjēna mahū panamena iji turiayequina ijietā”, Cohācjū tiqiuro sa nigū Abrahā pehe pohna mariediuro ijieperota, “Ijirota ijire”, ni tuhutuahye.

¹⁹ Sa yero cien cahmari cuoriqiuro ijieperota pohna dahre masieniuro ijieperota Sara tiqiuro namono ne pohna mariedicoro ticoro ijiepegāta “Pohna ti masiedaja usā”, ni tuhutuerahye Abrahā. Sa yero Cohācjū tiqiuro ni cūrire “Ijirota ijire”, niahye Abrahā.

²⁰ “Tiquiro nidiro sahata yeraboaga”, ne ni tuhutuerahye Abrahā. Sa yero tiqiuro Cohācjū cūrire quehnoano tuhohahye. Sa niñene tuhottjāno “Cohācjū tutuariqiuro ijire”, ni ño peoro niahye. Sa yero Cohācjūre wacū tutua nemoahye tiqiuro.

²¹ “Cohācjū tiqiuro nidiro sahata quehnoano ye masine”, ni tuhutu quehnoano masiahye Abrahā.

²² Tiquiro sa masigū Cohācjūre tiqiuro wacū tutuagū Cohācjū pehe “Quehnoariqiuro ijire”, ni ihñahye

Abrahāre. Sata ni ojoahye Cohācǵū yere tiqũna ojoari pũpu.

²³ Sa ye Abrahā dihitarē sa ni ojoaerahye.

²⁴ Tire mari masiatire mari gũhure sa ni ojoahye. Sa yero Cohācǵure mari wacũ tutuagũ “Quehnoana ijire”, ni ihñanota mari gũhure Cohācǵũ. Tiquiro pũrita mari puhtoro Jesu tiquiro yariagũ masori jiri tiquirore.

²⁵ Jesu pehe mari ñañe buhiri yariari jiri. Tiquiro yariari bato masa wijari jiri tiquiro Cohācǵũ marine “Quehnoana ijire”, tiquiro ni ihñatire.

5

“Quehnoana ijire”, Cohācǵũ ni ihñagũ ohō saha waharota marine

¹ Jesucristore mari wacũ tutuagũ ihñano “Quehnoana ijire”, ni ihñare marine Cohācǵũ. Tiquiro sa ni ihñagũ Cohācǵũ mehna cjāna marine ijigũ yere mari puhtoro Jesucristo.

² Sa yena mari tiquirore wacũ tutuagũ ihñano Cohācǵũ marine cahño, pecapũ wahaborinare yuhduori tiquiro mehna mari ijianto saha. Cohācǵũ pũrita quehnoa yuhduariquiro ijire. Sa yero tiquiro yero saha ijigũ yerota marine tiquiro. Tiquiro sa yeatire quehnoano masiaja mari. Sa yena bucueaja.

³ Mari ñano yuhdũna gũhu bucueaja mari. Ñano yuhdũna, tire dũca cjā mari. Sa dũca cāna, ñano yuhduepenata quehnoano Cohācǵure wacũ tutuana wahaja mari. Sa yena Cohācǵũ yere duhueraja mari.

⁴ Mari sa yegũ ihñano “Quehnoare”, ninota Cohācǵũ marine. Tiquiro sa nigũ marine tiquiro yuhduoatire quehnoano masiaja mari.

⁵ Sa yero Cohācǵũ marine tiquiro yaquiro Espĩritu Santore ohori mari mehna ijia-tiquirore. Sa yero Espĩritu Santo pehe mari mehna ijiro Cohācǵũ marine tiquiro sa cahĩducuyere masigũ yere. Tiquiro sa masigũ yegũ marine tiquiro yuhduoati quehnoano waro ijiro nine. Potota yuhdũnata mari.

⁶ Sa yero mari ñañe yerire mari basi mari yuhduo masiedagũ tiquiro queoriro esagũ mari ñañe buhirire Cristo yariahye.

⁷ Quehnoañe dihitarē yeri-quirore yuhduoro taro apequiro yariaboaga ape taha yero.

⁸ Mari pehe ñana mari ijiniepegũta marine yuhduoro taro Cristo yariahye. Tiquiro sa yegũ Cohācǵũ marine tiquiro tutuaro cahĩñene masiaja mari.

⁹ Mari ye buhirire tiquiro sa yariagũ tiquiro dii wjiagũ Cohācǵũ pehe marine “Quehnoana ijire”, ni ihñare. Tiquiro sa ni ihñari bato yojopũ pehere marine pecapũ wahaborinare yuhduorota Jesu. “Quehnoana ijire”, tiquiro niato pano

marine yuhduoerani. Yojopũ pehere marine Cohācǵũ yequina tiquiro yeri bato marine buhiri dahresi pecapũ Cohācǵũ.

¹⁰ Sa yena Cohācǵure ihñā tuhtina mari ijiniepegũta tiquiro macno yariaro, mari ñañe yerire cohāri. Sa cohāno Cohācǵure mari mehna usueragũ yeri tiquiro. Sa yena tiquiro yequina wahaja mari. Yojopũ pũritare ti yuhduo cjũno yerota marine. Tiquiro yequina mari ijigũ Jesu tiquiro masa mujari mehna, marine pecapũ wahaborinare quehnoano yuhduorota tiquiro.

¹¹ Camepũ mari yuhduatire bucueaja. Yojopũre ahri gũhure bucueaja. Mari puhtoro Jesucristo mari ñañe buhirire tiquiro yariari bato Cohācǵũ yequina ijiaja mari. Sa yena bucueaja.

Adāre, Cristore yahuahye Pablo Roma cjēnare

¹² Adán tiquiro ñañene yeri bato ahri yehpare ñañe iji dũcahye. Ñañe iji dũcagũ masa yaria dũcahye. Ijipihntina mari ñañene yea. Sa yena ijipihntina ñana mari ijiri buhiri yari-aja.

¹³ Cohācǵũ tiquiro dutiyere Moisere tiquiro cũato pano potota ahri yehpa cjēna ñañene yee tiahye. Tiquina sa yepegũta ti dutiye mariedagũ ti dutiyere tiqũna yuhduũdũcari buhiri buhiri dahre masiedahye.

¹⁴ Tiquiro sa buhiri dahre masiedapegũta Adán gũhu tiquiro bato ijieyquina gũhu dutiye mariedapegũta yarie tiahye. Moise tiquiro ijianto pano dutiye mariedapegũta masa yarie tiahye. Apequina ñañe yeye Adán tiquiro ñano yeriro saha waro yera timahye. Sa ijiepetā tiqũna gũhu yarie tiahye. Sa yero Adán ñañene tiquiro ye dũcari saha yoari batopũ ahri yehpũ ahtariquiro quehnoañene ye dũcari jiri.

¹⁵ Adán tiquiro yuhduũdũcari Cohācǵũ masare tiquiro paja ihñañe yero saha ijierare. Cohācǵũ tiquiro paja ihñañe pehe quehnoa yuhduare. Adán ihcāquirota ijieperota ñañene tiquiro ye dũcari buhiri peyequina masa yarie tiahye. Cohācǵũ pehe marine paja ihñano, Jesucristore ohori jiri. Sa yero tiquiro ihcāquirota ijiri-quiro pecapũ wahaboriquinare masare peyequinare yuhduore.

¹⁶ Sa yero Cohācǵũ masare tiquiro paja ihñañe Adán tiquiro yuhduũdũcari yero saha ijierare. Adán pehe ihcāquirota ijiri-quiro ñañene tiquiro yeri buhiri ijipihntiyequina masa buhiri tiyequina ijire. Sa tiqũna buhiri tiyequina ijiepegũta masa pajiro ñañene tiqũna yepegũta yojopũre masare paja ihñano Cohācǵũ tiqũna ñañene bore. Sa boro “Quehnoañequina ijire”, ni ihñare tiquiro tiqũnare.

¹⁷ Adán ihcāquirola ijiriqiro ñañene ye ducagū ijipihtiyequina masa yariaducure. Ti poto tjire. Sa ijiepegāta ahri pehere bucuenata mari. Yojoḡare Cohācjū masare paja ihñano Jesucristo ihcāquirola ijiriqiro tiqiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiyequina tiqiro sa ni ihñañequina uhmuseḡu Cristo mehna puhtoaa ijjeta.

¹⁸ Ihcāquirola Adán ñañene ye ducagū ijipihtiyequina ñañene ye ducahye. Tiquina sa yegū Cohācjū buhiri dahrerota tiquinare. Apeqiro Jesu pehe quehnoañene tiqiro yegū ijipihtiyequina tiquina ñañene bonohriquina iji masine. Ñañene tiqiro bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihtiye decori tiqiro mehna ijiducueta tiquina.

¹⁹ Ihcāquirola Adán Cohācjūre yuhduducahye. Tiqiro sa yegū peyequina masa ñano yeyequina iji ducahye. Sa yero apeqiro Jesu pehe Cohācjūre yuhtiahye. Tiqiro sa yegū peyequina masa tiquina ñañene yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

²⁰ Cohācjū dutiyere Moiserere cūahye ijipihtiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yuhduoro Cohācjū tiquinare tutuaro tiqiro cahñene masieta. Tiqiro marine cahñ yuhduare.

²¹ Tiquina ñañene tiquina yeri buhirire masa yariatiquina ijire. Sa ye pecapū wahaeta. Cohācjū mari Pacū pehe masare cahñ yuhduare. Tiqiro sa tutuaro cahñgū mari puhtoro Jesucristore tiqiro ohogū tiqiro pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiqiro ni ihñagū tiquina ijipihtiye decori tiqiro mehna sa ijiducueta.

6

Yariariquina muna tiquina ñañene yerariro saha Cristo yequina gūhu ñañene yeducerare

¹ ¿Duhse yenatari mari yojoḡare, mūsa tuhotugū? ¿Cohācjūre marine cahñ nemo duti duana ñañene ye nemoboagari mari?

² Ijjerare. Ñañene yeracāhna mari. Yariariquina muna ñañene tiquina yerariro saha Cristo yequina ijina mari gūhure ñañene yeraro cahmene.

³ Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañene yeri buhiri yariari jiri. Sa yena tiqiro yequina ijina, mari ñañene yerire ye duera. Sa yena

duhuu. Tiqiro mari ñañene buhiri yariari jiri.

⁴ Sa yena Cristo pagure masa copeḡu tiquina ya cohāriro sahata mari ñañene yerire duhuaja. Sa yena mari Pacū tiqiro tutuaye mehna Cristo tiqiro masa mūjariro saha mari gūhu tiqiro tutuaye mehna quehnoañene pehere comesaja. Sa yena quehnoana wahaja.

⁵ Sa yena Cristo yequina ijina Cristo yariaro ahri yehpa cjā pagure tiqiro cohāriro saha mari gūhu yariariquina tiquina duhuriro saha mari ñañene yerire duhuu. Sa yena Cristo yequina ijina tiqiro masa mūjariro sahata mari gūhu quehnoana ijinata. Ti poto tjire.

⁶ Cristo yequina iji ducana tiqiro mehna yariariquina yero saha wahaḡu pari turi mari ñañene yerato saha. Sa waharina ijina ñañene yeducu nemosi mari. Tire mari masiaja.

⁷ Yariariqiro mūnanopū ñañene ye nemoedare.

⁸ Cristo mehna yariariquina yero saha ijina, tiqiro masa mūjariro sahata mari gūhu quehnoana ijinata. “Ti poto tjire”, ni tuhotuajari mari.

⁹ Cristo tiqiro yaria masa mūjari bato ne pari turi yariasi. Apeqiro tiqirore pari turi yariagū ye masiedare. Tire mari masiaja.

¹⁰ Sa yero Cristo ihcā taha yariaro, masa tiquina ñañene yerire cohāno taro yariahye. Tiqiro catiriqiro ijero mari Pacū tiqiro cahmeno sahata yeducuatiqiro ijire tiqiro.

¹¹ Tiqiro yero sahata mūsa gūhu ohō saha ni tuhotuya: “Yariariquina muna tiquina yeraro saha mari gūhu ñañene yeraja. Jesu yequina ijina mari Pacū tiqiro cahmeno sahata yeanaja ijina niaja mari gūhu”, ni tuhotuya mūsa.

¹² Sa yena mūsa yarianaja ijina ñañene yeducueracāhña. Sa yena mūsa ñañene ye duayere tutuaro cahmepenata tire sa tuhotu cāhña.

¹³ Ñañene yeracāhña. Pecapū wahaborina Jesu tiqiro yuhduonohrina ijire mūsa. Tiqiro sa yenohrina ijina Cohācjū cahmeñe dihitare yeya mūsa. Sa yena quehnoañene yeya mūsa.

¹⁴ Yojoḡare Cohācjū Moiserere tiqiro dutiye mehna marine dutierare. Cohācjū marine cahñno tiqiro pehe marine dutire. Sa yena tiqiro yedohoro mehna ñañene ye duasi mari.

Mūsa ñañene yeducugū ti ñañene mūsa puhtoro yero saha ijire

¹⁵ ¿Yūhu sa nigū duhse ni tuhotuajari mūsa? ¿Cohācjū pehere yuhtianaja ijina

Moisere tiqiro dutiyere yuhtianaja ijierana, ñañene yeducuboagari mari? Ijierare. Yeducusi.

¹⁶ ¿Ahrire masiedajari musa? Musa quehnoano yuhtiriqiro musa puhtoro ijire. Sa yena tiqiro cahacjana ijire musa. Musa sa yuhti musa puhtoro tiriro sahata ñañene yeducuna musa ijigü ti ñañe musa puhtoro yero saha ijire. Sa yena ñañene duhu masiedare musa. Sa yena ijina pecapu wahanaja ijire musa. Cohäcjäre quehnoano ño peona ijina tiqiro cahacjana ijire musa. Sa yena tiqiro yequina quehnoana ijire musa. ¿Tire masiedajari musa?

¹⁷ Panopu ñañene yeducuna musa ijigü ti ñañe musa puhtoro yero saha ijimedi. Yojobu pehere quehnoañe buheyere tahona Jesure wacü tutuana Cohäcjäre quehnoano ño peona wahari musa. Tire masigü “Quehnoare”, niaja Cohäcjäre.

¹⁸ Sa wahana yojobure ñañe ti dutiro saha yerare musa. Sa yena Cohäcjü cahacjana ijina quehnoañe pehere yere musa.

¹⁹ Cahacjana puhtoare tiquina quehnoano ño peoyere masi pehere musa. Sa yegu ti musa masidi mehna queoye mehna buhei musare “Ahri buheyere musa esa tuharo tuhoeraboaga”, nigü. Panopu ñañene yeducuna ijimedi musa. Musa sa yeducuriro sahata yojobu pehere quehnoañene yeducuna ijia musa. Sa yena Cohäcjü cahmeñe dihitarare yenata musa.

²⁰ Panopu ñañe dihitarare yerina ijina, quehnoañe pehere yera tiri musa.

²¹ ¿Ti pjeppure ñañe dihitarare yena yabere wapataru musa? Ti musa ñañe yerire wacüna yojobure bue tiaga musa. Ti ñañene musa yeri buhiri pecapu wahaboaya musa. Sa yena ñañene yena ne wapataerare musa.

²² Yojobu pehere musa ñañe yerire duhuna Cohäcjü cahacjana wahari musa. Sa yena Cohäcjü cahmeñe dihitarare yena ijinata. Sa yena ijipihtiye decori Cohäcjü mehna ijinata.

²³ Ñañene mari yeri buhiri pecapu wahanaja ijiaja ijiphtina mari. Mari sa ijiepegäta mari puhtoro Jesucristore mari wacü tutuagü ihñano, ijipihtiye decori tiqiro mehna marine ijiducugü yerota. Mari sa ijiducuatire sa oho cänota.

7

Cohäcjü Moiserre tiqiro ohori dutiyere yahu nemoahye Pablo

¹ Yuñu acaye, Cohäcjü Moiserre tiqiro dutirire quehnoano masine musa. Masano tiqiro catinigü ti dutiyere yuhducaerare tierare. Tiqiro yariari bato püritare ti dutiyere yero basioerare. Ti gähare masine musa.

² Ohö saha ijire: Numinore ticoro manano mehna dihita iji dutire Cohäcjü Moiserre tiqiro dutiri pehe. Tiqiro sa dutiepegäta ticoro manano yariari bato ticoro pehe apequirore manü ti masine. Ticoro ti dutiro mehna iji nemoedare. Ohö saha ni yahure ti dutiye.

³ Sa yero ticoro manano tiqiro catiepegäta ticoro apequirore manü tiro, ñano yero nine ticoro. Sa ijieperota ticoro manano yariari batopu apequirore manü tiro, Cohäcjü dutiyere yuhducaerare ticoro sa yerico. Sa yero ñano yerico ijierare ticoro.

⁴ Musa gühu yuhü acaye Jesu yequina wahana, dutiyere musa yeri wapa tiqiro yequina wahaerare musa. Sa yena yariariquina mana dutiye mehna tiquina ijieraro saha musa gühu ti dutiye mehna ijierare. Musa Cristo ya curua cjana ijire. Sa yena yojobure tiqiro yequina ijire musa. Tiqiro pehe yariari bato masa mujari jiri Cohäcjü cahmeno saha mari yeatire.

⁵ Panopu ñañene mari esa tuharo yee timi. Sa yena Cohäcjü Moiserre tiqiro dutirire mari masidi bato ti dutiyere yuhducaerare ami. Ti dutiye mariedagü yuhducaerare dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapu wahaborinata ijie timi.

⁶ Sa wahaborina ijiepenata Cristo yequina ijina yojobure ti dutiye mehna ijieraja mari. Sa yero Espiritu Santo mari mehna ijiriqiro marine quehnoañe pehere comesagü yere. Tiqiro sa yegu panopu cje dutiye tiqiro ojoari ti mehna ijieraja mari yojobure.

Tiqiro ñañe yerire yahuahye Pablo

⁷ ¿Sa yena Cohäcjü Moiserre tiqiro dutirire dahse nioboagari mari? ¿Ti dutiye ñañe ijigari, musa tuhotugü? Ijierare. Ti dutiye mehna ñañene masii. Sa yegu ti dutiye mariedagü ñañene masiedaboya yuhü. Ti dutiye ohö saha ijire. “Apequina yepure tutuaro cahmedacähña”, niahye ti dutiye. Sa niedagü apequina yepure tutuaro cahmeñe ti ñañe ijigü masiedaboya yuhü.

⁸ Sa yegu ti dutiye yuhü masidi bato apequina yepure tutuaro cahmee timi yuhü. Ti dutiyere masiedagü apequina yepure tutuaro yuhü cahmeñe ti ñañe ijigü masiedaboya yuhü.

⁹ Ti dutiyere yuhü quehnoano masiatopano sa tuhotu cähü. Sa yegu ti dutiyere yuhü masidi bato tutuaro ñañene ye duami. Sa yegu pecapu yuhü wahatire masie tii.

¹⁰ Sa ye Cohäcjü dutiyere yuhducaerare, masa tiqiro mehna quehnoano ijiducugü yebori dutiye ijire. Sa ijieperota

yuhū yuhduducari buhiri yuhure pecapu waha dutimedi.

¹¹ Sa yegu ñañene yegu Cohācjū Moisere tiqiuo dutiyere yuhduduca duami. Ñañene tutuaro cahmegu yuhū ijigū quehnoañene masiedu. Ti ñañe pehe yuhure dojomehnedi. Sa yegu quehnoano masiedu. Sa masiedagu Cohācjū dutiyere yuhduducau. Sa yegu ti dutiyere yuhū masidi bato yuhū ñañe buhirire pecapu yuhū wahaborirore masii. Ti dutiye mehna sa masii.

¹² Sa ye Moisere tiqiuo cūri dutiye quehnoañe ijire. Sa ye queoro ijirota nine ti dutiye.

¹³ ¿Sa ijieperota marine ti quehnoañe dutiye pehe pecapu wahagū yeajari? Ijierare. Topu wahagū yerare. Mari ñañe yeye pehe marine pecapu wahagū yere. Ti dutiyere mari masidi bato ti dutiyere yuhduducana, ñañene yena mari ijiyere masiaja mari. Sa yena mari ñana mari ijiyere masina, mari pecapu wahati gūhure masiaja mari. Sa yena ti dutiyere masina mari yuhduducarige ti ña yuhduaye ijigū masiaja mari.

¹⁴ Moisere tiqiuo dutiri Cohācjū pehe tiqiuo cūri ti ijigū masiaja mari. Yuhū pehe apequna yero saha ñagu ijiaja. Sa yegu ñañene yeducugū ijiaja.

¹⁵ Sa yeducugū ijiepeguta yuhū yerire ne masiedu yuhū. Yuhū cahmeno saha yeraja yuhū. Sa yegu yuhū tutuaro ye dueramedireta yeaga yuhū. Sa yegu yuhū yerire ne masiedaga yuhū.

¹⁶ Sa yegu ñañene ye duerapeguta ñañene yeaja yuhū. Tire yegu Cohācjū dutiye quehnoañe ijigū masiaja yuhū.

¹⁷ Sa yegu yuhū waro ti ñañene yojopare yeraja. Yuhū tuhutuyepu ijije ñañe ti pehe yuhure ñañene yegū yere.

¹⁸ Quehnoañene tutuaro ye duepeguta ne cūedaga. Ñañe pehe yuhure dojomehne mujare. Ahri yehpa cjū yuhū ijigū yuhū tuhutuyepu ñañe dihita ijire. Ne quehnoañe mariedabutiare.

¹⁹ Quehnoañene yuhū ye duaye pehere ne yeraja yuhū. Yuhū ñañene yuhū ye dueye pehere yeaja.

²⁰ Sa yegu yuhū ye dueyere yegu yojopare yuhū waro tire yeraja. Yuhū tuhutuyepu ijije ñañe ti pehe yuhure ñañene yegū yere.

²¹ Sa yero yuhure ohō saha wahare: Quehnoañene yuhū ye duepegūta yuhū tuhutuyepu ñañe ijire. Sa yegu quehnoañe pehere yeraja.

²² Cohācjū Moisere tiqiuo dutirire yuhū tuhutuyere mehna tutuaro cahmeaja.

²³ Sa yegu yuhū ahrire masiaja: Yuhū tuhutuyere mehna quehnoañene ye duaja. Sa ye duepeguta yuhū basi ñañene tutuaro ye

duaja. Sa yegu yuhū esa tuharo ñañene duhu masiedaga yuhū.

²⁴ Sa ñañene duhu masiedagu pejecuogu ijiaja yuhū. Ñañene yegu pecapu wahagūta yuhū. Yohnah. ¿Yuhū ñañene yuhure pecapu waha dutiye ñañene noa yuhure cohā basaboagari?

²⁵ Jesucristore yuhū wacū tutuagū tiquirola yuhū ñañene cohānota. Tiqiuo sa yegū Cohācjūre “Quehnoare”, niaja yuhū. Sa yegu yojopare yuhū basi yuhū tuhutuyere mehna Cohācjū dutiyere yeaja. Sa yegu ijiepegūta yuhū esa tuharo ijigū ñañe pehe yuhure ñañene yegū yere.

8

Espíritu Santore cūoyequina tiquina ijije tiyere yahuahye Pablo

¹ Yojopare Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiqiuo dutiro saha yeducure tiquina.]

² Sa yero Jesucristo yaqiuo yuhū ijigū Espiritu Santo ñañene duhugū yere yuhure. Sa yero Espiritu Santo ijiphiytiye decori Cohācjū mehna ijigū yere yuhure. Ñañene yuhure duhugū yero yuhure pecapu wahaborigūre yuhduore tiqiuo.

³ Cohācjū Moisere tiqiuo dutirire mari esa tuharo ne ye pehosī. Sa ye pehoerana yuhduducana ijiaja mari. Sa yena mari ijigū Cohācjū marine yuhduoeranidi. Mari sa ijina ijiepegūta ohō saha Cohācjū marine yuhduorota. Tiqiuo mari ñañe buhirire yariatiquirore, ti ñañene cohātiquirore tiqiuo macunore ohoahye. Sa yero tiqiuo macuno mari yero sahata pagū tiahye. Sa yero mari tuhutuyepu ijije ñañene tiqiuo cohāri.

⁴ Marine sata yeri Cohācjū dutiyere tiqiuo tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiqiuo dutiro sahata yeaja mari.

⁵ Ñañene ye duayequina, ti dihitare tutuaro cahmene. Espiritu Santo dutiro sahata yeducuequina pehe ti dihitare ye duare tiquina.

⁶ Ñañene ye duayequina ti dihitare tutuaro cahmeñe, pecapu wahaeta. Espiritu Santo cahmeno sahata tutuaro ye duayequina pehe ijiphiytiye decori Cohācjū mehna ijietā. Sa ye tiquina quehnoano iji cāeta.

⁷ Tiquina esa tuharo yeyequina Cohācjūre ihña tuhtire. Tiquina Cohācjū dutiyere ne yuhtierare. Tiqiuo dutiyere yuhti duerare. Yuhti masiedare tiquina.

⁸ Sa ye tiquina esa tuharo yeyequina Cohācjūre bucuēgū ye masiedare.

⁹ Musa pehe musa esa tuharo yerare. Espiritu Santo musa mehna ijigū tiqiro cahmeno sahata yere musa. Sa ye Espiritu Santore cnoeyequina pehe Cristo yequina ijierare.

¹⁰ Musa pehe tiqiro yequina ijire. Musa ñaño buhirita musa paguri yariare. Sa musa paguri yarianaja ijiepenata Cristo musa mehna tiqiro ijigū tiqiro mehna sa ijiducunata musa. Cohācjū musare “Quehnoana ijire”, tiqiro ni ihñagū musa tiqiro mehna sa ijiducunata.

¹¹ Cohācjūta Jesure masori jiri. Sa masoritiqiro ijiro Espiritu Santo mari mehna tiqiro ijiducugū mari yariari bato Cohācjū mari gūhare masonota. Sa masono mari pagurire yariati pagurire catigū yerota marine.

¹² Yuhū acaye, tiqiro sa yegū ihñana ñaño mari tutuaro cahmedire yeracūhna.

¹³ Mari ñaño yerina ijina, pecapū wahaborina iji cānata niaja. Espiritu Santo yedohoye mehna ñaño yeyere duhurina ijina, ijipihtiyere decori Cohācjū mehna ijinata.

¹⁴ Ijipihtiyequina Espiritu Santore yahtiyequina Cohācjū pohne ijire.

¹⁵ Espiritu Santo mari mehna tiqiro iji ducagūta Cohācjū pohna iji ducacū. Sa yena tutuaro mehna tiqiro dutinohrina ijieraja mari. Sa yena panopū mari cueriro saha yojopū pehere mari cueraja. Tiqiro pohna ijina, Espiritu Santo yedohoye mehna yojopūre “Yuhū Pacū”, niaja mari Cohācjūre.

¹⁶ Sa yero Espiritu Santo mari wacūñepū marine ohō saha masigū yere: Potota Cohācjū pohna ijiaja mari. Tire marine masigū yere tiqiro.

¹⁷ Sa yena tiqiro pohna ijina, Cohācjū ijipihtiyere tiqiro pohnene tiqiro “Ohoutja”, tiqiro nidire mari pehe cūonata. Jesucristo mehna mari cūonata tire. Cristo yere mari yeri buhiri ñano yuhdurina ijina mari tiqiro mehna uhmusepū quehnoano bucueye mehna iji cānata. Sa yena Cohācjū tiqiro pohnene “Ohoutja”, tiqiro nidire cūonata mari.

¹⁸ Yojopūre ahri yehpapū ñano yuhdurīaja mari. Caperūre mari uhmusepū quehnoano iji cānata. Sa yena yojopūre ñano yuhdūna, pajiro bujua witi wacū tuhoturacūhna. Ahri mari ñano yuhduri sa iji cāno nine. Came quehnoano iji cānata Cohācjū mehna. Sa yena tutuaro bucuenata. Ahri pūrita ihyo waro ijierare.

¹⁹ Cohācjū pohna ijina Cohācjū mehna quehnoano ijinata. Mari sa wahatire cohteducuro saha yero nine Cohācjū bajumehnedi.

²⁰ Ijipihtipūre tiqiro bajumehnedi quehnoano ijiborire dojomehneahye masuno ñano ye ducaro. Ti esa tuharo sa wahaerahye. Ñaño iji ducari bato

tiqiro bajumehnedi sa wahahye. Sa yero Cohācjū tiqiro bajumehnedire sata ñano iji dutiniahye. Came tiqiro bajumehnedire quehnoaño wahagū yerota tiqiro.

²¹ Sa yero Cohācjū tiqiro bajumehnedire ahba pihtiborire quehnoaño wahagū yerota tja. Cohācjū pohnene quehnoaño equina tiqiro wahagū yeriro sahata, tiquinare quehnoano tiqiro yuhduriro sahata quehnoaño wahagū yerota Cohācjū tiqiro bajumehnedire.

²² Ijipihtiyere Cohācjū tiqiro bajumehnedi ñano ti iji ducari bato ñano yuhdūe tiahye. Numino niji wahcōno ticoro ñano yuhdaro sahata tiqiro bajumehnedi gūhū decoripe ñano yuhdūducure. Tire mari masiaja.

²³ Mari pehe Espiritu Santore cūona ijiaja. Tiqiro yequina mari wahagū Cohācjū tiqiro yaqiro Espiritu Santore duita ohori marine. Tiqiro bajumehnedi yero sahata mari gūhū ñano yuhdūaja. Sa yena quehnoaño pehere tiqiro comesatire tutuaro cohteaja. Sa yena tiqiro pohna mari tiqiro mehna mari quehnoano ijiato gūhare tutuaro cohteaja mari. Wahma pagūre marine tiqiro ohoati gūhare cohteaja.

²⁴ Mari sa cohtena ijigū, tiqirota marine pecapū wahaborinare yuhdūore. Tiqiro cahapū ijirina ijina tiqiro cahapūre mari wahatire cohteraboya mari. Marine tiqiro yuhdūo tuhasari bato ijigū tire cohte nemoedaboya.

²⁵ Sa yena tiqiro ohoatire ihñedapenata Cohācjū marine tiqiro yuhdūoatire cohtena, sa cohteducuaja.

²⁶ Sa yena Cohācjūre wacū tutuera cūjūna tiqiro cahmeñene quehnoano masiena mari ijigū Espiritu Santo marine yedohore. Cohācjūre mari quehnoano sini masiedaja. Espiritu Santo pehe marine Cohācjūre tutuaro sini basare. Marine tutuaro paja ihñano marine tiqiro Cohācjūre tutuaro sini basare.

²⁷ Cohācjū cahmeno sahata marine Jesu yequinare sini basare Espiritu Santo. Tiqiro sa sini basagū Cohācjū mari tuhohuyere masi pehoriqiro ijiro, Espiritu Santo tiqiro sini basarire masine.

Cristo tiqiro tutuaye mehna ñaño yeyere yuhdūducunata mari

²⁸ Ahrire yuhū yahuatire masiaja mari: Ijipihitina Jesure cahñna mari ijigū tiqiro cahmeñene yeanajare beseahye marine. Sa ijina mari ijigū ihñano Cohācjū sa ihña ihboducure marine. Sa yena mari ñano yuhdūepenata ñano yuhdūducu dojoeraja. Cohācjū tiqiro yedohoro mehna quehnoano ijinata mari.

²⁹ Cohācjū marine tiqiro yequinare duitapūta masi tuhasahye. Sa masino

tiqiro macano Jesu tiqiro ijiro sahata marine iji dutiro, marine quehnoañe pehere camesa duti tuhasahye. Tiquiro macano yero saha marine iji dutiahye tiqiro peyequina masa tiqiro macanore mari wahmi tiatire.

³⁰ Panopu tiqiro yequina tiqiro iji dutirina mari ijigū, tiqiro pohna mari ijiatina gūhare beseahye marine. Sa yero marine tiqiro beserinare tiqiro “Quehnoañequina ijire”, ni ihñare. Marine tiqiro sa ninohrinare tiqiro mehna ahmasepu quehnoano ijigū yerota marine Cohācjū.

³¹ Tire masina ohō saha tuhutuaja mari: Cohācjū marine tiqiro cahñonare ne apequina ihña tuhtiyē cūedare.

³² Cohācjū mari ye buhirire yariatiqirore tiqiro macanore ohoahye. “Yuhu macare cahñaja. Sa yegu tiqirore ohoeraja”, niedahye tiqiro. Marine sa tutuaro yedohoriqiro ijiro, ijipihitiye mari cahmeñe dahsarire marine oho pehorota.

³³ Cohācjū beserina mari ijigū, tiqiro marine “Quehnoana ijire”, ni ihñari. Mari sa ijina ijigū apequina marine “Ñana ijire”, ne ni yahusā masiedare.

³⁴ Cristo mari ye buhirire yaria masa wijaahye. Sa yero Cohācjū poto pehepu yojopare tiqiro ijire dutiriqiro ijiro. Sa yero tiqiro marine potota sini basaro nine Cohācjūre. Sa ye apequina pehe marine ne buhiri dahre duti masiedare.

³⁵ Cristo marine tiqiro tutuaro cahīgū apequina tiqirore “Cahñedacāhña”, ne ni masiedare. Cahñi duhusi tiqiro. Mari ñano yuhñepegūta, mari cuepegūta, apequina marine tiquina ñano yepegūta, mari ujua ahbaepegūta, suhti mariena mari ijiepegūta, cuaropu mari ijiepegūta, marine tiquina wejēpegūta Cristo marine sa cahñidurota.

³⁶ Cohācjū yere tiquina ojoari pūpu mari sa wahatire yahuro, ohō saha nine:

Muhu yequina usā ijiri buhiri apequina usāre sa wejē duaducure. Oveja tiquina wejōatiquina tiquina ijiriro saha usā gūhare sa wahare, ni ojoahye Cohācjū yere tiquina ojoari pūpu.

³⁷ Sa yena mari ñano yuhñepenata Cristo marine cahñi qiro tiqiro yedohoro mehna tutuaro mehna ñañene duhu pehonata mari.

³⁸⁻³⁹ Jesucristo yequina mari ijigū ihñano Cohācjū pehe marine tutuaro cahñe. Sa yero tiqiro marine ne cahñi duhusi. Mari yariagū gūhare, mari catigū gūhare, yojopare, cameru gūhare, tiqiro marine cahñi duhusi. Sa ye angele, watia puhto, ahri yehpa cjēna puhto, ahmuse cjēna, ñañequina bajueyequina gūhu Cohācjūre “Muhu yequinare cahñedacāhña”, tiquina

niepegūta marine ne cahñi duhusi Cohācjū. Cohācjū tiqiro bajumehnedi mehna marine ne cahñi duhugū yeye mariedare. Marine ne tiqiro cahñi duhusi.

9

Israe masa Cohācjū beseriquina ijire

¹⁻² Yuhu acaye Israe masare wacūgu, tutuaro bujua witiaja yuhu. Cristore cahmedare tiquina. Sa yegu ñano bujua witi jeripohna tiaja yuhu. Ti yuhu sa ni yahuye ijirota ijire. Yuhu Cristo yaquirola ijiaja. Sa yegu musare potota naja. Sa yegu Espiritu Santo yuhu mehna tiqiro ijigū yojopare yuhu acayere yuhu ni yahuye ti potota ijigū quehnoano masiaja yuhu. Tiquiro tire yuhare quehnoano masigū yere.

³ Israe masa yuhu acaye ya maca cjēna pecapu wahaeta. Cohācjūre tiquinare yuhñuo dutigū ohō saha niboa yuhu pehe: “Tiquina ye buhirire yuhu pehe pecapu wahaeta. Sa yero tiquina ye buhirire yuhu pehere buhiri dahreahro Cristo”, niboa yuhu.

⁴ Tiquina yuhu acaye Israe manano panamena iji turiayequina ijire. Sa yero Cohācjū pohne ijiatiquinare cūahye Cohācjū tiquinare. Sa yero Cohācjū tiqiro asi siteye mehna tiquina watoa ijie tiahye. Sa yero tiquina ijipihitiyequinare tiqiro masare tiqiro yuhñuoatire yahue tiahye tiquinare. Sa yero Moiserē tiqiro dutirire duita cū muhtahye Israe masare. Sa ye Cohācjūre ño peoati wuhare ye muhtae tiahye tiquina. Sa yero tiquinare tiqiro quehnoano yeatire yahue tiahye Cohācjū.

⁵ Usā ye cururi waro doce cururi waro ijire. Sa yena usā ñecusumua iji muhtariquina manapu tiquina panamena iji turianapu ijiaja usā Israe masa. Sa yero mari yero saha pagu tiriqiro ahтары, usā acayuro Israe masano waro ijire Cristo. Tiquiro Cohācjūta ijire. Sa yero tiqiro ijipihitiyequina puhtoro ijire. Ijipihitiye decori tiqirore quehnoano ño peouhna mari. Sa ño peoducuhna.

⁶ Apequina Israe manano panamena iji turiayequina ijiepetā Cohācjū yequina waro ijierare. Sa yena tiquina tiqiro yequina ijieragū ihñana ohō saha ni tuhutuboa musa: “Israe masare yeequina ijigū yeitja’, nieperota ihquēquinare Cohācjū tiqiro nidiro sahata yerare”, ni tuhutuboa musa. Sa ni tuhouteracāhña.

⁷ Ohō saha ijire: Apequina Israe masa Abrahā panamena iji turiayequina tiquina ijiepegūta “Abrahā panamena iji turiayequina waro ijire”, ni ihñedare Cohācjū tiquinare. Sa yero ohō saha niahye Cohācjū: “Muhu macu Isaac panamena iji turiayequina tiquina pūrita potota muhu

panamena iji turiayequina waro ijieta", niahye Cohācjū Abrahāre.

⁸ Tiquiro sa ni yahugū ahrire masinata mari: Abrahā panamena tiquina masa bajuari bato duita Cohācjū pohne wahariedaga tiquina. Cohācjū tiquiro ni cūrire quehnoano tuhoyequina tiquirore wacū tutuayequina pehe tiquinata ijiaga Cohācjū pohne. Sa ye tiquinata ijiere Abrahā panamena iji turiayequina waro.

⁹ Ohō saha niahye Cohācjū Abrahāre: "Ape cahma ahri pje borota yuhū majare tojoa tagū mūhū namono Sara nijinogāre cūorota mūhū macure", niahye Cohācjū Abrahāre. Sa nino Cohācjū Abrahā macano tiquiro masa bajuatire yahuyuro niahye.

¹⁰ Came Isaac namono Rebeca wame tioro duita pūoro pohna tiahye. Tiquina pacuro Isaac usā űecu munano iji turiariquiro ijiyahye.

¹¹⁻¹² Sa ye tiquina pohne tiquina masa bajuato pano quehnoañene, ñañe gūhūre tiquina yeato pano Cohācjū tiquina pacoro ijiaticorore ohō saha nie tiahye: "Tiquiro bahuro pehe tiquiro wahminore dutirotā. Sa yero tiquiro pūhtoro ijirota", nie tiahye ticorore. Cohācjū tiquiro cahmeno sahata besere tiquiro. Sa beseriquiro ijiro ihcāquirogāre besero ticorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiaticuinare besere.

¹³ Sata ni ojoahye tiquiro yere tiquina ojoari pūpu: "Jacob pehere cahñe tii. Sa yegu Esaū pehere cahñe tii", niahye Cohācjū, ni ojoahye panopu.

¹⁴ ¿Tire wacūna dūhse ni tuhotuboari mari? ¿Tiquina yeyere ihñedaperota ihcāquiore sa besero Cohācjū queoro yeraboari, masa tuhotugū? Ijierare.

¹⁵ Ohō saha nie tiahye Cohācjū Moiserere: "Yuhū cahmediquiro dihitare paja ihñautja", niahye tiquiro Moiserere. Sa yero ihcāquiore sa besero potota yero niahye Cohācjū.

¹⁶ Sa yena mari esa tuhuro mari cahmeno saha Cohācjūre marine paja ihñagū yeraja mari. Sa yero ne mari quehnoañene mari yeri wapa gūhūre marine paja ihñedare tiquiro. Tiquiro esa tuhuro tiquiro cahmeñequina pehere paja ihñare.

¹⁷ Sa yero sata tiquiro esa tuhuro yeahye Egipto cjēna pūhtoro gūhūre. Ohō saha niahye Cohācjū tiquirore faraōre: "Egipto cjēna pūhto ijiajūre cūgū nii mūhūre yuhū tutuayere ijipihtyequinare yuhū ihñoatire. Sa yegu ijipihtye yehpari cjēna yuhūre tiquina masiatire pūhto sōu nii yuhū mūhūre", niahye Cohācjū tiquirore. Ohō sahata nine Cohācjū yere tiquina ojoari pūpu.

¹⁸ Sa yero tiquiro cahmeñequinare tiquiro esa tuhuro paja ihñare tiquiro. Sa yero tiquiro esa tuhuro apequinare yūhtieragū yere tiquiro. Sa yero Cohācjū tiquiro cahmediro sahata yere.

¹⁹ Tiquiro sa yeriquiro ijigū ihñana yuhū pehere ohō saha niboaga masa: "Cohācjū marine tiquiro cahmediro sahata tiquiro yegū mari pehe tiquirore yuhūdaduca masisi. ¿Mari sa yuhūdaduca masiedapegūta dūhse ijiro boro marine buhiri dahre duajari tiquiro?" ni pihopūri sinituboaga masa yuhūre.

²⁰ Ohō saha ni yūhtiaja masare: "¿Masa ihyo ijina ijiepenata Cohācjūre tuhtiajari masa? Dihi sutu dahreriquirore ¿Dūhsegu yuhūre ohō saha ijiri sutu yeri mūhū?" ti sutu ni sinitubororo saha nina niaga masa Cohācjūre. Sa ni masiedare masa.

²¹ Dihi sutu dahreriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dihi yuhū mehnata ihyo ijiyere pose yeati sutu gūhūre ye masine tiquiro. Tiquiro yero saha Cohācjū gūhū tiquiro ye duaro sahata yere.

²² Sa yero Cohācjū pecapu tiquiro cohātiuinare tiquina ñañe yerire tiquiro ihña usaro tiuinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cāñahye, ijipihtyequinare tiquiro buhiri dahreatire, tiquiro tutuayere ihñono taro.

²³ Sata yeahye Cohācjū tiquiro quehnoa butiariquiro tiquiro ijiyere, tiquiro tutuaye gūhūre mari masiatire. Panopu marine tiquiro paja ihñanohanajare tiquiro beseahye, ijipihtye tiquiro tutuayere tiquiro quehnoañene mari cūoatire.

²⁴ Sa yena mari pehe tiquiro beserina ijinata niaja. Sa ye tiquiro beseriquina pehe ihquēquina judio masa dihita ijierare. Ihquēquina judio masa ijieyequina gūhū ijire tiquiro beseriquina.

²⁵ Sata nine judio masa ijieyequinare Cohācjū yere Osea munano tiquiro ojoariro sahata:

Yeequina ijieyequina gūhūre cameru tiuinare "Yeequina ijire", niitja. Sa yegu yuhū cahñeñequina gūhūre cameru tiuinare "Yuhū cahñana ijire masa", niitja, niahye Cohācjū.

²⁶ "Yeequina ijierare masa", Cohācjū tiquiro nimesi yehpari cjēna tiquina Cohācjū catiriquiro pohnetā ijieta, ni ojoahye Osea panopure.

²⁷ Sa yero panopu cjāno Isaia munano Israe masare ohō saha ni yahuahye: "Pajiri ma cjē padu pjerigāre mari queona cūedaja. Israe masa ti padu pjerigā yero saha ijieyequina peyequina ijiepegūta meheñequinagā Cohācjū yuhūorota tiuinare.

²⁸ Cohācjū ahri yehpa cjēnare peyequina masare sojaro mehna potota buhiri dahre madoqueorota”, niahye Isaia.

²⁹ Sa yero pari turita ohō saha ni ojoahye Isaia:

Mari puhtoro ijipihityequina puhtoro meheñequinagā mari mehna cjēnare yuhdueraro, marine judio masare ijipihitine butigū yeboya tiqiro. Sodoma cjēnare, Gomorra cjēna gāhure tiqiro butigū yeriro sahata mari gāhure butigū yeboya tiqiro, ni ojoahye Isaia yuhū acaye Israe masare tiqiro yeato panopū.

Judio masa quehnoañe buheyere cahmedahye

³⁰ Sa tjire. Sa yena ahrire masi nemoña masa: Judio masa ijieyequina Cohācjūre macaedapeta tiqirore bocare. Jesucristore tiqina wacū tutuagū, “Quehnoañequina ijire”, ni ihñari tiquinare Cohācjū.

³¹ “Cohācjū dutiyere mari yegū tiqiro marine yuhduerota”, niñe judio masa pehe Cohācjū Moiseri tiqiro dutiyere yepeta, cūedari. Sa yero ti dutiyere tiqina yepegūta Cohācjū “Quehnoañequina ijire”, ni ihñedari. Sa ye quehnoañequina iji duepeta cūedari.

³² Ohō saha ye, tiqina cūedari: Tiqina Cohācjūre wacū tutuaro marieno tiqina esa tuharo Moiseri tiqiro dutirire ye duamedī, tiqiro yequina iji duaye. Mari queoye mehna buhegū Cristo utā yero saha ijiriquiro ijire. Omaperiquiro utāpū doque wahā sa bora quehero, tiqiro esaborirore ne eserare. (Tiqiro yero saha tiqina Cristore utā yero saha ijiriquirore cahmeñequina Cohācjū cahapū ne esasi.)

³³ Sata ni ojoahye Cohācjū yere tiqina ojoari pūpū:

Jerusalē wame tiri macapū utā yero saha ijiriquirore cūgū niaja. Mari queoye mehna buhegū ohō saha ijire: Omaperiquiro utāpū doque wahā sa bora quehero tiqiro esaborirore eserare. (Tiqiro yero saha ti maca cjēna utā yero saha ijiriquirore tiqina cahmedari buhiri Cohācjū cahapū ne esasi. Tiqiro pehe tiquinare topūre waha dutisi.) Sa ye tiqirore wacū tutuayequina pehe quehnoano bucueeta, ni ojoahye.

10

¹ Yuhū acaye, Israe masare pecapū wahaboriquinare Cohācjū tiqiro yuhduoatire, tutuaro yuhū jeripohna mehna cahmesāja yuhū. Sa yegū Cohācjū tiquinare tiqiro yuhduoatire sini basaja yuhū.

² Potota tiqina Cohācjū cahmeñene ye duamene. Sa ye duepeta tiqiro cahmeñene masiedare.

³ Sa ye tiquinare Cohācjū tiqiro quehnoañequina wahagū yeborire tiqina masiedare. Sa masiedaye tiqina esa tuharo quehnoañene yepeta, cūedari. Tiqina sa yegū Cohācjū tiqiro wacū tutu dutiriro sahata tiqina yeragū ihñano, tiqiro pehe tiquinare “Quehnoañequina ijire”, ni ihñedari.

⁴ Ijipihityequinare Cristore wacū tutuayequinare “Quehnoañequina ijire”, ni ihñare Cohācjū. Sa yena dutiye yeye mehna yuhū witieraja mari. Cristo mehna yuhduaja.

⁵ Moise munano panopū cjāno ohō saha ni ojoahye: “Cohācjū dutirire mari duhuro marieno ye pehogū Cohācjū yuhduerota marine”, ni ojoahye tiqiro.

⁶⁻⁷ Tiqiro sa ni ojoaepēgūta yojopūre masa Cristore tiqina wacū tutuagū Cohācjū tiquinare “Quehnoañequina ijire”, ni ihñare. Ti buheye quehnoañequina wahagū yeri buheye ohō saha ni yahure: Cristo tiqiro basī ahri yehparū wihī tuhasari jiri. Sa yero masa mūja tuhasari jiri. Sa yena ohō saha ni tūhotueracāhña masa: “¿Diquiro pehe ahmūsepū Cristore ne cāhta basaro wahaboagari marine tiqiro yuhduoato saha? ¿Diquiro pehe yariariquina cahapū Cristore maso basaro ne cāhtaboagari? Tiquirore ne cāhtaboriquiro mariedare”, ni tūhotueracāhña masa.

⁸ Sa yero ohō saha ni yahure Cohācjū yere tiqina ojoari pūpū: “Cohācjū ye buheyere mari macagū ti buheye ohōpū ijire. Ti buheyere masi tuhasare masa. Sa yena ti buheyere yahuducue tire masa”, ni ojoahye. Ti buheyere Cristore wacū tutuaye buheyere masare yahuaja usā.

⁹ Ti buheye ohō saha ni yahure: “Jesu mari puhtoro ijire”, ni mari yahugū, “Cohācjū Jesure yariariquirore potota masori”, ni mari tūhotugū, Cohācjū marine pecapū wahaborinare yuhduerota.

¹⁰ Jesure mari wacū tutuagū Cohācjū pehe marine “Quehnoana ijire”, ni ihñanota. Sa yero Jesure mari wacū tutuayere apequinare mari yahugū tiqiro marine pecapū wahaborinare yuhduerota.

¹¹ Ohō saha nine Cohācjū yere tiqina ojoari pūpū: “Cohācjūre wacū tutuayequina tiqirore tiqina wacū tutuarire ne būjna wītisi”, niahye Cohācjū yere tiqina ojoari pūpū.

¹² Judio masare, judio masa ijieyequina gāhure Cohācjū ihcāno saha yedohore. Mari puhtoro ijipihityequina puhtoro ijire tiqiro. Sa yero ijipihityequinare tiqirore siniñequinare quehnoano pajiro ohorota tiqiro.

¹³ Ohō saha ni ojoahye panopure: “Yuhū ñañene cohāña. Sa yegū yuhūre yuhduoya’, ni mari puhtorore masa tiquina sinigū tiquinare pecarū wahaboriquinare mari puhtoro yuhduorota”, ni ojoahye Cohācjū yere.

¹⁴ Sa ye masa Cristore wacū tutueraye tiqiurore sini masiedare tiquina. Sa ye tiqiuro buheyere tūhoeraye, tiqiurore wacū tutua masiedare. Sa ye tiqiuro buheyere yahuriqiuro mariedagū tire tiquina ne masisi.

¹⁵ Sa ye tiqiuro ye buheyere yahua-tiquinare Cohācjū pehe tiqiuro ohoeragū tiqiuro ye buheyere yahu masiedare. Tire ojoahye Cohācjū yere tiquina ojoari pūpū: “Quehnoañe buheyere yahuatiquina tiquina ahtagū ihñana quehnoano bucueaja mari”, ni ojoahye panopure.

¹⁶ Ti sa ijiepegūta masa peyequina quehnoañe buheyere tūho duerare. Sata ni ojoahye Isaia mñano: “Puhto, tiquinare mari yahurire tiquina ne tūho duerari”, ni yahuahye Isaia Cohācjūre.

¹⁷ Sa ye masa quehnoañe buheyere tūhoye Cristore wacū tutuari. Sa ye Cristo yequina tiqiuro yere tiquina yahugū, tiqiuro ye buheyere tūhore masa.

¹⁸ Sa yegū ahrire sinitu duaja masare: ¿Israe masa Cohācjū yere tūhoera tiari, masa tūhotugū? Poto waro tiquina tūhomedī. Sata nine Cohācjū yere tiquina ojoari pū gāhū:

Cohācjū yere yahuequina ijipihitropū yahu siteye wahari. Sa ye ijipihitiro cjenarū tiqiuro yere tūhori, ni ojoahye panopū.

¹⁹ Pari turi masare sinitu duaja tja: ¿Israe masa tūhoepeta quehnoano masiedari tiquina, masa tūhotugū? Masie timahye. Ahrire yahu nemogu Moise nidire yahu mūhtautja. Ohō saha ni ojoahye tiqiuro:

Ohō saha ni yahure Cohācjū Israe masare: “Tūho masieñequina, ñañequina, ihyo ijieyequina ijire”, ni masa ihñañequinare yeequina ijiatiquina yeitja. Yuhū sa yegū masa pehe tiquinare ihña coonata. Sa yegū masare usuagū yeitja yuhū, ni yahuri Cohācjū Israe masa ijieyequinare tiqiuro yequina ijigū yero taro, ni ojoahye Moise.

²⁰ Ape pūpūre Isaia cuero marieno ohō saha niahye:

Ohō saha nine Cohācjū: Yuhūre macaedariquina pehe yuhūre bocari. Sa yegū yuhūre cahmeeñequinare tiquinare yuhūre masigū yei yuhū, nidi Cohācjū, ni ojoahye Isaia judio masa ijieyequinare.

²¹ Israe masa pehere ohō saha ni ojoahye Isaia: “Ohō saha nine Cohācjū:

Tiquina yuhūre yuhduocayequina, yuhūre cahmeeñequina ijire. Sa yegū tiquinare tiquina ñañene bujua witi dutigu ‘Yeequina ijija’, sa niducumi tiquinare”, nidi Cohācjū, ni ojoahye Isaia.

11

Meheñequinagū Israe masare pecarū wahaboriquinare yuhduorota Cohācjū

¹ ¿Sa yero Israe masare Cohācjū tiqiuro beseriquinare yojoṗure cohāñe tiqiuro, masa tūhotugū? Ijierare. Tiquinare cohāedari tiqiuro. Yuhū gāhū Israe masū, Abrahā panami iji turiagapū ijiaja. Sa yegū Benjami ya curua cja ijiaja yuhū.

² Panopū Israe masare Cohācjū besee tiahye. Tiquiro sa beseriquinare cohāedari. Cohācjū yere tiquina ojoari pūpū Elia mñano tiqiuro yerire yahure. ¿Ti pūpū Israe masare Elia Cohācjūre tiqiuro yahusārire masiedajari masa? Ohō saha ni yahusāhye tiqiuro:

³ “Puhto Cohācjū, tiquina Israe masa mñhū yere yahu mūhtariquinare wejēdi. Sa ye tiquina mūhure wacū usā ño peoye altarire cohāri. Sa yegū yuhū dihita mñhū yaquiro dūhsaja yojoṗure. Yuhū sa ijigū tūhoye yuhū gāhūre wejē duare tja, yojoṗure”, niahye Elia Cohācjūre.

⁴ Tiquiro sa nigū tūhoro Cohācjū pehe ohō saha ni yahtiahye Eliare: “Siete mil amua yeequina ijire yojoṗure. Tiquinare ihbou yuhū. Baal wame tiriqiuro queoyere ne ño peora tiri tiquina, yeequina”, niahye Cohācjū Eliare panopure ca dutieraro.

⁵ Ti pjere Elia tiqiuro ijiri pjere tiqiuro yequina masare beseriro sahata yojoṗū gāhūre meheñequinagū Israe masare tiqiuro yequina ijiatiquinare beseri jiri Cohācjū. Cohācjū tiquinare paja ihñano beseri jiri.

⁶ Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene masa yeri wapa masare beseitja”, nino, tiqiuro tiquinare potota paja ihñano niedaboya.

⁷ Sa ye ohō saha ijire. Israe masa Cohācjū tiquinare “Quehnoañequina ijire”, tiqiuro ni ihñagū cahmepeta tiquina ihcāno sahaerari. Cohācjū tiqiuro basi tiqiuro beseriquina pehe quehnoañequina tiqiuro yequina wahari jiri. Apequina pehe tiqiurore ihcāno sahaeraye, tiquina pehe tiqiuro yere tūho duerari.

⁸ Sata niahye Cohācjū yere tiquina ojoari pūpū: “Cohācjū tiqiurore cahmeeñequinare tiqiuro yere tūhoeyequina ijigū yeri. Sa yero potota ijyere tiquina tūhoepēgūta tiquinare quehnoano tūhogū yerari Cohācjū. Sata ijiducure tiquina yojoṗū gāhūre”, ni ojoahye panopure.

⁹ Sa yero ohō saha niahye Davi panopu cĵano Cohācjüre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegū ihñagu buhiri dahreya muha.

¹⁰ Tiquinare quehnoano tũhoeragū yeya muha. Sa ye sa buhiri tiducueyiquina ijiaho tiquina. Sa ye sa buhna witiducuenta, niahye Davi Cohācjüre.

Judio masa ijieyequinare pecapu waha-boriquinare yuhduorota Cohācjü

¹¹ ŸJudio masare Cristore tiquina cahmedagū ihñano Cohācjü tiquinare cohāno, cohā bo cāno niboari, masa tũhotugū? Cohā bosu tiquinare. Sa cohāedaperota tiquina Cristore tiquina cahmedagū yojopure judio masa ijieyequina pehere Cohācjü yuhduorota. Yojopure tiquinare tiqiro yequina wahagū yeri Cohācjü. Tiquiro sa yegū ihñañe ihquēquina judio masa pehe tiquinare ihña cooboa.

¹² Judio masa tiquina yuhduocagū tiquina quehnoano yeragū apequina pehere ahri yehpa cĵenare ihquēquinare Cohācjü yuhduori. Tiquiro sa yuhduogū tiquina pehere quehnoano wahari. Tiquiro sa yeriro yuhduoro, came judio masa pehe Cristore tiquina quehnoano wacū tutua ducagū pũritare ahri yehpa cĵenare quehnoa yuhduoro waharota.

¹³ Yojopure musare judio masa ijienare yahugū tũ niaja. Cristo cūri yuhare judio masa ijieyequinare buheacjüre. Sa buhegu ihyo waro yei niedaja.

¹⁴ Sa niaja yuhā acayere judio masare musare tiquina ihña coogū ye duagu. Cohācjü yuhduorina masa ijigū ihñañe tiquina gũhu Cristore cahme, tiqiro yuhduoriquina wahaboa.

¹⁵ Judio masare mehenogā cohābo curero, judio masa ijieyequina pehere quehnoañe buheyerere Cohācjü yahu dutiri. Tĩ buheyerere tiquina tũhori bato Jesure tiquina wacū tutuari bato ihquēquina ahri yehpa cĵena Cohācjü yequina wahari. Sa ye judio masare mehenogā tiqiro cohābo curegū quehnoano wahari ahri yehpa cĵenare. Tiquiro sa yeriro yuhduoro judio masare tiqiro yequina ijiatiquina tiqiro yegū pũrita quehnoa yuhduoro waharota ahri yehpa cĵenare. Tiquiro yequina tiquina wahagū peyequina masa Jesure wacū tutuayequinare pecapu waha-boriquinare yuhduorota.

¹⁶ Ohō saha ijire: Mehenogā trigo yuhā Cohācjüre ño peo tiquina duhu peori yuhā quehnoari yuhā Cohācjü tiqiro yegū, dahsari yuhā gũhu quehnoari yuhāta ijire. Sa yero yucagu nuhcori quehnoagū, tũ dũpuri gũhu quehnoañe dũpuri ijire.

(Ohō saha mari ni queoye mehna buhegū Abrahā usā ñecu munano quehnoariqiro tiqiro ijiriro sahata tiqiro panamena iji turiayequinapu gũhu quehnoañequina ijietta Cristore wacū tutuayequina ijieye.)

¹⁷ Ihquēquina sa ijiatiquina tiquina ijiepegūta apequina tiquina acaye pehere judio masare Cohācjü meheno cohābo cureri. Olivo wame tidu dũpuri ihquē dũpuri tiqiro dũte cohāboriro saha apequina judio masa pehere Cohācjü meheno cohābo cureri. Sa yucagu dũpuri cohāno tiqiro cohāri dũpuri ijirirope apeye dũpuri nucu cĵenu olivogu dũpuri camesa doho ohōri. Sata Cohācjü musare judio masa ijienare Abrahā panamena iji turianare comesari musare, masa gũhare yuhduoro taro.

¹⁸ Musare tiqiro sa cūgū “Judio masa yuhduoro quehnoana ijiaja usā”, ni tũhotueracāhña. Ahrire yuhā yahuatire wacūña masa: Judio masa pehere bese muhtahye Cohācjü. Sa besero tiquina acayuro ijiatiquirore cũahye Cristore, marine yuhduoro taro. Sa yena “Judio masa yuhduoro quehnoana ijiaja”, ni tũhotueracāhña masa.

¹⁹ Musa judio masa ijiena pehe ohō saha niboā: “Ihquē ñañe dũpuri tiqiro cohāboriro saha Cohācjü judio masare cohābo cureri ihquēquinare. Sa cohābo cureri tiqiro apeye dũpuri camesa tiqiro doho ohōno saha tiqiro yequina marine cūno taro”, niboā masa judio masare yuhduoca duana.

²⁰ Tĩ masa niñe ijirota ijire. Sa ijiepegūta tiquina Jesure tiquina wacū tutuerari buhiri Cohācjü cohābo cureri tiquinare. Sa yero masa gũhare Jesure masa wacū tutueragū tiqiro yequina ijianaja musare cũedaboaya. Sa yena “Judio masa yuhduoro quehnoana ijiaja usā”, niedacāhña masa. Sa niedana Cohācjüre quehnoano ño peoya.

²¹ Hũhu tãñe dũpuri yero saha judio masa pehe Cohācjü yequina iji muhtahye. Tiquiro comesari dũpuri tiqiro doho ohōboriro saha cameru Cohācjü tiqiro yequina masa pehere cũahye. Sa yero tiqiro yequina iji muhtariquina judio masa tiqirore tiquina wacū tutueragū, tiquinare cohābo cureri. Tiquinare tiqiro cohāri saha masa gũhare cohānota, tiqirore masa wacū tutueragū. Sa yena Cohācjüre quehnoano ño peoya masa.

²² Cohācjü musare quehnoano yeriquiro tiqiro ijigū masiña masa. Sa yena cua pesaro mehna buhiri dahreriquiro tiqiro ijigū gũhare masiña masa. Tiquirore ño peoyequinare tiqiro buhiri dahrerota. Sa masa tiqirore ño peoducugū pũrita musare quehnoano yerota tiqiro. Ño peoerana

ñañe dæpurre tiqiro cohãboriro saha masa gãhure cohãnota Cohãcã.

²³ Sa yero judio masa tiqiro cohãbo cureriquina Cristore tiquina wacũ tua ducagũ, yucagũ dæpurre masa tiquina doho ohõno saha Cohãcã tiqiro yequina ijigũ yerota tiquinare. Cohãcã tiqiro sa yeati tutuayere cõori. Sa yero tiqiro tiquinare ihquẽquinare tiqiro yequina wahagũ yerota.

²⁴ Musa judio masa ijiena ijina, nucũ cjãnu olivogu dæpuri yero saha ijire masa. Sa ijina masa ijiepegũ olivogu otedepũ nucũ cjẽ dæpurre masa tiquina ohõno saha Cohãcã musare tiqiro yequina ijigũ yerota. Judio masa Cohãcã tiqiro bese muhtariquina ijire. Sa yero tiqiro bese muhtarina masa ijierapegãta tiqiro yequina musare ijigũ yeri tiqiro. Judio masare tiqiro bese muhtariquina pehere tiqiro yequina ijigũ ye duare. Tire tiqiro yegũ musare yero yãhduoro mijoeda cjũre.

Came judio masare pecapũ wahaboriquinare yãhduorota Cohãcã

²⁵ Yãhu acaye, ahrire masa tiquina masiedare musare yahutja. “Yojoþare usã dihitarẽ besere Cohãcã. Usã pehe masi peho cjã”, masa ni tuhotuerato saha ahrire yahutja. Ohõ saha ijire: Yojoþare peyequina judio masa Cohãcãre tuho duasi. Sa ye peyequina judio masa ijieyequinare Cohãcã tiqiro queoriro puno tiqiro yequina tiqiro yeri bato judio masa pehe tiqirore cahmeeta.

²⁶ Tiquina sa cahmegũ ijipihtiyequina tiqirore cahmeñequinare judio masa pecapũ wahaboriquinare Cohãcã yãhduorota. Cohãcã yere tiquina ojoari pũpũ sata ni ojoahye:

Jerusalẽ wame tiri macapũ judio masa ya macapũ tiquinare yãhduoatiqiro ahtarota. Sa yero Jacob panamena iji turiayequinare tiquina ñañe yerire tiqiro cohãnota.

²⁷ Sa yegũ tiquinare yãhduogu panopũ tiquinare yãhu ni cõiro sahata yei niaja, nidi Cohãcã, ni ojoahye Cohãcã yere tiquina ojoari pũpũ.

²⁸ Yojoþare tiquina judio masa Cristo yere ño peoyequina Cohãcãre ihña tuhtire. Tiquina sa yegũ yojoþare masa pehe judio masa ijiena Cristore wacũ tua ducari. Judio masa pehere Cohãcã bese muhtahye. Sa yero judio masa ñecusãma muna panopũ cjẽna tiqiro beseriquina tiquina ijigũ yojoþũ ijieyequina judio masa gãhure tiqiro cahñe.

²⁹ Cohãcã tiqiro ni cõiro sahata masare tiqiro beseriro sahata potota yerota tiqiro. Tiqiro nidire bosĩ tiqiro.

³⁰ Panopũre masa gãhu Cohãcãre yãhduducari jiri. Yojoþare judio masa Cohãcãre tiquina yãhduducagũ ihñano tiqiro masa pehere paja ihñano yãhduori.

³¹ Yojoþare judio masa tiqirore yãhduducari. Tiquina sa yepægãta Cohãcã musare tiqiro paja ihñari sahata tiquina gãhure camerare paja ihñanota.

³² Ohõ saha ijire: Ijipihtiyequina masare “Buhiri tiyequina ijire”, nine Cohãcã. Sa yero ijipihtiyequina buhiri tiyequina tiquina ijigũ ihñano ijipihtiyequinare paja ihña masine tiqiro.

³³ Yohou. Cohãcã tutua yãhduariqiro ijiajari. Quehnoano masi pehoriquiro ijire tiqiro. Sa yero tiqiro tuhotuyere, tiqiro yerire marine quehnoano masino basioerare.

³⁴ Ohõ saha ni ojoahye Cohãcã yere: “Cohãcã mari puhtoro tiqiro tuhotuyere ne masa quehnoano masiedare. Sa ye masa tiqirore ‘Ohõ saha yeya’, ni masiedare.

³⁵ Sa ye masa Cohãcãre apee borore tiquina ohori bato ‘Tiqiro marine wapamore’, ni masiedare masa”, ni ojoahye panopũre.

³⁶ Cohãcã ijipihtiye yeahye. Sa yero tiqiro tutuaye mehna ijipihtiye ijigũ yere tiqiro. Sa ye ijipihtiye tiqiro ye ijire. Tiqiro sa jiriquiro ijigũ ijipihtiye decori tiqirore ño peouhna mari. Sata yeducuhna.

12

Cohãcã cahmeñene marine yeducu dutiahye Pablo

¹ Cohãcã marine tutuaro paja ihñari. Tiqiro sa paja ihñariqiro ijigũ ihñana yãhu acaye, masa basita Cohãcã yere yeducuya. Sa yena quehnoañe pehere comesarina, ñañe mariena ijiya. Masa sa ijigũ tiqiro bucuerota. Sata yero cahmene marine Cohãcãre ño peona. Sa yegũ musare tire tutuaro ye dutiaja.

² Ahri yehpa cjẽna ñañequina tiquina yero saha ye nemoedacãhña masa. Sa yena masa tuhotuyepũre quehnoañe pehere comesaya masa. Sa yena quehnoañe pehere comesarina ijinata masa. Sa comesana Cohãcã musare tiqiro ye dutirire masinata masa. Sa yena quehnoañene, Cohãcã cahmeñene, ñañe marieñene masinata masa.

³ Cohãcã yãhure paja ihñano musare buhe dutiro beseri yãhure. Sa yegũ ijiphtinare musare ahrire ni dutieraja yãhu. “Quehnoa yãhduana iji yãhduducaja usã”, ni tuhotueracãhña. Sa tuhotu cãhña. Jesure masa wacũ tutuari bato Cohãcã musare tiqiro yedohoro punota “To punota ye masiaja usã”, ni tuhotuya.

⁴ Ohō saha ni yahu nemoutja yahu: Mari omocari, mari dahpocāri, mari caperi, ijipihitiro mari pagurū ijiye peye ijire. Mari pagurū ijiye ihcā pagurū ijiepetā sijoro saha ijiye dahraye dihitare cūore.

⁵ Mari queoye mehna buhegū ahri yero saha ijire. Cristo pagu yero saha ijina ihcā curuata ijiaja mari. Sa yena mari ijipihitina peyequina ijiepenata ihcā curuaputa ijiaja mari.

⁶ Cohācjū marine tiqiro yedohoro punota tiqiro tutuaye mehna ye dutire. Sa yero maripe sijoro saha ijiye dahrayere cūre tiqiro. Tiquiro sa yegū marine tiqiro cūrire mari quehnoano yehna. Sa ye Jesu yequina ohō saha yeahro. Ihuēquinare Cohācjū tiqiro yere yahuatiquinare cūre. Sa ye tiquina Cristore tiquina masino puno tiqiro yere quehnoano yahuahro.

⁷ Ihuēquinare Cohācjū masare yedohtoatiquinare cūre. Sa ye tiquina masare quehnoano mehna yedohoahro. Ihuēquinare Cohācjū masare buheatiquinare cūre. Sa ye tiquina masare quehnoano buheahro.

⁸ Masare bucegū yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecuoyequinare yedohoyequina bucueye mehna yedohoahro.

Jesu yequina ijina ohō saha yena ijiya

⁹ Apequinare cahīna, potota cahīna tiquinare. Sa yena ñañene ihña yabina ijiya mūsa. Sa yena quehnoañe pehere cahmeña.

¹⁰ Mūsa bahanare mūsa cahīno sahata Jesu yequinare mūsa mehna cjēnare cahīna. Sa yena mūsa mehna cjēnare quehnoano cahme ño peoya.

¹¹ Cohācjū cahmeñene yena, ne caperacāhña. Sa yena mari puhtoro tiqiro dutitiro sahata quehnoano bucueye mehna yeya.

¹² Cohācjū mūsare pecarū wahaborinare tiqiro yuhduorinarū ijire mūsa. Tire masina bucueya mūsa. Sa yena ñano yuhduna, ihcāno sahaya “Cristo yere duhuari”, nina. Sa yena Cohācjūre sa siniducuya.

¹³ Apee boro Jesu yequinare dahsagū ohoya tiquinare. Sa yena mūsa ye wahusepū masa tiquina esagū quehnoano jeripohna ti, tiquinare piti caya.

¹⁴ Mūsare ñano yeyequina pehere quehnoa dutiya. Sa quehnoa dutina, tiquinare “Ñano yuhducūnahdo”, niedacāhña.

¹⁵ Apequina bucueyequina mehna ijina mūsa gūhu bucueya. Sa yena utiyequinare ihñana, uti dohoya.

¹⁶ Mūsa mehna cjēna mehna quehnoano ijiya mūsa. Sa yena “Apequina yuhduoro quehnoana ijiaja”, ni tūhotueracāhña. Ohō saha ni tūhotuya. “Ihyo ijina ijiaja”, ni tūhotu, ihyo ijiyequina mehna ijiya. Sa yena “Masī yuhduducana ijiaja usā”, ni tūhotueracāhña.

¹⁷ Apequina mūsare tiquina ñano yepegūta, tiquinare ñano ye cahmedacāhña. Sa yena quehnoañene yeya, quehnoana mūsa ijiye tiyere ijipihitiyequina masa tiquina masiatire.

¹⁸ Tutuaro mehna quehnoañene yeya mūsa, ijipihitiyequina mehna mūsa quehnoano ijiatire.

¹⁹ Mūsa yahu cahīna, yahu acaye apequina mūsare tiquina ñano yepegūta tiquina yero saha ñano ye cahmedacāhña. Cohācjū pehe mūsare tiquina ñano yeri buhiri buhiri dahreahro tiquinare. Cohācjū yere tiquina ojoari pūrū sata ni ojoahye: “Yahu pehe masa tiquina ñano yeri buhiri buhiri dahreacjū ijiaja. Sa yegu potota buhiri dahreitja”, nine mari puhtoro”, ni ojoahye panopare.

²⁰ Sa yena ohō saha yeya mūsa: “Mūsare ihña tuhtiritiquiro tiqiro wjua ahbagū ihñana nuña tiquirōre. Tiquiro aco wuogū ihñana tiquirōre sihōña. Mūsa sa yegū ihñano tiqiro bue tirota”, nine mari puhtoro.

²¹ Sa yena apequina mūsare tiquina ñano yepegūta mūsa pehe tiquinare ñano ye cahmedacāhña. Sa yena tiquinare quehnoano yeya. Sa yena ñañene ye duerana ninata mūsa.

13

¹ Ijipihitiyequina puhtoare Cohācjū dihita cūre. Sa yero mūsa puhtoa gūhare Cohācjū bese cūre. Tiquiro sa cūriquina tiquina ijigū ihñana ijipihitina mūsa tiquinare yahtiya.

² Mari bui cjēna puhtoare quehnoano yahtierana Cohācjū tiqiro bese cūriquinare yuhduducana niaga mari. Sa yuhduducariquinare Cohācjū pehe buhiri dahrerota.

³ Quehnoañequinare cuegū yeatiquina ijierare puhtoa. Ñañene yeyequina pehere cuegū yeatiquina ijire tiquina. Quehnoañene yeya mūsa puhtoare mūsa cueratire. Sa yena cuesi mūsa. Quehnoañene mūsa yegū puhtoro pehe “Quehnoano yeri mūsa”, mūsare ninota.

⁴ Mūsa puhtoa mūsare yedohtoatiquinata ijire masa quehnoano ijiatire. Sa ye tiquina mūsare buhiri dahreatiquinata ijire. Ijipihitiyequina ñañene yeriquinare buhiri dahre dutiro Cohācjū tiquinare beseri. Tiquina sa buhiri dahreatiquina ijigū ñañene yena mūsa puhtoare cueya.

⁵ Sa yena mari puhtoare yahtina, tiquina buhiri dahreaire cueracāhña. Sa yena ño

14

peoye mehna “Quehnoañene yero cahmene yahure”, ni tuhuro mehna quehnoano yuhtihna.

⁶ Musa puhtoare tiquina dahrayere cūri Cohācjū. Sa yena tiquina dahrayere tiquina yegū ihñana musa puhtoare wapa ne cohteyequinare wapa yere musa.

⁷ Ijipihtiyequinare musa puhtoare quehnoano yuhtiya. Sa yena puhtoare wapa ne cohteyequinare wapa yeya musa. Sa yena puhto pehe apeyere tiquina wapa ye dutigū gāhure wapa yeya. Sa yena ijipihtiyequina puhtoare quehnoano ño peoya.

⁸ Apequina masare wapamoedacāhña. Tiquinare cahño cahmene. Sa ye cahñi nemono cahmene. Tiqiro cahapū ijiriqirore cahñidiquiro Cohācjū dutiyere ye peho tuhasariqiro ijire. Sa yena musa caha ijieyequina gāhure cahña.

⁹ Ohō saha nine Cohācjū dutiye: “Apequiro namono mehna ñano yeracāhña. Masare wejēdacāhña. Yaqueracāhña. Apequina yere tutuaro cahmedacāhña”, ni yahure tiqiro dutiye. Apeye dutiye gāhū ijire. Sa ijiepegūta ihcāno dutirore masare yahugū tū niaja. Ti dutiro ihcāno dutiro ijiepegūta ti dutirore yena, Cohācjū dutiyere ye pehona niaja mari. “Mūhū basi mūhū cahño saha mūhū caha ijieyequina gāhure cahña”, nine ti dutiro. Ti dutirore yena Cohācjū dutiyere ye pehona ijina nine musa.

¹⁰ Musa caha ijiriqirore cahña, tiqirore ñano yesi. Sa yena tiqirore cahña, Cohācjū dutiyere ye pehona nine musa.

¹¹ Sa yena carñiequina yero saha ijieracāhña musa. Quehnoano wacū masiña. Jesure quehnoano wacū cohteya. Jesu marine tiqiro tojoa ta, tiqiro neato mehenogā duhsatjiäre. Tiquirore mari coā masi ducana, “Yoari batopū marine yahduoro tarota Jesu”, ni tuhutumi. Mari sa ni tuhotepegūta yojopure mehenogā duhsare Jesu marine tiqiro yahduoro ahtato. Ahri yuhū nidire masine musa.

¹² Yojopure ñañene tiquina yeri deco ijire. Cristo tiqiro ahtagū ahri deco pihitirota. Tiquiro ahtato mehenogā duhsare. Tiquiro ahtato mehenogā duhsagū ihñana ñañene duhu pehocāhna mari. Sa yena Cohācjū cahmeñe pehere yeihna mari. Sa Cohācjū yere yena, ñañene duhu pehocāhna mari.

¹³ Sa yena quehnoañe pehere yeihna. Sa yena bose decorire yena ñano yeracāhna. Sa yena queheracāhna. Sa yena wuana tina, apequina mehna ñano yena, cahme duse tñi wiana, ihña coona ijieracāhna.

¹⁴ Sa yena mari puhtoro Jesucristo tiqiro yedohoye mehna quehnoano ijia musa. Sa yena ñañene musa tutuaro cahmeñene yeracāhña.

*Musa acayere Jesu yequinare “Ñano yee nine”, ni yahu wajaeracāhña
(1 Co 8.1-13)*

¹ Jesure wacū tutuariquiro Jesu yere tiqiro quehnoano masiedarigū tiqirore quehnoano yedohoya. Sa yena Jesu yere tiqiro quehnoano masiedarigū ihñana “Ne masiedare mūhū”, ni cahme duse tutueracāhña tiqiro mehna.

² “Ijipihtiyere ihya masiaja yuhū”, ni tuhature apequina. Sa ye apequina pehe Jesu yere quehnoano masiedarñe, wahiquinare ihyeraye, oteye dūca dihitate ihyare.

³ Ijipihtiyere ihyayequina pehe oteye dūcare ihyayequinare ihña tuhtieracāhdo. Sa ye oteye dūca dihitate ihyayequina pehe ijipihtiyere ihyayequinare “Ñano yeye nine”, ni yahu wajaeracāhdo. Ijipihtiyere ihyayequina pehe Jesure wacū tutuayequina tiquina ijigū Cohācjū tiquinare tiqiro yequina ijigū ye tuhasari. Tiquiro yequina tiquina ijigū ihñañe wahiquinare ihyeyequina pehe tiquinare yahu wajaeracāhdo.

⁴ Jesure wacū tutuayequina Cohācjū hacjēna ijire. Tiquina sa ijigū ihñana musa tiquinare yahu waja masiedare. Jesure wacū tutuayequina Jesu cahmeno saha tiquina yeragū ihñano tiqiro dihita tire yahu masine. Tiquina quehnoano yegū gāhure tire yahu masine tiqiro tiquinare. Sa yero tiqiro pehe “Ñano yeri mūhū”, ni yahuatiquiro ijirota. Sa yero tiqiro cahacjēnare quehnoañene yeducu masigū yeriquiro ijire Cohācjū.

⁵ Ihquēquina ihcā decore Cohācjūre tiquina ño peoati deco yere. Sa ye apeye decorire “Dahraye decori ijire”, ni tuhature. Apequina pehe decoripe Cohācjūre ño peoducure. Tiquina ihcāno saha sa yerariquina ijiepetā ijipihtiyequina ohō saha ni tuhutuahro: “Jesu tiqiro cahmeno sahata quehnoano yena niaja”, ni tuhutu masiahdō.

⁶ Masūno ihcā deco tiqiro ño peoati deco yere Cohācjūre ño peoro taro. Sa yero decoripe ño peoducuriquiro Cohācjūre quehnoano ño peore tiqiro gāhū. Sa yero sijeriquiro gāhū ihyaro, Cohācjūre “Quehnoare”, ni sinine. Sa yero tiqiro gāhū ihyariquiro ijiro Cohācjūre ño peroriqiro ijire. Sa yero ihquē ihyayere sijeriquiro pehe tiqiro sijire Cohācjūre ño peoro taro. Sa yero tiqiro gāhū Cohācjūre “Quehnoare”, ni sinine.

⁷ Mari cahmeñe dihitate yena ijie masiedaja mari. Cristo ijire mari puhtoro. Sa yero mari catigū mari yariagū gāhure mari puhtoro ijire.

⁸ Yojopare mari catiro puno Cristo yere yeana ijiaja mari. Tiquiro yequina ijiaja. Mari yariari batopu gähure tiquiro yequina ijinata. Sa yero mari catigü mari yariagü gähure Cristo mari pughtoro ijire.

⁹ Sata ijire. Cristo yaria masa mujahye, catiyequina, yariariquina gähu tiquina pughtoro ijiro taro.

¹⁰ ¿Dahsena tana masa acayurore Jesu yaquirore “Ñano yero nine”, ni yahu waja duajari masa? ¿Dahsena tana masa acayurore cahta diho cü duajari masa? Mari ijipihitina Cristo caha mari ducugü tiquiro pehe mari yerire masi pehoro, marine beserota quehnoano, ñana gähure. Tiquiro sa beseatiquiro ijigü masa acayurore “Ñariquiro ijire” ni yahu wajaeracähña.

¹¹ Cohäcjä yere tiquina ojoari püpu ohö saha ni ojoahye:

Ohö saha nidi mari pughtoro: “Ahri potota ijire. Ijipihitiyequina yuhu pototo dusepe curi mehna quehe saeta. Sa ye ijipihitiyequina ‘Quehnoagu, tutuagu ijire’, ni, yuhure ño peoeta”, nidi mari pughtoro, ni ojoahye.

¹² Sa yena ijipihitina mari yerire Cohäcjä siniturota. “¿Dahse yena sa yeari?” ni siniturota. Tiquiro sa ni sinitugü yuhtiro cahmene marine.

Musa acayurore ñano yegü yeracähña masa

¹³ Sa yena mari mehna cjëna gähure “Ñañequina ijire”, ni yahu wajaeracähña. Sa yena mari acayurore Jesu yaquirore ñano yegü yeracähña.

¹⁴ Yuhu Jesucristo yaquiro ijiaja. Sa yegu ahri yuhu niatire quehnoano masiaja yuhu: Yuhu pehe ijipihitiye ihyayere yuhu ihyagü yuhu ihyari buhiri, buhiri mariedare. Apequiro pehe “Ahri ihyayere ihyagu ñano yei niaja”, ni tughturiquiro pehe ihyaro, potota buhiri tiriquiro ijire.

¹⁵ Ti potota ijire. Masa apee borore masa ihyagü masa acayurore masare ihña cü ihyaro, “Yohou, ñano yei niaga yuhu”, ni pajiro tughtuboaga tiquiro. Tiquirore sa ihña cü ihyagü yena, tiquirore cahiedare masa. Apee borore masa ihyagü ihña cü ihyaboaga tiquiro. Sa ihyaro “Ñano yei niaja”, ni tughturo Cristore duhuboaga. Masa acayurore ye buhirire yariari Cristo. Sa yena “Cristore duhuari”, nina tiquirore ihña cügü yeracähña.

¹⁶ Sa ye “Ahri usä yeri quehnoariäga”, masa ni tughtugü apequina masare yahu wajaboaga. Tiquina sa yahu wajagü ihñana, masa sa yerire ye nemoedacähña, “Yahu waja nemoari” nina.

¹⁷ Cohäcjä pehe mari pughtoro ijire. Tiquiro sa ijigü mari ihyaye, mari sihniñe gähu sa iji cäno nine. Ihyo warota ijire. Sa ye

mari pughtoro tiquiro dutiyere, quehnoañe gähure mari yegü ti waro ijiro nine. Sa ye apequina mehna mari quehnoano ijigü gähure quehnoañe waro ijiro nine. Sa ye Espiritu Santo yedohoye mehna mari bucuegü quehnoañe waro ijiro nine.

¹⁸ Sata Cristo yere yeriquirore ihñañe Cohäcjä, masa gähu “Quehnoano yeri mahu”, nieta.

¹⁹ Sata yeihna mari pürta quehnoano mari ijiatire, mari basi mari cahme yedohoitire. Sa yena Jesure wacü tutua nemonata.

²⁰ Apequiro Jesu yaquiro tiquiro ihya dutiarire masa ihyagü ihñano tire coeraro, Cohäcjä yere cohäboaga. Sa yena tire ihyeracähña. Potota ijipihitiye ihyaye quehnoañe ihyayeta ijire. Sa ijiepegüta apee borore mari ihyagü apequiro “Ñañe ihyaye ijiaga ahri”, nidiquiro ijieperota ihña cü ihyaboaga. Sa ihyaro ñano yero niaga tiquiro. Sa yena marine tiquiro ihña cü ihyagü, mari gähu ñano yena niaja.

²¹ Wahiquina dihire masa ihyagü ihñano, vinore masa sihniñe ihñano, apequiro Jesu yaquiro “Tire ihyagu ñano yei niaga yuhu”, ni tughturiquiro ijieperota tiquiro gähu ihña cü, ihya sihniñoaga. Sa ni tughturiquiro pürta ihya sihniño ñano yero nine. Sa yena tiquiro ñano yerato saha Jesure tiquiro wacü tutua duherato saha wahiquina dihire, vino gähure masa pehe masa duhugü quehnoañe.

²² “Ijipihitiye ihya masiaja”, ni tughtuna, tire Cohäcjä dihitare yahuya. Ñañene yeriariquiro, “Quehnoano yei niaga yuhu”, ni tughturiquiro bucueriquiro ijire.

²³ Apequiro pehe “Ahri ihyayere ihyagu ñano yei niaga yuhu”, ni tughturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagu potota quehnoañene yei niaja”, ni tughtuerare tiquiro. Sa ni tughtueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tughtueraro tire yero, buhiri tire tiquiro.

15

Mari caha ijiequinare quehnoano yeihna

¹ Mari Cohäcjäre quehnoano wacü tutua pehe wacü tutuera cjüñequinare yedohouhna. Sa yena mari ye dihitare yeducueracähña.

² Sa yena mari caha ijiequinare Jesu yequinare quehnoano yeihna tiquina quehnoano ijiatire, Cohäcjäre tiquina quehnoano wacü tutua nemoatire.

³ Cristo pehe tiquiro ye dihitare yerahye. Sata nine Cohäcjä yere tiquina ojoari püpu. Ohö saha ni ojoahye: “Cristo ohö saha nidi

Cohãcjäre: ‘Mũhu pehere ñano yahuducuboriquina yũhu pehere ñano yahuducuri’, nidi Cristo Cohãcjäre”, ni ojoahye panopũre. (Sa tiquina ñano yahuducunohriquiuro ijiro Cristo tiquiuro Pacũro ye pehere ye basaro niahye.)

⁴ Panopũ Cohãcjũ yere tiquina ojoari pũpũ tiquina ojoahye mari quehnoano buheatre. Sa yena ti pũre buhena bucueaja. Sa buhena mari ñano yũhdũna ihcãno sahanata.

⁵ Cohãcjũ musare tutuagũ yeriquiro bucuegũ yeriquiro musare ijipihntinare ihcãno saha quehnoano ijigũ yeahro, Cristo cahmediro sahata.

⁶ Sata yeahro tiquiuro mũa ijipihntina ihcãno mehna Cohãcjäre mari puhtoro Jesucristo Pacũrore “Quehnoagu, tutuagu ijire”, ni mũa ño peoatore.

Judio masa ijieyequinare quehnoañe buheyere yahu dũcahye

⁷ Cristo marine tiquiuro yeriro sahata mũa mehna cjenare quehnoano cahme piti caya. Mũa sa yegũ ihñañe “Potota Cohãcjũ quehnoariquiuro ijire”, ni ihñaeta masa pehe.

⁸ Musare ahrire niita niaja: Judio masare yedohoatiquiuro ahtahye Cristo. Cohãcjũ tiquiore ohoro judio masa usã ñecusumũa munapũre panopũ cjenare tiquiuro ni yahuriro sahata yero niahye. Tire tiquiuro yerire masare masigũ yeatiquiuro ahtahye Cristo.

⁹ Masare Cristo tiquiuro yedohogũ Cohãcjũ paja ihñaño nine tiquinare. Tiquiuro sa paja ihñañũ judio masa ijieyequina gũhu Cohãcjäre “Quehnoagu, tutuagu ijire”, ni, ño peore yojopũre. Tiquina gũhũre tiquiuro yequina ijigũ yero ahtahye Cristo. Cohãcjũ yere tiquina ojoari pũpũ sata ni ojoahye:

Cristo ohõ saha niahye Cohãcjäre:
Judio masa ijieyequina caha mũhũre “Cohãcjũ quehnoagu, tutuagu ijire”, ni ño peoutja. Sa yegũ tiquina caha basagu mũhũre basautja, niahye Cristo Cohãcjäre, ni ojoahye panopũre.

¹⁰ Sa yero ohõ saha ni ojoahye tja:
Cohãcjũ tiquiuro beseriquina judio masa mehna cahme bucueya mũa gũhu judio masa ijiena, ni ojoahye panopũre.

¹¹ Sa yero ohõ saha ni ojoahye tja:
Judio masa ijieyequina ijipihntinequina Cohãcjäre ño peoahro. Sa ye ijipihntiro cjenã tiquiore “Quehnoagu, tutuagu ijire”, ni ño peoahro, ni ojoahye.

¹² Sa yero Isaia munano gũhu ohõ saha ni ojoahye:

Isaĩ panamino iji turiariquiuro ahtarota. Sa ahtarõ judio masa ijieyequina puhtoro ijirota tiquiuro. Sa ye tiquina

pehe tiquiore wacũ tutua, tiquinare pecapũ wahaboriquinare tiquiuro yũhdũoatire masieta tiquina, ni ojoahye panopũre.

¹³ Cohãcjũ marine yũhdũoro ahtatiquiuro quehnoano musare bucuegũ yeahro. Sa yero Jesure mũa wacũ tutuagũ musare quehnoano ijigũ yeahro tiquiuro. Musare tiquiuro sa yegũ musare tiquiuro yũhdũoatire Espĩritu Santo tutuaye mehna bucueya mehna masi nemonata mũa.

¹⁴ Ahrire musare yũhu yahuatire quehnoano masiaja. Mũa pehe quehnoana ijire. Sa yena Jesu yere quehnoano masine. Sa masina mũa mehna cjenare cahme quehnoano yahu, buhe masine mũa.

¹⁵ Mũa sa masina mũa ijiepegũta ihquẽ tahari ahri pũpũre musare cuero marieno quehnoano yahu peho ojoaũ mũa wacũato saha. Cohãcjũ yũhũre cahĩno musare buhe dutiro cũri yũhũre. Sa yegũ tiquiuro cũriro sahata yegũ tagũ musare wacũgũ yei.

¹⁶ Yũhũre tiquiuro sa cũgũ Jesucristo cahacjũ ijigũ tiquiuro yere quehnoañe buheyere judio masa ijieyequinare buheaja yũhu. Yũhu sa buhegũ tũhoye judio masa ijieyequina Jesure wacũ tutuaeta. Tiquina sa wacũ tutuagũ ihñaño tiquinare Cohãcjũ “Quehnoañequina ijire”, ni ihñañota. Sa yero tiquinare cahmenota. Sa yero Espĩritu Santo pehe Cohãcjũ yequina ijigũ yerota tiquinare. Pahia ujaũ mũo Cohãcjäre tiquina ohoriro sahata, tiquinare ñañe marieñequinare Cohãcjäre oho duaja.

¹⁷ Sa yegũ Jesucristore wacũ tutuagũ ijigũ Cohãcjũ tiquiuro buhe duti cũrigũ ijigũ bucueye mehna buheaja musare.

¹⁸⁻¹⁹ Apequina judio masa ijieyequinare Cristo yedohoye mehna tiquinare yũhu buhegũ tũhoye, yũhu yerire ihñañe, Cohãcjũ tutuaye mehna ye ihñorire ihñañe, Espĩritu Santo tiquiuro tutuaye mehna tiquina Cristore wacũ tutuari. Ahri pũritare musare pototi yahu duaja. Apequinapũ tiquina yerire yahueraja. Jerusalẽpũ coã yũhu buhe dũcari bato ijipihntiye macaripũ buhe dũcaũ. Tee Ilirico yehpapũ gũhũre Cristo ye buheye quehnoañe buheyere buhei esau.

²⁰ Sa yegũ Cristo yere masieñequina dihitare quehnoañe buheyere tutuaro buhe duaũ, yũhu mehna cjenã tiquina buhenohriquinapũre buhe dueragu.

²¹ Sata ni ojoahye Cohãcjũ yere tiquina ojoari pũpũ:

Panopũ tiquiore ne tũhoerariquina tiquiore masieta. Sa ye tiquiore ne tũhoerariquina tiquiuro yere quehnoano tũhoeta, ni ojoahye Cohãcjũ yere tiquina ojoari pũpũ.

Pablo Romapũ tiquiuro wahatire yahuahye

²² Sa yegū ijipihtiuro cjenare buherigu ijigu peye tahari mūsa caharū waha duepeguta waha masiedahti.

²³ Yojoḡure ahri yehparipure yūhū dahraye pihitia wahari. Sa pihitigū ihñagū, peye cūhmari mūsa caharū waha duarigu ijigu mūsa caharū wahaŋtja.

²⁴ Sa ye Españaŋ wahaḡū mū sare topū ihñā yūhdū cāutja. Sa yegū mūsa mehna bucueitja. Sa yegū mūsa mehna yūhū mehenogū ijiri bato yūhūre mūsa yedohoye mehna Españaŋ wahaŋtja.

²⁵ Yojoḡure Jerusalēŋ wahaŋ tū niaja. To cjenare Jesu yequinare yūhū acayere niñerure sogū wahaŋ tū niaja.

²⁶ Macedonia yehpa cjenā, Acaya yehpa cjenā gūhū quehnoano mehna Jesu yequinare Jerusalēŋ ijieyequinare pejecūoyequinare niñerure ohori tiquinare yedohoye. Sa yegū tiquinare tire oho basagū wahaŋ tū niaja.

²⁷ Ti niñerure ohoye, quehnoano mehna ohori tiquina. Tiquina sa yegū quehnoarīne, yūhū tūhotugū. Tiquinare judio masa ijieyequinare judio masa pehe Cohācjū yere buhe māhtari. Sa ye tiquinare tiqiuro yūhdūoato gūhūre buhe māhtari judio masa. Tiquina sa buhegū ihñagū Macedonia cjenā, Acaya cjenā mehna tiquinare tiquina yedohogū quehnoarīne yūhūre. Tiquinare tiquina buheri wapa yero saha ijire ti, yūhū tūhotugū.

²⁸ Sa yegū Jerusalē cjenare ti niñerure oho tuhasagū Españaŋ wahaŋtja. Topū wahaḡū mū sare ihñā yūhdū cāutja.

²⁹ Sa yegū mūsa caharū yūhū wahaḡū Cristo yere mū sare yūhū buhegū tiqiuro mū sare quehnoano jeripohna tigū yerota.

³⁰ Yūhū acaye, mari pūhtoro Jesucristore wacū tutuare mūsa. Sa yena Espīritu Santo tutuaye mehna apequinare cañine mūsa. Sa yena yūhū gūhūre tutuaro sini basaya Cohācjūre.

³¹ Ohō saha ni sini basaya: Judea yehpa cjenā Jesure ño peoyequina yūhūre tiquina ñano ye duagū Cohācjū yūhūre tiqiuro yedohoato saha sini basaya. Sa yena Jerusalē cjenare niñerure yūhū ohogū tiquina tire bucueye mehna tiquina ñeheato saha sini basaya.

³² Mūsa sa sinigū Cohācjū cahmegū bucueye mehna mūsa caharū wahaŋtja. Sa yegū mūsa mehna ijigu bucueye mehna soutja.

³³ Cohācjū marine quehnoano ijigū yeriqiuro mūsa mehna ijiducuahro. Sata ijiahro.

16

Pablo quehnoa dutiahye

¹ Mari acayoro Febe wame tiricoro mūsa caharū waharo taro nine. Ticoro Cencrea

wame tiri macarū Jesu yequinare cahme-coañequinare yedohoricoro ijire.

² Sa yero peyequinare yedohoricoro yūhū gūhūre yedohoricoro ijiri ticoro. Sa yero mari pūhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagū ihñāna ticorore ohoya mūsa.

³ Aquila, tiqiuro namono Priscila gūhū quehnoahdo. Jesucristo yere yūhū buhegū tiquina gūhū yūhū mehna dahrari.

⁴ Tiquinare meheno wejēmedi, apequina yūhūre tiquina wejē duagū tiquina yedohori buhiri. Sa yegū tiquina mehna bucueaja yūhū. Sa ye judio masa ijieyequina Jesu yequina ijipihtieyequina tiquina gūhū tiquina mehna bucure.

⁵ Sa ye Aquila ya wūhūŋ cahme-coañequina gūhū Jesu yequina quehnoahdo. Yūhū cañiniqiuro Epeneto gūhū quehnoahdo. Tiqiuro Asia yehpa cjenā topū ijiro Cristore wacū tutua māhtariqiuro ijiri.

⁶ María gūhū quehnoahdo. Ticoro mūsa mehna tutuaro dahrari.

⁷ Yūhū acaye Andronico, Junia gūhū quehnoahdo. Peresupū yūhū ijigū tiquinata yūhūre piti tiyequina ijiri. Sa ye yūhū pano Cristore wacū tutua māhtari tiquina pehe. Apequina Jesu cūriquina pehe tiquinare “Potota quehnoañequina ijire”, ni yahuducure.

⁸ Amplia gūhū yūhū cañiniqiuro Jesu yaqiuro ijire. Tiqiuro quehnoahdo.

⁹ Sa yero Urbano gūhū quehnoahdo. Tiqiuro gūhū mari mehna Cristo yere dahrari. Sa yero yūhū cañiniqiuro Estaqui quehnoahdo.

¹⁰ Sa yero Apele gūhū quehnoahdo. Tiqiuro potota quehnoano Jesure wacū tutuare. Tiqiuro yerire ihñāna tire masiaja mari. Sa ye Aristobulo ya wūhū cjenā ijipihtieyequina tiqiuro namono tiqiuro pohne gūhū quehnoahdo.

¹¹ Yūhū acayaro Herodiō quehnoahdo. Sa ye Narciso ya wūhū cjenā Jesu yequina quehnoa pihti cāhdo.

¹² Sa ye Trifena, Trifosa gūhū quehnoahdo. Ti numia mari pūhtoro Jesu ye dahrayere tutuaro yere. Mari cañinicoro Pérsida gūhū quehnoahdo. Ticoro mari pūhtoro yere tutuaro dahrari.

¹³ Sa yero Rufo mari pūhtoro Jesure quehnoano wacū tutuariqiuro, tiqiuro yere quehnoano yeriqiuro quehnoahdo. Tiqiuro pacoro gūhū quehnoahdo. Ticoro yūhū paco yero saha ijiricoro ijire.

¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjenā gūhū quehnoahdo.

¹⁵ Sa ye Filologo, Julia, Nereo, tiqairo bahoro gāhū, Olimpa, apequina tiquina mehna cjēna gāhū Jesu yequina quehnoahdo.

¹⁶ Sa yena mūsa mehna cjēnare piti cana, quehnoano mehna piti caya. Ijipihtiyequina Jesu yequina ijipihtiro cjēna mūsare quehnoa dutire.

¹⁷ Yūhū acaye, mūsa mehna cjēna ihquēquina mūsare cahme ihña tuhtigū yeyequina, cahme tu wagū yeyequina ijiñohiti. Sa ye mūsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneri”, nina. Sa ijyeyequinare piti tieracāhña.

¹⁸ Sa yeyequina mari puhtoro Jesucristo yere yerare. Ñañene tiquina tutuaro cahmeñe dihitaro yere. Sa ye quehnoano taho coaro dero majare doco ni meho buhere quehnoano masieñequinare. Tiquina sa ni mehogū tiquinare quehnoano tuhore. Sa yena tiquinare piti tieracāhña mūsa.

¹⁹ Mūsa pehe Jesure quehnoano yuhtina ijiñohiti. Tire ijipihtiyequina masine. Sa quehnoano yuhtina mūsa ijigū bucueaja yūhū. Sa yegū quehnoano mūsa yeatire mūsa masigū cahmeaja yūhū. Sa yegū ne ñañene mūsa yeragū gāhūre cahmeaja yūhū.

²⁰ Sa yero Cohācjū marine quehnoano ijigū yeriquiro mehenogā bato mūsare yedohorota “Satanare yūhdūcaahro”, nino. Mari puhtoro Jesucristo mehna mūsare quehnoa dutiaja.

²¹ Timoteo yūhū piti mūsare quehnoa dutire. Yūhū acaye judio masa gāhū, Lucio, Jasō, Sosipate mūsare quehnoa dutire.

²² Yūhū Tercio ahri pūre Pablōre ojoa basagū ijaia. Yūhū Jesu yaquiro ijigū mūsare Jesu yequinare quehnoa dutiaja.

²³ Gayo ya wūhūpū ijigū niaja yūhū Pablō. Tiqairo ya wūhūpū Jesu yequina cahmecoare. Tiqairo gāhū mūsare quehnoa dutire. Sa yero Erasto ahri maca cjēna puhtoare niñeru ihbo cohteriquiro mūsare quehnoa dutire. Mari acayuro Jesu yaquiro Cuarto gāhū mūsare quehnoa dutire.

[
²⁴ Mari puhtoro Jesucristo mehna mūsare ijipihtinare quehnoa dutiaja.]

Pablō Cohācjūre ño peoro ojoa bato tiahye

²⁵⁻²⁷ Mari puhtoro Jesucristo ye buheye mehna quehnoañe buheye mehna Cohācjū mūsare tiqairore wacū tutua nemogū ye masine. Panopure quehnoañe buheye ne masare yahuerari buheye ijimahye. Yojoypure Cohācjū yere yahu mūhtariquina mūna tiquina ojoari mehna ti buheyere yahuri jire. Yūhū gāhū tire buheaja. Ti buheyere ijipihtiro cjēna yojoypure masine. Cohācjū sa ijiducuriquiro tiqairo dutiro

sahata tiquina masine. Ti buheyere tiqairore yahu dutiahye masa tiqairore tiquina yuhtiatire, tiqairore tiquina wacū tutuati gāhūre. Sa yena tiqairore “Potota quehnoagu, tutuagu ijire”, ni ño peuhna. Tiqairo ihcāquirota Cohācjū dihita quehnoano masi pehoriquiro ijire. Jesucristo yedohoye mehna Cohācjūre sa ño peoducuuhna mari. Sata ijiducuuhna.

1 Corintios

Pablo Cohācjū yequinare Corinto cjēnare ojoa ohoahye

¹⁻² Yuhū Pablo, Jesucristo yere buhe duti tiqiuo cūrigū ijiaja. Cohācjū tiqiuo cahmeno sahata Jesu tiqiuo cūacjare beseahye yuhure tiqiuo. Musare Cohācjū yequinare Corinto cjānare ojoa ohoaja yuhū. Sostene mehna quehnoa dutiaja musare. Ahriquiroy gūhū mari acayuro Jesu yaquiroy ijire. Jesucristo mehna cjāna musa ijigū Cohācjū yequina ijiana beseahye Jesu musare. Sa ye ijipihitiyequina apequina mari puhtoro Jesucristore siniñequina ijiye, tiquina gūhū Cohācjū yequinata ijire. Tiquina sa ijigū Jesucristo pehe mari ijipihitina puhtoro ijire. Sa yena musare ijipihitinare ojoa ohoaja yuhū.

³ Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijia musa.

Jesucristo pehe musare quehnoano ye basahye mari Pacu tiqiuore dutiroy sahata

⁴ Jesucristo yequina musa ijiri bato tiqiuo pehe musare quehnoano ye basare Cohācjūre. Tiqiuo sa yegū ihñagu, Cohācjūre “Quehnoare”, niducujaja yuhū decoripe.

⁵ Cristo yequina musa ijigū ihñano Cohācjū pehe musare quehnoano ijigū yere. Sa yero tiqiuo yere musare apequinare quehnoano yahuanare yeri tiqiuo. Sa yero tiqiuo yere quehnoano masigū yeri musare.

⁶ Cristo yere musare usā buheriro sahata sata wahari musare, Cristo yequina musa wahagū.

⁷ Sa yero Cohācjū musare quehnoano yedoho peho cānota. Mari puhtoro Jesucristo ahri yehpapū tiqiuo tojoa tatire musa cohtero watoa Cohācjū pehe musare sa yedohoducurota.

⁸ Sa yero Jesucristo pehe musa ñañe yerire cohāriquiroy ijire. Tiqiuo sa ijiriqiuo ijigū musa pehe decoripe, ahri deco pihitigapū gūhure musa ñañe yerire tiqiuo cohānohrina ijiducunata. Sata tiqiuo musare yedohorota. Sa yena Jesucristo mari puhtoro tiqiuo tojoa tagūpure ñañe buhiri mariena ijinata musa.

⁹ Tire Cohācjū tiqiuo niديو sahata tiqiuo yere. Tiqiuo macano mari puhtoro Jesucristo yequina ijanare marine beseahye. Tiqiuo sa besenohrinare Jesu yequina ijigū yeri marine.

Jesu yequina Corinto cjēna cahmecoañe cahme tuhtiahye

¹⁰ Yuhū acaye, mari puhtoro Jesucristo tiqiuo dutiro mehna musare tutuaro dutigu tagū niaja ahrire: Musa basi cahme tuhtieracāhña. Sa yena musa basi cahme tu waeracāhña. Ihcā curuata ijia musa. Sa yena sijoro saha ni yahuducueracāhña musa basi. Sa yena musa yeatire tuhtotuna, ihcāno mehna yeya musa.

¹¹ Yuhū acaye, musa basi cahme tuhtina niñoti musa. Sa ni yahuri Cloe ya wahu cjēna yuhure.

¹² Ihquēquina musa mehna cjēna ohō saha ni cahme tuhtiniñoti: “Pablo ya curua cjāna ijiaja usā”, ni cahme tuhtiniñoti ihquēquina musa. Sa ye apequina “Apolo ya curua cjāna ijiaja usā”, niñoti tiquina gūhū. Sa ye apequina pehe “Pedro ya curua cjāna ijiaja usā”, niñoti tiquina gūhū. Sa ye apequina pehe “Cristo ya curua cjāna ijiaja usā”, niñoti tiquina gūhū.

¹³ Musa sa niepegūta Cristo yequina ihcā curuata ijiaja mari. Mari basi cahme tu wa doco masiedajaja mari. Ihcā curuata ijiaja mari. Yuhū Cristo ijieraja. Tiqiuo yero saha musa ye buhirire curusapū yariarigu ijieru. Tutuayere cuoeraja. Sa yegū ihyo ijigū ijiaja. Sa yero musare apequiroy wame yero, Cristo ye tutuaye mehna wame yeri. Yee tutuaye mehna wame yerari.

¹⁴ Musare, musa mehna cjēna gūhure wame yeru yuhū. Crispore, Gayo gūhure tiquina dihitare wame yei. Apequina pehere wame yerarigu yuhū ijigū quehnoare yuhure.

¹⁵ Peyequina masare wame yerigu yuhū ijigū “Pablo ye tutuaye mehna tiqiuo wame yeri usāre”, ni ihñaboaga musa yuhure. Sa yegū tire cahmedu.

¹⁶ Estefana ya yuhū cjēna gūhure wame yei yuhū. Topequinata wame yei yuhū. Apequinare yuhū wame yeriquinare boaa wahau yuhū.

¹⁷ Cristo yuhure ohoro, wame yeacjare cūdari tiqiuo yuhure. Quehnoañe buheyere buheacjū pehere cūri yuhure. Cristo curusapū tiqiuo yariarire yahuye buheye marine quehnoana wahagū yere. Tiqiuo sa yepegūta quehnoañe buheyere yuhū esa tuharo yuhū buhegū yuhū pehere ihña wahāboaga musa. Musa sa ihña wahāna quehnoañe buheye pehere ño peoeraboaga musa. Sa yena quehnoana wahaeraboaga. Sa yegū Jesu ye buheyere buhegū yuhū esa tuharo yuhū masiñe mehna buheraja yuhū.

Cohācjū tiqiuo tutuayere tiqiuo masiñe gūhure cuoriquiroy ijire Cristo

¹⁸ Pecapū butiatiquina pehe Cristo curusapū tiqiuo yariarire yahuye buheyere “Tuhō masiñequina ye buheye ijire ti”, nimene butiatiquina pehe. Mari pehe Cristo tiqiuo yuhūonohatina ijina ohō

saha niaja: “Curusapɯ tiqiro yariarire yahuye buheye ti waro ijirota nine. Ti buheye Cohãcjũ tiqiro tutuayere yahure marine”, niaja mari.

¹⁹ Cohãcjũ pehe tiqiro yere tiqina ojoari pũpũ ohõ saha nine:

Ahri yehpa cjenare “Quehnoano masiñequina ijire”, tiqina niñequinare tiqina masidire ðahseati ijieragũ masigũ yeitja yũhũ, niahye Cohãcjũ tiqiro yere tiqina ojoari pũpũ.

²⁰ Sa ye ahri yehpa cjẽna quehnoano masiñequina ðahseatiqina ijierare. Ušã acaye judio masare buheyeqina gũhũ ðahseatiqina ijierare. Yojoɸare yahuducu miñniñequina gũhũ ðahseatiqina ijierare. Ahri yehpa cjẽna quehnoano masiñequina tiqina ijiepegũta masieñequina tiqina ijiyere masigũ yeri Cohãcjũ.

²¹ Cohãcjũ pũrita quehnoano masiniqiro ijire. Tiquiro sa ijigũ ahri yehpa cjẽna tiqina esa tuharo tiqina masiñe mehna Cohãcjũre ne masiedare tiqina. Cohãcjũ tiqiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tuho masieñequina ye buheye ijire”, nimene. Sa yeye quehnoañe buheyere “Tuho masieñe buheye”, tiqina niñe buheyere tuhoje, Cristore masi ðucare masa. Tiquina sa masi ðucagũ Cristore tiqina wacũ tutuagũ ihñano tiquinare tiqiro yequina wahagũ yere Cohãcjũ. Sa waha dutiri tiqiro.

²² Judio masa Cohãcjũ tutuaye mehna tiqiro ye ihñorire ihña duaye nine. Sa yeye griego masa pehe, judio masa ijieyeqina pehe quehnoano tiqina masiatire macañe nine.

²³ Mari pehe Cristo curusapɯ tiqiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyeqina pehe “Tuho masieñequina ye buheye ijire”, ni tuhoture.

²⁴ Tiquina sa ni tuhotuepegũta Cohãcjũ yequina ijiatire tiqiro beseriqina pehe ti buheyere ohõ saha nine. “Cristo ye buheye Cohãcjũ tutuayere tiqiro quehnoano masiñene masigũ yere marine”, nine tiqina ahri buheyere. Tiquina judio masa, judio masa ijieyeqina ijiepetã, sa nine Jesu yequina.

²⁵ Cohãcjũ masi pehoriqiro ijire. “Tiquiro tuho masieniñequina ijire”, masa tiqina ni tuhotuepegũta ahri yehpa cjẽna yuhduoro quehnoano masi pehoriqiro ijire tiqiro. Sa yero Cohãcjũre “Tutueriqiro ijire”, masa tiqina ni tuhotuepegũta tiqina bui tutua yuhduucariqiro ijire tiqiro.

²⁶ Ti yũhũ nidi ijirota ijire.

Yũhũ acaye, Cohãcjũ masare tiqiro yequina wahagũ tiqiro yegũ masa peyeqina ihyo ijina masa ijirire wacũña masa. Ahri yehpa cjenare “Quehnoano masiñequina”, tiqina niñequinare meheñequinagã Jesu yequina ijiatiquinare beseahye Cohãcjũ. Sa yero puhtoã gũhure meheñequinagã Jesu yequina ijiatiquinare beseahye tiqiro. Sa yero puhtoã pohne gũhure meheñequinagã Jesu yequina ijiatiquinare beseahye tiqiro.

²⁷ “Tuho masieñequina ijire”, tiqina niñequinare Cohãcjũ beseahye “Quehnoano masiñequina ijire”, tiqina niñequina tiqina buoro wahatire. Sa yero “Wacũ tutueyeqina ijire”, tiqina niñequinare Cohãcjũ beseahye, “Wacũ tutuayeqina ijire”, tiqina niñequina tiqina buoro wahatire.

²⁸ Masa tiqina ihña tuhtiyequinare “Ðahseatiqina ijierare”, nine masa. Tiquina sa nidiquinare Cohãcjũ tiqiro yequina ijiatiquinare beseahye tiquinare. Sa besero “Puhtoã waro ijire”, tiqina niñequinare ihyo ijieyeqina tiqina ijiyere masigũ yeahye Cohãcjũ tiquinare.

²⁹ Tiquiro sa yegũ ahri yehpa cjẽna ne ihcãqiro “Tutuagu, quehnoano masigũ ijiaja”, ne ni yuhduuca masiedare, Cohãcjũ ihñonopu.

³⁰ Cohãcjũ pehe marine Jesu yequina ijigũ yeri. Tiquiro yequina ijina marine tiqiro yuhduori bato ijipihtiye decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñañe buhirire cohãre. Sa yero mari ñañe yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero marine pecapɯ wahaborinare yuhduore.

³¹ Tiquiro sa yegũ Cohãcjũ yere tiqina ojoari pũpũ tiqiro ni ojoariro sahata sa wahare: “Yũhũ esa tuharo masi pehogũ ijiaja”, nidiqiro tire niedacãhdo. Ohõ saha niaho: ‘Mari puhtoro Cristo pehe marine yuhduoriqiro ijire’, niaho tiqiro”, nine Cohãcjũ yere tiqina ojoari pũpũ.

2

Ahri buheye Cristo curusapɯ tiqiro yariarire yahure

¹ Yũhũ acaye, masa cahapɯ esagu “Quehnoano masi pehoaja”, masare ni buheru. Cohãcjũ yere masare buhegu, sa ni buhegu niedu.

² “Ohõ saha ni buheitja”, nigũ masa mehna ijigũ Jesucristo ye dihitare curusapɯ tiqiro yariari dihitare wacũgu, ti buheyere buhei yũhũ.

³ Sa yegü mäsä mehna ijigü ihyo ijigü yero saha ijii yuhü. Sa yegü Cohäcjä yere queoro buhe duagü ijigü cuegü, nanaredigü yero saha ijii yuhü.

⁴ Sa yegü Cohäcjä yere buhegü, “Masi pehoaja”, ni buherü. Tiquiro yere yuhü buhegü Espiritu Santo tutuaye mehna yuhü buhegü ihñari mäsa.

⁵ Ohö sahata ni buhei yuhü müsare masa tiquina esa tuharo buheye pehere müsä cahmedatire. Cohäcjä pehere müsä wacü tuatire sa ni buhei yuhü.

Espiritu Santo pehe Cohäcjä ijije tiyere buhere marine

⁶ Sa yena Cohäcjä ye buheyere tiquiro masiñene müsare Jesure quehnoano wacü tutuanapäre yahuaja usä. Masa tiquina esa tuharo tiquina buheye yero saha ijierare ahri müsare usä buheye. Ti buheye puhtoa ye buheye gähü ijierare. Tiquina puhtoa pehe pihtia wahaeta.

⁷ Apequina tiquina masiedarire Cohäcjä ye yahuducuyere yahuaja usä pehe. Panopü ahri buheyere Cohäcjä yequina mäna quehnoano masi pehoerähye. Ahri yehpa ijiaato pano ahri buheye ti nidiro sahata “Sata wahaahro”, ni tuhasahye Cohäcjä. Marine pecapü wahaborinare tiquiro yuhduoatire, tiquiro mehna mari ijiaati gähüre “Sata wahaahro”, ni tuhasae tiahye tiquiro.

⁸ Tiquiro sa nigü Cohäcjäre cahmeeñequina puhtoa ne tiquiro ye buheyere tuho dueraye, masiedare. Tire quehnoano masiñe, mari puhtorore Cohäcjä macäno warore curusapü quë biha wejëdaboaya tiquina.

⁹ Cohäcjä yere tiquina ojoari püpu ohö saha nine:

Ijipihiyequina Cohäcjäre cahñequina ye ijiatire Cohäcjä quehnoano quehno basa tuhasahye. Quehnoa yuhduyere tiquiro quehno basahye. Tire masa ne ihñedari. Sa ye tire ne tuhoerari. Tire dühse masino basioerare marine, nine Cohäcjä yere tiquina ojoari püpu.

¹⁰ Tiquiro sa niepegäta Espiritu Santo pehe Cohäcjä yere masigü yere marine. Ijipihiyequina Cohäcjä yere Espiritu Santo masi pehore. Sa masino tiquiro marine tire masigü yere.

¹¹ Ne apequina pehe masüno tiquiro masiñene ne masiedare. Sa ijiepegäta masüno pehe tiquiro esa tuharo tiquiro wacüñepü tiquiro tuhotuyere masine. Sata apequina Cohäcjä tiquiro masiñene ne masiedare. Cohäcjä yaqui Espiritu Santo dihita tiquiro masiñene masine, masüno tiquiro esa tuharo tiquiro wacüñene tiquiro masino sahata.

¹² Sa yena mari pehe Jesu yequina ijina masa tiquina esa tuharo tiquina buheyere cuoeraja. Cohäcjä yaqui Espiritu Santore ohori marine masigü yero taro. Marine tiquiro quehnoano yeatire masigü yere Espiritu Santo pehe.

¹³ Sa yena Cohäcjä yere müsare buhena, masa ye masiñe mehna usä esa tuharo buheraja usä. Espiritu Santo tiquiro buheye pehere müsare buheaja. Sa buhena Espiritu Santore cuoyequinare Cohäcjä yere quehnoano buheaja usä.

¹⁴ Espiritu Santore cuoyequina pehe Cohäcjä yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espiritu Santore cuoyequinare.

¹⁵ Espiritu Santore cuoyequina pehe Cohäcjä yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espiritu Santore cuoyequinare.

¹⁶ Ohö saha nine Cohäcjä yere tiquina ojoari püpu: “Mari puhtoro Cristo tiquiro tuhotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari püpu. Mari pehe Cristo yequina ijina, Cristo yero sahata masiaja.

3

Jesu yequina ihcäno saha Cohäcjäre dahra cohteyequina ijire

¹⁻² Yuhü acaye, müsare buhegü Espiritu Santore quehnoano yuhtiyequinare yuhü buheriro sahata buhe masiedü müsä pehere. Cristo yequina ijiepenata, macanagä dihire tiquina ihya masieno saha Cohäcjä yere quehnoano masiedare müsä. Yojoapü gähüre quehnoano masiedañohiti müsä. Ahri yehpa cjëna ñañequina yero saha tuhotuñohiti müsä. Sa yena macanagä epëcore tiquina apüno saha mijjoeda cjüñe buheye dihitaro tuhoñohiti müsä. Sa yegü ti yero saha ijije buheye dihitaro buhei müsare. Cristo yequina ijiepenata macanagä tiquina ihya masieno sahata Cristo yere quehnoano masiedañohiti müsä.

³ Mäsä pehe müsä mehna cjënar cahme coona, cahmequena, müsä basi ihquë cururi tu wadüca sana, Espiritu Santore cuoyequina yero saha yena niñohiti müsä. Sa yena ahri yehpa cjëna Cristore cahmeeñequina yero saha yeñohiti müsä.

⁴ Ohö saha niñohiti müsä: “Pablo ya curua cjäna ijiaja usä”, niñohiti müsä ihquëquina. Sa yena apequina müsä mehna cjëna pehe “Apolo ya curua cjäna ijiaja usä”, niñohiti.

Musa sa ni yahuducuna Espiritu Santo marieñequina yero saha ni yahuducñohti musa.

⁵ ¿Yuhu Pablo, Apolo mehna dahseanaja ijijari usã, musa tuhutugã? Ohõ saha yeanaña ijina naja usã: Cohãcã tiquiro dutiriro sahata tiquirore dahra cohtena ihyo ijina ijiaja usã. Sa yena musare usã buhegũ tuhona Jesucristore wacũ tutua dacare musa.

⁶ Quehnoañe buheyere buheyequina wesepe dahrayequina yero saha ijire, mari queoye mehna buhegũ. Wese upãro tiquiro ote muhtariro saha yuhũ gũhu musare buhe muhtau. Sa yero apequiro wesere tiquiro cure nãnu tãno saha Apolo pehe yuhũ bato musare buhe nãnu tãri. Usã sa buhepegãta wese cãe oteyere buca nemoãgũ tiquiro yeriro saha Cohãcã pehe musare tiquiro yere masi nemoãgũ yeri.

⁷ Sa yegũ yuhũ buhe muhtarigu ijiepegãta ihyo ijigũ ijiaja. Sa yero Apolo yuhũ bato buhe memoriquiro gũhu ihyo ijiriquirota ijire. Cohãcã pũrita oteyere tiquiro buca nemoãgũ yeriro saha tiquiro yequinare tiquirore masi nemoãgũ yere. Sa yena Cohãcã pehere ño peoro cahmene musare.

⁸ Ote muhtariquiro, came cure nãnu tãriquiro ihcãno saha dahra cohteyequina ihyo ijieyequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna.

⁹ Sa yena usã Cohãcã yere dahra cohtena ijiaja. Sa yero Apolo yuhũ mehna cããno ijire. Usã sa ijigũ musa pehe Cohãcã ya wese yero saha ijire. Musa sa ijigũ Cohãcã ya wese cãe oteyere tiquiro buca nemoãgũ yero saha musare tiquiro yere masi nemoãgũ yerota tiquiro.

Sa ye Cohãcã musare tiquiro yequinare quehnoari curua yero nine. Sa yena utã mehna tiquina yeri wuhũ yero saha ijire musa tiquiro ya curua cããna, mari queoye mehna buhegũ.

¹⁰ Musa sa ijigũ Cohãcã yuhũre tiquiro dutiriro sahata yuhũ pehe wuhũ dahre miñidiquiro utãre tiquiro cũ muhtariro sahata Jesucristo yere musare buhe muhtau. Sa yero ti utã paca bui apequiro tiquiro ye nemo mujano sahata apequiro yuhũ bato buhe nemo nãnu tãno nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro.

¹¹ Wuhũre tiquina dahre dacã tiquina cũ muhtaria utã yero saha ijire Cristo. Sa yena ti utãre usã quehnoano cũ muhtariro saha Cristo yere buhe tuhasau. Apequiro ye buheye pehere mari buhegũ quehnoaedaga.

¹²⁻¹⁵ Uru mehna, plata mehna, wapa bujũye utã paca mehna mari yeri wuhũre mari uãã tuhugũ uããedare. Sata Jesucristo

yere mari quehnoano yeri bato pihtiri deco ijigũ Cohãcã mari yerire uãã tuhuro saha yerota mari yerire masino taro. Sa tiquiro yegũ quehnoano yeri wuhũ uããedariro saha mari yerire ti quehnoañe ijigũ masinota. Sa yero mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yucãri mehna, taa mehna, ñaidi pũri mehna mari yeri wuhũre mari uãã tuhugũ uãã wahare. Sata Jesucristo yere mari quehnoano yerari bato pihtiri deco ijigũ, Cohãcã mari yerire uãã tuhuro yero saha yerota mari yerire masino taro. Sata tiquiro yegũ ñano yeri wuhũ ti wuhũ uããriri saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota tiquiro. Sa yero quehnoano yerarina mari ijigũ ihãno quehnoañene mari yemedi wapare quehnoano yesi marine. Sa ijieyequinare Cohãcã yuhũhorota. Sa ye sa quehnoano yerariquina mehenogã mehna yuhũeta.

¹⁶ Musa pehe Jesu yequina Cohãcã ya wuhũ yero saha ijire. Musa sa ijigũ ihãno ti wuhũpũ tiquiro ijiboro saha Espiritu Santo pehe musa mehna ijire. ¿Tire masiedajari musa?

¹⁷ Cohãcã ya wuhũ ñañe marieni wuhũ ijire. Sa yena musa gũhu ti wuhũ yero saha ijina tiquiro yequina waro ijire. Sa yero Jesu yequinare ihcãquiro dojomehnegũ Cohãcã pecapũ cohãnota tiquiro pehere.

¹⁸ Ni mehoñene tuhotueraçãhãna musa. “Yojopũ cããna ye masiñene quehnoano masiãja”, ni tuhoturiquiro musa mehna cããno ijiro Jesu ye pehere quehnoano masiãhdo. Tiquiro sa masigũ ihãñe apequina tiquirore “Tuhõ masieni quiro ijire”, nieta. Sa yero Jesu yere masino, potota quehnoano masidiquiro wahaarota.

¹⁹ Masa esa tuhuro tiquina basi tiquina masiñene “Ihõ warota ijire”, ni tuhõture Cohãcã. Sata nine Cohãcã yere tiquina ojari pũpũ: “Tiquina esa tuhuro masiñequina tiquina masiñe dahseati ijierare, Cohãcã tiquiro ihãñagũ. Sa yero tiquina cahmeno saha yeragũ yere tiquinare”, nine Cohãcã yere tiquina ojari pũpũ.

²⁰ Sa ye ape pũpũ ohõ saha nine: “Masa tiquina esa tuhuro masi pehoyequina tiquina tuhõtuye dahseati ijieragũ masine mari puhtoro Cohãcã pehe”, nine Cohãcã yere tiquina ojari pũpũ.

²¹⁻²² Sa yena “Pablo ya curua cããna ijiaja usã”, niedacãhãna. “Apolo ya curua cããna ijiaja usã”, niedacãhãna. “Pedro ya curua cããna ijiaja usã”, niedacãhãna. Usã ijipihtina musa yequina dihita ijiaja. Ijipihtiyẽ musa ye ijire. Cohãcã tiquiro bajumehndire, catiyẽ gũhũre ohori musare. Sa yero pecapũ wahaeragũ yerota musare. Yojopũ ijiyere,

camep̄u ijiati gūhure mūsare ohorota. Sa ye ijipih̄tiye mūsa ye ijire.

²³ Sa yena mūsa pehe Cristo yequina ijire. Sa yero Cristo pehe Cohācjū yaquiro ijire.

4

Cristo tiqiro yere buhe duti tiqiro cūriquina tiquina dahrayerē yahuahye Pablo

¹ Ohō saha ni tūhotuya mūsa yūhure Apolo gūhure: “Tiquina Cristore dahra cohteyequina ijire. Sa ye masa tiquina masiedarire Cohācjū yere buheyequina ijire”, ni, tūhotuya mūsa usāre.

² Dahra cohteyequinare tiquina puhtoro tiqiro dutiriro saha ye cohtero cahmene tiquinare. Yūhū gūhure sata yero cahmene Cristore.

³ Sa ijiepegūta yūhure mūsa yahu wajaepēgūta sa tūhotu cā yūhū. Apequina puhtoa yūhure tiquina yahu wajaepēgūta sa tūhotu cā yūhū. Yūhū yerire ihñana “Ahri quehnoañe ijire. Ahri ñañe ijire”, ni masiedare mūsa. Yūhū gūhū masata ijiaja. Sa yegū yūhū yerire quehnoano masi peheraja yūhū gūhū.

⁴ “Cristo yere yūhū yūhduducari yūhure mariedare”, ni tūhotumaja yūhū. Yūhū ohō saha ni tūhotuepegūta buhiri tiboaga yūhū. Mari puhtoro Cristo dihita yūhū yerire ihñano, quehnoano masine.

⁵ Sa yena mari puhtoro tiqiro tojoa tato pano masare ñano ni yahu wajaeracāhña mūsa. Tiquiro tojoa taro masa tiquina yerire, panop̄u apequina tiquina masiedarire Cristo masigū yerota. Sa yero mari ye duayerē, mari tūhotuyere tiqiro masigū yerota. Sa yero tiqiro yere yeriquinare “Mūsa quehnoano yeri”, ninota Cohācjū.

⁶ Yūhū acaye, yūhū Apolo mehna usā buherire yahuu yūhū, mūsare buhegu tagū. Sa ni yahuu yūhū Cohācjū tiqiro yere tiquina ojoari pūp̄u tiqiro nidiro sahata mūsa yeducuatire. Sa yena mūsa mehna cjenare ihcāno saha cahme ño peoya. Ihcāquiroreta ño peeracāhña.

⁷ Mūsa pehe apequina yūhduro quehnoana ijierare. Masi yūhduducana ijierare mūsa. Cohācjū mūsare tiqiro ohori dihitarē cūore mūsa. Sa yena mūsare tiqiro yahuri dihitarē masine mūsa. ¿Mūsa esa tuharo cūona, mūsa esa tuharo masina ijierapenata, dahse yena “Masi pehona ijiaja”, niajari mūsa? Sa nina “Cohācjū usāre ohoerari. Sa yero usāre yahuerari”, niboriro saha yere mūsa.

⁸ Mūsa pehe “Cohācjū yere masi pehoaja usā. Usāre yabe boro dahsaerare”, nimene mūsa. Sa yena mūsa cahapū usā ijieragū mūsa ohō saha ni tūhotumene: “Puhtoa yero saha masina ijiaja usā”, ni tūhotumene

mūsa. Potota Cohācjūre masi pehona puhtoa yero saha masina mūsa ijigū mūsare quehnoa yūhdudaboaga. Mūsa sa ijigū mūsa mehna usā gūhū puhtoa yero saha masina ijiboaga. “Masina ijiaja usā”, ni tūhotuna, quehnoa yūhduduro ni tūhotumene mūsa.

⁹ Ohō saha ni tūhotuaja yūhū pūrita: Usāre Jesu tiqiro yere buhe dutiro cūno, ijipih̄tiyequina iji bato tiri cā curua cūri usāre. Tiquina wejē dutinohriquina yero saha ijianare cūri usāre. Masa tiquina cahacjēna yero saha ijiaja usā. Ahri yehpa cjenā masa, angele gūhū cahacjēna yero saha ihñare usāre.

¹⁰ Cristo yere usā buhegū ihñañe “Tūho masieñequina ijire”, nine masa usāre. Sa Cristo yere usā yegū ihñañe, usāre ihñā tuhtire. Mūsa pehe quehnoa yūhduduro Cristo yere masina ijiajari mūsa. “Cohācjūre wacū tutueyequina ijire”, ni tūhotumene masa usāre. Mūsa pehe quehnoa yūhduduro wacū tutua yūhdudana ijiajari. Mūsa pehere masa ño peore. Usā pehere masa ne ño peerare.

¹¹ Usā pehe yojop̄ure ñano yūhduna, ujua ahbana, acō wūona, ñano suhti mariena, wūhuse mariena ijiaja. Sa ye apequina usāre ño peoera, usāre ñano yere.

¹² Sa yena usā tutuaro dahraja. Sa yena apequina usāre tiquina ñano yahuducuepegūta usā pehe tiquinare “Quehnoano ijiya”, niaja usā. Sa yena apequina usāre ñano tiquina yepegūta sa tūhotu cā usā.

¹³ Sa yena “Ñano yeyequina ijire”, usāre tiquina niepegūta usā pehe quehnoano mehna tiquinare yūhtiaja. Sa ye panop̄u, yojop̄u gūhure ñañe wete yero saha masape cururi iji bato tiri curua cjenā yero saha ihñare masa usāre.

¹⁴⁻¹⁵ Mūsare quehnoañe buheyerē buhe muhtagū mūsa pacū yero saha wahaū yūhū. Peyequina mūsare Cristo yere buheyequina tiquina ijiepegūta masare buhe muhtarigu ihcāta ijiaja yūhū. Sa ijigū mūsare buē tigū yegū tagū ahrire ojoagu niedu yūhū. Yūhū pohñare, yūhū cahñare yūhū dutiboriro saha mūsare quehnoano mehna dutigu tagū ahrire ojoagu yūhū.

¹⁶ Sa yegū ahrire mūsare tutuaro mehna dutigu tagū niaja yūhū. Yūhure ihñā cuña mūsa.

¹⁷ Ahrire ye dutigu tagū mūsa cahapū Timoteore ohou. Tiquiro yūhū macū yero saha ijiriqiro yūhū cahñiqiro mari puhtoro Jesu yaquiro ijire. Sa yero Cristo yere yeducure tiqiro. Cristo yere mari yeatire ijipih̄tiyequina Jesu yequina cahapū buhei yūhū. Timoteo tire mūsare wacūducugū yerota. Sa yegū Cristo yere yūhū yeriro sahata mūsa ihñā cūato saha Timoteore ohou yūhū.

¹⁸ Timoteore yuhũ ohogũ ihquẽquina musa mehna cjẽna puhtoa iji duayequina ohõ saha nine: “Pablo marine cuero, mari cahapũ ahtasi”, ni tãhotumene tiquina.

¹⁹ Cohãcjũ cahmegũ musa cahapũ mi-anogãta esautja. Sa esagũ puhtoa iji duayequinare musa mehna cjẽnare Cohãcjũ ye tutuayere tiquina cuogũ masigũtja yuhũ. Sa yegu tiquina sa ni maca cãri gũhare masigũtja yuhũ.

²⁰ “Cohãcjũ usã puhtoro ijire”, mari ni yahuepegũta tiquiro yere mari yeragũ ti mari niñe dahseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare.

²¹ ¿Musa cahapũ musare buhiri dahreacjũ musare tuhtiacjũ yuhũ wahagũ cahmeajari musa yahure? ¿O musare cahĩgũ musare bucuegu yuhũ wahagũ cahmeajari musa yahure? ¿Dahse ijigũ yuhũ wahagũ cahmeajari musa?

5

Corinto cjẽna tiquina wũana tirire yahuahye Pablo

¹ Potota ohõ saha quiti tire usãre apeqũna: Ihcãquiro musa mehna cjãno tiquiro muõnore wũana tiñohti. Sa ni yahuri masa usãre. Apeqũna pehe Cohãcjũre cahmeeñequina ijiepetã tiquina pehe sa yerare.

² Musa mehna cjãno tiquiro sa yeppegũta musa pehe “Quehnoana ijiaja usã”, ni tãhotumene. ¿Dahse yena tiquiro ñano yeyere masiepenata bujũa witierajari musa? Sa yena sa ñano yeriquirore musa mehna Jesu yequina mehna ijiriquirore cohãna musa.

³⁻⁴ Yuhũ musa mehna ijierapegũta yuhũ wacũñepũ musa mehnata ijiaja yuhũ. Sa yegu musa mehna ijigũ yuhũ niboriro saha ñano yeriquirore tiquiro sa ñano yeri buhiri buhiri dahre duti tuhasaja yuhũ. Jesu tiquiro dutiro mehnata sa ye dutiaja. Sa yena musa cahmecoana yuhũ wacũñe mehnarũ musa mehna yuhũ ijigũ mari puhtoro Jesu tiquiro tutuaye mehna tiquirore ñano yeriquirore cohãna, ohõ saha niña:

⁵ “Watĩno tiquiro cahmeno saha mũhare yecũnahdo”, niña tiquirore. Sata niña tiquirore ñañene tiquiro tutuaro cahmeeñene tiquiro duhuatire. Musa sa cohãgũ tiquiro ñano yuhũdurota. Mari puhtoro Jesu tiquiro tojoa tati deco ñano yeriquiro Jesu mehna tiquiro quehnoano yuhũduatire yojopũre tiquirore sa niña.

⁶ “Quehnoana ijiaja usã”, niepenata ñano yena niaga musa. Ñano yeriquirore musa sa ihña cãna, ti ñañene musa ijipihitina piha pihita wahanata. Pãre pugũ yeye trigore ti quehnoano sehsaro saha ti ñañe musare

pihãro quehnoano sehsaa waharota. ¿Tire masiedajari musa?

⁷ Yuhũ acayẽ judio masa pascua ijigũ ovejare wejẽ, ujuã muo, Cohãcjũre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina musa pehe ñano yeriquirore musa mehna cjãnore cohãña ti ñañe musare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina.

⁸ Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pascua bose decopũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijihina mari. Panopũ mari ñañene yeriro saha yeracãhna. Sa yena potota quehnoano tãhotuye mehna, quehnoañene yeihna.

⁹ Musare yuhũ ojoari pũpũre Jesu yaquiro tiquiro ijiepegũta sa wũana tiducuriquirore ne piti ti dutierami.

¹⁰ Sa nigũ wũana tiyequinare, apeqũna yere tutuaro cahmeeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehpapũ sa ijieyequina marieno Jesure cahmeeñequina marieno mari dihita iji masiedaja. Ijipitiropũre ijire tiquina pehe.

¹¹ Sa yegu musare ojoagu ohõ saha dutimi: Musa mehna cjãno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quiti yeducuriquiro, queheriquiro, yaqueriquiro tiquiro ijigũ tiquirore piti tieracãhña. Sa yeriquiro “Jesu yaquiro ijiaja”, nidiquiro ijigũ tiquirore piti tieracãhña. Sa yena sa yeriquiro mehna ihyeracãhña.

¹² Sa yegu Jesu yequina ijieyequinare tiquina ñañe yeri buhirire buhiri dahre dutirigũ ijieraja yuhũ. Sa yuhũre yeraro cahmene. Yuhũ sa niepegũta musa mehna cahmecoañequina Jesu yequina musa basi musa yerire ihñana, masino cahmene musare. Sa ihña cãedarõ cahmene. Sa yena tiquina ñano yegũ ihñana musare buhiri dahrero cahmene tiquinare.

¹³ Jesu yequina ijieyequina pehere Cohãcjũ pehe buhiri dahrerota. Sa yena musa pehe musa mehna cjãnore ñano yeriquirore buhiri dahrena tiquirore cohãña.

6

Jesu yequinare yahusãrire yahuahye Pablo

¹ ¿Musa basi cahme ihña tuhti yahusã duana dũhse ijiro boro Jesu yequina ijieyequina cahapũ musa acayere Jesu yequinare yahusãna wahajari? Jesu yequinare musa mehna cjẽnare yahusã duana apequina Jesu yequinare tire yahuro cahmene musare. Sa ye Jesu yequinapũ beseahro.

² Pihitiri deco ijigũ mari Jesu yequina pehe masa ijipihituyequina tiquina yerire ihñana besenata mari tiquinare. ¿Tire masiedajari musa? Sa yena pihitiri deco ijigũ masa ijipihituyequinare beseatina ijina, yojopũ gãhũre bese masiaja mari. Sa yena yojopũre ihyo ijieyegã buhiri gãhũre bese masiaja mari.

³ Angele tiquina yerire ihñana tiquina gãhũre besenata mari. ¿Tire masiedajari musa? Mari sa beseatina ijina potota ti yũhdũoro yojopũ gãhũre Jesu yequina tiquina yerire ihñana bese masiaja mari.

⁴ ¿Sa yena dũhse yena musa mehna cjẽnare yahusã duana Jesure cahmeeñequina cahapũ ihyo ijieyegã buhirire yahusãna wahajari musa?

⁵ Ahrire nigũ niaja musa queoro yerarire musa bujua witiatiere. ¿Musa mehna cjẽnare musa cahme dũse tini wiagũ musare yahuatiquiro musa mehna cjãno quehnoano masiniquiro mariedajari? Ijire.

⁶ Sa ijiepegũta musa mehna cjãno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

⁷ Masare beseyequina pũthoa cahapũ musa mehna cjẽnare yahusãna Cohãcjũ ye pehere yũhdũdcana nine musa. Apequiro musa mehna cjãno musare ñano tiquiro yegũ sa tuhutu cãboaga musa. Jesu yequina ijieyequinare musa yahusãto pano musa acayurore musa sa tuhutu cãgũ quehnoa yũhdũaboaga. Jesu yaquiro musare tiquiro yaquegũ tiquirore musa yahusãto pano tiquiro yaquerire musa sa tuhutu cãgũ quehnoa yũhdũaboaga.

⁸ Musa gãhũ sa ijinata ijire. Apequinare ñano yere musa. Sa yena yaquere musa. Sa yena apequina musa mehna cjẽna Jesu yequina tiquina ijiepegũta tiquinare ñano yena, yaquere musa.

⁹ Sa yeyequina Cohãcjũ pũthoro ijioropũre ahmũserpũre waha masiedare. ¿Tire masiedajari musa? Ni mehoñene tuhotuercãhña musa. Mari pũthoro ijioropũre ne wahasi ohõ saha yeyequina: Wuana tiyequina, “Cohãcjũ ijire”, tiquina niñe queoyere ño peoyequina, numia mehna ñano yeyequina, amũa mehna ñano yeyequina numia, amũa sehsaro tiquina paguri mehna ñano yeyequina, numia sehsaro tiquina paguri mehna ñano yeyequina numia,

¹⁰ ni meho ehmañequina, apequina yere tutuaro cahmeeñequina, queheyequina,

masare ñano tuhtiyequina, yaqueyequina, ne Cohãcjũ pũthoro ijioropũre ahmũserpũre waha masiedare.

¹¹ Panopũre musa gãhũ sa yerina ijimedi. Sa yemedina musa ijiepegũta yojopũre musa ñano yerire cose tuhasari Jesucristo pehe. Sa tiquiro cosenohrina musa ijigũ tiquiro yequina ijiatinare yeri Cohãcjũ musare. Sa yero “Quehnoana ijire”, ni ihñare musare tiquiro. Sata yere musare mari pũthoro Jesucristo, Espĩritu Santo gãhũ tiquina tutuaye mehna.

Mari paguri Cristo ye paguri ijire

¹² “Yũhũ cahmeno saha ye masiaja yũhũ”, nine ihquẽquina. Sata ijire. Yũhũ gãhũ sa nidigu ijiepeguta tire yegũ apequinare yedohorigũ ijieraboaga yũhũ. Yũhũ cahmeno saha ye masiaja. Sa ye masiepeguta ihquẽ tahari sa yegũ ijigu duhu masiedaboaga yũhũ. Sa yegũ tire pari turi yesi yũhũ, “Duhu masiedaboaga”, nigũ.

¹³ Ohõ saha nine musa: “Ijipihituye ihyaye mari paa cjẽ ijiatu ijire. Sa yero mari paa ihyaye pose tiati paa ijire”, nine musa. Ti ijirota ijire. Sa ijieperota came Cohãcjũ pehe mari ihyayere mari paa gãhũre pihitia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijiatu ijire. Sa ijieperota mari paguri numia mehna ñano yeati paguri ijierare. Mari paguri pehe mari pũthoro Cristo ye paguri ijiye nine. Sa yero mari pũthoro pehe mari pagurire quehnoano yeatiquiro ijire.

¹⁴ Sa yero Cohãcjũ tiquiro tutuaye mehna mari pũthoro Cristore masoahye. Sa tiquiro yeriro sahata mari gãhũre masonota tiquiro.

¹⁵ ¿Sa yena musa paguri Cristo ye paguri ijigũ masiedajari musa? ¿Ti sa ijigũ Cristo ya pagũ mehna wuana tiricoro mehna mari ñano yegũ quehnoajari? Quehnoaedare.

¹⁶ Wuana tiricorore ñeheniquiro tiquiro pagũ pehe ticoro ya pagũ mehna ijiro, ihcã pagũ yero saha ijire. ¿Tire masiedajari musa? Sata ni ojoahye Cohãcjũ yere tiquina ojoari pũpũ: “Tiquina pũaro ijiepetu ihcã pagũ yero saha wahare”, ni ojoahye.

¹⁷ Mari pũthoro Jesu tiquiro yaquiro masuno mehna ijiro nine. Sa yero masuno mari pũthoro mehna pũaro ijiepetu ihcã pagũ yero saha ijire.

¹⁸ Sa yena wuana tieracãhña. Tire musa yabiro saha tire yeracãhña. Apeye ñañene mari yena mari pagure dojomehnedaja. Wuana tiriquiro pehe tiquiro pagure ñano dojomehne.

¹⁹ Espĩritu Santore marine ohoi Cohãcjũ. Sa yero mari paguri mehna ijire Espĩritu Santo. ¿Tire masiedajari musa? Sa ye musa paguri, musa jeripohnari gãhũ musa ye waro ijierare.

²⁰ MUSA ñaife buhirire buhiri dahre tuhasari Cristore. Sa yena tiquiro yequina waro ijire mUSA. Tiquiro yequina ijina mUSA paguri mehna Cohãcjũ tiquiro cahmeno sahata yeya. Sa yena Cohãcjũre ño peona nine mUSA. Sa yena apeqũna gãhũre tiquirore ño peogũ yena nine.

7

Namo tiyere yahuahye Pablo

¹ Yojoũre yũhũre mUSA sinitu ojoarire yũhũ gãhũ yũhtĩ cahmegũ tagũ niãja: Masũno namo tieragũ quehnoare, yũhũ ihũagũ.

² Ti sa ijiepegũta apeqũna umũa pehe namo tiahro apeqũna numia mehna tiquina “Ñano yeari”, niñe. Sa ye ihquẽ numiata manũ tiahro apeqũna mehna tiquina “Ñano yeari”, niñe.

³⁻⁴ Manũ tiricoro pagũ ticoro ya pagũ dihita ijierare. Ticoro manũno ya pagũ gãhũ ijire. Ticoro manũno gãhũ tiquiro pagũ tiquiro ya pagũ dihita ijierare. Tiquiro namono ya pagũ gãhũ ijire. Sa yena mUSA umũa pehe mUSA namosãnumiare quehnoano cũoya. Sa yena mUSA numia gãhũ mUSA manũsumũare “Yũhũ pagũre piheracãhũa”, niedacãhũa.

⁵ Sa ijiepegũta Cohãcjũre puaro mUSA sini duana “Meheñe decorigã yũhũ mehna ijieracãhũa. Cohãcjũre sinihna”, ihcãno mehna sa nina, sa ye masine mUSA. MUSA sa nidi bato mUSA iji muhtariro saha ijiducuya tja, Satana musare “Ñano ye dutiari”, nina. “Apeqũna mehna ñano yeboaga”, nina, mUSA basi piti ti duhueracãhũa. MUSA iji muhtariro saha ijiducuya tja.

⁶ Ahrire musare yojoũre yũhũ nidire nigũ musare dutiye waro mehna niedaja. Sa yahugũ niãja mUSA yeatire mUSA masiatire.

⁷ Ijipihitina mUSA yũhũ yero saha namo tienã mUSA ijigũ quehnoaboaga yũhũre. Sa iji duepenata mari ijipihitina ihcãno saha ijieraja. Ihquẽquinare namo ti dutire Cohãcjũ. Sa yero tiquiro ihquẽquinare namo ti dutierare.

⁸ Sa yegũ namo marienare, manũ marienare, wape wiha numia gãhũre ohõ saha niãja musare: Namõ mariena, manũ mariena iji masina, sata iji cãhũa yũhũ yero saha.

⁹ Sa iji masiedana tutuaro ñañene cahmena, namo tiya. Sa yena manũ tiya. Ñañene mUSA tutuaro cahmegũ quehnoaedare musare. MUSA sa tutuaro cahmegũ mUSA namo tigũ pũrita quehnoarĩne. Sa yena mUSA manũ tigũ gãhũre quehnoarĩne.

¹⁰ MUSA namo tinare, manũ tina numiare ohõ saha dutiãja. Yũhũ sa niepegũta yee dutiye waro ijierare ahri. Mari puhtoro

Cristo ahrire dutire: MUSA numia pehe mUSA manũsumũare cohãedacãhũa.

¹¹ MUSA manũsumũare cohãna, manũ mariena numia tojoaya. Sa tojoerana pari turi mUSA manũsumũa mehna quehnoano ijija tja. Sa yena mUSA gãhũ umũa mUSA namosãnumiare cohãedacãhũa.

¹² Sa yegũ mUSA gãhũre apeqũnare ohõ saha niãja yũhũ. Mari puhtoro tiquiro dutiye ijierare ahri. Yũhũ pehe ohõ saha niãja musare: Ihquẽquina mUSA mehna cjẽna Jesu yequina pehe Jesure cahmeeñequina numiare namo tiriquina ijire. Sa ye tiquina namosãnumia tiquina mehna tojoa duagũ tiquina numiare cohãedacãhõ tiquina.

¹³ Sa ye ihquẽquina mUSA mehna cjẽna numia Jesu yequina numia Jesure cahmeeñequinare manũ tiriquina numia ijire. Sa ye tiquina manũsumũa tiquina numia mehna tojoa duagũ tiquinare cohãedacãhõ.

¹⁴ MUSA manũsumũa Jesure cahmeeñequina ijiepegũta Jesu yequina numiare tiquina namo tigũ, Cohãcjũ quehnoañequina yero saha ihũare tiquinare. Sa yena mUSA umũa pehe Jesu yequina mUSA ijigũ mUSA namosãnumia Jesure cahmeeñequina numia ijiboaga. Tiquina sa ijiepegũta mUSA mehna tiquina numia manũ tigũ Cohãcjũ quehnoañe numia yero saha ihũare tiquina numiare. Tiquiro sa ihũedagũ mUSA pohna Jesure cahmeeñequina pohne yero saha ihũaboaga Cohãcjũ. Sa yero tiquina pohne gãhũre quehnoañequina yero saha ihũare Cohãcjũ.

¹⁵ Sa ye mUSA umũa pehere mUSA namosãnumia Jesure cahmeeñequina numia musare cohã duaye, sata yeahro. MUSA manũsumũa gãhũ sa cohã duaye, sata yeahro. Quehnoano mari ijigũ cahmene Cohãcjũ. Sa yero tiquina numia Jesu yequina ijieye numia musare cohã duagũ “Tiquina numia mehna ijiniña”, ni, dutierare Cohãcjũ.

¹⁶ Tiquina namosãnumia Jesu yequina numia pehe quehnoano yegũ ihũañe camerũ tiquina manũsumũa Jesure cahmeboaga. Sa cahmegũ Cohãcjũ tiquinare pecarũ wahaboriquinare yũhũorota. Sa ye tiquina manũsumũa Jesu yequina pehe quehnoano yegũ ihũañe camerũ tiquina namosãnumia Jesure cahmeboaga. Sa cahmegũ Cohãcjũ tiquina numiare pecarũ wahaboriquina numiare yũhũorota. Sa Jesure cahmeboriquina tiquina ijiepegũta potota Jesure tiquina cahmeatire masiyuro basioerare musare.

¹⁷ Sa yena ijipihitina mUSA mari puhtoro Cristo musare tiquiro iji dutiro sahata yeya. Sa yena Cohãcjũ musare tiquiro cũrire yeya mUSA. Tire ijipihitiyequina Jesu yequinare sa ye dutiducuya yũhũ.

¹⁸ Jesu yequina m̄sa ijiato pano cuhnucun̄ sohtoah̄ cahseroḡare ȳh̄re nena ijina, tire ih̄na yabierac̄h̄h̄na. Sa yena Jesu yequina m̄sa ijiato pano cuhnucun̄ sohtoah̄ cahseroḡare ȳh̄re nedarina ijina yojop̄re ḡah̄re sata ijiducuya.

¹⁹ Yojop̄re ti cahseroḡare ȳh̄re nedina m̄sa ijiḡu d̄h̄seati ijierare. Tire yerarina m̄sa ijiḡu ḡah̄re d̄h̄seati ijierare. Sa ijiepeḡata Coh̄c̄j̄u dutiyere mari yeḡu ti p̄rita ihyo waro ijierare.

²⁰ Sa yena Coh̄c̄j̄u Jesu yequina m̄sare tiqiuro c̄uri p̄je m̄sa ijiriro sahata tojoaya.

²¹ Jesu yaqiuro m̄h̄u iji d̄ucato pano apeqiuro cahac̄j̄u m̄h̄u ijiḡu quehnoanota. Sata tojoaya. M̄h̄u p̄h̄toro m̄h̄re tiqiuro wio duaḡu pehere wijaiya m̄h̄u. M̄h̄u wijiaj̄u quehnoanota m̄h̄re.

²² Sa yero mari p̄h̄toro Jesu yaqiuro ih̄c̄āqiuro ijiro mas̄no cahac̄j̄ano ijieperota Jesu tiqiuro ȳh̄d̄uoriqiuro ijire. Sata apeqiuro mari p̄h̄toro Jesu yaqiuro ijiro, mas̄no cahac̄j̄ano ijieraperota Jesu cahac̄j̄ano ijire tiqiuro ḡh̄u.

²³ Mari ñāne buhirire buhiri ti tuhasah̄ye Cristo. Sa yena tiqiuro dih̄tore potota m̄sa p̄h̄toro waro t̄hotuya m̄sa. Apequina m̄sare tire tiquina ye dutieraḡu tiquinare t̄hoerac̄h̄h̄na.

²⁴ Sa yena ȳh̄u acaye, Jesu yequina ijiatiquina Coh̄c̄j̄u m̄sare tiqiuro c̄uri p̄je m̄sa ijiriro sahata tojoaya. Sa tojoana Coh̄c̄j̄u mehna c̄jana ijia.

²⁵ Yojop̄re namo marienare, man̄ mariena numia ḡah̄re yahu duaja m̄sare. Mari p̄h̄toro ah̄rire “Oh̄ saha niña”, niedare ȳh̄re. Ȳh̄re tiqiuro paja ih̄ñaḡu ȳh̄re tiqiuro yedohoḡu tiqiuro cahmeno sahata yeducuriḡu ijiaja ȳh̄u. Sa ijiriḡu ijiḡu ah̄rire quehnoano yahutja m̄sare.

²⁶ Yojop̄re m̄sa ñano ȳh̄d̄na niaga. Sa yena m̄sa namo mariena ḡh̄u, man̄ mariena ḡh̄u m̄sa tojoaḡu quehnoanota, ȳh̄u t̄hotuḡu.

²⁷ Namu mariena, man̄ mariena numia m̄sa ijina sata tojoaya. Sa yena m̄sa pehe namo tina, man̄ tina numia ḡh̄u sata tojoaya.

²⁸ Namu tina ñano yerare m̄sa. Sa yena m̄sa nuhmia man̄ tina, ñano yerare m̄sa ḡh̄u. Sa yena namo tina, man̄ tina numia m̄sare wape c̄oro tojoarota. Sa yeḡu m̄sare “Sa wape tiari”, niḡu “Namu mariena, man̄ mariena numia tojoaya”, niaja ȳh̄u.

²⁹ Ȳh̄u acaye, ah̄rire m̄sare yahuḡu niaja. Cristo ah̄ri yehpap̄u tiqiuro tojoa tato mehenoḡa d̄hsare. Sa ye yojop̄re namo marieñequina Coh̄c̄j̄u cahmeno saha tiquina quehnoano ye masino sahata quehnoano yero cahmene namo tiyequina ḡah̄re. Sa ye man̄ tiyequina

numia ḡah̄re sata Coh̄c̄j̄u tiqiuro cahmeno saha quehnoano yero cahmene.

³⁰⁻³¹ Ah̄ri yehpa yojop̄re ijiro saha camer̄u ijisi. Camesa pihtia waharota. Sa pihtiatu yehpa ijiḡu yojop̄re mari ñehe quea utiye, mari buceye, mari c̄oye pihtia waharota. Sa ye ti ihyo waro ijire. Coh̄c̄j̄u yere yeye pehe ihyo waro ijierare. Sa ye ah̄ri yehpa c̄j̄ene c̄oyequina, c̄oyequina yero saha ijiaho. Ah̄ri yehpa c̄j̄ene pajiro t̄hotueraro cahmene. Ah̄ri yehpa yojop̄re ijiro yehpa camesa pihtia waharota.

³² M̄sa ñano ȳh̄d̄eraḡu cahmeaja ȳh̄u. Sa yeḡu m̄sa pajiro m̄sa t̄hotueraḡu ḡah̄re cahmeaja. Namu mariediquiro Jesu yaqiuro ijiro Jesu yere wac̄ducure. Sa wac̄ducuro Jesu cahmeñene tutuaro ye duare.

³³ Namu tiriqiuro pehe tiqiuro namono cahmeñene pehere tutuaro ye duare. Sa yero ah̄ri yehpa c̄j̄ene pajiro t̄hoture.

³⁴ Sa yero tiqiuro p̄arore ye duare. Jesu cahmeñene, tiqiuro namono cahmeñene ḡah̄re tiqiuro ye duare. Sa yero buc̄oro man̄ mariedicoro ijiro, ticoro mari p̄h̄toro Jesu cahmeñene tutuaro ye duare. Nuhmino ḡh̄u sata ye duare. Sa ye duaro ticoro tutuaro Coh̄c̄j̄u yacoro iji duare. Man̄ tiricoro pehe ah̄ri yehpa c̄j̄e pehere ticoro man̄no cahmeñene pehere tutuaro ye duare. Sa yero ah̄ri yehpa c̄j̄ene pajiro t̄hoture.

³⁵ Ah̄rire m̄sare ni niaja m̄sare yedohoḡu taḡu. Tutuaro dutiyere m̄sare c̄u dueraja. Sa c̄u duerap̄eḡata quehnoano m̄sa yeḡu cahmeaja. Sa yeḡu Jesu mari p̄h̄toro yere m̄sa tutuaro ye duaḡu cahmeaja ȳh̄u.

³⁶ M̄sa mehna c̄j̄ano tiqiuro cahmedicoro buc̄oro wahaḡu ih̄ñano ticorore namo tiaho. “Sata yero cahmene”, ni t̄hoturo, namo tiaho. Sa yero ticorore namo tiro ñano yero niedare.

³⁷ Apeqiuro pehe tiqiuro cahmedicorore “Ȳh̄re namo tiro cahmene”, ni duero, tiqiuro cahmediro sahata yeahro. Tiqiuro namo ti dueraḡu, quehnoanota. Quehnoano yero nine.

³⁸ Sa yero tiqiuro cahmedicorore namo tiriqiuro ḡh̄u quehnoano yere. Sa yero yojop̄re ticorore namo tieriqiuro pehe apeqiuro ȳh̄d̄oro quehnoano yere.

³⁹ Man̄ tiricorore ticoro man̄no coh̄ dutierap̄eḡata ticoro man̄no tiqiuro yariari bato ticoro apeqiuro mehna ticoro cahmediquiro mehna man̄ ti masine. Ticoro man̄ tiriqiuro Jesu yaqiuro ijiro cahmene tiqiuro.

⁴⁰ Ticoro man̄ mariedicoro tojoaro, man̄ tiricoro ȳh̄d̄oro quehnoano bucuericoro ijirota ticoro. Sata ni t̄hotuaja

yahu pehe. Cohācjū yaquiro Espiritu Santore cnoḡu ijiaja. Yuhu sa cnoḡu ijigū masina, ahri yahu yahurire masiña musa.

8

“Cohācjū ijire”, tiquina niñe queoyere ño peo, ihyayere duhu peohye masa. Ti ihyayere yahuahye Pablo

¹ Yojoḡuḡe “Cohācjū ijire”, tiquina niñe queoyere ño peo, tiquina duhu peori ihyayere yahu duaja. Ijipihina musa ti borore “Masajaja”, ni tuhutore musa. Sa ni tuhotuna “Apequinare masi yuhduducaja”, ni tuhutumene musa. Sa ni tuhotuna apequinare yedohoerare musa. Apequinare cahīna tiquinare yedohore musa. Sa ye masiñe yuhdoro apequinare cahīne pehe ihyo waro ijierare.

² “Masi peho cjā”, nina ijina, Cohācjū quehnoañene tiquiro masi dutiyere masiedariaga musa.

³ Sa ijiepegūta Cohācjūre musa cahīgū musare masine tiquiro. Sa yena tiquiro yequina ijire musa.

⁴ “Cohācjū ijire”, tiquina niñe queoyere ño peo, tiquina ihyayere duhu peore. Ti ihyayere musare yahutja: Ti queoye ne dūhseati ijierare. Potota ti queoye jeripohna mariedare. Cohācjū pehe ihcāquirota ijire. Apequina cohāmana mariedare. Ahrire masajaja mari.

⁵⁻⁶ “Peyequina cohāmana ijire. Tiquina mari puhtoā ijire”, ni tuhutumene masa. Sa yero aḡmaseḡu, ahri yehpaḡu ḡāhure “Cohāmana”, tiquina niñequina ijiepegūta mari pehere ihcāquirota ijire Cohācjū. Tiquiro mari Pacu ijipihiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari puhtoro Jesucristo ihcāquirota ijire. Tiquiro ijipihiyere mari Pacure ye basariquiro ijire. Tiquiro yequina ijiatinare yeahye tiquiro marine. Sa yena tiquiro mehna sa iiducunata mari.

⁷ Yahu nidiro saha ijiepegūta apequina Jesu yequina tire masiedare. Panopu tiquina “Cohācjū ijire”, tiquina niñe queoyere “Catiyequina ijire”, ni tuhotuducumahye. Ti pjeḡuḡe sa yeriquina ijiye yojoḡu ḡāhure ti queoyere ño peo, tiquina duhu peo ihyayere “Cohāmana ye ihyaye ijire”, ni tuhutumene. Sa ye ti ihyayere ihyaye, “Mari ñano yena niaja”, ni tuhutumene. Tire tiquina yerire quehnoano masiedaye, sa ni tuhutumene.

⁸ Ti ihyayere mari ihyagū mari ihyeragū ḡāhure Cohācjū marine “Quehnoañequina ijire”, ni ihñedare. Sa ye ti ihyayere mari ihyagū ihyo warota iji cāhno nine ti ihyaye. Mari tire ihyana ñano yeraja. Ti ihyayere mari ihyeragū ḡāhure ihyo warota iji cāhno

nine. Mari ihyerana apequina yuhdoro quehnoana ijieraja mari ḡāhū.

⁹⁻¹⁰ Sa ijiepegūta quehnoano yeya musa. Ti ihyayere ihyarina musa ijigū apequina musare “Masajaja”, ninare ihña cū ihyaboaga. Sa ihña cū ihyaye tiquina yerire quehnoano masiedaye, “Ñano yena niaja mari”, ni tuhotueta tiquina ḡāhū. Tiquina sa ni tuhotugū tiquina pehere ñano yegū yena niaga musa. Sa yena quehnoano yeya musa.

¹¹ “Mari ti ihyayere mari ihyagū quehnoanota marine”, musa ni tuhotuna ijina apequina quehnoano masieñequinare ñano yegū yeboaga musa, musare tiquina ihña cūḡū. Sa yeriquina ye ijati ḡāhure yariahye Cristo. Sa yena Cristo yequinare musa acayere ñano yegū yena niboaga musa.

¹² Quehnoano masieñequinare Cristo yequinare musa ñano yegū yena, Cristo ḡāhure ñano yena nine musa.

¹³ Sa yegū ti queoyere ño peo, tiquina duhu peo ihyayere yahu ihyagū Cristo yequinare ñano yegū yegū niboaga yahu. Jesu yequina ñano yegū cahmedaja. Sa yegū “Yuhu tiquinare ñano yegū yeari”, niḡu ti ihyayere ne pari turi ihyasi yahu.

9

Pablo Jesu cūriquiro tiquiro ijiyere yahuahye

¹ Jesu tiquiro yere buhe dutiro cūriḡu iji-aja. Sa yegū apequina tiquiro cūriquina tiquina yero saha ye masajaja yahu ḡāhū. Jesu cūriḡuta ijiaja yahu ḡāhū. Mari puhtoro Jesure ihñariguta ijiaja yahu. Sa yena Jesu yere yahu buheḡū musa pehe tire quehnoano tuhona tiquiro yequina wahare musa. Sa yena Jesu cūriḡu yahu ijiyere masi tuhasare musa.

² Apequina yahure yahu wajaye “Jesu cūriquiro ijierare”, niboaga. Tiquina sa niepegūta musare yahu buheri bato Jesu yequina wahana, “Jesu cūriquiro ijire”, ni, yuhure masi tuhasare musa. Sa yena apequina yahu wajapegūta musa pehe tiquiro cūriḡu yahu ijiye tiyere masine.

³ Yuhure yahu wajayequinare ohō saha ni yuhtiitja.

⁴ Musare yahu buheri bato yahu ihyatire yahu sihniati ḡāhure yahure ohoro cahmene musare.

⁵ ¿Sa yegū namo tigu ijigū yahu namono Jesu yacoro ticoro ijigū ticoro mehna tini masiedaboagari yahu? Apequina Jesu cūriquina, Jesu bahana, Pedro ḡāhū tiquina namosānumia mehna tiquina tinidiro sahata yahu ḡāhū tini masiboaga. Yahu sa tinigū yahu namo tigu ijigū ticoro ḡāhure ihyayere ohoboaga musa.

⁶ Yahu Bernabé mehna musare quehnoañe buheyerere usā buhepegūta usāre

ne apee borogã ohoerari mûsa. Sa yena usã basita usã ihyatire dahra wapataũ usã. ¿Usã dihitarẽ wapataro marieno buhero cahmeajari, mûsa tuhutugũ? ¿Usã sa buhena apeye dahraye pehere duhu masiedaboagari usã?

⁷ Ahriquina yuhũ queoye mehna yahu-atiquina pehe tiquina dahrari wapa wapatare. Ihcãquiro surara dahragũ tiquiro puhtoa tiquirore wapa yere. Tiquiro basi wapa yerare. Ihyayere oteriquiro gũhũ tiquiro oteri dũca tigũ tireta ihya masine. Sa yero wapatare tiquiro. Sa yero ovejare ihãa ihboriquiro tiquiro nuñequina epẽcore sihni masine tiquiro. Sa yero wapatare tiquiro gũhũ.

⁸ “Tiquina dahrari wapare wapa yero cahmene”, nigũ masa tiquina dutiye dihitarẽ mûsare yahueraja. Cohãcjũ dutiyepũ tiquiro nidi gũhũre mûsare yahugũ niaja.

⁹ Tiquiro dutiyere tiquina ojoari pũpũ ohõ saha ni yahure: “Wecũ trigo pjerire tiquiro dahpocãri mehna suhti weriquiro ihya duagũ tiquiro dũserore cahmotaercãhãa”, niahye Cohãcjũ dutiye. Sa dutiro wecare nino niedahye.

¹⁰ Sa dutiro marine nino niahye marine buhero taro. Wesere seheriquiro gũhũ ti dũcare nediquina gũhũ tiquina dahrari bato dũca tiri pje ijigũ tiquina wapatare cohtere. Sa yena dahrayequinare tiquina dahrari wapare ohoro cahmene marine.

¹¹ Mûsare Cohãcjũ yere quehnoañe buheyere buhei usã. ¿Usã sa buhegũ mûsa pehe usãre ihyayere ohoeraro cahmeajari, mûsa tuhutugũ? Ohoro cahmene. Mûsa ohogũ quehnoaboaga usãre. Sa ijiepegũta mûsa ohoerari usãre.

¹² Sa ohoerapenata apequina ihyayere mûsare sinigũ tiquina pehere ohore mûsa. Tiquina mûsare ihyayere sinigũ tiquina yuhũoro usã pehe oho dutiboaga mûsare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere mûsapũ cahmedaboaga” nina, usãre mariadepegũta mûsare ne siniedũ.

¹³ Cohãcjũ wũhũpũ dahrayequina ti wũhũpũta tiquina ihyayere nene. Sa ye Cohãcjũre tiquina ño peori altarũ cohteyequina wahiquirore tiquina ujuã mũoriquirore mehenogã ne, ihyari tiquina gũhũ. ¿Tire masiedari mûsa?

¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene mûsare. Sata ye dutiri mari puhoro Jesu.

¹⁵ Sa yegũ mûsare siniborigũ ijiepegũta yuhũ ne apee borore siniedũ mûsare. Sa yegũ ahrire yojopure ojoa ohogũ apee borore wapa cahmegũ tagũ ojoagũ niedaja. Mûsare ne wapa cahme dueraja. Yariacjũ

ijiepegũta ne wapa cahmesi yuhũ mûsare. Wapa marieno buhegũ tutuaro bucueaja. Sa yegũ mûsare yuhũ buheri wapa ne wapata ihyasi.

¹⁶ Quehnoañe buheyere buhe dutiro yahure cũri Cohãcjũ. Tire buheacjũta ijigũ niaja yuhũ. Quehnoañe buheyere buheragũ pejecũogũ ijiboaga yuhũ. Sa yegũ ti buheyere buhegũ “Apequinare masi yuhũdũcaja”, niacjũ ijieraja yuhũ.

¹⁷ Quehnoañe buheyere yuhũ esa tuharo buhegũ yuhũ buheri wapa wapa neboaga yuhũ. Cohãcjũ yahure tiquiro yere buhe dutiro cũri yahure. Sa yegũ yahure tiquiro cũrire yegũ niaja. Sa buheacjũ ijiaja yuhũ.

¹⁸ ¿Tiquiro yere sa buhegũ yabe borore wapatajari yuhũ? Ohõ saha ijire yuhũ wapataye: Quehnoañe buheyere buhegũ mûsare ne apee borore siniedagũ wapa marieno ti buheyere buheaja mûsare. Yuhũ sa nidire masigũ bucueaja. Yuhũ bucueyeta ijire yuhũ wapataye.

¹⁹ Ne masa cahacjũ ijierapegũta ijipihtiyequina cahacjũ yero saha ijiaja yuhũ apequina masa Jesu yequina tiquina wahatire.

²⁰ Sa yegũ yuhũ acaye judio masa mehna ijigũ, tiquina yero saha yeaja yuhũ Jesu yequina tiquina wahatire. Cohãcjũ dutiyere Moiserẽ tiquiro cũrire ño peorigũ ijierapegũta, ti dutiye dihitarẽ ño peoyequina mehna ijigũ ti dutiyere ño peoriquiro yero saha ijiaja yuhũ. Sata yeaja yuhũ tiquina Jesu yequina tiquina wahatire.

²¹ Sa yegũ Cristo yaquiro ijigũ Cohãcjũ dutiyere Moiserẽ tiquiro cũrire cohã dueraja. Ti dutiyere cohã duerapegũta ti dutiye marieñequina mehna ijigũ ti dutiye marieniquiro yero saha ijiaja. Sata yeaja yuhũ Jesu yequina tiquina gũhũ wahatire.

²² Jesu yere quehnoano masieñequina mehna ijigũ tiquina yero saha ijiaja. “Masi pehogũ ijiaja”, niedaja yuhũ. Sata yeaja yuhũ Jesu yequina tiquina gũhũ wahatire. Sa yegũ ijipihtiyequina masa tiquina ijiro saha ijiaja yuhũ, ihquẽquina Jesu yequina tiquiro yuhũoriquina tiquina wahatire.

²³ Ahrire yeaja quehnoañe buheyere ijipihtiyequina tiquina tuhõatire. Yuhũ sa yegũ ihãano Jesu tiquiro buheriro saha yuhũ gũhũre quehnoano yere. Sa yegũ masa tiquina ijie tiro saha ijiaja.

²⁴ Ohõ saha ijire mari queoye mehna buhegũ. Oma cohãpeyequina omañe tiquina ijipihtiyequina omare. Tiquina sa oma pihtiepegũta oma tutuoriquiro pehe esa mũhtare. Sa esa mũhtariquiro wapatare. Sa yena tiquina omariro saha mûsa gũhũ Cohãcjũ cahmeñene yeya mûsa wapatare.

²⁵ Ijipihtiyequina omañequina tiquina pagure dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro

ihyaye, queoro carĩne, quehnoano yere tiquina. Sata yere tiquina wapatato saha. Sa ye tiquina wapataye pũri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohãcãjũ yere quehnoano buheaja tiquiro yere mari wapatato saha. Ti wapataye pũrita ne ahbaerare.

²⁶ Sa yegu yũhũ ape siepũ omariquiro yero saha yeraja. Sa yegu cahmequeperiquiro ape siepũ dote maca cãriquiro yero saha yeraja. Sa yegu Cristo yere queoro ye duaja.

²⁷ Sa yegu omapeyequina, cahmequepeyequina gãhũ tiquina pagũgĩre tiquina buheriro saha, quehnoano queoro tiquina yeriro saha yũhũ gãhũ yũhũ pagũ mehna quehnoañe dihitare yepoaja. Sa yeragũ apeqũnare buherigũ yũhũ ijiepegũta dũhseacũ ijieraboaga yũhũ pehe.

10

“Cohãcãjũ ijire”, tiquina niñe queoyere ño peo dutierahye Pablo

¹ Sa yena yũhũ acaye, ahrire masiña musa. Ñsã Israe masa ñecusũmũa mũna panopũ cãjẽna ijipihitiyequina Cohãcãjũ ya ehmeo curuare ihña mũnũ tã cãa wahahye. Sa wahaye, aco sohãri mare aco pũa peheri tojoaducari mahapũ wũa queheri mahapũ tĩniñe, pehãa wahahye.

² Sa wahaye, tiquina ijipihitiyequina ehmeo curua mehna aco sohãri ma cãe aco mehna Cohãcãjũ ye ijiatire wame yenhriquina yero saha wahahye. Wame yenhrihana wahana Cristo yequina mari ijiyere ihñona niaja. Sa tiquina aco sohãri mare wame yenhriquina yero saha wahaye, Moise yequina tiquina ijiyere ihñone niahye.

³ Sa ye tiquina ijipihitiyequina uhmũse cãe ihyayere ihyae tiahye Cohãcãjũ tiquiro ohoyere.

⁴ Sa ihyaye tiquina ijipihitiyequina Cohãcãjũ ohori aco gãhare sihnie tiahye. Ti pjeppure ti acore Cohãcãjũ cũri utãpũ wijiari acore sihnie tiahye tiquina. Tia utã yero saha ijiriquiro, tiquinare aco ohoriquiro Cristo ijiahye.

⁵ Tiquina sa wahariquina ijiepegũta apeqũna tiquina mehna cãjẽna ñano yegũ ihñano Cohãcãjũ pehe peyequina tiquina mehna bucuerahye. Sa yero tiquinare masa marienopũ yariagũ yeahye Cohãcãjũ.

⁶ Sata yeahye tiquinare Cohãcãjũ marine buhero taro. Sa yero tiquinare ihña cũ ñañene mari tutuaro cahmedatire Cohãcãjũ sa yeahye tiquinare.

⁷ Sa yena “Cohãcãjũ ijire”, tiquina niñe queoyere tiquina ño peoriro saha yeracãhña musa. Ti queoyere tiquina ño peorire Cohãcãjũ yere tiquina ojoari pũpũ

yahuro ohõ saha niahye: “Tiquina ihya duji sihni tuhasa, wahcãdũca, bose deco ye dũcahye wecũ queoyere ño peoye tehe”, ni ojoahye panopũre.

⁸ Came apeqũna Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye.

⁹ Apeqũna Israe masa Cohãcãjũre tiquina mehna usuagũ yeahye. “Marine buhiri dahresi”, niñe Cohãcãjũre tuhtiahye. Sa tuhtiyehi tiquirore usuagũ yeahye. Tiquina sa yeri buhiri Cohãcãjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña musa.

¹⁰ Apeqũna Cohãcãjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcãjũ marine buhero taro. Mari pehe pihitiri deco panogã ijina ijiaja. Mari sa ijina ijigũ panopũ cãjẽna tiquina sa waharire Cohãcãjũ ojoa dutiahye marine quehnoano buhero taro.

¹² Sa yena “Quehnoana ijiaja, Cohãcãjũ tiquiro ihñagũ”, ni tuhotu, quehnoano yeya musa “Ñañene yeari”, nina.

¹³ Mari ijipihitiya ihcãquiro dũhsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcãjũ marine yedohoducuriquiro ijire. Sa yero ti ñañene wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcãjũ ti ñañene marine ye dueragũ yerota. Tiquiro sa yegũ ti ñañene ye duasi mari.

¹⁴ Sa yena yũhũ cahña yũhare tuhoya. “Cohãcãjũ ijire”, tiquina niñe queoyere ne ño peoracãhña.

¹⁵ Musa quehnoano masina ijigũ musare yahuaja. Sa yena yũhũ niato poto ijigũ masiña musa basi.

¹⁶ Cristore tiquina ñehedi ñamine vinore tiquiro sihniato pano Cohãcãjũre “Quehnoare”, niahye. Tiquiro nidiro saha mari gãhũ ti vinore sihniãna Cohãcãjũre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wijiari masigũ yena niaja. Sa yena tiquiro yequina mari ijie gãhare masigũ yena niaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena niaja. Sa yena tiquiro yequina mari ijie tiye gãhare masigũ yena niaja.

¹⁷ Sa yena peyequina masa ijiepenata ihcãria pagãre ihyana, ijipihitiya mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

¹⁸ Israe masa tiquina yerire wacũña masa: Tiquina wahiquire wejẽne, ʌjã m̃o, ohoje, Cohãcjũre ño peore. Sa tiquina ohori bato ihcã curuata tiquina ohoriquire ihyare. Sa ihyaye Cohãcjũ yequina tiquina ijyie tiyere masigũ yere tiquina.

¹⁹ Ohõ sahata nii niaja musare: "Cohãcjũ ijire", tiquina niñe queoye dahseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare.

²⁰ Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquire wejẽ, ʌjã m̃o, Cohãcjũre ño peoye niedare. Sa ye queoyere ño peoye watã pehere ño peore tiquina. Tiquina sa ño peoyequina ijigũ tiquina mehna ihyana watãno yequina yero saha yena niaga masa. Masa sa yegũ pũritare ne cahmedaja.

²¹ Santa cenare mari yeri deco mari puhtoro Jesure wacũna tana sihniaja. Mari sa sihnina, watãno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watã ye pehere ihyasiedaja mari.

²² ¿Jesure masa mehna usuagũ ye duajari masa? ¿Tiquiro yuhduoro tutuana ijiajari masa? Ijierare masa. Sa yena quehnoano yeya masa.

Cohãcjũ cahmeñe dihitare yeya

²³ Masa yeri ñañe ijierapegũta tire yena apequnare yedohoeraboaga masa. Sa yena tire yena Jesure wacũ tutua nemogũ yeraboaga masa apequnare.

²⁴ Masa cahmeñe dihitare yeracãhña. Apequina pehere quehnoano yedohoya masa.

²⁵⁻²⁶ Ihyaye duaropure ihyayere dũna "¿Ahri ihyaye cohãmana queoye cahapu tiquina duhu peori ihyaye ijiajari?" ni, sinitueracãhña. "Ñañene yeari", nina, sinituboaga masa. Sa ni sinitueracãhña. Ahri yehpa, ahri yehpapũ ijyie gũhũ Cohãcjũ ye ijire. Sa yena ti ihyayere "¿Ñañe ihyaye ijiajari?" niedacãhña.

²⁷ Jesure cahmeediquiro musare ihyasiedaja ti tiro tiquiro pijiogũ waha duana wahaya. Sa wahana musare tiquiro duhu peoyere ihyaya. "¿Ahri ihyaye Cohãcjũ queoye cahapu tiquina duhu peori ihyaye ijiajari?" ni, sinitueracãhña.

²⁸ Sa yena apeqiro Jesu yaquiro "Ahri ihyaye Cohãcjũ queoyere tiquina duhu peori ihyaye ijire", musare tiquiro ni yahugũ ti ihyaye pũritare ihyeracãhña. Musare sa ni yahuriquire "Ñañe ihyayere ihyare ahriquina", musare tiquiro ni tuhouterare ihyeracãhña.

²⁹ Sa ihyasiedaja dutieragu masa pehere yedohogũ tagũ sa nieda. Musare ahriye yahuriquire pehere yedohogũ tagũ sa ihyasiedaja. Tiquiro pehe musare "Ñañe ihyayere ihyare ahriquina", niboaga. "Sa niari", nina ti ihyayere ihyeracãhña.

"Ihyeracãhña", yuhũ nigũ ohõ saha ni sinitu yuhũtuboaga masa yahure: "¿Dahse ijiro boro apeqirore 'Sijoro saha wacũari' ", nina ihyeraboagari usã?

³⁰ "¿Ti queoyere ohori ihyayere usã ihyagũ Cohãcjũ warore 'Quehnoare', usã niepegũta dahsero tire usã ihyari buhiri apeqiro usãre yahu wajaboagari?" ni sinitu yuhũtuboaga masa yahure.

³¹ Ahri ijipihiyere yahugũ ohõ saha nigũ niaja musare: Decoripe Cohãcjũ tiquiro dutiro saha bucuwey mehna ihyasiedaja, Cohãcjũre masa tiquina ño peotire. Sa yena ijipihiyere quehnoano yeducuya Cohãcjũre masa tiquina ño peotire.

³² Ne judio masare, judio masa ijieyequinare, Cohãcjũ yequina gũhure ñano yegũ yeracãhña masa tiquinare.

³³ Ohõ saha yeaja yuhũ pehe. Masa ijipihiyequinare yedoho duaja. Sa yegũ yee ijati pehere pajiro tuhouteraja. Yuhũ ñano yuhduagũ quehnoanota. Masa pehere yedohoaja tiquinare pecapu wahaboriquinare Cohãcjũ tiquiro yuhduotire.

11

¹ Sa yena Cristore yuhũ ihña cũriro sahaata masa gũhũ yuhure ihña cũña.

Corinto cjẽna cahmecoanopũ numia tiquina yeatire yahuahye

² Musare yuhũ buhe turiarire wacũ pehoñohi masa. Sa wacũna musare yuhũ ni-dire yuhũ ye dutiro saha yeñohi masa. Sa yena quehnoano yere masa.

³ Sa yena masa ijiepegũta ahri gũhure masa masigũ cahmeaja: Ijipihiyequina amua tiquina puhtoro, Cristo ijire. Sa yero tiquiro namono puhtoro ijire ticoro manano. Sa yero Cristo puhtoro tiquiro Pacuro ijire.

⁴ Cohãcjũre sinidiquiro tiquiro dapure mohariquire sinino, tiquiro basi puhtoro ijyere wijiario nine. Cohãcjũ yere yahuriquire gũhũ tiquiro dapure mohano, sata yero nine tiquiro gũhũ.

⁵ Sa yero ticoro dapure mohano Cohãcjũre sinino, ticoro manano puhtoro ijyere wijiagũ yero nine. Cohãcjũ yere yahurico gũhũ ticoro dapure mohano, sata yero nine ticoro gũhũ. Sa yero ticoro poarire wahari pji mehna waha pehorico yero saha yere ticoro.

⁶ Ticoro dapure moha dueraro ticoro poarire se peho cã dutiahero. Ticoro sa

yeri bato ticoro dapure bue tiro, ticoro moahahto ticoro dapure.

⁷ Үмһа pehe Cohăcĵŭ yero saha pŭhtoa ijire. Sa ye Cohăcĵŭ quehnoariquiro, tutu-ariquiro tiquiro ijire tiyere ihŭore tiquina pehe. Sa ye tiquina dapure moheŭequinata ijiahro. Numia pehe Үмһа tiquina pŭhtoa ijire tiyere ihŭore. Sa yeye tiquina dapure moahahto.

⁸ Cohăcĵŭ Үмһанore yero, numino ya pagŭ cĵŭ mehna Үмһанore yerahye. Numino pehere yero, Үмһано ya pagŭ cĵŭ mehna yeahye ticorore.

⁹ Sa yero Үмһанore yero, numino yaquiro ijiatiquirore yerahye. Numino pehere yero Үмһано yacoro ijaticorore yeahye Cohăcĵŭ ticorore.

¹⁰ Sa ye numia tiquina dapure moahahto angele gŭhŭ tiquina ihŭa bucueatire. Sa mohaŭe Үмһа tiquina pŭhtoa tiquina ijiyere ihŭoŭe nine.

¹¹⁻¹² Cohăcĵŭ numinore yero, Үмһано pagŭ cĵŭ mehna yeahye. Sata yojoꝑare Үмһано masa bajuaro, numino pagŭꝑꝑ masa bajuare. Sa yero ijipihtiyequinare Cohăcĵŭ pehe yeahye. Sa yero Үмһано tiquiro iji mŭhtaedagŭ numino mariedaboaga. Sa ye numino ticoro mariedagŭ Үмһано gŭhŭ mariedaboaga. Sa ye tiquina Үмһа numia gŭhŭ tiquina basi cahme yedohore masa putiatire. Sa yero ijipihtiyequinare ijia-tiquinare bajumehnediquiro ijire Cohăcĵŭ.

¹³ Үмһа basi dŭhse ni tŭhotuajari? ҮNumino ticoro dapu mohedicoꝑo, Cohăcĵŭre ticoro sinigŭ quehnoajari, mŭsa tŭhotugŭ? Ne quehnoaedare.

¹⁴ Sa yero Үмһано poa nahmo cŭoriquiro tiquiro ijigŭ ŭarŭne. Ijipihtiyequina masa tire masine.

¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cŭoricoro ijiro quehnoaricoro bajure ticoro. Ti gŭhŭre ijipihtiyequina masine.

¹⁶ Mŭsa mehna cĵăno ahrire yŭhŭ yahurire tiquiro cahmedagŭ, ohŭ saha ni yahutja tiquirore: “Yŭhŭ ni yahuriro saha yeducuaja mari. Apequina Jesu yequina gŭhŭ sata yere tiquina gŭhŭ. Үsă sa yerina ijigŭ ihŭagŭ yŭhŭ ni yahuriro saha yero cahmene mŭhŭ gŭhŭre”, ni yahutja yŭhŭ yahurire cahmeediquirore.

Santa cenare tiquina ihyari watoa dojomehneahye Corinto cĵŭna

¹⁷ Yojoꝑare mŭsare ahrire yahugŭ tŭhŭ, “Quehnoano yena ijire”, niedaja yŭhŭ mŭsare. Mŭsa cahmecoana quehnoano yerare. ҆nano yere mŭsa.

¹⁸ Ohŭ saha ni yahu mŭhtaŭtja mŭsare: Mŭsa cahmecoanopŭ cahme dŭse tutuana mŭsa basi ihquŭ cururi tu wana niŭohti

mŭsa. Apequina tire yŭhŭre tiquina yahugŭ “Potota ijiaga”, ni tŭhotuaja yŭhŭ.

¹⁹ Sata yere mŭsa. Sa yena ohŭ saha ni tŭhotumene mŭsa. “Mari tu warina ijina, Jesu yequina waro ijieyequina pehere masinata mari. Sa yena marine tu waro cahmene”, ni tŭhotumene mŭsa.

²⁰ Mŭsa basi sa cahme ihŭa tuhtina, mŭsa ihcănopŭ cahmecoa ihyana quehnoano yerare. Potota Santa cena waro yena niedare.

²¹ Mŭsa cahmecoana ihquŭequina mŭsa sehsaro ihya mŭhtana, apequina pehere Үмһа ahbagŭ yere. Sa ye sihni mŭhtana quehea wahare.

²² Үмһсare mŭsa ihyaye wŭhŭse mariedajari? Үмһсare mŭsa sihniŭe wŭhŭse mariedajari? Ti wŭhŭseꝑata ihya, sihniŭa. Yojoꝑare Cohăcĵŭ yequina tiquina cahmecoanore dojomehmena niaga mŭsa. Sa yena apequina Jesu yequina pejescoyeyequinare ihyaye marieŭequina pehere mŭsa pehe bŭoro yahdŭgŭ yere. Үdŭhse ni yahugŭtari yŭhŭ mŭsare? “Quehnoano yerare mŭsa”, niaga yŭhŭ.

Santa cenare ihyarire yahuahye Pablo
(Mt 26.26-29; Mr 14.22-25; Lc 22.14-20)

²³ Mari pŭhtoro Jesu tiquiro ihya bato tirire yahuri yŭhŭre. Sa tiquiro yahuri bato yŭhŭ pehe mŭsare tire yahuu. Ti ohŭ saha ijire: Tiquirore ihŭa tuhtiyequinare Juda tiquiro ihŭoati ŭamine mari pŭhtoro Jesu-cristo păre ne,

²⁴ Cohăcĵŭre “Quehnoare”, niŭohti. Tiquiro sa nidi bato ti păre nuha, tiquiro buheyequinare itiŭohti. Sa itiro ohŭ saha niŭohti: “Ahrire ihyaya. Ahri yŭhŭ pagŭ ijire. Mŭsa ye ijiatire yariŭtja. Yŭhŭre mŭsa wacŭatire ahrire ihyaya”, niŭohti Jesu mari pŭhtoro.

²⁵ Sa tiquina ihyari bato tiquiro sihni di pare neno ohŭ saha niŭohti: “Mŭsa ŭaŭe yeyere cohăgŭ tagŭ yariŭtja. Sa yegŭ ye di-ire cohăgŭtja. Cohăcĵŭ ‘Mŭsare yahdŭoutja’ tiquiro niđiro esagŭ yŭhŭ yariaro mehna tiquiro niđiro sahata sohtiꝑo tirota. Ahri papŭ pose tiyere sihniŭa, yŭhŭ dii wijiariŭre wacŭnata. Ahrire sihniŭa, yŭhŭre mŭsa wacŭatire sihniŭa”, niŭohti Jesu.

²⁶ Sa yena Santa cena cĵŭ păre mŭsa ihyana, sihniŭene sihniŭa, Jesu mari pŭhtoro mari ye buhirire tiquiro yariariŭre wacŭ, ihŭona nine mŭsa. Sa ihŭoducunata mŭsa tee ahri yehpapŭ tiquiro tojoa tato pano.

“Santa cenare ihya sihniŭa ohŭ saha yeya”, ni yahuahye Pablo

²⁷ Santa cenare ihya, sihniŭa, Jesure ŭo peoro marieno cua pesaro yerana, tiquiro pagure tiquiro dii cohări gŭhŭre bujŭpero saha yena niaga mari. Sa yena Jesure

bujapena niaja mari. Sa yeyequina buhiri tiyequina ijire.

²⁸ Sa yena mari yerire, mari ijiye tiyere quehnoano wacūhna. Sa wacūna Santa cenare ihya, sihni masiaja mari.

²⁹ Mari puhtoro mari ye ijiatire tiqiro pagu yariarire wacūno marieno Santa cenare ihya, sihnina mari buhiri tinata.

³⁰ Ohō saha dihita yere peyequina masa mehna cjēna. Sa ye tiquina ihquēquina tutueyequina, dohatiyequina wahare. Sa ye apequina tiquina sa yeri buhiri yariaa wahare.

³¹ Sa ijiepegāta tiquina ihya, sihniñe tiquina yerire, tiquina ijiye tiyere quehnoano wacūne, tiquina ñañe yerire duhu, ti buhirire buhiri tieraboaga.

³² Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigū cahmedare mari puhtoro.

³³ Sa yena yūhu acaye, Santa cenare ihyana tana cahmecoana, masa basi cohteniña.

³⁴ Sa ye masa mehna cjēna ujua ahba, tiquina ye wuhusepu ihyarīahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi masa. Apee borore yahu duami musare. Came yūhu basi esagupu musare yahutja tire.

12

Cohācjū yere mari yeatire cūno marine ye masigū yere Espiritu Santo

¹ Yūhu acaye ahrire yahu duaja musare. Cohācjū yere mari yeatire cūno marine ijiphtinare ye masigū yere Espiritu Santo. Sa yegu tire masa quehnoano masigū cahmeaja.

² Jesu yequina ijieranina sijoro saha ijiye buheyere tuho nūnuna ijina, masa pehe “Cohācjū ijire”, tiquina niñe queoyere, yahuducueye queoyere ño peomedi. Tire masine masa.

³ Sa ijimedina masa ijigū yojopure ohō saha ni yahutja musare. “Jesu ñano wahacūnahdo”, niñequina Cohācjū yaquiro Espiritu Santo tutuaye mehna sa niñe niedare. Espiritu Santo warore cuoerare tiquina. Sa ijiye “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiquina.

⁴ Cohācjū yere ye masiñe peye ijire. Ti sa ijiepegāta marine ye masigū yeriquiro pehe ihcāquirola ijire. Tiquiro Espiritu Santo ijire.

⁵ Sa ye apequinare yedohoye gāhu peye ijire. Ti sa ijiepegāta mari puhtoro Jesu pehe marine yedoho dutiriquiro ihcāquirola ijire.

⁶ Sa ye Cohācjū yere yeye gāhu peye ijire. Ti sa ijiepegāta Cohācjū ijiphtina marine ye masigū yeriquiro pehe ihcāquirola ijire.

⁷ Marine Jesu yequinare Espiritu Santo yedohoro, Cohācjū tutuayere ihñono nine. Ohō sahata yedohore tiqiro Jesu yequinare ijiphtiyequinare mari quehnoano yeatire.

⁸ Ihquēquinare quehnoano masi yahugū yere Espiritu Santo. Sa yero apequinare Cohācjū yere quehnoano buhegū yere tiqiro.

⁹ Sa yero apequinare Cohācjūre quehnoano wacū tutuagū yere tiqiro. Sa yero apequinare Cohācjū tutuayere ohore tiqiro. Ti tutuaye mehna tiquina pehe dohatiyequinare yuhdagū yere. Cristore tiquina wacū tutuagū ihñano tiqirore tiquina sinidiro sahata yere tiqiro. Espiritu Santo ihcāquirola ijiriquiro ti tutuayere ohore.

¹⁰ Sa yero apequinare Cohācjū tutuaye mehna ihñofiene ye masigū yere tiqiro. Sa yero apequinare Cohācjū yere quehnoano yahu masigū yere tiqiro tiquinare. Sa yero apequina Jesu yequinare buheyere quehnoano bese masigū yere tiqiro. Sa masiñe watino ye buheye ti ijigū masine tiquina. Espiritu Santo waro ye buheye gāhure ti ijigū masine tiquina. Sa yero apequinare tuhomehneñe yahuducuyere yahuducu masigū yere tiqiro. Sa yero tuhomehneñe yahuducuyere yahuducuyequina tiquina nino sahata yahu yuhduo masigū yere tiqiro apequinare.

¹¹ Espiritu Santo ihcāquirola ijiriquiro tiqiro cahmeno saha marine ijiphtinare yūhu yahuriro saha ye masigū yere. Ihquēquinare sijoro saha ye masigū yere. Apequina gāhure sijoro saha ye masigū yere.

Cristo yequina ijina ihcā curuata ijiaja mari

¹² Ohō sahata ijire ahri mehna mari queoye mehna yahugū: Mari pagu ihcā pagu ijiepegāta omocari, caperi, dahpocāri, cahmo ti pūrita peye ijire mari pagupu ijiye. Sata ijiaja mari Cristo yequina gāhu. Cristo yequina tiqiro pagu yero saha ihcā curuata ijiaja.

¹³ Sa yena Cristo yequina ijina, tiqiro pagu yero saha ihcā curuata ijiaja mari. Judio masa, judio masa ijiena, cahacjāna, cahacjāna ijiena peye cururi mari ijiepenata ihcāquirola ijiriquiro tiqiro pagu yero saha ihcā curuata ijiaja mari. Espiritu Santo ihcāquirola ijiriquiro tiqiro tutuaye mehna wame yenohrina ijiaja mari ijiphtina. Sa yena ihcāquirola Espiritu Santore cuoaja mari, Cristo ya curua cjāna ijina.

¹⁴ Mari pagu ihcā pagu ijiepegūta omocari, caperi, dahpocāri, cahmo, ti mari pagurū ijie peye ijire.

¹⁵ Muñu dahpocā yahuducuri dahpocā ijiro, ohō saha niboaga mūhare sijoro saha ni duaro: “Omoca ijieraja yūñu”. Sa yegu pagu cǵā dahpocā ijieraja yūñu”, niboaga. Muñu dahpocā sa nieperota pagu cǵā dahpocā ijirota nine.

¹⁶ Muñu cahmono yahuducuri cahmono ijiro, ohō saha niboaga mūhare sijoro saha ni duaro: “Capea ijieraja yūñu. Sa yegu pagu cǵā cahmono ijieraja yūñu”, niboaga. Muñu cahmono sa nieperota pagu cǵā cahmono ijirota nine.

¹⁷ ¿Mari pagu capea dihita ijigū dūhse tūhoboagari mari? Basioerare. ¿Sa yena mari pagu cahmono dihita ijigū dūhse wijiboagari mari? Basioerare.

¹⁸ Sa ijierare mari pagu. Ohō saha ijire. Mari pagurū ijieye Cohācǵū tiquiro cahmeno saha cūahye mari pagure.

¹⁹ ¿Mari pagurū ijieye mariedagū dūhse wahaobagari mari pagu? ¿Mari omocari dihita ijigū dūhse wahaobagari mari pagu?

²⁰ Mari pagu ohō saha ijire: Ihcā pagu ijiepegūta mari pagurū ijieye peye ijire.

²¹ “Muñu yedohogū cahmedaja”, muñu capea ni masiedare muñu omocare. Sa yero muñu dapu muñu dahpocārine “Musa yedohogū cahmedaja”, ni masiedare.

²² Apeye mari pagurū ijieye “Ihyo iji cǵūñe ijire”, mari niñe pehere pototi cahmeaja mari apeye mari pagurū ijieye yūñuoro.

²³ Sa yena mari pagurū ijieye “Ihyo ijieye ijire”, mari ni tūhotuepenata tire mari pagurū ijieye cahmeaja mari, mari quehnoano ijiato saha. Sa yena apeye mari pagurū ijieye mari bue tiyere suhti mehna nūoaja mari.

²⁴ Apeye mari pagurū ijieye nūoedaja mari. Ti pūritare ihñona, bue tieraja. Ohō saha iji dutiahye Cohācǵū mari pagure. Mari ihñoeñene mari pagurū ijieye mari quehnoano ño peoye mehna cūoaja. Sata ye dutiahye Cohācǵū.

²⁵ Sa ye mari pagurū ijieye ti basi cahme yedohore.

²⁶ Sa ye mari caperi ñano yūñdǵū apeye mari pagurū ijieye gūñu ñano yūñdare. Sa ye mari caperi quehnoañe wahagū mari pagurū ijieye gūñu quehnoano tūhoture.

²⁷ Sa yegu ohō saha nigū niaja musare: Musa pehe Cristo pagu yero saha ihcā curuata ijire. Sa yena ijipihtina musa tiquiro pagurū ijieye yero saha tiquiro yequina ijire.

²⁸ Sa yero Jesu yequinare mari yedohoitire cūahye Cohācǵū marine. Ohō saha cūahye tiquiro marine. Ihquēquinare marine buhe dutiro Jesu cū mūhtarinare cūahye tiquiro. Apequinare tiquiro

yere yahu mūhtariquinare cūahye. Apequinare masare buheatiquinare, apequinare Cohācǵū tutuaye mehna yeatiquinare, apequinare dohatiyequinare yūñdūoatiquinare, apequinare masare yedohoatiquinare, apequinare masa pūhtoia ijiatiquinare, apequinare tūhomehneñe yahuducuyere yahuducuatiquinare cūahye Cohācǵū marine.

²⁹ Sa tiquiro cūgū ijipihtina ihcāno saha tiquiro cūrina ijieraja mari. Apequina Cohācǵū buhe dutiro tiquiro cūriquina ijierare. Sa yena apequina Cohācǵū yere yahu mūhtarina ijieraja mari. Sa yena apequina masare buhena ijieraja mari. Sa yena apequina Cohācǵū tutuaye mehna yeatina ijieraja mari.

³⁰ Sa ye apequina dohatiyequinare yūñdūoatiquina ijierare. Sa yena apequina tūhomehneñe yahuducuyere yahuducuna ijieraja mari. Sa yena apequina tūhomehneñe yahuducuyere yahu yūñdūoana ijieraja mari. Sa yero maripe mari yeatire cūahye tiquiro.

³¹ Sa yena Cohācǵū yere ye masi duana quehnoa yūñdūye pehere tutuaro cahmeña musa. Sa yegu ijipihtiyey yūñu nidi yūñdūoro musa cahmeatire yojopure yahutja musare yūñu.

13

Apequinare quehnoano tiquina cahiatire yahuahye Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahiedana, dūhseanaja ijieraja mari. Sa ye mari yahuducuye gūñu dūhseati ijierare. Sa yena apequinare cahiedana mari yahuducuna, ihyo waro yahuducuna niaja.

² Cohācǵū yere quehnoano yahu masiepenata, masa tiquina masiedarire Cohācǵū yere tiquina buheri gūhare masi pehoepenata apequinare cahiedana dūhseanaja ijieraja mari. “Ahdū cūñu aye siepū wahaahro”, mari nigū “Potota mari nidiro sahata Cohācǵū yerota”, ni mari tūhotugū sata yerota. Cohācǵūre sa ni tūhotuyequina ijiepenata apequinare cahiedana ne dūhseanaja ijieraja mari.

³ Ijipihtiyere pejecūoyequinare mari ohoepegūta apequinare mari cahiedagū ti mari ohori dūhseati ijierare. Sa yena Cohācǵū yere yena tana mari pagure mari wūñu mūo dutiepegūta apequinare mari cahiedagū ti mari sa yeye dūhseati ijierare.

⁴ Usueraja apequinare cahina. Tiquinare cahina quehnoano yeaja tiquinare. Sa yena apequinare cahina tiquinare cooeraja. Sa yena mari cahiniquiro mehna ijina “Muñu yūñdūoro ijigū ijiaja”, niedaja mari.

⁵ Apequinare cahīna “Mūsare masi yuhduɔcaja”, niedaja mari tiquinare. Sa yena apequinare cahīna tiquinare ño peoro mehna yeaja mari. Apequinare cahīna “Ūsā cahmeno saha yeaja. Mūsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa yena apequinare cahīna marine ñano tiquina yegū gūhure tiquina mehna sa usuaducueraja mari.

⁶ Apequinare cahīna ñañene tiquina yegū ihñana bucueraja mari. Quehnoañe pehere tiquina yegū ihñana tutuaro bucucaja.

⁷ Apequinare cahīna tiquina ye buhiri ñano yuhduɛpenata tiquinare sa cahīducujaja mari. Apequinare cahīna apequina pehe mari cahīñequinare tiquina yahu wajagū tuhoepenata tire tuho dueraja. Mari cahīñequinare apequina yahugū quehnoañe dihitare tuho duaja mari. Apequinare cahīna “Tiquina ñañene yesi”, ni tuhotuaja mari tiquinare. Apequinare cahīna ñano yuhduɛpenata tiquinare cahī duhisi mari.

⁸ Ti cahme cahīñe ne pihtisi. Cohācjū yere yahuye pehe came pihtia wahaota. Tūhomehneñe yahuducuyegū came pihtia wahaota. Cohācjū yere masa tiquina buheri gūhū came pihtia wahaota. Apequinare cahme cahīñe pehe ne pihtisi.

⁹ Yojoɓare Cohācjū yere mari masi peho masiedaja. Sa yena tiquiuro yere yahuna mari yahu peho masiedaja. Mari masi pehoati duhsare.

¹⁰ Sa yena Cristo ñañe marieniquiuro tiquiuro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

¹¹ Mari masi pehoati ohō saha ijire: Nijigū ijigū nijinogā yero saha yahuducumi yūhū. Sa yegū nijinogā yero saha tuhotumi. Sa yegū bucū wahagū nijinogā tiquiuro yeriro saha duhu cāu. Sata mari yojoɓare “Masi pehoeraja”, niepenata cameɓare masi pehonata.

¹² Eōno quehnoano wuhdoa bajuero saha yojoɓare quehnoano masi pehoeraniaja mari. Came apequirore quehnoano mari ihñā masino saha mari masi pehonata. Yojoɓare mari masi pehoati marine duhsare. Cohācjū marine tiquiuro quehnoano masi pehoriro saha came mari gūhū quehnoano masi pehonata.

¹³ Sa ye ihtiarore mari ye masiaja yojoɓare. Cohācjūre wacū tutua masiaja. Sa yena marine tiquiuro yuhduoatire masina, mari quehnoano cohte masiaja. Sa yena apequinare cahme cahī masiaja. Ahri ihtiaro ijire pototi mari yeati. Sa yena apequinare cahme cahīna, ahri ɓaro yuhduoro yena niaja. Wacū tutuaye, tiquiuro

yuhduoatire cohteye yuhduoro ijire cahme cahīñe pehe.

14

Tūhomehneñe yahuducuyere yahuahye Pablo

¹ Sa yena apequinare cahme cahīna mūsa. Sa ye Cohācjū yere mūsa quehnoano ye masiatire cahmeña mūsa. Cohācjū yere mūsa yahuati ɓuritare tutuaro cahmeña mūsa.

² Tūhomehneñe yahuducuyere yahuducuriquiuro Cohācjū mehna dihita yahuducure. Sa ni yahuducuro masa mehna yahuducuro niedare tiquiuro. Tiquiuro sa ni yahuducugū tuhoje masa pehe ne tuhoerare tiquiurore. Masa tiquina masiedarire Espiritu Santo tutuaye mehna yahuducuro nine tiquiuro.

³ Cohācjū yere yahuriquiuro pehe masa pehere yahure. Sa yahuro tiquiuro masare yedohoro nine. Sa yero tiquinare buhero nine tiquiuro. Sa yero tiquina ñano yuhdagū tiquinare bucuegū yere.

⁴ Tūhomehneñe yahuducuyere yahuducuriquiuro ihcāquiurota buhere. Apequinare buherare. Cohācjū yere yahuriquiuro pehe apequinare Jesu yequinare buhero, yedohore tiquiuro.

⁵ Tūhomehneñe yahuducuyere ijipihtina mūsa yahuducugū quehnoaboaga, yūhū tuhotugū. Sa ijiepegūta Cohācjū yere masa yahugū ɓuritare tutuaro cahmeña. Cohācjū yere yahuriquiuro pehe tūhomehneñe yahuducuyere yahuducuriquiuro yuhduoro apequinare yedohore. Sa ijiepegūta tūhomehneñe yahuducuriquiuro tiquiuro yahuducuyere apequiuro yahu yuhduogū tiquina pehe pototi apequinare yedohore. Tiquiuro yahuducuyere yahu yuhduoriquiuro ijiro tiquiuro pehe apequinare Jesu yequinare buhero nine.

⁶ Tūhomehneñe yahuducuyere mūsa mehna yūhū yahuducugū, apequiuro mūsare tiquiuro yahu yuhduoeragū mūsare yedohoreraboaga yūhū. Sa yegū Cohācjū yūhūre tiquiuro yahurire yahugū, tiquiuro yere yūhū masiñene yahugū, apeyere tiquiuro yere yahugū mūsare yedohogū niaja. Tire mūsa tuhoatire mūsare buhegu mūsare quehnoano yedohogū niaja yūhū.

⁷ Tūhomehneñe yahuducuriquiuro tiquiuro yahuducuyere basa wamoa yero saha ijire. Carisure putina, arpare bua ɓutēna tire mari queoro yeragū ti basayere apequinare masino basioerare.

⁸ Sa yero cornetare putiriquiuro surara ijiro tiquina cahme wejēato panore queoro tiquiuro putieragū apequina surara pehe tiquina cahme wejēatire masisi. Sa ye tiquina cahme wejēato pano tiquina

wejëatire wamoare quehnoyuriquina ijisi tiquina.

⁹ Sata musa gâhu tãhomehneñe yahuducuyere musa yahuducugã tãhoye, yahu yahuducuriquiuro mariedagã apequina tire ne masisi. Tiquina sa masiedagã musa yahuducuyere dahseati ijierare.

¹⁰ Ahri yehpapã peye yahuducuyere ijiaga. Sa ye tire yahuducuyequina tiquina basi sa yahuducuyere quehnoano tãhore.

¹¹ Ihcãquiro ye yahuducuyere yãhu tãhoeragã ihãano tire yahuducuriquiuro pehe “Ape dihta cãano ijire”, ni tãhoturota yahure. Sa yegu yãhu gãhu sata ni tãhotutja tiquiore.

¹² Sata ijiri musa gãhu tãhomehneñe yahuducuna. Espiritu Santo tiquiuro tutuaye mehna tutuaro ye duamene musa. Tiquiuro tutuaye mehna sa ye duana apequina Jesu yequinare musa buheatire tiquinare musa yedohotire tutuaro cahmeña musa.

¹³ Sa yero tãhomehneñe yahuducuriquiuro tiquiuro yahuducurire tiquiuro quehnoano yahu yahuducuatire Cohãcjãre siniahdo tiquiuro.

¹⁴ Tãhomehneñe yahuducuyere mehna Cohãcjãre sinigã yãhu tãhotuyere mehna sinigã niaga. Sa sinigã yãhu tãhotuyere apequinare quehnoano yahueraja. Sa yegu apequinare yedohoraja yãhu.

¹⁵ Ahrire masina, ohõ saha yenata mari: Espiritu Santo tutuaye mehna tãhomehneñe yahuducuyere mehna Cohãcjãre sininata. Sa yena ape decorã quehnoano masi tãhotu, apequina tiquina quehnoano tãhoatire tiquina ye mehna Cohãcjãre sinina, ti gãhure sininata tja. Espiritu Santo tutuaye mehna tãhomehneñe yahuducuyere mehna Cohãcjãre yere basanata. Sa yena ape deco quehnoano masi tãhotu, apequina tiquina quehnoano tãhoatire tiquina ye mehna Cohãcjãre yere basana, ti gãhure basanata tja.

¹⁶ Mari sa yeragã tãhomehneñe yahuducuyere mehna Espiritu Santo tutuaye mehna Cohãcjãre “Quehnoariquiuro, tutuariquiuro ijire”, mari niepegãta apequina pehe ne tãhoerare. Sa tãhoeraye “Poto ijire”, ni masiedare.

¹⁷ Tãhomehneñe yahuducuyere mehna Cohãcjãre “Quehnoare”, ni masiaga mari. Mari sa niñe quehnoañe ijipegãta tire yahu yahuducuerana apequinare buheraja mari. Sa yena tiquinare yedohoraja mari.

¹⁸ Ijipihtina musa yahuducuro yãhu pehe tãhomehneñe yahuducujã. Sa yegu Cohãcjãre yãhure sa yahuducu masigã tiquiuro yegu tiquiore “Quehnoare”, niaga yãhu.

¹⁹ Sa yahuducugã yãhu ijipegãta Jesu yequina cahmecoañequina watoa yãhu ijigã, tãhomehneñe yahuducuyere mehna peye yãhu yahuepegãta dahseati ijierare. Ti yahuducuro masa tiquina quehnoano

tãhoati pehe meheñegã yãhu yahuepegãta quehnoarĩne, yãhu tãhotugã.

²⁰ Yãhu acaye, macanagã tãho masieñequinagã tiquina ijiro saha ijieracãhã musa. Sa yena coã bajuayequina ñãñe yeyere tiquina masieno saha ijija musa gãhu. Sa yena bucãna tãho masieñequina tiquina ijiro saha ijija musa.

²¹ Cohãcjãre yere tiquina ojoari pũpũ ohõ saha nine: “Tãhomehneñe yahuducuyequinare ahriquina masare yeere yahu dutitja. Sa yegu ape dihta cãenare yeere yahu dutitja ahriquina masare. Yãhu sa yahu dutiepegãta ahriquina yãhu yahuyere tãhosi’, nine Cohãcjãre mari puhtoro”, nine Cohãcjãre yere tiquina ojoari pũpũ.

²² Sa ye tãhomehneñe yahuducuyere Jesu yequinare Cohãcjãre tutuayere masigã yeati ijierare. Ti yahuducuyere Jesure cahmeeñequina pehere Cohãcjãre tutuayere masigã yeati ijire. Sa yero Cohãcjãre yere yahuyere Jesure cahmeeñequinare Cohãcjãre tutuayere masigã yeati ijierare. Cohãcjãre yere yahuyere Jesu yequina pehere Cohãcjãre tutuayere masigã yeati ijire.

²³ Sa ye ijipihtina musa Jesu yequina cahmecoagã tãhomehneñe musa yahuducugã tire masieñequina, apequina Jesure cahmeeñequina gãhu sajã, tãhoboaga. Sa tãhoye “Tiquina tãho masieñequina ijire”, ni boaga musare tiquina.

²⁴ Ijipihtina musa Cohãcjãre yere musa yahugã pũrita tire masiedariquiuro, Jesure cahmedariquiuro sajã duca tãhoro, tiquiuro ñãñe yerire masiboaga tiquiuro. Sa yero tiquiuro ñãñe yerire bujãna witiboaga tiquiuro.

²⁵ Sa yero poto tiquiuro ijije tiyere tiquiuro tãhotuyere gãhure masiboaga tiquiuro. Sa yero Cohãcjãre poto dasepe curi mehna quehe saro, tiquiore ño peorota. Sa yero “Cohãcjãre potota musa mehna ijire”, ninota tiquiuro musare.

Musa cahmecoana quehnoano yeya dojomehnenno marieno

²⁶ Sa yegu yãhu acaye, musare ahrire nigã niaga: Cahmecoana ihquẽquina musa mehna cãena Cohãcjãre yere basa duare. Sa yena apequina buhe duare. Sa yena apequina Cohãcjãre musare tiquiuro buherire yahu duare musa. Sa yena apequina tãhomehneñe mehna yahuducu duare musa. Sa yena musa apequina ti yahuducuyere yahu yahuducuo duare musa. Ti ijipitiyere sa yena apequina musare tãhoyequina tiquina quehnoano masiatire tire yeya.

²⁷ Sa yena tãhomehneñe mehna musa yahuducuna pũana, ihtiana topenata yahuducuya musa. Sa yena camesa yahuducuya. Musa sa yahuducugã,

ihcãquiro m̄sa mehna c̄jano m̄sa yahuducurire apequnare yahu yãhd̄oahro.

²⁸ M̄sa yahuducuyere yahu yãhd̄ooriguiri mariedagũ m̄sa cahmecoana ijipih̄tina m̄sa tãhomehneñene yahuducu duana yahuducueracãh̄na. Sa yena masa marienop̄ Cohãc̄jũ mehna yahuducuya m̄sa.

²⁹ Sa yena Cohãc̄jũ yere yahu duana p̄ana, ihtiana topenata yahuya m̄sa. M̄sa sa yahugũ apequna m̄sare tãhoyequina m̄sa yahurire quehnoano tãho nãnãahdo.

³⁰ Sa yero Esp̄ritu Santo Cohãc̄jũ yere apeqirore top̄ dujiriqirore yahu d̄acaboaga. Tiquiro yahu d̄acagũ tiquirore tãhoriguiri gãh̄ Jesu yequinare yahu duaboaga. Sa yero tiquiro pano yahuriquiro pehe dihta mariahdo.

³¹ Sa yena ijipih̄tina m̄sa Cohãc̄jũ yere yahuna, camesa yahuya m̄sa ijipih̄tयेequina apequna tiquina quehnoano tãhoatire, tiquina quehnoano bucueatire.

³² Sa yena Cohãc̄jũ yere yahuna ijina, quehnoano tãho masi, quehnoano tãhotu yahuducuya.

³³ Cohãc̄jũ tiquiro yequina tiquina cahmecoanop̄ tiquina cahme yahuducugũ, suhrigũ cahmedare tiquiro. Dojomehnenno marieno tiquina quehnoano ijigũ cahmene tiquiro. Ijipih̄tirop̄ Jesu yequina cahme-coa, oh̄ saha yere tiquina.

³⁴ Tiquina cahmecoanop̄ numiare yahuducu dutierare. Tiquina numiare mari pehe yahuducu dutieraja. Cohãc̄jũ ojoari p̄r̄ tiquiro nidiro sahata numiare am̄are quehnoano yãhtयेequina numia ijiro cahmene. Sa ye cahmecoanop̄ numia masare yahuducueracãh̄do.

³⁵ Jesu yequina tiquina cahmecoanop̄ numia tiquina yahuducugũ ñar̄ine. Sa yero apee borore masi duaro numino ticoro ya wãh̄p̄ata ticoro man̄nore sinituahro.

³⁶ Ahri yãh̄ yahuatire quehnoano masiãna m̄sa. Cohãc̄jũ yere yahu m̄htana ijierare m̄sa. Sa yena tiquiro yere tãhorina m̄sa dihita ijierare. Apequna gãh̄ tiquiro ye buheyere c̄nore.

³⁷ M̄sa mehna c̄jano “Yãh̄ Cohãc̄jũ yere yahugũ ijiaja”, ni tãhoturiquiro ijiro ahri m̄sare yãh̄ ojoari Cohãc̄jũ dutiye ijigũ masiahdo tiquiro. Sa yero apeqiro “Esp̄ritu Santo tutuaye mehna ye masiaja”, ni tãhoturiquiro ijiro tiquiro gãh̄ ahri yãh̄ ojoari Cohãc̄jũ dutiye ijigũ masiahdo tiquiro.

³⁸ Tire tiquiro masi dueragũ yãh̄ ojoarire “Poto ijierare”, tiquiro nigũ tiquirore duho cãh̄na. Tãhoeracãh̄na tiquirore.

³⁹ Sa yena yãh̄ acaye, Cohãc̄jũ yere yahuna m̄sa ijiatire tutuaro cahmeña m̄sa. Sa yena m̄sa mehna c̄jena m̄sa

cahmecoanop̄ tãhomehneñene yahuducuyere mehna tiquina yahu duagũ “Sa yahuducueracãh̄na”, niedacãh̄na tiquinare.

⁴⁰ Sa cahmecoana quehnoano, cahme dojomehnenno marieno yeya m̄sa.

15

Quehnoañe buheyere tiquiro yahurire yahuahye Pablo

¹ Yojoip̄re yãh̄ acaye, quehnoañe buheyere m̄sare yãh̄ yahurire m̄sare wacũgũ ye duaja. Ti buheyere quehnoano cahmene m̄sa. Sa cahmena ti buheyere ne cohãedare m̄sa.

² M̄sa sa cahmegũ tire m̄sa cohãedagũ Cristo m̄sare pecap̄ wahaborinare yãhd̄o tuhasari. M̄sa sa tãhori bato Cristo yere m̄sa duho cãgũ ti m̄sa tãhori d̄h̄seati ijierare.

³ Oh̄ saha ni yahu m̄htautja m̄sare. Ahri ih̄yo waro ijierare. M̄sare buhegu yãh̄re Cristo tiquiro yahurire m̄sare oh̄ saha ni yahuu: Cohãc̄jũ yere tiquina ojoariro sahata mari ñañe buhirire Cristo yariahye.

⁴ Sa yero Cohãc̄jũ yere tiquina ojoariro sahata Cristo tiquiro yariari bato apequna tiquirore tiquina yagũ ihtia deco wahaboro tiquiro pehe masa wijiayhe.

⁵ Tiquiro sa masa wijiari bato Pedrorre bajuahye. Tiquiro sa bajuari bato apequnare tiquiro buheyequinare bajuahye tja.

⁶ Tiquiro sa bajuari bato ih̄cã tahata quinientos bui ijyequinare tiquiro yequinare bajuahye tja. Ih̄quẽquina tiquirore ih̄ñariquina m̄na yojoip̄re yariariquina m̄na ijire. Tiquina sa ijiepegũta peyequina tiquina mehna c̄jena yojoip̄re ijinine.

⁷ Came Cristo Santiagore bajuahye tja. Sa tiquiro bajuari bato ijipih̄tयेequina buhe duti tiquiro c̄riquinare bajuahye tja.

⁸ Ijipih̄tयेequina apequnare tiquiro bajuari bato yãh̄ gãh̄re bajuari tja. Nijinogã queoro masa bajueriquirogã tiquiro masa bajua nãnã tãriro saha yãh̄ gãh̄ Jesure wacũ tutua nãnã tãrigũ ijiaja. Yãh̄ sa ijirigu ijigũ tiquina batop̄ bajuari Jesu yãh̄ gãh̄re tja. Yãh̄reta tiquiro bajua bato tiri.

⁹ Panop̄re Jesu yequinare ñano yemi. Sa yerigu ijigu apequna Jesu c̄riquina ijipih̄tयेequina tiquina docap̄ waro ijiaja yãh̄. Sa yegu yojoip̄re gãh̄re Jesu buhe duti tiquiro c̄noh̄borigu ijierami yãh̄.

¹⁰ Sa ijiepegũta Cohãc̄jũ yãh̄re cahigũ yojoip̄re Jesu c̄rigũ ijiaja yãh̄. Sa yegu yãh̄re tiquiro cahigũ yojoip̄re tiquiro cahmeñene ye pehoaja. Sa yegu yãh̄re cahigũ tiquiro yaquiro sa iji cãgu niedaja. Ijipih̄tयेequina apequna tiquiro c̄riquina yãhd̄o yãh̄ pehe tutuaro buhei. Sa

buhegu yuhu esa tuharo buheru. Cohäcju yahure cahno yahure yedohori.

¹¹ Usä buheye pehe ihyo waro ijierare. Yuhu masare quehnoañe buheyere buherigu yuhu ijigü apequna yuhduoro yahure masa ño peogü ihyo waro ijiro nine. Tiquina gühu masare buheyequina ijigü apequna yuhduoro tiquina gühure masa ño peogü ihyo waro ijiro nine. Usä pehe ahrire buhena ijiepenata ihyo ijina ijiaja. Usä buheye pehe ihyo waro ijierare. Sa yena masa pehe ahri buheyere quehnoano tuhore.

Yariariquina muna tiquina masa wiiarire yahuahye Pablo

¹² Cristo yariari bato tiquiro masa wiiarire usä buhepegüta "Yariariquina muna ne masa wiiarere", nine masa mehna cjëna ihquëquina. ¿Dahse ijiro boro sa niajari tiquina tire?

¹³ Sa yero yariariquina muna masa wii-aeragü Cristo gühu ne masa wiiaraboya.

¹⁴ Sa ye Cristo masa wiiareragü quehnoañe buheyere usä yahuri ne dahseati ijieraboya. Tiquiro masa wii-aeragü tiquirore masa wacü tutuaye gühu dahseati ijieraboya.

¹⁵ Masa wiiario mariedagü usä pehe Cohäcju yere ni mehona ni boya. Yariariquina muna tiquina masa wiiareragü Cohäcju pehe Cristore masa wiiagü yeraboya. Tiquiro sa yeragü "Cohäcju Cristore masa wiiagü yeahye", nina ni mehona ijiboaga usä.

¹⁶ Yariariquina munare Cohäcju masoedaro, Cristo gühure tiquiro masoedaboya.

¹⁷ Sa yero Cristo masa wiiareragü tiquirore masa wacü tutuaye dahseati ijieraboaga. Sa yena masa ñañe buhiri, buhiri tiboaga masa.

¹⁸ Masa wiiario mariedagü Cristo yequina muna yaria muhtariquina pecapu waha tuhasaboya.

¹⁹ Cristore mari wacü tutuari bato mari yariana masa wiiar masiedana ijipihtiyequina apequna masa yuhduoro pejecuona ijiboaga mari pehe. Sa yena tiquirore ihyo warota wacü tutuana ni boaga mari.

²⁰ Potota Cohäcju Cristore masa wiiagü yeahye. Cristo masa wiiari bato mari gühu yarianapu masa wiijanata ijiaja. Tiquiro sa masa wiiario, marine siho masa wiiar muhtariquiro ijire.

²¹ Ohö saha ijire ahri: Adán mehna masa yaria dcahye. Ohö saha apequro mehna yariariquina muna masa wiiarera.

²² Adán yequina iji nuna tñapu mari ijipihitina yarianata. Sata Cristo yequina mari ijigü mari yariari bato marine masa wiiagü yerota Cohäcju.

²³ Ihquë cururi masare tiquina queori pje ijigü masa wiiarera. Cristo marine iji muhtariquiro masa wiiar muhtaraye. Came ahri yehpapu tiquiro tojoa tagü tiquiro yequina gühu masa wiiarera.

²⁴ Ti pieta pihtiri deco ijirota. Sa yero ijipihitiyequina watñare, watñar puhtoare, tutu-ayequinare cohäno, Cristo yuhduocarota. Tiquiro sa yeri bato ijipihitiyequina puhtoro tiquiro ijirire Cristo wiiario, Cohäcju mari Pacure comesarota.

²⁵ Tiquiro wiiari pano mari Pacu Cristore ihña tuhtiyequinare tiquiro yuhduuca pehoato pano Cristo pürta ijipihitiyequina puhtoro ijirota. Sa ijiriquirota ijiro cahmene tiquirore.

²⁶ Tiquirore ihña tuhtiyequinare tiquiro yuhduucari bato, yariamedi gühure cohä canota. Yariaye pihtia waharota.

²⁷ Ijipihitiyequina bui dutiatiquirore cuahye Cohäcju Cristore. Ijipihitiyere cuoriquiro gühure cuahye tiquirore. Sata nine Cohäcju yere tiquina ojoari püpu. Cohäcju pehe tiquirore cüriquiro ijire. Sa yero "Ijipihitiyequina bui dutiatiquirore cuahye tiquirore", nino, "Cohäcju bui dutiriquiro ijire tiquiro", nino niedahye tiquiro yere tiquina ojoari püpu.

²⁸ Ijipihitiyequina bui dutiriquiro Cristo Cohäcju macano ijigü Cohäcju tiquirore cüriquiro pehe tiquiro macano bui dutiriquiro ijirota. Sa yero Cohäcju pehe ijipihitiyequina puhtoro waro ijire. Ijipihitiyere cuoriquiro gühu ijire.

²⁹ ¿Masa wiiario mariedagü dahse ye apequna masa yariariquina muna ye ijiatire tiquina wame yenohriquina ijiajari? Yariariquina muna masa wiiareragü tiquina ye ijiatire apequna wame yegü ihyo warota wame yenohriquina ijiboaga.

³⁰ Usä pehe usä buheri buhiri decoripe apequna usäre tiquina ñano ye duagü cuarñe usä gühure. Usäre sa cuaepgüta masa wiiario ijigü masina sa buheducuaja usä.

³¹ Mari puhtoro Jesucristo yequina masa ijigü tiquirore wacü tutua nemono masa wahagü yuhu pehe tutuaro bucueaja yuhu masa mehna. Ti ijirota ijire. Sa yero "Dahse ijiri decoru yahure yariario cuarñe", yuhu nigü ti gühu ijirota ijire.

³² Efeso cjëna usuayequina quehnoañe buheyere yuhu buheri buhiri yahure quëdi. Masa wiiario mariedagü Jesu yaquiro yuhu ijieragü, yuhu sa ñano yuhduari dahseati ijieraboya. Ihyo waro ñano yuhdugu ni boya yuhu. Yariariquina muna tiquina masa wiiareragü ohö saha ni boaga mari: "Came cjünogü yarianata. Dahse wahasi mari. Sa yena ihya sihniihna. Mari esa tuharo yeihna", ni boaga mari.

³³ Ni mehoñene tuhotuercāhña masa. “Ñañequinare piti tina, quehnoañe masa yerire bonata masa”, nine masa. Ti ijirota ijire.

³⁴ Quehnoañene tuhotuna ijiya masa. Sa yena quehnoañene yena ijiya tja. Sa yena ñañene ye nemoedacāhña tja. Ihuēquina masa mehna cñena ne Cohācjüre masiedare. Masa buoro wahati pehere musare sa niaja.

Yariariquina muna tiquina masa wiiarore yahu nemoahye Pablo

³⁵ Sa ye masa mehna cñano ohō saha ni sinituboaga yahure: ¿Duhse yariariquina muna masa wiijaetari? ¿Duhse ijire paguri masa wiijaetari? ni sinituboaga.

³⁶ Sa sinituriquiuro taho masieniquiuro ijire. Oteri pjere mari oteri bato ti pje ahbagū waro pihnine. Ahbaeraro ne pihnsi. Tire masine masa.

³⁷ Bujaye cjurare oteraja mari. Ti pjeri dihitare oteaja mari. Ti pjeri trigo pjeri ijiro ijiyoaga. O apee boro pjeri ijiro ijiyoaga.

³⁸ Ti pjerire mari oteri bato Cohācjū tiquiuro cahmediro saha ti pjerire buca mājagū yere. Sa yero oteye pjerire bujaye pihniḡū yere tiquiuro. Sata pihni dutire Cohācjū.

³⁹ Ijipihtiyequina paguri ihcāno saha bujere. Masa paguri pehe ihcāno saha ijire. Wahiquina paguri ḡūhu sijoro saha bajure. Minicjua paguri ḡūhu sijoro saha bajure. Sa yeye wahi ḡūhu sijoro saha pagu tire.

⁴⁰ Sa ye uhmuse cñe ḡūhu sijoro saha bajure. Sa yeye ahri yehpa cñena ḡūhu sijoro saha pagu tire. Sa yeye uhmuse cñena paguri ḡūhu sijoro saha bajure. Sa yeye ahri yehpa cñe uhmuse cñe yero saha ijierare.

⁴¹ Ohō saha ijire. Asū deco cñano asi siter. Sa ye ñami cñano ḡūhu sijoro saha ijire tiquiuro ḡūhu. Ihyo buhriore. Sa yeye ñahpicoha ḡūhu sijoro saha asi paare. Ñahpicoha pari ḡūhure mari ihñagū ihquē paca mehenogā asiye paca bajure. Sa yeye apeye paca tutuaro asiye paca bajure.

⁴² Ohō saha ijire yariariquina muna tiquina masa wiiagū. Masano tiquiuro pagure mari yari bato tiquiuro pagu ahbaa waharota. Sa yero ape pagu sijoro saha ijiri pagu ijipihtiye decori catiati pagu masa wiiarota.

⁴³ Ti pagure mari yagū yariariquiuro munano pejecuo nine. Cohācjū tiquiore masogū tiquiuro pagu quehnoa yuhduari pagu ijire. Sa yero tiquiuro pagu mari yari pagu tutuaye mariedi pagu ijire. Sa yero Cohācjū tiquiore masogū tiquiuro pagu tutua yuhduare.

⁴⁴ Ahri yehpa cñe pagure mari yagū yariariquiuro munano tiquiuro masa wiiagū tiquiuro pagu uhmuse cñe pagu ijirota. Ahri

yehpa cñe pagure mari cñona, uhmuse cñe pagu ḡūhure cñonata, masa wiijana.

⁴⁵ Sata ni yahure Cohācjū yere tiquina ojoari pūpu: “Ahri yehpapu iji muhtariquiuro Adán wame tiriquiuro catiriquiuro wahahye”, ni ojoahye. Ti sa ijiepegūta Adán yero saha ijiriquiuro bato tiriquiuro Cristo pehe catiyere ohoro ahtahye.

⁴⁶ Ahri yehpa cñe pagu iji muhtari pagu ijire. Cempu uhmuse cñe pagu ijirota.

⁴⁷ Ohō saha ijire: Iji muhtariquiuro Adán pehe ahri yehpa cñano dihta mehna tiquiuro yeri pagure pagu tiahye. Tiquiuro bato ahtariquiuro, Cristo pehe uhmusepu ahtahye.

⁴⁸ Dihta mehna tiquiuro yeri pagure pagu ti muhtariquiuro tiquiuro ijiriro saha ijipihtina apequina dihta mehna tiquiuro yeri pagure pagu tina ijiaja mari. Sa yena uhmusepu ahtariquiuro yero saha tiquiuro yequina ijipihtina tiquiuro yero saha pagu tina ijinata mari.

⁴⁹ Dihta mehna tiquiuro yeri pagure pagu tiriquiuro yero saha bajuaja mari. Tiquiuro yero saha mari ijiriro saha uhmuse cñano yero saha bajunata mari.

⁵⁰ Yuhu acaye, musare ahri yehpa cñe pagu dii mehna, dihi mehna ijiri pagu Cohācjū puhtoro ijipore uhmusepu ne wahasi. Mari pagu ahbati pagu ijire. Sa ye uhmusepu ijipihtiye decori mari ijiatopure ahri pagu wahasi.

⁵¹⁻⁵² Panopure masa tiquina masiedarire yojopure musare yahu duaja: Mari mehna cñena ihquēquina yariasi. Sa ye duita, tiquina pagurire comesayequina ijieta. Cornetare tiquiuro puti, bato tiri decopu sata waharota marine. Ohō saha waharota. Corneta bisiri bato yariariquina munare Cohācjū masonota ijipihtiye decori tiquina ijiatire. Sa yena pagurire comesarina ijinata mari ḡūhu.

⁵³ Mari pagurire tiquiuro comesagū to pano mari ahbati paguri ijiepegūta mari comesari bato ne ahbasi. Sa ye mari paguri comesagū to pano mari yariati paguri ijiepegūta ne yariasi.

⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijiducati pagurire comesarota. Sa marine comesagū panopu tiquiuro ojoariro sahata sa waharota: “Cohācjū yariayerere cohā cāri.

⁵⁵ Yojopure ne pari turi mari yariasi. Sa yena yariaro mehna pari turi ñano yuhdusi mari”, ni ojoahye panopure.

⁵⁶ Mari ñañe buhiri ijigū pūrita yariaro mehna ñano yuhdunata. Sa ye Cohācjū dutiye Moiseri tiquiuro cūrire mari masidi bato, buhiri tija mari. Sa yero marine pecapu waha dutire Cohācjū dutiye.

⁵⁷ Tiqairo sa dutiepegãta mari puhtoro Jesucristo pehe marine pecaru wahaeragã yere. Tiqairo sa yeriqairo ijigã masina Cohãcjũ mehna bucue, "Quehnoare", niaja mari.

⁵⁸ Sa yena yũhũ acaye, yũhũ cahĩna, Cristore wacũ tutua duhueracãhña. Sa yena apequna musare quehnoañe buheyere tiquna cohã dutigã, ne cohãedacãhña tire. Sa yena decoripe mari puhtoro Jesucristo tiqairo ye dutiyere quehnoano yeducuya musa. Mari puhtoro Jesucristo yere mari yegũ, ahri ihyo waro ijierare. Ahrire masina tiqairo ye dutiyere quehnoano yeducuya musa.

16

Apequinare Jesu yequinare Corinto cjẽna niñeru tiquna ohoatire yahuahye Pablo

¹ Yojoũre apeqinare Jesu yequinare musa niñeru ohoatire yahu duaja musare. Galacia yehpa cjẽnare Jesu yequinare yũhũ dutiriro sahata musa gũhũ yeya.

² Semanaripe domingo ijigã ijipihtina musa Jesu yequinare ohoati niñerure mehenogã ohoya. Mehenogã cõona mehenogã ohoya. Sa yena paji cjũnogã cõona paji cjũnogã ohoya. Semanaripe musa sa yegũ musa caharu yũhũ esagũ musa ohoati niñeru iji tuhasarota.

³ Musa ohoatire yahuye pũrine ojoautja. Sa yegũ yũhũ toũ esagũ ti pũrine toũ waha-tiquinare musa beseriquinare ohoutja. Sa oho tuhasagũ Jesu yequinare musa ohori niñerure neatiquinare ohoutja Jerusalẽru.

⁴ Ti macarũre yũhũ yeati ijigã yũhũ gũhũ wahagutja. Yũhũ sa wahagũ yũhũ mehna tiquna wahaeta.

Tiqairo tiniatire yahuahye Pablo

⁵ Macedonia yehpa cjẽnare ihña yũhũdutja yũhũ. Yũhũ cã, musa caharu Corintopũ esautja.

⁶ Topũ esagũ musa mehna meheñe decorigã ijiboaga yũhũ ape taha yegũ. Yoa cjũri pje pohero ijiro puno musa mehna ijiboaga yũhũ. Sa yena ape sierũ yũhũ wahagũ musa gũhũ yũhũre yedoho masine.

⁷ Meheñe decorigã iji dueraja yũhũ musa mehna. Sa yegũ Cohãcjũ cahmegũ yoa cjũri pje musa mehna ijiitja yũhũ.

⁸ Sa iji duepegata Pentecoste bose deco ijigãũ Efesopũ ijiniitja yũhũ.

⁹ Ohõru Efesopũ yojoũre mari puhtoro Jesu yere tũho duayequina peyequina ijire. Tiquna sa ijigã tiquinare yahuaja. Yũhũ sa yahugũ yũhũre ihña tuhtiyequina peyequina ijire.

¹⁰ Timoteo yũhũ yero saha mari puhtoro yere yere. Tiqairo sa yeriqairo ijigã musa caharu esagũ quehnoano mehna tiqirore

piti ca, tiqairo mehna quehnoano bucueye mehna ijija musa.

¹¹ Sa yena tiqirore yũhũducaeracãhña musa. Sa yena tiqairo cohe tigã quehnoano mehna tiqirore yedohoya yũhũ caharu tiqairo tojoa tagũ. Apequna Jesu yequina mehna usã tiqirore cohtena niaja. Sa yena quehnoano yedohoye mehna tiqirore ohoya.

¹² Apolo mari acayũro Jesu yaqairo musare ihñano wahagũ tutuaro cahmemi. Sa yegũ tiqirore waha dutimi apequna Jesu yequina mehna tiqairo wahatire. Yũhũ sa waha dutiepegãta yojoũre tiqairo waha duerare. Sa yero came tiqairo yeye mariedagũ musa caharu waharota.

Pablo quehnoa duti bato tiahye

¹³ Quehnoano wacũ masiña musa. Cristore wacũ tutua duhueracãhña. Ne cuenata ijiducuya musa. Sa yena Cohãcjũ tutuaye mehna tutuana ijija musa.

¹⁴ Apeqinare sa cahĩducuya.

¹⁵ Yojoũre yũhũ acaye musare ahrire yahu duaja: Estefana ya wũhũ cjẽna Acaya yehpa cjẽna quehnoañe buheyere tũho mahtariquina, tiquna ya yehparu Cristore wacũ tutua mahtariquina ijire tiquna pehe. Sa ye apeqinare mari acayere Jesu yequinare tiquna quehnoano yedohoducure. Tire musa masine.

¹⁶ Tiquna yero saha ijieyquinare, apequna Cristo yere yedohoyequinare musa quehnoano yũhtigũ cahmeaja yũhũ.

¹⁷ Estefana, Fortunato, Acaico gũhũ yũhũ caharu wihi tuhasare. Ohõru tiquna ijigã quehnoano bucueaja yũhũ. Musare tiquna bucuegũ yeriro saha yũhũ gũhũre bucuegũ yere tiquna. Musa mariedagũ musare tutuaro wacũmi yũhũ. Sa yegũ tiquna wihtigũ bucueaja yũhũ.

¹⁸ Tiquna mehna ijigã quehnoano jeripohna tigu ijii yũhũ. Musa gũhũre sata bucuegũ yere tiquna, yũhũ tũhotugũ. Tiquinare quehnoano ño peoya musa. Sa yena apequna tiquna yero saha ijieyquina gũhũre ño peoya.

¹⁹ Asia yehpa cjẽna Jesu yequina musare quehnoa dutire. Sa ye Aquila, Priscila, tiquna ya wũhũru cahmecoañequina mehna Cristo tiqairo cahĩne mehna musare tutuaro quehnoa dutire.

²⁰ Ohõ cjẽna Jesu yequina ijipihtiyequina musare quehnoa dutire. Musa mehna cjẽnare quehnoano mehna piti caya.

²¹ Yũhũ, Pablo yũhũ basi ahri dihitare ojoaja. Musare quehnoa dutiaja.

²² Mari puhtoro Jesucristore apeqiro tiqairo cahiedagũ, Cohãcjũ tiqirore buhiri dahreahro. Mari puhtoro sojaro mehna tojoa taahro.

²³ Mari pahtoro tiqiro cahĩne mehna
m̄sare quehnoa dutiaja.

²⁴ Mari ijiphtina Jesucristo yequina iji-
aja. Sa yeḡa m̄sare tutuaro cahĩaja.

2 Corintios

Ohō saha ojoa ohoahye Pablo Corinto cjenare

¹ Yuhu Pablo, Jesucristo yere buhe duti tiqiro cūrigu iijaja. Mari Pacu tiqiro cahmediro saha cūri yuhare Jesu. Yuhu, musare Cohācjū yequinare, Corinto cjanare ojoa ohoaja. Ijipihtina Cohācjū yequinare Acaya cjanare musa gūhare ojoa ohoaja. Mari acayuro Timoteo mehna quehnoa dutiaja musare.

² Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

Pablo tiqiro ñano yuhdūrire ohō saha ni yahuahye:

³ Mari puhtoro Jesucristo Pacuro Cohācjū marine paja ihñare. Sa yero tiqiro dihita marine yedohore. Quehnoa yuhdūri tiqiro ijire tiqiro.

⁴ Mari ñano yuhdugū ihñano ijipihtinare marine tiqiro yequinare yedohore tiqiro apequnare mari yedohoitire. Sa yena apequna tiquina ñano yuhdugū ihñana tiquina pehere yedohoro cahmene marine. Cohācjū marine tiqiro yedohoye mehna mari gūhu tiquina gūhare yedohonata.

⁵ Cristo yequina mari ijiri buhiri mari ñano yuhdugū tiqiro tutuaro yedohorota marine.

⁶ Usā pehe musare yedohona ñano yuhduaja. Sa yena Cristo mehna musa yuhduaitire musare usā yahuri buhiri ñano yuhduaja. Sa yena Cristo usāre tiqiro yedohogū usā pehe musa gūhare yedoho masiaja. Sa yena usā ñano yuhdūri sahata musa gūhu ñano yuhduna, quehnoano mehna ihcāno sahanata musa, yuhu tuhutugū.

⁷ Quehnoano mehna musa ihcāno sahatire usā masiaja. Usā ñano yuhdūri sahata ñano yuhdūri musa gūhu. Sa yena Cohācjū tiqiro yedohoye mehna usā ihcāno sahariro sahata musa gūhu ihcāno sahanata, yuhu tuhutugū.

⁸ Usā acaye, yojopure ahri yuhu yahuatire musa quehnoano masigū usā cahmeaja. Asia yehparu ña yuhduaro yuhdue tii usā. Ohō saha ni tuhutumi usā: “Ne yuhdusi mari. Sa yena mari yarianata”, ni tuhutumi usā.

⁹ Sa yena “Marine wejē cāeta”, ni tuhutumi usā. Sa ñano yuhduna Cohācjū dihitare usā wacū tutua nemou. Usāre tiquina ñano yegū cahmeahye Cohācjū tiqirore usā wacū tutua nemoaitire. Tiquiro pehe yariquinare masoriquiro ijire. Sa tiqirore wacū tutuana usā esa tuharo usā ihcāno

sahaerare masiaja. Cohācjū marine yedohore.

¹⁰⁻¹¹ Usāre cuaro yepegūta tiqiro yedohoro mehna usā yuhduu. Cameru gūhare pari turi usāre yuhduorota. Usāre Cohācjūre musa sini basagū tiqiro usāre yedohorota. Usāre tiqiro yedohoitire masiaja usā. Sa yena usāre tiqiro yedohogū ihñana, tiqirore “Quehnoare”, ninata musa. Peye musa sini basarire tiqiro yuhdigū ihñana bucue, “Quehnoare”, ninata musa Cohācjūre. Peyequina apequna gūhu sata nieta.

Pablo Corintopu tiqiro waha duamedire yahuahye

¹² Sa yena musa mehna usā ijirire wacūna bucuere mehna ohō saha tuhutuaja usā: Ahri yehparu Cohācjū tiqiro yedohoye mehna ñahe marieno quehnoano mehna masare piti ti buhei. Musa pūritare quehnoano piti ti buhei. Ohō saha yena usā esa tuharo yeru. Cohācjū cahñe mehna tiqiro tutuaye mehna sa yei.

¹³⁻¹⁴ Sa yena quehnoano yahu ojoau musare, quehnoano musa masiatire. Yojopu usāre quehnoano masiedare musa. Usā ijiye tiyere musa quehnoano masigū tutuaro cahmeaja usā. Sa yena mari puhtoro Jesu tiqiro tojoa tagū usā mehna bucuenata musa. Musa mehna usā bucuero sahata musa gūhu usā mehna bucuenata.

¹⁵⁻¹⁶ Ohō saha nigu Macedonia yehparu waha duamaja yuhu. Sa yegu musare ihñana yuhdu cā duamaja yuhu. Sa yegu topure esarigu tojoa tagu pari turi musa mehna meheñe decorigā ijiboaga yuhu. Sa yena puu taha musa mehna yuhu ijigū ihñana pajiro yuhu mehna musa bucuoboaga. Musa cahapu ijirigu Judea yehparu yuhu wahagū ihñana yuhare yedohoboaga musa.

¹⁷ ¿“Wahautja”, yuhu nigu tuhorina ijina musa cahapu yuhu eseragū ihñana “Pablo ni mehono nine”, ni tuhutuajari musa? “Wahautja”, nigu yuhu esa tuharo sa nigu niedaja yuhu. ¿“Tiquiro nidiro saha yerare”, yuhare ni tuhutuajari musa?

¹⁸ Ohō saha ni mehogu ijieraja yuhu. Sa yegu “Yeitja”, nigu yuhu nidiro saha yeaja yuhu. Tire masine Cohācjū.

¹⁹ Yuhu, Sila, Timoteo mehna Jesucristo Cohācjū macno yere musare yahuu usā. Cristo pehe “Yeitja”, nino, potu yeriquiro ijiro nine. Cohācjū tiqiro nidiro sahata Cristo yere.

²⁰ Ijipihtiyere Cohācjū tiqiro yahurire Cristo ye pehoahye. Tiquiro sa yeriquiro ijigū ihñana tiqiro yere usā apequnare yahuaja Cohācjūre tiquina ño peoitire.

²¹ Cristo yequina marine ijiducugū yeriquiro Cohācjūta ijire. Sa yero tiqiro yere yahuanajare marine sōri tiqiro.

²² Sa yero tiqiro yequina mari ijiyere ihñano tire marine masigü yere tiqiro. Sa yero tiqiro yaquiro Espiritu Santore mari mehna iji dutiri tiqiro. Mari mehna ijiro tiqirota marine Cohäcju yuhduoatore masigü yere.

²³ YojoPURE poto yahutja musare. Poto yuhu yahueragü Cohäcju pehe musare poto yahuahro. Tiquirota yuhu tahotuyere masine. Musare tuhti dueragu musa caharu wahaeru. "Musare bujua witiü yeari", nigu musa caharu Corintopure wahaeru.

²⁴ Sa yena "Musare dutina ijjaja usä", nina niedaja. Cristore quehnoano wacü tutua tuhasari musa. Sa yena "Ohö saha Cristore wacü tutuaro cahmene musare", nina niedaja usä. Musare quehnoano bucuégü ye duaja usä.

2

¹ Sa yegu ohö saha ni tahotuu: "Pari turi tiquinare bujua witiü ye dueraja. Sa yegu yojoPURE wahaeraja", ni tahotuu.

² Musare bujua witiü ye dueraja. Musa bujua witiü ihñagu yuhu pehe musare bucueraoaga. Sa yena yuhare bucuégü yeatina ijieraboaga musa pehe.

³ Sa yegu musa caharu wahaeru. Sa wahaeragu musare ihyo ojoau. Musa yuhare bucuégü yeatina ijiepenata yuhare bujua witiü yeboaga musa, musa caharu yuhu esagü. Musa mehna yuhu bucuégü, musa gühu bucuenata. Tire masiaja yuhu. Sa yegu yojoPURE musa mehna bujua witi dueragu wahaeru musa caharu.

⁴ Pajiro tahotugu, ñano jeripohna tigu, tutuaro utigu musare ojoapegata musare bujua witiü ye duera. Musare tutuaro yuhu cahñene musare masigü ye duagu musare ojoau.

Corinto cñena mehna cñano tiqiro ñano yerire bo dutiahye Pablo Jesu yequinare

⁵ Ihcäquiro musa mehna cñano yuhare bujua witiü yeriquiro ijiri. Sa yeriquiro ijiepegata musare tiqiro tutuaro bujua witiü yeriro saha yuhu pehere pajiro bujua witiü yerari tiqiro. Tiquiro sa ñano yepégata pajiro waro buhiri dahre duti dueraja.

⁶ Peyequina musa mehna cñena tiqirore buhiri dahre tuhasañohti. To punota buhiri dahre duhuro cahmene tiqirore.

⁷ Tiquirore musa buhiri dahreducugü tutuaro bujua witiüboaga tiqiro. Sa yero Cristo yere duhuboaga. Sa yena tiqiro ñahe yerire boya musa. Tiquirore yedohoya tiqiro bucuégü.

⁸ Sa yena tiqirore quehnoano yeya musa tiqirore musa cahñene tiqiro masigü. Musa sa yegü tutuaro cahmeaja yuhu.

⁹ To pano musare ojoagu "¿Potota yuhare yahtietari?" nigu sa ni ojoau musare. Yuhare musa yuhtigü ihña duagu musare sa ni ojoau.

¹⁰⁻¹¹ YojoPURE tiqiro ñahe yerire musa bogü ihñagu yuhu gühu tire boutja. Yuhare ñano yerahye tiqiro. Musa pehere ñano yeahye. Tiquiro sa ijiepegata tiqiro ñahe yerire boaja yuhu gühu. Musare quehnoano yedoho duagu Cristo ihñonopu tiqiro ñahe yerire boaja. Tire boaja Satana marine tiqiro yuhducaerature. Tiquiro marine ñañene yegü cahmene. Tire quehnoano masiaja mari. Sa yena Jesu yequina tiquina ñahe yerire wacüdueraja mari, "Tiquinapu Satana yere yeari", nina.

Troa wame tiri macaru ijero Titore bo-caeraro pajiro bujua witi tahotuahye Pablo

¹² Sa yegu Troa wame tiri macaru esau Cristo yere buhegu wahagu. Topu yuhu ijigü peyequina masa quehnoañe buheyere tuho duayequina ijiri. Mari puhtoro tiqiro yedohoye mehna tiqiro yere yuhu buheatinu peyequina masa ijiri.

¹³ Sa ijiepegata mari acayurore Titore bo-caeragu pajiro bujua witi tahotuu. Sa yegu to cñenare cohe ti tuhasagu Macedonia yehaparu waha.

Cristo yedohoye mehna ñañene yeducuer-aja mari

¹⁴ Sa ye Cohäcju pehe marine ñañene yeragü yere. Cristo yequina mari ijigü ihñano marine ñañene yeragü yere. Sa yegu Cohäcjure bucué, "Quehnoare", niaja. Sa yena Cohäcju marine tiqiro dutigü masina ijiphiropu Cristore masare masigü yeaja mari. Sa tiqirore masine tiquina quehnoano tahoture.

¹⁵ Cristo yequina ijina, Cohäcju pehere bucuégü yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohäcju yuhduoatiquina. Apequina tiquina ñahe buhiri pecaru wahatiquina gühu Cristo yequina mari ijiyere ihña masine.

¹⁶ Cristo yequina mari ijigü ihñañe, tiquina ñahe buhiri pecaru wahatiquina pehe pecaru tiquina wahatire masine. Cohäcju yuhduoatiquina pehe marine Jesu yequinare ihñañe, ijiphihye decori tiqiro mehna tiquina ijiatire masine. Sa ye Cristo ye ihyo ijye buheye ijierare. Sa yero ahrire Cristo yere ihcäquiro esa tuhuro buhe sohtori tiriquiro ne mariedare. Cohäcju yedohoro mehnata tiqiro yere mari buhe masiaja.

¹⁷ Peyequina apequina Cohäcju yere buhemene niñerure wapata duaye. Usä pehe tiquina yero saha yeraja. Ni mehono marieno Cristo tutuaye mehna tiqiro yere buheaja usä. Cohäcju usäre cügü tiqiro ihñonopu quehnoano buheaja usä.

3

“Ohō saha yeitja”, Cohācjū ni cūrire wahma buheyere yahuahye Pablo

¹ Pari turi usā ijiye tiyere musare yahuna niajari usā, masa tuhutugū? Apequina musare tiquina buheato pano tiquina ijiye tiyere masi duana tiquina ojoari pūre cahmeahari masa. Usāre masi tuhasari masa. Āsāre masiepenata ti pū borore cahmeajari masa? ĀO apequina caharu usā buhena wahana ti pū borore usāre neno cahmeajari, masa tuhutugū?

² Ti pū borore cahmedaja usā. Masa pehere ijipihitiquina apequina ihñañe musare usā quehnoano buherire masieta. Musare usā buhegū Cristo yequina iji ducari masa.

³ Cristo yequina masa ijigū ihñañe masa musare Cohācjū ye buheye warore usā queoro buherire masi tuhasare. Musare buhena Cohācjū yaquiro Espiritu Santo tiquiro yedohoye mehna buhei. Tiquiro Cohācjū catiriquiro waro ijire. Usā sa buhegū tuhona Cristore quehnoano cahmedi masa. Sa cahmena masa ijigū apequina musare ihñañe Cristo yequina masa ijiyere quehnoano masine. Sa masiñe musare Cohācjū ye buheye warore usā queoro buherire masine masa.

⁴ Ahrire ijipihitiyere tuhutuaja usā Cohācjūre quehnoano wacū tutuana. Cristo tiquiro yedohoye mehna sa wacū tutuaducuaja mari.

⁵⁻⁶ “Usā esa tuhoro ahri dahrayere yeaja usā”, ni masiedaja usā. Cohācjū tiquiro yedohoye mehna ye masiaja usā.

Yojoṗare tiquiro yahuyere quehnoañe buheyere Cohācjū pehe quehnoano usāre buhe masigū yere. Ahri buheye panopu tiquiro dutiye tiquiro ojoari yero saha ijierare. Quehnoañe buheye pehere buheaja usā. Panopu tiquiro dutirire mari esa tuhoro ne ye masiedaja. Sa mari ye masiedari buhri pecapu wahaboya mari. Quehnoañe buheye pehere tuhona Cristore wacū tutuaja. Sa yena ijipihitije decori Cohācjū mehna ijinata mari.

⁷ Cohācjū tiquiro dutiyere utā pñinipū ojoaro Moiserē cūahye. Tiquiro sa cūri bato tiquiro asi siteye bajuahye. Moise wuhdoahye. Asi site yahduahye. Came ti asi siteye pihitia wahahye. Came ti asi siteye pihitia wahati ijiepegūta coā warore tiquiro wuhdoare masa ne ihñadoque ohō masiedahye. Ti dutiyere masa tiquina ye pehoerari buhri pecapu wahatiquina ijiahye. Sa ye ti dutiye masare pecapu waha dutiepetā, tutuaro asi siteye mehna iji ducahye ti dutiye.

⁸ Ti dutiye yuhduoro quehnoañe buheye pehe quehnoa yuhduare. Ahri

buheyere apequnare mari buhegū tiquina quehnoano tuhogū Espiritu Santo tiquina mehna ijirota. Sa ye panopu cjē dutiye yuhduoro Cristo ye pehe quehnoa yuhduare.

⁹ Cohācjū dutiye panopu cjē masare pecapu waha dutiahye. Sa dutieperota Cohācjū tutuaye mehna tiquiro asi siteye mehna iji ducahye. Ti yuhduoro quehnoañe buheye pehe Cohācjū tutuaye mehna ijire. Ti buheye mehna quehnoañequina wahare masa, Cohācjū ihñagū.

¹⁰ Panopu Cohācjū tiquiro dutiri pehe ihyo ijiye dutiye yero saha toja cāhre yojoṗare quehnoañe buheye mehna mari ihñā piti cagū. Quehnoañe buheye pehe quehnoa yuhduare. Ti buheye mehna ahmuseṗu mari waha masiaja.

¹¹ Panopure tiquiro ye dutiye yoa cjūri pje asi siteye ijiducume, pihitia wahahye. Ti dutiye yuhduoro quehnoañe buheye pehe quehnoa yuhduare. Ti buheyere quehnoano tuhona, Cohācjū mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cjā usā. Moise pehe usā yero saha ijierahye. “Cohācjū asi siteye pihitiro nine’, Israe masa ni ihñari”, nino, tiquiro wuhdoare cahmotahye Moise. Bue tiro sa cahmotahye. Tiquiro yee tiri saha bue tieraja usā pehe. Sa yena cuero marieno tiquiro yere quehnoañe buheyere buheaja.

¹⁴ Ti pjeṗu cjēna Israe masa pehe ne masieda tiahye. Yojoṗu gūhare Cohācjū yere panopu tiquiro ojoari pūrine tiquina buheye, ne masiedare. Moise tiquiro wuhdoare cahmotagū Cohācjū asi siteyere tiquina ihñadoque ohōdarior saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacū tutuari bato, tiquiro yere masieta.

¹⁵ Yojoṗu gūhare Israe masa Cohācjū dutiye Moiserē tiquiro cūrire buheye, tiquinare cahmotaro saha ne masiedare tiquina.

¹⁶ Mari pehe mari puhtorore cahmegū tiquirota marine masigū yere. Moise tiquiro wuhdoahye cahmotariorore tiquiro ne cāborior saha mari puhtoro marine tiquiro yere quehnoano masigū yere.

¹⁷ “Mari puhtoro”, niṗu Espiritu Santore niṗu niaja. Cohācjū yaquiro Espiritu mari mehna tiquiro ijigū pecapu wahaborinare tiquiro yuhduorina ijiaja. Sa yena “Panopu cjē dutiye mehna mari yuhduanata”, niedaja mari. Sa yena ti dutiyere duhuna, Espiritu Santo ye dutiye pehere yeaja mari.

¹⁸ Sa yena Jesu yequina ijina, Cohācjū yere masiaja mari. Tiquina wuhdoahye pacare

cahmotamehneñequina yero saha Cristo tutuayere ihñona niaja mari. Sa yero mari puhtoro Espíritu Santo marine quehnoañe pehere comesagü yere. Tiquiro sa yegü Cristo quehnoa yuhduariquiro tiquiro ijiro saha wahana niaja mari.

4

¹ Sa ye Cohäcju usäre paja ihñano, quehnoañe buheyere yahunajare cüri usäre. Tiquiro sa cügü masina, tiquiro yere buhena caributieraja usä.

² Tiquiro yere buhena ni meje cü buheraja. Sa yena usä tire comesaeraja. Sijoro saha cjunogä buhena buoro yuhduboaga. Sa yena tire buhe dueraja. Cohäcju ihñonopu ijiaja usä. Sa yena quehnoañe buheyere quehnoano potö buheaja usä. Usä sa buhegü ihñañe tire quehnoano masine usäre ihñañequina waro.

³ Usä buheyere quehnoañe buheyere buheaja usä. Usä tire buhepegüta apequina ne tuho duerare. Sa tuhoeyequina pecapu wahatiquina ijire.

⁴ Satana ñariquiro ahri yehpa cjena puhtoro tiquinare masiedagü yere. Caperi bajueyequina tiquina ihña masiedaro saha masiedagü yere tiquinare. Quehnoañe buheyere Cristo tutuayere tiquinare masiedagü yere tiquiro. Cristo pehe Cohäcju ijije tyre marine masigü yere. Tiquiro Cristo Cohäcju waro ijire.

⁵ Usä buhena “Usä pehere ño peoya”, ni buheraja. Ohö saha ni buheaja usä: “Jesucristo pehe ijire mari puhtoro”, ni buheaja usä. Usä pehe Jesure yuhtina ijiaja usä. Sa yena musare yedohoaja usä.

⁶ Panopu ohö saha niahye Cohäcju: “Nahitianopare buhrioro ijija”, ni, dutiahye tiquiro. Yojobare tiquirota ijire marine tiquiro tutuayere masigü yeriquiro. Buhrioro marine ti ihñagü yero saha, tiquiro tutuayere marine masigü yere. Cristo Cohäcju tutuayere marine masigü yere.

Cristo tutuaye mehna mari ijiaja

⁷ Sa masina ijina, tiquiro tutuayere apeqinare masigü yeaja. Sa yena ijiepenata tutueraja usä. Dihi sutu duita wahtiro ti butiro saha usä gähu tutueraja. Sa ijiepenata Cohäcju tutuayere apeqinare buheaja usä. Usä sa tutuerapenata tire buheaja usä. Usä sa buhegü ihñañe usäre “Tiquina esa tuhoro ahri buheyere masiedare. Cohäcju pehe tiquinare masigü yere”, ni masieta apequina usäre.

⁸ Ijipihtieyequina apequina usäre ñano yepeta Cohäcju usäre tiquiro yedohogü tiquina usäre yuhduäcaerare. Sa yena usä caributiepenata, Cohäcju yere ne yahu duhueraja.

⁹ Usäre tiquina ñano yeducuepegüta Cohäcju usäre sa yedohoducure. Usäre tiquina quëdoque cü mäjapepegüta tiquiro yedohoye mehna yarieraja usä.

¹⁰ Tiquina wejëatina ijinata niaja usä, Cristo ahri yehpau tiquiro ñano yuhduariro saha. Tiquina wejëatina ijiducuna niaja usä Cristo catiducugü yeriquiro tiquiro ijijere masa tiquina masiato saha. Usä sa ñano yuhdugü ihñañe tire masieta masa.

¹¹ Sa ye decoripe usäre apequina wejëno cuarine Cristo yequina usä ijiri buhiri. Ohö sahatu ñano yuhduaja usä Cristo catiducugü yeriquiro tiquiro ijijere apequina tiquina masiato saha. Usä paguri came yariaa waharota. Usä sa wahatina ijiepenata Cristore catiducugü yeriquirore masigü yeaja usä apeqinare.

¹² Sa ye musare usä buheri buhiri usä pehere apequina wejëno cuarine. Usä buheyere musa tuhori bato ijipihtieye decori Cohäcju mehna ijiatina ijire musa.

¹³ Cohäcju yere tiquina ojoari püpu ohö saha nine: “Cohäcüre wacü tutuagu, tiquiro yere buhei”, ni ojoahye panopu cjäno. Usä gähu sata yeaja. Cohäcüre wacü tutuana, tiquiro yere buheaja.

¹⁴ Ahri yahu niati gähure quehnoano masiaja usä: Cristo yariari bato Cohäcju tiquirore masoahye. Sa yero Cristo yequina mari ijigü ihñano tiquiro mari gähure masonota. Tiquiro sa masori bato tiquiro capapu neanota marine.

¹⁵ Sa yena musare yedoho duana, ñano yuhduaja usä. Sa yena Cristo yequina musa peyequina wahana, peyequina musa Cohäcüre bucueye mehna ño peonata. Tiquirore “Quehnoare”, ninata.

¹⁶ Musa sa wahagü ihñana, usä ñano yuhduäpenata bujua witiieraja. Sa yena Cristo yere buhe duhueraja. Usä pagu tutuaye decoripe pihti cäno nine. Usä tutuaye sa pihti cäpegüta quehnoano jeri sajaja usä.

¹⁷ Yojobare ñano yuhduäpenata ñano yuhduädoeraja. Ti mari ñano yuhduäye pihtia waharota. Sa yena marine mehenogä ñano yuhduro cahmene. Sa mari ñano yuhduarina ijina, camepare tutuaro bucueye mehna ijiducunata Cohäcü mehna. Sa yena mari ñano yuhduari yuhduoro pajiro bucueye mehna ijiducunata.

¹⁸ Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacüducueraja. Mari ihñedari pehere Cohäcü yere sa wacüducuaja mari. Sa yena camepu mari quehnoano ijiatire bucueaja.

5

¹ Wahure tiquiro cohäboriro saha came mari paguri pehe butia waharota. Sa

yero wahma wãhare tiqairo yeboriro saha Cohãcã wahma pagãrire yerota. Sa yero ti pagãrire marine ohorota. Ti pagãri masa tiquina yeri pagãri ijierare. Sa yena ãhmãsepã sa ijiducunata ti pagãri mehna. Tire mari masiaja.

² Sa yena ti pagãrire ãhmãse cãjã pagãrire tutuaro cahmena, mari sa cohteducuna ni-aja.

³ Suhtirore tutuaro mari saña duaro saha ti pagãrire tutuaro cahmeaja mari. Sata cohteaja mari pagãri mariena iji duerana.

⁴ Yojoãre ahri pagãrire cohã duerapenata wahma pagãri pehere tutuaro cohteaja mari. Yojoãre mari pagãrire cohã duerapenata ijipihitiye decori Cohãcã mehna mari ijiatire tutuaro cahmeaja mari. Sa yena ahri mari pagãri yariati pagãri ti ijigã masina, wahma pagãri mehna Cohãcã mehna sa ijiducu duaja mari.

⁵ Mari sa ijiducuatire quehnoahye Cohãcã pehe. Sa quehnono tiqairo yaquiro Espãritu Santore ohori marine. Sa yero tiqairo yaquiro Espãritu Santo mari mehna ijiro, marine Cohãcã tiqairo yeatiere “Poto tjire”, nino, marine masigã yere tiqairo.

⁶ Sa yena Cohãcãre wacũ tutuaducujaja mari. Cuero marieno ijiaja mari. Ahri mari iji mãtari pagãri ijina, mari mãhtoro mehna ijieraniaja.

⁷ ãhmãse cãjene Cohãcã gãhare mari ihãedapenata “Ti potota ijire”, ni tuhotuaja mari. Sa yena tiqairore wacũ tutuaja mari.

⁸ Sa yena mari cueraja. Mari pagãrire ahri yehpã cohãna mari mãhtoro mehna ãhmãsepã ijiducunata mari. Sa yero mari yariagũ quehnoanota marine.

⁹ Sa yena Cristore bucuegã ye duaja mari. Ahri yehpa cãjã pagã mehna ijina tiqairore bucuegã ye duaja. ãhmãsepã gãhare tiqairore bucuegã ye duaja.

¹⁰ Ijipihitina Cristo चाहã mari wahagũ ihãno tiqairo mari yerire ihãno marine beserota. Ñano mari yerire masinota tiqairo. Sa masino marine tiqairo ohoborire marine ohosi tiqairo. Quehnoañene mari yeri gãhare masinota. Sa masino bucuero marine quehnoano yerota. Tiqairo sa masidiquiro ijigã ihãna tiqairore bucuegã ye duaja mari.

Cohãcãre mari ihãna tuhtigã ihãno Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire masina, Cristo yere masigã yeaja usã masare. Tiqinare cuesãna, tiqairore wacũ tutuagũ ye duaja usã tiqinare. Quehnoano mehna tire usã buherire Cohãcã quehnoano masine. ãsã sa buherire mãsa gãhare quehnoano masigã cahmeaja yãha.

¹² Pari turi quehnoana usã ijieye tiyere mãsare yahuna niedaja. “Apequinare yãhdãdãcaja”, niñequinare mãsa yahuati pehere quehnoano mehna usã buherire yahuna niaja usã mãsare. Tiquina pehe tiquina wacũñepã ñãñequina ni mehoñequina ijiepetata masa tiquina ihãno dihita quehnoañequina yero saha ye ihãnomene. Sa yena usã mehna mãsa bu-
cuetati pehere ahri ijipihitiyere mãsare yahu ojoana niaja. “Pablo gãhã usãre quehnoano mehna buhere”, usãre apequinare mãsa ni cahmotati pehere ahri ijipihitiyere mãsare yahu ojoana niaja.

¹³ ¿Usã ohõ saha ni yahuna tuho masiena ijiajari usã, mãsa tuhotugã? Masa usãre ihãñã, tuho masieñequina yero saha ihãñãre usãre. Cohãcã yere usã yegũ ihãñã sa ihãñaboaga usãre. Sa tiquina ihãnohrina ijiepenata sa ijina ijieraja mãsare yedoho nemonata tana.

¹⁴ Cristo marine tiqairo चाहã ihãna mãsare sa yedohoaja. Tiqairo sa चाहã ihãna tiqairo yere sa yahuducujaja usã. Ihãcãqirota Cristo ijipihitina mari ñãñã buhirire yariari jiri. Tiqairo sa yariari bato mari pehe ijipihitina mari ñãñã buhirire yariariquina yero saha ijiaja. Tiqairo buhiri dahre tuhasariquina yero saha ijiaja. Cristo tiqairo yariari mehna marine tiqairo buhiri dahre tuhasariquina yero saha ihãñanota Cohãcã.

¹⁵ Ijipihitina mari ñãñã buhiri yariari jiri Cristo tiqairo ye dihitarã mari yeato saha. Sa yero tiqairo cahmeñe pehere marine ye dutiro yariari jiri tiqairo. Mari ye ijiatire yariaro, masa mãjari jiri.

¹⁶ Sa yena yojoãre usã esa tuharo masare “Quehnoañequina ijire. Ñãñequina ijire”, ni ihãñãdaja usã. Panopã usã esa tuharo yee timi. Sa yena Cristore masiedã. Yojoãre Espãritu Santo yedohoye mehna tiqairore quehnoano masi tuhasaja.

¹⁷ Sa yena Cristo yequina wahana quehnoañe pehere yena wahaja mari. Panopã mari esa tuharo mari yemedire duhu cãjã mari. Yojoãre quehnoañe pehere comesana tire yeaja mari.

¹⁸ Cohãcã pehe marine quehnoañe pehere comesagã yeri. Cohãcãre ihãna tuhtina mari ijigã ihãno Cristo pehe mari ñãñãne cohãri. Sa cohãno mari ihãna tuhtiyere duhugã yeri tiqairo. Sa yegã yeri Cohãcã Cristore. Sa yero usãre tiqairo yere buhe dutiro cãri. Sa buhena, apequinare Cohãcã mehna tiquina ihãna tuhtirire duhugã yeaja usã gãhã.

¹⁹ Ohõ saha masare yahu dutiri Cohãcã usãre: “Cristore mari wacũ tutuagã ihãno mari ñãñã buhirire buhiri dahrerare Cohãcã marine. Sa yero marine ihãna tuhtiriquiro ijieperota tiqairo marine

tiqiro yequina ijigū yere”, ni yahu dutiri Cohācjū usāre.

²⁰ Sa yena Cristo yere buheanaja tiqiro cūrīna ijīaja usā. Cohācjū musare tiqiro yahuboriro saha usā pehe ohō saha ni musare yahuaja: Cristore yahu basana nīaja. Sa yena musare ihña tuhtieragū yeaja. Cohācjūre musa ihña tuhtiyere to punota duhuya.

²¹ Cristo tiqiro ñañene yerapegūta Cohācjū pehe tiqirore mari ñañe buhirire yaria dutīahye. Sa yero mari ñañe buhirire buhiri dahreahye Cohācjū tiqiro pehere. Sa yero Cristo yequina mari wahagū Cohācjū yero saha quehnoana marine ijigū yere tiqiro.

6

¹ Cohācjūre yedohona ijīaja usā. Sa yena ahrire tutuaro musare ye dutīaja usā. Cohācjū yere quehnoañe buheyere musa tuhōriro sahata yeya musa. Musa tuhōriro sahata musa yeragū ti musa tuhōri dahseati ijierare.

² Ohō saha nine Cohācjū:

Musare yuhū quehnoano yeati pjere musa siniñene tuho yuhtitja. Sa yegu musare yuhū yuhduoati decore musare yedohoutja, nine tiqiro.

Tuhoya musa. Yojoṗure Cohācjū musare tiqiro quehnoano yeati pje ijire. Yojoṗure Cohācjū musare tiqiro yuhduoati deco ijire.

³ Ne mehenogā apequinare ñano yeraja usā. Apequinare ne ñano ni yahuducueraja, “Quehnoañe buheye pehere cahmedari”, nina.

⁴ Sa yena Cohācjū cahacjāna usā ijiyere musare masigū ye duaja. Sa yena ohō saha ijīaja usā: Ñano yuhduna, apee borore cuoerana sa tuhōtu cjā. Usāre tiquina ñano yepēgūta usaro marieno ijīaja.

⁵ Ohō saha ñano yuhdū usā: Masa usāre quēgū, peresu tiquina yegū, peyequina masa usāre wejē duagū tiquina sahuducugū ñano yuhdū usā. Usā tutuaro dahra wahya yuhduna, wṗjua purīepēgūta carīdana, uṗjua ahbana ñano yuhdū.

⁶ Numia mehna ñano yeru. Sa yena Cohācjū yere quehnoano masiñe mehna buheī musare. Sa yena ne usueru usā. Sa yena quehnoano cahñe mehna yei usā musare. Sa yena Cohācjū cahacjāna usā ijiyere musare masigū yena nii usā. Espīritu Santo tiqiro yedohoye mehna Cohācjū cahacjāna usā ijiyere masigū yena nii musare. Sa yena poto musare usā cahīgū ihñana, tiqiro cahacjāna usā ijiyere masine musa.

⁷ Sa yena quehnoañe buheyere musare poto usā buhegū ihñana, Cohācjū tutuaye mehna usā yegū ihñana tiqiro cahacjāna usā ijiyere masine musa. Quehnoañe pehe ijipihīye usā yeri usā wamoa yero saha

ijire quehnoano usā cahmotati pehe. Tire quehnoañene yena watīnore usā cahmotana nīaja. Sa yena ti quehnoañene usā yeri mehna tiqirore usā yuhducaja.

⁸ Apequina usāre ño peore. Apequina pehe usāre ño peerare. Apequina ñano ni yahuducure usāre. Apequina pehe quehnoano ni yahuducure usāre. Poto usā buhepegūta “Ni mehoñequina ijire”, ni yahusāre apequina usāre.

⁹ Apequina usāre ihña masiñequina yero saha yere. Ihuē tahari usāre masiñequina yero saha yere. Usāre tiquina wejē duepegūta catīnīaja usā. Ihñaña usāre. Ijīrota ijire. Tiquina wejē dutīnohrina ijīepenata, yarieranīaja usā.

¹⁰ Usā ihuē tahari buṗjua witina ijīepenata, sa bucueducuaja. Pejecuona ijīepenata apequinare quehnoañe buheyere buhena tiquinare pajiṗo doeri cjēne usā ohoboro saha yena nīaja tiquinare. Apee boro cuoena ijīepenata, potota Cohācjū ye pehere cuo peho cjā usā.

¹¹ Ne Corīto cjāna yuhū acaye, musare quehnoano mehna yahu peho ojoau usā musare. Musare tutuaro cahña, sa yahuu musare.

¹² Usā pehe musare cahī duhueraja. Musā pehe usāre cahīeda cjūre.

¹³ Sa yegu pohna tīgū yuhū pohṗare yuhū yahuboro saha musare yahūtja: Musare usā tuhōtūro sahata musa gūhū sata quehnoano tuhōtuya usāre. Sa yena usāre cahña musa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracāhña. Tiquina mehna cjāna ijīeracāhña. Ihcāno saha ijīerare musa. Quehnoañene yeriqiro ñañene yeriqiro mehna quehnoano iji masiedare. Cohācjūre cahmeeñequina Cohācjūre cahmeeñequina mehna quehnoano cahme piti ti masiedare.

¹⁵ Sa yero Cristo watīno mehna ihcāno saha tuhōtuerare. Sa yero Cristo yaqūro, Cristore cahmeediquiro mehna quehnoano cahme piti ti masiedare.

¹⁶ Cohācjū wuhṗu “Cohācjū ijire”, tiquina niñe queoyere mari cuogū ñarīne. Ti wuhṗu ti queoyere mari cūgū quehnoaedare. Ti yero sahata Cristo yequina Cristore cahmeeñequina mehna mari piti tiducugū gūhure ñarīne. Ti cururi pua curua ihcāno mehna iji masiedare. Cohācjū catīriqiro tiqiro ya wuhū yero saha ijīaja mari. Ti wuhṗu tiqiro ijīro saha mari mehna ijire tiqiro. Ohō saha nine Cohācjū:

Tiquina mehna ijīgatja yuhū. Sa yegu tiquina watoa sa ijīducugutja. Yuhū Cohācjū tiquina ṗahto ijīgatja. Sa ye

tiquina pehe yeequina masa ijieta, nine tiquiro.

¹⁷ Sa yero ohō saha ni nemore tiquiro mari puhtoro:

Ñañequina mehna tojoeracāhña. Sa yena tiquinare piti tieracāhña. Cristore cahmeeñequinare tiquina ñañene ne piheracāhña. Sa yegu yahū pehe musare piti tigutja.

¹⁸ Sa yegu masa Pacu ijigutja. Musa pehe yahū pohna ijinata, nine Cohācjū mari puhtoro tutua yahduariquiro.

7

¹ Yahū acaye, yahū cahīna, musare ahrire yahutja: Ahri ijiphtiyere Cohācjū tiquiro sa ni yahugū tūhona ijiphtiyere mari ñañene yeyere duhuuhna. Sa yena mari ñañene wacūñe gūhure duhuuhna. Sa yena Cohācjūre quehnoano ño peoye mehna ñano yero marieno ijiuhna mari.

Pablo bucueye mehna yahuahye Corinto cjenare

² Quehnoano mehna ijiya masa usā mehna. Ne mehenogā mehna ñano yeru usā musare. Sa yena usā buheye mehna musare ñano yegū yeru usā. Ne ihcāquiro masa mehna cjenore ni mehoñe mehna wapa cahmedu.

³ Sa nigu “Ūsāre wapa yerari. Sa yena buhiri tina ijire masa”, nigū niedaja musare. Musare yahu tuhasau. Musare cahīaja usā. Catinina ihcā curuata ijiaja mari. Mari yari-ari batopu gūhure ihcā curuata ijinata mari.

⁴ Quehnoano masa yerire masiaja yahū. Sa yegu musare wacūdoqueogu bucueaja. Sa yena usā ñano yahduri watoa masa pehe yahure pajiro bucuegū yeri.

⁵ Sa ye Macedonia yehrapu usā esari bato topu ijiina, ne soeru usā. Topure ñano yahduu usā. Apequina usā mehna cahmeque duari. Sa yena “Cristo yere duhuari”, nina Cristo yequina pehere cuesā nii usā.

⁶ Ūsā sa ñano yahduepegūta Cohācjū usāre bucuegū yeri. Tiquiro bujua witiyequinare bucuegū yeriquiro ijire. Sa yero Tito usā cahapu tiquiro wihiro mehna usāre bucuegū yeri Cohācjū.

⁷ Tito wihigū ihñana bucuei. Ahri gūhure bucuei. Musare tiquiro quiti yahugū gūhure tutuaro bucuei usā. Yahure masa ihña duarire yahuri usāre. Yahure masa wacūe ti bujua witiiri gūhure yahuri tiquiro. Tiquiro sa ni yahugū tūhogu tutuaro bucuei yahū.

⁸ To pano yahū ojoari pū mehna musare bujua witiigū yemi. Sa yerigu ijiepegūta bujua witiieraja yahū pehe. Ti pūre masa buheri bato bujua witiñohiti masa. Sa yena mehenogā bujua witi, duhuñohiti masa. Sa yegu coā oja mahtagu bujua witiiepegūta yojopure bujua witiieraja.

⁹ Yojopu pūritare bucueaja yahū. Masa bujua witiigū tūhogu bucueraja. Sa ijiepegūta sa bujua witiina, quehnoañe pehere comesañohiti masa. Sa yero masa bujua witiigū ihñano, Cohācjū pehe musare quehnoañene comesagū yere. Sa yena musare bujua witiigū yena, ñano ye dojomehnena niedu usā musare.

¹⁰ Sa yena Cohācjū tiquiro cahmeno saha bujua witiina, mari ñañene bujua witiinata. Quehnoañe pehere comesanata. Sata mari bujua witiigū ihñano marine pecapu wahaborinare yahduore Cohācjū. Mari sa bujua witiigū quehnoañene marine. Cristore cahmeeñequina pehe tiquina ñañene bujua witiierapeta, sa bujua witi maca cā, pecapu wahatiquina ijinine.

¹¹ Musa pehe Cohācjū tiquiro cahmeno saha bujua witiñohiti. Musa sa bujua witiina ohō saha yeñohiti masa: Yojopure ñañene yeyequinare sa ihña cāedañohiti masa. Tiquinare duhu dutiñohiti masa. Sa yena tiquina ñañe yeyere cueñohiti masa “Tiquina yero saha yeari”, nina. Sa yena yahure ihña duañohiti masa. Sa yena ñañene yeriquirore buhiri dahre duañohiti masa. Ti ijiphtiyere masa yena yojopure poto yena masa ijiyere masigū yeri masa usāre.

¹² Panopu ñano yeriquirore musare yahu ojoaepoguta tiquirore yedohogu tagu sa ni yahu ojoeru. Tiquiro ñano yenhriquiro gūhure yedohogu tagu sa ni ojoeru. Musa pehere yedohogu tagu ti pūre ojoau. Ūsāre quehnoano ño peore masa. Tire masa ño peorire quehnoano masa masiatire ti pūre ojoau musare. Cohācjū tire musare masigū cahmene.

¹³ Sa yena Tito masa yerire tiquiro quiti yahugū tūhona tutuaro bucuei usā.

Tito gūhū tutuaro bucueri. Tiquirore masa quehnoano mehna masa piti gagū tūhona, masa mehna tiquiro bucuerire tūhona usā gūhū quehnoano bucuei.

¹⁴ Coā waropu masa cahapu tiquiro wahato pano masa mehna yahū bucuerire, quehnoana masa ijirire yahuu tiquirore. Sa yena yahū nidiro sahata quehnoano yeñohiti masa tiquirore. Sa yegu tiquirore yahū nidire bæ tieraja. Musare poto sa yahuducujaja usā. Ohō saha Tito gūhure poto usā yahuu musare tiquiro ihñariro saha.

¹⁵ Musa cahapu tiquiro esagū ño peoye mehna tiquirore piti cañohiti masa. Sa yena quehnoano yahitina yahduuocarō mariena masa ijigū ihñañohiti tiquiro. Sa yero musare cahī nemore tiquiro.

¹⁶ Yojopure quehnoano yahitina, Cohācjū cahmeno saha masa quehnoano ye pehona masa ijigū quehnoano masiaja yahū. Sa masigu tutuaro bucueaja.

8

Cristo yequina ijina, pejecuoyequinare sa oho cãno cahmene marine

¹ Ûsã acaye, ahri yũhũ yahuatire musare masigũ cahmeaja usã. Cristo yequina Macedonia yehpa cãna Cohãcã cahĩne mehna tiquiro paja ihñañe mehna tiquina yerire musare yahutja.

² Tiquina ñano yũhdæpeta, niñeru marieñequina ijiepetã cahĩno marieno sa oho cãhri pejecuoyequinare Jesu yequinare. Cristo mehna tutuaro bucueyequina ijiye, tiquina Judea yehpa cãnare quehnoano mehna tiquina cuoyere sa oho cãhri.

³ Musare niita niaja. Tiquina cuoro puno ohori. Ijerare. Bui cãnõgã ohori. Ûsã sini basaapegũta pejecuoyequinare ohori tiquina.

⁴ Cohãcã yequinare pejecuoyequinare tutuaro yedoho duaye, tiquinare tiquina ohoatire nea dutiri usãre.

⁵ "Ohõ puno ohoeta", tiquinare usã ni tuhoturiro bui cãnõgã ohori tiquina. Ohõ saha yeri tiquina: Coã warore niñerure tiquina ohoato pano mari puhtoro Cristo cahmeno saha ye pehori jiri tiquina. Sa ye Cohãcã cahmeno saha usã gãhure ño peoye mehna yũhtiri jiri. Sa ye yequina ijiye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: "Corinto cãnare mũhũ buhe ducariro sahata quehnoano mehna pejecuoyequinare tiquina ohoatire buhe pehoya", nii usã tiquiore. Mũsa gãhũ apequinare paja ihñana, mũsa yedohoatire sa nii tiquiore.

⁷ Sa yena mũsa pehe ijipihtiyere quehnoano yena iji tuhasare: Cristore potota quehnoano wacũ tutuare mũsa. Sa yena tiquiro yere quehnoano yahure mũsa. Sa yena Cohãcã yere quehnoano masine mũsa. Sa yena Cohãcã cahmeno saha tutuaro ye duare mũsa. Sa yena usãre cahĩne mũsa. Ohõ saha quehnoano yena iji tuhasare mũsa. Mũsa sa quehnoana ijiepegũta mehenogã dũhsare musare. Pejecuoyequina pũritare mũsa paja ihñagũ cahmeaja usã. Sa yena cahĩno marieno tiquinare quehnoano mehna mũsa pajiro ohogũ cahmeaja usã.

⁸ Sa niñũ musare dutigũ niedaja. Sa ni yahugũta niaja musare. Apequina pejecuoyequinare tiquina tutuaro yedohorire musare yahugũ niaja. "¿Potota paja ihñana ijajari mũsa?" ni, masi duagũ niaja.

⁹ Mari puhtoro Jesucristo pehe marine tiquiro paja ihñarire masine mũsa. Ti ijirota ijire. Tiquiro uhmusepũ pajiro cuoriquiro ijieperota ahri yehpapũ ahtaro pejecuoriquiro wahahye. Sa yero mari ye ijiatire yariaro pejecuoriquiro wahahye.

Ohõ saha wahahye tiquiro mari pehe tiquiro yere pajiro mari cuoatire, tiquiro mehna mari sa ijiducuatire.

¹⁰ Musare sa yahugũta niaja. Ohõ saha tuhutuaja yũhũ pehe: Ihcã cahma wahare mũsa oho duagũ. Mũsa pehe pejecuoyequinare oho dua muhtamedi. Sa yena tiquinare oho muhtaborina ijimedi mũsa.

¹¹ Sa yena mũsa ye duariro saha yojopũre sohtori tiya. Mũsa oho dua muhtariro saha yojopũre quehnoano oho pehoya. Sa yena pajiro cuona ijina pajiro ohoya. Mehenogã cuona ijina mehenogã ohoya.

¹² Tutuaro mũsa oho duagũ tire mũsa ohorire Cohãcã bucuerota. Sa yena noho mũsa cuoro puno ohoya. Mũsa ohoro punota bucuerota Cohãcã. "Pejecuoyequinare mũsa cuoye yũhdũoro ohoya", musare nino niedare Cohãcã.

¹³ "Pejecuoyequinare ohoya", niñũ tiquinare pajiro cuo dutigũ niedaja. Sa yegũ mũsa pehere pejecuoro ye dueraja.

¹⁴ Musare ihcãno saha cuo dutigũ sa niñũ niaja. Yojopũre mũsa pehe pajiro cuore. Sa cuona apee boro marieñequinare oho masine mũsa. Came musare apee boro mariedagũ tiquina gãhũ oho masine musare. Mũsa sa cahme ohona ihcãno saha cuonata ijipihtina Cristo yequina.

¹⁵ Ohõ saha nine Cohãcã yere tiquina ojoari pũpũ: "Pajiro nediquiro gãhũ apequina bui cãnõgã cuoerari. Mehenogã nediquiro gãhure ne mehenogã dũhsaerari", nine Cohãcã yere tiquina ojoari pũpũ.

Tito tiquiro mehna cãna mehna Corintopũ wahahye

¹⁶ Sa ye musare yũhũ yedohoriro sahata Tito gãhũ musare yedoho duare. Cohãcã pehe tiquiro yedoho duagũ yeri tiquiore. Tiquiro sa yegũ ihñagu "Quehnoare", niaja Cohãcãre.

¹⁷ Titore mũsa cahapũ usã waha dutigũ tiquiro quehnoano mehna yũhtiri. Sa yero tiquiore usã waha dutiatio pano tiquiro basita mũsa cahapũ tutuaro waha duariquiro iji tuhasari.

¹⁸ Tiquiore apequiro Jesu yaquiro mehna piti dahrei usã tiquiore. Tito mehna cãnõre ijipihtiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ijigũ ihñañe tiquiore quehnoano ño peore.

¹⁹ Sa ye Jesu yequina tiquiore cahmene usã mehna tiquiro tinino wahagũ. Tiquina ye niñerure pejecuoyequina cahapũ usã neagũ usã mehna wahatiquiore cahmene tiquiore. Sa ye ti niñerure usã ohogũ ihñañe "Marine yedohoriquiro ijire", nieta

masa Cohācjüre. Ušā sa ohona, tiquinare tutuaro mari yedoho duarire masigū yenata tiquinare.

²⁰ Sa yena ahri niñerure, pajiuro Jesu yequina tiquina ohorire neana, quehnoano ihña ihbonata tiquina ohorire, “Ušāre yahusāri”, nina.

²¹ Mari puhtoro tiquiuro ihñonopu queoro, quehnoano ye duaja ušā. Sa yena masa tiquina ihñono gūhure queoro ye duaja.

²² Sa yena tana apequiore mari acayurore ohonatja Tito gūhu mehna. Ušā piti dahreriquiuro peye tahari apequinare tiquiuro quehnoano yedohogū ihñau ušā. Sa yero yojopure masa pehe apequinare masa yedoho duagū ihñano to pano tiquiuro yeriro yuhdoro quehnoano musare yedoho duare.

²³ Tito pehere musare yahutja. Tiquiuro yuhu mehna cjēno ijire. Musare yuhu yedohogū tiquiuro yuhumehna dahrariquiuro ijire. Apequina tiquiuro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquiore ño peoatire.

²⁴ Sa yena cahīno mehna quehnoano mehna tiquinare piti caya masa. Masa sa yegū ihñañe apequina Jesu yequina quehnoañequina pehe masa cahīnene masieta. “Quehnoano piti caeta Corinto cjēna”, ni yahu tuhasau apequinare. Masa sa quehnoano piti cagū ihñañe tiquina ušā yahuri poto ijigū masieta apequina Jesu yequina.

9

Jesu yequinare pejecuoyequinare tiquina ohoatire yahuahye Pablo

¹ Sa yena Cohācjū yequinare masa yedoatire masa ohoatire masi tuhasare masa.

² Apequinare masa yedoho duagū masiaja yuhu. Sa masigū Macedonia yehpa cjēnare ohō saha ni yahuu: “Corinto cjēna Jesu yequina pehe apequinare yedoho dua tuhasari. Ihcā cahma yuhdure tiquina yedoho duari”, ni yahu tuhasau tiquinare. Masa sa yedoho duagū tuhoye peyequina tiquina gūhu pejecuoyequinare yedoho duari.

³ Musare sa ni yahugū yojopure ahriquinare mari acayere masa caharu ohogū tagū niaja, yuhu yahuriro saha masa yeato. Sa yegū pejecuoyequinare masa ohoatire masa cahmecoa cuoyuatire ahriquinare ohogū niaja.

⁴ Tiquinare ohoeragu Macedonia yehpa cjēna mehna masa caharu esagu, masa ohoatire masa cuoeragū ihñagu bue tisāboaga yuhu musare. “Pejecuoyequinare ohoeta”, musare yuhu ni tuhaturi bato masa

ohoeragū ihñagu bue tisāboaga yuhu. Masa gūhu buoro yuhduboaga.

⁵ Sa yegū masa caharu yuhu esato pano tiquinare mari acayere oho mahtagū niaja. “Pejecuoyequinare ohonatja”, to pano masa nidire masa cuoyuatire tiquinare oho mahtagū niaja. Masa ohoatire masa cahmecoagū tiquina pehe musare yahuetā. Masa ohoatire masa cuoyu tuhasagū bucueye mehna masa oho duari ijigū masiitja.

⁶ Sa yena ahrire wacūña masa: Meheñe pjerigā oteriquiro meheñe pacagā nenota. Peye pjeri oteriquiro peye paca nenota. (Ohō saha ijire pejecuoyequinare mari ohogū. Mehenogā mari ohogū, Cohācjū mehenogā ohorota marine. Pajiuro mari ohogū, pajiuro marine ohorota.)

⁷ Sa yena ihquēquina masa “Ohō puno ohonatja”, ni ohoya. Cahīno marieno ohoya. “Marine oho dutiri”, nino marieno ohoya. Bucueye mehna ohoyequinare cahīne Cohācjū.

⁸ Tiquiuro pehe masa cahmeno yuhdoro musare ohorota. Sa yena ijipihtiyē masa cahmemedire dahsaro marieno cuo pehonata. Sa yero apequinare masa ohogū gūhure quehnoano esa tuharota masa cuoye.

⁹ Sata nine Cohācjū yere tiquina ojoari pūpu:

Pejecuoyequinare pajiuro ohore tiquiuro. Quehnoano mehna masare sa yeducure tiquiuro, nine tiquiuro yere tiquina ojoari pūpu.

¹⁰ Sa yero oteye dūca tiri bato oteriquiro tiquiuro oteati capere ohore Cohācjū. Came tiquiuro oterire dūca tigū yere tiquiuro ihyatire. Pejecuoyequinare masa pajiuro ohogū oteriquiurore tiquiuro ohoriro saha masa gūhure pajiuro ohorota Cohācjū. Sata musare ohorota pejecuoyequinare masa oho nemoatire.

¹¹ Sata ijire. Pajiuro ohorota musare apequinare pajiuro masa sa ohoducuatire. Sa ye masa oho dutirire pejecuoyequinare ušā ohogū peyequina tiquina pehe Cohācjūre bucueye mehna “Quehnoare”, nieta.

¹² Sa yena pejecuoyequinare Cohācjū yequinare ohona, tiquinare yedohore masa. Sa yedohona bucueye mehna Cohācjūre “Quehnoare”, tiquina nigū yenata masa.

¹³ Sa masa apequinare yedohogū ihñañe, Cohācjūre ño peoye mehna yahuducueta masa. Sa ye tiquinare apequina gūhure pajiuro masa ohogū ihñañe Cohācjūre “Quehnoa yuhdugū ijire mūhu”, nieta masa. Ohō saha nieta Cristo buhaye quehnoañe buhaye ti nidiro sahata masa yegū ihñañe, tiquinare masa ohogū ihñañe.

¹⁴ Sa ye Cohācjū musare tiquiuro paja ihñano sahata masa gūhu tiquinare masa paja

ihñagū tiquina pehe musare cahmeeta. Sa cahmeñe musare sini basaeta Cohācjüre.

¹⁵ Cohācjü marine quehnoa yuhduaro yerota. Tiquiro sa yeaire masina “Quehnoa yuhduare”, niñna mari tiquirore.

10

Jesu cūriquiroy tiquiro ijyere yahuahye Pablo

¹ Yojoṗare yuhū Pablo, musare yahutja. Ihquēquina musa mehna cjēna ohō saha nine yuhure: “Mari mehna ijiro apequinare yuhduada dueriquiro, ihyo ijiriquiro yero saha ijire. Sa ijieperota ape sieṗu ijiro marine cuero marieno tuhti ojoadoqueore”, nine musa ihquēquina yuhure. Cristo pehe ne usueriquiro, masare quehnoano yeriquiro ijire. Tiquiro yero saha yuhū gāhu iji duaja.

² Sa yegū musare ahrire tutuaro mehna yahutja: Musa cahapū yuhū esagū quehnoano yeya musa “Pablo usāre tuhtiari”, nina. Ihquēquina yuhure ohō saha nine: “Tiquiro esa tuharo, Cohācjü dutiro marieno yere”, nine yuhure ihquēquina. Sa niñequina pūritare tuhtiboaga yuhū.

³ Usā gāhu ahri yehpa cjānata ijina niaja. Sa ijiepenata ahri yehpa cjēna tiquina esa tuharo tiquina yero saha yeraja usā.

⁴ Surara cahme wejē tiquina yuhduacariro saha usā pehe ñañene yuhduada duaja. Ti ñañene ye dueraja. Usā sa yegū usā wamoa ahri yehpa cjēna tiquina wamoa yero saha ijierare. Surara tiquina wamoare tiquina cuoro saha usā pehe Cohācjü tutuayere cuoaja. Ti tutuaye mehna Cohācjüre cahme dutieyequinare cohāja usā. Masa tiquina esa tuharo tiquina masiñene ti dahseati ti ijieragū masigū yeaja usā ti tutuaye mehna.

⁵ Sa yena ijipihtieyequina tiquina esa tuharo tuhotueyequinare Cohācjüre tiquina masi dutierare duhugū yeaja usā. Sa yena ti tutuaye mehna Cohācjüre cahmeeñequinare Cristore quehnoano yuhtieyequina tiquina ijigū yeaja usā. Cristo cahmeno saha tiquinare tuhotugū yeaja usā.

⁶ Sa yena apequina musa mehna cjēna Cristore tiquina yuhduacagū ihñana tiquinare buhiri dahrenatja usā. Musa pehe musa quehnoano yuhtiri bato Cristore yuhduacayequinare sa buhiri dahreatinata ijinata musa.

⁷ Yuhū pagū dihitarre masine musa. Yuhū ijyie tiye pehere ne masiedare musa. “Cristo yequina ijiaja”, nina ijina, ohō saha masiña musa: Usā gāhu musa yero saha Cristo yequinata ijiaja.

⁸ “Mari puhtoro ye buheyere quehnoañe buheyere buhe dutiro, cūri usāre”, nigū peye

tahari musare sa ni yahuepegata buē tier-aja yuhū. Usāre sa buhe dutiro musare yedohoanajare cūri usāre. Musare dojomehneanajare cūno niedari usāre.

⁹ Ohō saha poto ni yahuaia musare “Cueari”, nigū. Ahri yuhū ojoari pūre ihñana musa ihñana mariagū cahmedaja.

¹⁰ Ihquēquina musa mehna cjēna ohō saha nine: “Pablo ojoaro dusero purñiquiro yero saha ojoa mujare marine. Sa ijiriquiro ijieperota mari mehna ijiro ne sa ijiaga niediquiro ijire. Pejecuoriquiro yero saha ijire. Sa yero marine tiquiro yahuducuye dahseati ijierare”, nine ihquēquina.

¹¹ Sa niñequinare ohō saha ni yahutja: Musare usā ojoa ohoriro sahata yahunatja musare musa cahapū ijina. Sa yena “Ohō saha yenata”, usā ni ojoariro sahata yenatja usā, musa cahapū ijina.

¹² Ihquēquina musa mehna cjēna “Quehnoano masi pehona ijiaja”, ni yahuducure tiquina basi. Yohou, quehnoa yuhduaro masiñequina ijiajari tiquina sa ni yahuducuye. Usā pehe tiquina yero saha ne sa nisi. Tiquina basi cahme ihñana piti ca “Mari pehe quehnoa yuhduacana ijiaja”, nine tiquina basi. Sa ni maca cāñe nine tiquina basi.

¹³ Usā pehe tiquina yero saha yesi. Cohācjü usāre buhe duti tiquiro cūri dihitarre yahuaia usā pehe musare. Apequina ye dahrayere “Yei”, nina niedaja. Cohācjü musare buhe dutiro usāre cūri.

¹⁴ Ohō saha nina, ni mehona niedaja usā. Quehnoañe buheyere Cristo yere musare buhe muhtana esau usā.

¹⁵ Sa yena apequina ye dahrayere “Usā pehe tire yei”, ne niedaja usā. Sa yena Cristore musa wacū tutua nemogū cahmeaja usā. Sa cahmena musare buhe nemo duaja usā. Sa buhena Cohācjü tiquiro cūriro punota buhe duaja musare.

¹⁶ Sa yena musa ya yehpa yuhduoropū quehnoañe buheyere yahuna wahanatja. Sa wahana apequina tiquina buheri bato esana, “Usā buhei”, nisi usā.

¹⁷ Mari yerire “Usāta yeaja”, niedaro cahmene. Mari puhtoro Jesu tiquiro yeri pehere ihñana bucuero cahmene. Ti pehere apequinare yahuro cahmene.

¹⁸ Masa tiquina basi “Usā pehe yei”, tiquina nigū bucuere Cohācjü. Mari puhtoro Cristo “Ahriquina quehnoano yeri”, tiquiro ninohriquina pehere bucuere Cohācjü.

11

“Jesu cūrina ijiaja usā”, ni mehoñequinare yahuahye Pablo

¹ Yuhū ijyie tiyere yahugū tuho masiegu yero saha yahugū niaja. Yuhū ijyie tiyere

yahugu mehenogã bue tiaja. Sa yahurigu yuhu ijiepegãta yuhare tuhoriña musa yojopure.

² Cohãcjũ musare tiqũiro cahĩno saha tutuaro cahĩaja yuhu gãhu musare. Sa yegu musare cuesãja yuhu “Ñañene yeari”, nigũ. Nuhmino omoca dahateaticoro umano mehna ijiericoro quehnoaricoro ticoro ijiro saha quehnoana musa ijigũ tutuaro cahmeaja, Cristo dihitare musare cahme dutigũ. Sa yegu Cristo cahapũ musa wahagũ ñañe mariena musa ijigũ cahmeaja.

³ Apequina ñañequina musare ni mehoñe, sijoro saha ijie buheyere cahmegũ yeboaga musare. Pinono Evare ni mehono tiqũiro masiñe mehna ticorore Cohãcjũre yuhduducagũ yeahye panopure. Tiquiro sa yeriro sahata yojopure ñañequina musare ni mehoñe, Cristore musare quehnoano ño peoeragũ yeboaga. Sa yegu musare cuesãja.

⁴ “Ohõ saha ijiriqũiro ijire Jesu”, tiquina esa tuharo sijoro saha ni meho buhepegãta tuhomene musa. Musare usã buheriro saha ijierapegãta musare ni meho buheyequinare tuhomene musa. Sa yena “Ohõ saha ijiriqũiro ijire Espĩritu Santo”, tiquina esa tuharo sijoro saha ni meho buhepegãta tuhomene musa. Usã musare buheriqũiro Espĩritu Santo waro ijire. Tiquiro pehere queoro tiquina yahuerapegãta musare ni meho buheyequinare tuhomene musa. Tiquina sijoro saha ijie buheyere tiquina ni meho buhegũ quehnoañe buheyere tiquina buherapegãta tire tuhomene musa.

⁵ Musã mehna cjẽna “Jesu cũrina ijiaja”, nimediquina yuhare masi yuhduducarerare. Tiquinare docaducareraja yuhu.

⁶ Quehnoano yahu mihnigũ ijieraboaga yuhu. Quehnoano yahu mihniedapegãta Cohãcjũ yere quehnoano masiaja. Yuhu sa masiñene peye tahari musare quehnoano masigũ yei.

⁷ Quehnoañe buheyere Cohãcjũ yere musare buhegũ ne wapa cahmedũ. Musare yedoho duagu wapa cahmedũ. Ihyo ijiriqũiro yero saha ijie yuhu. ¿Yuhu sa wapa cahmedagũ quehnoaedajari, musa tuhohugũ?

⁸ Musare yuhu buhegũ apeye macari cjẽna Jesu yequina yuhare niñerure ohori. Tiquina sa ohogũ ti niñerure ñehei sinino marieno musare buhegũ tagũ. Musã pehe yuhare musa ohoborire tiquina pehe yuhare ohori.

⁹ Musã mehna ijigũ apee boro yuhare dahsaeppegãta musare niñerure ne siniedũ. Mari acaye Macedonia yehpa cjẽna Jesu yequina ijipihtiye yuhu cahmedire ne wihiri yuhare. Panopure musare ne cariboeru yuhu. Cameru gãhure musare ne caribosi.

¹⁰ Cristo potota tiqũiro yahuriro sahata yuhu gãhu yojopure musare potota

yahugu niaja. Ijipihtiyo Acaya yehpapũ ijiequinare ahri musare yuhu siniedarire sa yahuducugũta.

¹¹ ¿Musare yuhu siniedarire apequinare yuhu sa yahuducugũ tuhona, dahse tuhotuajari musa? ¿“Pablo sa yahuro usãre cahĩedaro niaga”, ni tuhohobogari musa? Ijierare. Musare cahĩaja. Musare yuhu cahĩgũ Cohãcjũ masine.

¹² Wapa cahmeno marieno musare yuhu buhe ducariro sahata sohtori tiitja. Yuhu buheri wapa yuhu wapa negũ ihñañe tiquina “Jesu cũrina ijiaja”, ni mehoñequina ohõ saha niboaga: “Pablo quehnoañe buheyere buhero, wapa cahmene. Sa yena usã gãhu tiqũiro yero sahata yenatja”, niboaga tiquina wapa cahmeñe.

¹³ Tiquina potota Jesu cũriquina waro ijierare. Tiquinare ne cuedari tiqũiro. “Jesu cũrina ijiaja”, ni mehoñe, usã yero saha ijimene.

¹⁴ Tiquina sa ni mehoñequina ijigũ masi tuhasaja yuhu. Satana gãhu quehnoariqũiro yero saha comesa mujare. Tiquiro angel asi siteriqũiro yero saha iji duaro comesamene.

¹⁵ Tiquiro sa yeriqũiro ijigũ masigũ, Satanare yedohoyequina “Jesu cũrina ijiaja”, ni mehoñequina Cohãcjũre yedohoyequina yero saha tiquina comesagũ ihñagũ, ni mehoñequina tiquina ijigũ masi tuhasaja yuhu. Yojopure tiquina sa comesapegãta pihtiri deco ijigũ ijipihtiye tiquina ñano yeri buhirire buhiri dahrerota Cohãcjũ tiquinare.

Tiquiro ñano yuhdũrire yahuahye Pablo

¹⁶ Pari turi ahrire musare yahutja. Ne “Tuhõ masieniũiro ijire”, yuhare niedacãhña. Yuhu sa ni dutierapegãta yuhare musa sa ni tuhohugũ quehnoanota yuhare. “Tuhõ masieniũiro ijire”, yuhare ni tuhohuepenata tuhoriña musa yuhare. Mehenogã yuhu ijie tiyere yuhu yahugũ tuhoya musa.

¹⁷ Musare sa yahugu tuho masiegũ yero saha yei niaja. Yuhu ijie tiyere yahugu mehenogã bue tiaja. Mari pahutoro Jesu yuhare “Mũhu basi mũhu ijie tiyere tiyere yahuya”, niedare yuhare.

¹⁸ Tiquiro sa niedapegãta ahrire yahutja musare. Tiquina esa tuharo “Quehnoana ijiaja”, niñequina tiquina ijigũ ihñagũ yuhu gãhu yuhu ijie tiyere musare yahutja.

¹⁹ Musã pehe tuho masieñequinare tuhona bucueye mehna ihñare musa tiquinare. Quehnoa yuhdũaro masina ijiajari musa pehe sa tuhona.

²⁰ Musare cahacãna tiquina yegũ, musa yere tiquina ehmagũ, sa ihña cãhre musa. Sa yena musare tiquina doca cũgũ, musa

wahsupurire tiquina quēgū sa tūhotu cāhre mūsa.

²¹ Quehnoa yūhdūaro yeajari mū sare tiquina. Ūsā pehe tiquina yero saha yūhdūcaeraja.

Sa yena tiquina yero saha yeraja. Tiquina yero saha ijierapeguta tiquina “Ohō saha ijina ijiaja”, tiquina nigū tūhogū yūhū gūhū sata ni yahuboaga. Pari turi bue tiepeguta ohō saha ni yahutja mū sare tja.

²² Tiquina “Hebreo masa ijiaja”, nine apequinare masi yūhdūca duaye. Hebreo masata ijiaja yūhū gūhū. “Israe masa mari Pacu tiquiuro beserina ijiaja”, nine tiquina pehe. Tiquina yero saha tiquiuro beserigu ijimaja yūhū gūhū. “Abrahā panamena iji turiana ijiaja”, nine tiquina tja apequinare masi yūhdūca duaye. Tiquina yero saha Abrahā panami iji turiaguta ijimaja yūhū gūhū.

²³ “Cristo cahacjāna ijiaja”, nine tiquina pehe. Yūhū gūhū Cristo cahacjūta ijiaja. Tiquina yūhdūoro Cristo yere quehnoano yeaja yūhū. Yohou, sa nigū tūho masieniquiro yero saha yahuducugu niaja. Sa yahuducugu mehenogā bue taja yūhū. Tiquina yūhdūoro tutuaro dahraū yūhū Cristo yere yegu. Pe ye tahari tiquina yūhdūoro Cristo yaquiuro yūhū ijiri buhiri peresu yerī apequina yūhūre. Tiquina yūhdūoro pe ye tahari tanari yūhūre masa. Tiquina yūhdūoro Cristo yaquiuro yūhū ijiri buhiri masa yūhūre wejē duamedī. Sa yegu mehenogā yūhdūū yariaborigu.

²⁴ Ihcā omope tahari judio masa yūhūre űehedi. Yūhūre tiquina űehēpe tahari treinta y nueve tahari yūhūre tanari.

²⁵ Ihtia taha apequina yūhūre űehedi. Sa űehēne tiquina pūrita yūhūre űano yucūri mehna quēdi. Ape taha yūhūre apequina utā paca mehna doqueri. Ihtia taha yucūsa mehna utāpū doque sa űe, minii. Sa yegu ihcā deco, ihcā űami taboa pī bui pajiri ma decorare ba pahsau.

²⁶ Pe ye tahari macaripūre buhe tinigu esau. Yūhū sa buhe tinigū cua yūhdūari yūhūre. Yūhūre minino cua yūhdūari. Yūhūre apequina yaquero cua yūhdūari. Ya dihta cjēna judio masa, judio masa ijieyequina gūhū yūhūre űano yero cua yūhdūari. Macaripū, masa marienopū, pajiri mapū gūhūre yūhūre yariaro cua yūhdūari. “Mūhū mehna cjāna ijiaja”, ni mehoűequina gūhū yūhūre űano yero cua yūhdūari.

²⁷ Cristo yere yegu tutuaro dahrae tii. Sa dahragū űano wahyie tii. Pe ye tahari yūhūre wūjua űano purtiepegūta sa dahraducue tii. űano űjua ahbae tii. Sa yegu űano aco wūoe tirū. Pe ye tahari ihyaye bocaera tii. Yūhū suhti saűaboye gūhū ne marieda tiri yūhūre. Sa yero yūhūre yūsa yūhdue tirū.

²⁸ Sa űano yūhdūepēguta decoripe ijipihtiyequina apequina Cristo yequinare, mūsa gūhūre pajiro wacū tūhotuaja.

²⁹ Sa yegu ihcāquiuro Cristo yaquiuro tiquiuro sa iji cāriquiuro ijigū ihűagū būjua witiaja. Apequina Cristo yaquiuro űano ye dutiboaga. Tiquina sa yegū ihűagū Cristo yaquiuro cuesāgū, tiquina űaűequina mehna usuaja.

³⁰ Yahu duerapeguta yūhū ijieye tiyere yahugū tagū, yūhū esa tuhāro tutuegū yūhū ijieye tiyere mū sare bucueye mehna yahuaja.

³¹ Cohācjū mari pūhtoro Jesu pacūro decoripe mari űo peoatiquiuro tiquiurota mū sare yūhū ni mehoedagū masine. Ahrire mū sare potō yahutja.

³² Damasco wame tiri macapū yūhū ijigū ihűano, ihcāquiuro pūhtoro yūhūre űehē duamedī. Ijipihtiyequina masa pūhtoro Areta wame tiriquiuro doca ijiriquiuro pūhtoro pūrita yūhūre űehē duamedī. Sa űehē duaro ti maca cjā sahrīno sopecaharipe surarare cohte dutimedī.

³³ Tiquina sa cohteri watoata yūhū mehna cjēna pajiri pūhdupū yūhūre duhu sā, ti sahrīno cjā sopecahagāpū yūhūre duhu dijiori. Ti sahrīno behero peherū yūhūre duhu dijiori. Tiquina sa duhu dijiori bato duhti cā wahau.

12

Pablo Cristo tiquiuro ihűorire yahuahye

¹ Yūhū ijieye tiyere bucueye mehna yūhū yahugū dahseati ijierare. Sa ni yahugū mehenogā bue tiepeguta yahu nemoutja mū sare. Mari pūhtoro Jesu yūhūre tiquiuro ihűorire tiquiuro masigū yerire yahutja mū sare.

² Ohō saha ihűo dūcari tiquiuro yūhūre: Catorce cahmari waro wahare yūhūre Cristo yaquiurore űmūsepe tiquiuro ne mūjari bato. űmūsepe űāpicoha buipū yūhūre ne mūjari. Yūhū jeripohna dihitare tiquiuro negū masiedaja yūhū. O yūhū pagū gūhūre tiquiuro negū masiedaja. Cohācjū dihita tire masine.

³⁻⁴ Sa yero paraíso wame tioropū ne mūjari yūhūre. Yūhū jeripohna dihitare tiquiuro negū masiedaja yūhū. O yūhū pagū gūhūre tiquiuro negū masiedaja. Cohācjū dihita tire masine. Tiquiuro sa ne mūjagū esagū torūre tiquiuro yahurire tūhou. Ti yūhū tūhorire masa ne masiedare. Tiquiuro yahurire yahu dutiare.

⁵ Ohō saha yūhūre tiquiuro ihűorire mū sare yahugū, “Yūhū ihcāta apequinare yūhdūcaja”, niboaga yūhū. Sa niedaja yūhū. Yūhū esa tuhāro masiegu yūhū ijieye, yūhū tutuegu yūhū ijieye bucuegu mū sare yahutja. Ti dihitare bucuegu mū sare yahutja.

⁶ “Apequinare yuhduducaja”, musare ni yuhu yahu duagū yuhu nidi potota ijiboaga. Sa yegu sa ni yahugu tuho masiegu ijieraboaga yuhu. Sa ijierapeguta “Ohō saha apequinare yuhduducaja”, ni yahusi yuhu musare, “Cua pesa yuhduaro yuhare ihñari”, nigu. Yuhare ihña masina ño peore musa. Musa ño peopegata ti yuhduoro yuhare musa ño peogū cahmedaja.

⁷ Cristo quehnoa yuhduayere ahmū sare yuhare tiqiuo ihñogū ihñarigu ijigu, “Apequinare yuhduducaja”, niboaga yuhu pehe. Sa yuhu niedatire Satana yuhu pagure tiqiuo duti dahregū ihñano “Quehnoanota”, nidi Cohācjū. Yuhare duti dahreri Satana yuhare ñano wahagū yero. Ahri dohatiye pota sajāno purīno saha yuhare purīne.

⁸ Ohō yuhu dohatiyere yuhare yuhduo dutigu sinie timi Cristore mari puhtorore. Ihtia taha sinimi.

⁹ Ohō saha ni yuhtie tiri yuhare tiqiuo: “Ohō muhu dohatiye puritare muhare yuhduosi yuhu. Sa muhare yuhduoerapeguta muhare cahñaja. Yuhu cahñie mehna quehnoano ijiita muhu. Dohatigu tutuegu ijigu yuhu tutuayere quehnoano ihñoguta muhu. Tutuayequina yuhduoro muhu pehe yuhu tutuayere masare masigū yeita muhu”, ni yuhtie tiri tiqiuo yuhare. Tiquiro sa nigū tuhogu tutuegu yuhu ijirire masigu bucueaja. Sa yegu tutuegu yuhu ijiyere musare bucueye mehna yahutja. Ohō saha ni yahutja Cristo tiqiuo tutuaye pehere musare yuhu quehnoano masigū yeatire.

¹⁰ Sa yegu Cristo yaquiro yuhu ijiri buhiri yuhare purīpeguta bucueaja. Apequina ñano yuhare tiquina yahu wajaepēguta, ña yuhduaro yuhdūepēguta bucueaja. Yuhare tiquina ñano yeducepeguta yuhare bujua witiḡu tiquina yepēguta bucueaja yuhu. Sa ñano yuhdūepēguta Cristo tutuaye mehna ihcāno sahaja, tiqiuore wacū tutuagu. Sa yegu bucueaja.

Corinto cjenare Cristo yequinare pajiro bujua witi tuhotuahye Pablo

¹¹ Yuhu ijie tiyere yahugu mehenogā bue tiaja yuhu. Yuhu sa yahuepeguta ti musa ye buhiri ijire. Musa pehe yuhu ijie tiyere apequinare quehnoano yahuboaga. Yuhu esa tuharo ijigu dahseacju ijieraboaga yuhu. Sa ijiborigu ijiepeguta “Jesu cūrina, masi pehona ijiaja”, ni mehoñequinare do-caducaeraja yuhu.

¹² Potota ñano yuhdurigu ijiepeguta Cohācjū tutuaye mehna ye ihñomi musare. Sa ihñogu Jesu cūrigu yuhu ijiyere ihñogu nimi musare.

¹³ Apeye macari cjenare Jesu yequinare musa gūhare ihcāno saha yee timi yuhu. Sa

yepeguta musa pehere sijoro saha cjunogā yemi. Musa dihitare cariboerami. Musa dihitare apee boro gūhare siniedami. ¿Yuhu sa siniedagū ñaniajari, musa tuhotugū? Ti ñañe ijigū ti ñañene boya musa yuhare.

¹⁴ Ahri yuhu yahuatire tuhoya musa. Pua taha musa cahapu yuhu esari bato pari turi waha duaja tja. Topu esagu musare caribosi yuhu. Apee borore sinisi yuhu musare. Musa yere cahmedaja. Cristo ye pehere musa yuhtigū cahmeaja yuhu. Masa pohne pehe tiquina pacusumuaire tiquina cahmeñene ohoerare. Tiquina pacusumua pehe tiquina pohne cahmeñe pehere ohore. Ohō saha musa yuhu pohna yero saha ijina yuhu cahmeñe pehere ohosi musa.

¹⁵ Sa yegu yuhu purita yuhu cuoye pehere oho duaja musare yedohogu tagu. Musa cahacjano yero saha iji duaja musare yedohogu tagu. Musa pehere yuhu tutuaro cahiepeguta yuhu pehere musa mehenogā cahñe, yuhu tuhotugū.

¹⁶ Sa yegu musa mehna ijigu musare cariboeru. ¿Sata ijiyari yuhu, musa tuhotugū? Yuhu sa ijiepeguta ihquēquina musa mehna cjenā ohō saha niboaga: “Pablo apee borore marine ne duaro ni mehoi marine”, niboaga.

¹⁷ ¿Musa sa nidiro saha yerigu ijigu, dahse tire yeari yuhu, musa ihñagū? ¿Musa cahapu yuhu ohoriquina yabe borore yuhare ni meho ehma basari tiquina musare, musa ihñagū? Ni meho ehmedari jiri.

¹⁸ Sohō ijiri pjeru musa cahapu Titore waha duti tuhasa tiqiuore. Sa yegu apequirore Cristo yaquirore tiqiuo mehna piti dahre ohou. ¿Tito apee borore musare ni meho ehmari, musa ihñagū? Ni meho ehmedari jiri. Tiquiro yuhu yero saha Cohācjū cahmeno saha yeriquiro ijire. ¿Sa yero yuhu yero saha yerari tiqiuo, musa ihñagū? Yuhu yero saha yeri jiri.

¹⁹ “Ñano yeraja usā”, ni cahmotana niedaja usā. Cristo yequina ijiaja. Sa yena Cohācjū tiqiuo ihñonoru musare yahuna niaja. Yuhu acaye, yuhu cahñina, musare yahuu musa pehere yedoho duana. Musare yahuna, usā pehere musare cahmegū yena niedu.

²⁰ Topu yuhu esagū yuhu cahmeno saha yerapena ijiboaga musa. Sa yegu musare tutuaro cuesaja. Sa yegu musa cahmeno saha yerigu ijieraboaga yuhu gūhu, topu esagu. Sijoro saha musa yegū ihñagu yahutja musare. Topu yuhu esagū musa pehe cahme duse tini wiana, apee boro tiquina cuogū ihña coona, duita usuana, musa esa tuharo apequinare yuhduduca duana, apequinare ñano yahuducuna, ñano quiti yena, “Apequinare masi yuhduducaja”, nina, musa cahmecoanore dojomehna

ijiboaga m̄sa. “Tire yeari”, nigu cuesāja yuh̄u m̄sare.

²¹ Top̄u yuh̄u esagū yuh̄ure m̄sare bue tisāgū yeboaga Cohācjū. Sa yegū ijipih̄tiyequinare panop̄u ñano yeyequinare, tiquina ñañene bujua witiyequinare ihñagu, tutuaro bujua witiitja yuh̄u. Numia mehna ñano yeyequinare, um̄na mehna ñano yeye numiare, w̄ana tiyequinare, ñañene tutuaro cahmeñequinare ihñagu bujua witiitja yuh̄u.

13

Pablo yahu bato tiahye

¹ Yojoṗare m̄sa cahap̄u wahagu ihtia taha esagutja top̄ure. P̄na taha top̄ure esa tuhasau. Sa yegū m̄sare ahrire yahutja. Ohō saha nine Cohācjū yere tiquina ojoari p̄p̄u: “Ihcāquirore mari buhiri dahreato pano ihtiaro tiquirore yahusāno cahmene. Ihtiaro mariedagū p̄naro tiquirore yahusāno cahmene. Tiquina sa yahusāri bato buhiri dahre masiaja mari”, nine Cohācjū yere tiquina ojoari p̄p̄u.

² Panop̄ure ñano yerina m̄sa ijigū m̄sare, ijipih̄tiyequina apequina gūh̄ure pari turi ahrire cuaro mehna yahutja. Ihcā taha m̄sa cahap̄u pari turi esagū m̄sare ahrire yahuu. Yojoṗare m̄sa mehna ijieragu pari turi m̄sare ahrire yahutja: Yojoṗare m̄sa cahap̄ure esagu, ñano yeyequinare potota buhiri dahregutja yuh̄u.

³ Sa yeitja Cristo yuh̄u mehna tiquiro buherire m̄sa ihño dutigū. Cristo pehe m̄sare dutiriquiro tutua yahduariquiro ijire. Sa yero tiquiro tutuayere ihñore m̄sare.

⁴ Mari yero saha pagū tiro, tiquiro tutueriquiro ijiro, curusap̄u yariahye. Sa yarieperota Cohācjū tutuaye mehna catiriquiro ijire tiquiro yojoṗare. Tiquiro curusap̄u ijiro tiquiro tutuarero saha usā gūh̄u tutuena ijiaja. Sa yena usā esa tuharo m̄sare yedoho masiedaboaga. Sa yena Cohācjū tutuaye mehna ijinata m̄sare yedohona tana.

⁵ Sa ye m̄sa pehe m̄sa basi ohō saha ni tuhutuya. “¿Potota Cristore wacū tutuajari yuh̄u?” ni tuhutuya m̄sa. ¿Potota Cristo m̄sa mehna cjāno ijiajari? Tiquiro ijieragū tiquiro yequina waro ijierare m̄sa. Tiquiro yequina ijierana ni mehona ijire m̄sa.

⁶ Usā pehe “Jesu yequina ijiaja”, ni mehona ijieraja. Tiquiro yequina waro ijiaja usā. Tire m̄sa masigū cahmeaja yuh̄u.

⁷ Sa yegū m̄sa ñano yeratire Cohācjūre sini basaja m̄sare. Sata sini basaja usā m̄sa quehnoañene m̄sa yeatire. M̄sa sa yegū ihñana usā ohō saha ni boaga: “Usā pehe tiquinare quehnoañequina wahagū yei usā”, ni boaga usā apequinare usāre ño peo dutina. Sa ño peo dutieraja usā. Sa

yena Cohācjūre sini basana, m̄sa ye ijiatire sini basana ni aja. Apequina usāre “Ni mehoñequina ijire”, tiquina niepegūta quehnoañene m̄sa yegū p̄ritare cahme yahduaja usā.

⁸ Ijipih̄tiye m̄sa quehnoañene yegū cahmeaja usā. Cohācjū yere quehnoañene dojomehne masiedaja usā.

⁹ “Cristo cahmeñene yeaja usā”, ni ihño masiedana, tutueyequina yero saha ijiboaga usā, m̄sa ihñagū. Quehnoanota. Quehnoañene yena m̄sa pehe tutuana ijire. M̄sa sa ijigū ihñana tutueyequina yero saha usā ijiepenata bucueaja. Sa yena quehnoana m̄sa wahatire Cohācjūre sini basana ni aja usā m̄sare.

¹⁰ Sa yegū m̄sa mehna ijieragu m̄sare ahri p̄re ojoayugū ni aja. M̄sa cahap̄u esagu, m̄sa ñano yerina ijigū ihñagu m̄sare buhiri dahreitja. Cristo yuh̄ure tiquiro dutiriro sahata m̄sare buhiri dahreitja. Yuh̄u sa buhiri dahreratire ahri p̄re m̄sare ojoayugū ni aja. Cristo yuh̄ure tiquiro dutiriro sahata m̄sare yedohoacjū ijiaja. M̄sare dojomehneacjū ijieraja.

¹¹ Yojoṗare, yuh̄u acaye, m̄sare quehnoa dutiaja. Cristore wacū tutua nemoña. Sa yena quehnoana ijiaja. M̄sare yuh̄u yahurire quehnoano tuhō n̄n̄ña. M̄sa mehna cjēna mehna ihcāno mehna ijiaja. M̄sa basi quehnoano mehna ijiaja. M̄sa sa ijigū ihñano m̄sa mehna Cohācjū ijiorota. Tiquiro marine cahme cahigū yeriquiro, marine quehnoano mehna ijigū yeriquiro ijire.

¹² Sa yena m̄sa mehna cjēnare quehnoano bucueye mehna piti caya.

¹³ Ijipih̄tiyequina ohō saha cjēna Cohācjū yequina m̄sare quehnoa dutire.

¹⁴ Mari puhtoro Jesucristo mehna m̄sare ijipih̄tinare quehnoa dutiaja. Sa yegū Cohācjū mari Pacū tiquiro cahñe mehna ijipih̄tina m̄sare quehnoa dutiaja. Sa yero Espiritu Santo ijipih̄tina m̄sa mehna quehnoano ijire.

Gálatas

Galacia wame tiri yehpa cjēnare Jesu yequinare ojoa ohoahye Pablo

¹ Yuhū Pablo, Cristo yere buhe duti tiqairo cūrigū ijiaja. Masa cūrigū ijieraja yuhū. Masa pehe yuhūre buhe dutiye cūedari. Cohācjū mari Pacu pehe Jesure yariaritiqirore masoritiqiro yuhūre cūri tiqairo yere buheacjūre. Jesucristo gūhu yuhūre cūri. Tiqaina sa cūrigū ijigū ahrire ojoa ohoaja māsare.

² Yuhū māsare Jesu yequinare Galacia yehpa cjānare quehnoa dutiaja. Yuhū mehna cjēna Jesu yequina gūhu māsare quehnoa dutire.

³ Cohācjū mari Pacu, mari pūhtoro Jesucristo mehna māsare quehnoa dutiaja. Tiqaina yedohoye mehna quehnoano ijiya mūsa.

⁴ Tiqairo Jesucristo pehe mari űāñene yeri buhirire yariahye. Yojoṗure masa tiqaina űāñene yeri pje ijire. Sa yero tiqairo yariahye Cohācjū mari Pacu tiqairo cahmediro saha marine yuhūoro taro. Sa tiqairo yuhūogū yojoṗure űāñene tiqaina yeriro saha ye duasi mari.

⁵ Sa ye ijipihtiye decoripe tiqairore mari Pacure űo peouhna. Sata yeihna.

Cohācjū masare tiqairo yuhūoati buhe ye ihcānota ijire. Apeye buheye mariedare

⁶ Cristo māsare cahīno tiqairo yequina ijianajare māsare cūri. Sa yegū māsare cūriqiro yere cohāna sijoro saha ijiye buheye pehere duita mūsa cahmegū ihñā acūaa wahaja.

⁷ Apeye buheye quehnoañe buheye yero saha ijiye buheye waro ijierare. Ti sa ijierapegūta ihquēquina mūsa caharu ijieyequina māsare cariboye, sijoro saha ijiye buheye buheye, quehnoañe buheye dojomehne duare.

⁸ Sa yena māsare usā buhe mahtarire mari cohāgū sijoro saha ijiye buheye mari buhegū Cohācjū marine buhiri dahreahro. Sa yero angel ahmūse cjāno sa tiqairo buhegū tiqairo gūhure buhiri dahreahro Cohācjū.

⁹ Mianogāta usā nidiro saha pari turi nitja: Ihcāqiro māsare usā buherire cohāno, sijoro saha ijiye buheye tiqairo buhegū Cohācjū tiqairore buhiri dahreahro.

¹⁰ Sa niḡu yuhū “Pablo dihita quehnoano buheritiqiro ijire”, yuhūre ni dutigū niedaja. Cohācjū pehe yuhūre “Quehnoano buheri mūhu”, tiqairo niḡu cahmeaja. Masare bucuegū yegū tagū sijoro saha ijiye buheye buheboaga yuhū. Masa dihitare bucuegū

yegū ijigū ne Cristo cahacjū ijieraboaga yuhū.

Pablo Cristo cūriqiro tiqiro iji dūcarire yahuahye

¹¹ Yuhū acaye, ahrire mūsa masigū cahmeaja yuhū: Quehnoañe buheye yuhū buheri masa ye buheye ijierare.

¹² Ti buheye masare yuhū tuhori ijierare. Sa ye apeqina masa yuhūre ti buheye yahuerari. Jesucristo pehe yuhūre ti buheye masigū yeri.

¹³ Panopu judio masu yuhū ijie tirire masine mūsa. Ohō saha yee tii yuhū: Jesu yequinare tutuaro űāno yegū tiqinane quehnoano wejē peho cā duami.

¹⁴ Mari űecusumūa mūna iji turiayequina tiqaina buherire tutua yuhūoro ye duagu yuhū acaye yuhū ihcāno mehna masariquina yuhūoro ye mahtarigū ijie timi yuhū.

¹⁵ Yuhū sa ijirigū ijiepegūta yuhū masa bajuato pano Cohācjū yuhūre bese tuhasari jiri. Sa yero yuhūre cahīno tiqairo yaqiro ijiajū cūri yuhūre.

¹⁶ Sa yero tiqairo cahmeno saha tiqairo macūnore yuhūre masigū yeri. Tiqairo yere quehnoañe buheye judio masa ijieyequinare buheacjū yuhū ijiatire tiqairo macūnore masigū yeri yuhūre. Tiqairo sa yegū “¿Duhse ni buhero cahmeagari yuhūre?” ni masare sinitueru yuhū.

¹⁷ Sa yegū Cristo cūriquina yuhū pano ijiriquina cahapure Jerusalēpure sinitugū wahaeru. Duita Arabia yehparu wahau. Sa yegū Damascopu majare tojoa wihii.

¹⁸ Ihtia cūhma bato Pedrore ihñagū wahau Jerusalēpu. Topure puā semana waro ijii.

¹⁹ Sa yegū apeqinane Cristo cūriquinare ihñedu. Santiago dihitaro mari pūhtoro bahūrore ihñau.

²⁰ Ohō saha ni ojoagu Cohācjū mehna ne ni meho ojoaeraja.

²¹ Came Siria yehparu, Cilicia yehparu gūhure wahau.

²² Topure yuhū esagū ti pjere Judea yehparu ijieyequina Jesu yequina yuhūre ihñā masiedari.

²³ Sa ye ahi dihitaro yuhūre masi dūcari tiqaina: “Panopure marine űāno yeriqiro yojoṗure quehnoañe buheye tiqairo cohā duari buheye buhero nine”, ni, masi dūcari tiqaina.

²⁴ Yuhūre sa masiñe Cohācjūre “Quehnoa yuhūdagu ijire”, nidi tiqaina.

2

Apeqina Cristo cūriquina Pablone piti ca, duita cahmene

¹ Catorce cūhmari bato pari turi Jerusalēpu wahagu Bernabé mehna wahau. Tito gūhu wahari yuhū mehna.

² Cohácjü yáhure tiquiro waha dutigä topure wahan. Jerusalêpü ijigü “Jesu yequina pãhtoa”, masa niñequina tiquina sehsaro cahmecoagü quehnoañe buheyere judio masa ijieyequinare yãhu buherire yahuu tiquinare. “¿Judio masa ijieyequinare quehnoañe buheyere yãhu buhegã quehnoajari, mäsã tãhotugã?” nigü, sa yahuu tiquinare. Sa yahuu tiquinare panopü yãhu buherire, yojopãre yãhu buheri gãhare tiquina quehnoano masi-atire, tire “Quehnoare”, tiquina niatire. Tiquina sa niedagü yãhu buheri dahseati ijieraboaga.

³ Yãhu mehna cjãno Tito judio masãno ijieriquiro ijiri. Sa yero cuhñucunã sohtoa cahserogãre yãhre nemehnediquiro ijire. Sa yãhremehnediquiro tiquiro ijiepegãta Jesu yequina pãhtoa “Mũhu gãhu ti cahserogãre yãhre neña”, niedari tiquirore.

⁴ Tiquina sa niedapegãta ihquẽquina “Jesu yequina ijiaja”, ni mehoñequina wacũeno mehna usã mehna sajã, tiquirore ti cahserogãre yãhre negü cahmemedi tiquina. Jesu yequina mari ijina “Panopü cjẽne tiquina dutiriro saha yena ti mehna yãhdusi”, ni tãhotuaja mari. Mari sa ni tãhotugã mari yeyere ihña duaye tiquina pehe usã mehna ni meho sajãri. Sa yeye usã ñecusũmã mana iji turiayequina ye dutiyere ye duti duaye, ti dutiyere ño peoducugã ye duamedí usãre tiquina.

⁵ Tiquina sa ye duepegãta quehnoañe buheyere poto mäsã masiatire ne mehenogã mehna tãho dueru usã tiquinare.

⁶ Sa ye Jesu yequina pãhtoa quehnoañe buheyere yãhu buherire tiquina tãhori bato “Ahri buheye mehna apeye buheyere buhe moreña”, ne niedari tiquina yãhare. Jesu yequina pãhtoare ihyo ijieyequina yero saha tãhotuaja tiquinare. Cohácjü pehe ijipihyequinare ihcãno saha ihñare. Sa yegü sata tãhotuaja yãhu gãhu pãhtoa gãhare, ihyo ijieyequina gãhare.

⁷ Sa ye yãhu buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yãhu buheatire Cohácjü yãhare tiquiro cãrire tãhoye, “Tita ijire”, nidi tiquina. Judio masare buheyere Cohácjü Pedrore tiquiro cãriro sahata yãhu gãhare cãri judio masa ijieyequinare yãhu buheatire.

⁸ Judio masare Pedrore buhe dutiriquirota Cohácjü yãhu gãhare tiquirota buhe dutiri judio masa ijieyequinare.

⁹ Sa ye Santiago, Pedro, Ñu mehna Jesu yequina pãhtoa waro quehnoañe buheyere buherire Cohácjü yãhare tiquiro cãrire tãhoye “Tita ijire”, nidi tiquina. Sa nieta yãhare Bernabé mehna quehnoano bucueye mehna omoca ñehedi usãre piti

tiye tehe. Sa yena judio masa ijieyequinare buhena ijiaja usã. Santiago gãhu pehe judio masare buheyequina ijire. “Sata ijiahro”, nii usã basi.

¹⁰ Sa niepeta tiquina judio masare pejecsoyequinare yedoho dutiri usãre. Pejecsoyequinare yedohoacjü ijiita niaja yãhu.

Antioquiãpü Pablo Pedrore tuhtiahye

¹¹ Sa ye Antioquiãpü yãhu esari bato Pedro gãhu esari. Sa yegü quehnoano tiquiro yerari buhri tuhtii tiquirore.

¹² Ohõ saha yeri tiquiro: Santiago ohoriquina Antioquiãpü tiquina esato panogã, Pedro pehe judio masa ijieyequina mehna ihyaro nidi, judio masãno ijieperota. Santiago ohoriquina judio masa ijieyequinare “Cuhñucunã sohtoa cahserogãre yãhre neña”, niñequina, usã judio masa panopü cjẽna ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahapü esagü ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panopü cjẽna mari judio masa yere yãhdudacagü niaja. Sa yeye yojopãre wihyequina yãhare tuhtitari”, nino, judio masa ijieyequina mehna ihya nemoedari.

¹³ Tiquiro sa ye mehoriro saha tiquiro yegü ihñañe, apequina judio masa gãhu tiquiroreta ihña cü, tiquina gãhu tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gãhu.

¹⁴ Cristo ye buheye marine quehnoano, queoro ye dutire. Sa ye Pedro gãhu ti buheye nidiro sahata yerari, judio masa ijieyequina mehna ihya duhuye. Tiquina sa yegü ihñagu, ijipihyequina Jesu yequina ihñonopü Pedrore ohõ saha ni yahuu: “Mũhu judio masã ijiepegãta judio masa ye dutiyere, tiquina ijieye tiyere duhu cãri mũhu, Jesu yere yegü tãhu. Sa yegü judio masa ijieyequina dutiye marieñequina yero saha yee tiri mũhu. Sa yerigü ijiepegãta apequina judio masa wihigü ihñagu, judio masa ijieyequinare piti ti nemoedari mũhu. ¿Judio masa dihitare mũhu piti tigü ihñañe, dahse ni tãhotuetari judio masa ijieyequina pehe? ‘Judio masa yero saha ijiihna’, ni tãhotuboaga tiquina. ¿Tiquina gãhare judio masare ihña cãgü cahmeajari mũhu? To ijierare”, nii tiquirore.

Judio masare apequina masa yero saha Jesure wacü tutua dutiahye Cohácjü

¹⁵ Usã pehe judio masa masa bajuana, apequina ñano yeyequina judio masa ijieyequina yero saha ijieraja usã.

¹⁶ Sa ijina ijiepenata Cohācjū dutiyere Moiserē tiqiro cūrire usā yerina ijigū “Quehnoana ijire”, ni ihñedare Cohācjū usāre. Tire mari masiaja. Sa yero Jesucristore mari wacū tutuagū Cohācjū marine “Quehnoana ijire”, ni ihñanota. Tire masina, usā gūhu Jesucristore wacū tutuaja tiqirore usā wacū tutuari mehna usāre “Quehnoana ijire”, Cohācjū tiqiro ni ihñatire. Sa yero tiqiro dutiyere usā yerina ijigū “Quehnoana ijire”, ni ihñedare Cohācjū usāre. Ne masa ti dutiyere yeye mehna “Quehnoañequina ijire”, ni ihñedare Cohācjū tiquinare.

¹⁷ Cristore mari wacū tutuaye mehna quehnoana Cohācjū yequina mari waha duagū, ñana mari ijiyere masigū yerota Cristo. ¿Cristo mari ñañene marine masigū yero, ñana marine ijigū yeajari tiqiro, masa tūhotugū? Ne mehenogā mehna sa yerare.

¹⁸ Usā dutiyē yeye mehna yūhdū duamedina ijiepenata ti buheyere cohā. Sa cohāepenata pari turi ti buheyere yena ti dutiyere usā ye pehoerari buhiri potota buhiri tinata usā.

¹⁹ Cohācjū dutiyere Moiserē tiqiro cūrire ihcāno sahaeraja mari. Sa yena ti dutiyē mehna ne yūhdūsi mari. Sa yena Cohācjū tutuaye mehna tiqiro yequina ijiaja mari.

²⁰ Cristo mehna curusapū yariariquina yero saha ijiaja mari. Sa yena yariariqiro tiqiro esa tuharo tiqiro yerariro saha mari esa tuharo yeraja. Cristo ye tutuaye mehna yeaja. Sa yena yojopure Cohācjū macnore wacū tutuaye mehna ijiducujaja mari. Tiqiro Cohācjū macno marine cahñe. Sa yero mari ye buhirire yariari.

²¹ Ti dutiyē yeye mehna quehnoana Cohācjū yequina mari wahagū Cristo yariari pehe ne dūhseati ijieraboaga. Cohācjū marine tiqiro cahñire, Cristo tiqiro yariarire ihyo ijije waro yero saha ijigū ye dūeraja yūhu pehe. Sa yegu “Dutiyē mehna yūhdugūta”, ne nisi yūhu.

3

Cohācjū dutiyē Moiserē tiqiro cūrire, wacū tutuaye gūhure yahuahye Pablo

¹ Yūhu acaye, masa Galacia cjāna tūho masiena iji wame tire masa. Jesucristo curusapū tiqiro yariarire buheyere ijiphiyequina tiquina ihñonopū musare yahuu. ¿Sa yena yojopure tiqiro yere masa yūhdūdcatire ni mehoñequina musare tiquina dojomehnegū dūhse yena tiquinare yūhtiri masa?

² Ahrireta yahu duaja musare: Dutiyere masa yeye mehna Espiritu Santore cūo dūcaerari masa. Quehnoañē buheyē pehere tūhona Cristore masa wacū tutuaye mehna Espiritu Santore cūo dūcari masa.

³ Espiritu Santo tutuaye mehna masa Cristo yequina iji dūcagū yojopure masa basi dutiyere masa yeye mehna Cohācjū cahapū masa waha duagū ñarñe. Tūho masiena ijire masa, sa yena.

⁴ ¿Quehnoañē buheyere masa yeri buhiri peye tahari masa ñano yūhdūna ihyo warota ñano yūhdūna niyari masa, sa wahana? Ihyo waro ijierare masa sa ñano yūhdūri. Dutiyē yeye mehna Cohācjū cahapū masa waha duana ihyo warota ñano yūhdūna ni-boaga masa.

⁵ ¿Dūhse masa yeri wapa Espiritu Santore musare ohori Cohācjū, masa tūhotugū? Tiqiro dutiyere masa yeri wapa ohoerari tiqiro. Tiqiro buheyere quehnoano masa tūhogū ihñano tiqirore masa wacū tutuari batopū Espiritu Santore ohori tiqiro. ¿Cohācjū masa watoa tiqiro tutuaye mehna ye ihñono dūhse ijiro boro sa ye ihñojari tiqiro, masa tūhotugū? Tiqiro dutiyere masa yeri wapa sa ye ihñodari tiqiro. Tiqiro buheyere quehnoano masa tūhogū ihñano tiqirore masa wacū tutuagū sa ye ihñori tiqiro.

⁶ Abrahā Cohācjūre wacū tutuahye. Tiqiro sa yegū tiqirore Cohācjū “Quehnoariqiro ijire”, ni ihñahye.

⁷ Sa yena ahri yūhu niatire masiña masa: Cohācjūre wacū tutuayequinata potota Abrahā panamena iji turiayequina ape tjuro cjēna yero saha ijire.

⁸ Panopū Cohācjū yere tiquina ojoari pūpū ohō saha ni yahuahye: Judio masa ijieyequina Cohācjūre tiquina wacū tutuagū ihñano “Quehnoañequina ijire”, ni ihñare Cohācjū. Tiqiro sa ni ihñatire Cohācjū panopū masiyuro, tiqiro quehnoañē buheyere Abrahāre yahu māhta tuhasahye. “Mūhu mehna ahri yehpa cjēnare ijiphiyequinare quehnoano yeitja”, niahye Cohācjū Abrahāre.

⁹ Sa yero Abrahā Cohācjūre quehnoano tūho wacū tutuahye. Tiqiro sa wacū tutuagū ihñano Cohācjū tiqirore quehnoano yehaye. Sa ye apequina masa Cohācjūre tiquina wacū tutuagū, tiquina gūhure quehnoano yerota Cohācjū, Abrahāre tiqiro yeriro sahata.

¹⁰ “Ti dutiyere Moiserē tiqiro cūri mehna Cohācjū yequina wahanata”, ni tūhotuyequina buhiri tiyequina ijire. Tiqiro ojoari pūpū sata nine: “Cohācjū dutiyere tiqiro ya pūpū tiquina ojoarire ye pehoeyequina buhiri tiyequina ijire tiquina ijiphiyequina”, ni ojoahye.

¹¹ Cohācjū yere tiquina ojoari pūpū ohō saha nine: “Cohācjūre wacū tutuayequinare ‘Quehnoañequina ijire’, ni ihñare Cohācjū. Sa wacū tutuaye ijiphiye decori Cohācjū mehna sa ijiducuetā”, nine Cohācjū yere tiquina ojoari pūpū. Tiqiro sa

nigū ahri yuhū niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohācjū.

¹² Dutiyere yeye mehna Cohācjū caharū waha duayequina Cohācjūre wacū tutuere. Ohō saha nine Cohācjū yere tiquina ojoari pūpū: “Dutiyere yeye mehna quehnoañequina waha duayequinare ti dutiyere ye pehoro cahmene tiquinare”, nine Cohācjū yere tiquina ojoari pūpū.

¹³ Sa ye ti dutiye marine buhiri tigū yere. Mari buhiri tigū ihñano Cristo pehe tiqiuro basi mari ye buhirire buhiri tiriqiuro waharo, mari buhiri tiborire buhiri ti basahye marine. Cristo tiqiuro buhiri tiatire yahuro ohō saha ni ojoahye panopure: “Ijipihtiyequina yucaripū tiquina duhu ohōriquina buhiri tiriquina ijire”, ni, ojoahye panopure.

¹⁴ Tiquiuro sa ni ojoariro sahata sa yeahye Cristore. Cohācjū Abrahāre “Ahri yehpa cñenare quehnoano yeitja”, tiqiuro nidiro sahata yero niahye masare. Sa yeahye Cristo mehna. Tiquiuro yariahye judio masa ijieyequinare Cohācjū quehnoano tiqiuro yeatire. Sa yero Jesucristo mehna sohtori tiahye Cohācjū Abrahāre tiqiuro nidiro sahata. Sa yeahye tiqiurore mari wacū tutuari bato Espiritu Santore mari cūoatore.

Tiqiuro buherire quti mehna yahu nemoahye Pablo

¹⁵ Yuhū acaye, masa ye quti mehna ti yuhū nidire yahutja masare: Tiquina pacuro tiqiuro yariato pano tiqiuro pohne camesatiye yahuri pū ohō saha ni ojoare. “Yeere yuhū pohñare ohoutja”, ni ojoare. Tiquiuro sa ni oja cūri pūre tiqiuro yariato pano apeqiuro pehe ti pūre sijoro saha ni oja nemo masiedare. Sa yero ti pūre “Poto ijierare”, ni masiedare.

¹⁶ Ti pūre tiquina pacuro tiqiuro pohñene tiqiuro cūriro saha “Musare quehnoano yeitja”, Cohācjū nino, Abrahāre tiqiuro panamino iji turariqiuro gūhure nino niahye. Sa nino apequina tiqiuro panamino iji turiayequinapure nino niedahye. Ihcāqiroreta tiqiuro panamino iji turariqiuro dihitate nino niahye Cohācjū. Tiquiuro Abrahā panamino iji turariqiuro Cristo ijire.

¹⁷ Yojoपुरe quehnoano yahutja masare: Abrahā gūhure Cohācjū “Musare quehnoano yeitja”, tiqiuro ni cūri bato cuatro ciento treinta cahmari yuhduri bato tiqiuro dutiyere Moisere cūahye. Sa cūno Abrahā gūhure Cohācjū “Musare quehnoano yeitja”, tiqiuro nidire boro taro niedahye.

¹⁸ Cohācjū marine yuhdūoro dutiyere mari yeye mehna marine yuhdūoerare.

Dutiyere yeye mehna mari yuhdūgū Cohācjū “Musare quehnoano yeitja”, tiqiuro nidi pehe dūhseati ijieraboaga. Marine yuhdūoro taro Cohācjū Abrahāre tiqiuro ni cūri mehna sa yero taro niahye.

¹⁹ ¿Sa yero dūhse yeatire tiqiuro dutiyere cūri Cohācjū? Tiquiuro dutiyere cūahye ti dutiyere mari yuhdūdūcarire mari quehnoano masiatire. Sa yero panopure Cohācjū “Muhū panamino iji turariqiuro mehna masare quehnoano yeitja”, Abrahāre tiqiuro nidiqiuro tiqiuro wihiato pano Cohācjū dutiyere cūmahye masa. Sa yero Cohācjū dutiyere tiqiuro cūgū tiqiuro yequina angele pehe tire duti turiahye. Sa ye Moisere tiquina cūgū, tiqiuro pehe masare cū turiahye tja.

²⁰ Ti dutiyere Moise cū turiagū Cohācjū tiqiuro basita masare cūedahye. Sa cūedaperota Cohācjū “Muhūre quehnoano yeitja”, Abrahā pehere ni cūno, tiqiuro basita sa ni cūahye.

²¹ Cohācjū Moisere tiqiuro dutiyere cūno, to pano Abrahāre tiqiuro nidire “Abrahāre yuhū nidiro saha yesi yuhū”, nino niedahye tiqiuro. Abrahāre tiqiuro nidiro sahata yero taro niahye. Tiquiuro dutiye yeye mehna Cohācjū yequina wahana ti pje pūrita dutiyere mari yeye mehna quehnoana waha boaga mari.

²² Sa yero Cohācjū tiqiuro yere tiquina ojoari pū pehe ijipihtiyequina ñañe buhiri tiyequina tiquina ijiyere yahuahye. Sa ni yahuahye Cohācjū “Musare quehnoano yeitja”, to pano tiqiuro nidiro sahata yero taro. Sa yero Jesucristore wacū tutuayequinare quehnoano yere to pano tiqiuro nidiro sahata.

²³ Cohācjūre wacū tutuati buheyere marine tiqiuro cūato pano tiqiuro dutiye pehe mari ñañe yerire marine masigū ye tuhasari. Sa ye marine yahuri ti dutiye pehe. Cohācjūre wacū tutuati buheyere marine tiqiuro yahugūpū tiqiuro dutiye marine yahu duhuri.

²⁴ Sa ye Cohācjū dutiye pehe Cristo wihiato pano marine yahuri. Sa yahuri marine Cristore mari wacū tutuaye mehna Cohācjū “Quehnoana ijire”, marine tiqiuro ni ihñatire.

²⁵ Yojoपुरe pūritare Cristore mari wacū tutuari pje ijire. Ti sa ijigū tiqiuro dutiye pehe marine yahu nemoedare. Marine duti nemoedare.

²⁶ Sa yena Cristo Jesure masa wacū tutuaye mehna Cohācjū pohña ijire masa.

²⁷ Ijipihtina masa Cristo wame mehna wame yenohrina ijina, Cristo Cohācjū macano tiqiuro ijiro sahata tiqiuro pohñata ijire masa gūhū.

²⁸ Yojoपुरe pūa curua ijierare masa. Judio masa ijiena, judio masa mehna pūa curua

ijierare mûsa. Cahacjána, cahacjána ijiena mehna pua curua ijierare mûsa. Ûmua, numia mehna pua curua ijierare mûsa. Sa yena ijipihitina mûsa Cristo yequina ijina, ihcâ curuata ijire mûsa.

²⁹ Sa yena Cristo yequina ijina, Abrahâ panamena iji turiana yero saha ijire mûsa. Mûsa sa ijina ijigû Cohâcjû Abrahâre “Musare quehnoano yeitja”, tiqûiro nidiro sahata mûsa gûhare quehnoano yerota tiqûiro. Cristo yequina mûsa ijigû ihñano musare quehnoano yerota.

4

¹ Ohô saha ijire ahri quitu mehna yûhu yahu nemogû: Tiquiro pacuro came tiqûiro yere neatiquiro wahmuno iji câhtariquiro ijioropu ijipihitiye tiqûiro ye ijiepegûta cahacjâno yero saha ijire tiqûiro.

² Sa ye tiqûiro wahmuno iji câhtariquiro ijigû tiqûirore ihña ihboyequina tiqûiro yere ihña ihbore. Sa yero tiqûiro pacuro queoriro esagûpu tiqûiro pacuro yere cuorota.

³ Ohô saha wahmuno iji câhtariquiro yero saha ijimi mari gûhu. Sa ijina mari ijigû cahacjênare tiquina dutiro saha ahri yehpa cjê dutiye masa ye dutiye marine dutinimedi.

⁴ Mari sa ijina ijiepegûta tiqûiro queori pje esagû Cohâcjû tiqûiro macunore ohoahye. Sa tiqûiro ohogû tiqûiro macuno ihcâcoro nuhmino mehna masa bajuahye. Sa yero tiqûiro judio masuno masa bajuagû Cohâcjû dutiye Moisere tiqûiro cûri tiqûiro dutinimahye.

⁵ Mari gûhare ti dutiyeta dutinimahye. Sa yero marine yûhdûoatiquirore ohoahye Cohâcjû tiqûiro macunore, tiqûiro pohna mari wahatire.

⁶ Sa yero tiqûiro pohna mari ijigû Cohâcjû macuno tiqûiro yaquiro Espiritu Santore mari mehna ijiatiquirore ohoahye Cohâcjû. Tiquiro yaquiro Espiritu Santo pehe Cohâcjûre “Mai”, niniquiro ijire.

⁷ Sa yena mûsa Cohâcjû yedohoye mehna cahacjâna ijierare mûsa yojopure. Tiquiro pohna ijire mûsa. Sa yena tiqûiro pohna ijina, Cohâcjû tiqûiro ohoatire cuonata.

Pablo Galacia cjênare Jesu yequinare cuesâhye

⁸ Panopu Cohâcjûre mûsa masiena ijina “Cohâcjû ijire”, mûsa niñe queoyere ño peona ti queoye cahacjâna ijimahye mûsa. Mûsa sa ño peoyequina cohâmana waro ijierahye.

⁹ Sa ijirina ijiepenata yojopure Cohâcjûre masine mûsa. Ijierare. Tiquiro pûrita mûsa pehere masine. ¿Tiquiro sa masiepegûta dahse yena ahri yehpa cjêna ye buheye pehere cahmejari mûsa? Ti buheye dahseati ijierare. ¿Dahse yena panopu mûsa

yero sahata Cristo marieno ye duajari mûsa? ¿Dahse yena dutiyere mûsa yeducuri mehnata Cohâcjû cahapu waha duajari mûsa? Wahasi mûsa.

¹⁰ Ihquê decorire, ihquê asârine, ihquê pohecurire, ihquê cahmarine bose decorire dahre dutire mûsa. “Mari sa yeye mehna dutiye mehna yûhdunata”, ni, tuhutumene mûsa.

¹¹ Mûsa sa ni tuhutugû musare tutuaro yûhu buheri dahseati ijieraboaya, yûhu tuhutugû. Sa yegu musare cuesâja.

¹² Yûhu acaye ahrire tutuaro dutiitja musare: Cristore yûhu tuhuturo sahata mûsa gûhu tiqûirore tuhutuya. Panopu dutiye yeye mehna yûhdû duayequina ijieramahye mûsa judio masa ijiena ijina. Yojopu pehere yûhu gûhu mûsa yero saha wahau, dutiye yeye mehna yûhdû dueragu. Sa yena Cristore yûhu tuhuturo sahata mûsa gûhu sata tiqûirore tuhutuya.

Mûsa mehna yûhu ijigû quehnoano yeri mûsa yûhare.

¹³ Dohatiguputa musare quehnoañe buheye coâ warore buhe ducan yûhu.

¹⁴ Yûhu sa dohatigu ijiepegûta yûhare yabierari mûsa. Sa yena yûhare cohâ tojoerari mûsa. Sa yena Cohâcjû yaquiro angelre, Jesucristo gûhare mûsa piti caboriro saha yûhare quehnoano piti cari mûsa.

¹⁵ ¿Yojopure dahse wahari mûsa bucueye? Musare ahrire niitja: Purîñene ducana mûsa caperire ore we ne yûhare ohoaboaya mûsa.

¹⁶ ¿Yûhu mehna cjâna ijiepenata yojopure queoro musare yûhu yahuri buhiri ihña tuh-tajari mûsa yûhare?

¹⁷ Sohô ijiriquina musare tutuaro cahmesâre. Tiquina tuhutuye sijoro saha ijire. Quehnoañe ijierare. Tiquina musare yûhare yûhdûducagû cahmene, tiquina pehere ño peo dutiye.

¹⁸ Quehnoano mehna mûsa quehnoano wahati pehe musare tiquina cahmesâgû quehnoariboaga. Sa ye topure yûhu mariedagû gûhare tiquina sa cahmesâgû quehnoariboaga.

¹⁹ Yûhu pohngâ, niji wahcôricoro ticoro ñano yûhdaro saha musare ñano wacû tuhutuaja yûhu. Tee Cristo yero saha mûsa ijigûpu musare wacû duhutja.

²⁰ Mianogâ mûsa mehna ijigu tuhtiro marieno bucueye mehna mûsa mehna yûhu yahugû quehnoaboaga yûhare. Musare pajiro tuhutugu niaja yûhu.

Agar Sara mehna tiquina ijirire yahuahye Pablo

²¹ Tûhoya mûsa yûhare. Cohâcjû dutiye yeye mehna yûhdû duana ijiepenata tiqûiro dutiye pehere quehnoano masiedare mûsa.

²² Ohô saha niahye Cohâcjû yere tiquina ojoari pûpu: Abrahâ puaro pacuro ijiahye.

Tiquiro cahacjõno Agar wame tiricoro mehna ihcãquirore pohna tiahye. Sa ye tiquiro namono poto Sara wame tiricoro mehna gũhare ihcãquiro pohna tiahye.

²³ Sa ijiepegũta tiquiro cahacjõno macũno masa mari yero saha masa bajuahye tiquiro. Tiquiro namono poto macũno pehe "Ihcãquirogã pohna tinata masa", Cohãcjũ ni yahuriro sahata masa bajuahye tiquiro pehe.

²⁴ Ahri quti marine quehnoano queoye mehna yahure: Cohãcjũ pũa taha masare "Mũsare yedohoutja", tiquiro niñe yero saha ijire ahriquina numia pũaro numia. Ihcãcoro Sinaí wame tidũpũ Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegũ judio masa gũhũ dutiyere yeducuye mehnata yũhdũ duayequina ticoro yero saha ijire. Tiquina cahacjẽna yero saha ijire.

²⁵ Ticoro Sinaí wame tidũ Arabiapũ ijidũ yero saha ijiricoro ijire. Yojoipũre Jerusalẽ cjẽna judio masa dutiye yeye mehna yũhdũ duayequina dutiye cahacjẽna yero saha ijire. Sa yeye mari queoye mehna buhegũ tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare.

²⁶ Mari pehe Cristo yequina ijina Cohãcjũ pohna ijiaja. Sa yena uhmũse cjãna ijiaja. Jerusalẽ uhmũsepũ ijiri maca cjãna ijiaja mari. Topũre masa tiquina yũhdũatire dutiyere yeye mariedare.

²⁷ Cohãcjũ yere tiquina ojoari pũpũ ohõ saha ni ojoahye Cohãcjũ pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna saũuducuya, niji wahcõno purĩnore masiego ijigo. Mũhũ pehe manũ cohõrigo ijigo apocoro manũ tiricoro yũhdũoro peyequina pohna tigota. Sa yego bucueya, ni ojoahye panopũre ticoro pohna tiato pano Sara yero saha ijiricorore yahuro.

²⁸ Yũhũ acaye, Cohãcjũ niđiro sahata Isaac masa bajuahye. Mari gũhũ tiquiro yero saha Cohãcjũ niđiro sahata tiquiro pohna ijiaja mari.

²⁹ Sa ijiepegũta ti pjeipũre ihyo ijiriquiro yero saha masa bajuariquiro ñano yeahye apequirore Espĩritu niđiro sahata masa bajuariquirore. Yojoipũ gũhare sata ijire Cohãcjũ yequinare masa ñano yegũ.

³⁰ Sa yero ohõ saha nine Cohãcjũ yere tiquina ojoari pũpũ: "Cahacjõno macũno tiquiro pacũro yere cũo masiedare. Tiquiro namono poto macũno pehe tiquiro pacũro yere cũo masine. Sa ye tiquiro cahacjõnore ticoro macũno mehnata cohã cãhã", ni ojoahye.

³¹ Yũhũ acaye, ne cahacjõno pohne yero saha ijieraja mari. Sa yena Abrahã na-

mono poto pohne yero saha ijiaja. (Sa yena Cohãcjũ mari Pacũ yere cũo masiaja.)

5

Cristo marine cahacjẽna yero saha ijiyere tiquiro duhugũ yeri bato tutuana ijiro cahmene marine

¹ Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiaja masa. Ti dutiye mehna yũhdũ duayequina cahacjẽna yero saha ijimedina pari turi cahacjãna sajedacãhãna masa.

² Yojoipũre yũhũ Pablo ahrire yahutja mũsare: "Cũhnucunũ sohtoa cahserogãre mari yũhre nedi mehna yũhdũnata", masa ni tahotugũ Cristo mũsare tiquiro yedohori duhseati ijierare mũsare.

³ Ijipihũna ti cahserogãre masa yũhre nedi mehna yũhdũ duanare pari turi ohõ saha ni yahutja yũhũ. Ti cahserogãre masa yũhre nedi mehna yũhdũ duana, apeye Cohãcjũ dutiyere ye pehoerana, yũhdũsi masa.

⁴ Dutiyere yeye mehna yũhdũ duana Cristo pehere cohãri masa. Sa yena mũsare Cohãcjũ tiquiro cahĩene, tiquiro yũhdũo duayero duhu cãri masa.

⁵ Sa ijiepegũta Espĩritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ "Quehnoana ijire", ni ihũare Cohãcjũ marine. Tiquiro sa ni ihũagũ marine tiquiro yũhdũoatire masiaja mari.

⁶ Cristo Jesu yequina ijina cuhnucunũ sohtoa cahserogãre mari yũhre negũ ne duhseati ijierare. Ti cahserogãre mari yũhre nedagũ gũhare ne duhseati ijierare. Sa ijiepegũta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

⁷ Masa Cristore quehnoano wacũ tutuamedĩ. ¿Quehnoañe buheyere mũsare yũhũ acaye judio masa tiquina yũhdũdũca dutigũ duhse yena tiquinare yũhtiri masa?

⁸ Tiquina ye buheye Cohãcjũ mũsare cũriquiro tiquiro ye buheye ijierare.

⁹ Ahri yũhũ niatire wacũña masa: Mehenogã pã pugũ yeye trigo yũbare quehnoano ti sehoro saha yũhũ acaye judio masa ye buheye pehere peyequina masa mehna cjẽna cahmeboaga.

¹⁰ Mari puhtoro Cristore wacũ tutuaja yũhũ. Sa yegu ahri yũhũ niatire masiaja yũhũ. Cristo yedohoye mehna apeye buheyere camepũre cahmesi masa. Tire masiaja yũhũ. Mũsare dojomehne cohteyequina noho ijiequina ijiaja. Tiquinare Cohãcjũpũ buhiri dahrerota.

¹¹ Yũhũ acaye, "Dutiye yeye mehna yũhdũnata", tiquina ni buheyere yũhũ buhegũ ijigũ judio masa yũhũre ñano

yeraboaga. Cristo curusapu tiqiro yariarire yahuye buheyere yuhu buheri buhiri tiqina ñano yeri yuhare. Cristo ye buheye mehna judio masa ye buheyere yuhu buhe moregü yahure ñano yeraboaga tiqina.

¹² Masare dojomehne cohteyequina musa cuhnucunu sohtoa cahserogäre yahre ne dutiyequina tiqina basi dihita yahre neahdo.

¹³ Yuhu acaye, “Dutiye mehna yuhdanata”, ni tãhotu dutierare Cohãcã musare. Ti dutiye mehna yuhduerapenata ti dutiye yuhducaeracãña masa. Sa ye musa mehna cjenare cahme cahna, tiqina cahacjena yero saha yedohoya tiquinare.

¹⁴ Ihcã dutirore quehnoano yena, Cohãcã dutiyere ye pehona naja mari. Ohõ saha ijire ti dutiro: “Muhu basi muhu cahno saha muhu cahapu ijiyequina gũhare cahña”, ni, dutiahye.

¹⁵ Sa yena wahiquina yero saha musa basi cahme duse tutueracãña. Sa yena cahme-quedacãña. Musa mehna cjena “Cristo yere duhuari”, nina, quehnoano yeya musa.

Masa ñañene tiqina tutuaro cahmeñene, Espiritu Santo cahmeñe gũhare yahuahye Pablo

¹⁶ Espiritu Santo tiqiro cahmeno sahata ijya musa. Sa yena musa ñañene musa tutuaro cahmeñene yeracãña.

¹⁷ Ñañene musa tutuaro cahmegü Espiritu Santo ihña tuhtire. Tiquiro sa ihña tuhtigü ti ñañene duhu duare musa. Sa yena ñañene musa tutuaro cahmena, Espiritu Santore ihña tuhtire musa. Sa ihña tuhtina tiqiro cahmeno saha yerare musa. Sa ye ñañene musa tutuaro cahmeñe Espiritu Santo tiqiro cahmeñe yero saha ijierare. Sa ye Espiritu Santo tiqiro cahmeñe ñañene musa tutuaro cahmeñe yero saha ijierare ti. Sa yena musa cahmeno saha yerare musa.

¹⁸ Sa yena Espiritu Santo tiqiro cahmeñene yena ijina “Dutiye mehna mari yuhdanata”, ni, tãhotuerare musa.

¹⁹ Masa ñañene tiqina yeyere mari quehnoano masi tuhasaja. Ohõ saha ijire ti: Numino mehna ñano yeye, wana mehna ñano yeye, wana tiye, bæ tiro marieno ñano yeye,

²⁰⁻²¹ “Cohãcã ijire”, tiqina niñe queoyere ño peoye, masare ujuayequina yayia tiqina yeye, ihña tuhtiyere, cahme duse tini wiaye, doeye, usuaye, tiqiro basi dihita cuo duaye, ihña tuhti cahme tu waye, ihcã curua cjena ape curua cjenare ihña tuhtiyere, apequina yere cooye, masare wejẽne, queheye, queheye bõse decorire yeye, ohõ saha ijire ijire ñañene yeye. Панорн musare cuaro mehna yuhu nidiro sahata yojorõ

gũhare niitja: Ti borore yeriquina Cohãcã puhtoro ijiorõpore ahmusepore ne esasi.

²² Espiritu Santo pehe marine ohõ saha yena ijigü yere: Masare cahña, bucuena, cueye mariena, usua mañena, apequinare quehnoano yena, quehnoano, duhoro marieno Cohãcã cahmeñene yena,

²³ quehnoano mehna yena, tiqina ñañe ye duarire yerana ijigü yere marine tiqiro. Sa yeyequinare “Sa yeracãña”, ne ihcãquiro niedare.

²⁴ Cristo Jesu yequina ijina tutuaro mari ñañene ye duarire cohã tuhasa.

²⁵ Espiritu Santo marine Cohãcã mehna sa ijiducugü yerota. Sa yena tiqiro cahmeno sahata yeducuna ijihna mari.

²⁶ “Apequinare masi yuhducaja usã”, ni, tãhotuna ijieracãña mari. Sa yena mari mehna cjenare usuagü yeracãña mari. Sa yena mari basi cahme coeracãña.

6

Musa mehna cjenare yedohoya

¹ Yuhu acaye, ihcãquiro musa mehna cjeno tiqiro ñañene yegü Cristore quehnoano wacü tutuana ijina cahñe mehna tiqirore yedohoya quehnoañene pari turi tiqiro yeatire. Sa yena musa gũhu “Ñañene tutuaro cahmeari”, nina quehnoano yeya.

² Musa mehna cjena tiqina ñano yuhdugü gũhare yedohoya tiquinare. Musa sa yena Cristo tiqiro dutiro saha yena ninata musa.

³ Ihcãquiro ihyo ijiriquiro ijieperota “Apequinare masi yuhducaja”, ni tãhoturo, tiqiro basi ni mehoñe dihitare tãhoturiquiro ijire.

⁴ Ihquẽquina musa sehvaro musa yerire “Ahri quehnoañe ijire. Ahri ñañe ijire”, ni masiña. Sa masina musa yeri quehnoañe ijigü musa basi bucuenata. Sa yena “Apequinare masi yuhducaja”, nisi musa. Sa niedana apequinare musa yuhducaari mehna bucueni musa.

⁵ Sa yero Jesu yaquiro Cohãcã yere tiqiro basi yere. Apequiro masano tiqirore tire yedoho masiedare.

⁶ Sa yena quehnoañe buheyere buheriquirore apee boro musa cuoyere tiqirore ohoya musa tiqiro buhena.

⁷ Oteyere oteriquiro ñañe pjerire otero ñañe ducare cuorota. Quehnoañe pjerire otero quehnoañe ducare cuorota. Ohõ saha mari gũhu ñañene yena ñañene cuonata. Sa yero mari ñari buhiri buhiri dahrerota. Quehnoañene yena quehnoañene cuonata. Sa yena quehnoano ijinata. Sa yena “Usã ñañene yegü Cohãcã usãre buhiri dahresi”, ni tãhotueracãña. Ñañene yeyequina Cohãcãre bujapeyequina ijire. Cohãcãre bujapeyequinare buhiri dahrerota tiqiro.

⁸ Mari ñañene tutuaro cahmena, tire yena, ti mehnata yarianata. Sa yena pecapũ wahanata. Espiritu Santo pehe tiquiuro cahmeñene mari yegũ tiquiuro marine ijipihtiye decori ummusepũ ijiducugũ yerota.

⁹ Sa yena quehnoañene yena tire caributieracãhna mari. Cohãcjũ tiquiuro queori pje ijigũ quehnoañene cuonata mari caributierana.

¹⁰ Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pũritare apequina yuhũoro quehnoano yeihna.

Pablo yahu bato tiro, quehnoa duti bato tiahye

¹¹ Bũjuye letra yuhũ ojoari mehna ya omoca mehna musare yuhũ ojoarire ihñaña musa.

¹² Musare cuhnucunũ sohtoa cahserogãre yuhre ne dutiyequina masa tiquinare ño peogũ cahmene. Cristo curusapũ tiquiuro yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina musare cuhnucunũ sohtoa cahserogãre yuhre ne dutire “Judio masa ye buheyere yeaja”, niñe. Sa tiquina ye dutigũ judio masa tiquinare ñano yeraboaga. Sa ye ti cahserogãre yuhre ne dutire.

¹³ Musare ti cahserogãre yuhre ne dutiyequina pehe Cohãcjũ tiquiuro dutirire ye pehoerare. Sa ye ti cahserogãre musare tiquina yuhre ne dutiri bato musa yuhũtigũ ihñañe, judio masa pehe tiquinare musare yuhre ne dutiyequinare ño peoboaga. Tiquina sa ño peotire musare dutire tiquina.

¹⁴ Yuhũ pehe masa yuhũre tiquina ño peogũ cahmeda yuhũaja. Mari puhtoro Jesucristo curusapũ tiquiuro yariari pehere masa tiquina ño peogũ cahmesãja yuhũ. Sa curusapũ tiquiuro yariagũ ahri yehpa cjẽ ñañene watĩno yuhũre tiquiuro ye dutigũ yerũ yuhũ. Sa yariaro ti ñañene yuhũre cahmedagũ yeri tiquiuro.

¹⁵ Tiquiro sa yegũ Cristo Jesu yequina ijina ti cahserogãre mari yuhre negũ ne duhseati ijierare. Ti cahserogãre mari yuhre nedagũ gũhũre ne duhseati ijierare marine. Sa ijiepegũta quehnoañe pehere mari came-sagũ pũritare quehnoare.

¹⁶ Ijipihtina ahri yuhũ buherire yena, potota Cohãcjũ yequina ijina, cuero marieno quehnoano ijia musa. Sa yena Cohãcjũ tiquiuro paja ihñano mehna ijia musa.

¹⁷ Mari puhtoro Jesu cahacjũ yuhũ ijiri buhiri yuhũ pagure camĩ tiaja yuhũ. Yuhũ sa ijirigũ ijigũ yojopũre apequina yuhũre cariboeracãhdo.

¹⁸ Yuhũ acaye, mari puhtoro Jesucristo mehna musare ijipihtinare quehnoa duti-aja. Sata ijiahro.

Efesios

Efeso cjenare ojoa ohoahye Pablo

¹ Yuhu Pablo musare Efeso wame tiri maca cjanare ojoa ohoaja. Yuhu Jesucristo yere buhe duti tiqiro cūrigū ijiaja. Cohācǵū tiqiro cahmeno sahata Jesu yahure tiqiro yere buheacjare cūri. Sa yegu musare Jesucristore sa wacū tutuaducunare ojoa ohoaja yuhu.

² Sa yegu Cohācǵū mari Pacu mehna, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

Cristo yequina mari ijigū ihñano Cohācǵū quehnoano yere marine

³ Cohācǵū, mari puhtoro Jesucristo Pacuro marine quehnoano yeducure. Ijipihitiye tiqiro ye uhmuse cǵē quehnoañe mehna tiqiro marine quehnoano yeducure. Marine tiqirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiqirore quehnoano yahuducuhna.

⁴ Ohō saha yeahye tiqiro marine tiqiro yequinare: Ahri yehpa ijiato pano tiqiro yequina ijanajare bese tuhasahye tiqiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiqiro ihñagū. Sa yero marine “Ñana ijire musa”, nisi tiqiro.

⁵ Marine cahño, paja ihñano panoru ohō saha niahye tiqiro marine: “Yuhu macu Cristo yedohoro mehna tiquina yuhu pohna ijieta”, ni cūahye marine panoru. Tiquiro cahmediro sahata sa yeahye tiqiro marine.

⁶ Marine tiqiro sa quehnoano yegū ihñana ño peoye mehna tiqirore quehnoano yahuducuhna. Tiquiro macuno tiqiro cahñiquiro yequina mari ijigū ihñano quehnoano yere marine. Sa yena tiqirore quehnoano yahuducuhna.

⁷⁻⁸ Cristota ijire marine pecaru waha-borinare yuhduoiquiro. Mari ñañe yerire tiqiro cohāgū ihñano, Cohācǵū pehe mari ñañene bore. Cristo mari ñañe buhirire yari-aro tiqiro diire cohāhye. Marine tutuaro cahño, marine paja ihñano sa ye dutiahye Cohācǵū. Tiquiro masi pehoye mehna sa ye dutiahye tiqiro.

⁹⁻¹⁰ Sa yero marine tiqiro yeatire marine masigū yeri. Panoru apequinare tire masigū yerahye tiqiro. Ohō saha ijire marine tiqiro yeati: Tiquiro cahmediro sahata tiqiro tuhaturiro sahata ijipihitiye-quinare ihcā curuata Cristo yequina ijigū

yerota. Sa yero ijipihitiyere tiqiro ye ijigū yerota. Tiquiro queori pje ijigū uhmuse cǵēnare, ahri yehpa cǵēna gāhare, ihcā curu-ata tiqiro yequina ijigū yerota. Sa yero uhmuse cǵēne, ahri yehpa cǵē gāhare tiqiro ye ijigū yerota. Sa yero Cristo pehe ijipihitiyequina puhtoro ijirota. Sa ye ijipihitiye tiqiro ye dihita ijirota. Sa ijiatiqiro iji dutiahye Cohācǵū tiqirore.

¹¹ Sa yero Cristo yequina mari ijiatire masino panoru Cohācǵū marine bese tuhasahye tiqiro yequina mari ijiatire. Ahri ijipihitiyere cūahye tiqiro tuhaturiro sahata, tiqiro cahmediro sahata yero taro.

¹² Sa yeahye tiqiro yere mari yeatire. Mari sa yegū ihñañe apequina tiqirore ño peoye, “Tutuagu ijire mahu”, ñine. Usā pehe judío masa Jesure cahme ducarina ijina tiqirore wacū tutua maharina ijii.

¹³ Musa gāhu poto yahuducuyereta quehnoañe buheyere tuhori. Ti buheye mehnata Cohācǵū caharu wahanata musa. Tire tuhona tiqirore wacū tutuari musa. Sa wacū tutuana tiqiro yequina wahari musa. Tiquiro yequinare ohō saha niahye Cristo: “Mūsare Espiritu Santore ohoutja”, ni yahu cūahye. Sa yero tiqirore musa wacū tutuagū ihñano Espiritu Santore ohori musare. Sa yero Espiritu Santo musa mehna ijiro Cohācǵū yequina musa ijiye tiyere masigū yere tiqiro pehe.

¹⁴ Cohācǵū marine yuhdagū yere. Sa yero came tiqiro caharu neanota marine. Marine tiqiro neato pano Espiritu Santo pehe Cohācǵū yere mari cūoatire masigū yere marine. Cohācǵū marine tiqiro sa yegū ihñana tiqirore ño peoye mehna “Quehnoagu ijire mahu”, niaja mari.

Pablo Cohācǵure sini basahye Jesu yequinare

¹⁵⁻¹⁶ Cristore musa wacū tutuana ijigū ihñagu Cohācǵure sa sini basaducujaja musare. Jesucristore musa wacū tutuarire, ijipihitiyequina tiqiro yequinare musa cahidire tuhogu Cohācǵure “Quehnoare”, niaja. Ohō saha tiqirore sini basaja musare:

¹⁷ Cohācǵū uhmuse cǵēno tiqiro yere musa quehnoano masiatire sini basaja. Sa yegu tiqirore musa quehnoano masiatire sini basaja musare. Tiquiro mari puhtoro Jesucristo Pacuro ijire.

¹⁸ Sa yegu musa quehnoano masiatire musare sini basaja Cohācǵure. Tiquiro musare yuhduoro, tiqiro yequina ijigū yeri musare. Tiquiro sa yegū quehnoa yuhduare marine. Tire musa masiatire sini basaja musare Cohācǵure. Sa yegu marine tiqiro ohoatire quehnoa yuhdaye ti ijigū gāhare musa masiatire sini basaja.

¹⁹ Ohō saha mūsa masiatire sini basaja mūsare Cohācjüre. Cohācjüre wacū tutuana mari ijigū ihñano tiqiuo tutuaye mehna marine yedohore. Tutua yuhdūariqiuo ijire. Ti gāhure mūsa masiatire sini basaja Cohācjüre.

²⁰ Ti tiqiuo tutuaye mehna tiqiuo Cristo yariariqiuore masoahye. Sa yero ahmūsepū tiqiuo potō pehepū Cristore dūjigū yeahye Cohācjū, ijipihtiequinare tiqiuo dutiato saha.

²¹ Topū dujio ijipihtiequina ahmūse cjēna pūhtoā bui, ijipihtiequina arequina bui ijire Cristo. Sa yero yojopūre ijipihtiequina ahri deco cjēna bui pūhtoro ijire. Camepū ijipihtiequina ape deco cjēnapū gāhure tiquina bui pūhtoro ijiatiquirota ijire tiqiuo.

²² Sa yero ijipihtiequina bui cūahye Cohācjū Cristore. Sa yero ijipihtiyere cūoriqiuo yeahye tiqiuore. Sa yero Cristo yequina ihcā curua ijiequina bui pūhtoro sōahye tiqiuore. Tiquina dapu ijire tiqiuo pehe.

²³ Cristo yequina ihcā curuata ijina, tiqiuo pagū yero saha ijiaja. Cristo ijipihtiropū sa ijiducure. Sa yero ijipihtie tiqiuo bajumehnedi mehna sa ijiducure.

2

Cohācjū marine cahñno, paja ihñano yuhdūoahye marine

¹ Nāñe buhiri tina, pecapū butiborina mūsa ijiepegūta Cohācjū mūsare yuhdūori.

² Panopūre ahri yehpa cjēna Cohācjüre yuhdūdcayequina yero saha yemedi mūsa. Sa yena wafino tiqiuo nidiro saha yemedi mūsa. Tiquo wafino ahri yehpapū dutiriqiuo Cohācjüre yuhdūdcayequina pūhtoro ijire.

³ Panopūre ijipihitina mari ohō saha dihita yerina ijimi. Mari ñañe dihitarē tutuaro cahmemi. Mari esa tuharo, mari tuhoturiro saha yemi. Sa yena ijina ijipihtiequina arequina yero saha, mari gāhū ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye.

⁴ Sa ye duariqiuo ijieperota marine tutuaro paja ihñano, quehnoano cahidi marine.

⁵ Sa cahñ yuhdūaro, mari ñañe buhiri pecapū butiborina mari ijiepegūta marine tiqiuo mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, yuhdūori tiqiuo marine.

⁶ Sa yero Cristo yequina mari ijigū ihñano Cohācjū marine came tiqiuo masoatinare cūri. Cristo tiqiuo masoatinare cūri marine. Sa yena tiqiuo mehna masa mūjanata mari. Sa yero ahmūsepū marine Cristo mehna ijigū yerota Cohācjū.

⁷ Ohō saha yeri marine tiqiuo paja ihñarire, camepū ijiatiquinare masigū yero taro. Sa yeri tiqiuo tutuaro cahñene tiquinare masigū yero taro. Cristo yequina mari ijigū ihñano sa yuhdūori tiqiuo marine.

⁸ Cristore mari wacū tutuagū ihñano Cohācjū marine pecapū wahaborinare yuhdūori. Marine paja ihñano, marine cahñno marine yuhdūori. Mari esa tuharo mari quehnoano yeye mehna Cohācjū cahapū waha masiedaja mari. Cohācjū pehe marine yuhdūore. Sa yero tiqiuo mehna mari sa ijiducuatire ohore marine. Tiquo sa ohogū mari esa tuharo quehnoañene mari yeri wapa ijierare ti.

⁹ “Ūsā esa tuharo pecapū wahaborina yuhdūu, niboaga”, nino ohō saha dutiahye tiqiuo: Mari esa tuharo yuhdū dutierare marine.

¹⁰ Cristo yequina ijigū yeri marine Cohācjū pehe quehnoañe dihitarē yeanaja mari ijiatire. Panopū quehnoañene mari yeatire cū tuhasahye tiqiuo marine.

Cristore cūona mari quehnoano ijiaja

¹¹ Sa yena panopū mūsa ijie tirire yojopū gāhure wacūña mūsa. Cristo yequina ijieranina judio masa ijina ijina mūsa acaye yero saha yerina ijimedi mūsa. Cuhnucunū cahserogāre yuhre nedari mūsa. Mūsa sa yuhre nedagū ihñana usā judio masa pehe cuhnucunū cahserogāre yuhre nena pehe mūsare ihña tuhtina ohō saha nie ti. “Cuhnucunū cahserogāre yuhre neñeñequina ijie, Cohācjū yequina ijierare”, nie ti mūsare.

¹² Ti pjere Cristo yequina ijierari jimedi mūsa. Ūsā judio masa pehe Cohācjū beserina ijie ti. Ūsā sa ijigū “Mūsare yuhdūoutja”, ni cūahye Cohācjū usāre. Sa yena mūsa pehe tiqiuo sa ni cūrina ijierari jimedi. Sa ye Cohācjū beseriquinare ihña tuhtina injinimedi mūsa. Mūsa ñañe buhirire pecapū wahanaja ijiri jimedi mūsa. Cohācjū mariena ijina pecapū waha, butiborina ijie tiri jimedi mūsa.

¹³ Yojopū pehere Cristo Jesu yequina ijire mūsa. Panopū Cohācjüre ihña tuhtirina ijiepenata, yojopūre tiqiuo yequina ijire mūsa. Cristo mūsa ñañe buhiri curusapū tiqiuo dii cohāri bato Cohācjū yequina ijigū yeri mūsare.

¹⁴ Ūsāre judio masare ihña tuhtina mūsa ijigū ihñano Cristo marine ihña tuhti dutierari. Masare sa ni yahuriqiuo ijire tiqiuo. Ūsā judio masa, judio masa ijina mehna pūa curua mari ijigū ihñano, tiqiuo ihcā curuata ijigū yeri marine. Mari cahme ihña tuhtirire duhugū yeri tiqiuo.

¹⁵⁻¹⁶ Ohō saha tire yeri tiqiuo: Mari ñañe buhirire curusapū yariaro marine pecapū

wahaborinare yuhduori. Sa yuhduoro tiqairo yequina ijigü yeri marine. Sa yero pua curua mari ijiepegäta ihcä curuata wahma curua ijigü yeri marine. Sa yero panopu mari cahme ihña tuhtirina mari ijiepegäta marine ihña tuhtieragü yeri. Sa yero judio masa usä dutiyere cohäri tiqairo. Ti dutiye marine pua curua iji dutiri jimedi. Yojoþure ihcä curuata ijiaja mari. Sa yero Cristo Cohäcju yequina ijigü yeri marine.

¹⁷ Sa yero marine cahme ihña tuhtieragü yero taro Cristo quehnoañe buheyere yahuro ahtahye. Mäsa judio masa ijiena Cohäcju yere cuoeragü jimedi. Mäsa sa cuoeragü ihñano müsare yahuro ahtahye. Usä judio masa pehe Cohäcju yere cuou. Usä gähare yahuro ahtahye. Sa yero ijiphtinare marine cahme ihña tuhtieragü yero, bosaro ahtahye tiqairo.

¹⁸ Yojoþure ijiphtina mari judio masa, judio masa ijiena gähü mari Pacu mehna quehnoano iji masiaja mari. Espiritu Santo tiqairo yedohoye mehna mari Pacu mehna quehnoano iji masiaja mari. Cristo pehe marine sa ijigü yeri.

¹⁹ Sa yena yojoþure ape dihta cjëna yero saha ijierare müsare. Yojoþure Cohäcju yequinare ihña tuhtina ijierare müsare. Cohäcju yequina mehna cjäna ijire müsare. Tiqairo ya curua cjäna ijire müsare.

²⁰ Cohäcju yere yahu muhtariquina panopu cjëna tiqairo ye yahuducuyere oja, müsare yahue tiahye. Usä gähü tiqairo yere yahu dutiro tiqairo cürina gähü Cristo yere yahue tii müsare. Usä ijiphtina sa yahugü tuhona, Cristore wacü tutua ducari müsare. Quehnoa yuhduariqairo, ñañe marieniqairo ijiro, tiqairo yequina ijigü yeri tiqairo müsare. Tiqairo mariedagü mari ne yuhdueraboya.

²¹ Sa yero tiqairo masiñe mehna marine tiqairo yequinare ihcä curua ijigü yeri tiqairo. Sa yena tiqairo masiñe mehna quehnoana wahaja mari. Mari sa ijigü ihñano, tiqairo mari mehna ijire.

²² Sa yena Cristo yequina ijina ijiphtiyequina apequna tiqairo yequina mehna ihcä curua wahari müsare gähü. Mäsa sa wahagü Cohäcju yaqairo Espiritu Santo müsare mehna ijiro nine.

3

Judio masa ijieyequinare quehnoañe buheyere yahuriqairo ijiahye Pablo

¹ Sa yegu yuhü Pablo, Cristo Jesu yere müsare ijiphtina judio masa ijienare yahu yahuri buhiri peresupu ijiaja yahu.

² Cohäcju yuhare paja ihñano, yuhare cahño, quehnoañe buheyere müsare judio masa ijienare yuhare yahu dutiro, cüri. Tire taho tuhasari müsare.

³ Panopu müsare tiqairo yahuerarire Cohäcju yojoþure yuhare masigü yeri. Ahrire mehenogä yahu, müsare oja tuhasau.

⁴ Yuhü sa ojoarire buhena Cristo yere yuhare tiqairo masigü yerire masinata müsare.

⁵ Ti tiqairo yahurire panopu cjëna tiqairo yahuerahye. Yojoþure pehere usäre Jesu cürinare, Cohäcju yere yahu muhtariquina gähare tiqairo yahurire masigü yeri Cohäcju. Tiqairo yaqairo Espiritu Santo pehe usäre masigü ye basari tiqairo.

⁶ Ohö saha ijire tiqairo yahuri: Usä judio masa dihitare Cohäcju yuhduoerare. Judio masa ijieyequina gähare yuhduorota tiqairo. Quehnoañe buheyere tiquina quehnoano tuhogü yuhduorota tiqairo tiquinare. Sa yena usä judio masa, müsare judio masa ijiena mehna ihcä pagu yero saha ihcä curuata ijiaja mari. Sa yena mari ijiphtina Cristo Jesu yequina ijina ihcäno saha Cohäcju “Müsare yuhduoutja”, tiqairo ni cüriro sahata tiqairo yuhduonohrina ijiaja mari.

⁷ Cohäcju yuhare paja ihñano, yuhare cahño ahri quehnoañe buheyere yahucjäre yuhare cüri. Tiqairo masiñe mehna sa cüri yuhare tiqairo.

⁸⁻¹⁰ Ijiphtiyequina apequna Jesu yequina docapu ijieyequina tiquina docapu waro ijiaja yuhü. Yuhü sa ijiepegäta judio masa ijieyequinare quehnoañe buheyere yahucjäre cüri Cohäcju yuhare. Ti buhaye Cristo quehnoa yuhduariqairo tiqairo ijiyere, quehnoa yuhduye tiqairo cuoyere tiqairo ohoatire yahure marine. Yuhare sa cüno Cohäcju “Ohö saha yuhduoutja masare pecapu wahaboriqinane”, nino tiqairo yuhduoatire quehnoano yahu pehoacjäre cüri tiqairo yuhare. Sa yero panopu cjëna ti buheyere ne yahu pehoeraniahye Cohäcju. Ijiphtiyere bajumehnediqairo ijire tiqairo. Yojoþure quehnoañe buheyere yahu dutiro cüri tiqairo yuhare, tiqairo quehnoano masi pehoyere masigü yero taro. Masi pehoriqairo tiqairo ijieye tiyere ahmuse cjëna dutiyequinare, angele puhto gähare masigü ye duahye tiqairo. Sa yero taro quehnoañe buheyere buhe dutiri marine Jesu yequinare. Mäsare judio masa ijienare yahu dutiri yuhare.

¹¹ Ahri yehpa ijiajo panoputa “Masare pecapu wahaboriqinane yuhduoutja” nahye Cohäcju. Sa nidiqairo ijiro yojoþure mari puhtoro Cristo Jesu tiqairo yariaro mehna tiqairo nidiro sahata marine yuhduori Cohäcju.

¹² Tiqairo sa yuhduogü yojoþure Cristore wacü tutuana tiqairo yequina wahaja

mari. Tiquiro yequina ijina cuero marieno Cohācjū mehna yahuducu masiaja mari.

¹³ Quehnoañe buheyere masare yuhū buheri buhiri yojopare peresupū ijigū yuhū ñano yuhdugū ihñana bujua witieracāhña. Quehnoañe buheyere yuhū yahugū tuhona Cohācjū yequina wahari masa. Yuhū sa yeri buhiri peresupū ijiaja. Sa yegu masa ye ijiatire ñano yuhdugū niaja. Sa yena bucuaya masa. Tire tutuaro bucu dutiaja masare.

Cristo masare tutuaro cahñe

¹⁴ Sa yegu ahri ijipihitiye mari Pacū tiquiro yerire wacūgu tiquiro poto dasepe curi mehna quehe sagū sini basaja masare.

¹⁵ Tiquiro ijipihitiye cururi cjēna, tiquiro yequina uhmasepū ijieyequina, ahri yehpapū ijiniñequina gāhū tiquina Pacuro ijire. Ijipihitiya mari Pacū ijire tiquiro.

¹⁶ Tiquirore ohō saha ni sini basaja masare: Tiquiro masi pehoriqiro ijire. Tutua yuhdūariqiro ijire. Sa yero tiquiro masiñe mehna masare quehnoano tiquiro wacū tutuagū yeatire sini basaja. Espiritu Santo yedohoro mehna sa yerota.

¹⁷ Sa yegu Cristore masa wacū tutua nemoatire tiquiro masa mehna tiquiro quehnoano ijiatire sini basaja masare. Sa yegu apequinare quehnoano cahñna masa ijigū, Cristo tiquiro tutuaro cahñene masa masiatire sini basaja masare.

¹⁸⁻¹⁹ Ijipihitiyequina apequina Cohācjū yequina gāhū Cristo tiquiro tutuaro cahñene tiquina masiatire sini basaja. Tiquiro ijipihitiyequina masare cahñ yuhdūariqiro ijire. Sa cahñiqiro tiquiro ijieye tiyere masa quehnoano masiatire sini basaja masare. Sa yegu tiquiro cahñene masa masigū cahmeaja masa mehna Cohācjū quehnoano ijiatire. Quehnoa yuhdūariqiro, ñañe marieniqiro tiquiro ijiro saha masa wahatire tiquiro cahñene masa masigū cahmeaja. Sa yegu tiquiro cahñene masa masiatire sini basaja masare Cohācjūre.

²⁰ Sa ye Cohācjūre ño peoye mehna “Tiquiro tutuariqiro ijire”, niñna mari. Tiquiro masiñe mehna quehnoañe pehere camesa masine tiquiro marine. Marine quehnoana ijigū ye masine. Mari sinidi yuhdūoro ye masine tiquiro. Mari cahmeñene mari tuhotori yuhdūoro ye masine tiquiro.

²¹ Cristo Jesu yequina mari ijigū ihñañe, Cristo ijieye tiye gāhūre ihñañe, ijipihitiye decori ijipihitiyequina Cohācjūre ño peohoro. Sata yehoro.

4

Cristo yequina ijina ihcā curuata ijiaja mari

¹ Sa yegu masare tutuaro yahuaja: Cohācjū tiquiro yequina ijiatinare masare besee tiahye. Sa yena tiquiro beserina ijina tiquiro iji dutiriro saha quehnoana ijiaja masa. Tire masare yahuaja yuhū. Mari puhtorore yuhū yedohori buhiri peresupū ijiaja yuhū. Sa ye masare quehnoana iji dutiaja.

² “Usā pūrita masi yuhdūacaja”, ni tuhōtuna ijieracāhña. Apequinare quehnoano mehna yeya usuaro marieno. Masa mehna cjēna masare tiquina ñano yepegāta tiquinare cahñe mehna sa ihñā cāhña.

³ Sa yena Espiritu Santo yedohoye mehna quehnoano mehna ihcāno mehna ijiducuya masa. Sa yena cahmequeno marieno ijinata masa.

⁴ Ihcā pagū yero saha ihcā curua ijiaja mari. Sa yero Espiritu Santo ihcāquirotā ijire. Cohācjū tiquiro yequina ijanajare masare besee tiahye masare yuhdūoro taro. Sa yena tiquiro yuhdūoatire masine masa. Ti masa masidi ihcānota ijire.

⁵ Mari puhtoro Cristo ihcāquirotā ijire. Tiquiro buheye gāhū ihcānota ijire. Tiquiro yequinare wame yeye gāhū ihcānota ijire.

⁶ Sa yero Cohācjū ihcāquirotā ijire. Tiquiro ijipihitiyequina Pacuro ijire. Sa yero mari puhtoro ijire. Sa yero ijipihitiyare marine yedohore tiquiro. Ijipihitiya mari mehna ijire tiquiro. Sa yero ijipihitropū ijire tiquiro.

⁷ Ihcā curua mari ijiepegāta ijipihitiya marine mari ye masiatire cūri Cristo. Tiquiro cūriro sahata ye masiaja mari. Tiquiro marine sa cūno apee borore tiquiro sa ohō cāriro saha yero nidi tiquiro.

⁸ Sata nine Cohācjū yere tiquina ojoari pūpū:

Cohācjūre ihñā tuhtieyequinare tiquiro yuhdūacari bato tiquiro pari turi mājaa waharota. Sa mājano tiquiro peye sa ohō cānota masare, ni ojoahye panopare.

⁹ “Tiquiro pari turi mājaa waharota”, tiquiro nigū coā warore tiquiro dijia tari gāhūre mari masiaja. Ahri yehpapare tiquiro dijia tarire mari masiaja.

¹⁰ Sa yero ohōpare dijia tariqiro tiquirota ijire mājaa wahariqiro. Ijipihitiye bui mājaa wahari tiquiro, ijipihitropū ijiro taro.

¹¹ Tiquiro ijire “Masare peye sa ohō cāriqiro”, tiquina nidiquiro. Masare tiquiro sa ohō cāno saha tiquiro peye tiquina ye masiatire cūri masare.

Ohō saha cūri tiquiro: Ihquēquinare Cristo ye buheyere buheatiquinare cūri. Apequinare Cohācjū yere yahu mātatiquinare cūri. Quehnoañe buheyere buhe tiniatiquinare apequinare cūri.

Cristo yequina cahmecoañequina pũthoa ijiatiquinare, quehnoano buheatiquinare cũri apequinare.

¹² Sa dihita cũri marine apequinare tiqũiro yequinare mari yedohotire. Sa cũri marine tiqũiro yequinare tiqũirore mari wacũ tutua nemoatire, tutuana mari wahatire.

¹³ Sa yena mari ijipihina quehnoano mehna ihcãno mehna ijinata. Sata ijiro cahmene marine Cristore wacũ tutuana ijina. Sa yena mari ijipihina Cohãcũ macanore quehnoano masinata. Sa yena Cristo tutuariqũiro, quehnoano masiniquiro tiqũiro ijiriro saha mari gãhu quehnoano masina wahanata.

¹⁴ Mari sa wahana macanagã yero saha ijisi mari. Macanagã quehnoano tuho masiedarãga. Apequina tiquina buhegũ “Ahri poto ijire”, ni tiquina ni meho buhegũ macanagã yero saha ijyequina apeye buheyere tuho, beseducure. Sa ye apequina tiquina sijoro saha buhegũ ti buheye pehere cahmene. Tiquina yero saha ijisi mari.

¹⁵ Ohõ saha yenatja mari: Mari mehna cãnare cahme cahna, poto quehnoañe buheyere yahunatja tiquinare. Sa yena macanagã tiquina bucua tuho masiñequina tiquina wahariro saha mari gãhu tutuana, Cohãcũ yere quehnoano masina wahanatja. Cristo ijiro saha wahanata.

Tiqũiro ijire mari dapu.

¹⁶ Tiqũiro yequina ijina tiqũiro pagũ yero saha ihcã curuata ijiaja mari. Sa yena mari caperi, mari cahmo, mari dahpocãri ihcã pagupũ ti quehnoano ijiro saha mari gãhu peyequina ijiepenata ihcãno mehna quehnoano ijiaja. Mari sa ihcãno mehna mari ijiatire Cristo yedohore. Mari omocari mari pagure ti quehnoano yedohoro saha mari quehnoano yedohoja apequinare Cristo yequinare. Sa yena mari mehna cãnare Cristo yequinare quehnoano cahna, tiquinare quehnoano yedohona, tutuana Cristore wacũ tutua nemona wahanata mari.

Cristo yequina wahana mari ñaÑe yeyere duhu, quehnoañe pehere comesaja mari

¹⁷ Sa ye mari pũthoro Cristo tiqũiro dutiro mehna ohõ saha niitja musare: Cohãcũre cahmeñequina waro yero saha yeracãhña musa. Tiquina tuhotuye pehe ñaÑe dihita ijire. Sa ye tiquina tuhotuye dahseati ijierare.

¹⁸ Sa yero Satana Cohãcũ yere tiquinare tuhoeragũ yere. Sa ye tiqũiro yere ne tuhoerare. Tuho duerare tiquina. Sa ye Cohãcũ tiqũiro quehnoano iji dutiriro saha ijierare tiquina.

¹⁹ Sa ye tiquina ñano yeye ne bue tieria yahũare. Ne bujua witierare. ÑaÑene

tiquina tutuaro cahmeÑe dihitare yeducure. Ijipihitiye ti ñaÑene yeducuye duhu duerare.

²⁰⁻²¹ Musa pehe poto tiqũiro yere tuhona musa ijigũ, Jesu yere quehnoano masina musa ijigũ musa pehere tiquina yero saha ye dutiarere tiqũiro.

²² Sa yena panopũ musa yerire duhu cãhña. Ti pjere ñaÑene yeducuna musa ijigũ ti ñaÑe pehe musare dojomehnenno nimeidi. “ÑaÑene yena, quehnoano bucuenata”, ni tuhotuna ijiepenata ne bucuerari musa.

²³ Sa ye musa tuhotuyere quehnoañe pehere comesaro cahmene musare.

²⁴ Panopũ musa ñaÑe yerire duhu cãhña. Sa yena quehnoañe pehere comesarina ijiaja musa. Ohõ saha ijyequina Cohãcũ yero saha ijire. Musa sa ijina, quehnoañene yeducunata. Sa yena ñaÑene yabinata musa.

²⁵ Sa yena musa ni mehorire duhu cãhña. Musa mehna cãnare poto yahuya, ni mehono marieno. Mari ihcã pagũ yero saha ihcã curua cãnata ijina niaja. Sa yena musa basi ni mehoedacãhña.

²⁶ Apequinare usuana, tiquinare ñano yeracãhña. Sa yena usuana, ne yoari pje usuaducueracãhña musa.

²⁷ Yoari pje usuana, watĩno tiqũiro cahmeno saha yena niaga musa. Sa yeracãhña.

²⁸ Ihuqũequina musa mehna cãnã Jesu yequina musa ijiatõ pano yaquerina ijina pari turi yaqueracãhña. Sa yena yojopure quehnoano dahraya pejecũoyequinare musa ohoatire.

²⁹ Ne ñano yahuducueracãhña. Quehnoañene yahuducuna apequinare yedohore musa. Sa yena quehnoañe dihitare yahuducuya.

³⁰ ÑaÑene yena Espĩritu Santore bujua witiqũ yena niaga musa. Sa yeracãhña. Yojopure pihtiri deco pano Cristo marine tiqũiro neatõ pano Espĩritu Santo marine ihña ihbore marine ñaÑene ye dutierare. Sa yero Cristo yequina mari ijiyere masigũ yere tiqũiro marine. Sa yena tiqũirore bujua witiqũ yeracãhña.

³¹ Sa yena ne ñano ye nemoedacãhña. Usua, cahme dase tutua nemoedacãhña. Apequinare ñano ni sañuducu nemoedacãhña. Apequinare quiti dahre nemoedacãhña. Ne apequinare ñano ni tuhotu nemoedacãhña.

³² Sa ye musa mehna cãnare quehnoano mehna quehnoano yeya. Cristo yequina musa ijigũ ihñano musa ñaÑene bo cãhri Cohãcũ. Ohõ saha apequina musare tiquina ñano yegũ ihñana tiquina ñaÑene bo cãhña musa gãhu.

5

“Cohãcũ pohnene ohõ saha ijiro cahmene”, ni yahuahye Pablo

¹ Sa ye Cohācjū pohna tiqiro cahñona ijina Cohācjüre ihña cūña musa.

² Sa yena apequinare sa cahīducuya. Cristo marine cahño, mari ñahe buhiri yariahye. Sa yariaro Cohācjüre bucuēgū yeahye tiqiro. Sa yena marine tiqiro cahīdro saha musa gūhu apequinare cahña.

³ Sa yena Cohācjū yequina ijina ne numia mehna ñano yeracāhña. Numia gūhu umua mehna ñano yeracāhña. Apeye ñañene ohō saha ijije ñañene yeracāhña. Apee borore cahme yuhdueracāhña. Ne sa yeraro cahmene musare Cohācjū yequina ijina.

⁴ Sa yena buoyere cahme yahuducueraro cahmene musare. Tuho masieñequina yero saha yahuducueraro cahmene musare. Sa yena ñano ni bujperaro cahmene musare. Ahri pehere yero cahmene musare. Cohācjū mehna yahuducuro cahmene musare. Sa yahuducuna tiqirore “Quehnoano yeri mūhu usāre”, nino cahmene.

⁵ Apee borore cahme yuhduana, “Cohācjū ijire”, mari niñe queoyere mari cahmeno saha yena niaja mari tire. Doeri cñene ño peoyequina yero saha yena niaja mari. Sa ye wñana tiyequina, ñañe dihitare tuhotuyequina, apee borore cahme yuhduayequina Cohācjū, Cristo mehna tiquina puhtoro ijiorpu ne wahasi tiquina. Tire quehnoano masiaja mari.

⁶ Ohō saha yeyequina tiquina yeri buhiri buhiri dahrerota Cohācjū tiqirore yuhduucayequinare. Sa yena apequina musare “Ahri ñañe ijirare”, tiquina ni mehogā tuhoeracāhña.

⁷ Sa yena ohō saha ñano ye yuhduucayequinare ne piti tieracāhña.

⁸ Cristo yequina musa ijiato pano sa ijinata ijimedi musa gūhu. Yojoipu pehere tiqiro yequina ijina, Cohācjüre quehnoano masine musa. Cohācjū yequina quehnoañene yere. Sa yena sa yero cahmene musare.

⁹ Sa yena Cristo yequina ijina quehnoañene, Cohācjū cahmeñene, ni mehono marieno yeducunata musa.

¹⁰ Quehnoañene mari yegū ihñano mari puhtoro Cristo bucuere. Sa yena tire yeya.

¹¹ Cristore cahmeeñequina ñañe tiquina yeye ñañe waro ijire. Sa yena tiquina yero saha musa pehe yeracāhña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigū yeya.

¹² Masa ihñenopu tiquina ñano ye cohtere. Tiquina sa yerire yahuducuna mari bue ti-boaga. Sa yeye ña yuhduaro yere tiquina.

¹³ Sa yena tiquinare quehnoañe buheyere mari yahuna, ña yuhduayequina tiquina ijiretiye masigū yena niaja mari tiquinare. Ijipihitiye mari yerire marine masigū yere

quehnoañe buheyere, buhrioro marine ti ihña masigū yero sahata.

¹⁴ Ti ijirota ijire. Sa ye ohō saha ni yahure Cohācjū yere yahuyequina:

Ne, yuhure tuho duena, tuhoya musa. Musa ñañe yeyere bujña witi, tire duhuya. Cristo musa ñañe yeyere masigū yerota, ni yahure.

¹⁵ Sa yena decoripe quehnoano yeya musa. Tuho masieñequina yero saha ijieracāhña. Tuho masina ijija.

¹⁶ Yojoipu cñena musa ña yuhduaro yeducure. Sa yena musa pehe quehnoañene, Cristo yere sa yeducuya musa.

¹⁷ Sa yena tuho masiena ijieracāhña. Cohācjū cahmeñene quehnoano masiña. Sa yena tire yeya.

¹⁸ Sa ye pairure sihni queheracāhña. Queheyequinare ñano yuhduro cua yuhduare. Sa yena pairure tutuaro cahmedacāhña. Espiritu Santo pehere tutuaro cahmeña musa mehna tiqiro quehnoano ijiatire. Tiquirore quehnoano yahtiya.

¹⁹ Sa yena musa basi Cohācjüre ño peo basayere cahme yahuducuya. Sa yena Salmore Cohācjū yere basayere, apeye tiqirore ño peo basayere gūhure tiqirore basa peoya musa. Quehnoano wacū ño peoye mehna basa peoya. Sa yena mari puhtoro Cristore ño peoya.

²⁰ Cohācjū mari Pacu ijipihitiyere musare tiqiro ohorire bucuere “Quehnoare”, sa niducuya musa tiqirore. Mari puhtoro Jesucristo yequina ijina mari Pacure “Quehnoare”, sa niducuya musa.

“Musa ihcā wūhu cñana Jesu yequina ijina, ohō saha yeya”, ni yahuahye Pablo

²¹ Sa ye musa mehna cñenare cahme ño peoye mehna yahtiya. Sa cahme ño peo yahtina Cristo gūhure ño peona nine musa.

²² Musa namosānumiare yahutja yojoipure. Mari puhtoro Cristore mari yahtiro saha musa manusumware quehnoano mehna yahtina numia ijija.

²³ Jesucristo marine yuhduore tiqiro ya curua cñana mari ijiatire. Sa yero mari tiqiro ya curua cñana mari puhtoro tiqiro ijiro saha musa manusumwa musa namosānumia puhtoa ijire.

²⁴ Sa yena Cristo yequina ijina tiqirore sa yahtiducujaja mari. Sata musa namosānumia musa manusumware quehnoano yahtiducuna numia ijija.

²⁵ Musa manusumwa pehere yahutja yojoipure. Cristo marine tiqiro yequinare cahño, mari ye ijiatire yariahye. Sa yena marine tiqiro cahīdro saha musa gūhu musa namosānumiare quehnoano cahīducuya.

²⁶ Cristo mari ye ijatire yariahye mari ñaife yeyere cosero taro. Tiquiro buh-eye quehnoañe buheye mehna mari ñaife yeyere cosere. Sa yero tiquiro yequina mari ijigü ihñano aco mehna marine wame yere.

²⁷ Sa cosere marine tiquiro yequina ijianare yero taro. Tiquiro sa cosegü ne ñaife buhiri mariena ijinata, tiquiro ihñagü. Sa yena quehnoana, Cristo yero saha ijinata.

²⁸ Musa namosãnumiare cahña, musa basi musa pagurire musa cahño saha tiquina numiare cahña. Mari namonore cahña mari pagure cahña niaja.

²⁹⁻³⁰ Ne mari pagurire ñano wahagü cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagu yero saha tiquiro ya curua cjãna ijiaya mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũhu mari pagure quehnoano yeaja. Mari namosãnumia gũhare sata quehnoano yero cahmene marine.

³¹ Sata nine Cohãcjü yere tiquina ojoari pũpu: "Sa ye amano tiquiro pacusũmare wijiario tiquiro namono mehna ijirota. Sa ye tiquina pũaro ijiepetata ihcãquiro yero saha ijietata", ni ojoahye panopũ.

³² Ahri tiquiro ojoarire apequina quehnoano tũhoerari jiri. Sa yegu tire ohõ saha ni yahutja musare. Ohõ saha ni yahuro niaga. "Cristo tiquiro yequina mehna ihcã pagu yero saha ihcã curuata ijire", ni yahuro niaga.

³³ Sa yegu musare ohõ saha ni yahu nemoutja tja: Musa pagurire musa cahño saha musa namosãnumiare cahña. Sa yena musa manũsũmare quehnoano ño peoya musa.

6

¹ YojoPURE macanagãre yahutja. Mari puhtoro Cristo yequina ijina musa pacusũmare quehnoano yuhtiya. Musa sa yegü quehnoarĩne.

²⁻³ Ohõ saha niahye Cohãcjü dutiye: "Musa pacusũmare quehnoano ño peoya", ni dutiahye tiquiro. Ahri dutiro mehna Cohãcjü yahu nemoahye. Ohõ saha niahye: "Musa pacusũmare ño peona, ahri yehpapũ yoari pje bucueye mehna ijinata musa", ni yahuahye. Tiquiro sa ni yahugü ahri dutiro ihyo ijiri dutiro ijierare. Sa yena tiquiro nidiro saha musa pacusũmare ño peoya.

⁴ YojoPURE tiquina pacusũmare yahutja: Musa pohñare sa tuhtiducueracãhña, "Usuagü yeari", nina. Mari puhtoro Cristo tiquiro cahñe mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

⁵ YojoPURE cahacjãnare musare yahutja: Cua pesaro mehna, ño peoye mehna ahri

yehpa cjẽnare musa puhtoare quehnoano yuhtiya. Ni mehono marieno quehnoano yuhtiya. Cristore musa yuhtiro sahata tiquinare yuhtiya musa.

⁶ Tiquina ihñono dihitare yuhtina ijieracãhña. Sa yeyequina masa dihitare tiquinare ihña bucuegü cahmene. Musa pehe Cristo tiquiro cahacjãna musa ijiro saha musa puhtoa gũhare sa yuhtiducuya. Cohãcjü tiquiro cahmeno sahata quehnoano bucueye mehna yuhtiya.

⁷ Sa yena Cristore yuhtina musa ijiro saha bucueye mehna yuhtiya musa puhtoa gũhare. "Masa dihitare yuhtina niaja", ni tuhtuercãhña.

⁸ Sa yena ahrire wacũña: Ijipihtina quehnoañene mari yegü ihñano Cohãcjü quehnoano yerota marine. Cahacjẽnare, cahacjẽna ijieyequina gũhare quehnoano yerota.

⁹ YojoPURE puhtoare yahutja: Musa cahacjẽnare quehnoano yeya. Tiquinare quehnoano yũhu ye dutiriro sahata yeya musa gũhu tiquinare. Tiquinare tuhtipercãhña. Hmuse cjãno Cohãcjü potota tiquina puhtoro ijire. Musa yaquiro puhtoro ijire tiquiro gũhu. Sa yena ijipihtina musa tiquiro cahacjãna dihita ijire. Sa yero tiquiro ihcãno saha ihñare musare ijipihtinare. Sa yena musa cahacjẽnare tuhtipercãhña.

Cristo yequina watĩnore tiquina cahmotarire yahuahye Pablo

¹⁰ Ahrire yahu bato tiitja musare: Quehnoano wacũ tutuana ijyia musa. Mari puhtoro Cristo musa mehna ijire. Sa yena tiquiro ye masiñe mehna wacũ tutuana ijyia.

¹¹ Watĩno marine ni mehono, ñano ye dutire marine. Cohãcjü marine cahmotare mari ñaifene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore musa sañano saha Cohãcjü tiquiro cahmotayerre quehnoano cwo pehoya.

¹² Jesu yequina mari ijigü, marine ihña tuhtiyequina masa waro ijierare. Hmuse cjẽna ijimediquina ñañequina, tutuayequina, tiquina pehe ijire marine ihña tuhtiyequina. Watĩ ahri yehpa cjẽna puhtoa ijire. Sa ye tiquina gũhu ijire marine Jesu yequinare ihña tuhtiyequina.

¹³ Sa yena yojoPURE cahmotari suhtirore musa sañano saha Cohãcjü musare tiquiro cahmotatire tiquiro yere quehnoano cwo pehoya. Sa yena watĩno musare tiquiro ñano ye dutigü, musare tiquiro ñano ye duagü, tiquirore cahmotanata. Sa yena yuhduducanata. Sa tiquirore yuhduducana, tutuana tojoanata musa.

¹⁴ Sa yena tutuana ijiya. Cohācjū musare tiqiro cahmotatire ohō saha yeya musa:

Surara tiqiro come suhtiro mehna tiqiro jeripohnare cahmotariro saha poto yahuyere Cohācjū yere quehnoano tahoya musa wafinore musa cahmotatire. Sa yena Cristo yedohoye mehna quehnoana ijiya musa, wafinore musa quehnoano cahmotatire.

¹⁵ Surara tiqiro dahpo suhti mehna tiqiro dahpocārīne tiqiro cahmotariro saha quehnoañe buheyere quehnoano masiña musa, wafinore musa cahmotatire. Ti buheye marine quehnoano ijigū yere.

¹⁶ Surara tiqiro tohoriro mehna tiqiro cahmotariro saha Cristore quehnoano wacū tutuaducuya musa wafinore musa cahmotatire. Bueye cju mehna tiqiro sihā musare tiqiro buedoqueboro saha wafino musare ñano yegū ye duare. Sa yena Cristore quehnoano wacū tuana, cahmotanata musa.

¹⁷ Surara tiqiro come sapea mehna tiqiro dapure cahmotariro saha musare pecapū wahaborinare Cristo yahduorina ijiya musa, wafinore musa cahmotatire.

Surara tiqiro ñoseni pji mehna tiqiro cahmotariro saha Cohācjū ye buheyere quehnoano masiña musa, quehnoano musa cahmotatire. Sa yena apequinare quehnoano yahuya tiqiro yere. Ti Cohācjū ye buheyere Espiritu Santo marine yahure.

¹⁸ Sa musa wafinore cahmotana Cohācjūre decoripe sa siniducuya. Espiritu Santo yedohoye mehna sa siniducuya. Sa yena quehnoano wacū masiña. Sa sinina, caributieracāhña. Ijipihtiyequina Cohācjū yequinare sa sini basaducuya.

¹⁹ Sa yena yuhū gūhure sini basaya Cohācjūre. Ohō saha ni sini basaya: Quehnoañe buheyere, panopū tiquina masiedarire quehnoano yuhū yahuatire sini basaya yuhūre. Sa yena cuero marieno yuhū yahuatire sini basaya yuhūre.

²⁰ Cristo tiqiro yere yahu dutiro yuhūre ohori. Yuhū sa yahuri buhiri peresupū iji-aja yojopure. Ohōpū yuhū ijiepegāta cuero marieno tiqiro yere yuhū yahuatire sini basaya yuhūre. Tiqiro yere yahuacjū ijigūta niaja yuhū.

Pablo quehnoa duti bato tiahye

²¹ Yojopure Tíquico musa cahapū esaro yuhū ijiye tiyere musare yahu pehorota. Tiqiro mari acayūro mari cahñiqiro ijire. Sa yero mari pūhtoro yere quehnoano yedohoriquiro sa ijiducure.

²² Ūsā ijiye tiyere musare yahu dutigū tiqirore ohogū niaja musa quehnoano bu-creatire.

²³ Cohācjū mari Pacū mari pūhtoro Jesucristo gūhū tiquina mehna musa

ijipihtinare ūsā acayere quehnoa dutiaja. Cristore musa quehnoano wacū tutuaye mehna musa cahme cahñatire Cohācjūre sini basaja musare.

²⁴ Ijipihtiyequina mari pūhtoro Jesucristore sa cahñucuyequinare Cohācjū mehna quehnoa dutiaja.

Filipenses

Peresupũ ijiriquiro ahri pũre ojoa ohoahye Pablo

¹ Yũhũ Pablo, Timoteo mehna Jesucristo cahacjãna ijiaja usã. Sa yena ijiphtinare musare quehnoanare Jesucristo yequinare Filipo cjãnare quehnoa dutiaja usã. Musare, musa puhtoa gãhũre, musare yedohoyequina gãhũre ojoa ohoaja yũhũ, Pablo.

² Sa yena Cohãcjũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiaja musa.

Pablo Jesu yequinare Cohãcjũre sini basahye

³⁻⁶ Cohãcjũ musare quehnoañe pehere comesagũ yero nine. Sa yero musare tiquiuro sa ye dũcaro sahata sohtori dahrerota tiquiuro. Sa yena Jesucristo ahri yehpapare tiquiuro wihigũpũre ñaũe mariena ijinata musa. Sa yena coã waropũre Jesu yequina musa ijiri bato, yojopũ gãhũre yedohore musa yũhũre quehnoañe buheyere yũhũ buhegũ. Musa sa yegũ ihũagũ Cohãcjũre “Quehnoare”, niaja yũhũ. Musare wacũgũ sa dihita niaja yũhũ. Musare Cohãcjũre sini basagũ, bucueye mehna sini basaja.

⁷ Musare yũhũ sa tuhutugũ quehnoarĩne. Quehnoañe buheyere “Poto tjire”, puhtoare yũhũ tutuaro ni yahuducugũ musa yũhũre yedohori. Poto ti buheye ijigũ yũhũ tiquinare yahugũ musa yũhũre yedohori. Peresupũ yũhũ ijigũ gãhũre musa yũhũre yedohori. Sa yero Cohãcjũ marine quehnoano yero, tiquiuro ye buheyere cũri marine. Musa yũhũre yedohori. Sa yena ti buheyere yũhũ mehna musa buheboriro saha yena nine musa, yũhũre yedohona. Sa yegu yũhũ jeripohna mehna tutuaro wacũaja yũhũ musare.

⁸ Jesucristo cahĩne mehna tutuaro musare wacũaja yũhũ. Yũhũ sa wacũgũ Cohãcjũ tire masine.

⁹ Musare ohõ saha ni sini basaja yũhũ Cohãcjũre: Cohãcjũ yere quehnoano masiũe mehna, tuho masi pehoye mehna apeqinane musa cahĩ nemoatire sini basaja yũhũ musare Cohãcjũre.

¹⁰ Quehnoa yũhũyere musa masiati gãhũre sini basaja musare. Musa sa masina Cristo ahri yehpapũ tiquiuro tojoa tagũ quehnoañene yena, ñaũe buhiri mariena ijinata musa.

¹¹ Sa yena ijina Cohãcjũ cahmeñene yenata musa. Musare sa yegũ yerota Jesucristo pehe. Cohãcjũ quehnoa yũhũariquiuro, tutuariquiuro tiquiuro ijiyere ihũono taro, ijiphtiyequina tiquiore

tiquina ño peoatire tiquiuro cahmeñene musare yegũ yerota.

Pablo Cristo yaquiuro tiquiuro ijie tyere yahuahye

¹² Yũhũ acaye, ahri yũhũ niatire musa quehnoano masigũ cahmeaja yũhũ. Yojopũre peresupũ yũhũ ijiepegũta quehnoañe buheye pehe sa ahmũ tãducuro nine.

¹³ Sa ye Cristo yaquiuro yũhũ ijiri buhiri peresupũ yũhũ ijirire masi phtire puhtoro ya wũhũ cjẽna surara. Ijiphtiyequina apeqina gãhũ ohõpũ ijieyequina tire masine.

¹⁴ Sa ye peresupũ yũhũ ijigũ ihũañe, peyequina mari acaye Jesu yequina mari puhtoro Jesure wacũ tutua nemoñe nine. Sa wacũ tutuaye, cuero marieno quehnoañe buheyere apeqinane buhere tiquina.

¹⁵ Ihquẽquina Cristo yere buheraboriquina ijiepetã yũhũre ihũa cooye, Cristo yere buhere apeqinane tiquinare ihũa wahãgũ cahmeñe. Apeqina pehe quehnoano mehna Cristo yere buhere.

¹⁶⁻¹⁷ Quehnoañe buheyere yũhũ tutuaro yahuatire Cohãcjũ yũhũre tiquiuro cũrire quehnoano masine ahriquina pehe. Sa masiũe tiquina cahĩne mehna Cristo yere buhere. Apeqina pehe yũhũre ihũa tuhtiyere, masare tiquina pehere tiquina ihũa wahãgũ cahmeñe, Cristo yere buhere. Sa ye peresupũ yũhũ ijigũ tiquina yũhũre bujũa witigũ ye duare.

¹⁸ Quehnoanota. Cristo yereta buheye nine. Tiquina Cristore poto cahĩedapeta Cristo yereta buhere. Apeqina pehe quehnoano mehna buhere. Ijiphtiyequina tiquina tiquiuro yere buhegũ bucueaja.

¹⁹ Sa yegu sa bucueducugũtja yũhũ. Cohãcjũre musa sini basari mehna Jesucristo yaquiuro Espĩritu yedohoye mehna Cohãcjũ yũhũre wiorota peresupũ ijirigure. Tire masiaja.

²⁰ Ohõ saha yeitja yũhũ. Decoripe yũhũ yeriro sahata yojopũ gãhũre cuero marieno Cristo yere buheaja, masa tiquiore quehnoano tiquina ño peoato saha. Ohõ saha ye duaja yũhũ yerire yũhũ buoro yũhũderato saha. Catinigũ waro ohõ saha ye duaja. Tiquina yũhũre wejẽ duepegũta ohõ saha ye duaja.

²¹ Catinigũ Cristo yere yenigũtja. Yariagũpũ pũrita ti yũhũoro quehnoano tojoagũtja yũhũ.

²² Sa niepegũta catinigũ Cristo yere yũhũ ye nemoato saha cati nemo duaja. Sa niepegũta yariaye gãhũre cahmeaja. ¿Dise boro pehere yũhũ cahmeboagari? Masiedaja yũhũ.

²³ Yũhũ ohõ saha ni yahuducugũ mijorĩne yũhũre. Cristo mehna tutuaro iji duaja.

Sa yegū yojoṗare tiqiro cahapū waha du-
aja. Catiye yuhduoro ahri pehe quehnoa
yuhducaere.

²⁴ Sa ijiepegūta musare yuhū yedohoato
saha catinino cahmene yuhare.

²⁵ Tire masigū ohōṗū masa mehna yuhū
ijiniatire masiaja yuhū. Sa ijinigutja Cristore
musa wacū tutua nemoatire, ti wacū tutu-
aye mehna musa bucueatire.

²⁶ Ahri yehpapū ijinigū musa cahapū pari
turi yuhū wahagū masa bucuenata. Cristo
Jesu yuhare tiqiro yedohogū masina, “Tu-
tuagū ijire mahū”, ni ño peonata musa
tiqirore.

²⁷ Yojoṗare ahri dhitare yahutja musare.
Cristo ye buheye ti nidiro sahata ijiducuya
musa. Wacū tutuana ijiya. Sa yena cahme tu
waro marieno quehnoañe buheyere yahu
tutuaya. Sata yuhū mariedagū gūhure yuhū
ijigū gūhure musa yegū cahmeaja. Sa ijina
musa ijigū tūhoo duaja yuhū.

²⁸ Musare ihña tuhtiyequinare cuer-
acāhña. Musa sa cueragū ihñañe Cohācjū
yequina musa ijigū masieta tiquina. Sa
masiñe pecapū tiquina wahati gūhure
masieta. Sa ye Cohācjū musare tiqiro
yuhduoati gūhure masieta. Ohō saha masigū
yere Cohācjū masare.

²⁹ Cristore musa wacū tutuatire Cohācjū
cūri. Ahri gūhure cūri. Cristo yere musa
yeri buhiri musa ñano yuhduati gūhure cūri
Cohācjū.

³⁰ Sa ye Cristo yequina musa ijiri buhiri
apequina musare ñano yere. Musare tiquina
yeriro saha yuhū gūhure ñano yere tiquina.
Musa mehna yuhū ijigū yuhare tiquina sa
yegū ihñari musa. Yojoṗū gūhure yuhare
tiquina sa yegū tūhoore musa. Sa yena mari
ihcāno saha ñano yuhduaja.

2

Cristo ihyo ijiriquiro sajāno, ijipihtiyequina puhtoro ijiahtiro ijiahye

¹⁻² Cristo musare quehnoano jeripohna
tigū tiqiro yegū, Cristo tiqiro cahñe
mehna musa bucuenta, yuhare quehnoano
bucuegū yeya musa. Sa yena Espiritu
Santo ijipihtina musa mehna tiqiro ijigū
apequinare cahña, paja ihñana ijina,
yuhare quehnoano bucuegū yeya musa.
Ahrire musa yegū bucueitja: Ihcāno mehna
quehnoano jeripohna tiya musa. Sa yena
musa basi cahme cahña. Quehnoano
mehna ijiducuya. Sa yena ihcāno mehna
quehnoano ijiya.

³ Apequinare yuhduca dueracāhña. Sa
yena sa tūhotu cāhña musa. Sa yena ape-
quinare quehnoano ño peo, ohō saha ni
tūhotuya: “Tiquina pehe yuhū yuhduoro
quehnoañequina ijire”, ni tūhotuya.

⁴ Ihcāquiro apequinare yedoho duer-
aboaga. Tiquiro yero saha yeracāhña.
Apequina gūhure yedohoya.

⁵ Cristo Jesu apequinare yuhduca
dueriquiro tiqiro ijiro saha musa gūhū
apequinare yuhduca dueracāhña.

⁶ Tiquiro pehe Cohācjū waro ijieperota
“Cohācjū mehna ihcāno saha ijigu wijiasi
yuhū”, ni tūhotuerahye tiqiro.

⁷ Sa yero tiqiro Cohācjū mehna ihcāno
saha tiqiro ijiyere wijia, ohōṗū ahtaro
masnota masa bajoaro tiqiro cahacjāno
yero saha iji ducahye.

⁸ Sa yero tiqiro masuno ihcāno
saha pagū tiriqiro ijiro, ihyo ijiriquiro
waro wahahye. Sa waharo “Curusapū
wejeña tiqirore”, tiquina nigū tiqiro
yuhducaerahye. Curusapū yariatiquiro
ijieperota tiqiro yuhducaerahye.

⁹ Sa yero mari Pacū ijipihtiyequina
tiquina ño peoatiqirore cūahye Jesure.
Sa yero ijipihtiyequina apequina puhtoro
sōahye Cohācjū tiqirore,

¹⁰ ijipihtiyequina ahmuse cjēna, ahri
yehpa cjēna, yariariquina gūhū Jesu
wamene tūhoyequina tiquina dusepe curi
mehna quehe sa, tiquina ño peoato saha.

¹¹ Sa puhtoro sōahye tiqirore mari
Pacū, “Jesucristo mari puhtoro ijire”,
ijipihtiyequina tiquina niatiquirore. Sa
ñiñe Cohācjūre mari Pacure ño peoye nine.

*Cristo yequina buhrioro yero saha ijiye,
quehnoano masare yahu, masigū yere*

¹² Sa yena yuhū cahña, musa mehna yuhū
ijigū musa yuhū yuhū yuhū yuhū
yoaropū ijigū gūhure panopū musa yuhū
yuhū yuhū yuhū yuhū yuhū. Sa yena ijipihtina
musa quehnoana ijina tana Cristo yedohoro
mehna ñañene yeracāhña. Sa yena ño peoye
mehna apepero marieno Cohācjū yere yeya.

¹³ Cohācjū quehnoañe pehere musare cah-
megū yero nine tiqiro cahmeno saha musa
yeato saha. Sa yero tire musa yeatire yedo-
horota Cohācjū. Tiquiro sa yedohogū ti yuhū
nidiro saha yeya musa.

¹⁴ Ijipihtiyere yena tuhtiro marieno,
musa basi unureno marieno yeya.

¹⁵ Sa yeya musa ñañe buhiri mariena,
ñañene yerarina Cohācjū pohna musa iji-
atire. Sa yeya musa masa ni mehoñequina,
ñañequina watoapū dojomehno marieno
musa ijiaato saha. Tiquina ñañequina wa-
toapū ijina, buhrioro ihña masigū yero saha
quehnoañe buheyere buhena, masigū yere
musa ahri yehpa cjēnare.

¹⁶ Ti buheyere musa tūho ñehedi bato
Cohācjū mehna sa ijiducuaana wahari musa.
Ti buheyere ahri yehpa cjēna pehere musa
sa buhegū ihñagū musa mehna bucueitja.
Sa yegū musare yuhū buherire “Ihyo waro
buharari ijii yuhū”, niitja yuhū. Sa yegū

Cristo ahri yehpapu tiquiuro tojoa tagu musa mehna bucuaitja. Sa yegu buoro yuhdusi yuhu.

¹⁷ Cristore musa wacu tutuagu Cohacju musa mehna bucuero. Tiquiro sa bucuegu masigu musare Cristo yere yuhu buheri buhiri yuhare tiquina wejē duepegata bucuaitja. Sa yena mari ijipihitina ihcāno saha bucuenata.

¹⁸ Sata musa gūhare bucuero cahmene yuhu mehna, came yuhu sa yariagu ihñana.

Timoteore, Epafrodito gūhare yahuahye Pablo

¹⁹ Mari puhtoro Jesu tiquiuro cahmegū sojaro mehna Timoteore musa cahapu oho duaja yuhu musa ijije tiyere masigu tuhu. Sa masigu bucuaitja.

²⁰ Ijirota ijire. Timoteo musa quehnoano ijiatire pajiro tuhature musare. Apequiuro tiquiuro yero saha ijiriquiro mariedare yuhu mehna.

²¹ Apequina pehe ijipihitieuquina tiquina cahmeñe dihitare ye duaye, Cristo Jesu tiquiuro cahmeñe pehere ye duerare.

²² Timoteo pehe quehnoano yeriquiro tiquiuro ijijere masine musa. Yuhu macu yero saha tiquiuro yuhu mehna quehnoañe buheyere yahue tiri. Sa yena usā ihcāno saha Cristo yere buhee tii.

²³ Sa yegu puhtoa yuhare tiquina duhse yeatire masigu, Timoteore musa cahapu oho duaja.

²⁴ Sa yegu mari puhtoro Jesu yedohoye mehna sojaro mehna yuhu gūhu musa caparu wahañta.

²⁵⁻²⁶ Yuhare yedoho dutina musa Epafroditore ohori yuhu cahapu. Tiquiro yuhu acayuro yuhu mehna dahrariquiuro, yuhu mehna cñano, Cohacju yere buhe tutuariquiuro ijire. Tiquiro musare tutuaro wacū tiri. Sa yero tiquiuro dohatirire musa tuhogū masino tiquiuro pehe pajiro bujua witi tuhaturi. Sa pajiro tiquiuro tuhutugū ihñagu “Tiquirore musa cahapu oho majare tojoro cahmene yuhare”, ni tuhotuaja yuhu yojopure.

²⁷ Potota ijire. Tiquiro tutuaro dohatiri. Mehenyo yariabo cure yuhduri. Tiquiro sa tutuaro dohatiepegata Cohacju tiquiurore paja ihñano, yuhdagū yeri. Tiquiro yariagu yuhu pehe tutuaro bujua witiyoa. Sa yero Cohacju yuhu gūhare paja ihñari tiquiurore yuhdagū yero.

²⁸ Sa yegu yojopu pūritare sojaro mehna tiquiurore musa cahapu oho duaja pari turi musa tiquiurore ihña, musa jeri sajāno quehnoano. Musa sa bucuegu ihñagu yuhu gūhu bucuaitja.

²⁹ Sa yena tiquiurore Epafroditore mari puhtoro yaquiurore mari acayurore quehnoano bucuere mehna piti caya.

Sa yena apequinare tiquiuro yero saha ijijiequinare ño peoya.

³⁰ Tiquiro Cristo yere yedohomehno yariamedi. Musa pehe yuhu cahapu ijieragū, yuhare yedoho masiedagū tiquiuro pehe yuhare yedohomedi. Sa yero yariamedi tiquiuro.

3

Quehnoano yeye warore yahuahye Pablo

¹ Yojo puhtore ahrire yahutja. Mari puhtoro yequina ijina bucuera. Ahri buheyere to pano yuhu yahurire pari turi musare ni ojoagu bucuera yuhu. Sa yegu musare ahrire yahugu yedohogu naja musare.

² Quehnoano yeya musa. Ñañene yeducuyequina, diayea yero saha ijijiequina ñañequina cuhnucunu cahserogāre yuhre ne dutiye, musa pagurire yuhre ne duare. Quehnoano yeya musa, “Sa ye dutiyequina sijoro saha ni buheari”, nina.

³ Tiquina cuhnucunu cahserogāre yuhre nepeta Cohacju dutiyere quehnoano yerare. Mari pehe potota Cohacju dutiyere quehnoano yena ijiaja mari. Espiritu Santo tiquiuro yedohoye mehna Cohacjūre ño peoaja mari. Sa yena Jesu yequina mari ijijere bucuere mehna apequinare mari yahuaja. “Usā esa tuharo Cohacju dutiyere ye peho masiaja”, ne ni tuhoteraja.

⁴ Sa ni tuhoterapegata “Tiquinare doca cū cñā”, tiquina yero saha nidigu ijigu sa tjiboa yuhu gūhu. Apequiuro ohō saha ni yuhduca duare. Yuhu pehe tiquiuro yuhduoro sa niboaga yuhu.

⁵ Ohō saha yerigu ijimi yuhu: Ocho decori yuhu masa bajuari bato cuhnucunu cahserogāre yuhre nedi jiri yuhare. Israe masu ijigu Benjami ya curua cñā ijiaja yuhu. Yuhu pacusuma hebreo masa tiquina ijigū potota hebreo masu warota masa baju. Cohacju dutiyere potota peho duagu fariseo curua mehna sajāmi yuhu.

⁶ “Cohacju ye ijiri”, nigu quehnoano yemi. Sa yegu Jesu yequina pehere ñano yee timi yuhu. Potota Cohacju dutiyere yegu tire yuhducaro marieno ye pehou.

⁷ Panopure “Ti quehnoañe ijiri”, ni tuhutumi. “Ti yuhu sa ni tuhuturi panopu yuhu ijie tiri duhseati ijierari”, ni tuhotuaja yojopure. Sa ni tuhutu ducan yuhu Cristore wacu tutuagu tuhu.

⁸ Cristo Jesu yuhu puhtore yuhu masigu pūrita quehnoa yuhduare. Sa yegu apeye pehere masa “Quehnoañe ijire”, tiquina nidire “Ti ijipihitue duhseati ijierari”, ni tuhotuaja yuhu. Tire ijipihitue duhu cāhu Cristo ye pehere yegu tuhu. Sa yegu tire yuhu cohārire “Ñañe waro ijire”, ni tuhutu

Cristore quehnoano masigū tūhū, tiqiro mehna cǰū ijigū tūhū.

⁹ Sa yero yūhū esa tuharo quehnoano yūhū yeri wapa “Quehnoagū ijire”, ni ihñedare Cohācǰū yūhūre. Sa yero Cohācǰū dutiye Moiserē tiqiro cūrire yūhū yeri wapa gūhūre “Quehnoagū ijire”, ni ihñedare. Cristore yūhū wacū tutuari bato “Quehnoagū ijire”, ni ihñare tiqiro yūhūre. Cohācǰū pehe marine buhiri mariena ijigū yere, tiqirore mari wacū tutuagū.

¹⁰ Sa yegū to pano yūhū ni tūhoto mūhtamedire duhu cǰā Cristore quehnoano masigū tūhū. Cohācǰū tutuaye mehna Cristo masa mūjahye. Ti tutuaye mehna iji duaja. Sa yegū ti tutuaye mehna quehnoañene ye duaja. Cristo curusapū yariahye mari ñañe yerire cohāno taro. Sa yegū tiqiro yere yūhū yeri buhiri tiqiro yero saha ñano yūhdū duaja yūhū gūhū.

¹¹ Sa yegū Cristo tiqiro masa mūjariro sahata masa mūjacǰū ijiitja yūhū gūhū.

¹² Ahri ijipihitijere sa nigū, “Cristo yero saha ñañe mariegū ijiaja”, ni tūhotueraja. Yūhū sa ni tūhotuerapegūta Cristo tiqiro yaqiro ijigū ye tuhasari yūhūre. Sa yegū tiqiro yere tiqiro gūhūre quehnoano masi duagū tutuaro mehna tiqiro yere yeaja yūhū.

¹³ Yūhū acaye, “Tiqirore quehnoano masi peho tuhasaja”, ni tūhotueraja. Sa ni tūhotuerapegūta ahri pūritare yeaja:

¹⁴ Omaperiqiro tiqiro wapata duariro saha tutuaro yeaja yūhū, yūhū wapatarire yūhū ñeheatō saha. Cristo yaqiro yūhū ijigū ihñano Cohācǰū ti yūhū wapatarire yūhūre ohoro taro ūhmasepū pijiori yūhūre.

¹⁵ Ohō saha yūhū tūhotuiri sahata tūhotuya masa gūhū Cristore quehnoano masina. Sa yero ahri mū sare yūhū yahurire masa tūho dueragū, sijoro saha masa tūhotugū Cohācǰū mū sare quehnoano masigū yerota.

¹⁶ Sa yena tiqiro yere mari masidire quehnoano ye sohtori tihna.

¹⁷ Yūhū acaye, masa ijipihitina yūhūre ihñā cūñā. Sa yena apeqina ūsā yero saha yeyequinare quehnoano ihñā diho cūñā masa tiqinare masa ihñā cūato saha.

¹⁸ Peyē tahari apeqina tiqina ijiye tijere yahū yūhū mū sare. Yojoṗū gūhūre tutuaro bǰūna witigū tiqinaretā yahuaja mū sare. Tiqina Cristo curusapū tiqiro yariari buheyere ihñā yabiyequina ijire.

¹⁹ Tiqina pecapū wahatiqina ijire. Tiqina ñañe tutuaro cahmeñe pehere tutuaro ye duare tiqina. Sa ye tiqina bue tiboyere ye ye, tire quehnoañe yero saha tūhoture tiqina. Ahri yehpa cǰē dihitare quehnoano tūhoture tiqina.

²⁰ Mari pehere mari ya maca ūhmasepū ijire. Sa yero topata marine

yūhdūoatiqiro, mari pūhtoro Jesucristo ahtarota. Sa yena tiqiro ahtatire cohtena niaja mari.

²¹ Tiqiro ahtarō mari pagurire pejecuoye pagurire sijoro saha ijiye paguri dihita comesarota tiqiro. Sa yero tiqiro ye pagū yero saha quehnoari pagure asi siteri pagure ohorota marine tiqiro tutuaye mehna. Ijipihitijequina pūhtoro sajāri tiqiro, tiqiro tutuaye mehna. Sa yero ijipihitijē upāro ijire tiqiro ti tutuaye mehna.

4

Decoripe mari pūhtoro mehna bucueya

¹ Sa yena yūhū acaye, yūhū cahñā, tutuaro yūhū wacūna, yūhūre bucuegū yena, yūhū buhegū quehnoano tūhorina, panopū masa wacū tutuariro saha mari pūhtoro tutuaro wacū tutuaya masa.

² Ahrire yahutja mū sare Evodiare, Sintiye gūhūre: Jesu yequina numia ijire masa. Sa yena cahme ðuse tutuaro marieno quehnoano mehna ijiducuya masa.

³ Mūhū pehe potota yūhū mehna cǰū warota ijire. Mūhū gūhūre yahutja: Tiqina numia yūhū mehna, Clemente mehna, apeqina yūhū piti tiyequina mehna dahrari quehnoañe buheyere ūsā buhegū. Cohācǰū tiqinare ijipihitijequina wamene oja ohōahye tiqiro ya tǰupū. Ijipihitijē decori catijere tiqiro ohoriquina wamene tiqiro oja ohōri tǰupū oja ohōahye. Sa yegū tiqina numiare bosaya mūhū.

⁴ Decoripe mari pūhtoro mehna bucueya. Pari turita yahutja: Bucueya.

⁵ Quehnoano yeya ijipihitijequinare. Mari pūhtoro Cristo ahtato mehenogā ðū sare.

⁶ Ne bǰūna witi tūhotueracāhñā. Cohācǰūre quehnoano yahu pehoya. Sa yena tiqirore siniñā. Sa yena masa sinidire tiqiro yahtigū ihñāna “Quehnoare”, niñā tiqirore.

⁷ Masa sa yegū quehnoano ijigū yerota mū sare Cohācǰū. Tiqiro sa yegū quehnoa yūhdūare. Ahri mari quehnoano ijiye quehnoa yūhdūare. Sa yero Cristo Jesu yequina mari ijigū marine quehnoano ijigū yero, Cohācǰū marine quehnoano jeripohna tigū yerota. Sa yero bǰūna witi tūhotueragū yerota marine.

Quehnoañene tūhotuya

⁸ Ahrire yahu bato tigū tūhū niaja mū sare, yūhū acaye. Queoro ijijere, masa tiqina ño peoyere, quehnoano yeyere, ñañe marieñene, bucueyere, masa “Quehnoañē ijire”, tiqina niñene tūhotuya masa. Quehnoa yūhdūaye ijigū tireta tūhotuya. Masa quehnoañene ihñāñe tiqina bucueyere pehere masa gūhū bucue tūhotuya.

⁹ Mū sare yūhū buheriro sahata sa yeducuya masa. Sa yena yūhūre ihñā cūñā masa.

Musa sa yegū Cohācjū musare quehnoano ijigū yeriquiro musa mehna ijirota.

Filipe cjēna Pablora tiquina ohorire yahuahye tiquiro

¹⁰ Yojopū pūrita yoari pje bato musa pari turi yuhure wacūna, musa yedohoyere bucueaja. Sa bucuegū mari puhtoro Cristore “Quehnoare”, niaja. “Yuhure boaa wahari musa”, niedaja yuhu. Panopure yuhure yedoho duepenata yedoho masiedari musa.

¹¹ Yuhure musa yedohorire yahugū yuhure dahsarire musare yahuu tū niedaja. Musare apee borore cahmegū sa nigū niedaja. Yuhu cuoye mehna iji masiaja yuhu.

¹² Apee boro cuoeragū gūhu quehnoano iji masiaja yuhu. Sa yegu pajiro cuogu gūhu quehnoano iji masiaja. Decoripe uju ahbagū gūhu ducapoa wahaja. Yapigu ijigu gūhu ijipoa wahaja. Pajiro cuogu gūhu ijipoa wahaja. Yuhure apee boro mariedagū gūhure ijipoa wahaja.

¹³ Cristo yuhure tutuagū yeriquiro mehna ijipihtiyere Cohācjū cahmeñene ye masi pehoaja yuhu.

¹⁴ Yuhu sa ijiporigū yuhu ijiepegūta yuhu ñano yuhdugū musa yedohona yuhure quehnoano yeri musa.

¹⁵ Quehnoañe buheyere yuhu buhe ducagū Macedonia yehparū musa ya yehparū ijirigū yuhu wahagū musa dihita yuhure yedohori. Sa yedohona, musare yuhu buheri wapa musa wapa yero saha yena nidi musa.

¹⁶ Sa yena Tesalónicarū yuhu ijiri watoa yuhure yedohona, ihquē tahari ohori musa.

¹⁷ Apee borore sinigū sa nigū niedaja. Apequinare musa yedohogū Cohācjū musare quehnoano yerota. Tiquirore musa yedohori wapa Cohācjū musare tiquiro quehnoano yegū cahmeaja yuhu. Sa yegu yuhure musa yedohorire wacūgū yeaja musare.

¹⁸ Yojopure yuhure quehnoano oho pehori musa. Yuhu cahmedi yuhduoro ohori musa yuhure. Yuhure Erafrodito mehna musa ohori bato apee boro ne dahsaerare yuhure. Cohācjū wuhurū ehme sitiyeere bue mo, Cohācjūre tiquina quehnoano bucuegū yeriro saha yuhure musa ohori gūhu Cohācjūre quehnoano bucuegū yeri.

¹⁹ Musa Cristore wacū tutuare. Sa yero ijipihtiyere musare dahsarire ohorota mari Pacū musare, quehnoa yuhduye tiquiro cuoyere.

²⁰ Ijipihtiyere decori mari Pacure Cohācjūre ño peuhna. Sata yeihna.

Pablo quehnoa dutiahye

²¹ Ijipihtiyequina quehnoañequina Jesucristo yequina quehnoahdo. Mari acaye

gūhu Jesu yequina yuhu mehna cjēna musare quehnoa dutire.

²² Ijipihtiyequina ohō cjēna quehnoañequina Jesu yequina quehnoa dutire. Roma cjēna puhtoro ya wuhu cjēna pūrita tutuaro quehnoa dutire.

²³ Mari puhtoro Jesucristo cahñe mehna quehnoano ijiya.

Colosenses

Colosa cĵĕnare oĵoa oĵoaĵe Pablo gāĥu

¹⁻² Yĥu Pablo mari acayuro Timoteo meĥna mĥsare Colosa cĵĕnare queĥnoa dutiaĵa uĥā. Yĥu Jesucristo yere buĥe dutiro tiĵiuro cūrigrĥ iĵiaĵa. Cohācĵū cahmeno sahata Jesu yĥĥere tiĵiuro yere buĥeacĵere cūrĥ. Sa yegĥ mĥsare uĥā acaye Cristore wacū tutuaducunare oĵoa oĵoaĵa yĥu. Sa yena Cohācĵū mari Pacĥ meĥna mĥsare queĥnoa dutiaĵa. Sa yena tiĵiuro meĥna queĥnoano iĵiya mĥsa.

Jesu yeĵinare Pablo sini basahye Cohācĵūre

³⁻⁸ Mĥsa ye iĵiatire Cohācĵūre sini basana “Queĥnoare”, sa niducuaĵa uĥā. Tiĵiuro peĥe mari pĥtoro Jesucristo Pacuro iĵire. Iĵiĥtiye decori uĥmĥsepĥ mĥsare iĵigĥ yerota Cristo peĥe. Tiĵiuro sa yeatiĵiuro iĵigĥ tire mĥsa sa coĥteducu wame tire. Cristo Jesure wacū tutua wame tire mĥsa. Sa yena tiĵiuro yeĵinare cahĥ wame tire mĥsa. Mĥsa sa iĵi wame tigĥ Cohācĵū meĥna bucue, tiĵiurore “Queĥnoare”, niaĵa uĥā. Iĵiĥtiropare Jesu yeĵina pota iĵiye buĥeyere queĥnoaĥe buĥeyere tiĵina yahugĥ tuĥoye masa queĥnoaĥe peĥere comesare. Aĥrĥreta mĥsa gāĥere Epaĥra queĥnoaĥe buĥeyere yahuri ĵiri. Tiĵiuro uĥā tutuaro cahĥniĵiuro uĥā meĥna Cristore dahra coĥteriĵiuro iĵire. Sa yero Cristo yere ne duĥerare tiĵiuro. Mĥsare tiĵiuro sa yahugĥ tuhona, duita queĥnoano ye wame tire mĥsa. Sa yena Cohācĵū mĥsare tiĵiuro cahĥĥene pota masina, duita queĥnoano ye wame tire mĥsa. Mĥsa sa yerire Epaĥra yahuri uĥāre. Espĥritu Santo yedohoye meĥna Jesu yeĵinare mĥsa cahĥĥene yahuri tiĵiuro uĥāre. Tiĵiuro sa yahugĥ tuhona “Queĥnoare”, niaĵa uĥā Cohācĵūre.

⁹ Sa yena mĥsare tuhona mĥsare duita sa sini basaducuaĵa uĥā Cohācĵūre. Cohācĵū cahmeĥene mĥsa masi peĥoatire tiĵiurore sini basaja uĥā. Tiĵiuro yere queĥnoano masina mĥsa iĵiatire sini basaja uĥā.

¹⁰ Sa sini basaja uĥā mari pĥtoro Cristo cahmeno sahata queĥnoano mĥsa yeatire. Mĥsa sa yegĥ ihĥano tiĵiuro bucuero. Sa yena iĵiĥtiye queĥnoaĥene mĥsa yeatire sini basaja. Cohācĵūre mĥsa masi nemoatire sini basaja.

¹¹ Aĥri yĥu yahuatĥ gāĥere sini basaja uĥā. Cohācĵū tutuaye meĥna mĥsa tutuatire mĥsare sini basaja. Sa sini basaja ĥano yĥĥĥepenata mĥsa ihcāno saĥatire. ņano yĥĥĥepenata mĥsa sa tuhota cātire, mĥsa bucueye meĥna mĥsa sa iĵiducuatĥ gāĥere sini basaja.

¹² Cohācĵū tiĵiuro yeĵina iĵanare marine yere. Sa yero tiĵiuro oĥoyere cĥoanajare yere marine tiĵiuro. Tiĵiuro iĵiropĥ buĥrioropĥ marine oĥorota tiĵiuro. Tiĵiuro sa yegĥ ihĥana tiĵiurore mĥsa “Queĥnoare”, niatire sini basaja uĥā mĥsare.

¹³ Tiĵiurota marine pecapĥ waha-borinare yĥĥdugĥ yere. Panopare ti ĥaĥene ye duĥu masiedami mari. ņariĵuro peĥe marine dutiriĵiuro iĵinĥedi. Cohācĵū peĥe marine pecapĥ waha-borinare yĥĥdugĥ yeri. Macanore tiĵiuro cahĥniĵiurore pĥtoro sōno uĥmĥsepĥ marine iĵigĥ yere. Sa yena tiĵiuro macno meĥna iĵinata.

¹⁴ Tiĵiuro macno meĥna marine yĥĥĥore Cohācĵū. Tiĵiuro macno yariari meĥna mari ĥaĥe yerire bori Cohācĵū.

Masa Cohācĵū meĥna tiĵina cahme ihĥa tuĥtigĥ ihĥano Cristo bosahye

¹⁵ Mari Pacure ihĥameĥedare. Tiĵiuro macno peĥe tiĵiuro Pacuro iĵiye tiĵere ihĥore masare. Tiĵiuro macno iĵiĥtiye-ĵina pano, iĵiĥtiye pano iĵi tuĥasari ĵiri. Sa yero pĥtoro iĵire tiĵiuro.

¹⁶ Mari Pacĥ tiĵiuro dutigĥ tiĵiuro macno peĥe tiĵiuro Pacuro meĥna iĵiĥtiyeĵinare, iĵiĥtiyere bajumehneahye. Őmĥsepĥ iĵiyere, aĥri yehpapĥ iĵiye gāĥere bajumehneahye. Mari ihĥarĥre, mari ihĥedari gāĥere bajumehneahye. Őmĥse cĵĕna pĥtoare, dutiyeĵinare iĵiĥtiyeĵinare bajumehneahye. Tiĵiuro iĵiĥtiyeĵina gāĥere iĵiĥtiye gāĥere bajumehneahye. Sa yere iĵiĥtiyeĵina tiĵiuro yeĵina iĵiatĵina iĵimahye. Iĵiĥtiye gāĥu tiĵiuro ye iĵiati iĵimahye.

¹⁷ Iĵiĥtiyeĵina pano, iĵiĥtiye pano Cristo iĵi tuĥasahye. Sa ye tiĵiuro tutuaye meĥna iĵiĥtiye gāĥu, iĵiĥtiyeĵina gāĥu yojopare iĵiye nine.

¹⁸ Mari tiĵiuro yeĵina iĵiĥtina tiĵiuro pagĥ yero saĥa tiĵiuro ya curua cĵĕna iĵiaĵa. Sa yero tiĵiuro mari dapu iĵire. Tiĵiuro yariaro masa maĵa mĥtariĵiuro iĵire iĵiĥtiyeĵina pĥtoro, iĵiĥtiyere cĥoriĵiuro iĵiro taro.

¹⁹ Cristo ihcāno sahata iĵire mari Pacĥ tiĵiuro iĵiro saĥata. Tiĵiuro sa iĵigĥta cahmeahye mari Pacĥ peĥe.

²⁰ Iĵiĥtiyeĵina masa tiĵiuro Pacurore cahme ihĥa tuĥtie tĥahye. Sa tiĵina cahme ihĥa tuĥtigĥ ihĥano Cristo bosa duahye. Őmĥse cĵĕnare, aĥri yehpa cĵĕna gāĥere tiĵiuro Pacurore ihĥa tuĥtieragĥ ye duahye Cristo. Sa yero uĥmĥse cĵĕ, aĥri yehpa cĵĕ gāĥu queĥnoano iĵigĥ cahmeahye tiĵiuro. Sa bosa duahye tiĵiuro curusapĥ yariaro, tiĵiuro diire cohāno. Tiĵiuro Pacuro cahmediro saĥata yeahye Cristo.

²¹ Musa gāhare sata yeri tiqiro. Tiquiro Pacurore ihña tuhtina tiqiro mehna cjana ijieramahye musa gāhu. Nañene yeri jimedi musa.

²² Tiquiro yariari mehna tiqiro Pacurore musare ihña tuhtieragū yeri tiqiro. Sa yeri tiqiro quehnoana, ñañe mariena, buhiri mariena musare ijigū yero taro. Musa sa ijigū musare sa buhiri marienapare tiqiro Pacurore ohorota.

²³ Sata ohorota, musa tiqirore wacū tuaducugū. Sa yerota tiqiro quehnoañe buheyere musa tuhorire musa boeragū. Ti buheyere quehnoañe buheyere ijipihtiyequina ahri yehpapare ijieyequina tuhori jire. Sa yegu yahū gāhu Pablo ti buheyereta yahugata ijiaja.

Jesu yequinare yedohoriqiro ijiro, bucueahye Pablo

²⁴ Cristo mari ñano yeri buhirire ñano yahduahye. Sa yegu yahū gāhu musare yahū buheri buhiri ñano yahduagū bucueaja. Sa ñano yahduagū Cristo marine tiqiro cūrire ye sohtori tigū niaja. Sa yegu bucueaja. Cristo yere mari yeri buhiri mari ñano yahdu nemoati dūhsarīne. Sa yegu tiqirore musa wacū tutuatire ñano yahduagū bucueaja yahū. Tiquiro pagū yero saha ijina tiqiro ya curua cjana ipeho.

²⁵ Jesu yequinare yedohoacjare cūri Cohācjū yahūre. Musa ye ijiatire yedohoacjare yahūre cūri tiqiro. Tiquiro yere masare yahu pehoacjare cūri yahūre.

²⁶ Tiquiro yere peye cahmari panopū cjenare yahu pehoera tiahye mari Pacū. Yojobū cjenare tiqiro yequinare tire quehnoano yahu peho cāhre.

²⁷ “Judio masa ijieyequinare yahū buhegū yee buheye quehnoa yahduare”, ni tiqiro yequinare tire yahuri. Panopū tiqiro yahuerarire yojobū yahuri. Ohō saha ijire tiqiro ye: Cristo tiqiro yequina mehna ijire. Tiquiro sa ijigū tiqiro yequina ahmasepū quehnoa yahduaropū ijjeta. Ti ijire panopū tiquina masiedari mari Pacū ye.

²⁸ Cristoreta yahuaja. Ijipihtiyequinare cuesāgū tiquinare buheaja yahū. Quehnoano masiñe mehna buheaja yahū quehnoano Cristore masare masigū yegu tagū. Sa buheaja yahū tiqiro yere tiquina quehnoano yequequina ijigū yegu tagū.

²⁹ Ahri ijire yahū dahraye. Mari Pacū tiqiro ye tutuaye mehna yahūre tiqiro ohori tutuaye mehna tutuaro dahraja yahū, tiqiro yere buhega.

2

¹ Ahrire musa masigū cahmeaja. Musa ye ijiatire, Laodicea cjenā ye ijiatire, ijiphtiyequina apequina ye ijiahi gāhare tutu-

aro dahraja yahū. Ijipihtina musa yahūre ihñena ye ijiahi gāhare tutuaro dahraja yahū.

² Sa dahraja yahū musa quehnoano jeripohna tiatire. Musa mehna cjenare musa cahme cahīati gāhare sa dahraja yahū. Cohācjū ye panopū tiqiro yahuerari Cristore masigū yeye ijire. Tiquiro yere masina tiqirore wacū tutuare musa. Tiquirore musa quehnoano masiatire, tiqiro mehna musa quehnoano ijiatire tutuaro yedohoaja musare.

³ Apequina tiquina masiedarire Cristo di-hita quehnoano masi peho cāhre. Sa yero quehnoano masiniqiro ijire tiqiro.

⁴ Ahrire niaja musare “Apequina musare sijoro saha tuho coaye buheye mehna ni mehoari”, nigū.

⁵ Yahū musa watoa ijierapegata yahū wacūno mehna musa watoa ijigū yero saha tuhotaaja. Sa yegu Cristore musa quehnoano wacū tutuaducurire, musa quehnoano yeri gāhare masigū bucueaja yahū.

⁶ Sa yena Cristore musa wacū tutua ducariro sahata sata tiqirore wacū tutuaye mehna decoripe quehnoano ijiducuya.

⁷ Tiquirore quehnoano masina ijiaja musa. Sa yena decoripe tiqirore masi nemoña panopū musare apequina tiquina buheriro sahata. Sa yena Cristore buce, “Quehnoare”, niducuna ijiaja musa.

Cristo yequina ijina, quehnoañe pehere cahmeaja mari

⁸⁻¹⁰ Quehnoano yeya musa. Masa tiquina esa tuharo tiquina buheye tiquina ni mehoñene tuhoeracāhña. Tiquina panopū cjenā tiquina esa tuharo niñene buhere. Tiquina sa niñe dūhseati ijierare. Uhmuse cjenā puhtoa yere, watia ye gāhare sa buhe maca cāhre. Cristo ye pehere buherare. Cristo mari Pacū ijiro sahata ijiriqiro ijiro, Cohācjū warota ijirota nine. Tiquiro yequina ijina Cohācjū mehna quehnoano ijiaja mari. Tiquirota ijipihtiyequina puhtoa bui, angele puhtoa bui gāhare puhtoro ijire. Tire masina ni mehoñene buheyequinare tuhoeracāhña.

¹¹ Sa yena Cristo yequina ijina cuhnucunū cahserogāre yahūre nediquina yero saha ijire musa. Ti cahserogāre tiquina yahūre ne cohāriro sahata Cristo musa ñañene tutuaro cahmeñene cohāri.

¹² Tiquiro yequina ijina wame yenohrina wahari jiri musa. Tiquiro wame yenohrina wahana ohō saha ni ihñona nidi jiri musa: Panopū cje musa ñañe yerire musa duhurire ihñona nidi jiri musa. Ti musa ñañe yerire musa ya cūboro saha tire duhuri jiri musa. Cristo masa mujano quehnoanopū wahahye. Tiquiro sa wahariro sahata

Cohācjüre wacū tutuana “Tiquiro tutu-
ariquiro ijire”, nina, quehnoañe pehere
comesari jiri m̄sa. Tiquiro Cohācjū pehe
Cristore masoriquiro ijire. Tiquiro wame
yenohrina ijina quehnoañe pehere m̄sa
camesarire ihñona niāna m̄sa.

¹³ Panop̄re m̄sa ñana m̄sa ijiri buhiri
pecap̄ wahaborina ijimahye m̄sa. Sa wa-
haborina ijimahye m̄sa Cohācjū yequina
ijerana. Tiquiro dutiye mariena ijimahye
m̄sa. Yojoṗ̄re mari Pac̄u marine tiquiro
mehna sa ijiducuanare yeri. Cristo tiquiro
yariari mehna sa yeri tiquiro marine. Sa
yero ijipih̄tina mari ñañe yerire bo cāhri jiri
tiquiro.

¹⁴ Cohācjū tiquiro dutiyere yuhduducana
mari ijiepegāta tiquiro marine buhiri ti
dutiari jiri. Ti dutiye marine buhiri dahre
dutiepegāta ti dutiyere sa ihñā cāhno, ma-
rine buhiri ti dutiari jiri. Cristo curusap̄
tiquiro yariari mehna Cohācjū pehe mari
ñañe buhirire cohā cāhre.

¹⁵ Masa tiquina ihñonop̄ wat̄a p̄htoare
Cohācjū yuhduducahye. Ihyo ijieyquina to-
joa cāhye tiquina pehe. Sa yero tiquinare
buoro wahagū yeahye. Curusap̄ yariaro
Cristo ñañequina p̄htoare yuhduducahye.

Ūhm̄se cjēne Cohācjū yere cahmeña

¹⁶ Sa ye apequina m̄sa ihyayere, m̄sa
sihniñe gāhure ihñañe masare “Buhiri tina
ijire”, ni ihñaboaga. Tiquina sa ni ihñagū
sa ihñā cāhña tiquinare. Cāhmaripe ijie
decorire, asūripe ijie decorire, semanaripe
ijie decorire bose decori m̄sa yeragū
ihñañe masare “Buhiri tina ijire”, niaboaga
tiquina. Tiquina sa nigū sa ihñā cāhña
tiquinare.

¹⁷ Panop̄u ti ihyā dutiyere, bose decorire
ye dutiyere, apeye dutiye gāhure cūahye
Cohācjū marine buhero taro. Ti dutiye
mehna cameṗ̄ tiquiro yeatire Cohācjū
ye ihñono niahye. Cristo tiquiro ijie
tiatire mehenogā ye ihñono niahye masare.
“Tiquiro ohō saha waharota”, nino sa ye
ihñono niahye. Sa yeati ijimahye ti dutiye.

¹⁸ Ohō saha nimene ti dutiyere ye du-
tiyequina. “Sijoro saha ijiyere bajuagū
ihñāu asā”, niñe, tiquina angelere Cohācjüre
tiquina ño peborro saha ño peomene. Ape-
quina masa yero saha tiquina ñañene tu-
tuaro cahmeñene tūhotumene tiquina. Sa
ijieyquina ijie “Masi peho cjā asā”, ni
tūhotumene tiquina. Sa ye ye tiquina ape-
quinare “Yuhduducaeraja”, niñequina, sijoro
saha yeeyequina yero saha ye ihñomene
m̄sare. Sa ye ye m̄sare tiquinare ihñā cū
dutiye. Tiquina sa dutigū tiquinare sa ihñā
cāhña.

¹⁹ Sa yepeta Cristo tiquiro dutiro saha
yeye niedare. Cristo pehe tiquiro yequinare
dapu yero saha ijire tiquiro yequina

p̄htoro ijiro. Tiquiro yequina pehe tiquiro
pagu yero saha ijieyquina tiquiro ya curua
cjēna ijire. Mari cohāri dohoye mari wa
dari gāhū mari pagure ihcā pagu ijigū
yere. Sata Cristo pehe tiquiro yequinare
ihcāno mehna quehnoano mehna ijigū yere.
Sa yero Cohācjū pehe tiquiro yequinare
tiquirore masi nemogū yere.

²⁰ Sa ye Cristo yequina ijina ñañene ye
duhurina ijire m̄sa. Sa yena ahri yehpa cjē
ñañe buheyere cahmedacāhña. Ti buheye
ūhm̄sep̄u ijimediquina ñañequina p̄htoa
ye ijire. Sa yena ti buheyere cahmedacāhña.
¿Duhse yena masa tiquina esa tuharo du-
tiyere ño peojari m̄sa?

²¹ Ohō saha ni dutire tiquina esa tuharo
dutiyequina: Ahri borore ihyeracāhña.
Ahri borore ne ihyā tuhueracāhña. Ahri
borore piheracāhña. Sata ni, dutire tiquina.

²² Mari apee borore ihyagū duita pihtia
wahare. Sa ijie borore pihtie borore
tūhotuye nine sa dutiyequina. Tiquina sa
dutigū ahri yehpa cjē dutiye dihita ijire ti
dutiye. Masa tiquina esa tuharo tiquina
buheye dihita ijire ahri buheye. Sa ye
duhseati ijierare.

²³ Ti dutiyere yeeyequina Cohācjüre ño
peoyequina yero saha ijimene. Sa ijie ye ape-
quinare yuhduducayequina yero saha ye
ihñomene. Tiquina pagurire ñano yuhdagū
yeye Cohācjüre ño peoyequina yero saha ye
ihñomene tiquina. Tiquina sa yegū tiquina
ye dutiye pehe masi pehoyequina ye dutiye
yero saha ijimene. Sa ijierare. Ti dutiye
yepeta tiquina ñañene tutuaro cahmeñene
duhuerare. Sa ye tiquina ye dutiye pehe
duhseati ijierare.

3

¹ Sa yena Cristo yequina ijire m̄sa.
Panop̄u m̄sa ñañe yerire duhu, quehnoañe
pehere comesari jiri m̄sa. Sa comesana
ijina ūhm̄se cjēne Cristo yere cahmeña
m̄sa. Top̄re mari Pac̄u poto peheṗ̄u dujire
tiquiro.

²⁻³ Ūhm̄se cjē Cohācjū yere quehnoano
tūhotuya m̄sa. Ahri yehpa cjē ñañene wacū
ñañedacāhña m̄sa. Cristo yequina ijina ti
ñañene wacū duerare m̄sa. Tiquiro pehe
ti ñañene cahmotare. Sa yena tire wacū
ñañedarō cahmene m̄sare.

⁴ Sa yena Cristo ūhm̄sep̄u marine sa
ijiducuatinare yeriquiro tiquiro ahtagū
tiquiro mehna wahanata m̄sa. Sa wahana
tiquiro mehna cjāna ijinata.

*Cristo yequina mari ijiato panore ñañene
yemi mari*

⁵ Sa ye ñañene ye duhu cāhña m̄sa:
Omoca duhterina gāhū, duhterarina
gāhū wuana tiyere, ña yuhduaro yeyere,
apequiro namonore tutuaro cahmeñene,

apecoro mananore tutuaro cahmeñene, ñañene tutuaro cahmeñene duhu cãhña mûsa. Apee borore tutuaro cahmedacãhña. Apee borore tutuaro cahmena “Cohãcãjũ ijire”, tiquina niñe queoyere mari cahmeno sahata yena niaja mari tire. Doeri cãene ño peoyequina yero saha yena niaga mûsa.

⁶ Ti ñañene yeyequina Cohãcãjũre yuhdũducayequina ijire. Tiquina sa ye yuhdũducagã ihñano tiquinare buhiri dahrerota.

⁷ Панорге mûsa pehe ti ñañene yena ijina tiquina mehna ijirina ijmahye mûsa.

⁸ Sa ijimedina ijiepenata yojopere ahri ñañene duhu peho cãhña mûsa: Úsuayere, apequinare ñano ni tuhotuyere, apequinare ñano quiti dahreyere, ñano yahuducuyere tire ijipihiyere duhu cãhña.

⁹⁻¹⁰ Mûsa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire mûsa. Mûsare quehnoañe pehere cahmegũ yero nine Cohãcãjũ tiquiuro yero saha mûsa ijiato saha. Sa yere tiquiuro quehnoano tiquiore mûsa masiato saha. Sa yena mûsa mehna cãenare ni mehoedacãhña.

¹¹ Cristo yequina ijina judio masa, judio masa ijina gãhu ihcãno saha ijire mûsa, Cohãcãjũ ihñagũ. Cuhnucunã cahserogãre yahre nediquina, yahre nedariquina gãhu Cristo yequina ijire ihcãno saha ijire, Cohãcãjũ ihñagũ. Ape yehpa cãena, mûsa masieñequina, mûsa ya yehpa cãena gãhu Cristo yequina ijire ihcãno saha ijire, Cohãcãjũ ihñagũ. Dahra cohteyequina, dahra cohteyequina ijieyequina gãhu Cristo yequina ijire ihcãno saha ijire, Cohãcãjũ ihñagũ. Jesu ijipihiyequina tiquiuro yequina mehna ijire. Ihyo ijiriquiuro ijierare, tiquiuro yequina ihñagũ.

¹²⁻¹³ Sa ye Cohãcãjũ beserina, quehnoana, tiquiuro cahña ijina ohõ saha ijija mûsa: Apequinare paja ihñana, apequinare quehnoano yena, apequinare quehnoano mehna yena, “Apequinare masi yuhdũducaja”, niena, mûsare tiquina ñano yepegãta sa tuhotu cãna ijija mûsa. Mûsa mehna cãena mehna usuana, tiquinare quiti dahrena, mûsa basi usua duhuya. Mari puhtoro mûsa ñañe yerire bori. Sa tiquiuro boriro sahata mûsa gãhu mûsa mehna cãena mûsare tiquina ñañe yerire boya.

¹⁴ Ahri dutiye yuhdũoro ohõ saha ni dutiaja mûsare: Apequinare cahña. Mûsa sa yena quehnoano ijipihiyequina mehna ihcãno mehna ijinata.

¹⁵ Cristo marine quehnoano ijigũ yere unreno marieno mari ijiato saha. Tiquiuro sa yegũ quehnoano ijija mûsa basi. Sa yeatinare tiquiuro yequina ijiatinare cãahye mari Pacũ mûsare. Sa yena Cristo pagũ yero saha ihcã curuata ijire mûsa. Sa ye

Cohãcãjũre “Quehnoare”, ni bucuena ijija mûsa.

¹⁶ Cristo ye buheyere quehnoano wacũducuya mûsa. Quehnoano masi buheya tiquiuro yere. Cua pesaro mehna tire yahuya. Sa yena Salmore Cohãcãjũ yere basayere, apeye tiquiore ño peo basayere tiquiore basa peoya. Quehnoano wacũ ño peoye mehna basa peoya. Sa basana tiquiuro yere quehnoano wacũña mûsa. Sa yena Cohãcãjũre “Quehnoare”, ni bucuena ijija mûsa.

¹⁷ Ijipihiyere dahse ijiyere mûsa yeyere quehnoano jeripohna ti yeya, mari puhtoro Jesu tiquiuro buceato saha. Cristore ño peore mûsa. Sa yena tiquiore ño peoye mehna quehnoañe dihitare yahuducuya. Sa yena Cristo yedohoye mehna Cohãcãjũ mari Pacure sinina “Quehnoare”, ni bucuena ijija mûsa.

Jesu yequinare ihcãno mehna iji dutiye ohõ saha ijire

¹⁸ Mûsa manũ tina numia, mûsa manusumũare quehnoano yahtiya mûsa. Sata yero cahmene mûsare mari puhtoro Cristo yequina numia ijina.

¹⁹ Mûsa namo tina, mûsa namosãnumiare cahña. Sa yena tiquina numiare tuhtieracãhña.

²⁰ Mûsa tiquina pohna gãhu, mûsa pacusumũare yuhdũducaeracãhña. Mûsa sa yegũ ihñano mari puhtoro quehnoano bucuere.

²¹ Mûsa tiquina pacusumũa gãhu mûsa pohñare sa tuhtiducueracãhña “Bũjua witigũ yeari”, nina.

²² Cahacãjãna, mûsa puhtoare ahri yehpa cãenare quehnoano yahtiducuya. Tiquinare bucuere dutina tiquina ihñonopũ dihitare yahtina ijieracãhña. Tiquina mariedagũ gãhure yahtiya. Mari puhtoro Cristore cua pesaro mehna mûsa ihñano sahata quehnoano mehna yahtiya mûsa puhto gãhure.

²³ Potota Cristo yequina ijina quehnoano yahtire mûsa tiquiore. Sa yena mûsa puhtoare ahri yehpa cãenare yahtina, Cristore mûsa yahtiro saha yahtinata nine mûsa. Sa yena mûsa puhto tiquina dutiro sahata tutuaro mehna dahraya, Cristo ye dutiye ti ijiboriro saha.

²⁴ Mûsa sa yegũ Cristo mûsare quehnoano yerota. “Mûsare ohoutja”, tiquiuro niñene mûsare ohorota mari puhtoro. Tire masine mûsa. Mari puhtoro Cristo cahacãjãna ijire mûsa. Sa yero tiquiuro pehe mûsa puhtoro waro ijire.

²⁵ Tiquina puhtoare yuhdũducayequinare buhiri dahrerota mari puhtoro pehe. Sa yuhdũducayequinare ihcãquiuro dahsaro

marieno ihcāno saha buhiri dahrerota tiqiro.

4

¹ MUSA puhto pehe, mUSA cahacjēnare potō queoro quehnoano yeya tiquinare. MUSA gāhū puhtoro cuore. MUSA puhtoro mUSA cuoriquiro pehe uhmase cĵāno ijire.

² Decoripe Cohācjāre siniña mUSA. Quehnoano wacū tūhotu siniña. Sa yena “Quehnoare”, niña mari Pacure.

³⁻⁴ Ūsā ye ijiati pehere sini basaya tja. Cristo yere apequina panopū tiquina masiedarire buhena niāja ūsā. Tiquinare ūsā quehnoano masigū yeati pehere sini basaya mari Pacure. Cristo yere yuhū buheri buhiri yuhū yojopare peresupū ijiāja. Sa yegū mUSA sa sini basagū cahmeaja tiqiro yere yuhū quehnoano yahuatire. Cristo dutiriro saha yuhū yahuati pehere sini basaya.

⁵ Jesu yequina ijieyequina mehna ijina quehnoano yeya mUSA. Cristo yere yahuya tiquinare. Tiquina mehna mUSA ijiro puno sata quehnoano yeya.

⁶ Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina mUSA tiquina sinitugū quehnoano masiña mUSA yūhtiatire.

Quehnoa duti bato tiahye Pablo

⁷ Tīquico mari acayuro Jesu yaqiro ijire. Tīquiro yuhū ijiye tiyere mUSA yahurota. Tīquiro mari cahñiquiro ijire. Cristo yere buhero, ūsā mehna dahrariqiro ijire. Sa yero Cristo yere ne duhuerare tiqiro.

⁸ MUSA cahapū tiqirore ohou yuhū ūsā ijiye tiyere mUSA masino quehnoano. Tīquirore ohou yuhū mUSA bucuēgū yeatiqirore.

⁹ Onésimore mari acayurore mUSA cahapū ohou. Tīquiro gāhū Cristo yere ne duhuerare. MUSA mehna cĵāno ijire. Tiquina p̄aro ūsā ohōre duhse yūhdarire yahueta mUSA.

¹⁰ Aristarco peresupū ijiriquiro yuhū mehna cĵāno mUSA quehnoa dutire. Marco gāhū quehnoa dutire. Tīquiro Bernabé basuriro ijire. Tīquirore yahu tuhasa mUSA. MUSA cahapū tiqiro esagū quehnoano mehna tiqirore piti caya.

¹¹ Jesu “Justo”, tiquina ni pisuriquiro quehnoa dutire tiqiro gāhū. Ahriquina iħtiarota yuhū mehna dahrayequina judio masa waro ijire. Judio masa waro tiquina dihita Cohācjū yere yuhū mehna buhere. Sa buheaja ūsā Cohācjū yequina masa wahatire, Cohācjāre tiquina puhtoro tiatire. Tiquina yuhū quehnoano yedohoriquina ijire.

¹² Epafra mUSA mehna ijiriquiro mUSA quehnoa dutire. Tīquiro Cristore dahra

cohteriquiro ijire. Cohācjāre sinino, mUSA ye ijiatire tutuaro sini basaducuro nine tiqiro. Cohācjāre quehnoano wacū tutuaducuatiquinare, tiqiro cahmeno saha yeatiquinare mUSA ijiatire sa sini basaducuro nine tiqiro Cohācjāre.

¹³ Tīquiro mUSA ye ijiatire tutuaro sini basare. Laodicea cĵēna ye ijiatire, Hierapoli cĵēna ye ijiati gāhūre tiqiro tutuaro sini basare. Tīquiro sa yeriquiro ijigū ihñagū mUSA yahugū niāja.

¹⁴ Duturu Luca mari cahñiquiro mUSA quehnoa dutire. Dema gāhū quehnoa dutire.

¹⁵ Quehnoahdo mari acaye Jesu yequina Laodicea cĵēna. Ninfa gāhū quehnoahdo. Jesu yequina ticoro ya wuhūpahme-coañequina gāhū quehnoahdo.

¹⁶ Ahri pūre yuhū ojoa ohori pūre mUSA mehna cĵēnare mUSA buhe tuhasari bato Laodicea cĵēna gāhūre ohoya. Sa yena tiquinare Laodicea cĵēnare yuhū ojoa ohori pūre mUSA gāhū buheya.

¹⁷ Sa yena ohō saha niña Arquipore: “Mari puhtoro Jesu yaqiro mūhū ijigū tiqiro yere buheacjare cūri mūhūre. Tīquiro sa cūgū quehnoano buhe sohtori tiya mūhū”, niña tiqirore.

¹⁸ Yuhū Pablo, yuhū omoca mehna ahrire ojoaja. MUSA quehnoa dutiāja yuhū. Peresupū yuhū ijiyere wacū, sini basaya mUSA Cohācjāre. Quehnoano ijiya mUSA. Cohācjā cahñe mehna mUSA quehnoa dutiāja.

1 Tesalonicenses

Pablo ojoa ohoahye Jesu yequinare Tesalónica cjênare

¹ Yuhu Pablo, Silvano, Timoteo gáhu musare quehnoa dutiaja. Sa yegu ahrire musare ojoa ohoaja yuhu, Pablo. Musa pehe Tesalónica cjâna mari Pacu Cohâcjü yequina ijire. Mari puhtoro Jesucristo yequina gáhu ijire musa. Sa yena Cohâcjü mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijia musa.

Jesu yequina Tesalónica cjêna pehe Jesure quehnoano wacü tutuahye

² Cohâcjüre sinina ijipihiyequina Jesure musa wacü tutuayere wacüna, "Quehnoa yuhduare usâre", niducuaja usâ musare. Cohâcjüre sinina, musa ye ijiatire sa sini basaducuna niaja usâ.

³ Musa pehe Jesucristore quehnoano wacü tutuañohiti. Sa wacü tutuana, Jesu yere yeñohiti musa. Jesucristore, apequina gâhure musa cahñohiti. Sa cahña, Jesu yere tutuaro yena niaga musa. Jesucristore mari puhtorore wacü tutuaducuñohiti musa. Sa wacü tutuaducuna musare tiqiro yuhduoatire masina, tire cohtena niñohiti musa. Sa yena tiqirore wacü tutua duhuerañohiti musa. Cohâcjü mari Pacare sinina, tire musa sa yerire wacüaja usâ.

⁴⁻⁵ Usâ acaye, Cohâcjü cahñaona ijire musa. Musare tiqiro beserire masiaja usâ. Sohõ ijiri pje musare quehnoañe buheyere buhena sa yahu câna niedu musare. Espiritu Santo tiqiro tutuaye mehna quehnoañe buheyere buhena ni musare. Sa buhena ti buheye poto ijigü quehnoano masii usâ. Sa yena musa watoa usâ ijina, usâ yerire masine musa. Musare yedohona sa yei usâ. Musare buherina ijina, Cohâcjü beserina musa ijigü masiaja usâ.

⁶ Sohõ ijiri pjerpore musa ñano yuhduna, quehnoañe buheyere cahmedi musa. Musa sa cahmegü, Espiritu Santo pehe musare quehnoano bucuégü yeri. Tiquiro sa yegü musa pehe usâre ihña cü, usâ yeriro sahata yeri. Sa yena Jesu gâhure ihña cüri musa.

⁷ Sa ye Jesu yequina Macedonia yehpa cjêna, Acaya yehpa cjêna gáhu Jesu yere musa yerire masidi. Sa masiñe tiquina gáhu musare ihña cü, musa yeriro sahata yeri.

⁸ Macedonia yehpa cjêna, Acaya yehpa cjêna gáhu mari puhtoro yere musa buhegü tuhooñohiti. Cohâcjüre musa wacü tutuarire tuhoriquina pehe tiquina dihita ijierare. Ijipihitiro cjêna musa wacü tutuarire tuhooñohiti. Sa ye usâ tiquinare yahuerapegüta tire masi tuhasari tiquina.

⁹ Sa ye musa cahapu usâ tinidire, usâre musa quehnoano piti carire yahuri tiquina ijipihitiro cjênare. Sa yena Cohâcjü pehere wacü tutuana, "Cohâcjü ijire", ni musa ño peoye queoyere cohâ câri musa Cohâcjü ye pehere yena tana. Tiquiro Cohâcjü pehe catiriquiro, Cohâcjü waro ijire.

¹⁰ Sa ye "Cohâcjü macunore umuseru ah-tatiquirore Tesalónica cjêna cohteye nine", ni yahuri masa musare. Tiquiro macunore yariariquirore Cohâcjü masoahye. Tiquiro sa masogü tiqiro macuno Jesu pehe marine ña yuhduaro tiqiro buhiri dahreborinare yuhduori jiri.

2

Tesalónica wame tiri macapu tiqiro dahrarire yahuahye Pablo

¹ Musa cahapu ijina usâ sa iji câna nieda ti. Musare quehnoano yedohorina ije ti usâ. Tire quehnoano masine musa, usâ acaye.

² Sa yena Filiporu ijina ñano usâ yuhdurire, usâre ñano tiquina yerire quehnoano masine musa. Usâre tiquina sa yepegüta Cohâcjü yedohoye mehna cuero marieno Cohâcjü yere quehnoañe buheyere buhei usâ musa gâhure. Usâre masa peyequina tiquina ihña tuhtiepegüta quehnoañe buheyere buhei usâ musare.

³ Musare buhena quehnoano usâ masidire buhei usâ musare. Sa buhena potota musare yedohona ni. Musare buhena ni mehoedu.

⁴ Cohâcjü cahmeno saha buheaja usâ. Quehnoañe buheyere buheanare Cohâcjü beseri usâre. Tiquiro sa beserina usâ ijigü tiqiro ye buheyere usâ buhegü quehnoarîne, Cohâcjü ihñagü. Sa yena ohõ saha buheaja usâ. Masa tiquina ihña bucuatire buhena niedaja usâ. Cohâcjü pehe usâre tiqiro ihña bucuatire tiqiro yere buheaja usâ. Tiquiro pehe mari tuhoyere, mari ye duayere quehnoano masine.

⁵ Quehnoañe buheyere buhena tuhoyere bucuatire yahuducuye mehna buhena niedu. Queoro quehnoano mehna buhei usâ musare. Ahrire masine musa. Sa yena usâ buhena, musare apee borore wapa cahmena niedu usâ. Ahrire Cohâcjü masine. Potota nigü niaja.

⁶ Sa buhena masa usâre tiquina ño peoatire yena niedu usâ. Musare apequina gâhure usâre ño peo dutina tana niedu.

⁷ Sa ño peo dutierapenata Cristo cürina ijiaja. Sa tiqiro cürina ijina musare wapa cahmeboya usâ. Sa yena puhtoa yero saha musare dutina ijiboya usâ. Sa ijiepenata numino ticoro nijinogâre ticoro quehnoano masoriro saha quehnoano mehna yei usâ musare.

⁸ Sa yena musare quehnoano cahmena, Cohācjū yere quehnoañe buheyere buhei usā musare. Sa yena ti dihitare yena niedu musare. Musare quehnoano yedohou, usā catinina. Usā cahina musa ijigū musare sa yedohou usā.

⁹ Sa musare cahina tutuaro yedohou usā musare. Tire wacūre musa, usā acaye. Cohācjū yere quehnoañe buheyere buhena musa cuoyere sini cariboeru musare. Sa yena decori, ñamini gāhure dahrau usā.

¹⁰ Quehnoano, potu, ni mehono marieno musare Jesu yequinare usā yerire masine musa. Cohācjū gūhu tire masine.

¹¹ Sa yena ihcāquiro masano tiquiro pohnene tiquiro quehnoano yahu bucuegū yeriro saha musa gāhure yahuna bucuegū yei. Tire masine musa.

¹² Cohācjū tiquiro puhtoro ijiropu, quehnoa yuhduaropu musare pijiori. Sa yena tiquiro yequina musa ijigū Cohācjū cahmediro sahata musare iji duti usā.

¹³ Cohācjū yere musare usā yahurire musa tuhona, ohō saha ni tuhoturi musa: “Masa tiquina esa tuhoro tiquina buheye ijierare. Cohācjū ye buheyeta ijire”, ni tuhoturi musa. Tire musa tuhotugū masina bucueaja usā. Sa yena Cohācjūre sinina “Quehnoare”, niaja usā tiquirore. Ijirota ijire. Musare usā buheye Cohācjū yahuducuye potu ijirota nine. Sa yero musa Jesure wacū tutuana ijigū Cohācjū tiquiro ye buheye mehna musare quehnoañe pehere comesagū yere.

¹⁴ Jesucristore wacū tutuayequinare Judea yehpa cjēnare tiquina yeriro saha musa gāhure yeri apequina. Judea yehpa cjēna Jesu yequina pehere tiquina acaye ijiepetā ñano yuhdugū yeri judio masa pehe. Musa gāhure musa ya dihta cjēna ñano yuhdugū yeri.

¹⁵⁻¹⁶ Judio masa pehe Cohācjū yere yahu muhtariquinare panopu cjēnare wejēe tiahye. Sa ye mari puhtoro Jesu gāhure wejēahye tiquina. Sa yeye tiquina usāre cohāri. Cohācjūre tiquina bujua witigū yeri. Sa ye peyequina masare ihña tuhtiri tiquina. Judio masa ijieyequinare Cohācjū yere usā yahu duami tiquina gāhure pecapu wahaboriquinare “Cohācjū yuhduoahro”, nina. Usā sa yahu duepegūta judio masa pehe usāre ne Cohācjū yere apequinare yahu dutierari. Sa yahu dutieraye pajiro buhiri ti nemoñe nine tiquina. YojoPURE tutuare tiquinare tutuaro Cohācjū buhiri dahrerota.

Pablo Tesalónica cjēna cahapu pari turi tini duamahye

¹⁷ Usā acaye, yojoPURE mehenogā musa cahapu ijierana musare wacūna niaja. Sa yena musare tutuaro ihña duana, musa cahapu waha duami.

¹⁸⁻¹⁹ Ihquē tahari yuhu Pablo musare ihñagu waha duami. Yuhu sa waha duepegūta Satana pehe usā wahaborirote dojomehnedi. Sa yena wahaeru usā. Usāre bucuegū yena musa ijigū musare ihña duami. Usā buhegū quehnoano tuhoroa ijire musa. Mari puhtoro Jesu ahri yehparu tiquiro tojoa tagū musa pehe usāre bucuegū yenata. Sa yena bucueye mehna musa mehna Jesu potu ducunata.

²⁰ Sata ijire. Musare ihñano Jesu pehe “Quehnoano buheri musa”, ninota usāre. Sa yena quehnoano bucueaja usā.

3

¹⁻² Sa ye musare yoari pje ihñedana musare tutuaro tuho duana tire wacūna, Timoteore musa cahapu ohou. Tiquiro mari acayuro Jesu yaquiro Cohācjū cahacjāno ijiro, usā mehna quehnoañe buheyere buheriquiro ijire. Sa yena tiquirore ohou Jesucristore quehnoano musa wacū tutuare, musa bucueati gāhure. Tiquirore ohona usā sehsharo Atena wame tiri macapu tojoarū.

³ Musa ñano yuhdūepenata Jesu yere musa cohāedatire ohou usā Timoteore. Jesu yequina ijina ñano yuhdanata mari. Tire masine musa.

⁴ Panopure musa mehna usā ijinina, mari ñano yuhduatireta yahu tuhasau musare. Sa yena usā nidiro sahata mari ñano yuhduu. Tire musa quehnoano masine.

⁵ Sa yegu musare yoari pje ihñedagu musare tutuaro tuho duau. Sa yegu Jesure musa wacū tutuare masigu tagū Timoteore ohou yuhu. “Watino musare ñano ye dutiari”, nigū, “Musare usā buherire musapu duhuari”, nigū, tiquirore ohou yuhu. Jesu ye buheyere musa duhugū musare usā buheri dahseati ijieraboaga.

⁶ Sa yero yojoPURE Timoteo musa cahapu ijiriquiro usā cahapu tojoa wihiri. Sa tojoa wihiro quehnoañe quitire usāre yahuri tiquiro. Jesure musa quehnoano wacū tutuare, apequinare musa cahñe gāhure tiquiro yahuri usāre. Sa ni tuhasa usāre musa quehnoano wacūre, musare usā ihña duariro sahata musa gūhu tutuaro usāre musa ihña duarire yahuri usāre tiquiro.

⁷ Sa yena usā acaye yojoPURE ñano yuhdūepenata musa Jesure quehnoano wacū tutuagū tuhona usā bucueaja.

⁸ Jesure musa quehnoano wacū tutuare tiquiro yere musa cohāedarire tuhona quehnoano jeri sajāja usā.

⁹ Sa ni tuhotuna, Cohācjū ihñonopu usā tutuaro bucueaja. Sa bucuena Cohācjūre “Quehnoare”, niaja usā.

¹⁰ Deco gāhure, ñamipu gāhure Cohācjūre siniaja musare usā ihñatire. Jesu yere musa quehnoano masi pehogū ye duaja

usã quehnoano musa tiqirore wacũ tutua nemoatire.

¹¹ Cohãcjũ mari Pacũ tiqiro basi, mari puhtoro Jesu gãhu usãre tiquina yedohogũ cahmeaja musa cahapũ usã wahatire.

¹² Sa yero mari puhtoro Jesu ijiphtiyequina musa mehna cjẽnare, ijiphtiyequina apequina gãhure cahĩ nemogũ yehro musare. Musare usã cahĩdoro sahata tutuaro cahĩ nemogũ yehro musare.

¹³ Musare quehnoano tiqiro yedohogũ, buhiri mariena, ñaife mariena ijinata musa, Cohãcjũ mari Pacũ ihñagũ. Mari puhtoro Jesu ijiphtiyequina tiqiro yequina quehnoañequina mehna ahri yehparũ tiqiro tojoa tagũ sata ijinata musa.

4

“Cohãcjũre bucuẽgũ ye duana ohõ saha yeya”, ni yahuahye Pablo

¹ Yojoapũ Jesu mari puhtoro tiqiro dutiro mehna musare ohõ saha ni yahuaja: “Cohãcjũre bucuẽgũ ye duana ohõ saha yeya”, ni buheĩ usã musare. Usã sa buheri bato usã buheriro sahata yeñohti musa. Musã sa yeriro sahata ye nemoña. Tire tutuaro ye dutiaja musare.

² Jesu mari puhtoro tiqiro buhe dutiro mehna musare usã buherire quehnoano masine musa.

³ Ahrire musare yahu nemoutja: Musã ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena numia mehna ñano yeracãhña. Musã numia gãhu umua mehna ñano yeracãhña.

⁴ Ñano yero marieno, ño peoye mehna musã namosãnumiare cuoya. Cohãcjũ musã tire masigũ cahmene.

⁵ Cohãcjũre cahmeẽnequina Cohãcjũre masieñequina ñañene tutuaro cahmeñe, numia mehna ñano tiquina yeriro saha yeracãhña musa pehe.

⁶ Tiquina yero saha musã yeragũ cahmene Cohãcjũ, musã acayuro namono mehna musã ñano yeratire. Musã sa ñano yena musã acayurore yuhduducana niaga. Mari puhtoro Cohãcjũ ti ñañene tiquina yegũ ihñano buhiri dahreatiqiro ijiro nine. Sa yena musare cuesãna tire yahuaja musare.

⁷ Ñañene yeanare beserahye Cohãcjũ marine. Ñañene ye dutieraro beseahye marine.

⁸ Sa yena ijiphtina musã ahri usã buherire yuhduducana, masa ye buheyere yuhduducana niedare musã. Cohãcjũ ye pehere yuhduducana nine. Tiquiro musare Espĩritu Santore ohoriquiro ijire.

⁹⁻¹⁰ Musã acayere Jesu yequinare cahme cahĩñene Cohãcjũ musare buhe tuhasari. Tiquiro sa buhegũ potota Jesu yequinare Macedonia cjẽnare ijiphtiyequinare quehnoano cahĩne musa. Musã sa cahĩgũ

ihñana “Musã acayere cahme cahĩña”, ni buheraja musare. Tiquinare cahĩ tuhasare musã. Sa ni buhe nemoedapenata ahri pehere musare dutiaja. Yojoapũ apequinare musã cahĩno sahata cahĩ nemoña musa.

¹¹ Sa yena musã basi cahme ihña tuhtiro marieno ijiya musã. Apequinare sijoro saha ni yahuducueracãhña. Sa ihña cãhña tiquinare. Sa yena musã ye dahraye pehere quehnoano dahraya. Panopũta musare sa ye dutii.

¹² Sata yeya musã, apequina musare tiquina ño peoatire, apequina yere musã cariboeratire.

Ahri yehparũre Jesu tojoa tatire yahuahye Pablo

¹³ Yojoapũre yariariquina mũnare yahutja musare: Jesure cahmedaye, masa Cohãcjũ cahapũ wahasi. Sa ye tiquina mehna cjẽna tiquina yariagũ ihñañe tutuaro bujua witiẽre. Yariariquina mũna tiquina dahse wahatire potota quehnoano musã masigũ cahmeaja usã, apequina tiquina bujua witiro saha musã bujua witiatorate.

¹⁴ Jesu yariari bato masa mujari jiri. “Ti potota ijire”, niaja mari. Sa yena ahri gãhure “Ijirota ijire”, ninata. Cohãcjũ pehe tiqiro yequina mũnare yariariquina mũnare masa mujagũ ye, neanota Jesu mehna. Ti gãhure “Ijirota ijire”, niaja mari.

¹⁵ Jesu tojoa tagũ tiqiro yequina yariariquina mũna catiyequina pano masa muija muhtaeta. Mari puhtoro Cohãcjũ ye yahuaya ijire ahri.

¹⁶ Ohõ saha ijirota Jesu tojoa tagũ: Mari puhtoro tiqiro basi tutuaro sañuducu muhtanota. Sa yero tiqiro yequina angele puhtoro tutuaro pisurota. Sa tiqiro pisugũ Cohãcjũ ya corneta bisirota. Tiquina sa yegũ Jesu yequina yariariquina mũna masa muija muhtaeta.

¹⁷ Came catiyequinare, yariariquina mũna mehna Cohãcjũ uhmũsepu mujagũ yerota. Tiquiro sa yegũ mari puhtoro Jesure piti canata mari. Sa piti cana ijiphtiye decori mari puhtoro Jesu mehna ijinata mari.

¹⁸ Ahri yahu yahurire musã mehna cjẽnare yahuya. Sa ni yahuna, bucuenata musã ijiphtina.

5

¹ Jesu tojoa tati decore “Ahri deco tojoa tarota”, ni, musare yahu ojoasi.

² Yojoapũ musã masino saha tiqiro tojoa tati decore marine masino basioerare. Yaqueriquiro ñamipũ wacũeno mehna tiqiro yaquero ahtarõ saha ahri yehparũre mari puhtoro wacũeno mehna tojoa tarota. Ahrire musã basita masine.

³ “Yojopare mari quehnoano ijiaja. Cuaro mariedare marine”, masa tiquina ni wacügä duita ñano waharota tiquinare. Sa wahagü tiquina duhti masisi. Niji wahcõricoro wacüeno mehna ticoro purño tuhoto saha wacüeno mehna sa waharota masare.

⁴ Yuhu acaye, masa pehere sa wahasi. Yaqueriquiro wuhu cjunore tiquiro cuegü yeriro saha masa pehere sa wahasi. Jesu ahtaro musare cuegü yesi. Nahitianopu ijiyequina tiquina ihña masieno saha apequina Jesure ne masiedare. Masa pehe tiquina yero saha ijieraje.

⁵ Masa ijipihina Jesu yequina ijire. Sa yena buhrioropu tiquina ihña masino saha Jesu ahtatire masine masa. Apequina tiquirore masieñequina yero saha ijieraja mari.

⁶ Sa yena Cohäcjüre tuho nununa iji-ihna. Carñequina yero saha Cohäcjüre tuho nunuena ijieracähna mari. Apequina sata yere. Tiquina yero saha yeracähna mari. Carñequina yero saha, queheeyequina yero saha quehnoano wacü masina ijiihna mari.

⁷ Carñequina ñamipu carñe. Sa ye queheyequina ñamipu quehere.

⁸ Mari pehe buhrioropu ijiyequina yero saha Jesure masina ijina, quehnoano wacü masina ijiihna. Sa yena surara come suhtiro mehna tiquiro cutirore saha cahmotariro saha Cohäcjüre wacü tutuaya masa, watñore tiquiro cahmotatire. Sa yena Cohäcjüre, apequina gühare cahña. Masa sa yegü Cohäcjü musare ihña ihborota. Sa yena musare pecapu wahaborinare Jesu tiquiro yuhduotire “Potota ijire”, niña masa. Masa sa nigü surara tiquiro dapure come sapea mehna tiquiro pesa cahmotariro saha watño musare ñano ye dutigü Cohäcjü tiquirore cahmotarota.

⁹ Tiquiro buhiri dahreatinare marine beserahye Cohäcjü. Jesucristo mari puhtoro pecapu wahaborinare tiquiro yuhduotinare marine beseahye tiquiro.

¹⁰ Jesu mari ye ijiatireta yariahye tiquiro mehna mari ijiatire. Catiyequina, yari-ariquina gühü tiquiro mehnata ijieta. Sa yena ijipihina tiquiro mehna ijinata mari tiquiro yequina ijina.

¹¹ Sa yena masa mehna cjenare yojopu masa bucuegü yeriro saha masa basita bucuegü ye nemoña masa. Sa yena masa basita Cohäcjüre wacü tutua nemogü yeya masa mehna cjenare.

Jesu yequinare Pablo yahu bato tiahye

¹² Musare buheyequinare mari puhtoro buhe dutiro beseri jiri. Tiquiro sa ni besenhriquinare quehnoano ño peoya masa.

Masa sa ño peogü cahmegü musare tutuaro dutiaja.

¹³ Tiquina dahrayere yegü tiquinare cahñe mehna quehnoano ño peoya. Sa yena masa mehna cjenare mehna cahmequeno marieno ijiaja.

¹⁴ Musare usä acayere, ahrire tutuaro dutiaja: Dahra dueyequinare dahra dutiya masa. Bujua witiyequinare bucuegü yeya masa. Jesure wacü tutuera cjuñequinare yedohoya. Tiquina ijipihitiyequina mehna quehnoano usaro marieno bucueye mehna ijiaja masa.

¹⁵ Ihcäquiro musare tiquiro ñano yegü ihñana tiquirore ñano ye cahmedacähña. Sa yena masa mehna cjenare, ijipihitiyequina apequina gühare quehnoano yeya.

¹⁶ Sa yena decoripe sa bucueducuya masa.

¹⁷ Sa yena decoripe Cohäcjüre siniducuya.

¹⁸ Masa ñano yuhduepenata Cohäcjüre bucue, “Quehnoare”, niña. Masa quehnoano yuhduri pje gühare “Quehnoare”, niña. Sa nina Cohäcjü cahmeno sahata yena niaga masa. Cristo Jesu yequina masa ijigü ihñano masa sa nigü cahmene tiquiro.

¹⁹ Espiritu Santore yuhtiena ijieracähña.

²⁰ Espiritu Santo masiñe mehna apequina musare buhere. Tiquina sa buhegü ti buheyerere yuhtiena ijieracähña.

²¹ Apequina musare sijoro saha tiquina ni buhegü ti Cohäcjü ye ijieragü masiña masa. Sa yena Cohäcjü ye buheye ti ijigü gühare masiña masa. Sa masina quehnoañe buheye dihitaro cahmeña.

²² Sa yena ijipihitiye ñañene yeracähña masa.

²³ Cohäcjü marine quehnoano ijigü yeriquire ijire. Tiquiro basi musare tiquiro yequinare quehnoana, ñañe mariena ijigü ye nemoahdo musare. Masa paguri gühare masa jeripohnari gühare quehnoano ihña ihboahro. Mari puhtoro Jesucristo ahri yehpapure tiquiro tojoa tato pano musare Cohäcjü quehnoano ihña ihboahro musare “Ñañene yari”, nino. Tiquiro sa yegü Cristo ahtagü ñañe mariena ijinata masa.

²⁴ Sata ijigü yerota Cohäcjü. Tiquiro musare beseriquiro tiquiro nidiro sahata yere.

Pablo gühü quehnoa dutiahye

²⁵ Usä ye ijiatire Cohäcjüre sini basaya masa, usä acaye.

²⁶ Masa mehna cjenare quehnoano mehna piti caya.

²⁷ Ijipihitiyequina Jesu yequinare ahri püre buheya masa. Jesu mari puhtoro dutiye mehna ahrire musare dutiaja yahu.

²⁸ Jesucristo mari puhtoro cahñe mehna musare tutuaro quehnoa dutiaja.

2 Tesalonicenses

*Pablo ojoa ohoahye Jesu yequinare
Tesalónica cjēnare*

¹ Yuhū Pablo, Silvano, Timoteo gāhu musare quehnoa dutiaja. Sa yegu yuhū Pablo ahrire ojoa ohoaja. Musa pehe Tesalónica cjāna mari Pacu Cohācjū yequina ijire. Mari puhtoro Jesucristo yequina gāhu ijire musa.

² Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Ahri yehpapure Cristo tojoa tagū buhiri
dahrerota Cohācjū*

³ Cohācjūre sinina, Jesure musa wacū tutuayere wacūna “Quehnoa yuhduare usāre”, niducuaaja usā Cohācjūre. Usā sa nigū quehnoarīne. Decoripe Cohācjūre musa quehnoano wacū tutua nemona niñohiti. Sa yena decoripe musa mehna cjēnare cahī nemona niñohiti musa. Sa ye Cohācjūre “Quehnoa yuhduare usāre”, usā nigū quehnoarīne.

⁴ Apequina musare ñano tiquina yepegūta Jesure wacū tutuaducūnohti musa yojopu gāhure. Sa yena tiqiurore wacūna duhuerañohiti. Musa sa yegū ihñana tire musa yerire apequinare Cohācjū yequinare bucueye mehna yahuaja usā.

⁵ Sa wacū tutuaducuna Cohācjū mari puhtoro yequina musa ijiri buhiri ñano yuhduna niñohiti musa. Sa yero Cohācjū tiqiuro puhtoro ijioropure waha dutiri jiri musare. Tiquiro sa dutigū queoro yeriquiro tiqiuro ijigū masiaja mari.

⁶ Sa yero Cohācjū queoro yeriquiro ijire. Sa yero musare ñano yuhdgū yeyequina pehere ñano yuhdgū yerota tiqiuro.

⁷ Sa yero mari ñano yuhdarina ijigū ihñano tiqiuro marine quehnoano ijigū yerota. Mari puhtoro Jesu tiqiuro yequina angele tutuayequina mehna, peca mehna ahmusepu bajuaro quehnoano ijigū yerota marine, ñano yuhdarinare.

⁸ Sa yero Cohācjūre masieñequinare, mari puhtoro Jesu ye buheyere quehnoañe buheyere yuhduacariquinare Cohācjū buhiri dahrerota.

⁹ Sa yero Cohācjū tiquinare ohō saha buhiri dahrerota: Pecapu tiquina ñano yuhduducuaeta. Sa ye tiquina tutuariqiuro mari puhtoro Jesu cahapu ne waha masiedare. Sa ye tutua yuhduariqiuro tiqiuro ijiyere ihñasi tiquina.

¹⁰ Sata waharota ti decopu Jesu tiqiuro tojoa tagū. Ti decoputa tiqiuro ahtarota

tiqiuro yequina “Quehnoariqiuro, tutuariqiuro ijire Jesu”, tiquina ni ño peoatire. Sa ye tiqiurore wacū tutuayequina ño peoeta tiqiurore. Musare usā buherire musa quehnoano tūhori. Sa yena musa pehe tiqiuro mehna ijinata.

¹¹ Sa yena Cohācjūre sa sini basaducuaaja usā musa ye ijiatire. Ohō saha ni Cohācjūre sini basaja usā: Tiquiro cahmeno sahata musa yeatire, musa mehna tiqiuro bucueatire sini basaducuaaja usā musare. Musa quehnoana iji duanata niñohiti. Sa yena Cohācjū tutuaye mehna quehnoana musa iji duarū sahata musa ijiatire sini basaducuaaja usā. Musa Cohācjūre wacū tutuañohiti. Sa wacū tutuana tiqiuro yere yeñohiti musa. Tire musa quehnoano ye nemoatire Cohācjūre sini basaducuaaja usā musare.

¹² Sa yena mari puhtoro Jesucristore apequinare tiquina ño peogū yenata musa. Musa sa yegū Jesucristo yequina musa ijigū ihñañe apequina ño peoeta musare. Cohācjū cahñe mehna, mari puhtoro Jesucristo gāhu tiqiuro cahñe mehna sa waharota.

2

Ñano yeducuriqiurore yahuahye Pablo

¹ Yojopure mari puhtoro Jesucristo ahri yehpapure tiqiuro tojoa tatire, tiqiurore mari cahmecoa mari piti catire yahu nemo duaja yuhū. Ahrire tutuaro yahu duaja musare, usā acaye.

² Apequina musare ohō saha niboaga: “Mari puhtoro tiqiuro tojoa tati deco, mianogā pihtiri decopu ijiro nine”, ni mehoboaga musare. Tiquina sa nigū tūhona, tūho mariedacāhña. Sa yena tūho wisieracāhña. “Cohācjū yahure sata nidi ijiri”, ni mehoboaga musare apequiro. Apequiro gāhu musare buhero, sata ni mehoboaga. Apequiro gāhu sata ni ojoa ohoboaga, “Yuhū Pablota ijiaja”, ni meho ojoaro. Tire musare yahuriqiurore masiedaja yuhū.

³ Apequina musare tiquina ni mehogū tūhoeracāhña musa. Ti decopu ahri yehpa pihtiato panogā peyequina masa Cohācjūre duhueta. Sa yero ti decopu ñano yeducuriqiuro pecapu wahatiqiuro ijiorota.

⁴ Tiquiro Cohācjū warore, “Cohācjū ijire”, tiquina niñe queoye gāhure ijipihtiequina masare ño peo dutisi ñano yeducuriqiuro. Tiquiro ohō saha ni tūhoturota. “Ahriquina ijipihtiequina puhto tijaia yuhū”, ni tūhoturota. Sa yero Cohācjū wahuapu dujiro “Yuhū pehe Cohācjū ijiaja”, ninota.

⁵ Musa mehna ijinigū tireta yahuu musare. ¿Tire wacūajari musa?

⁶ Yojopure apequiro pehe ñano yeducuriqiurore ne iji dutieranine. Sa yena

tiqirore iji dutieriqirore masine m̄sa. Sa yero tiqiro dutiḡu tiqiro queori deco ijiḡa ñano yeducuriqiro ijirota.

⁷ Yojoꝛuꝛe masa ihñenopu tiqiro yero saha apequna ñañene ye tuhasari. Tiquina sa yepeḡata ñañene ye dutieriqiro tiqiro wahato pano ñano yeducuriqiro pehe ijisi.

⁸ Tiquiro wahari bato p̄ritare ñano yeducuriqirota ijirota. Sa yero came mari p̄htoro Jesucristo tiqirore yaria dutirota. Tiquiro asi siteye mehna ahri yehpapu tojoa taro, tiqiro putiye mehna tiqirore wej̄e borota.

⁹ Ñano yeducuriqiro pehe wat̄ino ye tutuaye mehna ahtaro, ti tutuaye mehna ni meho, peye ye ihñonota.

¹⁰ Tiquiro peye ñañe mehna ni mehoḡa pecap̄u wahatiquna pehe tiqirore tuhoeta. Tiquina pehe quehnoañe buheyere cahmedare. Tiquina sa cahmedaḡu Coh̄ac̄j̄u tiqinane pecap̄u wahatiqinare yuhduosi. Sa ye tiquna ñano yeducuriqiro ni mehoriqiro tiqiro yerire “Ijirota ijire”, nieta.

¹¹ Sa yero, quehnoañe buheyere tiquna cahmedari buhiri Coh̄ac̄j̄u tiqinane wisiaḡu yerota. Sa wisiaye ni mehoñene cahmeeta tiquna.

¹² Sa yero ijipih̄tiyequina quehnoañe buheyere tuho dueyequinare, ñañe ye coayequinare tiqirota buhiri dahrerota.

“Coh̄ac̄j̄u m̄sare beseahye tiqiro yequina ijiḡu yero taro”, ni yahuahye Pablo

¹³ M̄sa us̄a acaye, mari p̄htoro Jesu tiqiro cahñona ijire m̄sa. Duita coã warop̄reta m̄sare pecap̄u wahaborinare tiqiro yuhduoatinare Coh̄ac̄j̄u beseahye m̄sare. M̄sare beseahye Esp̄ritu Santo tutuaye mehna tiqiro yequina ñañe mariena m̄sare ijiḡu yero taro. Sa yero quehnoañe buheyere “Ijirota ijire”, nianaja m̄sa ijiḡu ihñano m̄sare beseahye. Tiquiro sa besenohrina m̄sa ijiḡu ihñana Coh̄ac̄j̄ure bucuena, “Quehnoare”, niducuaaja us̄a.

¹⁴ Quehnoañe buheyere m̄sare us̄a buheḡu Coh̄ac̄j̄u m̄sare beseahye mari p̄htoro Jesucristo tiqiro masa majariro sahata m̄sa ḡuh̄u masa m̄jatire.

¹⁵ Sa yena quehnoano wac̄u tutuana ijija m̄sa. Sa yena us̄a yahuducuye mehna us̄a ojoari p̄uri mehna m̄sare us̄a buherire quehnoano wac̄uñã m̄sa. Sa yena ti buheyere yuhduoac̄erac̄h̄ña.

¹⁶ Mari p̄htoro Jesucristo tiqiro basi, Coh̄ac̄j̄u mari Pac̄u ḡuh̄u marine cahñe, ijipih̄tiye decori marine bucuieḡu yere. Marine cahñe, marine pecap̄u wahaborinare yuhduoeta. Sa yena Coh̄ac̄j̄u tiqiro yuhduoatire quehnoano masina, bucuaja mari.

¹⁷ Jesucristo, mari Pac̄u mehna m̄sare quehnoa dutiaja quehnoano m̄sa bucuatire. Sa ye ijipih̄tiyere quehnoañene m̄sa yeatire, m̄sa quehnoano yahuducuatire Coh̄ac̄j̄ure m̄sare sini basaja.

3

“Us̄a ye ijiatire Coh̄ac̄j̄ure sini basaya”, ni ojoahye Pablo ḡuh̄u

¹ Yojoꝛuꝛe us̄a acaye, us̄a ye ijiatire Coh̄ac̄j̄ure sini basaya mari p̄htoro Jesu ye buheyere peyequina masare us̄a buheatire. Sa yena tiqiro ye buheyere m̄sa quehnoano cahmediro sahata apequna pehe ti buheyere ño peoye mehna tiquna cahmeatire sini basaya m̄sa Coh̄ac̄j̄ure.

² Ihqūequinata Jesure wac̄u tutuare. Apequna pehe tiqiro yere tuho dueraye, Jesure wac̄u tutuerare. Sa yena ñañequina masa us̄are tiquna ñano ye duaḡu Coh̄ac̄j̄ure sini basaya m̄sa us̄are tiqiro yedohoḡu.

³ Mari p̄htoro Jesu tiqiro nidiro sahata yeriqiro ijire. Sa yero m̄sare tiqirore wac̄u tutuaḡu yerota. Sa yero wat̄ino m̄sare tiqiro ñano ye dutiḡu Jesu m̄sare yedohorota.

⁴ Coh̄ac̄j̄u m̄sare tiqiro yedohorire masiaja us̄a. Sa yena m̄sare us̄a dutiriro sahata m̄sa yeḡu ḡuh̄ure masiaja us̄a. Sa yena sata yeducunata m̄sa. Ti ḡuh̄ure masiaja us̄a.

⁵ Coh̄ac̄j̄u m̄sare tiqiro cahñene m̄sare masiḡu yehro. Sa yero Cristo yero saha m̄sa ñano yuhdupeḡuta ihc̄ano sahaḡu yehro m̄sare mari p̄htoro. Sa ihñã cãhñã m̄sare ñano yeyequinare.

Marine tutuaro dahraro cahmene

⁶ Jesucristo mari p̄htoro tiqiro dutiro mehna oh̄o saha ni dutinatja m̄sare: Jesu yequinare dahrã dueyequinare, us̄a dutiyere yeeyequinare, tiqinare piti ti duhuya.

⁷ Soh̄o ijiri pje m̄sa mehna us̄a ijiḡu tutuaro us̄a dahraḡu ihñari m̄sa. Sa yena us̄a yeriro saha m̄sa ḡuh̄ure dahraro cahmene. Tire quehnoano masine m̄sa.

⁸ Sa yena m̄sa ihyayere wapa yero marieno ihyeru us̄a. Sa yena decopure, ñamip̄u ḡuh̄ure tutuaro dahrã us̄a “M̄sa ihyayere siniari”, nina.

⁹ Us̄a buheri wapa m̄sare wapa ye dutiboaga us̄a. Sa wapa ye dutiborina ijiepenata wapa ye dutierana, tutuaro dahrã us̄a, us̄are m̄sa ihñã c̄uatire.

¹⁰⁻¹¹ M̄sa mehna ijina, oh̄o saha ni buhei m̄sare: “Dahraeyequina ihyerac̄ãhdo”, ni buhei us̄a m̄sare. Ihqūequina m̄sa mehna c̄j̄ena ne dahrã duerañoh̄ti. Sa ye apequnare ñano quiti yeye, caribo yuhduañoh̄ti tiquna. Sa yequequina m̄sa mehna tiquna

ijigū ihñana ohō saha ni ojoaja māsare:
 “Dahraeyequina ihyeracāhdo”, niaja usā.

¹² Mari pūhtoro Jesucristo tiquiro dutiro
 mehna dahra dueyequinare ohō saha niaja:
 Quehnoano bucueye mehna dahraahro
 quehnoano tiquina ijiatire.

¹³ Usā acaye, mūsa pehe quehnoañene
 yeducuna caributieracāhña.

¹⁴ Ihquēquina to cjēna ahrire usā ojoarire
 yūhdūdcaboaga. Tiquina sa yegū tiquina
 yerire quehnoano ihñaña. Sa ihñana
 tiquinare piti ti duhuya tiquina bñoro
 wahatire.

¹⁵ Sa piti ti duhuepenata tiquinare
 ihña tuhtieracāhña. Tiquina mūsa acaye,
 Jesu yequinata ijire. Tiquina sa ijigū
 tiquina yūhdūdcarire yahuya tiquinare
 tire tiquina duhugā.

Pablo tiquinare quehnoa duti bato tiahye

¹⁶ Mari pūhtoro Jesu marine quehnoano
 ijigū yeriquiro mehna decoripe quehnoano
 ijiducuya mūsa. Sa yegū “Mari pūhtoro
 mūsa mehna ijipihina mehna ijidu-
 cuahro”, nigū māsare quehnoa dutiaja.

¹⁷ Yūhū Pablo, yūhū omoca mehnata yo-
 jopare yūhū basita oja bato tiaja. Sa yegū
 māsare quehnoa dutiaja. Ijipihitiye yūhū
 ojoari pūrine ohō saha dihita yūhū omoca
 mehna oja bato tiaja yūhū. Yūhū ohō saha
 dihita yūhū oja bato tigū ihñana yūhū ojoari
 pū ijigū masinata mūsa.

¹⁸ Mari pūhtoro Jesucristo cahñe
 mehna tutuaro quehnoa dutiaja māsare
 ijipihinare.

1 Timoteo

Pablo Timoteore oja ohoahye

¹ Yuhū Pablo ahrire mūhare Timoteore oja ohoaja. Cohācjū marine pecapū wahaborinare yuhduoriqiro ijire. Jesucristo yere buhe duti tiqiro cūrigū ijiaja yuhū. Mari Pacū, Jesu mehnata tiqina dutiriro sahata tiqiro cūrigū ijiaja yuhū. Jesuta marine yedohore. Sa yena marine tiqiro yuhduoatire masina, tire cohteaja mari.

² Mūhare Timoteore Jesu yere buhei. Yuhū sa ni buhegū tuhogū Jesure wacū tutua dūcari mūhū. Sa yegu mūhū potota yuhū macū yero saha ijigūta nine. Sa yegu Cohācjū mari Pacū mehna, mari puhtoro Jesucristo mehna mūhare quehnoa dutiaja. Sa yegu mūhare paja ihñañe tiqina yedohoye mehna quehnoano ijiya mūhū.

Pablo ni mehoñe buheyere buhe dutierahye

³ Sohō ijiri pjere Macedonia yehpapū wahagū mūhare Efesopū cū yuhdu cān. Topū ihquēquina tiqina ye buheyere ni mehoñe buheyere buheyequina ijiri. Ti buheyere buhe dutieracjare mūhare cūu yuhū.

⁴ Tiqina esa tuharo sa buhe macā cāre. Sa ye tiqina acaye panopū cjēna tiqina esa tuharo tiqina buherire sa buheducure. Ti buheye mehna apequina mehna cahme duse tutuaducure. Cohācjū marine tiqiro dutirire quehnoano yegū yerare tiqina sa buheye. Cohācjū ye pehere yena tiqirore wacū tutuaja. Sa yegu tiqina esa tuharo tiqina buherire buhe dutieracjare cūu mūhare.

⁵ Sa cūu mūhare Jesu yequina apequinare “Cahñahdo”, nigū. Ñañe buhiri marieno mehna, quehnoañe wacūñe mehna, poto Cohācjūre wacū tutuaye mehna apequinare tiqina cahñatire sa cūu mūhare.

⁶ Ihquēquina ahri quehnoañe buheyere cohā tuhasa, apeye buheye pehere cahmene. Sa ye ti buheye pehere cahme duse tutuaye wisia wahare. Ti buheyere tiqina cahme duse tutuaye ti dahseati ijerare.

⁷ Sa ye tiqina Cohācjū dutiyere buheyequina iji duamene. Sa buhe duapeta ti buheyere tiqina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiqina.

⁸ Cohācjū dutiyere Moise marine tiqiro cūrire queoro mari buhegū quehnoañe dutiye ijire. Tire mari quehnoano masiaja.

⁹⁻¹⁰ Ti dutiyere buhena ahrire masino cahmene: Ti dutiye quehnoañequinare tiqina buheati ijerare. Ahriquina

pehere tiqina buheati ijire. Dutiyere yuhduacayequinare, Cohācjūre yuhduacayequinare, ñañe dihitaro yeyequinare, Cohācjūre cahmeeñequinare, tiqina pacasūmaare wejēñequinare, tiqina pacosānumia gūhare wejēñequinare, apequina masare wejēñequinare, wūana tiyequinare, cahme numia mehna tiqina ñano yeriro saha umāa sehsharo o numia sehsharo ijiepetā tiqina pagari mehna ñano yeyequinare, masa tiqina ijiepegūta tiquinare duayequinare, ni mehoñequinare, Cohācjū dutiye Moise marine tiqiro cūri pehe tiquinare buheati ijire. Sa yero apequina ijipihtiyequinare quehnoañe buheyere yuhduacayequinare buheati ijire Cohācjū dutiye.

¹¹ Quehnoañe buheye pehe quehnoariqiro Cohācjū tiqiro ye buheyeta ijire. Ti buheyere pehere yūhare Cohācjū buhe dutiri.

Cohācjū paja ihñañe yahuahye Pablo

¹² Sa yuhū buhegū Jesucristo mari puhtoro yūhare tutuayere ohoro, yūhare yedohore. “Pablo buhero, yee buheyere quehnoano buherota”, ni tuhuturi Jesu yūhare. Sa yero yūhare besero tiqirore yedohocjare cūri yūhare. Tiquiro sa yegū “Quehnoare”, niaja yuhū tiqirore.

¹³ Panopūre Cristore yuhū ñano yahuducuepegūta, tiqiro yequinare ñano yuhū yeppegūta, tiqiro yūhare beseri. Sa yegu tiqirore masiedarīgū tiqirore ñano yegū “Ñano yei niaga yuhū”, ni tuhutuera. Yuhū sa masiedagū ihñano tiqiro paja ihñari yūhare.

¹⁴ Sa yero Cohācjū mari puhtoro yūhare tutuaro cahñno, quehnoano yeri yūhare. Sa yero Cristo Jesure wacū tutuagū yeri yūhare tiqiro. Sa yero apequinare cahīgū yeri yūhare Cohācjū.

¹⁵ Yuhū pehe apequina yuhduoro ña yuhduagu ijimi. Ñana mari ijiepegūta Jesucristo ahri yehpapū ahtari jiri ñañequinare pecapū wahaboriqinare yuhduoatiqiro. Ti ijirota ijire. Tiquiro sa ijiriqiro ijigū ijipihtiyequina tire masiahdo.

¹⁶ Ña yuhduagu yuhū ijiepegūta tiqiro yūhare paja ihñari. Sa paja ihñano Jesucristo usuaro marieno yūhare tiqiro quehnoano yerire masigū yero nidi apequinare came tiqirore wacū tutuatiquinare masigū yero taro. Sa wacū tutuatiqina ahmūsepe sa ijiducuetā.

¹⁷ Cohācjū ijipihtiyere decori masa puhtoro ijire. Tiquiro ne yarierare. Sa yero mari mehna tiqiro ijiepegūta tiqirore ihñedaja mari. Sa yero tiqiro dihita Cohācjū waro ijire. “Potota quehnoariqiro, tutuariqiro ijire tiqiro”, niñna mari tiqirore. Ijipihtiyere decori tiqirore ño peouhna. Sata yeihna.

¹⁸ Timoteo yuħu macu yero saha ijire muħu. Sa yegu yojoꝑare ahrire muħare dutiaja: Mari acaye Jesu yequina Cohācjū yere yahu maħtariquina muħare tiquina ni maħtariro sahata muħare dutiaja. Cristo yere quehnoano yahuducuya. Sa yegu ñano yuħdupeguta tiqirore wacū tutua duhueracāħña muħu.

¹⁹ Jesure sa wacū tutuaducuya. Ñaħe buhiri marieꝑu ijiya muħu. Sa yegu quehnoaħe dihitare yeya. Iħquēquina tire yeraye, Jesu yere cohāre. Sa cohāħe tiqirore wacū tutua duhiri.

²⁰ Sata yeri Himeneo, Alejandro mehna. "Watño tiqiro cahmeno sahata yecūnahdo masare", ni cūu tiquinare, Cohācjūre tiquina ñano yahuducu nemoedatire.

2

Cohācjūre sini basayere yahuahye Pablo

¹ Yojoꝑare ohō saha ni duti maħtaja masare: Ijipiħtiyequina ye ijiatire Cohācjūre sini basaya. Sa sini basana "Quehnoare. Bucueaja", niħa Cohācjūre.

² Pūħtoa, apequina masa bui dutiyequina gāħu tiquina ye ijati gāħare Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoaħene yena quehnoano iji masiaja.

³⁻⁴ Sata apequina ye ijiatire mari sini basagū quehnoarīne. Tire mari yegū ihñano Cohācjū marine yuħduoatiqiro pehe marine quehnoano ihña bucuere. Ijipiħtiyequina pecapū wahaboriquinare tiqiro yuħduoriquina ijigū cahmene Cohācjū. Sa yero quehnoaħe buheyere tiquina masigū cahmene tiqiro. Sa yero apequina ye ijiatire mari sini basagū bucuere tiqiro.

⁵ Iħcāquirola ijire Cohācjū. Sa yero Cohācjūre mari ihña tuħtigū Cohācjū gāħu marine tiqiro ihña tuħtigū, marine bosariqiro iħcāquirola ijire. Tiqiro Jesucristota ijire. Jesucristo gāħu masānota ijiri.

⁶ Sa yero wapamonore wapa ye basaro saha ijipiħtina mari ñaħe buhirire yariaħye. Cohācjū tiqiro queori pjeꝑu tire masare masigū yeri.

⁷ Tire yahuacjūre, Jesu tiqiro cūacjūre Cohācjūꝑu yuħare beseri. Sa yero judio masa ijieyequinare Jesure wacū tutuayere, quehnoaħe buheyere buheacjūre beseri yuħare. Potota masare yahugū niaja yuħu. Ni mehoedaja.

⁸ Cohācjū yere quehnoano yeyequina, ijipiħtiro cjēna pehe Cohācjūre tiquina sinigū cahmeaja. Sa yegu tiquina usaro marieno, unureno marieno tiqiro mehna tiquina yahuducugū cahmeaja.

⁹ Sa yegu numia pehere quehnoaħequina numia ye suħti yero saha saħaħequina numia ijigū cahmeaja. Sa ye sijoro saha bajuye poari tiquina poarire yeracāħdo. Uru dari busaye darire, perla dari gāħare busaeracāħdo, tiquina ũmuare "Iħña ũe pjeari", niħe. Sa ye wapa bujūye suħtire saħaedacāħdo tiquina Jesu yequina numia. ũmuare tutuaro ũe pjeꝑu yeracāħdo.

¹⁰ Sa ye tiquina numia quehnoaħe pehere yeahro. Sata yero cahmene "Cohācjū yequina numia ijiaja", niħequina numiare.

¹¹ Diħta marieno ño peoye mehna buheyere tuhoahro tiquina numia.

¹²⁻¹⁴ Sa yeye numia ũmuare buheracāħdo. Sa yeye ũmuare dutieracāħdo. Tiquina numia pehe diħta marieno ijiaħro. Adāre Cohācjū ye maħtahye. Tiqiro bato Evare yeahye. Sa yero watño ni mehogū tuħoriqiro Adán ijierahye. Tiqiro ni mehogū tuħoricoro pehe Eva ijiaħye. Sa tiqiro ni mehogū tuħoro, Cohācjūre yuħduacaricoro wahahye ticoro. Sa yeye, numia pehe ũmuare dutieracāħdo.

¹⁵ Numino iji maħtaricoro ticoro yuħducaepēgūta numia tiquina pohna tigū ihñano tiquinare Cohācjū yedohorota. Tiquina numia pohna tiye numia pehe Cohācjūre tiquina wacū tutuaducugū tiqiro yedohorota tiquinare. Sa yero masare, Cohācjū gāħare tiquina caħiducugū, quehnoaħequina numia tiquina ijiducugū, ñaħe marieħequina numia tiquina ijigū Cohācjū tiquinare yedohorota.

3

Jesu yequina pūħtoa tiquina yeatire yahuahye Pablo

¹ Masa Jesu yequina pūħtoa iji duaye, quehnoaħene ye duaye niaga tiquina. Ti ijirota ijire.

² Jesu yequina pūħtoare besegu ohō saha ijieyequinare beseya: Buhiri marieħequinare beseya "Apequina tiquinare ñano ni yahusāri", niꝑu. Sa yegu ihquēquina numiare namo tiyequinare, quehnoano tuho masiħequinare, cua pesayequinare, masare quehnoano mehna tiquina ya wuħare saĵa ta dutiyequinare, apequinare quehnoano buhe miħniħequinare beseya muħu.

³ Sa besegu queheye marieħequinare, cahmequeħe marieħequinare, masare quehnoano yeyequinare, cahme duce tutueyequinare, niħerure caħiħequinare beseya muħu.

⁴ Sa ye muħu beseriquina tiquina pohnene, tiquina namosānumia gāħare ño peoye mehna yuħtigū yeyequina ijiaħro.

⁵ Tiqinare yuhtigū ye masiedaye Jesu yequina gāhare yuhtigū ye masiedaboaga tiqina.

⁶ Jesu yequina puhtoā iji duayequina Jesu yequina coā saǰāñequina ijiye, tiqina puhtoā iji masiedare. Coā saǰāñequinare Jesu yequina puhtoā masa cūgū tiqina “Quehnoa yuhduana ijiāja”, ni tuhotuboaga. Tiqina sa ni tuhotugū Cohācjū tiqinare buhiri dahre dutirota wafnōre tiqiro yeriro saha. Watfno gūhu sata ni tuhotumahye Cohācjūre yuhduāca duaro.

⁷ Sa ye Jesu yequina puhtoā ijiatiqina ohō sahata ijiro cahmene. Jesu yequina ijiyequina tiqina ño peonohñequina ijiro cahmene tiqinare. Quehnoano yeyequina tiqina ijiǰū ihñāñe apequina ño peoeta tiqinare. Sa quehnoano yeye, watfno cahmeñene wacūeno mehna tiqiro ye dutigū tiqina pehe watfno cahmeñene yesi. Sa ye masa tiqinare ñāno quti dahresi.

Jesu yequinare yedohoatiqina tiqina yeaire yahuahye Pablo

⁸ Sa yegu Jesu yequinare yedohoatiqina pehere besegu ohō saha ijiyequinare beseya: Tiqina cua pesaro ijiyequinare, quehnoano potota yahuducuyequinare, queheye marieñequinare, apequina yere ni meho ehmeñequinare beseya muhu.

⁹ Sa yegu ñāñe buhiri marieno Cohācjū ye buheyere sa wacū tutuaducuyequinare beseya muhu.

¹⁰ Sa yegu Jesu yequinare yedohoatiqina iji duayequinare tiqina yerire ihñāñe muhu. Tiqinare muhu sa ihñari bato tiqina pehe buhiri marieñequina ijiye, Jesu yequinare yedohoatiqina saǰāhdo tiqina.

¹¹ Sa yena tiqina namosānumia ohō saha tiqina ijiǰū cahmeaja mari. Cua pesayequina numia, ñāñe quti marieñequina numia, tuho masiñequina numia, ijiptiye quehnoañene yeducuyequina numia tiqina ijiǰū cahmeaja mari.

¹² Sa yegu Jesu yequinare yedohoatiqinare besegu ihquēquina numiare namo tiyequinare, tiqina pohneapequina tiqina ya wahu cǰēna gāhare quehnoano yuhtigū yeyequinare beseya.

¹³ Sa ye muhu beseriquina Jesu yequinare tiqina yedohogū apequina tiqinare quehnoano ihña bucueta. Sa ye tiqina yedohoyequina pehe quehnoañe buheyere, Jesucristore tiqina wacū tutuaye gāhare cuero marieno buheeta tiqina.

Cohācjū ye buheyere yahuahye Pablo

¹⁴⁻¹⁵ Yojoꝛu muhu cahapu waha duagu niaja. Sa waha duepeguta yojoꝛu wahaeranigu ahri pūpu yahu, muhare oja ohogu niaja. Jesu yequina cahmecoañequina watoa masa yeaire muhare yahu oja

ohogu niaja, “Mianore waharāsi”, nigu. Jesu yequina Cohācjū catiriqiro yequina ijiye. Tiqiro yequina pota ijiye buheyere Cohācjū ye buheyere cuore. Sa cuoye tire buheducure.

¹⁶ Ahri ijirota ijiye. Marine Cohācjū tiqiro buheri, panopu mari quehnoano masiedari quehnoa yuhduaye buheye ijiye. Ahri buheye ohō saha ijiye:

Tiqiro Cristo mari pagu yero saha pagu tiriquiro masa bajuahye. Quehnoariqiro, ñāñe marieniquiro tiqiro ijiǰū ihñori Espiritu Santo pehe. Angele gūhu tiqiro ihñari. Sa ye tiqiro buhe duti cūriquina pehe apeye yehpari cǰēnare tiqiro yere yahu buhere. Sa ye ahri yehpapu masa peyequina tiqirore wacū tutuari. Came ahmasepu Cohācjū neari tiqirore. Ti ijiye quehnoañe buheye.

4

Quehnoañe buheyere cohāriquinare yahuahye Pablo Timoteore

¹ Espiritu Santo ahrire quehnoano yahure: Pihiri deco panogā ihquēquina masa Jesu ye buheyere cohāeta. Sa ye ni meho buheyere watfno ye buheye pehere tuho nanueta tiqina.

² Ti buheyere ni mehoducuyequina yahueta masare. Tiqina ni mehoducuyequina pehe “Ñāñe buhiri marietare usāre”, ni tuhotuyequina ijiye. Sa ye tiqina ñāñe yeyere “Ñāñe ijiye”, ni tuhotuerare.

³ Ohō saha ni buheeta tiqina: “Namo tieracāhña. Ahri ihyayere ihyeracāhña”, ni buheeta tiqina. Tiqina sa ihya dutierapegūta Cohācjū ihyayere bajumehnenno mari ihyatire quehnoañene cūahye tiqiro. Mari Cristore wacū tutuana ijiǰū quehnoañe buheyere mari masina ijiǰū, mari ye ijiatire ti ihyayere bajumehneahye tiqiro. Ti ihyayere cuona tiqirore “Quehnoare”, mari nigū cahmene tiqiro.

⁴ Ijipitiye Cohācjū tiqiro bajumehnedi quehnoañe ijiye. Sa yena tiqiro bajumehnedi ihyayere nena, Cohācjūre “Quehnoare”, nina, tire marine cohāedarō cahmene. Tire marine bucuē ihyaro cahmene. Sa yegu apequina tiqina ihya dutieragū ta hoeracāhña tiqinare.

⁵ Tiqiro bajumehnedi quehnoañe ti ijiǰū yahu tuhasahye Cohācjū. Sa ye tiqirore “Quehnoare”, mari ni bucuē bato ti ihyaye tiqiro yeri ihyaye quehnoañe waro ijiro nine.

Jesucristo cahacjānore Timoteore quehnoariqirore yahuahye Pablo

⁶ Ahri yahu yahurire Jesu yequinare mari acayere buhegu Jesucristo cahacjū quehnoagu ijire mahu. Sa buhegu quehnoaŋe buheyere, quehnoano mahu tahorire quehnoano masi pehogu ijire mahu.

⁷ Sa yegu tiquina esa tuharo tiquina buherire, Cohācjū ye ijieyere tuhoeracāhña. Sa yegu Cohācjū cahmeŋe pehere yepogu ijija mahu.

⁸ Mahu dahrapogū quehnoa cjūre. Mahu dahraporiro yuhduoro Cohācjū cahmeŋene mahu yepogu quehnoa yuhduare mahare. Cohācjū cahmeŋene yepogu yojopure quehnoano ijiguta mahu. Sa yegu mahu yariari batopu gāhure masa mujagu quehnoano ijiguta mahu.

⁹ Ti ijirota ijire. Ijipihyequina tire yahu nidire masiŋequinare “Ijirota ijire”, nino cahmene tiquinare.

¹⁰ Ijipihyequina tire tiquina niatire Cohācjū cahmeŋene tiquina yeatire mari tutuaro dahraja. Sa yena ŋano yuhduaja mari apequna marine ŋano tiquina yegū. Cohācjū catiriquiro, ijipihyequinare pecapu wahaboriquinare yuhduoriquiro ijire. Tiquirore wacū tutuayequina pūritare tiquiro yuhduorota. Sa yena tiquiro yuhduoatire masina, cohteaja mari. Sa yena Cohācjū cahmeŋe pehere masa tiquina yeatire tutuaro buhe dahraja mari.

¹¹ Ti ijipihye yahu nidire dutiya Jesu yequinare. Sa yegu tire buheya mahu.

¹² Wahmu mahu ijigū ihñaŋe apequna Jesu yequina mahare yuhduaca duaboaga. Tiquina “Sa yeari”, nigu, ohō saha ye ihñaŋa tiquinare. Masare cahña. Sa yegu Jesure wacū tutuaducuya. Sa yegu buhiri mariegu ijija. Wahmu ijiepeguta mahu sa yegū ihñaŋe mahare yuhduacasi tiquina. Sa ye mahu yahuducurire tahoye, mahu yerire ihñaŋe mahare ihña cūeta.

¹³ Sa yegu mahu cahapu yahu esato pano Jesu yequinare Cohācjū yere tiquina ojoari pūre buhe tuhasa tiquinare sa yahu quehnoducuya.

¹⁴ Jesu yequina puhtoare Cohācjū tiquiro dutigū tiquina pehe Cohācjū yere yahu tuhasa mahu bui tiquina omocarine duhu peori. Tiquina sa duhu peogū Cohācjū ye ijiatire mahu ye masiatire cūri mahare Cohācjū. Tiquiro sa cūrire ye duhueracāhña.

¹⁵ Ahri dutiyere sa yeducuya mahu. Sa yegu ahri dutiyere quehnoano masiŋa. Mahu sa yeri bato quehnoaŋene mahu ye nemogū ijipihyequina ihñaeta.

¹⁶ Mahu pehe quehnoano yeya mahu, “Sijoro saha yeari”, nigu. Sa yegu quehnoano buheya mahu, “Sijoro saha buheari”, nigu. Sa yegu mahu basita pecapu wahaborigu yuhduaguta mahu. Sa ye mahare tahoriquina gāhu pecapu wahaboriquina yuhdueta.

5

“Apequna Jesu yequinare ohō saha yeya mahu”, nahye Pablo Timoteore

¹ Ne bucurore tuhtieracāhña. Mahu pacure mahu quehnoano yeriro sahata bucuro gāhure quehnoano mehna yahuya. Sa yegu mahu bahanare mahu quehnoano yeriro sahata wahma pjia gāhure quehnoano ŋo peoro mehna tiquinare yahuya.

² Sa yegu mahu pacore mahu quehnoano yeriro sahata bucuna numia gāhure quehnoano ŋo peoye mehna yahuya. Sa yegu mahu bahana numiare mahu quehnoano ŋo peoriro sahata nuhmia gāhure ŋano ne pjero marieno, quehnoano ŋo peoye mehna yahuya tiquinare.

³ Sa yegu wape wiha numiare potota acaye marieŋequina numiare ŋo peoye mehna yedohoya tiquinare.

⁴ Wape wihoro pohna tiricoro ijigū, o panamena tiricoro ticoro ijigū gāhure ticoro pohne, ticoro panamena gāhu yedohoahro ticorore. Sa yedohoya Cohācjū masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegū ihñaŋo Cohācjū quehnoano bucuere.

⁵ Pejecoricoro, wape wihoro acaye marienicoro ijiro, Cohācjū ticorore tiquiro yedohoatire cohtere ticoro. Sa yero ŋaminipe, decoripe ticoro Cohācjure sa siniducure.

⁶ Apecoro pehe wape wihoro ŋaŋe mehna bucuere duaricoro ijiro ticoro catiricoro ijieperota pecapu wahaticoro ijire.

⁷ Ahri ijipihye yahu yahurire Jesu yequina gāhure ye dutiya mahu, quehnoaŋe dihitare tiquina yeatire. Tiquina sa yegū ihñaŋe apequna tiquinare “Ŋano yeye nine”, ni masiedare.

⁸ Ihcāquiro tiquiro acayere ihña ihboeraro, tiquiro pohne tiquina pacoro gāhure quehnoano ihña ihboeraro “Jesu yaquiro ijija”, ni masiedare. Sa yero Jesure cahmeŋequina yuhduoro ŋa yuhduariquiro ijire tiquiro.

⁹ Wape wiha numiare yedohonata musa. Ohō saha beseya musa yedohoatiquina numiare. Tiquina wamene ojoa ohōati pūpu ojoagu tagu ohō saha beseya tiquina numiare: Sesenta cahmari cuericorore ticoro wamene ojoa ohōedacāhña. Sa yegu wape wihoro ihcāquiroeta manu timedicorore ticoro wamene ojoa ohōña.

¹⁰ Sa manu timediquina numiare “Quehnoaŋene yeyequina numia ijire”, masa tiquina niŋequina numiare, tiquina pohnene quehnoano masori numiare

beseya. Sa yegu tiquina ye wuhusepu apequinare quehnoano sajā ta dutiyequina numiare, cahacjēna yero saha Jesu yequinare yedohoye numiare, tiquina dahpocārīne coseri numiare, ñano yuhduyequinare yedohoye numiare, quehnoañe dihitare yeye numiare beseya. Tiquina numiare msa yedohoati numiare bese tuhasagpu, tiquina wamene ojoa ohōña maha.

¹¹ Sa ye wape wiha numia nuhmia cjūno tiquina ijigū tiquina numia pehere beseracāhña. Sa yegu ti pūpu tiquina wamene ojoa ohōedacāhña. Came tiquina yere tutaro ye duaye, Cristore cohā, pari turi man tiboaga.

¹² Tiquina Cristore “Maha yequinare yedohonatja”, nidiquina numia ijiepetacamepūre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta.

¹³ Tiquina numia ohō saha yere: Dahraeye numia ijipore. Sa ye apequina ye wuhusepu waha, ñaṅe quti dahre, sijoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegu tiquina numia ohō saha yegū cahmeaja yaha: Wape wiha numia nuhmia cjūnogā ijiye numia man tiahro. Sa ye Jesu yequinare “Usāre yedohoya”, nino marieno ijiahro tiquina numia. Sa ye tiquina pohna tiahro. Sa ye tiquina ye wuhuse cjēnare quehnoano ihña ihboahro. Mari ye numia wape wiha numia tiquina sa yegū marine ihña tuhtiyequina marine “Ñañene yeye nine”, ni tuhti masiedare.

¹⁵ Yojoṛpu pūritare ihquē numia wape wiha numia Cristo yere duhu, watino cahmeñe pehere ye tuhasare. Sa yegu sa ni yahuaja mahare.

¹⁶ Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdo. Sa ye Jesu yequina ticoro acaye caoricorore yedohoeraye, apequina numia wape wiha numia acaye marieñe numia pehere yedoho masine.

¹⁷ Jesu yequina pūtoā msare tiquina quehnoano buhegū tiquina dahrayere tiquina quehnoano yegū ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cjēna Cohācjū yere yahuyequina msare buheyequina gāhu ijire. Tiquina pūritare apequina yuhduoro quehnoano ño peoya.

¹⁸ Cohācjū yere tiquina ojoari pūpu ohō saha nine, dahrariquirore tiquina wapa yeatire yahuro: “Wecu trigo pjerire tiqiuro dahpocārī mehna suhti wegū tiqiuro duserore cahmotaeracāhña. Tiqiuro cahmeno ihyaahro”, ni ojoahye. Sa yero

ape pūpu ohō saha nine: “Dahrariquirore tiqiuro dahrari wapare ohoro cahmene”, nine Cohācjū yere tiquina ojoari pūpu. Tiqiuro sa nigū tahona Jesu yequina pūtoare quehnoano ño peoya masa. Sa yena quehnoano wapa yeya tiquinare.

¹⁹ Jesu yequina pūtorore tiqiuro ñano yegū ihñano ihcāquirola yahusā masiedare. Pūtorore ñañene yahusātiquina ihtiaro ijiye, tiqiurore yahusā masine. Ihtiaro mariedagū pūaro yahusā masine.

²⁰ Sa yena ñañene yeducuriquirore ijipihitina masa watoa tiqiuro ijigū tiqiurore tuhtiya, apequina cueatire, ñañene tiquina yeratire.

²¹ Sa yegu Cohācjū, Jesucristo, tiqiuro beseriquina angele gāhu tiquina ihñonopu ahrire dutiaja mahare: Yojoṛpu mahare yahu dutirire ye pehoya. Sa yegu ijigū ijipihtiyequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña.

²² Apequinare Cohācjū dahrayere maha cūatire tiquina bui maha omocarine maha duhu peoato pano sojoro marieno quehnoano tuho masife mehna tiquinare beseya. Tiquina ñañequina ijiboaga. Sa ijieyequinare Cohācjū dahrayere cūedacāhña. Sa cūgu maha gāhu maha duhu peoyequina tiquina ñañene yero sahata yegu niboaga maha. Sa yeracāhña. Sa yegu ñañe mariegu ijia maha.

²³ Usuro waro paa purīnogu ijire maha. Sa yegu yojoṛpe aco dihitare sihnimene maha. Sa yegu mehenogā vino gāhare sihnīña maha. Paa purīñe co ijire ti.

²⁴ Ihquēquina tiquina ñañene yegū mari ihñaja. Sa yena Cohācjū tiquinare tiqiuro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata.

²⁵ Ti ijoro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojoṛpe masiedapenata camepu masinata mari. Ti quehnoañene nuono basioerare.

6

¹ Cahacjēna Jesu yequina pehe tiquina pūtoare quehnoano ño peahro. Tiquina sa ño peogū ihñañe apequina Cohācjūre, mari buheye gāhare ñano yahuducu masiedare.

² Tiquina pūtoā Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina pūtoā Jesu yequina tiquina ijigū pūritare tiquina cahacjēna quehnoano ño peahro tiquinare. Sa ño peoye tiquina cahacjēna pehe Jesu yequinare, tiquina cahñequinare yedohoye nine. Tiquina

puhtoare Jesu yequinare yedohoye, Jesure cahmeeñequinare tiquina ño peoriro yuhduoro Jesu yequina pehere ño peoahro tiquina cahñequina ijigü. Ahri yahü yahurire buheya. Sa yegu ahrire dutiya.

Cohäcjüre ño peoye gühure quehnoano ijije gühure yahuahye Pablo

³ Sijoro saha ijije buheyere buheriquiro mari puhtoro Jesucristo ye buheyere quehnoañe buheyere "Ijirota ijire", ni tuho duerare. Sa yero mari ye buheyere Cohäcjüre ño peoye buheyere cahmedare.

⁴ Sa yero tiquiro "Masi pehogu ijijaja", nieperota tire ne masiedare. Sa yero tuho masieniquiro yero saha tutuaro cahme duse tutua duare tiquiro. Sa yero Cohäcjü yere sa ni maca cäriquiri ijire. Masa tiquiro yero saha ijijequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano quitu dahreye, masiedapeta masare ñano ni tuhoture tiquina.

⁵ Sa ye tiquina ñañe dihitare tuhotuyequina, potu ijijere ne masieñequina sa cahme duse tutuaducure. Sa ye "Cohäcjü yere buhena, niñerure wapatanata mari", ni tuhoture tiquina.

⁶ Mari ye mehenogã mari cwoye mehna bucuena, Cohäcjüre ño peona, potota quehnoano ijina niñaja mari.

⁷ Ahri yehparape masa bajuana ne apee borore ne cãhtaeru mari. Sa yena mari yariari bato wahana, ne apee borore nea masiedaja mari. Sa yena masa yere masa cwoye mehna to punota bucueya. Pajiro cahme nemoedacãhña.

⁸ Sa yena mari ihyayere mari suhti gühure cwona apeyere cahme nemoedacãhña. Masa cworo punota bucueya masa.

⁹ Doeri cjë opana iji duayequinare watño ñañene tiquiro ye dutigã tiquina pehe peye ñañene yeducuyequina ijiboaga. Sa ye tiquina peye tahari tuho masieñequina yero saha apee borore tutuaro cahmeñe, ñañe yeyere duheraye, tiquina basita ñano yuhdare. Sa duheraye, pecaru wahaeta tiquina.

¹⁰ Niñerure tutuaro cahmeñe, peye ñañene ye ducare masa. Ihquëquina niñerure cahñe, tutuaro cahmeñe, Jesure wacü tutua duhuye, peye tahari ñano jeripohna tire tiquina.

Cohäcjü yere yena ñañene duhuya

¹¹ Mũhũ pũrita Cohäcjü yaquirota ijire. Sa yegu ahri ñañene yeracãhña. Sa yegu quehnoañe pehere cahmeña. Cohäcjü yere yeya. Sa yegu Jesure wacü tutuaya. Sa yegu apequinare cahña. Ñano yuhdurepęta ihcãno sahaya. Sa yegu sa tuhotu cãhña.

¹² Hmusepu sa ijiducucjüre Cohäcjü beseri mũhare. Sa yegu Cohäcjüre mũhũ wacü

tutuayere peyequina masare quehnoano yahuri mũhũ. Sa yegu ñano yuhdurepęta tiquirore wacü tutua duheracãhña hmusepu mũhũ sa ijiducuatire.

¹³ Cohäcjü ijipihtiequinare catigã yeriquiro ijire. Ijipihtiyere ijigã yeriquiro ijire. Sa yero Jesucristo pehe Poncio Pilatore Cohäcjü yere quehnoano yahuriquiro ijire. Sa yegu Cohäcjü, Jesucristo gũhũ tiquina ihñonopũ ahrire mũhare ye dutiitja:

¹⁴ Mũhare tiquiro dutirire ye peho cãhña. Jesucristo tiquiro toja tato pano masa mũhare ñañene tiquina "Yahusãri", nigũ, tiquiro dutirireta yeducuya.

¹⁵ Tiquiro queoriro sahata Cohäcjü Cristore toja tagã yerota. Cohäcjü quehnoariquiri, tiquiro dihita masare dutiriquiro ijire. Sa yero ijipihtiequina apequina puhto bui puhtoro ijire tiquiro.

¹⁶ Sa yero tiquiro dihita ne yarieriquiro ijire. Tiquiro asi siteye mehna ijiriquiro ijire. Sa ye masa tiquiro asi siteye cahapu waha masiedare. Sa yeye tiquirore masa ne ihñedari. Sa yeye yojopũ gühure tiquirore ihñedari. Tiquiro pehere ño peouhna. Sa yena "Ijipihtiyere decori tutuariquiri ijire tiquiro", niñhna tiquirore. Sata niñhna.

¹⁷ Ahri yehpa cjëna doeri cjë opanare ohõ saha ni dutiya mũhũ: "Apequinare masi yuhduducaja", ni tiquina basi tuhotueracãhdo. Tiquina doeri cjë tiquina cwoye pihita waharota. Sa yeye tiquina cwoye dihitare bucuerecãhdo. Cohäcjü pehere bucueahro. Ijipihtiyere pototi mari cahmeñene ohoriquiri ijire tiquiro. Tiquiro pehere wacü tutuahro tiquina doeri cjë opana.

¹⁸ Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cworire apequinare ohoahro.

¹⁹ Tiquina sa yegu hmusepu Cohäcjü cahapu tiquina ye ijirota. Topu tiquina ye ijigü ne butisi. Sa ye topu sa ijiducueti tiquina.

Pablo Timoteore duti bato tiahye

²⁰ Timoteo, mũhare Cohäcjü tiquiro cürire tiquiro buhe dutirire quehnoano yeya. Boeracãhña mũhũ. Ihquëquina masa Cohäcjüre cahmeeñequina yero saha ni mehoñe, tuho masieñequina ye buheyere yahuducuducure. Sa yahuducuye "Quehnoano masieñequina ye buheye ijire", nimene tiquina. Sa tiquina ni buheyere tuho nũnedacãhña.

²¹ Ihquëquina ti buheyere tuho nũñequina Cristo yere cohã cãhre. Cohäcjü tiquiro cahñe mehna mũhare tutuaro quehnoa dutiaja.

2 Timoteo

Pablo Timoteore pari turi oja ohoahye

¹ Yuh Pablo, ahrire muhare Timoteore oja ohoaja. "Ijipihtyequina Jesucristore wacū tutuayequina ahmusepa sa ijiducuenta", ni, cūri marine Cohācjū. Tiquiro sa ni cūrire yahuacjare yuhare bese cūri Jesu. Sa cūno Cohācjū tiquiro cahmeno sahata yero nidi yuhare.

² Mūhū Timoteo yuhū cahīgū ijire. Mūhare Jesu yere yuhū buhegū tuhogu tiquirore quehnoano wacū tutua ducari mūhū. Sa yegu yuhū macu yero saha ijire mūhū. Sa yegu Cohācjū mari Pacu, mari puhtoro Jesucristo mehna muhare quehnoa dutiaja. Sa yeye muhare paja ihña, tiquina yedohoye mehna quehnoano ijiya mūhū.

Masare Cristo yere tiquina yahurire yahuahye Pablo

³ Namipu, decoru gūhare Cohācjū mehna yahuducugu mūhū ye ijiatire sini basagu mūhū mehna bucueaja. Sa bucuega Cohācjūre "Quehnoare", niaja yuhū. Panopu cjēna yuhū acaye ñañe buhiri marieno Cohācjū yere tiquina yeriro sahata yuhū gūhū yojopure tiquiro yere yeaja.

⁴ Sohō ijiri pjere yuhū wahagū mūhū uti nunū tãe tirire wacūgu muhare tutuaro ihña duaja, mūhū mehna quehnoano bucue duagu.

⁵ Sa yegu Jesure potota mūhū wacū tutuarire wacūaja yuhū. Mūhū ñeco, Loida, mūhū paco Eunice gūhū mūhū yero sahata Jesure wacū tutua muhtari mūhū pano. Sa yegu yojopure mūhū gūhū tiquirore mūhū wacū tutuagū quehnoano masiaja yuhū.

⁶ Sa yegu ahrire muhare wacūgū ye duaja. Mūhū bui yuhū omocarine yuhū duhu peogū Cohācjū yere mūhū yeatire tutuayere ohori muhare. Ti tutuaye mehna ye nemoña mūhū.

⁷ Cohācjū marine tiquiro yaquiro Espiritu Santore ohori. Sa yero masare marine cueragū yere Espiritu Santo. Sa yero tutuana, masare cahña, tuho masina marine ijigū yere tiquiro.

⁸ Sa yegu mari puhtoro ye ijiatire apequinare yahugu, bue tieracāhña mūhū. Yuhū tiquiro yere yuhū yeri buhiri peresupu ijigu niaja. Peresupu yuhū ijigū yuhare bue tisāedacāhña mūhū. Sa yegu quehnoañe buheyere mūhū buheri buhiri ñano yuhdugū "Quehnoanota", niña mūhū gūhū. Mūhū sa ñano yuhdugū Cohācjū muhare yedohorota.

⁹ Cohācjū pehe marine pecapu waha-borinare yuhdūori. Sa yero quehnoana, tiquiro yequina ijanare tiquiro beseahye marine. Mari quehnoano yeye mehna

tiquirore marine besegū yera. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahño, tiquiro marine beseahye. Marine sa cahño marine yuhdūoatiquirore Jesucristore ohoahye Cohācjū.

¹⁰ Yojopure Jesucristore marine yuhdūoatiquirore ohoro, marine potota tiquiro cahñene masigū yero niahye Cohācjū. Jesu marine tiquiro yequinare pecapu wahaeragū yeri. Sa yero "Yuhare wacū tutuana Cohācjū mehna sa ijiducunata", nino, quehnoañe buheyere marine yahuro ahtahye tiquiro.

¹¹ Ti buheyere quehnoañe buheyere yahuacjare tiquiro cūacjare beseri yuhare.

¹² Sa tiquiro beserigu ijigu yojopure ñano yuhdūaja yuhū. Ohō saha ñano yuhdūepagata yuhū bue tieraja. Yuhū wacū tutuariquirore Jesure masiaja yuhū. Tutuariquiro ijire tiquiro. Sa yero yuhare tiquiro yere buhe duti cūno quehnoano yedohorota. Sa yero ahri yehparu tiquiro tojoa tato pano, "Muhare yuhdūogutja", tiquiro nidiro sahata sohtori tirota yuhare. Yuhare yuhdūorota tiquiro. Tire quehnoano masiaja.

¹³ Mūhare quehnoano yuhū yahurire ye pehoya. Cristo Jesu yequina ijina tiquirore quehnoano wacū tutuaja mari. Sa yena apequinare quehnoano cahñaja. Sa yegu tiquirore sa wacū tutuaducuya mūhū. Apequinare quehnoano cahñaducuya.

¹⁴ Sa yegu Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

¹⁵ Ijipihtyequina Asia yehpa cjēna Jesu yequina yuhare yedoho dueraye, cohā cāa wahari. Tiquina mehna cjēna puaro Figelo, Hermógene sata yeri tiquina gūhū. Tiquina sa cohā cārire masi tuhasare mūhū.

¹⁶⁻¹⁷ Tiquina sa cohāepagūta Onesiforo pehe peye tahari yuhare yedohoro quehnoano jeri sajāgū yeri. Sa yero yuhū peresupu ijigū tiquiro yuhare bue tisāedari. Sa yero yuhū Romapu ijigū sa macaducuri jiri yuhare. Sa macaducuro yuhare bocari. Sa yero tiquiro pohnene, tiquina pacoro gūhare paja ihñanota Jesu mari puhtoro. Tiquirore sa paja ihña dutigu tiquirore sini basaja.

¹⁸ Sa yero ahri yehparu Jesu mari puhtoro tiquiro tojoa tati deco tiquirore paja ihñanota. Tiquirore sa paja ihña dutigu tiquirore sini basaja. Efesopu marine Onesiforo tiquiro yedohorire quehnoano masine mūhū.

2

Ñano yuhdūepenata Jesu yequina ijina ihcāno sahoro cahmene marine

¹ Mũhũ pehe yũhũ macũ yero saha ijigũ, Jesucristo yedohoro mehna tiqirore wacũ tutuaducuyã.

² Sa yegũ peyequina masare yũhũ buherire mũhũ tuhorire apequina gũhare buheya mũhũ. Tiquina mũhũ buheyequina Cohãcũ yere yeducuyequina ijiahero. Sa ye apequinare buhe masifequina ijiahero.

³ Surara ñano yũhdæperota tiqiro ihcãno sahariro saha mũhũ gũhũ Jesu yaquiro ijigũ ñano yũhdũgũ, ihcãno sahaya mũhũ. Sa yegũ apequina Jesu yequina yero saha yegũ nine mũhũ.

⁴ Surara tiqiro puhtoro dutiye pehere yere. Sa yero tiqiro surara ijieyequina yero saha ihyo ijijere yerare tiqiro. Mũhũ gũhũ sata Cohãcũ dutiye dihitarã yeya.

⁵ Omariquiro oma dutiyequina tiquina dutiyere queoro yeraro, tiqiro oma yũhdũducari wapare ne masiedare. (Sa yegũ omariquiro ti dutiyere queoro tiqiro yeriro saha Cohãcũ dutiyere quehnoano ye pehoya mũhũ.)

⁶ Sa yero wese dahrariquiro quehnoano dahrariquiro pehe apequina pano quehnoano wapatãre. (Sa yegũ mũhũ gũhũ tiqiro yero saha quehnoano dahraya mũhũ.)

⁷ Ijipihtiyere quehnoano masigũ yerota Jesu mari puhtoro mũhũre. Sa yegũ yojopũre mũhũre yũhũ nidire quehnoano wacũ tuhotuya.

⁸ Sa yegũ Jesucristore wacũña. Tiquiro puhtoro Davi mũnãno panopũ cãno tiqiro panamino iji turiariquiro ijiahye. Sa yero yariaro masa mũjahye tiqiro. Quehnoañe buheyere buhegũ tiqiro sa waharireta buhegũ niaga.

⁹ Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriquiro yero saha peresupũ ijiaja yũhũ. Yũhũ sa ijiepegũta Cohãcũ ye yahuducuyere buhe duhugũ ye masiedare masa yũhũre.

¹⁰ Sa yegũ Cohãcũ beseriquinare buhegũ peye tahari ñano yũhdũaja yũhũ, tiquina gũhũ Jesucristo yequina tiquina ijiatire. Tiquiro yequina ijiye tiquina pecarũ wahaboriquina pehe tiqiro yũhdũoatiquina ijieti. Sa ye tiquina Cohãcũ mehna sa ijiducuetã.

¹¹ Ahri yũhũ niati ijirota ijire. Cristo yere mari yeri buhiri apequina marine tiquina wejẽgũ tiqiro mehna uhmũsepũ sa ijiducunata.

¹² Sa yena tiqiro yere mari yeri buhiri ñano yũhdũepenata ihcãno sahana tiqiro puhtoro ijiorũre tiqiro mehna puhtoata ijinata mari gũhũ.

¹³ “Cristore usã masiedaja”, mari nigũ, tiqiro gũhũ marine sata ninota. Tiquirore mari yũhdũducagũ ihñano tiqiro nidiro sahata marine buhiri

dahrerota. Tiquiro nidiro sahata yeriquiro ijire tiqiro. Ne ni mehoedare. Ahri ijipihtiyere tiqiro yahuri ijirota ijire.

Cohãcũ tiqiro ihña coayequinare, tiqiro yere buheyequinare yahuahye Pablo Timoteore

¹⁴ Ahri yũhũ yojopũ yahuatire mũhũ mehna cjenare wacũgũ yeya. Tiquina esa tuharo ihyo ijijere tiquina yahuducuyere duhseati ijierare. Sa yeye tiquinare tuhoriquinare ñano yegũ yere. Sa yegũ mari puhtoro ihñonopũ ohõ saha ni yahuya tiquina esa tuharo buheriquinare. “Musa yahuducuro saha yahuducueracãhña”, niña tiquinare.

¹⁵ Mũhũ pehe Cohãcũ yere quehnoano buheya. Sa yegũ Cohãcũ yere tutuaro yeya. Mũhũ sa yegũ ihñano “Quehnoano yeri mũhũ”, ninota Cohãcũ mũhũre. Sa yegũ mũhũ buherire tiqiro ihñagũ bæ tisi mũhũ. Sa yegũ tiqiro ye buheyere quehnoano masiña. Sa yegũ tire queoro buheya.

¹⁶ Tiquina esa tuharo yahuducuyequina ñañene sa yeducure. Sa yegũ tiquina sa ni yahuducuyere taño yabiya mũhũ.

¹⁷ Tiquina pehe tiquina yahuducuyere camino ahba mũjano yero saha ijire. Camino ahba mũjano saha tiquina yahuducuyere gũhũ apequina Jesu yequinare ñañequina wahagũ yeeta. Sa yahuducuyequina mehna cjenã Himeneo, Fileto gũhũ ijire.

¹⁸ Sa yeye tiquina “Jesu yequina masa mũja tuhasari”, ni buheye, quehnoañe buheyere duhu cãri tiquina. Sa sijoro saha buheye, meheñequinagũ Jesu yequinare tiqirore wacũ tutua duhugũ yeri tiquina.

¹⁹ Tiquina sa ñano buhepegũta Cohãcũ ye buheye pehe ne comesaerare. Ohõ saha nine tiqiro ye buheye: “Mari puhtoro Jesu tiqiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu cãhdo”, ni yahure Cohãcũ ye buheye.

²⁰ Mari queoye mehna buhegũ masa sihniñe pari yero saha ijire. Pajiri wãhũpũ uru, plata mehna tiquina yeri pari ijire. Sa yero ti wãhũpũ apeye pari yucũgũ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijijere tiquina pose yeati ijire.

²¹ Sa yero ñañene yerariquiro uru pa quehnoari pa yero saha ijirota. Sa yero tiqiro pehe Jesu ye dihitarã yeducuriquiro ijirota. Sa yero wũhũ cãno quehnoari pa mehna quehnoañene tiqiro yeriro saha, ñañene yerariquiro Jesu ye ijiatire quehnoañene yerota.

²² Wahma ijire mũhũ. Sa yegũ wahma pja ñañene tiquina tutuaro ye duaro sahata

yeracáhña mñhu. Sa yegu quehnoañene yeya. Jesure wacü tutuaducuya. Sa yegu tiquirore, masa gñhure cahñña. Sa yegu mñhu mehna cjëna Jesu yequina mehna ijigü cahmequeno marieno quehnoano ijija mñhu. Sa yeya mñhu Cohäcjüre yñhtieyquina tiquirore siniducueyquina mehna ijigü.

²³ Sa yegu tñhoturo marieno tiquina cahme yahuducuyere mñhu gñhu tñho nññedacáhña. Sa yegu mñhu gñhu sa cahme yahuducueracáhña. Sa ni yahuducuye masa tiquina basi cahme tuhti, usuare.

²⁴ Cohäcjü cahacjüno ihcäquiro ijiro, cahme tuhtieraro cahmene tiquirore. Sa yero ijipihitueyquine quehnoano yeriquiro, buhe mihnidiquiro, duita usueriquiro ijiro cahmene tiquirore.

²⁵ Sa yero apeqüna tiquiro mehna tiquina cahme tuhtigü tiquiro tiquinare yahuro, quehnoano mehna usuaro marieno yahuro cahmene tiquirore. Tiquiro sa yahugü ihññañe Cohäcjü yedohoye mehna tiquina pehe tiquina ñañe yerire bñña witiboaga. Sa ye quehnoañe buheyere masi dñcaboaga.

²⁶ Tiquinare watño cñomedi tiquiro cahmeñene yeatiquinare. Sa ye tiquina ñañe yerire bñña witi bato quehnoañe buheyere masiñe, watñore cohä cñeta.

3

Pihitiati deco ijatire yahuahye Pablo Timoteore

¹ Pihitiati deco panogäre ñano yñhdueta masa. Tire quehnoano masiña mñhu.

² Ti pjere masa apeqüinare wacü peoeyequina, niñerure cahme yñhdñducayequina, “Apeqüinare masi yñhdñducaja”, ni tiquina basi tñhotuyequina, masare ñano tuhtieyquina, tiquina pacusmñare yñhdñducayequina, tiquina ohoepegüta “Quehnoare”, nieñequina, Cohäcjüre ño peoeyequina ijietä.

³⁻⁴ Sa ye masare cahñeñequina, paja ihñeñequina, ñañe quiti dahreyequina, tiquina esa tuhuro ñano yeducueyquina, masare sa quëducueyquina, quehnoañene yabieyquina, tiquina mehna cjënare ñano yeeyequina, tñho masieñequina, “Masi pehoaja”, ni tñhotuyequina ijietä masa. Sa ye ñañene cahme yñhdñducayequina ijieye, Cohäcjü pehere cahmeeñequina ijietä.

⁵ Sa ye tiquina masa ihñonopñ Cohäcjüre ño peoepeta “Cohäcjü ihyo ijiriquiro ijire”, ni tñhotumene tiquina.

Sa niñequinare piti tieracáhña mñhu.

⁶ Tiquina mehna cjëna tñho masieñequina numia ye wññesepñ sajä, tiquina numiare ni mehoñene buhere. Tiquina numia pehe

sa ñañene yeducueyquina numia, tutuaro ñañene ye duare.

⁷ Tiquina numia sa buheducuye ihyo ijieye buheyere, sijoro saha ijieye buheyere tñhoye numia ijieye, Cohäcjü ye buheyere pehere ne masiadare.

⁸ Panopñ Jane, Jambre yayia mñna Moisere tiquina ihña tuhtiriro sahata pihitiati deco panogä ijieyquina masa quehnoañe buheyere pehere ihña tuhtietä. Tiquina ñañe dihitare tñhotuyequina ijietä. Sa ye Jesure wacü tutuayequina waro ijierare.

⁹ Sa yeeyequina tiquina ni mehoñene tñho duasi apeqüna pehe. Came tiquina ni mehoñene, tñho masieñequina tiquina ijieye gñhure ijipihitueyquina masietä. Jane, Jambre mehna tiquina ni mehoñene panopñ masa tiquina masidiro sahata sata masieta pihitiati deco panogä ni mehoñequina tiquina ijieyere.

Pablo Timoteore duti bato tiahye

¹⁰ Yñhu buheyere, yñhu yee tirire, yñhu ijieye tiyere, yñhu ye duayere, Jesure yñhu wacü tutuayere masine mñhu. Sa yegu usuaro marieno yñhu yerire, masare yñhu cahññene, ñano yñhdñpeguta yñhu ihcño saharire masine mñhu.

¹¹ Sa yegu yñhure tiquina ñano yerire, yñhu ñano yñhdñre masine mñhu. Sa yegu Antioquiarñ, Iconiorn, Listrarñ, yñhure ña yñhdñaro tiquina yerire masine mñhu. Yñhu sa wahagü ihñño mari pahtoro Jesu pehe yñhure yedohori.

¹² Ijipihitueyquina Jesucristo yequina tiquina iji duagñ Cohäcjü dutiriro sahata tiquina yeducu duagñ apeqüna tiquinare ñano yeeta. Ti ijirota ijire.

¹³ Sa ye ñañequina pehe ni mehoñequina gñhu ña yñhdñayequina wahaeta. Apeqüinare ni mehoñe, tiquina basi ni mehoñene “Sa tjire”, niñe, ña yñhdñayequina wahaeta.

¹⁴ Mñhu pehe mñhure yñhu buherire, quehnoano mñhu tñhorire sa wacüducuya. Sa yegu yñhu buheriro sahata yeya. Mñhure buheriquinare masine mñhu.

¹⁵ Mñhu nijigñ ijigñpñta Cohäcjü yere tiquina ojoari pñre masi dñcahye mñhu. Tiquiro yere tiquina ojoari pñpñ ohö saha ni yahure mñhure: Jesucristore wacü tutuayequina dihitare pecarñ wahaboriquinare yñhdñore Cohäcjü.

¹⁶ Cohäcjü yere tiquina ojoari pñpñ ijipihitueyere Cohäcjü pehe ojoa dutiahye. Sa yena ti pñre buhena mari masi nemoaja. Ti pñre buhena Cohäcjü dutiyere mari yeatire masiaja. Sa buhena mari ñañe yerire “Ahri ñañe ijire”, ni tñhotuaja mari. Sa yero ti pñ marine quehnoañe pehere camesa dutire. Sa yero decoripe quehnoañene mari yeducuatire yahure ti pñ.

17 Sa yero Cohācjū yaquiro tiquiro ya pūre buhero, masi pehorota. Sa masino ijipihitijere quehnoañene ye masinota tiquiro.

4

1 Jesucristo ijipihitijequina puhtoro, tojoa tatiquiro, catijequinare, yariariquina gāhare buhiri dahre dutiatiquiro tiquiro ihñonopu mūhare ohō saha ni yahutja. Cohācjū ihñonopu gāhare ohō saha ni yahutja mūhare:

2 Decoripe masa tiquina tuho duagū tiquina tuho dueragū gāhare Cohācjū yere yahuya. Sa yahugū masa tiquina ñaife yerire masigū yeya tiquinare. Sa yegū tiquina ñaife yerire “Ye nemoedacāhña”, ni yahuya tiquinare. Quehnoañe pehere ye dutiya. Sa buhegu ne usuegu, caributieracāhña mūhu. Sa yegū ne apequinare buhe duhueracāhña.

3-4 Camepu masa quehnoañe buheyere tuho duasi. Sa tuho dueraye, tiquina cahmeno sahata yeye, tiquina tuho coaye dhitare buheyequinare cahmeeta tiquina. Sa ye ni mehoñe buheyere peyequina buheyequinare choeta. Tiquina sa yeye quehnoañe buheyere pehere cohā, tiquina sa buhe maca cārire tuho nuneta. Sa yegū quehnoañe buheyere buhe duhueracāhña mūhu.

5 Mūhu gāhu sa ijigū decoripe tuho masigū ijiya. Sa yegū ñano yūhdepeguta ihcāno sahaya. Sa yegū quehnoañe buheyere sa buheducuya. Cohācjū mūhare tiquiro ye dutirire ye peho cāhña mūhu.

6 Yūhu Cohācjū yere yūhu yeri buhiri yūhu yariato mehenogā duhsare. Sa yegū meheñe decorigā catiniitja.

7 Yūhu yariato panogā ahrire yahutja: Jesu quehnoañe buheyere yūhare buhe dutiro tiquiro cūrire quehnoano buhe sohtori tii. Tiquiro ye dutijere quehnoano ye pehou. Sa yegū ñano yūhdepeguta tiquirore ne wacū tutua duhuera.

8 YojoPURE quehnoañene yūhu yeri wapare umūsepu ihboro niaga. Sa yero mari puhtoro, ijipihitijequinare masi pehoriquiro, buhiri dahre dutiro queoro yahuriquiro tiquiro tojoa tati deco tiquiro yere yūhu yeri wapare ohorota yūhare. Apequina gāhare tiquiro tojoa tatire cohteyequinare tiquirore cahñequinare tiquiro yere tiquina yeri wapare ohorota Jesu.

Pablo yahu nemoahye Timoteore

9 Yūhu cahapu umūñano ihñagu ahtaya mūhu.

10 Dema ahri yehpa cje ijipihitijere tutuaro cahmeno yūhare yedoho dueraro cohā cāa wahari Tesalónicapu. Crescente gāhu Galacia yehpapu wahari. Sa yero Tito gāhu Dalmaciapu wahari.

11 Luca dihita yūhu mehna ijire. Marco yūhare quehnoano yedohoatiquiro ijire. Sa yegū tiquirore ne cāhtaya mūhu.

12 Sa yegū Tiquicore Efesopu ohou.

13 Ohōpu ahtagu, yūhu bui sañari suhtirore, Troapu Carpo ya wūhūpu yūhu cūri suhtirore ne cāhtaya. Sa ye sohō ijiri tunuri ojoari tunuri gāhare ne cāhtaya. Sohō ijiri cahseri ojoari cahseri pūritare tutuaro cahmeaja yūhu. Sa yegū ti cahseri gāhare ne cāhtaya.

14 Alejandro comene dahrariquiro yūhare ña yūhduaro yeri. Sa yero tiquiro sa yeri buhiri Cohācjū buhiri dahrerota.

15 Tiquiro Alejandro mari ye buheyere tutuaro ihña tuhtiri. Sa yegū tiquiro masare “Ñano yeari” nigu, tiquirore ihñagu, quehnoano wacū masiña.

16 Masare beseriquirore peresupu ye dutiriquirore yūhu yerire, yūhu buherire tiquirore yūhu coā yahugū ne ihcāquiro boro Jesu yaquiro yūhare yedohoerari. Ijipihitijequina yūhare yedohoeraye, cohā cāa wahari. Tiquina sa cohāpegūta yūhare tiquina cohāri buhiri Cohācjū buhiri dahreracāhdo.

17 Yūhu sa wahaepēgūta Cohācjū yūhare yedohori. Sa yero tiquiro ye buheyere yūhu quehnoano yahuatire tiquiro ye tutuayere ohori yūhare, ijipihitijequina judio masa ijijeyequina ti buheyere tiquina tuhoatire. Sa yero yūhare tiquina ñano tiquina ye duepegūta yūhare tiquina ñano yeborigure yedohori mari puhtoro.

18 Ijipihitijequina yūhare ñano yeyequinare yūhducaro, yūhare yedohorota mari puhtoro. Sa yero umūsepu tiquiro puhtoro ijigoru yūhare iji dutiro, yūhare yūhduorota tiquiro. Sa yena “Tiquiro quehnoa yūhduariquiro, tutua yūhduariquiro ijire”, niuhna mari ijipihitijere decori. Sata niuhna.

Pablo quehnoa dutiahye Timoteo cahapu ijijeyequinare

19 Prisca, Aquila, Onesiforo ya wūhu cjeña gāhu quehnoahdo.

20 Erasto Corintopu tojoari. Tróximo Miletopu dohatia wahari. Sa yegū tiquirore topu cūu yūhu.

21 Pohero pano umūñano ahtaya mūhu. Eubulo, Pudente, Lino, Claudia gāhu, ijipihitijequina Jesu yequina mūhare quehnoa dutire.

22 Mari puhtoro Jesucristo mūhu mehna ijirota. Sa yegū masare ijipihitijere Cohācjū mehna pajiro quehnoa dutiaja.

Tito

Pablo Titore oja ohoahye

¹ Yuhũ Pablo Cohãcjũ cahacjũ, Jesucristo yere tiqiro buhe duti cõrigũ ijiãja. Cohãcjũ beseriquina Jesure tiqina wacũ tuatire quehnoañe buheyere tiqina masiatire Jesu buhe dutiro yuhũre cõri. Ti buheye Cohãcjũ dutiro saha mari yeatire yahure.

² Sa yegũ ijipihtiye decori Cohãcjũ yequina ahũmũserũ tiqina ijiducuatĩ gũhũre buheaja tiqinare. Cohãcjũ ne ni mehoñe marieniquiro ahri yehpare tiqiro bajumehneato pano ohõ saha ni cũahye marine: “Uhmũserũ sa ijiducunata mũsa”, ni cũahye marine.

³ Sa yero tiqiro queori pje Cohãcjũ tiqiro ni cõrire yahu dutiri masare. Sata yuhũre ni yahu dutiri tiqiro. Marine pecarũ wahaborinare yuhũdũoriqiro ijire.

⁴ Mũhũre Titore Jesu yere buhei. Yuhũ sa buhegũ tũhogu Jesure wacũ tutua dũcari mũhũ. Sa yegũ mũhũ potota yuhũ macũ yero saha ijigata nine. Mũhũre ahrire ojoagu niãja. Sa yegũ Cohãcjũ mari Pacũ mehna, Jesucristo marine yuhũdũoriqiro mehna mũhũre quehnoa dutiaja. Sa ye paja ihũñañe, mũhũre tiqina yedohoye mehna quehnoano ijiya mũhũ.

Creta wame tiri nũcũorũ Tito tiqiro yeatire yahuahye Pablo

⁵ Creta wame tiri nũcũorũ mũhũre yuhũ cõgũ Jesu yequina tiqina buheati dũhsarĩdi ti pjere. Sa yegũ tiqina yeatire yahũyũacjũre cõgũ nii yuhũ mũhũre. Sa yegũ macaripe cjẽna Jesu yequina pũtoã ijiatiqinare bese dutigũ cõgũ nii mũhũre.

⁶⁻⁸ Tiquina pũtoã Cohãcjũ cahacjẽna ijire. Sa yegũ tiqinare besegu quehnoañeqinare beseja sijoro saha yeeyeqinare. Sa yegũ ihquẽquina numiareta namo tiyequinare, “Apequinare masi yuhũdũdũcaja”, ni tũhotueyeqinare, usueyeqinare, queheye marieñeqinare, cahmequeñe marieñeqinare, apeqina yere ni meho ehmeñeqinare beseja. Sa besegu tiqina wũhũserũ saã sayequinare quehnoano ihũña ihboyequinare, quehnoañe pehere quehnoano bucueyeqinare, tũho masiñeqinare, quehnoañene yeducueyeqinare, ñañe marieñeqinare, ñañene yeeyeqinare, niã siaro marieno dahrayeqinare, quehnoañene yeducueyeqinare beseja. Sa ye mũhũ beseatiquina pohneho ohõ saha ijieyeqina ijiro cahmene: Jesure wacũ tutuayeqina, quehnoano yeducueyeqina, ijipihtiyequinare quehnoano yuhtiyequina ijiro cahmene pũtoã pohneho.

⁹⁻¹⁰ Sa ye quehnoañe buheyere queoro mari buheducuro sahatã ne duhũyeyeqina ijiaho pũtoã mũhũ beseatiquina. Sa ye tiqina quehnoañe buheyere yahũyeyeqina ijieã. Sa ye quehnoañe buheyere ihũña tuhtiyequinare buheye, tiqina ye ni mehoñe ijigũ masigũ yeeta tiqina. Sa yegũ quehnoano beseja Jesu yequina pũtoã ijiatiquinare.

Peyeqina tiqina pũtoãre yuhũdũdũcayeqina, quehnoano tũhotu yahuducueyeqina, ni mehoñeqina ijire yojorũre. Sa yeeyeqina judio masa pũrita ña yuhũdũaro yeey nine. Tiquina ye buheye pote ijieragũ tiqinare masigũ yero cahmene.

¹¹ Tiquina judio masa pehe niñerure wãpata dua, buhere. Sa yeraro cahmene. Sa buheye ihquẽ wũhũse cjẽnare ijipihtiyequinare Cohãcjũ ye pehere cohãgũ yeey niãga tiqinare. Tiquina sa yegũ tiqinare sa ye dutieraro cahmene.

¹² Tiquina yere panorũ yahuriqiro ti nũcũo cjẽno ijieperota ohõ saha ni yahuahye: “Creta nũcũo cjẽna sa ni mehoducueyeqina ijire. Ti nũcũo cjẽna wahiquina yero saha usuayeqina ijire. Sa ye sa iyaducueyeqina ijieye ne dahra dũerare”, niahye tiqiro, tiqiro ya nũcũo cjẽnare.

¹³ Tiquiro sa niñe ijirota ijire. Tiquina sa ijigũ ihũnagu tiqinare tutuaro tuhtiya Jesu ye buheye pehere quehnoano tiqina masiatire.

¹⁴ Sa yegũ judio masa panorũ cjẽna tiqina esa tuhãro tiqina ni macã cãrire, Jesu yere cahmeñeqina tiqina dutiye gũhũre Creta cjẽna tiqina tũho nũnũedatire tuhtiya tiqinare.

¹⁵ Buhiri marieñeqina quehnoañe dihitare tũhoture. Ñañene yeducueyeqina, Jesure wacũ tutuayeqina pehe ñañe dihitare tũhoture. Tiquina tũhotuyepãre ña yuhũdũare. Sa ye quehnoañe pehere bese masiedare.

¹⁶ Tiquina “Cohãcjũre masiaja usã”, niepeta, ñañene yere. Sa yeeyeqina tiqina ijigũ ihũnã Cohãcjũre masieñeqina tiqina ijigũ masiaja mari. Sa ye tiqina ña yuhũdũayeqina, Cohãcjũ yere yuhũdũdũcayeqina ijire. Sa ye tiqina quehnoañene ye masiedare.

2

Quehnoañe buheyere queoro yahu dutiãhye Pablo Titore

¹ Mũhũ pehe buhegu, quehnoañe buheye ti nidiro sahatã quehnoano buheya.

² Bũcũnãre ohõ saha ni yahũya: Cua pesayeqina, masa ño peonohñeqina, tũho masiñeqina, Jesure quehnoano wacũ tutuayeqina, quehnoañe buheyere

quehnoano yeyequina, Jesure masa gūhare cahīnequina, űano yūhdnepeta ihcāno sahayequina ijiahero tiquina.

³ БҮСҢА numia gūhare sata ni yahuya: Cua pesaye numia, űaűe quiti dahreraye numia, queheraye numia ijiahero tiquina numia gūha. Sa yeye numia ijiye, quehnoaűene buheahro apequina numiare.

⁴ Apequina numiare ohō saha ni buheahro БҮСҢА numia: Tiquina manasumare, tiquina pohne gūhare cahīahdo.

⁵ Sa yeye tiquina tūho masiűe numia, apeqina мҢНА mehna űano yeraye numia, ihcā wūhū cĵēna ijiyequinare quehnoano ihűa ihboye numia, masa quehnoaűe numia, tiquina manasumare quehnoano yūhtiye numia ijiahero tiquina, Cohācĵū ye buheyere apeqina “űano yahu wajari”, niűe.

⁶ Sa yegū wahma pĵia gūhare ohō saha ni yahuya: Tūho masiűequina ijiahero tiquina.

⁷ Sa yegū mūhū pehe quehnoaűe dihitare yeducuya mūhare tiquina ihűa cūatire. Buhegū ne ni mehono marieno buheya. Sa buhegū cua pesaro mehna buheya mūhū.

⁸ Sa buhegū tūho masiűe mehna quehnoano buheya apeqina mūhare “Yahu wajari”, nigū. Mūhū sa buhegū ihűaűe marine ihűa tuhtiyequina ijiepetā marine ihyo warota yahu waja masiedare. Marine sa yahu waja maca cāűe, БҮОГО wahaeta tiquina.

⁹ Sa yegū cahacĵēnare ohō saha ni yahuya: Tiquina pūhtoare quehnoano yūhtiahero. Sa yeye tiquina pūhtoare quehnoano bucuegū yeahro. Sa dihita yeahro. Sa ye tiquina pūhtoare purĵino yūhtieracāhdo.

¹⁰ Sa ye tiquina pūhtoā yere yaqueracāhdo. Sa ye quehnoaűequina ijiahero. Tiquina pūhtoā dutiyere queoro yeducuahro. Tiquina sa quehnoano yūhtiyequina ijigū ihűaűe, Cohācĵū marine yūhdūoriqiro ye buheyere tūho bucueeta apeqina.

¹¹ Masare tiqiro cahīűene Cohācĵū ihűo tuhasari. Sa cahīno ijiptiyequina pecapū wahaboriqinare Cohācĵū tutuaro yūhdūo duare.

¹²⁻¹³ Masare sa cahīno Cohācĵū marine ohō saha ni buhere: Cohācĵūre ihűa tuhtiyere, űaűe tutuaro cahmeűene duhu cā dutire marine. Cohācĵū tutuariqiro, Jesucristo marine yūhdūoriqiro tiqiro asi siteyere mari ihűati decore, quehnoari decore mari cohtena niaja. Sa yero mari cohteri deco pano tūho masina, quehnoaűene yeducuna, Cohācĵūre űo peoducuna marine iji dutire Cohācĵū.

¹⁴ Tiqiro Jesucristo mari ye ijiatire yari-ahye ijiptiye mari űaűe yerire duhugū yero taro, marine tiqiro yequina wahagū yero taro. Mari űaűene tiqiro sa cohāgū

mari űaűe buhiri mariena ijinata. Sa yena tutuaro quehnoaűene ye duana ijinata.

¹⁵ Ahri ijiptiyere ti нҮСҮО cĵēnare Jesu yequinare buheya mūhū. Tiquina pūhtoro ijigūta nine mūhū. Sa yegū tiquinare yahuya. Sa yegū tiquina űaűene yegū ihűagū tuhtiya tiquinare. Sa ye ijiptiyequina apeqina mūhare doca cūedacāhdo.

3

Jesu yequina tiquina yeatire yahuahye Pablo

¹ Ohō saha ni yahuya to cĵēnare Jesu yequinare: Tiquina pūhtoare quehnoano yūhtiyequina ijiahero. Ijiptiyere quehnoaűene yeatiquina ijiahero.

² Sa ye apequinare ne űaűe quiti dahreracāhdo. Cahme tuhtieracāhdo. Sa ye masa quehnoaűequina, ijiptiyequinare űo peoyequina ijiahero.

³ Panopare mari gūhū tūho masiena, yūhdūducana, ni mehoűene tūho nūnūna, űaűene ye duana, űaűene tutuaro cahme duhu masiena, decoripe űaűene yeducuna, apequinare ihűa coona ijie timi mari gūhū. Sa ye marine apeqina ihűa tuhtiri. Sa yena mari gūhū tiquinare ihűa tuhtimi.

⁴⁻⁵ Sa ijirina mari ijiepegūta Cohācĵū marine pecapū wahaborinare yūhdūori. Sa yūhdūoro tiqiro quehnoariqiro ijiyere, masare tiqiro cahīűe gūhare marine ihűono nidi. Quehnoano mari yeri mehna yūhdūoerare marine. Marine paja ihűano mari űaűe yerire cohāno Espiritu Santo mehna marine yūhdūori. Sa yero marine tiqiro pohna wahagū yeri. Espiritu Santo pehe quehnoana mari ijiatire comesagū yeri marine.

⁶ Jesucristo marine yūhdūoriqiro tiqiro yaria masa mūjaűe mehna Cohācĵū yaqiro Espiritu Santore ohori marine pajiro tiqiro tutuayere mari cūoatire.

⁷ Marine cahīno, marine quehnoano ye duari. Sa yero tiqiro yaqiro Espiritu Santore marine ohori űaűe buhiri mariena mari ijiatire, ahmasepū mari sa ijuducuatire. Mari sa ijuducuatire masina, tire cohtena niaja.

⁸ Ti yūhū nidi ijirota ijire. Sa yegū tire yūhū ni ojoariro sahata masare buhegū, ti dutiyere ye peho dutiya mūhū. Sa yegū Cohācĵūre wacū tutuayequinare tire buheya quehnoaűene tiquina quehnoano yeatire. Ahri yūhū ni buheri quehnoaűe buheye ijire. Sa ye masa ahri buheyere tiquina tūho nūnūgū ihyo waro ijierare.

⁹ Apeqina tiquina yahuducaye pehe dūhseati ijierare. Sa ye masiedapeta tiquina yahuducu yūhdūducayerē mūhū tūho nūnūgū ihyo waro tūho nūnūgū nine mūhū. Sa ye tiquina acaye panopū cĵēna

tiquina ijie tirire yahuducu yãhdãdãcayere, Cohãcjã Moiserẽ tiquiro dutirire tiquina yahuducu yãhdãdãcayere ti ijipihiyere quehnoano mãhũ tãho nãnãgũ ihyo waro tãho nãnãgũ nine mãhũ. Sa yegũ tire tãho nãnãedacãhã. Mãhũ gũhũ tiquina yero saha yahuducu yãhdãdãcaeracãhã.

¹⁰ Mũsa mehna cãno sa ni yãhdãdãcariquiro mũsare cahme tu wagũ tiquiro yegũ ihãagũ “Yeracãhã”, niã tiquirore. Pua taha tire tiquirore mãhũ ye dutierari bato tiquiro yãhtieragũ ihãagũ tiquirore piti ti duhuya.

¹¹ Ohõ saha yeriquiro ñãñe dihitare tutuaro cahmeducuriquiro ijire. Tiquiro sa ijigã ihãana tiquiro ñariquiro ijigã masiaja mari.

Pablo duti bato tiahye

¹² Nicopolipũ pohecũ ijiro puno ijigũ tagũ niaja. Sa yegũ Artemare o Tiquicore mãhũ caharũ yũhũ oho mãhtagũ torũre yũhare piti caya mãhũ.

¹³ Sa yegũ dutiyere quehnoano mihnidiquirore Zena wame tiriquirore, Apolo gũhare quehnoano yedohoya tiquina wahatire. Sa yegũ apee boro tiquina cahmeñene ijipihiyẽ tiquinare ohoya tiquinare tiquina cahmeno puno.

¹⁴ Sa ye Jesu yequina mari mehna cãna quehnoañene yepoahro apee borore dũhsayequinare tiquina yedohoatire, quehnoañene yeducuequina tiquina ijiatire.

Pablo quehnoa dutiahye Jesu yequinare

¹⁵ Ijipihiyequina yũhũ mehna cãna mãhare quehnoa dutire. Torũ ijiyequina Jesu yequina usãre cahãñequina quehnoahdo. Ijipihinare mũsare Cohãcjã mehna pajiro quehnoa dutiaja.

Filemón

Pablo Filemo wame tiriqirore oja ducahye

¹ Yuhũ Pablo, Jesucristo yaquiro yuhũ ijiri buhiri peresupũ ijiaja. Yuhũ, mari acayuro Jesu yaquiro Timoteo mehna mũhare Filemore quehnoa dutiaja usã. Sa yegũ mũhare oja ohoaja yuhũ, Pablo. Mũhũ usã cahĩgu Cristo yere usã mehna dahradohogu ijire mũhũ.

² Sa yena Jesu yequina mũhũ ya wũhũpũ cahmecoañequina gũhũre oja ohoaja yuhũ. Mari acayuro Jesu yacoro Apia gũhũre oja ohoaja yuhũ. Mari cahĩniqiro Arqipo gũhũre oja ohoaja yuhũ. Arqipo pehe usã yero saha Cristo yere yahuriqiro ijire.

³ Sa yena Cohãcjũ mari Pacũ, mari puhtoro Jesucristo mehna mũsare quehnoa dutiaja. Tiqina yedohoye mehna quehnoano ijiya mũsa.

Filemo apequinare tiqiro cahĩñene, Cristore tiqiro wacũ tutuayere yahuahye Pablo

⁴⁻⁵ Yuhũ acayũ Filemo, Cohãcjũre mũhare sini basagu mũhare wacũgu “Quehnoare”, niaja tiqirore. Cristore mũhũ cahĩgu tiqirore mũhũ wacũ tutuagũ, apequina Cohãcjũ yequinare mũhũ cahĩgu tãhou yuhũ. Sa yegũ Cohãcjũre “Quehnoare”, ni bucueaja.

⁶ Mari ihcãno mehna Cristore wacũ tutuana ijiaja. Sa wacũ tutuagu mũhũ ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene cuonata mari. Tire quehnoano mũhare masi peho dutigũ sini basagu niaja Cohãcjũre.

⁷ Yuhũ acayũ, yojopũre apequinare mũhũ cahĩgu tãhogu bucueaja yuhũ. Ijipihtiyequina Cohãcjũ yequinare quehnoano bucuegũ yeñohi mũhũ. Mũhũ sa yegũ tãhogu bucueaja yuhũ.

Pablo Onésimore sini basahye Filemore

⁸⁻¹⁰ Sa yegũ yojopũre Onésimore mũhũ cahacjãnore mũhũ quehnoano yeatire mũhare sini basa duaja. Peresupũ yuhũ mehna tiqiro ijigũ Cristo yere yahuu yuhũ tiqirore. Tire tãhoro Cristore cahmedi tiqiro. Sa yero tiqiro Cohãcjũ yaquiro wahari. Sa waharo yuhũ macũ yero saha ijire. Sa yegũ yuhũ Pablo bucũ ijigũ Cristo yere yuhũ buheri buhiri peresupũ ijigũ mũhare yahutja Onésimore mũhũ yeatire. Cristo buhe dutiro tiqiro cũrigũ ijiaja yuhũ. Sa tiqiro cũrigũ ijigũ Onésimore mũhũ yeatire dutioborigũ ijiaja yuhũ. Sa niepegũta mũhare dutisi yuhũ. Cahĩñe mehna mũhare yahutja, to punota.

¹¹ Cristo yaquiro tiqiro ijimoto pano Onésimo mũhũ cahacjãno ijiro

dũhseatiqiro ijierari jiri. Mũhare quehnoano yedoho masiedari jiri. Yojopũ pũritare tiqiro mũhare, yuhũ gũhũre quehnoano yedohoriqiro ijimoto. Yojopũre Cristo yaquiro ijiro ihyo ijiriqiro waro ijierare.

¹² Sa yegũ yojopũre tiqirore mũhare wia tojogu niaja. Sa yegũ tiqirore quehnoano piti caya mũhũ. Tiqirore tutuaro cahĩaja.

¹³ Quehnoañe buheyere yuhũ buheri buhiri peresupũ yuhũ ijiri watoa tiqirore yuhũre yedoho dutiboaya yuhũ tiqirore ohoeragu. Sa yegũ yuhũ mehna tojoa dutiboaya yuhũ. Mũhũ pehe yuhũre mũhũ yedohoro basioeragũ tiqiro pehe mũhare comesariqiro ijiboaya.

¹⁴ Yuhũre yedohoboriqiro tiqiro ijiepegũta tiqirore mũhare oho tojoaja. Mũhũ pehe tiqirore “Pablo mehna tojoarĩña”, mũhũ nigũ masigu yuhũ mehna tiqirore tojoa dutiboaya yuhũ. Yuhũ pehe “Yuhũ mehna cũña tiqirore”, ni dueraja mũhare. Sa yegũ tiqirore oho tojorĩaja.

¹⁵ Tiqiro Onésimo meheñe decorigã mũhare tiqiro duhti cãri bato pari turi mũhũ mehna ijire. Cohãcjũ tiqiro cahmediro sahata mũhare duhti cãri jiri tiqiro Cohãcjũ yaquiro tiqiro wahato saha, yuhũ tãhotugũ. Sa yero pari turi mũhũ mehna ijiro, sa ijiducurota mũhũ mehna.

¹⁶ Sa yero tiqiro yojopũre cahacjãno ijierare. Cahacjãna tiqina bui cãno ijiriqiro ijire tiqiro, yuhũ ihñagũ. Yojopũre tiqiro mũhũ acayuro Jesu yaquiro ijire. Sa yegũ tiqirore tutuaro cahĩaja. Mũhũ pehe yuhũ yũhdũoro tiqirore cahĩgũta. Mũhũ sa cahĩdiqiro ijiro, cahacjãno ijieperota yojopũre cahacjãno tiqiro ijiriro saha ijierare tiqiro. Tiqiro mũhũ acayuro Jesucristo yaquiro ijire.

¹⁷ Sa yegũ yuhũre mũhũ piti caboriro sahata Onésimo gũhũre quehnoano piti caya. Mũhũ mehna cã yuhũ ijigũ tãhotugu tiqiro gũhũre quehnoano piti caya mũhũ.

¹⁸ Sa yegũ mũhare sijoro saha tiqiro yeriqiro ijigũ mũhare tiqiro wapamoriqiro ijigũ yuhũ pehe tire wapa yeitja.

¹⁹ Yuhũ Pablo, yuhũ basi ahrire mũhare yahu ojoantja: Yuhũ pehe wapa yeitja mũhare. Mũhare yuhũ buheri bato Cristo yaquiro wahagu ijipihtiyecori Cohãcjũ mehna ijacjũ ijire mũhũ. Mũhare yuhũ sa buheri bato mũhũ gũhũ yuhũre pajiro wapamorigũ ijiboaya. Mũhũ sa ijiepegũta mũhare wapa yeitja tiqiro wapamoñene.

²⁰ Sa yegũ yuhũ acayũ, yuhũ cahĩgu, mari puhtoro Cristo yaquiro ijire mũhũ. Sa yegũ Onésimore quehnoano piti caya. Cristo yaquiro ijigũ yuhũ acayũ ijire mũhũ. Sa yegũ yuhũre quehnoano bucuegũ yeya.

²¹ Ahri yuhũ yahurire quehnoano yegũta mũhũ. Sa yegũ yuhũ yahuri yũhdũoro yegũta

mähü. Tire masigü mahäre ojoa ohogü ni-
aja.

²² Ahri gähäre yahugatja mahäre. Mäsa
cahapü yähü wahatire Cohäcjäre sini
basañohti mäsa yähäre. Mäsa sa sini
basarire tiqüiro yähtiboaga. “Au”, tiqüiro
nigä cahmeaja yähü. Sa yegü mäsa cahapü
yähü esati tucüre quehnoyuya mähü.

Pablo quehnoa duti bato tiahye Filemore

²³ Epafra mahäre quehnoa dutire.
Tiqüiro pehe Cristo yere tiqüiro yeri buhiri
yähü mehna peresupü ijire.

²⁴ Sa ye Marco, Aristarco, Dema, Luca
mehna mahäre quehnoa dutire. Cristo yere
yähü buhegü tiquina pehe yähäre yedo-
hoyequina ijire.

²⁵ Mari pähtoro Jesucristo mehna
quehnoa dutiaja müsare. Tiqüiro müsare
quehnoano yerota.

Hebreos

¹ Panopu Cohăcju ijiahye. Tiquiro peye tahari mari acayere panopu cjenare tiquiro yere yahuahye. Apequinare tiquiro bajuaro yahuahye. Apequinare quehonoru yahuahye. Apequinare tiquiro piti caro yahuahye. Tiquiro yere yahu mahitariquinare yahu dutiro, sa yahuahye tiquiro mari acayere.

² Yojobure pihtiri deco panoga ijiye decorire tiquiro macanore tiquiro yere yahu dutigu tiquiro pehe marine yahue tiri. Tiquiro Pacuro ye dutiro mehna ahri yehpare, ahmuse gahare yeriquiro ijire. Tiquiro Pacuro pehe pihtiri deco ijiga ijiptiyere swoatiquirore cuahye tiquiro macanore.

³ Sa yero tiquiro macano pehe tiquiro Pacuro ye asi siteyere cworiquiro ijiro, tiquiro tutuayere marine ihnore. Sa yero ihcāno saha tiquiro Pacuro yero sahata ijiro, tiquiro Pacuro ijiye tiyere marine ihnore tiquiro macano. Sa yero tiquiro macano tiquiro tutuaye mehna dutigu ahri yehpa, ahmuse gahu sa ijiducure. Sa yero mari nāno yerire tiquiro coseri bato ahmusepu tiquiro Pacuro tutua yuhdūariquiro potō pehe dujiahye, puhtoro tiquiro ijiyere ihnono.

Cohăcju macano angele yuhdūoro ijire

⁴ Tiquiro "Cohăcju macano", wame tire. Ti wamene Cohăcju cuahye tiquirore. Sa wame tiro apequina puhtoro ijire. Sa yero tiquiro angele yuhdūoro ijire.

⁵ Tiquiro yequina angele pehere Cohăcju ne ohō saha ni yahuera tiahye: Yahu macu ijire mahu. Miare mahare bajuagu yei, niahye Cohăcju tiquiro macanore.

Angele pehere ne sa ni yahuera tiahye. Sa yero tiquinare ahri gahare ne yahuera tiahye:

Tiquiro Pacuro ijiitja yahu. Sa yero tiquiro yahu macu ijirota, niahye Cohăcju tiquiro macanore.

Angele pehere ne sa ni yahuera tiahye. Sa yero tiquiro macano tiquina yuhdūoro ijire.

⁶ Sa yero ape taha tiquiro macanore coā masa bajuariquirore ahri yehparu cūno ohō saha niahye Cohăcju tiquirore:

Ijiptiyequina yeequina angele dusepe curi mehna quehe sa, űo peoeta tiquina yahu macare, niahye tiquiro.

⁷ Sa yero tiquiro yequina angele pehere yahuro taro ohō saha niahye tiquiro:

Yeequina angelere wiñono yero saha pagu tigu yeaja yahu. Tiquina yahu cahacjena ijire. Sa yegu tiquinare peca pohna yero saha pagu tigu yeaja yahu, ni yahuahye Cohăcju.

⁸ Tiquinare sa nieperota tiquiro macano pehere ohō saha niahye:

Mahu Cohăcju ijiptiyequina puhto sa ijiducugata. Queoro dutigata mahu, mahu yequinare.

⁹ Ni mehono marieno yeyere, quehnoano yeyere tutuaro cahmene mahu. Sa yegu űaűe yeyere ihna yabire mahu. Mahu sa ijigu ihnagu yahu mahu Pacu ijiptiyequina apequina yuhdūoro mahare bucuegu yei, niahye Cohăcju mari Pacu.

¹⁰ Ahri gahare niahye tiquiro, tiquiro macanore "Puhto" ni pisuro:

Puhto, coā waropare ahri yehpare, ahmuse gahare bajumehnedi mahu.

¹¹ Ti ijiptiye comesa pihtia waharota. Mahu pehe ne comesasi. Sa ijiducugata mahu. Ti ijiptiye suhtiro ahba bora dijiaro saha pihtia waharota.

¹² Ti ijiptiye ahmūserere, ahri yehpa gahare comesagu yeita mahu. Mūnano suhtirore mahu cohāboro saha ti ijiptiyere comesagu yeita mahu. Sa yero suhtiro ahba bora dijiaro saha ti ijiptiye comesarota. Mahu pehe ne comesasi. Sa ijiducugata mahu, niahye Cohăcju tiquiro macanore.

¹³ Ne angele pehere ahrire yahuera tiahye mari Pacu:

Yahu potō pehe dujiya mahu. Puhto ijire mahu. Sa yegu mahare ihna tuhtiyequinare yuhdūduca basagutja. Sa yegu tiquina puhto ijigata mahu, niahye Cohăcju tiquiro macanore.

¹⁴ Ijiptiyequina angele pehe Cohăcju cahacjena ijire. Sa yero mari Pacu ohore tiquiro yequina angelere Cristo yuhdūoatiquinare yedoho dutiro.

2

Cohăcju yere quehnoaűe buheyere marine sa tuhotu cāhno cahmedare

¹ Sa yena Cohăcju macano waro marine yahuriquiro tiquiro ijigu masina tiquiro yahuyere mari tuhorire quehnoano wacūno cahmene marine, "Tire boari", nina.

²⁻³ Angele yahurire masa pehe yuhdūducsagu ihnāno Cohăcju tiquinare buhiri dahreahye. Sa buhiri dahrero angele tiquina yahuri potō ijigu ihnono niahye. Sa yena angele yahuri potō ijigu masina, tire marine yuhtiro cahmene. Ti yuhdūoro Cristo pehere yuhtiro cahmene. Tiquiro mari puhtoro marine tiquiro yuhdūoatire yahu mahyahye. Sa ye tiquirore tuhoriquina pehe tiquiro yahurire marine yahu turiari, marine quehnoano masigu yee tehe. Sa yero ti buheyere marine tiquiro yuhdūoati buheyere mari sa tuhotu cāgu Cohăcju marine buhiri dahrerota. Tire duhti masiedaja mari.

⁴ Ti buheyere tuho muhtariquina tiquina buheri watoa Cohãcã pehe ti buheye poto ijigã ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere poto ijigã ihñono nidi. Sa yero tiquiro yequinare tiquina ye masiatire tiquiro cahmeno sahata cãahye. Espiritu Santo pehe ijire marine ye masigã yeriquiro.

Jesucristo mari yero sahata pagã tiriquire masa bajahye

⁵ Pihitiri deco bato ijieyequina Cohãcã caha ijieyequina puhtoa ijisi angele pehe. Tiquinare puhtoa sãsi mari Pacã.

⁶ Sa yero ihcãquiro mari Pacãre tiquiro yahuducurire ohõ saha ni ojoahye panopã: Masa ihyo ijieyequina tiquina ijiepegãta tiquinare wacũre muhã. Masare quehnoano yere muhã.

⁷ Meheñe decorigã angele docapã masare cãahye muhã. Sa cãuepegãta yojopãre tiquinare tutuayere ohogã, puhtoa sãahye muhã.

⁸ Muhã sa sãgã ahri yehpapã ijieyequina wahiquina gãhã bui duhsaro marieno masare cãahye muhã, niahye panopã cããno mari Pacãre.

Sa sãno ahri yehpapã ijieyequina wahiquina gãhã bui duhsaro marieno masare cãahye. Masare tiquiro sa puhtoa sãuepegãta ijipihitiyequina ahri yehpapã ijieyequina wahiquina masare ihña wahãedarãga, usã tahotugã. Ahri yehpapã ijieyequina wahiquinare ihña wahãgã yeraniaga masa. Ijipihitiye bui ijieraniaga masa.

⁹ Sa tiquinare ihña wahãgã yerapenata Jesu pehere wacũ tutuaja mari. Meheñe decorigã angele docapã mari Pacã tiquiro macãno gãhãre cãahye, mari ñañe buhiri yariatiquirore. Mari Pacã marine cahño mari yariaborirore Jesure yariagã cahmeahye. Sa yero tiquiro sa yariagã ihñano tiquirore tutuayere ohoro, puhtoro sãahye tiquirore.

¹⁰ Cohãcã ijipihitiye bajumehnediquiro ijire. Sa ye ijipihitiye tiquiro ye dihita ijire. Sa yero Jesure yaria dutiro ñañene cohãgã yeahye tiquirore. Sa yeahye tiquiro masa peyequina tiquiro yequina ijiatiquinare umãsepã neano taro. Jesu sa yero, ñañe marieniquiro, quehnoa yãhdãriquire tiquiro ijiyere ihñono niahye. Sa yero Jesu pehe marine yãhdãriquire, mari puhtorota ijire.

¹¹ Ijipihitiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacã tire Cohãcãre. Mari Pacã ihcãquirota ijire. Mari Pacã tiquiro ijigã Jesu marine tiquiro yequinare tiquiro cose wenohrinare “Yuhã

acaye ijire”, ni pisuro ne bæ tierare. Tiquiro sa ni pisurire masare yahutja.

¹² Ohõ saha nino niahye tiquiro:

Cohãcã, muhã ijieye tiyere yahutja yahu acayepãre. Ijipihitiyequina yequina ihñonopã muhãre ño peoga “Tutuariquire ijire”, ni yahutja yahu tiquinare, niahye tiquiro Pacãrore.

¹³ Ahri gãhãre niahye tiquiro:

Cohãcãre wacũ tutuautja yuhã, niahye tiquiro.

Ahri gãhãre niahye tiquiro:

Ohõ ijiaja yuhã. Cohãcã pohne mehna ohõ ijiaja. Yuhãre tiquiro cãriquina yuhã acaye mehna ohõ ijiaja, niahye tiquiro yequinare “Yuhã acaye” ni pisuro.

¹⁴ “Tiquiro pohne” tiquiro niñequina pagã tiyequina mari ijigã ihñano, Jesu pehe mari ya pagã saha pagã tiriquire ahtahye. Sa ijiriquiro ahtahye tiquiro curusapã yariaro taro, watĩnore butigã yero taro. Tiquiro watĩno pehe yaria dutiriquiro ijire.

¹⁵ Sa ye watĩnore butigã yero, marine yãhdãore. Mari pehe decoripe mari yari-atire cuemi. Sa cuerina ijina pecapã waha-borina ijimi mari. Sa ijina mari ijigã ihñano tiquiro marine yãhdãore.

¹⁶ Sa yãhdãoro angele pehere yedohoro ahtaerahye tiquiro. Abrahã panamena ijiturianare Cohãcã yequinare mari pehere yedohoro ahtahye.

¹⁷ Sa yero tiquiro mari acayãro warota ahtahye. Ihcãno saha mari yero saha pagã tiriquire ahtahye. Sa ahtaro mari yãhdãutire mari ñañe yerire mari Pacãre cohã dutiro ahtaro niahye. Sa yero mari yequina pahia puhtoa tiquina yeriro saha yero ahtaro niahye. Mari yero saha ijiro marine quehnoano paja ihñare. Sa yero Cohãcã cahmeno saha sa yeducuriquiro ijire. Sa yero tiquiro mari yaquiro pahia puhtoro ijiro nine.

¹⁸ Tiquiro ñano yãhdãahye. Sa yero watĩno tiquirore ñano ye dutimahye. Yerahye tiquiro. Sa ñañene yerariquiro ijiro, tiquiro pehe mari gãhãre ñañene yeragã ye masine. Watĩno ñañene tiquiro ye dutigã ihñano marine ñañene yeragã ye masine Jesu.

3

Jesu Moise yãhdãoro ijiriquiro ijire

¹ Jesu tiquiro sa ijiriquiro ijigã ihñano tiquirore quehnoano wacũña musa. Yuhã acaye Jesu yequina, Cohãcã besenohrina ijire musa. Tiquiro Jesu pehe Cohãcã cãriquire ijiro mari yaquiro pahia puhtoro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacũña musa.

² Cohācjū tiqirore marine yūhdūoatiqirore ijisi. Sa ye wape tiro marieno ijisi tiquina', tiqiro cūgū tiqiro pehe Cohācjū cūriro saha yeahye. Ne yūhdūducaerahye. Moise gūhū Cohācjū yequina Israe masare yedohoro ne yūhdūducaerahye. Sata yeahye Jesu gūhū.

³ Sa yero Moisere tiquina ño peoriro yūhdūoro Jesu pehere ño peoro cahmene marine. Ohō saha ijire ti mari queoye mehna buhegū. Wūhure mari ño peoriro yūhdūoro wūhū dahreritqiro pehere ño peoro cahmene marine. Sa yero Jesu pehe wūhū dahreritqiro yero saha ijiritqiro tiqiro ijigū Moisere mari ño peoriro yūhdūoro tiqiro pehere ño peoro cahmene marine.

⁴⁻⁶ Ohō saha ijire ti. Mari Cristo yequina Cohācjū ya curua cjāna ijiaya. Cristo pehe wūhure tiqiro cūboriro saha marine tiqiro ya curua cjāna ijiatinare cūno nine. Masa pehe wūhūse yeyequina ijire. Cohācjū pehe ijiphtiyere yeriqiro ijire. Moise pehe Cohācjū ya curua cjēnare yedohoducuritiqiro ijiro, camerū Cohācjū yahuatire yahue tiahye masare. Cristo pehe Cohācjū macūno ijiro, Cohācjū yere yeducuritiqiro ijiro, Cohācjū ya curua cjēna pūhtoro ijire. Sa ijiritqiro ijigū ihñana Moisere mari ño peoriro yūhdūoro Cristo pehere ño peoro cahmene marine. Sa yena mari pehe Cristore wacū tutua duhuerana, marine tiqiro yūhdūoatire sa bucueducuna, tiqiro ya curua cjāna ijiaya mari.

Cohācjū tiqiro yequinare tiqiro mehna quehnoano sogū cahmene

⁷ Sa yena Cristore mari wacū tutua duhueratire ohō saha yero cahmene marine. Ohō saha nine Espiritu Santo:

Miare yūhū, Cohācjū, mūsare yūhū yahugū, yūhti dueyequina yero saha ijier-acāhña.

⁸ Quehnoano yūhtiya mūsa yūhūre. Panorū Israe masa masa marienorū ijiye, sa yūhdūducari yūhūre. Sa ye yūhūre ne bucueragū yeri tiquina. Sa yena tiquina yero saha yeracāhña mūsa yūhūre.

⁹ Topure cuarenta cūhmarī waro tiquinare yūhū tutuaye mehna ye ihñomi. Yūhū sa ye ihñoepegūta tiquina pehe ohō saha ni tūhotue timedi: “¿Ñañene mari yegū ihñano Cohācjū marine buhiri dahreboagari?” ni tūhotue timedi. Sa ni tūhotuye ñano ye tuhue tiri.

¹⁰ Tiquina sa yegū ihñagu tiquina mehna usuau. Sa usuagu ohō saha nii: “Tiquina yūhū yahuducuyere tūho dueraye, sijoro saha ijiye buheyere sa wacūducuye nine. Yee pehere ne yūhti duerare”, nii tiquinare.

¹¹ Sa yegu tiquina mehna usuagu ohō saha ni yahuu: “Tiquina yūhū mehna cjēna ne

ni yahuu yūhū”, ni yahuahye Cohācjū, niahye Espiritu Santo pehe.

¹² Sa yena yūhū acaye, quehnoano yeya mūsa, “Cohācjūre cohāri”, nina. Mūsa ñañene tūhotuna, Cohācjūre catiritqirore wacū tutuerana, tiqirore cohāboaga mūsa. Ne ihcāqiro mūsa mehna cjāno sa yer-acāhdo.

¹³ Sa yena ahri pehere yero cahmene: Mūsa mehna cjēnare decoripe Cohācjū yere mūsa basi cahme yahuducuya “Ñañene yeari”, nina. Ñañene yena, “Ti mehna bucuēja”, nina ni mehoñene tūhotuna niaja mari. Sa ni tūhotueracāhña. Ñañene yeducuna Cohācjū ye pehere cahmedaja mari. Sa yena ñañene duhu dueraja. “Sa yeari”, nina, mūsa mehna cjēnare Cohācjū yere mūsa basi cahme yahuducuya. Cristo tiqiro ahtato pano decoripe tire sa cahme yahuducuya.

¹⁴ Sa yena coā warorū Cristore mari wacū tutua ducariro saha mari wacū tutuaducuna, mari catiro puno tiqiro yere duhuerana, tiqiro mehna cjāna ijiaya.

¹⁵ Ohō saha nine Cohācjū yere tiquina ojoari pūpū:

Miare yūhū Cohācjū mūsare yūhū dutigū quehnoano yūhtiya mūsa yūhūre. Panorū cjēna Israe masa yūhū yahuepegūta ño peo dueraye, yūhūre yūhti duerari. Sa yena tiquina yero saha yeracāhña mūsa, niahye Cohācjū, ni ojoahye panorūre.

¹⁶ Sa ye Cohācjū tiqiro yahurire tūhomediquina ijiepetā tiquina tiqirore yūhtierahye. Tiquina ijiphtiyequina Egīptorū ijiyequina Cohācjū wioriquina ijiepetā tiqirore ne yūhtierahye.

¹⁷ Sa ñano yeye cuarenta cūhmarī waro Cohācjūre usuagū yee tiahye. Tiquina sa yeri buhiri masa marienorū yariahye tiquina.

¹⁸ Tiqirore tiquina sa yūhti dueragū ihñano ohō saha cua pesaro mehna niahye tiqiro: “Tiqina yūhū mehna cjēna ne ijisi. Sa ye wape tiro marieno ne ijisi tiquina”, niahye tiqiro.

¹⁹ Tiqiro sa nigū tūhona ahri pehere masinata mari: Cohācjūre tiquina wacū tutuerari buhiri tiqiro mehna cjēna iji masiedahye. Sa ye tiqiro mehna quehnoano so, iji masiedahye.

4

¹ Sa yero panorū cjēnare tiqiro mehna tiquina quehnoano soatire cahmeno, tiquinare “Yūhū mehna wape tiro marieno sonata”, ni cūahye Cohācjū. Mari gūhūre sata ni cūahye tiqiro. Sa yena cua pesaro mehna Cohācjūre quehnoano yūhtiinha

mari, “Wiheari”, nina. Sa wihena tiqiro mehna quehnoano sosi mari.

² Panopu cjēna Cohācjū yere tiquina tūhoriro saha mari gūhu quehnoañe buheyere tūhou. Tiquina tūho mūhtariquina pehe tūhoye, “Cohācjū ye waro ijire”, ni tūhotuerahye. Sa ye tiquina tūhori dūhseati ijierahye.

³ Mari pehe tiqirore wacū tutuana Cohācjū mehna cjēna ijinata. Sa yena tiqiro mehna quehnoano iji, sonata. Wape tiro marieno ijinata. Cohācjū tiqiro nidiro sahata ijire ti. Ohō saha niahye tiqiro tiqirore yuhtierariquinare:

Tiquina mehna usuagu cua pesaro mehna ohō saha ni yahuu: “Tiquina yūhu mehna cjēna ne ijisi. Sa ye wape tiro marieno ne ijisi”, ni yahuu, niahye Cohācjū yere tiquina ojoari pūpu.

Ahri yehpare tiqiro yeri bato dahra duhurīahye tiqiro.

⁴ Ahrire mari masiaja. Seis decori ahri yehpare tiqiro yeri bato tiqiro dahra duhurire yahuro ohō saha niahye Cohācjū ye yahuducuyere tiquina ojoari pūpu:

Seis decori bato ijipihtiyere tiqiro dahrarire pehoro, Cohācjū dahra duhuahye, niahye tiqiro yere tiquina ojoari pūpu.

⁵ Sa yero Cohācjū yere tiquina ojoari pūpu ohō saha ni yahure tiqiro mehna quehnoano ijieyequinare:

“Tiquina yūhu mehna cjēna ne ijisi. Sa ye wape tiro marieno ne ijisi”, niahye Cohācjū, nina tiqiro yere tiquina ojoari pūpu.

⁶ Sa ye quehnoañe buheyere tūho mūhtariquina tiqirore tiquina yūhdūdcari buhiri tiqiro mehna cjēna ijisi tiquina. Sa ye tiqiro mehna wape tiro marieno ijisi tiquina. Apequina pehe tiqiro mehna cjēna ijietā. Sa ye tiqiro mehna wape tiro marieno soyequina ijietā.

⁷ Sa yero masare tiqiro yūhdūoati deco ihcā deco cūahye pari turi Cohācjū. Ti deco ta yojopare ijire. Peye cūhmari bato Israe masa Cohācjūre tiquina tūho mūhtari bato ti decore yahuahye Davi pehe. Cohācjū tiqirore yahu dutigū yahuahye. Cohācjū ye yahuducuyere tiquina ojoarire masare yūhu yahuri decore ohō saha ni ojoahye Davi:

Ahri decore yūhu Cohācjū masare yūhu yahugū yūhdūdcaro marieno quehnoano yūhtiya masa yūhare, ni ojoahye panopure.

⁸ Coā waropure Josuē Israe masare Cohācjū ohori yehparū ne sahye. “Yūhu mehna wape tiro marieno soyequina ijietā”, nino, ti yehparū tiquina soatire nino niedahye Cohācjū. Ti yehparū so dutiro, ape deco tiqiro yūhdūoati decore cūedaboaga tiqiro.

⁹ Seis decori bato ahri yehpare tiqiro yeri bato Cohācjū tiqiro dahra duhuriro saha mari tiqiro yequina gūhu tiqiro mehna wape tiro marieno mari soati ijirota. Tiqiro mehna mari quehnoano ijietā ijirota.

¹⁰ Sa yero Cohācjū tiqiro dahrarire duhu cārīahye. Sa yena mari gūhu mari wape tirire duhu cānata.

¹¹ Sa yena mari tiqiro yequina quehnoano yeihna. Cohācjū yere quehnoano yuhtihna tiqiro mehna mari quehnoano soato saha. Panopu cjēna mari acaye tiquina yūhdūdcari bato Cohācjū mehna cjēna iji masiedahye tiquina. Tiquina yero saha yeracāhna mari.

¹² Cohācjū ye yahuducuyere marine catigū yere. Quehnoañe pehere marine comesagū yere. Sa ye tiqiro ye yahuducuyere ihyo ijieye ijierare. Sa ye űoseni pī pūa peheri siori pī mehna dihire tiquina yūhre ihña tiquina masino saha tiqiro ye yahuducuyere gūhu mari ijieye tiyere quehnoano masigū yere. Tiqiro ye yahuducuyere mari tūhogū, tire mari buhegū mari ijieye tiyere quehnoano masi pehogū yere marine.

¹³ Ne Cohācjūre mari ijieye tiyere mari yerire nūo masiedaja mari. Ijipihtiyere tiqiro bajumehnedire, tiqiro bajumehnediquina gūhare ihñare tiqiro. Sa yena mari yerire tiqirore yahu yūhdūro cahmene marine.

Jesu tutuariqiro mari yaqiro pahia pūhtoro ijire

¹⁴ Jesu Cohācjū macyno tiqiro Pacuro cahapu tojoariqiro ijire. Tiqiro tutuariqiro mari yaqiro pahia pūhtoro ijire. Sa yero marine Cohācjūre sini basare. Tiqiro sa ijiriqiro ijigū ihñana mari pehe tiqiro yere quehnoano yuhtihna. Tiqirore quehnoano wacū tutuaducuhna.

¹⁵ Tiqiro mari yaqiro pahi mari ñano yūhdūgū ihñano quehnoano paja ihñariqiro ijire. Mari ñañene tutuaro cahmeñene masine tiqiro. Watīno ijipihtiyere ñañene marine tiqiro ye dutiriro sahata tiqiro gūhare ñañene ye dutimahye. Tiqiro sa ye dutiepegāta tiqiro ñañene yerahye. Sa ñañene tiqiro ye dutinohriqiro ijiro, marine paja ihñano tiqiro yedoho masine marine.

¹⁶ Sa yena cuero marieno Cohācjūre sini-ihna. Tiqiro marine cahñe. Sa yero tiqirore mari sinigū tiqiro pehe paja ihñano, marine yedohorota. Watīno marine tiqiro ñañene ye dutigū, mari ñano yūhdūgū gūhare tiqiro marine yedohorota.

5

¹ Ijipihtiequinare pahia puhtoare besero, masare besere Cohăcĵă. Sa tiquiro beseri bato pahia puhtoa pehe tiquina mehna cĵenare yedohoye tehe Cohăcĵă cahăcĵena ijire. Sa ye űaűene tiquina yeri buhiri Cohăcĵăre sini basare tiquina mehna cĵenare. Wahiquirore wejĕ űĵăa műoűe, Cohăcĵăre sini basare.

² Pahia puhtoa apequna masa yero saha quehnoano masi pehoeyequina ijire. Sa masieűequina ijiye, apequna masieűequinare yedoho masine. Sa ye quehnoano yerariquina gűhare quehnoano yedoho masine.

³ Sa ye pahia quehnoano ye pehoeyequina ijiye űaűe buhiri tiyequina ijire. Sa ye tiquina basi űaűene tiquina yeri buhiri wahiquirore wejĕ űĵăa műo, Cohăcĵăre sinine. Apequna masare yedohoye tehe, tiquina űaűe buhiri tiquina sini basariro sahata tiquina basi tiquina űaűe buhiri gűhare sinine Cohăcĵăre.

⁴ Sa yero tiquiro basi tiquiro esa tuharo pahia puhtoro saĵăedare. Cohăcĵă pehe tiquirore besero, pahia puhtoro sűore. Panopű cĵăno Aaron műanatore tiquiro cűiro sahata apequna pahia puhtoa gűhare cűire tiquiro.

⁵ Sata Cristo gűhű tiquiro basi tiquiro esa tuharo pahia puhtoro saĵăedahye. Cohăcĵă pehe tiquirore puhtoro sűno, ohű saha ni-ahye:

Yűhű macű ijire műhű. Miare műhűre ba-juagű yei, niahye Cohăcĵă.

⁶ Ape taha ohű saha niahye Cohăcĵă Cristore: Ijipihtie decori pahi ijiducugűta műhű. Melquisede tiquiro ijiriro saha pahi ijiducugűta műhű, niahye tiquiro macűnore.

⁷ Cristo ahri yehparű ijiro saűuducuyeh mehna, utiye mehna mari Pacűre tutuaro siniahye tiquiro “Yűhűre masoűa”, nino. Mari Pacű pehe tiquirore yariariquirore maso masiniquiro ijire. Tiquiro sa sinigű mari Pacű tuhoahye tiquirore. Mari Pacű cahmeűe dihitaro tiquiro ye duagű ihűano mari Pacű pehe tiquiro sinidire tuharo, tiquirore yűhtiahye.

⁸ Sa yero Cristo Cohăcĵă macűno ijieperota űano yűhdűahye tiquiro. Sa űano yűhdűaro yűhtiahye mari Pacűre. Sa yűhtiro quehnoano yűhti masiahye.

⁹ Sa űano yűhdűaro, curusapű yariaro ijipihtiequina tiquirore yűhtiatiquinare yűhdűoatiquiro wahahye.

¹⁰ Sa yero mari Pacű pehe tiquirore pahia puhtoro cűahye. Sa yero Melquisede pahia puhtoro tiquiro ijiriro saha ijire Cristo.

Cristo yequina tiquirore wacű tutua duhugű cuarűne

¹¹ Peye ohű saha ijiyere műsare yahu nemo duaja űsă. űsă sa yahu nemo duepegűta műsa pehe dapu bűtina ijire. Sa yena műsare yahuro basioerare űsăre.

¹² Yoari pĵe Cristo yequina ijimene műsa. Sa yena yoĵopűre apequnare buhenapű iji tuhasaboya műsa. Műsa sa ijiborina ijiepegűta apequna műsa pehere buheeta. Cohăcĵă yere mijoeda cĵűűe buheye dihitaro tuhare műsa. Macanagă epĕco dihitaro tiquina apű masino saha műsa gűhű mijoeda cĵűűe dihitaro quehnoano tuhare. Coă buhe dűcayequina yero saha ijire műsa.

¹³ Epĕcore apűűequina macanagă ijinine. Tiquina yero saha műsa gűhű ijire. “Ahri űaűe ijire. Ahri quehnoaűe ijire”, ni ihűa masiedare műsa.

¹⁴ Ihyayere ihyayequina pehe bűcűna ijire. Tiquina yero saha ijiyequina quehnoano tuho masieűequina quehnoano buheriquina ijire. “Ahri űaűe ijire. Ahri quehnoaűe ijire”, ni ihűa masine tiquina pehe.

6

¹⁻² Sa yena Cohăcĵă yere quehnoano masina, quehnoano yűhtina ijiűhna. Cristo yere coă warore mari buhe dűcana ohű saha masi dűcaű: Mari űaűene yerire bűĵăa witi, duhuro cahmene. Mari űaűene yeri buhiri pecapű wahanata. Sa yena Cohăcĵăre wacű tutuaro cahmene marine. Ahrire coă waropűre marine buhe dűcari. Sa ye wame yeyere, omocarine marine tiquina duhu peoyere, yariariquina tiquina masa műĵaűene, ahri deco pihtiri bato Cohăcĵă buhiri dahreatire, tiquiro buhiri dahreatiquina tiquina űano yűhdűducuato gűhare ahri gűhare coă waropűre marine buhe dűcare. Sa ijiye buheyere masi tuhasana, quehnoano buhe nemouhna tĵa.

³ Sa yena Cohăcĵăre, tiquiro ye gűhare masi nemouhna. Cohăcĵă cahmegű sa yenata mari.

⁴ Mari sa yerana Cohăcĵă yere duhuboaga mari. Cohăcĵă yere duhuriquinare ne pari turi tiquina űaűe yerire tiquinare bűĵăa witiĵű ye masiedare. Sa ijiyequina Cristo tiquiro yűhdűomediquina ijiye, Espűritu Santore cuomedi.

⁵ Sa ye Cohăcĵă ye yahuducuyere tuhoye quehnoaűe ti yahuducuyeh iĵigű masimedi. Sa ye pihtiri deco batopű Cohăcĵă tutuaye mehna mari sa ijiducuatire, masare tiquiro buhiri dahreato gűhare tiquina masimedi.

⁶ Sa ijiriquinapűre Cristo yere tiquina duhugű pari turi tiquina űaűe yerire tiquinare bűĵăa witiĵű ye masiedare. Sa duhuriquina Cohăcĵă macűnore pari turi curusapű tiquina quĕ bihaboriro saha tiquirore yeye nine. Tiquina sa yegű ihűaűe apequna masa Cristore bűĵăpere. Sa ye

tiquina ñahe yerire tiquinare bujua witigū ye masiedare.

⁷ Ohō saha ijire ti mari queoye mehna buhegū: Quehnoari yehpare pajiro acoro ahtagū ti oteye quehnoano buca, dāca tire. Sa yero ti wese uparo dācare çore tiqiro ihyatire. Ti yehpa Cohācjū quehnoano tiqiro yeri yehpa ijire. Sa quehnoano yere tiqiro yequina gūhare.

⁸ Sa ijiepegūta pota mehna, taa mehna ti yehpa diaro dāhseati ijierare. Sa ijiri yehpare Cohācjū ujūa cohānota. Sata yere tiqiro tiqirore duhuyequinare.

Cristore sa ño peoducuyequinare yuhduore Cohācjū

⁹ Yūhū cahīna, musare sa ni yahuepegūta musa pehere “Cristore duhuna ijire”, nīgu niedaja. Musa pehe Cristo yuhduonohrina ijire. Sa yena quehnoañene yena niaga musa. Ahrire masiaja yūhū.

¹⁰ Quehnoano mari yeri wapa queoro marine quehnoano yeri qiro ijire mari Pacu. Sa yero tiqiro yere musa tutuaro dahrari wapare bosī tiqiro. Tiquirore cahīna quehnoano yedohore musa tiqirore. Apequina Cristo yequina gūhare yedohore musa. Sa yena tiquinare yedohona niaga musa. Sa yerina musa ijigū ihñano bosī tiqiro.

¹¹ Musa catiro puno apequinare musa cahīducugū, musa yedohoducugū gūhare cahmeaja usā. Musa sa yeri wapa queoro quehnoano yerota mari Pacu musare.

¹² Sa yena musa cape bujuna musa ijigū cahmedaja usā. Apequina Cristo yequina ñano yuhduepeta tiqiro yere ne duhuerare. Tiquina sa yegū ihñano mari Pacu “Musare ohoutja”, tiqiro nidire tiquinare oho pehorota. Sa yena musa gūhū tiquina yero saha yeducuya.

¹³⁻¹⁴ Panopū Cohācjū Abrahāre ohō saha ni cūahye. “Yūhū wame mehna ahrire potō nīi niaja mūhūre. Mūhūre quehnoano yeitja. Sa yegū mūhū panamena ijī turiayequinare peyequina masa ijigū yeitja”, ni yahu cūahye Cohācjū. Sa ni yahu cūno tiqiro ye wame mehna wame peo yahuro niahye. Apeqiro tiqiro bui ijiriquiro ne mariedagū tiqiro ye wame mehna tiqiro basita sa wame peo yahuahye.

¹⁵ “Mūhūre quehnoano yeitja”, Cohācjū tiqiro ni cūrire Abrahā pehere quehnoano tiqiro cohtegū ihñano tiqiro nidiro sahata tiqirore quehnoano yeahye.

¹⁶ “Cohācjū mehna potō nīna niaja”, masa pehe niñe, tiquina bui ijiriquiro wame mehna wame peo yahuye nīne. “Cohācjū mehna potō nīi niaja”, ihcāqiro nīgū tūhoro apeqiro pehe tiqiro mehna cahme dūse tutuariquiro pehe “Ijirota ijire”, ninota. Sa ye cahme dūse tutua duhuetā tiquina.

¹⁷ Sa yero Cohācjū Abrahāre “Mūhūre quehnoano yeitja”, ni cūno wame peo yahuahye. Tiquiro sa wame peorire tahona “Ijirota ijire ti. Tiquiro sa nīdi ne comesasi”, ni, masiaja mari. Tire mari masiato saha tiqiro ni cūri mehna wame peo yahuahye.

¹⁸ Sa yero pūaro tiqiro ni yahuducuri mehna tiqiro nīdi potō ijigū masigū yeahye Cohācjū marine: Tiquiro ni cūri gūhū tiqiro wame peori gūhū ti pūaro mehna tiqiro ni yahuducurire yahuahye tiqiro. Sa ye tiqiro ni cūri gūhū, tiqiro wame peori gūhū ne comesarare. Sa yero Cohācjū ne ni mehoedare. Tiquiro sa ijiriquiro ijigū masina, mari tiqirore quehnoano wacū tutuana, bucueye mehna marine tiqiro yuhduoatire cohtenatja mari.

¹⁹⁻²⁰ Sa tiqiro yuhduoatire cohtena, wacū tutuana ijijaja mari. Sa yena cueraja. Pahia puhtoro Cohācjū ijiri tucū waropū sajāno, cahmotari suhtirore yuhdu sa jāre. Sa sajāno masa ye ijiatire sinī basare Cohācjūre. Tiquiro sa yeriro sahata Jesu gūhū came mari wahato sahata ūhmusepū Cohācjū cahapū waharo, mari ye ijiatire sinī basare Cohācjūre. Topū mari wahato pano tiqiro pehe wahahye. Sa yero ijiphtiyē decori pahia puhtoro ijire tiqiro. Melquisede pahi tiqiro ijiriro saha pahia puhtoro ijire tiqiro gūhū.

7

Melquisede pahi tiqiro ijiriro saha Jesu pahia puhtoro ijire

¹ Melquisede Salē wame tiri maca cjēna puhtoro ijiahye. Sa yero pahi ijiro Cohācjū tutuariquirore, ūhmuse cjunore sinī basariquiro ijiahye. Sa yero apequina puhtoare Abrahā wejē tuhasa, tiqiro tojoa tagū waro Melquisede tiqiro ya macapū ijiriquiro Abrahāre piti caro esahye. Sa piti caro tiqirore sinī basahye Cohācjūre. “Quehnoano yeya ahriqirore”, ni sinī basahye Abrahāre Cohācjūre.

² Tiquiro sa piti cato pano Abrahā pehe tiqirore ihñā tuhtiyequinare wejē tuhasa tiqiro wejēdiquina puhtoa yere neahye. Tiquiro sa nedire mehenogū ohoahye Melquisedere. Melquisede tiqiro wame pehe “Puhtoro quehnoano yeri qiro ijire”, nino nīne. Sa yero tiqiro Salē wame tiri maca cjēna puhtoro ijigū tiqiro wame ohō saha nino nīne: “Puhtoro quehnoano ijigū yeri qiro”, nino nīne. “Salē” nino, “Quehnoano ijīye”, nino nīne.

³ Ne Melquisede pacusūmare, tiqiro pano ijī mūhtariquinare, tiqiro acayere tiquina yahu ojoa ohōri mariedare. Tiquiro masa bajuarire, tiqiro yariari gūhūre yahu ojoa ohōri mariedare. Sa yero sa ijiducuriquiro yero saha ijire tiqiro.

Tiquiro sa ijiriquiro ijigū Cohācjū tiquiro mehna marine queoye mehna buhere. Cohācjū macano tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo gūhū pahi sa ijiducuriquiro ijire.

⁴ Sa yero Melquisede ne ihyo ijiriquiro ijierahye. Abrahā mari ñecu manano puhtoro waro ijieperota mehenogā tiquiro nedire Melquisede pehere ohoahye.

⁵ Sa yero Cohācjū dutiye Moiserere tiquiro cūri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cūahye. Leví panamena pahia wahae tiahye. Sa ye Israe masa Abrahā panamena iji turiayequina ijiepetata tiquina pahiare wapa yee tiahye.

⁶ Melquisede pehe Leví panamino iji turiariquiro ijieraperota wapa neahye Abrahāre. Sa yero Cohācjū “Muhare quehnoano yeitja”, tiquiro ni cūriqui ijieperota Abrahā pehe Melquisedere wapa yeahye. Sa yero Melquisede pehe Cohācjūre Abrahāre sini basaro quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriqui Abrahā bui ijire. Tire mari quehnoano masiaja.

⁸ Mari mehna cjēna pahia marine mehenogā wapa neñequina mari yero saha masa ijire. Sa ye yariatiquinata ijire tiquina gūhū. Ahriqui Melquisede pehe Abrahāre mehenogā wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohācjū yere tiquina ojoari rūpū.

⁹ Yojoꝛū cjēna Leví panamena iji turiayequina pahia ijie, mehenogā wapa nene. Sa ijieyequina tiquina ijiepegūta Abrahā Melquisedere mehenogā wapa yero, ijipihtiyequina Leví panamena ye ijia ti gūhūre oho basaro saha yero niahye. Sa ye tiquina gūhū Melquisedere mehenogā ohoyequina yero saha ijire.

¹⁰ Melquisedere Abrahā tiquiro wapa yeri pjerē Leví pehe masa bajueraniahye. Sa ijieperota tiquiro ñecano manano Abrahā pagūꝛū tiquiro ijilborio saha Leví pehe iji tuhasaro niahye. Sa yero Melquisede Abrahāre tiquiro piti cagū Leví gūhū tiquiro ñecano manano mehna ijiro saha ijiro niahye. Sa ye Leví, tiquiro panamena mehna Melquisedere mehenogā wapa yeyequina yero saha ijie, tiquina tiquiro docapū ijie niahye.

¹¹ Tiquiro dutiyere cūno Cohācjū Levire tiquiro acaye gūhūre pahia iji dutiahye. Sa ye tiquiro dutiye nidiro sahata tiquina pahia wahiquinare wejē ũjā mūo, Cohācjūre sini basahye masare.

Tiquina sa yeri mehna mari yūhdana, apequiropahi sijoro saha ijiriquiro pahire cahme nemoedaboya mari. Sa yena apequiropahire cahmeaja mari yojoꝛūre, Melquisede yero saha ijiriquirore. Leví ya curua cjāno Aaron manano yero saha ijieyequina pahiare yojoꝛūre mari cahmedaja.

¹² Sa yena pahiare comesana niaja mari. Mari sa comesana, marine dutiye gūhūre comesaro cahmene marine.

¹³ Aaron, Leví gūhū tiquina ya curua cjēna dihitare pahia sajā duti muhtamahye Cohācjū, tiquiro dutiyere cūno. Tiquiro sa dutiepegūta yojoꝛūre mari puhtoro pahi sōriquiropahi curua cjāno ijire. Sa ye ti curua cjēna ne pahia sajāedahye.

¹⁴ Tiquiro Cristo Judā ya curua cjāno masa bajaahye. Tire mari quehnoano masiaja. Sa yero, Moise pahia sōno, Judā ya curua cjēnare ne pahia sōeda tiahye.

¹⁵ Ahrire masina, ohō saha mari quehnoano masiaja: Yojoꝛūre wahma tiquiro sōriquiropahi Cristo Melquisede yero saha ijiriquiro ijire.

¹⁶ Panopū cjē dutiye ti nidiro sahata Leví ya curua cjēna dihitata pahia sajāhye. Yojoꝛūre tiquiro sōriquiropahia tiquina yero saha pahi sajāedare. Tiquiro Cohācjū tutuaye mehna ijipihtiye decori ijiriquiro ijire. Sa yero ti tutuaye mehna pahi sajāhye tiquiro.

¹⁷ Ohō saha nine Cohācjū yere tiquina ojoari rūpū:

Ijipihtiye decori pahi ijiducugūta mūhū. Melquisede pahi tiquiro ijiriro saha pahi ijiducugūta mūhū, niahye Cohācjū tiquiro macanore, ni ojoahye panopū.

¹⁸ Ti dutiye tiquiro cū muhtari dutiye dūhseati ijierahye. Sa yero ti dutiyere duhu cāhye Cohācjū.

¹⁹ Moiserere tiquiro cūri dutiye mehna ne yūhdūerare masa. Sa yero yojoꝛū pehere Cohācjū marine tiquiro yūhdūoatiere marine cūre. Tiquiro sa yegū yojoꝛūre tiquiro mehna yahuducu masiaja.

²⁰ Sa yero Cristore pahi sōno, wame peoro mehna tiquirore sōahye. Apequina pahiare tiquiro yero saha wame peo sōedahye.

²¹ Cristo pehe Cohācjū wame peoro mehna pahi sajāhye. Ohō saha niahye tiquiro Pacaro Cristore:

Yūhū mūhū puhto yūhū wame mehna mūhūre poto yahutja. Sa yegū ahrire ne duhu cūno marieno yahuaja mūhūre. Pahi sa ijiducugūta mūhū, ni cūahye Cohācjū tiquiro macanore.

²² Sa wame peo cūno, wahma buheyere quehnoañe buheyere marine cūno, marine tiquiro yūhdūoatiere cūno niahye. Panopū cjē dutiye yūhdūoro mari quehnoano

ijiatire cūno niahye. Sa yero Cohācjū “Musare yuhduoutja”, tiqiro nidiro sahata yero taro, Jesure ohoahye marine yuhduoatiqirore.

²³ Iji muhtariquina pahia tiquina yariagū ihñañe apequina comesa sajàre tja. Sa ye tiquina peyequina pahia wahare.

²⁴ Jesu pehe sa ijiducure. Sa ye tiqirore comesayequina mariedare pahia.

²⁵ Sa yero tiqiro sa ijiducuro, Cohācjūre sa sini basaducure tiqiro yequina ye ijiatire. Sa yero Cohācjū mehna tiquina sa ijiducuro saha masare yuhduo masine tiqiro. Ijipihtyequina tiqirore wacū tutuayequina Cohācjū cahapu wahaeta. Sa yero Jesu ijire potota tiquinare yuhduoriqiro.

²⁶ Sa yero Jesu ijire mari yaqiro pahia puhtoro. Tiquiro pūritare tutuaro cahmeaja mari. Ne ñañe buhiri marieniqiro ijire tiqiro. Sa yero masa yero saha ne ñañene yerare. Sa yero Cohācjū tiqirore ñañequina cahapu ijiriqirore neano, uhmasepu cū, ijipihtyequina apequina bui puhtoro sōahye.

²⁷ Apequina pahia yero saha ijierare tiqiro. Tiquina pehe decoripe wahiquinare wejē, ujāa muo, Cohācjūre sinie tiri. Tiquina basi tiquina ñañe buhirire sini muhtae tiri. Came apequina masa tiquina ñañe buhiri gāhure sini basae tiri tiquina. Sa ye peye tahari tiquina Cohācjūre sinie tiri. Jesu pehe pahi ijiro, ihcā tahata tiqiro yariari mehna siniahye Cohācjūre masa tiquina ñañe buhirire yuhduoro taro. Sa yariaro tiqiro basi tiqiro pagure tiqiro jeripohna gāhure tiqiro ohoboriro saha yero niahye.

²⁸ Cohācjū dutiye Moisere tiqiro cūri pahia puhtoare sajà dutire. Sa sajàepeta ñañe marieñequina ijierare sa pahia sajàñe. Ti dutiye bato ijie buhaye mehna Cohācjū wame peoro mehna tiqiro yahuri buh-eye mehna tiqiro macno pahia puhtoro sajàñe. Tiquiro pehe ñañe marieniqiro sa ijiducure.

8

Cohācjū “Musare yuhduoutja”, ni cūahye tja Moisere tiqiro cūrire comesaro. Tīre yahu basariqiro ijire Jesu

¹ Ti ijipihtyere yahuna, ahri pūritare musare yahuna tana niaja: Musare usā yahuriqiro pahia puhtoro tiqiro pūrita mari yaqiro waro ijire. Uhmasepu Cohācjū tutua yuhduariqiro tiqiro puhtoro dujiro pota pehe dujire Cristo mari yaqiro pahia puhtoro.

² Sa yero ahri yehpa cjā wuhuru, masa tiquina yeri wuhuru pahia dahrayere yerare tiqiro. Uhmasepu ijiri wuhuru

mari puhtoro tiqiro yeri wuhuru pahia dahrayere yere tiqiro. Ti wuhuru pūrita Cohācjū waro ya wuhuru ijire.

³ Ijipihtyequina ahri yehpa cjēna pahia puhtoa wahiquinare wejē ujāa muo, ohore Cohācjūre ño peoye. Sa ye dutie tiahye tiquinare. Mari yaqiro pahi gāhure Cohācjūre oho dutiahye. Mari ñañe buhirire tiqirore oho dutiahye. Sa yero Cristo mari ñañe buhiri yariaro bucuegū yehaye Cohācjūre, pahia puhtoa Cohācjūre ohoye tiquina bucuegū yeriro saha.

⁴ Mari judio masa mari dutiye ti nidiro sahata ahri yehparu pahia masa tiquina ñañe buhirire ohore Cohācjūre sinieñe. Sa ye ahri yehparu pahia iji tuhasare. Sa yero Jesu pehe mari yaqiro pahi ahri yehparu ijinino, pahi ijierboa tiqiro pehe.

⁵ Ahri yehpa cjēna pahia tiquina dahrayere ahri yehpa cjā wuhuru dahrare. Ti wuhuru Cohācjūre tiquina ño peorire ihñana uhmase cjā wuhuru tiqirore mari ño peoatire masi cjūna niaja. “Ti wuhuru yero saha ijire”, nino niahye Cohācjū canuru Moisere tiqiro ya wuhure dahre dutiro. Tiquiro sa dahreato panogā Cohācjū ohō saha niahye tiqirore. “Canuru muhure yuhu ihñoro sahata ti wuhuru ijiriro sahata ya wuhure queoro dahreya”, niahye Cohācjū tiqirore.

⁶ Sa yero yojoru pehere Jesu pahi ijiro, tiqiro dahraye apequina pahia ye dahraye yuhduoro ijire. Ihyo waro ijierare. Cohācjū marine “Musare yuhduoutja”, tiqiro ni yahuri panoru cjē dutiye Moisere tiqiro cūri dutiye yuhduoro ijire. Marine tiqiro yahuri ti dutiye yuhduoro marine quehnoano ijigū yeeta. Sa yero marine yuhduo basariqiro ijiro, Cristo pehe apequina pahia yuhduoro ijire.

⁷ Coā waropure tiqiro dutiri mehna mari yuhdueraja. Ti dutiye mehna mari yuhdugū, apeye buheyere cūedaboya Cohācjū.

⁸ Sa yero ti dutiyere tiquina ihcāno sahaerare yahuro ohō saha niahye tiqiro yeequinare Israe masare:

Ohō saha nine mari puhtoro: “Quehnoano tuhoja. Caperu apeye buheyere yahutja yeequinare Israe masare, Judā ya curua cjēna gāhure.

⁹ Ti buhaye tiquina ñecusumua mana iji turiayequinare yuhu yahu cūri yero saha ne ijisi. Yuhu basi tiquinare Egipto yehparu ijieyequinare wioqu tiquinare yahu cūmi. Yuhu sa ni yahu cūrire yuhduocare tiquina. Tiquina sa yegū ihñagu wahmanore tiquinare yuhu yahumedire duhu cūhu.

¹⁰ Sa yegu caperu Israe masare ohō saha ni yahutja: Yuhu dutiyere tiquinare wacūgū yeitja. Sa ye yuhu dutiyere wuhtieta. Sa yegu yuhu Cohācjū

tiquina puhto, tiquinare ihña ihbogũ ijigũtja. Sa ye tiquina pehe yeequina masa ijieta.

¹¹ Sa ye ti pjere tiquina mehna cjẽnare ne tiquina ohõ saha cahme nisi: ‘Mari puhtore Cohãcjũre masiña msa’, ne ni cahme buhesi. Tiquina ijipihtiequina yahure masi tuhasaeta. Macanagã, bucana gãhu yahure masiñequina dihita ijieta.

¹² Sa yegu tiquina ñaife yerire boutja yũhu. Sa yegu tiquinare buhiri dahresi yũhu. Tiquina ñaife yerire pari turi wacũsi yũhu”, niahye mari puhtoro, nine Cohãcjũ yere tiquina ojoari pũpu.

¹³ Yojoũre marine tiquiro ye buheyere cũno, panopũ cjẽ dutiyere duhuro nidi. Sa yero muna dutiyere tiquiro duhuri bato ti dutiye camesaa wahare.

9

Ahri yehpa cjã tucũre uhmuse cjã tucũ gãhure Cohãcjũre ño peori tucũre yahuahye

¹ Coã waropũre Cohãcjũ tiquiro dutiyere Moiserẽ cũno, masa tiquirore tiquina ño peoato gãhure cũahye. Sa yero Cohãcjũre tiquina ño peoati wũhu gãhure ye dutiro cũahye.

² Ti wũhu wahiquina cahseri wũhu ijiahye. Pũa tucũ cũoahye. Paji cjũri tucũ tiquina sajã sa mũhtari tucũ “Cohãcjũ ya tucũ”, wame tiahye. Ti tucũpũ tiquina sihõ docoda ijiahye. Sa yero mesa gãhu ijiahye. Ti mesa bui Cohãcjũre tiquina ohori pã pesahye.

³ Ape tucũ suhti cahseri mehna tiquina cahmotari tucũ ijiahye. Ti tucũ “Cohãcjũ ijiri tucũ waro”, wame tiahye.

⁴ Ti tucũpũ uru mehna tiquina yeri altar, ehmeo bueyere tiquina uũari altar ijiahye. Sa yero uru quehnoañe mehna tiquina duhu ohõri acaro topũ cũñahye. Ti acaro puhiaũpũ uru pa manã wame tiye ihyaye pose tũri pa ijiahye. Sa yero ti acaro puhiaũpũ Aaron yadu tuadu pũri tidũ ijiahye. Sa yero pũa pjĩ utã pjĩni Cohãcjũ dutiyere tiquiro ojoari pjĩni gãhu ti acaro puhiaũpũ sañahye.

⁵ Ti acaro bui pũaro angele queoye ijiahye. Ti queoye Cohãcjũ asi siteyere, ti tucũpũ tiquiro ijijere ihñõne niahye. Ti acaro mohano bui tiquina wũye dapũri mehna mohahye. Ti acaro mohano bui masa ñaife buhirire tiquina ohorire wejẽ site peoe tiahye pahia puhtoro. To punota yahutja ahri wũhu cjẽne yojoũre.

⁶ Sa ye ti wũhure tiquina quehnoano quehñori bato pahia decoripe tiquina sajã sa mũhtari tucũpũ sajã sa, tiquina dahrayere yee tiahye.

⁷ Sa yero pahia puhtoro dihita ape tucũpũ sajãhye. Cũhmaripe ihcã tahata tiquiro sajãri deco boropata sajãe tiahye

tiquiro. Sa sajãno tiquina wejẽdiquiro wahiquiro tiquina ohoriquiro diire ne sajãno, Cohãcjũre ño peoe tiahye. Dii marieno ne sajãedahye. Tiquiro basi tiquiro ñaife yeri buhirire diire ne sajãe tiahye. Sa yero ijipihtiequina apequina Israe masa “Ñañe ijiaga”, nino marieno tiquina ñaife yeri buhiri gãhure diire ne sajãe tiahye tiquiro Cohãcjũre sinino taro.

⁸ Ijipihtie ahri mehna Espiritu Santo ohõ saha ni marine buhero nine: Ti wũhũpũ Moiserẽ tiquiro cũri wũhũpũ mari ño peorĩna, tiquiro cũri dutiyere yeatina ijinina, ihyo ijina Cohãcjũre ño peona wahaeraboya mari. Pahia puhtoro dihita Cohãcjũ ijiri tucũ waropũ sajã masine. Sa yena ihyo ijijeyequina tiquina ño peoye wahaeraro saha sa ijiboya mari Moiserẽ tiquiro cũri dutiyere yena.

⁹ Ahri ijipihtiyere Cohãcjũre ño peori wũhũpũ ijijere marine cũno, marine yojoũpũ cjẽnare buhero niahye Cohãcjũ. Wahiquinare wejẽ uũã mwo, masa Cohãcjũre tiquina ño peori mehna ne Cohãcjũ cahapũ wahasi. Tiquina sa yeri mehna tiquina ñaife yerire cose werahye.

¹⁰ Sa wahiquinare ohoye, tiquina ihyaye, tiquina sihniñe, tiquina pagũ coseye, tiquina ohõ saha yeye mehna Cohãcjũre ño peoe timahye. Ahri tiquina sa yeri ihyo warota ijire yojoũre. Sa yeye ti dutiye Moiserẽ tiquiro cũri dutiye marine quehnoana wahagũ yerahye. Sa ye wahma buheyere Cohãcjũ tiquiro cũri bato muna dutiye pehe dahseati ijierare.

¹¹ Cristo pehe mari pahia puhtoro ijiro ahta tuhasari jiri. Sa ijiro marine quehnoañene cũ tuhasari jiri. Cohãcjũre ño peori wũhu uhmusepũ pahia puhtoro tiquiro dahrari wũhu apequina pahia tiquina dahraye wũhuse yũhdũoro quehnoari wũhu ijire. Uhmuse cjã wũhu ijire. Ti wũhu ahri yehpa cjã wũhu ijierare. Sa yero masa tiquina yeri wũhu ijierare.

¹² Sa yero Cristo uhmusepũ Cohãcjũ ijiro waropũ ihcã taha sajãhye mari ñañene yeri buhirire Cohãcjũre ohoro saha yero taro. Topũ uhmusepũ ohõpũ tiquiro ijiri tucũ waro yero saha ijire mari queoye mehna buhegũ. Sa yero chivoa diire, wecũagã diire ne sajã, ohoerahye tiquiro. Tiquiro pehe tiquiro ye dii warore Cohãcjũre tiquiro ohoro saha yero niahye yariaro. Ijipihtie decori Cohãcjũ mehna mari ijiducuaoto saha tiquiro ye diire cohãhye. Mari ñaife buhirire yariahye.

¹³ “Yariariquinare dahra peona msa pagũ wete tina ijire”, ni cũahye Cohãcjũ Moiserẽ. Sa ijijeye ñañene wete tiyere cose wee tiahye chivoa diire tiquina ohori mehna. Wecũa diire tiquina ohori mehna, wecũagãre tiquina uũari nitine tiquina

ohori mehna sa ijiye ñañene cose wee tiahye.

¹⁴ Sa ijiye ñañene wahiquina diire tiquina ohori mehna, nitine tiquina ohori mehna tiquina cose weriyo saha ti yuhduoro Cristo pehe tiqiro diire cohāno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapū yariaro tiqiro basita tiqiro pagū, tiqiro jeripohna mehna Cohācjāre ohoro saha yeahye. Espiritu Santo sa ijiducuriqiro yedohoye mehna sa yeahye tiqiro. Sa ye mari ñañe yerire tiqiro cose wegū ihñāno mari ñañe buhirire Cohācjū bo cāhye. Ti ñañe buhirire cūona pecapū wahaborina ijimi mari. Tiquiro cose wenohrina ijina, Cohācjū catiriqiro tiqiro cahmeñene ye masiaja mari.

¹⁵ Sa yero “Ohō saha masare yuhduoutja”, masare pari turi Cohācjū ni yahu cūgū Cristo pehe tiqiro yahuyere yahu basariqiro ijire. Sa yahu basare tiqiro Cohācjū beseriquinare yuhduoro taro. Tiquiro sa yuhduogū ijipihtiye decori tiqiro mehna ijinata mari tiqiro yequina. Sa yena mari tiqiro yequinare Cohācjū marine ohoatire cūonata mari. Moiserē tiqiro cūri dutiye dihita ijigū masa tiquina ñañe buhiri ijiniahye. Sa yero curusapū yariaro ti pjeta tiquina ñañe yerire buhirire yuhduoahye tiqiro yequinare.

¹⁶⁻¹⁷ Masano came tiqiro acayere tiqiro ohoatire oja ohōyure papera pūpū. Tiquiro ohoatire yahuro taro oja ohōyure. Ti pūre oja ohōyuriqiro tiqiro yarieranigū ti pū dūhseati ijierare. Tiquiro acaye tiqiro cūorire nea masiedare. Sa ye tiqiro yariagū ihñāne ti pūpū tiqiro ni ojoariro sahata tiqiro yere neañeta tiquina.

¹⁸ Tiquiro yariato pano ti pū dūhseati ijieraro sahata yariaro marieno dii wijiaro marieno Cohācjū Moiserē tiqiro cūri dutiye gūhū ne dūhseati ijieraboya. Sa yero wahiquiro diire tiqiro wejē siteri bato ti dutiyere potota yero niahye.

¹⁹ Sa yero ohō saha ye muhtahye Moise: Cohācjū tiqiro cūri dutiyere masare yahu pehoahye. Came wecūagā diire, chivoa diire aco mehna moreahye. Sa yero hisopo wame tidū dūpū mehna oveja poari sohāne mehna tiquina ñimiori poarire torēahye. Ti dūpū mehna diire soharo, Cohācjū dutiyere tiqiro ojoari pū bui wejē site peoahye. Ijipihtiyequina masa bui gūhūre wejē site peoahye.

²⁰ Sa yero ohō saha niahye tiqiro: “Cohācjū marine tiqiro yahuri tiqiro dutiri ahri dii mehna poto ijigū masiaja mari. Ahri diire ihñāna tiqiro nidiro sahata marine tiqiro yeatire masiaja mari. Ti dutiyere yūhti dutiahye tiqiro marine”, niahye Moise.

²¹ Sa yero masare tiqiro yeriro saha Cohācjūre tiquina ño peori wūhū wahiquina cahseri wūhūre, ijipihtiye ti wūhūpū ijiye gūhūre wejē siteahye.

²² Sa tjire. Ti dutiye ti nidiro sahata peye ñañene dii cohāno mehna cose wero cahmene. Mehenogū dūhsaye ñañene apee boro mehna cose wegū quehnoare. Sa yero Cohācjū mari ñañe yerire ne bosu dii cohāedagū.

Cristo tiqiro diire cohāno, yariaro, tiqiro yequina ñañe yerire cose weahye

²³ Ti ijipihtiye Cohācjūre tiquina ño peori wūhū, ti wūhūpū ijiye gūhū ūhmuse cā ñañe wūhūpū ijiye yero saha ijiyahye mari queoye mehna buhegū. Ūhmuse cā wūhū pehe potota Cohācjū ya wūhū waro ijire. Sa yero ahri yehpa cā wūhūre, ti wūhūpū ijiye gūhūre wahiquina diire tiqiro wejē siteri mehna cose wero cahmeahye. Sa ye ti yuhduoro ūhmusepū wahatiquinare tiquina ñañe buhiri tiyequinare cose wero cahmene. Sa yero wahiquina yuhduoro ijiriquiro ye dii tiqiro cohāno mehna tiquina ñañe yerire cose wero cahmene.

²⁴ Sa yero Cohācjūre tiquina ño peori wūhū masa yeri wūhū ijire. Ūhmuse cā wūhū yero saha ijire ti wūhū gūhū, mari queoye mehna buhegū. Sa yero Cristo pahū ijiro, marine sini basaro taro ahri yehpa cā wūhūre sajjāedahye. Potota ūhmusepū wahahye tiqiro Cohācjū caha marine sini basaro taro.

²⁵ Mari judio masa mari pahia puhtoro cūhmaripe Cohācjū ijiri tučū waropū sajjāe tiahye wahiquina diire ohoro taro. Cristo pehe tiqiro diire Cohācjūre ohoro saha yero taro, yariaro, peye tahari sajjāedahye.

²⁶ Peyē tahari yariariquiro ijiro, ahri yehpa iji dūcari bato peye tahari yariaboya tiqiro. Peyē tahari tiqiro mari ñañe buhirire yariaducuriqiro ijiboya. Sa ijiboriqiro ijieperota pihtiri deco panogā yojopūre marine ijipihtinare yuhduoro taro ihcā taha bajuahye tiqiro ahri yehpūpū. Sa bajuahye yariaro taro, mari ñañe buhirire cohāno taro.

²⁷ Ijipihtiyequina masa ihcā tahata yarieta. Tiquina sa yariari bato masa quehnoañequinare, ñañequina gūhūre beserota Cohācjū.

²⁸ Ihcā tahata mari yariaro saha Cristo gūhū ihcā tahata yariahye peyequina masa tiquina ñañe yerire cohāno taro. Came pari turi ahtarota. Mari ñañe yerire cohā tuhasariqiropū ijirota. Sa yero pari turi mari ñañe yerire cohāno taro ahtasi. Sa ahtarota tiqirore cohteyequinare, bucuēye mehna tiqirore ihñā duayequinare yuhduoro ahtarota.

10

1 Cohācjū dutiye Moiserē tiqiro cūri quehnoañe buheye yero saha ijiepetā, ihcāno saha ijierare. Ti dutiye ti ye dutiriro saha cūhmaripe wahiquinare wejē, ʷjāa mʷo, Cohācjūre ño peoducure. Tiquina sa yeye mehna masa tiquina ñañe yerire boerare Cohācjū.

2 Ti mehna tiquina ñañe yerire Cohācjū bogū, ihcā tahata Cohācjūre tiquina ño peori bato “Yojoṗure buhiri mariedare ʷsāre”, ni tūhotuboya masa. Sa ye pari turi wahiquinare wejē ʷjāa mʷo, Cohācjūre ño peo ohoeraboya. Duhu cāboya.

3 Cūhmaripe wahiquinare wejē ʷjāa mʷo, Cohācjūre tiquina ño peogū tiquinare ñañe buhirire wacūgū yere. To punogāta yedoho duare ti tiquinare.

4 Wecua dii mehna mari ño peori mehna, chivoa dii mehna mari ño peori mehna ne mari ñañe buhirire cohāedare.

5 Ti ijirota ijire. Ti sa ijigū ihñano Cristo ahri yehṗare tiqiro ahtato pano ohō saha niahye Cohācjūre:

Wahiquinare ʷjāa mʷo tiquina ohogū, trigore tiquina ohogū gūhure mūhu ihñagu bucuere mūhu. Sa yegu yahu pagure yeri mūhu ya pagu ijiatire.

6 Ñañene tiquina cohātore wahiquinare wejē, tiquina ʷjāa mʷogū ihñagu bucuere mūhu.

7 Mūhu sa bucueregū ihñagu ohō saha nii mūhure: “Mūhu cahmeno sahata yegu wahagutja. Sata ni yahure mūhu ya ṗṗu”, nii yahu, niahye Cristo tiqiro Pacurore.

8 “Wahiquinare ʷjāa mʷo tiquina ohogū, trigore tiquina ohogū gūhure ihñagu bucuere mūhu”, ni yahu mūhtahye tiqiro. Coā waropare tiqiro ye dutiye wahiquinare, trigo gūhure tiquina ohoye mehna ti ño peo dutiepegūta sa niahye tiqiro.

9 Sa ni tuhasa ohō saha ni nemoahye: “Mūhu cahmeno sahata yegu wahagutja”, niahye. Tiqiro sa nigū ohō saha masiaja mari. Panopu wahiquinare wejē ʷjāa mʷoñe mehna tiquina ño peorire duhugū yero, apeye buheye pehere cūno niahye Cohācjū. (Sa cūno yojoṗure Cristo tiqiro yariari mehna masare yūhdūorota Cohācjū.)

10 Jesucristo tiqiro pagure ohoro, yariaro, ijipitina marine mari ñano yerire cohāre. Ihcā tahata tiqiro pagure ohore mari ñañene cohāno taro. Sa yero Cohācjū cahmeno sahata yero niahye.

11 Ijipitina mari judio masa mari yequina pahia decoripe Cohācjūre ño peori wūhūṗu dahraducure. Sa dahraducuye decoripe mūnanota wahiquinare wejē, ʷjāa mʷo, Cohācjūre siniducure. Tiquina sa wejē ʷjāa mʷoepēgūta ti ʷjāa mʷori mari ñano yerire ne cohāedare.

12 Cristo pehe ihcā tahata mari ñañe buhirire yariahye, mari ñañe yerire quehnoano cohā pehoro taro. Tire cohā tuhasa, wahaa wahahye tiqiro Pacuro cahapū tiqiro poto pehe dujiro waharo. ṗuhtoro ijiro, topu dujire.

13 Topu dujiro, cohtero nine. Tiquirore ihña tuhtiyequinare Cohācjū pehe tiqiro yūhdūduca basatore cohtero nine.

14 Sa yero ihcā tahata tiqiro yariari mehna tiquina ñañene cohānohriquinare ñañe marieñequina sa ijiducugū yere tiquinare.

15 Ti ijirota ijire. Sata ni yahure Espiritu Santo marine. Ohō saha ni yahure tiqiro:

16 Ohō saha nine Cohācjū: “Cameṗare ohō saha ni yahutja Israe masare. ʷyūhu dutiyere tiquina wacūñepu cūtja”, ni yahutja”, nine tiqiro.

17 Ohō saha ni nemore Cohācjū: “Tiquina ñañe yerire pari turi wacū nemosi yūhu”, nine tiqiro, ni yahure Espiritu Santo.

18 Mari ñañe yerire tiqiro sa bogū pari turi mari ñañe buhiri yariatiquirore cahmedaja mari.

Cohācjū cahapū esana, cuero marieno tiqiro mehna mari yahuducuboriro saha tiqiro mehna yahuducu masiaja yojoṗure (Mt 27.51; Mr 15.38; Lc 23.45)

19 Sa yena yahu acaye, Cristo tiqiro yariaro mehna tiqiro dii cohāno mehna yojoṗure mari gūhu cuero marieno Cohācjū mehna yahuducu masiaja. Sa yena tiqirore sini masiaja.

20 Ahri yehpa cūno pahia ṗuhtoro Cohācjū ijiri tuṗu waropu tiqiro yemedi yojoṗure marine dūhseati ijierare. Ti mehna Cohācjū mehna yahuducu masiedaja mari. Cristo pehe mari ñañene yeri buhirire yariaro tiqiro dii cohāri mehna Cohācjū mehna yahuducu masiaja mari. Pahia ṗuhtoro ti tuṗu tiqiro saṗariro sahata Cristo pehe Cohācjū cahapū esahye mari ñañe yerire bo dutiro waharo. Ti tuṗu cū cū cahserore cahmotari cahserore tiqiro tūhrē cohāriro saha Cristo tiqiro pagure cohāhye Cohācjū mehna marine iji dutiro.

21 Sa yero Cohācjū ya wūhūṗu dahrariqiro mari yaqiro pahī tutua yūhdūariqiro ijire tiqiro.

22 Sa yena Cohācjūre sinihna poto ni mehono marieno. Tiquirore quehnoano wacū tutua, cuero marieno tiqirore sinihna. Cristo mari ñañe yerire tiqiro cose wenohrinapu ijiaya. Sa yena “Buhiri tina ijiaya mari”, ni tūhotuna ijieraja mari. Sa yena wete marieñe aco mehna mari cose wero saha Espiritu Santo tiqiro cose wenohrinapu ijiaya. Sa yena Cohācjūre sinihna.

²³ “Masare yuhduoutja”, tiqiro nidiro sahata yerota. Sa yena marine tiqiro yuhduoatore quehnoano masiaja mari. Tire masina, ne boeracähna. Cohäcjüre sa wacü tutuaducuhna. Sa wacü tutuana tire apequinare yahuaja.

²⁴ Mari mehna cjenare cahina, tiquinare yedohouhna mari, ijipihitina mari ihcäno saha mari cahme cahí yedohoato saha.

²⁵ Sa yena quehnoano cahmecoaducuhna Cohäcjü yere yena tana. Apequina pehe tiquina cahmecoamedirore duhuye nine. Tiquina yero saha yeracähna. Mari mehna cjenare bucuegü yehna. Ahri yehpapare mari puhtoro ahata mehenogä duhsare. Tire masina tutuaro bucuegü yehna mari mehna cjenare Jesu yequinare.

²⁶ Poto ijiye buheyere quehnoañe buheyere mari masiepenata ñañene mari pari turi sa yeducugü mari ñañene cose we nemoato ne mariedare.

²⁷ Sa yero sa yeequinare cuarine. Ijipihitiyequina tiqiore ihña tuhtiyequinare buhiri dahrero, tutuaro ujünopu cohänota Cohäcjü tiquinare. Sa ye tiqiro buhiri dahreatire cueyequina dihita ijmene tiqiore duhuyequina.

²⁸ Cohäcjü dutiye Moiser tiqiro cürire yuhduacayequinare buhiri dahreye, mari acaye judio masa wejēne tiquinare. Ne paja ihñano marieno wejēne tiquinare. Ihtiaro tiquina yahusägü tuhoro beseriqiuro tiquina yuhduacarire masino tiquinare buhiri dahre dutire. Ihtiaro mariedagü puaro tiquina yahusägü tiquinare buhiri dahre dutire. Sa dutigü tiquinare wejēne.

²⁹ Ti bui cünü Cohäcjü macanore ihña yabiyequina tiqiro buhiri dahreatiquina ijietä. Cristo dii cohäri mehna mari ñañe yerire cohäre Cohäcjü. Sa cohätore yahuahye tiqiro marine. Sa yeye tiquina ñañe yerire cohänohriquina ijiepetä pari turi ñañene yeye, tiquina ñañe yerire tiqiro cohärire tiqiro dii gähare “Ihyo waro ijire”, niñe nieta. Sa niñequina tiqiro buhiri dahreatiquina waro ijiye nieta. Sa niñequina Espiritu Santore ñano ni yahuducuyequina ijire. Tiqiro tiquinare cahiniqiro ijire. Tiquina sa ñano yahuducugü ihñano tutuaro buhiri dahrerota Cohäcjü tiquinare.

³⁰ Ahrire mari quehnoano masiaja. Cohäcjü tiqiro basita ohö saha niahye: “Yuhu ijijaja buhiri dahreacjä. Tiquina ñañene yeri buhiri buhiri dahreitja yuhu”, niahye tiqiro. Ohö saha ni nemoahye: “Yeequina ijimediquinare ñano yeequinare buhiri dahreitja yuhu”, niahye tiqiro.

³¹ Cohäcjü catiriquiro marine tiqiro buhiri dahregü cua yuhduare.

³² Panopu masa ijirire wacüña masa. Ti pjere Cohäcjü yere coä masi dacana peye tahari ñano yuhduepenata tiqiro yere cohädari masa.

³³ Ihqüé tahari masa tiquina ihñonopu apequina masare ñano ni, ñano yeperi masare. Sa yena apequina Jesu yequinare tiquina ñano yegü ihñana, tiquinare paja ihñari masa.

³⁴ Peresupu ijiiyequinare paja ihñari masa. Sa yena masa yere tiquina ehmaepägüta bucueye mehna, “Quehnoanota”, nidi masa. Ahri yehpa cjē yuhduoro quehnoañene cose masa uhmäsepu. Ti quehnoañe sa ijiducuetä. Tire masina, masa cuoyere tiquina ehmagü bujua witiere masa.

³⁵ Sa yena cueracähña. Cohäcjüre sa wacü tutuaducuya. Mäsa sa yeri wapa tiqiro quehnoano yerota masare.

³⁶ Cohäcjü “Masare ohö saha yedohoutja”, tiqiro ni cürire quehnoano cohteya masa tiqiore wacü duhuro marieno. Sa cohtena tiqiro cahmeñene yenata masa. Sa yena tiqiro ni cürire cuonata.

³⁷ Ohö saha nine Cohäcjü yere tiquina ojoari püpu: Mehenogä duhsare Cristo wihiato. Sa ahtaro duita wihi madoqueorota.

³⁸ Yeequina quehnoañequina pehe yuhäre wacü tutuaducuetä. Sa ye yeequina yuhu mehna sa ijiducuetä. Yeere cohäñequina pehere ihña yabijaja yuhu, niahye tiqiro ye yahuducuye tiquina ojoari püpu.

³⁹ Mari pehe Cohäcjü yere cohärina ijieraja mari. Sa yena pecarpu wahatina ijieraja mari. Cohäcjüre wacü tutuaja mari. Sa yena tiqiro yuhduorina ijijaja.

11

Wacü tutuayere yahuahye

¹ Ohö saha ijire wacü tutuaye: Cohäcjüre wacü tutuana, marine tiqiro quehnoano yeatire quehnoano masiaja mari. Cohäcjü tiqiro nidiro sahata yeraniepägüta tiqiro yahuyere “Ijirota ijire”, ni tuhoutuaja mari tiqiore wacü tutuana. Tiqiore ihñedapenata, wacü tutuana, “Ijirota ijire”, ni tuhoutuaja mari tiqiro yahuyere tuhona.

² Panopu cjēna Cohäcjüre tiquina wacü tutuagü ihñano bucueahye tiqiro pehe.

³ Cohäcjü tiqiro yahuducuye mehna ijipihitiere bajumehnee tiahye. Sa yero tiqiro mari ihñedari mehna ijipihitiye mari yojopu ihñañene bajumehnee tiahye. Tire mari quehnoano masiaja Cohäcjüre wacü tutuana pürta.

⁴ Cohäcjüre wacü tutuaro Abe pehe corderore wejē, ujüa müo, Cohäcjüre ño peo “Quehnoare”, niahye. Tiqiro wahmino Caí yuhduoro quehnoanore ohoro, ño peohye tiqiro Cohäcjüre. Sa yero Cohäcjü

tiqiro ohorire bucueahye. Sa bucuero “Quehnoariqiro ijire”, ni ihñahye tiqiro Abere. Sa Cohãcjãre tiqiro wacũ tutuagũ ihñana mari tiqirore ihña cũaja. Sa yena tiqiro yariari bato ijiepegũta tiqiro wacũ tutuarire ihña cũaja mari.

⁵ Enoco Cohãcjãre tiqiro wacũ tutuagũ ihñano bucueahye Cohãcjã. Sa bucuero tiqirore tiqiro caharũ ne mũoahye. Sata nine Cohãcjã yere tiquina ojoari pũrũ. Tiquiro ne mũori bato masa tiqirore ne bocaerahye. Tiquiro ne mũonohriqiro ijiro ne yarierahye.

⁶ Cohãcjãre wacũ tutuerana tiqirore bucuẽgũ ye masiedaja mari. Cohãcjãre wacũ tutuerana, tiqirore ño peo masiedaja mari. “Potota tiqiro Cohãcjã warota ijire. Sa yero tiqirore mari ño peogũ marine quehnoano yere tiqiro”, mari ni tũhotuerana mari tiqirore sini masiedaja.

⁷ Noé Cohãcjãre wacũ tutuaro, tiqirore Cohãcjã yahurire quehnoano yũhtiahye. Camerũ tiquina ñano wahatore tiqiro yahugũ tũhoro quehnoano yũhtiahye tiqiro. Sa yũhtiro, pajiria yucusare yeahye. Sa yeye tia yucusa mehna tiqiro acaye mehna dia mininore yũhdũahye. Sa wacũ tutuariquiro ijiro ahri yehpa cjẽna ñañequina tiquina wacũ tutuarire tiquina pecarũ wahato gũhure ihñono niahye. Sa yero tiqiro wacũ tutuagũ ihñano “Quehnoariqiro ijire”, ni ihñahye Cohãcjã tiqirore.

⁸ Abrahã gũhũ Cohãcjãre wacũ tutuaro tiqirore yũhtiahye. Ape dihtapũre tiqirore ohoati dihtapũre Cohãcjã waha dutigũ tũhoro Abrahã yũhtiahye. Tiquiro ya dihtarũ ijiriquiro wijiãa waharo, tiqiro masiedi dihtarũ esahye.

⁹ “Ahri dihtare mũhũre ohoutja”, Cohãcjã nigũ tũhoro tiqirore wacũ tutuaro ti dihtarũta tojoahye tiqiro. Torũ ijiro ape dihta cjãno ijieperota torũta tojoa cãhye. Tiquirore, tiqiro macãno Isaac gũhũre, tiqiro panamino Jacob gũhũre tiquinare “Ahri dihtare mũsare ohoutja”, ni Cohãcjã yahue tiahye tiquinape. Tiquina tũhoe tiahye. Sa yeye tiquina ti dihtarũ ijie, wahiquina cahseri wũhũserũ ijie tiahye mũnãno ijieyequina ijie.

¹⁰ Torũ ijiniãe tiahye Abrahã Cohãcjã mehna tiqiro ijiatore cohtero. Ape macarũ Cohãcjã ijiri macarũ mũmũserũ tiqiro wahatore cohtero niahye. Ti macare dahreahye Cohãcjã. Sa yero ti maca ne pihtisi.

¹¹ Cohãcjãre wacũ tutuaro, bucuero waro ijieperota, tiqiro namono Sara bucuero waro ticoro ijiepegũta, Abrahã pohna tiahye. “Tiquiro nidiro sahata yerota”, Cohãcjãre nino sa pohna tiahye.

¹² Sa yero Abrahã bucuero waro ijieperota pohna tiahye. Sa yeye tiqiro panamena iji turiayequinarũ peyequina waha cãhye. Ñahpicoha parire, padũ pjeri gũhũre mari queona ihcãno sahaeraro sahata tiqiro panamena iji turiayequina gũhũre queona ihcãno sahaeraja mari.

¹³ Ijipihtiequina ahriquina yũhũ yahuriquina Cohãcjãre wacũ tutua tuhasayequinarũ yariahye. Cohãcjã tiquinare “Mũsare ohõ saha yeitja”, tiqiro ni cũirorore eserapeta yariaa wahahye. Tire ñehedapeta Cohãcjã tiqiro nidiro sahata camepũ tiquina cũoatire masiahye. Sa masiñe bucueahye. Sa yeye ohõ saha niahye tiquina: “Ahri yehparũ tinina ijiaja. Ape yehpa cjãna ijiaja”, niahye tiquina.

¹⁴ Sa niñequina ape yehpare tiquina ya yehpa ijiatore cohteye nine. Tire mari quehnoano masiaja.

¹⁵ “Ape yehpa cjẽna ijire”, nigũ panorũ tiquina cohãri yehpare nigũ niẽdaja. Ape yehparũ tiquina iji mũhtari yehparũ waha dua, wahaã wahabaja.

¹⁶ Quehnoa yũhdũari yehpa pehere cahmeñe niahye. Ti yehpa mũmũserũ ijire. Tiquina sa cahmegũ ihñano “Cohãcjã usã pũhtoro ijire”, tiquina nigũ tũhoro bue tisi Cohãcjã. Tiquina ya maca ijiatore dahre basa tuhasahye tiqiro.

¹⁷⁻¹⁸ Cohãcjã Abrahãre tiqiro macãnore Isaare wejẽ ujãa mũo dutiahye. Tiquirore ihña duaro sa dutiahye, “¿Ijirota yũhũre wacũ tutuajari?” nino. Cohãcjãre wacũ tutuaro tiqiro nidiro sahata yemahye Abrahã. “Mũhũ macũ Isaac mehna panamena iji turiayequinare peyequinare cũoguta mũhũ”, Cohãcjã tiqiro nidiqiro ijiepegũta tiqiro macãnore wejẽno taro nimahye Cohãcjãre ño peoro taro.

¹⁹ “Yũhũ macũ Isaare yũhũ wejẽgũ Cohãcjã tiqirore masonota”, ni tũhoturo, tiqirore wejẽno taro nimahye. Sa nidiqiro ijieperota Cohãcjã tiqirore cahmota, wejẽ dutierahye. Tiquiro pacuro tiqiro sa wejẽboriquiro ijiro yaria masariqiro yero saha ijiahye Isaac, Abrahã ihñagũ. Sa yero Abrahã tiqirore catiriquirore pari turi cũoahye.

²⁰ Isaac Cohãcjãre wacũ tutuaro, tiqiro pohnene Jacore, Esaũ gũhũre “Camerũ Cohãcjã mũsare pajiro quehnoano yerota”, niahye.

²¹ Cohãcjãre wacũ tutuaro Jacob tiqiro yariato panogã José pohnene, mũmũare “Cohãcjã mũsare pajiro quehnoano yerota”, niahye Jacob. Dũsepe curi mehna quehe sa, tiqiro tuadũ mehna tua ñehe cuña, Cohãcjãre ño peoro “Cohãcjã mũsare quehnoano yerota”, ni cũahye.

²² Cohācjäre wacū tutuaro José tiqairo yariato panogā Israe masa Egiptorū ijiye-quina tiqaina wijiatiye yahuyuahye. Sa tiqaina wijiatiye masiyuro tiqairo yariari bato tiqairo pagāre nea dutiahye tiqairo pohnene.

²³ Cohācjäre wacū tutuaye, Moisegāre ihtia asū waro nūo cuoahye tiqairo pacusūma, tiqairo masa bajuari bato. Quehnoariquirogā tiqairo ijigū ihñāñe tiqirogāre nūoahye. Ti yehpa cjēna puhtoro tiqaina pohnene tiqairo wejē dutirore yuhduca cāhye tiqaina. Tiquirore cuerahye.

²⁴ Moiserē masoricoro Egipto yehpa cjēna puhtoro macono ijiahye. Sa ticoro masonohriquiro ijiro, Cohācjäre wacū tutuaro “Ticoro macyno ijire”, ni pisugā cahmedahye Moise.

²⁵ Cohācjäre yuhducariquiro ijiro tiqirore masoricoro caharū meheñe decorigā quehnoano ijiboya. Sa ijboriguaro ijiiperota ti yuhduoro tiqairo Cohācjū yequina mehna ñano yuhdu duahye.

²⁶ Sa ñano yuhduoro Cristore tiqaina bujūpeato sahata tiqaina bujūperiquiro ijiahye. Camerū tiqairo quehnoano yeri wapa Cohācjū tiqirore tiqairo quehnoano yeatire masino ñano yuhdu duahye, Cristo tiqairo ñano yuhduato sahata. Ijipihtiye-quina Egipto cjēna quehnoañene tiqaina cuoro yuhduoro tiqairo Cohācjū pehere tutuaro cahmeahye. Ñano yuhdueperota, Cohācjäre cahmeahye.

²⁷ Cohācjäre wacū tutuaro, Egipto cjēna puhtoro tiqairo mehna usuagū cuerahye. Sa cueraro ti yehparū ijiriquiro ti yehpare cohā cāa wahahye. Sa yero Cohācjäre bājueriquirore tiqairo ihñaboriro saha cuerariquiro ijiahye. Cohācjū tiqirore ye dutirire ne cohāedahye Moise.

²⁸ Cohācjäre wacū tutuaro Moise Israe masare Cohācjū yuhduoatiye masiahye. Sa masino Cohācjū dutiriro sahata Israe masa tiqaina sopecaharire ohōñe pñime dii mehna wejē site dutiahye tiqairo. Tiquina sa yegū ihñano angel masare wejēdiqiro tiqaina wahmisūmare wejēboriquiro Israe masa pohne wahmisūmare wejēdahye.

²⁹ Cohācjäre wacū tutuaye, Israe masa “Sohāri ma”, tiqaina nidi marū aco watoa ijiri maharū aco marieni maharū pehāa wahahye. Tiquina sa pehāgā ihñāñe Egipto cjēna gūhu tiqinane ihñā cū, nūnū tā pehāmehe, mini yariaa wahahye.

³⁰ Cohācjäre wacū tutuaye, Israe masa Jericó wame tiri maca cjā sahrīno pajiri sahrīno behero pehe majare sotoahye. Siete decori waro ti macare majare sotoa tiniyahye. Tope decori tiqaina majare sotoa tinidī bato ti sahrīno sehte bora dijia pihitia wahahye.

³¹ Cohācjäre wacū tutuaro amāa mehna ñano yeducumedicoro Rahab wame tiricoro, ti maca cjōno Israe masare yedohoahye. Ti macare tiqaina cohāto pano meheñequinagā Israe masa torū sajā tiqaina duhti ihñagū, ticoro tiqinane yedohoahye. Ticoro sa yedohogū ihñāñe Israe masa wejēdahye ticorore. Sa yeye ti maca cjēnare Cohācjäre yuhduca yequinare wejēpeta ticoro pehere wejēdahye.

³² Apequinare Cohācjäre wacū tutuayequinare yahu nemoboa yūhu. Sa yahu duepegata peyequinare sa Cohācjäre wacū tutuayequinare yahu ojoa peho masiedaga yūhu. Peyequina ijire tiqaina. Gedeō, Barac, Sansō, Jefté, Davi, Samuel, Cohācjū yere yahu muhtariquina gūhu ahriquina ijipihtiyequina yūhu yahuboriguina ijire.

³³ Cohācjäre wacū tutuayequina ihquēquina apeye yehparipū ijiye macari cjēnare cahme wejē yuhducahye. Sa yeye apequina quehnoano dutiyequina ijiahye. Cohācjū tiqinane “Mūsare yedohoutja”, tiqairo nidiro sahata tiqinane yedohoahye. Tiquirore tiqaina wacū tutuagū ihñano sa tiqinane yedohoahye. Sa wacū tutuaye, yayia tiqinane ihya duagū tiqaina duserire bihagū yeahye tiqaina.

³⁴ Tutuaro ujūri pecarū ijiepetā ujēdahye tiqaina Cohācjäre wacū tutuaye. Apequina tiqinane ñose wejē duagū duhti cāa wahahye Cohācjäre wacū tutuaye. Tutueyequina ijiepetā Cohācjäre wacū tutuaye tutuayequina wahahye. Cohācjäre wacū tutuayequina ijiye, cahme wejēñe tutuayequina ijiahye. Sa ye apeye yehpari cjēna surara tiqinane wejēñe ahtayequina ne ihcāno sahaerahye tiqinane.

³⁵ Ihquēquina numia Cohācjäre wacū tutuagū ihñano tiqaina acaye yariagū ihñano Cohācjū pehe tiqinane maso basahye.

Apequina “Cohācjäre cahmedacñā”, tiqaina ni peresu yenohriquina ijiepetā Cohācjäre duhu duerahye. “Cohācjäre masa duhugū mūsare wionata”, nimahye tiqinane peresupū yenohriquina Cohācjū yequinare. Tiquina sa niepegāta tiqinane yuhtierahye, Cohācjū caharū tutuaro waha duaye. Sa yeye tiqinane ña yuhduoro tiqaina yepegū yariaa wahahye.

³⁶ Apequinare Cohācjäre wacū tutuayequinare ñano ni bujūpe tiqinane tana mujae tiahye. Sa yeye apequinare dahpocārine, omocarine duhte cāa, peresu yeahye.

³⁷ Cohācjäre wacū tutuayequinare ñañequina utā mehna doque wejēahye. Apequinare tiqaina pagarire seroti mehna yuhre sure mujahye. Apequinare ñoseñe pñini mehna ñose wejēahye tiqaina. Sa yeye tiqaina sa ñano yepenohñequina oveja cahseri mehna, cabra cahseri mehna suhti

tiyequina pejesoyequina ijiahye. Sa ye apequina tiquinare ñano yepeahye.

³⁸ Tiquina quehnoa yuhduayequina ijigü ahi yehpa cjäna ñañequina tiquina mehna ijiboriquina ijierare. Ahriquina Cohäcjäre wacü tutuayequina wuhäse marieñequina ijiye, masa marienopü, cünü cjurü iji soto tae tiahye. Sa iji soto tae, cünürü ijiye coperipü, yehparü ijiye coperipü gühare carí soto tae tiahye.

³⁹ Ahriquina ijipihtiequina Cohäcjäre tiquina wacü tutuagü ihñano bucueahye tiqiuro. Tiquina sa wacü tutuepegäta Cohäcjü tiquinare “Musare yuhduoutja”, tiqiuro nidiro eseraniahye.

⁴⁰ Tiquiro yuhduoerandire yahuro ohö saha ni tñhotuahye Cohäcjü. “Ahriquina yeequina camepäre ijiatiquina mehna ihcäno saha ihcä curuarüta yuhduoutja”, ni tñhotuahye. Sa ni tñhoturo tiqiuro nidiro sahata yerota. Tiquiro sa yegü quehnoa yuhduare panopü tiqiuro yeriro yuhduoro.

12

Jesure sa wacüducuhna mari

¹ Sa yena ahriquina yuhu yahuriquinare peyequina Cohäcjäre wacü tutuayequinare ñañene yeeyequinare masina, ijipihtieye ñañe yeyere duhu cäuhna mari gühu. Ohö saha ijire mari queoye mehna buhegü: Omaperiquirore oma tutuagü cahmotaye ijire apeye. Tiquiro dahpo suhti nuscñe suhti tiqiurore oma tutueragü yeboaga. Ti yero saha Cohäcjü cahmeñene mari ye duagü cahmotaye gühu ijire. Ti gühare duhuuhna mari. Sa yena omapeyequina tiquina oma tutuaro saha mari gühu tutuaro Cohäcjü cahmeno saha yeihna.

² Sa yena Jesure sa wacüducuhna mari. Tiquirota ijire marine wacü tutua ducagü yeriquiro. Sa yero marine wacü tutua nemogü gühare yere tiqiuro. Curusapü yariaro wacü tutuahye. Came tiqiuro bucueatore masino curusapü yariahye. Sa yariaro bæ taboriquiro ijieperota bæ tierahye tiqiuro. Sa yero yojopäre Cohäcjü tiqiuro puhtoro dujiro poto pehe dujitiñano tiqiuro dutiriquiro ijire.

³ Ñañequina masa tiqiurore tiquina ña yuhduaro yegü ihcäno sahaheye tiqiuro. Tire wacüña masa, masa gühu ñano yuhdüna, “Ihcäno sahaeraboa”, nina. Tire wacüña masa “Tiquirore wacü tutua duhuari”, nina.

⁴ Ñano yuhduepenata ñañene yerare masa. Sa ñano yuhduepenata ña yuhduaro waro yuhdueraniaga masa. Ñañequina musare wejëdarläga.

⁵ ¿Cohäcjü musare tiqiuro pohñare tiqiuro yahurire bo cjäri masa? Masa ñano yuhduature tiqiuro yahurire wacüña masa. Ohö saha niahye tiqiuro:

Yuhu macü, mühare yuhu yahugü usueracähña ñano yuhduerepägata. Mühare yuhu tuhtigü tñhogu büjua witiereacähña.

⁶ Ijipihtiequina yuhu cahñequinare yahuaja. Sa yega ijipihtiequina “Yuhre pohña ijire masa”, yuhu ni ihñañequinare yuhduäcaga dutieraja. Sa yega tiquina yuhduäcagü ihñagu tiquinare buhiri dahreaja, niahye Cohäcjü.

⁷ Ñano yuhdüna Cohäcjü yere duhueracähña. Cohäcjü musare tiqiuro pohñare buhiri dahrero nine. Tiquina pacusumua tiquina pohñene sa yahuducure. Sa yeye tiquinare buhiri dahreducure. Sata yere Cohäcjü gühu marine tiqiuro pohñare.

⁸ Ijipihtiequina tiqiuro pohñene yahure Cohäcjü. Cohäcjü musare yahueragü tiqiuro pohña waro ijierare masa. Pacusumua marieñequina yero saha ijire masa tiqiuro yahumehñena ijina. Sa ijina “Üsä pacü waro ijire”, ni masiedare masa Cohäcjäre, musare tiqiuro yahueragü.

⁹ Mari pacusumua marine tiquina yahugü tñhona tiquinare ño peoaja mari. Mari pacusumua mari ño peoro yuhduoro ño peoro cahmene mari Pacure Cohäcjäre tiqiuro yahugü. Sa yena tiqiurore yahtiro cahmene marine. Sa yahtina ijina ijipihtieye decori tiqiuro mehna ijinata.

¹⁰ Meheñe decorigü ahi yehparü mari ijinigü mari pacusumua marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohäcjü pehe marine quehnoano yahure. Sa yero tiqiuro masiñe mehna marine buhiri dahrere, marine quehnoana bæcua dutiro. Sata yere marine tiqiuro yero saha quehnoana marine iji dutiro.

¹¹ Marine tiqiuro buhiri dahregü bucueraja mari. Mari ihyo büjua witiäja. Sa büjua witiepenata tiqiuro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohäcjü marine tiqiuro dutiyere mari yuhtieragü cuarñe marine

¹² Sa yena wacü tutuera cjäna ijiepenata Cohäcjäre wacü tutuana ijia. Tiquirore duhueracähña.

¹³ Quehnoano potori mahare masa waharo saha quehnoano poto yeya masa. Masa sa yegü ihña cñe apequina Jesu yequina ñañene yesi. Masa quehnoano yegü ihña cñe quehnoano wacü tutuera cjäñequina gühu wacü tutuayequina wañaeta.

¹⁴ Ijipihtiequina masa mehna quehnoano ijia, cahmequeno marieno. Sa yena ñano yeracähña. Ñañe marieñequina dihita mari puhtoro Cristore ihñaeta.

¹⁵ Quehnoano yeya m̄sa. Cohācjū musare tiqiro yedohogū quehnoano yuhtiya. Nāñe taa diaye tiquina oteyere ti dojomehnenno saha m̄sa gūhu Cristo yere duhueracāhña, “Apequinare dojomehnenari”, nina.

¹⁶ Ne wana tieracāhña. Sa yena Cohācjū yere cahmeena ijieracāhña. Cohācjūre cahmeediquiro ijiahye Esaú. Tiquiro wahmino ijimahye. Sa yero tiqiro pacuro yariari bato tiqiro pacuro yere c̄oatiqiro ijimahye. Cohācjū tiqiro pacurore tiqiro ni cūri gūhure c̄oatiqiro ijimahye. Sa yero ihcā deco ihcā pa ihyaye pose tiri pare cahmeno, ti pa mehna tiqiro bahuro pehere tiqiro wahmino wahagū yero taro came-sahye.

¹⁷ Tiquiro sa yeri bato tiqiro dūhse wahaire masine m̄sa. Tiquiro pacuro tiqirore ohoatire tutuaro cahmemahye Esaú. Tiquiro sa cahmepegūta tiqiro bahurore wahmino wahagū yeri buhiri, came tiqiro c̄oborire ohoerahye tiqiro pacuro. Tire utiye mehna tiqiro siniepegūta tiqirore ohoerahye.

¹⁸ Cohācjū dutiyere Moiserre tiqiro cūgū mari acaye Israe masa m̄na Cohācjū mehna ijie tiahye. Tiqina tiqiro mehna ijiriro saha m̄sa pehe ijierare. Ohō saha yeahye tiquina pehe. C̄an̄p̄ Cohācjū mehna ijiye taye, esahye. Ti c̄an̄p̄ pehe Sinai wame tidū ijiahye. Ti c̄an̄p̄re dahra tuhu masiahye masa. Ti c̄an̄p̄ tiquina esagū tutuaro peca ūjūahye. Sa yero nahitiano, bueri, tutuaro wihnono mehna ijiahye ti c̄an̄p̄re.

¹⁹⁻²⁰ Ti c̄an̄p̄ tiquina esagū corneta bisiro ca tahye. Sa yero yahuducuyre bisiro ca tahye. Ti sa yahuducuyre bisigū tūhoye, masa ihcāno sahaerahye. Cohācjū cuaro mehna ohō saha ni, dutiahye tiquinare: “Ijipihtiyequina ahdu c̄an̄p̄re dahra tuhuyequinare atā mehna doque wejēña tiquinare. Ahdare dahra tuhuriqiro wahiquiro waro tiqiro ijiepegūta tiqiro gūhure atā mehna doque wejēña tiqirore. O ñosenū mehna ñose wejēña tiqirore”, niahye Cohācjū. Tiquiro sa nigū tūhoye ihcāno sahaerahye tiquina.

²¹ Sa yero ijipihtiyre tū c̄an̄p̄re ijiro tiqiro ihñarire ihña cuero, ohō saha niahye Moise: “Cuegū nanaregū naja”, niahye tiqiro.

²² Sa Cohācjū mehna tiquina iji d̄acariro sahata ijierare m̄sa pehe. Cohācjū mehna ijina wahana, Siō wame tid̄ap̄re ūhm̄se c̄jād̄ap̄re m̄sa esaboro saha potota Cohācjū mehna yahuducure m̄sa. Cohācjū catiriquiro ya macap̄re m̄sa esaboro saha potota tiqiro mehna yahuducure m̄sa. Ti maca ape maca wahma maca Jerusalē ūhm̄se c̄jā maca ijire. Top̄re peyequina angele pari ijire.

²³ Tiqina Cohācjū mehna bucueye tehe cahmecoañequina ijire. Sa yena m̄sa pehe tiqiro ya maca c̄jana ijina, top̄re Cohācjū pohne iji muhtañequina mehna m̄sa cahmecoaboriro saha ijire. Tiqina tiqiro pohne wamene tiqiro ojoa ohōri t̄jup̄re ūhm̄sep̄re tiqina wamene tiqiro ojoa ohōnohriquina ijire tiqiro pohne. Tiquiro pehe mari Pacu pehe ijipihiyequinare besetiqiro ijire. Tiquiro mehna c̄jana ijire m̄sa pehe. Sa yena tiqina quehnoañequina Cohācjū yequina mehna cahmecoano saha ijire m̄sa gūhu. Tiqinare iji muhtariquinare ñañe marieñequina ye tuhasahye Cohācjū.

²⁴ Sa yena Jesu mehna c̄jana ijire m̄sa pehe. Wahmanop̄re Moiserre tiqiro duti cūrire comesare “M̄sare yuhduoutja yuhū”, ni cūahye Cohācjū marine. Tiquiro sa ni cūriro sahata yeriquiro ijire Jesu. Tiquiro diire cohā, tiqiro yariari mehna marine sa yuhduore. Abe m̄nano tiqiro dii cohāgū ihñano Cohācjū Abere wejēdiqirore buhiri dahreahye. Jesu pehe tiqiro diire cohāgū, tiqiro yariari mehna quehnoano yuhduaja mari. Sa yero Abe tiqiro dii cohāri ihyo warota ijiahye. Cristo pehe tiqiro dii cohāri bato quehnoa yuhduaro yeahye Cohācjū marine. Sa ye tiqiro dii cohāri ihyo warota ijierare.

²⁵ Sa yena quehnoano yeya m̄sa. Cohācjū yere m̄sare yahuriqirore quehnoano yuhtina ijiya. Panop̄re ahri yehpap̄re ijiriquiro Moise Cohācjū yere tiqiro yahugū tūhoye, peyequina tire tūho duerahye. Sa tiquina tūhoerari buhiri buhiri dahreahye Cohācjū tiquinare. Tiqina yuhduoro buhiri dahrerota Cristore cohāñequinare. Cristo pehe ūhm̄sep̄re ijiriquiro Cohācjū yere yahuriqiro ijire.

²⁶ Ti pjere Moiserre tiqiro dutiyere cūri pjere Cohācjū tiqiro yahuducuro mehna yehpa ñuhmigū yeahye. Yojob̄re pehere ohō saha ni yuahye tiqiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi yahu. Ūhm̄sep̄re gūhure ñuhmigū yeitja”, ni yuahye tiqiro.

²⁷ “Ahri yehpa ñuhmigū ihcā tahata ye nemoutja”, nino, ijipihtiyre tiqiro bajumehnedire tiqiro cohātire masigū yero niahye. Cohācjū puhtoro ijipore cohāno basioerare. Sa yero tiqiro bajumehnedire cohāgū tiqiro puhtoro ijiro d̄ihita tojoarota.

²⁸ Tiquiro puhtoro ijipore wahanata mari. Sa yena tiqiro puhtoro ijire tiqiro cohāedagū ihñano, Cohācjūre “Quehnoare”, niñna mari. Sa yena tiqirore ño peoye mehna, cua pesaro mehna tiqiro yere yeihna mari tiqirore bucuegū yena tana.

²⁹ Peca ūjāno cuaro saha Cohācjū gūhu cuaro mehna buhiri dahreriquiro ijire.

13

Ohō saha Cohācjäre bucuēgū yeya

¹ Mūsa mehna cĵĕnare cahĭ duhueracāhĭna.

² Masa mūsa ihĭna masieŋequina tiĵuina iĵiepegūta tiĵuinare mūsa wĕhūsepeŋ quehnoano mehna saĵā ta dutiya. Apequina sa yeya, masiedapeta angelere tiĵuina ye wĕhūsepeŋ saĵā ta dutiahye. Sa yena tiĵuina yero saha yeya mūsa gūhū.

³ Peresupeŋ iĵieŋequinare paja ihĭnaĭa. Mūsa pehe tiĵuina mehna peresupeŋ iĵina mūsa iĵiboro saha tiĵuinare paja ihĭnaĭa. Apequina tiĵuina űano yenohriĵuina gūhure paja ihĭnaĭa. Tiĵuina yero saha mūsa gūhū űano yūhdaboro saha tiĵuinare paja ihĭnaĭa.

⁴ Omoca dāhterina iĵipihtina mūsa basi quehnoano cahme űo peoya. Sa yena apequina mehna űano yeracāhĭna. Iĵipihtieyequina numia mehna űano yeyequinare, amūa mehna űano yeye numia gūhure buhiri dāhrota Cohācjū.

⁵ Niŋerure ne cahĭedacāhĭna. Ohō saha niahye Cohācjū: “Mū sare ne cohāsi yūhū. Mū sare sa yedohoducugŋja”, niahye tiĵuiro. Sa yena noho puno mūsa cuoye mehna to punota bucueya. Pajiro cahme nemoedacāhĭna.

⁶ Sa yena cuero marieno ohō saha ni tuhotunata mari:

Mari pūhtoro Cohācjū marine yedohoriĵuiro iĵire. Ne cuesi mari. Masa marine tiĵuina űano yeatire cuesi mari, ni tuhotunata.

⁷ Cohācjū yere mū sare yahuriĵuinare mū sare dutiriĵuinare wacūna mūsa. Sa yena quehnoano tiĵuina iĵie tirire quehnoano tiĵuina yee tirire wacūna. Sa wacūna, Cristore tiĵuina wacū tutuariro saha yeya mūsa gūhū.

⁸ Jesucristo ne camesaerare. Panope, yojope gūhure, camepeŋ gūhure tiĵuiro iĵiriro saħata iĵiducurota tiĵuiro.

⁹ Pe ye buheyere sijoro saha iĵie buheyere tuhoeracāhĭna mūsa “Quehnoaŋe buheyere usāpeŋ cohāri”, nina. “Aħrire ihyaya. Aħrire ihyeracāhĭna”, ni buhere ihquēquina. Sa tiĵuina ni buheyere mari yūhtigū ti marine yedohoerare. Sa yero sa iĵie buheyere mari yegū ihyo warota iĵire. Ti marine wacū tutuana iĵigū yerare. Cohācjū pehe marine wacū tutuana iĵigū yere. Sa yena tiĵuiro ye tutuaye mehna tiĵuirore wacū tutuana iĵiya mūsa gūhū.

¹⁰ Cristo mari űaŋe buhirire yariahye mari űaŋene cohāno taro. Pahia pehe ohō saha niŋequina iĵire: “Wahiĵuina mari wejē űjūa mūo, mari ohoyequina mehna yūhdunata”, niŋequina iĵire pahia. Sa niŋequina tiĵuina űaŋe yerire cohānohriĵuina iĵi masiedare.

¹¹ Mari judio masa mari pahia pūhtoro Cohācjū iĵiri tucū warope diire ne saĵāno wejē siteahye, masa tiĵuina űaŋe yerire cose wero taro. Sa yero tiĵuiro wejēdiĵuiro wahiĵuiro pagure ti maca dāhtu cahapeŋ űjūa cohā cāre.

¹² Tiĵuiro yeriro saha Jesu gūhū maca dāhtu cahapeŋ yariahye, masa tiĵuina űaŋene tiĵuiro dii cohāno mehna cose wero taro.

¹³ Maca dāhtu cahapeŋ tiĵuiro yariagū ihĭnaĭe, tiĵuina ye buheyere tiĵuiro cohāgū ihĭnaĭe judio masa pūhtoa tiĵuirore ihĭna tuhtiahye. Sa yena mari gūhū tiĵuiro mehna cĵāna iĵiĭhna. Mari sa iĵigū ihĭnaĭe, masa mari gūhure ihĭna tuhtieta.

¹⁴ Aħri yehrapeŋ mari iĵi doĵoati maca ne mariedare. Mari camepeŋ iĵiati macare cohtena niaja mari.

¹⁵ Sa yena Jesu yedohoro mehna mari Pacu mehna yahuducuaja mari. Sa yena tiĵuirore quehnoano siniĭhna. “Mūhū usā Pacu quehnoagu, tutuagu iĵire”, ni, űo peoducuuhna. “Jesu yequina iĵiaja”, ni, sa niĭa mari Pacure. Mari sa nigū tiĵuiro bucueroa.

¹⁶ Mūsa mehna cĵĕnare quehnoano yeya. Sa yena tiĵuinare yedohoya. Tire boeracāhĭna. Mūsa sa quehnoano yena Cohācjäre űo peona niaga mūsa. Sa yena tiĵuirore bucuēgū yena niaga.

¹⁷ Mūsa pūhtoare quehnoano yūhtia. Tiĵuina dutiro saħata yeya. Cohācjū ihĭna ihbo, buhe dutiro cūre mū sare tiĵuinare. Sa cūnohriĵuina iĵie mū sare sa ihĭna ihboducuye nine “Cohācjäre yūhduducari”, niŋe. Camepeŋ mū sare tiĵuina dutirire, tiĵuina yerire Cohācjäre yahueta. Sa yena tiĵuinare quehnoano yūhtia mūsa. Mūsa sa yūhtigū ihĭnaĭe bucueye mehna mū sare yedohoeta tiĵuina. Mūsa yūhtieragū ihĭnaĭe tiĵuina buĵua witieta. Sa yūhtierana quehnoano iĵisi mūsa.

¹⁸ Ūsāre sini basaducuya Cohācjäre. Decoripe quehnoaŋe dihitare ye dua ja usā. Sa yena “űaŋene yena niaja”, ni tuhotueraja usā.

¹⁹ Aħri pūritare tutuaro sini basaya Cohācjäre yūhure: Sojaro mehna masa cahapeŋ yūhū wahatire tiĵuirore sini basaya.

Aħri pūre oĵariĵuiro quehnoa duti bato tiahye

²⁰ Cohācjū mari pūhtoro Jesure yariariĵuirore masoahye. Marine quehnoano iĵigū yeriquiro iĵire. Tiĵuiro “Mū sare yūhdoutja”, ni cūahye Cohācjū marine. Tiĵuiro sa ni cūrire yeriquiro marine yūhdoriĵuiro Jesu pehe iĵire. Mari űaŋe buhirire yariahye tiĵuiro. Sa yero tutuariĵuiro ovejare ihĭa ihboriquiro

yero saha ijiro, marine tiqairo yequinare quehnoano ihña ihbore.

²¹ Sa yero Cohãcjũ tiqairore masoriqairo m̄sa gãh̄are yedohoahro ijipihtiye quehnoañene tiqairo cahmeñene m̄sa yeatire. Sa yero Jesucristo yedohoro mehna Cohãcjũ cahmeno saha ijiphtinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

²² Yũhũ acaye, ahrire tutuaro m̄sare du-tiitja: Ahri pũrũ yũhũ yahurire quehnoano mehna tũhoya m̄sa. Ahri m̄sare yũhũ ojoari pũ pajiro ijierare. Sa yena ahrire quehnoano tũhoya.

²³ Ahri gãh̄are m̄sare yahutja: Mari acayurore Timoteore peresu ijiriqairore wioñõhti. Sojaro mehna tiqairo wihigũ m̄sare ihñagu wahagu tiqairore neagutja. Yũhũ mehna waharota.

²⁴ M̄sa pũhtoare, ijipihtiyequina apequinare Cohãcjũ yequinare topũ ijieyquinare quehnoa dutiaja. Italia cñena Jesu yequina gãhũ m̄sare quehnoa dutire.

²⁵ Ijiphtinare m̄sare Cohãcjũ mehna quehnoa dutiaja.

Santiago

Santiago Israe masare macari wahariquinare ojoa ohoahye

¹ Yuhū, Santiago ahri pūpū musare quehnoano duti ojoa ohogū niaja. Mari Pacu, mari puhtoro Jesucristo gūhū cahacjūta ijjaja yuhū. Sa yegū Israe masa ye cururi cjanare doce cururi cjanare Jesu yequinare macari waharinare yuhū acaye musare ojoa ohogū niaja.

Cohācjū pehe quehnoano masigū yere

² Yuhū acaye, peye ijjeta mūsa ñano yuhduati. Sa ñano yuhdūepenata quehnoano bucueye mehna tūhotuya.

³ Sa ñano yuhdūna, potota Jesure mūsa wacū tutuarire ihñona ninata mūsa. Sa yena ñano yuhdūepenata Jesure mūsa quehnoano wacū tutuana ijina, tiqiurore wacū tutua nemona wahanata. Sa wahana mūsa ñano yuhdūyere ihcāno sahanata.

⁴ Sa yena duhuo marieno sa ihcāno sahana ijiducuya mūsa quehnoano tūho masina mūsa ijiatire.

⁵ Mūsa masiati dūhsagū tūhotuna Cohācjūre siniña. Tiquiro dūhsaro marieno ijipihtiyequinare ohore. Sa ohoro tiqiurore siniñequinare sijoro saha nino marieno ohore tiqiuro. Tiquiro sa ijiriquiro ijigū masina, mūsa masiati dūhsagū tūhotuna, tiqiurore siniña. Mūsa sa sinigū musare masi nemogū yerota tiqiuro.

⁶ Sa sinina Cohācjūre quehnoano wacū tutuatjāna siniña mūsa. “Usā sinigū Cohācjū ohoeraboaga usāre,” ni tūhotueracāhña. Sa ni tūhotuyequina pajiri ma cje pahcōri yero saha ijire. Pahcōri ti usuro comesaro saha tiquina gūhū tiquina wacūñepure usuro comesare. Ihcāno saha yerare tiquina. Sa ye Cohācjūre wacū tutuerare.

⁷ Sa ni tūhotuyequinare tiquina siniepegāta ne mehenogā tiquina siniñene tiquinare ohosi mari puhtoro, Cohācjū.

⁸ Miare ahrire cahmediquiro ijieperota ñamiare sijoro saha tūhoture tja. Sa yeriquiro queoro yerare.

⁹ Jesu yequinare ihyo ijieyequinare Cohācjū pehe puhtoa sōnota. Sa ijiatiquina ijie bucueahro tiquina.

¹⁰ Sa ye Jesu yequina doeri cje opana ijie tiquina ye doeri cje pihtiatire masiñe bucueahro. Ti doeri cje ihyo warota ijire, Cohācjū ihñagū. Cohori ti duita ahba bora dijiaa waharo saha ti doeri cje pihtia waharota. Sa ijieye tiquina gūhū bucueahro.

¹¹ Asū mūja taro tiqiuro tutuaro asigū taa pehe ñaia wahare. Sa ye cohoi gūhū ñai bora dijiaa waha, quehnoañe cohoi ti ijie pihtia wahare. Sata waharota doeri cje

opanare doeri cje tiquina ne cahmeoano watoa. Tiquina, ti doeri cje mehnata butia wahaeta.

Ñano ye dutiyere yerariquiro bucueriquiro ijire

¹² Ñano yuhdūriquiuro ihcāno saharo, ñano ye dutiyere yeraro bucueriquiro ijirota. Tiquiro sa ihcāno saha, tiqiuro ñañene yeragū ijipihtiye decori uhmūsepu ijiducugū yerota Cohācjū tiqiurore. “Sa uhmūsepu ijiducugū yeitja”, ni cūahye Cohācjū ijipihtiyequina tiqiurore cahñequinare.

¹³ Musare apequina ñano ye dutigū “Cohācjū yuhure ñano ye dutiro nine,” ni tūhotueracāhña. Ñano yeyere tūhoturiquiuro ijierare Cohācjū. Sa yero tiqiuro pehe masare ñano ye dutiriquiro ijierare.

¹⁴ Masa ñañene tiquina tutuaro cahmeñeta tita tiquinare ñano yegū yere.

¹⁵ Sa ye ñañene tutuaro cahmene masa. Sa ye ti pehere tūhoture. Sa tūhotuye, ti ñañene yeducure tiquina. Tiquina sa yeducuri buhiri Cohācjū tiquinare pecapū cohānota.

¹⁶ Sa yena yuhū acaye yuhū cahña, “Cohācjū yuhure dutigū ñano yei,” ni tūhotueracāhña. Poto ijierare ti.

¹⁷ Mari Pacu uhmūse cjanō marine quehnoañe dihitare ohore. Tiquiro pūrita asū deco cjanore, ñami cjanore, ñahpicoha paca gūhure bajumehnediquiro ijiro, tiqiuro pehe tiqiuro ijiriro saha sa ijiducu cāre.

¹⁸ Tiquiro cahmediro saha quehnoañe buheye mehna marine tiqiuro pohna wahagū yeri. Sa yeri tiqiuro, tiqiuro pohna iji mūhtana marine iji dutiro.

Potota Cohācjūre ño peoye ohō saha ijire

¹⁹ Yuhū cahña, yuhū acaye, ahrire quehnoano tūhoya mūsa. Cohācjū yere quehnoano tūhoya mūsa. Sa tūhona, tūhoturo marieno yahuducueracāhña. Sa yena usueracāhña.

²⁰ Ihcāquiuro usuariquiuro ijigū tiqiuro yerire bucuere Cohācjū.

²¹ Sa yena ijipihtiye mūsa ñañe yeyere, mūsa ñañene tutuaro cahmedire duhuya mūsa. Sa yena Cohācjūre quehnoano yūhtina ijina tiqiuro buheyerē tūho, cahmeña mūsa. Tiquiro ye buheyerē mūsa tūho cahmegū Cohācjū pehe musare pecapū wahaborinare yuhduorota.

²² Tiquiro yere tūhoepenata yūhtierana ni mehoñene tūhotuna nine mūsa. “Yūhtieragū quehnoanota,” ni tūhotuna ni mehoñene tūhotuna nine mūsa. Sa yena tiqiuro yere tūhona ti pehere yeya.

²³ Cohācjū yere tūhoepenata, yūhtierana, tiqiuro wūhdoare eōno mehna ihñariquiuro yero saha ijire mūsa.

²⁴ Tiquiro wūhdoare tiqiuro ihñari bato waha, tiqiuro ihñarire boaa wahare.

²⁵ Sa yero apequiro pehe tiquiro ihñarire boero saha Cristo ye dutirire tuhoro tire yero, bucueriquiro ijirota. Ti dutiye Cristo cahĩne mehna masare tiquiro yuhduoati buheye ijire. Ti buheyere ne cohãediquiro bucueriquiro ijirota. Tiquiro pũrita tiquiro tuhore yeri quiro ijire. Sa yeri quirore quehnoano yerota Cohãcjũ.

²⁶ Ihcãquiro sa ni maca cãriquiro ijiro, potota Cohãcjũre ño peerare. "Cohãcjũre quehnoano ño peoaja," ni tuhoturiquiro ijieperota ni mehoñene tuhature tiquiro. "Cohãcjũre ño peoaja," nidiquiro ijiepegũta tiquiro ño peoye ne dahseati ijierare.

²⁷ Ijirota Cohãcjũre mari Pacare mari ño peona, tiquiro cahmeno saha ño peona, ohõ saha yeaja mari: Pacasũma marieñequinare, wape wiha numia gũhare tiquina ñano yuhdagũ ihñana, tiquinare yedohoaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijiaja mari.

2

Masare ihcãno saha quehnoano yero cahmene marine

¹ Yũhũ acaye, quehnoa yuhduariquirore Jesucristore mari pũtorore tuhona, tiquirore wacũ tutuana ijire musa. Sa wacũ tutuana masare ihcãno saha quehnoano yero cahmene musare.

²⁻³ Sa ye uru behtorire, omoca sañañe behtorire cõriquiro, wapa bujaye suhtire sañariquiro musa Jesu yequina cahmecoano cahapũ tiquiro ahtagũ ihñana tiquirore quehnoano mehna piti caboaga. "Ohõpũ dujiro ijire," niboaga musa tiquirore. Sa niepenata ti pjeta pejecõriquiro gũhũ ñano suhti tiri quiro musa cahapũ tiquiro ahtagũ ihñana tiquiro pehere quehnoano piti caeraboaga. "Ohõpũ ducuya. O yehpapũ dujiya," niboaga musa tiquirore.

⁴ Musa sa yena masare ihcãno saha yena niedaga musa. Sa yena ñañene tuhoyequina masare beseyequina yero saha ijina niaga musa. "Ahriquiro pehe quehnoariquiro ijire. Ahriquiro ñariquiro ijire," ni besemene musa.

⁵ Yũhũ acaye, yũhũ cahĩna, yũhare tuhoya. Peyequina pejecõoyequina pehere Cohãcjũ beseahye. Tiquirore quehnoano wacũ tuatiquinare, tiquiro pũtoro ijiropũre ijia-tiquinare beseahye tiquinare. "Topũre wahanata musa," ni cũahye Cohãcjũ tiquirore cahĩnequinare.

⁶ Tiquinare tiquiro sa besepegũta musa pehe pejecõoyequinare quehnoano ño peerare. Doeri cjẽ opana pehe musare ñano yere. Sa ye tiquina masare beseriquiro cahapũ musare neare musare yahusãñe tehe.

⁷ Musa pehe "Cristo yequina," masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pejecõoyequinare musa ño peoriro yuhduoro doeri cjẽ opanare musa ño peogũ ñarĩne.

⁸ Cohãcjũ dutiye mehna cjã dutirore apeye dutiye bui cjũnogã ijiri dutirore ohõ saha ni ojoahye: "Mũhũ basi mũhũ cahĩno saha mũhũ cahapũ ijieyequina gũhare cahĩña," nine Cohãcjũ dutiro. Ahri dutirore yena, quehnoañene yere musa.

⁹ Masare ihcãno saha yerana ñano yena nine musa. Sa yena Cohãcjũ dutiyere yuhduducana ijire musa. Sata nine Cohãcjũ yere tiquina ojoari pũpũ.

¹⁰ Cohãcjũ dutiyere yena ijiepenata ihcãno dutirogãre musa yeragũ apeye dutiyere musa yepegũta dahseati ijierare. Sa yena ñañe buhiri tina ijinine musa.

¹¹ "Apequiro namono mehna ñano yeracãhña," ni, musare dutiri quiro Cohãcjũta ijire. "Masare wejẽdacãhña," nidiquiro tiquirota ijire Cohãcjũ. Apequiro namono mehna ñano yerapenata masunore wejẽna Cohãcjũ dutiyere yuhduducana ijire musa.

¹² Cristo marine tutuaro cahĩno, marine dutire marine yuhduoro taro. Tiquiro dutiyere mari yerire, mari yerari gũhare ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuhna mari.

¹³ Yojobũre mari apequinare paja ihñedagũ Cohãcjũ pehe masare tiquiro beseri pje ijigũ marine paja ihñasi. Sa yena apequinare mari paja ihñagũ Cohãcjũ pehe marine paja ihñano, marine buhiri dahresi.

Cristore wacũ tutuayequina pehe quehnoañene yere

¹⁴ Yũhũ acaye, tuhoya musa. "Cristore wacũ tutuaja yũhũ," ihcãquiro tiquiro ni tuhoyequina tiquiro quehnoañene yeragũ tiquiro sa nimedĩ pehe ne dahseati ijierare. Sa ni wacũ tutua maca cãriquirore Cohãcjũ yuhduosi.

¹⁵⁻¹⁶ Jesu yaquiro, Jesu yacoro ñañe suhti dihita tiquina cõogũ ihñana, tiquina ihyati mariedagũ ihñana, dahse yeajari musa tiquinare apee boro cõona ijina? "Quehnoano ijiaja musa. Sa yena quehnoano suhti sañaña. Sa yena quehnoano ihyaya yapi iji cãhña," niepenata tiquina cahmeñene musa oheragũ musa sa nimedĩ ne dahseati ijierare.

¹⁷ Sa yena "Cristore wacũ tutuaja," musa niepegũta quehnoañene musa yeragũ Cristore musa wacũ tutuaye ne dahseati ijierare.

¹⁸ Musa mehna cjāno ahri yuhū buherire tuho dueraro ohō saha masi-ahdo. Quehnoañene yeraperota “Cristore wacū tutuaja,” niboaga tiqiro. Quehnoañene yeraro Cristore tiqiro wacū tutuayere apequinare masigū ye masiedare. Quehnoañene yერიқiro pūrita quehnoañene tiqiro yeye mehna Cristore tiqiro wacū tutuayere masigū ye masine.

¹⁹ “Cohācjū ihcāquiota ijire,” ni tuhoture musa. Musa sa ni tuhotugū quehnoarīne. Sa ijiepegūta to punota Cohācjūre yuhtiro marieno tiqirore musa masigū ti duhseati ijierare. Watīa gūhu musa tuhoturo sahata tuhotuñohti. Sa ijīye Cohācjū tiqiro ijīye tiyere masiñohti tiquina. Sa masiñe, cue, nanareñohti.

²⁰ Ihcāqiro quehnoañene yeraperota “Cristore wacū tutuaja,” ni tuhoturiqiro ijīro tuho masieniqiro ijire. Cristore wacū tutuamediqiro quehnoañene yeraro potota Cristore wacū tutuerare.

Ohō saha ni yahutja musare ahrire:

²¹ Abrahā mari ñecu manano tiqiro macano Isaac wame tiriqirore wejē basamahye Cohācjūre. Sa yero tiqirore utā paca mehna tiquina yeri buhu bui duhu peomahye. Sa duhu peoro Cohācjū dutiriro sahata tiqiro macanore wejēno taro nimahye Cohācjūre ño peoro taro. Tiqiro sa yegū ihñano “Potota quehnoariqiro ijire,” ni ihñahye Cohācjū tiqirore.

²² Tiqiro sa ni ihñagū ahrire masine musa: Abrahā Cohācjūre wacū tutuaro tiqirore yuhtiahye. Sa yuhtiro Cohācjūre tiqiro wacū tutuayere ihñono niahye.

²³ Sa yero Cohācjū yere tiquina ojoari pūpu tiqiro nidiro sahata sa wahahye: “Abrahā Cohācjūre wacū tutuahye. Tiqiro sa yegū ihñano ‘Quehnoariqiro ijire tiqiro’, ni ihñahye Cohācjū tiqirore”, ni ojoahye Cohācjū yere tiquina ojoari pūpu. Tiqiro sa ni ihñagū masiñe “Abrahā Cohācjū mehna cjāno ijire,” nine masa tiqirore.

²⁴ Sa yena ahri yuhū yahuatire masine musa: “Cohācjūre wacū tutuaja,” nidiqiro, tiqiro quehnoañene yeragū ihñano Cohācjū pehe tiqirore “Quehnoariqiro ijire,” ni ihñedare. Cohācjūre wacū tutuariqiro pehere potota tiqiro quehnoañene yegū ihñano “Quehnoariqiro ijire,” ni ihñare Cohācjū tiqiro pehere.

²⁵ Sata ni ihñahye Cohācjū Rahab wame tiricorore umma mehna ñano yeducumedicorore. Josué manano tiqiro ohoriquinare quehnoano piti ca, “Quehnoano sajā taya,” niahye ticoro. Sa yero tiquina tojoa duagū ticoro pehe ape maha pehere ihñoahe tiquinare “Tiqinare ihña tuhtiequina wejēari,” nino. Ticoro sa yegū ihñano

“Quehnoaricoro ijire,” ni ihñahye Cohācjū ticorore.

²⁶ Sata ijire. Mari pagupure jeripohna mariedagū catieraja mari. Sa yero jeripohna mariedagū mari pagū duhseati ijierare. Sata “Cohācjūre wacū tutuaja,” mari niepegūta mari quehnoañene yeragū queoro ijierare mari wacū tutuaye. Sa yero mari quehnoañene yeye mariedagū mari wacū tutuaye duhseati ijierare, jeripohna marieni pagū yero saha.

3

Mari duseropu wijiayere mari yahuducuyere yahuahye

¹ Cohācjū yere masare buheyequina tiqiro yere tiquina quehnoano yeragū ihñano tiquina pūritare masare buheeyequina yuhduoro Cohācjū buhiri dahrerota. Tire musa masine. Sa yena musa mehna cjēna masare buheyequina peyequina ijieracāhdo.

² Ijipihtieyena peye tahari mari ñañene yeaja. Ihcāqiro ñañene yahuducueriqiro Cohācjū cahmeñene quehnoano yeriqiro ijire tiqiro. Sa yero apeye ñañe gūhare yerare.

³ Ohō saha ijire ahri mari queoye mehna buhegū: Caballo duseropu come pji tiqiro ñehmenore ña dihori pjiñe mari cūaja, tiqirore mari majareducagū yena tana. Sa yena ti pji come pji mehna tiqirore tiqiro wahatoru mari weje majare docoaja. Ti pjiñe meheni pjiñe ijiepegūta ti pjiñe mehna tiqirore wahagū yeaja mari. Sata mari dusero mehenogā ijiepegūta ti dusero mehna pajiro yeaja mari.

⁴ Yucusa quiti mehna queoye mehna yahu nemoutja musare: Yucusa pajiria ijiepegūta tiare wihnono tutuaro wēdoqueoepēgūta ohoturiqiro pehe meheni pjiñe mehna tiare noho tiqiro waha duaropu ohoture.

⁵ Sata ijire mari duseropu wijiaye. Mari dusero mehenogā ijiepegūta ti dusero mehna pajiro yeaja mari. Meheni pecagā pajiro ti peca uñ cāno saha mari dusero mehna mari yahuducuye mehna pajiro ñañene yeaja.

⁶ Sa yero mari dusero uñari peca yero saha ijire. Mari duseropu wijiaye ijipihtieye ñañene yegū yere marine. Peca uñ ducaro saha mari duseropu wijiaye mehna mari quehnoano ijiborire ña yuhduaro yeaja mari. Ñañene yahuducuna watino tiqiro dutiro saha mari yena niaja.

⁷ Ijipihtieyquinare nucu cjēnare wahiquinare, minicjuare, sihcō cāñhequinare, wahire mari ihña wahāgū ye masiaja. Sa yena mari peyequina tiquina borore ihña wahāgū ye tuhasau. Sa ye tiquina quehnoano tuho masine.

⁸ Tiqinare mari yuhtigū yepegūta mari dusero pehe ñañene yahuducuro ne duhuera yuhduare. Sa yero nuñeqinare mari yuhtigū yero saha mari dusero pehere ne yuhtigū ye masiedaja mari. Mari duseropu wijiaye ña yuhduaye ijire. Sa yero aña apeqinare tiqiro wejēno saha marine apeqina gūhare ña yuhduaro wahagū yere mari dusero.

⁹ Mari dusero mehna Cohācjū mari puhtoro mehna mari quehnoano yahuducujaja. Sa yahuducuepenata masa Cohācjū yero saha ijiepeqinare tiqiro bajumehnediquina tiqina ijiepegūta tiqinare ña yuhduaro ni yahuducujaja mari.

¹⁰ Ihcā duseroputa quehnoañene yahuducuyē gūhu, ñañene yahuducuyē gūhu wijā. Yuhū acaye, sa ni yahuducueracāhña.

¹¹ Māgā pohtepu aco wijiari coperu quehnoañe aco, ñañe aco gūhu ne wijaerare.

¹² Yuhū acaye, higueraḡu olivo pacare dūca tierare. Sa yero uhse da higuera pacare dūca tierare. Sa ye moreno mehna pue paca dūca tierare. Sa ye māgā pohtepu aco wijiari coperu moa yuaye co wijiagū moa marieñe co wijaerare. Sata mari duseropu quehnoañe yahuducuyē, ñañe yahuducuyē mehna wijaeracāhdo.

Quehnoano masiñe waro ohō saha ijire

¹³ Ihquēquina masa mehna cjēna quehnoano masiñequina ijire. Sa yena "Apeqina yuhduoro quehnoano masiaja usā," niedacāhña. Sa niedana quehnoañene yeya masa. Sa quehnoano yena potota quehnoano masina ijire masa.

¹⁴ Sa yena apeqiro apee borore tiqiro cuogū ihñana cahme ihña coona, apeqina mehna usuaducuna, apeqinare yuhduca duana, "Cohācjū yere quehnoano masiaja usā," niedacāhña masa. Masa sa nina ni mehona ijire masa.

¹⁵ Sa yeyequina tiqina wacūñe Cohācjū ye wacūñe ijierare. Tiqina wacūñe ahri yehpa cjēna tiqina ñañe wacūñe ijire. Tiqina wacūñe pehe watño ye ijire.

¹⁶ Masare cahme ihña cooyequina, apeqinare yedoho dueyequina sa cahme tuhtiducure. Sa ye ijipihtiyē ñañene yedoducure.

¹⁷ Apeqina pehe Cohācjū yere quehnoano masiñequina pehe tiqina pūrita sa ye maca quēhe niedare. Sa ye tiqina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcāno saha yeyequina ijire tiqina. Tire yeye, ni mehono marieno yere tiqina.

¹⁸ Sa yena cahmequeno marieno ijina, apeqinare "Cahmequedacāhña," mari ni yahuna quehnoañequina wahagū yena niaja mari masare.

4

Ahri yehpa cjē ñañene cahmena, Cohācjūre ihña tuhtina ijire masa

¹ ¿Duhse ijiro boro masa cahme tuhtiajari? ¿Sa yena duhse ijiro boro cahmequeajari masa? Ñañene tutuaro cahmena, cahmeque duare masa. Quehnoañene ye duepenata ñañene yere masa.

² Apee borore masa cahmene. Sa cahmena masare wejēne masa tiqina yere nena tana. Sa yena apeqiro apee borore tiqiro cuogū ihñana tire masa tutuaro cahmene. Sa cahmepenata tire nea masiedare masa. Sa yena tire cahme sehña soducure masa. Cohācjūre siniedana, masa cahmeñene ne bocaerare.

³ Sa yena Cohācjūre sinina, masa ye ijiahi dihitare sinimene masa, masa cahmeno sahata yeducuna tana. Apeqina ye ijiahi pehere sini basaerare. Sa masa sinigū Cohācjū masa siniñene ohoerare.

⁴ Cohācjūre duhurina ijire masa. Ahri yehpa cjē ñañene cahmena, Cohācjūre ihña tuhtire masa. ¿Tire masiedajari masa? Sa yero ahri yehpa cjē ñañene cahmediquiro Cohācjūre ihña tuhtiriqiro iji tuhasare.

⁵ Ohō saha niahye Cohācjū yere tiqina ojoari pūpu: "Cohācjū yaqiro Espiritu Santore mari mehna ijiahiqirore cūri. Sa yero Espiritu Santo pehe marine cahño, ñañene mari tutuaro cahmepegūta cahmesāedare tiqiro. Ihcāqiro namonore tiqiro cahñ doero saha marine tutuaro cahñe Espiritu Santo", ni ojoahye panopu. Tiqiro sa ni ojoari ihyo warota ijierare. Poto ijirota nine.

⁶ Sa yero Cohācjū marine quehnoano yedohore tiqirore mari quehnoano yuhtiatire. Ohō saha nine Cohācjū yere tiqina ojoari pūpu: "Yuhū pūrita apeqinare masi yuhducajaja," nidiquirore, Cohācjū ihña tuhtire. Apeqiro pehere 'Nagu, ihyo ijigu ijiaja,' nidiquiro pehere Cohācjū yedohore, tiqirore quehnoano yuhti dutiro", nine tiqiro yere tiqina ojoari pūpu.

⁷ Sa yena Cohācjūre quehnoano yuhtina ijiaja masa. Sa yena watñore yuhtieracāhña. Sa masa yuhtieragū ihñano tiqiro pehe masare duhti oma cāa waharota.

⁸ Cohācjūre quehnoano yuhtiya masa. Masa sa yegū tiqiro pehe masare yedohorota.

Ñana ijire masa. Sa yena ñañene ye nemoedacāhña. Ñañe gūhare cahmena, quehnoañe gūhare cahmena ijire masa. Sa

yena musa ñaŋe yerire bujua witiya. Musa sa yegū ihñano Cohācjū musa ñaŋe yerire cohānota.

⁹Musa ñaŋene yerire tutuaro bujua witiya. Sa yena musa ñaŋe yeri buhirire utiya. Bucueye mehna bujua ijieracāhña. Sa yena musa ñaŋe yerire ñano jeripohna tina, tire bæ tina ijiya.

¹⁰“Ñagu ihyo ijigū ijiaja yuhū”, nina, Cohācjūre ño peoya. Musa sa yegū tiqiuoro pehe musa ñaŋe yerire cohāno, quehnoano yerota musare.

Tiquina acayere Jesu yequinare tiquina basi ñano quiti ye dutierahye

¹¹Yuhū acaye, Jesu yequina ijina, musa basi ñano quiti yeracāhña. Musa acayurore ñano quiti yena tiqiuoro buhiri dahre duti duana niaga musa. Cristo ye dutiye pehe masare buhiri dahre dutiye iji tuhasare. Sa yena masare ñano quiti yena Cristo ye dutiyere ohō saha nina niaga musa: “Marine quehnoano dutierare Cristo ye. Sa yena mari esa tuhoro buhiri dahre dutihna”, nina niaga musa masare ñano quiti yena. Sa nina Cristo ye dutiyere ñano ni yahuducuna tojoare musa. Sa yena ti dutiyere yerana tojoare.

¹²Masare dutiyere ohoriqiuoro, masare beseriqiuoro Cohācjūta ijire. Sa yero masare pecarū wahaboriquinare tiqiuoro yuhūo masine. Sa yero tiqiuoro masare pecarū cohā masine. Sa yena mari pehe masare “Ñañequina ijire”, ni masiedaja. Cohācjū dhita mari acayere beseti qiuoro ijire.

Ñamiare dūhse mari ijiatire masiedaja mari

¹³Yojoarure yuhūre tuhoya musa. Ohō saha nina tuhoya yuhūre: “Miare, ñamiare ape macarū ijina wahanata. Topure ihcā cahma ijina, apee boro dua, dūnata. Sa yena wapatanata mari”, nine ihquēquina musa mehna cjēna Cohācjūre wacūno marieno. Sa nina ijina, yuhū pehere tuhoya musa. Sa niñequinare ahrire yahugū tagū niaja.

¹⁴Ñamiarū dūhse musa ijiatire masiedare musa. Ehmeo iji, duita pihti mujano saha ijire mari ijiye tiye. Ehmeo mehenogā iji, pihtia wahare. Ohō saha mari gūhū mehenogā ijina, yariaa wahanata.

¹⁵Sa yena ohō saha ni tuhotuya musa: “Cohācjū cahmegū ijinata mari. Sa yena tiqiuoro cahmegū ohō saha yenata mari”, ni tuhotuya musa.

¹⁶Yuhū sa niepegūta yojoarure “Mari esa tuhoro ohō saha yenata”, niducumene musa pehe Cohācjūre wacūno marieno. Sa niducuna ñaŋene yere musa.

¹⁷Quehnoañene mari yeatire masiepenata tire yerana, ñaŋene yena niaja mari.

5

Doeri cjē opanare yahuahye Santiago

¹Doeri cjē opana musa yojoarure tuhoya yuhūre. Camerure musa ñano yuhūdanata. Sa yena uti sañuducuya musa.

²Musa doeri cjē ahba pihtia waharota. Sa ye musa suhtire casia gūhū ihya pehoeta.

³Musa niñerure musa pajiro ihbogū ne ti dahseati ijierare. Pihtiri deco panogā musa sa ihbogū ihñano niñerure musa cahīgū masine Cohācjū. Sa yena niñerure musa cahīdi buhiri pihtiri deco ijigū ñano yuhūdanata pecarū musa ujjūgū musa pagure ujjū pjero saha.

⁴Musa weserire dahra cohteyequinare wapa yerari musa. Sa yena musa tiquinare ni mehori. Sa yero tiquinare musa wapa yerari niñerure ihñano, musa ni mehorire masine Cohācjū. Musare dahra cohteyequina wapa ye dutiye, sañuducure tiquina. Tiquina sa ni sañuducugū mari puhtoro Cohācjū tutua yuhūariqiuoro tiquinare tuhore.

⁵Ahri yehparure peye doeri cjē mehna ijie tiri musa. Sa yena musa bucueye dihitare yee tiri musa. Sa yena pajiriqiuoro wacu tiquina quehnoano nuriqiuoro yero saha ijire musa. Sa ye pajiriqiuoro wacu pajiro tiqiuoro ihyari bato tiqiuoro tiquina wejēati cuhturū ne cāre. Sata musa gūhūre pajiro musa cwori bato musare tiqiuoro buhiri dahreatorū ne cānota Cohācjū.

⁶Quehnoañequinare peresu ye, wejē dutiri musa tiquinare. Musa sa yegū tiquina pehe duhti wijia masiedare.

Cristo tiqiuoro tojoa tatire quehnoano cohte dutiahye marine Santiago

⁷Sa yena yuhū acaye, mari puhtoro Cristo ahri yehparure tiqiuoro tojoa tatire quehnoano cohteya. Wese upuro tiqiuoro oteye dūca tiati pjere quehnoano tiqiuoro cohtero saha quehnoano cohteya. Tiquiro oteyepure “Acoro ahtaahro” nino tiqiuoro ya wesere ti quehnoano pihniatire quehnoano cohtere tiqiuoro.

⁸Sata musa gūhū quehnoano cohteya. Mari puhtoro tiqiuoro tojoa tato mehenogā dūhsare. Sa yena Cohācjūre sa wacū tutuaducuya musa. Sa yena tiqiuoro ahtatire sa cohteducuya musa.

⁹Yuhū acaye, musa basi ñano quiti yeracāhña Cohācjū musare “Buhiri dahreari”, nina. Sa yena ahrire wacūña musa. Buhiri dahreatiqiuoro tiqiuoro ahtato mehenogā dūhsare.

¹⁰Yuhū acaye, ñano yuhūepenata mari puhtorore quehnoano cohteya Cohācjū yere yahu muhtariquina tiquina yeriro sahata. Tiquina ihcāno sahariro sahata ihcāno sahaya, tiquinare ihña cūna.

¹¹ Sa yena ahri yuhū yahuatire wacūña m̄sa. Ñano yuhd̄uepeta Cohācj̄ure duh̄ueye-quinā bucueyequinā ijire. Panop̄a cjanore Job wame tiriquire tūhori m̄sa. Tiquiro ñano yuhd̄ueperota Cohācj̄ure duh̄uerahye. Sa yero tiquiro ñano yuhd̄ari bato Cohācj̄ū tiquiro quehnoano yeahye. Cohācj̄ū mari puhtoro quehnoano paja ihñariquire ijiro, sata yeahye tiquiro. Ti ijipihtiyere masine m̄sa.

¹² Yuhū acaye, ahrire tūhoya. Ohō saha ni wame peore masa: “Ūhm̄use cjanō mehna poto nina niāja”, nine masare tūho dutiye. Tiquina yero saha sa ni wame peoeracāhña. Ūhm̄use mehna, ahri yehpa mehna, apee boro mehna sa ni wame peoeracāhña. Ahrire masare tutuaro dutiaja. M̄sa apequinare yahuna, quehnoano potota yahuya tiquinare. Ni wame peo yahu nemoedacāhña. Sa m̄sa poto yahugā ihñano Cohācj̄ū sijoro saha m̄sa nidi buhirire buhiri dahresi.

¹³ M̄sa mehna cjanō ñano yuhd̄ariquire ijiro, Cohācj̄ure siniahdo tiquiro. Ape-quire bucueriquiro ijiro Cohācj̄ure bucueye mehna basaahro.

¹⁴ M̄sa dohatina, Jesu yequina puhtoare pijioya m̄sa. M̄sa sa pijiogū tiquina pehe masare uhse mehna wisōeta. Sa yeye mari puhtoro Cohācj̄ure masare sini basaeta tiquina.

¹⁵ Sa tiquina sini basagū “Mari sinino sahata tiquiro yerota”, tiquina ni tūhotugū Cohācj̄ū masare dohatinare yuhd̄orota. Sa yero masare quehnoana wahagū yerota mari puhtoro. Sa ye m̄sa ñañe yeri buhiri m̄sa dohatina ijigū ihñañe masare sini basaeta. Tiquina sa sini basagū ihñano m̄sa ñañe yerire borota Cohācj̄ū.

¹⁶ Sa yena m̄sa mehna cjenare m̄sa ñañe yerire cahme p̄a peheri yahu yuhd̄uya. Sa yena m̄sa basi Cohācj̄ure cahme sini basaya. M̄sa sa sini basagū m̄sa sini basariquinare Cohācj̄ū yuhd̄orota. Quehnoañene yena m̄sa ijigū Cohācj̄ure tutuaro m̄sa sini basari sahata yerota Cohācj̄ū. Sa ye m̄sa sini basaye tutuarīaga. Ihyo ijije ijierare.

¹⁷ Cohācj̄ū yere yahu m̄h̄tariquire m̄n̄ano Elia wame tiriquire mari yero sahata mas̄no ijie tiahye. Sa yero “Acoro ahtaeracāhdo” ni tutuaro siniahye Cohācj̄ure. Tiquiro sa ni sinigū ihtia c̄hma quehnoano ape c̄hma deco ahri yehpar̄ne ne acoro ahtaerahye.

¹⁸ Sa yero pari turi tja Cohācj̄ure acorore tiquiro sinigū acoro ahtahye. Sa yero pari turi ahri yehpar̄a yuc̄ari p̄h̄ni, buc̄na, d̄ca tiahye. Sa ye Cohācj̄ure mari siniñe ihyo ijije ijierare.

¹⁹ Yuhū acaye, m̄sa mehna cjanō Cohācj̄ū yere coh̄ariquire Cohācj̄ū yere pari turi

tiquiro cahmeaire tiquirore yahuna, quehnoano yena nine m̄sa.

²⁰ Sa yena ahrire masiña m̄sa: Cohācj̄ure duhuriquirore Cohācj̄ure pari turi cahmegū yena, pecap̄a wahaboriquirore yuhd̄ugū yena niaga m̄sa. Sa yero tiquiro ñañe yerire Cohācj̄ū borota.

1 San Pedro

Jesu yequinare macari wahariquinare ojoa ohoahye Pedro

¹ Yuhu, Pedro, Jesucristo tiquiuro buhe duti cūrigata ijiaja. Sa yegu musare yoaro cje macaripu waharinare Ponto yehparu, Galacia yehparu, Capadocia yehparu, Asia yehparu, Bitinia yehparu ti yehparipu waharinare musare ijiphtinare ojoa ohoaja yahu. Musare quehnoa duti ojoaja yahu.

² Coã waropare Cohãcjũ mari Pacu "Ohõ saha yeitja", tiquiuro ni wacũyuro sahata musare beseahye. Tiquiuro sa beseri bato tiquiuro yaquiuro Espiritu Santo musare Cohãcjũ yequina ijigũ yeahye. Sa yeahye tiquiuro Jesucristore quehnoano yãhtiana musa ijiatire, tiquiuro dii cohãno mehna musa ñañene cosenohrina musa ijiatire. Cohãcjũ cahĩne mehna tutuaro quehnoa dutiaja musare.

Jesu yequina ijina marine umusepu tiquiuro neatire cohtena niaja mari

³⁻⁵ Cohãcjũ marine tutuaro paja ihñano, Jesucristo yaria masa mujari mehna marine pecapu wahaborinare yuhdugũ yere tiquiuro. Sa marine yuhdugũ tiquiuro yegũ pari turi mari masa bajaruro saha Cohãcjũ pohmata wahaja mari. Sa wahana tiquiuro mehna mari sa ijiducuatire quehnoano masiaja mari. Sa yero musare quehnoano yero taro musare cohtero nine. Tiquiuro mehna musa sa ijiducuatire cunota tiquiuro. Sa yena sa ijiducunata musa. Sa yero tiquiurore musa wacũ tutuagũ, Cohãcjũ tiquiuro tutuaye mehna musare ihña ihboro, yuhdugũ yerota. Pihtiri deco ijigũ musare tiquiuro yuhduorire masigũ yerota tiquiuro. Marine tiquiuro sa paja ihñagũ ihñana, tiquiurore Cohãcjũre mari puhtoro Jesucristo pacarore ño peouhna.

⁶ Sa tiquiuro yuhduoana ijina, mehenogã ahri yehparu musa ijiro puno peye tahari musa ñano yuhduepenata bucuere musa.

⁷ Sa ñano yuhduepenata Cohãcjũre cohãdana musa tiquiurore wacũ tutuaye potota ti ijigũ tire masigũ yena niaga musa. Uru ahri yehpa cje pũrita pihtia waharota. Uru yuhduoro musa wacũ tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha musa wacũ tutuayere Cohãcjũ ihña duaro "Ñano yuhduahro", niboaga musare. Musa sa ñano yuhdari bato potota tiquiurore musa quehnoano wacũ tutuaducugũ ihñano, Cristo ño peoye mehna musare "Quehnoano yeri musa", ninota. Ahri yehparu tojoa taro sa ninota.

⁸ Tiquiurore Jesucristore musa ihñedapenata cahĩne musa. Sa yena yojopure tiquiurore ihñedapenata tiquiurore wacũ tutuare. Sa wacũ tutuana, tutuaro bucuere musa. Cohãcjũ tiquiuro sa musare bucuegũ yegũ tutuaro bucuere musa. Ti bucuere quehnoa yuhduare.

⁹ Sa yero Cohãcjũ musare pecapu wahaborinare yuhdugũ yerota, musa tiquiurore quehnoano wacũ tutuagũ.

¹⁰ Cohãcjũ musare tiquiuro sa yuhduoatire panopu cjeña Cohãcjũ yere yahu mahtariquina tire masi duaye, sinitue tiahye.

¹¹ Cristo tiquiuro ñano yuhduatire, tiquiuro masa mujatire, ijiphtiyequina puhtoro tiquiuro ijiatire tiquiuro masa bajuato panoputa tire yahuyu tuhasae tiahye tiquina. Jesucristo yaquiuro Espiritu Santo tiquiuro yedohoye mehna sa yahuyuahye tiquina. Sa ye tiquina Cohãcjũ yere yahu mahtariquina tiquina yahurire quehnoano masi duaye sinitue tiahye tiquina Cohãcjũre. "Cristo wihirota", Espiritu Santo tiquiuro nidire "¿Noa boro pehe ijirotari?" ni sinitue tiahye tiquina. Tiquiuro wihiatu pje gahare sinitue tiahye.

¹² Tiquina yahuyuri tiquinare masi pehogũ yeati ijierahye. Maripare masi pehogũ yeatire sa ni yahue tiahye. Tire tiquinare masigũ yeahye Cohãcjũ. Umusepu ahtariquiuro Espiritu Santo yedohoye mehna yojopure quehnoañe buheyere musare usã yahuaja. Panopu musa masiatire tiquina yahuyuri tita ijire yojopure musare usã yahuye. Ti buheyere angele gũhu tutuaro masi duae tiahye.

Cohãcjũ marine ñañe mariena iji dutire

¹³ Sa yena quehnoano wacũ masitjiãna ijiyuya musa. Sa yena tuho masina ijiaja. Cristo tiquiuro tojoa tagũ Cohãcjũ musare quehnoano tiquiuro yeatire wacũña. Sa yena tire quehnoano cohteya.

¹⁴ Panopu Cohãcjũre masiedarĩna ñañene tutuaro cahmena ijimedi musa. Yojopure tire yeracãhña. Sa yena tiquina pohne tiquina pacusumare quehnoano tiquina yũhtiro saha yeya musa.

¹⁵ Sa yena tiquiuro yequina ijiatire musare beseriquiro ñañe marieniquiro tiquiuro ijiro sahata musa gũhu ñañe mariedacãhña. Sa yena quehnoañe dihitaro yeya.

¹⁶ Sata ni ojoahye Cohãcjũ yere tiquina ojoari pũpu: "Ñañe mariegu ijiaja yahu. Yuhu sa ijigũ musa gũhu ñañe mariena ijiaja", ni, ojoahye.

¹⁷ Tiquiuro Cohãcjũ ijiphtiyequinare tiquina yerire ihñano ihcãno saha besere tiquinare. Ñañequinare, quehnoañequinare besere. Tiquiuro sa yeriquiro ijigũ tiquiurore "Yuhu Pacu" ni duana quehnoano yeya.

2

Ahri yehparu musa ijiro puno cua pesaro mehna quehnoano ijiducuya musa.

¹⁸ Musa necusumua muna panopu cjenā tiquna yeri ne duhseati ijierahye. Musa gāhu tiquna yeriro saha yena musa ijiepegāta Cristo musare tiquro yequina ijigū yeri. Wapamoñequinare tiquna wapamorire tiquna boriro sahata tiquro pehe musa ñaife yerire potota bo cāhri. Tire quehnoano masine musa. Musare sa yero plata mehna, uru mehna wapa ye wioerare tiquro musare sa yero. Plata, uru butia wahaarota.

¹⁹ Tiquiro pehe oveja quehnoariqiro, wete marieniqiro yero sahata ijiriquiro Cristo tiquro dii mehna tiquro yariari mehna musa ñaife yerire cohā, musare yuhduorota. Tiquiro dii mehna marine sa yero quehnoano waro yero nidi.

²⁰ Panopure ahri yehpare tiquro bajumehneato pano Cristo tiquro sa wahatire masi tuhasahye mari Pacu. Yojobu pehere pihtiatu deco panogā ijigū, Cristore quehnoano masigū yeri mari Pacu musare.

²¹ Cristo yedohoro mehna mari Pacure wacū tutuare musa. Mari Pacu pehe Cristore yariariqiro masori jiri. Sa yero tiqurore uhmasepu cūno ijipihtiyequinare tiqurore ño peogū yahye mari Pacu. Tiquiro sa yegū mari Pacure wacū tutuare musa. Sa yena musare tiquro yuhduoatire quehnoano masine musa.

²² Quehnoaife buheyere tiquro nidiro sahata yena ijina, musa ñaife yerire cohānohrina ijire musa. Sa yena potota mari acayere Jesu yequinare cahī masine musa. Sa yena musa mehna cjenare musa jeripohnari mehna tutuaro cahīña.

²³ Sa yena coā bajuayequina yero saha ijina Cohācju pohna wahari musa. Mari pacusumua mehna masa bajarina ijina came yarianata. Ti yero saha ijierare Cohācju pohna musa wahagū. Cohācju buheye mehna tiquro catigū yeye buheye mehna tiquro pohna wahari musa. Ti buheye mehna Cohācju mehna sa ijiducunata mari.

²⁴ Ohō saha nine Cohācju yere tiquna ojoari pūpu:

Ijipihtiyequina masa taa yero saha ijire. Sa ye quehnoaife tiquna cuoye, taa cohoru yero saha ijire. Taa ñaia wahare. Cohori gāhu buru dijia, ahbaa wahare. Ti yero saha yariare masa gāhu.

²⁵ Mari puhtoro ye buheye pehe ne pihtisi. Tiquiro nidiro sahata sa wahaarota, ni ojoahye.

Ti buheye musare tiquna yahuri quehnoaife buheyeta ijire.

¹ Sa yena ijipihtiyē ñaife yeyere, ni mehoñene, masa ihñono dihita quehnoano iji mehoñene, apee borore tiquna cuogū cooyere, apequinare ñano quiti yeyere tire duhuya musa.

² Sa yena coā masa bajuayequina epēcore tiquna cahmeno saha musa gāhu quehnoaife buheyere Cohācju yere tutuaro cahme nemoña. Sa cahme nemoña musa tiqurore musa wacū tutua nemoatire, tiquro yuhduonohatina musa ijiatire.

³ Sata ijinata musa. Mari puhtoro musare tiquro quehnoano yeyere mehenogā masi tuhasare musa.

Cristo catigū yeriqiro utā yero saha ijire

⁴ Cristo catigū yeriqiro utā yero saha ijire. Wāhu dahreyequina ihcāria utāre tiquna cahmedaro saha masa tiqurore cahmedare. Cohācju pehe tiqurore ihñagū tiquro beseriquiro quehnoa yuhduariqiro ijire. Tiquiro sa ijiriquiro ijigū tiqurore wacū tutuaya.

⁵ Sa yena musa gāhu wāhu cje utā paca yero saha ijire. Musa sa ijina Cohācju ya wāhu cje utāre ihcāno saha tiquna cūriro saha musa tiquro yequina gāhu ihcāno saha quehnoano ijinata. Sa yena Cohācju ya wāhu cjenā quehnoana pahia ijinata musa. Sa yena Jesucristo yedohoye mehna Cohācju yere quehnoano yenata musa. Musa sa yegū ihña bucueroa Cohācju.

⁶ Ohō saha nine Cohācju yere tiquna ojoari pūpu:

Utā wāhuru tiquna cū muhtaria mariedagū wāhure ye duca masiedare. Sata Cristo marieno yeequina waha masiedare masa. Sa yero tiquro ihyo ijiriquiro ijierare. Sa yegu tiqurore Jerusalēpu yojobure cūgu niaja. Tiquiro wāhu beseriquiro quehnoa yuhduariqiro ijire. Sa ye tiqurore wacū tutuayequina bucueta, ni ojoahye.

⁷ Tiquirore wacū tutuayequina pehe quehnoa yuhduaro wahaeta. Sa yero ihyo ijiriquiro ijierare tiquro. Tiquirore wacū tutuayequina pehe sijoro saha wahaeta. Tiquinare ohō saha nine Cohācju yere tiquna ojoari pūpu.

Ahriqiro Cristo utā yero saha ijire. Utāre wāhu dahreyequina tiquna bese cohāno saha masa tiqurore cohāeta. Tiquina sa yepegāta yojobure wāhu dahreyequina wāhure yeye, tiquna cū muhtaria utāre tiquna cūno saha Cohācju tiqurore puhtoro cūri, ni, ojoahye.

⁸ Ahri gāhure nine Cohācju yere tiquna ojoari pūpu:

Omariquiro utāre doque wahā saro tiquiro esaboritore ne eserare. Sata utā yero saha ijiriquirore Cristore cahmedana, tiquirore yuhduducana, Cohācjū cahapū esasi mari, ni ojahye panopū.

Tiquina Cohācjū ye buheyere yuhtierare. Sa yeye panopū tiquiro ni ojaroro sahata Cristore cahmedare. Cohācjū panopū “Sa waharota”, tiquiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

Ohō saha ijire Cohācjū yequina

⁹ MUSA pehe Cohācjū beserina ijire. Tiquiro mari puhtoro tiquiro yequina pahia, tiquiro yere ye basana ijire MUSA. Sa yena tiquiro ya curua cjāna ñaife mariedana, Cohācjū yequinata ijire MUSA. Sata ijire MUSA. Cohācjū tiquiro quehnoa yuhduyere tiquiro yerire apequinare yahuatina ijire MUSA. Musare beseahye tiquiro musare ñaifene ye dutieraro. Sa besero quehnoaife pehere yeanaajare cūri musare.

¹⁰ Panopūre dūhseatina ijierari jiri MUSA. Yojoḡū pūritare Cohācjū yequina ijire MUSA. Panopūre musare paja ihñariquiro musare mariedahye. Yojoḡū pūritare musare Cohācjū paja ihñari.

Cohācjū yere yena ijīya MUSA

¹¹ Yuhū cahīna, ahri yehpapū iji dojatina ijierare MUSA. Cohācjū yequina ijire MUSA. MUSA sa ijina ijigū ahrire tutuaro yahuaja musare: MUSA ñaife tutuaro cahmeñene yer-acāhña. Ti ñaifene tutuaro cahmena, ñana wahana niaga MUSA.

¹² Cohācjūre cahmeeñequina watoa ijina quehnoano yena ijīya MUSA, musare “Yahusāri”, nina. MUSA sa yegū tiquina yojoḡūre musare ñano yahusā dueteta, MUSA quehnoano yeyere masieta tiquina. Sa masiñe, tiquina Cohācjūre “Quehnoagū, tutuagū ijire”, nieta. Sata nieta Cristo ahri yehpapū tiquiro tojoa tagū.

¹³ Mari puhtoro yuhti duana ahri yehpa cjēna puhto gūhure yuhtiya MUSA. Roma cjūnore MUSA ijipihina puhtoro tiquiro gūhure yuhtiya.

¹⁴ Puhtoare yuhduducayequinare buhiri dahre dutiro, ohori puhtoro tiquirore yedo-hoyequinare. Sa yero quehnoano yeyequinare “Quehnoano yeri MUSA”, ni dutiro ohori tiquiro tiquinare. Tiquiro sa ohogū, tiquinare yuhtiya MUSA.

¹⁵ MUSA quehnoano yegū ihñañe tuho masieñequina tiquina esa tuharo musare quiti dahre dueteta quiti dahre masiedare. MUSA sa yegū cahmene Cohācjū. Sa yena MUSA puhtoare yuhtiya.

¹⁶ Cohācjū MUSA puhtoro ijire. Ape-quina cahacjāna ijierare MUSA. Sa ijipe-nata “Usāre dutiriquiro mariedare. Sa yena ñañene yematja”, ni tuhotueracāhña, “Ñañene yeri”, nina. Cohācjū cahacjāna ijire MUSA. Sa yena tiquirore quehnoano yuhtina ijīya MUSA.

¹⁷ Ijipihiyequina musare ño peoya. Mari acaye Jesu yequinare cahña. Cohācjūre ño peoye mehna ihñañe. Ahri yehpa cjēna puhtoro gūhure ño peoya.

Cristo ñano yuhduro tiquiro ihcāno sa-hariro sahata ihcāno sahaya MUSA gūhū

¹⁸ Cahacjāna, MUSA cua pesaro mehna MUSA puhtoare yuhtiya. Quehnoañequina, musare quehnoano yeyequina dihitarare yuhtina ijieracāhña. MUSA mehna usuayequina gūhure yuhtiya MUSA.

¹⁹ MUSA ñano yerapegūta musare tiquina buhiri dahregū “Cohācjū cahmeno sahata ye duaja”, MUSA ni tuhotugū tire MUSA ihcāno sahaḡū “Quehnoano yeri MUSA”, ninota Cohācjū musare.

²⁰ MUSA ñano yeri buhiri tiquina musare buhiri dahregū tire MUSA ihcāno sahaḡū ti dūhseati ijierare. Sa yena MUSA quehnoano MUSA yeri buhirire tiquina buhiri dahregū tire MUSA quehnoano mehna ihcāno sahaḡū Cohācjū “Quehnoano yeri MUSA”, ninota musare.

²¹ Sa ñano yuhduanajare musare tiquiro yequina iji dutiri jiri Cohācjū. Cristo MUSA ye ijiatire ñano yuhduri tiquirore MUSA ihña cūatire.

²² Tiquiro ne ñano yerari. Sa yero ne ni mehoedari.

²³ Tiquirore tiquina tuhtigū, tiquiro pehe tiquinare tuhti cahmedari. Tiquirore tiquina ñano yepēgūta “Quēitja musare”, ne niedari. Tiquina sa yepēgūta tiquinare Cohācjū tiquiro buhiri dahreatire potota tiquiro yeatire masino, “Yuhū Pacapū tiquinare buhiri dahrerota”, ni tuhoturi.

²⁴ Tiquiro basi curusapū mari ñañe buhirire yariari. Sa waha yariari pari turi mari ñañene yeratire, Cohācjū cahmeñe pehere mari yeatire. Tiquiro ñano camī tire, marine pecapū wahaborinare yuhduoro taro.

²⁵ Oveja wisiaye tiquina butiriro sahata mari gūhū pecapū butiatina ijimi. Yojoḡū pehere Cristore, ovejare ihña ihboriquiro yero saha ijiriquirore, marine ihña ihboriquirore wacū tutuaja mari. Sa wacū tutuana, tiquiro yequina wahaḡū mari.

3

Omoca dūhteriquinare ohō saha yero cahmene tiquinare

¹ Sa yegu cahacjēnare yuhū dutiriro sahata MUSA namosānumiare dutiitja.

Musa manasumare yuhdudacaeracãhña tiquina Cohãcjũ buheyere tiquina cahmeatire. Iñquẽquina tiquina Cohãcjũ buheyere cahmeẽnequina ijije, tiquinare musa yuhdudacaeragũ ihñañe Cohãcjũ ye buheyere cahmeboaga tiquina. Ti buheyere musa yahuerapegũta tiquiro yere cahmeboaga tiquina.

² Sata cahmeboaga tiquinare musa quehnoano yeyere, musa ño peoye gãhure ihñañe.

³ Musa numia, cariboyequina numia yero saha yeracãhña. Sa yena musa poarire wũhãpo sepahtana numia, uru darire busana numia, wapa bujuye suhtire sañana numia ijieracãhña, umma musare “Ûe pjegũ yeari”, nina. Musa pagurire masa tiquina ue pjegũ yeracãhña.

⁴ Sa yena musa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuẽgũ yeya. Ti pehere musa yegũ ihyo waro ijierare, Cohãcjũ ihñagũ.

⁵ Sata yee tiahye panopũ cjẽna numia Cohãcjũ yequina numia. Tiquina numia Cohãcjũre wacũ tutuaye numia ijije, tiquina manasumare yuhdudacaera tiahye.

⁶ Sata Sara ticoro manũno Abrahãre quehnoano mehna yuhtie tiahye. Sa yero tiquirore “Pũhto”, ni pisuahye. Sa yena musa quehnoano yena numia ijina, cuero marieno ijina numia ijina, Sara yero saha ijire musa gãhũ.

⁷ Sata musa umma gãhũ musa namosãnumiare quehnoano yeya. Tiquina numia mari umma yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjũ ijipihtiyẽ decori tiquiro mehna mari ijiatire tiquiro ohoriro sahata tiquina numia gãhure ohorota tiquiro. Tiquina sa ijieyequina ijigũ tiquina numiare quehnoano yeya. Cohãcjũre musa siniñene musa dojomehnedatire tiquina numiare quehnoano yeya.

Quehnoano tiquina yepẽgũta apequina tiquinare ñano yeyere yahuahye Pedro

⁸ Ahri mehna musare yahu bato tiitja: Musa ijipihtina ihcãno saha quehnoano mehna ijija. Sa yena musa mehna cjẽnare quehnoano paja ihñañe. Musa acaye Jesu yequinare pũa peheri cahme cahña. Sa yena quehnoano yeya tiquinare. Sa ye “Thyo ijina ijiaja”, ni tahotuya.

⁹ Apequina musare tiquina ñano yegũ tiquinare ñano ye cahmedacãhña. Musare tiquina tuhtigũ tiquinare tuhti cahmedacãhña. Musare tiquina sa yepẽgũta quehnoano yeya tiquinare. Sa yena “Quehnoano ijija”, niña tiquinare. Tire

yeatinare tiquiro yequinare cũri musare Cohãcjũ pehe musare quehnoano yero taro.

¹⁰ Sata nine Cohãcjũ yere tiquina ojoari pũpũ:

Musa quehnoano bucuẽye mehna iji duana ne ñano ni yahuducueracãhña.

¹¹ Ñãñe yeyere duhu cãhña. Quehnoañe pehere yeya. Cahme musa basi ihña tuhtiro marieno ijija. Tire tutuaro yeya.

¹² Quehnoañequinare mari pũhtoro sa ihña ihboducuro nine. Sa yero tiquirore tiquina siniñene sa tahoducuro nine. Ñano yeyequina pehere tiquiro ihña tuhtire, ni ojoahye.

¹³ Quehnoañene musa tutuaro ye duagũ apequina pehe musare ñano yuhdugũ ye duaye, ye masisi tiquina.

¹⁴ Quehnoano musa yepẽgũta musare tiquina ñano yuhdugũ yegũ ihñaño Cohãcjũ musare quehnoano yerota. Tiquiro sa yegũ musare ñano ye duayequinare cueracãhña. Sa yena bujua witeracãhña.

¹⁵ Musa Cristore “Ûsã pũhtoro ijire”, ni tahotuna, ño peoya tiquirore. Sa yena Cristore musa wacũ tutuayere, Cohãcjũ mehna musa ijiatire apequina sinituboaga. Tiquina sa sinituato pano tiquinare musa yuhtiatire quehnoano masiyuya. Sa yuhtina cahño mehna, quehnoano ño peoye mehna yahuya tiquinare.

¹⁶ Quehnoana ijija. Sa yena “Ñãñene yeaja”, ni tahotusi musa. Sa ye Cristo yere quehnoano yena musa ijigũ apequina musare ñano quiti yeye, bũoro wahaeta tiquina.

¹⁷ Ñãñene musa yeri buhiri musa ñano yuhdugũ quehnoaedare. Sa yero Cohãcjũ cahmegũ quehnoañene musa yeri buhiri musa ñano yuhdugũ quehnoañene ti pũrita.

¹⁸ Sata ñano yuhdũri Cristo. Ihcã tahata ijipihtiyequina tiquina ñãñe buhirire yariari tiquiro. Quehnoariquiro ijiri. Sa yero mari ñãñe buhiri ñano yuhdũri tiquiro. Ñano yuhdũri tiquiro marine Cohãcjũ yequina wahagũ yero taro. Tiquiro pagũ yariaa wahari. Yariari bato tiquiro masari jiri.

¹⁹ Sa masariquiro ijiro tiquina buhiri dahreatire cohteyequina mũna yariariquina mũna jeripohnarine buheahye tiquiro.

²⁰ Sa cohteyequina panopũ Cohãcjũre yuhtierariquina mũna ijiahye. Ti pẽpãre Noẽ tiquiro ijiri pẽpãre, pajiria yucasare dohoro niahye. Tiare tiquiro dohori watoa Cohãcjũre yuhtierariquina mũnare tiquina yuhtigũ cahmeno, tiquina yuhtiatire yoari pje cohtemahye Cohãcjũ. Sa ye meheñequinagã ocho masa dia minidi pjere yuhdũahye.

²¹ Minigũ tiquina yuhdũriro saha wame yeye mehna yuhdure masa. Mari pagũre

mari wete tu cosero saha ijierare wame yeye. Sijoro saha ijire wame yeye. Ñaife mariena mari ijlatire Cohâcjäre mari siniñe ijire ahri wame yeye. Sa yena Jesucristo tiqairo masa mujari mehna yuhduaja mari.

²² Tiquiro Jesucristo umuseru wahahye poto pehepu dujiro taro, Cohâcjü mehna dutiro taro. Sa yero tiqairo angele bui, umuse cjenä puhtoä bui, dutieyquina bui tiquina puhtoro ijire.

4

Cristo yequina ijina quehnoañe pehere comesarina ijinata

¹ Mari ñano yuhdüna ñaife yeyere duhu cjä mari. Sa yena Cristo ñano yuhdüro tiqairo cuerariro sahata tiqairo usuerariro sahata masa gühu tiqairo yero sahata yeya.

² Sa yeya masa ñañene masa ue pjerire masa duhuro quehnoano, Cohâcjü cahmeñe pehere masa yero quehnoano.

³ Panoru Cohâcjäre cahmeeñequina ñañene tiquina ue pjerire tiquina yeriro sahata yeducumahye masa gühu. Bue tiro marieno ñano yena, ñañene tutuaro masa ue pjerire yena, quehena, queheye bese decorire yena, “Cohâcjü ijire”, masa niñe queoyere ño peona ti pehere yee timahye masa. Ti queoyere ihña yabire Cohâcjü. Sa yena to punota ye bato tiya.

⁴ Sa ye ti ña yuhduayere yeyequina mehna masa ijigü yojopare masa tire yeragü ihñañe tiquina pehe ihña maria wahari. Sa ye tiquina musare quiti dojomehnedi.

⁵ Tiquina sa yegü ihñano tiquina ñaife yerire Cohâcjü pehe sinituro, yahu yuhdü dutirota tiquinare. Tiquiro catieyquinare, yariariquina gähure beseatiqairo buhiri dahreatiqairo ijire.

⁶ Tiquiro sa beseatiqairo ijigü Jesu yequina pehe yojopare yariariquina manare quehnoañe buheyere yahuri tiquina yariato pano. Sa ni yahuri tiquina pagurire Cohâcjü tiqairo yaria dutiepegäta. Sa yahuri tiquinare Cohâcjü ijipihtiyere decori tiqairo ijiro saha tiqairo mehna tiquina ijducatire.

⁷ Pihtiati deco mehenogä duhsare. Sa yena quehnoano wacü masina ijiya, yojopare Cohâcjü mehna masa quehnoano yahuducuatire.

⁸ Apequinare cahña, peye tahari tiquina ñañene tiquina yepägata sa ihña cjä mari. Sa yena masa mehna cjenare sa cahiducuya. Apeye dutiye yuhdüoro ahrireta yeya.

⁹ Masa mehna cjenare unureno marieno masa ye wuhuseru sajä ta dutiaya.

¹⁰ Cohâcjü musare ijipihtinare masa yeatire cüri. Tiquiro sa cügü, masa ye masino sahata masa mehna cjenare tire quehnoano yeya. Cohâcjü musare cüri masa

yeatire. Tiquiro cüriro sahata apequinare quehnoano yedohona, Cohâcjü cüriro saha quehnoano yena niaga masa.

¹¹ Masa quehnoano yahuna, Cohâcjü tiqairo yahuboriro saha quehnoano yahuya masa gühu. Masare yedohona Cohâcjü tiqairo cüri tutuaye mehna apequinare yedohoya. Ti ijipihtiyere yena Cohâcjäre masa tiquina ño peoatire sa yeducuya. Jesucristo pehe tire masa yegü yedohorota. Tiquirore ijipihtiyere decori ño peo, “Tutuagu ijire”, nino cahmene ijipihtieyquinare. Sata niahdo.

Jesu yequina tiquina ijiri buhiri tiquina ñano yuhduyere yahuahye Pedro

¹² Yuhu cahña, yojopare ña yuhdüaro yuhdüna, “Yohou, sijoro saha ijiro wahaga yuhure”, ni, wacüedacähña.

¹³ Cristo tiqairo ñano yuhdariro saha masa gühu tiqairo yero saha sa wahana, bucueya masa. Sa bucuenta Cristo asi siteye mehna tiqairo tojoa tagü masa quehnoano bucuenata.

¹⁴ Cristo yequina masa ijiri buhiri apequina musare tiquina tuhtigü Cohâcjü yaqairo Espiritu Santo asi siteriqairo masa mehna ijiro nine. Sa yena bucueya masa.

¹⁵ Sa yena masare wejädacähña masa. Apee borore yaqueracähña. Ñano yeracähña. Sa yena apequina tiquina yerire ihñana tiquinare sijoro saha ni dojomehnedacähña. Ti buhiri masa ñano yuhdügü ñarñe.

¹⁶ Sa yena Cristo yequina masa ijiri buhiri ñano yuhdüna, bue tieracähña. Ñano yuhdüepenata Cristo yequina masa ijiye mehna bucuenta, Cohâcjäre “Quehnoare”, ni, ño peoya masa.

¹⁷ Cohâcjü tiqairo yequina yerire ihñano tiqairo beseati pje ijiro nine yojopare. Ijipihtina mari tiqairo yequina mari yerire ihñano bese muhtanota, “Ahri ñaife ijire. Ahri quehnoañe ijire”, nino. ¿Sa bese muhtano duhse yerotari tiqairo yequina ijiteyquina pehere? Tiquirore yuhtieyquina pehere tutuaro buhiri dahrerota.

¹⁸ Sa ye quehnoañequina yuhdüeta. Tiquina sa yuhdüati mijo cjäre. Ti sa mijo cjägü Cohâcjäre cahmeeñequina, ñañequina pehe ne yuhdüsi. Basioerare tiquinare.

¹⁹ Sa yena Cohâcjü cahmegü masa ñano yuhdüna, quehnoañene masa yerire duhueracähña. Sa yena musare bajumehnediqirore, musare ne duhueriqirore tiqirore wacü tutuaya masa.

5

Jesu yequina tiquina yeatire yahuahye Pedro

¹ Yojoþare Jesu yequina þahtoare yahutja. Yuhu Jesu yequina þahto ijiaja. Msa gahu tiquina þahtoata ijire. Msare yuhu yero saha þahtoa ijinare ahrire yahugu taga niaja yuhu. Cristo tiquiuro ñano yuhðarire ihñarigu ijigu, ahmaseþu Cristo mehna yuhðacju ijigu ahrire msare yahutja:

² Cohãcjü yequina oveja yero saha ijire. Msa pehe ovejare ihña ihboyequina yero saha ijire. Tiquinare Cohãcjü msare tiquiuro cüriquinare tiquiuro yequinare quehnoano ihña ihboya. Sa yena Cohãcjü tiquiuro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña msa. Cohãcjü cahmeno sahata yeducuna ijija.

³ Sa ihña ihbona tiquinare ñano dutiperacãhña. Sa yena quehnoano yeya msa Jesu yequina msare tiquina ihña cüatore.

⁴ Msa sa yena Cristo ijipihtinare marine ihña ihboriquiro tojoa taga tiquiuro msare quehnoañene ohoatire msa yuhðatire cuonata. Ti msa cuoati ne pihtisi.

⁵ Tiquinare yuhu dutiriro sahata msa wahma pja gahu msa þahtoare yuhtiya. Sa yena msa mehna cjënëare ijipihtiyequinare ño peoya.

“Masi yuhðuðcaja”, niñequina pehere Cohãcjü ihña tuhtire. Apequinare ño peoyequina pehere “Ihyo ijina ijiaja”, ni tuhotuyequina pehere quehnoano yere tiquiuro.

⁶ Sa yena Cohãcjü tutuariquiuro msare tiquiuro dutigü tiquirore ño peoya. Msa sa yegü tiquiro queori pje ijigü msare apequina ño peoeta tiquiro dutiro mehna.

⁷ Tiquiro msare pajiro tuhotu ihña ihbore. Sa yena tiquirore wacü tutuana, ne pajiro tuhotueracãhña msa pehe.

⁸ Sa yena wacü masi ijija. Msare ihña tuhtiriquiro watño yairo usuariquiuro tiquiro maca ihya duaro saha msare ñano yuhðugü ye duare. Sa yero msare ñano ye dutire.

⁹ Ijipihtiroþu ahri yehþare apequina Jesu yequinare ñano yuhðugü yere watño. Tire masina, tiquirore yuhtieracãhña. Sa yena Cristore tutuaro wacü tutuaya msa.

¹⁰ Sa yena mehenogã msa ñano yuhðari bato Cohãcjü msare yedohorota. Msare quehnoana ijigü yerota. Sa yero tiquirore msa wacü tutua nemogü, tiquirore msa ne duheragü yerota msare. Tiquiro ijipihtiyede cori ahmaseþu Cristo mehna msa ijiatire msare cüriquiuro ijire. Tiquiro Cohãcjü ijire ijipihtiyequinare paja ihñariquiro.

¹¹ “Ijipihtiyede cori tiquiro tutuariquiuro ijire”, ni ño peuhna tiquirore. Sata yeihna.

Quehnoa duti bato tiahye Pedro

¹² Ahri þu meheni þügãre msare yuhu oho duagü Silvano pehe yuhñere ojoa basari. Tiquiro Jesu yaquiuro yuhu acayuro Jesure duheriquiro ijire, yuhu tuhotugü. Msare quehnoano yahu duaja. Sa yegu “Ahri buh-eye potota Cohãcjü marine tiquiro cahñene yahuri buheye ijire”, ni yahugu msare ahri þure ojoaja. Sa yena ahri buheyere ne duheracãhña msa.

¹³ Msare tiquiro yequina ijiatinare tiquiro beseriro sahata Jesu yequina Babilonia cjëna gahñere beseahye Cohãcjü. Tiquina pehe msare quehnoa dutire. Marco gahu yuhu macu yero saha ijiriquiro msare quehnoa dutire.

¹⁴ Msa mehna cjënëare quehnoano mehna piti caya.

Ijipihtina Jesucristo yequinare quehnoa dutiaja msare.

2 San Pedro

Jesu yequinare ojoa ohoahye Pedro

¹ Yuhu Simo Pedro, Jesucristo buhe duti tiqiro cūrigū ijiaja. Sa yegū tiqiro cahacjāta ijiaja. Sa yegū musare ojoa ohoaja yuhu. Cohācjū marine yūhdwōriqiro Jesucristo pehe ñañe marieniquiro ijire. Sa yero tiqirore mūsa wacū tutuagū, tiqiro yequina wahagū yeri jiri musare. Sa waha mūsa gūhū usā yero saha tiqiro yequina ijire. Mari ihcāno saha tiqiro yequina ijiaja. Sa yegū musare ojoa ohoaja.

² Sa yena Cohācjū gūhūre, mari puhtoro Jesu gūhūre masi nemonā tiqina cahñe mehna quehnoano ijiducunata mūsa. Sa quehnoano mūsa ijiatire musare sini basaja. Sa yegū musare quehnoa dutiaja.

Ohō saha ijire Cristo yequina

³⁻⁴ Tiqiro yequina ijiatinare Cristo marine pijiri. Tiqiro sa pijigū tuhona, tiqirore yuhtii mari. Sa yuhtina Cohācjūre masi nemonā, tiqiro tutuaye mehna tiqiro cahmeno sahata quehnoana ijinata mari. Tiqiro ijire tiqiro yequina ijiatinare marine pijiriqiro. Quehnoariqiro, masi pehoriqiro tiqiro ijiro sahata ijiatinare marine pijiriqiro ijire. Sata tiqiro tutuaye mehna marine quehnoa yūhdwāro yeri. “Ohō sahata musare quehnoano yeitja”, tiqiro nidiro sahata marine quehnoa yūhdwāro yeri. Marine tiqiro sa yegū ahri yehpa cjē ñañene, ñañene mari űe pjeje pehere mari duhu cjā. Ti ñañe pehe marine ñano wahagū yemedi. Sa yena tiqirore yuhtina, Cohācjū ijiro saha ijinata mari.

⁵ Sa yena Cristore wacū tutuana iji tuhasare mūsa. Sa yena ohō saha ye nemoña tja: Quehnoana ijiya mūsa. Quehnoano wacū masina ijiya mūsa.

⁶ Ñano ye duepenata Cohācjū cahmeñe pehere yeducuya mūsa. Sa yena Cristo yequina mūsa ijiri buhiri ñano yūhdwēpenata sa ihcāno sahaducuya mūsa. Sa yena Cohācjūre ño peona, tiqiro cahmeñene yeya mūsa.

⁷ Sa yena mūsa mehna cjēnare cahme cahña, tiqinare quehnoano yedohoya mūsa. Sa yena ijipihitiyequina apequina gūhūre cahña mūsa.

⁸ Mūsa sa ye nemogūta quehnoa yūhdwāre. Mūsa sa ye nemonā, quehnoañene yena ijiducunata. Sa yena Cristo tiqiro cahmeñene quehnoano yeducuna ijinata mūsa. Ihyo ijina ijisi mūsa. Sa ye Cristore mūsa wacū tutuari ihyo warota ijisi. Yuhu nidiro sahata mūsa ye nemogū quehnoa yūhdwāre.

⁹ Mūsa sa ye nemoedana Cohācjū yere ne masiedabutiare mūsa. Sa ye nemoedana Cristo mūsa ñano yerire tiqiro cohārire ne wacūedare mūsa. Sata bo cā duare mūsa.

¹⁰ Sa yena, yuhu acaye, Cohācjū yequina ijiatinare musare tiqiro iji dutigū yuhtiri mūsa. Sa yuhtirina ijina, tiqiro yere wacūducu duana, tiqiro cahmeñene tutuaro sa yeducuya. Mūsa sa yena potota Cohācjū mehna ijinata mūsa. Sa yena potota tiqiro beserina ijinata mūsa. Sa yena ñañene yeducusi mūsa.

¹¹ Mūsa sa tiqiro cahmeno saha yerina ijina mari puhtoro marine yūhdwōriqiro Jesucristo tiqiro ijiropū quehnoano wahanata mūsa. Potota tiqiro yequina waro mūsa ijigū ihñano “Quehnoano mehna yuhu mehna ijiya mūsa”, ninota Jesu musare.

¹² Sa yegū ahrire musare sa wacūgū yeducuutja. Ahri musare yuhu yahurire masi tuhasari mūsa. Sa masina Cohācjū yere mūsa tuhoriro sahata quehnoano yena nine mūsa. Sa yerina mūsa ijiepegūta ahri musare yuhu yahurire sa wacūgū yeducuutja musare.

¹³⁻¹⁴ Mehenogū duhsare yuhu yariato. Tire quehnoano yahuri mari puhtoro Jesucristo yūhūre. Sa yegū catinū waro ahri yuhu yahurire musare sa wacūgū yeducuutja. Yuhu sa yegū quehnoarñe.

¹⁵ Sa yegū ahri yuhu yahu ojoarire musare ojoa cū pehogutja, yuhu yariari bato mūsa quehnoano masiatire. Sa yena ahri yuhu yahurire sa wacūducunata mūsa.

Cristo tutuariqiro tiqiro ijiye tiyere ihñahye Pedro gūhū

¹⁶ Sa yena Cristo tiqiro tutuaye gūhūre tiqiro ahtati gūhūre musare yahuna, usā esa tuhoro yahuna niedaja. Tutuariqiro tiqiro ijijere usā basita ihñan.

¹⁷ Cristo tutua yūhdwāriqiro tiqiro ijijere usāre ihñori Cohācjū mari Pacu. Tiqiro sa ihñogū tiqiro pehe quehnoano asi siteriquiro ijiri. Tiqiro sa asi sitegū ohō saha nino ca tari ti asi siteropū: “Ahriqiro yuhu macu, yuhu cahñiquiro ijire. Tiqiro mehna quehnoano bucueaja”, nino ca tari usā tuhogū.

¹⁸ Ūhmūsepū tiqiro sa nigū tuhōu usā. Cūnū buipū Cohācjū tiqiro ijiri cūnūpū Cristo mehna iji usā.

¹⁹ Tire ihñarina ijina, Cohācjū yere yahu muhtariquina panopū cjēna tiquina ojoari potota ijigū quehnoano masiaja usā. Tiquina ojoarire quehnoano buheducuna quehnoano yena nine mūsa. Ti tiquina ojoari Cohācjū yere marine quehnoano masigū yere. Ahri yehpapū ñano tiquina yeri yehpapū mari ijigū quehnoano masigū yere marine. Sa yena Cohācjū yere tiquina ojoarire sa buheducuya. Sa buheducuna

Cristo tiqiro tojoa tagäpü buhe duhunata. Sa tojoa taro tiqiro yere mari masiedarire marine quehnoano masi pehogü yerota.

²⁰ Ijipihtiye ti yuhü yahuri yuhduoro ahri pehere quehnoano masiña masa: Cohäcjü yere panopü tiquina ojoarire buhena mari esa tuharo tire buhena, “Ohö saha nino niaga”, ni masiedaja mari. Espiritu Santo yedohoro mehna masiaja mari.

²¹ Ne masa tiquina esa tuharo Cohäcjü yere ojoaerahye. Panopü cjëna Cohäcjü yere tiquina ojoagü Espiritu Santo pehe tiquina ojoatire tiqinane masigü yeahye.

2

“Cohäcjü ye buheye ijire”, ni meho buheyequinare yahuahye Pedro (Jud 1.4-12)

¹ Panopü mari acaye judio masa mehna cjëna “Cohäcjü yere yahu mühtarina ijiaja”, ni mehoñequina ijie tiahye. Tiquina yero sahata yojopü gähure masa mehna cjëna sa ni mehoñequina ijietä. Potota tiquina buheboroto sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yuhduonohrina ijiaja”, niepeta Cristo dutiyere ne yuhtierare tiquina. Sa ye tiqirore “Üsä pühtoro ijire”, ni tuhotuerare. Ti ijipihtiyere tiquina sa yeri buhiri duita tiqinane Cohäcjü pecapü waha dutirota.

² Sa ni meho tiquina buhegü tuhoye tiquina ñañene tutuaro cahmediro sahata peyequina masa tiqinane ihña cü ñano yeeta. Tiquina sa ñano yegü ihñañe apequina masa gähü quehnoañe buheyere ñano qüiti dahreeta.

³ Sa ye tiquina ni mehoñequina niñerure wapa cahmeñe, ni mehoñe buheyere buheeta masare. Tiquina sa buheri buhiri Cohäcjü tiqinane pecapü waha dutirota. Panopüre sa yeyequinare buhiri dahre duti tuhasahye tiqiro.

⁴ Sata panopü buhiri dahre dutiahye ñañequina angele gähure. Tiqinane pecapü peresu yeahye. Sa yero pihtiri deco bato tiqinane buhiri dahrerota.

⁵ Sata panopü cjëna Cohäcjüre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejähäye. Sa yero Noëne tiqiro mehna cjëna gähure yuhduoahye. Tiquina ijipihtiyequina tiqiro yuhduoriquina ocho masa ijiahye. Noë pehe quehnoañene ye dutiro ti pje cjëna buhee timahye.

⁶ Sata Sodoma wame tiri maca cjëna, Gomorra wame tiri maca cjëna gähure Cohäcjü buhiri dahreahye. Ti macarine peca mehna quehnoano üjia peho cähye. Sa

yero camepü ijiatiqinane tiqirore cahmedatiqinane ihñono niahye. Ñañequinare tiqiro buhiri dahreahye ihñono niahye tiqinane.

⁷ Sa yero Lote wame tiriqirore yuhduoahye. Lote pehe quehnoariqiro ijiahye. Sa quehnoariqiro ijiro Sodoma cjëna Cohäcjü dutiyere yuhduocayequina ña yuhduoro tiquina yegü ihñano caributia wahahye tiqiro Lote. Sa yero amüa tiquina basi tiquina pagari mehna tiquina ñano yegü ihñano caributia wahahye tiqiro.

⁸ Tiqiro quehnoariqiro ñañequina watoa ijiahye. Sa yero decoripe ña yuhduoro tiquina yegü ihñano, ñano tiquina yahuducügü tuharo ñano jeripohna tiahye.

⁹ Tiqirore Cohäcjü yuhduogü ihñana ahri yuhü yahuatire masiaja mari. Cohäcjü mari pühtoro tiqirore cahmeeñequinare tiquina ñano yuhduogü ihñano tiqinane yuhduorota. Sa yero ñañequina pehere peresu yero, tiqinane cüore pihtiri deco ijigü tiqiro buhiri dahreaticinane.

¹⁰ Ñañene tutuaro üe pjeyequina Cohäcjüre yuhduocayequina tiquina püritare ñano buhiri dahrerota tiqiro. Tiquina masa mehna cjëna ni meho buheyequina ñañene yeye, ne cuerare. Sa ye bue tierare tiquina. “Apequinare masi yuhduocaja”, ni tuhotuyequina ijire tiquina. Sa ijieyequina ijie ühmuse cjëna tutuayequinare ne ño peera, ñano ni bujüpere tiqinane.

¹¹ Angele pehe ne tiquina yero saha yerare. Tiquina pehe ni meho buheyequina yuhduoro tutuayequina ijire. Sa ijiepetä tiquina ne bujüpeye mehna ni meho buheyequinare ñano yahusäedare Cohäcjüre, yuhduocayequina ijie.

¹² Sa ye ahriquina ni meho buheyequina pehe nücu cjëna wahiquina yero saha tuho masieñequina ijire. Nücapü boca sa tiquina wejätiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bujüpe, ñano ni yahuducu cohtere. Sa yeyequina ijigü wahiquinare mari wejëdiro saha Cohäcjü tiqinane pecapü cohänota.

¹³ Sa yero tiquina ñano yeri buhiri buhiri dahrerota Cohäcjü. Tiquina ñañene tutuaro cahmene. Sa ye ñano yeducure. Müsa mehna bose deco yeye, ti bose deco ijigü tiquina ñañene ye yuhduare. Sa yeye müsa bose deco tiquina wete ohño saha tiquina ñañene pihore masare.

¹⁴ Sa ye numiare ihñañe, ñehe duare tiquina. Sa ye ñañene sa yeducu duare. Cohäcjüre wacü tutuera cjüñequinare ñañene ye dutiye, sa ijieyequinare tiqinane ihña cügü yere. Sa ijieye tiquina sehsaro apece

borore, niñeru gūhare ni meho ehma mi-hniñequina ijire. Tiquina Cohācjū tiquiro buhiri dahreatiquina ijire.

¹⁵ Tiquina Cohācjū yere buheraye, sijoro saha ijiye buheye pehere buhere. Sa ye Balāa yero saha yeye nine. Balāa, Beor macano ijiahye. Tiquiro pehe panopu tiquiro ñañe yeri mehna niñerure wapata duamahye.

¹⁶ Tiquiro sa yegū ihñano tiquiro yacoro burro tuhtiahye ticoro uparore. Tiquiro yacoro burro yahuducuericoro ijiepegūta Cohācjū ticoro uparore tuhti dutiahye ticorore. Ticoro sa tuhtigū tūhoro Balāa tutuaro tiquiro ñañene ye duamedire duhu cāhye.

¹⁷ Ahriquina ni mehoñequina mări pohteripū aco marieno yero saha ijire. Aco marieñe pohteri ti dūhseati ijieraro saha tiquina ni mehoñequina ne dūhseati ijierare. Sa ye ehmeo cururi wihnono ti wēdoqueoye cururi ti sa comesaducuro sahata, tiquina ni mehoñequina gūhu ihcāno saha yahuducuera, sa comesaducure. Sa yero nahitiano warore quehno tuhasahye Cohācjū topu tiquinare buhiri dahrero taro.

¹⁸ Tiquina ni mehoñequina tiquina yahuducuye dūhseati ijierare. Masiñequina yero saha masare sa buhe maca cāhre. Ohō saha ni buhere tiquina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhegū masa tahoye ñañene ue pjeje, tiquina ye buheye cahmene. Apequina masa Cohācjūre potota coā cahme dūcayequina mehenogāta wahare tiquina ñañene tiquina duhuri bato. Tiquinare ni mehoñequina buhegū tahoye ñañene cahmene tja Cohācjū yequina ijiboriquina ijiepetā.

¹⁹ Tiquinare ohō saha ni buhere ni mehoñequina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhepegūta tiquina nidiro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usā yeri”, ni tahotumene tiquina. Sa ye tiquina ti ñañene ne duhu masiedare. Ti ñañe tiquina puhtoro yero saha ijire.

²⁰ Mari puhtoro Jesucristore marine yūhdūoriqūirore coā cahme dūcayequina pehe ahri yehpa cje ñañene duhu cāmedi. Tiquina sa duhuri bato pari turi ñañene yeye, ña yūhdūaro tojoare tiquina. Cristore tiquina masiatio pano tiquina iji muhtariro yūhdūoro ña yūhdūaro tojoare, pari turi ñañene yeye.

²¹ Sa ña yūhdūaro tojoaye quehnoañe buheye pehere tiquina ne masi muhtaedagū quehnoa yūhdūboya tiquinare.

²² Sa ye pari turi ñañene yeye, masape tiquina ni yahuducue tiro saha yee

nine tiquina. Ohō saha ni yahuducure masa: “Diero etoa tuhasa pari turi tiquiro etoa cūrire ihyare. Sa yero yesere tiquina coseri bato pari turi tiquiro ñari sahbapū cuhsare tja. Sata yere quehnoañene cahmemediquina gūhu pari turi ñañene cahmeñe tja”, ni yahuducue tire masa.

3

Cristo ahri yehpapu tiquiro tojoa tatire yahuahye Pedro

¹ Yūhu cahīna, musare ihcā pū oja oho tuhasau. Sa yegū ahri pūre tja yojoare musare oja ohogu niaja. Sa yegū puā taha ojaogu ahri ijipihtiyere musare wacūgū ye duagu niaja quehnoañe dihitare musare tūhotu dutigu.

² Ahri yūhu yahuatire wacūña musa: Panopu cjeña quehnoañequina Cohācjū yere yahu muhtariquina mana tiquina yahu ojoarire wacūña. Sa yena mari puhtoro marine yūhdūoriqūiro Cristo tiquiro dutiye gūhare wacūña. Ti dutiyere usā tiquiro cūrīna musare buhei.

³ Sa yena ahriye wacū muhtaña: Pihtiati deco panogā Cohācjū yere bujūpeyequina ijietā. Tiquina ñañene tutuaro cahmeducuyequina ijiye, ti ñañene yeducueta. Ohō saha ni bujūpeeta:

⁴ “Cristo ‘Tojoa taatja’, nieperota ne tojoa tasi. ¿Tojoa ta dueperota dūhsero ne bajuerajari tiquiro? Ahri yehpa iji dūcari bato mari ñecusumma mana iji turiayequina tiquina yariari bato ijipihtiro sijoro saha waharo marieno sa ijiducure. Munanota sa ijiducu cāre. Sa yero ahri yehpare ahtatiquiro ahmūsepare mariedare”, ni bujūpeyequina ijietā.

⁵ Sa ni bujūpeye ahri pehere ne wacū duerare tiquina: Panopu Cohācjū tiquiro dutiro mehna ahri yehpare, ahmūse gūhare bajumehneahye. Sa yero ahri yehpapu aco dihita ijirirore dihta ijigū yeahye tiquiro. Sa yero aco mehna ahri yehpa yojoare ti ijiro sahata ahri yehpare yeahye tiquiro.

⁶ Sa yero camepu ahri yehpare miono, cohā pehoahye ahri yehpa cjeñe. Sa yero ahri yehpare ihcā tahata sijoro saha wahagū ye tuhasahye Cohācjū.

⁷ Sa sijoro saha wahagū yeperota yojoare ahmūse, ahri yehpa gūhare pari turi comesagū yerari tiquiro. Tiquiro dutiro mehna ahri yehpare, ahmūse gūhare yojoare ti ijiro sahata ijiducu nemogū yero nine. Sa yero cohtero nine came ijipihitropare ujuano taro. Sa cohtero nine Cohācjū tiquirore cahmeñequinare buhiri dahrero taro. Sa buhiri dahrero tiquinare pecapu cohānota.

⁸ Yūhu cahīna, ahriye wacūña musa: Mil cahmarine “Yoa yūhdūari pje ijire”, mari

ni tuhotuepegūta ihcā decota ijire, Cohācjū ihñagā.

⁹ “Cohācjū tiquiro nidiro saha ūmañano yerabutiare”, nine masa. Sa ijierare. Masare quehnoano ye duaro cohtenino nine. Ne ihcāquiro masunore pecapū cohā duerare tiquiro. Sa yero ijipihtiyequina tiquina ñañene bujua witigā, ñañene duhugā cahmeno nine tiquiro.

¹⁰ Ñamipure yaque bucuro tiquiro wacūeno mehna yaquero sajāriro saha Cristo ahri yehpapure wacūeno mehna ahtarota. Tiquiro ahtagūta to tutuaro bisigūta ūhmuse cjē pihtia waharota. Ūjū pihtia waharota. Sa yero ahri yehpa gāhu, ahri yehpa cjē gāhu ūjū pihtia waharota.

¹¹ “Ahri ijipihtiyē pihtia waharota”, Cohācjū nigū tuhona ñañene duhuna, Cohācjū cahmeñene yero cahmene marine.

¹² Mari puhtoro ahri yehpapū tiquiro ahtatire cohtena, sojaro mehna tiquiro ahtagū yeya masa. Ti deco ūhmuse cjē ūjū pihtia waharota.

¹³ Ti sa cuaro wahati ijiepegūta mari pehe Cohācjū ni cūriro sahata ijipihtiyere tiquiro comesagū yeatire cohteaja mari. Ijipihtiyē ti ūjū pihtiaro bato ohō saha ijirota. Ūhmusepū gāhu ahri yehpapū gāhu wahma ijirota. Sa ye ti pjepure quehnoañe dihitare yeeta ijipihtiyequina. Tireta cohteaja mari.

¹⁴ Sa yena yahū cahīna, mari puhtoro tiquiro ahtatire cohtena, Cohācjū ihñonopū quehnoano yena ijiya masa. Sa quehnoano yena ijiya masa Cohācjū masa mehna tiquiro bucueatire.

¹⁵ Sa yena yoa cjūri pje tiquiro bajueragū ihñana ahrire masiña masa. Masa tiquirore cahmeñequina tiquiro yuhduoatiquina duhsarīne yojopū. Sa yero tiquinare cohtenino nine Cohācjū. Sata ni musare ojoa ohori jiri mari acayuro mari cahñiquiro Pablo. Cohācjū masiñe mehna tire ojoari jiri tiquiro.

¹⁶ Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gāhure yahuro ohō saha dihita ni ojoari jiri tiquiro. Ihquē tahari mijo cjūñene tiquiro yahu ojoari jiri. Apequina ne masieñequina, tuho masieñequina ni mehoñe mehna tiquiro sa nidire camesa mūjare. Sa ye tiquiro sa nidi ijiepegūta sijoro saha ni camesa yahure tiquina. Apeye Cohācjū yere tiquina ojoari pūri gāhure sata yeri tiquina. Tiquina sa yegū ihñano Cohācjū tiquinare buhiri dahrero, pecapū cohānota.

¹⁷ Yahū acaye, yahū cahīna ahri ijipihtiyere ti sa wahato pano yahuu musare. Sa yena ahrire masina, quehnoano yeya masa. Ñañequina musare sijoro saha ni

tiquina buhegū tuhoeracāhña tiquinare, “Cristo yere duhuari”, nina.

¹⁸ Sa yena mari puhtoro marine yuhduoriquirore Cristore quehnoano wacū tutua nemoña masa. Tiquirore quehnoano masi nemoña masa. Yojopure, ijipihtiyē decori tiquirore quehnoano ño peouhna mari. “Quehnoariquiro, tutuariquiro ijire”, niuhna mari tiquirore. Sata niuhna.

1 San Juan

Jesucristo catiyere ohoriquiro ijire

¹ Jesu Cohācjū mari Pacu ye yahuducuyere yahuriquiro ijire. Duita coā waroputa ijiriquiro tiqiuo mari Pacu mehna masare sa ijuducugū yeriquiro ijiahye. Yojoṗare usā tiqiuo yere, tiqiuo ijije tiyere yahu ojoana niaja. Tiquirore tūhona, tiqiuo waroreta ihñau usā. Sata ijire. Tiquirore ihñana, usā omocari mehna tiqiuore dahra tuhuu.

² Ahriquiro mari Pacu mehna sa ijuducugū yeriquiro ahri yehpapu tiqiuo masa bajuari bato tiqiuore usā ihñau. Sa yena tiqiuore yahuaja usā musare. Ijipihtiye decori mari Pacu mehna tiqiuo ijuducuriquiro ijigū, yojoṗare mari Pacu tiqiuore ihñori usāre. Tire yahuaja usā musare.

³ Mari Pacu mehna cjāna ijiaja usā. Tiquiro macano mehna cjāna gūhu ijiaja usā. Sa yena musa gūhu usā mehna cjāna, mari Pacu mehna cjāna, tiqiuo macano mehna cjāna musa ijiatire usā ihñarire, usā tuhorire musa gūhure usā yahuaja.

⁴ Ahrireta usā ojoaja quehnoano mari bucuetire.

Buhrioro to wete marieno saha Cohācjūre ñañe ne mariedare

⁵ Ahri buheye Cohācjū macano usāre tiqiuo yahuri ijije nine. Yojoṗuta ahrire yahunatja usā musare: Cohācjū buhrioro yero saha ijire. Buhrioro to wete marieno saha tiqiuore ne ñañe mariedare. Ñañe nahitiano yero saha ijire. Cohācjūre ne ñañe mariedare. Tiquiro sa ijije tiyere yahuaja musare.

⁶ Sa yena nahitianopu ijina yero saha mari ñañene yena ijiepenata “Cohācjū mehna cjāna ijiaja”, nina, mari ni mehona niaja. Sa yena Cohācjū yere queoro yeraja.

⁷ Sa yena buhrioropu ijina yero saha Cohācjū tiqiuo yeriro sahata mari quehnoañe pehere yena, apequina Jesu yequina mehna quehnoano ijina niaja. Mari sa yegū Cohācjū macano Jesu tiqiuo dii cohāno mehna, curusapu tiqiuo yariari mehna ijipihtiye mari ñañe yerire bore.

⁸ “Yuhu pūrita ne ñañene yeraja”, ni wacūna, mari ni mehoñene tuhotuna niaja. Mari sa ni tuhotuna Cristo yere ne masiedaja.

⁹ Sa yena Cohācjūre mari ñañene mari yahu yūhdugū tiqiuo poto yeriquiro mari ñañene borota. Sa yero ijipihtiye mari ñañe yerī gūhure, mari ñano tuhotuye gūhure cose werota tiqiuo. Tiquiro nidiro sahata yeriquiro ijire.

¹⁰ “Ñañene yeraja”, nina, “Cohācjū ni mehoriquiro ijire”, nina niaja mari. Sa niñequina tiqiuo buheyere cahmedare.

2

Cristo marine yedohore

¹ Yuhu pohna, musare “Ñañene yeari”, nigu ahrire ojoagu niaja. Yuhu sa ni ojoaepegūta ñañene yeboaga musa. Musa sa yegū ihñano Jesucristo quehnoariquiro musa ye ijiatire tiqiuo Pacurore ohō saha ni sini basarota: “Ahriquina tiquina ñañene yerī buhirire buhiri dahreracāhña”, ni sini basarota tiqiuo Pacurore.

² Cristo mari ñañene cohāriquiro ijire. Mari ñañene mari dihitare cohāedare. Ijipihitiro cjēna gūhure tiquina ñañene cohā masine tiqiuo.

³ Cohācjū dutiyere yena, tiqiuore potota quehnoano masiaja mari.

⁴ Ihcāquiro Cohācjū dutiyere yeraperota “Yuhu Cohācjūre masiaja”, nino, tiqiuo ni mehoriquiro ijire. Sa yero Cristo yere ne masiedare.

⁵ Apequiro pehe Cohācjū dutiyere yeriquiro Cohācjūre tutuaro cahñiquiro ijire. “¿Cohācjū mehna cjāna ijiajari mari?” ni masi duana, ohō saha mari masinata:

⁶ Cohācjū mehna cjāno Jesucristo quehnoañene tiqiuo yeriro sahata yeriquiro ijire. Sata yeducuuhna mari.

Wahma dutirore yahuahye

⁷ Yuhu cahña, ahri dutiro yojoṗare musare yuhu yahuati wahma dutiro ijierare. Ahri dutiro musa coā waropare cuoriro muna dutirota ijire. Ti dutirore musa tuho tuhasari.

⁸ Yojoṗu pehere musare yuhu yahuati muna dutiro ijieperota wahma dutiro gūhu ijire. Cristo gūhu, musa gūhu ti dutirore yere. Yojoṗu nahitiano pihti cā mari ihña masino saha mari masiedarire masi duca cāna niaja mari. Sa yero buhrioro mehna mari ihña masino saha Cristo musare poto ijijere masigū yero ahta tuhasari.

⁹ “Yuhu buhrioropu ijiriquiro yero saha Cohācjū dutiyere yegū ijiaja”, ihcāquiro nieperota, apequnare ihña tuhtiro, tiqiuo Cohācjū dutiyere yerare.

¹⁰ Sa yero apequrore cahñiquiro pūrita buhrioropu ijiriquiro yero saha Cohācjū dutiyere yeriquiro ijire tiqiuo. Sa yero ñañene pari turi ye duerare.

¹¹ Masare ihña tuhtiriquiro pehe nahitianopu ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihña masiedare tiqiuo.

¹² Yuhu pohna, Cristo tiqiuo yariari mehna musa ñañe yerire cohāri jiri. Sa yegū musare yahu ojoagu niaja.

¹³ MUSA PACASUMUA GĀHU, MUSA CRISTORE COĀ WAROPU IJIRIQUIRORE MASINE MUSA. MUSA SA MASIGŪ IHĀAGU MUSA GĀHURE YAHU OJOAGU NIJA. MUSA WAHMA PJIA ĦARIQUIRO WATĪNORE YUHDUDUCARI MUSA. MUSA SA YUHDUDUCANA IJIGŪ MUSA GĀHURE YAHU OJOAGU NIJA.

YĪHU POHNA, MARI PACARE MUSA MASINE. MUSA SA MASIGŪ IHĀAGU MUSARE YOJOPURE YAHU OJOAGU NIJA.

¹⁴ MUSA PACASUMUA, MUSA CRISTORE COĀ WAROPU IJIRIQUIRORE MASINE MUSA. MUSA SA MASIGŪ IHĀAGU MUSARE YAHU OJOAGU NIJA. MUSA WAHMA PJIA POTOTA MUSA COHĀCJŪRE WACŪ TUTUANA IJIRE. SA YENA MUSA COHĀCJŪ YERE YENA NIAGA. SA YENA, MUSA ĦARIQUIRO WATĪNORE YUHDUDUCARI. SA YEGU MUSARE YAHU OJOAGU NIJA.

¹⁵ AHRI YEHPA CJĒ ĦAÑENE CAHMEDACĀHĀ. AHRI YEHPA CJĒ ĦAÑENE CAHMA MARI PACU PEHERE CAHMEDARE MUSA.

¹⁶ ĦAÑEQUINA TIQUINA BASI ĦAÑENE TIQUINA TUTUARO CAHMEDEI, ĦAÑENE TIQUINA IHĀA DUARI MARI PACU COHĀCJŪ YE IJIERARE. "IJIPHTIYE CŪO PEHOGU, MASI PEHOGU IJIAJA YĪHU. NE IHCĀQUIRO MASANO YĪHURE YUHDUDUCAERARE", MASA TIQUINA NI TUHOTUYE MARI PACU YE IJIERARE. TI IJIPHTIYE AHRI YEHPA CJĒ IJIRE.

¹⁷ AHRI YEHPA, AHRI YEHPA CJĒ GĀHU MASA TIQUINA CAHMEÑE PIHTIA WAHAROTA. SA YERO COHĀCJŪ CAHMEÑENE YERIQUEIRO IJIPHTIYE DECORI COHĀCJŪ MEHNA IJIROTA.

Cristore ihña tuhtiriquiro pehere yahuahye Ņu

¹⁸ YĪHU POHNA, AHRI YEHPA PIHTIATI DECO MEHENOGĀ DAHSARE. "CRISTORE IHĀA TUHTIRIQUEIRO AHTAROTA", NI, JESU YEQUINA MUSARE YAHU TUHASARI. YOJOPURE CRISTORE IHĀA TUHTIYEQUINA PEYEQUINA IJI TUHASARE. TIQUINA SA IJIGŪ IHĀANA YOJOPURE PIHTIATI DECO MEHENOGĀ DAHSAGŪ MASIAJA MARI.

¹⁹ AHRIQUINA CRISTORE IHĀA TUHTIYEQUINA PEHE MARI CAHA IJIEPETA POTOTA MARI MEHNA CJĒNA IJIERARE. SA YE TIQUINA MARINE COHĀ CĀRI. TIQUINA MARI MEHNA CJĒNA IJIYE, MARI MEHNA IJIBOAGA. MARINE COHĀ CĀRI. TIQUINA SA COHĀGŪ MARI MEHNA CJĒNA TIQUINA IJIERAGŪ MASIAJA MARI.

²⁰ CRISTO ESPĪRITU SANTORE MUSA PEHERE OHORI. SA YERO ESPĪRITU SANTO MUSA MEHNA IJIRE. SA YENA MUSA IJIPHTINA CRISTO YERE MASI TUHASARE.

²¹ MUSARE YAHUGU "CRISTO YERE MASIEDARE MUSA", NI TUHOTUERAJA YĪHU. MUSA CRISTO YERE MASIGŪ IHĀAGU MUSARE YAHUAJA. CRISTO YE NE NI MEHOÑE MARIEDARE. TI GĀHURE MASINA MUSA IJIGŪ MASIAJA YĪHU.

²² AHRIQUIRO IJIRE NI MEHORIQUIRO: "JESU COHĀCJŪ MACANO IJIERARE", NIDIQUIRO PEHE NI MEHORIQUIRO IJIRE. POTOTA CRISTORE IHĀA TUHTIRIQUEIRO IJIRE TIQUIRO. MARI PACARE,

TIQUIRO MACANO GĀHURE CAHMEDARIQUIRO IJIRE CRISTORE IHĀA TUHTIRIQUEIRO.

²³ OHŌ SAHA IJIRE: JESURE CAHMEEDIQUIRO PEHE MARI PACU GĀHURE CAHMEEDIQUIROTA IJIRE. JESURE CAHMEEDIQUIRO PEHE MARI PACU GĀHURE CAHMEEDIQUIRO IJIRE.

²⁴ COĀ WAROPU COHĀCJŪ YERE MUSA TUHORIRE QUEHNOANO WACŪÑA. TIRE MUSA WACŪNA, JESU MEHNA CJĀNA IJINATA. SA YENA MARI PACU MEHNA CJĀNA IJINATA.

²⁵ TIRETA JESU MARINE YAHURI. OHŌ SAHA IJIRE TIQUIRO YAHURI: "MUSA IJIPHTIYE DECORI COHĀCJŪ MEHNA IJIDUCUNATA", NI CŪRI JESU MARINE.

²⁶ APEQUINA MUSARE NI MEHOÑE NINE. TIQUINA SA NI MEHOGŪ MASIGŪ MUSARE YAHU OJOAGU NIJA.

²⁷ TIQUINA SA NI MEHONHRINA MUSA IJIEPEGĀTA MUSA PEHERE CRISTO TIQUIRO YAQUIRO ESPĪRITU SANTORE OHO TUHASARI. ESPĪRITU SANTO MUSA MEHNA IJIRE. MUSA MEHNA IJIRO MUSARE BUHERIQUEIRO IJIRE. TIQUIRO IJIPHTIYERE MUSARE YAHURE. TIQUIRO YAHUYE IJIROTA IJIRE. NI MEHOÑE YAHUERARE TIQUIRO. ESPĪRITU SANTO NIDIRO SAHATA YEYA MUSA YOJOPURE. SA YENA MUSA CRISTO YERE TUHONA, TIQUIRO MEHNA QUEHNOANO IJIYA.

²⁸ SATA IJIRE. YĪHU POHNA, MUSA CRISTO MEHNA CJĀNA IJIYA. SA YENA CRISTO AHTATI DECORE CUESI MUSA. SA YENA TIQUIRO AHTATI DECORE BŪE TIYE MEHNA DUHTISI MUSA.

²⁹ CRISTO QUEHNOAÑENE YERIQUEIRO TIQUIRO IJIGŪ MUSA MASINE. TIRE MASINA AHRI GĀHURE MASIÑA MUSA. IJIPHTIYEQUINA QUEHNOAÑENE YEYEQUINA COHĀCJŪ POHNETA IJIRE. TI GĀHURE MASIÑA MUSA.

3

Musata Cohācĵŭ pohna ijire

¹ "MUSA YĪHU POHNA IJIRE", NINO, TUTUARO CAHI YUHDUDUCARO NINE MARINE MARI PACU. TIQUIRO SA CAHĦONA IJINA TIQUIRO POHNA IJIAJA MARI. AHRI YEHPA CJĒNA ĦAÑEQUINA COHĀCJŪRE MASIEDARE. SA YEYE COHĀCJŪ POHNA MARI IJIGŪ IHĀAÑE TIQUINA MARI GĀHURE MASIEDARE.

² YĪHU CAHĦANA, YOJOPURE COHĀCJŪ POHNA IJIAJA MARI. SA IJIEPENATA CAME MARI IJIATIRE MARI QUEHNOANO MASIEDAJA. SA MASIEDAPENATA AHRI PEHERE MASIAJA. CRISTO TOJOA TAGŪ MARI IHĀANA, TIQUIRO IJIRIRO SAHATA TIQUIRORE MARI IHĀANATA. SA YENA CRISTO MARINE BAJUAGŪ IHĀANA TIQUIRO YERO SAHA MARI CAMESANATA.

³ IJIPHTIYEQUINA AHRIRE MASIÑEQUINA CRISTORE IHĀA CŪÑE, ĦAÑENE YE DUERARE.

⁴ ĦAÑENE YENA DUTIYERE YUHDUDUCANA NIJA. SA YE IJIPHTIYEQUINA ĦAÑENE YEYEQUINA COHĀCJŪ DUTIYERE YUHDUDUCAYEQUINA IJIRE.

⁵ Cristo masare tiquina ñañene cohãtiqiro bajuahye. Tiquiro ne ñañene yerare. Tire masine musa.

⁶ Sa ye ijipihiteyquina Cristo yequina ñañene yeducuerare. Apequiro pehe ñañene sa yeducuriqiro Cristore no masiedare. Sa yero Cristo yaquiro ijierare.

⁷ Yuhu pohna, musare ni mehoñequinare tãhoeracãhña. Ijipihiteyquina quehnoañene yeyequina Cristo yero saha quehnoañequina ijire.

⁸ Apequiro pehe ñañene sa yeducuriqiro watino yaquiro ijire. Watino pũrita duita ñañene yeriquiro ijiahye. Sa yero watino tiqiro ñañene ye dutiyere cohãtiqiro Cohãcjũ macano masa bajuahye.

⁹ Cohãcjũ pohna ijina Cohãcjũ yero saha ijina ijiaja. Sa yena ñañene yeducueraja. Cohãcjũ mari Pacu tiqiro ijigũ mari pehe ñañene yeducu masiedaja.

¹⁰ Ohõ saha ijieyquina Cohãcjũ pohne tiquina ijigũ masinata: Cohãcjũ pohne watino pohne yero saha ijierare. Ñañene yeducuyequina, apequinare cahñequina Cohãcjũ pohne ijierare.

Musa mehna cjẽnare cahña

¹¹ “Mari mehna cjẽnare cahña”, ni buheyere coã waropure tãho tuhasari musa.

¹² Mari Caĩ tiqiro ñano yeriro sahata yeracãhña. Tiquiro watino yaquiro ijiro, tiqiro bahore wejẽahye. ¿Duhse yero tiqirore wejẽyari, musa tãhotugũ? Tire yahutja musare: Caĩ tiqiro yeri ñañe ijiahye. Tiquiro bahore pehe quehnoañene yeriquiro ijigũ ihñano tiqiro wahmino pehe tiqirore wejẽahye.

¹³ Sa yena yuhu acaye, ahri yehpa cjẽna musare tiquina ihña tuhtigũ “¿Duhse ijiro boro yuhare ihña tuhtijari tiquina?” ni, tãhotueracãhña.

¹⁴ Mari pecaru wahaborina ijimi. Yo-jopure ãhmusepu sa ijiducuatina comesarina ijiaja mari. Jesu yequinare cahña, Cohãcjũ marine tiqiro comesagũ yerire masiaja mari. Masare cahñeniquiro pecaru wahatiqiro ijire.

¹⁵ Tiquiro acayore ihña tuhtiriqiro masare wejẽdiqiro ijire, Cohãcjũ ihñagũ. Masare wejẽñequina ãhmusepu ijiducusi. Tire quehnoano masine musa.

¹⁶ Masare cahñene ohõ saha masinata. Ijipihitey decori Cohãcjũ mehna mari ijiatire Cristo yariaro marine tutuaro cahidi. Sa yariaro marine tiqiro sa cahiducurire masigũ yero nidi. Sa yena mari gũhare Jesu yequina ye ijiatire yariaro cahmeboaga.

¹⁷ Peye çoriqiro Jesu yaquirore pe-jecoriqirore ihñaeperota tiqirore paja ihñedaro, Cohãcjũre cahñedare tiqiro.

¹⁸ Yuhu pohna, masare mari cahñe pehe mari dũsero dihita wijaeracãhdo. Masare mari cahña, tiquinare yedohoro cahmene marine.

Cuero marieno Cohãcjũ caharu iji masiaja mari

¹⁹⁻²⁰ Sa cahña mari potota Cohãcjũ yequina mari ijieye gũhare masinata. Sa yena Cohãcjũ caharu cuero marieno mari iji masiaja. Sa yena “Ñañe buhiri ijiaja yuhare”, mari ni tãhotuepegãta, Cohãcjũ caharu cuero marieno iji masiaja. Tiquiro pehe mari yãhũoro tutuariqiro ijiro ijipihitey masine.

²¹ Yuhu cahña, quehnoañene yena, “Quehnoañe pehere yena ñiaja”, ni tãhotuna, Cohãcjũ caharu mari cuero marieno iji masiaja.

²² Cohãcjũ dutiyere, tiqiro cahmeñe gũhare mari yegũ, tiqirore mari sinino punota tiqiro ohorota.

²³ Ohõ saha dutire tiqiro marine: “Cohãcjũ macanore Jesucristore wacũ tutuaya. Sa yena Cristo marine tiqiro dutiriro sahata musa mehna cjẽnare cahña musa”, nino, ye dutire marine.

²⁴ Cohãcjũ dutiyere yeriquiro Cohãcjũ mehna cjãno ijiro nine. Sa yero Cohãcjũ tiqiro mehna cjãno ijire. Cohãcjũ mari mehna cjãno tiqiro ijieyere mari masi duagũ marine tiqiro ohoriqiro Espiritu marine masigũ yerota.

4

Ni mehoñe buheye gũhare, Cohãcjũ ye buheye gũhare quehnoano ihña masi duti-ahye

¹ Yuhu cahña, apequina “Cohãcjũ yaquiro Espiriture çoaja”, niñequina tiquina ijiepegãta tiquina ye buheye ni mehoñe ijire. Sa ye apequina pehe Espiritu Santo warore çoyequina ni mehono marieno buhere tiquina. Peyequina “Cohãcjũ yere yahu mãhtarina ijiaja”, niepeta ni mehoñequina ijire yo-jopure. Ijipihitropure ijire tiquina. Sa yena apequina musare tiquina buheye ni mehoñe buheye ijigũ ihña masiña musa. Cohãcjũ ye ti ijigũ gũhare ihña masiña musa.

² Cohãcjũ yaquiro Espiriture çoyequinare musa ihña masi duana, ohõ saha masinata: “Jesucristo ahri yehparu masuno pagu waro çoriqiro ahtari jiri”, ni, buheyequina Cohãcjũ yaquiro Espiriture çoyequina ijire tiquina. Sa yena sa ni buheyequinare ihña masinata musa.

³ Apequina pehe “Jesu ahri yehparu masuno pagu waro çoriqiro ahtaerari jiri”, ni buheyequina Cohãcjũ yaquiro Espiriture çoyequina ijire. Tiquina ye tãhotuye Cristore ihña tuhtiriqiro

tiqiro tuhuro saha ijire. “Cristore ihña tuhtiriquiro ahtarota”, tiquina nidire tuho tuhasari masa. Sa ye tiqiro ye buheye ahri yehparare wih tuhasari.

⁴ Masa pehe yuh pohna, Cohācjū yequina ijire masa. Sa yena “Cohācjū yere yahu muhtarina ijjaja usā”, ni, mehoñequinare yuhdudaca tuhasari masa. Masa mehna ijiriquiro Espiritu Santo pehe tutua yuhdudacare. Sa yero ahri yehpa cjēna yaqiro watino yuhduoro tutuare. Sa yena ni mehoñequinare yuhdudacari masa. Sa yena ti buheyere cahmedari masa.

⁵ Ni mehoñequina pehe ahri yehpa cjēna ijire. Sa ye tiquina ahri yehpa cjē ñañene tiquina buhegū ahri yehpa cjēna ñañequina pehe tiquinare quehnoano tuhore.

⁶ Mari pehe Cohācjū yequina ijjaja. Sa ye Cohācjūre masiñequina marine quehnoano tuhore. Apequina pehe Cohācjū yequina ijieraye, marine ne tuho duerare. Tiquina sa tuho dueragū ihñana tiquina ye buheye Cohācjū ye buheye ti ijieragū masinata mari. Sa yena apequina pehe marine tiquina tuhogū tiquina ye buheye quehnoañe buheye ti ijjgū gūhare masiaja mari.

Cohācjū masare tutuaro cahiducuriqiro ijire

⁷ Yuh cahina, Cohācjū marine apequinare cahīgū yeriquiro ijire. Tiquiro sa yeriquiro ijjgū ihñana mari mehna cjēnare cahihna mari. Masare quehnoano cahñequina pehe Cohācjū pohne ijire. Sa ye tiquina Cohācjūre quehnoano masine.

⁸ Cohācjū masa ijipihtyequinare tutuaro cahiducuriqiro ijire. Tiquiro sa cahiducuriqiro ijjgū masare cahñequina pehe Cohācjūre masiedare.

⁹ Cohācjū marine tiqiro cahñene mari masi duana, ohō saha masinata: Cohācjū pehe tiqiro macnore ihcāquiota ijiriquirore marine yuhduoatiqirore ahri yehparare ohoahye. Sa ohoro marine tiqiro cahñene marine masigū yero niahye.

¹⁰ Apequinare cahñe waro ohō saha ijire: Cohācjūre mari cahñe pehe poto cahñe waro ijierare. Marine Cohācjū tiqiro cahñe pūrta potota cahñe waro ijire. Sa yero tiqiro macnore mari ñañene cohātiqirore ohoro marine tutuaro cahñe tiqiro.

¹¹ Yuh acaye, Cohācjū marine tiqiro sa tutuaro cahīgū ihñana mari gūhu mari mehna cjēnare cahihna.

¹² Masa pehe ne Cohācjūre ihñedari. Tiquirore mari ihñedapegūta mari mehna cjēnare mari cahīgū, Cohācjū pehe mari mehna sa ijducuro nine. Sa yero potota marine cahñi nemoeducugū yere tiqiro.

¹³ Cohācjū pehe marine tiqiro yaqiro Espiriture ohori. Sa yena Espiriture caona, Cohācjū mehna mari quehnoano ijyere masiaja mari.

¹⁴ Sa yena mari Paca tiqiro macnore ahri yehpa cjēnare yuhduoatiqirore tiqiro ohorire usā ihñau. Tire ihñana apequinare tire yahuaja usā.

¹⁵ Cohācjū mehna cjāno ohō saha nidiquiro ijire: “Jesu Cohācjū macno ijire”, nidiquiro tiqiro pūrta Cohācjū mehna cjāno ijiro nine. Sa yero Cohācjū gūhu tiqiro mehna cjāno ijiro nine.

¹⁶ Sa yena marine Cohācjū tiqiro cahñene mari masiaja. Sa yena marine potota cahñiquiro tiqiro ijjgū masiaja mari. Cohācjū masa ijipihtyequinare tutuaro cahiducuriqiro ijire. Sa yero apeqiro masare cahiducuriqiro Cohācjū mehna cjāno ijire. Sa yero Cohācjū gūhu tiqiro mehna cjāno ijire.

¹⁷ Sa yena mari quehnoano cahñi nemoeducuaja Cohācjūre, apequina gūhare, buhiri dahreri deco ijjgū mari cuero marieno mari ijjiatire. Sa yena cuesi mari ahri yehparā Cristo yero saha ijina.

¹⁸ Apequinare mari cahīgū cuero mariedare. Cohācjū marine tiqiro cahñene masina mari ne cueraja. Masa cueye tiquinare buhiri dahretire cue nine. Sa cueye ñano yuhdare. Sa yero cueriquiro pehe Cohācjū cahñene masientiquiro ijire.

¹⁹ Marine Cohācjū cahñi muhtahye. Sa yena mari gūhu tiqirore cahñaja.

²⁰ Ihcāquioto “Cohācjūre cahñaja”, nidiquiro ijieperota apeqirore ihña tuhtiro, ni mehoriqiro ijire tiqiro. Tiquiro ihñariqirore cahñedaro, Cohācjūre tiqiro ihñeniquiro gūhare cahñi masiedare tiqiro.

²¹ Sa yero ahri ijire marine Cristo tiqiro dutiriro: Cohācjūre cahñi, masa cahparū ijyequina gūhare cahñi.

5

Cohācjū pohne ahri yehpa cjē ñañene ye duerare

¹ Ijipihtyequina Jesure “Cristo ijire. Cohācjū ohoriqiro ijire”, niñequina, Cohācjū pohne ijire. Apequina pacorore cahña, tiqiro pohne gūhare cahñaja mari. Sata Cohācjūre cahña, tiqiro pohne gūhare cahñaja mari.

² Cohācjūre cahña, tiqiro dutyere quehnoano yena, tiqiro pohne gūhare mari cahña niaja.

³⁻⁴ Tiquiro dutyere yena Cohācjūre cahña niaja. Marine Cohācjū dutyere yegū mijoedare. Mari ijiphtina Cohācjū pohna ijina, ñañene cahmedaja mari. Sa ye marine tiqiro dutyere yegū mijoedare. Cohācjūre wacū tutuana ñañene cahmedaja. Sa yena

tiqúirore mari wacú tutuari bato ñano ye dueraja.

⁵ Ñañene cahmedana ohō saha nina iji-aja mari: “Jesu Cohācjū macano ijire”, nina ñañene cahmedaja mari.

Cohācjū macanore yahuahye Ñu

⁶ Jesucristo ahri yehpapu tiqúiro ahtagū tiqúirore Ñu aco mehna wame yerire masina, curusapu tiqúiro dii cohāri gāhure masina, Cohācjū macano tiqúiro ijiyere masiaja mari. Tiqúiro wame yeri dihita Cohācjū macano tiqúiro ijiyere marine masigū yerare. Tiqúiro dii cohāri gāhu marine tire masigū yere. Espiritu Santo “Ahri ijirota ijire”, ni yahure marine. Tiqúiro pototo ni yahuriqúiro ijire. [

⁷ Sa ye Jesu Cohācjū macano tiqúiro ijiyere uhmuse cjēna yahuyequina ihtiaro ijire: Mari Pacu, tiqúiro macano Jesu, Espiritu Santo mehna “Jesu potota Cohācjū macano ijire”, niñequina ijire tiqúina. Tiqúina ihtiaro ijiropeta ihcāno mehna yahure tiqúina Jesure.]

⁸ Jesu Cohācjū macano tiqúiro ijiyere ahri yehpapure ihtiaro yahure: Cohācjū macano tiqúiro ijiyere Espiritu Santo pehe marine yahure. Sa yena Jesure aco mehna tiqúiro wame yeri gāhure masiaja mari. Sa yena mari ye ijiatire tiqúiro yariarire tiqúiro dii cohārire masina, Cohācjū macano tiqúiro ijiyere masiaja mari. Sa ye ti ihtiaro ihcāno mehna marine masigū yere Cohācjū macano Jesu ijiyere.

⁹ Masa tiqúina yahuyere tūhona “Ijirota ijire”, niaja mari. Sa niepenata mari Pacu tiqúiro macanore yahugū masa tiqúina yahuyere yūhūoro tiqúiro pehere tūhoro cahmene marine. Cohācjū waro tiqúiro ijigū tiqúiro yahuyere tūhoro cahmene marine.

¹⁰ Sa ye ijiipihtiyequina Cohācjū macanore wacú tutuayequina Jesure yahuri buheyere quehnoano tūhore. “Queorota ijire”, ni tūhoture tiqúina Jesure yahuri buheyere. Cohācjū macanore tiqúiro yahurire tūhoeriqúiro “Cohācjū ni mehoriqúiro ijire”, nidiquiro ijire tiqúiro.

¹¹ Cohācjū marine ijiipihtiyequina decori tiqúiro mehna sa ijiducugū yerota. Cohācjū macano yequina mari ijigū tiqúiro mehna sa ijiducugū yerota marine. Ahri ijire Cohācjū marine tiqúiro yahuyere.

¹² Cohācjū macano yequina ijiye tiqúiro mehna sa ijiducuetā. Sa ye apequina pehe tiqúirore cahmeñequina tiqúiro mehna sa ijiducusi.

¹³ Musa Cohācjū macanore wacú tutuana Cohācjū mehna sa ijiducunata. Tire masa masiatire musare yahu ojoagu niaja.

¹⁴ Cohācjū tiqúiro cahmediro sahata mari tiqúirore dahse ijiyere mari sinigū tiqúiro marine quehnoano tūhorota. Sa mari sinina “Potota quehnoano tūhore tiqúiro”, ni masiaja mari.

¹⁵ Tiqúirore mari sinigū, marine tūhore. Tiqúiro sa tūhorire masina, tiqúirore mari sinino punota tiqúiro ohoati gāhure masiaja mari.

¹⁶ Musa acayuro tiqúiro ñañene yegū ihñana, ti ñañe Cohācjū pecapu tiqúiro waha dutiye ñañe ijieragū, tiqúirore sini basaya Cohācjūre. Sa yero Cohācjū tiqúirore yedohoro tiqúiro mehna sa ijiducugū yerota tiqúirore. Cohācjū pecapu tiqúiro waha dutiyequina dihitare sini basaya musa. Apeye ñañe pehe Cohācjū pecapu tiqúiro waha dutiye ñañe waro ijire. Ihcāquiro ti ñañe warore tiqúiro yegū “Tiqúirore sini basaya musa”, niedaja yūhu.

¹⁷ Ijiipihtiyē ñañe yeye ñañe warota ijire, Cohācjū ihñagū. Ti sa ijipegūta apeye ñañe Cohācjū pecapu tiqúiro waha dutiye ñañe ijierare.

¹⁸ Cohācjū macano Jesu pehe Cohācjū pohnene quehnoano ihña ihbore. Tiqúiro sa ihña ihbogū watino pehe Cohācjū pohnene ñano ye masiedare. Sa ye Cohācjū pohne pehe ne ñañene sa yeducuerare. Ahrire mari masiaja.

¹⁹ Mari pehe Cohācjū yequina ijiaja. Watino pehe ahri yehpa cjēna pūhoro ijire. Ahri gāhure mari masiaja.

²⁰ Cohācjū macano ahri yehpapure ahtaro marine quehnoano masigū yeri tiqúiro. Tiqúiro sa yegū potota Cohācjū waroreta mari quehnoano masiaja. Ahri gāhure mari masiaja. Cohācjū macano Jesucristo yequina ijiaja mari. Sa yena potota Cohācjū waro mehna cjēna ijina niaja mari. Ahriqúiro yūhu nidiquiro potota Cohācjū waro ijire. Sa yero tiqúiro uhmusepu sa ijiducugū yeriqúiro ijire.

²¹ Yūhu pohna, “Cohācjū ijire”, tiqúina niñe queoyere ño peoracāhña.

2 San Juan

Jesucristo yere, potota apequinare cahĩne gũhure yahuahye Ñu

¹⁻² Yũhũ bucu musare Cohãcjũ beserinare ahri pũre ojoa ohoaja. Jesucristo yere yũhtina ijiaja mari. Sa ye tiqũiro buheye gũhũ mari mehna ijipihtiye decori sa ijiducurota. Sa yegu potota musare cahĩaja yũhũ. Yũhũ dihita cahĩgu niedaja musare. Apequina Jesu yere masĩnequina tiquina gũhũ potota cahĩne musare.

³ Cohãcjũ mari Pacũ, Jesucristo tiqũiro macũno gũhũ poto tiquina cahĩne mehna marine quehnoano yeeta. Sa ye marine paja ihĩaeta. Sa yeye marine quehnoano ijigũ yeeta tiquina. Sata yeahro marine. Sa nigũ musare quehnoa dutiaja.

⁴ Mari Pacũ marine tiqũiro dutiriro sahata ihquẽquina mũsa mehna cjẽna tiqũiro yere yũhtiyequina tiquina ijigũ masigu bucueaja yũhũ.

⁵ Yojoapũre musare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩhna.

⁶ Tiquiro ye dutiyere ye pehona mari tiqũirore cahĩaja. Sa yero coã waropũre mũsa tuhoriro sahata yojoapũ gũhure ohõ saha dutire musare. Apequinare sa cahĩducuya.

Peyequina ni mehoñequina ijire

⁷ Peyequina ni mehoñequina "Potota Jesucristo ahri yehpapũ masũno paguta cuoriqũiro ahtaerari jiri", niñequina gũhũ ahri yehpa cjẽnare buheye wahari. Cristore ihĩa tuhtiriqũiro ni mehoriqũiro tiquina yero sahata ijire.

⁸ Quehnoano yeya mũsa. Cohãcjũ ye wapare mũsa quehnoano yeri wapare boeracãhña. Mũsa sa boeragũ Cohãcjũ quehnoa yũhdũaro yerota musare.

⁹ Ijipihtiyequina Cristo yere yũhdũducayequina, Cristo yere cohãñequina mari Pacũ yequina ijierare. Sa ye Cristo yere ne duhueyequina Cohãcjũ mari Pacũre, tiqũiro macũno gũhure masine tiquina.

¹⁰ Cristo ye buheyere cahmedariqũiro, apeye buheyere buheriqũiro mũsa cahapũ ahtagũ, tiqũirore mũsa ya wũhũpũ sajã ta dutieracãhña. Tiquirore piti caeracãhña.

¹¹ Apeye buheyere buheriqũiro Cristo yere cahmedariqũiro ñano yere. Sa yero tiqũirore piti cariqũiro pehe ñano yeriqũirore yedohoro nine. Sa yena tiqũirore piti caeracãhña.

Ñu yahu ojoa bato tiahye

¹² Peye musare yahu duepegata tire ojoa dueraja. Musare ihĩagũ waha duaja.

Mũsare ihĩagũ mũsa mehna yahuducutja, mari quehnoano bucueatire.

¹³ Cohãcjũ beseriquina ohõpũ cahme-coañequina, mũsa mehna cjẽna musare quehnoa dutire.

3 San Juan

Ñu Gayo wame tiriquire "Quehnoariquire ijire", niahye

¹ Yuhu bucu mähare Gayore potota yahu cahigüre ahri püre ojoa ohoaja.

² Yuhu cahigu, Cohäcju mehna cju mähü ijigü masiaja yuhu. Tiquiro mehna mähü quehnoano ijiriro sahata mähü quehnoano yuhduatire, mähü pagu dohatiro marieno mähü ijiatire Cohäcjure sini basaja mähare.

³ Ihquëquina Jesu yequina yuhu cahapu wihye mähü ijye tiyere yahuri yahare. "Cristo cahmeno sahata potota yere Gayo", ni yahuri tiquina yahare. Tiquina sa ni yahugü tuhogu tutuaro bucuei yuhu.

⁴ Musa Jesu yere yuhu buherina tiquiro cahmeno sahata musa yegü tuhogu tutuaro bucueaja.

⁵ Yuhu cahigu, Jesu yequinare yedohogu quehnoano yeri mähü. Sa yegu Jesu yequinare mähü ihña masieñequina pehere yedohogu quehnoa yuhduaro yeri mähü.

⁶ Tiquina panopu mähü ihña masieñequina pehe Jesu yequina ohöru cahme-coañequinare usäre ohö saha ni yahuri: "Gayo usäre quehnoano cahine", ni yahuri panopu mähü ihña masieñequina pehe. Came mähü ya macare tiquina yuhdu cägu ihñagu tiquinare quehnoano yedohoya Cohäcju tiquiro bucueatire.

⁷ Tiquina Jesu yere buhe tiniñe wahaye, Cohäcjure cahmeeñequinare yedohogu cahmedari.

⁸ Sa yena tiquinare Jesu yere buhe tiniñequinare yedohuhna mari. Tiquinare sa yedohona, tiquina yero saha mari gähü Cohäcjure yedohona niaja.

Diotrefe tiquiro ñañe yerire yahuahye Ñu

⁹ To cjenare Jesu yequinare ojoami. Yuhu sa ojoapegüta Diotrefe tiquiro basi tiquina puhtoro yero saha iji duaro, yahare tuho duerari.

¹⁰ Musa cahapu yuhu esari bato tiquiro yerire musare yahu pehoutja. Usäre ñano yahuducure tiquiro. Sa yero ni mehoñe peyariquire ijire tiquiro. Sa yero apeye ñañe gähare yere tiquiro. Jesu yequinare tiquiro yere buhe tiniñequinare tiquiro ya wähare sajä dutierare. Sa yero apequina to cjenä Jesu yequina pehe buhe tiniñequinare tiquina sajä dutigü ihñano tiquiro pehe "Buhe tiniñequinare sajä dutieracähña musa ye wuhusepare", ni yahusäre tiquinare. "Musa ye wuhusepa buhe tiniñequinare musa sajä dutiri buhiri mari Jesu yequina mari ya wuhupare mari cahmecoari wuhupare sajäedacähña musa pehe", nine Diotrefe to cjenare Jesu yequinare.

¹¹ Yuhu cahigu, ñañequinare ihña cüedacähña. Quehnoano yequequina pehere ihña cüña. Quehnoañene yequequina Cohäcju yequina ijire. Ñañene yequequina Cohäcjure masiedare.

Demetrio quehnoañene tiquiro yerire yahuahye Ñu

¹² Ijipihtyequina quehnoano yahuducuri Demetriore. Sa ye tiquiro yerire ihñañe quehnoano tiquiro yeriquiro ijigü masine masa. Usä gähü tiquirore sata ni yahuaaja. Sa yena usä yahuye pehere potota ijigü masine musa.

Yahu bato tiahye Ñu

¹³ Mähare peye yahu duami. Sa yahu duepeguta tire ojoaeraja.

¹⁴ Mehenogä batota mähare ihña duaja. Sa yena mari basi cahme yahuducunata.

¹⁵ Quehnoa dutiaja mähare. Mari mehna cjenä ohö cjenä Jesu yequina mähare quehnoa dutire. To cjenä mari mehna cjenä ijipihtyequina quehnoahdo.

San Judas

Juda Jesu yequinare ojoa ohoahye

¹ Yuhū Juda Santiago bahū, Jesucristo cahacjū mūsare Jesu yequinare ahri pūre ojoa ohoaja. Mūsare mari Pacū Cohācjū beseahye. Sa yena tiqiro cahīne mehna quehnoano ijire mūsa. Sa yero Jesucristo yedohore mūsare “Ñañene yeari”, nino.

² Quehnoa dutajaja mūsare. Cohācjū yedohoro mehna quehnoano ijiya mūsa. Sa yega Cohācjūre paja ihña dutigū, mūsare cahī dutigu sini basaja Cohācjūre yuhū.

Ni mehoñequina tiquina ye buheyere yahu dūcahye Juda

³ Cohācjū marine pecapū wahaborinare tiqiro yuhduoye pehere tutuaro ojoa duami mūsare, yuhū cahīnare. Sa ojoa duepegata mūsare yojorpe ni mehoñe buheyere cahme dutieraga mūsare ojoaja. Sa yena Jesucristo ye buheye pehere tutuaro buheya mūsa. Ahri buheye pehe Jesu yequinare Cohācjū cūri buheye sa ijiducurota comesaro marieno.

⁴ Ihquēquina masa ñañequina wacūeno mehna mūsa cahapū esari. Mūsa mehna ijiye tiquina ohō saha ni buhemene mūsare: “Cohācjū yequina mūsa ijigū, tiqiro cahīne mūsare. Sa yero numia mehna mūsa ñano yegū tiqiro mūsare ne buhiri dahresi”, ni buhemene tiquina. Sa ye mari pūhtorore ihcāquiota ijiriquirore Jesucristore “Cohācjū macūno ijierare”, ni buhemene tiquina. Ohō saha ni buheyequinare Cohācjū tiqiro buhiri dahreatire yahuahye panopure. Tiqiro yere tiquina ojoari pūpū sata ni yahuahye.

⁵ Yojorpe mūsare apeyere wacūgū ye duaja. Ahrire mūsa masiepegata pari turi ahrire mūsare wacūgū ye duaja. Cohācjū judio masare Egiptopū ijiyequinare tiqiro wiori bato tiquina mehna cjēnare tiqirore wacū tutueyequinare tiqiro wejēahye.

⁶ Sa yena mūsa apequina gūhure wacūña. Apequina angele pehe Cohācjū dutiyere ye duerahye. Sa ye tiqinare tiqiro iji duti cūriore tiquina iji duerahye. Sa ye tiquina ijimedirore duhu cāhye tiquina. Tiquina sa duhugū ihñano Cohācjū nahitianopū tiqinare peresu yeahye. Sa ye tiquina pihitiati deco pano come dari mehna dūhteriquina yero saha ijiducuenta. Sa yero pihitiati deco ijigū tiqinare buhiri dahrerota Cohācjū.

⁷ Sata yeahye apequina gūhū. Tiquina gūhure wacūña mūsa. Tiquina Sodoma wame tiri maca cjēna, Gomorra wame tiri maca cjēna ti macari cahapū ijiye macari cjēna gūhū numia mehna ñano yeahye. Sa

ye sijoro saha ye ye gūhure ye, mūsa pehe tiquina basita tiquina pagari mehna ñano yeahye. Numia gūhū sata yeahye. Tiquina sa yeri buhiri Cohācjū tiqinare ujūa peho cāhye. Tiqinare ujūano Cohācjū ijipihiyequina tiqirore yuhduocariquinare tiqiro buhiri dahreatire masare ihñono niahye. Tiqinare tiqiro buhiri dahrereri peca ne yatisi.

⁸ Tiquina Cohācjū buhiri dahrenohriquina mūna yero saha yojorpe gūhure sata yeducure ni mehoñene buheyequina. Tiquina quehñequina yero saha ijiye, tiquina pagari mehna ñano yere. Sa ye Cohācjū dutiyere cahmedare tiquina. Sa ye tiquina yuhduoro tutuayequinare tiquina pehe ñano yahuducu cohtere.

⁹ Quehnoañequina angele pehe tutuayequina ijiepetā sa ni yahuducuerare. Miguel wame tiriquiro angele pūhtoro pehe Moise pagare cahmeno, watīno mehna cahme sehña soahye. Tutua yuhduariquiro ijieperota tiqiro “Watīno yuhduoro yuhū pūrita tutuaja”, ni tūhotuerahye. Sa yero tiqiro esa tuhuro watīnore ñano yahuducuera, tiqirore tuhtierahye. Sa yero ohō saha niahye watīnore. “Cohācjūpū mūhure tuhtiaho”, niahye Miguel watīnore.

¹⁰ Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tūho masieñequina tiquina esa tuhuro tiquina yero saha ni mehoñequina pehe yere. Sa yeyequina ijiye, pecapū wahaeta.

¹¹ Tiqinata ñano yuhdueta. Caī yeriro saha ñano yeri tiquina. Sa ye Balāa tiqiro yeriro saha tiquina niñerere cahī wapata duaye, ni mehoñene buhere. Sa ye niñeru neatī dihitarē tūhotu, ti dihitarē yere. Sa ye Coré tiqiro pūhtorore cohā duariro saha tiquina gūhū tiqiro yero saha yere. Sa ye tiqiro yero saha tiquina gūhū pecapū wahaeta.

¹² Tiquina ni mehoñequina pehe mūsa cahme cahīati bōse decorire ihyaye, ño peoro marieno tiquina cahmeno saha apere. Sa ye tiquina seh sarota ihyayere bore apequinare ohoro marieno. Wete yero saha tiquina mūsa bōse decorire quehnoañe decori ijiborirore dojomehne cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wiñnono wēdoqueoye cururi ti sa comesaducuro saha tiquina ni mehoñequina gūhū ihcāno saha yahuducueraye, sa comesaducure.

Sa ye, dūca tiri pje ijigū dūca marieñe cju yero saha ijire tiquina. Ti cju pua tahapū yariaa wahare. Ihcā taha dūca tieye cju, yariaye cju yero saha waha

tuhasare. Ti cjäre tiquina duhari bato pari turi yariaa wahare tja. Ti cjü yero saha ijiye dähseatiquina ijierare tiquina ni mehoñequina.

¹³ Sa ye pajiri ma cjë pahcöri bujaye pahcöri yero saha ijire tiquina. Ti pahcöri quë ohögü, wete bujaye sahpori wahare. Dähse ijiyere tiquina ni mehoñequina tiquina yegü pahcöri cjë sahpori wete bujaye sahpori ti waharo saha ni mehoñequina tiquina ñano yeye ijire.

Sa ye asi maa cãe paca ñahpicoha paca yero saha ijire tiquina. Sa yeye ñahpicoha paca nahitianopü ti waharo saha tiquina gähü ñanopü wahaeta. Sa ye topure sa ijiducüeta tiquina ni mehoñequina.

¹⁴⁻¹⁵ Enoco panopü cjäno Adán panamino iji turiariquiuro seis cururi bato masa bajuariquiuro ohö saha niahye. Tiquinare ni mehoñequinare ohö saha niahye: “Tuhoya yuhare. Cohäcjü peyequina tiquiro yequina angele quehnoañequina mehna ijipihtiyequina ñañequinare tiquina ñañe buhiri buhiri dahrero ahtarota. Sa yero ijipihtiyequina Cohäcjüre ihña tuhtiyequinare tiquina ñañe yeri buhiri tiquinare buhiri dahre dutiro ahtarota Cohäcjü. Sa yero Cohäcjüre ñano tiquina yahuducuri buhiri gähure tiquinare buhiri dahre dutiro ahtarota”, niahye Enoco.

¹⁶ Tiquina ni mehoñequina unureducuyequina, apequinare yahu wajayequina tiquina ñano wacüñe dihitare yere tiquina. Sa ye “Apequinare masi yuhdüducaja usä”, niducure tiquina. Sa ye tiquina cahmeno saha ye duaye, apee borore ehma duaye, tuhoro quehnoanopüta yahuducure masare.

Jesu yequinare yahu nemoahye Juda

¹⁷ Mari pühtoro Jesucristo buhe duti tiquiro cüriquina tiquina buherire wacüña masa, yuhü cahña.

¹⁸ Ohö saha nidi tiquina müsare. “Ahri yehpa pihtiato panogã Cohäcjüre ñano yahuducu bujüpeyequina ijieta. Sa ye tiquina Cohäcjüre cahmedaye, ñañene tiquina tutuaro cahmeñene yeeta tiquina”, ni yahuri Jesu cüriquina müsare.

¹⁹ Jesu yequinare tiquina basi tiquina cahme ihña tuhtigü yere tiquina ni mehoñequina pehe. Sa ye tiquina ñañequina ahri yehpa cjëna ijiye, Espiritu Santore ne cuerare tiquina. Sa ye tiquina ñañene tutuaro cahmeñe dihitare yere tiquina.

²⁰ Musa pehe yuhü cahña, Jesucristo ye buheyere quehnoano tuho nemoña, quehnoano wacü tutuana masa ijiro quehnoano. Ti buheye pehe quehnoa yuhdüare. Espiritu Santo yedohoye mehna Cohäcjü mehna yahuducuya masa.

²¹ Quehnoañene yeya masa Cohäcjü müsare tiquiro cahñene masa masino quehnoano. Sa yena Jesucristo mehna masa sa ijiducuatire cohteya. Tiquiro marine paja ihñano uhmüserü sa ijiducugü yerota.

²² Cristo yere tuho duera cjüñequinare paja ihñaña. Sa yena tiquinare buhe, masigü yeya.

²³ Tiquinare pecarü wahaboriquinare Cohäcjüre yuhdüogü yeya masa. Sa yena apequinare paja ihñaña masa. Tiquinare yedohona masa gähü tiquina ñañe yeyere ihña cüedacähña. Wete tiri suhtirore masa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

Juda Cohäcjüre tiquiro ño peoye ijire

²⁴⁻²⁵ Cohäcjü mari pühtoro marine ihña ihbo masine “Ñañene yeari”, nino. Sa yero tiquiro marine ñañe buhiri marienare uhmüserü tiquiro caharü cü masine. Sa marine topü tiquiro cügü mari bucuenata. Tiquiro Cohäcjü ihcäquiota ijire. Apequiuro mariedare. Sa yero marine pecarü wahaborinare yuhdüoriquiuro ijire tiquiro. Tiquiro pehe panopü, yojopäre, ijipihtiyede decori gähure quehnoa yuhdüariquiuro, mari pühtoro, tutua yuhdüariquiuro, ijipihtiyequinare dutiriquiro ijire. Tiquiro sa ijigü mari pühtoro Jesucristo yedohoro mehna tiquirore ño peouhna. Sata yeihna.

Apocalipsis

Camepüre ahri deco dühse wahatire marine masigū yeahye Jesucristo

¹ Ahri pūpū Jesucristo marine tiquiro masigū yerire yahu ojoagu niája. Mari Pacu pehe tire yahu dutiro cūahye tiquirore, tiquiro yequinare tiquiro cahacjēnare masigū ye dutiro. Sa yero mianota dühse wahatire masigū yeri tiquiro. Mehenogā dūhsatjiāno nine sa wahato. Jesucristore tiquiro sa cūgū tiquiro pehe angelre tire yūhure ņure yahu dutiro ohori.

² Sa yegu yūhū ņū ijipihtiyere yūhū ihñarire yahu ojoagu niája. Cohācjū ye yahuducuyere Jesucristo ye buheyere yahu ojoagu niája.

³ Ahri pūpū camepüre dühse wahatire yahu ojoagu niája. Mehenogā dūhsatjiāno nine ahri ijipihtiyere sa wahato. Sa ye ijipihtiyequina ahri pūre buheyequina, yūhū yahurire quehnoano tūhoyequina ahri pū nidiro saha yeyequina bucuyequina ijieta.

Siete cururi cjēnare Jesu yequina cahme-cañequinare ojoa ohoahye ņū

⁴ Yūhū, ņū mūsare siete cururi cjānare Jesu yequinare Asia yehpa cjānare ojoa ohoaja: Cohācjū tiquiro cahñe mehna mūsare quehnoa dutiaja. Sa yena tiquiro yedohoye mehna quehnoano ijiya musa. Tiquiro panoputa sa ijiducuriquiro ijie tiahye. Yojoṛpū gāhure sa ijiducure. Camepū ahtarota. Tiquiro puhtoro dujiro poto ijieyequina siete pagū bajueyequina ijire. Tiquina cahñe mehna mūsare quehnoa dutiaja tja.

⁵ Cristo tiquiro cahñe mehna mūsare quehnoa dutiaja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa mūjari bato ne pari turi yariasi tiquiro. Sa yero ijipihtiyequina ahri yehpa cjēna puhtoa tiquina bui puhtoro ijire tiquiro. Marine cahñe tiquiro dii cohāri mehna mari ñañene coseri tiquiro.

⁶ Sa cosero marine puhtoa sōri tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa sōri tiquiro. Ijipihtiyere decori “Tutuagu ijire mūhū”, ni ño peoducuetta ijipihtiyequina tiquirore. Ijipihtiyequina puhtoro sa ijiducure tiquiro. Sata ijiagro.

⁷ Quehnoano wacū masi cohteya musa. Ehmeo cururi watoa dijia tarota Cristo. Tiquiro sa ahtagū ihñāeta ijipihtiyequina. Tiquirore quē biha wejēdiquina gūhū tiquirore ihñāeta. Sa ye tiquiro ahtagū ihñāne ahri yehpa cjēna ijipihtiyere cururi cjēna tutuaro utieta. Sata utiahiro.

⁸ Ohō saha nine mari puhtoro Cohācjū: “Yūhū ijipihtiyere bajumehnedigū ijiaja. Sa yegu ijipihtiyere pihtigū yeacjū ijiaja. Tutua yūhdūdcagū ijiaja yūhū. Panopū gāhure sa ijiducue ti. Yojoṛpū gāhure sa ijiducujaja. Came ahtaajta”, nine Cohācjū.

Cristore asi siteriquirore tiquiro ihñarire yahuahye ņū

⁹ Yūhū ņū musa acayū Jesu yaquiro ijiaja. Sa yegu musa yero saha yūhū gāhū Jesu yere yūhū yeri buhiri ñano yūhdūhū. Sa yegu musa yero saha yūhūre tiquina sa ñano yepegūta Jesu yedohoye mehna Jesure cohāeda. Mari ihcāno saha tiquiro puhtoro ijiro cjāna ijiana ijiaja mari. Ya dihta cjēna tiquina cohārigū ijigu Patmo wame tiri mūcūopū ijiaja. Cohācjū yere, Jesucristo tiquiro buheri gāhure apequinare yūhū buheri buhiri ohōpū tiquina cohārigū ijiaja.

¹⁰ Ohōpū yūhū ijigū ihcā deco domingo ijigū Espiritu Santo yūhūre quehēnopū ihñono nidi. Tiquiro sa ihñogū yūhū behero pehepū tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuyere.

¹¹ Ohō saha nino ca tari yūhū tūhogū:

—Yūhū ijipihtiyere bajumehnedigū ijiaja. Sa yegu ijipihtiyere pihtigū yeacjū ijiaja. Yojoṛpū mūhū ihñatire ojoati pūpū ojoa ohōña. Mūhū sa ojoa ohōri bato siete cururi cjēnare Cohācjū yequinare ohoya ti pūre. Tiquina siete cururi Asia dihtapū ijiey macari cjēna ijire. Efeso cjēnare, Esmirna cjēnare, Pérgamo cjēnare, Tiatira cjēnare, Sardis cjēnare, Filadelfia cjēnare, Laodicea cjēnare mūhū ihñatire ojoa ohoya, nino ca tari yūhūre.

¹² Tiquiro sa nigū tūhogū majaredūcaū yūhūre yahuducuriquirore ihñagu tūhū. Sa majaredūcagū siete sihñe pacare tiquina duhu peoye cjāre uru mehna tiquina yeri cjāre ihñāu.

¹³ Ti cju watoa ducuriquirore masūno yero saha bajuriquirore ihñāu. Tiquiro yoari suhtiro dahpocāriṛpū esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tūā dihoriquiro ijiri.

¹⁴ Sa ye tiquiro poari buhsa cohoi yero saha yehseri. Sa ye tiquiro caperi peca pohna yero saha asiri.

¹⁵ Sa ye tiquiro dahpocāri bronze wame tiye come asiye come yero saha asi siteri. Broncere peca mehna tiquina quehnoano uñā weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocāri quehnoano asi siteri. Sa yero tiquiro yahuducuyere peo tutuaro cuari peo yero saha tutuaro bisiro ca tari.

¹⁶ Tiquiro omoca potō pehe sietē ñahpicoha pacare cuori. Sa yero tiquiro duseropu ñoseni pji pua peheri siori pjiñe cuhñuri. Sa yero asū deco cñano tiquiro tutuaro asi sitero saha tiquiro wāhdoa tutuaro asi siteri.

¹⁷ Sa yegu tiquirore ihñagu tiquiro dahpocāri cahapu doque quehe sau yariariquiro yero saha. Yuhu sa doque quehe sagū ihñano tiquiro potō pehe cñā omoca mehna yuhure duhu peo ohō saha nidi:

—Cueracāhña. Yuhu ijipihtiyere bajumehnedigu ijiaja. Sa yegu ijipihtiyere pihitigū yeacjū ijiaja.

¹⁸ Catigū ijiaja yuhu. Yariarigū ijimi. Yojobure ihñaña. Ijipihtiyē decori sa catiducugū ijiaja yuhu. Pari turi masagu masare pari turi yariaragū ye masiaja yuhu. Sa yegu masare yariariquina tiquina ijiropu wahaeragū ye masiaja yuhu.

¹⁹ Sa yegu yojobu wahatire ihñagu, ojoa ohōña. Сaмepу dahse wahati gūhure ihñagu ojoa ohōña muhu.

²⁰ Ahri sietē ñahpicoha pacare yuhu potō pehe yuhu cuoye pacare yahutja muhure. Sa yegu sietē sihāñe pacare tiquina duhu peoye cju uru cju gūhure yahutja. Ohō saha ijiye yahuyere panopu cñēna masare ne yahuera tii. Ohō saha ijire ti: Sietē ñahpicoha paca sietē cururi cñēna yeequina puhtoā ijiye nine, mari queoye mehna buhegū. Sa ye sietē sihāñe pacare tiquina duhu peoye cju sietē cururi cñēna yeequina ijiye nine, mari queoye mehna buhegū, nidi yuhure.

2

Efeso cñēnare Jesu yequinare ojoa oho basa dūca dutiahye Ñure

¹ Sa ni tuhasa ohō saha ni nemori yuhure ojoa dutiriqiuero:

—Efeso cñēna yeequina, tiquina puhtoro gūhure ohō saha ni ojoa oho basaya muhu: “Yuhu omoca potō pehe sietē ñahpicoha pacare cuogu ijiaja. Sa yegu sietē sihā do-coye cju watoa tinigū ijiaja. Sa tinigū ijigu masare ohō saha ni yahuaja:

² Ijipihtiyē masa yerire masi pehoaja. Yee ijatire masa tutuaro dahrarire, yuhure masa wacū tutua duhuerari gūhure quehnoano masiaja. Ñañene yeriquinare masa ihña yabigū gūhure masiaja. Sa yena ‘Jesu buhe dutiro tiquiro cūrīna ijiaja’, nimediquinare queoro tiquina buheragū ihñana, ni mehoñequina tiquina ijigū masidi masa.

³ Yeere masa yeri buhiri masa ñano yuhdūepenata ihcāno sahari masa Efeso cñāna. Sa yena yuhure ne duhuerari masa.

⁴ Sa quehnoano yena ijiepenata ihcānore queoro yerari masa. Ahri ijire ti: Yuhure

masa quehnoano cahī muhtariro saha yojopure yerare masa.

⁵ Yuhure masa cahī muhtarire wacūña masa tja. Yojobure yuhure masa cahēda cñūre wacūña. Sa yena masa ñañe yerire buja witiya. Tire duhuya. Sa duhuna, yeere masa ye muhtariro sahata yeya tja. Masa ñañe yerire masa duhueragū sojaro mehna sihāriare yuhu duhu peodū masa ya dūre yuhu dapodare ne cohāntja. (Sa nigū ohō saha ni yahugu niaja masare. Masa to cñāna yuhure cohāboaga. Sa cohāna to punota pihitinata masa ñañe yeyere duhuerana.)

⁶ Yuhure cahēda cñūna ijiepenata ahrire quehnoano yeri masa: Nicolaita wame tiyequinare ñañequinare ihña yabire masa. Yuhu gūhu tiquinare ihña yabiaja.

⁷ Cahmo tina ijire masa. Sa yena masa ye cururi cñēnare yeequinare Espiritu Santo tiquiro yahurire tuhoya masa. Ohō saha nine tiquiro: ‘Ijipihtiyequinare Jesure wacū tutua duhueyequinare Cohācñū ya wese paraíso wame tiro cñādū dūcare ihya duti-itja. Tu dūca catigū yeye ijire’, nine Espiritu Santo”, ni yahu ojoa oho basaya Efeso cñēna yeequinare, tiquina puhtoro gūhure.

Esmirna cñēnare Jesu yequinare ojoa oho basa dutiahye Ñure

⁸ Esmirna cñēna yeequinare, tiquina puhtoro gūhure ohō saha ni ojoa oho basaya muhu: “Yuhu ijipihtiyere bajumehnedigu ijiaja. Sa yegu ijipihtiyere pihitigū yeacjū ijiaja. Yariaa waha. Pari turi catiaja tja. Sa yegu ohō saha ni yahuaja masare:

⁹ Masa ñano yuhdūrire masiaja. Pejecuona masa ijigū gūhure masiaja. Sa ijiepenata Cohācñū yere quehnoañene pajiro cuore masa. Apequina pehe ‘Judio masa ijiaja’, nimediquina ni mehoñequina ijire. Tiquina masare ñano quiti yerire masiaja. Tiquina Satana yequina ijire.

¹⁰ Yojobure masa ñano yuhdūatire cueracāhña. Tuhoya masa. Wafino masare Cohācñūre duhu dutiro ihquēquina masa mehna cñēnare peresu ye dutirota. Pua omope decori waro ñano yuhdūanata masa. Tiquina sa ñano yegū masare tiquina sa wejē duepegūta yuhure, yee gūhure cohāedacāhña. Masa sa yuhure cohāedagū ihñagu ijipihtiyē decori Cohācñū cahapu masare sa ijiducugū yeitja.

¹¹ Cahmo tina ijire masa. Sa yena masa ye cururi cñēnare yeequinare Espiritu Santo yahurire tuhoya masa. Ohō saha nine tiquiro: ‘Ijipihtiyequina Jesure wacū tutua duhueyequina pecapu wahasi. Tiquina yariari bato pecapu wahasi’, nine Espiritu Santo”, ni ojoa oho basaya Esmirna cñēna yeequinare, tiquina puhtoro gūhure.

Pérgamo cñēnare Jesu yequinare ojoa oho basa dutiahye Ñure

12 'Pérgamo cjēna yeequinare, tiquina puhtoro gūhare ohō saha ni ojoa oho basaya mūhu: "Yūhu űoseni pĵi pua peheri siori pĵine cuogu ijiaja. Mūsare ohō saha ni yahutja:

13 Mūsa yerire, mūsa ya maca cjēna tiquina yeri gūhare masiaja. To cjēna puhtoro Satana ijire. To cjēna Satanare űo peoyequina Antipare yeere quehnoano yahuriquirore wejēdi. Tiquirore tiquina sa wejēgū ihűaepenata yūhare ne wacū tutua duhuerari mūsa.

14 Mūsa sa wacū tutua duhuerapenata mehenogā yūhare yūhduducari mūsa. Iűquēquina mūsa mehna cjēna Balāa ye buheyere cahmene. Panopū Balac wame tiriquiro puhtorore ohō saha ni buhee tiri Balāa pehe: 'Israe masare yūhduduca duana "Cohācjū ijire", mūsa niűe queoyere űo peo mūsa duhu peo ihyayere ihya dutiya tiquinare. Sa yena numia mehna űano yegū yeya tiquinare', ni buhee tiri Balāa mūnana. Panopū tiquiro yeriro saha yojopū gūhare űano yegū yere ihquēquina mūsa mehna cjēna apequinare.

15 Sa ye tiquina yero saha apequina mūsa mehna cjēna Nicolaita wame tiyequina ye buheye pehere cahmene.

16 Sa yena mūsa űaűe yerire duhuya mūsa. Mūsa sa duhueragū ihűagū sojaro mehna mūsa cahapū wahagū, sa űano yeyequina mehna cahmequeitja yūhu duseropū ijiri pĵi űoseni pĵi mehna.

17 Cahmo tina ijire mūsa. Sa yena mūsa ye cururi cjēnare yeequinare Espĵitu Santo tiquiro yahurire tuhoya mūsa. Ohō saha nine tiquiro: 'Ijipihtiyequinare Jesure wacū tutua duhueyequinare manā wame tiye ihyayere űhmuse cjē ihyayere ohoutja. Yehseye utā paca gūhare ohoutja tiquinare. Ti utā pacapure wahma wamene yūhu ojoa ohōati utā paca ijirota. Apequina ti wamene ne masisi. Ti utā pacare neűequina dihita ti wamene masieta', nine Espĵitu Santo", ni ojoa oho basaya Pérgamo cjēna yeequinare, tiquina puhtoro gūhare.

Tiatira cjēnare Jesu yequinare ojoa oho basa dutiahye űure

18 'Tiatira cjēna yeequinare, tiquina puhtoro gūhare ohō saha ni ojoa oho basaya mūhu: "Yūhu Cohācjū macū yūhu caperi peca pohna yero saha asire. Sa ye yūhu dahpocāri bronze wame tiye come tiquina wahteri come yero saha asī sitere. Mūsare ohō saha ni yahuaja.

19 Mūsa yerire masiaja yūhu. Cohācjūre, apequina gūhare mūsa cahĵidire, yūhare mūsa cohāedarire, apequinare mūsa yedohorire, űano yūhdūepenata yūhare mūsa duhuerarire masiaja. Coā waropū mūsa yeriro yūhdūoro yojopū pehere quehnoano

ye nemono nine mūsa. Ti gūhare masiaja yūhu.

20 Mūsa sa quehnoano yena ijiepenata ohō saha yūhare yūhduducari mūsa: Jezabe wame tiricoro 'Cohācjū yere yahugo ijiaja', ni mehoricoro mūsare ticoro űano buhegū tuhona ticorore tuhtierari mūsa. Ni meho buhero yeequinare yūhu cahacjēnare numia mehna űano yegū yere. Sa yero 'Cohācjū ijire', tiquina niűe queoyere apequina űo peo, tiquina duhu peoe tiri ihyayere. Ti ihyayere yeequinare ihya dutire ticoro.

21 Ticoro űaűene bujua witiatiere cohtenimi. Yūhu sa cohtepegāta amua mehna ticoro űano yeyere duhu duerari.

22 Yūhare tuhoya mūsa. Ticorore dohatigū yeitja. Ticoro mehna űano yeriquina gūhare dohatigū yeitja. Sa ye tiquina tutuaro űano yūhdūeta. Sata yeitja tiquinare ticoro mehna tiquina űano yerire tiquina bujua witieregū, tire tiquina duhueragū.

23 Sa yegu ticoro pohnene wejēitja. Yūhu sa yegū ihűaűe ijipihtiyequina yeequina yūhu quehnoano masigū ijigū masieta. Masa tuhotuyere tiquina tutuaro cahmeűe gūhare masiaja. Yūhu sa masiűene masieta tiquina ticorore yūhu buhiri dahregū ihűaűe. Ijipihtina mūsa űaűene yeri buhirire buhiri dahreitja mūsare. Sa yegu mūsa quehnoaűene yeri wapa pehere quehnoano yeitja mūsare.

24 Apequina mūsa mehna cjēna Tiatira cjēna ticoro ye buheyere cahmedari. Mūsa pehe Satana ye buheyere 'Panopū tiquiro yahuerari jiri', tiquina niűe buheyere cahmedari mūsa. Sa yegu mūsa pehere duti nemosi yūhu.

25 Ahri dihitare ye duti nemoutja mūsare: Mūsa cahapū yūhu tojoa tato pano yūhu buheyere mūsa masidire ne mehenogā duhueracāhűa.

26-27 Ijipihtiyequina űaűene duhueyequinare, yeere sa yeducuyequinare puhtoa sōutja. Yūhu Pacū yūhare tiquiro puhtoro sōriro sahata mūsa gūhare puhtoa sōutja. Ijipihtiyehpari cjēna bui puhtoa sōutja mūsare. Sa puhtoa saĵana, mūsa docapū ijieyequinare ijipihtiyehpari cjēnare tutuaro dutinata mūsa. Dihī suturire mari yucagū mehna pohagū duita wahtiro saha tiquina duita pĵitia wahaeta.

28 Sa yegu mūsare yeere ne duhueyequinare űahpicoha bohrea muja tariare ohoutja mūsare. Sa yegu mūsa mehna ijitja yūhu.

29 Cahmo tina ijire mūsa. Sa yena mūsa ye cururi cjēnare yeequinare Espĵitu Santo tiquiro yahurire tuhoya mūsa", ni ojoa oho basaya Tiatira cjēna yeequinare, tiquina puhtoro gūhare.

3

Sardis cjēnare Jesu yequinare ojoa oho basa dutiahye Nūre

¹ Sardis cjēna yeequinare, tiquina puhtoro gūhare ohō saha ni ojoa oho basaya maħu: “Yūħu siete pagu bajueyequinare Cohācjū yequinare cuogu iĵaja. Sa yegu siete ñahpicoha pacare cuogu iĵaja. Masare ohō saha ni yahuaja:

Musa yerire masiaja. Ohō saha ni tuhotumene apequna masare: ‘Tiquina Cohācjū yere quehnoano ye pehoyequina ijire’, ni tuhotumene masare apequna. Tiquina sa ni tuhotuepegūta Cohācjū yere quehnoano yerare musa.

² Sa yena quehnoano yeya musa ‘Ñañene yeari’, nina. Cohācjū yere musa masidire quehnoano wacūña, ‘Tiquiuro yere duhuari’, nina. Cohācjū ihñagū quehnoano ye pehoerare musa.

³ Sa yena yeere musa tuho muhtarire quehnoano wacūña musa. Sa wacūña yeere yeya. Musa ñañe yerire duhuya. Yūħu nino saha musa yeragū wacūeno mehna masare buhiri dahreitja. Yaqueriquiro wacūeno mehna tiquiuro yaquero saĵāriro saha masare wacūeno mehna buhiri dahreitja.

⁴ Iħquēquina musa mehna cjēna Sardis cjēna ñañene yeducerare. Wete marieni suhtirore musa sañaboriro saha ti ñañe yeyere piha duerare musa. Sa quehnoana ijina, yehseri suhtiro sañana yūħu mehna ijinata musa pehe.

⁵ Ijipihtiyequina yeere duhueyequina sata yehseye suhti sañaducyequina iĵieta. Sa yeye yūħu mehna sa iĵiducuatiquina wamene tiquiuro ojoa ohōri tĵupū tiquina gūħu tiquina wamene ojoa ohōnohriquina iĵieta. Tiquina wamene tiquiuro ojoa ohōrire cosesi yūħu. Yūħu Pacu ihñonopu, angele gūħu tiquina ihñonopu yeequina musa iĵirire yahutja tiquinare.

⁶ Cahmo tina ijire musa. Sa yena musa ye cururi cjēnare yeequinare Espiritu Santo tiquiuro yahurire tuhoya musa”, ni ojoa oho basaya Sardis cjēna yeequinare, tiquina puhtoro gūhare.

Filadelfia cjēnare Jesu yequinare ojoa oho basa dutiahye Nūre

⁷ Filadelfia cjēna yeequinare, tiquina puhtoro gūhare ohō saha ni ojoa oho basaya maħu: “Yūħu ñañe mariegū iĵaja. Poto yegu iĵaja. Davi munano panopu cjāno sawire tiquiuro cuoboriro saha, masare tiquiuro puhtoro iĵiropu tiquiuro pōoboriro saha yeitja yūħu. Sa yegu Cohācjū tiquiuro puhtoro iĵiropu saĵātore yūħu pōogū ne apequna tire biha masiedare. Yūħu biħagū ne apequna pōo masiedare.

⁸ Ijipihtiye musa yeere masiaja yūħu. Wacū tutuera cjūna ijiepenata yūħu buheyere quehnoano tuhori musa. Sa yena yūħure, yee gūhare duhuerari musa. Sa yegu yeere cūu masare. Sa ye apequna ‘Tire yeracāhña’, ni cahmota masiedare musare.

⁹ Sa yegu ohō saha yeitja: Apequna musa caha ijieyequina Satana yequina ijire. ‘Judio masa iĵaja’, niepeta judio masa waro ijierare. Tiquinare musa caha dusepe curi mehna quehe sa, masare ño peogū yeitja tiquinare. Yūħu sa yegu ihñañe masare yūħu cahñiene masieta tiquina.

¹⁰ Masare yeere yūħu duhu dutieragū tuhona quehnoano yuhtiri musa. Musa sa yegu ihñagū ahri yehpa cjēna ijipihtiyequina tiquina ñano yuhduati pje iĵigū masare cahmotautja. Ti pje ijipihtiyequina tiquina ñano yuhduati pje iĵirotā.

¹¹ Mehenogā duhsare ahri yehpau yūħu tojoa tato. Yeere musa masidire boeracāhña. Sa yena yūħure sa yuhtiducuya, musa quehnoano yeri wapare ‘Boari’, nina.

¹² Sa yegu yeere sa yeducyequinare yūħu Pacu ya wūħu cjēna ijiatiquinare cūtja tiquinare. Tiquiuro yūħu cĵē botari ti yoari pje iĵiducuro saha Cohācjū mehna iĵiducugū yeitja tiquinare. Sa ye tiquina mehna cjēna sa iĵiducuetā. Sa yegu Cohācjū wūħu cĵē botari yūħu ojoa ohōno saha tiquinare tiquina paguripū ohō saha ni ojoa ohōutja: Cohācjū yūħu Pacu wamene, tiquiuro ya maca wame gūhare ojoa ohōutja. Tiquiuro ya maca wahma maca Jerusalē iĵirotā. Ti maca uħmusepū Cohācjū cahapu ahtari maca iĵirotā. Yūħu wahma wame cuoutja. Ti wame gūhare ojoa ohōutja tiquina paguripū.

¹³ Cahmo tina ijire musa. Sa yena musa ye cururi cjēnare yeequinare Espiritu Santo yahurire tuhoya musa”, ni ojoa oho basaya Filadelfia cjēna yeequinare, tiquina puhtoro gūhare.

Laodicea cjēnare Jesu yequinare ojoa oho basa dutiahye Nūre

¹⁴ Laodicea cjēna yeequinare, tiquina puhtoro gūhare ohō saha ni ojoa oho basaya maħu: “Yūħu poto yegu iĵaja. Sa yegu ni mehono marieno yūħu ihñarire, yūħu tuhoreire sa yahuducugū iĵaja. Ijipihtiyere mari Pacu tiquiuro yerire ye basagū iĵaja yūħu.

¹⁵ Ijipihtiye musa yerire masiaja yūħu. Yūħure wacū tutuana ijiepenata mehenogā wacū tutuana ijire musa. Ohō saha ijire ti: Aco yusueye aco asū mehna asi busuye aco yero saha ijire musa. Sata iĵiye acore mari coaero saha yūħure wacū tutuera cjūna musa iĵigū yūħu gūħu masare coaeraja. Yūħure musa quehnoano wacū tutuagū quehnoaboaga yūħure. Yūħure musa wacū tutueragū ñarĵoaga yūħure. Ti yuhduoro

mehenogã wacũ tuana musa ijigũ ña yuhduare.

¹⁶ Musa sa ijigũ ihñagũ yabi yuhduaja yuhũ. Ñaife acore yuhũ sihco puti cohãno saha yuhũre mehenogã wacũ tutuayequinare yabi yuhduaja yuhũ.

¹⁷ Sa yena ohõ saha ni tuhutumene musa: 'Ijipihtiyere cnoaja. Ne yabe duhsaerare marine', ni tuhutumene musa. Sa niepenata pejecnoyequina yero saha ijire musa. Sa yena suhti mariefequina bue tiro saha Cohãcũ ihñonopũ musa ñaife yerire bue tiana ijire musa. Sa yena caperi bajueyequina tiquina ihña duayere tiquina masieno saha Cohãcũ yere ne masiedare musa.

¹⁸ Musa sa yena ijigũ ihñagũ ohõ saha ni yahutja musare: Uru warore musa dũro saha quehnoañene yuhũ cnoyere neña musa. Musare yuhũre wacũ tutuagũ yeitja. Sa yena potota Cohãcũ ye mehna pajiro cnonata. Sa yena yehseri suhtirore musa dũ musa sañano saha yuhũ dũ cohãri mehna yuhũ yariari mehna musa ñaife yerire cosenohrina ijija. Sa yena quehnoañene suhti sañañequina tiquina bue tiero saha musa ñañene cosenohrina ijina ne bue tisi musa gũhũ. Sa yena musa caperire musa aco tiri bato quehnoano musare caperi bajuro saha Cohãcũ yere quehnoano tuhoya, musa masino quehnoano.

¹⁹ Ijipihtiyequina yuhũ cahĩñequinare yahuaia. Sa yegũ yuhũ cahĩñequina tiquina ijigũ ihñagũ, tiquina yuhtieragũ tiquinare buhiri dahreaia, tiquinare yedohogũ tuhũ. Sa yena yee pehere tutuaro cahmeña. Sa yena ñañene duhuuya.

²⁰ Tuhoya yuhũre. Musa wuhũre bihari wuhũre yuhũ esaduca yuhũ sajã duaboriro saha musa mehna cã iji duagũ niaja. Yuhũ sa ye duagũ tuhona yuhũre musa mehna iji dutiya. Yeequina ijija. Musa sa ye dutigã musa mehna ijitja. Sa yegũ mari siho ih-yaro saha musa mehna quehnoano ijitja. Sa yena yuhũ mehna cãana ijinata musa.

²¹ Ñañene yuhũ cohãri bato yuhũ Pacũ puhtoro tiquiro dujuro cahapũ dujaja yuhũ gũhũ dutigũ tuhũ. Sata musa gũhũ ñañene musa duhuri bato yuhũ puhtoro dujuro cahapũ dulinata musa dutina tana. Musare yuhũ cahapũ dujigũ yeitja.

²² Cahmo tina ijire musa. Sa yena musa ye cururi cñenare yeequinare Espiritu Santo tiquiro yahurire tuhoya musa', ni ojoa oho basaya Laodicea cñena yeequinare, tiquina puhtoro gũhũre, nidi yuhũre ojoa dutiriquiro.

4

Èhmusepũ Cohãcũ cahapũ dusepe curi mehna quehe sa tiquina ño peoyere ihñahye

Ñu

¹ Yuhũre tiquiro sa ni yahuri bato ãhmusepũ põori sopechahare ihñau. Pari turi corneta tutuaro bisiro saha tutuaro yahuducuye bisiro ca tari, yuhũ tuhogã. Ohõ saha nidi yuhũ tuhogã.

—Ohõpũ mũa taya. Ahri yuhũ yahuati camerũre sijoro saha waharota. Sa wahatire mũhare ihñoutja. Yuhũ nidiro sahata waharota, nino ca tari ãhmusepũ.

² Tiquiro sa ni yahugũta topũ mũa esagũ Espiritu Santo tutuaye mehna ihñagũ nii. Sa yegũ puhtoro dujurore ãhmusepũ ihñau. Topũ ihcãquiro dujiri.

³ Sa yero quehnoano asi siteriquiro dujiri. Jaspe wame tiri utã yero saha, cornalina wame tiri utã yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapũ dujiri tiquiro.

⁴ Sa yero tiquiro dujuro cahapũ veinticuatro dujiyere ihñau. Ti dujiye puhtoa ye dujiye yuhũ ihña mũhtariquirore duji behtoari. Ti dujiyepũ veinticuatro Jesu yequina puhtoa dujiri. Yehseye suhti sañañequina ijiri. Sa ye puhtoa pesaye behtori uru behtorire pesariquina ijiri tiquina.

⁵ Yuhũ ihña mũhtariquiro dujiropũ midoqueori. Sa yero sijoro saha ijiro bisiro ca tari. Upo gũhũ bisiro ca tari. Ti dujiro poto siete sihãñe paca ijiri. Siete sihãñe paca mehna tiquiro queoye mehna buhegã Cohãcũ yequina siete pagũ bajueyequina ijiri.

⁶ Sa yero tiquiro dujuro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapũ pititiaro sijoro saha bajueyequina ijiri. Tiquina paguri paa pehe gũhũre tiquina behero pehe pehe gũhũre peye caperi tiyequina ijiri tiquina.

⁷ Yuhũ ihña mũhtariquiro sijoro saha bajuriquiro yairo sohãriquiro yero saha bajuri. Tiquiro bato ijiriquiro wecũ yero saha bajuri. Tiquina bato ijiriquiro masano wuhdoã saha wuhdoã tiri quiro ijiri. Tiquina ihtiaro bato ijiriquiro cacũ wũye dũpũre seõ dujiriquiro yero saha bajuri.

⁸ Tiquiro seis dũpũri wũye dũpũri tiri quiro ijiri. Tiquiro mehna cñena gũhũ sa dihita wũye dũpũri tiri. Sa ye tiquina wũye dũpũri pua peheriputa peye caperi tiye dũpũri ijiri. Sa ye decoripe, ñaminipe, sa basaducuye nidi. Ne basa duhuerari. Ohõ saha ni basari:

Quehnoariquiro, quehnoariquiro, quehnoariquiro, Cohãcũ mari puhtoro tutua yuhũdãriquiro ijire. Tiquiro panoputa sa ijiducuahye. Yojoopũ gũhũre sa ijiducure. Camerũ ahtarota, ni basaducuye nidi.

⁹ Sa basaye tiquina pitiario sijoro saha bajuyequina tiqiuro tutuayere basa peoye nidi. Sa ye tiqiurore ijipihitiye decori ijiducuriqiurore ño peoye “Quehnoare”, niñe nidi.

¹⁰ Tiquina sa ye peogü ihñañe veinticuatro Jesu yequina pãtoa pehe pãtoro dujiropã dujiriqiuro pote ðusepe curi mehna quehe sa, tiqiurore ño peori. Tiqiuro ijipihitiye decori ijiducuriqiurore ijire. Sa ño peoye tiquina pãtoa pesaye behtorire tiqiuro dujiro caha doque peori. Sa doque peoye ohõ saha nidi tiquina:

¹¹ Mũhũ Cohãcã usã pãto waro ijire. Tutuagũ, quehnoagũ ijire mũhũ. Mũhũ usã ño peogũta ijigũ nine. Mũhũre sa ño peoducuro cahmene usãre. Ijipihitiye bajumehnedigũ ijire mũhũ. Mũhũ cahmediro sahata ti ijipihitiye bajumehneahye mũhũ, nidi tiquina Cohãcãre, topũ dujiriqiurore.

5

Ojoari pũre torẽdi tunure cordero gãhũre yahuahye Ñu

¹ Came topũ dujiriqiuro tiqiuro omoca pote pehe tiqiuro cãori pũre ojoari pũre ihñaũ. Ti pũ pũa peheri ojoari pũ tiqiuro torẽdi tunu ijiri. Sa yero siete piha ñeheñe mehna tiqiuro piha ñehedi tunu ijiri.

² Sa yegũ tutuariqiuro angelre ihñaũ. Tiqiuro tutuaro yahuducuye mehna ohõ saha ni yahuri:

—Ahri tunure piha ñeheñene quehnoariqiuro dihita tãhrẽ masine. ¿Diquiro pehe ijijari tãhrẽatiqiuro? nidi tiqiuro angel.

³ Sa nieperota tiquina ti tunure tãhrẽatiqiurore bocaerari. Ti tunure tãhrẽatiqiurore, quehnoariqiurore bocaerari. Æhmusepũ, ahri yehpapũ, catiyequina watoapũ, yaria tuhasariquina watoapũ ne ti tunure ñeheñene tãhrẽatiqiuro mariedari. Sa yero ti tunure buheatiqiuro mariedari.

⁴ Sa yegũ tãhrẽatiqiurore, ti pũre buheatiqiurore tiquina bocaeragũ ihñaũ tutuaro utii yãhũ.

⁵ Yũhũ sa utigũ ihñano ihcãqiuro Jesu yequina pãtoa mehna cãano ohõ saha nidi yãhũre:

—Utieracãhña. Ti tunure ñeheñene ihcãqiuro tãhrẽ masine. Tiqiuro Judã ya curua cãano tutuariqiuro ijire. Tutuariqiuro ijiro “Yairo sohãriqiuro”, tiquina ni pisuriqiuro ijire. Tiqiuro pãtoro Davi panamino iji turiariqiuro ijire. Watĩnore yãhdũdũcariqiuro ijire tiqiuro. Sa yero tiqiuro ti tunure siete ñeheñene tãhrẽ masidiquiro ijire, nidi tiqiuro yãhũre.

⁶ Tiqiuro sa nigũ tahogũ pãtoro dujiro pote cordero ducugũ ihñaũ. Pitiario sijoro saha bajuyequina, Jesu yequina pãtoa gãhũ tiquina watoa ducuri cordero. Tiqiuro tiquina wejẽdiquiro manano saha bajuri. Siete sahari tiriquiro, siete caperi tiriquiro ijiri. Ti siete caperi mehna tiqiuro queoye mehna buhegũ Cohãcã yequina pagũ bajuyequina siete bajuyequina yero saha ijire. Tiquina tiqiuro yequina pagũ bajuyequina ijipihitiro ahri yehpapũ Cohãcã ohoriquina ijiri.

⁷ Sa yero cordero pehe pãtoro dujiro cahapũ esaro, tiqiuro pote pehe cãori tunure tãã we nedi tiqiurore.

⁸ Tiqiuro sa tãã we negũ ihñañe cuatro sijoro bajuyequina, veinticuatro pãtoa gãhũ cordero pote ðusepe curi mehna quehe sa, tiqiurore ño peori. Tiquina pãtoa ijipihitiyequina arpa wame tiye bũa pũtẽñene, uru pari gãhũre cãori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiqiuro queoye mehna buhegũ Cohãcã yequina tiqiurore tiquina sini basari yero saha ijiri.

⁹⁻¹⁰ Sa tiqiurore ño peoye ohõ saha ni wahma basayere tiquina basa peori tiqiurore:

Mũhũ tiquina wejẽdigũ ijire. Sa yegũ mũhũ dii cohãri mehna usã ñañe yerire coseri mũhũ Cohãcã yequina usãre iji dutigũ. Sa yegũ usãre ijipihitiye cururi cãanare, ijipihitiye yahuducuyere yahuducunare, ijipihitiye yehpari cãanare usãpe usãre ijipihitinare mũhũre cahmena dihitarẽ usã ñañe yerire mũhũ dii cohãri mehna cosere mũhũ Cohãcã yequina usãre iji dutigũ. Usãre ijipihitinare Cohãcã yequina ijiatinare cãri mũhũ. Sa yegũ pahia cãri mũhũ usãre Cohãcã cahacãna usãre iji dutigũ. Sa yegũ peye yehpari cãena bui pãtoa sãri mũhũ usãre. Sa yerigũ ijigũ mũhũ ti tunure piha ñeheñene tãhrẽacã ijire mũhũ, ni basa peori tiquina corderore.

¹¹ Pari turi ihñaũ millones angele parire ihñaũ. Pãtoro dujirore pitiario sijoro saha bajuyequinare, veinticuatro pãtoare angele pehe tiquinare wahme ðaca sari. Tiquina angele pari tutuaro tiquina sañuducu peogũ ihñaũ.

¹² Ohõ saha ni tutuaro yahuducu peori tiquina:

Cordero tiquina wejẽdigũ mũhũ ijipihitiyequinare dutigũ, ijipihitiye cãogũ, masi pehogũ, tutua yãhdũgũ ijire mũhũ. Masa tiquina ñañe buhiri tiquina wejẽdigũ mũhũ ijigũ ihñana sa ni ño peoaja mũhũre. “Quehnoa yãhdũgũ ijire”, ninatja mũhũre.

Mũhare quehnoano yahuducunatja, ni yahuducu peori angele pari.

¹³ Sa yegu apequina gũhare tiquina yahuducu peoye ca tagũ tũhou. Ijipihtiyequina uhmũse cjẽna, ahri yehpa cjẽna, catiyequina, yariariquina gũha, pajiri ma cjẽna, ijipihtiropũ ijiyequina ohõ saha ni yahuducu peoye ca tari:

Cohãcjũre mũhu dujiropũ dujigure, Cordero gũhare mũsare pũanare quehnoano yahuducunatja. Mũsare ño peonatja. “Quehnoa yũhdũna ijire. Tutua yũhdũna ijire”, nina, ijipihtiye decori sa niducunatja mũsare, ni yahuducu peoye ca tari.

¹⁴ Sa ye tiquina pititiaro sijoro saha bajuyequina tiquina sa yahuducu peogũ tũhoye “Sata ni yahuducu peoahro”, nidi. Sa ye Jesu yequina pũthoa pehe dũsepe curi mehna quehe sa Cohãcjũre, Cordero gũhare ño peori.

6

Papera tunure tiqũiro nedi tunure piha ñehẽne tũhrẽne Cordero

¹ Came papera tunure tiqũiro nedi tunure Cordero piha ñehẽ maũtariroro tũhrẽdi. Tiquiro sa tũhrẽgũ ihũau. Tiquiro sa tũhrẽdi bato ihcãqũiro sijoro saha bajuyequina mehna cjũno, “Ihũana ahtaya”, nidi. Sa nino apõ yero saha bisiri tiqũiro.

² Tiquiro sa nidi bato ihũau yũhu. Yehseriqũiro caballore ihũau. Tiquiro bui pesariqũiro bũedare cõori. Tiquirore pũthoro pesari behtore ohori apeqũiro pehe. Tiquiro sa ohori bato tiqũiro pehe tiqũirore ihũa tuhtiyequinare yũhdũdũcaro wahari.

³ Came ihcãno ñehenore tũhrẽ tuhasa Cordero apero ñehenore tũhrẽdi tja. Tiquiro sa tũhrẽdi bato apeqũiro sijoro saha bajuyequina mehna cjũno “Ihũana ahtaya”, tiqũiro nigũ tũhou tja.

⁴ Sa yegu apeqũiro caballore sohãriqũirore ihũau tja. Tiquiro bui pesariqũirore tutuayere ohori apeqũiro pehe. Ahri yehpa cjẽnare cahme wejẽ dutiatiquirore cũri tiqũirore. Sa ye ijipihtiropũ cjẽna cahme wejẽeta ahri yehpapũ. Sa yero pajiri pjĩ ñoseni pjĩne ohori tiqũirore.

⁵ Came pũarore tũhrẽ tuhasa Cordero apero ñehenore tũhrẽdi tja. Tiquiro sa yegũ pũaro tiquina yahuducuri bato apeqũiro sijoro saha bajuyequina mehna cjũno “Ihũana ahtaya”, tiqũiro nigũ tũhou.

Tiquiro sa nidi bato ñiniqũiro caballore ihũau. Tiquiro bui pesariqũiro balanza nũcũne queorore cõori.

⁶ Tiquirore yũhu ihũari bato sijoro saha bajuyequina watoapũ ohõ saha bisiro ca tari:

—Ihcã deco dahrari wapa mehna trigore ihcã kilota dũeta masa. Ihcã deco dahrari wapa mehna cebada wame tiye pjerire ihtia kilota dũeta masa. Trigo, cebada gũhu pihtia waharota. Sa ye ti wapa bũjũninota. Sa ijiepegũta ihyaye dahreye uĩse, vino gũhu peye ijininota, nino ca tari.

⁷ Came ihtiarore tũhrẽ tuhasa Cordero apero ñehenore tũhrẽdi tja. Tiquiro sa tũhrẽdi bato apeqũiro sijoro saha bajuyequina mehna cjũno iji bato tiriqũiro “Ihũana ahtaya”, nidi tja.

⁸ Tiquiro sa nigũ tũhogu opoariqũiro caballore ihũau. Tiquiro bui pesariqũiro “Yariagũ yeriqũiro”, wame tiri. Sa yero tiqũiro bato ahtariqũiro “Peca”, wame tiri. Sa yero tiqũinare tutuayere ohori apeqũiro pehe. Ahri yehpapũre deco mehna ijieyequina docapũ peyequina masare wejẽ dutiri. Cahme wejẽne mehna, uĩua ahhayẽ mehna, dohatiye mehna, wahiquina nũcũri cjẽna usuayequina mehna peyequina masare tiquina wejẽatire cũri tiqũinare.

⁹ Came pititiaro ñehedire tũhrẽ tuhasa Cordero apero ñehenore tũhrẽdi tja. Tiquiro sa tũhrẽgũ altar docapũ Jesu yequinare tiquina wejẽdiquina jeripohnarine ihũau. Cohãcjũ yere tiquina yahuri buhiri, “Jesu yequina ijiaja”, tiquina ni yahuri buhiri tiqũinare wejẽdi jiri.

¹⁰ Tiquina saũducuye ohõ saha nidi Cohãcjũre:

—Mũhu usã pũtho, ñaũne mariegu, ni mehoũne mariegu, mũhu nidiro sahata yegu ijire mũhu. ¿Ahri yehpa cjẽnare, usãre wejẽdiquinare dũhse ijigũ buhiri dahreitjari mũhu? ni saũducuri tiquina.

¹¹ Sa yero tiqũinare yehseye suhti yoaye suhtire ohori. Tiqũinare sa ohoro ohõ saha nidi tiqũinare:

—Sorĩña. Apequina mũsa acaye Jesu yequina mũsa yeriro sahata yojopũ gũhare quehnoañe buheyere buheniũne nine. Mũsare tiquina wejẽdiro sahata tiquina gũhare tiquina wejẽ pehoato dũhsarĩne. Sa yena tiqũinare ijipihtiyequinare tiquina wejẽato pano mehenogã sorĩña mũsa, nidi tiqũinare.

¹² Came ihcã omope ñehedire tũhrẽ tuhasa Cordero apero ñehenore tũhrẽdi tja. Tore tiqũiro sa tũhrẽgũta tutuaro yehpa ñũhmidĩ. Sa yero asũ deco cjũno ñiniqũiro wahari. Nini suhtiro yero saha ñiniqũiro wahari. Sa yero asũ ñami cjũno dii yero saha sohãriqũiro wahari.

¹³ Sa ye ñahpicoha paca yehpapũ bora dijiaa wahari. Yucũ dũca yahsayere wiũnono wẽ bure dijioro saha ñahpicoha paca bora dijiaa wahari.

¹⁴ Sa yero uhmũse butia wahari. Papera tunure mari torẽgũ bajuro saha bajuerari

uhmuse. Sa ye ijipihitiye cunu cju gahu, nuchuro gahu ape siepu esaducari.

¹⁵ Sa wahagu ihnafe, ahri yehpa cjenare puhto cunu cju cje utā wuhusepu duhtiri. Apequina puhto, surara puhto, doeri cje opana, tutuayequina, ijipihitiyequina tiquina cahacjena, cahacjena ijieyequina gahu toputa duhtimedi.

¹⁶ Sa duhtiye, cunu cjure, utā wuhuse gahure ohō saha nidi:

—Usā bui hora pjeja. Usāre nuōña. Siquiro puhtoro, dujiropu dujiriqirore cue yuhduaja. Cordero usāre ñano buhiri dahrerota. Sa yena nuōña usāre.

¹⁷ Ijipihitiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāqiro duhtiriqiro ihcāno sahasi, nidi tiquina ijipihitiyequina.

7

Israe masa pagwīre Cohācjū tiqiro wame ña ohōatire yahuahye Ñu

¹ Came pittiaro angelere ihñau. Tiquina ijipihitiropu wahari. Ihcāqiro nortepu waharo topu ahtari wihnonore ahtaeragu yeri. Apeqiro surpu, apeqiro asu mwa taropu, apeqiro asu sajānopu wahaye, nortepu wahariqiro yero saha yeri tiquina gahu. Sa yero ahri yehparu, pajiri mapu gahure ne wihnono ahtaerari. Ne ihcādu yucugare wihnono ñuhmigū yerari.

² Sa yegu apeqiro angelre ihñau tja. Asu mwa taropu ahtaro nidi tiqiro. Cohācjū catiriqiro tiqiro wame ña ohōnore ne cāhtaro nidi tiqiro. Sa ne cāhtaro apequina pittiaro angelere tiqiro sañuducuri. Tiquina angele pehe ahri yehpare, pajiri ma gahure Cohācjū tiqiro ñano wahagu ye dutinohriquinapu ijiri.

³ Tiquinare sañuducuro ohō saha nidi angel:

—Cohteniña. Cohācjū cahacjena tiquina wuhdo pacare tiqiro wamene ohōna tana naja. Usā sa ohōato pano ahri yehpare, pajiri mare, yucuri gahure ñano wahagu yeracāhña masa, nidi tiqiro apequina pittiaro angelere.

⁴ Sa yero Cohācjū tiqiro wame mehna tiquina wuhdo pacare tiquina ohōatiquinare “Ohōpequina ijire”, ni yahuri yahure ihcāqiro. Israe masa doce cururi cjenare ciento cuarenta y cuatro mil masa tiquina ohōatiquina ijiñohiti.

⁵ Ahriquina ijiñohiti tiquina ohōatiquina: Doce mil masa Judā panamena iji turiayequina tiquina ohōatiquina ijiri. Apequina doce mil masa Rubē panamena iji turiayequina tiquina ohōatiquina ijiri. Apequina doce mil masa Gad panamena iji turiayequina tiquina ohōatiquina ijiri.

⁶ Apequina doce mil masa Aser panamena iji turiayequina, apequina doce mil masa Neftalī panamena iji turiayequina, apequina doce mil masa Manase panamena iji turiayequina tiquina ohōatiquina ijiri.

⁷ Apequina doce mil masa Simeo panamena iji turiayequina, apequina doce mil masa Levi panamena iji turiayequina, apequina doce mil masa Isacār panamena iji turiayequina tiquina ohōatiquina ijiri.

⁸ Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina ohōatiquina ijiri. Topequinata ijipihitiyequina masa ciento cuarenta y cuatro mil tiqiro wame mehna tiqiro ohōatiquina ijiri.

Peyequina yehseye suhti sañañequinare yahuahye Ñu marine

⁹ Came peyequina masare ihñau. Ijipihitiye yehpari cjenare, ijipihitiye cururi cjenare, ijipihitiye yahuducuyere yahuducuyequinare, ijipihitiye macari cjenare peyequinare Cristore cahmeñequina dihitare topu ducuyequinare ihñau. Puhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cuori.

¹⁰ Sa ye tiquina ijipihitiyequina ohō saha ni tutuaro sañuducuri:

Cohācjū ijire usāre yuhduoriqiro. Tiquiro dujiropu dujiriqiro ijire. Cordero gahu usāre yuhduoriqiro ijire, ni sañuducuri tiquina.

¹¹ Sa ye ijipihitiyequina angele, Jesu yequina puhto gahu, sijoro saha bajuyequina mehna puhtoro dujiro cahapu ducuri. Sa ducuye tiqiro dujiro poto dusepe curi mehna quehe sa, Cohācjūre ño peori.

¹² Ohō saha ni ño peori tiquina:

Sa tjire. Cohācjū usā puhto, mahure quehnoano yahuducujaja. Quehnoa yuhduagu ijire mahu. Masi pehogu ijire mahu. Mahure “Quehnoare”, naja. Mahure ño peoja. Tutua yuhduagu ijire mahu. Mahu tutuaye mehna yerigu ijire mahu. Sa ijiducugu ijire mahu ijipihitiye decori. Sa tjire, ni ño peori tiquina.

¹³ Sa yero ihcāqiro Jesu yequina puhto mehna cjanō yahure sinituri:

—¿Ahriquina yehseye suhti sañañequinare masiajari mahu? ¿Tiquina ahtaritore masiajari mahu? ni sinituri yahure.

¹⁴ Tiquiro sa nigū tuhogu,

—Masiedaja, ni yahiti.

—¿Noa ijiajari tiquina? ni sinituu tiqirore.

Yũhũ sa nigũ tũhoro ohõ saha nidi yũhũre:
—Ahriquina ña yũhdũaro yũhdũari deco
ijigũ ihcãno sahayequina ijire. Tiquina suhti
cosenohriquina tiquina ijiro saha Cordero
tiquiro dii cohãno mehna tiquina ñañene
cosenohriquina ijire. Sa ye quehnoano
yehseye suhti sañañequina ijire.

¹⁵ Sa tiquiro cosenohriquina ijiye Cohãcjũ
dujiro poto tiquirore sa ño peoducure.
Decoripe, ñaminipe tiquirore sa
ño peoducure, pahia Cohãcjũ wũhũpũ
tiquina yeriro saha. Sa yero tiquina
mehna sa ijiducuro, tiquinare yedo-
horota Cohãcjũ “Sijoro saha wahari”,
nino.

¹⁶ Ne pari turi ẽjua ahbasi tiquina. Sa ye ne
aco wuosi tiquina. Ne asũ deco cjãno asiye
tiquina asiye posi. Tutuaro asiye tiquinare
ñano yũhdũgũ yesi.

¹⁷ Pũhoro dujiro poto ducuriquiro Cordero
tiquinare ihña ihborota. Ovejare ihña
ihboriquiro yero saha tiquinare ihña ih-
borota. Sa yero mări pohteripũ catigũ yeye
mări pohteripũ tiquinare uhmũ tã cãnota,
ovejare ihña ihboriquiro tiquiro uhmũ tã
cãno saha. Sa yero sa bucueducũgũ yerota
tiquinare. Sa ye ne pari turi utisi tiquina,
nidi Jesu yequina pũhtoa mehna cjãno
yũhũre.

8

*Seis papera tunurine tiquina piha
ñehedire tũhrẽ tuhasaro aperore tũhrẽahye tja
Cordero*

¹ Seis papera tunurine tiquina piha
ñehedire tũhrẽ tuhasaro aperore tũhrẽdi
tja Cordero. Tiquiro sa tũhrẽ tuhasagã
hora deco topũ uhmũsepũ quehnoano dihta
mariaa wahari.

² Sa yegũ siete angelere Cohãcjũ poto
ducuyequinare ihñaũ. Sa yero tiquinare
siete cornetarire ohori apequiro.

³ Apequiro angel uru pare buye ehme
sitiyere pose yeati pare cũoriquiro altar
cahapũ esa, ducuri. Topũ tiquiro ducugũ peye
ehme sitiye tiquirore ohori ijipihtiyequina
Cohãcjũ yequina tiquirore tiquina
sinidi mehna moreaitre. Sa yero uru al-
tarpũ Cohãcjũ dujiro caha ijiri altarpũ ti
ehme sitiye bueri Cohãcjũre.

⁴ Sa ye angel tiquiro cũori pa cjẽ ehme
sitiyere altarpũ tiquiro poho siteri bato ti
ehme sitiye cjẽ ohmeo Cohãcjũ yequina
tiquirore tiquina sinidi mehna mũjaa wa-
hari.

⁵ Sa wahari bato altar cjẽ nitine ti papũ
wehe sãa tuhasa, yehpapũ doque cũri.
Tiquiro sa doque cũgũta mia sitedoqueo,
tutuaro upo pari. Sa yero sijoro saha ijiro
bisi maa, yehpa ñuhmi maari.

Cornetarire yahuahye Ñu

⁶ Came siete angele tiquinape tiquina cor-
netarire putie tee nidi.

⁷ Ihcãquiro angel tiquiro yariare puti
mũhtari. Tiquiro sa putigũ aco paca yũsuaye
paca, peca mehna, dii mehna moreñe
paca yehpapũ doque dijiori. Sa doque
dijjogũta yehpa ẽjũa wahari. Ohõ puno
ũjũri: Ahri yehpa deco esaro taro yemehno
ũjũa wahari. Sa yero to puno poseta yucari
gũhũ, taa gũhũ ẽjũa wahari.

⁸ Angel ihcãquiro tiquiro sa puti mũhtari
bato apequiro angel tiquiro yaria cornetare
putiri tja. Tiquiro sa putigũ pajidũ cũnũ yero
saha bajudũ quehnoano ẽjaducudũ pajiri
mapure waha maa ñojoaa wahari. Sa yero
yehpa ẽjũriro puno to punota pajiri ma dii
ma dojoa wahari.

⁹ Sa ye pajiri ma cjẽna wahi deco mehna
meheno esaboro yariaa wahari. Sa ye tope
yucũsari gũhũ minia wahari pajiri mapure.

¹⁰ Pũaro angele tiquina putiri bato
apequiro angel gũhũ tiquiro yaria cornetare
putiri tja. Tiquiro sa putigũ pajiria
ñahpicoha, sihãria yero saha asiria yehpapũ
bora sa quehea wahari. Ahri yehpa cjẽ mări
deco mehna meheno esaboro tope mări bui
bora sa quehea wahari ñahpicoha. Tope mări
pohteri bui bora sa quehea wahari.

¹¹ Tope mãrita suẽñe mări wahari. Sa wa-
hagũ peyequina masa ti mări cjẽ acore sihn-
ime, yariaa wahari. Tia ñahpicoha “Suẽnia”,
wame tiri.

¹² Ihtiaro angele tiquina putiri bato ape-
quiro angel gũhũ tiquiro yaria cornetare
putiri tja. Tiquiro sa putigũ asũ deco
cjãno, ñami cjãno gũhũ deco mehna meheno
esaboro dojoa wahari. Ñahpicoha pari gũhũ
deco mehna meheno esaboro tope pacata
dojoa wahari. Tope paca uhmũse cjẽ paca
quehnoano buhriouerari. Decopũ pititia
hora waro asũ deco cjãno ne buhriouerari.
Ñamine pititia hora waro asũ ñami cjãno,
ñahpicoha pari gũhũ ne buhriouerari.

¹³ Came ihñadoque meou tja. Uhmũsepũ
wũriquirore cacure ihñaũ. Sa yegũ tiquiro
sañuducũgũ tũhou. Ohõ saha nidi tiquiro:

—Ña yũhdũare. Ña yũhdũare. Ihtiaro an-
gele duhsari yojopũ putiatiquina. Tiquina
putiri bato ña yũhdũaro waharota. Sa wa-
hagũ ahri yehpapũ ijyequina ña yũhdũaro
yũhdũeta, nidi tiquiro.

9

¹ Came pititiaro angele tiquina putiri
bato apequiro angel tiquiro yaria cornetare
putiri tja. Tiquiro sa putigũ ñahpicoha yero
saha ijiriquiro angel uhmũsepũ bora dijia
tariquirore ihñaũ. Sa yero tiquirore uhcũãri
cope cjã sawire ohori.

² Sa yero tiquiro ti copere tiquiro pũogũ
peca ohmeo wijiari. Pajiri peca cjẽ ohmeo

yero saha pajiro ohmeo wijiari ti copere. Sa wijiari ti ohmeo duita asū deco cjanore, ahmase gāhure butia wahagū yeri.

³ Sa ye ti ohmeo puhiarū ijieyequina poreroa yehparū ahtari. Sa ye cutipa tiquina tutuaro purīno saha tiquina gāhu tutuaro purīdi.

⁴ Sa yero taare, yucūgire, apeye oteyere ñano ye dutierari tiquinare. Masa dihitare ñano ye dutiri tiquinare. Cohācjū wamene tiquina wahdoā pacare ohōmehneñequina dihitare ñano ye dutiri tiquinare poreroare.

⁵ Sa ñano ye dutieperota tiquinare wejē dutierari. Tiquinare wejē dutieraperota ihcā omope asāri waro tiquinare ñano purīgū ye dutiri. Cutipa toaye tiquina purīno saha purīgū yeyequina ijiri poreroa gāhu.

⁶ Tiquinare tiquina sa purīgū yegū masa yariaa duaeta. Tiquina sa yaria duepegūta tiquinare yaria dutisi.

⁷ Poreroa pehe caballoa yero saha bajuri. Tiquina cahme wejēato pano caballoare tiquina suhti sāariro saha sa bajuyequina ijiri tiquina poreroa gāhu. Tiquina dapu paca bui puhtoā pesaye behtori uru behtori yero saha bajuri. Tiquina wahdoā paca masa yero saha bajuri.

⁸ Tiquina poari numia poari yero saha ijiri. Sa ye tiquina upiri yayia upiri yero saha ijiri.

⁹ Jeripohna cahmotari cahsero come cahsero yero saha bajuri tiquina cutiro. Sa ye tiquina wāgū peyequina caballoa omañequina tiquina omano saha tiquina wāgū bisiri. Caballoa tunuñe paca wejeyequina tiquina cahme wejēnopū wahaye, tiquina bisiro saha bisiri poreroa wāgū.

¹⁰ Sa ye cutipa picōno tiro saha, toaria tiquiuro cūoro saha ijiri tiquina poreroa. Sa ye tiquina toaye paca mehna toaye, ihcā omope asāri waro masare purīgū yeri.

¹¹ Sa ye tiquina puhtoro tiyequina ijiri. Hcūāri cope upāro ijiri tiquina puhtoro. Tiquiuro angel ijiri. Hebreo ye mehna Abadón wame tiri tiquiuro. Griego ye mehna Apolión wame tiri. (Apolión “Dojomehneniquiro” nino nine.)

¹² Poreroa masare ñano tiquina purīgū yeri bato ahri tiquina ñano yahdu mahtariro pihntia wahari. To bato pūa taha pari turi ñano yahdueta masa.

¹³ Came ihcā omopequina angele tiquina putiri bato apequiuro angel tiquiuro yaria cornetare putiri tja. Tiquiuro sa putigū Cohācjū caha ducuri altarpū uru altarpū yahuducuye bisi wijiario ca tari. Ti altar cjē sahari pititia saharopū yahuducuye bisi wijiario ca tari.

¹⁴ Sa yahuducuro cornetare putiriquiuro angelre yahuri:

—Eufrates wame tiri ma pajiri mapū peresupū ijieyequinare angelere wioya. Tiquina pititiaro angele ijire, nino ca tari.

¹⁵ Sa nigū tūhoro angel pehe tiquinare pititiarore wiori, peyequina masare wejēatiquinare. Ahri cūhmare, ahri asūre, ahri decore, ahri horare queoro cohteye nidi tiquina pititiaro angele. Tiquina cohteriro esa tuhasare. Sa ye wejēñe tee nine. Ijiphtieyequina deco esaboro caha masare wejēatiquina ijire.

¹⁶ Sa yegū tiquina yequina surarare “Ohōpequina ijire”, tiquina nigū tūhou. Tiquina caballoa bui pesayequina ijiri. Doscientos millones surara ijiri.

¹⁷ Sa yegū caballoare tiquina bui pesayequina gāhure ihñau. Sa ye caballoa bui pesayequina tiquina jeripohnarine cahmotaye suhti come suhti sohāñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohāñequina yero saha bajuri. Tiquina dūseripū peca, ohmeo, azufre wame tiye ohmeo gāhu wijiari.

¹⁸ Sa ye caballoa dūseripū wijiaye masare wejēdi. Ijiphtieyequina deco mehna meheno esaboro waro topequina masare wejēdi. Sa ye peca mehna, ohmeo mehna, azufre mehna peyequina masare wejēdi.

¹⁹ Tiquinare caballoa dūseri mehna wejēdi. Sa ye caballoa picōri mehna wejēdi tja. Tiquina picōri sohtoapū añaa dapu paca yero saha bajuri. Sa ye tiquina picōri mehna ñano yeri tiquina masare.

²⁰ Peyequina masa yarieyequina tiquina wejē dūhariquina pehe tiquina ñañe yerire ne duhuerari. Watñare ño peo duhuerari. “Cohācjū ijire”, tiquina niñe queoye gāhure ño peo duhuerari. Ti queoye uru mehna, plata mehna, bronce wame tiye come mehna, utā mehna, yucūri mehna tiquina yeri queoye ijiri. Sa ye ti queoye pehe ihñedari. Tuhoerari. Tiniedari.

²¹ Peye ñañe gāhure tiquina ne bujua witiarari. Masare tiquina wejēdire, tiquina numia mehna tiquina ñano yerire, tiquina yaqueri gāhure ne bujua witiarari tiquina. Sa ye masare ujuayequina yayia tiquina yero saha yeye, ti gāhure ne bujua witiarari tiquina.

10

Meheni tunugāre papera tunugāre ne cāhtahye angel

¹ Came apequiuro tutuariquiuro angel ahmasepū tiquiuro dijia tagū ihñau. Ehmeo curua watoapū ahtari. Sa yero buheni da tiquiuro dapu bui pesari. Tiquiuro wahdoā asū deco cjanō yero saha asi siteri. Tiquiuro ñecari uñari peca yero saha bajuri.

² Sa yero meheni tunugā papera tunugāre tiquiuro pāri tunugāre cūori tiquiuro. Tiquiuro

dahpocā poto pehe cjā dahpocā mehna pajiri mapu chta cūri. Tiquiro dahpocā cū pehe pehe mehna dihtapu chta cūri.

³ Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete ppoa yahuye ca tamedí.

⁴ Tiquina sa yahugū tuhogu ojoa ducami. Yuhu sa ojoa ducagūta ahmusepu yuhare yahuducuro ca tari.

—Siete ppoa tiquina nidire apequinare yahueracāhña. Sa yegu tire ojoa nedacāhña, nino ca tari yuhare.

⁵ Tiquiro sa nidi bato pajiri mapare chta cū, dihtapare chta cūriquiuro angel tiquiro omoca poto pehe siðoque m̄uori ahmusepu.

⁶ Sa siðoque m̄uono Cohācjū sa catiducuriquiuro wame mehna wame peori. Tiquiro Cohācjū pehe ijiphtiyere ahmuse, ahmuse cjēne, ahri yehpare, ahri yehpa cjēne, pajiri mare, pajiri ma cjēne yeriquiuro ijire. Sa yero ohō saha nidi angel:

—Cohācjū mehna poto nii najia. To punota cohenatja.

⁷ Seis angede cornetarire tiquina putiri bato apequiuro angel putigū Cohācjū panopu tiquiro “Ohō saha yeitja” nidiro sahata yerota. Panopu masare tire quehnoano yahuerahye. Came tiquiro cahacjēnare, tiquiro yere yahu m̄uhtariquina pehere quehnoano yahu pehoahye tiquiro. Ti tiquiro yahu cūrire yojopare yerota tiquiro, nidi angel.

⁸ Tiquiro sa nidi bato ahmusepu yuhare yahuducuriquiuro pari turi yahuducuro ca tari tja. Ohō saha nino ca tari yuhare:

—Pajiri mapu chta cūriquiuro dihtapu chta cūriquiuro siquiuro angel cahapu wahaya. Sa wahagu papera tunugāre tiquiro c̄uori tunugāre neña, nino ca tari yuhare.

⁹ Tiquiro sa nigū tuhogu angel cahapu wahau. Tiquirore papera tunugāre yuhu sinigū thoro ohō saha ni yuhtiri yuhare:

—Neña. Sa yegu ahri tunu papera tunugāre ihyaya. M̄uhu coā ihyagū umi yero saha quehnoano bisirota. M̄uhu paapu m̄uhu ihya s̄ori bato s̄eñe waharota, nidi yuhare.

¹⁰ Tiquiro sa nigū tuhogu ti tunugāre angelre yuhu nedi bato ihyau. Yuhu coā ihyagū umi yero saha bisiri. Yuhu ihya s̄ori bato yuhu paapu s̄eño wahadu.

¹¹ Yuhu sa ihyari bato ohō saha nidi yuhare:

—Pari turi ijiphtiyere macari cjēna, ijiphtiyere yehpari cjēna, peye yahuducuyere yahuducuyequina, tiquina puhtoā gūhu came tiquina d̄uhse wahatire yahuyuya m̄uhu, nidi yuhare.

11

P̄uaro Cohācjū yere yahuatiquinare yahu ojoahye Nū marine

¹ Came yuhare queodure ohori Cohācjū. Tuadu puno yoadu ijiri tu. Tare ohoro ohō saha nidi yuhare:

—Ya wuhare queogu wahaya. Ti wuhu cjā altar gūhare queoya. Sa yegu ti wuhapu yuhare ño peoyequinare queoya.

² Sopecaha wijia saducari paare quehnoari paare queoeracāhña. Ti paa yuhare cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhare ñano yeeta. Sa yegu queoeracāhña tiquina ya paare quehnoari paare.

³ Sa yegu yeere yahuatiquinare puarore ohoutja. Mil doscientos sesenta decori waro yeere yahuetā. Masa dija suhtire sañañequina ijietā tiquina yuhu yahu dutiyequina, ni yahuri yuhare.

⁴ Ahri yehpa cjēna puhtoro poto puadu Olivo wame tye cju ducure. Puadu sihā peoye cju gūhu ti cju cahapu ducure. Ti cju mehna queoye mehna yuhu buhegū ahriquina puaro mari puhtoro yere yahuyequina ti cju yero saha ijire.

⁵ Sa ye tiquinare ihña tuhtiyequina tiquinare ñano ye duagū tiquina pehe d̄u seri cjē peca mehna uñā pehoeta tiquinare ihña tuhtiyequinare. Sata tiquinare ñano yeyequinare wejēta tiquina puaro mari puhtoro yere yahuyequina pehe.

⁶ Sa ye tiquina puaro acoro ahta dutieragū acoro ahtasi. Sa yero mari puhtoro yere tiquina yahuro puno acoro ahtasi. Sa ye m̄arine dii m̄ari wahagū yeeta tiquina. Sa ye ahri yehpare ñano wahagū yeeta. Ijiphtiyere d̄uhse ijiyere, ijiphtiyequina d̄uhse ijiyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

⁷ Tiquina sa ye pehogū ahcūari copapu ijiriquiro ñariquiuro nucu cjāno wijiarota. Sa wijiaro Cohācjū yere yahuyequina mehna cahmequenota. Sa cahmequeno tutua yuhducuro tiquinare wejēnota.

⁸ Tiquiro sa wejēdi bato tiquina paguri pajiri maca cjā mahapu cuñaeta. Yahuyequina puhtorore tiquina quē biha wejēdi maca ijire ti maca. Ti maca cjēna ñañequina ijije Sodoma cjēna, Egipto cjēna yero saha ijire.

⁹ Sa cuñañe ihtia deco quehnoano cuña, ape deco deco mehna tiquina paguri mahapu cuñaeta. Sa ye ijiphtiyere yehpari cjēna, ijiphtiyere cururi cjēna, ijiphtiyere yahuducuyere yahuducuyequina tope decori waro tiquina pagurire ihñaducuetā. Sa ye tope decori waro tiquina pagurire ya dutisi.

¹⁰ Tiquina sa yariariquina ijigū ihñañe ahri yehpa cjēna bucueeta. Sa bucueye bose decore yeye, tiquina basi apee borore sa oho quēeta. Tiquina p̄varo Cohācjū yere yahuyequina masare ñano yuhdagū yeriquina ijiahye. Sa ye tiquina sa yariagū ihñañe bucue yuhdueta ahri yehpa cjēna.

¹¹ Sa yero ihtia deco ape deco deco mehna bato Cohācjū tiquina pagurire masonota. Tiquiro sa masogū tiquina pari turi wahcādacaeta. Tiquina sa wahcādacagū ihñañe ijipihtiyequina cue yuhdueta tiquinare.

¹² Came tiquina p̄varo ahm̄user̄u tutuaro yahuducugū tahoeta. Ohō saha ninota tiquinare.

–Ohōp̄u m̄uja taya masa, ninota.

Tiquiro sa nigū tahoye ehmeo curua watoa m̄ujaa wahaeta. Tiquina yabiriquinare m̄ujagū ihñañe masa.

¹³ Tiquina sa m̄ujagūta yehpa tutuaro ñuhminota. Sa ñuhmigū ti maca cjē wuhuse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dahsariquina pehe acaaa wahaeta. Sa ye Cohācjūre ahm̄use cjānore “Tutuagū ijire” ni ño peoeta tiquirore.

¹⁴ Ahri ijipihtiyē tiquina sa wahari bato p̄ua taha masa ñano yuhdu tuhasariquina ijietā. Tiquina sa yuhd̄ari batogāta pari turi duita masa ñano yuhdueta tja.

Seis cornetarire tiquina putiri bato apequiro putiahye

¹⁵ Came seis cornetarire tiquina putiri bato apequiro angel tiquiro yariare putiri. Tiquiro sa putigū ahm̄user̄u tutuaro yahuducuye ca tari. Ohō saha nino ca tari: Yojoꝛp̄u mari Pacu, Cristo mehna ahri yehpa cjēna p̄uhtoa ijietā. Sa yero p̄uhtoro sa ijiducurota Cohācjū, nino ca tari.

¹⁶ Sa ye Cohācjū poto p̄uhtoa dujiyep̄u dujiyēquina veinticuatro Jesu yequina p̄uhtoa Cohācjū poto quehe sa, tiquirore ño peori.

¹⁷ Sa ño peoye ohō saha nidi:

Ūsā p̄uhto Cohācjū, tutua yuhdagū ijire m̄uh̄u. M̄uh̄u panop̄u sa ijiducuahye. Sa yegū yojoꝛp̄u ḡuh̄ure sa ijiducure. Camer̄u ahtahta m̄uh̄u. M̄uh̄u tutuaye mehna masa tiquina p̄uhto m̄uh̄u ijidacagū “Quehnoare” niája m̄uh̄ure.

¹⁸ Ijipihtiyequina ahri yehpa cjēna m̄uh̄ure cahmedariquina m̄uh̄u mehna usuamedī. Yojoꝛp̄ure tiquinare m̄uh̄u buhiri dahreati pje ijire. Yariariquina ḡuh̄ure m̄uh̄u buhiri dahreati pje ijire. Sa yero m̄uh̄u yequina pehere quehnoañene tiquina yeri wapare m̄uh̄u ohoati pje ijire. Ihquēquina tiquina m̄uh̄u cahacjēna m̄uh̄u yere yahu m̄uh̄tariquina ijire. Sa ye tiquina, apequina m̄uh̄u yequina mehna ijipihtiyequina m̄uh̄ure ño peoyequina ijire. Sa yegū

p̄uhtoare, ihyo ijiyequina ḡuh̄ure m̄uh̄u yequina tiquina ijiri wapa quehnoano yeita m̄uh̄u. Sa yero ahri yehpa cjēnare dojomehne cohteriquinare m̄uh̄u cohāti pje ijire yojoꝛp̄ure, ni ño peori p̄uhtoa Cohācjūre.

¹⁹ Tiquina sa yeri bato ahm̄use cjā wuh̄u Cohācjū ya wuh̄u tiquiro p̄ōri wuh̄u ijiri. Sa yena ti wuh̄up̄u ijiri acarore ihñāu. Ti acaro puh̄iap̄u Cohācjū masare tiquiro yedohoatire yahuri pū sañari. Yuh̄u sa ihñagūta mia sitedoqueo, upo pa maari. Sa yero sijoro saha ijiro bisī maa, yehpa ñuhmi maa, aco paca yus̄uaye paca ahm̄user̄u peye bora dijia tari.

12

Numino ḡuh̄ure pinono ḡuh̄ure yahuahye

Ñu

¹ Came ahri yehpa dahse wahatire ahm̄user̄u ihñori. Tiquiro sa ihñori ihyo waro ijierari. Ohō saha ihñā m̄uh̄tau: Ūhm̄user̄u numinore ihñāu. Ticoro suhtiro asū deco cjāno yero saha asi siteri. Sa yero asū ñami cjāno bui ducuri. P̄uhtoro pesari behto borore doce ñahpicoha paca c̄uori behtore pesaricoro ducuri.

² Sa yero mehenogā dahsari ticoro pohna tiato. Sa yero ticoro sañuducuri.

³ Came pari turi ihñāu ahm̄user̄u tja: Pajiriquire pinonore sohāriquire ihñāu. Siete dapu paca tiriquire ijiri. Ijipihtiyē tiquiro dapu paca p̄uhtoa pesaye behtori borore pesaye dapu paca ijiri. Sa yero diez waro sahari tiriquire ijiri tiquiro.

⁴ Tiquiro picōno mehna ñahpicoha pacare wahba sitedoge dijiori yehpap̄u. Ijipihtiyē ñahpicohare deco esaboro caha wahba site-dogē dijiori. Sa yero numino pohna tiaticoro poto ducuri pinono. Ticoro mac̄nogā bajuagū tiquirogāre ihyaro taro nimedī.

⁵ Camedgāta c̄uo tuhasari niijnogāre. Ijipihtiyē yehpari cjēna p̄uhtoro ijiatiquiro ijiri tiquirogā. Tiquiro sa p̄uhtoro tutuariquiro ijigū, masa tiquirore yuhdaducaye ihcāno sahasi. Tiquiro sa masa bajuagūta Cohācjū tiquiro dujiro cahap̄u tiquirogāre ne cāa wahari.

⁶ Tiquiro sa yegū numino pehe masa marienop̄u duhti cāa wahari. Cohācjū tiquiro quehnoyurirop̄u duhti cāa wahari ticoro. Top̄ure mil doscientos sesenta decori waro Cohācjū ticorore ihñā ihbori.

⁷ Coā warop̄ure ahm̄user̄u cahme wejē d̄ucahye. Miguel wame tiriquire angel tiquiro yequina angele ḡuh̄u pinono mehna cahmequeahye. Tiquina sa cahmequegū pinono tiquiro yequina angele mehna Miguel ḡuh̄u mehna cahmequeahye.

⁸ Sa ye Miguel ḡuh̄u pinonore yuhdaducahye. Sa yero pinono yequina angele ḡuh̄ure ahm̄user̄u iji nemo dutierahye.

⁹ Sa yero pajiriquiro pinonore cohã cãhye Cohãcjã. Tiquiro pinono watñota ijiro nidi. Satana wame tiriquireo ijiri. Panopũ tiquiro pinono pagũ saha bajuriquiro ijiahye. Sa yero ijipihitiri yehpa cjẽnare ni mehoriquireo ijire. Tiquirore tiquiro yequina angele mehna yehparũ cohã dijiyahye.

¹⁰ Came ãhmãsepũ sañuducuro ca tagã tuhõu:

Yojoþare mari Pacũ masare yãhdũori. Yojoþã pũritare mari Pacũ mari pũhoro ijiro ahtari tiquiro tutuayere ihñono taro. Sa yero tiquiro ohoriquireo Cristo gãhũ tiquiro pũhoro ijiyere tiquiro tutuayere ihñori ijipihitiyequinare. Watñore ãhmãsepũ ijiriquirore yehparũ cohã dijiori. Sa yero tiquiro tutuayere ihñori mari Pacũ. Tiquiro watño pehe decoripe, ñaminipe Jesu yequinare “Ahriquina ñãñequina ijire”, ni yahusãno ñãhye mari Pacũre. Sa yero mari acayere Jesu yequinare yahusãriquireo ijiahye.

¹¹ Cristo Cordero wame tiriquireo tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijyie, watñore yãhdũdũcari. Sa ye quehnoañe buheyere buheye, watñore yãhdũdũcari. Tiquiro yere buheye apequina tiquinare wejẽ duepegãta, Cristo yere duhuerari.

¹² Sa yena masa ãhmãse cjãna bucueya. Watñore yehparũ tiquiro cohã dijiogã ihñana bucueya. Sa yepegãta ahri yehpa cjãna, pajiri ma cjãna gãhũ pejesũona wahanata masa pehe. Mũsa caharũ dijiori watño. Tiquirore buhiri dahreato mehenogã dũhsare. Sa yero usua yãhdũare tiquiro. Mũsa caharũ tiquiro esagã pejesũona mũsare tojoagã yerota tiquiro, ni sañuducugã tuhõu.

¹³ Sa yero pinono tiquiro cohã dijiriquiro numinore, nijinogã pacorore nãnũ tã cãri.

¹⁴ Sa yero ticorore pajiriquiro sacũ tiquiro wãye dũpãrĩre ohori Cohãcjã, masa marienopũ ticoro wũ duhti cãtore. Topũ ticoro esari bato ihtia cahma quehnoano ape cahma deco waro ticorore ihña ihbõri Cohãcjã. Tiquiro sa ihña ihbogã pinono ticorore ñano ye masiedari.

¹⁵ Topũ ticoro ijigã ihñano pinono acore pajiro puti sitedoqueori ticorore miono taro.

¹⁶ Tiquiro sa yegã yehpa pehe ticorore yedohori. Pinono dũseropũ wijiaye acore yehpa pehe aco ihmi peho cãri.

¹⁷ Sa wahagũ ihñano pinono numino mehna usua yãhdũari. Sa usaro ihquẽquina ticoro panamena iji turiayequina mehna cahmequeno wahari.

Tiquina pehe Cohãcjã dutiyere yeyequina ijyie, Jesu ye buheyere quehnoañe buheyere ne duhuyequina ijiri.

¹⁸ Sa yero pinono pajiri ma dũhtũ caharũ ducuri.

13

Þharo nũcũ cjẽnare yahuahye Ñũ

¹ Pajiri ma dũhtũ caharũ ducugũ, nũcũ cjãnore ti marũ ijiriquirore wahcã pahagũ ihñau. Tiquiro pehe siete dapu paca, diez sahari waro cũoriquiro ijiri. Tiquiro sahari pũhota pesaye behtori borore pesari. Sa yero tiquiro dapu pacare tiquiro wamene ojoa ohõri dapu paca ijiri. Ti wame tiquiro ñano wame tigũ ihña yabiri Cohãcjã.

² Sa yero tiquiro nũcũ cjãno yairo dohroriquiro yero saha bajuri. Sa yero mie yero saha dahpocãri tiriquireo ijiri. Sa yero yairo sohãriquireo pajiriquirodu yero saha dũsero tiriquireo ijiri. Sa yero pinono pehe tiquiro tutuayere ohori nũcũ cjãnore. Sa ohoro tiquirore pũhoro dujiropũ cũno tiquiro yero saha peyequina masare dutigã yeri pinono nũcũ cjãnore.

³ Ihcã dapu nũcũ cjãno dapu tiquina wejẽbo cureriquiro dapu yero saha bajuri. Sa bajuepegãta tiquiro camino pehe yatia wahari. Ti dapu catigã ihñañe, ihña maria wahari ijipihitiyequina ahri yehpa cjẽna. Sa ihña maria wahaye, nũcũ cjãnore ño peori. Sa ye tiquiro yequina wahari masa.

⁴ Sa ye nũcũ cjãnore pinono tiquiro tutuayere tiquiro ohogũ ihñañe masa pehe tiquirore pinonore dũsepe curi mehna quehe sa, ño peori. Sa ye nũcũ cjãno gãhũre dũsepe curi mehna quehe sa, tiquirore ño peori. Sa ño peoye ohõ saha nidi:

—Ne apequireo mũhũ yero saha tutu-
ariquireo mariẽdare. Apequireo mũhũre ne
yãhdũdũca masiedare, ni ño peori masa
nũcũ cjãnore.

⁵ Sa yero tiquiro nũcũ cjãno “Tutua yãhdũdũcagu ijiaja”, tiquiro niepegãta Cohãcjãre tiquiro ñano yahuducuepegãta sa tuhõtu cãrĩdi Cohãcjã pehe. Sa yero cuarenta y dos asãri waro tiquiro nũcũ cjãno masare dutinimedi. To punota tiquiro pũhoro ijigã cahmedi Cohãcjã.

⁶ Sa yero tiquiro Cohãcjãre ñano yahuducuri. Tiquiro wamene, tiquiro ya wãhũre, ãhmãsepũ tiquiro ijiro cjẽna gãhũre ñano yahuducuri nũcũ cjãno.

⁷ Sa yero Cohãcjã yequinare cahme wejẽno tiquinare yãhdũdũcari. Tiquiro sa yepegãta sa ihña cãrĩdi Cohãcjã. Cohãcjã tiquiro sa ye dutieragã yeraboya. Sa yero ijipihitiyequina ahri yehpa cjẽna bui pũhoro ijinimedi nũcũ cjãno. Ijipihitiye cururi cjẽna bui, ijipihitiyequina macari cjẽna bui, yehpari cjẽna bui, ijipihitiye

yahuducuyere yahuducuyequina bui puhtoro ijini medi tiquiro.

⁸ Sa ye ijipihtiyequina ahri yehpa cjēna tiquiro n̄cu cjāno poto d̄sepe curi mehna quehe sa tiquirore ño peori. Ahri yehpare Cohācjū tiquiro bajumehneato panoti quiro yequina ijiatiquinare, sa ijiducuatiquinare tiquina wamene ojoa ohō tuhasahye. Ti tju tiquiro sa ojoa ohōri tju Cordero tiquina wejēdiquiro ya tju ijire. Ti tju tiquina wamene ojoa ohōnohedariquina dihita n̄cu cjānore ño peori.

⁹ Cahmo tina ijire m̄sa. Sa yena tuhoya.

¹⁰ Ijipihtiyequina masare peresu yenohatiquinare came tiquinare peresu yeeta. Ijipihtiyequina masa ñose wejēnohatiquinare tiquinare ñose wejēeta. Tire masina mari Cohācjū yequina ñano yuhd̄epenata tiquirore cohādecāhna. Sa yena tiquirore wacū tutuuhna.

¹¹ Came apequiro n̄cu cjānore ihñau tja. Yehpa puhiaꝑ ijiriquiro wijiagū ihñau. Pua sahoro oveja sahari yero saha bajuye sahari sahari tiriquiro ijiri. Sa yero pinono yero saha yahuducuri.

¹² Sa yero n̄cu cjāno iji muhtariquiro pehe came ijiriquiro pehere puhtoro sōri. Tiquiro sa puhtoro sōnohriquiro pehe ijipihtiye yehpari cjēnare iji muhtariquirore ño peogū yeri. Iji muhtariquiro n̄cu cjāno tiquina wejēbo cureriquiro camino yatiriquiro ijiri.

¹³ Sa yero came ijiriquiro n̄cu cjāno tutuaye mehna ye ihñori masa tiquina ihñau mariatore. Sa yero masa tiquina ihñonopu peca pajiri peca um̄seꝑu bora dijia tagū yeri.

¹⁴ Sa yero iji muhtariquiro ihñonopu apequiro n̄cu cjāno pehe tutuaye mehna masare mehoꝑi. “Ahriquiro m̄sa ño peoatiquiro ijire”, nino. Sa yero tiquiro masare mehono, iji muhtariquiro queoyere masare ye dutiri. Tiquiro iji muhtariquiro ñoseni p̄ji mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apequiro n̄cu cjāno masare. Tiquina sa yegū Cohācjū yabieperota sa ihñau cārīahye.

¹⁵ Sa yero came ijiriquiro n̄cu cjāno pehe iji muhtariquiro queoyere catigū yeri masare ti queoye dutiatio saha. Sa yero ti queoyere ño peoyequinare wejē dutiri masare queoye pehe.

¹⁶ Sa yero ijipihtiyequinare tiquina omocari poto pehe, tiquina wuhdoꝑa paca gāhure ojoa ohō dutiri n̄cu cjāno came ijiriquiro. Ihyo ijieyequinare, puhtoare, doeri c̄jē opanare, pejec̄oyequinare, tiquina cahacjēnare, cahacjēna ijieyequinare, ijipihtiyequinare tiquina omocarine tiquina wuhdoꝑa paca gāhure ojoa ohō dutiri.

¹⁷ Tiquiro iji muhtariquiro n̄cu cjāno tiquiro wamene, tiquiro ya numerore ojoa ohōñequinare ne dú dutierari. Sa yero tiquinare dua dutierari.

¹⁸ Tire quehnoano wacū masiña m̄sa. Tūho masina ijina n̄cu cjāno tiquiro ya numerore quehnoano ihñau masiña. Ti numero um̄no wame yero saha ijire. Ti numero seis cientos sesenta y seis ijire.

14

Cohācjū tiquiro yuhd̄oriquina wahma basayere basahye

¹ Came Siō wame tidu canu bui ducuriquirore Corderore ihñau. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pacaro ye wame gāhure tiquina wuhdoꝑa pacare tiquina ojoa ohōnohriquina ijiri.

² Tiquinare yuhu ihñagūta um̄seꝑu yahuducuro ca tari. Pajiri peo bisiro saha puo tutuaro bisiro saha bisiro ca tari tiquiro yahuducuyere. Sa yero arpa wame tiyere tiquina bua puñeno saha bisiro ca tari tiquiro yahuducuyere.

³ Topu puhtoro dujoro cahapu pititiaro sijoro saha bajuyequina, Jesu yequina puhtoꝑa gāhu ijiri. Sa ye tiquina poto ciento cuarenta y cuatro mil masa ducuri. Topu ducuyere, wahma basayere basaye nidi. Ti basayere tiquina dihita masidi. Cristo yuhd̄oriquina dihita ti basayere masidi. Tiquina ahri yehparu ijimediquina tiquiro ne m̄oriquina ijiri.

⁴ Ne tiquina ihcā tahagā numino mehna ñano yerari. Sa ye Corderore ihñau cūñequina ijieye, tiquiro yere sa yeducuyequina ijiri. Sa yero ñañequina mehna ijieyequinare tiquiro yuhdoatiquinare nedi Cohācjū pehe. Sa tiquiro yuhd̄oriquina ijieye, Cohācjū yequina ijiatiquina, Cordero yequina ijiatiquina gāhu iji muhtariquina ijiri.

⁵ Sa ye tiquina mehna cjēna ne ihcāquiro ni mehoriquiro mariedare. Sa ye Cohācjū tiquiro tuhutugū ñañe marieñequina ijiri tiquina.

Ihtiaro angele yahuducu dijioahye

⁶ Came um̄seꝑu wariquirore angelre ihñau. Tiquiro ahri yehpa cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye yehpari cjēnare, quehnoañe buheyere yahuatiquiro ijiri. Ti buheyere ne camesaeraye, sa ijiducure.

⁷ Sa yero angel sañuducuro ohō saha ni yahuducu dijiori:

—Cohācjūre cueya. “Tutua yuhduagu, quehnoa yuhduagu ijire”, niña tiquirore. Yojopare masare tiquiro buhiri dahreati pje ijiro nine. Tiquiro um̄sere, ahri yehpare, pajiri mare, mári pohteri gāhure yeriquiro

ijire. Sa yena tiquirore dusepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel uhmusepu wariquiro ohō saha ni yahuducu dijiori:

—Tiquinare cohā cāhri. Pajiri maca Babilonia wame tiri maca cjenare cohā cāhri Cohācjū. Tiquina tiquiro cohāriquina pehe ijipihiteyquina apequinare ñano yegū yeri. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjenare ihña cūri. Sa yero Cohācjū tiquinare tutuaro buhiri dahreri, ni yahuducu dijiori apequiro angel.

⁹⁻¹⁰ Tiquina puaro angele tiquina sa nidi bato apequiro angel tiquina bato wariquiro ohō saha ni yahuducu dijiori:

—Ijipihiteyquina nucū cjanore ño peoyequinare, tiquiro queoyere ño peoyequinare, tiquina wuhdoa pacare, tiquina omocarine tiquiro wamene ojoa ohōnohriquina gāhure buhiri dahrerota Cohācjū. Tiquina mehna usuaro, tiquina pūritare tutuaro waro buhiri dahreducurota Cohācjū. Nucū cjanore ño peoyequina ijipihiteyquina pecapu wahaeta. Topu tutuaro purinota tiquinare peca mehna, azufre wame tiye mehna tiquina wijiāri peca mehna. Quehnoañequina angele, Cordero gāhū tiquina ihñonopu ñano yuhdueta tiquina.

¹¹ Ti peca sa ohmeo tiducurota. Ne yatisi. Tiquinare sa puriducugū yere. Ijipihiteyquina nucū cjanō poto dusepe curi mehna quehe sa, ño peoyequinare sa puriducurota. Decoripe, ñaminipe sa puriducu cāhnota. Tiquiro queoyere ño peoyequina, tiquiro wamene ojoa ohōnohriquina gāhū sata ñano yuhdueta, ni yahuducu dijiori angel.

¹² Sa tiquina ñano yuhdugū ihñana Cohācjū yequina tiquiro dutiyere yena, Jesure cohāedarina ijina, tiquiro yere duhueracāhña. Ñano yuhduepenata Cohācjū yere cohāedacāhña.

¹³ Came uhmusepu yuhñre yahuducuro ca tagū tūhou. Ohō saha nidi yuhñre:

—Ahrire ojoaya muhū. Cohācjū yequina tiquirore cohāedarina ijina yojoapare masa yariari bato gāhure bucuena ijire masa, ni yahuducu dijiori yuhñre.

Tiquiro sa nidi bato Espiritu Santo pehe ohō saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Uhmusepu tiquina wahagū quehnoano tiquina yerire wacūnota Cohācjū. Sa yero tiquina sa yeri wapa tiquinare quehnoano yerota. Sa ye tiquina bucuयेyquina ijire, ni nemori Espiritu Santo.

Wese cjē oteye ducare mari bese nenō saha Cohācjū tiquiro yequinare bese nenota. Ñañequina pehere sijoro bese docorota

¹⁴ Came ehmeo curua yehseri curuare ihñau. Ti curua bui masano yero saha bajuriquiro dujiri. Tiquiro uru behto puhtoro pesari behto borore pesari. Sa yero dihi pji siori pjiñe cuori tiquiro.

¹⁵ Came apequiro angel Cohācjū wuhapu ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Muhū dihi pji mehna wese cjē ducare ahri yehpa cjē ducare date ne pehoya. Yojoapare tiquiro queori pje esare. Yojoapare dca neni pje esare, nidi angel.

¹⁶ Tiquiro sa nigū tūhoro tiquiro dihi pji mehna ahri yehpa cjē ducare ne ducari ehmeo curua bui dujiriquiro.

¹⁷ Came apequiro angel gāhū Cohācjū wuhapu ijiriquiro wijia tari. Tiquiro gāhū dihi pji siori pjiñe cuori.

¹⁸ Sa yero apequiro angel altar cahapu ijiriquiro wijia tari. Tiquiro pehe altar cja pecare ihña ihboriquiro ijiri. Sa wijia taro dihi pji siori pjiñe cuori quirore sañuducuri:

—Muhū dihi pji mehna ahri yehpapu ijiri wese, uhse wese cjē ducare neña. Uhse pehe ñi tuhasari, ni sañuducuri.

¹⁹ Tiquiro sa nigū tūhoro angel tiquiro ya pji dihi pji mehna ahri yehpa cjē uhse tūhorine yuhre nedi. Tiquiro sa yeri bato ti tūhorine uhse tūhorine tiquiro ñatihātopu cohāri. Tiquiro sa cohāriro saha Cohācjū tiquirore cahmeeñequinare tutuaro usuaro, cohānota.

²⁰ Ti maca dāhta cahapu tiquina ñatihātopu ti uhse tūhorine ñatihāri. Topu tiquina ñatihāgū dii wijiari. Dii ma yero saha ijiri. Tres cientos kilómetro yoari ma, ihcā metro quehnoano ape metro deco uhcuāri ma ijiri.

15

Masa tiquina ñano yuhduatire angele cū bato tiahye masare

¹ Came uhmusepu sijoro saha ijiorre ihñau. Tire ihñañe masa ihña maria wahaga. Ahri yehpapare dūhse wahatore marine ihñori. Sa yero ti ihyo waro ijierare. Ohō saha ihñau: Siete angele ijiri. Cohācjū usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cūatiquina ijiri.

² Angelere yuhū ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegu nucū cjanore tiquiro queoye gāhure yuhduaducayequinare ihñau. Tiquina tiquiro wamene tiquiro ya numerore cuoyequina ijiri. Tiquina yuhū ihñagū

pajiri ma aco sitiri ma dautu cahapu ducuri. Topu ducuyequina arpa wame tiyere bua putēne cuori. Ti bua putēne Cohācjā tiqairo ohoi ijiri.

³ Sa ye Cohācjā cahacjāno, Moise ye basayere basaye nidi. Cordero ye basaye gāhare basaye nidi. Ohō saha ni basari:

Usā puhto mahu Cohācjā tutua yuhduagu ijire. Mahu yerire ihāna ihāna maria wahaja usā. Mahu yeri quehnoa yuhduare. Mahu ijipihitiye yehpari cjēna puhto ijire. Quehnoano ni mehono marieno yeducure mahu. Ijipihitiyequina mahare cueeta.

⁴ Ijipihitiyequina mahare “Tutuagu ijire”, nieta. Mahu dihita hāne mariegu ijire. Ijipihitiye yehpari cjēna mahu cahapu esaye, dusepe curi mehna quehe sa, mahare hō peoeta. Sata yeeta tiquina ijipihitiyequina queoro mahu yerire ihāne, ni basaye nidi tiquina.

⁵ Came ahmusepu ihāna muogu, Cohācjā wahu pōori wuhare ihāna. Topu Cohācjā ijiri tucū waropu Cohācjā dutiye tiqairo ojoari pjini utā pjini tiquina ihbōri pjini ijiri.

⁶ Ti wuhare yahu ihāgāta siete angele ti wahu puhiaru ijiriquina wijia tari. Tiquina Cohācjā buhiri dahre dutiro tiqairo cūatiquina ijiri. Tiquinape tiquina buhiri dahreatire cuori tiquina angele. Quehnoane suhti, yehseye suhti sahañequina ijiri. Sa ye tiquina cutiro bui uru cahsero mehna taā dihōriquina ijiri.

⁷ Ti wuhapu ijiriquina tiquina wijia tagū pititiaro sijoro saha bajuyequina mehna cjāno tiquinare siete angelere siete uru parire ohoi. Ti pari Cohācjā usua tiqairo buhiri dahreati mehna quehnoano wahpari ti pari. Tiqairo Cohācjā sa ijiducuriquiro ijire.

⁸ Tiqairo sa ohogū Cohācjā wahu puhiaru tiqairo asi siteye mehna tiqairo tutuaye mehna ohmeo ti sehsaa wahari. Sata ohmeo wahu wahagū ne masa ti wuhare sajā masiedari. Siete angelere Cohācjā buhiri dahre dutiro tiqairo cūiro saha masare tiquina buhiri dahre tuhasari bato pari turi ti wuhapu sajā masine tja. Tiqairo buhiri dahreato pano sajā masiedari.

Cohācjā masare tiqairo buhiri dahreatore yahuahye

16

¹ Came Cohācjā wuhapu tutuaro yahuducuro ca tari. Siete angelere yahuro nidi:

—Siete paripu pose tiyere yehparu pio sitedoque dijiona wahaya. Yehpa cjēnare Cohācjā tiqairo nidiro sahata buhiri dahreya yojopare, ni yahuducuro ca tari.

² Tiqairo sa nigū tūhoro iji mahitariquiro angel tiqairo cuori paru pose tiyere yehparu pio sitedoque dijiori. Tiqairo sa pio sitedoque dijiogū nacu cjāno wamene ojoa ohōnohriquina, tiqairo queoyere hō peoriquina hōno cami tiri. Ti cami tutuaro purūdi tiquinare.

³ Tiqairo sa pio siteri bato apequiro angel tja tiqairo cuori paru pose tiyere pio sitedoque dijiori tja pajiri mapu. Tiqairo sa pio sitedoque dijiogāta ti ma dii ma wahari. Yariariquiro dii yero saha ijiri ti dii. Sa wahagū ti ma puhiaru ijiyequina yaria pihitia wahari.

⁴ Puarō tiquina sa pio siteri bato apequiro angel tja tiqairo cuori paru pose tiyere pio sitedoque dijiori tja mārīpu, ti mārī pōhteripu gāhare. Tiqairo sa pio sitedoque dijiogū mārī dii mārī dihita wahari.

⁵ Sa wahagū ihāno apequiro angel mārīne cohteriquiro ohō saha nidi:

Cohācjā mahu hāne mariegu ijire. Yojopu gāhare sa ijiducugu ijire mahu. Panopu gāhare sa ijiducue tiri mahu. Sa yegu masa tiquina hāno yegū ihāgu queoro buhiri dahri mahu tiquinare. Dii mārīne yegu quehnoano yeri mahu.

⁶ Nacu cjāno yequina pehe mahu yequinare wejēne, dii cohāgū yeri. Mahu yere yahuyequina gāhare wejēne, dii cohāgū yeri. Tiquina sa wejēdi buhiri mārī dii mārī wahari. Sa ye tiquinare diire mahu sa sihniyū yegū quehnoarīne. Sata mahu buhiri dahregū tiquina ye buhiri ijire, nidi mārīne cohteriquiro angel.

⁷ Tiqairo sa nidi bato altarpū yahuducuro ca tari:

—Sa tjire. Cohācjā usā puhto tutua yuhduagu ijire mahu. Ni mehono marieno, queoro masare bese, buhiri dahre mahu, ni yahuducuro ca tari.

⁸ Ihtiaro angele tiquina pio siteri bato apequiro angel tiqairo cuori paru pose tiyere pio sitedoque dijiori tja asū deco cjāno bui. Tiqairo sa pio sitedoque dijiogāta asāre masare tutuaro asigū yeri Cohācjā.

⁹ Sa yero asū deco cjāno masare tutuaro asiri. Sa ye Cohācjā tiquinare tiqairo buhiri dahre dutigū masiñe, tiquirore hāno yahuducuri masa. Sa hāno yuhduapeta tiquina hāne yerire ne bujua witiarari. Sa ye duhuerari. Cohācjāre “Tutuagu ijire”, ni hō peo duerari.

¹⁰ Pititiaro angele tiquina pio siteri bato apequiro angel tja tiqairo cuori paru pose tiyere pio sitedoque dijiori tja nacu cjāno tiqairo dujiro bui. Puhtoro dujiro ijiri tiqairo dujiro. Tiqairo sa pio siteri bato tiqairo yequina tiquina ijiri yehparu nahitia wahari. Sa ye tiqairo yequina masa hāno purīgū bahque dihōri.

¹¹ Tiqunare ñano purtepegüta ñano cami tiepeta, ne tiquina ñaŋe yerire bujua witierari. Sa ye tire duhuerari. Sa ye Cohäcju tiqunare tiquiro cami dahregü masiŋe tiquirore uhmuse cjanore ñano yahuducuri.

¹² Ihcä omopequina angele tiquina pio siteri bato apequiro angel tja tiquiro cœori papu pose tiyere pio sitedoque dijiori tja Eufrates wame tiri ma pajiri mapu. Tiquiro sa pio sitedoque dijiogüta ti ma sihbi quehea wahari. Asü mûja taro cjenä puhtoä yequina masa mehna ti mare tiquina pehä tatore sa yeri.

¹³ Came ihtiaro watïare taharocua yero saha bajuyequinare ihñau. Ihcäquiro pinono puhiapu ijiriquiro tiquiro duseropu wijia tari. Apequiro watïno nucu cjanö duseropu wijia tari. Apequiro watïno "Cohäcju yere yahu mahtagu ijiaja", ni mehoriquiro duseropu wijia tari.

¹⁴ Sa ye tiquina ihtiaro watïa tutuaye mehna yeyequina ijiri. Ijipihtiro cjenä puhtoare cahmecoagü yeri tiquina cahme wejê dutiye tehe. Tiquina sa cahme wejêati deco Cohäcju tutua yuhduariquiro ijipihtiyequinare tiquiro dutiati deco, pihtiati deco ijire.

¹⁵ Ohö saha nidi Jesu: "Ihñaña musa. Yaquiroquiro wacüeno mehna tiquiro yaquero ahtaro saha yuhu gähu wacüeno mehna ahtaütja. Yuhu ahtatore quehnoano cohteriquiro bucueroquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueroquiro. Sa yeriquiro ijiro yuhu ahtagü suhti marieniquiro tiquiro bæ tiboriro saha bæ tisi tiquiro", nidi Jesu.

¹⁶ Came ihtiaro watïa yehpari cjenä puhtoare cahmecoagü yeri tiqunare. Tiquina cahmecoano Hebreo ye mehna "Armagedon", wame tiri.

¹⁷ Seis angele tiquina pio siteri bato apequiro angel tja tiquiro cœori papu pose tiyere ehmeo cururi cahapu pio sitedoque dijiori tja. Tiquiro sa pio sitedoque dijiori bato puhtoro dujioropu Cohäcju wuhapu tiquiro dujioropu tutuaro yahuducuro ca tari:

—To punota ijiaga, nino ca tari.

¹⁸ Tiquiro sa nigüta mia sitedoqueo, upo pa maa, sijoro saha ijiro bisi maa, cuaro yehpa ñuhmidi. Ahri yehpapu masa tiquina iji ducari bato ne sa ñano yehpa ñuhmieda tiri. Apeye ñuhmiŋe yuhduoro cuaro yehpa ñuhmidi.

¹⁹ Sa ñuhmigü pajiri macare ihtia maha yihti maa wahari. Sa ye bujuye macari ahri yehpapu ijiye macari sehte dijiaa wahari. Sa yero Babilonia wame tiri maca pajiri maca cjenare wacüri Cohäcju tiqunare buhiri dahrero taro. Tiquina ñaŋene yeri

buhiri tiquina mehna tutuaro usuari. Sa usuaro tiqunare tutuaro buhiri dahreri.

²⁰ Tiquiro sa yegü ijipihtiyere nucu, cunu cju gähu cohö pihtia wahari. Sa ye ne mariedare.

²¹ Sa ye bujuye paca aco paca yuhäye paca yehpapu masa bui bora dijia tari. Ijipihtiyere paca aco paca cuarenta kilo nucuŋe paca ijiri. Tiquina bui ti paca sa bora dijia tagü Cohäcju masare tiquiro tutuaro buhiri dahregü masiŋe ñano yahuducuri masa Cohäcjure.

17

Umuä mehna ñano yeducuricorore ña yuhduaro yericorore buhiri dahre dutirota

¹ Came siete pari cuoyequina angele mehna cjanö yuhu cahapu wihiro ohö saha nidi yuhare:

—Ihñagu ahtaya. Peye märi bui dujiricorore umua mehna ñano yeducuricorore ña yuhduaro yericorore Cohäcju tiquiro buhiri dahreatire ihñagu ahtaya muhu.

² Ahri yehpa cjenä puhtoä ticoro mehna tiquina ñano yeboro saha ticoro yero saha yeri. Cohäcju ye pehere cahmedari. Ahri yehpa cjenare ticoro quehegü yeboro saha tiquina mehna ticoro ñano yeboro saha ticoro masare ñaŋene tutuaro cahmegü yeri. Sa yero ñaŋene yegü yeri masare, ni yahuri angel yuhare.

³ Tiquiro sa nidi bato Espiritu Santo pehe yuhare ihñori: Angel pehe masa marienopu neari yuhare. Topu numinore ihñau. Ticoro nucu cjanö sohäriquiro bui pesaricoro ijiri. Nucu cjanö pehe tiquiro pagapu peye wame tiquina oja ohönohricoro ijiri. Ti wame ñaŋe wame Cohäcju tiquiro ihña yabiye wame ijiri. Sa yero siete dapu paca tiriquiro, diez sahari tiriquiro ijiri nucu cjanö.

⁴ Sa yero numino pehe quehnoano yahsaye suhti puhtoä tiquina sañaŋe suhti saha ijiyere sañaricoro ijiri. Sohãŋe suhti gähare sañaricoro ijiri. Peye urure, wapa tiye utäre, perla pjeri gähare ohöri suhtire sañaricoro ijiri ticoro. Sa yero uru pare cœori ticoro. Ti papu pose tiye ñaŋe ticoro yeri jiri. Umuä mehna ñano yero, pajiro ñano yeri ticoro. Ti ñaŋene ihña yabire Cohäcju.

⁵ Ticoro wuhdoapu ticoro wame tiquina oja ohönohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: "Pajiri maca Babilonia wame tiri maca ijire. Ijipihtiyere wana tiye dahpoto cjonö, ña yuhduayere yericoro ijire", ni, ticoro wuhdoapu tiquina oja ohönohricoro ijiri.

⁶ Sa yero ticoro peyequina Cohäcju yequinare wejêdicoro ticoro ijigü masii.

Queheyere ticoro bucuero saha tiquinare wejêno, tiquina dii cohâgû bucueri ticoro. Jesure tiquina cohâedari buhiri ticoro wejêdi tiquinare. Ticorore ihñagû, ihña maria wahau.

⁷ —¿Dahsegû mahû ihña maria wahajari? nidi angel yuhare.

Sa nino yuhare ohô saha ni nemori:

—Mahû masiedarire mahare yahutja. Numinore mahare yahutja. Ticoro pesariquiro gûhare yahutja. Tiquiro nûcu cjâno ijiri. Sa yero siete dapu paca tiriquire, diez sahari tiriquire ijiri.

⁸ Tiquiro panorû ijiriquire ijiri. YojoPURE mariedare tiquiro. Came tiquiro ahcûari coperû ijiriquire wijia tarota. Tiquiro sa wijia tari bato pecarû waharota. Ahri yehpa cjêna tiquirore ihña maria, ño peori tiquirore. Ahri yehpa ijiato pano Cohâcÿ tiquiro yequina ijiatiquinare sa ijiiducatiquinare tiquina wamene ojoa ohôahye. Tiquiro ojoa ohônohedariquina ijiri nûcu cjânore ño peoyequina. Tiquiro pehe panorû ijiri. YojoPURE pehere mariedare. Camerû pari turi bajarota. Sa ye tiquiro bajuagû ihñañe masa tiquirore ihña maria wahaeta.

⁹ YojoPURE yûhû yahuatire masi duana, quehnoano tûhonata mûsa. Sa yena tûho masina ijiya. Nûcu cjâno dapu paca siete dapu paca siete cûnû cÿ ijire, mari queoye mehna buhegû. Ti cûnû cÿ buirû pesare ticoro amûa mehna ñano yeducuricoro.

¹⁰ Ti dapu paca siete puhtoa yero saha ijire, mari queoye mehna buhegû. Peyequina masa puhtoa ijire. Ihcâ omopequina puhtoare cohâ tuhasari. Apequiro tiquina bato ijiriquire puhtoro ijire yojoPURE. Apequiro pehe came puhtoro sajânota. Sa sajâno mehenogâ puhtoro ijirota tiquiro.

¹¹ Sa yero nûcu cjâno sohâriquire panorû iji mahitariquiro, yojoPURE marieniquiro tiquina siete puhtoa bato puhtoro ijirota. Siete puhtoa mehna cjâno ijire. Came pecarû waharota.

¹² Nûcu cjâno sahari diez sahari diez puhtoa yero saha ijire, mari queoye mehna buhegû. Peyequina masa puhtoa ijire. Tiquina puhtoa sajâedare yojoPURE. Camerû puhtoa sajâñe mehenogâ puhtoa ijieta. Yoari pje iji dutisi tiquinare. Sa puhtoa ijiye nûcu cjâno mehna puhtoa ijieta.

¹³ Tiquina diez puhtoa ihcâno saha tûhotuyequina ijire. Sa ijiye tiquina nûcu cjânore tiquina ye yehpari cjêna puhtoro sôeta.

¹⁴ Sa ye Cordero mehna cahme wejêeta. Tiquina sa cahme wejêpegûta Cordero tiquiro beseriquina mehna tiquirore ne cohânequina mehna tiquinare yuhdûcaeta. Tiquiro ijipihtyequina apequina puhtoa bui puhtoro ijire. Sa

yero tiquinare yuhdûcarota, nidi angel yuhare.

¹⁵ Ahrire yuhare yahu nemori angel:

—Umûa mehna ñano yeducuricoro mâri bui dujiri. Ti mâri ahri yero saha ijire mari queoye mehna buhegû: Ijipihtye yehpari cjêna, peye cururi cjêna, peye yahuducuyere yahuducuyequina yero saha ijire ti mâri.

¹⁶ Nûcu cjâno, diez puhtoa gûhû amûa mehna ñano yeducuricorore ihña yabieta. Tiquina diez puhtoa nûcu cjâno mehna ticoro yere ehma peho, suhti mariedicoro cohâeta ticorore. Sa ye ticoro pagure ihaeta. Tiquina sa yeri bato ticorore ujâa pehoeta.

¹⁷ Tiquina diez puhtoa ihcâno saha tûhotuye, nûcu cjânore tiquina ye yehpari cjêna puhtoro sôeta. Tiquinare sa yegû yeri Cohâcÿ, tiquiro cahmeno saha yero taro. Sa yero nûcu cjâno pehe puhtoro ijirota. Ijipihtye Cohâcÿ panorû tiquiro yahuriro sahata tiquiro yeri bato nûcu cjânore cohânota.

¹⁸ Ticoro mahû ihñaricoro mehna ohô saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtyequina apequina puhtoa bui ijire ti maca cjêna, nidi angel yuhare.

18

Babilonia wame tiri maca tiquiro cohâri maca ijire

¹ Came apequiro angel ahmusepû dijia tariquirore ihña. Tiquiro puhtoro waro ijiri. Sa yero tiquiro asi siteye ijipihtiorû quehnoano buhrio sehssa wahari.

² Tiquiro sa dijiri bato tutuaro sañuducu yahuri:

—Cohâri jiri. Babilonia wame tiri maca pajiri maca cjênare cohâri jiri. YojoPURE watîa, peyequina ñañequina pagû bajueyequina gûhû ti macarû ijiye nine. Ñañequina boro minicÿa pari gûhû ti macarû ijiye nine. Tiquina minicÿa masa tiquina ihña yabiyequina ijiri.

³ Ijipihtye yehpari cjêna ti maca cjênare ñañequinare ihña cûñe, tiquina gûhû ñano yeri. Sa ye ahri yehpari cjêna puhtoa ti maca cjêna numia mehna ñano yeri. Ticoro sa amûa mehna ñano yeducuricoro ijiro wapa tiyere dûe tiri. Pajiro ticoro sa dûgû ahri yehpa cjêna doeri cjê duayequina pajiro wapatari, ni yahuri angel.

⁴ Came pari turi ahmusepû yahuducuro ca tari. Ohô saha nidi:

—Yeequina, ahricoro amûa mehna ñano yeducuricoro mehna ijieracâhña mûsa. Ticoro mehna mûsa ijigû mûsa gûhare buhiri dahrerota. Sa yena ticoro ñano yeyere ihña cûedacâhña.

⁵ Ticoro ñano yeri peye ijire. Ticoro ñano yerire pari tju mari duhu peo mæogū ti tju pehe uhmusepæ wahã sa cãboaga. Sa ye ticoro ñano yeri peye ijire. Sa yero ticoro ñano yerire wacũre Cohãcjã. Sa wacũno ticorore buhiri dahre dutirota.

⁶ Ticoro tutuaro tiquiro buhiri dahrenohaticoro ijiahero. Masare ticoro ñano yegã yeriro saha ticoro gãhure ñano yuhdugã yeahro. Masare ticoro sa ñano wahagã yeriro saha ti yuhduoro ticorore ñano buhiri dahreahro.

⁷ Ticoro "Quehnoago ijiaja", ni tahotumedi. Sa ni tahoturo, wapa bujuyere pajiro cuori ticoro. Ti wapa bujuyere pajiro ticoro cuoro punota ticorore pajiro ñano yuhdugã yeahro. To punota ticorore bujua witiã yeahro. Ticoro basi ohõ saha ni tahotumene. "Ohõpæ dutigo dujiaja. Wape wiho ijieraja. Sa yego ne ñano yuhdusi yuhũ", ni tahotumene ticoro.

⁸ Sa ni tahoturicoro ijigũ wacũeno mehna ticorore buhiri dahrerota. Ticoro dohati, yariariquinare yahco uti, ujuã ahbarota. Sa yero ticorore ujuã borota. Mũsa puhtoro Cohãcjã ticorore buhiri dahre dutiriquiro tutua yuhduariquiro ijire. Sa yero sa yuhũ nidiro saha ticorore buhiri dahre dutirota, nino ca tari uhmusepæ.

⁹ Sa ye ticoro yero saha ijiri macare Cohãcjã tiquiro buhiri dahrereri bato ahri yehpa cjẽna puhtoa tutuaro bujua witi, utieta. Ti maca cjẽna mehna ñano yeyequina ijiri. Ti maca ujugũ ihñañe utieta tiquina.

¹⁰ Sa ujugũ ihñañe tiquina puhtoa yoaropæ ihñaadoqueoducuenta, "Ušã gãhure buhiri dahreari", niñe. Topæ ihñaadoqueoducuye ohõ saha nieta:

—Yohou, pejecuori maca ijire, Babilonia. Si maca pajiri maca tutuari maca ijimedi. Wacũeno mehna si macare buhiri dahrereri, nieta tiquina.

¹¹ Ijipihtiuro cjẽna doeri cjẽ duayequina ti macare ihñañe tutuaro bujua witi utieta. Ti maca pihigũ ihñañe, tiquina ye doeri cjẽne dúyequina mariedagũ ihñañe bujua witieta tiquina. Sa ye utieta.

¹² Tiquina ne cãhtarire urure, platare, wapa bujuye utãre, perla wame tiye paca gãhure dúyequina marisi. Sa ye apeye tiquina ne cãhtarire suhti quehnoañe suhtire, yahsaye suhti puhtoa tiquina sañañe suhti saha ijiye suhtire, seda wame tiye suhtire, sohãñe suhtire dúyequina marisi. Sa ye apeye tiquina ne cãhtarire yucari ehme sitiye yucãrre dúyequina marisi. Sa ye apeye tiquina ne cãhtarire marfil wame tiye mehna tiquina yerire, wapa bujuye cju mehna tiquina yerire, bronze wame tiye come mehna tiquina yerire, come butiye mehna tiquina yerire,

marmol wame tiye mehna tiquina yerire dúyequina ne marisi.

¹³ Sa ye apeye tiquina ne cãhtarire canela wame tiyere tiquina ihyayere ocagã yeyere, apeye tiquina ihyayere ocagã yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cãhtarire vinore, uhsẽ ihyaye moreñene, trigore, trigo pjerire, wecuare, corderoare, caballoare, tunuñe cohrori caballoa tiquina wejeye cohrorire dúyequina marisi. Cahacjẽnare dú tiquinare cuoyequina gãhũ marisi. Masa tiquina ijipegũta tiquinare dúyequina ijimedi. Yojoapure marisi. Sa ye bujua witieta doeri cjẽne duayequina.

¹⁴ Sa ye ohõ saha nieta tiquina ti maca cjẽna ijiriquinare:

—Adei, ñabutiario wahayari. Ijipihtiye mũsa cahĩmedi pihitia wahari. Sa ye ijipihitiye quehnoañe mũsa cuomedi pihitia wahari. Sa yena tire pari turi bocasi mũsa, nieta doeri cjẽne duayequina.

¹⁵ Tiquina ti macare doeri cjẽne duaye, pajiro wapatamedi. Sa ye tiquina ti macare yoaropæ ihñaadoqueoducuenta, "Ušã gãhure buhiri dahreari", niñe. Sa ihñaadoqueoducuye ti macare tutuaro bujua witi utieta.

¹⁶ Ohõ saha nieta ti macare:

—Adei, pejecuoyequina ijire si maca pajiri maca quehnoari maca cjẽna mũna. Si maca numino yero saha quehnoañene cuori. Numino pehe quehnoañe suhtire, yahsaye suhti puhtoa tiquina sañañe saha ijiye suhtire, sohãñe suhti gãhure sañari. Sa yero uru, wapa bujuye utã, perla wame tiye paca ohõri suhtire sañari. Sa yeri si maca cjẽna.

¹⁷ Sa ye wacũeno mehna si maca buti pihitia wahari, nieta ti macare.

Sa ye ijipihtiyequina yucusari mehna tiniñequina, ti yucusari opana, tiquina mũna, apequina pajiri mapæ dahra wapatayequina gãhũ ti macare yoaropæ ihñaadoqueoducuenta.

¹⁸ Topæ ihñaadoqueoducuye ti macare to ujugũ ihñañe ohõ saha ni sañuducuenta:

—Quehnoañe macari si maca yero saha ijiye macari ne apeye macari mariedare, ni sañuducuenta tiquina.

¹⁹ Sa bujua witiyequina ijiye tiquina dapu paca bui dihtare orẽ peoeta. Sa ye tutuaro yahco utiye ohõ saha nieta:

—Adei, pejecuoyequina ijire si maca cjẽna mũna. Quehnoari maca ijimedi. Ijipihitina yucusarire cuona pajiri mapæ tinina ijina si maca cjẽ doeri cjẽ mehna quehnoano wapatami mari. Sa ye duita si maca cjẽ buti pihitia wahari, nieta yucusari cjẽna.

²⁰ Ti macare tiquiro cohãgũ ihñana bucueya mũsa uhmuse cjãna. Cohãcjũ yequina, Jesu tiquiro cõrina, tiquiro yere

yahu mahtarina ijiphtina masa bucueya. Ti maca cjēna masare ñano yuhdugū yeri. Tiquina sa yeri buhiri buhiri dahreri Cohācjū. Sa yena bucueya masa.

²¹ Sa yero tutuariquiro angel pajiria utāre ne wahcō, pajiri mapu doque ñori. Sa doque ñono ohō saha nidi:

—Ahria utā bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa.

²² Ti macare butia wahagū yerota. Sa ye ti macapu basayere masa basaducuriro saha ne acaro tisi. Arpa wame tiyere masa bna putēducuro saha, flauta wame tiye pacare, corneta gūhure masa putiducuriro saha pari turi ti macapu acaro tisi. Sa ye ti maca mariedagū pari turi ti macapu dahrayequina dahrasī. Sa ye utā mehna trigore masa ña mutoñe gūhure tuhonoñsi.

²³ Ne ti maca buhriro cuñariro saha ne ijisi. Sa ye omoca duhtena masa bucie yahuducuriro saha pari turi ne acaro tisi. Ti maca cjāna masa doeri cjēne duana, dūna gūhu apequina yuhduoro cuomedi masa. Sa yena yayia masare ujuayequina yero saha yena ijiphtiro cjēnare mehori masa. Masa sa yerire ihña mariañe, Cohācjū pehere cahmedari masa, nidi tutuariquiro angel.

²⁴ Ti maca cjēna Cohācjū yere yahu mahtariquinare apequina tiquiro yequina gūhure ijiphtiro cjēnare wejēdi jiri. Tiquina sa wejēdi buhiri buhiri dahreri Cohācjū Babilonia cjēnare.

19

¹ Babilonia dahse wahatire yuhu ihñari bato ahmasepu peyequina masa sañuducue ca tari yuhu tuhogū. Ohō saha ni sañuducuri: Aleluya. Cohācjūre quehnoano yahuducuhna. Cohācjū marine yuhduoriquiro ijire. Tiquirore quehnoano ño peouhna. Tutua yuhduariquiro ijire tiquiro.

² Mehono marieno queoro masare buhiri dahrere tiquiro. Ñañe buhiri marieñequinare tiquinare buhiri dahrerare. Ñaricorore amna mehna ñano yeducuricorore ihña cūñe ijiphtiro cjēna, ahri yehpa cjēna ñano yeri. Ticoro pehere buhiri dahreri Cohācjū. Sa yero tiquiro cahacjēnare ticoro wejēdi buhirire buhiri dahreri tiquiro, ni sañuducue ca tari.

³ Pari turi sañuducue ca tari tja: Aleluya. Cohācjūre quehnoano yahuducuhna. Ti maca ñari maca tiquiro ujāari maca sa ohmeo tiducurota, ni sañuducue ca tari.

⁴ Sa yeye veinticuatro Jesu yequina puhtoa, pititiaro sijoro saha bajuyequina mehna dusepe curi mehna quehe sa, mari

Pacare tiquiro dujiropu dujiriquire ño peori. Ohō saha ni ño peori tiquina: “Aleluya. Sata yeihna. Mari Pacare quehnoano yahuducuhna,” nidi tiquina.

⁵ Came puhtoro dujiropu ohō saha nino ca tari:

Mari puhtoro Cohācjūre ño peoya. Tiquiro cahacjāna, tiquirore ño peona, ihyo ijina, puhtoa gūhu ijiphtina masa tiquirore quehnoano yahuducuya, nino ca tari.

Cordero tiquiro omoca duhteati deco bose decore yahuahye Ñu

⁶ Came peyequina masa tiquina yahuducugū tahu. Sa ye pajiri peo, pu mehna tutuaro bisiro saha yahuducue ca tari yuhu tuhogū:

Aleluya. Cohācjūre quehnoano yahuducuhna. Tiquiro mari puhtoro pehe puhtoro sañā tuhasari. Tutua yuhduariquiro ijire tiquiro.

⁷⁻⁸ Cordero tiquiro omoca duhteati pje ijire yojopare. Tiquiro omoca duhteaticoro quehnoano tiquina quehno tuhasaricoropu ijire. Ticorore quehnoari suhtiro wete marieni suhtirore ohori. Ti suhtiro Cohācjū yequina quehnoañe tiquina yeri yero saha ijire, mari queoye mehna buhegū. Sa yena ti omoca duhteati pje ijigū bucueihna mari. Cohācjūre “Tutua yuhduariquiro ijire”, niñhna, ni yahuducue ca tari.

⁹ Tiquina sa nidi bato angel ohō saha nidi yuhure:

—Ahrire ojoa neña: “Cordero tiquiro omoca duhteri deco bose decore tiquiro pijioriquina bucueyequina ijire”, ni ojoa neña, nidi angel yuhure.

Sa ninota ohō saha ni nemori:

—Ijirota ijire ahri yuhu yahuri. Cohācjū ye yahuducuye ijire, ni nemori yuhure.

¹⁰ Tiquiro sa nigū tuhogata tiquiro caha dusepe curi mehna quehe sa, tiquirore ño peou tñu nimi. Yuhu sa yegū waro ohō saha nidi tiquiro yuhure:

—Tire yeracāñña. Muñu yero saha yuhu gūhu Cohācjū cahacjāta ijiaja. Muñu acaye Jesu yequina ijiphtiyequina tiquiro ye buheyere duhueyequina yero saha yuhu gūhu Cohācjū cahacjāta ijiaja. Sa yegu Cohācjū pehere dusepe curi mehna quehe sa, tiquirore ño peoya, nidi angel yuhure.

Cohācjū yere yahu mahtariquina muna panopu cjēna Espiritu Santo yedohoro mehna ti buheyere Jesu ye buheyere yahuyuahye.

Caballo yehseriquiro bui pesariquireore yahuahye Ñu

¹¹ Came ahmase parī maa wahagū ihñau. Topu caballo yehseriquiro ijiri. Tiquiro bui pesariquiro ohō saha wame tiri: Tiquiro nidi sahata yeriquiro poto yeriquiro wame

tiri tiqiro. Queoro masare dutiriquiro ijiro, tiqirore ihña tuhtiyequina mehna cahme wejēne.

¹² Tiquiro caperi peca pohna yero saha ijiri. Sa yero tiqiro dapurū peye pūhtoā pesaye behtori ijiri. Sa yero tiqiro pagurū wame oja ohōnohrikiro ijiri. Ti wamene tiqiro dihita masidi. Apequina masiedari.

¹³ Tiquiro sañari suhtiro yoari suhtiro dīi wahñari suhtiro ijiri. Tiquiro ohō saha wame tiri: Cohācjū ye yahuducuyere yahuriquiro wame tiri tiqiro.

¹⁴ Sa ye tiqiro yequina surara ūhmūse cjēna tiqirore nūnū tāri. Yehseyequina caballo bui pesayequina quehnoañe yehseye suhtire, wete mariefne suhtire sañariquina ijiri.

¹⁵ Tiquiro dūseropū ñoseni pñine siori pñine cuhñuri. Ti pñi ijipihtiye yehpari cjēnare tiqiro yūhdūdcati pñi ijiri. Sa yero tiqiro tutuaye mehna tiqiro dutigā ne ihcāquiro tiqirore yūhdūdcaro cūsi. Cohācjū ijipihtiye yehpari cjēna mehna usuare. Tiquiro sa usagā caballo bui pesariquiro tiquinare tutuaro buhiri dahrerota.

¹⁶ Tiquiro suhtirorū, tiqiro ñecu gāhure ahri wamene oja ohōri jiri: “Ijipihtiyequina apequina pūhtoā bui pūhtoro”, ni oja ohōri jiri.

¹⁷ Came asū asirorū ducuriquirore angelre ihñau. Ijipihtiyequina ūhmūsepurū wūyequina yucaā parire sañuducu mūori tiqiro. Ohō saha ni tutuaro sañuducu mūori:

—Cahmecoana ahtaya. Cohācjū tiqiro bōse decorū ihyana ahtaya.

¹⁸ Peye yehpari cjēna pūhtoare, surara pūhtoare, surara parire, caballoare, tiquina bui pesayequinare, ijipihtiyequina apequina masare, cahacjēnare, cahacjēna ijieyequinare, apequina pūhtoare, ihyo ijieyequinare tiquina ijipihtiyequina tiquina paguri ijirire ihyana ahtaya, nidi angel yucaare.

¹⁹ Came nūcu cjānore, ahri yehpa cjēna pūhtoā tiquina yequina surara parī gāhure ihñau. Caballo bui pesariquiro mehna tiqiro yequina surara parī mehna cahme wejēne tehe cahmecoari tiquina.

²⁰ Tiquina sa cahme wejēgū caballo bui pesariquiro nūcu cjānore peresu yeri. Apequiro “Cohācjū yere yahu māhtagū ijiaja”, ni mehoriqiro gāhure peresu yeri. Tiquiro ni mehoriqiro pehe nūcu cjāno tiqiro ihñonopū tutuaye mehna ye ihñoriqiro ijiri. Tiquiro sa ye ihñori mehna nūcu cjāno wamene wahñañequinare tiqiro queoyere ño peoyequinare ni mehori “Ahri Cohācjū ye ijire”, nino. Tiquina pūarore tiqiro peresu yeri bato tiquinare catieyquinareta pecapū cohāri. Ti peca pajiri ma yero saha pajiri peca azufre mehna ūjiri peca ijiri.

²¹ Sa yero dūhsariquinare tiquina yequina surara parire ñoseni pñi mehna tiqiro dūseropū ijiri pñi mehna wejēdi caballo bui pesariquiro pehe. Sa tiqiro wejēdi bato yucaā pari tiquina paguri ijirire ihyaye, yapi yūhdūā wahari.

20

Mil cūhmari waro Cristo tiqiro yequina mehna masare dutirota

¹ Came apequiro angel ūhmūsepurū tiqiro dijia tagū ihñau. Ūhcūāri cope cjā sawire, pajiri da, come da gāhure cuori tiqiro.

² Sa dijia wihiro pinonore ñehedi tiqiro. Tiquiro pinono panopū pinono saha pagū tiriquiro ijiro, watño Satana wame tiriquiro ijiri. Tiquirore ñeheno tiqirore dūhteri mil cūhmari waro peresu yero taro.

³ Sa dūhte tuhasa, ūhcūāri copepurū cohāri tiqirore ahri yehpari cjēnare mil cūhmari waro tiqiro “Mehoari”, nino. Sa cohā tuhasaro ti copere biha, piha ñehe cāri. Sa yero mil cūhmari bato pari turi meheñe decorigā tiqirore wiorñota.

⁴ Came pūhtoā dujiyere ihñau. Ti dujiyepū dujiyequina gāhure ihñau. Tiquinare masare tiquina beseatore ñañene yeyequinare tiquina buhiri dāhtreatore cūri Cristo. Apequina gāhure ihñau. Tiquina pehe Jesu yere Cohācjū yere tiquina yahuri buhiri tiquina dapu pacare dūte cohānohriquina ijiri. Nūcu cjānore tiqiro queoye gāhure dūsepe curi mehna quehe sa ño peerari. Sa ye tiquina wāhdoā pacare tiquina omocari gāhure tiqiro wamene oja ohō dutierari tiquina. Sa ye apequina tiquinare wejēdi bato masaa wahari tja. Masari tiquina mil cūhmari waro Cristo mehna pūhtoā ijieye tehe.

⁵ Apequina Cristo yequina yariariquina mūna masaedarīdi. Tiquina wejēdiquina tiquina masari bato mil cūhmari pūhtoā tiquina ijiri bato apequina gāhū masaa wahaeta. Sa ye tiquina wejēdiquina mūna Cristo yequina tiqiro bato masa māhtañequina ijiri.

⁶ Tiquiro maso māhtariquina pehe tutuaro buceyeyequina ijietā. Ñañe mariefnequina ijietā tiquina. Sa ye pecapū wahasi tiquina. Masa pecapū wahaye, pari turi tiquina yariaro saha wahare. Sa ye tiquina pecapū wahaarare. Masa māhtariquina Cohācjū, Cristo yequina pahia ijietā tiquina. Sa ye mil cūhmari waro Cristo mehna masa pūhtoā ijietā.

⁷ Mil cūhmari bato Satanare peresupū ijiriquirore wiorota.

⁸ Tiquirore sa wiori bato ahri yehpa cjēnare mehono waharota tiqiro. Gog wame tiyequinare, Magog wame tiyequina gāhure mehono waharota. Sa ye tiquina

tiqiro mehoñene tãhoye, tiquina yequina surara parire cahmecoeta cahme wejêñe tehe. Surara pari peyequina ijietã. Pajiri ma cjê padu pjeri peye ti ijiro saha peyequina surara ijietã.

⁹ Sa ye ahri yehpapure waha siteye, Cohãcjũ yequina tiquina ijiri macare Cohãcjũ tiqiro cahĩdi macare majare behtoã cahmotaeta. Tiquina sa cahmotari bato Cohãcjũ tiquinare uhmũse cjã peca mehna uããadoque dijiorota.

¹⁰ Sa wahari bato wafũnora tiquinare mehoriqirore pecaru cohãnota. Ti peca pajiri ma yero saha ijiri peca azufre mehna uããari peca ijiri. Topu nũca cjũnora, “Cohãcjũ yere yahu muhtagu ijijã”, ni mehoriqiro gãhure cohã tuhasari. Topu tiquina ijigũ deco, ñamipũ gãhure sa ñano purĩducurota tiquinare.

Cohãcjũ masare buhiri dahre bato tire

¹¹ Came pajiro dujirore quehnoano yehserore puhtoro dujirore ihñau. Ti dujiro bui dujiriqiro gãhure ihñau. Ahri yehpa cjẽna gãhu uhmũse cjẽna gãhu tiqirore cueye, duhti oma cãã wahari. Sa duhtiepeta tiqirore duhtiyere cuedari.

¹² Sa yegu puhtoro potu yariariquina mũna tiquina ducugũ ihñau. Tiquina ihyo ijieyehna, puhtoa ijiriquina gãhu ijiri. Topu tiquina ducugũ ojoa ohõñe tjurire põori. Ti tjuri masa tiquina yerire tiquina ojoa ohõñe tjuri ijiri. Sa yero beseriqiro ti tjurire ihña tuhasa tiquina yerire masidi. Tire masino yariariquinare beseri ñãñequina, quehnoañequina gãhure. Came ape tju gãhure põori. Ti tju Cohãcjũ mehna sa ijiducuatiquinare tiquina wamene ojoa ohõri tju ijiri.

¹³ Came pajiri mapu, diaru gãhure yaria dijiariquina wahcã mũjaa wahari. Sa ye yehpa puhiaru ijieyehna, yariariquina tiquina ijioru ijieyehna gãhu mũjaa wahari. Tiquina sa mũja sagũ topu dujiriqiro tiquina yerire masi pehoru, tiquinare beseri ñãñequina, quehnoañequina gãhure.

¹⁴ Came yariarore, yariariquina tiquina ijiro gãhure cohã cãhri Cohãcjũ pari turi mari yariarore. Pecaru cohã cãhri. Ti peca pajiri ma yero saha ijiri peca pajiri peca ijiri. Pecaru wahayehna pehe pari turi yariaro saha wahare.

¹⁵ Sa yero sa ijiducuatiquina tiquina wamene Cohãcjũ tiqiro ojoa ohõri tju ijieyehna tiquina tiquina wamene ojoa ohõmehneñequina pehere pecaru cohãri tiqiro.

21

Uhmũsepu, ahri yehpa gãhure wahmare comesarota Cohãcjũ

¹ Came uhmũsepu, ahri yehpa gãhure wahmare tiqiro comesarore ihñau. Uhmũsepu iji muhtari, yehpapu iji muhtari, pajiri mapu iji muhtari gãhu pihitia wahari. Mariedari.

² Sa yegu yahu Ñu quehnoari macare, wahma macare Jerusalẽne ihñau. Ti maca uhmũsepu Cohãcjũ caharu dijia tagũ ihñau. Omoca dũhteatorore quehnoañe suhti mehna wahma sũore omoca dũhteatiqirore bucuegũ yero taro. Sata ti macare quehnoyuri jiri Cohãcjũ, tiqiro yequinare bucuegũ yero taro.

³ Tire yahu ihñari bato puhtoro dujiropu tiqiro saũducugũ tãhou:

—Ihñãña. YojoPURE masa watoaru ijiro nine Cohãcjũ. Tiquina mehna ijiorota tiqiro. Sa ye tiqiro yequina ijietã tiquina. Sa yero Cohãcjũ tiqiro basi tiquina mehna cjãno ijiro, tiquina yaqiro Cohãcjũ ijiorota.

⁴ Sa yero sa bucueducugũ yerota tiqiro tiquinare. Sa ye pari turi bujũã witisĩ tiquina. Sa ye ne pari turi yariasi tiquina. Ne ñano jeripohna tiye, utiye, purĩñe gãhu marisi tiquinare. Ahri ijieyehna panopu cjẽ ijiri pihitia waharota, ni saũducuro ca tari.

⁵ Came puhtoro dujiropu dujiriqiro ohõ saha nidi:

—Ihñãña. Ijieyehna wahma comesagũ yeitja, nidi.

Tiqiro sa nidi bato yũhure ohõ saha nidi tja:

—Ahri yahu niñene ojoa neña. Yahu niñe ijiorota ijire. Sa yero yahu nidiro sahata sa waharota. Sa yegu yahu niñene ojoa neña, nidi yũhure.

⁶ Came ohõ saha nidi tja yũhure:

—To punota ijijã. Yahu ijieyehna bujũmehnedigũ ijijã. Sa yegu ijieyehna pihitigũ yeacũ ijijã. Aco wũoyehna tutuaro tiquina acore cahmeno saha yũhũ caharu ahta duayehna yũhure cahmeeta. Sa ye yũhure yuhtietã. Yahu catigũ ye ye aco yero saha ijigũ ijijã. Yũhure cahmeñequina yũhũ mehna sa ijiducugũ yeitja tiquinare. Tiquina esa tuharo ye dutiro marieno, yũhũ tutuaye mehna yũhũ mehna sa ijiducugũ yeitja.

⁷ Ijieyehna yũhure wacũ tutua duhuyehna ohõ saha yeitja: Tiquina yaqiro Cohãcjũ ijieyehna. Sa ye tiquina pehe yũhũ pohna ijietã.

⁸ Sa ijieyehna cueye, yeere duhuyehna, yũhure cahmeñequina, ñã yũhũyere ye ye yehna, masare wejẽñequina, wũana tiye yehna, masare ujuayehna yero saha ye ye yehna yayia, “Cohãcjũ ijire”, tiquina niñe queoyere ño peoyehna, ijieyehna ni mehoñequina pecaru wahãeta. Topu pajiri ma yero saha ijiri peca pajiri peca azufre mehna uããano nine. Topu wahayehna pari

turi tiquina yariaro saha wahaye nine, nidi yuhare.

Wahma maca Jerusalēne yahuahye

⁹ Came ihcāquiro angel yuhū cahapū wihiri. Tiquire siete pari cūoyequina, tiquire buhiri dahre duti cūriquina angele mehna cĵano ijiri. Sa wihiro, ohō saha nidi yuhare:

—Ihñagū ahtaya. Cordero tiquire omoca dāhtericorore ihñoutja māhure, nidi angel yuhare.

¹⁰ Sa yero Espiritu Santo yuhare Cohācĵū ya macare ihñori. Ohō saha bajuro ihñori yuhare: Ūhmuanū canū buipū yuhare ne mujari. Tapū usā ijigū Jerusalēne Cohācĵū ya macare quehnoari macare ihñori yuhare. Cohācĵū cahapū ūhmusepū ijiri maca dijia taro nidi ahri yehpapū.

¹¹ Cohācĵū tiquire asi siteye mehna asi siteri maca ijiri ti maca. Wapa tiye utā yero saha asi siteri. Jaspe wame tiye utā yero saha asi siteri. Sa yero vidrio yero saha quehnoano aco sitiri maca ijiri ti maca.

¹² Sa yero pajiri sahrīno ūhmuari sahrīno tiquina sahrī sāri maca ijiri ti maca. Doce sopecahari tiri ti sahrīno. Ti sopecaharipe cohteri angele. Ti maca cĵē sope pahmaripū Israe masa cururi doce cururipe tiquina wame wahñari.

¹³ Asū mĵa taro pehe ti sahrīno cūori ihtia sopecaha. Sur cū pehe pehe ihtia sopecaha ijiri. Norte poto pehe ihtia sopecaha ijiri. Asū saĵāno pehe gūhare ihtia sopecaha ijiri. Ijiphtiro doce sopecahari waro cūori ti sahrīno.

¹⁴ Ti sahrīno doce utā paca bui pesari. Ti utā pacape Cordero cūrina doce tiquire cūrina usāpe wame wahñari.

¹⁵ Sa yero angel yuhare yahuriquire queoda uru mehna tiquina yedure cūori. Ti macare, ti maca cĵē sopecaharire, sahrīno gūhare queoro taro nidi.

¹⁶ Ti maca yoaro punota ehsaro gūhū to punota ehsari. Ūhmuanū gūhū to punota ūhmuari. Sa yero angel queoda mehna ti macare queori. Ti maca doce mil doscientos kilómetro yoari maca ijiri. To punota ehsari maca ijiri. To punota ūhmuari maca ijiri.

¹⁷ Sa yero ti maca cĵā sahrīnore queori angel. Sesento y cinco metro ūhmuari sahrīno ijiri. Masa mari queoro sahata queoro nidi tiquire angel.

¹⁸ Ti sahrīno jaspe wame tiye utā paca mehna tiquire yeri sahrīno ijiri. Sa yero ti maca pehe uru mehna tiquire yeri maca ijiri. Ti uru wete marieñe ijiro quehnoano asi siteri.

¹⁹ Ti sahrīno docapū ijiye utā pacapure peye sijoro saha ijiye wapa tiye paca wahñari. Ti utā paca sahrīnopū pesaye paca doce paca ijiri. Iji māhtaria utāre jaspe wame tiye utā wahñari. Ti paca bato ijiria

utāre zafiro wame tiye utā wahñari. Paaria bato ijiria utāre ágata wame tiye utā wahñari. Ihtiarria bato ijiria utāre esmeralda wame tiye utā wahñari.

²⁰ Pititiarria bato ijiria utāre ónice wame tiye utā wahñari. Ihcā omope paca bato ijiria utāre cornalina wame tiye utā wahñari. Seis paca bato ijiria utāre crisólito wame tiye utā wahñari. Siete paca bato ijiria utāre berilo wame tiye utā wahñari. Ocho paca bato ijiria utāre topacio wame tiye utā wahñari. Nueve paca bato ijiria utāre crisoprasa wame tiye utā wahñari. Diez paca bato ijiria utāre jacinto wame tiye utā wahñari. Once paca bato ijiria utāre amatista wame tiye utā wahñā bato tiri.

²¹ Sa ye doce sope pahmari doce perla mehna tiquire yeri pahmari ijiri. Ti pahmaripe ihcā pje perla pje mehna tiquire yeri pahmari ijiri. Sa yero ti maca cĵā maha uru mehna tiquire yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

²² Ti macapū Cohācĵū wuhare ihñedu. Mariedari. Ti macapū ijiphtiropū mari puhtorore Cohācĵū tutua yuhduariquirore, Cordero gūhare ño peore masa. Sa yero ti maca ijiphtiro Cohācĵū wuhū yero saha ijiri.

²³ Sa yero ti macapū Cohācĵū tiquire asi siteye quehnoano buhriori. Cordero gūhū sihāria yero saha buhriori. Sa ye asū deco cĵūno gūhare ñami cĵūno gūhare topū tiquina buhriogū cahmedari.

²⁴ Sa ye ahri yehpapū ti buhrioye mehna ijieta ijiphtiro cĵēna. Sa ye ijiphtiyē yehpari cĵēna puhtoa ti macapū quehnoa yuhdūayere tiquina cūoyere ne wihieta.

²⁵ Sa ye decore ti maca cĵē sopecahari pōori sopecahari ijieta. Topure ne ñami marisi. Sa ye ti sopecaharire ne bihasi. Sa susuducrota.

²⁶ Sa ye ahri yehpari cĵēna quehnoañene tiquina cūoyere ti macapū ne wihieta.

²⁷ Ñañe pehere ti macapū ne ne wihisi. Bue tigū yeyequina, ñañene yeyequina gūhū ti macapū ne wahasi. Mehñequina gūhū ne wahasi. Cordero tiquire ojoari tĵupū tiquina wame wahñañequina dihita ti macapū wahaeta. Ti tĵu tiquire yuhdūoriquina tiquina wamene tiquire ojoa ohōri tĵu ijire. Ti tĵupū tiquina wame wahñañequina sa ijiducuenta.

22

¹ Came quehnoari mare catigū yeri mare ihñori yuhare angel. Ti ma quehnoano aco sitiri ma Cohācĵū, Cordero gūhū tiquina dujiropū ahtari ma ijiri.

² Sa yero ti maca cĵā maha deco buruari ti ma. Ti ma pua peheri dūhtū cahapū catigū yeye cĵū ducuri. Ti cĵū asāripe dūca tiri. Ihcā cahmare doce tahari dūca tiri. Sa ye ti cĵū cĵē

pūri mehna quehnoano aco tieta ahri yehpa cjēna.

³ Ti macare ne ñañe buhiri dahreati marisi. Ti macarᵐ Cohācjū dujiro ijirota. Cordero dujiro gāhᵐ ijirota topᵐ. Sa ye ijipihitiyequina masa topᵐ ijijequina tiquina cahacjēna tiquina poto dusepe curi mehna quehe sa, tiquinare ño peoeta. Sa yero topᵐ ñañe ne marisi.

⁴ Tiquina Cohācjūre ihña piti ca dujieta. Sa ye tiquina wāhdoa pacarᵐ tiquiuro wame wahñañequina ijietā.

⁵ Topure ñami ne marisi. Sa ye sihāñe paca gūhare cahmesi topᵐ ijijequina. Asū buhriogᵐ gūhare cahmesi. Mari puhtoro Cohācjū buhriorota. Sa ye ti macarᵐ ijijequina ape sie cjēna puhtoā ijiducuetā.

Jesucristo ahri yehparᵐ tiquiuro tojoa tato mehenogā dūhsare

⁶ Came angel yūhare ohō saha nidi:

–Ijipihitiye ahri tiquina yahuri ijirota ijire. Sa ye tiquina nidiro sahata waharota. Mari puhtoro Cohācjū tiquiuro yere yahu mūhtariquinare masigū yeriquiuro ijire. Tiquiuro pehe yojoᵐpe tiquiuro yaquiuro angelre ohori tiquiuro cahacjēnare masigū yero taro. Came cjūnogā dūhse wahatire masigū yero taro tiquiuro yaquiuro angelre ohori, nidi angel yūhare.

⁷ Jesu pehe ohō saha nidi:

–Tūhoya mūsa. Mehenogā dūhsare yūhᵐ tojoa tato. Ahri pū cjē yahuyere yūhdūdcayequina bucuyequina ijietā, nidi Jesu.

⁸ Yūhᵐ Ñu ahri ijipihitiye yūhᵐ ojoa nedire tūhou. Sa yegᵐ tire ihñāu. Sa yegᵐ yūhᵐ tūhori bato, yūhᵐ ihñari bato yūhare ihñoriuro angel poto dusepe curi mehna quehe sami. Tiquiore ño peogᵐ tūhᵐ nimi.

⁹ Yūhᵐ sa yegᵐ ihñāno ohō saha nidi yūhare:

–Sa yeracāhña. Mūhᵐ yero saha yūhᵐ gāhᵐ Cohācjū cahacjūta ijiaja. Mūhᵐ acaye Cohācjū yere yahu mūhtariquina, ijipihitiyequina ahri pū cjē dutiyere yeyequina gāhᵐ tiquina ijiro saha yūhᵐ gāhᵐ Cohācjū cahacjūta ijiaja. Sa yegᵐ Cohācjū poto dusepe curi mehna quehe sa, tiquiuro pehere ño peoya, nidi angel yūhare.

¹⁰ Sa yero ohō saha ni yahu nemori yūhare:

–Ahri pūᵐ came dūhse wahatire yahure. Sa wahato mehenogā dūhsare. Sa mehenogā dūhsagū ahri pūᵐ yahurire nuoedacāhña mūhᵐ.

¹¹ Ti pje yūhᵐ yahuri pje ñañequina pehe sa yeducucūnahdo ñañene. Nābutiayequina gāhᵐ ña yūhdūaro yeducucūnahdo. Quehnoañequina pehe quehnoano yeducuahro. Sa ye ñañe marieñequina gāhᵐ ñañe

marieñequina sa ijiducuahro ti pje, nidi angel yūhare.

¹² Ohō saha nidi Jesu:

–Tūhoya mūsa. Mehenogā dūhsare yūhᵐ tojoa tato. Mū sare yeequinare yūhᵐ ohoatire ne cāhtagᵐ tūhᵐ niaja. Sa yegᵐ quehnoañene mūsa yeri wapa mū sare quehnoano yeitja.

¹³ Yūhᵐ ijipihitiye bajumehnedigᵐ ijiaja. Sa yegᵐ ijipihitiye pihtigᵐ yeacᵐ ijiaja.

¹⁴ Ijipihitiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macarᵐ esaeta. Sa ye ti maca cjē cᵐ catiyere ohoye cᵐ dūcare ihyaeta. Sa ye bucuyequina ijietā tiquina, nidi Jesu.

¹⁵ Ti macarᵐ eseyequina pehe ahriquina ijire: Ña yūhdūayequina, masare ujuayequina yero saha yeyequina yayia, wūana tiyequina, masare wejēñequina, “Cohācjū ijire”, tiquina niñe queoyere ño peoyequina, ni meho peyayequina gāhᵐ ijire ti macarᵐ eseyequina.

¹⁶ Sa yero ohō saha ni yahu nemori Jesu:

–Yūhᵐ, Jesu, yaquiuro angelre ohou mū sare yeequinare ahri pū cjēne yahugᵐ tūhᵐ. Puhtoro Davi panami iji turiagu ijiaja yūhᵐ. Yūhᵐ bohrearia yero saha ijigᵐ ijiaja, ni yahu nemori Jesu.

¹⁷ Espiritu Santo Jesure “Tojoa taya”, nine. Jesu yequina tiquiuro omoca dūhteaticoro yero saha ijijequina gāhᵐ “Tojoa taya”, nine. Ijipihitiyequina tiquina “Tojoa taya”, nidire tahoyequina gāhᵐ “Tojoa taya”, ni-ahdo Jesure.

Aco wūoyequina acore tutuaro tiquina cahmeno saha Cohācjū caharᵐ waha duana Jesure tutuaro cahmeña. Tiquiuro catigᵐ yeye aco yero saha ijire. Tiquiore cahmeñequinare ūhmūseᵐ sa ijiducugᵐ yerota Cohācjū. Tiquina esa tūhoro ye dutiro marieno Jesu yedohoro mehna sa ijiducugᵐ yerota.

¹⁸ Yūhᵐ Ñu, ijipihitiye ahri pū cjē Cohācjū yere tūhorinare mū sare ohō saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohācjūre yūhdūdcayē nine. Tiquina sa yūhdūdcagᵐ ihñāno ijipihitiye ahri pūᵐ tiquiuro buhiri dahreatire tiquiuro yahuriro sahata cūnota tiquina gāhᵐ. Sa yero sata tiquina gāhᵐre buhiri dahrerota.

¹⁹ Sa ye ahri pū cjē yahuyere yahu dūhayequina Cohācjūre yūhdūdcayequina ijire. Tiquina sa yūhdūdcagᵐ ihñāno catigᵐ yeye cᵐ dūcare tiquinare ihya dutisi. Sa ye sa ijiducusi tiquina. Sa yero tiquiuro ya macarᵐ quehnoari macarᵐ waha dutisi. Ti cᵐ, ti maca gāhᵐ ahri pūᵐ tiquina yahuripᵐ ijire.

²⁰ Ijipihitiye ahri pū cĵēne yahuriquiro ohō saha nine:

—Sa tjire. Mehenogā dāhsare ahri yeh-papn yāhā tojoa tato, nine tiquiro.

Sa tjiya. Ĥsā pāhto Jesu, tojoa taya.

²¹ Mari pāhtoro Jesu tiquiro yedohoro mehna ijipihitina māsa quehnoano ijiya.